


परमेश्वर उन खरा वचन



The Holy Bible in the Holiya language of India: परमेश्वर उन
खरा वचन

परमेश्वर उन खरा वचन

The Holy Bible in the Holiya language of India: परमेश्वर उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2023-04-08

PDF generated using Haiola and XeLaTeX on 19 Sep 2023 from source files dated 9 Apr 2023
3943f9d0-5b35-54ad-8e8f-1b7bf74924c6

Contents

मत्ती	1
मरकुस	49
लूका	82
यूहन्ना	133
परैरतिगोळ	165
रोमयिं	208
१ कुरनिथि	227
२ कुरनिथि	245
गलातगोळ	257
इफसिगोळ	264
फलिपिपगोळ	271
कुलुससगोळ	276
१ थसिसलुनीका	282
२ थसिसलुनीका	287
१ तीमुथयिस	290
२ तीमुथयिस	296
तीतुस	300
फलिमोन	303
इब्रानगोळ	305
याकूब	320
१ पतरस	325
२ पतरस	331
१ यूहन्ना	335
२ यूहन्ना	341
३ यूहन्ना	343
यहूदा	345
प्रकाशतिवाक्य	347

मत्ती स्वति यीशु मसीह का सुस्माचार मत्ती इन द्वारा लखिसद यीशु मसीह अन्द खुशखबरी परकिय

मत्ती इन अनुसार खुशखबरी व्हाशोद नयिम दा नाक कतिबगोळ दा टु ऊंद हुन जो यीशु मसीह अन्द जीवन इन बारा दा हेळतद. अदुर दा टु हर ऊंद कतिब इक “खुशखबरी अनकु आगतद, यदुरद मतलब खुशखबरी.” अवरी मत्ती, मरकुस, लूका अदकि यूहन्ना द्वारा यीशु उन सोत्तुर बाददा लखिसकु आग्याद. याग मत्ती इन अनुसार खुशखबरी लखिसकु आगीत, रा ग्यानी लॉकुरी सही तारीख मालूम हैलेच, लेकीन आग सकतद ईद यीशु मसीह इन जनम इन लगभग ६० साल इन बाददा आगीत. इदुर अलावा, अद जागा येल आद ईद लखिसकु आगीत, मालूम हैलेच, लेकीन हापाळ सा लॉकुर अनुमान हचतार कि ईद फलिसितीन दा लखिसकु आग्याद अदकि शायद आग सकतद कि यरूशलेम नगर दा भी लखिसकु आग्याद.

लेखक मत्ती हुन, जो यीशु से पयले ऊंद कर ताकोमावाळा ईरोन, आव आंदरी तान चेला बनसोर साटी अंदुन. आंदरी लेवी हेसुर देल भी अरोर. मत्ती हन्नेळ प्रेरतिगोळ दा टु ऊंद ईरोन अदकि आव यहूदी लॉकुर साटी लखिसीदुन. ईद हाळोद नयिम इन शास्त्रगोळ्द ६० से यक्कुल संदर्भगोळ देल साफ रूप देल नोळकु आग सकतद. आव ईद तोरसोद इरादा माळदुन कि यीशु मसीह ईरोन, परमेश्वर उन नविळुसत उद्धारकर्ता, यार बारा दा भवषियवाणी माळकु आगीत. मत्ती भी परमेश्वर उन राज्य अन्द बारा दा हापाळ येनारा लखिस्यान. यहूदीगोळ इक उम्मीद ईरोद कि मसीह ऊंद राजनीतिक राज्य अन्द राजा बनस्यान. मत्ती परमेश्वर उन आध्यात्मिक साम्राज्य अन्द वर्णन माळकु आ वशिवास इक चुनौती कोळोर साटी हापाळ सावधानी बरतुसतान.

मत्ती इन अनुसार खुशखबरी व्हाशोद नयिम इक शूर माळोर साटी ऊंद वळ्ळीद कतिब आद, यतकी हाळोद नयिम इन सप्पा संदर्भगोळ्द कारण. ईव येढ्ढ नयिमगोळ इक जोळ्सताव. ग्यानी लॉकुर ईद भी सुझाव कोट्टुर कि मत्ती मूसा अन्द कतिबगोळ्द रूप इन नकल माळोद कोशशि माळतीदार, जो हाळोद नयिम इन पयला अईद कतिबगोळ हु. पहाळी मा यीशु उन उपदेश ५-७ इन तुलना परमेश्वर उक मूसा अन नयिम कोळोर सांगुळ आग सकतद. व्यवस्थाविवरण १९:३-२३:२५.

रूप रेखा

1. मत्ती खुशखबरी इक यीशु मसीह अन्द जनम अदकि आंदुर मंत्रालय इन सुरूवात इन बारा दा हेळकु सुरू माळतान. १-४
2. इदुर बाददा मत्ती यीशु उन बारा दा अदकि आंदुर हापाळ सा उपदेशगोळ्द वर्णन माळ्यान ५-२५
3. मत्ती अन्द आखरी खंड आंदुर सायोद अदकि पुनरूत्थान दा यीशु मसीह अन्द मंत्रालय इन शखिर इन बारा दा आद २६-२८

यीशु उन लखिसद वंशावली (लूका ३:२३-३८)

- 1 अब्राहम उन पार, दाऊद उन पार, यीशु मसीह अन्द वंशावली ई प्रकार देल आद.
- 2 अब्राहम देल इसहाक पैदा आदुन, इसहाक देल याकूब, याकूब देल यहूदा अदकि आऊन वारटुर पैदा आदुर.
- 3 यहूदा अदकि तामार देल फरिसि अदकि जोरह पैदा आदुर, फरिसि देल हसित्रोन, अदकि हसित्रोन देल एराम पैदा आदुन. 4 एराम देल अम्मीनादाब पैदा आदुन, अम्मीनादाब देल नहशोन, अदकि नहशोन देल सलमोन पैदा आदुन. 5 सलमोन अदकि राहाब देल बोअज पैदा आदुन, बोअज अदकि रूत देल ओबेद, अदकि ओबेद देल यशै पैदा आदुन.

6 *अदकि यशै देल दाऊद राजा पैदा आदुन. अदकि दाऊद देल सुलैमान, आ आरत इन व्हाट्या टु पैदा आदुन जो पयले उरय्याह अन्द हगिस् ईरोर. 7 सुलैमान देल रहबाम पैदा आदुन, रहबाम देल अबय्याह, अदकि

अबयियाह देल आसाफ पैदा आदुन. 8 आसाफ देल यहोशाफात पैदा आदुन, यहोशाफात देल योराम, अदकि योराम देल उज्जयियाह पैदा आदुन. 9 उज्जयियाह देल योताम पैदा आदुन, योताम देल आहाज, अदकि आहाज देल हजिकयियाह पैदा आदुन. 10 हजिकयियाह देल मनश्शहि पैदा आदुन, मनश्शहि देल आमोन, अदकि आमोन देल योशयियाह पैदा आदुन. 11 अदकि बाक इस्त्राएल इन लॉकुरी बंदी माळकु बेबीलोन ओया होती योशयियाह देल यकुन्याह, अदकि आऊन वार्टुर पैदा आदुर.

12 बंदी आगकु बेबीलोन पोहचुसदुर बाददा यकुन्याह देल शालतएल पैदा आदुन, अदकि शालतएल देल जरूबाबलि पैदा आदुन. 13 जरूबाबलि देल अबीहूद पैदा आदुन, अबीहूद देल इल्याकीम, अदकि इल्याकीम देल अजोर पैदा आदुन. 14 अजोर देल सदोक पैदा आदुन, सदोक देल अखीम, अदकि अखीम देल इलीहूद पैदा आदुन, 15 इलीहूद देल इलियाजार पैदा आदुन, इलियाजार देल मत्तान, अदकि मत्तान देल याकूब पैदा आदुन. 16 याकूब देल यूसुफ पैदा आदुन, जो मरयिम इनव गांड ईरोन, अदकि मरयिम देल यीशु जो मसीह कहलुस्तान, पैदा आदुन.

17 ईद प्रकार अब्राहम टु हुळकु दाऊद ताका चौदा पीढी आदव, अदकि दाऊद टु बेबीलोन इक बंदी आगकु पोहचुसकु आगासताका चौदा पीढी, अदकि बंदी आगकु बेबीलोन इक पोहचुसकु आगा समय टु मसीह ताका चौदा पीढी आदव.

यीशु उन जनम

(लूका १:२६-३८; २:१-७)

18 *यीशु मसीह अन्द जनम इत्ता प्रकार देल आत, कि याग आऊन मोय मरयिम इन सगाई यूसुफ उन सांगुळ आगेत, रा आंदुरद मलिन आगेत से पयले अच आक पवतिर आत्मा दी टु व्हाट्या दी ईरोर. 19 इदुरसाटी आकनि गांड यूसुफ जो न्यायी मंळसा ईरोन अदकि आकी बदनाम माळोद ईला चाहासोन, आकी चुपचाप बटिट बुळोद वचिर माळदुन. 20 याग आव ईव मातगोळद सोच दा का ईरोन रा प्रभु उन स्वर्गदूत आऊक कान्सा दा कांळसकु अनली कुरतुन, “हे यूसुफ! दाऊद उन पार, नी मरयिम उक हगिस माळली अंजबाळ, यतकी जो आकनि गर्भ दा आद, अद पवतिर आत्मा दी टु आद. 21 *आक पार उक हाळदार अदकि नी आऊन हेसुर यीशु ईटेत, यतकी आव तान लॉकुरी आंदुर पापगोळ देल बळिस्यान.”

22 *ईद सब इदुरसाटी आत कि जो वचन प्रभु भवषियवक्ता अन्द द्वारा अंददिन, अद पुरा आगुल: 23 “ऊंद कुवारा पोर व्हाट्या दी ईत्तार अदकि ऊंद पार उक हाळदार, अदकि आऊन हेसुर इम्मानुएल ईटकु आदीत,” यदुरद मतलब आद, “परमेश्वर नाम सांगुळ.”

24 आग यूसुफ जप दा टु यदकु प्रभु अन्द स्वर्गदूत उन आग्या अन्द अनुसार मरयिम उक हगिस माळकु मान्या तंदुन; 25 *अदकि यागासताका आक पार हाळददिल आगासताका यूसुफ आकनि हात्ती होगीदलि: अदकि आव आ पार उन हेसुर यीशु ईटदुन.

2

पूर्व दशिया नोर पाऊनागोळद यीशु से मुलाकात

1 हेरोदेस राजा अन्द दनिगोळ दा याग यहूदिया प्रदेश इन बैतलहम ऊरा यीशु उन जनम आत, रा नोळी, पूर्व दशिया टु हापाळ सा जानकार लॉकुर यरूशलेम दा बंदकु केळली कुरतुर, 2 “यहूदीगोळव राजा यार्द जनम आग्याद, यल आन? यतकी नाव पूर्व दा आऊन तारा नोळेव, अदकि नाव आऊक प्रणाम माळली बंदेव.”

3 ईद केळकु हेरोदेस राजा अदकि आऊन सांगुळ पुरा यरूशलेम घबरूसेत. 4 आग आव यहूदी समाज इन सप्पा प्रधान याजकगोळी अदकि शास्त्रीगोळी जमा माळकु आंदुर से केळदुन, “कि मसीह अन्द जनम यल आग पायजे.” 5 आंदुर आऊन से अंदुर, “यहूदिया अन्द बैतलहम दा, यतकी परमेश्वर उन भवषियवक्ता अन्द द्वारा ईद लखिसकु आग्याद: 6 हे बैतलहम, नी जो यहूदा अन्द प्रदेश दा आय, नी यातोदारा भी रीतदिल यहूदा अन्द अधिकारीगोळ दा सब से स्याणेव हैलेच; यतकी नीन दा टु ऊंद अधपिती होटान, जो नान प्रजा इस्त्राएल इन रखवाली माळ्यान.”

7 आग हेरोदेस जानकारगोळी चुपचाप कारूकु आंदुर से केळदुन कि तारा ठीक याता समय दा कांळसीत, 8 इदुरसाटी आव ईद अनकु आंदरी बैतलहम कळदुन, “होगी, आ पार उन बारा दा बेस-बेस मालूम माळी, अदकि याग आव सकिकेदान रा नानी बातणी कोळी ताकी ना भी बंदकु आऊक प्रणाम माळाईन.”

9 आंदुर राजा अन्द मात केळकु होटोदुर, अदकि जो तारा आंदुर पूर्व दी नोळीदुर अदा तारा आंदुर मुंद-मुंद नळोद; अदकि यल चगिंद ईरोद, आ जागा अन्द म्याकुच पोहचुस्कु रूकसेत. 10 आ तारा अक नोळकु आंदुर हापाळ खुश आदुर. 11 आंदुर आ मान्ना दा पोहचुस्कु आ पार उक आऊन मोय मरयिम इन सांगुळ नोळदुर, अदकि बांगकु आ पार उक प्रणाम माळदुर, अदकि तान-तान झ्वारा खोल्सकु आऊक व्हान्ना, लुबान, अदकि गन्धरस इन भेट येरसदुर.

12 आग परमेश्वर कान्सा दा आंदरी चेतावनी कोटकु ईद अंदुन कि हेरोदेस उन हात्ती मात्त होगबाळेतीर, आंदुर दुसरा हादी देल तान द्याश दा होटोदुर.

मसित्त्र द्याश इक होगोद

13 आंदुर होगदुर बाददा प्रभु उन ऊंद स्वर्गदूत कान्सा दा यूसुफ उक कांळसकु अंदुन, “येळ, आ पार उक अदकि आऊन मोय इक हुळकु मसित्त्र द्याश इक ओळग; अदकि यागासताका ना नीन से अनालीन, आगासताका अल्या ईरेत; यतकी हेरोदेस ई पार उक हुंढसेत्यान कि आऊक कोन्सुस बुळुल.”

14 आग आव ईळकी इच यदकु पार अदकि आऊन मोय इक हुळकु मसित्त्र द्याश इक ओळेदुन, 15 अदकि हेरोदेस उन सायास्ताका अल्या ईत्तुन. इदुरसाटी कि अद वचन जो प्रभु भवषियवक्ता अन्द द्वारा अंददिन अद पुरा आगुल: “ना तान पार उक मसित्त्र द्याश टु कारसदनि.”

चकिरी कोननोद

16 याग हेरोदेस ईद नोळदुन, कि तारागोळद बारा दा जानकारी ताकोमावाळेर जानकार लॉकुर आऊन सांगुळ धवाका माळदुर, आग आव सटिट देल बेक्की घाई आगेदुन, अदकि लॉकुरी कळकु जानकार लॉकुर द्वारा तारा नोळोद समय इन अनुसार बैतलहम अदकि अदुर आसपास इन जागा अन्द सप्पा चकिरी जो येढ्ढ वर्ष इनोर या आंदुर से स्याणेर ईरोर, कोन्सुस बुटुन. 17 आग अद वचन जो यरिमयाह भवषियवक्ता अन्द द्वारा अंदकु आगीत, अद पुरा आत: 18 “रामाह ऊर दा दुख भरा ऊंद आवाज केळ बत्त, वोरलोद अदकि हापाळ गयरा वलिाप इन ईरोद; राहेल तान चकिर साटी वोरलोर, अदकि शांत आगोद ईला चाहासोर, यतकी ईंग आ चकिर सोतोगीदुर.”*

मसित्त्र द्याश टु वापस बरोद

19 हेरोदेस उन सोत्तुर बाददा, प्रभु उन स्वर्गदूत मसित्त्र दा यूसुफ उक कान्सा दा कांळसकु अंदुन. 20 “येळ, पार उक अदकि आऊन मोय इक हुळकु इस्त्राएल इन द्याश दा होटोग, यतकी जो पार उन जीव ताकोमोद चाहासोर, आंदुर सोतोग्यार.”

21 यूसुफ येददुन, अदकि पार उक अदकि आऊन मोय इक सांगुळ हुळकु इस्त्राएल इन द्याश दा बंदुन. 22 लेकीन ईद केळकु कि अरखलियास तान आप्प हेरोदेस उन जागा दा यहूदिया मा राज्य माळेत्यान, अल होगोर से अंजदुन. बाक कान्सा दा परमेश्वर उन दी टु बातणी ताकोमकु गलील प्रदेश दा होटोदुन. 23 *आव अल नासरत हेसुर इन नगर दा होगकु कुरतुन, ताकी अद वचन पुरा आगुल, जो भवषियवक्तागोळ द्वारा अंदकु आगीत: “आव नासरी कहलुस्यान.”*

3

बपतसिमा कोळावाळा यूहन्ना अन्द उपदेश

(मरकुस १:१-८; लूका ३:१-१८; यूहन्ना १:१९-२८)

1 आ दनिगोळ दा बपतसिमा कोळावाळा यूहन्ना बंदकु यहूदिया अन्द आळी दा ईद प्रचार माळली कुरतुन: 2 * “पापगोळ देल मन तरिगुसी, यतकी स्वर्ग इन राज्य हात्ती होट बंदाद.” 3 इव आवा हुन यार्द मातकात यशायाह भवषियवक्ता अन्द द्वारा माळकु आग्याद: “आळी दा ऊंद कारावाळा अन्द आवाज केळ बरेत्याद,

* 2:15 २:१५ होशे ११:१ * 2:18 २:१८ यरिमयाह ३१:१५ * 2:23 २:२३ मरकुस १:२४; लूका २:३९; यूहन्ना १:४५ * 2:23 २:२३ लूका ८:१७ * 3:2 ३:२ मत्ती ४:१७; मरकुस १:१५

कि प्रभु उन हादी तयार माळी,
आऊन सळकगोळी सरका माळी.”*

4*ईव यूहन्ना ऊंट इन चुट्टीगोळ्द फळक्या हाककु अदकि नेळु मा तोगुल इन पट्टा कटक ईरतोगोन. फाफा* अदकि आळी दाकळोद शयद तनितोगोन. 5 आग यरूशलेम अदकि पुरा यहूदिया प्रदेश, अदकि यरदन गांगा अन्द आस-पास इन सप्पा क्षेत्तर अन ईरावाळेर लॉकुर आऊंद हात्ती बंदकु जमा आदुर. 6 आंदुर तान-तान पापगोळी मान्सकु यरदन गांगा दा आऊन से बपतस्मा ताकोडुर.

7 *याग आव हापाळ सा फरीसी अदकि सद्कीगोळी बपतस्मा ताकोमोर साटी तान हात्ती बरत नोळदुन, रा यूहन्ना अंदुन, “हे हाव इन चकिरा, याव नीमी चतरा माळ बुटुन कि परमेश्वर उन बरावाळा प्रकोप देल ओळी? 8 इदुरसाटी हगि मातगोळ माळी जो नीम पश्चाताप इक तोरसतद, 9 *अदकि तान-तान मन दा ईद वचारि माळबाळी कि नाम आप्प अब्राहम हुन; यतकी ना नीम से अनतीन कि परमेश्वर ई कल्लगोळ देल भी अब्राहम उन साटी औलाद पैदा माळ सकतान. 10 *ईग कोळली मार्रगोळ्द जळी मा ईटकु आद, इदुरसाटी जो-जो मार्र वळ्ळीद काय तराल, अदरी कळकु अदकि बेक्की दा हाककु आदीत. 11 ना रा नीर देल नीमी मन तरिगुसोद बपतस्मा कोळतीन, लेकीन जो नान बाद्दा बरावाळा आन, आव नान से ताकतवर आन; ना रा आऊन केरू तेगा लायक भी हलैच. आव नीमी पवतिर आत्मा अदकि बेक्की देल बपतस्मा कोट्टान. 12 आऊन मार्र आऊन कय दा आद, अदकि आव तान केई वळ्ळीद तरीका देल साफ माळ्यान, अदकि तान गोदीगोळी रा द्वाला दा जमा माळ्यान, लेकीन भूसा अन्द गवान्डा अक आ बेक्की दा होताक्यान जो यागलु नुनाल्द.”

यीशु उन बपतस्मा

(मरकुस १:९-११; लूका ३:२१,२२; यूहन्ना १:३१-३४)

13 आ समय यीशु गलील टु यरदन गांगा अन्द कनिरा मा बपतस्मा कोळावाळा यूहन्ना अन्द हात्ती आऊन से बपतस्मा ताकोमली बंदुन. 14 लेकीन यूहन्ना ईद अनकु आऊक रोकसली कुरतुन, “नानी रा नीद कय देल बपतस्मा ताकोमोद जरवत आद, अदकि नी नान हात्ती बंद्या?” 15 यीशु आऊक ईद उत्तर कोट्टुन, “ईग रा हगि अच आगगोळ, यतकी नामी ईदा रीतदिल सप्पा न्यायीपन इन क्याल्सागोळी पुरा माळोद उचति आद.” आग यूहन्ना आऊन मात मान्स कोडुन.

16 अदकि यीशु बपतस्मा ताकोमकु तुरन्त नीर दा टु म्याकुच बंदुन, अदकि अदा समय आऊन साटी स्वर्ग खुल्सेत, अदकि आव परमेश्वर उन आत्मा अक कबूतर इन घाई ईळुतेला अदकि तान म्याकुच बरतेला नोळदुन. 17 *अदकि स्वर्ग टु ईद आकाशवाणी आत “ईव नान प्रयि पार हुन, ईऊन से ना हापाळ खुश आईन.”

4

यीशु उन परीक्षा

(मरकुस १:१२-१३; लूका ४:१-१३)

1 *आग पवतिर आत्मा यीशु उक सुनसान जागा दा ओईत ताकी शैतान उन द्वारा आऊन परीक्षा आगुल. 2 आव चालीस दनि, अदकि चालीस ईळ्लक, उपास माळ कोडुन, आग आऊक हशु हत्त. 3 आग परखुसावाळा शैतान हात्ती बंदकु आऊन से अंदुन, “अगर नी परमेश्वर उन पार हुय, रा अंदकोम, कि ई कल्ल रोट्टगोळ बंसेगुल.”

4 यीशु उत्तर कोट्टुन: “शास्त्र दा लखिसकु आद, ‘मळसा सर्फि रोट्टी देल अच जत्तिता ईरतीदील, लेकीन हर ऊंद वचन देल जो परमेश्वर उन बाय देल होळतद.’ ”

5 आग शैतान यीशु उक यरूशलेम इन पवतिर नगर दा ओईत अदकि मंदिर इन स्यांडा मा नीदरूस्त, 6 *अदकि आऊन से अंत, “अगर नी परमेश्वर उन पार हुय, रा तान तान इक ल्यालमा केळ्दबुळ; यतकी शास्त्र दा लखिसकु आद: ‘आव नीन बारा दा तान स्वर्गदूतगोळी आग्या कोट्टान, अदकि आंदुर नीनी कयगोळ दा नेगु कोडार; ईलारा हगि आगबाळुल कि नीन कालगोळी कल्ल देल टेस हत्तुल.’ ”

7 *यीशु आऊन से अंदुन, शास्त्र दा ईद भी लखिसकु आद: “नी प्रभु तान परमेश्वर उन परीक्षा माळबाळ.”

* 3:3 ३:३ यशायाह ४०:३ * 3:4 ३:४ २ राजा १:८ * 3:4 ३:४ फाफा-मतलब टडिडियाँ * 3:7 ३:७ मत्ती १२:३४; २३:३३ * 3:9 ३:९ यूहन्ना ८:३३ * 3:10 ३:१० मत्ती ७:१९ * 3:17 ३:१७ मत्ती १२:१८; १७:२; मरकुस १:११; लूका ९:३५ * 4:1 ४:१ इब्रानगिळ २:१८; ४:१५ * 4:6 ४:६ भजन संहिता ११:११-१२ * 4:7 ४:७ व्यवस्थाविवरण ६:१६

8 बाक शैतान यीशु उक ऊंद हापाळ ऊँचा पहाळी मा ओईत अदकि पुरा दुनिया अनंद राज्य अदकि अदुर्द वैभव तोरसकु, 9 आग शैतान यीशु से अंत, “अगर नी बांगकु नानी प्रणाम माळ्या, रा ना ईद सब कुछ नीनी कोट बुळाईन.”

10 ✨ आग यीशु आ शैतान उक उत्तर कोट्टुन, “हे शैतान दुर आगेग, यतकी शास्त्र दा लखिसकु आदः नी तान प्रभु परमेश्वर उन भक्ती माळ, अदकि सरिफ आऊंदा उपासना माळ.”

11 अदकि नोळी शैतान आऊन हात्ती टु होटोत, अदकि स्वर्गदूत बंदकु आऊन स्यावा माळली कुरतुर.

यीशु उन स्यावा-कार्य अनंद सूरवात

(मरकुस १:१४,१५; लूका ४:१४; १५)

12 ✨याग यीशु ईद केळदुन की बपतसिमा कोळावाळा यूहन्ना बंदी माळकु आगेग्यान, रा आव गलील इक होटोदुन. 13 ✨अदकि आव नासरत इक बटिकु कफरनहूम नगर दा बंदुन, जो झील इन कनारा जबूलून अदकि नप्ताली इन द्याश दा आद, होगकु ईरली कुरतुन; 14 ताकी जो यशायाह भवषियवक्ता अनंद द्वारा अंदकु आगीत, अद पुरा आगुलः

15 “जबूलून अदकि नप्ताली इन द्याश,
झील इन हादी देल यरदन इन आप्पाटी,
गैरयहूदीगोळ द्याश गलील दा!

16 जो लॉकुर अंधार जदिगी माळोर,
आंदुर ऊंद धोळ्द महान ज्योती नोळदुर;
अदकि जो मृत्यु उन द्याश अदकि सावली दा कुरतकु ईरोर,
आंदुर मा ज्योती चमकुस्त.”

17 ✨आ समय टु यीशु प्रचार माळोद अदकि ईद अनोद सूरवात माळदुन, “तान पापगोळ देल मन तरिगुसी यतकी स्वर्ग इन राज्य हात्ती होट बंदाद.”

नाक मेन हुडावाळेरी कारोद

(मरकुस १:१६-२०; लूका ५:१-११; यूहन्ना १:३५-४२)

18 गलील इन झील इन कनारा वयाळतेला यीशु येढ्द वार्टुरी मतलब शमौन उक जो पतरस कहलुस्तान, अदकि आऊन वार्ट अनर्दरियास उक झील दा जार हाकत नोळदुन; यतकी आंदुर मेन हुडावाळेर ईरोर. 19 यीशु आंदुर से अंदुन, “नान हदि बरी, रा ना नीमी मंळसागोळी ह्यांग परमेश्वर उन राज्य दा तरतार अद कलसाईन.”

20 आंदुर तुरन्त जारगोळी बटिकु आऊन हदि होटोदुर.

21 अल टु मुंद वाळुसकु, यीशु मात्त येढ्द वार्टुरी मतलब जब्दी इन पार याकूब अदकि आऊन वार्ट यूहन्ना अक नोळदुन. आंदुर तान आप्प जब्दी इन सांगुळ ड्वांगा मा तान जारगोळी सुधारसोर. आव आंदरी भी कारदुन.

22 आंदुर तुरन्त ड्वांगा अदकि तान आप्प उक बटिकु आऊन हदि होटोदुर.

यीशु उन सखि, उपदेश अदकि चंगाई

(लूका ६:१७-१९)

23 ✨यीशु पुरा गलील दा वयाळतेला आंदुरद सभागूहगोळ दा उपदेश कोळोन, अदकि राज्य अनंद खुशखबरी प्रचार माळान, अदकि लॉकुरद हर प्रकार इन बमारगोळी चंगा माळदुन अदकि कमजोरी इक दुर माळतेला ईत्तुन. 24 अदकि पुरा सीरिया द्याश दा आऊन यश फैलुसेत; अदकि लॉकुर सब बमारगोळी जो नाना प्रकार इन बमारगोळ अदकि दुखगोळ दा जकळुसकु ईरोर, अदकि यारदा दुष्टआत्मागोळ ईरव, अदकि मरिगीवाळेर अदकि लकवा नोर रोगीगोळी, आऊन हात्ती तंदुर अदकि आव आंदरी चंगा माळदुन. 25 गलील अदकि दकिपुलसि*, यरूशलेम, यहूदीया अदकि यरदन गांगा अनंद आप्पाटी टु भीळ इन भीळ आऊन हदि आगेत.

✨ 4:10 ४:१० व्यवस्थाविवरण ६:१३ ✨ 4:12 ४:१२ मत्ती १४:३; मरकुस ६:१७; लूका ३:१९,२० ✨ 4:13 ४:१३ यूहन्ना २:१२ ✨ 4:17 ४:१७ मत्ती ३:२ ✨ 4:23 ४:२३ मत्ती ९:३५; मरकुस १:३९ * 4:25 ४:२५ दकिपुलसि इन मतलब हत्त नगरगोळ्द शयर

5

यीशु उन पहाळी उपदेश

- 1 यीशु भीळ इक नोळकु पहाळी मा येरेदुन, अदकि याग कुरतोदुन रा आऊन चेलागोळ आऊन हात्ती बंदुर.
 2 अदकि आव आंदरी ईद उपदेश कोळली कुरतुन:
 धन्य वचन
 (लूका ६:२०-२३)
- 3 धन्य आर आंदुर, जो मन देल गरीब आर,
 यतकी स्वर्ग इन राज्य आंदुर दा आद.
 4 “धन्य आर आंदुर, जो शोक माळतार,
 यतकी आंदरी दलासा सकिकीत.
 5 धन्य आर आंदुर, जो नम्र आर,
 यतकी आंदुर धरती इन वारीसदार आदार.”
 6 “धन्य आर आंदुर, जो न्यायीपन इन हस्तकु अदकि नरिळ्ककु आर,
 यतकी आंदुर संतुष्ट माळकु आदार.”
 7 “धन्य आर आंदुर, जो दयालु आर,
 यतकी आंदुर मा दया माळकु आदीत.”
 8 धन्य आर आंदुर, यार्द मन शुद्ध आव,
 यतकी आंदुर परमेश्वर उक नोळ्यार.
 9 धन्य आर आंदुर, जो मेल माळावाळेर आर,
 यतकी आंदुर परमेश्वर उन चकिोर कहलुस्यार.
 10 *धन्य आर आंदुर, जो न्यायीपन इन कारण सतुस्कु आगतार,
 यतकी स्वर्ग इन राज्य आंदुर अच हुन.
 11 *धन्य आईर नीव, याग मंळसा नान कारण नीमद अपमान माळ्यान, अदकि सतुस्यान अदकि ख्वाटा माताळ माताळकु नीमद वरिध दा सब प्रकार इन बुरा मात अंदान. 12 *आग खुश अदकि मगन ईरेतीर, यतकी नीम साटी स्वर्ग दा धोळ्द प्रतफिल आद. यतकी आंदुर आ भवषियवक्तागोळी भी जो नीम से पयले ईरोर ईदा रीता देल सतुसीदुर.

ऊप्प अदकि ज्योर्ता

(मरकुस ९:५०; लूका १४:३४,३५)

- 13 *नीव पृथ्वी इन ऊप्प हुईर, लेकीन अगर ऊप्प इन स्वाद बगिळुसेदति, रा अद बाक याता चजि देल नमकीन माळकु आदीत? बाक अद यातोदु क्याल्सा अनन्द हैलेच, सर्फि इदुरद किव्हार्या भटिकु आगुल अदकि मंळसागोळ्द काल देल मेटकु आगुल.”
 14 *नीव दुनया अनन्द ज्योर्ता हुईर. जो नगर पहाळी मा बसुस्कु आद अद होचकु ईरसकाल. 15 *अदकि लॉकुर दगिया होत्ताकु बर्तन इन ल्यालमा ईटालुर लेकीन दीवट* मा ईटतार, आग अदुर देल मान्ना अनन्द सप्पा लॉकुरी ऊजुळ सकित्तद. 16 *अदा प्रकार नीम ऊजुळ मंळसागोळ्द मुंद चमकुसुल क्वा आंदुर नीम वळ्लीद क्याल्सागोळी नोळकु नीम आप्प उन, जो स्वर्ग दा आन, बळाई माळुल.

व्यवस्था अनन्द बारा दा शकिषा

- 17 “ईद सम्सबाळी, क्वा ना व्यवस्था या भवषियवक्तागोळ कतिबगोळी नाश माळली बंदीन, नाश माळली ईला, लेकीन पुरा माळली बंदीन. 18 *यतकी ना नीम से खरा माताळतीन, क्वा यागासताका आकाश अदकि पृथ्वी टलुसेगाल, आगासताका व्यवस्था ऊंद ऊंद मात भी बनिा पुरा आगद टलुसतीदलि.” 19 इदुरसाटी जो यावारा इव स्यांळ्द से स्यांळ्द आग्यागोळ दा टु यातोदारा ऊंद आग्या अक मूरुल, अदकि हांग अच लॉकुरी

* 5:10 ५:१० १ पतरस ३:१४ * 5:11 ५:११ १ पतरस ४:१४ * 5:12 ५:१२ प्रेरतिगोळ ७:५२ * 5:13 ५:१३ मरकुस ९:५०; लूका १४:३४,३५ * 5:14 ५:१४ यूहन्ना ८:१२; ९:५ * 5:15 ५:१५ मरकुस ४:२१; लूका ८:१६; ११:३३ * 5:15 ५:१५ दीवट: मतलब-दगिया ईटोद जागा * 5:16 ५:१६ १ पतरस २:२२ * 5:18 ५:१८ लूका १६:१७ † 5:18 ५:१८ सप्पा चजिगोळ अंत; या इदुरव सप्पा उपदेश खरा आव.

कलसुल, आव स्वर्ग इन राज्य दा सप्पा मुंदुर से स्याणेव कहलुस्यान; लेकीन जो यावारा आ आग्यागोळ्द पालन माळ्यान अदकि अवरी कलस्यान, आवा स्वर्ग इन राज्य दा महान कहलुस्यान. 20 यतकी ना नीम से अनतीन, का अगर् नीम न्यायीपन शास्त्रीगोळ्द अदकि फरीसीगोळ्द न्यायीपन देल धोळ्द ईरतीदील, रा नीव स्वर्ग इन राज्य दा यागलु प्रवेश माळ सकतीदलि.

सट्टि अदकि कोननोद

21 “नीव केळ कोंडीर, का पूर्वकाल इन लॉकुर से अंदकु आगीत, का ‘कोनन बाळी’ अदकि ‘जो यावारा कोनतान आव कचेरी दा सजा अन्द लायक ईत्तान.’ 22 †लेकीन ना नीम से ईद अनतीन, का जो यावारा तान वार्ट उन सट्टि माळ्यान, आव कचेरी दा सजा अन्द लायक ईत्तान, अदकि जो यावारा तांद वार्ट उक नकिम्मा अंदान आव महासभा दा सजा अन्द लायक ईत्तान; अदकि जो यावारा अंदान ‘थे मूर्ख’ आव नरक इन बेक्की दा सजा अन्द लायक ईत्तान. 23 इदुरसाटी अगर् नी तान भेंट वेदी मा तंद्या, अदकि अल नी याद माळ्या, का नीन वार्ट उन मन दा नीन साटी येनारा वरिध आद, 24 रा तान भेंट अल्या वेदी इन मुंद बटि बुळ, अदकि होगकु पयले तान वार्ट उन से मेल मलाप माळ अदकि राजी आगकु बर अदकि तान भेंट येरस.”

25 यागासताका नी तान आरोप हचावाळा अन सांगुळ हादी मा का आय, आऊन से झटपट मेल मलाप माळकोम ईदारा हगि आगबाळुल का आरोप हचावाळा नीनी न्यायाधीश उक सोप्सुल, अदकि न्यायाधीश नीनी कत्तीहुडावाळा अक सोप्स बुळुल, अदकि नीनी जयल दा हाक्कु आगुल. 26 ना नीन से खरा माताळतीन का यागासताका नी कवळी-कवळी तुम कोळाल आगासताका अल टु बळि सकतीदलि.

व्यभचार इन बारा दा शक्ति

27 “नीव केळ कोंडीर का अंदकु आगीत, ‘व्यभचार माळबाळेतीर.’ 28 लेकीन ना नीम से ईद अनतीन, का जो यावारा यातारा आरत इक बुरा नजर देल नोळतान आव तान मन दा आकनि से व्यभचार माळ कोंडुन. 29 †अगर् नीन ऊम्मा कण्ण नीनी ठोकर तनिसुल, रा अदरी तेगु कु भीट बुळ; यतकी नीन साटी ईदा वळ्लीद आद का नीन शरीर दा टु ऊंद अंग नाश आगेगुल अदकि नीन पुरा शरीर नरक दा हाक्कु आगबाळुल. 30 †अगर् नीन ऊमा कय नीनी ठोकर तनिसतद, रा अदरी कळकु भीट बुळ; यतकी नीन साटी ईदा वळ्लीद आद का नीन मय दा टु ऊंद नाश आगुल अदकि नींद पुरा शरीर नरक दा हाक्कु आगबाळुल.”

छोळचट्टी अन्द बारा दा शक्ति

(मत्ती १९:९; मरकुस १०:११; लूका १६:१८)

31 ††“ईद भी अंदकु आगीत, ‘जो यावारा तान हगिस उक बळोद चाहास्यान, रा आकी छोळचट्टी कोळुल.’ 32 †लेकीन ना नीम से ईद अनतीन की जो यावारा तान हगिस उक व्यभचार इन शवाय अदकि दुसरा कारण देल बट्टि बुळतान, रा आव आकनि से व्यभचार माळसुसतान; अदकि जो यावारा आ आरत इन से जो गांड उक बट्टिकु आर मदा माळतान, रा आव भी व्यभचार माळतान.”

करिया अन्द बारा दा शक्ति

33 “बाक नीव केळ कोंडीर का पूर्वकाल इन लॉकुर से अंदकु आगीत, ‘ख्वाटा करिया तनिबाळेतीर, लेकीन प्रभु उन साटी तान करिया अक पुरा माळेतीर.’ 34 †लेकीन ना नीम से ईद अनतीन का यागलु करिया तनिबाळेतीर; ना रा स्वर्ग इन, यतकी अद परमेश्वर उन सहिसन हुन; 35 ना धरती अन्द, यतकी अद आऊन कालगोळ्द पायदान हुन; ना यरूशलेम इन, यतकी अद महान राजा अन्द नगर हुन. 36 तान ताल्ला अन्द भी करिया तनिबाळेतीर यतकी नीव ऊंद चुट्टी इक भी ना बळीद, ना करीद माळ सकतीर. 37 लेकीन नीमद मात ‘हव’ इन ‘हव,’ या ‘ईला’ अन्द ‘ईला’ आगुल; यतकी जो येनारा इदुर से यक्कुल आगतद अद बुराई देल आगतद.”

बदला ताकोमोद बारा दा शक्ति

(लूका ६:२९,३०)

† 5:22 ५:२२ जो यावारा सट्टि माळतान; येनारा वचनगोळ दा जो यावारा बनि कारण देल सट्टि माळतान लखिसकु आद. † 5:29 ५:२९ मत्ती १८:९; मरकुस ९:४७ † 5:30 ५:३० मत्ती १८:८; मरकुस ९:४३ † 5:31 ५:३१ मत्ती १९:७; मरकुस १०:४ † 5:31 ५:३१ व्यवस्थाविरण २४:१-१४ † 5:32 ५:३२ मत्ती १९:९; मरकुस १०:११,१२; लूका १६:१८; १ कुर्निथि ७:१०,११ † 5:34 ५:३४ याकूब ५:१२; मत्ती २३:२२

38 “नीव केळ कोंडीर की अंदकु आगीत, ‘कण्ण इन बदला कण्ण, अदकि हल्ल इन बदला हल्ल.’ 39 लेकीन ना नीम से ईद अनतीन की जो नीम से बुरा व्यवहार माळतान आऊन सामना माळबाळेतीर; लेकीन जो यावारा नीम उम्मा गाल्ला मा क्याबरा बळदान, रा आऊन दी दुसरा गाल्ला भी तरिगुस बुळी. 40 अगर यावारा नीम मा जबरदस्ती माळकु नीम कुळता बेळोद चाहासतान, रा आऊक कोट भी कोट्ट बुळी. 41 जो यावारा नीमी कोस तमि जागा दा वोतान, रा आऊन सांगुळ येद्व कोस होटोग. 42 जो यावारा नीम से बेळ्यान, आऊक कोळी; अदकि जो नीम से उदार बेळोद चाहासतान, आऊन से बाय तरिगुसबाळी.”

दुश्मनगोळ से प्यार

(लूका ६:२७,२८,३२-३६)

43 “नीव केळ कोंडीर की अंदकु आगीत, ‘तान मानना हातळोर से प्यार ईटेतीर, अदकि दुश्मनगोळ से दुश्मनी.’ 44 लेकीन ना नीम से ईद अनतीन की तान दुश्मनगोळ से प्यार ईटी अदकि जो नीमी सतुस्तार आंदुर साटी प्रार्थना माळी, 45 यदुर देल नीव तान स्वर्गीय आप्प उन औलाद ठहूसीर यतकी आव तान सुर्य वळ्ळीद अदकि बुरा येद्वु मा उदय माळतान, न्यायी अदकि अन्यायी येद्वु मा नीर बरसुस्तान. 46 यतकी अगर नीव तान प्यार इट्टावाळेर से अच प्यार ईट्टीर, रा नीम साटी येन फल आदीत? येन कर ताकोमावाळेर भी हगिा माळालुर?” 47 “अगर नीव सरिफ तान वार्दुरद अच भलाई माळीर, रा यातोद धोळ्द क्याल्सा माळतीर? येन गैरयहूदी लॉकुर भी हगिा माळालुर? 48 इदुरसाटी नीव सदिध आगी, ह्यांग नीमव स्वर्गीय आप्प सदिध आन.”

6

गुप्त दान इन शक्ति

1 * “सावधान ईरी! नीव मंळसागोळी तोरसोर साटी तान न्याय इन क्याल्सा माळबाळेतीर, ईलारा नीव तान स्वर्गीय आप्प उन से येनु उच प्रतफिल ताकोम सकतीदलि.”

2 “इदुरसाटी याग नीव दान माळी, रा तान मुंद सैनाई मुरसुसबाळी, ह्यांग कपटी लॉकुर, सभागोळ अदकि गलीगोळ दा माळतार, ताकी लॉकुर आंदुर बळाई माळुल. ना नीम से खरा माताळतीन की आंदुर तान प्रतफिल ताकोम कोंडार. 3 लेकीन याग नीव दान माळी, रा जो नीम उम्मा कय माळतद, अद नीव तान डाक्या कय इक मालूम नळुगोळ बाळेतीर. 4 की नीम दान होचकु ईरूल, अदकि आग नीम आप्प जो होचकु नोळतान, नीमी प्रतफिल कोट्टान.”

प्रार्थना अन्द शक्ति

(लूका ११:२-४)

5 * “याग नीव प्रार्थना माळीर, रा कपटीगोळ घाई आगबाळी, यतकी लॉकुरी तोरसोर साटी सभागूह दा अदकि सळक इन मोळ मा नदिरकु प्रार्थना माळोद आंदरी वळ्ळीद हततद. ना नीम से खरा माताळतीन की आंदुर तान प्रतफिल ताकोम कोंडार. 6 लेकीन याग नीव प्रार्थना माळी, रा तान कमरा दा होगी; अदकि कवाळ बंद माळकु तान आप्प उन से गुप्त दा प्रार्थना माळीर. आग नीम आप्प जो होचकु नोळतान नीमी प्रतफिल कोट्टान.”

7 प्रार्थना माळाहोती गैरयहूदीगोळ घाई घळी-घळी माताळ बाळेतीर, यतकी आंदुर सोचतार की आंदुरद हापाळ माताळदुर देल आंदुरद केळकु आदीत. 8 इदुरसाटी नीव आंदुरद घाई आगबाळी, यतकी नीम आप्प नीम बेळा से पयला अच जानसतान की नीम येन येन जरवतगोळ आव. 9 इदुरसाटी नीव ईत्ता रीत देल प्रार्थना माळतोगी:

“हे नाम आप्प, नी जो स्वर्ग दा आय;

नीन हेसुर पवतिर मान्सकु आगुल.

10 दुनया दा नीन राज्य बरूल.

नीन इच्छा ह्यांग स्वर्ग दा पुरा आगताव, हांग अच पृथ्वी मा भी आगुल.

11 * नाम हागुल तरिमुद रोट्टी ईद नामी कोळ.

12 अदकि यात्ता प्रकार देल नाव तान अपराधीगोळ माफ माळेव,

हांग अच नी भी नाम पापगोळी माफ माळ.

13 † अदकि नामी परीक्षा दा तरबाळ,
लेकीन बुराई देल ऊळस.”

14 * “इदुरसाटी अगर नीव मंळसागोळ्द अपराध माफ माळीर, रा नीम स्वर्गीय आप्प भी नीमी माफ माळयान. 15 अदकि अगर नीव मंळसागोळ्द अपराध माफ माळतीदील, रा नीम स्वर्गीय आप्प भी नीमव अपराध माफ माळतीदील.”

उपास इन शक्तिषा

16 “याग नीव उपास माळीर, रा कपटीगोळ घाई नीम मार्रा मा उदासी ईरबाळुल, यतकी आंदुर तान मार्रा हांग अच माळकु ईटतार, यतकी लॉकुर आंदरी उपासी समसुल. ना नीम से खरा माताळतीन क्कि आंदुर तान प्रतफिल ताकोम कोडार. 17 लेकीन याग नीव उपास माळीर रा तान ताल्ला मा याणणा ऊदी अदकि मार्रा तोळी, 18 ताकी लॉकुर ईला लेकीन नीन आप्प जो गुप्त आन, नीनी उपासी जान्सुल ई दशा दा नीन आप्प जो गुप्त कर्मगोळी नोळकु, नीनी अऊर्द प्रतफिल कोट्टान.”

स्वर्गीय धन

(लूका १२:३३,३४)

19 * “तान साटी पृथ्वी मा धन जमा माळबाळेतीर, यल कळिा अदकि जंग नाश माळताव, अदकि यल काळ्लुर तजिोरी वडुतार अदकि काळ्लपनी माळतार. 20 लेकीन तान साटी स्वर्ग दा धन जमा माळी, यल न रा कळिा, अदकि जंग नाश माळीत, अदकि यल काळ्लुर ना तजिोरी वळदार अदकि ना चोरी माळ्यार. 21 यतकी यल नीम धन आद अल नीम मन भी हतकु ईत्तीत.”

मय इन ज्योति

(लूका ११:३४-३६)

22 “नीन मय इन दगिया कण्ण हुन: इदुरसाटी अगर नीन कण्ण नर्मिल आव रा नीन सप्पा मय भी ऊजुळ इन घाई आदीत. 23 लेकीन अगर नीन कण्ण बुरा ईरूल, रा नीन पुरा मय भी अंधकारमय आदीत; ईद कारण अद ऊजुळ जो नीन दा आद अगर अंधकारमय आद रा अद अंधार याट खोल आदीत!”

परमेश्वर अदकि धन

(लूका १६:१३; १२:२२-३१)

24 “यावारा मंळसा येढ्ढ स्वामीगोळ्द स्यावा माळ सकालुन, यतकी आव ऊंद मंळसा से दुश्मनी अदकि दुसरा मंळसा से प्यार ईटयान, या ऊंद से मेल मलिाप माळयान अदकि दुसरा मंळसा अक नीच जानसयान. नीव परमेश्वर अदकि धन येढ्ढ स्यावा सांगुळल्या माळ सकालीर.”

25 “इदुरसाटी ना नीम से अनतीन क्कितान जीवा अन्द साटी ईद चन्तिता माळबाळी क्कनाव येन तनिदेव अदकि येन कुळदेव; अदकि तान मय इन साटी फळक्यागोळ्द चन्तिता माळबाळी. येन जीव भोजन देल, अदकि मय फळक्यागोळ देल अनमोल हैलेच? 26 आकाश ईनव पक्षीगोळी नोळी! अव ना बीजा हचताव, ना कोयताव, अदकि ना तान तनिा जागा दा संगरूस्कु ईटताव: तरी भी नीम स्वर्गीय आप्प अवरी पाल्सतान. येन नीम कमित अऊर से यक्कुल हैलेच? 27 #नीम दा टु हगि याव आन, जो चन्तिता माळकु तान जदिगी दा ऊंद घळी भी वाळुस सकतान?”

28 “अदकि फळक्यागोळ साटी येती चन्तिता माळतीर? आळी दाकळव फूलगोळ मा ध्यान माळी क्कि अव ह्यांग वाळुसताव; अव ना रा मयनत माळताव, ना तान साटी फळक्यागोळ माळताव. 29 तरी भी ना नीम से अनतीन क्कि सुलैमान राजा भी, तान पुरा जीवन दा अऊर दा टु यारदु घाई कपळागोळ हाक्कु ईला ईरोन. 30 इदुरसाटी याग परमेश्वर मैदान इन काडडा अक, जो ईद आद अदकि नाळ बेक्की दा झोकसकु आदीत, हगि कपळा हाकसुसतान, रा हे अल्पवशिवासीगोळा, आव नीमी ईऊर से वळ्लीद येती हाकसुसतदिलि?”

31 “इदुरसाटी नीव वचिार माळकु ईद अनबाळी क्कि नाव येन तनिदेव, या येन कुळदेव, या येन हाक्केव. 32 यतकी गैरयहूदी ई सप्पा वस्तुगोळ्द खोज दा ईरतार, पर नीम स्वर्गीय आप्प जान्सतान क्कि नीमी ई सप्पा

† 6:13 ६:१३ येनारा वचनगोळ दा कारण राज्य, सामर्थ्य अदकि गौरव सदा अन साटी नीमव आव. आमीन. * 6:14 ६:१४ मरकुस ११:२५,२६
* 6:19 ६:१९ याक्ब ५:२,३ † 6:27 ६:२७ अदकि थ्वाळासा जीऊसी; या अदकि थ्वाळासा ऊँचा वाळुसी.

वस्तुगोळ्द जरवत आद. ³³ इदुरसाटी पयले नीव परमेश्वर उन राज्य अदकि आऊन न्याय इन खोज माळी रा ई सप्पा वस्तुगोळ भी नीमी सकिकेदव. ³⁴ इदुरसाटी नाळ इन चन्ता माळबाळी, यतकी नाळ इन दनि तान चन्ता खुद माळ कोंडीत; ईद इन साटी ईद इन दा दुख काफी आद.

7

दुसरा मा दोष हचोदाल
(लूका ६:३७,३८,४१,४२)

¹ “दोष हचबाळी कनिमी मा भी दोष हचकु आगुल. ² यतकी या प्रकार देल नीव दोष हचतीर, अदा प्रकार देल नीम मा भी दोष हचकु आदीत; अदकि याता नाप देल नीव आळुतीर, अदा प्रकार देल नीम साटी भी आळुकु आदीत.” ³ “नी येती तान वार्ट उन कण्ण इन तनिका अक नोळत्या, अदकि तान कण्ण इन लट्टा नीनी ऊमसाल? ⁴ याग नीद अच कण्ण दा लट्टा आद, रा नी तान वार्ट उन से ह्यांग अन सकत्या, ‘ता ना नीन कण्ण दा टु तनिका तेगु कोळतीन?’ ⁵ हे कपटी, पयले नी तान कण्ण दा टु लट्टा तेगु कोम, आग नी तान वार्ट उन कण्ण दा टु तनिका वळ्लीसा नोळकु तेगु सकत्या. ⁶ पवतिर वस्तु नायगोळी कोळबाळी, अदकि तान मोती हंदीगोळ मुंद हाककबाळी; हगि आगबाळुल कनि अव अवरी कालगोळ ल्यालमा मेटबुळुल अदकि तरिगकु नीमी हर्द बुळुल.”

प्रार्थना अन महत्व
(लूका ११:९-१३)

⁷ “बेळीर, रा नीमी कोटकु आदीत; दुंदसीर रा नीमी सकिकीत; टोकसीर, रा नीम साटी तेरूकु आदीत. ⁸ यतकी जो यावारा बेळयान, आऊक कोटकु आदीत; अदकि जो दुंदस्यान, आऊक सकिकीत; अदकि जो टोकस्यान आऊन साटी तेरूकु आदीत.”

⁹ “नीम दा टु हगि याता मंळसा आन, कनि अगर आऊन पार आऊक रोटी बेळुल, रा आव आऊक कलल कोट्टान? ¹⁰ या मेन बेळुल, रा आव आऊक हाव कोट्टान? ¹¹ इदुरसाटी याग नीव बुरा ईतकु, तान चिकोरी वळ्लीद वस्तु कोळोद जानसतीर, रा नीम स्वरुगीय आप्प तान बेळावाळेरी वळ्लीद वस्तु यती कोळतीदील! ¹² ईद कारण जो येनारा नीव चाहासतीर किलॉकुर नीम सांगुळ बरताव माळुल, नीव भी आंदुर सांगुळ हांग अच बरताव माळी; यतकी मूसा अन व्यवस्था अदकि भवषियवक्ता अनंद शक्शा ईदा हुन.”

स्यांळद अदकि चौळा हादी
(लूका १३:२४)

¹³ “स्यांळद हादी टु होगोद-बरोद माळी, यतकी चौळा आद अद फाटक अदकि आसान आद अद हादी जो वनिश दी ओयतद; अदकि हापाळ सा आर जो अल टु होगोद-बरोद माळतार. ¹⁴ यतकी स्यांळद आद अद फाटक कठनि आद अद हादी जो जीवन दी ओयतद; अदकि थ्वाळासा अच लॉकुर आर जो आ हादी इक हासलि माळतार.

ह्यांग मार्र हांग काय
(लूका ६:४३,४४; १३:२५-२७)

¹⁵ “ख्वाटा भवषियवक्तागोळ से सावधान ईरी, जो म्यांडागोळ्द भेष दा नीम हात्ती बरतार, लेकीन आंदुर बुळ्क टु हरूकु तनिवाळेर म्यांडागोळ उर. ¹⁶ आंदुर करनी देल नीव आंदरी अरू कोंडीर. येन लॉकुर झाळीगोळ दा टु अंगुर, मुळ्लगोळ दा टु अंजीर कोयतार? ¹⁷ ईदा प्रकार देल हर ऊंद वळ्लीद मार्र वळ्लीद काय तरतद अदकि बेकार मार्र बेकार काय तरतद. ¹⁸ वळ्लीद मार्र बेकार काय तर सकाल, अदकि ना बेकार मार्र वळ्लीद काय तर सकतद. ¹⁹ जो जो मार्र वळ्लीद काय तरतदील, अद कळकु अदकि बेक्की दा हाककु आदीत. ²⁰ ईद प्रकार देल नीव आंदुर क्याल्सागोळ्द कर्मगोळ देल ख्वाटा भवषियवक्तागोळी अर्त कोंडीर.

ना नीमी यागलु अरालीन
(लूका १३:२५-२७)

²¹ “जो नान से, ‘हे प्रभु! हे प्रभु!’ अनतान, आंदुर दा टु हर ऊंद स्वरुग इन राज्य दा प्रवेश माळतीदील, लेकीन आवा जो नान स्वरुगीय आप्प उन इच्छा मा नळुतान. ²² न्याय इन दनि हापाळ सा लॉकुर नान से अंदार,

हे प्रभु! हे प्रभु! येन नाव नीन हेसुर देल भवषियवाणी माळीदील, अदकि नीन हेसुर देल दुष्टआत्मागोळी तेगदर्दील, अदकि नीन हेसुर देल हापाळ सा आश्चर्य चकति क्याल्सा माळीदील?" 23 आग ना आंदुर से खुला शब्द दा अंद बुळाईन, 'ना नीमी यागलु अरतीदलि. हे कुकर्म माळावाळेरा, नान हात्ती टु होटोगी.'

मानना कटावाळेर येद्व मंळसा: बुध्मिान अदकि मूर्ख
(लूका ६:४७-४९)

24 "इदुरसाटी जो यावारा नान ई मातगोळी केळकु अवरी माळतान, आव आ बुध्मिान मंळसा अन्द घाई ठहरूस्यान याव तान मानना चट्टान मा कटदुन. 25 अदकि माळ बत्त, अदकि बाळ बत्त, अदकि आँधी तुफान नळुत, अदकि आ मानना से टकरूसत, फरि भी अद बदिदील, यतकी अदुरद पायवा चट्टान मा अगुळकु आगीत. 26 लेकीन जो यावारा नान ई मातगोळी केळतान अदकि अऊर मा नळालुन, आव आ मूर्ख मंळसा अन्द घाई ठहरूस्यान याव तान मानना धुळा मा कटदुन. 27 अदकि माळ बत्त, अदकि बाळ बत्त, अदकि आँधी तुफान नळुत, अदकि आ मानना से टकरूसत अदकि अद जोर देल बदिक् सत्यानाश आगेत."

यीशु उन अधकार

28 *याग यीशु ई मातगोळी माताळ कोडुन, रा हगि आत क्भीळ आऊन उपदेश देल सट्ट आत, 29 यतकी आव आंदुर शास्त्रीगोळ घाई ईला लेकीन अधकारीगोळ घाई उपदेश कोळतोगोन.

8

कोद इन रोगी इक चंगा माळोद
(मरकुस १:४०-४५; लूका ५:१२-१६)

1 याग यीशु आ पहाळी मा टु ल्यालमा ईळदुन, रा ऊंद धोळ्द भीळ आऊन हदि आगेत. 2 अदकि नोळी, ऊंद कोद इन रोगी मंळसा हात्ती बंदकु आऊक प्रणाम माळदुन अदकि अंदुन*, "हे प्रभु, अगर नी चाहास्या, रा नानी शुद्ध माळ सकत्या."

3 यीशु कय मुंद माळकु आऊक मुटदुन, अदकि अंदुन, "ना चाहसतीन, नी शुद्ध आगेत." अदकि आव तुरन्त कोद इन रोग देल शुद्ध आगेदुन. 4 बाक यीशु आऊन से अंदुन, "नोळ, यारीकु हेळबाळेत, लेकीन होगकु तान तान इक याजक उक तोर्स अदकि मूसा अन आदेश इन अनुसार भेट येर्स, ताकी लाँकुर साटी गवाही आगुल."

रोमी सूबेदार उन दास उक चंगा माळोद
(लूका ७:१-१०)

5 याग यीशु कफरनहूम नगर दा बंदुन रा ऊंद रोमी सपिाहीगोळ्द सुबेदार आऊन हात्ती बंदकु आऊन से वनिती माळदुन, 6 "हे प्रभु, नान दास उक लकवा होळ्द बुटाद अदकि आव हापाळ दुख दा आन."

7 आग यीशु सुबेदार से अंदुन, "ना बंदकु आऊक चंगा माळाईन."

8 सुबेदार उत्तर कोट्टुन, "हे प्रभु, ना ई लायक हैलेच क्नी नांद मानना ताका बंद्या, लेकीन सरिफ आग्या कोटबुळ रा नान सेवक चंगा आगेदान. 9 यतकी ना भी जमिंदार मंळसा हुईन, अदकि सपिाही नान हात्ती आर. याग ना ऊंद से अनतीन, 'होग!' रा आव होगतान; अदकि दुसरा से अनतीन, 'बर!' रा आव बरतान; अदकि याग तान दास से अनतीन, 'ईद माळ!' रा आव माळतान."

10 ईद केळकु यीशु उक अचम्भा आत, अदकि जो आऊन हदि बरोर आंदुर से अंदुन, "ना नीम से खरा माताळतीन क्नी ना इस्त्राएल दा भी हगि मजबुत वश्वास नोळीदील. 11 *अदकि ना नीम से अनतीन क्नी पूर्व अदकि पश्चिमि टु हापाळ सा लाँकुर बंदार अदकि आंदुर भोज दा अब्राहम, इसहाक अदकि याकूब उन सांगुळ स्वर्ग इन राज्य दा कुरतार. 12 *लेकीन राज्य अन्द औलाद व्हार्या अंधार दा हाक्कु आदार: अल वोरलोद अदकि हललगोळ्द कचचोद आदीत." 13 आग यीशु सुबेदार से अंदुन, "होग, ह्यांग नीन वश्वास आद, हांग अच नीन साटी आगुल." अदकि आऊन दास अदा घळी दा चंगा आगेदुन.

यीशु हापाळ रोगीगोळी चंगा माळतान
(मरकुस १:२९-३४; लूका ४:३८-४१)

* 7:28 ७:२८ मरकुस १:२२; लूका ४:३२ * 8:2 ८:२ नानी साफ माळ; हगि मानसोर क्नी ईद बमिारी मंळसा अक न्यायवधि इन प्रती मैला माळोद. * 8:11 ८:११ लूका १३:२९ * 8:12 ८:१२ मत्ती २२:१३; २५:३०; लूका १३:२८

14 यीशु याग पतरस उन मान्या बंदुन, रा आव आऊन आत्ता अक तेज मय देल बदिक् नोळदुन. 15 यीशु आकनि कय मुटदुन अदकि आकनि मय ईळदोदव, अदकि आक यदकु आऊन स्यावा माळली कुरतुर.

16 याग द्याव आत आग आंदुर आऊन हात्ती हापाळ सा लॉकुरी तंदुर यारदा दुष्टआत्मागोळ ईरव अदकि यीशु आ दुष्टआत्मागोळी तान वचन देल तेगद बुट्टुन; अदकि सप्पा रोगीगोळी चंगा माळदुन. 17 *यतकी जो वचन यशायाह भवषियवक्तागोळ द्वारा अंदकु आगीत अद पुरा आगुल: “यीशु खुद नाम कमजोरीगोळी हुळदुन अदकि नाम बमारगोळी नेगुकु दुर माळदुन.”

*यीशु उन चेला बनसोद कमित
(लूका ९:५७-६२)*

18 यीशु याग तान नाकु दी ऊंद धोळ्द भीळ नोळदुन रा चेलागोळी झील इन आप्पाटी होगोद आग्या कोट्टुन. 19 आग ऊंद शास्त्री हात्ती बंदकु आऊन से अंदुन, “हे गुरु, नी यल होद्या, ना नीन हदि होट्ट बराईन.”

20 यीशु आऊन से अंदुन, “कोल्यागोळ गुफा अदकि आकाश इन पक्षीगोळ ग्वादा ईरताव; लेकीन मळसा अन पार उन साटी ताल्ला होचकोमोद भी जागा हैलेच.”

21 मात्त ऊंद चेला आऊन से अंदुन, “हे प्रभु, नानी पयले होगोळ कनि तान आप्प उक नळसाईन.”

22 यीशु आऊन से अंदुन, “नी नान हदि आगेग, अदकि सोद्द मळसागोळी तान मुर्दा नळसगोळ.”

*तुफान इक शांत माळोद
(मरकुस ४:३५-४१; लूका ८:२२-२५)*

23 याग यीशु ड्वांगा मा येरदुन, रा आऊन चेलागोळ आऊन हदि आगेदुर. 24 अदकि नोळी, अचानक झील दा ऊंद हगि धोळ्द तुफान येळ्त्त कि ड्वांगा लयरगोळ से मुचली हत, लेकीन यीशु मगिन. 25 आग चेलागोळ हात्ती बंदकु आऊक येब्सदुर अदकि अंदुर, “हे प्रभु, नामी ऊळस, नाव मुळकेतेव.”

26 यीशु आंदुर से अंदुन, “हे अवशिवासीगोळा, यती अंजेतीर?” आग आव यदकु आँधी अदकि नीर इक डटकारसदुन, अदकि सप्पा शांत आगेत. 27 अदकि आंदुर अचम्भा माळकु अनली कुरतुर, “ईव ह्यांग मळसा हुन कि आँधी अदकि नीर भी ईऊन आग्या मानसताव.”

*दुष्टआत्मा-ग्रस्त मळसागोळी चंगा माळोद
(मरकुस ५:१-२०; लूका ८:२६-३९)*

28 याग यीशु आप्पाटी गदरेनयिों अन प्रदेश दा पोहचुसदुन, रा येढ्द मळसागोळ यारदा दुष्टआत्मागोळ ईरव कब्रगोळ दा टु होटकु आऊक सकिदुर. आंदुर ईट भयानक ईरोर कि याऊ आ हादी देल होग ईला सकोन. 29 आंदुर चलिळासकु अंदुर, “हे परमेश्वर उन पारा, नाम्द नीन से येन क्याल्सा? येन नी समय से पयले नामी दुख कोळली इल बंद्या?”

30 आंदुर से थ्वाळासा दुर मा हापाळ सा हंदीगोळ्द ऊंद झुण्ड आळोद. 31 दुष्टआत्मागोळ आऊन से ईद अंदकु वनिती माळदव, “अगर नीनी नामी तेगोद अच आद, रा आ हंदीगोळ्द झुण्ड दा कळुबुळ.”

32 आव आ दुष्टआत्मागोळ से अंदुन, “होगी!” अदकि आ दुष्टआत्मागोळ होटकु हंदीगोळ दा होक्केदव अदकि नोळी, पुरा झुण्ड ऊतार मा टु झील इन नीर दा होगकु बतित्त अदकि मुळककु सोतोत.

33 आ हंदीगोळी आळसावाळेर अल टु ओळदुर, अदकि नगर दा होगकु ई सप्पा मातगोळी अदकि यारदा दुष्टआत्मागोळ ईरव आंदुरद सप्पा हाल केळसदुर. 34 आग पुरा नगर इन लॉकुर यीशु से भेंट माळोर साटी होटकु बंदुर, अदकि आऊक नोळकु वनिती माळदुर कनि नाम क्षेत्र दा टु व्हार्या होटोग.

9

*लकवा अन्द रोगी इक चंगा माळोद
(मरकुस २:१-१२; लूका ५:१७-२६)*

1 बाक यीशु ड्वांगा मा कुरतकु समुद्र अन आप्पाटी होदुन, अदकि तान नगर* दा बंदुन. 2 अदकि नोळी, हापाळ लॉकुर ऊंद लकवा अन्द रोगी इक व्हर्स मा मगिसकु आऊन हात्ती तंदुर. यीशु आंदुर वशिवास नोळकु, आ लकवा अन्द रोगी से अंदुन, “हे पारा, हमिमत ईट; नीन पाप माफ आदव.”

* 8:17 ८:१७ यशायाह ५३:४ * 9:1 ९:१ आऊंद खुद इन ऊर; कफरनहूम

३ इदुर मा हापाळ शास्त्रीगोळ माताळली कुरतुर, “इव रा परमेश्वर उन अपमान माळतान.”

४ यीशु आंदुरद मन इन मातगोळी अरूकु अंदुन, “नीव लाँकुर तान-तान मन दा बुरा वचिर येती माळेतोर?

५ आसान येन आद? ईद अनोद, ‘नीन पाप माफ आदव,’ या ईद अनोद का, ‘थेळ नळु अदकि टेट.’ ६ लेकीन इदुरसाटी का नीव जान्स कोमी किमंळसा अन्द पार उक पृथ्वी मा पाप माफ माळोद अधिकार आद.” इदुरसाटी यीशु लकवा अन्द रोगी से अंदुन, “थेळ, तान व्हर्स नेगु, अदकि तान मान्नी होटोग.”

७ आग लकवा अन रोगी यदकु तान मान्नी होटोदुन. ८ लाँकुर ईद नोळकु अंजेदुर अदकि परमेश्वर उन बळाई माळली कुरतुर याव मंळसा अक हगि अधिकार कोटान.

यीशु मत्ती इक कारूतान

(मरकुस २:१३-१७; लूका ५:२७-३२)

९ अल टु मुंद होगकु यीशु मत्ती हेसुर इन ऊंद मंळसा अक कर ताकोमोद चौकी मा कुरतकु नोळदुन, अदकि आऊन से अंदुन, “नान हदि आगेग.”

आव यदकु आऊंद हदि आगेदुन.

१० ✠याग यीशु मत्ती इन मान्या ऊमोर साटी कुरतुन रा कर ताकोमावाळेर अदकि पापी बंदकु यीशु अदकि आऊन चेलागोळ सांगुळ ऊमली कुरतुर. ११ ईद नोळकु फरीसीगोळ आऊन चेलागोळ से अंदुर, “नीम गुरु कर ताकोमावाळेर अदकि पापीगोळद सांगुळ येती तनितान?”

१२ ईद केळकु यीशु आंदुर से अंदुन, वैदय भला चंगागोळ साटी ईला लेकीन बमिरगोळ साटी जरूरी आन.

१३ ✠“इदुरसाटी नीव होगकु इदुरद अर्थ कलूत कोमी: ‘ना बलदान ईला लेकीन दया चाहासतीन.’ यतकी ना न्यायी लाँकुरी ईला, लेकीन पापीगोळी कारूली बंदीन.”

उपास इन प्रश्न

(मरकुस २:१८-२२; लूका ५:३३-३९)

१४ आग बपतसिमा कोळावाळा यूहन्ना अन्द चेलागोळ आऊन हात्ती बंदकु अंदुर, “येन कारण आद का नाव अदकि फरीसी ईट उपास ईटतेव, पर नीन चेलागोळ उपास ईटालुर?”

१५ यीशु आंदुर से अंदुन, “येन वराती, यागासताका मंळगार आंदुर सांगुळ आन, शोक माळ सकतार? पर अव दनि बंदव याग मंळगार आंदुर से ब्यार माळकु आदान, आ समय आंदुर उपास माळ्यार.”

१६ “क्वारा कपळा अन्द थगिर हाळोद कपळा मा याऊ हचालुन, यतकी अद थगिर आ कपळा से येनारा मातत जेडु कोमतद, अदकि बाक अद यक्कुल हर्दोगतद. १७ अदकि लाँकुर व्हाशोद अंगुर इन रास्सा हाळोद तोगुल इन चलिा दा तुमालुर, यतकी हगि माळदुर देल तोगुल इन चलिा हर्दोगताव अदकि अंगुर इन रास्सा चेल्लेगतद अदकि तोगुल इन चलिा नाश आगेगताव; लेकीन व्हाशोद अंगुर इन रास्सा व्हाशोद तोगुल इन चलिा दा तुमतार अदकि अव येदु उळदकु ईरताव.”

सोतकु पोर अदकि बमिर आर्त

(मरकुस ५:२१-४३; लूका ८:४०-५६)

१८ यीशु आंदुर से इव मातगोळ अनतेला अच ईरोन, का नोळी यहूदी सभागृह अन ऊंद सरदार बंदकु आऊक प्रणाम माळदुन अदकि अंदुन, “नान पोर ईगल्या सोतार, लेकीन नळुकु तान कय आकनि मा ईट, रा आक जत्तिता आगेदार.”

१९ यीशु यदकु तान चेलागोळ सांगुळ आऊन सांगुळ होटोदुन.

२० अदकि नोळी, ऊंद आर्त ईरोर आक इक हन्नेळ वर्ष टु खुन होगोद रोग ईरोद, हदि टु बंदकु आऊन कपळा अन्द कनिरा अक मुटदुर. २१ यतकी आक तान मन दा अनतोगोर, “अगर ना आऊन कपळा का मुट बुळाईन रा चंगा आगेगाईन.”

२२ यीशु तरिगकु आकी नोळदुन अदकि अंदुन, “पोरी धीरज ईट; नीन वश्वास नीनी वळ्लीद माळ्याद. इदुरसाटी आक आर्त आटोटीका चंगा आगेदुर.”

२३ याग यीशु आ सरदार उन मान्या पोहचुसदुन अदकि कोळ्ल ऊयावाळेर इक अदकि भीळ इक सोरसराबा मचुस्त नोळदुन, २४ आग आव लाँकुर से अंदुन, “सरकुसेगी, पोर सायली आर, लेकीन मगित्यार.” इदुर मा आंदुर

आऊन मज्याक हारसली कुरतुर. ²⁵ लेकीन याग भीळ इक व्हार्या तेगुक् आत, रा आव बुळ्क होगकु पोर इन कय हुळदुन, अदकि पोर यदकु कुरतोदुर. ²⁶ अदकि ई मात इन चर्चा द्याश इन सप्पा प्रदेश दा फैलुसेत.

येद्व कुद्वगोळी दृष्टीदान

²⁷ याग यीशु अल टु मुंद वाळुसदुन, रा येद्व कुद्व मंळसागोळ आऊन हदि ईद कारूतेला नळदुर, “हे दाऊद उन औलाद, नाम मा दया माळ!”

²⁸ याग आव मान्या बुळ्क पोहचुसदुन, रा आ कुद्वगोळ आऊन हात्ती बंदुर, अदकि यीशु आंदुर से अंदुन, “येन नीमी वशिवास आद कनिा चंगा माळ सकतीन?” आंदुर आऊन से अंदुर, “हव, प्रभु!” ²⁹ आग आव आंदुरद कण्णगोळी कय हचकु अंदुन, नीम वशिवास इन अनुसार नीम साटी हांगा आगुल “ह्यांग नीव चाहासतीर.” ³⁰ अदकि आंदुरद कण्णगोळ देल काळसली हत्त. यीशु आंदरी चेतावनी कोटकु अंदुन, “सावधान, ईदुर बारा दा यारीकु मालूम ईला नळु पायजे.”

³¹ लेकीन आंदुर अल टु होटकु पुरा द्याश दा आ समाचार इक फैलुस बुदुर.

ऊंद मुक्का अक चंगा माळोद

³² याग आंदुर व्हार्या होगोर, रा नोळी, लॉकुर ऊंद मुक्का अक यारदा दुष्टआत्मा ईरोद, आऊन हात्ती तंदुर; ³³ अदकि याग दुष्टआत्मा तेग्द बुट्टुन, रा मुक्का मंळसा माताळली हत्तेदुन. इदुर मा भीळ अचम्भा माळकु अंत, “इस्त्राएल दा हगि यागलु नोळकु आगीदील.”

³⁴ *लेकीन फरीसीगोळ अंदुर, “इव रा दुष्टआत्मागोळ्द सरदार उन मदत देल दुष्टआत्मागोळी तेगुतान.”

यीशु उन दया

³⁵ *यीशु सप्पा नगरगोळ अदकि ऊरगोळ दा वयाळतोगोन, अदकि राज्य अन्द खुशखबरी प्रचार माळतोगोन, अदकि हर प्रकार इन बमिरी अदकि कमजोरी इक दुर माळतेला ईततुन. ³⁶ *याग आव भीळ इक नोळदुन रा आऊक लॉकुर मा दया बत्त, यतकी आंदुर आ म्यांडागोळ घाई ईरोर यार्द याऊ रखवाला ईला ईरोन, आंदुर व्याकुल अदकि भटकुसकु ईरोर. ³⁷ *आग आव तान चेलागोळ से अंदुन, “हण्ण केई रा हापाळ आव पर क्याल्सा माळावाळेर मजदुर गोर्त आर. ³⁸ इदुरसाटी फसल इन स्वामी से वनिती माळी क् आ आव केई इन फसल कडोर साटी मजदूर कळु बुळुल.”

10

यीशु उन हन्नेळ चेलागोळ

(मरकुस ३:१३-१९; लूका ६:१२-१६)

1 बाक यीशु तान हन्नेळ चेलागोळी तान हात्ती कारदुन, आंदरी दुष्टआत्मागोळ मा अधिकार कोट्टुन क् अवरी तेगुल अदकि सप्पा प्रकार ईनव बमिरगोळ अदकि सप्पा प्रकार ईनव कमजोरीगोळी अक दुर माळुल. 2 इंदुर हन्नेळ प्रेरतिगोळ्द हेसुर हगि आव: पयला शमौन, आऊक पतरस भी अनतान, अदकि आऊन वार्ट अन्दर्यास; जब्दी इन पार याकूब, अदकि आऊन वार्ट यूहन्ना; 3 फलिप्पुस, अदकि बरतुलुमै, थोमा, अदकि कर ताकोमावाळा मत्ती, हलफई नव पार याकूब, अदकि तद्दै, 4 शमौन कनानी, अदकि यहूदा इस्करियोती याव यीशु उक ध्वाका देल हुळसुस बुटीदुन.

हन्नेळ प्रेरतिगोळ्द स्यावा-कार्य

(मरकुस ६:७-१३; लूका ९:१-६; १०:४-१२)

5 ई हन्नेळ प्रेरतिगोळी यीशु आग्या कोटकु कळुदुन: “गैरयहूदीगोळ दी होगवाळेतीर, अदकि सामरीगोळ्द यात्तोदु नगर दा प्रवेश माळबाळेतीर. 6 लेकीन इस्त्राएल इन घराना अन्द अच काळ्द म्यांडागोळ्द हात्ती होगेतीर. 7 अदकि नळुत-नळुत ईद प्रचार माळी: क् ‘स्वर्ग अन राज्य हात्ती होट बंदाद.’ 8 बमिरगोळी चंगा माळी, सोद्व मंळसागोळी जत्तिता माळी, कोढी मंळसा अक शुद्ध माळी, दुष्टआत्मागोळी तेगी. नीमी फुकट दा सक्याद, नीव भी फुकट दा वाटसी. 9 तान खसिा दा ना रा व्हान्ना, अदकि ना बेळ्ली, अदकि ना तांबा ईटेतीर;

* 9:34 ९:३४ मत्ती १०:२५; १२:२४; मरकुस ३:२२; लूका ११:१५ * 9:35 ९:३५ मत्ती ४:२३; मरकुस १:३९; लूका ४:४४ * 9:36 ९:३६ मरकुस ६:३४ * 9:37 ९:३७ लूका १०:२

10 *हादी इन साटी ना झ्वारा, ना दुसरा कुळता, ना जुता अदकि ना कोल हुडी, यतकी क्याल्सा माळावाळा मजदूर उक आऊन मजदूरी सकि पायजे.

11 *येलयारा यातोदारा नगर या ऊरा दा होगी, रा पता हची क्वा अल याव लायक आन. अदकि यागासताका अल टु होळालीर, अदा मान्या ईरेतीर. 12 मान्या प्रवेश माळाहोती आऊक आशीष कोळेतीर. 13 अगर आ मान्या नोर लॉकुर योग्य ईतीदार रा नीम आशरिवाद आंदुर ताका पोहचुसीत, लेकीन अगर आंदुर योग्य ईला इतीदार रा नीम आशरिवाद नीम हात्ती वापस होट बंदीत. 14 *जो यावारा नीमी ग्रहण माळतीदील अदकि नीम मात केळतीदलि, आ मान्या या आ नगर टु होळावती तान काल इन धुळा झाळ्स बुळी. 15 *ना नीम से खरा माताळतीन क्वा न्याय इन दनि आ नगर इन दशा से सदोम अदकि गमोरा अनूद द्याश इन दशा यक्कुल सहन माळा लायक ईततीत.

बरावाळा संकट

(मरकुस १३:९-१३; लूका २१:१२-१७)

16 *नोळी, ना नीमी म्यांडागोळ घाई लांडग्यागोळ न्याड्या कळुतीन, इदुरसाटी हावगोळ घाई बुद्धमिान अदकि कबूतरगोळ घाई भोला बनसी. 17 *लेकीन लॉकुर से सावधान ईरी, यतकी आंदुर नीमी महासभागोळ दा सोपस्यार, अदकि तान पंचायतगोळ दा नीमी क्वाळा देल बळदार. 18 नीव नान साटी हाकमिगोळ अदकि राजागोळ मुंद आंदुर मा, अदकि गैरयहूदीगोळ मा गवाह आगोर साटी पोहचुस्कु आदीर. 19 याग आंदुर नीमी हुळसुस्यार रा ईद चनिता माळबाळेतीर क्वा नाव याता रीत दिेल या येन अंदेव, यतकी जो येनारा नीमी अनोद ईततीत, अद अदा घळी नीमी हेळकु आदीत. 20 यतकी माताळावाळेरे नीव आल्लच, लेकीन नीम स्वर्गीय आप्प उन आत्मा नीम दा माताळतद.

21 *वार्ट, वार्ट उक अदकि आप्प पार उक, कोन्नोर साटी सोपस्यार, अदकि चकिोर मोय-आप्पुर वरिध दा यदकु आंदरी कोनसुस बुट्टार. 22 *नान हेसुर इन कारण सप्पा लॉकुर नीम से दुश्मनी माळ्यार, लेकीन जो आखरी ताका धीरज हुडुकु ईततान आऊंदा उद्धार आदीत. 23 याग आंदुर नीमी ऊंद नगर दा सतुस्यार, रा नीव दुसरा दी ओळेगेतीर. ना नीम से खरा माताळतीन, नीव इस्त्राएल इन सप्पा नगरगोळ दा होगा से पयले अच मंळसा अनूद पार होट बंदान.

24 *चेला तान गुरु से धोड्डेव ईरालुन; अदकि न दास तान स्वामी से. 25 *चेला तान गुरु अक अदकि दास तान स्वामी इन बराबर आगोद अच काफी आद. याग आंदुर मान्या अन स्वामी इक शैतान अंदुर रा आऊन मान्यावाळेरे इक येन येनारा अनतीदलि!

यार देल अंजेव

(लूका १२:२-७)

26 *इदुरसाटी मंळसागोळ से अंजबाळी; यतकी येनारा होचकु हैलेच जो तेरदकु आगतीदील, अदकि न येनारा रहस्यमय आद जो प्रगट आगतीदील. 27 जो ना नीम से अंधार दा अनतीन, अद नीव ऊजुळ दा अनी; अदकि जो ना नीम कवि दा अंदीन, अदरी नीव आळा मा टु प्रचार माळी. 28 आंदुर से अंजबाळी जो मय इक नुकसान माळतार, लेकीन आत्मा अक नुकसान माळ सकालुर; लेकीन परमेश्वर से अच अंजी, जो आत्मा अदकि शरीर येददु नरक दा नष्ट माळ सकतान. 29 येन ऊंद पैस्या दा येददु चमिणी पक्षी मारालव? तरी भी नीम आप्प उन इच्छा अनूद अलावा अऊर दा टु ऊंद भी धरती मा बळिसकाल. 30 नीम ताल्ला अन चुट्टी भी सप्पा आळुकु आव. 31 इदुरसाटी अंजबाळी; नीव हापाळ चमिणीगोळ से भी बार् आईर.

यीशु उक स्वीकार या अस्वीकार माळोद

(लूका १२:८; ९)

* 10:10 १०:१० १ कुरनिथि ९:१४; १ तीमुथयिस ५:१८ * 10:14 १०:१४ प्रेरतिगोळ १३:५१ * 10:15 १०:१५ मत्ती ११:२४ * 10:15 १०:१५ लूका १०:४-१२ * 10:16 १०:१६ लूका १०:३ * 10:17 १०:१७ मरकुस १३:९-११; लूका १२:११,१२; २१:१२-१५ * 10:21 १०:२१ मरकुस १३:२२; लूका २१:१६ * 10:22 १०:२२ मत्ती २४:९; मरकुस १३:१३; लूका २१:१७; मत्ती २४:१३; मरकुस १३:१३ * 10:24 १०:२४ लूका ६:४०; यूहन्ना १३:१६; १५:२० * 10:25 १०:२५ मत्ती ९:३४; १२:२४; मरकुस ३:२२; लूका ११:१५ * 10:26 १०:२६ मरकुस ४:२२; लूका ८:१७

32 “जो यावारा मंळसागोळ मुंद नानी मान्स कोंडान, आऊक ना भी तान स्वर्गीय आप्प उन मुंद मान्स कोमाईन. 33 *लेकीन जो यावारा मंळसागोळ मुंद नान इनकार माळ्यान, आऊक ना भी तान स्वर्गीय आप्प उन मुंद इनकार माळाईन.

यीशु उन बरोद परणाम

(लूका १२:५१-५३; १४:२६,२७)

34 “ईद सम्सबाळी किना धरती मा शांती तरली बंदीन; ना शांती तरली ईला, पर तलवार नळसोर साटी बंदीन. 35 ना रा बंदीन कि: ‘पार उक आऊन आप्प उन से, अदकि पोर इक आकनि मोय इन से, अदकि सास्सा अक आकनि आत्ता से ब्यार माळ कोमाईन; 36 *मळसा अन्द दुश्मन आऊन मान्या अन लॉकुर अच ईततार.’

37 “जो तान मोय या आप्प उक नान से यक्कुल प्रयि जान्सतान, आव नान लायक हैलेच; अदकि जो तान पार या पोर इक नान से यक्कुल प्रयि जान्सतान, आव नान लायक हैलेच; 38 *अदकि जो तान कूरूस नेगुकु नान हदि नळालुर आंदुर नान लायक हैलेच. 39 *जो तान जीव ऊळसोद चाहास्यान, आव अदरी खोऊस्यान; अदकि जो नान कारण तान जीव खोऊस्यान, आव अदरी हासलि माळ्यान.

प्रतफिल

(मरकुस ९:४१)

40 * “जो नीमी ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान. 41 जो भवषियवक्ता अक भवषियवक्ता जान्सकु ग्रहण माळुल, आव भवषियवक्ता अन प्रतफिल हासलि माळ्यान; अदकि जो न्यायी इक न्यायी जान्सकु ग्रहण माळुल, आव न्यायी इन प्रतफिल हासलि माळ्यान. 42 जो यावारा ई स्याणेर दा टु ऊंद मळसा अक नान चेला जान्सकु सर्रिफ ऊंद वाटी नीर कुळस्यान, ना नीम से खरा माताळतीन, आव यातोदु रीतदिल तान प्रतफिल खोऊसतदिलि.”

11

बपतसिमा कोळवाळा यूहन्ना दी टु बातणी कोळावाळे

(लूका ७:१८-३५)

1 याग यीशु तान हननेळ चेलागोळी नरिदेश कोट बुटुन, रा आव आंदुरद नगरगोळ दा उपदेश अदकि प्रचार माळली अल टु होटोदुन.

2 बपतसिमा कोळावाळा यूहन्ना याग बंदीगूह दा मसीह अन क्याल्सागोळ्द समाचार केळदुन अदकि तान चेलागोळी आऊन से ईद केळली कळुदुन, 3 “येन बरावाळा नीना हुय, या नाव यावारा दुसरा अन्द हादी कादेव?”

4 यीशु उत्तर कोट्टुन, “जो येनारा नीव केळतीर अदकि नोळतीर, अद सप्पा होगकु बपतसिमा कोळावाळा यूहन्ना अक हेळबुळी, 5 कि कुढगोळ नोळतार अदकि लंगळागोळ नळुतार वयाळतार, कोदी शुद्ध माळकु आगतार अदकि बयरागोळ केळतार, मुर्दागोळ जित्ता माळकु आगताव, अदकि कंगालगोळी खुशखबरी केळसकु आगतद. 6 अदकि धन्य आर आंदुर, जो नान कारण ठोकर तनिलुर.”

7 याग बपतसिमा कोळावाळा यूहन्ना अन चेलागोळ अल टु होदुर, रा यीशु यूहन्ना अन्द बारा दा लॉकुर से अनली कुरतुन, “नीव आळी दा येन नोळली होगीदरि? येन हवा देल हालुसतेला सरकण्डा अक? 8 बाक नीव येन नोळली होगीदरि? येन मुलायम कपळा हाग्द मळसा अक? नोळी जो मुलायम कपळा हाकतार, आंदुर राजभवनगोळ दा ईरतार. 9 रा बाक येती येन नोळली होगीदरि? येन यावारा भवषियवक्ता अक? हव, ना नीम से खरा अनतीन कि भवषियवक्ता से भी धोड्डेव उक. 10 ईव आवा हुन यार्द बारा दा लखिसकु आद: ‘नोळ, ना तान दूत उक नीन मुंद कळुतीन, जो नीन मुंद नीन हादी तयार माळ्यान.’ * 11 ना नीम से खरा माताळतीन कि जो आर्तेर से पैदा आग्यार, आंदुरदा टु यूहन्ना बपतसिमा कोळावाळा से याऊ धोड्डेव आगीदिल; पर जो स्वर्ग इन राज्य दा स्याणव से स्याणव आन आव यूहन्ना से धोड्डेव आन. 12 *यूहन्ना बपतसिमा कोळावाळा अन्द दनिगोळ टु ईगासताका स्वर्ग इन राज्य दा बलपूर्वक प्रवेश आगतेला ईताद, अदकि बलवान अदरी

* 10:33 १०:३३ २ तीमथियुस २:१२ * 10:36 १०:३६ मीका ७:६ * 10:38 १०:३८ मत्ती १६:२४; मरकुस ८:३४; लूका ९:२३ * 10:39 १०:३९ मत्ती १६:२५; मरकुस ८:३५; लूका ९:२४; १७:३३; यूहन्ना १२:२५ * 10:40 १०:४० लूका १०:१६; यूहन्ना १३:२०; मरकुस ९:३७; लूका ९:४८ * 11:10 ११:१० मलाकी ३:१ * 11:12 ११:१२ लूका १६:१६

कसुकोमतार. 13 यूहन्ना अन बरासताका सप्पा भवषियवक्तागोळ अदकि मूसा अन व्यवस्था भवषियवाणी माळीत. 14 *अदकि मानसोद चाहासतीर रा मान्सी कर्ण एलयियाह जो बरावाळा ईरोन, आव यूहन्ना अच हुन. 15 यार कवि आव, आव केळ कोमुल.”

16 “ना ई पीढी इन लॉकुरद तुलना यार देल माळाईन? आंदुर आ चकिरगोळ घाई आर, जो सात्तागोळ दा कुर्तकु आबुर दाबुर से कारूकु अनतार.”

17 “नाव नीम साठी कोळल मुसदेव,
अदकि नीव कुणदीदलि; नाव वलिाप माळदेव,
अदकि नीव दुखी आगीदिल.”

18 “यतकी यूहन्ना बपतस्मा कोळावाळा ना रा रोटी तति बंदुन अदकि ना अंगुर इन रास्सा कुडुत बंदुन, लेकीन लॉकुर अनतार, ‘आऊन दा दुष्टआत्मा आद.’ 19 मंळसा अन्द पार तति कुडुत बंदुन, अदकि लॉकुर अनतार ‘नोळी, व्हाट्टा तुम्मावाळा अदकि सारा कुडावाळा मंळसा, कर ताकोमावाळेर अदकि पापीगोळव संगी!’ लेकीन परमेश्वर उन ग्यान तान क्याल्सा देल सही ठहरूसकु आग्याद.”

अवशिवासी नगरगोळ (लूका १०:१३-१५)

20 आग यीशु आ नगरगोळी धक्कारसली कुरतुन, यऊरदा यीशु हापाळ सा सामर्थ्य ईनव क्याल्सा माळीदुन, यतकी आंदुर तान मन ईला तरिगुसीदुर. 21 “हे खुराजीन! नीन मा हाय! हे बैतसैदा! नीन मा हाय! यतकी जो सामर्थ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा अव हापाळ पयले बाँरा* होदुकु अदकि राख मा कुर्तकु तान पापगोळ देल तरिगेगायदव. 22 लेकीन ना नीम से अनतीन कर्ण न्याय इन दशिी नीम दशा से सूर अदकि सैदा अन्द दशा यक्कुल सहन माळा लायक ईत्तीत. 23 अदकि हे कफरनहूम, येन नी स्वर्ग ताका म्याकुच नेगुकु आदया? नी पाताल लोक ताका ल्यालमा होदया! यतकी जो सामर्थ्य ईनव क्याल्सा नीन दा माळकु आदव, अगर अव सदोम दा माळकु आगायदव, रा अद नगर ईगासताका बनस्कु ईराईत. 24 *लेकीन ना नीम से अनतीन कर्ण न्याय इन दशिी नीम द्याश से सूर अदकि सैदा अन्द दशा यक्कुल सहन माळा लायक ईत्तीत.”

नान हात्ती बरी अदकि आराम माळी (लूका १०:२१,२२)

25 आटा होती यीशु अंदुन, “हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन कर्ण नी ई मातगोळी आंदुर से जो ग्यानी आर अदकि कलत् माळकु लॉकुर से होचकोमकु ईट्टद, अदकि चकिरगोळ मा प्रगत माळद. 26 हव, हे आप्पा, यतकी नीनी ईदा वळ्ळीद हत्त.”

27 *नान आप्प नानी सप्पा येनारा सोप्स बुतान; आप्प उन अलावा पार उक याऊ अरालुन, सर्फ आप्प; अदकि न पार उन अलावा आप्प उक यावारा अरूतान, सर्फ पार; या आवा यार साटी पार आऊक प्रगत माळतान.”

28 “हे सप्पा मयनत माळावाळेर अदकि कर्ज देल मुळककु लॉकुरा, नान हात्ती बरी; ना नीमी आराम कोळाईन. 29 नान भार तान म्याकुच नेगु कोमी, अदकि नान से कली; यतकी ना नम्र अदकि मुलायम आईन: अदकि तान मन दा वशिराम नोळीर. 30 यतकी नान भार आसान अदकि नान ओझा हल्का आद.”

12

आराम इन दनि इन बारा दा प्रश्न (मरकुस २:२३-२८; लूका ६:१-५)

1 आ समय यीशु आराम इन दशिी केईगोळ दा टु आगतेला होगोन, अदकि आऊन चेलागोळी हसु हत्त रा आंदुर गोदी नव लॉम्बा मूर मूरकु तनिली कुरतुर. 2 फरीसीगोळ ईद नोळकु आऊन से अंदुर, “नोळ, नीन चेलागोळ अद क्याल्सा माळीत्यार, जो आराम इन दशिी माळोद मूसा अन व्यवस्था अन अनुसार उचिति हैलेच.”

* 11:14 ११:१४ मत्ती १७:१०-१३; मरकुस १:११-१३
१०:१५; लूका १०:१२

* 11:21 ११:२१ टाट-चददर, दुख इन हासक्या या कतळी

* 11:24 ११:२४ मत्ती

११:२७ यूहन्ना ३:३५; यूहन्ना १:१८; १०:१५

3 यीशु आंदुर से अंदुन, “येन नीव वाचुसीदील, कि दाऊद, याग आऊक अदकि आऊन संगीगोळी हसु हत रा येन माळदुर? 4 आव ह्यांग परमेश्वर उन भवन दा होदुन, अदकि भेंट येर्सद रोटीगोळी तदिन, यवरी तनिद दाऊद उक अदकि आऊन संगीगोळी उचति ईला ईरोद लेकीन सर्फ याजकगोळी उचति ईरोद? 5 येन नीव मूसा अन व्यवस्था दा वाचुसीदील कि याजक आराम इन दशी सभागृह दा आराम इन दनि इन वधी इक मुरदुर मा भी नरिदोष ठहरूसतार?” 6 पर ना नीम से अनतीन कि ईल आव आन जो सभागृह से भी धोड्डेव आन. 7 अगर् नीव शास्त्रगोळ दा लखिस्द मातगोळद मतलब जानसायदीर, “ना दया देल संतुष्ट आगतीन, बलदान देल ईला, रा नीव नरिदोष उक दोषी ईला ठहरूसायदीर. 8 मळसा अन पार रा आराम इन दनि ईनव भी स्वामी हुन.”

लकवा ग्रस्त मळसा अन चंगाई
(मरकुस ३:१-६; लूका ६:६-११)

9 अल टु नळुकु यीशु आंदुरद यहूदी लॉकुर सभागृह दा बंदुन. 10 अल ऊंद मळसा ईरोन, यार कय वळगकु ईरोद. फरीसीगोळ यीशु मा दोष हचोर साटी आऊन से केळदुर, “येन आराम इन दशी चंगा माळोद मूसा अन व्यवस्था अन अनुसार उचति आद?”

11 यीशु आंदुर से अंदुन, “नीम दा हगि याव आन यार्द ऊंद अच म्यांडा ईरूल, अदकि अद आराम इन दशी खवाँद्रा दा बदिगुल, रा आव अदरी हुळकु व्हार्या तेगुतदिल? 12 भला मळसा अनद कमित म्यांडा से याट यक्कुल आद! इदुरसाटी आराम इन दशी भलाई माळोद उचति आद.” 13 आग आव आ मळसा से अंदुन, “तान कय मुंद माळ.”

आव मुंद माळदुन, अदकि आ कय बाक दुसरा कय इन घाई वळलीद आगेत. 14 आग फरीसीगोळ व्हार्या होगकु आऊन वरिध दा योजना माळदुर कि आऊक याता प्रकार देल कोदेव.

परमेश्वर उन नविळुसद सेवक

15 ईद जानसकु यीशु अल टु होटोदुन. अदकि हापाळ लॉकुर आऊन हदि आगेदुर, अदकि आव सप्पा मुंदुरी चंगा माळदुन, 16 अदकि आंदरी चेतावनी कोट्टुन कि नानी प्रगट माळबाळेतीर, 17 ताकी जो वचन यशायाह भवषियवक्ता अनद दवारा अंदकु आगीत, अद पुरा आगुल:*

18 “नोळी, ईव नान सेवक हुन, यारी ना नविळुसीन;

नान प्रयि, यार देल नान मन संतुष्ट आद:

ना तान आत्मा आऊन मा हाकाईन,

अदकि आव गैरयहूदीगोळी न्याय इन खुशखबरी कोट्टान.

19 आव ना रा झगळा माळ्यान, अदकि ना धूम मचुस्यान,

अदकि ना रा सात्यागोळ दा यावारा आऊन आवाज केळ्यान.

20 आव मेडद सरकण्डागोळी मूरुतदिल,

अदकि धुंगा कोळद बत्ती इक भी नुनाकतदिल,

यागासताका आव न्याय इक वजिय माळ कोमालुन.

21 अदकि गैरयहूदी लॉकुर आऊन हेसुर मा आशा ईट्यार.”

यीशु अदकि बालजबूल

22 आग लॉकुर ऊंद कुदद अदकि मुक्का अक यारदा दुष्टआत्मा ईरोद, यीशु उन हात्ती तंदुर; अदकि आव आऊक चंगा माळदुन, अदकि आव माताळली अदकि नोळली कुरतुन. 23 ईदुर मा सप्पा लॉकुर चकति आगकु अनली कुरतुर, “ईव येन दाऊद उन औलाद हुन?”

24 लेकीन फरीसीगोळ ईद केळकु अंदुर, “ईव रा दुष्टआत्मागोळव सरदार बालजबूल उन मदत देल दुष्टआत्मागोळी तेगुतान.”

25 आव आंदुरद मन इन मात अरूकु आंदुर से अंदुन, “अगर् यातोदारा राज्य दा फूट बळितद, अद ऊजाळसेगतद; अदकि यातोदारा नगर या घराना दा फूट बळितद, अद टीकुसकु ईरतीदील. 26 अदकि अगर् शैतान अच शैतान उक तेगदीत, रा अद खुद इन दा वरिधी आगेग्याद; बाक अदुरद राज्य ह्यांग टीकुसकु ईत्तीत? 27 भला, अगर्

ना शैतान उन सरदार उन सहायता देल दुष्टआत्मागोळी तेगुतीन, रा नीम अनुयायीगोळ यार सहायता देल तेगुतार? इदुरसाटी आंदुर अच नीम न्याय माळ्यार. 28 पर अगर ना परमेश्वर उन आत्मा अन्द सहायता देल दुष्टआत्मागोळी तेगुतीन, रा परमेश्वर उन राज्य नीम हात्ती होट बंदाद.”

29 या ह्यांग यावारा मंळसा यातोवारा ताकतवर मंळसा अन्द मान्या होक्कु आऊन माल कदू सकतान यागासताका कि पयले आव आ ताकतवर मंळसा अक कट कोमालुन? आगासताका आव आऊन मान्या होक्कु माल कदू सकालुन.

30 *जो नान सांगुळ हैलेच आव नान वरिध दा आन, अदकि जो नान सांगुळ जमा माळालुन आव बगरूस्तान. 31 इदुरसाटी ना नीम से अनतीन कि मंळसा अन्द सब प्रकार इन पाप अदकि अपमान माफ माळकु आदीत, लेकीन जो यावारा पवतिर आत्मा अन अपमान माळतान आऊक माफ माळकु आगतीदील. 32 *जो यावारा मंळसा अन्द पार उन वरिध दा येनारा मात अंदान, आऊन ईद अपराध माफ माळकु आदीत, लेकीन जो यावारा पवतिर आत्मा अन्द वरिध दा येनारा अंदान, आऊन अपराध न रा ई युग दा अदकि न बरावाळा युग दा माफ माळकु आगतीदील.

मारर अदकि अदुरद काय (लूका ६:४३-४५)

33 *अगर मारर वळ्लीद आद, रा अदुरद काय भी वळ्लीद ईत्तीत, या मारर नकिम्मा आद, रा अदुरद काय भी नकिम्मा ईत्तीत; यतकी मारर तान काय देल अच अर्तकु आगतद. 34 *हे हाव ईनव चकिरा, नीव बुरा आगकु ह्यांग वळ्लीद मातगोळी अन सकतीर? यतकी जो मन दा तुमकु आद, अदा बाय दा बरतद. 35 वळ्लेव मंळसा तान मन इन वळ्लीद भंडार दा टु वळ्लीद मातगोळी तेगुतान, अदकि बेकार मंळसा बेकार भंडार दा टु बेकार मातगोळी तेगुतान.”

36 “अदकि ना नीम से अनतीन कि जो जो नकिम्मा मातगोळी मंळसागोळ अंदार, न्याय इन दशी आंदुर हर ऊंद आ मात इन लेखा कोट्टार. 37 यतकी नी तान मातगोळ कारण नरिदोष, अदकि तान मातगोळ दा कारण दोषी ठहूरसकु आदया.”

स्वर्गीय चनिह अन्द मांग (मरकुस ८:११-१२; लूका ११:२९-३२)

38 *ईदुर मा थवाळासा शास्त्रीगोळ अदकि फरीसीगोळ यीशु से अंदुर, “हे गुरु, नाव नीन कय देल ऊंद चमत्कार नोळोद चाहासतेव.”

39 *आव आंदरी उत्तर कोट्टुन, “ई दुनया अन्द बेकार अदकि व्यभचारी लॉकुर योना अन्द चमत्कार हुंदसतार, लेकीन योना भवषियवक्ता अन्द चमत्कार इक बटिकु यातोदु दुसरा चमत्कार आंदरी कोटकु आगतीदील. 40 योना मुर दनि अदकि मुर ईळलक आ समुद्र अन धोळ मेन इन व्हाट्या ईत्तुन, हांग अच मंळसा अन्द पार मुर दनि अदकि मुर ईळलक धरती इन बुळक ईत्तान. 41 नीनवे नगर इन लॉकुर न्याय इन दशी ई दुनया अन्द लॉकुर सांगुळ यदकु आंदरी दोषी ठहूरस्यार, यतकी आंदुर योना अन्द प्रचार केळकु मन तरिगुसीदुर; अदकि नोळी, ईल आव आन जो योना से भी धोड्डेव आन. 42 दक्षणि इन रानी न्याय इन दशी ई दुनया अन्द लॉकुर सांगुळ यदकु आंदरी दोषी ठहूरस्यार, यतकी आक सुलैमान उन ग्यान केळोर साटी धरती इन क्वाना टु बंदुर; अदकि नोळी, ईल आव आन जो सुलैमान से भी धोड्डेव आन.

दुष्टआत्मा अन वापसी (लूका ११:२४-२६)

43 “याग दुष्टआत्मा मंळसा दा टु होट बुळतद, रा वंळगीद जागागोळ दा आराम हुंदसली वयाळतद, अदकि अदरी सकाल. 44 आग अनतद, ‘ना तान अदा मानना दा यल टु होटोदीन, होटोगाईन.’ अदकि होटकु अदरी सूना, झाळ-झुळसकु अदकि सजुसकु नोळतद. 45 आग अद होगकु तान से मात्त बेकार येळ आत्मागोळी तान सांगुळ तरतद, अदकि अव आ मान्या समुसकु अल ईरताव, अदकि आ मंळसा अन्द दशा पयला टु भी बेकार आगोगतद. ई दुनया अन बुरा लॉकुरद दशा भी हगि अच आदीत.”

* 12:30 १२:३० मरकुस ९:४० * 12:32 १२:३२ लूका १२:१० * 12:33 १२:३३ मत्ती ७:२०; लूका ६:४४ * 12:34 १२:३४ मत्ती ३:७; २३:३३; लूका ३:७; मत्ती १५:१८; लूका ६:४५ * 12:38 १२:३८ मत्ती १६:१; मरकुस ८:११; लूका ११:१६ * 12:39 १२:३९ मत्ती १६:४; मरकुस ८:१२

यीशु उन मोय अदकि वार्दुर
(मरकुस ३:३१-३५; लूका ८:१९-२१)

46 याग यीशु भीळ से मातगोळी हेळ्त् अच ईरोन, आग आऊन मोय अदकि वार्दुर व्हार्या नदिरकु ईरोर अदकि आऊन से मात हेळोद चाहासोर. 47 *यावारा आऊन से अंदुन, “नोळ, नीन मोय अदकि नीन वार्दुर व्हार्या नदिरकु आर, अदकि नीन से मात हेळोद चाहासतार.”

48 ईद केळकु आव अनावाळेर इक उत्तर कोट्टुन, “याक हुळ नान मोय? अदकि यार उर नान वार्दुर?”
49 अदकि तान चेलागोळ दी तान कय वाळुसकु अंदुन, “नोळी, नान मोय अदकि नान वार्दुर इंदुरा उर. 50 यतकी जो यावारा नान स्वर्गीय आप्प उन इच्छा मा नळदान, आवा नान वार्द, अदकि नान आकतींग, अदकि नान मोय हुळ.”

13

बीजा बोऊसावाळा अन्द उदाहरण
(मरकुस ४:१-९; लूका ८:४-८)

1 अदा दशी यीशु मान्या टु होटकु झील इन कनिरा मा होगकु कुरतुन. 2 *अदकि आऊन हात्ती हगि धोळ्द भीळ जमा आत क आव ड्वांगा मा यरेदुन, अदकि सप्पा भीळ कनिरा मा नदिरकु ईत्त. 3 अदकि आव आंदुर से उदाहरणगोळ दा हापाळ सा मातगोळी अंदुन:

“ऊंद बोऊसावाळा बीजा बोऊसली होट्टुन. 4 बोऊसा होती थ्वाळासा बीजा हादी इन कनिरा मा बदिदव अदकि पक्षीगोळ बंदकु अवरी तनिली कुरतव. 5 येनारा बीजा कल्ल इन जागा मा बदिदव, यल अवरी यक्कुल मुण्ण सकिदिल अदकि गहरा मुण्ण ईला सकिदुर कारण अव जल्दी बेळदोदव. 6 पर सुर्य होळदुर मा अव होत्तेदव, अदकि जळ ईला हुळदुर देल वळ्गोदव. 7 थ्वाळासा बीजा मार्र दा बदिदव अदकि मार्रगोळ वाळुसकु अवरी वत्त बुट्टव. 8 पर थ्वाळासा बीजा वळ्लीद जागा मा बदिदव, अदकि काय तनदव, यातारा सौ गुणा, यातारा साठ गुणा, अदकि यातारा तीस गुणा.”

9 यार कवि आव आव केळ कोमुल.

उदाहरणगोळ्द उद्देश
(मरकुस ४:१०-१२; लूका ८:९,१०)

10 चेलागोळ हात्ती बंदकु यीशु से अंदुर, “नी लॉकुर से उदाहरण दा येती मातगोळ माळत्या?”

11 यीशु उत्तर कोट्टुन, “नीमी परमेश्वर उन राज्य अन्द भेदगोळ्द समझ कोटकु आग्याद, पर आंदरी ईला. 12 *यतकी यार हात्ती आद, आऊक मात्त कोटकु आदीत, अदकि आऊन हात्ती यक्कुल आगेदीत; पर यार्द हात्ती येनु हैलेच, अदुर से जो येनारा आऊन हात्ती आद, अद भी ताकोमकु आगेदीत. 13 ना आंदुर से उदाहरणगोळ दा इदुरसाटी मातगोळी माळतीन क आंदुर नोळकु भी नोळालुर अदकि केळकु भी केळालुर, अदकि समसालुर.” 14 आंदुर बारा दा यशायाह अन्द ईद भवषियवाणी पुरा आगतद:

“नीव कविगोळ देल रा केळतीर, पर समसालीर;

अदकि कण्णगोळ देल रा नोळतीर, पर नीमी काळ्साल.”*

15 “यतकी ई लॉकुरद मन कट्टर आगेग्याद,

अदकि आंदुर केळकु भी अनसुना माळतार

अदकि आंदुर तान कण्णगोळी मुच्च बुळतार;

ईलारा हगि आगबाळुल क आंदुर कण्णगोळ देल नोळुल,

अदकि कविगोळ देल केळुल

अदकि मन देल समसुल,

अदकि आंदुर तरिगकु बरूल,

अदकि ना आंदरी चंगा माळाईन.”

* 12:47 १२:४७ हाळोद नयिम दा ईद वचन लखिसकु हैलेच * 13:2 १३:२ लूका ५:१-३ * 13:12 १३:१२ मत्ती २५:२९; मरकुस ४:२५; लूका ८:१८; १९:२६ * 13:14 १३:१४ यशायाह ६:९-१०

16 *पर धन्य आव नीमव कण्णगोळ, की अव नोळताव; अदकि नीमव कवि अद केळताव. 17 यतकी ना नीम से खरा माताळतीन की हापाळ सा भवषियवक्तागोळ अदकि न्यायीगोळ याता मातगोळी नोळोद चाहासोर अवरी नीव नोळेतीर. लेकीन आंदुर अवरी नोळ सकदील, अदकि याता मातगोळी आंदुर केळोद चाहासोर, अवरी नीव केळेतीर. लेकीन आंदुर अवरी केळ सकदील.

बीजा बोऊसावाळा उदाहरण इन व्याख्या
(मरकुस ४:१३-२०; लूका ८:११-१५)

18 “इग नीव बीजा बोऊसावाळा अनूद उदाहरण इन अर्थ केळी. 19 जो यावारा राज्य अनूद वचन केळकु समसालुन, आऊन मन दा जो येनारा बोऊसकु आगीत, अदरी आ दुष्ट बंदकु कसकु वीयतान. ईद अदा हुन, जो हादी इन कनारा मा बोऊसकु आगीत. 20 अदकि जो कल्ल इन जागा मा बोऊसकु आत, ईद अद हुन, जो वचन केळकु तुरन्त खुशी इन सांगुळ मान्स कोमतान. 21 पर तांदुर दा जळ ईला ईटदुर कारण आंदुर धवाळासा अच दनी नोर आर, अदकि याग वचन इन कारण क्लेश या उपद्रव आगतद, रा आंदुर तुरन्त ठोकर तनितार. 22 जो झाळीगोळ दा बोऊसकु आत, ईद अद हुन, जो वचन इक केळतार, पर ईद दुनिया अन चनिता अदकि धन इन धवाका वचन इक वत्त बुळतद, अदकि आंदुर काय तरसकालुर. 23 जो वळ्ळीद जागा दा बोऊसकु आत, ईद अद हुन, जो वचन इक केळकु समस्तार, अदकि काय तरतार; यारारा सौ गुणा, यारारा साठ गुणा, अदकि यारारा तीस गुणा.”

आळी दाकळोद बीजा अन उदाहरण

24 यीशु आंदरी मात्त ऊंद उदाहरण कोट्टुन: “स्वर्ग इन राज्य आ मळसा अनूद घाई आद याव तान केई दा वळ्ळीद बीजा बोऊसदुन. 25 पर याग लॉकुर मगिोर रा आऊन दुश्मन बंदकु गोदी इन न्याड्या आळी दाकळोद बीजा बोऊसकु होटोदुन. 26 याग कोम होट्टव अदकि लॉम्बागोळ हतदव, रा आळी दाकळोद बीजागोळ्द मार्रगोळ भी काळसदव. 27 ईदुर मा मान्ना अनूद दासगोळ बंदकु आऊन से अंदुर, ‘हे स्वामी, येन नी तान केई दा वळ्ळीद बीजा बोऊसीदलि? बाक आळी दाकळोद बीजा अनूद मार्रगोळ अदुरदा यल टु बंदव?’ 28 आव आंदुर से अंदुन, ‘ईद यावारा दुश्मन उन कयाल्सा हुन.’ दासगोळ आऊन से अंदुर, ‘येन नीन इच्छा आद, की नाव होगकु अवरी कति बुटेव?’ 29 आव अंदुन, ‘ईला, हगि आगवाळुल की आळी दाकळोद बीजा अनूद मार्रगोळ कति होती नीव अऊर सांगुळ गोदी भी कति कोमी. 30 कटाई ताका येदु उक ऊंद सांगुळ वाळुसगोळी, अदकि कटनी इन समय दा ना कडावाळेर से अनाईन की पयले आळी दाकळोद बीजा अनूद मार्रगोळी जमा माळकु होताकोर साटी अऊर गट्टा कट कोमी, अदकि गोदी इक नान केई दा जमा माळी.’”

राई इन बीजा अनूद उदाहरण
(मरकुस ४:३०-३२; लूका १३:१८,१९)

31 यीशु आंदरी मात्त ऊंद उदाहरण कोट्टुन: “स्वर्ग इन राज्य राई इन ऊंद बीजा अन घाई आद, यदरी यातोवारा मळसा हुडुकु तान केई दा बोऊस कौडुन. 32 अद सप्पा बीजागोळ से स्याळद रा ईरतद लेकीन याग धोळद आगेगतद आग सप्पा काण्णा-कस से धोळद आगेगतद; अदकि हगि मार्र आगेगतद की आकाश ईनव पक्षी बंदकु अदुर डगालगोळ मा ग्वादा माळ कोमताव.”

खमीर इन उदाहरण
(लूका १३:२०,२१)

33 यीशु आंदरी मात्त ऊंद उदाहरण केळसदुन: “स्वर्ग इन राज्य खमीर इन घाई आद यदरी यातोदारा आर्त हुडुकु हन्नेळ कल्लो हीट्ट दा मीलुस बुटुर अदकि आग्त-आग्त अद सप्पा हीट्ट खमीर आगेत.”

यीशु उन द्वारा उदाहरणगोळ्द प्रयोग
(मरकुस ४:३३,३४)

34 ईव सप्पा मातगोळ यीशु उदाहरणगोळ दा लॉकुर से अंदुन, अदकि बनि उदाहरण देल आव आंदुर से येनु ईला अनतोगोन, 35 की जो वचन भवषियवक्ता अनूद द्वारा अंदकु आगीत, अद पुरा आगुल:

“ना उदाहरण अनली तान बाय खोलसाईन:

ना आ मातगोळी जो दुनिया अनन्द उत्पत्तुट्टु होचकु ईताव प्रगट माळाईन.” ✨

आळी दाकळोद बीजा अनन्द उदाहरण इन व्याख्या

36 आग यीशु भीळ इक बटिकु मान्नी बंदुन, अदकि यीशु उन चेलागोळ आऊन हात्ती बंदकु अंदुर, “केई इन आळी दाकळोद बीजा अनन्द उदाहरण नामी समझुसबुळ.”

37 यीशु आंदरी उत्तर कोट्टुन, “याव वळ्लीद बीजा अक बोऊसीदुन आव मळसा अनन्द पार हुन. 38 केई दुनिया हुन, वळ्लीद बीजा राज्य अनन्द औलाद हुन, अदकि आळी दाकळोद बीजा दुष्ट इन औलाद हुन. 39 या दुश्मन अवरी बोऊस्यान आव शैतान हुन; कटनी दुनिया अनन्द अन्त हुन, अदकि कडावाळेर स्वर्गदूत उर. 40 इदुरसाटी ह्यांग आळी दाकळोद कचरा जमा माळकु होताक्कु आगताव हांग अच दुनिया अनन्द आखरी दा आदीत. 41 मळसा अनन्द पार तान स्वर्गदूतगोळ इक कळ्यान, अदकि आंदुर आऊन राज्य दा टु सप्पा ठोकर इन कारणगोळी अदकि कुकर्म माळावाळेरी इक जमा माळ्यार, 42 अदकि आंदरी बेक्की इन कुण्ड दा हाक्यार, यल आंदुर वरल्यार अदकि हल्ल कच्यार. 43 आ समय न्यायी तान आप्प उन राज्य दा सुर्य अनन्द घाई चमकुस्यार. यार कवि आव आव केळ कोमुल.”

होचकु खजाना अनन्द उदाहरण

44 “स्वर्ग इन राज्य केई दा होचकु धन इन घाई आद, या यावारा मळसा अक सक्ति अदकि आव अदरी मात होचकु ईटदुन, अदकि हापाळ खुश आदुन अदकि होगकु तान सब येनारा मार बुट्टुन अदकि आ केई इक कौड कौडुन.”

अनमोल मोती अनन्द उदाहरण

45 “बाक स्वर्ग इन राज्य ऊंद व्यापारी इन घाई आद जो वळ्लीद मोतीगोळ्द खोज दा ईरोन. 46 याग आऊक ऊंद बहुमुल्य मोती सक्ति रा आव होगकु तान सब कुछ मार बुट्टुन अदकि अदरी कौड कौडुन.”

जार इन उदाहरण

47 “बाक स्वर्ग इन राज्य आ धोळ्द जार इन घाई आद जो समुद्र दा हाक्कु आत, अदकि हर प्रकार इन जीवगोळी जमा माळकु तर्त. 48 अदकि याग जार मेनगोळ देल तुम्मेत, रा मेन हुडावाळेर अदरी कनारा मा जेडुकु तंदुर, अदकि कुरतकु वळ्लेव-वळ्लेव बर्तनगोळ दा जमा माळदुर अदकि बेकार-बेकार मेनगोळी भीट बुट्टु. 49 दुनिया अनन्द आखरी दा हगि अच आदीत. स्वर्गदूत बंदकु पापीगोळी न्यायी लॉकुर से अलग माळ्यार, 50 अदकि आंदरी बेक्की इन कुण्ड दा हाक्यार. यल आंदुर वरल्यार अदकि हल्ल कच्यार.”

हाळोद अदकि व्हाशोद शिक्षा अनन्द महत्व

51 यीशु तान चेलागोळ से केळदुन, “येन नीव ई सप्पा मातगोळ सम्सदीर?”

चेलागोळ उत्तर कोट्टुन, “हव.”

52 यीशु आंदुर से अंदुन, “इदुरसाटी हर ऊंद शास्त्री जो स्वर्ग इन राज्य अनन्द चेला बनस्यान, आव आ मान्नावाळा अनन्द घाई आन जो ताम भंडार दा टु व्हाशोद अदकि हाळोद वस्तुगोळी तेगुतान.”

नासरत दा यीशु उन अनादर

(मरकुस ६:१-६; लूका ४:१६-३०)

53 याग यीशु ई सप्पा उदाहरण अंद कौडुन, रा अल टु होटोदुन. 54 अदकि तान नगर दा बंदकु आंदुरद यहूदी लॉकुरद सभागृह दा आंदरी हगि उपदेश कोळली कुरतुन की आंदुर चकति आगकु अनली कुरतुर, “ईऊक ईद ग्यान अदकि सामर्थ्य अनन्द क्याल्सा यल टु सकिदव? 55 येन ईव व्हर्स हुळ्ली माळावाळा अन पार आलच? अदकि येन ईऊन मोय इन हेसुर मरयिम अदकि ईऊन वारट्टुद हेसुर याकूब, यूसुफ, शमौन अदकि यहूदा हैलेच? 56 अदकि येन ईऊन सप्पा आकतीगेर नाम न्याड्या दा ईरालुर? बाक ईऊक ईद सप्पा ग्यान यल टु सक्ति?” 57 ✨ईद प्रकार आंदुर आऊन कारण ठोकर तदुर,

यीशु आंदुर से अंदुन, “भवषियवक्ता अनन्द तान द्याश अदकि तान मान्ना अक बटिकु अदकि यल उच अपमान आगाल.” ✨ 58 अदकि आव अल आंदुरद अवशिवास इन कारण हापाळ सा सामर्थ्य इन क्याल्सा माळीदील.

14

यूहन्ना बपतस्मा कोळावाळा अक कोनसुसोद
(मरकुस ६:१४-२९; लूका ९:७-९)

1 आ समय दा चौथाई द्याश इन राजा हेरोदेस यीशु उन बारा दा चर्चा केळदुन, 2 अदकि तान सेवकगोळ से अंदुन, “ईव यूहन्ना बपतस्मा कोळावाळा हुन! आव सोत्तुर दा टु जत्तिता आग्यान, इदुरसाटी आऊन से सामर्थ्य नव कयाल्सा प्रगट आगताव.”

3 यतकी हेरोदेस राजा तान वार्ट फलिपिपुस उन हगिस् हेरोदय्यास इन कारण, बपतस्मा कोळावाळा यूहन्ना अक हुडुकु कटसुसदुन अदकि जयलखाना दा हाक्क बुट्टुन. 4 यतकी यूहन्ना आऊन से अददिन कितान स्यांळ्द वार्ट उन हगिस् उक ईटोद नीन साठी उचति हैलेच. 5 इदुरसाटी आव आऊक कोंद बुळोद चाहासोन, पर लाँकुर से अंजतोगोन यतकी आंदुर बपतस्मा कोळावाळा यूहन्ना अक भवषियवक्ता मानसतोगोर.

6 लेकीन याग हेरोदेस उन जनम दनि बत्त, रा हेरोदय्यास इनोर पोर हाब्ब दा तान नाच तोरसकु हेरोदेस उक खुश माळदुर. 7 ईदुर मा आव करिया तनिकु वचन कोट्टुन, “जो येनारा नी नानी बेळ्या, ना नीनी कोळाईन.”

8 आक तान मोय इन भळकुसदुर देल ईद अंदुर, “यूहन्ना बपतस्मा कोळावाळा अनूद ताल्ला टाटी दा ईटकु ईगल्या नानी ईल तंदकोळ.”

9 राजा दुखी आदुन, लेकीन तान करिया अन, अदकि सांगुळ कुरावाळेर कारण, आग्या कोट्टुन कजो ई पोर अंदुर अद कोटकु आगुल. 10 अदकि आव जयलखाना दा लाँकुरी कळुकु यूहन्ना अनूद ताल्ला कळसुस बुट्टुन; 11 अदकि आऊन ताल्ला टाटी दा तनकु आत अदकि पोर इक कोटकु आत, अदरी आक तान मोय इन हात्ती ओतुर. 12 आग यूहन्ना नोर चेलागोळ बंदुर अदकि आऊन लाश इक ओतकु नळ्सदुर, अदकि होगकु यीशु उक ईद समाचार कोट्टुर.

अईद हजार मंळसागोळी तनिसोद
(मरकुस ६:३०-४४; लूका ९:१०-१७; यूहन्ना ६:१-१४)

13 याग यीशु यूहन्ना अन बारा दा केळदुन, रा आव इवांगा मा येरकु अल टु यातोदारा सुनसान जागा अक, आबना दा होटोदुन. लाँकुर ईद केळकु नगर-नगर टु पैदल अच आऊन हदि आगेदुर. 14 यीशु होटकु ऊंद धोळ्द भीळ नोळदुन अदकि आंदुर मा तरस तदिन, अदकि आंदुरद बमिर मंळसागोळी चंगा माळदुन.

15 याग द्याव आत रा आऊन चेलागोळ आऊन हात्ती बंदकु अंदुर, “ईद सुनसान जागा आद अदकि समय आगेग्याद; लाँकुरी वदि माळकु अन कजि आंदुर मोहल्लागोळ दा होगकु तान साठी ऊमोद कोमुल.”

16 पर यीशु आंदुर से अंदुन, “आंदुरद होगोद जरूरी हैलेच! नीव अच इंदरी तनिली कोळी.”

17 आंदुर आऊन से अंदुर, “ईल नाम हात्ती अईद रोटी अदकि येढ्द मेनगोळी बटिकु मात्त येनु हैलेच.”

18 यीशु अंदुन, “अवरी नान हात्ती ईल तरी.” 19 आग यीशु लाँकुरी काड्डा मा कुरली हेळदुन, अदकि आ अईद रोटीगोळी अदकि येढ्द मेनगोळी हुळदुन; अदकि स्वर्ग दी नोळकु धन्यवाद माळदुन अदकि रोटीगोळी मूरू मूरूकु चेलागोळी कोट्टुन, अदकि चेलागोळ लाँकुरी कोट्टुर. 20 याग सप्पा लाँकुर तनिकु संतुष्ट आगेदुर, रा चेलागोळ मकिकु तुकळागोळ दा टु तुमकु हननेळ फुट्टीगोळी नेगदुर. 21 अदकि तनिवाळेर आर्तेर अदकि चकिरगोळी बटिकु, अईद हजार मंळसागोळ हात्तीपास ईरोर.

यीशु उन नीर मा नळोद
(मरकुस ६:४५-५२; यूहन्ना ६:१५-२१)

22 आग आव तुरन्त तान चेलागोळी इवांगा मा येरोरसाटी मजबुर माळदुन कजि आंदुर आऊन से पयला आप्पाटी होटोगुल, आगासताका आव लाँकुरी सार माळ्यान. 23 यीशु लाँकुरी सार माळकु, प्रार्थना माळली अलग पहाळ मा होटोदुन; अदकि द्यावगा आव अल आबना ईरोन. 24 आ समय इवांगा कनिरा टु दुर ईरोद अदकि झील इन न्याड्या दा नीर इन लयर देल लयरगोळ देल ईत्त आत्त आलगाळोद, यतकी आँधी इवांगा अनूद ऊलट ईरोद.

25 अदकि यीशु हुंजकुका अन मुर टु आर मुरा अन दरम्यान झील मा नळुतेला आंदुर हात्ती बंदुन. 26 चेला आऊक झील मा नळुतेला नोळकु घबरूसेदुर. अदकि अनली कुरतुर, “ईव भूत हुन!” अदकि अंजक इन मारा देल चलिळास कुरतुर.

27 आग यीशु तुरन्त आंदुर से मातगोळी माळदुन अदकि अंदुन, “हमिमत ईटी! ना हुईन, अंजबाळी!”

28 पतरस आऊक उत्तर कोट्टुन, “हे प्रभु, अगर नीच ह्य, रा नानी तान हात्ती नीर मा नळुकु बरोद आग्या कोळ.”

29 आव अंदुन, “बा!” आग पतरस इवांगा मा टु ईळुकु यीशु उन हात्ती होगली नीर मा नळुली कुरतुन. 30 पर हवा अक नोळकु अंजेदुन, अदकि याग मुळकली कुरतुन रा चळिलासकु अंदुन, “हे प्रभु, नानी ऊळस!”

31 यीशु तुरन्त कय वाढुस्कु आऊक हुडुकोडुन अदकि आऊन से अंदुन, “हे अल्पवशिवासी, नी येती शंका माळद?”

32 याग आंदुर इवांगा मा येरदुर, रा हवा रूकसेत. 33 ईदुर मा आंदुर जो इवांगा मा ईरोर, आऊक दण्डवत माळकु अंदुर, “खराखुरा, नी परमेश्वर उन पार ह्य.”

गन्नेसरत दा रोगीगोळी चंगा माळोद

(मरकुस ६:५३-५६)

34 आंदुर आप्पाटी ईळुकु गन्नेसरत इन भूमी मा पोहचुसदुर. 35 अलेर लॉकुर आऊक अर्त कोंडुर अदकि आस-पास इन पुरा प्रदेश दा समाचार कळुदुर, अदकि सब बमिर मंळसागोळी आऊन हात्ती तंदुर, 36 अदकि आऊन से वनिती माळली कुरतुर क्क आव आंदरी तान कपळा अन्द पल्लाक अच मुट गोळुल; अदकि यास मुंदुर आऊक मुटदुर, आंदुर चंगा आगोदुर.

15

पुर्वजगोळद शक्तिषा

(मरकुस ७:१-१३)

1 आग यरूशलेम टु थ्वाळासा फरीसी अदकि शास्त्री यीशु उन हात्ती बंदकु अनली कुरतुर, 2 “नीन चेलागोळ पुर्वजगोळद परंपरागोळी येती टाल्सतार, क्क बिना कय तोळुकु रोटी तनितार?”

3 यीशु आंदरी उत्तर कोट्टुन, “नीव भी तान परंपरागोळ कारण येती परमेश्वर उन आग्या टाल्सतीर? 4 यत्की परमेश्वर अंदान, ‘तान आप्प अदकि तान मोय इन आदर माळेत,’ अदकि ‘जो यावारा आप्प या मोय इक बुरा भला अंदान, आऊक कोंदकु आदीत.’ 5 लेकीन नीव अनतीर क्क अगर यावारा तान आप्प या मोय से अनुल, ‘जो येनारा नीनी नान से लाभ पोहचुस सकोद, अद परमेश्वर उक भेंट येरसकु आगोग्याद,’ 6 रा आव तान आप्प उन आदर माळालुन, ईद प्रकार नीव तान परंपरा अन्द कारण परमेश्वर उन वचन टाल्स बुटीर. 7 हे कपटीगोळा, यशायाह नीम बारा दा ईद भवषियवाणी खरा अच माळयान.”

8 “ई लॉकुर टुटगोळ देल रा नान आदर माळतार, लेकीन ईदुर मन नान से दुर ईरतद.

9 अदकि आंदुर बेकार नान उपासना माळतार, यत्की मंळसागोळ वधीगोळी नयिम शास्त्र बन्सकु कल्सतार.”

अशुध्द माळावाळा मातगोळ

(मरकुस ७:१४-२३)

10 आग यीशु लॉकुरी तान हात्ती कारूकु आंदुर से अंदुन, “केळी, अदकि समसी: 11 जो बाय दा होगतद, अद मंळसा अक अशुध्द माळाल, पर जो बाय टु होळतद, अदा मंळसा अक अशुध्द माळतद.”

12 आग चेलागोळ बंदकु आऊन से अंदुर, “येन नी जान्स्त्या क्क ईद वचन केळकु फरीसीगोळद भावनागोळी टेस पोहचुस्त?”

13 यीशु उत्तर कोट्टुन, “हर मार्र जो नान स्वरगीय आप्प हचीदलि, कतिकु आदीत. 14 आंदरी होगोळी; आंदुर कुढ्द मार्गदर्शक आर अदकि कुढ्द अगर कुढ्द मंळसा अक हादी तोरसुल, रा येढ्दु मुंदुर खांदरा दा बदिदार.”

15 ईद केळकु पतरस आऊन से अंदुन, “ईद उदाहरण नामी समजुस बुळ.”

16 यीशु अंदुन, “येन नीव भी ईगासताका ना समझ आईर? 17 येन नीव जान्सालीर क्क जो येनारा बाय दा होगतद अद व्हाट्टा दा होगतद, अदकि शरीर टु होट्ट बुळतद? 18 पर जो येनारा बाय दा टु होळतद, अद

मन देल होळतद, अदकि अदा मंळसा अक अशुध्द माळतद. 19 यतकी बुरा वचार, कोननोद, परस्त्रीगमन, व्यभचार, काळलपनी, ख्वाटा गवाही अदकि अपमान मन देल अच होळतद. 20 ईवा हुव जो मंळसा अक अशुध्द माळताव, लेकीन बनिा कय तोळ्द ऊमली कुरोद मंळसा अक अशुध्द माळाल.”

आर्त इन वशिवास
(मरकुस ७:२४-३०)

21 यीशु अल टु होटक, सूर अदकि सैदा अन्द प्रदेश दी होटोदुन. 22 आ प्रदेश टु ऊंद कनानी आर्त होट्टुर, अदकि चळ्ळिासकु अनली कुरतुर, “हे प्रभु! दाऊद उन पारा, नान मा दया माळ! नान पोर इक दुष्टआत्मा हापाळ सतुसीत्याद.”

23 पर यीशु आकी येनु उत्तर कोटीदील. आग आऊन चेलागोळ बंदकु आऊन से वनिती माळदुर, “ईकी सार माळ, यतकी आक नाम हदि चळ्ळिासतेला बरेत्यार.”

24 आव उत्तर कोट्टुन, “इस्त्राएल इन घराना अन्द काळ्द म्यांडागोळी बटिकु ना यारदु हात्ती कळुकु आगीदील.”

25 लेकीन आक बंदुर, अदकि यीशु उक प्रणाम माळकु अनली कुरतुर, “हे प्रभु, नान मदत माळ.”

26 आव उत्तर कोट्टुन, “चकिोरगोळ्द रोटी हळकु नायगोळ्द मुंद हाक्कोद उचति हैलेच.”

27 आक अंदुर, “खरा आद प्रभु, पर नायगोळ भी अद चुराचारा तनिताव, जो अऊर्द स्वामीगोळ मेज मा टु बळितद.”

28 ईदुर मा यीशु आकी उत्तर कोट्टुन, “हे आर्त, नीन वशिवास धोळ्द आद. ह्यांग नी चाहसत्या, नीन साठी हांगा आगुल.” अदकि आकनि पोर अदा घळी चंगा आगेदुर.

अनेक रोगीगोळी चंगा माळोद

29 यीशु अल टु गलील इन समुद्र अन्द हात्ती बंदुन अदकि पहाळी मा येरकु कुरतोदुन. 30 आग भीळ इन भीळ आऊंद हात्ती बत्त. आंदुर तान सांगुळ लंगळागोळी, कुदुदगोळी, मुक्कागोळी, डुण्डागोळी अदकि मातत हापाळ सा मुंदरी आऊन हात्ती तंदुर, अदकि आंदरी आऊन कालगोळ मा हाक्क बुटुर, अदकि आव आंदरी चंगा माळदुन. 31 याग लॉकुर नोळदुर कि मुक्कागोळ माताळतार, अदकि डुण्डागोळ चंगा आगतार, अदकि लंगळागोळ नळुतार, अदकि कुदुद नोळतार रा लॉकुर अचम्भा माळदुर अदकि इस्त्राएल इन परमेश्वर उन बळाई माळदुर.

नाक हजार लॉकुरी तनिसोद
(मरकुस ८:१-१०)

32 यीशु तान चेलागोळी हात्ती कारूकु आंदुर से अंदुन, “नानी ई भीळ मा हापाळ दया बरेत्याद, यतकी आंदुर मुर दनि टु नान सांगुळ आर अदकि आंदुर हात्ती येनु तनिली हैलेच. ना आंदरी उपासा सार माळोद चाहसालीन, ईलारा हगि आगबाळुल कि आंदुर हादी मा थक्सकु ईतोगुल.”

33 चेलागोळ आऊन से अंदुर, “नामी ई आळी दा यल टु ईस रोटीगोळ सकियाव कि नाव ईट धोळ्द भीळ इक संतुष्ट माळेव?”

34 यीशु आंदुर से केळदुन, “नीम हात्ती यास रोटीगोळ आव?” आंदुर अंदुर, “येळ, अदकि थ्वाळासा स्याणेव मेनगोळ.”

35 आग यीशु लॉकुरी ल्याल्मा कुरोद आग्या कोट्टुन. 36 अदकि आ येळ रोटीगोळी अदकि मेनगोळी हुळदुन, धन्यवाद माळकु मुरदुन, अदकि तान चेलागोळी कोळतोदुन, अदकि चेलागोळ लॉकुरी. 37 ईद प्रकार देल सप्पा तनिकु संतुष्ट आगेदुर अदकि चेलागोळ मगिद तुकळागोळ दा टु येळ फुटी नेगदुर. 38 तनिवाळेर आर्तेर अदकि चकिरी बटिकु नाक हजार मंळसा ईरोर.

39 याग आव भीळ इक सार माळकु ड्वांगा मा येरेदुन, अदकि मगदन प्रदेश दा बंदुन.

16

स्वर्गीय चनिह अन्द मांग
(मरकुस ८:११-१३; लूका १२:५४-५६)

1 *फरीसीगोळ अदकि सद्कीगोळ हात्ती बंदकु यीशु उक परखुसोर साटी आऊन से अंदुर, “नामी स्वर्ग इन येनारा तरी चमत्कार इन चनिह तोरस.”

2 यीशु आंदरी उत्तर कोट्टुन, “द्यावमुळका अक नीव अनतीर, भौसम वळ्ळीद ईत्तीत, यतकी आकाश क्याचांद आद; 3 अदकि व्हातर्या अक अंतीर, ईद आंधी बंदीत, यतकी आकाश क्याचांद अदकि करीद आद.’ नीव आकाश इन लक्षण नोळकु हवामान इन अंदाजा हच सकतीर, पर समय इन चनिह अन अंदाज येती हच सकालीर? 4 *ई युग इन बेकार मंळसा अदकि व्यभचारी लॉकुर चनिह दुंदूसतार, पर योना अन्द चमत्कार इन चनिह अक बटिकु आंदरी मात्त यातोदु चनिह कोटकु आगतीदील.” अदकि यीशु आंदरी बटिकु होटोदुन.

फरीसीगोळ अदकि सद्कीगोळ्द शक्षिा अन्द खमीर
(मरकुस ८:१४-२१)

5 चेलागोळ झील इन आप्पाटी पोहचुसदुर, पर आंदुर रोटी हुडोद मारतोगीदुर. 6 *यीशु आंदुर से अंदुन, “नोळी, फरीसीगोळ अदकि सद्कीगोळ्द खमीर देल सावधान ईरेतीर.”

7 आंदुर आपस दा मातचीत माळली कुरतुर, “नाव रोटी तंददील अनकु आव हगि अनेत्तयान.”

8 ईद जान्सकु, यीशु आंदुर से अंदुन, “हे अल्पवशिवासीगोळा, नीव आपस दा यती वचिर माळतीर कनि नाम हात्ती रोटी हॅलेच? 9 *येन नीव ईगासताका समसीदील? येन नीमी आ अईद हजार इन अईद रोटीगोळ याद हॅलेच, अदकि ना ईद कनि नीव यास फुट्टीगोळ नेगददीर? 10 *अदकि ना आ नाक हजार लॉकुर साटी येळ रोटीगोळ, अदकि ना ईद कनि नीव यास फुट्टीगोळ नेगददीर? 11 नीव यती समसालीर कनि ना नीम से रोटीगोळ बारा दा अंददील, लेकीन ईद कनि नीव फरीसीगोळ अदकि सद्कीगोळ खमीर देल सावधान ईरेतीर.”

12 आग आंदुर समझ दा बत्त कनि आव रोटी इन खमीर देल ईला, पर फरीसीगोळ अदकि सद्कीगोळ्द शक्षिा देल सावधान ईरली हेळीदुन.

पतरस उन यीशु उक मसीह स्वीकार माळोद
(मरकुस ८:२७-३०; लूका ९:१८-२१)

13 यीशु कैसरिया फलिपिपी इन प्रदेश दा बंदुन, अदकि तान चेलागोळ से केळली कुरतुन, “लॉकुर मंळसा अन पार उन बारा दा येन अनतार?”

14 *आंदुर अंदुर, “यारारा यूहन्ना बपतस्मा कोळावाळा अंतार, अदकि यारारा एलयियाह, अदकि यारारा यरिमयाह या भवषियवक्तागोळ दा टु ऊंद यावारा अंतार.”

15 यीशु आंदुर से अंदुन, “लेकीन नीव नानी येन अंतीर?”

16 *शमौन पतरस उत्तर कोट्टुन, “नी जत्तिता परमेश्वर उन पार मसीह हुय.”

17 यीशु आऊक उत्तर कोट्टुन, “हे शमौन, योना अन्द पारा, नी धन्य आय; यतकी मास अदकि खुन देल ईला, लेकीन नान आप्प जो स्वर्ग दा आन, ईद मात नीन मा प्रगट माळयान. 18 अदकि ना भी नीन से अनतीन कनि पतरस हुय, अदकि ना ईद कलल मा तान मंडली माळाईन, अदकि अधोलोक इन फाटक अदुर मा प्रबल आगतीदील. 19 *ना नीनी स्वर्ग इन राज्य इन चाबीगोळ कोळाईन: अदकि जो येनारा नी धरती मा कट्टया, अद स्वर्ग दा कट्टीत; अदकि जो येनारा नी पृथ्वी मा खोलसया, अद स्वर्ग दा खुलसीत.”

20 आग यीशु चेलागोळी चेतावनी कोट्टुन कनि यारदु से अनबाळेतीर कनि ना मसीह हुईन.

तान सायोद बारा दा यीशु उन भवषियवाणी
(मरकुस ८:३१-३३; लूका ९:२२)

21 आ समय टु यीशु तान चेलागोळी हेळली कुरतुन, “जहूरी आद कनि यरूशलेम इक होगार्डन अदकि पुरनयिों, अदकि प्रधान याजकगोळ, अदकि शास्त्रीगोळ कय देल हापाळ दुख नेगार्डन; अदकि कोंदकु आगार्डन; अदकि मुर दनि इन बाद्दा जत्तिता आगार्डन.”

22 इदुर मा पतरस यीशु उक अलग दनकुसकु अंदुन, “हे प्रभु, परमेश्वर माळबाळुल! नीन सांगुळ हगि यागलु आगतीदील.”

* 16:1 १६:१ मत्ती १२:३८; लूका ११:१६ * 16:4 १६:४ मत्ती १२:३९; लूका ११:२९ * 16:6 १६:६ लूका १२:१ * 16:9 १६:९ मत्ती १४:१७-२१ * 16:10 १६:१० मत्ती १५:३४-३८ * 16:14 १६:१४ मत्ती १४:१२; मरकुस ६:१४,१५; लूका ९:१७,८ * 16:16 १६:१६ यूहन्ना ६:६८,६९ * 16:19 १६:१९ मत्ती १८:१८; यूहन्ना २०:२३

23 यीशु तरिगकु पतरस से अंदुन, “हे शैतान, नान मुंद टु दुर आग! नी नान साटी ठोकर इन कारण आय; यतकी नी परमेश्वर उन मातगोळ मा ईला, लेकीन मंळसा अन मातगोळ मा मन हचत्या.”

यीशु उन हदि नळोद मतलब

(मरकुस ८:३४-९:१; लूका ९:२३-२७)

24 *आग यीशु तान चेलागोळ से अंदुन, “अगर यावारा नान हदि बरोद चाहासतान, रा तान तान इन इनकार माळुल अदकि तान क्रूस नेगुल, अदकि नान हदि आगेगुल. 25 *यतकी जो यावारा तान जीव ऊळसोद चाहासयान, आव अदरी खोऊसयान; अदकि जो यावारा नान साटी तान जीव खोऊसयान, आव अदरी हासलि माळयान. 26 अगर मंळसा पुरा दुनया अक हासलि माळयान, अदकि तान जीव इन हाना नेगदान, रा आऊक येन लाभ आदीत? या मंळसा तान जीव इन बदला येन कोट्टान? 27 *मंळसा अन पार तान स्वर्गदूतगोळ सांगुळ तान आप्प उन महमा दा बंदान, अदकि आ समय ‘आ हर ऊंद मंळसा अक आऊन कयाल्सा अनद अनुसार प्रतफिल कोट्टान.’ 28 ना नीम से खरा माताळतीन की जो इल नदिरकु आर, आंदुर दा टु यारारा हगि आर की आंदुर यागासताका मंळसा अन पार उक आऊन राज्य दा बर्त नोळतीदलि, आगासताका मृत्यु उन स्वाद यागलु नेकतीदलि.”

17

यीशु उन रूप बदलुसोद

(मरकुस ९:२-१३; लूका ९:२८-३६)

1 आर दनि इन बाददा यीशु पतरस अदकि याकूब अदकि आऊन वारट यूहन्ना अक सांगुळ हुळदुन, अदकि आंदरी आबना दा यातोदारा ऊचा पहाळ मा ओतुन. अदकि आंदुर अलावा अल याऊ ईला ईरोन. 2 अल आंदुरद मुंद यीशु उन रूप बदलुसेत, अदकि आऊन बाय सुर्य अनद घाई चमकुस्त अदकि आऊन कपळा ज्योत इन घाई उजुळ आगेदव. 3 अदकि मूसा अदकि एलिय्याह आऊन सांगुळ मातगोळ हेळतेला आंदरी कांळसदुर. 4 इदुर मा पतरस यीशु से अंदुन, “हे प्रभु, नाम ईल ईरोद ठीक आद. अगर नीन इच्छा आद रा ना इल मुर हांद्रा माळाईन; ऊंद नीन साटी, ऊंद मूसा अन साटी, अदकि ऊंद एलिय्याह अन साटी.”

5 *यीशु माताळतेला अच ईरोन की ऊंद उजला बादल आंदरी झाक्स बुळ्त, अदकि आ बादल दा टु ईद शब्द होळ्त: “ईव नान प्रयि पार हुन, ईऊन से ना खुश आईन: ईऊन केळी.”

6 चेलागोळ ईद केळकु बाय इन भार देल बदिदुर अदकि हापाळ अंजेदुर. 7 यीशु हात्ती बंदकु आंदरी मुटदुन, अदकि अंदुन, “येळी, अंजबाळी.” 8 आग आंदुर तान कण्णगोळ नेगदुर अदकि यीशु उक बटिकु अदकि यारीकु नोळीदील.

9 याग आंदुर पहाळी मा टु ईळा होती यीशु आंदरी ईद आग्या कोट्टुन, “यागासताका मंळसा अनद पार सोत्तुर दा टु जतिता आगालुन, आगासताका जो येनारा नीव नोळीर यारीकु हेळबाळेतीर.”

10 इदुर मा यीशु उन चेलागोळ आऊन से केळदुर, “बाक शास्त्री यती अनतार की एलिय्याह अनद पयले बरोद जरूरी आद?”

11 यीशु उत्तर कोट्टुन, “एलिय्याह जरूर बंदान, अदकि सप्पा येनारा सुधरूसयान. 12 *लेकीन ना नीम से अनतीन की एलिय्याह होटबंदुन, अदकि लाकुर आऊक अरतीदलि; लेकीन ह्यांग चाहासदुर हांग अच आऊन सांगुळ माळदुर. ईदा रीत दिेल मंळसा अनद पार भी आंदुरद कय देल दुख नेगदान.”

13 आग चेलागोळ समसदुर की यीशु नाम से यूहन्ना बपतस्मा कोळावाळा अनद बारा दा अंदुन.

दुष्टआत्माग्रस्त पार उक चंगा माळोद

(मरकुस ९:१४-२९; लूका ९:३७-४३)

14 याग आंदुर भीळ इन हात्ती पोहचुसदुर, रा ऊंद मंळसा यीशु उन हात्ती बंदुन, अदकि ट्वांगरा टेकसकु अनली कुरतुन, 15 “हे प्रभु, नान पार उन मा दया माळ! यतकी आऊक मरिगी बरतद, अदकि आव हापाळ दुख

* 16:24 १६:२४ मत्ती १०:३८; लूका १४:२७ * 16:25 १६:२५ मत्ती १०:३९; लूका १७:३३; यूहन्ना १२:२५ * 16:27 १६:२७ मत्ती २५:३१; रोमियों २:६ * 17:5 १७:५ मत्ती ३:१७; १२:१८; मरकुस १:११; लूका ३:२२ * 17:5 १७:५ २ पतरस १:१७,१८ * 17:12 १७:१२ मत्ती ११:१४

नेगुतान; अदकि घळी-घळी बेक्की दा अदकि घळी-घळी नीर दा बीळतोगतान. 16 ना तान पार उक नीन चेलागोळ हात्ती तंददीन, पर आंदुर आऊक चंगा माळ सकदील.”

17 यीशु अंदुन, “हे अवशिवासी अदकि हठीला लॉकरगोळा, ना यागासताका नीम सांगुळ ईराइन? यागासताका नीम सहन माळाईन? आ पार उक ईल नान हात्ती तरी.” 18 आग यीशु दुष्टआत्मा अक आग्या कोट्टुन, अदकि अद आऊन दा टु होट बुळत; अदकि पार अदा घळी चंगा आगेदुन.

19 आग चेलागोळ आबना दा यीशु उन हात्ती बंदकु अंदुर, “नाव आ दुष्टआत्मा अक यती तेगु सकदील?”

20 *यीशु आंदुर से अंदुन, “तान वशिवास इन कमी इन कारण, यतकी ना नीम से खरा अनतीन, अगर नीमद वशिवास राई इन दाना अन बराबर भी आद, रा ईद पहाळी से अन सककीर, ‘ईल टु सरकुसकु अल होटोग,’ रा अद होटोदीत; अदकि यातोदु मात नीम साटी असंभव ईरतीदील. 21 लेकीन ईव दुष्टआत्मागोळ प्रार्थना अदकि उपास इन अलावा यातोदु उपाय देल होळालव.”*

*तान सायोद बारा दा यीशु उन मात्त: भवषियवाणी
(मरकुस ९:३०-३२; लूका ९:४३-४५)*

22 याग आंदुर गलील क्षेत्तर दा ईरोर, रा यीशु आंदुर से अंदुन, “ना मळसा अन पार मळसागोळद कय देल हुळसुसकु आगाईन अदकि सौप्सकु आगाईन; 23 अदकि आंदुर आऊक कोंद बुट्टार, अदकि आव तीसरा दशी जत्तिता आदान.” ई मात मा चेलागोळ हापाळ उदास आदुर.

सभागृह अन कर

24 याग यीशु अदकि आऊन चेलागोळ कफरनहूम दा पोहचुसदुर, रा सभागृह अन कर ताकोमावाळेर पतरस उन हात्ती बंदकु केळली कुरतुर, “येन नीम गुरु सभागृह अन कर कोळालुन?”

25 पतरस अंदुन, “हव, कोळतान.”

याग आव मान्या बंदुन, रा यीशु आऊन केळा पयले अच आऊन से अंदुन, “हे शमौन, नी येन सोचत्या? पृथ्वी इन राजा महसूल या कर यार से ताकोमतार? तान चकिोर से या परायागोळ से?”

26 पतरस आऊन से अंदुन, “परायागोळ से.” यीशु आऊन से अंदुन, “आग अच रा चकिोर कर कोळदुर देल ऊळदोदुर. 27 तरी भी इदुरसाटी कनिाव आंदरी ठोकर तनिसतीदील, नी समुद्र अनद कनिरा मा होगकु गरी हाक, अदकि जो मेन पयले होट्टीत, अदरी हुडु; अदुरद बाय तेरदुर मा नीनी ऊंद सकिका सकिकीत, अदरी का हुडुकु नान अदकि तान कर आंदरी कोटबुळेत.”

18

*स्वर्ग इन राज्य दा धोड्डेव याव?
(मरकुस ९:३३-३७; लूका ९:४६-४८)*

1 *अदा घळी चेलागोळ यीशु उन हात्ती बंदकु केळली कुरतुर, “स्वर्ग इन राज्य दा धोड्डेव याव आन?”

2 इदुर मा यीशु ऊंद पार उक हात्ती कारूकु आंदुरद न्याड्या दा नीदरूसदुन, 3 *अदकि अंदुन, “ना नीम से खरा अनतीन क्कियागासताका नीव बदलुसालीर अदकि चकिोर घाई बनसालीर, नीव स्वर्ग इन राज्य दा प्रवेश माळ सकालीर. 4 जो यावारा तान तान इक ई पार उन घाई स्याणेव माळ्यान, आव स्वर्ग इन राज्य दा धोड्डेव आदान. 5 अदकि जो यावारा नान हेसुर देल ऊंद हगि पार उक ग्रहण माळतान आव नानी ग्रहण माळतान.

*पाप माळोद परीक्षा
(मरकुस ९:४२-४८; लूका १७:१,२)*

6 “पर जो यारारा ई स्याणेव दा टु जो नान मा वशिवास माळतार ऊंद मळसा अक ठोकर तनिस्यार, आऊन साटी भला आगाईत क्कियोळ्द चक्की इन पट्टा आऊन कुतक्या दा लटकुसकु आगाईत, अदकि आऊक खोल समुद्र दा मुळकुसकु आगाईत. 7 ठोकरगोळ्द कारण दुनिया मा हाय! ठोकरगोळ्द हत्तोद जरूरी आद; पर हाय आ मळसा मा यार्द कारण ठोकर हततद.

* 17:20 १७:२० मत्ती २१:२१; मरकुस ११:२३; १ कुरन्थि १३:२ * 17:21 १७:२१ ईद वचन दस्तावेज दा सकाल * 18:1 १८:१ लूका २२:२४
* 18:3 १८:३ मरकुस १०:१५; लूका १८:१७

8 ✨“अगर नीन कय या नीन काल नीनी ठोकर तनिस्याव, रा अवरी कळकु भटिबुळ; डुण्डा या लंगळा आगकु जीवन दा प्रवेश माळोद नीन साटी इदुर से वळ्लीद आद कि येदद कय या येदद काल ईतकु नी अनन्त बेक्की दा हाक्कु आगाईद. 9 ✨अगर नीनव कण्णगोळ नीनी ठोकर तनिस्याव, रा अवरी तेगुकु भटिबुळ; कुदद आगकु जीवन दा प्रवेश माळोद नीन साटी इदुर से वळ्लीद आद कि येदद कण्ण ईतकु नी नरक इन बेक्की दा हाक्कु आगाईद.

काळ्द म्यांडागोळ्द उदाहरण
(लूका १५:३-७)

10 ✨“नीव ई स्याणेरे दा टु यारीकु तुच्छ जान्सबाळेतीर; यतकी ना नीम से अनतीन कि स्वर्ग दा आंदुर स्वर्गदूत नान स्वर्गीय आप्प उन मार्रा हमेशा नोळतार. 11 यतकी मळसा अन्द पार काळ्द मळसागोळी उळ्सली बंदान.

12 “नीव येन सोचतीर? अगर यावारा मळसा अन्द सौ म्यांडागोळ आव, अदकि अदुरदा टु ऊंद भटकुसेगुल, रा येन आव ननियानबे अक बटिकु, अदकि पहाळीगोळ मा होगकु, आ भटकुसद म्यांडा अक दुँदसतीदलि? 13 अदकि अगर हगि आत कि अद आऊक सकित, रा ना नीम से खरा माताळतीन कि आव आ ननियानबे म्यांडागोळ साटी जो भटकुसकु ईला ईरव, आट खुश आगतीदील याट कि ई म्यांडा अन्द साटी आदान. 14 हगि अच नीम आप्प उन जो स्वर्ग दा आन ईद इच्छा हैलेच कि ई स्याणेरे दा टु ऊंद भी नाश आगुल.

वार्टुर अदकि आकतगिरद पाप

15 ✨“अगर नीन वार्ट नीन खलिाप अपराध माळुल, रा होग अदकि आबना दा मातचीत हेळकु आऊक समजुस; अगर आव नीद केळयान रा नी तान वार्ट उक हासलि माळ कौड. 16 अगर आव केळालुन, रा ऊंद या येदद मुंदरी तान सांगुळ मातत वोय, कि ‘हेर ऊंद मात येदद या मुर गवाहगोळद बाय देल नश्चिति माळोद आगुल.’ 17 अगर आव आंदुरद भी केळालुन, रा मंडली से अंदकोम, लेकीन अगर आव मंडली अन भी केळालुन रा नी आऊक गैरयहूदी अदकि कर ताकोमावाळेर घाई मान्स कोम.

रोकसोद अदकि मौका कोळोद

18 ✨“ना नीम से खरा माताळतीन, जो येनारा नीव पृथ्वी मा कट्टीर, अद स्वर्ग दा कट्टीत अदकि जो येनारा नीव धरती मा कट्टया, अद स्वर्ग दा खुलसीत. 19 बाक ना नीम से अनतीन, अगर नीम दा टु येदद मुंदुर पृथ्वी मा यातोदारा मात इन साटी ऊंद मन आगकु अदरी बेळीर, रा अद नान आप्प उन दी टु जो स्वर्ग दा आन, आंदुरद साटी आगेदीत. 20 यतकी येल येदद या मुर मुंदुर नान हेसुर मा जमा आगतार, अल ना आंदुर न्याड्या दा ईरतीन.”

नरिदयी सेवक उन उदाहरण

21 ✨आग पतरस हात्ती बंदकु यीशु से अंदुन, “हे प्रभु, अगर नान वार्ट अपराध माळतेला ईततान, रा ना यास अनली आऊक माफ माळोईन? येन येळ घन ताका?”

22 यीशु आऊन से अंदुन, “ना नीन से ईद अनालीन कि येळ घन ताका लेकीन येळ घन इन सत्तर गुणा ताका.”

23 “इदुरसाटी स्वर्ग इन राज्य आ राजा अन्द घाई आद, याव तान दासगोळ से हिसाब ताकोमोद चाहासदुन. 24 याग आव हिसाब ताकोमली कुरतुन, रा ऊंद मळसा आऊन मुंद तनकु आदुन जो करोळो नव कर्जदार ईरोन. 25 याग आऊन हात्ती पैस्या खण्ळसली येनु ईला ईरोद, रा आऊन स्वामी अंदुन, ‘ईव अदकि ईऊन हगिस् अदकि चकिोर चणिग अदकि जो येनारा ईऊन आद सप्पा मारकु आगुल, अदकि कर्ज तुमकु आगुल.’ 26 इदुर मा आ दास बदिक् आ स्वामी इक प्रणाम माळदुन, अदकि अंदुन, ‘हे स्वामी धीरज हुडु, ना सब कुछ तुम बुळोईन.’ 27 आग आ दास उन स्वामी तरस तनिकु आऊक बटि बुट्टुन, अदकि आऊन कर्जा भी माफ माळ बुट्टुन.

28 “लेकीन याग आव दास व्हार्या होट्टुन, रा आऊन संगी दासगोळ दा टु ऊंद आऊक सकिदुन जो आऊन सौ दीनार इन कर्जदार ईरोन; आव आऊक हुडुकु आऊन कुतक्या ओतदुन अदकि अंदुन, ‘जो येनारा नीन मा कर्ज आद तुमकोम.’ 29 इदुर मा आऊन संगी दास बदिक् आऊन से वनिती माळली कुरतुन, ‘धीरज हुडु, ना सब तुम बुळोईन.’ 30 आव मानसदिलि, लेकीन होगकु आऊक बंदीगूह दा हाक बुट्टुन कि यागासताका कर्ज तुम कोमालुन,

✨ 18:8 १८:८ मत्ती ५:३० ✨ 18:9 १८:९ मत्ती ५:२९ ✨ 18:10 १८:१० लूका १९:१० ✨ 18:15 १८:१५ लूका १७:३ ✨ 18:18 १८:१८ मत्ती १६:१९; यूहन्ना २०:२३ ✨ 18:21 १८:२१ लूका १७:३,४

आगासताका अल्या ईरूल. ³¹ आऊन संगी दास ईद जो आगीत नोळकु हापाळ उदास आदुर, अदकि होगकु तान स्वामी इक पुरा हाल हेळ बुदुर. ³² आग आऊन स्वामी आऊक कारूकु आऊन से अंदुन, हे दुष्ट दास, नी जो नान से वनिती माळ्द, रा ना नीद अद पुरा कर्ज माफ माळदीन. ³³ इदुरसाटी ह्यांग ना नीन मा दया माळदीन, हांग अच नीनी भी तान संगी दास मा दया ईला माळोद हुन?" ³⁴ अदकि आऊन स्वामी गुस्सा दा बंदकु आऊक सजा कोळावाळेर्द कय दा सौप्स बुट्टुन, कयियागासताका आव पुरा कर्ज तुम कोमालुन, आगासताका आंदुर्दा कय दा ईरूल.

³⁵ "ईदा प्रकार अगर नीम दा टु हर ऊंद तान वार्ड उक मन देल माफ माळ्यान, रा नान आप्प जो स्वर्ग दा आन, नीम से भी हांग अच माळ्यान."

19

छोळचट्टी इन बारा दा यीशु उन शक्तिषा (मरकुस १०:१-१२)

1 याग यीशु ईव मातगोळ अंद कोडुन, रा गलील टु होटोदुन; अदकि यरदन गांगा अन्द आप्पाटी यहूदयिया अन्द प्रदेश दा बंदुन. 2 आग धोळ्द भीळ यीशु उन हदि आगेत, अदकि आव अल आंदरी चंगा माळदुन.

3 आग फरीसी आऊन परीक्षा माळोर साटी हात्ती बंदकु अनली कुरतुर, "येन यातोदारा भी कारण देल तान हगिस् उक छोळ चट्टी कोळोद उचति आद?"

4 यीशु आंदरी उत्तर कोट्टुन, "येन नीव शास्त्र दा वाचुसीदील कयिाव आंदरी माळ्यान, आव सुरूवात टु गंळ्स अदकि आर्त इन रूप दा माळदुन, ⁵ अदकि अंदुन, 'इदुरसाटी मंळसा तान मोय-आप्प उक बटिकु तान हगिस् उन सांगुळ ईततान अदकि आंदुर येदुदु मुंदुर ऊंद तन आदार.'* ⁶ इदुरसाटी आंदुर ईग येदुदु ईला, लेकीन ऊंद तन आर. इदुरसाटी यारीक परमेश्वर जोळसयान, अदरी यावारा भी मंळसा अलग माळबाळुल."

7 *आंदुर यीशु से अंदुर, "बाक मूसा ईद यती ठहूसदुन कयि छोळचट्टी कोटकु तान हगिस् उक बटि बुळी?"

8 यीशु आंदुर से अंदुन, "मूसा नीम मन इन कठोरता अन्द कारण नीमी तान-तान हगिस् उक बटि बुळोद आग्या कोटीदुन, लेकीन सुरूवात टु हगि ईला ईरोद. ⁹ *अदकि ना नीम से अनतीन, कयि जो यावारा व्यभचार इक बटिकु अदकि याता कारण देल तान हगिस् उक त्यागस्कु दुसरा अन सांगुळ मदा माळुल, रा आव व्यभचार माळतान; अदकि जो आ बटिकु आर्त से मदा माळुल, रा आव भी व्यभचार माळतान."

10 चेलागोळ यीशु से अंदुर, "अगर गंळ्स उन आर्त इन सांगुळ हगि संबंध आव, रा मदा माळोद वळ्लीद हैलेच."

11 यीशु आंदुर से अंदुन, "सब मदा अन बनिा ईर सकालुर, सर्फि आंदुर यारीक ईद दान कोटकु आग्याद.

12 यतकी यारारा नपुंसक हगि आर, जो मोय इन व्हाट्या टु उच हगि पैदा आग्यार; अदकि यारारा नपुंसक हगि आर, यारी लॉकुर नपुंसक माळ्यार; अदकि यारारा हगि आर, यार स्वर्ग इन राज्य अन्द साटी तान तान इक नपुंसक माळ्यार. जो इदरी ग्रहण माळ सकतान, आव ग्रहण माळुल."

चकिरगोळी आशर्वाद

(मरकुस १०:१३-१६; लूका १८:१५-१७)

13 आग लॉकुर चकिर इक यीशु उन हात्ती तंदुर कयि आव आंदुर मा कय ईटुल अदकि प्रार्थना माळुल, पर चेलागोळ लॉकुरी दनकुसदुर. 14 यीशु अंदुन, "चकिरी नान हात्ती बरगोळी, अदकि आंदरी मना माळबाळी, यतकी स्वर्ग इन राज्य हगि अच चकिर हुन."

15 अदकि यीशु आंदुर ताल्ला मा कय ईटकु आंदरी आशर्षित माळदुन अदकि अल टु होटोदुन.

धनी मंळसा

(मरकुस १०:१७-३१; लूका १८:१८-३०)

16 ऊंद धनी मंळसा यीशु उन हात्ती बंदुन अदकि आऊन से अंदुन, "हे गुरु, ना यातोद वळ्लीद क्याल्सा माळाईन कयि नानी अनन्त जीवन सकिल?"

* 19:5 १९:५ उत्पत्त २:२८ * 19:7 १९:७ मन्ती ५:३१ * 19:9 १९:९ मन्ती ५:३२; १ कुरन्थि ७:१०,११

17 यीशु आऊन से अंदुन, “नी नान से भलाई इन बारा दा यती केळत्या? भला रा ऊन्दा आद, पर अगर नी जीवन दा प्रवेश माळोद चाहासत्या, रा आग्यागोळी मान्सतोग.”

18 आव यीशु से अंदुन, “यातव आग्यागोळ?”

यीशु अंदुन, “ईद कि यारीकारा कोन्न बाळी, व्यभचारि माळबाळी, काळलपनी माळबाळी, खाटा गवाही कोळबाळी, 19 तान आप्प अदकि तान मोय इन आदर माळी, अदकि तान मान्ना हातळोर से तान घाई प्यार ईटी.”

20 आ हारोदव मंळसा आऊन से अंदुन, “ई सब रा ना मानसीन; ईग नान दा याता मात इन कमी आद?”

21 यीशु आऊन से अंदुन, “अगर नी सदिध आगोद चाहासत्या रा होग, तान माल मारकु कंगालगोळी कोळ, अदकि नीनी स्वर्ग दा धन सकिकीत; अदकि बंदकु नान हदि आगेग.”

22 लेकीन आव हारोदव मंळसा ईद मात केळकु उदास आगकु होटोदुन, यतकी आव हापाळ धनी ईरोन.

23 आग यीशु तान चेलागोळ से अंदुन, “ना नीम से खरा अनतीन कि धनवान मंळसा अन स्वर्ग इन राज्य दा प्रवेश माळोद मुश्कलि आद. 24 नीन से मात्त अनतीन कि परमेश्वर उन राज्य दा धनवान उन प्रवेश माळदुर देल ऊँट इन मुगग इन खाँदरा दा टु चुजी होटबुळोद आसान आद.”

25 ईद केळकु चेलागोळ हापाळ चकति आगकु अंदुर, “बाक यार्द उद्धार आग सकतद?”

26 यीशु आंदुर दी नोळकु अंदुन, “मंळसागोळ से रा ईद आगसकाल, लेकीन परमेश्वर से सब कुळ आग सकतद.”

27 इदुर मा पतरस आऊन से अंदुन, “नोळ, नाव रा सप्पा येनारा बटिकु नीन हदि आगीदेव: रा नामी येन सकिकीत?”

28 *यीशु आंदुर से अंदुन, ना नीम से खरा अनतीन कि व्हाशोद सृष्टी दा याग मंळसा अन्द पार तान महमिा अन्द सहिसन मा कुरतान, रा नीव भी जो नान हदि आगेगीर, हन्नेळ सहिसनगोळ मा कुरतकु इसत्राएल इन हन्नेळ वंशगोळ्द न्याय माळीर. 29 अदकि जो यावारा नान साटी तान मान्गोळ, या वार्दुर, या आकतींगेर, या आप्प, या मोय, या चकिोर-चणिंगेर, या केईगोळी नान हेसुर साटी बटि बुटान, आऊक सौ गुणा सकिकीत, अदकि आव अनन्त जीवन इन अधिकारी आदान. 30 *लेकीन हापाळ मुंदुर जो पयला आर, हदिळोर आदार; अदकि जो हदिळोर आर, आंदुर पयला आदार.

20

अंगुर इन बेली इन क्याल्सा माळावाळेर उदाहरण

1 “स्वर्ग इन राज्य यातोवारा मान्नावाळा अन घाई आद, जो व्हातर्या होट्टुन कि तांद अंगुर इन बेली दा मजदूरगोळी क्याल्सा मा हचुल. 2 आव मजदूरगोळी प्रती ऊंद मंळसा अक ऊंद दीनार रोजी मा ईटदुन अदकि आंदरी तान अंगुर इन बेली दा कळुदुन. 3 व्हातर्या अक लगभग ऊम्बत मुरा आव व्हातर्या होट्टुन रा दुसरा लाँकुरी सात्ता दा बेकार नदिरत नोळकु, 4 अदकि आव आंदुर से अंदुन, ‘नीव भी अंगुर इन बेली दा होगी, अदकि जो येनारा वळ्लीद आद, नीमी कोळाईन.’ अदकि आंदुर भी होटोदुर. 5 आग आ लाँकुर भी होटोदुर बाक हन्नेळ मुरा अदकि मुर मुरा अन हात्तीपास आव व्हातर्या होटकु हांग अच माळदुन. 6 अईद मुरा आव मात्त व्हातर्या होटकु दुसरा अक नदिरकु नोळदुन, अदकि आंदुर से अंदुन, ‘नीव यती हागुल तीम बेकार नदिरकु ईरतीर?’ 7 आंदुर आऊन से अंदुर, ‘इदुरसाटी का याऊ नामी क्याल्सा मा हचीदलि.’ आव आंदुर से अंदुन, ‘नीव भी नान अंगुर इन बेली दा होगी.’”

8 “द्यावमुळका अंगुर इन बेली इन स्वामी तान मुनीम से अंदुन, ‘क्याल्सा माळावाळेर इक कारूकु आखरी मजदूर हात्ती टु पयला मजदूर ताका आंदरी मजदूरी कोटबुळ.’ 9 कम से कम अईद मुरा जो क्याल्सा मा हचकु आगीदुर रा आंदरी ऊंद ऊंद दीनार सकित. 10 जो पयले बंदीदुर आंदुर ईद समसदुर कि नामी यक्कुल सकिकीत, लेकीन आंदरी भी ऊंद ऊंद दीनार अच सकित. 11 याग आंदरी ऊंद दीनार सकित रा ईद अनकु केईवाळा मा बळबुळसकु अनली कुरतुर, 12 ई जो बाददा बंदार ईदुर रा ऊंद घंटा अच क्याल्सा माळदुर, अदकि नी आंदरी भी नाम बराबर रोजी कोट, यार हागुल तीम ओझा नेगदुर अदकि बसिल झेल्सदुर.’”

13 आव आंदुर दा टु ऊंद मंळसा अक उत्तर कोट्टुन, “हे संगी, ना नीन सांगुळ येनु अन्याय माळालीन. येन नी नान सांगुळ ऊंद दीनार इन मजदूरी पक्का ईला माळीद? 14 जो नीद आद, नेगु कोम अदकि होटोग; नान

इच्छा ईद आद कियाट नीनी कोटीन आट अच ई हदिळावाळा अक भी कोळाईन. 15 येन ईद उचति हैलेच क्ति ना तान माल से जो चाहासाईन अद माळाईन? येन नान भला ईरोद नीन कण्णगोळी नळतद? 16 *ई प्रकार देल जो हदिळोर आर, आंदुर पयले आदार; अदकि जो पयले आर, आंदुर हदिळोर आदार.”

तान सायोद बारा दा यीशु उन तीसरा भवषियवाणी
(मरकुस १०:३२-३४; लूका १८:३१-३४)

17 यीशु यरूशलेम इक होगोळी हन्नेळ चेलगोळी आबना दा ओतुन, अदकि हादी मा आंदुर से अनली कुरतुन, 18 “नोळी, नाव यरूशलेम इक होगीतेव; अदकि मळसा अन पार प्रधान याजकगोळ अदकि शास्त्रीगोळ्द कय दा हुळसुस्कु आदान, अदकि आंदुर आऊक मृत्यु इन लायक ठहरूस्यार. 19 अदकि आंदुर आऊक गैरयहूदीगोळ कय दा सोपस्यार क्ति आंदुर आऊन मज्याक हारसुल, अदकि क्वाळा बडुल, अदकि कूस मा येरसुल, अदकि आव तसिरा दनि जतिता आदान.”

ऊंद मोय इन वनिती
(मरकुस १०:३५-४५)

20 आग जबदी इन पारगोळ्द मोय, तान पारगोळ सांगुळ यीशु उन हात्ती बंदकु प्रणाम माळदुर, अदकि आऊन से येनारा तरी बेळली कुरतुर.

21 यीशु आकनि से अंदुन, “नी येन चाहासत्या?”

आक आऊन से माताळदुर, “ईद वचन कोळ क्ति नानोर ई येद्व चकिोर नीन राज्य दा ऊंद नीन ऊमा कय अदकि ऊंद नीन डाक्या कय दी कुरतार.”

22 यीशु उत्तर कोट्टुन, “नीव जान्सालीर क्ति येन बेळेतीर. येन नीव अद प्याला कुडू सकतीर यदरी ना कुडोर मा आईन?”

आंदुर आऊन से अंदुर, “कुडू सकतेव.”

23 आव आंदुर से अंदुन, “नीव नान प्याला रा कुळदीर, पर तान ऊमा कय अदकि डाक्या कय दी यारीकारा कुरसोद नान क्याल्सा आलच, लेकीन यार्द साटी नान आप्प उन दी टु तयार माळकु आग्याद, आंदुर दा साटी हुन.”

24 ईद केळकु हत्त चेलगोळ आ येद्व वार्दुर मा नाराज आदुर. 25 *यीशु आंदरी हात्ती कारूकु अंदुन, “नीव जान्सतीर क्ति गैरयहूदीगोळ हाकमि आंदुर मा वशिवास माळतार; अदकि जो धोड्डेर आर, आ लॉकुर आंदुर मा अधिकार जतुसतार. 26 *लेकीन नीम दा हगि आगतीदील; लेकीन जो यावारा नीम दा धोड्डेव आगोद चाहास्यान, आव नीम सेवक आगुल; 27 अदकि जो नीम दा प्रधान आगोद चाहासतान, आव नीम दास आगुल; 28 ह्यांग क्ति मळसा अन पार; ना इदुरसाटी बंददील क्ति आऊन स्यावा माळकु आगुल, लेकीन इदुरसाटी बंदान क्ति खुद स्यावा टहल माळ सकुल, अदकि हापाळ लॉकुरद छुटकारा साटी तान जीव कोळ सकुल.”

येद्व कुद्वगोळी दृष्टीदान
(मरकुस १०:४६-५२; लूका १८:३५-४३)

29 याग यीशु अदकि आऊन चेलगोळ यरीहो नगर टु होळोर, रा ऊंद धोळ्द भीळ आऊन हदि आगेत. 30 अदकि येद्व कुद्वगोळ, जो हादी इन कनिरा मा कुरतकु ईरोर, ईद केळकु क्ति यीशु होगेत्यान, हेसुर ताकोमकु अनली कुरतुर, “हे प्रभु, दाऊद उन औलाद, नाम मा दया माळ.”

31 लॉकुर आंदरी दनकुसदुर क्ति सुंगा ईरूल; पर आंदुर मात्त जोर देल चळिलासकु अंदुर, “हे प्रभु, दाऊद उन औलाद, नाम मा दया माळ.”

32 आग यीशु नदिरकु, आंदरी कारदुन अदकि अंदुन, “नीव येन चाहासतीर क्ति ना नीम साटी माळाईन?”

33 आंदुर यीशु उक अंदुर, “हे प्रभु, ईद क्ति नाव कण्णगोळ देल नोळ सक्केव.”

34 यीशु दया माळकु आंदुर कण्णगोळी मुटदुन, अदकि आंदुर तुरन्त नोळली कुरतुर, अदकि आऊन हदि आगेदुर.

* 20:16 २०:१६ मत्ती १९:३०; मरकुस १०:३१; लूका १३:३० * 20:25 २०:२५ लूका २२:२५,२६ * 20:26 २०:२६ मत्ती २३:११; मरकुस ९:३५; लूका २२:२६

21

यरूशलेम दा वजिय प्रवेश

(मरकुस ११:१-११; लूका १९:२८-४०; यूहन्ना १२:१२-१९)

1 याग आंदुर यरूशलेम इन हात्ती पोहचुसदुर अदकि जैतून पहाळ मा बैतफगे नगर इन हात्ती बंदुर, रा यीशु येदूढ चेलागोळी ईद अनकु कळुदुन, 2 “मुंदळोद ऊर दा होगी. अल होगतेला ऊंद गधा कटक, अदकि अदुर सांगुळ पाड्डा नीमी सक्कीत. अवरी खोल्सकु नान हात्ती तरी. 3 अगर नीम से यावारा येनारा अनुल, रा अनेतीर क्कि प्रभु अक ईऊरुद जरवत आद, आग आव तुरन्त अवरी कळु बुट्टान.” 4 ईद इदुरसाटी आत क्कि जो वचन भवषियवक्ता अन्द द्वारा अनकु आगीत, अद पुरा आगुल:

5 “सयियोन इन पोर इन से अनी,

‘नोळ, नीन राजा नीन हात्ती बरेत्यान;

आव नमर आन, अदकि गधा मा कुर्तकु आन;

मतलब गधा इन पाड्डा मा.’”☆

6 चेलागोळ होगकु, ह्यांग यीशु आंदरी अंददिन, हांग अच माळदुर. 7 अदकि गधा अदकि अदुर पाड्डा अक तनकु, अऊर मा तान कपळा हाकदुर, अदकि आव आ पाड्डा मा कुरतुन. 8 आग हापाळ सा लोकर तान कपळा हादी मा हासदुर, अदकि दुसरा लोकर माररगोळ्ड डगाली कडुकु हादी मा हासदुर. 9 जो भीळ मुंद-मुंद होगतोगोद अदकि ह्दि-ह्दि बरतोगोद, कारू-कारूकु अनतोगोर, “दाऊद उन औलाद उक स्तुर्ता, धन्य आन आव जो प्रभु उन हेसुर देल बरतान, दाऊद उन औलाद उन स्तुर्ता आगुल.”

10 याग यीशु यरूशलेम दा प्रवेश माळदुन, रा पुरा नगर दा हलचल मचुसेत, अदकि लोकर अनली कुरतुर, “ईव याव हुन?”

11 लोकर अंदुर, “ईव गलील इन नासरत उन भवषियवक्ता यीशु हुन.”

मंदरि इन शुद्धीकरण

(मरकुस ११:१५-१९; लूका १९:४५-४८; यूहन्ना २:१३-२२)

12 यीशु परमेश्वर उन मंदरि दा होगकु आ सप्पा मुंदरी, जो मंदरि दा लेन-देन माळोर, तेगद बुट्टुन, अदकि सर्राफागोळ्ड पाळ्सीगोळ अदकि कबूतर मारावाळेद चौकगोळ उलटुस बुट्टुन; 13 अदकि आंदुर से अंदुन, “शास्त्र दा लखिसकु आद, ‘नान मान्ना प्रार्थना अन्द मान्ना कहलुसीत,’ लेकीन नीव अदरी डाकूगोळ्ड हड्डा माळतीर.”☆

14 आग कुदूढ अदकि लंगळागोळ, मंदरि दा आऊन हात्ती बंदुर, अदकि आव आंदरी चंगा माळदुन. 15 लेकीन याग प्रधान याजकगोळ अदकि शास्त्रीगोळ ई अदभुत क्याल्सागोळी, जो आव माळदुन, अदकि चकीर इक मंदरि दा “दाऊद उन औलाद उक स्तुर्ता” अनतेला नोळदुर, रा आंदुर गुस्सा आदुर, 16 अदकि आऊन से अनली कुरतुर, “सयेन नी केळत्या क्कि इंदुर येन अंतार?”

यीशु आंदुर से अंदुन, “हव; येन नीव ईद यागलु वाचुसीदील: चकीर अदकि हाल कुडुत चगिद उर बाय देल अपार स्तुर्ता माळसुसद?”

17 आग यीशु आंदरी बटिकु नगर इन व्हार्या बैतनयियाह अक होदुन अदकि अल आव ईळ्लक बतिसदुन.

यीशु द्वारा श्रापति अंजीर इन मारर

(मरकुस ११:१२-१४; ११:२०-२४)

18 व्हार्या का याग यीशु नगर इक वापस बरोन रा आऊक हसु हत्त. 19 हादी इन कनारा अंजीर इन ऊंद मारर नोळकु यीशु अदुर हात्ती होदुन, अदकि याल्ला अक बटिकु अद मारर मा मात्त येनु ईला ईरोद आव आ मारर इक अंदुन, “ईग टु नीन दा बाक यागलु काय हततदील.” अदकि अंजीर इन मारर तुरन्त वळगेत.

20 ईद नोळकु चेलागोळी अचम्भा आत अदकि आंदुर अंदुर, “ईद अंजीर इन मारर तुरन्त ह्यांग वळगेत?”

21 ☆यीशु आंदरी उत्तर कोट्टुन, “ना नीम से खरा अंतीन, अगर नीव वश्वास ईटी अदकि संदेह माळबाळी, रा न सर्रिफ ईद माळतीर जो ईद पहाळी इक भी अंदीर, ‘कतितेग, अदकि समुद्र दा होगकु बळि,’ रा ईद आगेदीत. 22 अदकि जो येनारा नीव प्रार्थना दा वश्वास देल बेळतीर अद सब नीमी सक्कीत.”

यीशु उन अधिकार मा प्रश्न
(मरकुस ११:२७-३३; लूका २०:१-८)

23 यीशु मंदिर दा मात्त होगकु उपदेश कोळली कुरतुन, रा प्रधान याजकगोळ अदकि लॉकुरद पुरनयागोळ आऊन हात्ती बंदकु केळदुर, “नी ईद क्याल्सा यार्द अधिकार देल माळत्या? अदकि नीनी ईद अधिकार याव कोटान?”

24 यीशु आंदरी उत्तर कोट्टुन, “ना भी नीम से ऊंद मात केळतीन; अगर अद नानी हेळेतीर, रा ना भी नीमी हेळाईन की ईव क्याल्सा यातोद अधिकार देल माळतीन. 25 यूहन्ना अन्द बपतस्मा यल टु ईरोद? स्वर्ग दी टु या मळसागोळ दी टु?”

आग आंदुर आपस दा मातगोळ माळली कुरतुर, “अगर नाव अंदेव ‘स्वर्ग दी टु,’ रा आव नाम से अंदान, ‘बाक नीव आऊन वश्वास यती माळीदलि?’ 26 अदकि अगर अंदेव ‘मळसागोळ दी टु,’ रा नामी भीळ इन अंज्क आद, यतकी आंदुर सप्पा यूहन्ना अक भवषियवक्ता मान्सतार.” 27 इदुरसाटी आंदुर यीशु उक उत्तर कोट्टुर, “नाव अरालेव.”

आव भी आंदुर से अंदुन, “रा ना भी नीमी हेळालीन की ईव क्याल्सा ना याता अधिकार देल माळतीन.

येढ्ढ पारगोळ्द उदाहरण

28 “नीव येन सोचेतीर? यावारा मळसा अन येढ्ढ पारगोळ ईरोर; आव पयला पार उन हात्ती होगकु अंदुन, ‘हे पारा, ईद अंगुर इन बेली दा क्याल्सा माळ.’ 29 आव उत्तर कोट्टुन, ‘ना होग सकालीन,’ लेकीन बाददा पसतासकु होदुन. 30 बाक आप्प दुसरा पार उन हात्ती होगकु हगि अच अंदुन, आव उत्तर कोट्टुन, ‘हव जी होगतीन,’ लेकीन होगीदलि. 31 इंदुर येढ्ढ दा टु यार तान आप्प उन इच्छा पुरा माळदुर?”

आंदुर अंदुर, “पयला पार.”

यीशु आंदुर से अंदुन, “ना नीम से खरा अनतीन की कर ताकोमावाळे अदकि वेश्या नीम से पयले परमेश्वर उन राज्य दा प्रवेश माळतार. 32 *यतकी यूहन्ना न्यायीपन इन हादी दर्शुसतेला नीम हात्ती बंदुन, अदकि नीव आऊन वश्वास माळीदलि; पर कर ताकोमावाळे अदकि वेश्यागोळ आऊन वश्वास माळदुर: अदकि नीव ईद नोळदीर, लेकीन नीव पश्चाताप माळीदलि अदकि आऊन मा वश्वास माळीदलि.”

दुष्ट कसानगोळ्द उदाहरण

(मरकुस १२:१-१२; लूका २०:९-१९)

33 “मात्त ऊंद उदाहरण केळी: ऊंद केई इन मालकि ईरोन, आव अंगुर इन बेली हचीदुन, अदुरद नाकु दी भाळा कटदुन, अदुरदा रास्सा अन्द कुंड अगुळदुन अदकि मचान माळदुन, अदकि कसानगोळी अदुरद ट्याका कोटकु परदेश होटोदुन. 34 याग काय इन समय हात्ती बत्त, रा आव तान दासगोळी अदुरद काय तरोरसाटी कसानगोळ हात्ती कळुदुन. 35 पर कसानगोळ आऊन दासगोळी हुडुकु, यारीकारा रा बळदुर, अदकि यारीकारा कोंद बुटुर, अदकि तसिरा अक कल्लगोळ बळदुर. 36 बाक आव पयले टु यक्कुल अदकि दासगोळी कळुदुन, अदकि आंदुर आ दासगोळ सांगुळ भी हांग अच माळदुर. 37 आखरी दा आव तान पार उक आंदुर हात्ती ईद सोचकु कळुदुन की आंदुर नान पार उन आदर माळ्यार. 38 लेकीन कसानगोळ पार उक नोळकु आपस दा अंदुर, ‘ईव रा वारीस हुन, बरी, ईऊक कोंद बुळाता अदकि ईऊन धन संपत्ती हुडु कोमाता.’ 39 इदुरसाटी आंदुर आऊक हुळदुर अदकि अंगुर इन बेली टु व्हार्या तेगुकु कोंद बुटुर. 40 इदुरसाटी याग अंगुर इन बेली इन मालकि बंदान, रा आ कसानगोळ सांगुळ येन माळयान?”

41 आंदुर आऊन से अंदुर, “आव आ बुरा लॉकुरी बुरा रीतदिल नाश माळयान; अदकि अंगुर इन बेली इन ट्याका दुसरा कसानगोळी कोट्टान, जो उचति समय मा काय तनकु कोट्टार.”

42 यीशु आंदुर से अंदुन, “येन नीव यागलु पवतिरशास्त्र दा ईद वाचुसीदिल: ‘याता कल्ल इक राजमसित्रीगोळ बेकार ठहूसेदुर, अदा कोना अन्द सरि अन्द कल्ल आगेत? ईद प्रभु उन दी टु आगीत, अदकि नाम नजर दा अदभुत आद.’ 43 इदुरसाटी ना नीम से अनतीन की परमेश्वर उन राज्य नीम से ताकोमकु आदीत अदकि हगि लॉकुरी कोटकु आदीत जो ईदुर प्रतफिल तरतार. 44 जो ईद कल्ल मा बदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत.”

45 प्रधान याजक अदकि फरीसी यीशु उन उदाहरणगोळी केळकु समसेदुर की आव आंदुर बारा दा अनतान.
46 अदकि आंदुर आऊक हुडोद चाहासार, लेकीन लॉकुर से अंजदुर यतकी आंदुर आऊक भवषियवक्ता मान्सतोगोर.

22

*मदा अन भोजन इन उदाहरण
(लूका १४:१५-२४)*

1 यीशु मातत आंदुर से उदाहरणगोळ दा अनली कुरतुन, 2 “स्वर्ग इन राज्य आ राजा अन घाई आद, जो तान पार उन मदा अन भोजन कोट्टुन. 3 अदकि आव तान दासगोळी ईद अनकु कळुदुन की आमन्त्रति लॉकुरी मदा दा ऊमली कारी; लेकीन आंदुर बरोद चाहासीदलि. 4 बाक आव मातत दासगोळी ईद अनकु कळुदुन, ‘आमन्त्रति लॉकुरी अनेतीर: नोळी ना ऊमोद तयार माळ कोंडीन, नान वस्ता अदकि नानव पालसदव जनावर कडुकु आदव, अदकि सब कुछ तयार आद; मदा अनद भोज दा बरी.’ 5 लेकीन आंदुर ध्यान कोटीदील अदकि तान हादी इक होटोदुर: यावारा तान केई दा रा यावारा तान व्यापार इक. 6 दुसरा लॉकुर जो मक्कि ईरोर आऊन दासगोळी हुडुकु आंदुरद अपमान माळदुर अदकि आंदरी कोंद बुटुर. 7 आग राजा अक सट्टि बत्त, अदकि आव तान सेना अक कळुकु आ कोन्नावाळेर्द नाश माळदुन, अदकि आंदुरद नगर इक होताक बुट्टुन.”

8 “आग आव तान दासगोळ से अंदुन, ‘मदा अनद भोज रा तयार आद लेकीन नमिन्त्रति लॉकुर आ लायक ईला ईरोर. 9 इदुरसाटी हादी इन कनिरा मा होगी अदकि यास लॉकुर नीमी सकियार, सप्पा लॉकुरी मदा अनद भोजन दा कारूकु तरी.’ 10 इदुरसाटी आ दासगोळ हादी इन कनिरा मा होगकु जो भी वळ्लेर या बेकार लॉकुर आंदरी सकिदुर जमा माळदुर; अदकि मदा अनद मान्ना पावनागोळ देल तुम्मेत.”

11 “याग राजा पाऊनागोळी नोळली बंदुन, रा आव अल ऊंद मंळसा अक नोळदुन, जो मदा अनद कपळा हाक्कु ईला ईरोन. 12 राजा आऊन से केळदुन, ‘हे संगी; नी मदा अनद कपळा हाग्द बनि इल यती बंद्या?’ आऊन बाय बंद आगेत. 13 *आग राजा नवकरगोळ से अंदुन, ‘ईऊन कय-काल कटकु ईऊक व्हारया अंधार दा हाक बुळी, अल वोरलोद अदकि हल्ल कचचोद आदीत.’ 14 यतकी कारदोर रा हापाळ आर लेकीन नीवळुसदोर थ्वाळासा अच आर.”

*कर कोळोद बारा दा प्रश्न
(मरकुस १२:१३-१७; लूका २०:२०-२६)*

15 आग फरीसीगोळ होगकु आपस दा वचारि माळदुर की यीशु उक याता प्रकार देल मातगोळ दा फसुसेव.
16 इदुरसाटी आंदुर तान चेलागोळी हेरोदया अन सांगुळ आऊन हात्ती ईद अनली कळुदुर, “हे गुरु, नाव जान्सतेव की नी खरा आय, अदकि परमेश्वर उन हादी सचचाई देल कल्सत्या, अदकि यारदु परवा माळाल, यतकी नी मंळसागोळ्द मार्रा नोळकु मातगोळ माळाल. 17 इदुरसाटी नामी हेळ नी येन सोचत्या? रोमी सरकार उक कर कोळोद उचति आद की हैलेच.”

18 यीशु आंदुरद कपट पन नोळकु अंदुन, “हे कपटीगोळा, नानी येती परखुसेतीर? 19 नानी अद ऊंद दीनार तोरस, यदुर देल कर कोटकु आगतद.”

आग आंदुर आऊन हात्ती ऊंद चाँदी इन सकिका तंदुर. 20 आव आंदुर से केळदुन, “ईद छाप अदकि हेसुर यारद हुन?”

21 आंदुर यीशु से अंदुर, “कैसर सरकार उन हुन.” आग आव आंदुर से अंदुन, “जो कैसर सरकार उन हुन, अद कैसर सरकार उक; अदकि जो परमेश्वर उन हुन, अद परमेश्वर उक कोळी.”

22 ईद केळकु आंदुर अचम्भति आदुर, अदकि आऊक बटिकु होटोदुर.

*पुनरूत्थान इन बारा दा प्रश्न
(मरकुस १२:१३-१७; लूका २०:२०-२६)*

23 *अदा दनि सद्की जो पुनरूत्थान इक मान्सालुर, यीशु उन हात्ती बंदुर अदकि आऊन से केळदुर, 24 “हे गुरु, मूसा अंददिन की अगर यावारा मंळसा बनि औलाद सोतोदान, रा आऊन वार्ट आऊन हगिस उन सांगुळ मदा माळकु तान वार्ट उन साटी औलाद पैदा माळ्यान. 25 ईग नाम मान्या येळ वार्टुर ईरोर; पयला मदा माळकु

सोतोदुन, अदकि औलाद ईला आगदुर कारण तान रांड्या हगिस उक तांद वार्ट उन साटी बटिट बुटुन. 26 ईदा प्रकार देल दुसरा अदकि तसिरा भी माळदुन, अदकि येळु वारटुर ताका हगि अच आत. 27 आखरी दा सप्पा मुंदुरद बाददा आ आर्त भी सोतोदुर. 28 इदुरसाटी जतिता आगदुर मा आ आर्त येळु दा टु यारोर हगिस आदार? यतकी आक सप्पा मुंदुरद हगिस आगदुर.”

29 यीशु आंदरी उत्तर कोट्टुन, “नीव पवतिरशास्त्र अदकि परमेश्वर उन महिमा जान्सालीर; ई कारण नीव भूल दा बदिक्कु आईर. 30 यतकी जतिता आगदुर मा आंदुर न मदा माळ्यार अदकि न मदा दा कोटकु आदार लेकीन स्वर्ग दा परमेश्वर उन स्वर्गदूतगोळ घाई आदार. 31 लेकीन सोत्त मळसा अन्द जतिता आगोद बारा दा येन नीव ईद वचन वाचुसीदील जो परमेश्वर नीम से अंदुन: 32 ‘ना अब्राहम उन परमेश्वर, अदकि इसहाक उन परमेश्वर, अदकि याकूब उन परमेश्वर हुईन?’ आव सोत्त मळसा नव आलच? लेकीन जतिता लॉकुर परमेश्वर हुन.”*

33 ईद केळकु लॉकुर आऊंद उपदेश देल चकति आदुर.

सब से धोळद आग्या

(मरकुस १२:२८-३४; लूका १०:२५-२८)

34 याग फरीसीगोळ केळदुर कि यीशु सद्कीगोळद बाय बंद माळ बुट्टुन, रा आंदुर जमा आदुर. 35 आंदुर दा टु ऊंद यहूदी व्यवस्था अन शक्षिक यीशु उक परखुसोर साटी आऊक केळदुन, 36 “हे गुरु, व्यवस्था दा यातोद आग्या सब से धोळद आद?”

37 यीशु आऊन से अंदुन, “नीव परमेश्वर तान प्रभु से तान पुरा मन अदकि तान पुरा जीव अदकि तान पुरा बुद्धी इन सांगुळ प्यार ईट. 38 सब से धोळद अदकि मुख्य आग्या रा ईदा हुन. 39 अदकि अदुरदा घाई ईद दुसरा आग्या भी आद कि नी तान मानना हातळोर से तान घाई प्यार ईट. 40 *ईवा येद्व आग्यागोळ पुरा व्यवस्था अदकि भवषियवक्तागोळद आधार आद.”

मसीह यार पार हुन?

(मरकुस १२:३५-३७; लूका २०:४१-४४)

41 याग फरीसी लॉकुर जमा ईरोर, रा यीशु आंदुर से केळदुन, 42 “मसीह अन्द बारा दा नीव येन सोचतीर? आव यार औलाद हुन?”

आंदुर यीशु उक अंदुर, “दाऊद ईनव.”

43 यीशु आंदुर से केळदुन, रा दाऊद आत्मा दा ईत्तकु आऊक प्रभु यती अनतान?

44 “प्रभु, नान प्रभु से अंदुन,

नान ऊम्मा कय दी कुर,

यागासताका कि नाव नीद दुश्मनगोळी नीद काल इन ल्यालमा तंदकोमालेव.”*

45 “याग दाऊद आऊक प्रभु अनतान, रा आव आऊन पार हयांग आदान?” 46 इदुरद उत्तर दा याऊ भी ऊंद मात अन सकदील. आ दनि टु यारीकु बाक आऊन से येनु केळोद हम्मिमत आगीदील.

23

शास्त्रीगोळ अदकि फरीसीगोळ देल सावधान ईरी

(मरकुस १२:३८-३९; लूका ११:४३-४६; २०:४५-४६)

1 आग यीशु भीळ से अदकि तान चेलागोळ से अंदुन, 2 “न्याय कल्सावाळेर शास्त्री अदकि फरीसी मूसा अन्द गद्दी मा कुरतकु आर; 3 इदुरसाटी आंदुर नीम से जो येनारा अंदार अद माळेतीर अदकि मानसेतीर, लेकीन आंदुर घाई क्याल्सा माळबाळेतीर; यतकी आंदुर अंतार पर माळालुर. 4 आंदुर ऊंद भारी ओझा अक यदरी नेगोद मुशकलि आद, कटक अदरी मळसागोळद खांदा मा ईटतार; लेकीन खुद अदरी तान बेळल देल सरकुसोद चाहासालुर. 5 *आंदुर तान सप्पा क्याल्सा लॉकुरी तोरसोर साटी माळतार” आंदुर तान ताबीजगोळी चौळा माळतार अदकि तान कपळा अन्द झालर ऊदान माळतार ताकी लॉकुर आंदरी न्यायात्मा समसुल. 6 आंदुर हाबबगोळ दा मुख्य-मुख्य जागा हासलि माळोद चाहासतार, सभागोळ दा मुख्य-मुख्य आसनगोळ मा कुरोद

* 22:32 २२:३२ नरिगमन ३:६-१५:१६ * 22:40 २२:४० लूका १०:२५-२८ * 22:44 २२:४४ भजन संहिता ११०:१ * 23:5 २३:५ मत्ती ६:१

चाहासतार. 7 सात्तागोळ दा आदर सत्कार चाहसोद, अदकि मंळसागोळ दा गुरु अंदकु आगोद आंदरी वळ्लीद हततद. 8 लेकीन नीव गुरु अनबाळेतीर, यतकी नीमव ऊंदा गुरु आन, अदकि नीव सप्पा वारटुर हुईर.

9 पृथ्वी मा यारीकु आप्प अनबाळेतीर, यतकी नीमव ऊंदा आप्प आन, जो स्वर्ग दा आन. 10 अदकि स्वामी भी अनबाळेतीर, यतकी नीमव ऊंदा स्वामी आन, मतलब मसीह. 11 *जो नीम दा धोड्डेव आगव चाहास्यान आव नीमव सेवक आगुल. 12 *जो यावारा तान तान इक धोळ्द माळ्यान, आव स्याण माळकु आदान: अदकि जो यावारा तान तान इक नम्र माळ्यान, आव धोळ्द माळकु आदान.

यीशु उन द्वारा पाखंडीगोळ्द भर्त्सना

(मर्कुस १२:४०; लूका ११:३९-४२, ४४, ५२; २०:४७)

13 “हे कपटी शास्त्रीगोळा अदकि फरीसीगोळा, नीम मा हाय! नीव मंळसागोळ साटी स्वर्ग इन राज्य अनूद दरवाजा बंद माळतीर, अदकि न रा खुद अदुरदा होगतीर अदकि न रा अदुरदा होगावाळेरी होगगोळालीर. 14 *हे कपटी शास्त्री अदकि फरीसीगोळा, नीम मा हाय! नीव रांड्यागोळ्द माननागोळी बरबाद माळ कोमतीर, अदकि आ लॉकुर दखावा माळोर साटी हापाळ होत ताका प्रार्थना माळतेला ईरतीर: इदुरसाटी नीमी यक्कुल दण्ड सक्कीत.

15 “हे कपटी शास्त्री अदकि फरीसीगोळा, नीम मा हाय, नीव ऊंद मंळसा अक तान मत दा तरोरसाटी पुरा जल अदकि थल मा टेटतीर, अदकि याग आव नीम मत दा होत बरतान रा आऊक तान से येद्व गुणा कपटी माळ कोमतीर.

16 “हे कुद्व अगुवागोळा†, नीम मा हाय! जो अनतार क्क अगर यावारा मंदिर इन करिया तदिान रा येनु ईला, लेकीन अगर यावारा मंदिर इन व्हान्ना अनूद करिया तदिान रा अऊर देल कट्टोदान. 17 हे मूर्खगोळा अदकि कुद्वगोळा, याव धोड्डेव आन; व्हान्ना या अद मंदिर यदुर देल व्हान्ना पवतिर आगतद? 18 बाक अनतीर क्क अगर यावारा वेदी इन करिया तदिान रा येनु ईला, लेकीन जो भेंट अदुर मा आद, अगर यावारा अदुरद करिया तदिान रा अदुर देल कट्टोदान. 19 हे कुद्वगोळा, याव धोड्डेव आन; भेंट या वेदी यदुर देल भेंट पवतिर आगतद? 20 इदुरसाटी जो वेदी इन करिया तनितान, आव अऊरुद भी करिया तनितान जो आ वेदी मा आद. 21 जो मंदिर इन करिया तनितान, आव मंदिर अदकि अदुर दा ईरावाळा परमेश्वर उन भी करिया तनितान. 22 *जो स्वर्ग इन करिया तनितान, आव परमेश्वर उन सहिसन इन अदकि अदुर मा कुरावाळेरुद भी करिया तनितान.

23 “हे कपटी शास्त्री अदकि फरीसीगोळा, नीम मा हाय, नीव पदीना, अदकि सौफ, अदकि जीरा अनूद दसवा अंश रा कोळतीर, लेकीन नीव व्यवस्था अनूद गंभीर मातगोळी मतलब न्याय, अदकि दया, अदकि विश्वास इक बटिबुटीर; आगली पायजे होता क्क इवरी भी माळतेला ईरायदीर अदकि अवरी भी ईला बळ्ळायदरि. 24 हे कुद्व अगुवागोळा, नीव मच्छर इक रा दुंदस कोमतीर, लेकीन ऊँट इक तीन कोमतीर.

25 “हे कपटी शास्त्री अदकि फरीसीगोळा, नीम मा हाय, नीव वाटी अदकि तंळग्या अक म्याक म्याकुच टु रा ऊदतीर लेकीन अव बुळ्क करेव अदकि लालच खुद इन दा भला माळदुर दा तुमकु आव. 26 हे कुद्व फरीसी, पयले कटोरा अदकि तंळग्या अक बुळ्क टु ऊदद क्क अव व्हार्या टु भी वळ्लेव कांळसुल.

27 *हे कपटी शास्त्री अदकि फरीसीगोळा, नीम मा हाय, नीव चुना हज्द मटगोळ घाई आईर जो म्याकुच टु रा सुंदर कांळसताव, लेकीन बुळ्क मुरदा अनूद येलुगोळ अदकि सब प्रकार इन गंदगी देल तुमकु आव. 28 ईदा रीर्ता देल नीव भी म्याकुच टु मंळसागोळी न्यायी कांळस तोगतीर, लेकीन बुळ्क कपट अदकि बुराई देल तुमकु आईर.

शास्त्रीगोळ अदकि फरीसीगोळ मा दण्ड इन भवषियवाणी

(लूका ११:४७-५१)

29 “हे कपटी शास्त्री अदकि फरीसीगोळा, नीम मा हाय, नीव भवषियवक्तागोळ्द कब्रगोळी सुधारसतीर अदकि न्यायीगोळ्द कब्रगोळी सजुसतीर, 30 अदकि अनतीर, ‘अगर नाव तान आज्ञा बाबागोळ्द जमानानोर ईरायदेव रा भवषियवक्तागोळी कोन्नोर दा भागीदार ईला ईरायदेव.’ 31 इदुर देल रा नीव खुद अच गवाही कोळतीर क्क नीव भवषियवक्तागोळी कोन्नावाळेर औलाद हुईर. 32 इदुरसाटी नीव तान आज्ञा बाबागोळ्द

* 23:11 २३:११ मन्ती २०:२६, २७; मर्कुस ९:३५; १०:४३, ४४; लूका २२:२६ † 23:16 २३:१६ स्याणा, नायक * 23:12 २३:१२ लूका १४:११; १८:१४ * 23:14 २३:१४ ईद वचन हाळोद हस्तलेखगोळ दा सकाल्द † 23:16 २३:१६ स्याणा, नायक * 23:22 २३:२२ मन्ती ५:३४ * 23:27 २३:२७ प्रेरतिगोळ २३:३

पाप इन माळका पुरा तरीका देल तुमकोमी. ³³ हे हावगोळा, हे हावगोळ चकिरगोळा, नीव नरक इन दण्ड देल ह्यांग ऊळदीर? ³⁴ इदुरसाटी नोळी, ना नीम हात्ती भवषियवक्तागोळ अदकि बुद्धमिानगोळी अदकि शास्त्रीगोळी कळुतीन; अदकि नीव आंदुर दा टु यावारा अक कोंद बुट्टीर अदकि क्रूस मा येरसीर, अदकि यावारा तान सभागूहगोळ दा क्वाळा बळदीर अदकि ई नगर टु आ नगर दा जेडुतेला ओयाळीर. ³⁵ याव न्यायी हाबील टु हुडुकु बरिक्कियाह अनंद पार जकरयाह ताका, यारी नीव मंदरि अदकि वेदी इन न्याड्या दा कोंद बुटीदीर, यास न्यायीगोळ्द खुन धरती मा वाहुसकु आग्याद अद सप्पा नीम ताल्ला मा बदिदीत. ³⁶ ना नीम से खरा माताळतीन, ई सप्पा मातगोळ ईद समय इन लाकुर मा बंदकु बदिदीत.

यीशु उन यरूशलेम इन साटी प्यार
(लूका ११:४७-५१)

³⁷ “हे यरूशलेम, हे यरूशलेम! नी भवषियवक्तागोळी कोंद बुळत्या, अदकि जो नीद हात्ती कळुकु आग्यार, आंदुर मा कल्लगोळ देल हमला माळत्या. यास अनली ना चाहासदीन कर् ह्यांग कोळी तान पाड्डगोळी तान पक्किगोळ्द ल्यालमा जमा माळतद, हांग अच ना भी नीन चकिरगोळी जमा माळ कोमाईन, लेकीन नी चाहासीदलि. ³⁸ नोळी, नीम मान्ना नीम साटी सुनसान बटिकु आगतद. ³⁹ यतकी ना नीम से अनतीन कर् ईगी टु आगासताका नीव नानी बाक यागलु नोळतीदलि यागासताका नीव अनतीदलि, ‘धन्य आन आव, जो प्रभु अनंद हेसुर देल बरतान.’ ”

24

मंदरि इन वनिश इन भवषियवाणी
(मरकुस १३:१-२; लूका २१:५-६)

1 याग यीशु मंदरि टु होटकु होगोन, रा आऊन चेलागोळ आऊक मंदरि इन रचना तोरसोर साटी आऊन हात्ती बंदुर. 2 यीशु आंदुर से अंदुन, “नीव ईद सप्पा नोळेतीर ना! ना नीम से खरा माताळतीन, ईल कल्ल मा कल्ल भी ईला बळितीदील जो मळ्सकु आगतीदील.”

संकट अदकि क्लेश
(मरकुस १३:३-१३; लूका २१:७-१९)

3 याग यीशु जैतून पहाळी मा कुर्तकु ईरोन, रा चेलागोळ आबना अंदा आऊन हात्ती बंदकु अंदुर, “नामी हेळ कर् ई सब मातगोळ याग आदव? नीन बरोद अदकि दुनयिा अनंद आखरी इन येन चमत्कार ईत्तीत?”

4 यीशु आंदरी उत्तर कोट्टुन, “सावधान ईरी! याऊ नीमी भरमुस बाळुल, ⁵ यतकी हापाळ सा लाँकुर हगि ईत्तार जो नान हेसुर देल बंदकु अंदार, ‘ना मसीह हुईन,’ अदकि हापाळ मुंदरी भरमुस्यार. ⁶ नीव लळाईगोळ मातचीत केळीर अदकि लळाईगोळ्द बारा दा अफवाह केळीर, रा घबरूस बाळेतीर यतकी इदुरद आगोद जरूरी आद, लेकीन आ समय दा अनंत आगतीदील. ⁷ यतकी द्याश मा द्याश, अदकि राज्य मा राज्य चढाई माळेव, अदकि हर जागा दा अकाल बदिदव, अदकि भूकम्प आदव. ⁸ ईव सप्पा मातगोळ दुखगोळ्द सुरूवात माळेव.”

9 आग आंदुर क्लेश कोळोर साटी नीमी हुळसुसकु सोपस्यार, अदकि नीमी कोंद बुट्टार, अदकि नान हेसुर इन कारण सप्पा जातीगोळ लाँकुर नीम से दुश्मनी ईट्यार. ¹⁰ आग हापाळ सा लाँकुर ठोकर तदार, अदकि आबुर दाबुर हुळसुस्यार, अदकि आबुर दाबुर से दुश्मनी ईट्यार. ¹¹ हापाळ सा ख्वाटा भवषियवक्तागोळ बंदार, अदकि हापाळ मुंदरी भरमुस्यार. ¹² अन्याय इन वाळुसदुर देल हापाळ मुंदुरद प्यार ठंडा बदिदीत, ¹³ लेकीन जो आखरी ताका धीरज हुळकु ईत्तान, आऊंदा उदधार आदीत. ¹⁴ अदकि राज्य इन ईद खुशखबरी पुरा दुनयिा दा प्रचार माळकु आदीत, कर् सप्पा जातीगोळ मा गवाही आगुल, आग अनंत होट्ट बंदीत.

महासंकट इन सुरूवात
(मरकुस १३:१४-२३; लूका २१:२०-२४)

15 “इदुरसाटी याग नीव आ उजुळसावाळा बेकार वस्तुगोळ्द यदुरद चर्चा दानयियेल भवषियवक्ता अनंद द्वारा आगीत, पवतिर जागा दा नीदुरकु आद हगि नोळी, वाचुसावाळा खुद अच समसुल कर् ईदुर येन मतलब आद. ¹⁶ आग जो यहूदयिा प्रदेश दा ईतीदार आंदुर पहाळगोळ मा ओळेगुल. ¹⁷ जो छत मा ईतीदार, आव

तान मान्ना दा टु सामान ताकोमली ईळुबाळुल; 18 अदकि जो केई दा ईतीदार, आंदुर तान कपळा ताकोमली हदि होगबाळुल. 19 आ आर्तेर साटी हाय जो आ दनिगोळ दा व्हाट्या दी ईत्तार अदकि जो हाल कुळसतेला ईत्तार! 20 प्रार्थना माळतेला ईरी की नीमी सोळ इन दनिगोळ दा या आराम इन दनि ओळोद बळिबाळुल. 21 यतकी आ समय दा हगि भारी क्लेश आदीत, जसा न रा दुनया अनूद सूरवात टु ईग ताका आगदील अदकि न यागलु आदीत.* 22 अदकि अगर परमेश्वर आ दनिगोळी घटुसोद नश्चय ईला माळायदुन रा ऊंद भी जीव ईला ऊळाईत, लेकीन तान नविळुसूद लॉकुर साटी आव दनिगोळी गोर्त माळयान.

23 “आ समय अगर यावारा नीम से अनुल, ‘नोळी, मसीह इल आन’ या ‘आव अल आन,’ रा वश्वास माळबाळेतीर. 24 यतकी ख्वाटा मसीह अदकि ख्वाटा भवषियवक्ता यदकु नदिर्यार, अदकि धोळद चनिह, अदकि लॉकुरी ध्वाका कोळोर साटी अदभुत क्वाल्सा तोरस्यार की अगर आग सकुल रा नविळुसकु आग्यार आंदरी भी बैकुश बुळुल. 25 नोळी, ना नीमी सप्पा मातगोळ पयले टु ना हेळ बुटीन.”

26 * “इदुरसाटी अगर आंदुर नीम से अनुल, ‘नोळी, आव आळी दा आन,’ रा व्हार्या होळबाळेतीर; या ‘नोळी, आव कोठरीगोळ दा आन,’ रा वश्वास माळबाळेतीर. 27 यतकी जसा सुर्य अनूद करिण पूर्व टु होटकु पश्चिम ताका चमकुसतद, हांग अच मंळसा अन पार उन भी बरोद आदीत.”

28 * “यल लाश ईत्तीत, अल्या गीधाळ जमा आदव.”*

मंळसा अन पार उन दुबारा बरोद

(मरकुस १३:२४-२७; लूका २१:२५-२८)

29 * अचानक आ दनिगोळ दा क्लेश इन तुरन्त बाददा सुर्य अन्धकारमय आगेदीत, अदकि चन्द्रमा अनूद प्रकाश होगतेला ईत्तीत, अदकि तारा आकाश टु बीळतेला ईत्तव अदकि आकाश इन शक्तगोळी हालुसकु आदीत. 30 * आग ना मंळसा अन पार उन चनिह आकाश दा कांळसीत, अदकि आग पृथ्वी इन सप्पा कुलगोळ लॉकुर याददा पीटस्यार; अदकि मंळसा अन पार उक धोळद सामर्थ्य अदकि महिमा अन सांगुळ आकाश इन बादलगोळ मा बरतेला नोळ्यार.* 31 आव तुरही इन धोळद आवाज इन सांगुळ तान स्वर्गदूतगोळी कळयान, अदकि आंदुर आकाश इन ईद छोर टु आ छोर ताका, नाकु क्वाना टु आऊन नविळुसूद लॉकुरी जमा माळ्यार.

अंजीर इन मार्र इन उदाहरण

(मरकुस १३:२८-३१; लूका २१:२९-३३)

32 “अंजीर इन मार्र देल ईद शक्षिा ताकोमी: याग अदुरद डगाली मुलायम आगताव अदकि याल्ला होळली कुरताव, रा नीव जान्स कोमतीर की बसिल इन दनि हात्ती आद. 33 ईदा रीत देल याग नीव ईव मातगोळी आगतेला नोळीर, रा जान्स कोमी की अद दरवाजा मा का आद*, अदकि अद दरवाजा मा का आद. 34 ना नीम से खरा अनतीन की यागासताका इव सप्पा मातगोळ पुरा आगालव, आगासताका ईद पीढी इन अन्त आगतीदील. 35 आकाश अदकि पृथ्वी टलुसेदति, लेकीन नान मातगोळ यागलु टलुसतीदलि.”

अनजान दनि अदकि समय

(मरकुस १३:३२-३७; लूका १७:२६-३०,३४-३६)

36 “लेकीन आ दनि अदकि आ समय इन बारा दा यारू जान्सालुर, न स्वर्गदूतगोळ अदकि ना मंळसा अन पार, लेकीन सर्रिफ आप्प जान्सतान.” 37 “ह्यांग नूह अन दनि ईरव, हांग अच मंळसा अन पार उन भी बरोद आदीत. 38 ह्यांग नीर इन बाळ बरा से पयला अनूद दनिगोळ ताका लॉकुर तति-कुडुत ईत्तुर, अदकि मदा माळ्त ईत्तुर यागासताका नूह जहाज मा येरीदलि. 39 अदकि यागासताका जल प्रलय बंदकु आ सप्पा मुंदरी वाहुसकु ओतीदलि, आगासताका आंदरी येनु उच पता नळददील; हांग अच मंळसा अन पार उन भी बरोद आदीत. 40 आ समय दा येढ्ढ मुंदुर केई दा क्वाल्सा माळ्त ईत्तार, ऊंद नेगुकु आदान अदकि दुसरा बटिकु आदान. 41 येढ्ढ आर्तेर जाता दा पीसुसतेला ईत्तार, ऊंद नेगुकु आदार अदकि दुसरा बटिकु आदार”

42 “इदुरसाटी जागसतेला ईरी, यतकी नीव जान्सालीर की नीम प्रभु याता दशी बंदान. 43 * लेकीन ईद जान्स कोमी की अगर मान्ना अनूद स्वामी जान्स कोमायदुन की चोर यास मुरा बंदान रा च्याता ईरायदुन, अदकि तान

* 24:21 २४:२१ प्रकाशतिवाक्य ७:१४ * 24:21 २४:२१ दानयियेल १२:१; प्रकाशतिवाक्य ७:१४ * 24:26 २४:२६ लूका १७:२३,२४
 * 24:28 २४:२८ लूका १७:३७ * 24:28 २४:२८ लूका १७:३७ * 24:29 २४:२९ प्रकाशतिवाक्य ६:१२; प्रकाशतिवाक्य ६:१३ * 24:30
 २४:३० प्रकाशतिवाक्य १:७ * 24:30 २४:३० दानयियेल ७:१३; जकर्याह १२:१०-१४ * 24:33 २४:३३ समय हात्ती बरेत्याद * 24:43
 २४:४३ लूका १२:३९,४०

मानना अन काळपनी ईला आग गोळायदुन. 44 इदुरसाटी नीव भी तयार ईरी, यतकी याता घळी आऊन बरोद बारा दा नीव सोच भी सकालीर, अदा घळी मंळसा अन पार होट बंदान.”

वशिवासयोग्य दास अदकि दुष्ट दास
(लूका १२:४१-४८)

45 “इदुरसाटी आव वशिवासयोग्य अदकि बुद्धमिान दास याव हुन, यारी स्वामी तान नौकर-चाकरगोळ मा अधिकारी ठहरसदुन का समय मा आंदरी ऊमली कोळुल? 46 धन्य आन आव दास, यारी आऊन स्वामी बंदकु हगि अच माळतेला नोळुल. 47 ना नीम से खरा अनतीन, आ स्वामी आऊक तान सप्पा संपत्ती मा अधिकारी नयिकुत माळ्यान.” 48 लेकीन अगर आ दुष्ट दास ईद सोचुल का नान स्वामी इक बरली समय आद, 49 अदकि तान संगी दासगोळी बडुली हतुल, अदकि सारा कुडावाळेर सांगुळ तनिल-कुडुल. 50 रा आ दास उन स्वामी ईत्ता दनि दा बंदान, याग आव आऊन हादी ईला कायतीदान, अदकि हगि समय यदरी आव जान्सालुन, 51 आग स्वामी आऊक कठोर दण्ड कोट्टान अदकि आऊन पापगोळी कपटीगोळ सांगुळ आळदान: यल लॉकर सरिफ वरलतोदार अदकि हल्ल कचतोदार.

25

हत्त कुवारा पोरगोळद उदाहरण

1 * “स्वर्ग इन राज्य आ हत्त कुवारा पोरगोळ घाई ईत्तीत जो तान मशाल हुडुकु मंळगार से भेंट माळली होटार. 2 आंदुर दा टु अईद मूरख अदकि अईद समझदार ईरोर. 3 आ अईद मूरख पोरगोळ तान मशालगोळ रा हुळदुर, लेकीन तान सांगुळ याण्णा हुळदीदलि; 4 लेकीन समझदार पोरगोळ तान मशालगोळ सांगुळ तान चाळीगोळ दा याण्णा भी तुम कोडुर. 5 याग मंळगार उक बरली समय आत्त, रा आंदुर सप्पा पोरगोळ जपस्ली कुरतुर अदकि मगिदुर.”

6 “आर्धा ईळलक इक धूम मचुस्त: ‘नोळी, मंळगार बरेत्यान! आऊन से भेंट माळोर साटी नळी.’ 7 आग आंदुर सप्पा कुवारा पोरगोळ यदकु तान मशालगोळी ठीक माळली कुरतुर. 8 अदकि मूरख पोरगोळ समझदार पोरगोळ से अंदुर, ‘तान याण्णा दा टु थवाळासा नामी भी कोळी, यतकी नाम मशालगोळ नूनेत्याव.’ 9 लेकीन समझदार पोरगोळ उत्तर कोट्टुर, ईला! नाव कोळ सकालेव. कदाचित ईद नाम अदकि नीम साटी पुरा आगदिल, ‘भला रा ईद आद का नीव याण्णा मारावाळेर हात्ती होगकु तान साटी कोंडकु तंदकोमी.’ 10 याग आंदुर याण्णा कोमोर साटी होगोर रा मंळगार होटबंदुन, अदकि जो तयार ईरोर, आंदुर आ मंळगार उन सांगुळ यल मदा आगताव आ मानना दा होटोदुर अदकि दरवाजा बंद माळकु आगीत.”

11 * “इदुर बाद्दा आंदुर दुसरा कुवारा पोरगोळ भी बंदकु अनली कुरतुर, ‘हे स्वामी, हे स्वामी, नाम साटी दरवाजा तेरू अदकि नामी बुळक बरगोळ!’ 12 आ मंळगार उत्तर कोट्टुन, ‘ना नीम से खरा अनतीन, ना नीमी अरालीन.’”

13 इदुरसाटी जाग्सतेला ईरी, यतकी नीव न आ दनि इक जान्सतीर, न आ समय इक.*

मुर दासगोळद उदाहरण
(लूका १९:११-२७)

14 * “स्वर्ग इन राज्य आ मंळसा अनद घाई ईत्तीत याव परदेश होगाहोती तान दासगोळी कारूकु तान धन आंदरी सौप्स बुट्टुन. 15 आव पयला अक अईद हजार व्हान्ना अन सक्कागोळ कोट्टुन, दुसरा अक येढ्ढ, अदकि तीसरा अक ऊंद; मतलब हर ऊंद मंळसा अक आऊन सामर्थ्य इन अनुसार कोट्टुन, अदकि आग परदेश होटोदुन. 16 आग, याऊक अईद हजार व्हान्ना अन सक्कागोळ सक्कीदव, आव तुरन्त होगकु सक्कागोळ देल लेन देन माळदुन, अदकि अईद हजार सक्का मात्त कमसदुन. 17 ईदा रीतदिल याऊक येढ्ढ हजार सक्कागोळ सक्कीदव, आव भी येढ्ढ हजार सक्कागोळ मात्त कमसदुन. 18 लेकीन याऊक ऊंद हजार व्हान्ना अन सक्कागोळ सक्कीदव, आव होगकु मुण्ण अगुळदुन, अदकि तान स्वामी इन धन मुण्ण दा होचकु ईटदुन.”

19 “हापाळ दनि इन बाद्दा आ दासगोळद स्वामी बंदकु आंदुर से हसिब ताकोमली कुरतुन. 20 याऊक अईद हजार व्हान्ना अन सक्कागोळ सक्कीदव, आव अईद हजार सक्कागोळ मात्त तनकु अंदुन, ‘हे स्वामी, नी नानी अईद हजार व्हान्ना अन सक्का कोटीद, नोळ, ना अदुर मा अईद हजार सक्कागोळ मात्त कमसीन.’ 21 आऊन

स्वामी आऊन से अंदुन, 'शाब्बास, हे वळ्लेव अदकि वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वस्तुगोळ्द अधकारी माळाईन. तान स्वामी इन खुशी दा सहभागी आग.' ”

22 “अदकि याऊक येढ्ढ हजार सक्कागोळ सकीदव, आव भी बंदकु अंदुन, 'हे स्वामी, नी नानी येढ्ढ हजार सक्कागोळ सौप्सीद, नोळ, ना येढ्ढ हजार सक्कागोळ मात्त कमुसदनि.' 23 आऊन स्वामी आऊन से अंदुन, 'शाब्बास, हे वळ्लेव अदकि वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वस्तुगोळ्द अधकारी माळाईन. तान स्वामी इन खुशी दा सहभागी आग.' ”

24 “आग याऊक ऊंद हजार व्हानना अन सक्कागोळ सकीदव, आव बंदकु अंदुन, 'हे स्वामी, ना नीनी अरूतीन कनिनी कठोर मंळसा आय: नी यल टु बोऊसाल अल टु कडुत्या, अदकि यल बीजा हाकाल अल टु ताकोमत्या. 25 इदुरसाटी ना अंजेदीन अदकि होगकु नीन व्हानना अन सक्कागोळ मुण्ण दा होचकु इटदीन. नोळ, जो नींद आद, अद ईद हुन.' ”

26 आऊन स्वामी आऊक उत्तर कोट्टुन, 'हे दुष्ट अदकि आलसी दास, याग नी ईद जानस्या कियल ना बोऊसीदलि अल टु कडुतीन, अदकि यल ना बीजा हाकीदील अल टु ताकोमतीन; 27 आग नी ईद माळाईद कनिनान धन सावकार उन हात्ती ईट बुळाईद, आग ना बंदकु तान धन ब्याज समेत आऊन से ताकोम कोमायदीन. 28 इदुरसाटी आऊन से अव ऊंद हजार सक्कागोळ ताकोमकोमी, अदकि यार्द हात्ती हत्त हजार सक्कागोळ आव, आऊक कोटबुळी. 29 *यतकी यार हात्ती आद, आऊक मात्त कोटकु आदीत; अदकि आऊन हात्ती हापाळ आगेदीत: लेकीन याऊन हात्ती हैलेच, आऊन से अद भी जो आऊन हात्ती आद, ताकोमकु आदीत. 30 *अदकि ई नकिम्मा दास उक व्हार्या अंधार दा हाक्क बुळी, यल वोरलोद अदकि हल्ल कचोद आदीत.' ”

आखरी न्याय

31 * “याग मंळसा अन पार तान महमि दा बंदान अदकि सप्पा स्वर्गदूत आऊन सांगुळ बंदार, रा आव तान महमि अनद सहासन मा वरिजमान आदान. 32 अदकि सप्पा राज्य अन लॉकुर आऊन मुंद जमा माळकु आदार; अदकि ह्यांग चरवाह लांडग्यागोळी मरगोळ से अलग माळ बुळतान, हांग अच आव आंदरी आबुर दाबुर से अलग माळ्यान. 33 आव लांडग्यागोळी ऊम्मा कय मा अदकि मरगोळी डाक्या कय मा नीदरूस्यान. 34 आग राजा तान ऊम्मा कय दी नीदरावाळेर से अंदान, 'हे नांद आप्प उन धन्य लॉकुरा, बरी, आ राज्य अनद अधकारी आगेगी, जो दुनिया अनद पयला टु उच नीम साटी तयार माळकु आग्याद. 35 यतकी ना हस्तकु ईरीन, अदकि नीव नानी तनिली कोट्टीर; ना नरिळ्कु ईरीन, अदकि नीव नानी नीर कुळसदीर; ना अनजाना ईरीन, अदकि नीव नानी ताम मान्या ईटदीर; 36 ना ऊगळा ईरीन, अदकि नीव नानी कपळा हाक्सुसदीर; ना बमिर ईरीन, अदकि नीव नान देखभाल माळदीर, ना बंदीगृह दा ईरीन, अदकि नीव नान से भेंट ताकोमली बंदीर.' ”

37 “आग न्यायी लॉकुर आऊक उत्तर कोट्टार, 'हे प्रभु, नाव याग नीनी हस्तकु नोळदेव अदकि तीनसदेव? या नरिळ्कु नोळदेव अदकि नीर कुळसदेव? 38 नाव याग नीनी अनजाना नोळदेव अदकि तान मान्या ईटदेव? या ऊगळा नोळदेव अदकि कपळा हाक्सुसदेव? 39 नाव याग नीनी बमिर या बंदीगृह दा नोळदेव अदकि नीन से भेंट माळली बंदेव?' 40 आग राजा आंदरी उत्तर कोट्टान, 'ना नीम से खरा अनतीन कनिनीव जो नान स्यांळ्द से स्यांळ्द वारटुर दा टु यावारा ऊंद मंळसा अनद सांगुळ माळदीर, अद नांदा सांगुळ माळदीर.' ”

41 “आग आव डाक्या कय दी नीदरावाळेर से अंदान, 'हे शापति लॉकुरा, नान मुंद टु अद अनन्त बेक्की दा होटोगी, जो शैतान अदकि आऊन दूतगोळ साटी तयार माळकु आग्याद. 42 यतकी ना हस्तकु ईरीन, अदकि नीव नानी तनिली कोटीदील; ना नरिळ्कु ईरीन, अदकि नीव नानी नीर कुळसदील; 43 ना अनजाना ईरीन, अदकि नीव नानी तान मान्या ईटीदील; ना ऊगळा ईरीन, अदकि नीव नानी कपळा हाक्सुसीदलि; ना बमिर अदकि बंदीगृह दा ईरीन, अदकि नीव नान देखभाल माळीदील.' ”

44 “आग आंदुर उत्तर कोट्टार, 'हे प्रभु, नाव नीनी याग उपासा, या नरिळ्कु, या परदेशी, या ऊगळा, या बमिर, या बंदीगृह दा नोळदेव, अदकि नींद स्यावा टहल माळीदलि?' 45 आग आव आंदरी उत्तर कोट्टान, 'ना नीम से खरा अनतीन कनिनीव जो ई स्यांळ्द टु स्याणेर दा टु यावारा ऊंद मंळसा अन सांगुळ माळीदलि, अद नांद सांगुळ भी माळीदलि.' 46 अदकि इंदुर अनन्त दण्ड भोगसोर साटी कळ्कु आदार लेकीन न्यायी लॉकुर अनन्त जीवन दा प्रवेश माळ्यार.' ”

* 25:29 २५:२९ मत्ती १३:१२; मरकुस ४:२५; लूका ८:१८

* 25:30 २५:३० मत्ती ८:१२; २२:१३; लूका १३:२८

* 25:31 २५:३१ मत्ती

१६:२७; मत्ती १९:२८

26

यीशु उन खलिाप साजीश

(मरकुस १४:१-२; लूका २२:१-२; यूहन्ना ११:४५-५३)

1 याग यीशु इव सप्पा मात अंद बुट्टुन रा तान चेलागोळ से अनली कुरतुन, 2 “नीव जान्सतीर क्ति येद्व दनि इन बाद्दा फसह अन्द हाब्ब आद, अदकि मंळसा अन्द पार कूस मा येरसोर साटी हुळसुसकु आदान.”*

3 आग प्रधान याजक अदकि प्रजा अन्द पुरनएि कैफा हेसुर इन महायाजक उन भवन दा जमा आदुर, 4 अदकि आपस दा वचिार माळली कुरतुर क्ति यीशु उक गुप्त तरीका देल हुळकु कोंद बुटेव. 5 लेकीन आंदुर अनतोगोर, “हाब्बा अन समय दा ईला, ईलारा हगि आगबाळुल क्ति लॉकुर दा दंगा फसाद आगोगुल.”

बैतनयियाह दा यीशु उन अभषिक

(मरकुस १४:३-९; यूहन्ना १२:१-८)

6 याग यीशु बैतनयियाह दा शमौन कोढी इन मान्या ईरोन, 7 *रा ऊंद आरत संगमरमर इन बाटुल दा बारर ईत्तर हुळकु यीशु उन हात्ती बंदुर, अदकि याग आव ऊमोर साटी कुरतीदुन रा आऊन ताल्ला मा ऊलटुसदुर. 8 ईद नोळकु आऊन चेलागोळी सट्टि बत्त अदकि आंदुर अनली कुरतुर, “ई ईत्तर येती बरबाद माळकु आग्याद? 9 इदरी रा वळलीद दाम दा मारकु कंगालगोळ दा वाटसकु आग सकोद.”

10 ईद जान्सकु यीशु आंदुर से अंदुन, “आ आरत इक येती सतुसतीर? आक नान साटी भलाई इन क्याल्सा माळ्यार. 11 कंगाल रा नीम सांगुळ हमेशा ईरतार, लेकीन ना नीम सांगुळ हमेशा ईर सकालीन. 12 आक नान मय मा जो ईत्तर हाक्यार, अद नान सोत्तुर बाद्दा नळसकु आगोद तयारी हुन. 13 ना नीम से खरा माताळतीन, क्ति सप्पा दुनया दा येल्यारा भी ईद खुशखबरी प्रचार माळकु आदीत, अल आकनि ईद क्याल्सा अन्द वर्णन भी आकनि याद दा माळकु आदीत.”

यहूदा इस्करियोती इन वशिवासघात

(मरकुस १४:१०-११; लूका २२:३-६)

14 आग यहूदा इस्करियोती, जो हन्नेळ चेलागोळ दा टु ऊंद ईरोन, प्रधान याजकगोळ्द हात्ती होदुन, 15 अदकि आव अंदुन, “अगर ना आऊक नीम कय दा हुळसुस कोळाईन रा नानी येन कोट्टीर?” आंदुर आऊक तीस चाँदी नव सकिकागोळ आळुकु कोट बुटुर. 16 अदकि आव अदा समय टु आऊक हुळसुसोद सही मवका ढुंढसली कुरतुन.

चेलागोळ्द सांगुळ फसह हाब्ब इन आखरी भोज

(मरकुस १४:१२-२१; लूका २२:७-१३, २१-२३; यूहन्ना १३:२१-३०)

17 अखमीरी रोट्टी इन हाब्बा इन पयला दनि, चेलागोळ यीशु उन हात्ती बंदकु केळली कुरतुर, “नी येन चाहासत्या क्ति नाव नींद साटी फसह तनोद तयारी माळेव?”

18 यीशु अंदुन, “नगर दा अमुक मंळसा अन्द हात्ती होगकु आऊन से अनी, ‘गुरु अनेत्यान क्ति नांद समय हात्ती आद. ना तान चेलागोळ्द सांगुळ नीन मान्या फसह हाब्ब मानसाईन.’ ”

19 इदुरसाटी चेलागोळ यीशु उन आग्या स्वीकार माळदुर अदकि फसह तयार माळदुर.

20 याग द्याव आत रा आव हन्नेळ चेलागोळ सांगुळ ऊमली कुरतीदुन. 21 याग आंदुर तीनोर रा यीशु अंदुन, “ना नीम से खरा अनतीन क्ति नीम दा टु ऊंद नानी हुळसुस्यान.”

22 इदुर मा आंदुर च्याच उदास आदुर, अदकि हर ऊंद चेला यीशु से केळली कुरतुन, “हे गुरु, येन आव ना हुईन?”

23 यीशु उत्तर कोट्टुन, “आव जो नान सांगुळ तंळग्या दा ऊमतान, आवा नानी हुळसुसकु सोपस्यान. 24 ना मंळसा अन्द पार ह्यांग नान बारा दा शास्त्र दा लखिसकु आद, अद आदीत अच; लेकीन आ मंळसा अन्द साटी शोक आद याऊन द्वारा मंळसा अन पार हुळसुसकु आदान: अगर आ मंळसा अन्द जनम अच ईला आगाईत, रा आऊन साटी भला आगाईत.”*

25 आग यीशु उक हुळसुसकु सौप्सावाळा यहूदा अंदुन, “हे गुरु, येन आव ना हुईन?”

यीशु आऊन से अंदुन, “नी रा अंदबुट.”

* 26:2 २६:२ नरिगमन १२:१-२७ * 26:7 २६:७ लूका ७:३७,३८ * 26:24 २६:२४ भजन संहिता २२:७-८; यशायाह ५३:९

प्रभु भोज

(मरकुस १४:२२-२६; लूका २२:१४-२०; १ कुरनिथि ११:२३-२५)

26 “याग आंदुर ऊमोर रा यीशु रोट्टी ताकोडुन, अदकि आशीष बेळकु मुरदुन, अदकि चेलागोळी कोटकु अंदुन, हुडी, तर्नी; ईद नांद मय हुन.”

27 बाक यीशु कटोरा हुळकु धन्यवाद माळदुन, अदकि आंदरी कोटकु अंदुन, “नीव सप्पा लॉकुर इदुर दा टु कुडी,
28 यतकी ईद वाचा अनंद नान अद रक्ता हुन, जो सप्पा लॉकुर पापगोळ माफ अनंद साटी वाहुसकु आगतद.
29 ना नीम से खरा अनतीन की अंगुर इन ईद रास्सा आ दनि ताका यागलु कुदालीन, यागासताका नीम सांगुळ तान आप्प उन राज्य दा व्हाशोद रास्सा कुडू कोमालीन.”

30 बाक आंदुर भजन हाळत-हाळत जैतून पहाळी मा होदुर.

पतरस उन इनकार इन भवषियवाणी

(मरकुस १४:२७-३१; लूका २२:३१-३४; यूहन्ना १३:३६-३८)

31 आग यीशु चेलागोळ से अंदुन, “नीव सप्पा मुंदुर ईदल्या ईळलक इक नांद बारा दा ठोकर तदीर, यतकी शास्त्र दा लखिसकु आद: ‘ना चरवाह अक कोनाईन, अदकि झुण्ड इन म्यांडागोळ ततिर-बतिर आगेदव.’*
32 *लेकीन ना तान जतिता आगदुर बाददा नीम से पयले गलील इक होगईन.”

33 इदुर मा पतरस यीशु से अंदुन, “अगर सप्पा मुंदुर नीन बारा दा ठोकर तदिर रा तदिर, लेकीन ना यागलु ठोकर तनितीदील.”

34 यीशु आऊन से अंदुन, “ना नीन से खरा अनतीन की ईदल्या ईळलकी हुंज इन कुग्गोर से पयले, नी मुर घन नांद इनकार माळ्या.”

35 पतरस यीशु से अंदुन, “अगर नानी नीन सांगुळ सायोद भी बदिदीत, तरी ना नींद यागलु इनकार माळतीदील.” अदकि हगि अच सप्पा चेलागोळ भी अंदुर.

गतसमनी दा प्रार्थना

(मरकुस १४:३२-४२; लूका २२:३९-४६)

36 आग यीशु तान चेलागोळ्द सांगुळ गतसमनी हेसुर इन ऊंद जागा दा बंदुन अदकि तान चेलागोळ से अनली कुरतुन, “ईल्या कुरतकु ईरेतीर, आगासताका ना अल होगकु प्रार्थना माळतीन.” 37 यीशु पतरस अदकि जब्दी इन येदु पारगोळी सांगुळ ओतुन, अदकि उदास अदकि व्याकुल आगली कुरतुन. 38 आग यीशु आंदुर से अंदुन, “नान मन च्याच उदास आद. इल ताका कनिन जीव होळतेला आद. नीव ईल्या ठहरूसी अदकि नांद सांगुळ च्याता ईरी.”

39 बाक यीशु थ्वाळासा मात्त मुंद होगकु बाय इन भार देल बदिदुन, अदकि ईद प्रार्थना माळदुन, “हे नांद आप्पा, अगर आग सकुल रा ईद संकट नान मा टु टलसेगुल, तौभी ह्यांग ना चाहासतीन हांग ईला, लेकीन ह्यांग नी चाहासत्या हांग अच आगुल.”

40 बाक यीशु चेलागोळ्द हात्ती बंदकु आंदरी मगितेला नोळदुन अदकि पतरस से अंदुन, “येन नीव नान सांगुळ ऊंद घळी भी च्याता ईला ईर सकीर? 41 नीव परीक्षा दा बळितीदील इदुरसाटी च्याता ईरी, अदकि प्रार्थना माळतेला ईरी: आत्मा रा तयार आद, लेकीन शरीर कमजोर आद.”

42 बाक यीशु दुसरा बार होगकु ईद प्रार्थना माळदुन, “हे नांद आप्पा, अगर ईद नांद कूढा बनि ईला हट्सतीदाद रा नींद इच्छा पुरा आगुल.” 43 आग यीशु बंदकु आंदरी मात्त मगितेला नोळदुन, यतकी आंदुरव कण्णगोळ जप देल तुमकु ईरव.

44 आंदरी बटिकु यीशु मात्त होटोदुन, अदकि अवा आवाजगोळ दा मात्त तीसरा बार प्रार्थना माळदुन.
45 आग यीशु चेलागोळ्द हात्ती बंदकु आंदुर से अंदुन, “ईग मगितेला ईरी, अदकि आराम माळी: नोळी, घळी होट बंदाद, अदकि ना मंळसा अनंद पार पापीगोळ कय देल हुळसुसकु आगाईन. 46 येळी, होगता; नोळी, नानी ध्वाका देल हुळसुसकु सौप्सावाळा नान हात्ती होट्ट बंदान.”

यीशु उन ध्वाका देल हुळसुसकु आगेद

(मरकुस १४:४३-५०; लूका २२:४७-५३; यूहन्ना १८:३-१२)

* 26:31 २६:३१ जकर्याह १३:७ * 26:32 २६:३२ मत्ती २८:१६

47 यीशु ईद अनतेला अच ईरोन कियहूदा जो हननेळ चेलगोळ दा टु ऊंद ईरोन बंदुन, अदकि आऊन सांगुळ प्रधान याजकगोळ अदकि लॉकुरद पुनयागोळ दी टु धोळ भीळ तलवारगोळ अदकि कोलगोळ हुळकु बंदुर.
48 यीशु उक हुळसुसावाळा आंदरी ईद संकेत कोटीदुन: “यार्द ना चुम्मा ताकोमाईन आवा हुन; आऊक हुडु कोमेतीर.”

49 अदकि तुरन्त यीशु उन हात्ती बंदकु अंदुन, “हे गुरु, नमस्कार!” अदकि आऊंद हापाळ चुम्मा ताकोडुन.

50 यीशु आऊन से अंदुन, “हे संगी, या क्याल्सा अनद साटी नी बंद्या, अदरी माळकोम.”

आग आंदुर हात्ती बंदकु यीशु मा कय हाकदुर अदकि आऊक हुडुकोडुर. 51 यीशु उन संगीगोळ दा टु ऊंद संगी कय मुंद माळकु तान तलवार जेडु कोडुन अदकि महायाजक उन दास मा नळसकु आऊन कवि हार्स बुट्टुन.

52 आग यीशु आऊन से अंदुन, “तान तलवार मयान दा ईट कोम यतकी जो तलवार नळसतार आंदुर सप्पा मुंदुर तलवार देल नाश माळकु आदार. 53 येन नी जान्साल काना तान आप्प उन से वनिती माळ सकतीन, अदकि आव स्वरगदूतगोळद हननेळ पलटन से यक्कुल नान हात्ती ईगल्या उपस्थति माळ बुटान? 54 लेकीन पवतिरशास्त्र नव अव मातगोळ कि हगि अच आगोद जरूरी आद, हयांग पुरा आदव?”

55 *आ समय यीशु भीळ से अंदुन, येन नीव तलवारगोळ अदकि कोलगोळी हुळकु नानी डाकूगोळ घाई हुडुली होटीर? ना हर रोज मंदरि दा कुरतकु उपदेश कोळतोगीन, आग रा नीव नानी हुळददील.

56 “लेकीन ई सप्पा इदुरसाटी आग्याद कि भवषियवक्तागोळद वचन पुरा आगुल.” आग सप्पा चेलगोळ यीशु उक बटिकु वोळदुर.

महासभा अनद मुंद यीशु

(मरकुस १४:५३-६५; लूका २२:५४-५५, ६३-७१; यूहन्ना १८:१३-१४, १९-२४)

57 आग यीशु उक हुडावाळेर आऊक कैफा हेसुर इन महायाजक उन हात्ती ओतुर, यल नयिम इन गुरु अदकि पुर्वजगोळ जमा आगीदुर. 58 पतरस दुर दुर टु उच आऊन हदि-हदि महायाजक उन आंगुळ ताका होदुन, अदकि बुळ्क होगकु यीशु उन अन्त नोळली सपिाहीगोळ सांगुळ कुरतोदुन. 59 प्रधान याजक अदकि सप्पा महासभा यीशु उक कोन्नोर साटी आऊन वरिध दा ख्वाटा गवाही इन खोज दा ईरोर, 60 लेकीन हापाळ सा ख्वाटा गवाहगोळ बंदुर मा भी आंदरी येनु हासलि आगीदील. आखरी दा येद्वद मुंदुर बंदुर, 61 *अदकि अंदुर, “ईव अंदान काना परमेश्वर उन मंदरि इक केडु सकतीन अदकि अदरी मुर दनि दा माळ सकतीन.”

62 आग महायाजक नीदुरकु यीशु से अंदुन, “येती नी येनु उत्तर कोळाल? ई लॉकुर नीन वरिध दा येन गवाही कोळेत्यार?” 63 लेकीन यीशु सुंगा ईत्तुन. आग महायाजक यीशु से अंदुन, “ना नीनी जतिता परमेश्वर उन करिया कोळतीन कि अगर नी परमेश्वर उन पार मसीह हुय, रा नाम से अंद बुळ.”

64 यीशु आऊन से अंदुन, “नी रा खुद अच अंदबुट; लेकीन ना नीम से ईद भी अनतीन कि ईगी टु नीव मंळसा अन पार उक सर्वशक्तमान उन ऊमा कय दी कुरत, अदकि आकाश इन बादलगोळ मा बरत नोळीर.”

65 इदुर मा महायाजक तानव कपळा हरदुन अदकि अंदुन, “ईव परमेश्वर उन अपमान माळ्यान, ईग नामी गवाहगोळद येन जरवत आद? नोळी, नीव ईगल्या ईद अपमान केळीर! 66 नीव येन सोचेतीर?”

आंदुर उत्तर कोट्टुर, “ईव मृत्यु दण्ड इन योग्य आन.”

67 आग आंदुर यीशु उन बाय मा ऊगुळदुर अदकि आऊक बुक्की बळदुर, दुसरा लॉकुर क्याबरा बळकु अंदुर,

68 “हे मसीह, नाम से भवषियवाणी माळकु अन कियार नीनी बळदुर?”

पतरस उन इनकार

(मरकुस १४:६६-७२; लूका २२:५६-६२; यूहन्ना १८:१५-१८, २५-२७)

69 पतरस व्हार्या आंगुळ दा कुरतकु ईरोन कऊंद दासी आऊन हात्ती बंदुर अदकि अंदुर, “नी भी यीशु गलीली इन सांगुळ ईर्या.”

70 आव सप्पा मुंदुरद मुंद ईद अनतेला इनकार माळदुन, “ना जान्सालीन नी येन अनीत्या.” 71 याग आव व्हार्या दरवाजा मा होदुन, रा दुसरा दासी आऊक नोळकु आंदुर से अंदुर जो अल ईरोर, “ईव भी रा आ यीशु नासरी इन सांगुळ ईरोन.”

72 आव करिया तनिकु मात्त इनकार माळकु अंदुन: “ना आ मंळसा अक अरालीन.”

73 घळी तमिर बाद्दा लॉकुर जो अल नीदुरकु ईरोर, पतरस उन हात्ती बंदकु आऊन से अंदुर, “खराखुरा नी भी आंदुर दा टु ऊंद हुय, यतकी नीन बोली भाषा नीद भेद खोलस बुळतद.”

74 आग आव मना माळली अदकि करिया तनिली कुरतुन: “ना आ मंळसा अक अरालीन.” अदकि तुरन्त हुंज कुग्त. 75 आग पतरस उक यीशु उन आ मात याद बत्त: “हुंज इन कुग्गोर से पयले नी मुर घन नान इनकार तुम्या.” अदकि आव व्हार्या होगकु हापाळ दुखी आगकु वरलदुन.

27

पल्लितुस उन मुंद यीशु

(मरकुस १५:१; लूका २३:१,२; यूहन्ना १८:२८-३२)

1 याग व्हातुर आत रा सब प्रधान याजक लॉकुरद पुरनएिगोळ यीशु उक कोंद बुळोद साटगाट माळदुर. 2 आंदुर आऊक कटदुर अदकि वोतकु पल्लितुस न्यायाधीश उन कय दा कोट बुट्टुन.

यहूदा तान कय देल सोत्तुन

(प्रेरतिगोळ १:१८,१९)

3 *याग यहूदा, याव यीशु उक हुळसुसीदुन, ईद नोळदुन का यीशु उक दोषी ठहरूसकु आग्याद, रा आव पछतासदुन, अदकि चाँदी नव तीस सकिकागोळी प्रधान याजक अदकि पुरनएिगोळी वापस माळदुन 4 अदकि अंदुन, “ना ऊंद नरिदोष मंळसा अक ध्वाका देल कोन्नोर साटी हुळसुसकु पाप माळदीन!” आंदुर अंदुर, “नामी येन माळोद आद? नी तान जानस.”

5 आग आव आ सकिकागोळी मंदरि दा भटिकु होटोदुन, अदकि होगकु खुद तान-तान इक फाँसी हचदुन.

6 प्रधान याजकगोळ आ सकिकागोळी हुळकु अंदुर, “इवरी, दान भंडार दा ईटोद उचति हैलेच, यतकी ईद खुन इन दाम हुन.” 7 अदकि आंदुर आपस दा साटगाट माळदुर अदकि आ पैस्यागोळ देल परदेशीगोळी नळसोर साटी गळग्या माळावाळा अन्द केई कोंडुर. 8 इदुर कारण आ केई ईगासताका खुन इन केई कहलुसतद.

9 आग आ वचन यरिमयाह भवषियवक्ता अन्द द्वारा अंदकु आगीत अद पुरा आत: “आंदुर आ तीस सकिका मतलब आ जो ठहरूसद दाम इक (यदरी इस्त्राएल इन औलाद दा टु यास मुंदुर ठहरूसीदुर) ताकोम कोंडुर, 10 अदकि ह्यांग प्रभु नानी आग्या कोटीदुन हांग अच अवरी गळग्या माळावाळेर्द केई इन दाम दा कोट बुट्टुन.”

पल्लितुस उन प्रश्न

(मरकुस १५:२-५; लूका २३:३-५; यूहन्ना १८:३३-३८)

11 याग यीशु न्यायाधीश उन मुंद नदिरकु ईरोन रा न्यायाधीश आऊन से केळदुन, “येन नी यहूदीगोळ्द राजा हुय?”

यीशु आऊन से अंदुन, “नी खुद अच अनेत्या.” 12 याग प्रधान याजक अदकि पुरनएि आऊन मा दोष हचचोर, रा यीशु येनु उत्तर कोटीदील.

13 इदुर मा पल्लितुस यीशु से अंदुन, “येन नी येनु केळाल कि इंदुर नीन वरीध दा याट गवाही कोळेत्यार?”

14 लेकीन यीशु आऊक ऊंद मात इन भी उत्तर कोटीदील, इल ताका कि न्यायाधीश उक हापाळ आश्चर्य आत.

यीशु उक मृत्यु-दण्ड इन आग्या

(मरकुस १५:६-१५; लूका २३:१३-२५; यूहन्ना १८:३९; १९:१६)

15 न्यायाधीश उन ईद रीतर् ईरोद का आ हाब्व दा लॉकुरद साटी यावारा ऊंद कैदी इक यारी आंदुर चाहासतोगोर, बळितोगोन. 16 आ समय दा आंदुर बंदीगृह दा बरअबबा हेसुर ईनव ऊंद जाना माना कैदी ईरोन.

17 इदुरसाटी याग आंदुर जमा आदुर, रा पल्लितुस आंदुर से अंदुन, “नीव यार इक चाहासतीर का ना नीम साटी बटि बुळाईन? बरअबबा अक, या यीशु उक जो मसीह कहलुस्तान?” 18 यतकी आव जानसोन का आंदुर यीशु उक ध्वाका देल हुळसुसकु सोपस्यार.

19 याग पल्लितुस राजा न्याय इन गद्दी मा कुर्तकु ईरोन रा आऊन हगिंस आऊक बुलावा कळुदुर का, “नी आ न्यायी मंळसा अन्द मामला दा कय हाकबाळ, यतकी ना ईद कान्सा दा आऊन कारण हापाळ दुख नेगदीन.”

20 प्रधान याजकगोळ अदकि पुरनएिगोळ लॉकुरी भळकुसदुर कि आंदुर बरअब्बा अक बेळ कोमुल, अदकि यीशु उन नाश माळसुसुल. 21 न्यायाधीश आंदुर से केळदुन, “ईदुर येढ्ढु मुंदुर दा टु यार इक चाहासतीर कि ना नीम साटी बटि बुळाईन? आंदुर अंदुर, बरअब्बा अक.”

22 पलिातुस आंदुर से केळदुन, “बाक यीशु उक जो मसीह कहलुस्तान, येन माळाईन?”

सप्पा मुंदुर पलिातुस राजा से अंदुर, “आऊक क्रूस मा येर्स बुळ!”

23 न्यायाधीश अंदुन, “यती, आव येन बुराई माळ्यान?”

लेकीन आंदुर मात्त चलिळास-चळिलासकु अनली कुरतुर, “आऊक क्रूस मा येर्स बुळ.”

24 याग पलिातुस नोळदुन कि नान से येनु आगसकाल लेकीन उलटा झगळा वाळुसेत्याद, रा आव नीर हुडुकु भीळ इन मुंद तान कय तोळदुन अदकि अंदुन, “ना ई मळसा अन्द रक्ता देल नरिदोष आईन; नीव अच नोळी.”

25 सप्पा लॉकुर उत्तर कोट्टुर, “ईऊन खून नाम मा अदकि नाम औलाद मा आगुल!”

26 इदुर मा पलिातुस राजा बरअब्बा अक आंदुर साटी बटि बुट्टुन, अदकि यीशु उक क्वाळा बळ्दकु सौप्स बुट्टुन, कि आऊक क्रूस मा येर्सकु आगुल.

सपिाहीगोळ द्वारा यीशु उन अपमान माळोद

(मरकुस १५:१६-२०; यूहन्ना १९:२-३)

27 आग न्यायाधीश ईनोर सपिाहीगोळ यीशु उक कलिा दा वोतकु सप्पा पलटन आऊन नाकु दी जमा माळदुर, 28 अदकि आऊन कपळा ईळ्सकु आऊक क्याचांद रंग इन कपळा हाक्सुसदुर, 29 अदकि मुळल इन मुकुट तयार माळकु यीशु उन ताल्ला मा ईटदुर, अदकि आऊन ऊम्मा कय दा सरकण्डा कोट्टुर अदकि आऊन मुंद ट्वांगरा टेक्सकु आऊन मज्याक हारसली कुरतुर अदकि अंदुर, “हे यहूदीगोळ्द राजा, नमस्कार!” 30 अदकि आऊन मा ऊगुळदुर; अदकि अदा सरकण्डा हुळकु आऊन ताल्ला मा बडुली कुरतुर. 31 याग आंदुर यीशु उन मज्याक हारस बुट्टुर, रा अद च्वांगरा आऊन मा टु ईळ्सकु आऊन अच कपळा आऊक हाक्सुसदुर, अदकि क्रूस मा येर्सोर साटी वयली कुरतुर.

यीशु उक क्रूस मा येर्सकु आगोद

(मरकुस १५:२१-३२; लूका २३:२६-४३; यूहन्ना १९:१७-२७)

32 याग आंदुर व्हार्या होळोर रा आंदरी शमौन हेसुर ईनव ऊंद कुरेनी मळसा सकिदुन. आंदुर आऊक बेकार दा हुळदुर कि आऊन क्रूस नेगुकु नळुल. 33 अदकि याग आंदुर आ जागा मा बंदुर जो गुलगुता कहलुसतद, मतलब खोपळी इन जागा, पोहचुस्कु, 34 आंदुर पत्ति मलिसकु अंगुर इन रास्सा यीशु उक कुडुली कोट्टुर, लेकीन आव नेकदुन रा आऊक केय हत्त अनकु आव हुळदीदलि.

35 आग आंदुर आऊक क्रूस मा येर्सदुर, अदकि चट्टी हाक्कु आऊन कपळागोळ वाटा माळदुर, 36 अदकि अल कुर्तकु आऊक कायली कुरतुर. 37 अदकि आऊन दोषपत्र आऊन ताल्ला अन्द म्याकुच हचदुर, कि “इव यहूदीगोळ्द राजा यीशु हुन.” 38 आग आऊन सांगुळ येढ्ढु डाकूगोळ ऊंद ऊम्मा कय दी अदकि ऊंद डाक्या कय दी, क्रूस मा येर्सकु आदुर.

39 होगा-बरावाळेर ताल्ला आलगाळ्स-आलगाळ्सकु आऊन अपमान माळतोगोर, 40 अदकि ईद अनतोगोर, “हे मंदिर इक केळावाळा अदकि मुर दनि दा माळावाळा, तान तान इक रा ऊळ्स! अगर नी परमेश्वर उन पार हुय, रा क्रूस मा टु ईळ्दकु बर.”

41 ईदा रीतदिेल प्रधान याजक भी नयिम इन गुरुगोळ अदकि पुरनयागोळ्द सांगुळ मज्याक माळ माळकु अनतोगोर, 42 “ईव रा च्याच मुंदुर इक ऊळस्यान, अदकि तान तान इक ऊळस सकालुन. इव रा ‘इसत्राएल इन राजा’ हुन. ईग क्रूस मा टु ईळ्दकु बंदान रा नाव आऊन मा वशिवास माळेव. 43 आव परमेश्वर मा भरोसा ईटदुन; अगर आव ईऊक चाहासतान, रा ईग इऊक बळिस कोमुल, यतकी ईव अंददिन, ‘ना परमेश्वर उन पार हुईन.’”

44 ईदा प्रकार डाकू भी जो आऊन सांगुळ क्रूस मा येर्सकु आगीदुर, आऊन अपमान माळतोगोर.

यीशु उन जीव त्यागसोद

(मरकुस १५:३३-४१; लूका २३:४४-४९; यूहन्ना १९:२८-३०)

45 हननेळ मुरा टु रा मुर मुरास ताका आ सप्पा प्रदेश दा अंधार आगकु ईत्त. 46 मुर मुरा अनन्द हात्तीपास यीशु धोळ्द आवाज दा चळिलासकु अंदुन, “एली, एली, लमा शबक्तनी?” मतलब “हे नान परमेश्वर, हे नान परमेश्वर, नी नानी येती बटिबुट?”

47 जो अल नीदुरकु ईरोर, आंदुर दा टु यास मुंदुर ईद केळकु अंदुर, “आव रा एलयियाह अक कारूतान.” 48 आंदुर दा टु ऊंद मंळसा तुरन्त हरदुन, अदकि स्पंज हुळकु सरिका दा डोब्सदुन, अदकि सरकण्डा मा ईटकु आऊक नेक्सदुन.

49 अदकि च्याच मुंदुर अंदुर, “ईल्या ईरी, नोळाता एलयियाह आऊक ऊळसली बरतान का ईला.”

50 आग यीशु मात्त धोळ्द आवाज देल चळिलासकु जीव बटि बुटुन.

51 अदकि नोळी, मंदिर इन परदा म्याकुच टु ल्यालमा ताका हर्दकु येदढ तुकळा आगेत: अदकि धरती डोलसेत अदकि चट्टानगोळ तळकुसेदव, 52 अदकि कब्रगोळ तेरदोदव, अदकि जो कब्रगोळ दा मगिकु ईरोर आ पवतिर लॉकुरद हापाळ सा लाश जतिता आदव, 53 अदकि आऊन जतिता आगदुर बाददा आंदुर कब्रगोळ दा टु होटकु पवतिर नगर दा होदुर अदकि हापाळ मुंदुर इक कांळसदुर.

54 आग सूबेदार अदकि जो लॉकुर आऊन सांगुळ यीशु उक कायोर, याग आंदुर भूकम्प अदकि जो येनारा आगीत अदरी नोळकु हापाळ अंजेदुर अदकि अंदुर, “खराखुरा ईव परमेश्वर उन पार ईरोन!”

55 *अल हापाळ सा आरतेर जो गलील टु यीशु उन स्यावा माळतेला आऊन सांगुळ बंदीदुर, दुर टु ईद नोळोर. 56 आंदुरदा मरयिम मगदलीनी, अदकि याकूब अदकि योसेस उन मोय मरयिम, अदकि जब्दी इन चकिोरगोळ्द मोय ईरोर.

यीशु उक नळसोद

(मरकुस १५:४२-४७; लूका २३:५०-५६; यूहन्ना १९:३८-४२)

57 याग द्याव आत रा यूसुफ हेसुर ईनव अरमितिया अनन्द ऊंद धनी मंळसा, जो खुद अच यीशु उन चेला ईरोन, बंदुन. 58 आव पलातुस उन हात्ती होगकु यीशु उन लाश बेळदुन. इदुर मा पलातुस कोळोद आग्या कोट्टुन. 59 आग यूसुफ लाश इक वोटकु बळीद मलमल इन चददर दा गुळसदुन, 60 अदकि यीशु उक तान व्हाशोद कब्र दा ईटदुन, जो आव चट्टान दा अगळुसीदुन, अदकि कब्र अनन्द दरवाजा मा धोळ्द कल्ल ढकलुस्कु होटोदुन.

61 मरयिम मगदलीनी अदकि दुसरा मरयिम अल कब्र अनन्द मुंद कुरतकु ईरोर.

कब्र मा पहरा कोळोद

62 दुसरा दशी जो तयारी इन दनि इन बाद इन दनि ईरोद, प्रधान याजकगोळ अदकि फरीसीगोळ पलातुस उन हात्ती जमा आगकु अंदुर, 63 * “हे स्वामी, नामी याद आद कि आ भरमुसावाळा याग आव जतिता ईरोन, अंददिन, ‘ना मुर दनि इन बाददा जतिता आगाईन.’ 64 इदुरसाटी आग्या कोळ कि तीसरा दनि ताका कब्र अनन्द रखवाली माळकु आगुल, हगि आगबाळुल कि आऊन चेलागोळ बंदकु आऊक काळताना माळकु वीयुल अदकि लॉकुर से अनली हतुल, ‘आव सोत्तुर दा टु जतिता आग्यान.’ आग हदिळोद ध्वाका पयला टु भी बुरा आदीत.”

65 पलातुस आंदुर से अंदुन, “नीम हात्ती पहरेदार रा आन. होगी, तान समझ इन अनुसार रखवाली माळी.”

66 इदुरसाटी आंदुर पहरेदारगोळी सांगुळ ओतुर, अदकि कल्ल मा मोहर हचकु कब्र अनन्द रखवाली माळदुर.

28

यीशु उन पुनरूत्थान

(मरकुस १६:१-१०; लूका २४:१-१२; यूहन्ना २०:१-१०)

1 आराम इन दनि इन बाददा हप्ता अनन्द पयला दनि व्हातुर आगतेला अच मरयिम मगदलीनी अदकि दुसरा मरयिम कब्र अक नोळली बंदुर. 2 अदकि नोळी, ऊंद हापाळ अच भारी भूकम्प आत, यतकी परमेश्वर उन ऊंद स्वर्गदूत स्वर्ग टु ईळुकु बंदुन अदकि आव कल्ल इक अलग ढकलुस्कु अदुर मा कुरतुन. 3 आऊन रूप बजिली इन घाई अदकि आऊन कपळा बरफ इन घाई बळिव ईरव. 4 आऊन अंजक देल पहरेदार नळगली कुरतुर, अदकि सोत्तुर घाई आगेदुर.

* 27:55 २७:५५ लूका ८:२३ * 27:63 २७:६३ मन्ती १६:२१; १७:२३; २०:१९; मरकुस ८:३१; ९:३१; १०:३३,३४; लूका ९:२२; १८:३१-३३

5 स्वर्गदूत आ येद्व आर्तेर से अंदुर, “अंजबाळी ना जान्सतीन की नीव यीशु उक जो कूरस मा येर्सकु आगीदुन आऊक दुंदसेतीर. 6 आव ईल हैलेच, तान वचन इन अनुसार जत्तिता आग्यान. बरी, आ जागा अक नोळी यल प्रभु बदिक् ईरोन. 7 आऊन चेलागोळी इक तुरन्त होगकु हेळी की आव सोत्तुर दा टु जत्तिता आग्यान, अदकि नोळी, आव नीम से पयला गलील इक होदान. अल नीमी आऊन अव दर्शन सकिकेव अदकि नीव आऊक नोळ सकीर. नोळी, ना नीमी हेळ बुटीन.”

8 इदुर मा आंदुर अंजक अदकि बळा खुशी इन सांगुळ तुरन्त कवर टु वापस आगकु अदकि चेलागोळी इक ईद समाचार कोळोर साटी वोळली कुरतुर.

9 आग यीशु आंदरी सकिदुन. अदकि अंदुन, “सलाम.” आंदुर हात्ती बंदकु अदकि आऊन नव काल हुळकु प्रणाम माळदुर. 10 आग यीशु आ आर्तेरी अंदुन, “अंजबाळी; नांद वार्दुरी होगकु अनी कगिलील इक होगी, अल नानी नोळ्यार.”

पहरेदारगोळद सुचना कोळोद

11 आंदुर होगतेला अच ईरोर की पहरेदारगोळ दा टु थ्वाळासा पहरेदारगोळ बंदकु पुरा हाल प्रधान याजकगोळ से अनकु केळसदुर. 12 आग आंदुर पुर्वजगोळ सांगुळ जमा आगकु सम्मति माळदुर अदकि सपिाहीगोळी हापाळ चाँदी नव सकिकागोळ कोटकु अंदुर, 13 “ईद अनेतीर की ईळलक इक याग नाव मगिकु ईरेव, रा आऊन चेलागोळ बंदकु आऊक काळताना माळकु ओतुर. 14 अदकि अगर ईद मात न्यायाधीश उन कवि ताका पहचुसीत, रा नाव आऊक समझुस बुटेव अदकि नीमी जोखमि टु वाचुस कोडेव.”

15 इदुरसाटी आंदुर पैस्या ताकोमकु ह्यांग आंदरी कल्सकु आगीत. हांग अच माळदुर. ईद मात यहूदीगोळ दा दुर दुर ताका फैलुसेत अदकि ईगासताका प्रचलति आद.

यीशु उन काळसोद अदकि आखरी आग्या

(मरकुस १६:१४-१८; लूका २४:३६-४९; यूहन्ना २०:१९-२३; प्रेरतिगोळ १:६-८)

16 *हन्नेळ चेलागोळ गलील इन आ पहाळ मा होदुर, यारी यारी यीशु हेळीदुन. 17 आंदरी यीशु नव दर्शन सकिदव अदकि आऊक प्रणाम माळदुर, पर यारीकारा यारीकारा शंका आत. 18 यीशु आंदुर हात्ती बंदकु अंदुन, “स्वर्ग अदकि पृथ्वी इन पुरा अधिकार नानी कोटकु आग्याद. 19 *इदुरसाटी नीव होगी, सप्पा जातीगोळ लॉकुरी चेला माळी; अदकि आंदरी आप्प, पार अदकि पवतिर आत्मा अन्द हेसुर देल बपतसिमा कोळी, 20 अदकि जो आग्यागोळ ना नीमी कोट्टीन अदुरद पालन ह्यांग माळतार अद कल्सी. अदकि नोळी, ना युग इन अन्त ताका सदा नीम सांगुळ आईन.”

मरकुस रचति यीशु मसीह का सुस्माचार मरकुस उन लखिसद यीशु मसीह अन बारा दा खुशखबरी परचिय

यीशु उन जीवन इन वर्णन माळोद नाक कतिाब दा टु ऊंद कतिाब मतलब मरकुस उन लखिसद खुशखबरी परचिय ईव नाक कतिाबगोळी खुशखबरी अनतार यदुर्द सोपा मतलब वळ्लीद कल्याणकारी बातणी या वार्ता आगतद

यीशु उन सोत्तुर बाददा ईव नाक खुशखबरी अनुक्रम मत्ती मरकुस लूका अदकि यूहन्ना इंदुर लखिस्यार ईव नाकु दा टु मरकुस रचति खुशखबरी सब से स्यांळ्द कतिाब आद हापाळ ग्यानी लॉकुरद मान्यता आद कि मरकुस रचति खुशखबरी बाकी नव मुर खुशखबरी इन पयले यीशु उन जनम इन ६५ टु ७० वर्ष इन बाददा लखिसकु आग्याद लखिसोद हदिळोद कारण मतलब रोम ईलीद मसीह अन मंडली अनद मनोबल वाढुसोद अदकि प्रोत्साहन माळोर साटी ताकोमकु आत.

ईव मरकुस याव हुन? प्रेरति पौलुस अदकि बरनबास इंदुरद ईव हारोदव सहकारी ईवा रा यूहन्ना मतलब मरकुस रचति खुशखबरी इन लेखक मरकुस आंदुर सांगुळ पयला मशिनरी यात्रा अन न्याड्या दा अच बटिकु होगदुर देल आऊन प्रतषिठा अक ठेस हत प्रेरतिगोळ १३:१३ बाददा ईवा मरकुस बरनबास उन सांगुळ सेवकाई दा शामिल आगत कांळसदुन. प्रेरतिगोळ १५:३७-३९, अनुसार मरकुस, पतरस ऊंद हात्ती नव संगी ईरोन. १ पतरस ५:१३ ग्यानी लॉकुरद हगि मान्यता आद कि याग मरकुस यीशु उन जीवन इन अदकि सेवाकार्य अक आमने सामने नोळीदील तरी भी पतरस उन साक्षी अन आधार मा आव आऊंद खुशखबरी लखिसदुन. ईद मरकुस उन खुशखबरी इन आधार इन मात हुन.

मरकुस रचति खुशखबरी इन येढ्द बारा दा मतलब, यीशु उन खरा चेला बनसोद अदकि आखरी इन भवषिय अन बारा दा यीशु उन द्वारा कोळ्द शकिषा.

मरकुस रचति खुशखबरी दा यीशु उन “वनिमूर दास, सेवक” अदकि तान आप्प उन इच्छा पुरा माळोर साटी हमेशा तयार हगि “परमेश्वर उन प्रयि पार” ईव येढ्द रूप दा दरसुसकु आन. हांग अच मरकुस दा यीशु उन द्वारा माळ्द चमत्कार इन बारा दा यककुल से यककुल लखिसकु आग्याद. ईद खुशखबरी इन समापन यीशु उन चेलागोळी कोटकु आत “महान आदेश कोटकु आग्याद.”

रूप-रेखा

१. बपतस्मा कोळावाळा यूहन्ना अदकि यीशु उन बपतस्मा १:१-१३
२. यीशु उन द्वारा गलील प्रदेश अदकि परसिर दा चमत्कार माळोद १:१४-९:५०
३. गलील टु यरूशलेम ताका यीशु उन यात्रा अदकि मंदिर दा बरोद १०:१-१२:४४
४. यीशु उन द्वारा भवषिय अनद बारा दा बातणी कोळोद १३:१-३७
५. यीशु उन मृत्यु अदकि पुनरूत्थान अदकि महान आदेश १४:१-१६:२०

यूहन्ना बपतस्मा कोळावाळा अनद प्रचार

(मत्ती ३:१-१२; लूका ३:१-१८; यूहन्ना १:१९-२८)

1 परमेश्वर उन पार, यीशु मसीह अनद खुशखबरी* इन सुरूवात. 2 जसा यशायाह भवषियवक्ता† अनद कतिाब दा लखिसकु आद, परमेश्वर अंदुन,

“नोळ, ना नीन मुंद तान बातणी कोळावाळा अक कळुतीन,
जो नीन साटी हादी तयार माळ्यान.”

3 आळी दा ऊंद कारावाळा अनद आवाज केळ बरेत्याद: कि

“प्रभु उन हादी तयार माळी, अदकि
आऊक होगोर साटी सळकगोळी सरका माळी.”

* 1:1 १:१ शुभ बातणी † 1:2 १:२ भवषिय अनद बारा दा हेळावाळा

4 बपतस्मिमा कोळावाळा यूहन्ना आळी दा बंदुन, “जो बपतस्मिमाः अनंद प्रचार माळतोगोन, अदकि पापगोळ्द माफ अनंद साठी मन तरिगुसोद बपतस्मिमा कोळतोगोन अदकि अनतोगोन, परमेश्वर नीम पापगोळी माफ माळ्यान.” 5 पुरा यहूदयिया अनंद प्रदेश, अदकि यरूशलेम इन सप्पा ईरावाळेर नवासी होटकु आऊन हात्ती होदुर, “अदकि तान पापगोळी मान्सकु यरदन गांगा दा आऊन से बपतस्मिमा ताकोडुर.”

6 यूहन्ना ऊँट इन चुट्टीगोळ्द फळक्या हाक्कु अदकि नेळु मा तोगुल इन पट्टा कटकु ईरतोगोन. फाफाऽ अदकि आळी दाकळोद शयद तनितोगोन, 7 अदकि हगि अंद अंदकु प्रचार माळतोगोन कि, “नान बाद्दा आव बरावाळा आन, जो नान से यक्कुल ताकतवर आन, ना रा ई लायक भी हैलेच कि बांगकु आऊन काल ईनव केरू तेगु सकाईन. 8 ना रा नीमी नीर दा बपतस्मिमा कोट्टीन, लेकीन आव नीमी पवतिर आत्मा देल बपतस्मिमा कोट्टान.”

यीशु उन बपतस्मिमा

(मत्ती ३:१३-४:११; लूका ३:२१-२२; ४:१-१३)

9 आ दनिगोळ दा हगि आत कि यीशु गलील इन नासरत नगर टु बंदकु, यरदन गांगा दा बपतस्मिमा कोळावाळा यूहन्ना से बपतस्मिमा ताकोडुन. 10 अदकि याग आव नीर दा टु होटकु म्याकुच बंदुन, रा तुरन्त आव स्वर्ग इक खुल्सत अदकि पवतिर आत्मा अक कबूतर इन घाई तान म्याकुच ईळुतेला नोळदुन. 11 *आग स्वर्ग दा टु ईद आकाशवाणी आत कि, “नी नान प्रयि पार हुय, ना नीन देल हापाळ खुश आईन.”

यीशु उन परीक्षा

(मत्ती ३:१३-४:११; लूका ३:२१; २२; ४:१-१३)

12 आग पवतिर आत्मा तुरन्त यीशु उक आळी दी कळुत. 13 अदकि चालीस दनि ताका सुनसान जागा दा आऊन परीक्षा, शैतान उन द्वारा आगतेला ईरोद; अदकि आव आळी दाकळव पशुगोळ सांगुळ ईत्तुन, अदकि आग स्वर्गदूत बंदकु आऊन स्यावा माळतेला ईत्तुर.

यीशु उन स्यावा माळोद क्याल्सा अन सुरूवात

(मत्ती ४:१२-१७; लूका ४:१४,१५)

14 बपतस्मिमा कोळावाळा यूहन्ना अक बंदी माळदुर बाद्दा यीशु गलील दा बंदकु परमेश्वर उन राज्य अनंद खुशखबरी प्रचार माळदुन, 15 *अदकि अंदुन, “समय पुरा आगोर्ग्याद, ‘अदकि परमेश्वर उन राज्य हात्ती होट्ट बंदाद; मन तरिगुसी अदकि खुशखबरी मा वशिवास माळी.’”

यीशु उन द्वारा नाक मेन हुडावाळेर इक कारोद आत

(मत्ती ४:१२-२२; लूका ४:१४-१५; ५:१-११)

16 याग यीशु गलील इन झील इन कनारा कनारा होगोन, रा आव शमौन अदकि आऊन वार्ट अनर्द्रयास उक झील दा जार हाक्त नोळदुन; यतकी आंदुर मेन हुडावाळेर ईरोर. 17 यीशु आंदुर से अंदुन, “नान हदि बरी; ना नीमी मंळसागोळी परमेश्वर उन हात्ती ह्यांग तरतार अद कलसाईन.” 18 आंदुर तुरन्त जारगोळी बटिकु आऊंद हदि नळुली कुरतुर.

19 थ्वाळासा मुंद होगदुर मा, आव जब्दी इन पार याकूब, अदकि आऊन वार्ट यूहन्ना अक, इवांगा मा कुरतकु जारगोळी सुधरूसतेला नोळदुन. 20 ह्यांग यीशु आंदरी नोळदुन हांगा तुरन्त कारदुन; अदकि आंदुर तान आप्प जब्दी इक मजदूरगोळ्द सांगुळ इवांगा मा बटिकु, आऊन हदि होटोदुर.

दुष्टआत्मा हतकु मंळसा अक चंगा माळोद

(लूका ४:३१-३७)

21 आग आंदुर कफरनहूम नगर दा बंदुर, अदकि आव तुरन्त आराम इन दनि यहूदी लॉकुरद सभागृह दा होगकु उपदेश कोळली कुरतुन. 22 *अदकि लॉकुर आऊन उपदेश केळकु सट्ट आगोदुर; यतकी आव आंदरी शास्त्रीगोळ्द घाई ईला, लेकीन अधिकारीगोळ्द घाई उपदेश कोळतोगोन.

‡ 1:4 १:४ नीर दा मुळकुसोद अदकि तेगोद वधी § 1:6 १:६ टड्डियाँ * 1:11 १:११ मत्ती ३:१७; १२:१८; मरकुस ९:७; लूका ३:२२ * 1:15 १:१५ मत्ती ३:२ * 1:22 १:२२ मत्ती ७:२८,२९

23 आटोटीका, आंदुरद यहूदी लॉकुरद सभागृह दा ऊंद मंळसा ईरोन, यारदा ऊंद दुष्टआत्मा ईरोद. 24 आव ईद अनकु चलिळास कुरतुन, “हे यीशु नासरी, नामी नीन से येन क्याल्सा? येन नी नामी नाश माळली बंद्या? ना नीनी अरूतीन, नी याव हुय? परमेश्वर उन पवतिर जन!”

25 यीशु आऊक दनकुसकु अंदुन, “सुंगा ईर; अदकि आ मंळसा दा टु होटबुळ.”

26 आग दुष्टआत्मा आऊक मुरकुळसकु, अदकि धोळद आवाज देल चळिलासकु आऊन दा टु होट बुळत. 27 इदुर मा सप्पा लॉकुर आश्चर्य माळतेला आपस दा मातचीत माळली कुरतुर, “ईद येन मात आद? ईद रा ऊंद व्हाशोद उपदेश आद! आव अधिकार देल दुष्टआत्मागोळी भी आग्या कोळतान, अदकि दुष्टआत्मा भी आऊन आग्या मानसताव.”

28 अदकि यीशु उन हेसुर इन बारा दा ईद बातणी तुरन्त गलील इन आसपास इन सप्पा प्रदेश दा फैलुसेत.

यीशु हापाळ सा बमिर मंळसागोळी चंगा माळदुन
(मत्ती ८:१४-१७; लूका ४:३८-४१)

29 यीशु अदकि आऊन चेलागोळ यहूदी लॉकुरद सभागृह दा टु होटकु याकूब अदकि यहून्ना अन्द सांगुळ शमौन अदकि अन्दर्यास उन मान्या बंदुर. 30 अल शमौन उन आत्त मय देल व्हरस मा बदिक् ईरोर; अदकि आंदुर तुरन्त यीशु उन बारा दा आकी हेळदुर. 31 आग आव हात्ती होगकु आकनि कय हुळकु आक इक येब्सदुन; अदकि आकनि मय तुरन्त ईळदोदव, अदकि आक यीशु अदकि आऊन चेलागोळ्द स्यावा-पानी माळली कुरतुर.

32 द्यावगान होती याग सूर्य मुळकेत रा आग लॉकुर सब बमिरगोळी अदकि आंदरी, यारदा दुष्टआत्मागोळ ईरव, आंदरी भी यीशु उन हात्ती तंदुर. 33 अदकि सप्पा नगर इन लॉकुर शमौन उन मान्ना अन्द दरवाजा मा बंदकु जमा आदुर. 34 यीशु च्याच मुंदरी जो अलग अलग प्रकार इन बमिरी देल दुखी ईरोर, चंगा माळदुन, हापाळ सा दुष्टआत्मागोळी तेगदुन, अदकि दुष्टआत्मागोळी माताळ गोटीदील, यतकी अव आऊक अरव.

आवना दा यीशु उन प्रार्थना माळोद
(लूका ४:४२-४४)

35 अदकि यीशु व्हातुर आगोर से हापाळ पयले, मान्या टु यदकु व्हार्या होटुन, अदकि ऊंद सुनसान जागा दा होगकु प्रार्थना माळली कुरतुन. 36 आग शमौन अदकि आऊन संगीगोळ यीशु उन खोज दा होदुर. 37 याग आव सकिदुन, रा आऊक अंदुर, “सप्पा लॉकुर नीनी ढुंढसेत्यार.”

38 यीशु आंदुर से अंदुन, “बरी; नाव मात्त येल्यारा आसपास इन ऊरगोळ दा होगता, कनि अल भी प्रचार माळाईन, यतकी ना इदुरदा साटी बंदीन.”

39 इदुरसाटी आव पुरा गलील दा यहूदी लॉकुरद सभागृहगोळ दा होग होगकु प्रचार माळदुन अदकि दुष्टआत्मागोळी तेगुतेला ईत्तुन.

कोढ इन रोग इक चंगा माळोद
(मत्ती ८:१-४; लूका ५:१२-१६)

40 ऊंद कोढ* इन रोगी मंळसा यीशु उन हात्ती बंदुन, अदकि आऊन मुंद ट्वांगरा टेक्सकु आऊन से वनिती माळदुन, कि “अगर नी चाहास्या रा नानी शुद्ध माळ सकत्या.”

41 यीशु आऊन मा तरस तनिकु तान कय वाळुसदुन, अदकि आऊक मुटकु अंदुन, “ना चाहासतीन कनि शुद्ध आगोग.” 42 अदकि तुरन्त आऊंद कोढ इन बमिरी वळ्दीद आगेत अदकि आव शुद्ध आगेदुन. 43 आग यीशु आऊक चेतावनी कोटकु तुरन्त सार माळदुन, 44 अदकि आऊन से अंदुन, “नोळ, यारीकु येनु हेळबाळेत, लेकीन होगकु तान तान इक याजक† उक तोर्स, अदकि तान शुद्ध आगेद बारा दा जो येनारा मूसा ठहरूस्यान अदरी भेंट येर्स, कि आंदुर मा गवाही आगुल.”

45 लेकीन आव मंळसा व्हार्या होगकु ईद मात इन हापाळ प्रचार माळली अदकि ईल ताका फैलुस्ली कुरतुन कि यीशु बाक खुलेआम नगर दा ईला होग सकोन, लेकीन व्हार्या आळी दा ईरोन; अदकि नाकु दकिळोर लॉकुर आऊन हात्ती बरतेला ईरोर.

☆ 1:39 १:३९ मत्ती ४:२३; ९:३५ * 1:40 १:४० कृष्ट रोग † 1:44 १:४४ मंदिर इन भेंट ताकोमावाळा

2

लकवा अन्द रोग इक चंगा माळोद
(मत्ती ९:१-८; लूका ५:१७-२६)

1 हापाळ दनि इन बाद्दा यीशु बाक कफरनहूम दा बंदुन, अदकि खबर फैलुस्त क्वा आव मान्या आन. 2 बाक ईस लॉकुर जमा आदुर क्वा दरवाजा अन्द हात्ती भी जागा ईला ईरोद; अदकि आव आंदरी वचन केळसोन. 3 अदकि लॉकुर ऊंद लकवा अन्द रोग इक नाक मंळसागोळ कय देल नेगुकु आऊन हात्ती तंदुर. 4 लेकीन याग आंदुर भीळ इन कारण आऊन हात्ती होग सकर्दिल, रा आंदुर आ छत इक यदुर ल्यालमा आव नीदुरकु ईरोन, खोल्स बुदुर; अदकि याग आंदुर अदरी बच्चि बुदुर, रा आ व्हर्स इक यदुर मा लकवा अन्द रोगी बदि कु ईरोन, आऊक ल्यालमा ईळसदुर अदकि व्हर्स इक हलिगुस बुदुर. 5 यीशु आंदुर वशिवास नोळकु आ लकवा अन्द रोग इक अंदुन, “हे नान पारा, नीन पाप माफ आदव.”

6 आग हापाळ नयिमगोळ गुरु जो अल कुरतकु ईरोर, आंदुर तान-तान मन दा वचिार माळली कुरतुर, 7 “इव मंळसा येती हगि अनेत्यान? इव रा परमेश्वर उन अपमान माळीत्यान! परमेश्वर उक बटिकु अदकि याव पाप माफ माळ सकतान?”

8 यीशु तुरन्त खुद तान आत्मा दा ईद जान्स कौडुन क्वा आंदुर तान-तान मन दा हगि वचिार माळीत्यार, इदुरसाटी आव आंदुर से अंदुन, “नीव येती तान-तान मन दा ईद मात इन वचिार माळेतीर? 9 आसान येन आद? येन लकवा अन्द रोगी से ईद अनोद क्वा नीन पाप माफ आदव, या ईद अनोद क्वा येळ तान व्हर्स नेगुकु नळु अदकि टेटाळ? 10 ना नीम मुंद साबति माळ बुळईन, क्वा मंळसा अन पार उक ईद पृथ्वी मा पाप माफ माळोद भी अधिकार आद.” 11 यीशु आ लकवा अन्द रोगी से अंदुन, “ना नीन से अनेतीन, येळ, तान व्हर्स नेगु अदकि तान मान्नी होटोग.”

12 बाक आव येदुन अदकि तुरन्त तांद व्हर्स नेगुकु सप्पा मुंदुर मुंद टु होटकु ओळेदुन, इदुर मा सप्पा लॉकुर सट्ट आदुर, अदकि परमेश्वर उन बळाई माळकु अनली कुरतुर, “नाव रा हगि यागलु नोळीदील!”

यीशु लेवी इक कारदुन
(मत्ती ९:९-१३; लूका ५:२७-३२)

13 यीशु बाक अल टु होटकु क्यार्रा अन्द कनिरा मा होदुन, अदकि सप्पा भीळ आऊन हात्ती बत्त, अदकि आव आंदरी उपदेश कोळली कुरतुन. 14 अल टु होगावती यीशु हलफई नव पार लेवी इक कर ताकोमोद चौकी मा कुरतकु नोळदुन, अदकि यीशु आऊन से अंदुन, “नान हदि आगेग.” अदकि आव यदकु आऊन हदि आगेदुन.

15 बाक हगि आत क्वा याग यीशु तान चेलागोळ सांगुळ आऊन मान्या ऊमली कुरतुन, आग हापाळ मुंदुर कर ताकोमावाळेर अदकि पापी लॉकुर, यीशु अदकि आऊन चेलागोळ सांगुळ ऊमली कुरतुर; यतकी आंदुर हापाळ मुंदुर ईरोर, अदकि आऊन हदि आगेगीदुर. 16 नयिम इनोर गुरुगोळ अदकि फरीसीगोळ ईद नोळदुर क्वा आव रा पापीगोळ अदकि कर ताकोमावाळेर सांगुळ ऊमेत्यान, रा आऊन चेलागोळी अंदुर, “आव रा कर ताकोमावाळेर अदकि पापीगोळ सांगुळ तनितान-कुडुतान?”

17 ईद केळकु यीशु आंदुर से अंदुन, “भला चंगा मंळसागोळी वैद्यगोळ्द जरवत हैलेच, लेकीन बमिार मंळसागोळी आद: ना न्यायीगोळी ईला, लेकीन पापी लॉकुरी कारूली बंदीन.”

उपास इन प्रश्न
(मत्ती ९:१४-१७; लूका ५:३३-३९)

18 बपतसिमा कोळावाळा यूहन्ना अन्द चेलागोळ, अदकि फरीसी लॉकुर चेलागोळ उपास माळतोगोर. अदकि थ्वाळासा लॉकुर बंदकु यीशु से अनली कुरतुर, “यूहन्ना अन्द चेलागोळ अदकि फरीसी नोर चेलागोळ येती उपास ईटतार? लेकीन नीन चेलागोळ येती उपास ईटालुर?”

19 यीशु आंदुर से अंदुन, “येन नीव उम्मीद माळतीर क्वा ऊंद मदा दा वरातीगोळ बनिा ऊंडुर तदुर देल होदार? बलिकुल ईला! यागासताका मंळगार आंदुर सांगुळ आन, आगासताका आंदुर उपासा होग सकालुर. 20 लेकीन अव दनि बंदव याग मंळगार उक आंदुर से अलग माळकु आदीत; अदकि आ दनि आंदुर उपास माळ्यार.”

21 “क्वारा कपळा अन्द थगिर * हाळोद कपळा मा यारू हचालुर. ईलारा अद थगिर अदुर दा टु येनारा जेडु कौडीत, आग व्हाशोद, हाळोद से, अदकि अद पयले से यक्कुल हरदोदति.” 22 व्हाशोद अंगुर इन रास्सा अक हाळोद तोगुल इन चलिा † दा यारू ईटालुर, ईलारा अंगुर इन रास्सा तोगुल इन चलिा अक हर्द बुट्टीत, अदकि अंगुर इन रास्सा अदकि तोगुल इन चलिा येद्दु नाश आगेदव, “लेकीन व्हाशोद अंगुर इन रास्सा व्हाशोद तोगुल इन चलिा दा तुमकु आगतद.”

आराम दनि इन प्रश्न

(मत्ती १२:१-८; लूका ६:१-५)

23 अदकि हगि आत कि यीशु आराम इन दशिी केई दी टु आगतेला होगोन; अदकि आऊन चेलागोळ नळुतेला गोदी नव लॉम्बागोळी मूर कुरतुर. 24 आग फरीसीगोळ आऊन से अंदुर, “नोळ, इंदुर आराम इन दनि दा अद क्याल्सा येती माळतार जो नयिम इन अनुसार माळोद उचति हैलेच?”

25 यीशु आंदरी उत्तर कोट्टुन, येन नीव ईद यागलु वाचुसीदील, कयाग दाऊद उक जरवत ईरोद, याग आव अदकि आऊन संगीगोळ हस्तकु ईरोर, आग आव येन माळीदुन? 26 “आव हयांग अबयातार महायाजक उन समय दा, परमेश्वर उन भवन दा होगकु भेंट इन रोटीगोळी तदिन, यदुरद तनिोद याजकगोळी बटिकु अदकि यारीकु भी उचति हैलेच, अदकि तान संगीगोळी भी कोट्टुन?”

27 आग यीशु आंदुर से अंदुन, “आराम इन दनि मंळसागोळ्द साठी माळकु आग्याद, ना कि मंळसा आराम दनि इन साटी. 28 इदुरसाटी मंळसा अन पार आराम दनि इन भी स्वामी आन.”

3

यीशु वंळगीद कयवाळा मंळसा अक चंगा माळदुन

(मत्ती १२:१-१४; लूका ६:६-११)

1 अदकि यीशु बाक यहूदी लॉकुरद सभागृह दा होदुन; अदकि अल ऊंद मंळसा ईरोन यार्द कय वंळगेगीत, 2 अदकि आंदुर यीशु मा दोष हचोर साटी आऊन ताक मा हतकु ईरोर कि नोळाता, आव आराम दनि दा आऊक चंगा माळतान का ईला. 3 यीशु वंळगीद कयवाळा मंळसा से अंदुन, “येळ, लॉकुर न्याड्या दा नीदरेग.”

4 अदकि यीशु आंदुर से अंदुन, “येन आराम इन दनि दा नयिम इन अनुसार भलाई माळोद उचति आद या बुरा माळोद? जीव इक उळसोद उचति आद या कोन्नोद?” लेकीन आंदुर सुंगा ईत्तुर. 5 बाक यीशु आंदुर मन इन कठोरता देल उदास आगकु, आंदरी सटिट देल नाकु दी नोळदुन, अदकि आ मंळसा से अंदुन, “तान कय मुंद वाळुस.” आव वाळुसदुन, अदकि आऊंद कय पयले अन्द घाई वळ्लीद आगेत. 6 आग फरीसीगोळ यहूदी लॉकुरद सभागृह दा टु व्हार्या होगकु तुरन्त हेरोदयिों लॉकुर सांगुळ यीशु उन वरिध दा साठगाठ माळली कुरतुर कि आऊक याता प्रकार देल नाश माळव.

यीशु उन हदि भीळ इन नळोद

7 बाक यीशु तान चेलागोळ सांगुळ क्यार्रा दी होटोदुन. अदकि गलील दा टु ऊंद धोळ्द भीळ आऊन हदि नळुली कुरत, 8 अदकि यहूदया, अदकि यरूशलेम, अदकि इदूमया, अदकि यरदन गांगा अन आप्पाटी, अदकि सूर अदकि सैदा अन्द आसपास टु ऊंद धोळ्द भीळ ईद केळकु आऊन हात्ती बंदुर कि, आव हयांग अचम्भा अन्द क्याल्सा माळतान. 9 *अदकि बाक यीशु तान चेलागोळ से अंदुन, “भीळ इन कारण ऊंद स्याळ्दतुसा इवांगा नान साटी तयार ईरूल ताकी आंदुर नानी वत्त ईला सकुल.” 10 यतकी आव हापाळ मुंदरी चंगा माळीदुन; इदुरसाटी अल यास लॉकुर रोग देल बमिर ईरोर, आऊक मुट्टोर साटी आऊन मा बळिली आगोर. 11 अदकि दुष्टआत्मागोळ देल ग्रस्त लॉकुर भी, याग आऊक नोळतोगोर, अरा आऊन मुंद बळितोगोर, अदकि चळिलासकु अनतोगोर कि “नी परमेश्वर उन पार हुय.”

12 यीशु दुष्टआत्मागोळी आदेश कोट्टुन कि अव यारीकु भी ईद हेळतीदील कि आव याव हुन.

हन्नेळ चेलागोळी नविळुसोद

(मत्ती १०:१-४; लूका ६:१२-१६)

* 2:21 २:२१ व्हाशोद कपळा अन्द चट्टी थगिर † 2:22 २:२२ तोगुल इन चलिा दा नीर * 3:9 ३:९ मरकुस ४:१; लूका ५:१-३

13 बाक यीशु पहाळ मा येरेदुन अदकि यारी आव चाहासोन, आंदरी तान हात्ती कारदुन. अदकि आंदुर आऊन हात्ती बंदुर. 14 आग यीशु आंदुर दा टु हन्नेळ मंळसागोळ्द नविळ माळदुन, यारी आव प्रेरतिगोळ हेसुर कोट्टुन. अदकि अंदुन, “कफि ना नीमी तान सांगुळ ईटोरसाटी नीवळुसदीन, ‘ना नीमी प्रचार माळली व्हार्या कळाईन, 15 अदकि नीम हात्ती दुष्टआत्मागोळी तेगोद अधिकार ईत्तीत.’”

16 ई प्रकार देल आव हन्नेळ चेलागोळ्द नविळ माळदुन. शमौन यार्द हेसुर आव पतरस ईटदुन, 17 अदकि जब्दी इन पार याकूब, अदकि याकूब उन वार्द यूहन्ना, यार्द हेसुर आव बुअनरगसि मतलब “गर्जन उन पार” ईटदुन, 18 अदकि अनर्द्रियास, फलिपिपुस, बरतुलमै, मत्ती, थोमा, हलफई इन पार याकूब, तद्दै अदकि शमौन कनानी जो रोमन सरकार उन खलिाप ईरोन. 19 अदकि यहूदा इस्करियोती, जो यीशु उक ध्वाका देल हुळसुसीदुन.

यीशु अदकि बालजबूल

(मत्ती १२:२२-३२; लूका ११:१४-२३; १२:१०)

20 बाक यीशु अदकि आऊन चेलागोळ मान्नी बंदुर; अदकि हगि भीळ जमा आगेत, कफि आंदुर रोटी भी तनि सकदील 21 याग आऊन मान्यागोळोर लॉकुर ईद केळदुर, रा आंदुर आऊक हुडोर साटी होट्टुर, यतकी आंदुर अनतोगोर, कफि आऊन मन ठकान मा हल्लेच.

22 *अदकि शास्त्री भी जो यरूशलेम टु बंदीदुर, ईद अनतोगोर, कफि “आऊन दा बालजबूल* शैतान समुस्क आन, अदकि ईद भी, कफि आव दुष्टआत्मागोळव सरदार उन मदत देल दुष्टआत्मागोळी तेगुतान.”

23 इदुरसाटी यीशु आंदरी हात्ती कारकू, आंदुर से उदाहरण दा अनली कुरतुन, “शैतान ह्यांग शैतान उक तेगु सकतान?” 24 अदकि अगर यातोदारा राज्य दा फूट बळिल, रा अद राज्य ह्यांग संची ईर सकतद? 25 अदकि अगर यातोदारा मान्ना दा फूट बळिल, रा अद मान्ना ह्यांग संची ईर सककीत? 26 इदुरसाटी अगर शैतान तान अच राज्य अन्द वरिधी आगकु तान दा फूट केडुल, रा आव तान राज्य अक ह्यांग सुरक्षति ईट सकतान? आऊंद रा अन्त अच आगेदीत.

27 लेकीन यावारा मंळसा यातोवारा ताकतवर मंळसा अन्द मान्या होककु आऊंद माल हगि अच कदू सकालुन, पयले आव आ ताकतवर मंळसा अक कट्यान; अदकि आग आ मंळसा आ ताकतवर मंळसा अन्द मान्ना अन्द बुळ्क ईडद सामान इक कदू सकतान.

28 ना नीम से खरा माताळतीन, कफि मंळसागोळ्द औलाद ईनव सप्पा पाप अदकि अपमान जो आंदुर माळतार, माफ माळकु आदव. 29 *लेकीन जो यावारा पवतिर आत्मा अन्द खलिाप अपमान माळतान, आऊक यागलु माफ माळकु आगतीदील, “यतकी आव अनन्त पाप इन अपराधी आन.” 30 यीशु आ लॉकुरी इदुरसाटी ईव सब मातगोळ अंदुन “यतकी लॉकुर अनतोगोर, कफि आऊन दा दुष्टआत्मा आद.”

यीशु नोर मोय आकतींग अदकि वार्द

(मत्ती १२:४६-५०; लूका ८:१९-२१)

31 अदकि यीशु उन मोय आकतींग अदकि वार्द बंदुर अदकि व्हार्या नीदुरकु यीशु उक कारली कळुदुर. 32 अदकि भीळ यीशु उन आसपास कुर्तकु ईरोद, अदकि आंदुर आऊन से अंदुर, “नोळ, नीन मोय नीन वार्द अदकि आकतींग व्हार्या नीनी कारेत्यार.”

33 यीशु आंदरी उत्तर कोट्टुन, कफि “नान मोय नान वार्द अदकि नान आकतींग याक हुळ?” 34 अदकि आव तान आसपास कुर्तकु ईरोर आ लॉकुरी नोळदुन अदकि अंदुन, “नोळी! नान मोय, आकतींग अदकि वार्दुर इंदुरा उर. 35 यतकी जो यावारा भी परमेश्वर उन इच्छा मा नळदान, आवा नान वार्द, आकतींग, अदकि मोय हुळ.”

4

बीजा बोऊसावाळा अन्द उदाहरण

(मत्ती १३:१-९; लूका ८:४-८)

1 *यीशु बाक झील इन कनारा मा उपदेश कोळली कुरतुन: अदकि हगि धोळ्द भीळ आऊन हात्ती जमा आगेत कफि आव झील इन ऊंद ड्वांगा मा येरकु कुरतोदुन अदकि सप्पा भीळ भूमी मा झील इन कनारा मा

* 3:22 ३:२२ मत्ती ९:३४; १०:२५ * 3:22 ३:२२ बालजबूल-दुष्टआत्मागोळव सरदार * 3:29 ३:२९ लूका १२:१० * 4:1 ४:१ लूका ५:१-३

नीदुरकु ईत्त. 2 अदकि यीशु आंदरी उदाहरणगोळ दा हापाळ सा मात कल्सली कुरतुन, अदकि तान उपदेश दा आंदुर से अंदुन.

3 “केळी! ऊंद घन ऊंद मळसा ईरोन जो बीजा बोऊसोर साठी होतीदुन. 4 अदकि आव केई दा बीजा भट्टिन आटोटी येनारा बीजा हादी मा बदिदव, अदकि पक्षीगोळ बंदकु अवरी तनि कोंडोव. 5 अदकि येनारा बीजा कल्ल इन जागा मा बदिदव यल अदरी यक्कुल मुण्ण सकदील. अदकि गहरा मुण्ण ईला सकिदुर देल अव राटनेरी अंकुर हुळदव. 6 बाक याग सुर्य होळत; रा स्याणेव मार्गोळी होताक बुळत; यतकी जळीगोळ जादा गयरा ईला आगीदव, अदकि मार्गोळ जल्दी अच वळ्गेदव. 7 अदकि थ्वाळासा बीजा मुळ्ल इन झुनकुळ दा बदिदव, अदकि धोड्डेव आगकु बेळुकु बीजा अक वत्त बुट्टव अदकि आ बीजागोळी काय हत सकदील. 8 लेकीन थ्वाळासा बीजा वळ्लीद जागा मा बदिदव, अदकि अव बेळदव अदकि बेळुकु अनाज पैदा माळदव; यातोवारा तीस गुणा, यातोवारा साठ गुणा अदकि यातोवारा सौ गुणा फसल तंदव.”

9 आग यीशु अंदुन, “यार हात्ती केळोर साटी कवि आव, आव केळ कोमुल.”

उदाहरणगोळद कारण

(मत्ती १३:१०-१७; लूका ८:९,१०)

10 याग यीशु आबना ईरोन, रा याता लॉकुर आऊन उदाहरण केळीदुर, आंदुर दा टु येनारा लॉकुर हननेळ चेलगोळ सांगुळ आऊन हात्ती बंदुर अदकि आऊक उदाहरण इन मतलब येन आद. 11 यीशु आंदुर से अंदुन, नीमी परमेश्वर उन राज्य अन्द भेदगोळद समझ कोटक आग्याद, लेकीन व्हार्या नोर लॉकुर साटी, सप्पा मातगोळ उदाहरणगोळ दा अंदकु आग्याद:

12 यतकी आंदुर नोळुल अदकि

नोळतेला अच ईरूल, लेकीन आंदरी येनु सम्सबाळुल,
केळुल अदकि केळतेला अच ईरूल
लेकीन येनु सम्सबाळुल.

हगि आगबाळुल कि आंदुर मन परमेश्वर उन दी तरिगुल
अदकि आंदरी माफ माळकु आगुल.

बीजा बोऊसावाळा उदाहरण इन व्याख्या

(मत्ती १३:१८-२३; लूका ८:११-१५)

13 बाक यीशु आंदुर से अंदुन, येन नीव ईद उदाहरण समसालीर? रा बाक दुसरा यातोदारा उदाहरणगोळी ह्यांग समसीर? 14 केईवाळा जो बोऊसतान, अद परमेश्वर उन वचन हुन. 15 येनारा लॉकुर हादी माकळोर बदिकु बीजा अन्द घाई आर जो परमेश्वर उन वचनगोळी केळतार. रा शैतान तुरन्त बंदकु वचन रूपी बीजा जो आंदुरदा बोऊस्कु आग्याद नेगुकु वोयतान. 16 दुसरा लॉकुर बीजागोळ घाई ईरतार जो कलवाळा जागा मा बीळताव. ह्यांग आंदुर बातणी केळतार, आंदुर इदरी खुशी देल ग्रहण माळ कोमतार. 17 लेकीन तान बुळ्क जळ ईला ईटदुर कारण आंदुर थ्वाळासा अच दनिगोळ साटी ईरतार; इदुरद बाददा याग वचन इन कारण आंदुर मा क्लेश या उपद्रव आगताव, रा आंदुर तुरन्त ठोकर तनितार. 18 दुसरा लॉकुर मुळ्लवाला झुनकुळ दा बोऊस्कु बीजा अन घाई आर. इंदुर वचन केळावाळेर उर. 19 अदकि दुनयिया अन चन्तिता, धन इन ध्वाका, अदकि च्याच वस्तुगोळ्द लोभ आंदुरदा तुमकु वचनगोळी वत्त बुळतद. अदकि अद नष्फल ईतोगतार. 20 लेकीन यारारा लॉकुर वळ्लीद जागा अन्द घाई आर, जो वचन केळकु ग्रहण माळतार अदकि वळ्लीद फसल तरतार, यारारा तीस गुणा, यारारा साठ गुणा, अदकि यारारा सौ गुणा.

दगिया अन्द उदाहरण

(लूका ८:१६-१८)

21 *अदकि यीशु आंदुर से अंदुन; येन दगिया अक इदुरदा साटी तरतार कि बर्तन या व्हर्स इन ल्यालमा ईटुल? येन अदरी दीवट* मा ईट सकालुर? 22 *जो येनारा भी होचकु आद अदरी व्हार्या तनकु आदीत, अदकि

* 4:21 ४:२१ मत्ती ५:१५; लूका ११:३३

* 4:21 ४:२१ दगिया ईटोद जागा

* 4:22 ४:२२ मत्ती १०:२६; लूका १२:२

जो येनारा भी कवर माळकु आग्याद, अदरी उजागर माळकु आदीत. ²³ अगर यारोवारा केळव कवि आव, रा आव केळ कोमुल.

²⁴ *बाक यीशु आंदुर से अंदुन, “जो नीव केळतीर अदुर मा ध्यान कोळी. याता नाप देल नीव दुसरा अक आळुतीर अदा नयिम देल नीमी भी आळुकु आदीत, अदकि नीम साटी अदुरदा यक्कुल जोळसकु आदीत. ²⁵ *यतकी यार हात्ती आद, आऊक मात्त यक्कुल कोटकु आदीत; अदकि यार हात्ती हैलेच, आऊन से अद भी जो आऊन हात्ती आद, ताकोमकु आदीत.”

कोम होळोद बीजा अनूद उदाहरण

²⁶ बाक यीशु अंदुन, “परमेश्वर उन राज्य हगि आद, जसा यावारा मंळसा तान केई इन भूमी दा बीजा भळितान, ²⁷ अदकि आव इळ्लकी मगिदुन अदकि व्हातर्या येदुन अदकि अद बीजा अंकुरीत आगकु हगि बेळुत, का आव अरू सकदिल का ईद ह्यांग आत. ²⁸ पृथ्वी तान ताना अनाज तरतद. पयले अंकुर, बाक लाम्बा, अदकि आग अदुर बाददा लाम्बा दा तयार बीजा. ²⁹ लेकीन याग बीजा हण्ण आगोगतद, आग आव केईवाळा तुरन्त कुळगुल देल कडुली हततान, यतकी फसल इन कटाई होट्ट बंदाद.”

राई इन दाना अनूद उदाहरण

(मत्ती १३:३१-३२,३४; लूका १३:१८-१९)

³⁰ बाक यीशु केळदुन, “नाव परमेश्वर उन राज्य ह्यांग आद इदुर उपमा यार देल कोट्टेव. अदकि याता उदाहरण देल आऊन वर्णन माळेव? ³¹ आव राई इन दाना अनूद घाई आन याग पृथ्वी मा बोऊसकु आगतद रा पृथ्वी इन सप्पा बीजागोळ से स्याळद ईरतद. ³² लेकीन याग बीजा बेळदोगतद, रा बेळुकु सप्पा मारगोळ से धोळद आगोगतद, अदकि अदुरद हगि धोळद डगालगोळ होळताव यल आकाश इन पक्षी अदुरद सावली दा ग्वादा माळकु ईरताव.”

³³ यीशु आंदरी ईत्ता प्रकार ईनव हापाळ सा उदाहरण कोट-कोटकु आंदुरद समझ इन अनुसार यक्कुल से यक्कुल समझ दा बरूल ई प्रकार देल वचन केळसतोगोन, ³⁴ अदकि बनिा उदाहरण अंदकु यीशु लॉकुरी येनु ईला कल्सतोगोन. लेकीन आबना दा आव तान नजी चेलागोळी सप्पा मातगोळद मतलब हेळतोगोन.

यीशु आँधी इक शांत माळदुन

(मत्ती ८:२३-२७; लूका ८:२२-२५)

³⁵ अदा दशिी द्यावगा अक, यीशु तान चेलागोळ से अंदुन, “बरी, नाव झील इन आपपाटी होगता.” ³⁶ आंदुर भीळ इक बट्टुर, याता ड्वांगा दा यीशु ईरोन अदा ड्वांगा मा चेलागोळ भी बंदुर अदकि यीशु उक तान सांगुळ झील इन आपपाटी ओतुर; अदकि अल आऊन सांगुळ, मात हापाळ सा ड्वांगा भी ईरव. ³⁷ अचानक आग ऊंद भयानक आँधी बत्त, अदकि लयरगोळ ड्वांगा देल टकरूसली हत्त ईल ताका का नीर ड्वांगा दा तुमली हत्त. ³⁸ अदकि यीशु ड्वांगा अनूद हदिळोद भाग दा ऊसी मा ताल्ला ईटकु मगिोन. अदकि आंदुर आऊक येब्सदुर अदकि अंदुर, “हे गुर, येन नीनी चन्ता हैलेच का नाव मुळकेतेव?”

³⁹ आग यीशु यदकु आँधी अक दनकुसदुन, अदकि लयरगोळ से अंदुन, “शांत आगोग, थाम्सेग!” अदकि आँधी थामसेत अदकि नाकु दी हापाळ सन्नाटा आगेत. ⁴⁰ अदकि यीशु तान चेलागोळ से अंदुन, “नीव येती अंजेतीर? येन नीमी ईगासताका वश्वास हैलेच?”

⁴¹ अदकि चेलागोळ हापाळ अंजेदुर अदकि आपस दा अनली कुरतुर, “ईव मंळसा याव हुन ईल ताका का आँधी अदकि लयरगोळ भी ईऊन आग्या मान्सताव?”

5

दुष्टआत्मा हतकु मंळसा अक चंगा माळोद

(मत्ती ८:२८-३४; लूका ८:२६-३९)

¹ यीशु अदकि आऊन चेलागोळ झील इन आपपाटी गरिसेनयागोळद प्रदेश दा पोहचुसदुर. ² याग यीशु ड्वांगा मा टु ईळदुन रा तुरन्त ऊंद मंळसा जो का यारदा दुष्टआत्मा हतकु ईरोद, कबरस्तान दा टु होटकु यीशु

से मल्लिसदुन. ³ आव कबरस्तान दा ईरतोगोन अदकि याऊ आऊक शंकलीगोळ देल भी कटकु ईला ईट सकोन, ⁴ यतकी आऊक बेळीगोळ अदकि शंकलीगोळ देल कटकु आगीत, लेकीन आव हापाळ अनली शंकलीगोळी मुर्द बुटीदुन अदकि बेळीगोळद तुकळा-तुकळा माळ कोंडीदुन, अदकि यारू आऊक बस दा ईला माळसकोर. ⁵ आव लगातार ईळलक-हागुल कबरस्तान अदकि पहाळीगोळ दा वयाळोन अदकि कीटुरतोगोन, अदकि तान तान इक कलगोळ देल घायल माळतोगोन.

⁶ आव यीशु उक दुर टु उच नोळदुन, अदकि आव ओळतेला यीशु उन हात्ती बंदुन अदकि ट्वांगरा अन्द भार देल बदिक् प्रणाम माळदुन. ⁷ अदकि आव धोळ आवाज देल चळिलासकु अंदुन, “हे यीशु, महान परमेश्वर उन पारा, नानी नीन से येन क्याल्सा? ना नीनी परमेश्वर उन करिया कोळतीन, कनि नीनी नानी दुख कोळबाळ.” ⁸ आव यीशु से इदुरसाटी हगि अंदुन यतकी यीशु आऊन से अंददिन, “हे दुष्टआत्मा, ई मळसा अन्द मय दा टु होटबुळ!”

⁹ यीशु आ दुष्टआत्मा से केळदुन, “नीन येन हेसुर आद?”

अद यीशु से अनत्, “नान हेसुर सेना आद; यतकी नाव हापाळ सा आयेव.” ¹⁰ अदकि दुष्टआत्मा यीशु से च्याच वनिती माळकु अनत्, कनि नामी ई प्रदेश टु व्हार्या कळुबाळ.

¹¹ हात्तीगोळद पहाळ इन ढलान मा हंदीगोळद ऊंद धोळद झुण्ड आळोद. ¹² दुष्टआत्मागोळ यीशु से वनिती माळकु अंदव, “नामी आ हंदीगोळद झुण्ड दा कळुबुळ कनि नाव आंदुर बुळक होक्केव.” ¹³ इदुरसाटी यीशु आंदरी आग्या कोटुन अदकि दुष्टआत्मा आ मळसा दा टु होटकु हंदीगोळद बुळक होकदव अदकि झुण्ड, जो लगभग येढ्ह हजार इन ईरोद, ढलान मा टु घसरूसकु झील दा होगकु बतित. अदकि अल्या मुळककु सोत्तव.

¹⁴ हंदीगोळी आळसावाळेर ओळकु नगर अदकि ऊरगोळ दा ईद खबर केळसदुर, अदकि जो आगीत, लॉकुर अदरी नोळली बंदुर. ¹⁵ यीशु उन हात्ती लॉकुर बंदकु, आ मळसा अक नोळदुर यारदा दुष्टआत्मागोळ ईरव, मतलब सेना समुसकु ईरोद, कपळा हाक्कु अदकि गुमसुम कुरत नोळकु अंजेदुर. ¹⁶ या लॉकुर ईद घटना अक पयले नोळीदुर रा हेळदुर कनि नोळावाळेर आऊन, यारदा दुष्टआत्मागोळ ईरव, अदकि हंदीगोळद पुरा हाल आंदरी अंदकु हेळदुर.

¹⁷ आग लॉकुर यीशु से वनिती माळकु अनली कुरतुर कनि नाम प्रदेश दा टु होटोग.

¹⁸ अदकि याग यीशु ड्वांगा मा येरली कुरतुन रा आव यारदा पयले दुष्टआत्मागोळ ईरव, यीशु से वनिती माळली कुरतुन, “नानी तान सांगुळ ईरगोळ.”

¹⁹ लेकीन यीशु आऊक आग्या कोटीदील, अदकि आऊन से अंदुन, “तान मान्या होगकु तान परिवार इक हेळ कनिनीन मा दया माळकु प्रभु नीन साटी ह्यांग धोड्डेव क्याल्सा माळयान.”

²⁰ बाक आव होगकु दकिपुलसि* दा ई मातगोळी हेळली कुरतुन कनि यीशु नान साटी ह्यांग धोड्डेव क्याल्सा माळयान; अदकि सप्पा लॉकुर ईद केळकु चकति आदुर.

सोत्त पोर अदकि ऊंद रोगी आर्त

(मत्ती ९:१८-२६; लूका ८:४०-५६)

²¹ याग यीशु बाक ड्वांगा देल झील इन आप्पाटी होदुन, रा ऊंद धोळद भीळ आऊन हात्ती बंदकु जमा आगेत. आव झील इन कनिरा मा का ईरोन. ²² याईर हेसुर ईनव ऊंद यहूदी मळसा, जो यहूदी लॉकुरद सभागूह अन्द सरदारगोळ दा टु ऊंद सरदार बंदुन, अदकि यीशु उक नोळकु आऊन कालगोळ मा बदिदुन, ²³ अदकि ईद अंदकु यीशु से हापाळ वनिती माळदुन, “नान स्याण पोर सायापरी आगेग्यार: नी बंदकु आकनि मा कय ईट कनि आक वळ्लीद आगकु जतिता ईरूल.”

²⁴ आग यीशु आऊन सांगुळ नळदुन अदकि ऊंद धोळद भीळ आऊन हदि आगेत, ईल ताका कनि लॉकुर आऊन मा बळिली आगेर.

²⁵ अल्या ऊंद आर्त ईरोर, आक इक हननेळ वर्ष टु खुन होगोद रोग ईरोद. ²⁶ आ आर्त हापाळ परेशान ईरोर आक हापाळ वैद्यगोळ से तान ईलाज माळीदुर तरी भी यक्कुल दुखी आगेगीदुर. अदकि तान सप्पा धन लुट्सदुर बाददा भी आकी येनु आराम सकिदील, लेकीन मात यक्कुल रोगी आगेगीदुर. ²⁷ आक यीशु उन बारा दा चर्चा केळीदुर, अनकु “भीळ दा हदि टु बंदकु आऊन कपळा अन्द कनिरा अक मुटदुर.” ²⁸ यतकी आक मन मन दा अच अनतोगोर, “अगर ना आऊन कपळा अक मुटाईन, रा वळ्लीद आगेगाईन.”

* 5:20 ५:२० हत्त नगरगोळद धोळद शयर

29 आग आक यीशु उन कपळा अक मुटदुर अदकि तुरन्त आकनि खुन होगोद बंद आगेत, अदकि आ आरत तान शरीर दा ईद जान्स कोंडुर कनि तान आ बमिरी देल वळलेर आगेदीन. 30 यीशु तुरन्त तान मन दा जान्स कोंडुन कनिन दा टु ईद सामर्थ्य होताद. अदकि आव भीळ दा हदि तरिगकु केळदुन, “नान कपळा अक यार मुटदुर?”

31 आग आऊन चेलागोळ आऊक अंदुर, नी नोळत्या का भीळ नीन मा बळिली इक आगतद, अदकि नी अनत्या का यार नानी मुटदुर?

32 लेकीन यीशु आक इक नोळोर साठी नाकु दी कण्ण नेगुकु नोळदुन, का यार नानी मुटदुर. 33 आग आ आरत जो आकनि सांगुळ आगीत आक ईद जान्सकु का निन ह्यांग भलाई आग्याद, अंज्त अदकि नळगतेला बंदुर, अदकि आऊन कालगोळ मुंद ट्वांगरा टेक्सकु आऊक सब हाल खरा-खरा हेळ बुटुर. 34 यीशु आकनि से अंदुन, “हे पोरी, नीन वशिवास नीनी वळलीद माळ्याद: खुशी देल होग, अदकि तान ईद बमिरी देल ऊळदकु ईर.”

35 यीशु ईद अनतेला अच ईरोन का यहूदी लॉकुरद सभागृह अन्द सरदार उन मान्या टु थ्वाळासा लॉकुर बंदकु अंदुर, “नीन पोर रा सोतोग्यार, ईग गुरु उक येतरी दुख कोळत्या?”

36 लेकीन जो मात आंदुर अनोर, अदरी यीशु केळदुन पर ध्यान कोटीदील, यहूदी लॉकुरद सभागृह अन्द सरदार से अंदुन, “अंजबाळ, सर्फ वशिवास ईट.” 37 अदकि यीशु पतरस अदकि याकूब अदकि आऊन वार्ट यूहन्ना अक बटिकु, दुसरा यारीकु तान सांगुळ बर गोटीदील. 38 याग आंदुर सप्पा मुंदुर यहूदी लॉकुरद सभागृह अन्द सरदार उन मान्या बंदुर, रा यीशु नोळदुन का अल खलबली मचुसकु आद. अदकि लॉकुरी हापाळ वरलतेला अदकि चलिळासतेला नोळदुन. 39 आग यीशु मान्या अन्द बुळक होक्कु आंदुर से अंदुन, “नीव येतरी खलबली मचुसतीर अदकि वरलेतीर? पोर सायलका आर, लेकीन मगित्यार.”

40 आंदुर यीशु उन मज्याक हारसली कुरतुर, लेकीन आव सप्पा मुंदरी तेगुकु पोर इन मोय-आप्प अदकि तान मुर चेलागोळ सांगुळ बुळक यल पोर बदिकु ईरोर, अल होदुर. 41 अदकि आव पोर इन कय हुळकु आकनि से अंदुन, “तलीता कुमी!” यदुरद मतलब आद, “हे पोरी, ना नीन से अनतीन, येळ.”

42 अदकि आ स्याण पोर तुरन्त यदकु नळुली अदकि वयाळली कुरतुर; यतकी आक हन्नेळ वर्ष इनोर ईरोर. इदुर मा लॉकुर हापाळ सट्ट आगेदुर. 43 बाक यीशु आंदरी चेतावनी कोटकु आग्या कोटुन का ईद मात यारू जान्स ईला पायजे, अदकि आव अंदुन “पोर इक येनारा तनिली कोळी.”

6

नासरत ऊर दा यीशु उन अनादर

(मत्ती १३:५३-५८; लूका ४:१६-३०)

1 अल टु होटकु यीशु तान प्रदेश दा बंदुन; अदकि आऊन चेलागोळ भी आऊन हदि बंदुर. 2 आराम इन दशी आव यहूदी लॉकुरद सभागृह दा उपदेश कोळली होदुन, अल हापाळ सा लॉकुर ईरोर, याग लॉकुर आऊन मातगोळ केळदुर, रा आंदुर सट्ट आगेदुर अदकि अनली कुरतुर, “ईऊक ईव मातगोळ यल टु होटबंदव? अदकि ईद याता ग्यान हुन जो ईऊक कोटकु आग्याद? आव चमत्कार ह्यांग माळतान? 3 येन ईव व्हर्स हुळली माळावाळा अन पार आलच, जो मरयिम उन पार, अदकि याकूब, योसेस, यहूदा, अदकि शमौन उन वार्ट हुन? येन आऊन आकतीगेर ईल नाम न्याड्या दा ईरालुर?” इदुरसाठी लॉकुर आऊद इनकार माळ बुटुर.

4 यीशु आंदुर से अंदुन, “भवषियवक्ता अन्द तान नगर, तान परवार, अदकि तान मान्या मान सम्मान आगाल लेकीन दुसरा लॉकुर आंदुरद मान सम्मान माळतार.”

5 अदकि यीशु अल येनु सामर्थ्य इन क्याल्सा माळीदील, सर्फ थ्वाळासा बमिर लॉकुर मा कय ईटकु आंदरी चंगा माळदुन.

यीशु हन्नेळ चेलागोळी प्रचार माळली कळुदुन

(मत्ती १०:५-१५; लूका ९:१-६)

6 अदकि यीशु उक आंदुरद अवशिवास मा हापाळ आश्चर्य आत, अदकि आव नाकु दाकळव ऊरगोळ दा उपदेश कोळतेला वयाळदुन.

7 यीशु तान हननेळ चेलगोळी तान हात्ती कारदुन अदकि आंदरी दुष्टआत्मागोळी तेगोद अधकारि कोट्टुन. अदकि येदद-येदद माळकु नगर दा कळदुन 8 अदकि आंदरी आग्या कोट्टुन, “हादी इन साठी कोल इक बटिकु अदकि येनु हुडुबाळी; ना रा रोटी, ना झ्वारा, अदकि ना नीम खसि दा पैस्या, 9 लेकीन केरू हाकी अदकि यातोदारा दुसरा कुळता ओयबाळी.” 10 अदकि यीशु चेलगोळ से अंदुन, “येत्यारा नीमद यारदारा मान्या स्वागत आत, रा यागासताका अल टु सार आगालीर आगासताका अदा मान्या दा रूक्सकु ईरी. 11 **अगर नीव ऊंद ईत्ता नगर दा होगतीर येल लॉकुर नीमद स्वागत माळालुर या नीम मातगोळी केळालुर, रा अदरी बटि बुळी अदकि तान कालगोळ्द धुळा झाळ्स कोमी. ईद आंदुर साठी ऊंद चेतावनी आदीन.**”

12 आग आंदुर अल टु होटोदुर. अदकि आंदुर होगकु प्रचार माळदुर, तान पापगोळी बळी अदकि परमेश्वर उन दी तरिगी. 13 **आंदुर हापाळ सा दुष्टआत्मागोळी तेगदुर, अदकि हापाळ सा बमिर मळसागोळ मा जैतून इन याण्णा अन्द मालसि माळकु आंदरी चंगा माळदुर.**

**यूहन्ना बपतस्मा कोळावाळा अक कोन्नोद
(मत्ती १४:१-१२; लूका ९:७-९)**

14 **हेरोदेस राजा भी यीशु उन चर्चा केळदुन, यतकी आऊन हेसुर हापाळ फैलुसेगति, अदकि येनारा लॉकुर अंदुर, “यूहन्ना बपतस्मा कोळावाळा सोत्तुर दा टु जित्ता आग्यान, इदुरसाटी आऊन से इव सामर्थ्य ईनव क्याल्सा प्रगट आगताव.”**

15 **दुसरा लॉकुर अंदुर, “इव एलयियाह हुन.”**

लेकीन यारारा दुसरा लॉकुर अंदुर, “इव भवषियवक्ता हुन, हाळोद जमाना अन भवषियवक्तागोळ घाई ऊंद.”

16 **ईद केळकु हेरोदेस राजा अंदुन, “आव बपतस्मा कोळावाळा यूहन्ना हुन. यार्द ताल्ला ना कळसुसीदीन, आवा सोत्तुर दा टु जित्ता आग्यान!” 17 हेरोदेस राजा तान सपिर्गोळी कळकु यूहन्ना अक हुळसुसदुन अदकि संकलीगोळ देल कटक जयल दा हाक बुटीदुन. ईद हेरोदयिस इन कारण हेरोदेस हगि माळदुन, यतकी हेरोदेस तान वार्ट फलिपिपुस उन हगिस हेरोदयिस इन सांगुळ मदा माळ कोंडीदुन. 18 बपतस्मा कोळावाळा यूहन्ना घळी घळी हेरोदेस राजा से अनतेला ईत्तुन, “नीन साठी तान वार्ट उन हगिस उन से मदा माळोद उचति हैलेच.”**

19 **इदुरसाटी हेरोदयिस बपतस्मा कोळावाळा यूहन्ना से दुश्मनी ईटतोगोर अदकि ईद चाहासोर कि आऊक हयांगारा भी कोन्सुस बुळाईन; लेकीन हेरोदेस राजा अन्द कारण देल हगि माळ सकदील. 20 हेरोदेस यूहन्ना से अंजतोगोन. यतकी हेरोदेस जान्सतोगोन कि बपतस्मा कोळावाळा यूहन्ना ऊंद न्यायी अदकि पवतिर मळसा आन, इदुरसाटी हेरोदेस आऊक ऊळस्कु ईटतोगोन, अदकि यागल्यारा भी आव यूहन्ना अन्द मातगोळ केळतोगोन रा हापाळ अंजगतोगोन, लेकीन खुशी देल आऊन मातगोळ भी केळतोगोन.**

21 **आखरी दा हेरोदयिस इक हेरोदेस उन जनम दनि मा वळ्लीद मौका सकित. अदकि आंदुर प्रधानगोळी, सेनापतीगोळी, अदकि गलील इन धोळ धोळ लॉकुरी ऊमली कार्सदुर. 22 रा हेरोदयिस इन पोर बुळक बंदुर, अदकि कुणुकु हेरोदेस उक अदकि आऊन सांगुळ जो कुर्तकु पावनागोळ ईरोर आंदरी खुश माळदुर. रा राजा आ पोर इन से अंदुन, “नी जो चाहास्या अद नान से बेळ, ना नीनी कोळाईन.” 23 अदकि आव करिया तनिकु आकी वचन कोट्टुन, कनि जो भी नान से बेळ्या अद ना नीनी कोळाईन, ईल ताका कनिांद आरधा राज्य भी.**

24 **आग आ पोर व्हार्या होगकु तान मोय इन से केळदुर, “ना येन बेळाईन?” रा आक इन मोय हेरोदयिस माताळदुर,**

“यूहन्ना बपतस्मा कोळावाळा अन्द ताल्ला.”

25 **आक तुरन्त राजा हेरोदेस उन हात्ती बुळक बंदुर अदकि आऊन से वनिती माळदुर, “ना चाहासतीन, कनि ईगल्या बपतस्मा कोळावाळा यूहन्ना अन्द ताल्ला ऊंद टाटी दा नानी कारस्कु कोळ.”**

26 **इदुर देल हेरोदेस राजा हापाळ उदास आदुन, लेकीन आव तान सप्पा पाऊनागोळ्द मुंद वादा माळीदुन अदकि करिया तदीदुन. ई कारण देल आकी मना माळ सकदील. 27 इदुरसाटी राजा तुरन्त ऊंद सपिर्ही इक आग्या कोटकु कळदुन कि बपतस्मा कोळावाळा यूहन्ना अन ताल्ला कळकु तंदान, आग जल्लाद जेलखाना दा होगकु आऊन ताल्ला कळदुन. 28 अदकि ऊंद टाटी दा ईटकु तंदुन अदकि आ पोर इक कोट्टुन, अदकि पोर तान मोय इक कोट्टुर. 29 ईद केळकु यूहन्ना नोर चेला बंदुर, अदकि आऊन लाश इक ओतुर अदकि कबर दा ईटदुर.**

✠ 6:11 ६:११ प्रेरतिगोळ १३:२१ ✠ 6:11 ६:११ लूका १०:४-११ ✠ 6:13 ६:१३ याकूब ५:१४ ✠ 6:14 ६:१४ मत्ती १६:१४; मरकुस ८:२८; लूका ९:१९ ✠ 6:17 ६:१७ लूका ३:१९,२०

हननेळ प्रेरतिगोळ्द वापसी
(मत्ती १४:१३-२१; लूका ९:१०)

30 आग प्रेरतिगोळ वापस बंदुर अदकि यीशु से सकिदुर, अदकि जो भी आंदुर माळीदुर अदकि कलसीदुर, सब यीशु अक हेळदुर. 31 यीशु आंदुर से अंदुन, “नळी अदकि अलग येल्थारा सुनसान जागा दा नळ्कु आराम माळी.” यतकी अल हापाळ लांकुर होगोद-बरोद माळतोगोर, अदकि आंदरी ऊमोद मवका भी ईला सकितोगोद. 32 इदुरसाटी आंदुर ड्वांगा मा येरकु, सुनसान जागा दा अलग होटोदुर.

यीशु भीळ इक भोजन तनिसदुन
(मत्ती १४:१५-२१; लूका ९:११-१७; यूहन्ना ६:१-१४)

33 हापाळ मुंदुर आंदरी होग्त् नोळदुर अदकि ऊंद घन दा अर्त्त कौंडुर कि आंदुर यार उर; अदकि सप्पा लांकुर नगरगोळ दा टु जमा आगकु अल पैदल हरदुर अदकि यीशु अदकि आऊन चेलागोळ से पयले होगकु पोहचुसदुर. 34 *याग यीशु ड्वांगा दा टु व्हार्या होट्टुन रा ऊंद धोळ्द भीळ नोळदुन, अदकि आऊक आंदुर मा दया होट्ट बत्त, यतकी आंदुर आ म्यांडागोळ घाई ईरोर, यार्द यारू रखवाला ईरालुर; इदुरसाटी यीशु आंदरी हापाळ सा मातगोळी कल्सली कुरतुन. 35 याग द्याव हापाळ मुळकेत, रा आऊन चेलागोळ आऊन हात्ती बंदकु अनली कुरतुर, “ईद सुनसान जागा आद, अदकि द्याव हापाळ मुळकेग्याद. 36 लांकुरी सार माळ कि नाकु दाकळव ऊरगोळ अदकि मोहल्ला दा होगकु, ताम साटी येनारा तनिली कौंड कोमुल.”

37 लेकीन यीशु आंदरी उत्तर कोट्टुन, “नीवा आंदरी येनारा तनिली कोळी.”

चेलागोळ यीशु से अंदुर, “नाव येढ्द सौ दीनार* इन रोटीगोळी कौडेव, अदकि आंदरी तनिसेव?”

38 इदुरसाटी यीशु आंदुर से अंदुन, “होगकु नोळी नीम हात्ती यास रोटीगोळ आव?”

आंदुर मालूम माळकु अंदुर, “अईद रोटीगोळ अदकि येढ्द मेन.”

39 आग यीशु तान चेलागोळी आग्या कोट्टुन, कि सब मुंदरी हसीद काड्डा मा पंगत पंगत दा कुरस बुळी. 40 आग आंदुर सौ सौ अदकि पचास पचास माळकु पंगत पंगत दा कुरतोदुर. 41 आव आ अईद रोटीगोळी अदकि येढ्द मेनगोळी हुळदुन, अदकि स्वरुग दी नोळकु परमेश्वर उक धन्यवाद माळदुन, अदकि रोटीगोळ मुर-मुरूकु चेलागोळी कोळतोदुन कि आंदुर लांकुरी वाळसुल, अदकि अव येढ्द मेनगोळ भी आ सब मुंदुर दा वाळ्स बुट्टुन. 42 अदकि सब मुंदुर तनिकु संतुष्ट आगोदुर. 43 अदकि चेलागोळ मक्कि रोटीगोळ अदकि मेनगोळ्द तुकळा देल हननेळ फुट्टीगोळ तुमकु नेगदुर. 44 यार रोटीगोळी तदुर, आंदुरदा सर्फि मंळसागोळ्द संख्या अईद हजार ईरोद.

यीशु उन नीर मा नळोद
(मत्ती १४:२२-३३; यूहन्ना ६:१५-२१)

45 आग यीशु तुरन्त तान चेलागोळी ड्वांगा मा कुरोर साटी मजबुर माळदुन कि आंदुर आऊन से पयले झील इन आप्पाटी बैतसैदा नगर इक होटोगुल, कि आव आगासताका लांकुरी सार माळ्यान. 46 लांकुरी सार माळकु यीशु पहाळी मा प्रार्थना माळली होटोदुन. 47 याग द्याव मुळकेत, रा आग ड्वांगा झील इन न्याड्या दा ईरोद, अदकि यीशु आबना क्यार्रा अनूद भूमी इन कनाररा मा ईरोन. 48 याग यीशु नोळदुन कि आंदुर ड्वांगा नळ्स नळ्सकु घबरूसेग्यार, यतकी आंधी ड्वांगा अनूद ऊलट ईरोद, रा ईळलक इन मुर अदकि आर पहर इन हात्ती आव झील मा नळुतेला आंदुर हात्ती बंदुन; अदकि आंदुर से मुंद होटबुळोद चाहासोन. 49 लेकीन आंदुर आऊक झील मा नळुतेला नोळकु रा सम्सदुर कि ईद ऊंद भूत हुन, अदकि चलिळास कुरतुर;

50 यतकी सप्पा मुंदुर आऊक नोळकु अंजगीदुर. लेकीन यीशु तुरन्त आंदुर से मात हेळदुन अदकि अंदुन, “हमिमत ईटी: ना हुईन; अंजबाळी!” 51 आग आव आंदुर हात्ती ड्वांगा मा बंदुन, अदकि हवा रूकसेत: अदकि आंदुर हापाळ अच आश्चर्य माळली कुरतुर. 52 आ चेलागोळ अईद हजार लांकुरी रोटीगोळ तनिसोद मात सम्स ईला सकीदुर, यतकी आंदुर अव मन कट्टर आगेगीदव.

गन्नेसरत दा यीशु रोगीगोळी चंगा माळदुन
(मत्ती १४:३४-३६)

* 6:34 ६:३४ मत्ती ९:३६ * 6:37 ६:३७ दीनार-ऊंद चाँदी इन सकिका याने ऊंद दनि इन रोजी

53 यीशु अदकि आऊन चेलागोळ आप्पाटी ईळुकु गननेसरत इन भूमी मा पोहचुसदुर, अदकि ड्वांगा घाट इन कनिरा मा हचदुर. 54 याग आंदुर ड्वांगा मा टु ईळदुर, रा लॉकुर तुरन्त यीशु उक अरत कोंडुर. 55 आसपास इन पुरा प्रदेश दा हरदुर, अदकि बमिरगोळी व्हर्स मा मगिसकु, येल येल समाचार केळदुर क्वा आव हुन, अल अल हरूतेला वयाळदुर. 56 अदकि येल्यारा यीशु ऊरगोळ, नगरगोळ या मोहलला दा हागतोगोन, रा लॉकुर बमिरगोळी सात्तागोळ दा ईटकु आऊन से वनिती माळतोगोर, क्वा आव आंदरी तान कपळा अन्द पल्लाक अच मुट गोळुल: अदकि यास आऊक मुटतोगोर, आंदुर सब चंगा आगेगोर.

7

पुर्वजगोळ्द परंपरा अन्द प्रश्न (मत्ती १५:१-९)

1 आग फरीसी अदकि थ्वाळासा शास्त्री जो यरूशलेम टु बंदीदुर, यीशु उन आसपास जमा आदुर, 2 आंदुर नोळदुर क्वा फरीसीगोळ्द शक्षिा अन्द अनुसार अशुध्द मतलब बनिा कय तोळ्द आऊन चेलागोळ रोटीगोळ तनित्यार.

3 यतकी फरीसी अदकि सप्पा यहूदी, तान पुर्वजगोळ्द परंपरा मा नळुतार, अदकि आंदुर आगासताका ऊमालुर यागासताका वळ्लीसा कय तोळ्द कोमालुर. 4 सात्ता टु तर्त यातोदु चजि इक बनिा तोळ्द तनिलुर, अदकि हगि हापाळ सा दुसरा मातगोळ आव, जो पुर्वजगोळ्द शक्षिा अन्द अनुसार आंदुर हात्ती मानसोर साठी पोहचुस्कु आग्याद, जसा कटोरा, अदकि गळु, व्हर्स अदकि तांबा नव बरतनगोळी तोळोद.

5 इदुरसाटी आ फरीसी अदकि नयिम इन शास्त्रीगोळ आऊन से केळदुर, “नीनोर चेलागोळ येती पुर्वजगोळ्द परंपरा अन्द पालन माळालुर, अदकि बनिा कय तोळ्द रोटी तनितार?”

6 यीशु आंदुर से अंदुन, यशायाह नीम कपटीगोळ्द बारा दा खरा अच भवष्यवाणी माळीदुन; ह्यांग लखिसकु आदु;

ई लॉकुर टुटगोळ देल रा नान आदर माळतार,
लेकीन इंदुर मन नान से दुर ईरतद.

7 इंदुर बेकार अच नान उपासना माळतार,
यतकी इंदुर खुद इन नयिमगोळी
परमेश्वर उन नयिम माळकु कल्सतार.

8 यतकी नीव परमेश्वर उन आग्या अक टाल्सकु मंळसागोळ्द रीतीगोळी मान्सतीर.

9 यीशु आंदुर से अंदुन, नीव परमेश्वर उन आग्या अक टाल्सदुर दा बळा चतुर आगेगीर, क्वा तान परंपरागोळ्द स्थापना माळ सक्कीर. 10 यतकी मूसा अंदान, तान आप्प अदकि तान मोय इन आदर माळी अदकि जो यावारा भी तान आप्प या मोय इक बुरा भला अनुल, रा आऊक जरूर कोंद बुळी. 11 लेकीन नीव अनतीर क्वा अगर यावारा तान आप्प या मोय से अनुल, जो येनारा नीनी नान से लाभ आग सकोद, अद ना पयले टु उच परमेश्वर उक अर्पति माळ बुटीन. 12 रा नीमी आऊन आप्प या आऊन मोय इन स्यावा ईला माळोद बहाना सकिकेगतद. 13 ई प्रकार देल नीव लॉकुर तान परंपरागोळ देल, नयिम ठहरूस्तीर, अदकि परमेश्वर उन वचन टाल्स बुळतीर; अदकि हगि हापाळ सा मातगोळ माळतीर.

मंळसागोळी अशुध्द माळव मातगोळ (मत्ती १५:१०-२०)

14 आग यीशु लॉकुरी तान हात्ती कारूकु आंदुर से अंदुन, “नीव सब नान मातगोळ केळी, अदकि समसी. 15 हगि रा यातोद भी वस्तु ईलच जो मंळसा दा व्हार्या टु बुळ्क बंदकु आऊक अशुध्द माळीत लेकीन जो वस्तुगोळ मंळसा अन्द बुळ्क टु व्हार्या होळताव अव अच रा मंळसा अक अशुध्द माळताव. 16 *अगर यारोवारा केळव कवि आव रा केळ कोमुल.”

17 याग यीशु भीळ इन हात्ती टु मान्या होदुन, रा आऊन चेलागोळ ईद उदाहरण इन बारा दा आऊन से केळकु समझुसली हेळदुर. 18 यीशु आंदुर से अंदुन, येन नीव भी हगि नासमज आईर? येन नीव समसालीर क्वा जो वस्तु व्हार्या टु मंळसा अन्द बुळ्क होगतद, अद आऊक अशुध्द माळ सकाल? 19 यतकी अद आऊन मन दा ईला,

* 7:16 ७:१६ अगर यारोवारा केळव कवि आव रा केळ कोमुल

लेकीन आऊन व्हाट्टा दा होगतद अदकि थाळ्लकु दा टु व्हार्या होट्ट बुळतद! ईद अनकु आव सप्पा भोजन वस्तुगोळी शुद्ध ठहरूसदुन.

²⁰बाक यीशु अंदुन, “जो मंळसा अन मन दा टु होळतद, अदा मंळसा अक अशुध्द माळतद. ²¹यतकी बुळ्क टु, मतलब कि मंळसा अन मन दा टु, बेकार-बेकार वचार, व्यभचार, दुष्टता, काळलपनी, कोननोद, परस्त्रीगमन, ²²लोभ, छल-कपट, लुचपन, बुरानजर, ईर्ष्या, अपमान, अभिमान, अहंकार अदकि मूर्खता होळतद. ²³ई सप्पा बुरा मातगोळ मन इन बुळ्क टु होळताव अदकि मंळसा अक अशुध्द माळताव.”

गैरयहूदी आर्त इन वशिवास (मत्ती १५:२१-२८)

²⁴बाक यीशु अल टु यदकु सूर इन आसपास इन प्रदेश दा बंदुन; अदकि ऊंद मान्या होदुन अदकि आव ईला चाहासोन कि यारीकु पता नळुल; कि आव अल आन लेकीन तरी भी आव होचकोम सकदील. ²⁵अदकि तुरन्त ऊंद आर्त यार्द स्याळ्द पोर इन दा दुष्टआत्मा ईरोद, आऊन बारा दा केळकु, अदा घनी आऊन हात्ती बंदुर अदकि आऊन कालगोळ मा बदिदुर. ²⁶ई आर्त गैरयहूदी ईरोर अदकि सीरिया अन्द फनीकी दा पैदा आगीदुर. आक यीशु से वनिती माळदुर कि नान पोर इन दा टु दुष्टआत्मा तेगुकोळ. ²⁷यीशु आकनि से अंदुन, “पयले पारगोळी संतुष्ट आगगोळ, यतकी पारगोळ्द रोट्टी हुळकु नायगोळ्द मुंद हाक्कोद उचति हैलेच.”

²⁸लेकीन आ आर्त यीशु उक उत्तर कोट्टुर, “खरा आद प्रभु; तरी भी नायगोळ भी रा मेज इन ल्यालमा चकिर्द रोट्टी इन चुराचारा तनि कोमताव.”

²⁹इदुरसाटी यीशु आ आर्त इन से अंदुन, “ई उत्तर इन कारण देल होटोग; दुष्टआत्मा नीन पोर इन मय दा टु होटबुटाद.”

³⁰अदकि आक तान मान्नी बंदकु नोळदुर कि पोर व्हर्स मा मगिकु आर, अदकि दुष्टआत्मा आकनि मय दा टु होटबुटाद.

यीशु बयरा अदकि तोतळा मंळसा अक चंगा माळदुन

³¹बाक यीशु सूर हेसुर इन प्रदेश टु होटकु सैदा टु आगतेला गलील इन क्यार्रा मा बंदकु आव दकिपुलसि ताका बंदुन. ³²रा लॉकुर ऊंद बयरा अक जो तोतळा भी ईरोन, यीशु उन हात्ती तंदकु आंदुर आऊन से वनिती माळदुर कि तान कय आऊन मा ईटुल. ³³आग यीशु आऊक भीळ टु अलग आबना दा ओतुन, अदकि तान बेळलगोळी आऊन कवि दा हाकदुन, अदकि ऊगुळकु आऊन ल्यालग्या अक मुटदुन; ³⁴अदकि स्वर्ग इन दी नोळकु लंबा सास ताकोडुन, अदकि आऊन से अंदुन, “इप्फत्तह!” मतलब “तेरदोग!”

³⁵अदकि आऊन अव कवि तेरदोदव, अदकि आऊन ल्यालग्या अन्द गाठ भी तेरदोत, अदकि आव साफ साफ माताळली कुरतुन. ³⁶आग यीशु आंदरी चेतावनी कोट्टुन कि यारीकु हेळबाळी; लेकीन याट आव आंदरी चेतावनी कोटीदुन आट अच आंदुर मात प्रचार माळली कुरतुर. ³⁷आंदुर हापाळ अच आश्चर्य चकति आगकु अनली कुरतुर, “यीशु याट वळलीद तरीका देल ई सब येनारा माळतान; आव बयरागोळी भी केळोद, अदकि मुक्कागोळी माताळोद शक्तिकोळतान.”

8

नाक हजार लॉकुरी ऊमली कोळोद (मत्ती १५:३२-३९)

¹आ दनिगोळ दा याग धोळ्द भीळ जमा आत, अदकि आंदुर हात्ती तनिली येनु ईला ईरोद, रा यीशु तान चेलागोळी हात्ती कारूकु आंदुर से अंदुन, ²“नानी ई भीळ मा हापाळ दया बरेत्याद यतकी इंदुर मुर दनि टु बराबर नान सांगुळ आर, अदकि इंदुर हात्ती तनिली येनु हैलेच! ³अगर ना आंदरी उपासी मान्या कळाईन, रा हादी मा थक्सकु बदिदार; यतकी आंदुर दा टु यार यारारा हापाळ दुर टु बंदार.”

⁴यीशु उन चेलागोळ आऊक उत्तर कोट्टुर, “ईल आळी दा ईस रोट्टी यारारा यल टु तर सकतार कि इंदुर संतुष्ट आगुल?”

⁵यीशु आंदुर से केळदुन, “नीम हात्ती यास रोट्टीगोळ आव?”
आंदुर अंदुर, “थेळ.”

6 आग यीशु भीळ इक ल्यालमा कुरोद आदेश कोट्टुन, अदकि आ येळ रोट्टीगोळी हुळदुन, अदकि परमेश्वर उक धन्यवाद माळकु मुरदुन, अदकि अवरी तान चेलागोळी कोट्टुन क्कि आंदुर आ मळसागोळ मुंद ईटुल, अदकि आंदुर लॉकुर मुंद वाळ्स बुटुर! 7 आंदुर हात्ती थ्वाळासा स्याणैव मेनगोळ भी ईरव. आव अऊर मा परमेश्वर उक धन्यवाद माळकु अवरी भी लॉकुर दा वाळसली अंदुन. 8 आंदुर तनिकु संतुष्ट आगेदुर अदकि चेलागोळ जो मगिद तुकळागोळ येळ फुट्टी तुमकु नेगदुर! 9 अदकि लॉकुर नाक हजार इन हात्तीपास ईरोर. यीशु आंदरी वदिा माळदुन, 10 अदकि आव तुरन्त तान चेलागोळ सांगुळ इवांगा मा येरकु दलमनुता प्रदेश इक होटोदुन.

फरीसीगोळ यीशु उक चमत्कार माळली अंदुर
(मत्ती १२:३८-४२; १६:१-४)

11 *बाक फरीसी बंदकु यीशु से बैसबाजी माळली कुरतुर, अदकि आऊन परीक्षा ताकोमोर साटी आंदुर आऊन से ऊंद स्वर्गीय चमत्कार वेळदुर! 12 *आव तान आत्मा दा आह तुमकु अंदुन, “ई समय इन लॉकुर योना अन्द चमत्कार येती हुंढसतार? ना नीम से खरा-खरा अनतीन क्कि ई समय इन लॉकुरी येनु चमत्कार कोटकु आगतीदील.”

13 अदकि यीशु आंदरी बटिकु इवांगा मा येरेदुन अदकि दुसरा कनिरा मा होटोदुन.

फरीसीगोळ अदकि हेरोदेस उन खमीर
(मत्ती १६:५-१२)

14 चेलागोळ रोट्टी हुडोद मारतोगीदुर, अदकि इवांगा मा आंदुर हात्ती ऊंद अच रोट्टी ईरोद! 15 *यीशु आंदरी चेतावनी कोटकु अंदुन, “नोळी, फरीसी नव खमीर* अदकि हेरोदेस ईनव खमीर देल सावधान ईरी.”

16 आंदुर आपस दा मातचीत माळली कुरतुर, क्कि “नाम हात्ती रोट्टी हैलेच अनकु आव हगि अनेत्यान.”

17 ईद जान्सकु यीशु आंदुर से अंदुन, “नीव आपस दा येती ईद वचारि माळेतीर कनिाम हात्ती रोट्टी ईलच? येन नीम मन कट्टर आगेग्याव? 18 *येन कण्ण ईतकु भी नीव नोळ सकालीर? अदकि कवि ईतकु भी केळ सकालीर? अदकि येन नीमी याद ईलच?”

19 क्कि याग ना अईद हजार लॉकुर साटी अईद रोट्टी मुरददिन रा नीव तुकळा गोळ्द यास फुट्टी तुमकु नेगददिन? आंदुर यीशु से अंदुर, “हन्नेळ फुट्टीगोळ.”

20 अदकि येन नीमी याद हैलेच क्कि “याग ना नाक हजार लॉकुर साटी येळ रोट्टी मुरददिन रा नीव तुकळा गोळ्द यास फुट्टी तुमकु नेगददिन?”

आंदुर आऊन से अंदुर, येळ फुट्टीगोळ.

21 बाक यीशु आंदुर से केळदुन, “येन नीव ईगासताका समसीदील?”

यीशु बैतसैदा दा ऊंद कुद्व मळसा अक चंगा माळदुन

22 आंदुर बैतसैदा दा बंदुर; अदकि लॉकुर ऊंद कुद्व मळसा अक आऊन हात्ती तंदुर अदकि यीशु उन से वनिती माळदुर क्कि आऊक मुट्ट. 23 आव कुद्व मळसा अन्द कय हुळकु आऊक ऊर इन व्हार्या ओतुन, अदकि आऊन कण्णगोळ मा उगुळकु आऊन मा कय ईटदुन, अदकि आऊन से केळदुन, “येन नीनी येनारा काळसतद?”

24 आव कण्ण नेगुकु अंदुन, “ना मळसागोळी नोळ सकतीन; आंदुर नानी मार्रगोळ आसपास नळुतेला काळसीत्यार.”

25 आग यीशु दुबारा आऊन कण्णगोळ मा कय ईटदुन, अदकि आ कुद्व मळसा ध्यान देल नोळदुन. आव चंगा आगेदुन, अदकि सब साफ-साफ नोळली कुरतुन. 26 यीशु आऊक ईद अनकु मान्नी कळुदुन, “ईद ऊर इन बुळ्क टु आगकु होगबाळ सीधा तान मान्नी होग.”

पतरस उन यीशु उक मसीह स्वीकार माळोद
(मत्ती १६:१३-२०; लूका ९:१८-२१)

27 यीशु अदकि आऊन चेला कैसरया फलिपिपी इन ऊरगोळ दा होटोदुर! हादी मा आव तान चेलागोळ से केळदुन, “लॉकुर नान बारा दा येन अनतार क्कि ना याव हुईन?”

* 8:11 द:११ मत्ती १२:३८; लूका ११:१६ * 8:12 द:१२ मत्ती १२:३९; लूका ११:२९ * 8:15 द:१५ लूका १२:१ * 8:15 द:१५ खमीर-फरीसीगोळ्द गलत शिक्षा * 8:18 द:१८ मरकुस ४:१२

28 *आंदुर उत्तर कोट्टुर, ईव “यूहन्ना बपतस्मा कोळावाळा; पर यारारा ईव एलयियाह अदकि यारारा ईव भवषियवकतागोळ दा टु यावारा ऊंद हुन.”

29 *यीशु आंदुर से केळदुन, “लेकीन नीव नानी येन अनतीर?”

पतरस आऊक उत्तर कोट्टुन, “नी मसीह उधदारक हुय.”

30 आग आव आंदरी आग्या कोटक अंदुन कान बारा दा यारीकु हेळबाळेतीर!

तांद मृत्यु अदकि पुनरूथान इन बारा दा यीशु उन भवषियवाणी
(मत्ती १६:२१-२८; लूका ९:२२-२७)

31 आग यीशु तान चेलागोळी कल्सली कुरतुन कान मळसा अन पार उन साटी जरूरी आद कान आव हापाळ दुख नेगदान, अदकि स्याणा अदकि प्रधान याजक, अदकि नयिम शास्त्रीगोळ द्वारा ठहूसकु आगकु आऊक तुच्छ सम्सकु कौदबुटार, लेकीन आव मुर दनि इन बाददा जित्ता आगदान. 32 आव ईद मात आंदुर से साफ-साफ अंद बुट्टुन. इदुर मा पतरस आऊक दनकुसकु अंदुन हगि आगसकाल. 33 लेकीन यीशु तरिगकु तान चेलागोळ दी नोळदुन, अदकि पतरस उक दनकुसकु अंदुन, “हे शैतान, नान मुंद टु दुर आग; यतकी नी परमेश्वर उन मात मा ईला, लेकीन मळसा अन मातगोळ मा मन हचत्या.”

34 *यीशु भीळ इक तान चेलागोळ सांगुळ हात्ती कारूकु आंदुर से अंदुन, “जो यावारा नान हदि बरोद चाहासतान, आव तान खुद इन इनकार माळुल अदकि आऊक दुख नेगोद बदिदीत अदकि सायोद बदिदीत आवा, तान कूस† नेगुकु, नान हदि आगुल. 35 *यतकी जो यावारा तान जीव ऊळसोद चाहास्यान आव अदरी खोऊस्यान, लेकीन जो यावारा नान अदकि खुशखबरी इन साटी तान जीव खोऊस्यान, आव अदरी ऊळस्यान. 36 अगर मळसा पुरा दुनया अक हासलि माळुल अदकि तान जीव इन नुकसान आगगोळुल, रा आऊक येन लाभ आदीत? 37 मळसा तान जीव इन बदला दा येन कोट्टान? 38 जो यावारा ईद व्यभचारी अदकि पापी जाती इन नयाड्या नान से अदकि नान मातगोळ देल लाजुस्यान, ना मळसा अन पार याग पवतिर स्वर्गदूतगोळ सांगुळ तान आप्प उन महमा अन्द सांगुळ बराईन, आग आव नान से भी लाजुस्यान आंदरी भी ना अपनुसाईन.”

9

1 यीशु आऊन से अंदुन, “ना नीम से खरा-खरा अनतीन कान जो ईल नीदुरकु आर, आंदुर दा टु यारारा-यारारा हगि आर, कान यागासताका परमेश्वर उन राज्य अक सामर्थ्य सहति बरत नोळकोमालुर, आगासताका आंदुर सायतीदील.”

यीशु उन रूप बदलुसोद

(मत्ती १७:१-१३; लूका ९:२८-३६)

2 *आर दनि इन बाददा यीशु, पतरस, याकूब अदकि यूहन्ना अक सांगुळ हुळदुन, अदकि आबना अन दा ऊंद धोळद पहाळी मा ओतुन. अल आंदुर मुंद आऊन रूप बदलुसेत, 3 अदकि आऊन कपळा हगि चमकुसली हतदव अदकि ईल ताका उजुळ आत, कान पृथ्वी मा यातोवारा धोबी भी हांग उजुळ माळ सकालुन. 4 अदकि आंदरी मूसा अन्द सांगुळ एलयियाह काळसदुन; आंदुर यीशु उन सांगुळ मात माळतोगोर! 5 इदुर मा पतरस यीशु से अंदुन, “हे गुरु, नाम ईल ईरोद वळ्लीसा आद: इदुरसाटी नाव मुर हांदरा माळाता; ऊंद नीन साटी, ऊंद मूसा साटी, अदकि ऊंद एलयियाह अन्द साटी.” 6 पतरस ईला जानसोन कान येन उत्तर कोळाईन, इदुरसाटी कान आंदुर हापाळ अंजेगीदुर!

7 *आग ऊंद बादल आंदरी घेरसकोमूत, अदकि आ बादल दा टु ईद आवाज होळत, इव नान प्रयि पार हुन, ईऊन केळी. 8 आग आंदुर अचानक नाकु दी नजर माळकु नोळदुर, अदकि यीशु उक बटिकु तान सांगुळ अदकि यारीकु नोळीदील.

9 पहाळी मा टु ईळा होती यीशु आंदरी आग्या कोट्टुन कान यागासताका ना मळसा अन पार सोत्तुर दा टु जित्ता आगालीन, आगासताका जो येनारा नीव नोळीर अद यारीकु हेळबाळेतीर.

* 8:28 द:२८ मरकुस ६:१४,१५; लूका ९:७,८ * 8:29 द:२९ यूहन्ना ६:६८,६९ * 8:34 द:३४ मत्ती १०:३८; लूका १४:२७ † 8:34 द:३४ कूस-दुख इन प्रतिक * 8:35 द:३५ मत्ती १०:३९; लूका १७:३३; यूहन्ना १२:२५ * 9:2 ९:२२ पतरस १:१७,१८ * 9:7 ९:७ मत्ती ३:१७; मरकुस १:११; लूका ३:२२

10 आंदुर आऊन आग्या अक मान्सदुर; अदकि आपस दा चर्चा माळली हतदुर, “सोत्तुर दा टु जत्तिता आगोद येन मतलब आद?” 11 *अदकि आंदुर आऊन से केळदुर, “बाक शास्त्री यती अनतार क्किएल्यियाह अन्द पयले बरोद जर्री आद?”

12 आव आंदरी उत्तर कोट्टुन, “एल्यियाह खराखुरा पयले बंदकु सब येनारा सुधारसली बंदान, लेकीन मळसा अन पार उन बारा दा ईद येती लखिसकु आद क्किएल्यियाह हापाळ दुख नेगदान, अदकि टुकूरस्कु आदान? 13 लेकीन ना नीम से अनतीन, क्किएल्यियाह रा होटबंदुन, अदकि जसा आऊन बारा दा लखिसकु आद, आंदुर ह्यांग चाहासदुर हांग अच आऊन सांगुळ माळदुर.”

यीशु दुष्टआत्मा हतकु पार उक चंगा माळदुन
(मत्ती १७:१४-२१; लूका ९:३७-४३)

14 याग यीशु चेलागोळ हात्ती बंदुन, रा नोळदुन क्किएल्यियाह नाकु दी धोळ्द भीळ हतकु आद, अदकि नयिम इन शास्त्री आंदुर सांगुळ ववाद माळीत्यार. 15 आऊक नोळतेला अच सप्पा लॉकुर हापाळ आश्चर्य माळली कुरतुर, अदकि ह्यांग आंदुर यीशु उक नोळदुर रा आऊन दी ओळकु आऊक नमस्कार माळदुर. 16 यीशु आ चेलागोळ से केळदुन, “नीव इंदुर से येन बहस माळेतीर?”

17 भीळ दा टु ऊंद मळसा यीशु उक उत्तर कोट्टुन, “हे गुरु, ना तान पार उक, यारदा मुक्की आत्मा समुस्याद, अदकि आव माताळ सकालुन नीन हात्ती तंददीन. 18 आक आऊक येल्यारा भी हुडूतार, अल्या पटकस बुळतार: अदकि आव बाय दा फेस तरतान, अदकि हल्ल कचतान, अदकि वळंगतेला होगतान. ना नीन चेलागोळ से अंदीन क्किएल्यियाह आ दुष्टआत्मा अक तेगी, लेकीन आंदुर तेगु सकदील.”

19 ईद केळकु यीशु चेलागोळी उत्तर कोट्टु अंदुन, “हे अवशिवासी लॉकुरा, ना यागासताका नीम सांगुळ ईराइन? अदकि यागासताका नीम सहन माळाईन? आ पार उक नान हात्ती तरी.”

20 आग आंदुर आ पार उक आऊन हात्ती तंदुर: अदकि याग आव आऊक नोळदुन, रा अद आत्मा तुरन्त आऊक मुरकुळस्त; अदकि आव जागा मा बदिदुन, अदकि बाय दा टु फेस तेगुतेला गळबळी तनिली कुरतुन.

21 यीशु आऊन आप्प उन से केळदुन, “ईऊंद हगि दशा यागी टु आद?” आव अंदुन, “बचपन टु. 22 आ दुष्टआत्मा ईऊक कोन्नोर साटी यागलु बेक्की दा अदकि यागलु नीर दा केडुकु कोन्नोद कोशशि माळतद; लेकीन अगर नी येनारा माळ सकत्या रा, नाम मा तरस तनिकु नाम सहायता माळ.”

23 यीशु आऊन से अंदुन, “अगर नी माळ सकत्या? रा वशिवास माळ. यतकी वशिवास माळावाळेर साटी सब येनारा आग सकतद.”

24 पार उन आप्प तुरन्त गळिगळिास्कु अंदुन, “हे प्रभु, ना वशिवास माळतीन, लेकीन नान वशिवास काफी हैलेच नांद अवशिवास इन उपाय माळ.”

25 याग यीशु नोळदुन क्किएल्यियाह ओळकु भीळ जमा माळीत्यार, रा आव दुष्टआत्मा अक ईद अनकु दनकुसदुन, “हे मुक्की अदकि दुश्मन दुष्टआत्मा, ना नीनी आग्या कोळतीन, आऊन दा टु होळबुळ, अदकि आऊन दा बाक यागलु प्रवेश माळबाळेत.”

26 आग दुष्टआत्मा चळिलासकु अदकि आऊक हापाळ मुरकुळसकु, होट्ट बुळ्त; अदकि पार सोत्तुर घाई आगेदुन, ईल ताका क्किएल्यियाह हापाळ लॉकुर अंदुर, “आव सोतोदुन.” 27 लेकीन यीशु आऊन कय हुळकु आऊक येब्सदुन. अदकि आव पार नीदरेदुन.

28 याग यीशु मान्नी बंदुन, रा आऊन चेलागोळ आबना दा आऊन से केळदुर, “नाव आ दुष्टआत्मा अक आ पार उन दा टु यती तेगु सकदील?”

29 आव आंदुर से अंदुन, “ईद प्रार्थना अन्द अलावा अदकि दुसरा उपाय देल होळ सकाल.”

तान सायोद बारा दा यीशु उन मात्त: भवषियवाणी
(मत्ती १७:२२-२३; लूका ९:४३-४५)

30 बाक यीशु अदकि आऊन चेला अल टु होटकु, गलील टु आगत होगोर. आव ईला चाहासोन क्किएल्यियाह भी पता आगुल क्किएल्यियाह आईन, 31 यतकी आव तान चेलागोळी उपदेश कोळोन अदकि आंदुर से अनतोगोन, “ना

मंळसा अन पार, मंळसा अन कयदेला हुळसुसकु आगाईन, अदकि आंदुर नानी कोंद बुट्टार; अदकि ना सोतकु मुर दनि इन बाददा जत्तिता आगाईन.”

32 पर ईद मात आंदुरद समझ दा बंददिल, अदकि चेलागोळ यीशु उक केळोर से अंजतोगोर.

सब से धोड्डेव याव?

(मत्ती १८:१-५; लूका ९:४६-४८)

33 बाक आंदुर कफरनहूम दा बंदुर; अदकि मानना दा बंदकु यीशु चेलागोळ से केळदुन, “हादी मा नीव याता मात मा बहस माळीर?”

34 *लेकीन आंदुर सुंग्गा ईत्तुर, यतकी हादी मा आंदुर आपस दा ईद बहस माळीदुर कनिम दा टु धोड्डेव याव आन. 35 *आग यीशु कुरतकु हन्नेळ चेलागोळी कारदुन अदकि आंदुर से अंदुन, “अगर यावारा धोड्डेव आगोद चाहासतान, रा आव सब से स्याणेव अदकि सप्पा मुंदुरद सेवक आगुल.” 36 अदकि आव ऊंद पार उक हुळकु आंदुरद न्याड्या दा नीदूसदुन, अदकि आऊक मोगुल दा हुळकु आंदुर से अंदुन, 37 *जो यावारा नान हेसुर देल ईत्ता पारगोळ दा टु यातोवारा ऊंद पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नानी ईला, लेकीन नानी याव कळ्यान आव आऊक ग्रहण माळतान.”

जो वरिध दा ईरोन, आव पक्ष दा आदुन

(लूका ९:४९-५०)

38 आग यूहन्ना यीशु से अंदुन, “हे गुरु, नाव ऊंद मंळसा अक नीन हेसुर देल दुष्टआत्मागोळी तेगुतेला नोळदेव अदकि नाव आऊक मना माळली कुरतेव, यतकी आव नाम समुह दाकळव ईला ईरोन.”

39 यीशु अंदुन, “आऊक मना माळबाळी; यतकी हगि यारू हैलेच जो नान हेसुर देल सामर्थ्य इन कयाल्सा माळुल, अदकि राटनेरी नानी बुरा अन सकुल, 40 *यतकी आव नाम्द वरिध दा हैलेच, आव नाम्द सांगुळ आन. 41 *जो यावारा नीमी ऊंद वाटी नीर, इदुरसाटी कूळसुल कि नीव मसीह नोर हुईर, रा ना नीम से खरा माताळतीन कि आव तान प्रतफिल यातोदारा भी रीति देल खोऊसतदिल.”

पाप माळावाळेरी इशारा

(मत्ती १८:६-९; लूका १७:१-२)

42 “जो यावारा भी स्याणेव दा टु नान मा वशिवास माळतार अदकि अंदरी यारारा ठोकर तनिस्यार रा आऊन साटी वळ्लीद ईद आद किऊंद धोळ्द चक्की इन पट्टा आऊन कुतक्या दा लटकुसकु आगुल अदकि आव समुद्र दा हाक्कु आगुल. 43 *अगर नीन कय नीन पाप माळोद कारण बनसतद रा वळ्लीद आद कि अंदरी कळ्द बुळ. डुण्डा आगकु जीवन दा प्रवेश माळेत, नीन साटी इदुर से भला आद कि येढ्द कय ईतकु नी, नरक इन बेक्की दा हाक्कु आदया जो यागलु नुनाल्द. 44 येल कळि सायाल्द अदकि बेक्की नुनाल्द. 45 अगर नीन काल पाप माळोद कारण आगुल रा अंदरी कळ्द बुळ. लंगळा आगकु जीवन दा प्रवेश माळोद नीन साठी इदुर से वळ्लीद आद कि नी येढ्द काल ईतकु नरक दा हाक्कु आदया! 46 येल कळि सायाल्द अदकि बेक्की नुनाल्द!* 47 *अगर नीन कण्ण नीनी ठोकर तनिसतद रा, अंदरी तेगुकु भीळ. वळ्लीद आद कि कुढ्द आगकु परमेश्वर उन राज्य दा प्रवेश माळ. अपेक्षा इदुरद कि नी येढ्द कण्णगोळ ईतकु नरक दा हाक्कु आदया! 48 यल कळि शाय्याल अदकि बेक्की नुनाल्द.”

49 यतकी हर ऊंद मंळसा अक बेक्की देल शुद्ध माळकु आदीत? ह्यांग बलदान उक ऊप्प देल शुद्ध माळकु आगतद?

50 *ऊप्प रा वळ्लीसा आद; लेकीन अगर ऊप्प इन स्वाद ओळेत, रा अंदरी मात नमकीन ह्यांग माळीर?”

ताम जीवन इक शुद्ध ईटी, जसा यातोदारा वस्तु ऊप्प देल शुद्ध माळकु आगतद, अदकि आपस दा संगीपना माळकु ईटी अदकि शांती देल ईरी.

* 9:34 ९:३४ लूका २२:२४ * 9:35 ९:३५ मत्ती २०:२६,२७; २३:११; मरकुस १०:४३,४४; लूका २२:२६ * 9:37 ९:३७ मत्ती १०:४०; लूका १०:१६; यूहन्ना १३:२० * 9:40 ९:४० मत्ती १२:३०; लूका ११:२३ * 9:41 ९:४१ मत्ती १०:४२ * 9:43 ९:४३ मत्ती ५:३० * 9:46 ९:४६ ईद वचन हाळोद नयिम दा लखिसकु हैलेच * 9:47 ९:४७ मत्ती ५:२९ * 9:50 ९:५० मत्ती ५:१३; लूका १४:३४,३५

10

छोळ चट्टी इन बारा दा यीशु उन शकिषा
(मत्ती १९:१-१२; लूका १६:१८)

1 बाक यीशु अल टु होटकु यहूदिया अन्द प्रदेश टु आगतेला यरदन गांगा अन क्षेत्र अन्द आप्पाटी बंदुन. अदकि भीळ मात्त आऊन हात्ती बंदकु जमा आगेत, अदकि आव तान रीर्ता अन्द अनुसार आंदरी मात्त उपदेश कोळली कुरतुन.

2 आग थवाळासा फरीसीगोळ आऊन हात्ती बंदुर अदकि आऊक फसुशोर कोशशि दा आऊन से केळदुर, नामी हेळ “येन ईद नयिम इन अनुसार सही आद कियारारा मंळसा अन साटी ईद उचति आद कियार तान हगिस उक छोळ चट्टी कोळल?”

3 यीशु आंदरी उत्तर कोट्टुन, “मूसा नीमी यातोद नयिम कोटान?”

4 *आंदुर यीशु उक अंदुर, मूसा इजाजत कोटान कियार मंळसा छोळचट्टी लखिसकु तान हगिस उक बळि सकतान.

5 यीशु आंदुर से अंदुन, “मूसा नीम साटी ईद नयिम लखिस्यान यतकी नीमी कलसोद हापाळ मुश्कलि आद.

6 लेकीन ह्यांग शास्त्र दा लखिसकु आद, सुरूवात दा परमेश्वर आंदरी गंळस अदकि आर्त इन रूप दा माळदुन.”

7 ईद कारण देल ऊंद मंळसा तान मोय-आप्प उक बटिकु तान हगिस उन सांगुळ ईततान. 8 अदकि आंदुर येददु मुंदुर ऊंद तन आदार; इदुरसाटी आंदुर ईग येददु ईला पर ऊंद तन आर. 9 इदुरसाटी आंदुर ईग येददु ईला, लेकीन ऊंद तन आर. इदुरसाटी यारीक परमेश्वर जोळस्यान, अदरी यावारा भी मंळसा अलग माळबाळुल.

10 याग आंदुर बाक मान्या वापस बंदुर आग चेलागोळ इदुर बारा दा यीशु उक मात्त केळदुर. 11 *आव आंदुर से अंदुन, ऊंद मंळसा जो तान पयला हगिस उक छोळ चट्टी कोळतान अदकि दुसरा आर्त इन से मदा माळतान, रा आव तान पयला हगिस उन खलिाप व्यभचारि माळतान. 12 अदुरदा घाई, ऊंद आर्त तान गांड उक छोळ चट्टी कोळतार, अदकि दुसरा मंळसा से मदा माळतार रा आक तान पयला गांड उन खलिाप व्यभचारि माळतार.

यीशु उन चकिोरगोळी आशरिवाद

(मत्ती १९:१३-१५; लूका १८:१५-१७)

13 बाक लॉकुर चकिोरी यीशु उन हात्ती तरली कुरतुर कियार आव आंदुर मा कय ईटुल, पर चेलागोळ लॉकुरी दनकुसदुर. 14 याग यीशु ईद नोळदुन रा सट्टी बंदुन अदकि तान चेलागोळ से अंदुन, “चकिोरी नान हात्ती बरगोळी आंदरी मना माळबाळी, यतकी परमेश्वर उन राज्य इंदुरदा हुन. 15 *ना नीम से खरा अनतीन कियार जो यावारा परमेश्वर उन राज्य चकिोर घाई हासलि माळालुन, रा आव परमेश्वर उन राज्य दा यागलु उच दाखल आग सकालुन.” 16 आग यीशु आ चकिोरी क्वारा दा हुळदुन, अदकि आंदुर मा तान कय ईटकु आंदरी आशरिवाद कोट्टुन.

धनी मंळसा

(मत्ती १९:१६-३०; लूका १८:१८-३०)

17 याग यीशु अल टु होटकु हादी मा टु होगोन, रा ऊंद मंळसा आऊन हात्ती ओळतेला बंदुन, अदकि आऊन मुंद टवांगरा टेक्सकु आऊन से केळदुन, “हे वळ्लेव गुरु, अनन्त जीवन हासलि माळोर साटी नानी येन माळोद बदिदीत?”

18 यीशु आ धनी मंळसा से अंदुन, “नी नानी वळ्लेव येती अनत्या? परमेश्वर उन अलावा यारू वळ्लेव हैलेच.

19 नी परमेश्वर उन आग्यागोळी जानसत्या: ‘यारीकु कोन् बाळी, व्यभचारि माळबाळी, चोरी माळबाळी, यारदारा खलिाप खवाटा गवाही कोळबाळी, बयमानी माळबाळी, तान आप्प अदकि तान मोय इन आदर माळी.’ ”

20 आ मंळसा यीशु से अंदुन, “हे गुरु, ना रा स्याणपणी टु ईव सप्पा मातगोळ्द पालन माळतेला बंदीन.”

21 यीशु आऊक प्यार देल नोळदुन अदकि अंदुन, “नीन दा ईग भी ऊंद मात इन कमी आद जो येनारा नीन हात्ती आद, अदरी मारकु अव पैस्या गरीब लॉकुर दा वाट्स बुळ. नीनी स्वर्ग दा धन सकिकीत, अदकि बंदकु नान हदि आगेग.” 22 याग आ मंळसा ई मातगोळी केळदुन रा आऊन मार्रा अन्द नीर हारेत अदकि आव उदास आगेदुन, यतकी आव हापाळ धनी ईरोन.

23 यीशु नाकु दी नोळकु तान चेलागोळ से अंदुन, “आ लॉकुर साटी, यार्द हात्ती धन आद, आंदरी परमेश्वर उन राज्य दा प्रवेश माळोद याट कठनि आद!”

24 चेलागोळ आऊन मातगोळ देल अचम्भति आदुर. इदुर मा यीशु मात्त आंदरी अंदुन, “हे चकिोरगोळा, जो धन मा भरोसा ईटतार, आंदुर साटी परमेश्वर उन राज्य दा प्रवेश माळोद याट कठनि आद! 25 परमेश्वर उन राज्य दा धनवान उन प्रवेश माळदुर देल ऊँट इन मुग्ग दा टु चुजी होटबुळोद आसान आद!”

26 इदुर मा चेलागोळ हापाळ चकति आगोदुर अदकि आबुर दाबुर से केळली कुरतुर, “रा बाक यार्द उद्धार आग सकतद?”

27 यीशु आंदुर दी नोळकु अंदुन, “ईद मंळसागोळ साटी असंभव आद, लेकीन परमेश्वर उन साटी सब येनारा सम्भव आद; यतकी परमेश्वर से सब येनारा आग सकतद.”

28 आग पतरस यीशु उक अनली कुरतुन, “नोळ, नाव रा सप्पा येनारा बटिकु नीन ह्दि आगोगेव.”

29 यीशु अंदुन, “ना नीम से खरा अनेतीन क्हिगि यारू हैलेच, जो नान साटी अदकि खुशखबरी इन साटी मान्ना या वार्दुरी या आकतींगेरी या मोय या आप्प या चकिोर-चळिगेर या केईगोळी बटि बुटीदान, 30 ई वर्तमान युग दा यक्कुल हापाळ हासलि माळ्यार. आंदुर सौ गुणा यक्कुल मान्ना, वार्दुर, आकतींगेर, मोयगोळ, चकिोर अदकि केईगोळी हासलि माळ्यार. अदकि अऊर सांगुळ हापाळ दुखगोळी भी, अदकि बरावाळा युग दा आंदुर अनन्त जीवन हासलि माळ्यार. 31 *पर हापाळ सा लॉकुर जो पयला आर, आंदुर ह्दिळोर आदार; अदकि जो ह्दिळोर आर, आंदुर पयला आदार.”

तान सायोद बारा दा यीशु उन तसिरा भवष्यवाणी

(मत्ती २०:१७-१९; लूका १८:३१-३४)

32 यीशु अदकि आऊन चेलागोळ ईग यरूशलेम इक होगोद हादी मा ईरोर. यीशु तान चेलागोळ से मुंद-मुंद होगोन, चेलागोळ घबरूसकु ईरोर अदकि जो लॉकुर आऊन ह्दि-ह्दि नळोर आंदुर अंजकु ईरोर. ऊँद घन मात्त यीशु तान हन्नेळ चेलागोळी अलग वोटकु आंदुर से अव मातगोळी अनली कुरतुन, जो आऊन सांगुळ आगव ईरव.

33 आव आंदुर से अंदुन, “केळी, नाव यरूशलेम इक होगोतेव, अदकि मंळसा अन पार प्रधान याजकगोळ अदकि नयिम उन शास्त्रीगोळ कय दा कोटकु आदान, अदकि आंदुर आऊक कोन्नोर साटी आऊन मा दोष ह्च्यार, अदकि आंदुर आऊक गैरयहूदीगोळ कय दा कोट्टार. 34 आंदुर आऊन मज्याक हारस्यार, आऊन मा ऊगळ्यार, आऊक क्वाळागोळ देल बळदार, आऊक जान देल कोंद बुट्टार, अदकि मुर दनि इन बाद्दा आव जतित्ता आदान.”

याकूब अदकि यूहन्ना अन्द वनिती

(मत्ती २०:२०-२८)

35 आग जब्दी इन पार याकूब अदकि यूहन्ना यीशु उन हात्ती बंदुर अदकि अंदुर, “हे गुरु, नाव चाहासतेव क्हि जो येनारा नाव नीन से बेळेव, अद नी नाम साटी माळेत.”

36 यीशु आंदुर से अंदुन, “नीव येन चाहासतीर क्हि ना नीम साटी माळाईन?”

37 आंदुर यीशु से अंदुर, “नामी ईद अधिकार कोळ क्हि नीन महमिा दा याग नी सहिसन मा कुरत्या, रा नाव चाहासतेव क्हि नाम दा टु ऊँद नीन ऊमा कय दी अदकि दुसरा अपमान डाक्या कय दी कुरूल.”

38 *लेकीन यीशु आंदुर से अंदुन, “नीव जान्सालीर क्हि नीव येन बेळेतीर. जो दुख इन प्याला ना कुडावाळा आईन, येन नीव कुडू सकतीर? अदकि जो बपतस्मा ना ताकोमावाळा आईन येन नीव ताकोम सकतीर?”

39 आंदुर आऊन से अंदुर, “नाम से आग सकतद.” यीशु आंदुर से अंदुन, जो दुख इन प्याला ना कुडावाळा आईन,

नीव कुळदीर अदकि जो बपतस्मा ना ताकोमावाळा आईन अदरी ताकोडीर. 40 लेकीन नान अधिकार दा ईलच क्हिाव नान ऊमा कय दी अदकि डाक्या कय दी कुरतान. परमेश्वर यार साटी ईद तयार माळदुन, आंदरी बटिकु अदकि यारीकु तान ऊमा कय दी अदकि तान डाक्या कय दी कुरसोद नान क्वालसा आलच.

41 दुसरा हत्त चेलागोळ ईद केळदुर रा आंदुर याकूब अदकि यूहन्ना देल नाराज आदुर! 42 *इदुरसाटी यीशु आ सप्पा मुंदरी हात्ती कारूकु आंदुर से अंदुन, नीव जान्सालीर क्हि जो गैर यहूदीगोळव शासक समसतार इंदुर आंदुर मा प्रभुता माळतार; अदकि आंदुरदा जो धोड्डेर आर, आंदुर मा अधिकार जतुसतार, ईद नीव जान्सालीर.

43 *पर नीम दा हगि हैलेच, जो यावारा नीम दा धोड्डेव आगोद चाहासतान, रा नीमी बाकी लॉकुरद सेवक आग पायजे; 44 अदकि जो यावारा नीम दा प्रधान आगोद चाहासतान, आव नीम सप्पा मुंदुर दास आगुल. 45 यतकी ना मंळसा अन पार इदुरसाटी बंददिल कनिन स्यावा माळुल, पर ना इदुरसाटी बंदीन कि नीमद सप्पा मुंदुरद स्यावा माळाईन, अदकि लॉकुर अव पापगोळ छुटकारा अन्द साटी तान जीवन कोळ सकाईन!

कुद्वद बरतमाई इक कण्ण इन ज्योत कोळोद

(मत्ती २०:२९-३४; लूका १८:३५-४३)

46 बाक यीशु अदकि आऊन चेलागोळ यरीहो दा बंदुर, अदकि याग आव अदकि आऊन चेलागोळ ऊंद धोळ्द भीळ इन सांगुळ यरीहो दा टु होगोर, आग ऊंद कुद्वद भखिरी, यार्द हेसुर तमाई नव पार बरतमाई ईरोद, सळक इन कनिरा मा कुरतकु ईरोन. 47 आव ईद केळकु कियीशु नासरी हुन, कारू-कारूकु अनली कुरतुन, “हे दाऊद उन पारा यीशु नान मा दया माळ!”

48 आग हापाळ मुंदुर आऊक दनकुसदुर कि सुंगा ईर. पर आव यक्कुल जोर देल कारूली कुरतुन, “हे दाऊद उन पारा नान मा दया माळ!”

49 आग यीशु नदिरकु अंदुन, “आऊक कारी.” अदकि लॉकुर आ कुद्वद मंळसा अक कारूकु आऊन से अंदुर.

हमिमत ईट, येळ! आव नीनी कारेत्यान!

50 आव तान कपळा भटिकु तुरन्त येदुन, अदकि यीशु उन हात्ती बंदुन.

51 इदुर मा यीशु आऊन से अंदुन, “नी येन चाहासत्या कनिन साटी माळाईन?”

कुद्वद मंळसा आऊन से अंदुन, “हे गुरु, ना पयले घाई नोळोद चाहासतीन.”

52 यीशु आऊन से अंदुन, “होटोग, नीन वशिवास नीनी वळ्लीद माळबुटाद.”

आव तुरन्त नोळली कुरतुन, अदकि हादी मा आऊन हदि आगेदुन.

11

यरूशलेम दा वजिय-प्रवेश

(मत्ती २१:१-११; लूका १९:२८-४०; यूहन्ना १२:१२-१९)

1 बाक याग आंदुर यरूशलेम इन हात्ती, जैतून पहाळी मा बैतफगे अदकि बैतनयियाह अन्द हात्ती बंदुर रा यीशु तान चेलागोळ दा टु येद्वद मुंदरी ईद सुझाव कोटकु कळुदुन, 2 “कि मुंदळोद ऊर दा होगी, अदकि अदुर दा पोहचुसतेला अच ऊंद गधा अन पाड्डा, अदुर मा यागलु यारू कुरतीदील, अद नीमी कटकु सकिकीत. अदरी बटिकु तरी. 3 अगर नीम से यारारा केळ्यार, ‘ईद येती माळतीर?’ रा अनेतीर, प्रभु उक इदुरद जरवत आद, अदकि आव तुरन्त अदरी बाक ईल वापस कळु बुटान.”

4 आंदुर होगकु आ गधा अन पाड्डा अक व्हार्या द्वारा इन हात्ती चौक दा कटकु नोळदुर, अदकि अदरी बळिली कुरतुर. 5 थवाळासा लॉकुर जो अल नीदुरकु ईरोर, यारारा यारारा अनली कुरतुर, ईद येन माळेतीर, गधा अन पाड्डा अक येतरी बळितीर?

6 अदकि यीशु ह्यांग हेळीदुन आंदुर हांग अच आंदुर से अंद बुदुर; आग लॉकुर आंदरी आ पाड्डा अक वोयगोटुर. 7 आंदुर पाड्डा अक यीशु उन हात्ती तनकु अदुर मा तान कपळा हाकदुर अदकि यीशु अदुर मा कुरतुन. 8 आग हापाळ सा लॉकुर तान कपळा हादी मा हासदुर अदकि हापाळ मुंदुर केईगोळ दा टु खजुर इन डगाली कळ-कळकु हादी मा हासदुर. 9 जो आऊन मुंद-मुंद होगोर अदकि जो हदि-हदि नळुतेला बरोर, कारू-कारूकु अनतेला होगतोगोर, “परमेश्वर उन स्तुती आगुल! जो प्रभु उन हेसुर देल बरतान! 10 नाम आप्प दाऊद उन बरावाळा राज्य इक परमेश्वर आशीष कोळुल अदकि परमेश्वर उन स्तुती आगुल!”

11 यीशु यरूशलेम पोहचुसकु मंदरि दा बंदुन; अदकि नाकु दी सप्पा वस्तुगोळी नोळकु हननेळ चेलागोळ सांगुळ बैतनयियाह होदुन, यतकी द्याव मुळकेगीत.

यीशु अंजीर इन मार्र इक श्राप कोट्टुन

(मत्ती २१:१८-१९)

12 दुसरा दशी याग यीशु अदकि आऊन चेलागोळ बैतनय्याह टु वापस बरोर रा आऊक हसु हत्त. 13 अदकि याल्ला देल तुमकु ऊंद अंजीर इन मार्र इक दुर टु नोळकु, यीशु अदुर हात्ती होदुन कि अल येनारा तनिली सकिकेदति. अल पोहचुसकु याल्ला गोळी बटिकु अदकि येनु ईला ईरोद, यतकी काय हत्तोद मौसम ईला ईरोद.

14 आग यीशु आ मार्र से अंदुन, “ईगी टु यारू नींद काय यागलु तनितीदील.” अदकि आऊन चेलागोळ केळोर.

यीशु मंदरि इन शुद्धीकरण माळदुन

(मत्ती २१:१२-१७; लूका १९:४५-४८; यूहन्ना २:१३-२२)

15 बाक यीशु यरूशलेम दा बंदुन अदकि आव मंदरि दा होगकु अल लेन-देन माळावाळेरी तेगुली कुरतुन, अदकि सावकारगोळ्द पांळसी अदकि कबूतर मारावाळेर्द चौकीगोळी ऊलटुसदुन; 16 अदकि आव यारीकु भी मंदरि दा टु आगकु सामान वयोद आग्या कोटीदील. 17 अदकि आव आंदरी उपदेश कोळली कुरतुन, “येन ईद शास्त्र दा लखिसकु हैलेच, ‘कि नांद मान्ना सप्पा राष्ट्र अन साटी प्रार्थना अन्द मान्ना कहलुसीत?’ पर नीव अदरी डाकूगोळ्द हड्डा माळकु ईटीर.”

18 प्रधान याजकगोळ अदकि नयिम इन गुरुगोळ ईद केळदुर, रा आंदुर यीशु उक कोन्नोर साटी मवका दुंदूसली कुरतुर, यतकी आंदुर आऊन से अंजतोगोर, इदुरसाटी कि सप्पा लॉकुर आऊन उपदेश देल चकति ईरोर.

19 अदकि द्यावगा आगतेला अच, यीशु अदकि आऊन चेला नगर टु व्हार्या होटोदुर.

वंळगीद अंजीर इन मार्र टु शकिषा

(मत्ती २१:२०-२२)

20 बाक दुसरा दशी व्हातर्या का याग आंदुर हादी मा टु होगोर रा आ अंजीर इन मार्र इक म्याकुच टु जळ ताका वंळगीद नोळदुर. 21 पतरस उक अद मात याद बत्त, अदकि आव यीशु से अंदुन, “हे गुरु, नोळ! ईद अंजीर इन मार्र यदरी नी श्राप कोटीद, वंळगेग्याद.”

22 यीशु आंदरी उत्तर कोट्टुन, “परमेश्वर मा वशिवास ईटी. 23 *ना नीम से खरा अनतीन कि जो यावारा ई पहाळी से अंदान, ‘नी अल टु कित्तेग, अदकि समुद्र दा होगकु बळि,’ अदकि तान मन दा संक्या ईट बाळुल, लेकीन वशिवास माळुल कि जो अनतीन अद आगेदीत, रा आऊन साठी हांग अच आदीन. 24 इदुरसाटी ना नीम से अनतीन, कि जो येनारा नीव प्रार्थना माळकु बेळीर, रा वशिवास माळकोमी कि अद नीमी सकिकेत, अदकि अद नीमद आगेत. 25 *अदकि याग यागलु नीव नीदुरकु प्रार्थना माळतीर रा अगर नीम मन दा यारदारा प्रती येनारा वरिोध आद, रा माफ माळी, इदुरसाटी कि नीम स्वर्गीय आप्प परमेश्वर भी नमिोव अपराध माफ माळुल. 26 *अदकि अगर नीव माफ माळतीदील रा नीम आप्प भी जो स्वर्ग दा आन नीम अपराध माफ ईला माळयान.”

यीशु उन अधिकार मा प्रश्न

(मत्ती २१:२३-२७; लूका २०:१-८)

27 आंदुर मात्त ऊंद घन यरूशलेम दा बंदुर, अदकि याग यीशु मंदरि दा वयाळोन रा प्रधान याजक अदकि नयिम इन गुरु अदकि स्याणागोळ आऊन हात्ती बंदकु केळली कुरतुर, 28 “नी ईद क्याल्सा याता अधिकार देल माळत्या? अदकि ईद अधिकार नीनी याव कोटान कि नी ईद क्याल्सा माळत्या?”

29 यीशु आंदुर से अंदुन, “ना भी नीम से ऊंद प्रश्न केळतीन; नानी उत्तर कोळी रा ना नीमी हेळाईन कि ना ईद क्याल्सा यातोद अधिकार देल माळतीन. 30 यूहन्ना अक बपतस्मा कोळोद अधिकार स्वर्ग इन दी टु ईरोद या मळसागोळ दी टु ईरोद. नानी उत्तर कोळी.”

31 आग आंदुर आपस दा मातगोळ माळली कुरतुर कि अगर नाव अंदेव स्वर्ग इन दी टु, रा आव अंदान, बाक नीव यूहन्ना मा वशिवास येती माळीदील? 32 अदकि अगर नाव अंदेव, मळसागोळ दी टु, रा लॉकुर नाम मा अच सटिट माळ्यार आंदुर नयिम इन गुरु लॉकुर से हापाळ अंजतोगोर यतकी सप्पा लॉक ईद मानसोर कि यूहन्ना वास्तव दा ऊंद भवष्यवक्ता आन.

33 इदुरसाटी आंदुर यीशु उक उत्तर कोट्टुन, “नाव जानसालेव.” यीशु आंदुर से अंदुन, “ना भी नीमी हेळालीन कि ईद क्याल्सा ना याता अधिकार देल माळतीन.”

* 11:23 ११:२३ मत्ती १७:२०; १ कुरन्थि १३:२

* 11:25 ११:२५ मत्ती ६:१४,१५

* 11:26 ११:२६ ईद वचन हाळोद नयिम दा हैलेच

12

ट्याका देल कोळ्द अंगुर इन केई इन उदाहरण
(मत्ती २१:३३-४६; लूका २०:९-१९)

1 बाक यीशु उदाहरणगोळ दा आंदुर से मात माळली कुरतुन; ऊंद घन ऊंद मंळसा ईरोन याव ऊंद अंगुर इन केई हचदुन, अदकि बेली इन नाकु दी ज्वाळा कटदुन, अदकि रास्सा अन्द गड्डा अगुळदुन, अदकि मचान माळदुन; अदकि दुसरा केईवाळेरी आ अंगुर इन केई अन्द ट्याका कोटक दुसरा द्याश दा होटोदुन. 2 बाक काय इन मौसम दा आव केईवाळे हात्ती ऊंद दास उक कळुदुन, का आ केईवाळे से अंगुर इन केई इन फसल इन हसिसा ताकोमुल. 3 लेकीन आंदुर आ दास उक हुळकु बळदुर अदकि आऊक खाली कय कळु बुटुर! 4 मालकि मात्त ऊंद दास उक आंदुर हात्ती कळुदुन; आंदुर आऊन तालला ओळ्द बुटुर अदकि आऊन अपमान माळदुर! 5 बाक मालकि ऊंद दास उक अदकि कळुदुन; आंदुर आऊक कौंद बुटुर. अदकि आंदुर हापाळ लाँकुर सांगुळ हांगा व्यवहार माळदुर, आंदुर दा टु आंदुर यारीकारा बळदुर, अदकि यारीकारा कौंद बुटुर! 6 ईग ऊंदा ईरोन, जो आऊन प्रयि पार ईरोन; आखरी दा आव आऊक भी आंदुर हात्ती ईद सोचकु कळुदुन का आंदुर नान पार उन आदर माळ्यार. 7 लेकीन आ केईवाळे आबुर दाबुर से अंदुर, ईवा रा वारीस हुन; बरी, नाव ईऊक कौंद बुळाता, अदकि आऊन धन दौलत नाम्द आदीत! 8 इदुरसाटी आंदुर आ पार उक हुळ कौंडुर अदकि आऊक कौंद बुटुर, अदकि अंगुर इन केई इन व्हार्या भीट बुटुर!

9 इदुर मा यीशु से केळदुर अंगुर इन केई इन “स्वामी येन माळ्यान? आव बंदकु केईवाळेर्द नाश माळ्यान अदकि अंगुर इन केई दुसरा अक कोट बुटान.” 10 येन नीव शास्त्र दा ईद वचन वाचुसीदील:

“याता कल्ल इक कारीगरीगोळ बेकार मान्सीदुर,
अदा क्वाना अन्द महत्वपुर्ण कल्ल बनसेत;

11 ईद प्रभु अन्द दी टु आत,
अदकि नाम नजर दा अदभुत आद.”

12 आग नयिम इन गुरुगोळ आऊक हुडोद चाहासदुर; यतकी समसेगदुर का यीशु नाम वरिध दा ईद उदाहरण अंदान. लेकीन आंदुर लाँकुर से अंजोर, अदकि आऊक बटिकु होटोदुर.

सरकार उक कर कोळोद
(मत्ती २२:१५-२२; लूका २०:२०-२६)

13 आग आंदुर आऊक मातगोळ दा फसुसोरसाटी येनारा फरीसीगोळ अदकि हेरोदेस राजा अन्द पक्ष इन येनारा लाँकुरी यीशु उन हात्ती कळुदुर. 14 अदकि आंदुर बंदकु आऊन से अंदुर, “हे गुरु, नाव जान्सतेव, का नी खरा आय, अदकि यारदु परवा माळाल; यतकी नी मंळसागोळ्द बाय नोळकु मात माळाल, लेकीन परमेश्वर उन खरा हादी कल्सत्या! रा येन सरकार उक कर कोळोद उचति आद का ईला?”

15 आव आंदुरद कपट जान्सकु आंदुर से अंदुन, “नानी येती फसुसोद कोशशि माळेतीर? ऊंद दीनार नान हात्ती तरी, का ना अदरी नोळाईन.”

16 आंदुर ऊंद चाँदी इन सकिका आऊन हात्ती तंदुर, अदकि आव आंदुर से अंदुन, “ईद छाप अदकि हेसुर यारद हुन?”

आंदुर अंदुर, “रोमन राजा अन्द हुन.”

17 अदकि यीशु आंदुर से अंदुन, “जो रोमन राजा अन्द हुन अद रोमन राजा अक कोळी, अदकि जो परमेश्वर उन आद अद परमेश्वर उक कोळी.”

अदकि आंदुर यीशु नव मात केळकु चकति आगेदुर.

दुबारा मात्त मदा माळोद
(मत्ती २२:२३-३३; लूका २०:२७-४०)

18 *बाक सद्कीगोळ भी, जो अनतार का सोत्त मंळसागोळ्द जतिता आगेद हई हैलेच, यीशु उन हात्ती बंदकु आऊन से केळ कुरतुर, 19 आंदुर अंदुर, “हे गुरु, आंदुर यीशु उक अंदुर, मूसा इजाजत कोटान का ऊंद मंळसा छोळ चटिठी लखिसकु तान हगिस उक तलाक कोळ सकतान. नाम साटी लखिस्यान का अगर यारदारा वार्द

बनिा औलाद पैदा माळत सोतोदान अदकि आऊनोर हगिस् ईतोदार, रा आऊन वार्ट आऊन हगिस् उन से मदा माळ कोमुल, अदकि तान वार्ट उन साठी वंश पैदा माळुल. ²⁰ ऊंद जागा दा येळ वार्टुर ईरोर. पयला वार्ट मदा माळकु बनिा औलाद सोतोदुन; ²¹ आग दुसरा वार्ट आ आरत से मदा माळ कोंडुन अदकि आव भी बनिा औलाद सोतोदुन; अदकि हांग अच तसिरा भी माळदुन. ²² अदकि येळु वार्टुर ऊंद भी औलाद आगीदील. सप्पा मुंदुर हदि आ आरत भी सोतोदुर. ²³ इदुरसाटी पुनरूथान आगदुर बाददा आक आंदुर दा टु यारोर हगिस् आदार? यतकी आक रा येळु मुंदुर हगिस् आगोगीदुर.”

²⁴ यीशु आंदुर से अंदुन, “नीव रा शास्त्र अक जान्सतीर, अदकि ना ही परमेश्वर उन सामर्थ्य इक इदुरसाटी नीव गलती माळतीर? ²⁵ यतकी याग आंदुर सोत्तुर दा टु जतिता आदार, रा आंदुर ना मदा माळ्यार अदकि ना मदा दा कोटक आदार, लेकीन स्वर्ग दा स्वर्गदूतगोळ घाई आदार. ²⁶ सोत्तुर दा टु जतिता आगोद बारा दा येन नीव मूसा अन्द कतिाब दा होत्त झाळी इन कात्ता दा वाचुसीदील कि परमेश्वर आऊन से अंदुन, ‘ना अब्राहम उन परमेश्वर, अदकि इसहाक उन परमेश्वर, अदकि याकूब उन परमेश्वर हुईन?’ ²⁷ परमेश्वर जो सोत्तुर आंदुरव ईला उलटा जतितागोळोव परमेश्वर हुन; इदुरसाटी नीव पुरा पुरा तरीका देल ख्वाटा आईर.”

सब से धोळद आग्या

(मत्ती २२:३४-४०; लूका १०:२५-२८)

²⁸ आग शास्त्रीगोळ दा टु ऊंद बंदकु आंदरी वविाद माळत केळदुन, अदकि ईद जान्सकु कि यीशु सद्कीगोळी वळ्दीद रीत देल उत्तर कोट्टुन, आऊन से केळदुन, “सब से मुख्य आग्या यातोद आद?”

²⁹ यीशु आऊक उत्तर कोट्टुन, सब आग्यागोळ दा टु ईद मुख्य आद: “हे इस्त्राएल इन लॉकुरा केळी! प्रभु नामव परमेश्वर ऊंदा प्रभु आन, ³⁰ अदकि नी प्रभु तान परमेश्वर से तान पुरा मन देल, अदकि तान पुरा जीव देल, अदकि तान पुरा बुद्धी देल, अदकि तान पुरा ताकत देल प्यार ईटेत.” ³¹ अदकि दुसरा आग्या ईद आद, “नी तान मानना हातळोर से तांदा घाई प्यार ईटेत. ईव येढ्ढ आग्यागोळी बटिकु दुसरा यातु धोळद आग्या ईलच.”

³² नयिमगोळ गुरु यीशु से अंदुन, “हे गुरु,” हापाळ वळ्दीद! नी खरा अन्द कि परमेश्वर ऊंदा आन, अदकि आऊक बटिकु अदकि याऊ दुसरा परमेश्वर हल्लेच. ³³ अदकि आऊन से पुरा मन, अदकि पुरा बुद्धी, अदकि पुरा जीव, अदकि पुरा ताकत देल प्यार ईटेत; अदकि बाजुवाळेर से तान घाई प्यार ईटेत, पुरा अग्न-बलगिोळ्द अदकि पशु-बलगिोळ से यक्कुल आद.

³⁴ *याग यीशु नोळदुन कि आव समझदारी देल उत्तर कोट्टुन, रा आऊन से अंदुन, “नी परमेश्वर उन राज्य टु दुर हल्लेच.”

अदकि यारीकु बाक आऊन से येनु केळोद हम्मित आगीदील.

मसीह दाऊद उन पार हुन?

(मत्ती २२:४१-४६; लूका २०:४१-४४)

³⁵ बाक यीशु मंदरि दा उपदेश माळतेला ईद अंदुन, “नयिम इन गुरुगोळ अंदुर कि मसीह ह्यांग दाऊद उन औलाद आग सकतान?” ³⁶ दाऊद तान पवतिर आत्मा अन्द सामर्थ्य देल हगि अंदुन:

प्रभु परमेश्वर नान प्रभु से अंदुन,

“नान ऊमा कय मा कुरूल,

यागासताका कि ना नीनोर दुश्मनगोळी अपमान काल दशी तरालनि.”

³⁷ दाऊद रा खुद अच आऊक प्रभु अनतान, बाक आव आऊन पार ह्यांग आदुन?

नयिम इन गुरुगोळ से सावधान ईरी

(मत्ती २३:१-३६; लूका २०:४५-४७)

अदकि भीळ दाकळोर लॉकुर आऊंद मात खुशी देल केळतोगोर. ³⁸ यीशु तान उपदेश दा आंदुर से अंदुन, “शास्त्रीगोळ से सावधान ईरी, सम्मान सक्किोर साटी आंदुर ऊद-ऊद च्वांगा हाक्कु वयाळतार अदकि सात्तागोळ दा खुद इक नमस्कार माळसुसोद आंदरी वळ्दीद हततद. ³⁹ अदकि यहूदी लॉकुरद सभागूहगोळ दा मुख्य आसन अदकि भोज दा मुख्य जागा भी चाहास्तार. ⁴⁰ आंदुर रांड्यागोळ्द माननागोळ इक तदि बुळतार,

अदकि लॉकुरी दखावा साटी हापाळ होतत ताका प्रार्थना माळतेला ईरतार. इंदरी यक्कुल से यक्कुल दण्ड सक्कीत.”

कंगाल रांड्या अन्द दान
(लूका २१:१-४)

41 यीशु मंदरि इन दानपेटी इन मुंद कुरतकु नोळतोगोन कि लॉकुर मंदरि इन दानपेटी दा याता प्रकार देल पैस्या हाकतार; अदकि यक्कुल पैस्यावाळेर लॉकुर भी हापाळ येनारा हाकदुर. 42 इटुर दा ऊंद कंगाल रांड्यागीत बंदकु तांबा अन्द येदढ स्याण-स्याणैव सक्का हाकदुर यदुर कमित ईतु आतुटु ऊंद पैस्या अन्द बराबर ईतीदाद, हाकदुर. 43 आग यीशु तान चेलागोळी हात्ती कारूकु आंदुर से अंदुन, “ना नीम से खरा खरा अनतीन, कि मंदरि इन दानपेटी दा हाक्कावाळेर दा टु ई कंगाल रांड्यागीत सप्पा मुंदुर से यक्कुल हाकदुर; 44 यतकी सप्पा मुंदुर तान बळोतरी दा टु हाक्यार, लेकीन इक तांद कमी दा टु जो येनारा आकनि ईरोद, इदुर मतलब तांद पुरा जीवकि हाक्क बुटार.”

13

मंदरि इन वनिश इन भवषियवाणी
(मत्ती २४:१-२; लूका २१:५-६)

1 याग यीशु मंदरि टु होळोन, रा आऊन चेलागोळ दा टु ऊंद चेला आऊन से अंदुन, “हे गुरु, नोळ, ह्यांग धोड्डेव कल्ल अदकि ह्यांग भव्य भवन आव!”

2 यीशु आऊन से अंदुन, “येन नीव इव धोड्डेव-धोड्डेव भवन नोळतीर: ईल कल्ल मा कल्ल भी ऊळ्दकु ईरतीदील जो ढाऊस्कु आगतीदील.”

यीशु परेशानी अदकि सताव इन बारा दा हेळदुन
(मत्ती २४:३-१४; लूका २१:७-१९)

3 याग यीशु जैतून इन पहाळ मा मंदरि इन मुंद कुरतकु ईरोन, रा पतरस अदकि याकूब अदकि यूहन्ना अदकि अन्दरयास अलग होगकु आऊन से केळदुर, 4 “नामी हेळ कि ईव मात याग आदव? अदकि याग ईव सब मात पुरा आगत् होदव आ समय इन येन चनिह ईत्तीत?”

5 यीशु आंदुर से अनली कुरतुन, सावधान ईरी कि यारू नीमी भरमुस बाळुल. 6 अनेक नान हेसुर देल ईद अनतेला बंदार, “ना मसीह हुईन!” अदकि आंदुर हापाळ मुंदरी भरमुस्यार. 7 याग नीव लळाईगोळ मातचीत केळीर अदकि लळाईगोळ्द बारा दा अफवाह केळीर, रा घबरूस बाळेतीर; यतकी अव मातगोळ्द ईरोद जरूरी आद, लेकीन आ समय दा अन्त आगतीदील. 8 यतकी द्याश मा द्याश, अदकि राज्य मा राज्य चढाई माळ्यार. हर जागा दा भूकम्प आदव, अदकि अकाल बदिदव. ईद रा भयानक दुख इन सुरूवात आदीत.

9 *लेकीन नीव तान बारा दा सावधान ईरी; यतकी लॉकुर नीमी महासभागोळ दा सोपस्यार अदकि नीव पंचायतगोळ दा बळ्सकोडीर, अदकि नान कारण न्यायाधीशगोळ अदकि राजागोळ मुंद नदिरूसकु आदीर, ताकी नीम साटी खुशखबरी केळसोर साटी मौका आदीत.” 10 पर जरूरी आद कि पयला खुशखबरी सब जातीगोळ्दा प्रचार माळकु आगुल. 11 याग आंदुर नीमी हुळकु न्यायालय दा ओतार, रा पयले टु चिता माळबाळेतीर कि नाव येन अंदेव; पर जो येनारा नीमी आटोटीका हेळकु आदीत अदा अनेतीर; यतकी अनावाळेर नीव आलच, लेकीन पवतिर आत्मा हुन. 12 वार्ट उक वार्ट ध्वाका कोट्टान, अदकि आप्प तान पार उक कोनोर साटी नदिर्यान, अदकि पार तान आप्प उक बडोर साटी नदिर्यान अदकि चकिोर तान मोय आप्पुर खलिाप यदकु आंदरी कोन्सुस बुट्टार. 13 *अदकि नान हेसुर इन कारण पुरा लॉकुर नीम से दुश्मनी माळ्यार; लेकीन जो आखरी ताका आऊन मा वशिवास ईट्यार, आंदुरदा उद्धार आदीत.

महासंकट-काल
(मत्ती २४:१५-२८; लूका २१:२०-२४)

14 लेकीन याग नीव अद बरबाद माळावाळा बेकार वस्तु उक यल उचति ईलच अल नीदुरकु नोळीर, वाचुसावाळा समसेगुल आग जो लॉकुर यहूदयिया दा आर आंदुर पहाळी मा ओळेगुल; 15 *जो छत मा आर, आव तान मान्ना

टु येनारा ताकोमोर साटी ल्यालमा ईळुबाळुल अदकि बुळ्क होगबाळुल; 16 अदकि आंदुर जो केई दा आर, आव तान कपळा तरोरसाटी हदि होगबाळुल. 17 आ दनिगोळ दा जो व्हाट्या दी ईरोर अदकि जो चगिंद ऊरी हाल कुळसतेला ईतीदार, आंदुर साटी आ दनि याट भयानक ईत्तव! 18 अदकि परमेश्वर से प्रार्थना माळतेला ईरी कि ईद सोळ इन दनिगोळ दा आगबाळुल. 19 यतकी आ दनि हगि बरबाद ईनव ईत्तव कि दुनिया अनंद सुरूवात टु, जो परमेश्वर रच्यान, ईगासताका ना रा आग्याव अदकि ना बाक यागलु आदव. 20 अगर प्रभु आ दनिगोळी ईला घटुसायदुन, रा यातोदु प्राणी भी ईला ऊळाईत; लेकीन आ नविळुसकु आग्यार आ लॉकुर कारण यारी आव नविळुसदुन, आ दनिगोळी गोर्त माळ्यान.

21 आ समय दा अगर यावारा नीम से अंदान; नोळी, मसीह ईल आन, या नोळी, अल आन, रा वशिवास माळबाळेतीर; 22 यतकी ख्वाटा मसीह अदकि ख्वाटा भवषियवक्ता यदकु नदिर्यार, अदकि हगि-हगि चमत्कार अदकि अदभुत क्यालसा तोरस्यार कि अगर आग सकुल रा नविळुसकु आग्यार आ लॉकुरी भी बैकुश बुळुल. 23 लेकीन नीव सावधान ईरी: नोळी, ना नीमी सप्पा मात पयले टु ना हेळ बुटीन.

मंळसा अन पार यीशु उन दुबारा बरोद
(मत्ती २४:२९-३१; लूका २१:२५-२८)

24 *आ दनि दा, आ बरबाद इन बाददा दा सुरज अंधार आगेदीत, अदकि चन्द्रमा उजुळ कोळतीदील; 25 *अदकि आकाश टु तारागन बळिली हत्तेव; अदकि आकाश ईनव शक्तगिोळी हालुसेदव.” 26 *आग लॉकुर ना मंळसा अन पार उक धोळद सामर्थ्य अदकि महमा अनंद सांगुळ बादल दा बरतेला नोळ्यार. 27 आ समय आव तानव स्वर्गदूतगोळी कळुकु, पृथ्वी इन ईद भाग टु हुळकु आ भाग ताका, नाकु दशा दी टु परमेश्वर तान नविळुसद लॉकुरी जमा माळ्यान.

अंजीर इन मार्र इन उदाहरण
(मत्ती २४:३२-३५; लूका २१:२९-३३)

28 “अंजीर इन मार टु ईद उदाहरण कली: याग अदुरद डगाली मुलायम आगताव, अदकि याल्ला होळली हतताव; रा नीव जान्स कोमतीर कि बसिल इन दनि हात्ती आव.” 29 ईदा प्रकार याग नीव ईव मातगोळी आगतेला नोळीर, रा जान्स कोमी कनिन बरोद समय हात्ती आद. 30 ना नीम से खरा अनतीन कि यागासताका इव सप्पा मातगोळ पुरा आगालव, आगासताका ई पीढी नोर लॉकुर सायतीदील. 31 आकाश अदकि पृथ्वी टलुसेदति, लेकीन नान मात्तगोळ यागलु टलुसतीदलि.

जाग्सतेला ईरी
(मत्ती २४:३६-४४)

32 *आ दनि या आ घळी अनंद बारा दा यारू जान्सालुर, ना स्वर्ग ईनव स्वर्गदूत अदकि ना मंळसा अन पार; लेकीन सरिफ आप्प जान्सतान. 33 नोळी, सावधान ईरी अदकि जाग्सतेला ईरी; यतकी नीव जान्सालीर कि अद घळी याग बंदीत. 34 *ईद आ मंळसा अनंद हयांग दशा आद, जो यात्रा दा होगाहोती तान मान्ना बटिकु होगुल, अदकि तान दासगोळी अधिकार कोळुल: अदकि हर ऊंद मंळसा अक आऊंद क्यालसा हेळबुळुल, अदकि चौकीदार उक जाग्सतेला ईरोद आग्या कोळुल.” 35 इदुरसाटी जाग्सतेला ईरी, यतकी नीव जान्सालीर कि मान्ना नव मालकि याग बंदान, द्यावगा या आरधा ईळ्लकी, या हुंज कुगतद आ घळी या व्हातुर आगोर से पयले. 36 हगि आगबाळुल कि आव अचानक बंदकु नामी मगितेला नोळबाळुल. 37 अदकि जो ना नीम से अनेतीन, अदा सप्पा मुंदुर से अनतीन: “जाग्सतेला ईरी!”

14

यीशु उक कोन्नोद योजना
(मत्ती २६:१-५; लूका २२:१-२; यूहन्ना ११:४५-५३)

* 13:19 १३:१९ प्रकाशतिवाक्य ७:१४ * 13:24 १३:२४ प्रकाशतिवाक्य ६:१२ * 13:25 १३:२५ प्रकाशतिवाक्य ६:१३ * 13:26 १३:२६ प्रकाशतिवाक्य १:७ * 13:32 १३:३२ मत्ती २४:३६ * 13:34 १३:३४ लूका १२:३६-३८

1 येढ्ढ दनि इन बाददा फसह अदकि अखमीरी रोटी अनूद हाब्ब आगोद ईरोद. प्रधान याजक अदकि नयिम इन गुरु ईद मात इन खोज दा ईरोर क आऊक ह्यांग कपट देल हुळकु कोनदेव; 2 लेकीन अनतोगोर, “हाब्ब इन रोज हगि ईला, ईलारा लॉकुर दा झगळा आगेदीत.”

बैतनयियाह नगर दा यीशु उन अत्तर देल स्वागत
(मत्ती २६:६-१३; यूहन्ना १२:१-८)

3 *याग यीशु बैतनयियाह दा शमौन कोढी यारी कोढ इन रोग ईरोद आऊन मान्या ऊमली कुरतकु ईरोन, आग ऊंद आरत संगमरमर इन बाटुल दा जटामांसी अनूद बार्र शुद्ध अत्तर हुळकु बंदुर; अदकि बाटुल इक मूरूकु अत्तर इक यीशु उन ताल्ला मा लपटुसदुर. 4 लेकीन यारारा यारारा तान मन दा कुळकुळुसकु अनली कुरतुर, “ईद अत्तर इन येती सत्यानाश माळकु आत? 5 इदुर मा यीशु अंदुन येती ईद अत्तर इक मुर सौ दीनार* से यक्कुल बार्र दा मारकु कंगालगोळ दा वाटसकु आग सकोद.” अदकि आंदुर आक इक दनकुसली कुरतुर.

6 यीशु अंदुन, “आकी बट्टि बुळी; आकी येती सतुसतीर? आक रा नान सांगुळ भलाई माळदुर. 7 कंगाल नीम सांगुळ हमेशा ईरतार, अदकि नीव याग चाहासीर आग आंदुर से भलाई माळ सकतीर; पर ना नीम सांगुळ हमेशा ईरतीदील. 8 जो येनारा आक माळसकोर, आक माळदुर; आक नान नळसोद तयारी दा पयले टु ना नांद शरीर मा अत्तर मलुस्यार. 9 ना नीम से खरा माताळतीन क पुरा दुनया दा येल्यारा भी खुशखबरी प्रचार माळदुर दा बंदीत, अल आक इन ईद कयाल्सा अनूद चर्चा भी आक इन याद दा माळकु आदीत.”

यीशु उन वशिवासघात माळोर साटी यहूदा अनूद सहमती
(मत्ती २६:१४-१६; लूका २२:३-६)

10 आग यहूदा इस्करियोती जो हन्नेळ चेलागोळ दा टु ऊंद ईरोन, प्रधान याजकगोळ हात्ती होदुन क यीशु उक आंदुरद कय देल हुळसुसकु आंदरी सौप्स बुळुल. 11 आंदुर ईद केळकु खुश आदुर, अदकि आऊक पैस्या कोळोद सवीकार माळदुर; अदकि आव मवका नोळोन क आऊक ह्यांगारा भी प्रकार देल हुळसुसकु आंदुरद कय दा सौप्स बुळुल.

चेलागोळ सांगुळ फसह अनूद आखरी भोज
(मत्ती २६:१७-२५; लूका २२:७-१४; २१-२३; यूहन्ना १३:२१-३०)

12 अखमीरी रोटी इन हाब्ब इन पयला दनि, यदुरदा आंदुर फसह दा म्यांडा अनूद पाड्डा अनूद बलदान माळतोगोर, यीशु उन चेलागोळ आऊक केळदुर, “नी येन चाहासत्या क नाव होगकु नीन साटी फसह तनिोद तयारी माळेव?”

13 यीशु तान चेलागोळ दा टु येढ्ढ मुंदरी ईद अनकु कळुदुन, “नगर दा होगी, अदकि ऊंद मंळसा नीर इन माळका नेगुत नीमी सक्यान, आऊंद हदि आगेगेतीर; 14 अदकि आव याता मान्या होदान, आ मान्ना अनूद मालकि से अनेतीर, गुरु अनतान क पाऊनागोळद ईरोद जागा पाऊनागोळद कमरा यल आद यदुरदा ना तान चेलागोळ सांगुळ फसह तनिईन अद जागा यल आद? 15 आव नीमी ऊंद सजुसकु सजुसद, अदकि तयार माळद धोळद म्याकळोद ठकान तोरस्यान, अल नाम साटी फसह तनिोद तयारी माळतीर.”

16 चेलागोळ अल टु होट्टकु नगर दा बंदुर, अदकि ह्यांग यीशु आंदुर से अंददिन, हांग अच सकित; अदकि आंदुर फसह तनिोद तयारी माळदुर.

17 याग द्याव आत, रा आव हन्नेळ चेलागोळ सांगुळ बंदुन. 18 याग आंदुर कुरतकु ऊमोर, रा यीशु चेलागोळ से अंदुन, “ना नीम से खरा अनतीन क नीम दा टु ऊंद, जो नान सांगुळ ऊमेत्यान, आव नानी ध्वाका देल हुळसुसकु दुश्मनगोळ कय दा सौप्स कौडान.”

19 अदकि चेलागोळ मा उदासी छासेत अदकि आंदुर ऊंद ऊंद माळकु यीशु उक अनली कुरतुर, “येन आव ना हुईन?”

20 यीशु आंदुर से अंदुन, “आंदुर नीम हन्नेळ दा टु ऊंद आन, जो नान सांगुळ तंळग्या दा कय हाकतान. 21 यतकी ना मंळसा अन पार, ह्यांग नान बारा दा लखिसकु आग्याद, लेकीन आ मंळसा अन मा हाय याऊन

* 14:3 १४:३ लूका ७:३७,३८ * 14:5 १४:५ मुर सौ चाँदी नव सकिका ऊंद वर्ष इन रोजी

द्वारा ना मंळसा अन पार उक हुळसुसकु आदीत अदकि सौप्सकु आदीत! अगर आ मंळसा अनन्द जनम अच ईला आगाईत, रा आऊन साटी भला आगाईत.”

प्रभु-भोज

(मत्ती २६:२६-३०; लूका २२:१४-२०; १ कुरन्थि ११:२३-२५)

22 याग यीशु अदकि आऊन चेलागोळ ऊमतेला अच ईरोर, आव रोटी ताकोडुन, अदकि परमेश्वर उक धन्यवाद कोटकु मुरदुन, अदकि आव चेलागोळी भी कोट्टुन, अदकि अंदुन, “हुडी, ईद नान शरीर हुन.”

23 बाक यीशु कटोरा हुळकु परमेश्वर उक धन्यवाद माळदुन, अदकि आंदरी कोट्टुन; अदकि आंदुर सप्पा मुंदुर अदुर दा टु कुळदुर. 24 अदकि यीशु चेलागोळ से अंदुन, “अद नान खुन हुन, जो हापाळ मुंदुर साटी वाहुसकु आगतद,” ईद प्रमाणति माळतद कपरमेश्वर अदकि मंळसा अन न्याडया व्हाशोद वाचा अक दर्शुसतद. 25 “ना नीम से खरा अनतीन का अंगुर इन रास्सा आ दनि ताका बाक यागलु कुडुतीदील, यागासताका परमेश्वर उन राज्य दा ना व्हाशोद अंगुर इन रास्सा ना कुडुतीदील.”

26 बाक आंदुर भजन हाळ हाळकु व्हार्या जैतून पहाळी मा होदुर.

पतरस उन इनकार इन भवषियवाणी

(मत्ती २६:३१-३५; लूका २२:३१-३४; यूहन्ना १३:३६-३८)

27 आग यीशु चेलागोळ से अंदुन, “नीव नानी बटिकु ओळीर, यतकी शास्त्र हगि अच अनतद: ‘ना रखवाला अक कोनाईन, अदकि म्यांडा ततिर-बतिर आगेदव.’ 28 *लेकीन ना तान जतिता आगदुर बाददा नीम से पयले गलील इक होगईन.”

29 पतरस आऊन से अंदुन, “अगर सब नीनी बटितार रा बटितार, पर ना नीनी बटिकु होगालीन.”

30 यीशु आऊन से अंदुन, “ना नीन से खरा अनतीन का ईदल्या ईदा ईळ्लक इक हुंज इन येदद घन कुग्गोर से पयले, नी मुर घन नान इनकार माळ्या.”

31 बाक पतरस अदकि जोर कोटकु अंदुन, “अगर नानी नीन सांगुळ सायोद भी बदिदीत, तरी ना नीन इनकार यागलु माळतीदील.”

ईदा प्रकार देल अदकि सप्पा मुंदुर भी अंदुर.

गतसमनी दा प्रार्थना

(मत्ती २६:३६-४६; लूका २२:३९-४६)

32 बाक यीशु अदकि आऊन चेलागोळ गतसमनी हेसुर इन ऊंद जागा दा बंदुर, अदकि आव तान चेलागोळ से अंदुन, “ईल कुरतकु ईरी, आगासताका ना प्रार्थना माळतीन.” 33 अदकि आव पतरस अदकि याकूब अदकि यूहन्ना अक तान सांगुळ ओतुन; अदकि च्याच दुखी अदकि व्याकुल आगली कुरतुन, 34 अदकि आंदुर से अंदुन, “नान मन च्याच उदास आद, ईल ताका का ना सायोर मा आईन: नीव ईल रूकसी, अदकि जागसतेला ईरी.”

35 बाक आव थ्वाळासा मुंद होदुन अदकि धरती मा बदिकु प्रार्थना माळली कुरतुन का अगर आग सकुल रा ईद घळी नान मा टु टलसेगुल, 36 अदकि अंदुन, “हे बाबा, हे आप्पा, नीन से सप्पा येनारा आग सकतद; ईद दुख इन कटोरा अक नान हाती टु हटुसबुळ: तौभी ह्यांग ना चाहासतीन हांग ईला, पर जो नी चाहासत्या अदा आगुल.”

37 बाक यीशु वापस बंदुन अदकि नोळदुन का मुरू चेलागोळ मगिग्यार ईद नोळकु पतरस से अंदुन, “हे शमौन, नी मगित्या? येन नी ऊंद तास भी जाग्स सकदील? 38 जागसतेला अदकि प्रार्थना माळतेला ईरी का नीव परीक्षा दा बळिबाळी. आत्मा अनन्द रा इच्छा आद, पर मय कमजोर आद.”

39 अदकि यीशु बाक ओळेदुन अदकि अवा शब्दगोळदा प्रार्थना माळली कुरतुन. 40 बाक यीशु बंदकु आंदरी मगित नोळदुन, यतकी आंदुर अव कण्णगोळ जप देल तुमकु ईरव; अदकि ईला जान्सोर का आऊक येन उत्तर कोट्टेव.

41 बाक यीशु तसिरा गन बंदकु आंदुर से अंदुन, “ईग भी नीव मगितीर अदकि आराम माळेतीर? नोळी, घळी होट्ट बंदाद; नोळी ना मंळसा अन पार पापीगोळ्द कय देल हुळकु सौप्सकु आगाईन. 42 येळी, होगता! नोळी, नानी ध्वाका देल हुळसुसकु सौप्सावाळा नान हात्ती होट्ट बंदान!”

यीशु उन ध्वाका देल हुळकु सौप्सकु आगोद

(मत्ती २६:४७-५६; लूका २२:४७-५३; यूहन्ना १८:३-१२)

43 यीशु ईद अनतेला अच ईरोन कयिहूदा जो हन्नेळ चेलगोळ दा टु ऊंद ईरोन, आऊन हात्ती बंदुन. अदकि तान सांगुळ प्रधान याजक अदकि शास्त्रीगोळ अदकि स्याणागोळद द्वारा ऊंद धोळद भीळ कळुकु आगीत, जो तलवार अदकि कोलगोळ हुळकु बंदीदुर. 44 यीशु उक हुळसुसकु सौप्सावाळा आंदरी ईद पता कोटीदुन कयि याऊक ना चुम्मा ताकोमाईन आवा मंळसा हुन, आऊक हुळकु शंकलीगोळ देल कटकु सावधानी देल वयेतीर ताकी आव ओळ बाळुल.

45 यहूदा बंदुन, अदकि तुरन्त यीशु उन हात्ती होगकु अंदुन, “हे गुरु!” अदकि आऊन चुम्मा ताकोडुन. 46 आग आंदुर यीशु मा कय हाककु आऊक हुडुकोडुर अदकि कठ कोडुर. 47 आंदुर दा टु जो हात्ती नीदुरकु ईरोर, ऊंद मंळसा तलवार जेळकु महायाजक उन सेवक मा नळसदुन, अदकि आऊंद कवि हार्स बुट्टुन. 48 यीशु आंदुर से अंदुन, “येन ना यावारा अपराधी हुईन, जो नानी हुडोर साटी तलवार अदकि कोलगोळ हुळकु बंदीर? 49 *ना रा हर रोज मंदरि दा नीम सांगुळ ईतकु उपदेश कोळतोगीन, अदकि आग नीव नानी हुळदीदलि: लेकीन ईद इदुरसाटी आग्याद कयि शास्त्र अन्द मात पुरा आगुल.”

50 इव मातगोळ केळकु आऊन सप्पा चेलगोळ आऊक आबना बटिकु वोळेदुर.

51 ऊंद हारोदव पार तान दंगदंगा मय मा लुंगी होदुकु यीशु उन हदि-हदि होगोन; अदकि लॉकुर आऊक हुडोद कोशशि माळदुर. 52 अदकि आव लुंगी बटिकु नंगा ओळेदुन.

यहूदीगोळद महासभा अन्द मुंद यीशु उक तरोद आत

(मत्ती २६:५७-६८; लूका २२:५४,५५,६३-७१; यूहन्ना १८:१३-१४; १९:२४)

53 बाक आंदुर यीशु उक महायाजक उन मान्नी तंदुर; अदकि सब प्रधान याजक अदकि स्याणा अदकि नियम इन गुरु आऊन मान्या जमा आगोदुर. 54 पतरस दुर दुर टु आऊंद हदि-हदि महायाजक उन आंगुळ इन बुळक ताका होदुन, अदकि आव पहरेदारगोळ सांगुळ कुरतकु बेक्की सेक्सली कुरतुन. 55 प्रधान याजक अदकि सप्पा यहूदीगोळद महासभा यीशु उक कोंद बुळोरसाटी आऊंद वरिध दा गवाही इन खोज दा ईरोर, पर आऊंद वरिध दा यातोद भी सबुत सकिदील. 56 यतकी हापाळ सा लॉकुर यीशु उन वरिध दा ख्वाटा गवाही कोळोर, पर आंदुरद गवाही ऊंद सारखा ईला ईरोद.

57 आग येनारा लॉकुर यदकु यीशु उन खलिाप ईद ख्वाटा गवाही कोळली कुरतुर, 58 *नाव ईऊक ईद अन्त केळेव, ना ईद मंळसागोळद कय देल माळद ईद मंदरि इक केळद बुळाईन, अदकि मुर दनि दा दूसरा माळाईन, जो मंळसागोळद कय देल माळकु ईरतीदील.” 59 ईदुर मा भी आंदुरद गवाही ऊंद सारखा होटीदलि.

60 आग महायाजक न्याड्या दा नीदुरकु यीशु से केळदुन, “नी येनु उत्तर कोळाल? ई लॉकुर नीन वरिध दा येन गवाही कोळतार?”

61 लेकीन यीशु सुंगा ईततुन, अदकि आव येनु उत्तर कोटीदील. महायाजक आऊन से मातत केळदुन, “येन नी आ परमधन्य परमेश्वर उन पार मसीह हुय?”

62 यीशु अंदुन, हाव “ना हुईन: अदकि नीव मंळसा अन पार उक सर्वशक्तमान इन ऊम्मा कय दी कुरत, अदकि आकाश इन बादल इन सांगुळ बर्त नोळीर.”

63 आग महायाजक तानव फळक्या हरकु अंदुन, “ईग नामी यक्कुल गवाहगोळद येन जरवत आद?”

64 “येन नीव केळीदील, कयि ईव परमेश्वर उन अपमान माळतान. ईग नीमद येन राय आद?” आ सप्पा लॉकुर आऊक अपराधी ठहूसतेला अंदुर, कयि ईऊक जीव दण्ड सीक पायजे.

65 आग यारारा आऊन मा उगुळली कुरतुर, अदकि यारारा आऊन कण्णगोळ मा पट्टी कटकु आऊक बुक्का बडुली कुरतुर, अदकि आऊन से अनली कुरतुर, “भवषियवाणी माळ.” नीनी यार बळदुर, अदकि पहरेदारगोळ आऊक हुळकु क्वाबरा बळदुर.

पतरस उन यीशु उक इनकार माळोद

(मत्ती २६:६९-७५; लूका २२:५६-६२; यूहन्ना १८:१५-१८,२५-२७)

66 याग पतरस ल्यालमा आंगुळ दा ईरोन, रा महायाजक इन दासीगोळ दा टु ऊंद दासी अल बंदुर. 67 अदकि आ दासीगीत पतरस उक बेककी सेक्सत नोळकु आऊक टकटकी हचकु नोळदुर अदकि अनली कुरतुर, “नी भी रा आ नासरी यीशु उन सांगुळ ईर्या.”

68 अदकि आव बदलुसेदुन, अदकि अंदुन, “ना जान्सालीन अदकि ना सम्सालीन कनि नी येन अनेत्या.” बाक आव अल टु दरवाजा ताका होदुन; अदकि आटा होती हुंज कुग्त.

69 आ दासी आऊक नोळकु आंदुर से अंदुर जो आऊन हात्ती नीदुरकु ईरोर, “ईव मंळसा आंदुर दा टु ऊंद हुन.”

70 लेकीन आव मात्त बदलुसेदुन. घळी तमिर बाद्दा दा आंदुर जो हात्ती नीदुरकु ईरोर मात्त पतरस से अंदुर, “खरा दा नी आंदुर दा टु ऊंद हुय; यतकी नी गलीली भी हुय.”

71 आग आव इनकार माळकु अनली कुरतुन कनि ना करिया तनिकु खरा अनतीन, “ना आ मंळसा अक, यार्द नीव मातचीत माळेतीर, ना अरालीन.”

72 बाक तुरन्त दुसरा घन हुंज कुग्त. अदकि पतरस उक अद मात जो यीशु आऊन से अंददिन याद बत्त: “हुंज इन येद्वेद घन कुगुगोर से पयले नी मुर घन नान इनकार माळ्या.” अदकि आव ईद मात इक सोचकु आव वरलली कुरतुन.

15

पलातुस उन मुंद यीशु

(मत्ती २७:१-२; ११:१४; लूका २३:१-५; यूहन्ना १८:२८-३८)

1 व्हातुर आगतेला अच तुरन्त प्रधान याजकगोळ, स्याणागोळ, अदकि शास्त्रीगोळ उलटा सप्पा यहूदी महासभा आपस दा सलाह माळकु यीशु उक कट्सुसदुर, अदकि आऊक वोतकु पलातुस उन कय दा सौप्सदुर.

2 पलातुस आऊन से केळदुन, “येन नी यहूदीगोळ्द राजा हुय?” यीशु आऊक उत्तर कोट्टुन, हव “हयांग नी खुद अच अनत्या.”

3 प्रधान याजक आऊन मा हापाळ मात ईनव दोष हचचोर. 4 पलातुस यीशु से मात्त केळदुन, “येन नी येनु उत्तर कोळाल? नोळ इंदुर नीन मा यास मात ईनव दोष हचीत्यार!”

5 यीशु फरि भी येनु उत्तर कोटीदील; ईल ताका कनि पलातुस उक बळा आश्चर्य आत.

मृत्यु-दण्ड इन आग्या

(मत्ती २७:१५-२६; लूका २३:१३-२५; यूहन्ना १८:३१; १९:१६)

6 हर ऊंद फसह हाबब इन घळी दा पलातुस यावारा भी ऊंद कैदी इक यारी यहूदी लॉकुर चाहासतोगोर, आऊक आंदुर साठी बट्टिबुळ तोगोन. 7 बरअब्बा हेसुर ईनव ऊंद मंळसा ईरोन जो आ वदिरोह इन सांगुळ कैदी ईरोन, जो रोमन सरकार उन खलिाप वदिरोह दा हत्या माळीदुर. 8 अदकि भीळ म्याकुच होगकु पलातुस से वनिती माळली कुरत, कनि हयांग नी नाम साठी माळतेला बंद्या हांग अच माळ. 9 पलातुस आंदरी उत्तर कोट्टुन, “येन नीव चाहासतीर कनि ना नीम साठी यहूदीगोळ राजा अक बट्टि बुळाईन?” 10 यतकी पलातुस जानसोन कनि प्रधान याजकगोळ आऊक सट्टि देल सौप्सीदुर.

11 लेकीन प्रधान याजकगोळ लॉकुरी येर्सदुर कनि आव बरअब्बा अक अच आंदुर साठी बीटबुळुल. 12 ईद केळकु पलातुस आंदुर से मात्त केळदुन, “रा यारी नीव यहूदीगोळव राजा अनतीर, आऊक ना येन माळाईन?”

13 आंदुर मात्त चळिलासदुर, अदकि अंदुर “आऊक क्रूस मा येर्सबुळी!”

14 पलातुस आंदुर से अंदुन, “येती ईव येन बुराई माळ्यान?”

लेकीन आंदुर मात्त अदकि चळिलासदुर, “आऊक क्रूस मा येर्सबुळी!”

15 आग पलातुस भीळ इक खुश माळोद इचछा देल, बरअब्बा अक आंदुर साठी बट्टि बुटुन, अदकि यीशु उक कोळागोळ देल बळकु सौप्सदुर कनि क्रूस मा येर्सुल.

सैनिकगोळ द्वारा यीशु उन अपमान

(मत्ती २७:२७-३१; यूहन्ना १९:२-३)

16 सैनिकगोळ यीशु उक कलिा अन्द बुळक राज्यपाल उन मान्ना अन्द आंगुळ दा ओतुर जो प्रीटोरियुम कहलुसतद, अदकि बाकी नोर रोमी सपिाईगोळी कारूकु तंदुर. 17 आग आंदुर आऊक जांभळा रंग इन कपळा

हाक्सुसदुर अदकि मुळल इन मुकुट माळकु आऊन ताल्ला मा मंळसदुर, 18 अदकि ईद अनकु आऊक नमस्कार माळली कुरतुर, “हे यहूदीगोळ राजा, नीन जय आगुल!” 19 आंदुर आऊन ताल्ला मा सरकण्डा बडोर, अदकि आऊन मा ऊगळोर, अदकि ट्वांगरा टेक्सकु आऊक प्रणाम माळतेला ईततुर. 20 याग आंदुर आऊंद मज्याक हारसकौंडुडुर, रा आऊन मय मा कळ्व जाभळा रंग इन फळक्या ईळ्सकु आऊन अवा कपळा मात हाक्सुसदुर; अदकि आग आऊक क्रूस मा येरसोर साठी व्हार्या ओतुर.

यीशु उन क्रूस मा येरसोद

(मत्ती २७:३२-४४; लूका २३:२६-४३; यूहन्ना १९:१७-२७)

21 आंदुरी कुरेन ईनव ईरावाळा शमौन हेसुर ईनव मंळसा, हादी मा सकिदुन. आव ऊरी टु बरोन. अदकि आव सकिनदर अदकि रूफुस उन आप्प ईरोन. सपिाहीगोळ आऊन मा जबरदस्ती दबाव हाकदुर क्क आव यीशु उन क्रूस नेगुकु नळदान. 22 आंदुर यीशु उक गुलगुता हेसुर इन जागा मा तंदुर, यदुर मतलब खोपळी इन जागा हुन. 23 अल यीशु उक केय मसाला मीसळुसुद अंगुर इन राससा कोळली कुरतुर, लेकीन आव ताकोडीदील. 24 आग आंदुर आऊक क्रूस मा येरसदुर अदकि आऊन कपळा मा चट्ठी गोळ हाक्कु, क्क यारीक येन सक्कीत, अवरी वाट्स बुटुर. 25 याग आंदुर आऊक क्रूस मा येरसदुर रा व्हातरी नव ऊम्बत मुरददिव. 26 अदकि आऊन दोषपत्र लखिसकु क्रूस मा आऊंद ताल्ला अन्द म्याकुच चपिकुस बुटुर “यहूदीगोळ राजा.” 27 आंदुर आऊन सांगुळ येढ्ढ डाकूगोळी भी क्रूस मा येरसदुर, ऊंद डाकू उक ऊमा कय दी अदकि दुसरा डाकू उक डाक्या कय दी क्रूस मा येरसदुर. 28 आग पवत्रिशास्त्र अन्द अद वचन क्क आऊक अपराधीगोळ सांगुळ आळुकु आदीत, पुरा आत.*

29 अदकि हादी मा टु होगावाळेर ताल्ला हालु-हालुसकु अदकि ईद अन-अनकु आऊंद अपमान माळतोगोर, “वाह. मंदरि इक केळावाळा, अदकि मुर दनि दा माळावाळा! 30 तान तान इक ऊळ्स अदकि क्रूस मा टु ईळुकु बा.”

31 ईदा रीतदिल प्रधान याजक भी, शास्त्रीगोळ सांगुळ, आपस दा आऊंद मज्याक हारसकु अनतोगोर, “ईव रा दुसरा अक ऊळस्यान,” लेकीन तान तान इक ऊळ्स सकालुन.

32 इस्त्राएल इन राजा, मसीह, ईग क्रूस मा टु ईळ्दकु बर क्क नाव नोळकु वशिवास माळेव. अदकि जो आऊन सांगुळ क्रूस मा येरसकु आगीदुर, आंदुर भी आऊन नीम्दा माळतोगोर.

यीशु उन जीव त्यागसोद

(मत्ती २७:४५-५६; लूका २३:४४-४९; यूहन्ना १९:२८-३०)

33 याग दुसरा पहर आत रा पुरा द्याश दा अंधार आगेत अदकि मुर मुरास ताका हांग अच ईतत. 34 अदकि मुर मुरा दी यीशु हापाळ धोळ्द शब्द दा चलिळासकु अंदुन, “इलोई, इलोई, लमा शबक्तनी?” यदुरद मतलब हुन, “हे नान परमेश्वर, हे नान परमेश्वर, नी नानी येती बटिबुट?”

35 आग जो आऊन हातती ईरोर आंदुर दा टु आरधा लॉकुर ईद केळकु अनली कुरतुर, “नोळी, आव एलयियाह अक कारेत्यान.” 36 अदकि ऊंद मंळसा ओळकु स्पंज इक सरिके दा नेनाकदुन, अदकि सरकण्डे मा ईटकु आऊक नेक्सदुन अदकि अंदुन, “थाम्सेगी, नोळाता एलयियाह आऊक ईळसोर साठी बरतान का ईला.”

37 आग यीशु धोळ्द शब्द दा चलिळासकु जीव बटि बुटुन.

38 अदकि मंदरि इन परदा म्याकुच टु ल्यालमा ताका हरूकु येढ्ढ तुकळा आगेत. 39 जो सुबेदार आऊन मुंद नीदुरकु ईरोन, याग आऊक हगि चलिळासकु जीव बीळतेला नोळदुन, रा आव अंदुन, “खरा ई आद ईव मंळसा, परमेश्वर उन पार ईरोन!”

40 हापाळ आरतेर भी दुर टु नोळतोगोर: आंदुरदा मरयिम मगदलीनी, स्याणेव याकूब अदकि योसेस उन मोय मरयिम, अदकि सलोमी ईरोर. 41 याग आव गलील दा ईरोन रा इंदुर आऊंद हदि आगेगोर; अदकि आऊंद स्यावा टहल माळतोगोर; अदकि दुसरा हापाळ आरतेर भी ईरोर, जो आऊन सांगुळ यरूशलेम दा बंदीदुर.

यीशु उक नळसोद

(मत्ती २७:५७-६१; लूका २३:५०-५६; यूहन्ना १९:३८-४२)

* 15:21 १५:२१ रोमियो १६:१३ * 15:28 १५:२८ ईद वचन हाळोद शास्त्र दा लखिसकु हेल्लेच * 15:29 १५:२९ मरकुस १४:५८; यूहन्ना २:१९ * 15:40 १५:४० लूका ८:२,३

42 याग द्याव मुळकेत रा इदुरसाटी का तयार इन दनि ईरोद, जो आराम इन ऊंद दनि पयले ईरतद, 43 अरमितया नव ईरावाळा यूसुफ बंदुन, जो महासभा दव सदस्य ईरोन अदकि तावा परमेश्वर उन राज्य अन्द हादी कायोन. आव हमिमत माळकु पलातुस उन हात्ती होगकु यीशु उन लाश बेळदुन. 44 पलातुस उक आश्चर्य आत का आऊंद जीव ईट जल्दी होटोत; अदकि आव सुबेदार उक कारूकु केळदुन, “येन आव सोतोग्यान?” 45 याग आव सुबेदार उन बाय देल हाल केळदुन, रा लाश यूसुफ उक बेळ कोट्टुन. 46 आग आव मलमल इन ऊंद चादर कौडुन, अदकि लाश इक ईळसकु आ चादर दा गुंळसदुन, अदकि ऊंद कब्र दा जो चट्टान दा अगुळकु आगीत ईटदुन, अदकि कब्र अन्द दरवाजा मा ऊंद कल्ल ढकलुसदुन. 47 मरयिम मगदलीनी अदकि योसेस उन मोय मरयिम नोळतोगोर का आऊक येल ईटकु आग्याद.

16

यीशु उन पुनरूत्थान

(मत्ती २८:१-८; लूका २४:१-१२; यूहन्ना २०:१-१०)

1 याग आराम इन दनि बतिसेत, रा मरयिम मगदलीनी, अदकि याकूब उन मोय मरयिम, अदकि सलोमी सुगन्धति अत्तर कौडुर अदकि बंदकु यीशु उन लाश मा हच्चेव. 2 यहूदीगोळ्द अनुसार हप्ता अन्द पयला दनि आयत्तयार इन व्हातर्या अन्द आर मुरा याग सुर्य होळत, आंदुर कब्र मा बंदुर, 3 अदकि आपस दा अनतोगोर, “नाम साटी कब्र अन्द दरवाजा मा टु कलल याव ढकलुसयान?” 4 कल्ल हापाळ धोळ्द ईरोद. याग आंदुर कण्ण नेगुकु नोळदुर रा कलल कब्र टु हटुसकु ईरोद. 5 आ आरतेर याग कब्र अन्द बुळ्क होदुर रा आंदुर ऊंद स्वरगदूत उक हारोदव मंळसा अन घाई बळिव कपळा मा ऊमा कय दी कुर्तकु नोळदुर, अदकि हापाळ अंजेदुर.

6 स्वरगदूत आंदुर से अंदुर, “अंजबाळी, नीव नासरत इन यीशु उक ढुंढसेतीर, याऊक कूस मा येर्सकु आगीत. आव जत्तिता आग्यान, ईल हैलेच; नोळी, ईदा अद जागा हुन, यल आंदुर आऊक ईटीदुर. 7 *लेकीन नीव होगी, अदकि आऊन चेलागोळ अदकि पतरस से अनी का आव नीम से पयले गलील इक होदान. ह्यांग आव नीम से अंददिन, नीव अल्या आऊक नोळीर.” 8 अदकि आ आरतेर होटकु कब्र टु वोळेदुर; यतकी थरथराहट अदकि घबराहट आंदुर मय दा तुम्मेगीत; अदकि आंदुर यारदारा से येनु अंददिल, यतकी आंदुर हापाळ अंजकु ईरोर.

मरयिम मगदलीनी इक यीशु उन कांळसोद

(मत्ती २८:९-१०; यूहन्ना २०:११-१८)

9 आयत्तयार इक व्हातुर आगतेला अच यीशु जत्तिता आगकु पयले मरयिम मगदलीनी इक कांळसदुन. आकनि दा टु आव येळ दुष्टआत्मागोळ तेगदीदुन. 10 आक होगकु यीशु उन संगीगोळी जो शोक दा मुळ्ककु ईरोर अदकि वोरलोर, ईद समाचार कोट्टुर. 11 आंदुर ईद केळदुर का यीशु जत्तिता आन अदकि मरयिम मगदलीनी आऊक नोळ्यार, रा आंदुर आकनि मातगोळ मा वश्वास माळीदिल.

येढ्ढ चेलागोळी यीशु उन कांळसोद

(लूका २४:१३-३५)

12 ईदुर बाददा दा यीशु दुसरा रूप दा आंदुर दा टु येढ्ढ चेलागोळी याग आंदुर ऊर इन दी होगोर, कांळसदुन. 13 आंदुर भी होगकु दुसरा चेलागोळी ईद समाचार कोट्टुर, लेकीन आंदुर फरि भी आंदुर मातगोळ मा वश्वास माळीदिल.

हन्हुंद चेलागोळी यीशु उन कांळसोद

(मत्ती २८:१६-२०; लूका २४:३६-४९; यूहन्ना २०:१९-२३; प्रेरतिगोळ १:६-८)

14 यीशु आ हनुन चेलागोळी भी कांळसदुन, याग आंदुर ऊमली कुरतीदुर, कांळसदुन, अदकि आंदुर अवश्वास अदकि मन इन कठोरता मा आंदरी दनकुसदुन, यतकी यार आऊंद जत्तिता आगदुर बाददा आऊक नोळीदुर, आंदुर आऊंद वश्वास माळीदिल. 15 *अदकि यीशु चेलागोळ से अंदुन, “नीव पुरा दुनया दा होगकु पुरा दुनया अन लॉकुरी खुशखबरी प्रचार माळी. 16 जो वश्वास माळ्यार अदकि बपतसिमा ताकोडार आऊंदा उद्धार आदीत, लेकीन जो वश्वास माळतीदिल आऊंद न्याय आदीत अदकि आऊक दोषी ठहूरसकु आदीत; 17 वश्वास

माळावाळेर दा ईव चनिह ईत्ताव कि आंदुर नान हेसुर देल दुष्टआत्मागोळी तेगदार, अदकि व्हासा व्हासा भाषा माताळ्यार, ¹⁸ अदकि आंदुर हाव इक नेगु कोंडार, अदकि अगर आंदुर जयर भी कुडु कोंडार रा आंदरी येनु नुकस्यान आगतीदील; आंदुर बमिारगोळ मा कय मंळस्यार, अदकि बमिार चंगा आगेदार.”

यीशु उक स्वर्ग दा नेगुकु आगोद

(लूका २४:५०-५३; प्रेरतिगोळ १:९-११)

¹⁹ *प्रभु यीशु आंदुर से माताळदुर बाददा दा स्वर्ग मा नेगुकु आदुन, अदकि परमेश्वर उन ऊम्मा कय दी कुरतुन. ²⁰ अदकि आंदुर होटकु हर जागा मा प्रचार माळदुर, अदकि प्रभु आंदुर सांगुळ क्याल्सा माळतेला ईत्तुन, अदकि आ चनिह अन्द द्वारा जो सांगुळ सांगुळ आगतोगोव, वचन इक मजबूत माळतेला ईरोन. आमीन.*

☆ 16:19 १६:१९ प्रेरतिगोळ १:९-११ * 16:20 १६:२० इव आयतगोळ हस्त लखित हाळोद शास्त्र दा सक्कीदील

लूका रचति यीशु मसीह का सुसमाचार लूका अन्द लखिसद यीशु मसीह अन बारा दा खुशखबरी परचिय

लूका अन्द लखिसद खुशखबरी व्हाशोद नयिम दाकळोद आ नाक कतिब दा टु ऊंद कतिब हुन, यदुरदा यीशु उन जीवन इन वर्णन आद. हर ऊंद कतिब इक “खुशखबरी” अनतार. यीशु उन सोत्तुर बाददा मत्ती, मरकुस, लूका अदकि यूहन्ना ईद कतिब लखिस्यार. लूका सरिफ यीशु उन जीवन इन कहानी इच लखिसदिलि बल्की, आऊन सोत्तुर बाददा आऊन चेलागोळ्द क्याल्सागोळ बारा दा भी लखिस्यान, “प्रेरतिगोळ्द क्याल्सा हेसुर इन कतिब दा इंदुर बारा दा वाचुसली सकितद. लूका अन्द खुशखबरी येल अदकि याग लखिसकु आग्याद इदुर बारा दा नश्चिति जानकारी हैलेच लेकीन यक्कुल अभ्यास माळावाळेर ईद मानसतार किलूका कृत खुशखबरी यीशु उन जनम इन लगभग ७० साल इन बाददा लखिसकु आगीदाद.”

ई कतिब इन लेखक खुद लूका हुन जो ऊंद वैद्य ईरोन. आऊन लखिसोद शैली अदकि भाषा देल ईद पता नळुतद किलूका ऊंद सुशिक्षित मंळसा ईरोन. लूका चाहासोन कियीशु उन जीवन इन खरा-खरा वर्णन लखिसकु आगुल, अदकि घटनागोळ ह्यांग आग्याव बराबर हांग अच लखिसकु आगुल ताकी आंदुर बारा दा वाचुसकु फायदा आगुल. १:१-३ लूका यहूदी ईला ईरोन कुलुससगोळ ४:१०-१४ आव हगि प्रकार देल लखिसदुन कियहूदी भी आऊन लखिसद आसानी देल समस सकुल यात्ता प्रकार देल यहूदी रीति-रिवाजगोळ्द वर्णन माळकु आग्याद अदुर देल ईद स्पष्ट आगतद. १:८

हापाळ मात्रा दा लूका कृत खुशखबरी मत्ती अदकि मरकुस इन कतिबगोळ्द घाई आद. मूरू कतिबगोळ दा अवा घटनागोळ्द वर्णन ऊंद अच घाई माळकु आग्याद. लेकीन लूका अन्द कतिब दा बपतस्मा कोळावाळा यूहन्ना अन्द जनम इन बारा दा सब से यक्कुल जानकारी सकितद. लूका दा “माफ इन बारा दा सब से यक्कुल लखिसकु आद” ३:३,११:४,१७:३-४,२३:३४, २४:४७

परार्थना अन्द बारा दा भी सब से यक्कुल लखिसकु आद. ३:२१, ५:१६, ६:१२,११:१-१२, २२:३२

रूप रेखा:

१. लूका रचति खुशखबरी इन भुमका अदकि लखिसोद कारण हेळतान. १:१-४
२. अदुर बाददा, यीशु उन जनम अदकि आऊन सेवकाई इन तयारी इन बारा दा लखिसकु आद. १:५-४:१३
३. यूहन्ना बपतस्मा कोळावाळा अन्द जनस्यावा ३:१-२०
४. यीशु उन बपतस्मा अदकि परीक्षा ३:२१-४:१३
५. गलील दा यीशु उन जनस्यावा ४:१४-९:५०
६. गलील टु यरूशलेम ताका यात्रा ९:५१-१९:२७
७. यरूशलेम दा आखरी हप्ता १९:२८-२३:५६
८. प्रभु उन पुनरूत्थान, काळसोद, अदकि स्वरगारोहण २४:१-५३

परचिय

1 श्रीमान थयिफलिस, हापाळ सा लॉकुर आ मातगोळी जो नाम नयाड्या दा घळुस्याव, इतहास लखिसोर साटी कय हच्यार, 2 ह्यांग किये आंदुर जो पयले टु ना ई मातगोळव नोळावाळेर अदकि खुशखबरी इन प्रचार माळावाळेर सेवक ईरोर, नाम ताका पोहचुसदुर. 3 इदुरसाटी, थयिफलिस नानी भी ईद उचिति मालूम आत किये आ सप्पा मातगोळ्द पुरा हाल सूरू टु वळ्लीसा-वळ्लीसा जाँच माळकु, आंदरी नीन साटी क्रम इन अनुसार लखिसाईन. 4 ना ईद इदुरसाटी लखिसदीन ताकी नीमी पुरा हकगित यकीन मालूम आगेगुल.

यूहन्ना बपतस्मा कोळावाळा अन्द जनम इन भवषियवाणी

5 यहूदीगोळव राजा हेरोदेस उन समय अबयियाह अन्द दल दा जकरयाह हेसुर ईनव ऊंद याजक ईरोन, अदकि आऊन हगिस हारून इन वंश इनोर ईरोर आकनि हेसुर इलीशबा ईरोद. 6 आंदुर येदुदु मुंदुर परमेश्वर उन नजर दा

न्यायी* ईरोर, अदकि प्रभु उन सप्पा आग्यागोळ मा अदकि सप्पा वधीगोळ मा नरिदोष नळावाळेर ईरोर. 7 आंदुरद यातोदु औलाद ईला ईरोद, यतकी इलीशबा वांझला ईरोर, अदकि आंदुर येद्दु मुंदुर बाट्ट हाळामुंड ईरोर.

8 याग जकरयाह तान दल इन पारी मा परमेश्वर उन मुंद याजक उन क्याल्सा माळोन, 9 रा याजकगोळ्द रीतर्त इन अनुसार आऊन हेसुर मा चट्टी होळ्त्त की प्रभु उन मंदरि दा होगकु धूप होताकुल. 10 धूप होताका समय लॉकुरद सप्पा मंडली व्हार्या प्रार्थना माळोद.

11 आ समय प्रभु उन ऊंद स्वर्गदूत धूप इन वेदी इन ऊम्मा कय दी नीदुरकु आऊन मुंद प्रगट आदुन. 12 जकरयाह आऊक नोळकु घबरूस्दुन अदकि आऊन मा धोळ्द अंज्क तुम्मेत. 13 लेकीन स्वर्गदूत आऊन से अंदुन, “हे जकरयाह, अंजबाळ, यतकी नीन प्रार्थना केळकु आगोर्ग्याद; अदकि नीन हगिस् इलीशबा देल नीन साटी ऊंद पार पैदा आदान, अदकि नी आऊन हेसुर यूहन्ना ईटेत. 14 आऊन जनम इन कारण नीनी खुशी अदकि हर्ष आदीत: अदकि हापाळ लॉकुर आऊन जनम इन कारण खुश आदार, 15 यतकी आव प्रभु उन नजर दा महान आदान; अदकि अंगुर इन रास्सा अदकि सारा यागलु कुडुतीदील; अदकि तान मोय इन व्हाट्टा दा टु अच पवत्तिर आत्मा देल परपुर्ण आगोदान; 16 अदकि इस्त्राएलगोळ दा टु हापाळ लॉकुरी आंदुर प्रभु परमेश्वर उन दी वापस तंदान. 17 आव एल्यियाह अन्द घाई आत्मा अदकि सामर्थ्य दा आगकु आऊन मुंद मुंद नळदान की आप्प दादागोळ्द मन चकिोर-चनिगेर दी हतकु ईरूल; अदकि आग्या ईला मानसावाळेर इक न्यायीगोळ्द घाई आंदुर समझ दा तरूल; अदकि प्रभु उन साटी ऊंद योग्य प्रजा तयार माळुल.”

18 जकरयाह स्वर्गदूत से केळदुन, “ना ईद ह्यांग जानसाईन? यतकी ना रा हाळाबाट आईन; अदकि नान हगिस् भी हाळामुंड आगोर्ग्यार.”

19 स्वर्गदूत आऊक उत्तर कोट्टुन, “ना जबिराईल हुईन, जो परमेश्वर उन मुंद नदिरकु ईरतीन; अदकि नानी नीन से मातगोळी हेळली अदकि नीनी ईद खुशखबरी केळसली नानी कळकु आग्याद. 20 नोळ, या दनि ताका ई मातगोळ पुरा आगालव, आ दनि ताका नी मौन अवस्था दा ईत्या अदकि माताळ सकतीदलि, यतकी नी नान मातगोळ्द जो तान समय मा पुरा आदव, ई नान वचनगोळ मा नी वश्वास माळीदलि.”

21 लॉकुर जकरयाह अन्द हादी कायतेला ईत्तुर अदकि आश्चर्य माळली कुरतुर की आऊक मंदरि दा ईद समय येती हत. 22 याग आव व्हार्या बंदुन, रा आंदुर से माताळ सकदील: अत: आंदुर अरत कोडुर की आव मंदरि दा यातोद तरी दर्शन नोळ्यान; अदकि आव अदुर बारा दा आंदुर से संकेत माळतेला ईत्तुन, अदकि मुक्का आगकु ईतोदुन.

23 याग आऊन मंदरि इन स्यावा अन्द दनि पुरा आदव, रा आव तान मान्नी होटोदुन. 24 ई दनिगोळ्द बाद्दा आऊन हगिस् इलीशबा व्हाट्ट्या दी ईत्तुर; अदकि आक ईद अनकु तान तान इक अईद तगिळ ताका होचकु ईटदुर, 25 अदकि इलीशबा खुद अच अनतोगोर, की “ई दनिगोळ दा प्रभु नान मा कृपा नजर माळकु, मंळसागोळी नान अपमान इक दुर माळोर साटी इच प्रभु नान साटी हगि माळदुन.”

यीशु उन जनम इन घोषणा

26 इलीशबा अन्द गर्भ-अवस्था अन्द आर तगिळ दा परमेश्वर उन दी टु जबिराईल स्वर्गदूत, गलील इन नासरत नगर दा, 27 *ऊंद कुवारा पोर इन हात्ती कळकु आदुन यार्द सगाई यूसुफ हेसुर इन दाऊद उन घराना अन्द ऊंद मंळसा से आगीत: आ कुवारा पोर इन हेसुर मरयिम ईरोद. 28 स्वर्गदूत आकनि हात्ती बुळ्क बंदकु अंदुन, “नी धन्य आय, नीन मा परमेश्वर उन अनुग्रह आग्याद! प्रभु नीन सांगुळ आन!”

29 मरयिम आ स्वर्गदूत उन वचन देल हापाळ घबरूसेदुर, अदकि मन दा सोचली कुरतुर की ईद याता प्रकार इन अभवादन हुन? 30 स्वर्गदूत आकनि से अंदुन, “हे मरयिम, अंजबाळ, यतकी परमेश्वर उन अनुग्रह नीन मा आग्याद. 31 *नोळ, नी व्हाट्ट्या दी ईत्या, अदकि नीनी ऊंद पार पैदा आदान; नी आऊन हेसुर यीशु ईटेत. 32 आव महान ईत्तान अदकि परमेश्वर उन पार जो सब से धोड्डेव आन अंदकु आदान; अदकि प्रभु परमेश्वर आऊन आप्प दाऊद उन सहिसन आऊक कोट्टान, 33 अदकि आव याकूब ऊंद घराना मा हमेशा राज माळ्यान; अदकि आऊन राज्य अन्द अन्त यागलु आगतीदील.”

34 मरयिम स्वर्गदूत से अंदुर, “ईद ह्यांग आदीत. ना रा यातोवारा भी मंळसा अन्द संपर्क दा हैलेच.”

* 1:6 न्यायी-न्याय इन क्याल्सा माळावाळा * 1:27 १:२७ मत्ती १:२८ * 1:31 १:३१ मत्ती १:२१

35 स्वर्गदूत आक इक उत्तर कोट्टुन, “पवतिर आत्मा दी टु नी व्हाट्या दी ईत्या, अदकि परमेश्वर उन सामर्थ्य नीन मा सावली माळीत; इदुरसाटी आ पवतिर जो पैदा आगावाळा आन, परमेश्वर उन पार अंदकु आदान. 36 अदकि नोळ, नीन कुटुम्ब इनोर इलीशबा अक भी बुळपन दा पार आगावाळा आन, ईद आकनि, यारी लॉकुर वांझला अनतोगोर आरवा तगिळ हुन. 37 यतकी परमेश्वर उन साटी येनु असम्भव हैलेच.”

38 मरयिम अंदुर, “नोळ, ना प्रभु उन दासी हुईन, नानी नीन वचन इन अनुसार अच आगुल.” आग स्वर्गदूत आकनि हात्ती टु होटोदुन.

जकरयाह अदकि इलीशबा अन्द हात्ती मरयिम इन होगोद

39 आ दनिगोळ दा मरयिम यदकु तुरन्त अच पहाळी द्याश दा यहूदा अन्द ऊंद नगर इक होदुर, 40 अदकि आव जकरयाह अन्द मान्या होगकु मरयिम इलीशबा अक नमस्कार माळदुर. 41 आग हगि आत कर्हियांग इलीशबा मरयिम इन नमस्कार केळदुर, हांग अच चगिद आकनि व्हाट्या दा हारदुन, अदकि इलीशबा पवतिर आत्मा देल परपुर्ण आगेदुर. 42 अदकि इलीशबा धोळ्द शब्द दा कारूकु अंदुर, “नी आर्तेर दा धन्य आय, अदकि नीन व्हाट्या अन्द चगिद भी धन्य आद! 43 ईद अनुग्रह नानी यल टु आत कर्नान प्रभु उन मोय नान हात्ती बंदुर? 44 ह्यांग नीन नमस्कार इन शब्द नान कवि मा बतित, हांग अच चगिद नान व्हाट्या दा खुशी देल हारली हत. 45 धन्य आर आक यार वश्वास माळदुर कर् जो मातगोळ प्रभु उन दी टु आकनि से अंदकु आग्याव, अव पुरा आदव!”

मरयिम इन स्तुति हाळ

46 आग मरयिम अंदुर,

“नान जीवन प्रभु उन बळाई माळतद

47 अदकि नान आत्मा नान उद्धार माळावाळा परमेश्वर देल खुश आद,

48 यतकी आव तान दासी मा नजर ईट्यान;

इदुरसाटी नोळी, ईगी टु सप्पा युग-युग इन पीढी नानी धन्य अंदीत,

49 यतकी आ शक्तमान प्रभु नान साटी धोळ्द-धोळ्द क्याल्सा माळ्यान.

आऊन हेसुर पवतिर आद,

50 अदकि आऊन दया आंदुर मा, जो आऊन से अंजतार,

पीढी टु पीढी ताका बन्सकु ईरतद.

51 आव तान भुजा अन्द ताकत तोरसदुन,

अदकि जो तान मन दा घमण्ड माळतोगोर, आंदरी ततिर-बतिर माळदुन.

52 आव बलवानगोळी आंदुरद राज सहिसनगोळ मा टु केळ्द बुट्टुन;

अदकि नम्र लॉकुरी म्याकुच नेगदुन.

53 आव हस्तकु लॉकुरी वळ्दीद वस्तुगोळ देल संतुष्ट माळदुन,

अदकि धनवानगोळी खाली कय तेगद बुट्टुन.

54 आव तान सेवक इस्त्राएल उक सम्भाल्स कोडुन

कर्तान आ दया अक याद माळुल,

55 जो अब्राहम अदकि आऊन वंश मा हमेशा ईत्तीत,

ह्यांग आव नाम आप्प-दादागोळ से अंददिन.”

56 मरयिम इलीशबा अन्द सांगुळ लगभग मुर तगिळ ईतकु तान मान्नी वापस बंदुर.

यूहन्ना बपतस्मा कोळावाळा अन्द जनम

57 आग इलीशबा अन्द चगिद हाळोद समय पुरा आत, अदकि आक पार उक जनम कोट्टुर. 58 आकनि मान्ना अन्द हात्तीवाळे अदकि कुटुम्बीगोळ ईद केळकु कर् प्रभु आकनि मा हापाळ दया माळ्यान, आकनि सांगुळ खुशी मनुसदुर,

59 अदकि हगि आत कर् आठवा दशी आंदुर आ चगिद ऊंद खतना माळली बंदुर अदकि आऊन हेसुर आऊन आप्प उन हेसुर मा जकरयाह ईटावाळे ईरोर. 60 इदुर मा आऊन मोय उत्तर कोट्टुर, “ईद ईला; उलटा आऊन हेसुर यूहन्ना ईटकु आगुल.”

61 आंदुर आकनि से अंदुर, “नीन कुटुम्ब दा यारदु हेसुर ईद हैलेच!” 62 आग आंदुर आऊन आप्प उक इशारा माळकु केळदुर कनि आऊन हेसुर येन ईटोद चाहासत्या?

63 आव लखिसोद पट्टी कारस्कु लखिस बुट्टुन, “आऊन हेसुर यूहन्ना आद,” अदकि सप्पा लॉकुरी आश्चर्य आत. 64 आग आ चगिद उन बाय अदकि ल्यालग्या तुरन्त खुलसेत; अदकि आव माताळली अदकि परमेश्वर उन धन्यवाद माळली कुरतुन. 65 आऊन आसपास इनोर सप्पा ईरावाळेर मा अंज्क तुम्मेत; अदकि आ सप्पा मातगोळ्द चर्चा पुरा यहूदी इन पहाळी प्रदेश दा फैलुसेत, 66 अदकि सप्पा केळावाळेर तान-तान मन दा वचारि माळकु अंदुर, “ई पार ह्यांग ईतीदान?” यतकी प्रभु उन कय आऊन मा ईरोद.

जकरयाह अन्द भवषियवाणी

67 आऊन आप्प जकरयाह पवतिर आत्मा देल परपिण आगेदुन, अदकि आव परमेश्वर उन बातणी कोळली कुरतुन:

68 “प्रभु इस्त्राएल ईनव परमेश्वर धन्य ईरूल,
यतकी आव तान लॉकुर मा नजर ईटदुन अदकि आंदुरद छुटकारा माळदुन,

69 अदकि तान सेवक दाऊद उन घराना दा
नाम साटी ऊंद सामर्थ्यकारी उध्दारक कोटान.

70 आव तान पवतिर भवषियवक्तागोळ्द द्वारा जो दुनिया अन्द सुरूवात टु आगतेला बंदार, अंददिन.

71 मतलब नाम दुश्मनगोळ से अदकि नाम से नफरत ईटावाळेर्द कय देल
नाम उध्दार माळदुन,

72 आव तान आप्प-दादागोळ से अंददिन कनि आव दया माळ्यान कनि
तान पवतिर वाचा अन्द याद माळुल,

73 अद करिया आव नामव आप्प अब्राहम से तदिदुन,

74 आव नामी ईद कोट्टान कनि नाव तान
दुश्मनगोळ्द कय दा टु बटिकु,

75 आऊन मुंद पवतिरता अदकि न्यायीपन देल पुरा
जीवन तीम नडिर ईतकु आऊन स्यावा माळतेला ईत्तेव.

76 अदकि नी हे पारा, परमेश्वर उन भवषियवक्ता कहलुस्या,
यतकी नी प्रभु उन हादी तयार माळोर साटी

आऊन मुंद-मुंद नळद्या,

77 कनि आऊन लॉकुरी उध्दार इन ग्यान कोट्टान,
जो आंदुरद पापगोळी माफ माळीत.

78 ईद नाम परमेश्वर उन अदा धोळ्द करूणा देल आग्याद;
यदुर कारण म्याकुच टु नाम मा व्हातुर इन उजुळ उदय आदीत,

79 कनि अंधकार अदकि मृत्यु ऊंद सावली दा कुरावाळेर इक प्रकाश कोळुल,
अदकि नाम कालगोळी शांती इन हादी मा सरका नळसुल.”

80 अदकि आ चगिद धोळ्द अदकि आत्मा दा बलवन्त आगतेला ईत्तुन, अदकि इस्त्राएल मा प्रगट आगेद
दनि ताका आळीगोळ दा ईत्तुन.

2

यीशु उन जनम

(मत्ती १:१८-२५)

1 आ दनिगोळ दा रोम इन राजा औगुस्तुस उन दी टु आग्या होळत कनि पुरा रोमन साम्राज्य अन्द लॉकुरद हेसुर नोंदणी माळकु आगुल. 2 ईद पयला जनगणना आ समय आत, याग सरकारी अधिकारी क्वरिनियुस हेसुर इन मंळसा सीरिया हेसुर इन नगर इन शासक ईरोन, 3 सप्पा लॉकुर हेसुर लखिसुसोर साटी तान तान नगर इक होटोदुर.

4 इदुरसाटी यूसुफ भी दाऊद उन घराना नव ईरोन, इदुरसाटी गलील इन नासरत नगर टु यहूदिया दा दाऊद उन नगर बैतलहम इक होदुन, 5 कति तान हगिस मरयिम इन सांगुळ जो व्हाट्या दी ईरोर हेसुर लखिसुसुल. 6 आंदुरद अल ईरा समय दा मरयिम इन चगिद हाळोद दनि पुरा आदव, 7 अदकि मरयिम तान पयला चगिद उक हाळदुर अदकि आ चगिद उक कपळा दा लपटुसकु चरनी दा ईटदुर; यतकी आंदुर साटी सरई दा जागा ईला ईरोद.

स्वर्गदूतगोळ द्वारा चरवाहगोळी बातणी

8 अदकि आ प्रदेश दा यास चरवाहगोळ ईरोर, जो ईळलक इक मैदान दा ईतकु तान तान झुण्ड इन पहरा कोळतोगोर. 9 अदकि प्रभु उन ऊंद स्वर्गदूत आंदुर हात्ती बंदकु नीदरेदुन, अदकि प्रभु उन तेज आंदुरद नाकु दी चमकुस्त, अदकि आंदुर हापाळ अंजेदुर. 10 आग स्वर्गदूत आंदुर से अंदुन, “अंजबाळी; यतकी, ना नीमी हापाळ खुशी इन खुशखबरी केळसतीन जो सप्पा लॉकुर साटी ईत्तीत, 11 कति ईंद दाऊद उन नगर दा नीम साटी ऊंद उद्धारकर्ता पैदा आग्यान, अदकि ईवा मसीह प्रभु हुन. 12 अदकि इदुरद नीम साटी ईद चनिह आद कति नीव ऊंद पार उक कपळा दा लपटुसकु अदकि चरनी दा बदिकु नोळीर.”

13 आग अचानक आ स्वर्गदूत उन सांगुळ स्वर्गदूतगोळद दल परमेश्वर उन स्तुति माळतेला अदकि ईद अनतेला काळसदव,

14 “आकाश दा परमेश्वर उन महिमा

अदकि पृथ्वी मा आ मंळसागोळ देल यार से आव प्रसन्न आन, शांती आगुल.”

15 याग स्वर्गदूत आंदुर हात्ती टु स्वर्ग दी होटोदुर, रा चरवाहगोळ आपस दा अंदुर, “बरी, नाव बैतलहम होगकु ई मात जो आग्याव, अदकि यारी प्रभु नाम मा प्रगट माळ्यान, नोळती.”

16 अदकि आंदुर तुरन्त होगकु मरयिम अदकि यूसुफ उन हात्ती होदुर, अदकि आ चगिद उक चरनी दा बदिकु नोळदुर. 17 ईद नोळकु चरवाहागोळ आ मात इक प्रगट माळ बुदुर, जो ई चगिद उन बारा दा आंदुर से अंदकु आगीत, 18 अदकि सप्पा लॉकुर आ मातगोळी केळकु जो चरवाहगोळ आंदुर से अंदुर आश्चर्य माळदुर. 19 लेकीन मरयिम ई सप्पा मातगोळी तान दलि दा ईटकु मन दा वचिर माळतेला ईत्तुर. 20 चरवाहगोळ ह्यांग स्वर्गदूतगोळ हेळीदुर सब येनारा हांग अच केळकु अदकि नोळकु परमेश्वर उन महिमा अदकि स्तुति माळतेला होटोदुर.

यीशु उन हेसुर ईटटोद

21 ह्यांग येठ्ट दनि पुरा आदव अदकि आऊन खतना अन्द समय बत्त, रा आऊन हेसुर यीशु ईटकु आत जो स्वर्गदूत आऊन मोय इन गर्भ दा बरोद से पयला अंददिन.

मंदिर दा यीशु उन अर्पण

22 याग आंदुर यीशु उक अंदुर, मूसा इजाजत कोटान कति ऊंद मंळसा छोळ चटिठी लखिसकु तान हगिस उक तलाक कोळ सकतान. व्यवस्था अन्द अनुसार यूसुफ अदकि मरयिम इन तान खुद इन शुद्ध आगव दनि पुरा आदव, रा आंदुर यीशु उक यरूशलेम दा ओतुर कति प्रभु उन मुंद अर्पण माळुल, 23 ह्यांग कति प्रभु उन व्यवस्था अन्द कतिाब दा लखिसकु आद: “हर ऊंद पयला पार परमेश्वर उन साटी पवतिर ठहरूस्यान.” 24 अदकि प्रभु उन व्यवस्था अन्द वचन इन अनुसार आंदुर: “फंडकी इन ऊंद ज्वाळा, या कबूतर इन येढ्ढ पाड्डगोळ” तंदकु बली येरसुल.

25 यरूशलेम दा शमौन हेसुर ईनव ऊंद मंळसा ईरोन, अदकि आ मंळसा न्यायी अदकि भक्त ईरोन; अदकि इस्त्राएल इन लॉकुरी ऊळसावाळा अन्द हादी कायोन, अदकि पवतिर आत्मा आऊन मा ईरोद. 26 अदकि पवतिर आत्मा अन्द द्वारा आऊन बारा दा वादा माळकु आगीत कति यागासताका नी प्रभु उन प्रगट मसीह अक नोळ कोमाल, आगासताका नी सायतीदील. 27 शमिओन पवतिर आत्मा अन्द प्रेरणा देल मंदिर दा बंदुन; अदकि याग मोय अदकि आप्प व्यवस्था अन्द वधी इक पुरा माळोर साटी चगिद यीशु उक मंदिर दा तंदुर, 28 आग आव यीशु उक क्वारा दा हुळदुन अदकि परमेश्वर उक धन्यवाद माळकु अंदुन:

29 “हे प्रभु, ईग तान दास उक नी जो वादा माळीद अदुर अनुसार

शांती देल सायगोळ,

30 यतकी नान कण्णगोळ नीन उद्धार इक नोळ कोंडाद,

31 यदरी नी सप्पा प्रदेश इन लॉकुरद मुंद तयार माळ्या,

32 क्वाव अनय गैरयहूदीगोळी सच्चाई प्रगट माळावाळा प्रकाश कोळोर साटी ज्योती,
अदकि नीन नजी जात इस्त्राएल इन साटी महमा आगुल.”

33 आऊन आप्प अदकि मोय आ मातगोळ देल जो शमिओन अनतोगोन, आश्चर्य माळतोगोर. 34 आग शमौन आंदरी आशीष कोटकु यीशु उन मोय मरयिम से अंदुन, “नोळ, ई पार उक इस्त्राएल दा हापाळ मुंदुरद बळोद, अदकि येळोद साटी, अदकि ऊंद हगि चमत्कार आगोर साटी ठहूसकु आग्याद, यार्द वरिध दा मातगोळ हेळकु आदाव. 35 इदुर देल हापाळ लॉकुर मन दा वचार प्रगट आदव उलटा नीन दलि भी दुखगोळ देल तुमकु आदीत.”

36 आशेर इन गोत्र दा टु हननाह हेसुर इन फनूएल उन पोर ऊंद भवषियवक्तागति ईरोर. आक हापाळ हाळामुंड ईरोर, अदकि मदा आगदुर बाददा येळ वर्ष तान गांडड उन सांगुळ ईत्तुर बाददा आकनि गांडड सोतोगदिन.

37 ईग आक चौर्यासी वर्ष टु रांड्या ईरोर: अदकि आक मंदरि इक ईला बळितोगोर, लेकीन ईळ्लक-हागुल उपास अदकि प्रार्थना माळ माळकु स्यावा दा हतकु ईरतोगोर. 38 अदकि आक आ घळी अल बंदकु प्रभु उन धन्यवाद माळली कुरतुर, अदकि आ सप्पा मुंदुर से, जो यरूशलेम इन लॉकुरद छुटकारा अन्द हादी कायतोगोर, आ चगिद उन बारा दा मातगोळ हेळली कुरतुर.

यीशु उन नासरत नगर दा वापस बरोद

39 याग आंदुर प्रभु उन व्यवस्था अन्द अनुसार सब येनारा पुरा माळ कोंडुर रा गलील दा तान नगर नासरत इक होटोदुर. 40 अदकि आ चगिद वाढुस्त, अदकि बलवन्त आग्त, अदकि बुद्धी देल परपिर्ण आग्त होदुन; अदकि परमेश्वर उन अनुग्रह आऊन मा ईरोद.

यीशु मंदरि दा

41 यीशु उन मोय अदकि आप्प हर वर्ष फसह अन्द हाबब दा यरूशलेम होगतोगोर. 42 याग यीशु हन्नेळ वर्ष ईनव आदुन, रा आंदुर हाबब इन रीति इन अनुसार यरूशलेम इक होदुर. 43 याग आंदुर आ दनिगोळी पुरा माळकु वापस बरली आदुर, रा स्याण पार यीशु यरूशलेम दा ईतोदुन; अदकि ई मात आऊन मोय अदकि आप्प उक मालूम ईला ईरोद. 44 आंदुर ईद समसकु क्वाव दुसरा यात्रीगोळ सांगुळ इतदान, ऊंद रोज इन हादी नळदोदुर: अदकि आऊक तान कुटुम्बगोळ अदकि जान पयचान वाळेरुद हात्ती दुंदसली कुरतुर. 45 पर याग आव सकिर्दिल, रा दुंदसत-दुंदसत मात्त यरूशलेम इक होटोदुर, 46 अदकि मुर दनि इन बाददा आंदुर आऊक मंदरि दा उपदेश कोळावाळेरुद न्याड्या दा कुरत, अदकि आंदुर केळ्त, अदकि आंदुर से प्रश्न माळतेला नोळदुर. 47 यास आऊन केळतोगोर, आंदुर सप्पा आऊन समझ अदकि आऊन उत्तरगोळ देल चकति ईरोर. 48 आग आंदुर आऊक नोळकु चकति आदुर अदकि आऊन मोय आऊन से अंदुर, “हे पारा, नी नाम से येती हगि व्यवहार माळद? नोळ, नीन आप्प अदकि ना व्याकुल आगकु नीनी दुंदसेव?”

49 यीशु आंदुर से अंदुन, “नीव नानी येती दुंदसीर? येन नीव ईला जान्सीर क्वा नानी तान आप्प उन भवन दा ईरोद जरूरी आद?” 50 लेकीन जो मात आव आंदुर से अंदुन, आंदरी आ मात समसदिलि.

51 आग यीशु आंदुर सांगुळ होदुन, अदकि नासरत नगर दा बंदुन, अदकि आंदुर बस दा ईत्तुन; अदकि आऊन मोय ई सप्पा मातगोळ तान मन दा ईटदुर. 52 अदकि यीशु बुद्धी अदकि मय देल डील-डोल, अदकि परमेश्वर अदकि मळसा अन्द अनुग्रह दा वाळुसली कुरतुन.

3

यूहन्ना बपतस्मा कोळावाळा अन्द बातणी

(मत्ती ३:१-१२; मरकुस १:१-८; यूहन्ना १:१९-२८)

1 तबिरियुस रोमन इन राज्य अन्द पंद्रावा वर्ष दा पुन्तियुस पलातुस यहूदिया अन्द न्यायाधीश ईरोन, अदकि गलील दा हेरोदेस, इतूरैया अदकि त्रखोनीतसि द्याश दा आऊन वार्ट फलिपिपुस, अदकि अबलिने दा लसानियास, चौथाई इन राजा ईरोर, 2 अदकि याग हन्ना अदकि कैफा महायाजक ईरोर, आ समय दा परमेश्वर

उन वचन आळी दा जकरयाह अनन्द पार यूहन्ना अनन्द हात्ती पोहचुस्त. ³ बपतस्मा कोळावाळा यूहन्ना यरदन इन आसपास इन सप्पा प्रदेश दा होगकु, पश्चाताप माळी, बपतस्मा ताकोमी बाक परमेश्वर नीम पापगोळी माफ माळ्यान, हगि प्रचार माळत टेटदुन.

⁴ ह्यांग यशायाह भवषियवक्ता अनन्द माताळ्द वचनगोळ कतिब दा लखिसकु आव:

“आळी दा ऊंद कारावाळा अनन्द आवाज केळ बरेत्याद क्ति,

‘प्रभु उन हादी तयार माळी,

अदकि आऊन यात्रा अनन्द साटी सळकगोळी सरका माळी.

⁵ हर ऊंद घाटी तुमकु आदीत,

अदकि हर ऊंद पहाळी अदकि टीला ल्यालमा माळकु आदीत;

अदकि जो वाकळा आद अद सीधा, अदकि जो म्याकुच आद अद ल्यालमा अदकि जो ल्यालमा आद अद म्याकुच अदकि अद चौरस हादी बनसीत.

⁶ अदकि हर ऊंद मळसा परमेश्वर उन उद्धार इक नोळीत.’”

⁷ *जो भीळ इन भीळ आऊन हात्ती बपतस्मा ताकोमली होटकु बरतोगोद, आंदुर से यूहन्ना अनतोगोन, “हे हाव इन चकिरा, याव नीमी चतरा माळ बुटुन क्ति परमेश्वर उन बरावाळा प्रकोप देल ओळी? ⁸ *इदुरसाटी हगि मातगोळ माळी जो नीम पश्चाताप इक तौरसतद, अदकि तान तान मन दा ईद वचारि माळबाळी क्ति नाम आप्प अब्राहम हुन; यतकी ना नीम से अनतीन क्ति परमेश्वर ई कल्लगोळ देल भी अब्राहम उन साटी औलाद पैदा माळ सकतान. ⁹ *ईग कोळ्ळी मार्रगोळ्द जळी मा ईटकु आद, इदुरसाटी जो-जो मार्र वळ्ळीद काय तराल, अदरी कळकु अदकि बेक्की दा हाक्कु आदीत.”

¹⁰ आग लॉकुर आऊन से केळदुर, “रा नाव येन माळेव?”

¹¹ आव आंदरी उत्तर कोट्टुन, “यार्द हात्ती येदुद कुळता आव, आव आऊक ऊंद कुळता कोळुल यार्द हात्ती हैलेच अदकि यार्द हात्ती तनोद आद, आव भी हगि अच माळुल.”

¹² *कर ताकोमावाळेर भी बपतस्मा ताकोमली बंदुर, अदकि आऊन से केळदुर, “हे गुरु, नाव येन माळेव?”

¹³ आव आंदुर से अंदुन, “जो नीम साटी ठहरूसकु आग्याद, अदुर से यक्कुल ताकोम बाळेतीर.”

¹⁴ सपिाहीगोळ भी आऊन से ईद केळदुर, “नाव येन माळेव?”

यूहन्ना आंदुर से अंदुन, “यारदारा मा दबाव हाक्कु आऊन से पैस्या ताकोमबाळी अदकि ख्वाटा दोष हचबाळी, लेकीन तान रोजी देल अच संतुष्ट ईरी.”

¹⁵ याग लॉकुर आस हचकु ईरोर, अदकि सप्पा तान तान मन दा यूहन्ना अनन्द बारा दा वचारि माळोर क्ति येन ईवा रा मसीह आलच, ¹⁶ रा बपतस्मा कोळावाळा यूहन्ना आ सप्पा मुंदुर से अंदुन, “ना रा नीमी नीर देल बपतस्मा कोळतीन, लेकीन आव बरावाळा आन जो नान से यक्कुल ताकतवर आन; ना रा ई लायक भी हैलेच क्ति आऊन केरू उन बंध खोलस सकाईन. आव नीमी पवतिर आत्मा अदकि बेक्की देल बपतस्मा कोट्टान. ¹⁷ आऊन मार्र, आऊन कय दा आद; अदकि आव तान केई वळ्ळीद तरीका देल साफ माळ्यान; अदकि तान गोदीगोळी रा द्वाला दा जमा माळ्यान; लेकीन भूसा अनन्द गवान्डा अक आ बेक्की दा होताक्यान जो यागलु नुनाल्द.”

¹⁸ इदुरसाटी आव हापाळ सा शक्षिा कोट कोटकु लॉकुरी चेटावनी कोळतोगोन क्ति तान हादी बदलुसुल.

¹⁹ *लेकीन याग आव चौथाई द्याश इन राजा हेरोदेस उक आऊन वार्ट फलिपिपुस उन हगिस हेरोदियास इन बारा दा अदकि सप्पा कुकर्मगोळ्द बारा दा जो आव माळीदुन, फटकार्सदुन, ²⁰ रा हेरोदेस आ सप्पा देल वादुस्कु ईद कुकर्म भी माळदुन क्ति बपतस्मा कोळावाळा यूहन्ना अक बंदीगूह दा हाक बुट्टुन.

यीशु उन बपतस्मा

(मत्ती ३:१३-१७; मरकुस १:९-११)

²¹ याग सप्पा लॉकुर बपतस्मा ताकोडुर अदकि यीशु भी बपतस्मा ताकोमकु प्रार्थना माळोन, रा स्वर्ग खुल्सेत, ²² *अदकि पवतिर आत्मा कबूतर इन घाई आऊन मय मा ईळुत, अदकि स्वर्ग टु ईद आकाशवाणी आत क्ति: “नी नान प्रयि पार हुय, ना नीन देल हापाळ खुश आईन.”

* 3:7 ३:७ मत्ती १२:३४; २३:३३ * 3:8 ३:८ यूहन्ना ८:३३ * 3:9 ३:९ मत्ती ७:१९ * 3:12 ३:१२ लूका ७:२९ * 3:19 ३:१९ मत्ती १४:३,४; मरकुस ६:१७,१८ * 3:22 ३:२२ मत्ती ३:१७; मरकुस १:११; लूका ९:३५

यीशु उन वंशावली (मत्ती १:१-१७)

23 याग यीशु खुद उपदेश कोळली कुरतुन, रा लगभग तीस वर्ष ईनव ईरोन ह्यांग लॉकुर सम्सतोगोर अदकि यीशु यूसुफ ईनव पार ईरोन; अदकि यूसुफ एली नव, 24 अदकि एली मत्तात ईनव, अदकि मत्तात लेवी नव, अदकि लेवी मलकी नव, अदकि मलकी यन्ना नव, अदकि यन्ना यूसुफ ईनव, 25 अदकि यूसुफ मत्ततियाह नव, अदकि मत्ततियाह आमोस ईनव, अदकि आमोस नहूम ईनव, अदकि नहूम असल्याह नव, अदकि असल्याह नोगह ईनव, 26 अदकि नोगह मात ईनव, अदकि मात मत्ततियाह नव, अदकि मत्ततियाह शमी नव, अदकि शमी योसेख ईनव, अदकि योसेख योदाह ईनव, 27 अदकि योदाह यूहनना नव, अदकि यूहनना रेसा नव, अदकि रेसा जरूबाबल ईनव, अदकि जरूबाबल शालतएल ईनव, अदकि शालतएल नेरी ईनव, 28 अदकि नेरी मलकी नव, अदकि मलकी अद्दी नव, अदकि अद्दी कोसाम ईनव, अदकि कोसाम इलमोदाम ईनव, अदकि इलमोदाम एर ईनव, 29 अदकि एर यहोशू नव, अदकि यहोशू इलाजार ईनव, अदकि इलाजार योरीम ईनव, अदकि योरीम मत्तात ईनव, अदकि मत्तात लेवी नव, 30 अदकि लेवी शमौन ईनव, अदकि शमौन यहूदा नव, अदकि यहूदा यूसुफ ईनव, अदकि यूसुफ योनान ईनव, अदकि योनान इल्याकीम ईनव, 31 अदकि इल्याकीम मलेआह ईनव, अदकि मलेआह मन्नाह ईनव, अदकि मन्नाह मत्तात ईनव, अदकि मत्तात नातान ईनव, अदकि नातान दाऊद ईनव, 32 अदकि दाऊद यशै ईनव, अदकि यशै ओबेद ईनव, अदकि ओबेद बोअज ईनव, अदकि बोअज सलमोन ईनव, अदकि सलमोन नहशोन ईनव, 33 अदकि नहशोन अम्मीनादाब ईनव, अदकि अम्मीनादाब अरनी नव, अदकि अरनी हसित्त्रोन ईनव अदकि हसित्त्रोन फरिसि ईनव, अदकि फरिसि यहूदा नव, 34 अदकि यहूदा याकूब ईनव, अदकि याकूब इसाहक ईनव, अदकि इसहाक अब्राहम ईनव, अदकि अब्राहम तरिह ईनव, अदकि तरिह नाहोर ईनव, 35 अदकि नाहोर सरूग ईनव, अदकि सरूग रऊ नव, अदकि रऊ फलिंगि ईनव, अदकि फलिंगि एबरि ईनव, अदकि एबरि शलिह ईनव, 36 अदकि शलिह केनान ईनव, अदकि केनान अरफक्षद ईनव, अदकि अरफक्षद शेम ईनव, अदकि शेम नूह नव, अदकि नूह लमिकि ईनव, 37 अदकि लमिकि मथूशलिह ईनव, अदकि मथूशलिह हनोक ईनव, अदकि हनोक यरिदि ईनव, अदकि यरिदि महललेल ईनव, अदकि महललेल केनान ईनव, 38 अदकि केनान एनोश ईनव, अदकि एनोश शेत ईनव, अदकि शेत आदम ईनव, अदकि आदम परमेश्वर उन पार ईरोन.

4

आळी दा यीशु उन परीक्षा (मत्ती ४:१-११; मरकुस १:१२,१३)

1 बाक यीशु पवत्रि आत्मा देल परपुर्ण आगकु यरदन गांगा टु वापस बंदुन. 2 अदकि चालीस दिन ताका आत्मा अनूद कलसदुर देल सुनसान जागा दा टेटाळतेला ईत्तुन; अदकि शैतान आऊन परीक्षा माळतेला ईत्त. आ दनिगोळ दा यीशु येनु तंददील, अदकि याग अव दिन पुरा आदव, रा आऊक हसु हत.

3 आग शैतान यीशु उक अंदुन, “अगर नी परमेश्वर उन पार हुय, रा ई कल्ल देल अन, कि रोटी आगोगुल.”

4 यीशु आ शैतान उक उत्तर कोट्टुन, “शास्त्र दा लखिसकु आद: मंळसा सर्फि रोटी देल अच जत्तिता ईरतीदील.”

5 बाक शैतान यीशु उक ऊंद हापाळ ऊंचा पहाळी मा ओईत अदकि आऊक घळी तमिर दा दुनया अनूद सप्पा राज्य तोरस बुळत, 6 अदकि आग शैतान यीशु से अंत, “ना ई सप्पा अधिकार, अदकि सप्पा वैभव ना नीनी कोट बुळाईन, यतकी अद नानी सोपस्कु आग्याद: अदकि ना यारी चाहासतीन आऊक कोट बुळतीन. 7 इदुरसाटी अगर नी बांगकु नानी प्रणाम माळ्या, रा ई सप्पा अपमान आगेदीत.”

8 यीशु आ शैतान उक उत्तर कोट्टुन, “शास्त्र दा लखिसकु आद, ‘नी तान प्रभु परमेश्वर उन भक्ति माळ; सर्फि आऊंदा उपासना माळ.’”

9 आग आ शैतान यीशु उक यरूशलेम दा वोतकु मंदिर इन स्यांडा मा नीदरूस्त, अदकि आऊन से अंत, “अगर नी परमेश्वर उन पार हुय, रा तान तान इक ईल टु ल्यालमा केळदबुळ. 10 यतकी शास्त्र दा लखिसकु आद: ‘आव नीन बारा दा तान स्वर्गदूतगोळी आग्या कोट्टान, कि आंदुर नीन रक्षा माळुल.’ 11 अदकि हगि भी अंदकु आग्याद, ‘आंदुर नीनी तुरन्त तान कयगोळ दा नेगु कोंडार, ताकी नीन कालगोळी कल्ल देल टेस हतबाळुल.’”

12 यीशु आऊक उत्तर कोट्टुन, “शास्त्र दा ईद भी लखिसकु आद: ‘नी तान प्रभु परमेश्वर उन परीक्षा माळबाळ.’”

13 याग शैतान सप्पा परीक्षा माळकोमत्त, आग थ्वाळासा समय इन साटी आऊन हात्ती टु होटोत.

गलील दा यीशु उन स्यावा-कार्य अन्द सुरूवात

(मत्ती ४:१२-१७; मरकुस १:१४,१५)

14 बाक यीशु आत्मा अन्द सामर्थ्य देल तुमकु मात्त गलील दा बंदुन, अदकि आऊन चर्चा आसपास इन सप्पा प्रदेश दा फैलुसेत. 15 यीशु आंदुरद यहूदी लॉकुरद सभागृहगोळ दा उपदेश कोळतेला ईत्तुन, अदकि सप्पा मुंदुर आऊन बळाई माळतोगोर.

नासरत दा यीशु उन अपमान

(मत्ती १३:५३-५८; मरकुस ६:१-६)

16 बाक यीशु नासरत नगर दा बंदुन, यल आव स्याण टु धोड्डेव आगीदुन; अदकि तान रीति इन अनुसार आराम इन दनि यहूदी लॉकुरद सभागृह दा होगकु वाचुसोर साटी नीदुरदुन. 17 अदकि यशायाह भवषियवक्ता अन्द कतिब आऊक कोटकु आत, अदकि आव कतिब खोल्सकु, अद जागा तेगदुन यल हगि लखिसकु ईरोद:

18 “प्रभु उन आत्मा नान मा ईळदाद,

इदुरसाटी का आव कंगालगोळी खुशखबरी केळसोर साटी आव नान अभषिक माळ्यान,

अदकि नानी इदुरसाटी कळ्यान का बंदीगोळी छुटकारा अन्द घोषणा अदकि कुढ्ढगोळी नोळोद खुशखबरी प्रचार माळाईन

अदकि दलतिगोळी बळिसुसाईन,

19 अदकि परमेश्वर उन कृपा दृष्टी इन वर्ष इन घोषणा माळाईन.”

20 आग आव कतिब बंद माळकु सेवक उन कयगोळ दा कोट बुट्टुन अदकि कुरतोदुन; अदकि यहूदी लॉकुरद सभागृह अन्द सप्पा लॉकुर आऊक तार कोटकु नोळोर. 21 आग आव आंदुर से अनली कुरतुन, “ईदल्या अच ईद लेखा ना वाचुसदनि अदकि नीम केळदुर देल पुरा आग्याद.”

22 सप्पा लॉकुर आऊन वाहवाही माळदुर, अदकि जो अनुग्रह नव मातगोळ आऊन बाय दा टु होळतोगोव, आ मातगोळ देल अचम्भति आदुर; अदकि अनली कुरतुर, “येन ईव यूसुफ उन पार आलच?”

23 यीशु आंदुर से अंदुन, “नीव नान बारा दा ई उदाहरण अंदीर का हे वैद्य, पयले तान तान इक वळ्लीद माळ! नाव केळेव का जो येनारा नी कफरनहूम दा माळ्या, अद ईल तान नगर दा भी माळ.” 24 *अदकि आव अंदुन, “ना नीम से खरा माताळतीन यावारा भी भवषियवक्ता अक तान द्याश दा मान सम्मान सकाल.”

25 लेकीन ना नीम से जो खरा आद अद माताळतीन का एलियाह अन्द दनिगोळ दा याग साळे मुर वर्ष ताका आकाश बंद ईरोद ईल ताका सूखा बत्ति अदकि इस्त्राएल द्याश दा भयंकर अकाल बत्ति, रा इस्त्राएल दा हापाळ सा रांड्यागतिर ईरोर. 26 “लेकीन एलियाह अक आंदुर दा टु यारदारा मळसा अन्द हात्ती कळुकु आगीदील, सरिफ सैदा अन्द सारफत नगर दा ऊंद रांड्यागति इन हात्ती आऊक कळुकु आगीत. 27 अदकि एलीशा भवषियवक्ता अन्द काल दा इस्त्राएल दा ईरतोगोर आंदुर हापाळ लॉकुर कोढ इन बमिारी देल ईरोर, लेकीन सीरिया नव ईरावाळा नामान सीरियाई इक बटिकु सप्पा मुंदरी शुद्ध माळकु आत.”

28 ईव मातगोळ केळतेला अच यास यहूदी लॉकुरद सभागृह दा ईरोर, सप्पा लॉकुर सट्टि दा बंदुर, 29 अदकि आंदुर यदकु आऊक ऊरा दा टु व्हार्या तेगदुर, अदकि यात्ता पहाळी मा आऊन ऊर बसुस्कु ईरोद, अदुरद स्यांडा मा ओतुर का आऊक अल टु ल्यालमा भीळ सक्केव. 30 लेकीन आव आंदुर न्याड्या दा टु होटकु होटोदुन.

दुष्टआत्माग्रस्त मळसा अक चंगा माळोद

(मरकुस १:२१-२८)

31 बाक यीशु गलील इन कफरनहूम नगर इक होटोदुन; अदकि आराम इन दनि लॉकुरी उपदेश कोळोन. 32 *आंदुर आऊन उपदेश देल सट्ट आगेदुर यतकी आऊन वचन अधिकार देल माताळव. 33 यहूदी लॉकुरद सभागृह दा ऊंद मळसा ईरोन, यारदा दुष्टआत्मा ईरोद आ दुष्टआत्मा जो परमेश्वर उन मुंद अशुद्ध ठहूरसतद,

आव धोळ्द शब्द देल चलिळासली कुरतुन, ³⁴ “हे यीशु नासरी, नामी नीन से येन क्याल्सा? येन नी नामी नाश माळली बंद्या? ना नीनी जानसतीन नी याव हुय? नी परमेश्वर उन पवत्रि जन हुय!”

³⁵ यीशु आऊक दनकुसकु अंदुन, “सुंगा ईर, अदकि आऊन दा टु होटबुळ!” आग दुष्टआत्मा आऊक न्याड्या दा पटकूसकु बनि हाना पोहचुस्त आऊन दा टु होट्ट बुळत.

³⁶ इदुर मा सप्पा लॉकुर इक अचम्भा आत, अदकि आंदुर आपस दा मातचीत माळकु अनली कुरतुर, “ईद ह्यांग वचन हुन? यतकी आव अधिकार अदकि सामर्थ्य इन सांगुळ अशुध्द आत्मागोळी आग्या कोळतान, अदकि आ दुष्टआत्मा आत्मागोळ होट बुळताव.” ³⁷ ई प्रकार देल नाकु दशा दी यीशु उन चर्चा आगली कुरतव.

यीशु उन हापाळ लॉकुरी चंगा माळोद

(मत्ती ८:१४-१७; मरकुस १:२९-३४)

³⁸ यीशु यहूदी लॉकुरद सभागृह दा टु यदकु शमौन उन माननी होदुन. शमौन उन आत्त ज्वर इन बमिरी देल बदिकु ईरोर, अदकि आंदुर आकनि साटी यीशु उक वनिती माळदुर. ³⁹ यीशु आकनि हात्ती नीदुरकु मय इक दनकुसदुन अदकि मय ईळदोदव, अदकि आक तुरन्त यदकु आंदुरद स्यावा-पानी माळली कुरतुर.

⁴⁰ द्यावगान होती, याता-याता मान्या लॉकुर अलग अलग प्रकार इन बमिरीगोळ देल बदिकु ईरोर, आंदुर सब आंदरी आऊन हात्ती तंदुर, अदकि यीशु ऊंद ऊंद मा कय ईटकु आंदरी चंगा माळदुन. ⁴¹ अदकि दुष्टआत्मागोळ भी चलिळासव अदकि ईद अनतेला क, “नी परमेश्वर उन पार हुय,”

हापाळ मुंदुर दा टु होट बुट्टव. पर यीशु अवरी दनकुसदुन अदकि माताळ गोटीदील, यतकी आ अशुध्द आत्मागोळ जानसव क आव मसीह हुन.

यीशु उन यहूदी लॉकुरद सभागृहगोळ दा प्रचार माळोद

(मरकुस १:३५-३९)

⁴² याग व्हातुर आत रा यीशु होटकु ऊंद सुनसान जागा दा होटोदुन, अदकि भीळ इन भीळ आऊक हुंदसतेला आऊन हात्ती बत्त, अदकि यीशु उक रोक्सली कुरतुर क आव आंदरी बटिकु होगबाळुल. ⁴³ लेकीन यीशु आंदुर से अंदुन, “नानी दुसरा नगरगोळ दा भी परमेश्वर उन राज्य इन खुशखबरी केळसोद जरूरी आद, यतकी नानी इदुरदा साटी कळकु आग्याद.”

⁴⁴ अदकि यीशु गलील इन प्रदेश दा अदकि सप्पा यहूदीगोळ्द यहूदी लॉकुरद सभागृहगोळ दा प्रचार माळतेला ईत्तुन.

5

यीशु उन दवारा पयला चेलागोळी कारोद आत

(मत्ती ४:१८-२२; मरकुस १:१६-२०)

¹ *याग भीळ परमेश्वर उन वचन केळोर साटी आऊन मा बळिली आगतोगोद, अदकि यीशु गनुनेसरत इन झील इन कनारा मा नीदुरकु ईरोन, रा हगि आत ² क आव झील इन कनारा दा येढ्ढ ड्वांगागोळी हतकु ईरव अवरी नोळदुन, अदकि मेन हुडावाळे अऊर मा टु ईळकु जार तोळोर. ³ आ ड्वांगागोळ दा टु ऊंद मा, जो शमौन उन ईरोद, येरकु यीशु आऊन से वनिती माळदुन क कनारा टु थ्वाळासा सरकुसकु नळु. आग आव कुरतकु लॉकुरी ड्वांगा मा टु उपदेश कोळली कुरतुन.

⁴ याग यीशु उन मातगोळ हेळकु आदव रा आव शमौन उक अंदुन, “खोल नीर दा होग, अदकि मेन हुडोर साटी तान जार हाकक.”

⁵ *शमौन यीशु उक उत्तर कोट्टुन, “हे स्वामी, नाव पुरा ईळ्लक तीम मेहनत माळदेव अदकि येनु सक्कीदील; तरी नीन कयना देल ना जार हाकतीन.” ⁶ *याग आंदुर हगि माळदुर, रा हापाळ मेनगोळ जार दा बंदव, अदकि आंदुरद जार हरूली कुरत. ⁷ इदुर मा आंदुर तान संगीगोळी जो दुसरा ड्वांगा मा ईरोर, आंदरी कारदुर क बंदकु नाम मदत माळी, अदकि आंदुर बंदकु येढ्ढु ड्वांगागोळी इल ताका तुमदुर क आ ड्वांगागोळ मुळकली कुरतव. ⁸ ईद चमत्कार नोळकु शमौन पतरस यीशु उन काल मा बदिदुन अदकि अंदुन, “हे प्रभु, नान हात्ती टु होटोग, यतकी ना पापी मळसा आईन!”

9 यतकी ईस मेनगोळ हुळदुर देल आऊक अदकि आऊन संगीगोळी हापाळ अचम्भा आत, 10 अदकि हांग अच जब्दी इन पार याकूब अदकि यूहन्ना अक भी, जो शमौन उन भागीदार ईरोर, अचम्भा आत. आग यीशु शमौन से अंदुन, “अंजबाळ; ईगी टु नी मंळसागोळी परमेश्वर उन राज्य दा तंद्या.”

11 अदकि आंदुर इवांगागोळी कनिरा मा तंदुर अदकि सप्पा येनारा बटिकु आऊन हदि होटोदुर.

यीशु उन द्वारा कोढ इन रोगी इक चंगा माळोद

(मत्ती ८:१-४; मरकुस १:४०-४५)

12 ऊंद घन याग यीशु यातोदारा तरी नगर दा ईरोन, आग आऊन हात्ती ऊंद मंळसा बंदुन; यारी कोढ इन रोग हतकु ईरोद, आव यीशु उक नोळकु आऊन काल मा बदिदुन, अदकि वनिती माळदुन, “हे प्रभु, अगर नी चाहास्या रा नानी शुद्ध माळ सकत्या.”

13 यीशु कय मुंद माळकु आऊक मुटदुन अदकि अंदुन, “ना चाहसतीन, कनि नी शुद्ध आगेग.” अदकि आऊन कोढ इन रोग तुरन्त दूर आगेत. 14 यीशु आऊक आग्या कोट्टुन, “यारीकु हेळबाळेत, लेकीन होगकु तान तान इक याजक उक तोर्स, अदकि तान शुद्ध आगेद बारा दा जो येनारा मूसा नीनी आग्या कोटान अदरी भेट येर्स क आंदुर मा गवाही आगुल.”

15 लेकीन यीशु उन चर्चा दुर दुर ताका फैलुस्तेला होगोद, अदकि भीळ इन भीळ आऊन मातगोळ केळोर साटी अदकि तान बमिारीगोळ देल चंगा आगेर साटी जमा आत. 16 लेकीन आव आळीगोळ दा येल्यारा भी ब्यार्र होगकु प्रार्थना माळतोगोन.

यीशु उन द्वारा लकवा अनूद रोगी इक चंगा माळोद

(मत्ती ९:१-८; मरकुस २:१-१२)

17 ऊंद दनि हगि आत कनि यीशु उपदेश कोळोन, अदकि फरीसी अदकि व्यवस्थापक अल कुर्तकु ईरोर जो गलील अदकि यहूदिया अनूद हर ऊंद ऊरा टु अदकि यरूशलेम टु बंदीदुर, अदकि चंगा माळोर साटी प्रभु उन सामर्थ्य यीशु उन सांगुळ ईरोद. 18 आ समय हापाळ लॉकुर ऊंद मंळसा अक जो लकवा अनूद रोगी ईरोन, वहर्स मा नेगुकु तंदुर, अदकि आंदुर आऊक बुळक वयली अदकि यीशु उन मुंद ईटोद उपाय ढुढसोर. 19 पर याग भीळ इन कारण आऊक बुळक वीय सकदील रा आंदुर मान्ना मा येरकु अदकि खपरेल सरकुसकु, आऊक वहर्स सांगुळ न्याड्या दा यीशु उन मुंद ईळ्स बुटुर. 20 आग यीशु आंदुर वशिवास नोळकु आऊन से अंदुन, “हे मंळसा, नीन पाप माफ आदव.”

21 आग नयिम इन गुरु अदकि फरीसी तान तान मन दा वचिर माळली कुरतुर, “ईव याव हुन? जो परमेश्वर उन अपमान माळतान! परमेश्वर उक बटिकु अदकि याव पापगोळी माफ माळ सकतान?”

22 यीशु आंदुर मन इन मातगोळ जान्सकु, आंदुर से अंदुन, “नीव तान तान मन दा याता मात इन वचिर माळेतीर? 23 आसान येन आद? येन ईद अनोद कनि ‘नीन पाप माफ आदव,’ या ईद अनोद कनि ‘येळ अदकि टेटाळ?’ 24 लेकीन इदुरसाटी कनि नीव जान्स कोमी कनि ना मंळसा अन पार उक पृथ्वी मा पाप माफ माळोद भी अधिकार आद.” बाक यीशु आ लकवा अनूद रोगी से अंदुन, “ना नीन से अनतीन, येळ अदकि तान वहर्स नेगुकु तान मान्नी होटोग.”

25 आव तुरन्त यीशु ऊंद मुंद येदुन, अदकि या वहर्स मा आव बदिकु ईरोन अदरी नेगुकु, परमेश्वर उन बळाई माळतेला तान मान्नी होटोदुन. 26 आग सप्पा लॉकुर चकति आदुर अदकि परमेश्वर उन बळाई माळली हतदुर अदकि हापाळ अंजतेला अनली कुरतुर, “ईद नाव अदभुत क्याल्सागोळी नोळेव!”

यीशु लेवी इक कारदुन

(मत्ती ९:१-८; मरकुस २:१-१२)

27 इदुर बाददा यीशु व्हार्या होदुन अदकि लेवी हेसुर इन ऊंद कर ताकोमावाळा अक कर ताकोमोद चौकी मा कुर्तकु नोळदुन, अदकि आऊन से अंदुन, “नान हदि आगेग.” 28 आग लेवी सब येनारा बटिकु येदुन, अदकि आऊन हदि आगेदुन.

29 आग लेवी तान मान्या आऊन साटी ऊंद धोळ्द भोज ईटदुन; अदकि कर ताकोमावाळेर्द अदकि दुसरा लॉकुर जो आऊन सांगुळ ऊमली कुरतीदुर, ऊंद धोळ्द भीळ ईरोद. 30 ईदुर मा फरीसी अदकि आंदुर नयिम

इन गुरु आऊन चेलागोळ से ईद अंदकु बळबुळस्ली कुरतुर, “नीव कर ताकोमावाळेर अदकि पापीगोळ्द सांगुळ येती तीनतीर अदकि कुडुतीर?”

31 यीशु आंदरी उत्तर कोट्टुन, “वैद्य भला चंगागोळ साटी ईला, लेकीन बमिारगोळ साटी जरूरी आन. 32 ना न्यायीगोळी ईला, लेकीन पापीगोळ्द पापगोळी पश्चाताप माळसुसोर साटी कारूली बंदीन.”

उपास इन प्रश्न

(मत्ती ९:९-१३; मरकुस २:१३-१७)

33 आंदुर यीशु उक अंदुर, “बपतस्मिमा कोळावाळा यूहन्ना अन्द चेलागोळ रा बराबर उपास ईटतार अदकि प्रार्थना माळतार, अदकि हांग अच फरीसी नोर चेलागोळ भी, लेकीन नीन चेलागोळ रा तीनतार अदकि कुडुतार.”

34 यीशु आंदुर से अंदुन, “येन नीव वरातीगोळ से, यागासताका मळगार आंदुर सांगुळ ईत्तान, उपास माळसुस सकतीर? बलिकुल ईला! 35 लेकीन अव दनि बंदाव, याग मळगार आंदुर से ब्यार माळकु आदान, आग आंदुर आ दनिगोळ दा उपास माळ्यार.”

36 यीशु मात ऊंद उदाहरण भी आंदुर से अंदुन: “यावारा मळसा क्वारा व्हाशोद कपळा हूकु हाळोद कपळा दा थगिर हचालुन, ईलारा व्हाशोद कपळा हर्दोदति अदकि आ थगिर हाळोद कपळा दा मेल भी तनितीदील.

37 अदकि यावारा मळसा व्हाशोद अंगुर इन रास्सा हाळोद तोगुल इन चलिा दा तुमालुन, ईलारा व्हाशोद अंगुर इन रास्सा तोगुल इन चलागोळी वळकु चेल्लेदति, अदकि तोगुल इन चलागोळ्द भी नाश आगेदीत.

38 लेकीन व्हाशोद अंगुर इन रास्सा व्हाशोद तोगुल इन चलिा दा अच तुम्म पायजे. 39 यतकी मळसा हाळोद अंगुर इन रास्सा कुडुकु व्हाशोद रास्सा अन्द इच्छा माळालुन यतकी आव अनतान, क्हा हाळोद रास्सा अच वळ्दीद आद.”

6

यहूदीगोळ्द आराम दनि इन बारा दा प्रश्न

(मत्ती १२:१-८; मरकुस २:२३-२८)

1 बाक ऊंद आराम इन दनि दा हगि आत क्ही यीशु केईगोळ दा टु आगतेला होगोन, अदकि आऊन चेलागोळ गोदी नव लॉम्बा मूरू-मूरूकु अदकि कय देल मसुस-मसुसकु तति होगतोगोर. 2 आग फरीसीगोळ दा टु थ्वाळासा लॉकुर अनली कुरतुर, “नीव अद क्याल्सा येती माळतीर जो आराम इन दनि दा नयिम इन वरिद्ध आद.”

3 यीशु आंदरी उत्तर कोट्टुन, “येन नीव ईद वाचुसीदील क्हा दाऊद, याग आव अदकि आऊन साथी उपासा ईरोर रा येन माळदुन? 4 आव ह्यांग परमेश्वर उन भवन दा होदुन, अदकि भेंट इन रोटीगोळ हुळकु तदिन, यवरी तनिोद याजकगोळी बटिकु अदकि बाकी मुंदुर साटी नयिम इन वरिद्ध आद, अदकि आव तान संगीगोळी भी कोट्टुन?”

5 अदकि यीशु आंदुर से अंदुन, “ना मळसा अन पार आराम इन दनि ईनव भी स्वामी हुईन.”

यीशु कय इन लकवा वाळा मळसा अक चंगा माळदुन

6 हगि आत क्हा यातोदारा मात्त दुसरा आराम इन दनि दा यीशु यहूदी लॉकुरद सभागूह दा होगकु उपदेश माळली कुरतुन; अदकि अल ऊंद मळसा ईरोन जो ऊम्मा कय देल लकवा ग्रस्त ईरोन. 7 आग नयिम इन गुरु अदकि फरीसी यीशु मा दोष हचोद मौका अन्द ताक मा ईरोर क्हा नोळाता आव आराम इन दनि दा आऊक चंगा माळतान का ईला. 8 लेकीन आव आंदुर वचिार जानसोन; इदुरसाटी आव वळगीद कयवाळा मळसा से अंदुन, “येळ, न्याड्या दा नीदुर.” आव यदकु नीदरेदुन. 9 यीशु आंदुर से अंदुन, “ना नीम से ईद केळतीन क्हा नयिम इन अनुसार आराम इन दनि दा येन उचिति आद, भलाई माळोद या बुरा माळोद; जीव इक ऊळसोद या अदुर्द नाश माळोद?” 10 आग आव नाकु दी आ सप्पा मुंदुर इक नोळकु आ मळसा से अंदुन, “तान कय मुंद माळ.” आव हांग अच माळदुन, अदकि आऊन कय मात्त वळ्दीद आगेत.

11 लेकीन आंदुर गुस्सा दा तान सप्पा सुद-बुद मारतकु आपस दा मातचीत माळकु वचिार माळली हतदुर क्हा “नाव यीशु उन सांगुळ येन माळेव?”

यीशु उन द्वारा हन्नेळ प्रेरतिगोळी नयिक्त माळोद

12 आ दनिगोळ दा यीशु पहाळी मा प्रार्थना माळली होदुन, अदकि ईळ्लक तीम परमेश्वर ऊंद प्रार्थना माळतेला ईत्तुन. 13 याग व्हातुर आत रा आव तान चेलागोळी कारूकु आंदुर दा टु हन्नेळ मुंदुरद चुनाव माळदुन, अदकि आंदरी प्रेरति हगि हेसुर कोट्टुन; 14 अदकि आंदुर हेसुर हगि आवः शमौन यार्द हेसुर आव पतरस भी ईटदुन, अदकि आऊन वार्ट अन्दरयास, अदकि याकूब, अदकि यूहन्ना, अदकि फलिपिपुस, अदकि बरतुलमै, 15 अदकि मत्ती, अदकि थोमा, अदकि हलफई नव पार याकूब, अदकि शमौन याऊक द्याश भक्त भी अनतोगोर, 16 अदकि याकूब उन पार यहूदा, अदकि यहूदा इसकरयोती जो आऊक हुळसुसावाळा आदुन.

**यीशु उन द्वारा शकिषा कोळोद अदकि चंगा माळोद
(मत्ती ४:२३-२५)**

17 आग यीशु आंदुर सांगुळ ईळुकु चौरस जागा दा नदिरदुन, अदकि आऊन चेलागोळ्द धोळ्द भीळ, अदकि सपपा यहूदया, यरूशलेम, अदकि सूर अदकि सैदा अन्द समुद्र अन्द कनारा अन्द हापाळ लॉकुर, 18 जो आऊन उपदेश केळली अदकि तान बमिरगोळ देल चंगा आगोर साटी आऊन हात्ती बंदीदुर, जो अल नदिरकु ईरोर. अदकि अशुध्द आत्मागोळ देल परेशान लॉकुर भी आऊन हात्ती चंगा आगतोगोर. 19 सपपा मुंदुर आऊक मुट्टोद चाहासोर, यतकी आऊन दा टु सामर्थ्य होटकु सपपा मुंदुर इक चंगा माळतोगोद.

**आशीष अदकि सराप इन वचन
(मत्ती ५:१-१२)**

20 आग यीशु तान चेलागोळ दी नोळकु अंदुन,
“धन्य आईर नीव जो मन देल गरीब आईर,
यतकी परमेश्वर उन राज्य नीम्द हुन.”

21 “धन्य आईर नीव जो हस्तकु आईर,
यतकी नीव संतुष्ट माळकु आदीर.”

“धन्य आईर नीव जो ईग वर्लेतीर,
यतकी बाददा नेगगीर.”

22 ✨“धन्य आईर नीव याग ना मंळसा अन पार उन कारण लॉकुर नीम से दुश्मनी ईट्यार, अदकि नीमी तेग्द बुट्टार, अदकि नीम अपमान माळ्यार, अदकि नीम हेसुर इक बेकार जानस्यार.” 23 ✨“आ दनि खुश आगकु हारेत, यतकी नोळी, नीम साटी स्वर्ग दा धोळ्द प्रतफिल आद; यतकी आंदुर आप्प-दादागोळ भी भवषियवक्तागोळ सांगुळ हांग अच माळतोगोर.”

24 लेकीन नीम मा हाय जो धनवान आईर,
यतकी नीव तान सुख ताकोम कोंडीर.

25 “हाय नीम मा जो ईग संतुष्ट आईर, यतकी बाददा उपासा ईत्तीर, ‘हाय नीम मा जो ईग नेगेतीर,
यतकी शोक माळीर अदकि वर्लीर.’”

26 हाय नीम मा याग सपपा मंळसा नीमी भला अनुल, यतकी आंदुर आप्प-दादागोळ भी ख्वाटा भवषियवक्तागोळ्द सांगुळ भी हगि अच माळतोगोर.

**दुश्मनगोळ से प्यार
(मत्ती ५:३८-४८; ७:१२)**

27 “लेकीन ना नीव जो केळेतीर नीम से अनतीन कितान दुश्मनगोळ से प्यार ईटी; जो नीम से नफरत माळतार, आंदुरद भला माळी. 28 जो नीमी श्राप कोट्टार, आंदरी आशीष कोळी; जो नीम सांगुळ दुर-व्यवहार माळुल, आंदुर साटी प्रार्थना माळी. 29 जो नीन ऊंद गाल्ला मा क्याबरा बडुल रा आऊन दी दुसरा गाल्ला भी तरिगुस बुळ; अदकि जो नीन कोट कसुल, रा आऊक कुळता ओयोर देल भी रोकसबाळ. 30 जो यावारा नीन से बेळुल, आऊक कोळ; अदकि जो नीन चीजगोळ कस्तबुळुल, आऊन से बाक वापस बेळबाळ. 31 ✨ह्यांग नीव चाहासतीर किलॉकुर नीम सांगुळ व्यवहार माळुल, नीव भी आंदुर सांगुळ हांग अच व्यवहार माळी.

32 “अगर नीव तान प्यार ईटावाळेर्द सांगुळ प्यार ईटी, रा नीम येन बळाई? यतकी पापी लॉकुर भी तान प्यार ईटावाळेर्द सांगुळ प्यार ईटतार. 33 अगर नीव तान भलाई माळावाळेर्द सांगुळ भलाई माळतीर, रा नीम येन बळाई? यतकी पापी लॉकुर भी रा हगि अच माळतार. 34 यार्द हात्ती टु वापस सकिकोद आशा आद आंदरी नीव उदार कोट्टीर, रा अदुर दा नीम येन बळाई? याट कोटीर आट वापस सकिकोद आशा देल पापी लॉकुर भी पापी लॉकुरी उदार कोळतार. 35 लेकीन तान दुश्मनगोळ से प्यार ईटी, अदकि आंदुरद भलाई माळी, अदकि उदार कोटकु वापस सकिकोद आशा माळबाळी, अदकि नीम साटी प्रतफिल धोळद आदीत अदकि नीव परमप्रधान उन पारगोळ ठहरूसरि, यतकी आव खुद अच दुष्टगोळ मा उपकार माळतान. 36 ह्यांग नीम स्वर्गीय आप्प दयालु आन, हांग अच नीव भी दयालु बन्सी.

दोष हचबाळी (मत्ती ७:१-४)

37 “थारदारा मा दोष हचबाळी, रा नीम मा भी दोष हचकु आगतीदील. याऊकु दोषी ठहरूसबाळी रा नीव भी दोषी ठहरूसकु आगतीदील. माफ माळीर रा नीमी भी माफ माळकु आदीत. 38 कोळतोगी, रा परमेश्वर भी नीमी कोट्टान. लॉकुर नीम क्वारा दा पुरा-पुरा नाप, वत्त-वोतकु अदकि आलगाळ-आलगाळसकु सीग हचकु हाक्यार. यतकी या नाप देल नीव दुसरा अन साटी आळेतीर, अदा नाप देल नीम साटी भी आळकु आदीत.”

39 *बाक यीशु आंदुर से ऊंद उदाहरण अंदुन: “येन ऊंद कुढ मंळसा, दुसरा कुढ मंळसा अक हादी हेळ सकतान? येन आंदुर येदुदु मुंदुर खोंदरा दा बळितीदील? 40 *चेला गुरु से धोड्डेव ईरालुन, लेकीन पुरा तरीका देल सप्पा ग्यान ताकोमकु आगदुर बाददा हर ऊंद चेला गुरु उन घाई आगगतान.”

41 नी तान वार्ट उन कण्ण इन तनिका अक येती नोळत्या? येन नी तान कण्ण इन लट्टा नोळ सकाल? 42 जब नी तान अच कण्ण इन लट्टा नोळ सकाल, रा तान वार्ट उन से ह्यांग अन सकत्या, “हे वार्ट; थामसेग ना नीन कण्ण दा टु तनिका तेगु कोळतीन?” हे कपटी, पयला तान कण्ण इन लट्टा तेगु, आग जो तनिका नीन वार्ट उन कण्ण दा आद, अदरी वळ्लीसा तरीका देल नोळकु तेगु सक्या.

ह्यांग मार्र हांग अच काय (मत्ती ७:१६-२०; १२:३३-३५)

43 “यातोदारा वळ्लीद मार्र बेकार काय कोळाल्द अदकि ना यातोदारा बेकार मार्र वळ्लीद काय कोळतद. 44 *हर ऊंद मार्र तान काय देल अर्तकु आगतद; यतकी लॉकुर मुळल इन झाळीगोळ दा टु अंजीर कोयालुर अदकि ना मईन काय इन मार्र मा टु अंगुर. 45 *वळ्लीद मंळसा तान आत्मा अन्द वळ्लीद भंडार दा टु वळ्लीद मातगोळी का तेगुतान, अदकि बुरा मंळसा तान दलि इन बुरा भंडार दा टु बुरा मातगोळी तेगुतान; यतकी जो दलि दा तुमकु आद अदा आऊन बाय दा बरतद.

मान्ना माळावाळेर येदुदु मंळसा (मत्ती ७:२४-२७)

46 “याग नीव नान कहना मान्सालरि रा येती नानी ‘हे प्रभु, हे प्रभु,’ अनतीर? 47 जो यावारा नान हात्ती बरतान अदकि नान मातगोळ केळकु अवरी मान्सतान, ना नीमी हेळतीन क्कि आव यार घाई आन: 48 आव आ मंळसा अन घाई आन, याव मान्ना माळाहोती जमीन खोल अगुळकु चट्टान मा पायवा हाकदुन, अदकि याग बाळ बत्त रा धारा आ मान्ना अक हत्त लेकीन अदरी आलगाळस सकदिील; यतकी अद मजबूत माळकु ईरोद. 49 लेकीन जो केळकु मान्सालुन आव आ मंळसा अन घाई आन, याव पृथ्वी मुण्ण जागा भूमी जमीन मा बनिा पायवा अन्द मान्ना माळदुन, याग अदुर मा धारा हत्त रा अद तुरन्त बदिदोत अदकि बदिदु अदुरद सत्यानाश आगेत.”

7

ऊंद सूबेदार उन वशिवास (मत्ती ८:५-१३)

* 6:39 ६:३९ मत्ती १५:१४ * 6:40 ६:४० मत्ती १०:२४,२५; यूहन्ना १३:१६; १५:२० * 6:44 ६:४४ मत्ती १२:३३ * 6:45 ६:४५ मत्ती १२:३४

1 याग यीशु लॉकुर से ई सप्पा मातगोळ अंद बुट्टुन, रा कफरनहूम नगर दा होदुन. 2 अल यावारा सौ रोमी सपिाहीगोळद सूबेदार उन ऊंद दास जो आऊन पर्यि ईरोन, बमिारी देल सायोर मा ईरोन. 3 आव यीशु उन चर्चा केळकु यहूदीगोळद हापाळ स्याणागोळी आऊन से ईद वनिती माळली आऊन हात्ती कळुदुन कर् बंदकु नान दास उक चंगा माळुल. 4 आंदुर यीशु उन हात्ती बंदुर, अदकि आऊन से धोळ वनिती माळकु अनली हतदुर, “आव ई लायक आन कर् नी आऊन साटी ई सप्पा माळ सक्या, 5 यतकी आव नाम जाती से प्यार ईटतान, अदकि आवा नाम यहूदी लॉकुरद सभागृह कटकु कोटान.”

6 यीशु आंदुर सांगुळ होदुन, लेकीन याग आव मान्ना अन्द हात्ती पोहचुसदुन, रा सुबेदार आऊन हात्ती तान संगीगोळी ईद अनली कळुदुन, “हे प्रभु नी तान तान इक यक्कुल कष्ट कोळबाळ, यतकी ना ई लायक हैलेच कर्नी नान मान्ना अन्द छपर्या ताका बर सक्या. 7 ईदा कारण ना तान तान इक ई लायक भी समसदिलि कर्ना नीन हात्ती बराईन, लेकीन सरिफ आग्या कोटबुळ रा नान सेवक चंगा आगेदान. 8 ना भी वास्तव दा शासन इन हात्ती आईन, अदकि सपिाही नान हात्ती आर; अदकि याग ऊंद सपिाही इक अनतीन, ‘होग,’ रा आव होगतान; अदकि दुसरा से अनतीन, ‘बर,’ रा बरतान; अदकि तान यावारा दास उक अनतीन कर् ‘अमुक क्याल्सा माळ,’ रा आव अदा माळतान.”

9 ईद केळकु यीशु उक अचम्भा आत अदकि आव मार्रा तरिगुसकु आ भीळ से जो आऊन हदि बरोद, अंदुन, “ना नीम से अनतीन कर्ना इस्त्राएल दा भी हगि वशिवास नोळीदेल.”

10 अदकि जो कळुकु आगदुर आ लॉकुर मान्या बंदकु आ दास उक चंगा नोळदुर.

यीशु रांड्यागीत इन पार उक जत्तिता माळदुन

11 थ्वाळासा दनि इन बाददा यीशु नाईन हेसुर इन ऊंद नगर दा होदुन. अल आऊन चेलागोळ अदकि धोळद भीळ आऊन सांगुळ होगोद. 12 याग यीशु नगर इन फाटक इन हात्ती पोहचुसदुन, रा लॉकुर ऊंद मुर्दा अक व्हार्या वोयोर; जो तान मोय इन ऊंदा पार ईरोन, अदकि आक रांड्या ईरोर; अदकि नगर इन हापाळ सा लॉकुर आकनि सांगुळ ईरोर. 13 आकी नोळकु प्रभु उक दया बत्त, अदकि आव आकनि से अंदुन, “वरलबाळ.” 14 आग आव हात्ती बंदकु सकोली इक मुटदुन, अदकि सकोली नेगावाळेर रूकसेदुर. आग आव अंदुन, “हे जवान, ना नीन से अनतीन, येळ!” 15 आग आ सोतकु पार यदकु कुरतुन, अदकि आ पार माताळली कुरतुन. बाक आव आ पार उक आऊन मोय इक सोप्स बुट्टुन.

16 इदुर देल सप्पा मुंदुर मा अंज्क तुम्मेत, अदकि आंदुर परमेश्वर उन बळाई माळकु अनली हतदुर, “नाम न्याड्या दा ऊंद धोड्डेव भवषियवक्ता बंदान, अदकि परमेश्वर तान लॉकुर मा कृपा दृष्टी माळयान.”

17 अदकि आऊन बारा दा ईद मात सप्पा यहूदिया अदकि आसपास इन सप्पा प्रदेश दा फैलुसेत.

यूहन्ना नीर संस्कार कोळावाळा अन्द प्रश्न

(मत्ती ११:२-१९)

18 बपतस्मा कोळावाळा यूहन्ना अक आऊन चेलागोळ ई सप्पा मातगोळद समाचार कोट्टुर. 19 आग यूहन्ना तान चेलागोळ दा टु येदद मुंदुर इक कारूकु प्रभु उन हात्ती ईद केळली कळुदुन, “येन बरावाळा नीना हुय, या नाव यावारा दुसरा अन्द हादी नोळेव?”

20 आंदुर यीशु उन हात्ती बंदकु अंदुर, “यूहन्ना बपतस्मा कोळावाळा नामी नीन हात्ती ईद केळली कळयान कयिन बरावाळा नी अच हुय, या नाव यावारा दुसरा अन्द हादी नोळेव?”

21 अदा समय आव हापाळ सा लॉकुरी बमिारगोळ देल अदकि दुखगोळ अदकि दुष्टआत्मागोळ देल चंगा माळदुन; अदकि हापाळ सा कुदद मंळसागोळी कण्ण कोट्टुन; 22 अदकि आव आंदुर से अंदुन, “जो येनारा नीव नोळीर अदकि केळीर, होगकु बपतस्मा कोळावाळा यूहन्ना से अंदबुळी; कर् कुददगोळ नोळतार, अदकि लंगळा नळुतार अदकि टेटतार, कोदी लॉकुर शुद्ध माळकु आगतार, बयरागोळ केळतार, मुर्दागोळ जत्तिता माळकु आगताव, अदकि कंगालगोळी खुशखबरी केळसकु आगतद. 23 धन्य आर आंदुर जो नान बारा दा ठोकर तनिलुर.”

24 याग बपतस्मा कोळावाळा यूहन्ना अन्द कळुद लॉकुर होटोदुर रा यीशु यूहन्ना अन्द बारा दा लॉकुर से अनली कुरतुन, “नीव आळी दा येन नोळली होगीदरि? येन हवा देल हालुसुद सरकण्डागोळी?” 25 रा बाक नीव येन नोळली होगीदरि? येन मुलायम कपळा हागद मंळसा अक? जो भळकीला कपळा हाकतार अदकि सुखवलास देल ईरतार, आंदुर राजभवनगोळ दा ईरतार. 26 रा बाक येन नोळली होगीदरि? येन यावारा भवषियवक्ता अक?

हव, ना नीम से अनतीन, उलटा भवषियवक्ता से भी धोड्डेव उक. 27 ईव आवा यूहन्ना हुन, यार्द बारा दा लखिसकु आद: “परमेश्वर अंदुन, ना तान स्वर्गदूत उक नीन मुंद-मुंद कळ्ळतीन, जो नीन मुंद अपमान हादी सरका माळ्यान.” 28 “ना नीम से अनतीन कजो आर्तेर दा टु पैदा आग्यार, आंदुर दा टु यूहन्ना बपतस्मा कोळावाळा से धोड्डेव यारू हल्लेच. पर जो परमेश्वर उन राज्य दा स्याण से स्याणेव आन, आव आऊन से भी धोड्डेव आन.”

29 *अदकि सप्पा साधारण लॉकुर केळकु अदकि कर ताकोमावाळेर भी यूहन्ना अन्द बपतस्मा ताकोमकु परमेश्वर उन हादी इक खरा मान्स कोडुर. 30 लेकीन फरीसीगोळ अदकि व्यवस्थापकगोळ यूहन्ना से बपतस्मा ईला ताकोमकु तान संबंध दा परमेश्वर उन योजना अक अस्वीकार माळदुर.

31 “इदुरसाटी ना ई पीढी इन लॉकुरद तुलना यार देल कोळाईन कजि आंदुर यार घाई आर? 32 इंदुर आ चकिोर घाई आर जो सात्तागोळ दा कुरतकु ईरतार अदकि आबुर दाबुरी इक कारूकु अनतार, ‘नाव नीम साटी कोळल मुरसदेव, अदकि नीव कुणदीदलि; नाव वलिाप इन हाळ हाळदेव, अदकि नीव वरलीदलि!’ 33 यतकी यूहन्ना बपतस्मा कोळावाळा ना रा रोटी तति बंदुन अदकि ना अंगुर इन रास्सा कुडुत बंदुन, अदकि नीव अनतीर, ‘आऊन दा दुष्टआत्मा आद.’ 34 ना मळसा अन पार तति-कुडुत बंदीन, अदकि नीव अनतीर, ‘नोळी, व्हाट्टा तुम्मावाळा अदकि कुडावाळा मळसा, कर ताकोमावाळेर अदकि पापीगोळव संगी.’ 35 जो लॉकुर परमेश्वर उन ग्यान स्वीकार माळतार आंदुर साबति माळतार कजि अद ग्यान खरा आद.”

यीशु उन पापी आर्त इक माफ माळोद

36 बाक यावारा ऊंद फरीसी यीशु से वनिती माळदुन कजि आव आऊन सांगुळ ऊमली कुरल, इदुरसाटी यीशु आ फरीसी इन मान्या होगकु ऊमली कुरतुन. 37 *आ नगर इन ऊंद पापी आर्त ईद जान्सकु कजि आव फरीसी इन मान्या ऊमली कुरतान, संगमरमर इन बाटुल दा ईत्तर तंदुर, 38 अदकि आऊन कालगोळ हात्ती, हदि नदिरकु, वरलतेला आऊन कालगोळी आसुगोळ देल नेनाकली अदकि तान ताल्ला अन्द चुट्टी देल सटिली हतदुर, अदकि आऊन कालगोळद घळी-घळी चुम्मा ताकोमकु अऊर मा अत्तर मलुसदुर. 39 ईद नोळकु आ फरीसी याव यीशु उक कारददिन, तान मन दा सोचली कुरतुन, “अगर ईव भवषियवक्ता ईरायदुन रा जान्सेगायदुन कजि इक जो आऊक मुटेत्यार, आक यार अदकि ह्यांग आर्त आर, यतकी आक रा पापीगीत आर.”

40 यीशु आऊन उत्तर दा अंदुन, “हे शमौन, नानी नीन से येनारा अनोद आद.”

आव माताळदुन, “हे गुरु, अन.”

41 यीशु अंदुन, “यावारा महाजन उन येदढ करजदार ईरोर, ऊंद अईद सौ चाँदी इन सक्कागोळद अदकि दुसरा पचास सक्का अन्द करजदार ईरोन. 42 याग आंदुरद हात्ती चुकुसली येनु ईतीदील, रा आव येदढ मुंदुर इक माफ माळ बुट्टुन. इदुरसाटी आंदुर दा टु याव आऊन से यक्कुल प्यार ईट्यान?”

43 शमौन उत्तर कोट्टुन, “नान समझ देल आव, यार्द आव यक्कुल बटि बुट्टुन.”

आव आऊन से अंदुन, “नी बराबर वचिर माळ्या.” 44 अदकि आ आर्त इन दी तरिगकु आव शमौन से अंदुन, “येन नी ई आर्त इक नोळीत्या? ना नीन मान्या बंदीन लेकीन नी नान काल तोळोर साटी नीर कोटीदील, पर इक नान काल आसुगोळ देल नेनाकदुर अदकि तान चुट्टीगोळ देल सटिदुर. 45 नी नानी चुमसीदलि, पर यागी टु ना बंदीन आगी टु इक नान कालगोळद चुम्मा ताकोमोद बटिदलि. 46 नी नान ताल्ला मा याण्णा मलुसदलि, पर इक नान कालगोळी ईत्तर मलुस्यार. 47 इदुरसाटी ना नीन से अनतीन कजि ईकीन पाप जो हापाळ ईरव, माफ आदव, यतकी इक हापाळ प्यार माळदुर; पर यार्द थ्वाळा पाप माफ आग्याव, आव थ्वाळा अच प्यार माळतान.”

48 अदकि यीशु आ आर्त इन से अंदुन, “नीन पाप माफ आदव.”

49 आग जो लॉकुर यीशु उन सांगुळ ऊमली कुरतकु ईरोर, आंदुर तान-तान मन दा वचिर माळली हतदुर, “ईव याव हुन जो पापगोळी भी माफ माळतान?”

50 बाक यीशु आ आर्त इन से अंदुन, “नीन वशिवास नीनी ऊळ्सबुटाद, शांती देल होटोग.”

8

यीशु उन स्यावा माकळोर चेलागोळ

1 ईदुर बाद्दा यीशु नगर-नगर अदकि ऊर-ऊर दा प्रचार माळतेला, अदकि परमेश्वर उन राज्य अनूद खुशखबरी केळसतेला टेटली कुरतुन, अदकि आ हन्नेळ चेलगोळ आऊन सांगुळ ईरोर, 2 यीशु उन स्यावा माकळोर आर्तेर भी ईरोर जो दुष्टआत्मागोळ देल अदकि बमिारगोळ देल चंगा माळकु आगीदुर, अदकि ईदुर आंदुर उर: मरयिम जो मगदलीनी अंदकु आगतार, यारदा टु येळ दुष्टआत्मागोळ होतीदव, 3 अदकि हेरोदेस उन सेवक खुजा अनूद हगिस् योअन्ना, अदकि सूसन्नाह, अदकि हापाळ सा दुसरा आर्तेर. ईदुर तान धन सम्पत्तदिदा टु आऊन स्यावा माळतोगोर.

बीजा बोऊसावाळा अनूद उदाहरण
(मत्ती १३:१-९; मरकुस ४:१-९)

4 याग धोळ्द भीळ जमा आत अदकि नगर-नगर इन लॉकुर यीशु उन हात्ती बरतोगोर, रा यीशु उदाहरण दा अंदुन:

5 “ऊद बोऊसावाळा बीजा बोऊसली होट्टान. बोऊसतेला येनारा हादी इन कनिरा मा बतित्त, अदकि काल देल मेटकु आत, आकाश इन पक्षीगोळ बंदकु अदरी तनि कोंडव. 6 येनारा बीजा कल्ल इन जागा बतित्त, अदकि बेळुतेला अच वळगेत, यतकी अदुरदा नमी ईला ईरोद. 7 थ्वाळासा बीजा मुळलगोळ मार्र इन न्याड्या दा बतित्त, अदकि मार्रगोळ सांगुळ-सांगुळ वाळुसकु अदरी वत्त बुट्टव. 8 थ्वाळासा बीजा वळ्लीद जागा मा बतित्त, अदकि बेळुकु सौ गुणा बीजा तर्त.”

ईद अंदकु आव धोळ्द आवाज देल अंदुन, “यारव केळव कवि इतदिाव आव केळ कोमुल.”

उदाहरणगोळ्द उद्देश

(मत्ती १३:१०-१७; मरकुस ४:१०-१२)

9 यीशु उन चेलगोळ यीशु से केळदुर कि ई उदाहरण इन मतलब येन आद? 10 आव अंदुन, “नीमी परमेश्वर उन राज्य अनूद भेदगोळ्द समझ कोटकु आग्याद, पर दुसरा अक उदाहरणगोळ दा केळसकु आगतद,” इदुरसाटी कि “आंदुर नोळतेला भी ना नोळुल, अदकि केळतेला भी ना समसुल.”

बीजा बोऊसावाळा उदाहरण इन मतलब समझुसोद

(मत्ती १३:१८-२३; मरकुस ४:१३-२०)

11 “उदाहरण इन मतलब ईद आद: बीजा परमेश्वर उन वचन हुन. 12 हादी इन कनिरा दोर आंदुर उर, यार वचन रा केळदुर; लेकीन शैतान बंदकु आंदुर मन दा टु वचन नेगुकु वीयतान कि ईदारा हगि आगबाळुल कि आंदुर वशिवास माळकु आंदुर उद्धार आगुल. 13 कल्ल माकळोर आंदुर उर जो वचन केळदुर मा अदरी हापाळ खुशी देल ग्रहण रा माळतार, पर जळी मजबूत ईला ईदुर कारण घळी तमि रा वशिवास माळतार पर याग परीक्षा बरतद रा बैकुसेगतार. 14 जो मुळलगोळ मार्र दा बतित्त, इंदुर आंदुर उर जो केळतार, पर मुंद नळुकु चन्तिता, अदकि धन, अदकि जीवन इन सुखवलास दा फसुसेगतार अदकि परपिक्वता अनूद साटी आंदुर काय हण्ण आगाल. 15 लेकीन वळ्लीद जागा मा बदि कु बीजा इंदुर उर, जो वचन केळकु तान शुद्ध अदकि वळ्लीद दलि दा अदरी मजबूती देल ईदतार अदकि आंदुर बळा धीरज देल काय तरतार.”

दगिया अनूद उदाहरण

(मरकुस ४:२१-२५)

16 यारु दगिया होत्ताकु बरतन देल मुच्चालुन, अदकि ना व्हर्स इन ल्यालमा ईदतान, लेकीन दीवट मा ईदतान कि वळक बरावाळेर इक ऊजूळ सकिकुल.

17 यतकी येनु भी होचकु हैलेच जो प्रगट आगतीदील, ना येनारा गुप्त मात आद जो जान्सकु आगतीदील.

18 इदुरसाटी सावधान ईरी कि नीव याता प्रकार देल केळतीर? यतकी यार हात्ती आद आऊक मात्त कोटकु आदीत, अदकि यार हात्ती हैलेच आऊन से अद भी ताकोमकु आगेदीत, यदरी आव तान सम्सतान.

यीशु उन मोय अदकि वारटुर

(मत्ती १२:४६-५०; मरकुस ३:३१-३५)

☆ 8:2 द:२ मत्ती २७:५५,५६; मरकुस १५:४०,४१; लूका २३:४९ ☆ 8:16 द:१६ मत्ती ५:१५; लूका ११:३३ ☆ 8:17 द:१७ मत्ती १०:२६; लूका १२:२ ☆ 8:18 द:१८ मत्ती २५:२९; लूका १९:२६

19 यीशु उन मोय अदकि आऊन वार्दुर यीशु उन हात्ती बंदुर, पर भीळ इन कारण आऊन से भेंट माळ सकदील.
 20 आऊक हेळकु आत, “नीन मोय अदकि नीन वार्दुर व्हार्या नदिरकु आर, आंदुर नीन से मल्लिसोद चाहास्तार.”
 21 यीशु इदुर उत्तर दा आंदुर से अंदुन, “नान मोय अदकि नान वार्दुर इंदुरा उर, जो परमेश्वर उन वचन केळतार अदकि मान्सतार.”

यीशु उन आँधी इक शांत माळोद

(मत्ती ८:२३-२७; मरकुस ४:३५-४१)

22 बाक ऊंद दशी यीशु अदकि आऊन चेलागोळ इवांगा मा येरदुर, अदकि यीशु आंदुर से अंदुन, “बरी, झील इन आप्पाटी होगता.” इदुरसाटी आंदुर इवांगा खोलस बुदुर. 23 लेकीन याग इवांगा नळोद, रा यीशु मगिदुन: अदकि झील दा तुफान बत्त, अदकि इवांगा नीर देल तुमली हत्त अदकि आंदुर जोखमि दा ईरोर. 24 आग आंदुर हात्ती होगकु आऊक येब्सदुर, अदकि अंदुर, “स्वामी! स्वामी! नाव नाश आगतेला होगीतेव.”

आग आव यदकु तुफान इक अदकि नीर इन लयरगोळी दनकुसदुन अदकि अव थामसेदव अदकि सप्पा शांत आगेत. 25 आग आव आंदुर से अंदुन, “नीम वशिवास यल ईरोद?”

लेकीन आंदुर अंजेदुर अदकि अचम्भति आगकु आपस दा अनली हतदुर, “ईव याव हुन जो तुफान अदकि नीर इक भी आग्या कोळतान, अदकि अव सप्पा आऊन मात केळताव?”

यीशु उन दुष्टआत्माग्रस्त मंळसा अक चंगा माळोद

(मत्ती ८:२८-३४; मरकुस ५:१-२०)

26 बाक यीशु अदकि आऊन चेलागोळ गरिसेनयागोळ्द प्रदेश दा पोहचुसदुर, जो गलील इन झील इन आप्पाटी आद. 27 याग यीशु कनारा मा ईळदुन रा आ नगर इन ऊंद मंळसा आऊक सकिदुन यारदा दुष्टआत्मागोळ ईरव. आव हापाळ दनिगोळ टु ना कपळा हाकतोगोन अदकि ना मान्या ईरतोगोन उलटा कब्रगोळ दा ईरतोगोन. 28 आव यीशु उक नोळकु चलिळासदुन अदकि आऊन मुंद बदिक् धोळ्द आवाज दा अंदुन, “हे परमप्रधान परमेश्वर उन पार यीशु! नानी नीन से येन क्याल्सा? ना नीन से वनिती माळतीन, नानी पीळा कोळबाळ.” 29 यतकी आव आ अशुध्द आत्मा अक आ मंळसा दा टु होळोद आग्या कोळोन, इदुरसाटी क् अद आऊन मा घळी घळी प्रगट आगतोगोद. याग क् लॉकुर आऊक शंकलीगोळ अदकि बेळीगोळ देल कटकु आऊन मा पहरा हचीदुर तरी आव बंधनगोळी मूरुकु भळितोगोन, अदकि दुष्टआत्मा आऊक आळी दा वयाळ्सतेला टेटोगोद.

30 यीशु आऊक केळदुन, “नीन येन हेसुर आद?”

आव अंदुन, “सेना,” यतकी हापाळ दुष्टआत्मागोळ आऊन दा होक्कोडीदव. 31 आंदुर आऊन से वनिती माळदुर क् नामी अनन्त अधोलोक दा होगोद आग्या कोळबाळ.

32 अल पहाळी मा हंदीगोळ्द ऊंद धोळ्द झुण्ड आळोद, इदुरसाटी आंदुर आऊन से वनिती माळदुर क् नामी अऊर दा हाकबुळ. यीशु आंदरी होगोद आग्या कोट्टुन. 33 आग दुष्टआत्मागोळ आ मंळसा दा टु होटकु हंदीगोळ दा होदव अदकि आ झुण्ड ढलान मा टु झपटुसकु झील दा होगकु बदिदव अदकि मुळककु सोत्तव.

34 चरवाहागोळ ईद सप्पा जो आगीत नोळकु ओळदुर, अदकि नगर दा अदकि ऊरगोळ दा होगकु आ घटना अन्द खबर कोट्टुर. 35 लॉकुर ईद जो आगीत अदरी नोळली होट्टुर, अदकि यीशु उन हात्ती बंदकु या मंळसा दा टु दुष्टआत्मागोळ होटीदव, आऊक यीशु उन काल इन हात्ती कपळा हाकत अदकि सचेत अवस्था दा कुर्त नोळकु अंजेदुर; 36 अदकि जो यावारा ई सप्पा नोळीदुर आंदुर आ लॉकुरी हेळदुर क् आव दुष्टआत्मा अन्द सत्सुद मंळसा यात्ता प्रकार देल वळ्लेव आग्यान. 37 आग गरिसेनया अन्द आसपास इन सप्पा लॉकुर यीशु से वनिती माळदुर क् नाम नगर दा टु होटोग; यतकी आंदुर हापाळ अंजेगीदुर. इदुरसाटी आव इवांगा मा येरकु होटोदुन. 38 या मंळसा दा टु दुष्टआत्मागोळ होटीदव आव आऊन से वनिती माळली कुरतुन क् नानी तान सांगुळ ईरगोळ,

लेकीन यीशु आऊक वदि माळकु अंदुन, 39 “तान मान्नी होटोग अदकि लॉकुरी हेळ क् परमेश्वर नीन साटी हयांग धोळ धोड्डेव क्याल्सा माळ्यान.”

आव होगकु सप्पा नगर दा प्रचार माळली कुरतुन क् यीशु नान साटी हयांग धोळ-धोड्डेव क्याल्सा माळ्यान.

याईर उन सोत्त पोर अदकि ऊंद रोगी आर्त
(मत्ती ९:१८-२६; मरकुस ५:२१-४३)

40 याग यीशु गलील वापस बंदुन रा लॉकुर आऊन स्वागत माळदुर, यतकी आंदुर सप्पा आऊन हादी कायोर.
41 इदुर दा याईर हेसुर ईनव ऊंद यहूदी मळसा जो यहूदी लॉकुर सभागूह अन्द सरदारगोळ दा टु ऊंद सरदार ईरोन, बंदुन अदकि यीशु उन काल मा बदिक् आऊन से वनिती माळली कुरतुन कनिन मान्नी नळ, 42 यतकी आऊन हन्नेळ वर्ष इन ऊंद टैसा अच पोर ईरोर, अदकि आक सायोर मा ईरोर.

याग आव होगोन, आग लॉकुर आऊन मा बळिली आगोर. 43 ऊंद आर्त आक इक हन्नेळ वर्ष टु खुन होगोद रोग ईरोद, अदकि जो तान सप्पा पैस्या कवळी वैद्यगोळद हदि बरबाद माळ बुटीदुर, तरी भी यारदु कय देल चंगा आगसकीदलि, 44 हदि टु बंदकु आऊन कपळा अन्द कनिरा अक मुटदुर, अदकि तुरन्त आकनि खुन होगोद बंद आगेत. 45 इदुर मा यीशु अंदुन, “नानी याव मुटदुन?”

याग सप्पा इनकार माळली कुरतुर, रा पतरस अंदुन, “हे स्वामी, नीनी रा भीळ वोत्तेत्याद अदकि नीन मा बळित्याद.”

46 लेकीन यीशु अंदुन, “यावारा रा नानी मुट्यार, यतकी ना जान्स कोंडीन कनिन दा टु सामर्थ्य होटाद.”
47 याग आ आर्त नोळदुर कनि होचकोम सकालीन, आग नळगतेला बंदुर अदकि आऊन काल मा बदिक् सप्पा लॉकुर मुंद हेळदुर क आक यात्ता कारण देल आऊक मुटदुर, अदकि ह्यांग तुरन्त चंगा आगेदुर. 48 यीशु आकनि से अंदुन, “पोरी, नीन वशिवास नीनी वळलीद माळयाद, कुशल देल होटोग.”

49 यीशु ईद अनतेला अच ईरोन कयावारा यहूदी यहूदी लॉकुर सभागूह अन्द सरदार उन अल टु बंदकु अंदुन, “नीन पोर सोतोदुर: गुरु उक दुख कोळबाळ.”

50 यीशु ईद मात कळकु याईर उक उत्तर कोट्टुन, “अंजबाळ; सरिफ वशिवास ईट, रा आक ऊळदोदार.”

51 मान्या बंदकु आव पतरस, यूहन्ना, याकूब, अदकि पोर इन मोय-आप्प उक बटिकु दुसरा यारीकु तान सांगुळ बुळक बर गोटीदील. 52 सप्पा आकनि साटी वोरलोर, लेकीन आव अंदुन, “वर्लबाळी; आक सायली आर लेकीन मगित्यार.”

53 आंदुर ईद जान्सकु क आक सोतोग्यार आऊन मज्याक हारसली हतदुर. 54 लेकीन आव आऊन कय हुळदुन, अदकि कारूतेला अंदुन, “हे पोरी, येळ!” 55 आग आकनि जीव वापस बत्त अदकि आक तुरन्त यदकु नदिरेदुर. बाक आव आग्या कोट्टुन क आकी येनारा तनिली कोळी. 56 आकनि मोय-आप्प चकति आदुर, लेकीन आव आंदरी आदेश कोट्टुन क ईद जो आग्याद यारदारा से अनबाळेतीर.

9

यीशु उन द्वारा हन्नेळ प्रेरतिगोळी कळकु आगेद
(मत्ती १०:५-१५; मरकुस ६:७-१३)

1 बाक यीशु तान हन्नेळ चेलागोळी तान हात्ती कारदुन आंदरी सप्पा दुष्टआत्मागोळ अदकि बमिरगोळी दुर माळोद सामर्थ्य अदकि अधिकार कोट्टुन, 2 अदकि आंदरी परमेश्वर उन स्वर्गीय राज्य अन्द प्रचार माळली अदकि बमिरगोळी वळलीद माळोद साटी कळुदुन. 3 यीशु आंदुर से अंदुन, “तान यात्रा अन्द साटी येनु वोयबाळेतीर, ना रा कोल, ना झ्वारा, ना रोटी, ना पैस्या अदकि ना येढढ-येढढ कुळता. 4 जो यातोदु मान्या नीव ईळदीर, अल्या ईरी, अदकि अल टु उच वदि आगी. 5 *जो यावारा नीमी ग्रहण माळालुर, आ नगर टु होळावती तान कालगोळद धुळा झाळस बुळी क आंदुर मा गवाही आगुल.”

6 इदुरसाटी आंदुर होटकु ऊरा-ऊरा खुशखबरी केळसोर, अदकि हर जागा दा लॉकुरी चंगा माळत् टेटतेला ईत्तुर.

राजा हेरोदेस उन परेशानी

(मत्ती १४:१-१२; मरकुस ६:७-२९)

7 *द्याश इन चौथाई इन राजा हेरोदेस याग ई सप्पा घटनागोळ बारा दा केळदुन रा आव हापाळ घबरूसेदुन, यतकी थ्वाळासा लॉकुर अंदुर क यूहन्ना बपतसिमा कोळावाळा सोत्तुर दा टु जतिता आग्यान, 8 अदकि थ्वाळासा लॉकुर ईद अंदुर क एलियाह काळस्यान, अदकि थ्वाळासा दुसरा लॉकुर ईद अंदुर क हाळोद

भवषियवक्तागोळ दा टु यावारा जतिता आग्यान. 9 लेकीन हेरोदेस अंदुन, “यूहन्ना अनद रा ताल्ला ना कळसुसीदीन, ईग ई मंळसा याव हुन यार्द बारा दा ना हगि मातगोळ केळेतीन?” अदकि आव यीशु उक नोळोद प्रयत्न माळतेला ईत्तुन.

यीशु अईद हजार लॉकुरी तनिसदुन

(मत्ती १४:१३-२१; मरकुस ६:३०-४४; यूहन्ना ६:१-१४)

10 बाक प्रेरतिगोळ वापस बंदकु जो येनारा आंदुर माळीदुर, यीशु उक हेळ बुटुर; अदकि यीशु आंदरी अलग माळकु बैतसैदा हेसुर इन नगर दा ओतुन. 11 ईद जान्सकु भीळ आऊन हदि आगेत, अदकि आव खुशी देल आंदुर से मलिसदुन, अदकि आंदुर से परमेश्वर उन राज्य अनद मातगोळ हेळली कुरतुन, अदकि जो चंगा आगोद चाहासोर आंदरी चंगा माळदुन.

12 याग द्याव आगली हत्त रा हन्नेळ चेलागोळ बंदकु यीशु से अंदुर, “भीळ इक वदि माळ कनिाकु दकिळोद ऊरगोळ अदकि ऊरगोळ दा होगकु तान साटी ईरली जागा अदकि तनिली येनारा तरी ढुंढस सकुल, यतकी नाव ईल सुनसान जागा दा आयेव.”

13 यीशु आंदुर से अंदुन, “नीव अच आंदरी तनिली इक कोळी.”

चेलागोळ अंदुर, “नाम हात्ती अईद रोटी अदकि येढ्ढ मेनगोळी बटिकु अदकि येनु हैलेच; लेकीन हव, अगर नी चाहासत्या कनिाव होगकु ई सप्पा लॉकुर साटी भोजन कोडेव, रा आग सकतद.” यतकी आ लॉकुर संख्या रा अईद हजार इन हात्तीपास ईरोद. 14 आग यीशु तान चेलागोळ से अंदुन,

“लॉकुरी पचास-पचास माळकु पंगत-पंगत दा कुरस बुळी.”

15 आंदुर हगि अच माळदुर, अदकि सप्पा मुंदरी कुरस बुटुर. 16 आग आव अव अईद रोटीगोळी अदकि येढ्ढ मेनगोळी हुळदुन, अदकि स्वरग दी नोळकु परमेश्वर उक धन्यवाद माळदुन, अदकि रोटी मुर-मुरकु चेलागोळी कोळत होदुन किलॉकुरी वाळसुल. 17 आग सप्पा लॉकुर तनिकु संतुष्ट आदुर, अदकि चेलागोळ ऊळद टुकळागोळ दा टु हन्नेळ फुटी तुमकु नेगदुर.

पतरस उन यीशु उक “मसीह” स्वीकार माळोद

(मत्ती १६:१३-२०; मरकुस ८:२७-३०)

18 याग यीशु आबना दा प्रार्थना माळोन अदकि चेलागोळ आऊन सांगुळ ईरोर, रा आव आंदुर से केळदुन, “लॉकुर नान बारा दा येन अनतार?”

19 *चेलागोळ उत्तर कोट्टुर, “यूहन्ना बपतसिमा कोळावाळा, अदकि यावारा यावारा एलयियाह, अदकि यावारा ईद किलॉकुरी भवषियवक्तागोळ दा टु यावारा जतिता आग्यान.”

20 *यीशु आंदुर से केळदुन, “लेकीन नीव नानी येन अनतीर?”

पतरस उत्तर कोट्टुन, “परमेश्वर उन द्वारा कळुद मसीह.”

तान सायोद बारा दा यीशु उन भवषियवाणी

(मत्ती १६:२१-२३; मरकुस ८:३१-३३)

21 आग यीशु आंदरी आदेश कोटकु अंदुन किलॉकुरी मात इन उल्लेख यार्दु से माळबाळेतीर. 22 बाक यीशु अंदुन, “ना मंळसा अन पार उन साटी जरूरी आद कनिा दुख नेगाईन, अदकि स्याणा अदकि प्रधान याजक अदकि नियम इन गुरु नानी तुच्छ जान्सकु कोद बुट्टार, अदकि ना मुर दनि दा जतिता आगाईन.”

23 *यीशु सप्पा मुंदुर से अंदुन, “अगर यावारा नान हदि बरोद चाहासतान, रा आव तान तान इक इनकार माळुल अदकि रोज जो तान जीव नान साटी कुरस मा समरपति माळुल आवा नान हदि आगेगुल. 24 *यतकी जो यावारा तान जीव ऊळसोद चाहास्यान आव अदरी खोऊस्यान, लेकीन जो यावारा नान साटी तान जीव खोऊस्यान आव अदरी ऊळस्यान. 25 अगर मंळसा पुरा दुनया अक हासलि माळुल अदकि तान जीव खोऊस बुळुल या अदुरद हानि नेगुल, रा आऊक येन लाभ आदीत? 26 जो नान देल अदकि नान वचन देल लज्जति आगतान, आऊन देल ना मंळसा अन पार भी, आ समय लज्जति आदान याग आव खुद अदकि तान आप्प उन अदकि पवतिर

* 9:19 १:१९ मत्ती १४:१,२; मरकुस ६:१४,१५; लूका ९:७,८

* 9:20 ९:२० यूहन्ना ६:६८,६९

* 9:23 ९:२३ मत्ती १०:३८; लूका १४:२७

* 9:24 ९:२४ मत्ती १०:३९; लूका १७:३३; यूहन्ना १२:२५

स्वर्गदूतगोळ्द महिमा दा बंदान. 27 ना नीम से खरा माताळतीन, कजि जो ईल नदिरकु आर, आंदुर दा टु यारारा हगि आर कजि यागासताका परमेश्वर उन राज्य नोळतीदलि, आगासताका सायतीदील.”

यीशु उन रूपान्तर

(मत्ती १७:१-८; मरकुस ९:२-८)

28 ई मातगोळ्द लगभग येठ्ठ दनि इन बाद्दा यीशु पतरस, यूहन्ना अदकि याकूब उक सांगुळ हुळकु प्रार्थना माळोर साटी पहाळी मा होदुन. 29 याग आव प्रार्थना माळतेला अच ईरोन, रा आऊन चेहरा अन्द रूप बदलुसेत, अदकि आऊन कपळा बळिव आगकु चमकुसली हत्त. 30 अदकि अचानक, मूसा अदकि एलिय्याह, ई येढ्ढ मंळसा आऊन सांगुळ मातगोळ हेळोर. 31 आंदुर स्वर्गीय महिमा सहति काळ्सदुर अदकि यीशु उन सायोद चर्चा माळोर, जो परमेश्वर उन उद्देश यरूशलेम दा पुरा आगोद ईरोद. 32 पतरस अदकि आऊन साथीगोळ कण्णगोळ जप देल तुमकु ईरव, लेकीन याग आंदुर पुरण रूप देल च्याता आदुर, रा आंदुर आऊन महिमा अक अदकि आ येढ्ढ मंळसागोळी, जो यीशु उन सांगुळ नदिरकु ईरोर, नोळदुर. 33 याग आंदुर आऊन हात्ती टु होगली हतदुर, रा पतरस यीशु से अंदुन, “हे स्वामी, नाम्द ईल ईरोद वळ्ळीद आद: इदुरसाटी नाव मुर हांदरा माळेव, ऊंद नीन साटी, ऊंद मूसा अन्द साटी, अदकि ऊंद एलिय्याह अन्द साटी.” आव ईला जानसोन कजि आव येन माळेत्थान.

34 आव ईद माताळतेला अच ईरोन कजि ऊंद बादल बंदकु आंदरी होचकोम्त, अदकि याग चेलागोळ आ बादल देल घेरूसली हतदुर रा अंजेदुर. 35 आग आ बादल दा टु आवाज होळ्त्त, “ईव नानव पार अदकि नान चुनुसदव हुन, ईऊंद केळी.”

36 ईव आवाज आगतेला अच यीशु आबना अच काळ्सदुन; अदकि आंदुर सुंगा ईत्तुर, अदकि जो येनारा नोळीदुर अदुरद बारा दा आंदुर आ दनिगोळ दा यारदारा से येनु माळीदलि.

दुष्टआत्माग्रस्त पार उक चंगा माळोद

(मत्ती १७:१४-१८; मरकुस ९:१४-२७)

37 दुसरा दनि याग यीशु अदकि आऊन मुर चेलागोळ पहाळ मा टु ईळदुर रा ऊंद धोळद भीळ बंदकु यीशु से मळिसुत्त. 38 अदकि नोळी, भीळ दा टु ऊंद मंळसा चळिलासकु अंदुन, “हे गुरु, ना नीन से वनिती माळतीन कजि नान पार उन म्याकुच कृपादृष्टिमाळ; यतकी आव नानव ऊंद टैसा पार आन. 39 अदकि नोळ, ऊंद दुष्टआत्मा आऊक हुडूतद, अदकि आव अचानक चळिलासकु येळतान; अदकि अद आऊक हगि मुरकुळसुत्तद कजि आव बाय दा फेस तुमकु तरतान; अदकि आऊक कठनाई देल बळितद. 40 ना नीन चेलागोळ से वनिती माळदीन कजि आ दुष्टआत्मा अक तेगुल लेकीन आंदुर तेगु सकदील.”

41 यीशु आंदरी उत्तर कोट्टुन, “हे अवशिवासी अदकि जदिदी लॉकुरा, ना यागासताका नीम सांगुळ ईराइन अदकि नीम सहन माळाईन? तान पार उक ईल तर.”

42 आव पार बरतेला अच ईरोन कजि दुष्टआत्मा आऊक पटकुसकु मुरकुळसुत्त, लेकीन यीशु अशुध्द आत्मा अक दनकुसदुन अदकि पार उक वळ्ळीद माळकु आऊन आप्प उक सौप्सदुन. 43 आग सब लॉकुर परमेश्वर उन महासामर्थ्य देल चकति आदुर.

तान सायोद बारा दा यीशु उन दुसरा घन भवषियवाणी

(मत्ती १७:२२,२३; मरकुस ९:३०-३२)

लेकीन याग सब लॉकुर आ सब क्याल्सागोळ देल जो यीशु माळतोगोन, अचम्भति ईरोर, रा आव तान चेलागोळ से अंदुन, 44 “नीव ई मातगोळ मा ध्यान कोळी, यतकी ना मंळसा अन पार मंळसागोळ्द कय दा सौप्सकु आगाईन.” 45 लेकीन आंदुर ई मात इक ईला समसोर, अदकि ईद आंदुर से होचकु ईत कजि आंदुर आऊक जान्स ईला सकुल; अदकि आंदुर ई मात इन बारा दा यीशु उक केळली अंजतोगोर.

सब से धोडडेव याव?

(मत्ती १८:१-५; मरकुस ९:३३-३७)

46 *बाक आंदुरदा ईद ववाद आगली कुरत कनि नाम दा टु धोळ याव आन. 47 लेकीन यीशु आंदुरद मन इन वचार जान्स कौडुन, अदकि ऊंद पार उक हुळकु तान हातती नीदूसदुन, 48 *अदकि आंदुर से अंदुन, “जो यावारा नान हेसुर देल ई पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नान कळावाळेर इक ग्रहण माळतान, यतकी जो नीम दा सब से स्याणेव टु स्याणेव आन, आवा धोड्डेव आन.”

जो वरिध दा ईला, आव पक्ष दा आन
(मरकुस ९:३८-४०)

49 आग यूहन्ना अंदुन, “हे स्वामी, नाव ऊंद मळसा अक अपमान हेसुर देल दुष्टआत्मागोळी तेगुतेला नोळदेव, अदकि नाव आऊक मना माळदेव, यतकी आव नाम सांगुळ आगकु अपमान ह्दि आगालुन.”

50 यीशु यूहन्ना अदकि बाकी चेलागोळ से अंदुन, “आऊक मना माळबाळी; यतकी जो नीम वरिध दा हैलेच, आव नीमद सांगुळ आन.”

सामरीयागोळ द्वारा यीशु उन वरिध

51 याग यीशु उन स्वर्ग दा नेगुकु आगोद दनि हातती बरली हतदव रा आव यरूशलेम होगोद मजबूत नश्चय माळदुन. 52 आव तान मुंद स्वर्गदूत कळुदुन. आंदुर सामरीगोळद ऊंद ऊर दा होदुर कनि आऊन साटी जागा तयार माळुल. 53 लेकीन आ लॉकुर आऊक ईळु गोटीदील, यतकी आव यरूशलेम होगोन. 54 ईद नोळकु यीशु उन चेलागोळ याकूब अदकि यूहन्ना अंदुर, “हे प्रभु, येन नी चाहासत्या कनि नाव आग्या कोट्टेव, कनि आकाश टु बेककी बळिसुसुकु आंदरी भसम माळसुस बुळुल?”

55 लेकीन यीशु तरिगुकु आंदरी दनकुसदुन. 56 यीशु अदकि आऊन चेलागोळ दुसरा ऊर दा होटोदुर.

यीशु उक मानसावाळेर ह्यांग ईर पायजे
(मत्ती ८:१९-२२)

57 याग आंदुर हादी देल होगोर, रा चेलागोळ दा टु यावारा यीशु से अंदुन, “यल-यल नी होदया, ना नीन ह्दि आगोर्गईन.”

58 यीशु आऊन से अंदुन, “कोल्यागोळ गुफा अदकि आकाश इन पक्षीगोळ ग्वादा ईरताव, लेकीन ना मळसा अन पार उन साटी ताल्ला होचकोमोर साटी भी जागा हैलेच.”

59 यीशु दुसरा से अंदुन, “नान ह्दि आगोग.”

आव अंदुन, “हे प्रभु, नानी पयले होगोळ कनि तान आप्प उक नळसाईन.”

60 यीशु आऊन से अंदुन, “सोदूद मळसागोळी तान मुर्दा नळसगोळ, लेकीन नी होगुकु परमेश्वर उन राज्य अन्द पुरा प्रचार माळ.”

61 ऊंद मातूत मळसा भी अंदुन, “हे प्रभु, ना नीन ह्दि आगोर्गईन; लेकीन पयले नानी होगोळ कनि तान मान्ना अन्द लॉकुर से वदि ताकोमकु बराईन.”

62 यीशु आऊन से अंदुन, “जो यावारा तान कय नांगर मा ईटकु ह्दि नोळतान, आव परमेश्वर उन राज्य अन्द लायक हैलेच.”

10

यीशु बहात्तर चेलागोळी कळुदुन

1 ई मातगोळद बाददा प्रभु यीशु मातूत बहात्तर मळसागोळी नयिकुत माळदुन, अदकि याता-याता नगर अदकि जागा अक आव होगली ईरोन, अल आंदरी येदूद-येदूद माळकु तान मुंद कळुदुन. 2 *यीशु आंदुर से अंदुन, हण्ण केई हापाळ आव, पर कयाल्सा माळावाळेर मजदुर गोरत आर; इदुरसाटी फसल इन स्वामी से वनिती माळी कनि आव तान फसल कडोर साटी मजदूर कळु बुळुल. 3 *होगी; ना नीमी म्यांडागोळ घाई लांडग्यागोळ नयाड्या कळुतीन. 4 इदुरसाटी तान सांगुळ ना चीला, ना झ्वारा, ना केरूगोळ हुडी; अदकि ना हादी मा यारदारा से नमस्कार माळी. 5 यातारा मान्या होगी, पयले अनी, “ई मान्ना मा कल्याण आगुल.” 6 अगर अल यावारा

कल्याण इन लायक ईतीदान, रा नीम कल्याण आऊन मा ईत्तीत, ईलारा नीम हात्ती वापस बंदीत. 7 ✨अदा मान्या ईरी, अदकि जो येनारा आंदुर से सकिकीत, अदा तर्नी-कुडी, यतकी मजदूर उक तान मजदूरी सकि पायजे; मान्या-मान्या टेटबाळेतीर. 8 या नगर दा नीव होगी, अदकि अलेर लॉकुर याग नीम स्वागत माळ्यार रा जो येनारा नीम मुंद ईटकु आदीत अदा तर्नी. 9 अलेर बमारगोळी चंगा माळी अदकि आंदुर से अनी, “परमेश्वर उन राज्य हात्ती होट बंदाद.” 10 ✨लेकीन या नगर दा होदरि, अदकि अलेर लॉकुर नीमी ग्रहण माळतीदील, रा आंदुरद गलीगोळ दा होगकु अनी, 11 ✨“नीम वरिध दा नाव नीम नगर इन धुळा अक भी जो नाम कालगोळ मा हत्याद झाळ्स कोळतेव; फरि भी ईद जान्स कोमी कपरमेश्वर उन राज्य नीम हात्ती होट बंदाद.” 12 ✨ना नीम से अनतीन कर् आ दनि परमेश्वर न्याय माळ्यान आ दशी सदोम इन दशा आ नगर से हापाळ गुणा सहन माळा लायक ईत्तीत.

अवशिवासी नगरगोळी धक्कार (मत्ती ११:२०-२४)

13 “हाय खुराजीन! हाय बैतसैदा! जो सामर्थ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा बॉरा होदुकु अदकि राख दा कुर्तकु आंदुर यागुटु मन तरिगुसायदुर. 14 लेकीन न्याय इन दनि सूर अदकि सैदा अन्द दशा नीम से यक्कुल सहन माळा लायक ईत्तीत. 15 अदकि हे कफरनहूम, येन नी स्वर्ग ताका म्याकुच नेगुकु आदया? नी पाताल लोक ताका ल्यालमा होदया.”

16 ✨यीशु तान चेलागोळ से अंदुन, “जो नीम केळतान, आव नान केळतान; अदकि जो नीमी तुच्छ जानसतान, आव नानी तुच्छ जानसतान; अदकि जो नानी तुच्छ जानसतान, आव नान कळावाळेर इक तुच्छ जानसतान.”

बहात्तर चेलागोळद वापस बरोद

17 आंदुर बहात्तर चेलागोळ खुशी माळतेला बंदुर अदकि अनली हतदुर, “हे प्रभु, नीन हेसुर देल दुष्टआत्मा भी नाम आग्या मानसताव.”

18 यीशु आंदुर से अंदुन, “ना शैतान उक बजिली इन घाई स्वर्ग टु बळिस नोळीन. 19 केळी, कनि ना नीमी हाव अदकि पुरा सामर्थ्य मा अधकार कोटीन; अदकि नीमी येनु हाना आगतीदील. 20 फरि भी ईदुर देल खुश आगबाळी कर् आत्मा नीम वश दा आद, लेकीन इदुर देल खुश आगी कर् नीम हेसुर स्वर्ग दा लखिसकु आद.”

यीशु उन खुश आगोद

(मत्ती ११:२५-२७; १३:१६,१७)

21 आ समय यीशु पवत्रि आत्मा दा आगकु खुशी देल तुम्मेदुन, अदकि अंदुन, हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन कर् नी ई मातगोळी आंदुर से जो ग्यानी आर अदकि कलत माळकु लॉकुर से होचकोमकु ईट्टद, अदकि चकिरगोळ मा प्रगट माळद. हव, हे आप्पा, यतकी नीनी ईदा वळ्ळीद हत्त.

22 ✨नान आप्पा नानी सप्पा येनारा सोप्स बुट्टुन; अदकि याऊ जान्सालुन कर् पार याव हुन सर्फि आप्पा, “अदकि आप्पा याव हुन ईद भी याऊ जान्सालुन सर्फि पार अदकि आव यार मा पार अदरी प्रगट माळोद चाहासतान.”

23 आग चेलागोळ दी तरिगकु आबना दा अंदुन, “धन्य आव अव कण्णगोळ, जो ई मातगोळ जो नीव नोळतीर अव नोळताव. 24 यतकी ना नीम से अनतीन कर् हापाळ सा भवषियवक्तागोळ अदकि राजागोळ चाहासदुर कर् जो मातगोळ नीव नोळतीर आंदुर नोळुल पर नोळीदील, अदकि जो मातगोळ नीव केळतीर आंदुर केळुल पर केळीदील.”

दयालु सामरी इन उदाहरण

25 ✨अदकि ऊंद व्यवस्थापक येदुन अदकि ईद अनतेला यीशु उन परीक्षा माळली कुरतुन, “हे गुरु, अनन्त जीवन सकोद साटी ना येन माळाईन?”

26 यीशु आऊन से अंदुन, “मूसा अन्द व्यवस्था दा येन लखिसकु आद? नी हयांग वाचुसत्या?”

✨ 10:7 १०:७ १ कुरनिथि १:१४; १ तीमुथयिस ५:१८ ✨ 10:10 १०:१० प्रेरतिगोळ १३:५१ ✨ 10:11 १०:११ मत्ती १०:७-१४; मरकुस ६:८-११; लूका ९:३-५ ✨ 10:12 १०:१२ मत्ती ११:२४; मत्ती १०:१५ ✨ 10:16 १०:१६ मत्ती १०:४०; मरकुस ९:३७; लूका ९:४८; यूहन्ना १३:२० ✨ 10:22 १०:२२ यूहन्ना ३:३५; यूहन्ना १०:१५ ✨ 10:25 १०:२५ मत्ती २२:३५-४०; मरकुस १२:२८-३४

27 आव उत्तर कोट्टुन, “मूसा अन्द व्यवस्था अनतद, नी प्रभु तान परमेश्वर से तान सप्पा मन अदकि तान सप्पा जीव अदकि तान सप्पा शक्ति अदकि तान सप्पा बुद्धी इन सांगुळ प्यार ईट अदकि तान मान्ना हातळोर से तान घाई प्यार ईट.”

28 यीशु आऊन से अंदुन, “नी बराबर उत्तर कोट्ट, ईदा माळ रा नी जत्तिता ईत्या.”

29 लेकीन आव तान तान इक न्यायी ठहरूसोद इच्छा देल यीशु से केळदुन, “रा नान मान्ना हातळोर याव हुन?”

30 यीशु उत्तर कोट्टुन, “ऊंद मंळसा यरूशलेम टु यरीहो अक होगोन कि डाकूगोळ आऊक घेरसकु आऊन कपळा ईळ्स बुटुर, अदकि बडु माळकु आऊक सायोर साटी बटिकु होटोदुर. 31 अदकि हगि आत कि अदा हादी देल ऊंद याजक होगोन, लेकीन आऊक नोळकु आव अनदेखा माळदुन अदकि होटोदुन. 32 ईदा रीति देल ऊंद लेवी भी आ जागा मा बंदुन, आव भी आऊक अनदेखा माळकु होटोदुन. 33 लेकीन ऊंद सामरी जाती नव यात्री अल टु होगोन, अदकि आऊक नोळकु आऊन मा तरस तदिन. 34 आव आऊन हात्ती बंदकु आऊन जखमगोळ मा याण्णा अदकि अंगुर इन रास्सा हाक्कु पट्टी कटदुन, अदकि तान सवारी मा येसकु आऊक सरई दा ओतुन, अदकि आऊन स्यावा टहल माळदुन. 35 दुसरा दनि आव येदद बेळ्ली इन सकिका तेगुकु सरई इन मालकि उक कोट्टुन, अदकि अंदुन, ‘ईऊन स्यावा टहल माळेत, अदकि जो येनारा अपमान दी टु हत्तीत, अद ना वापस बंदुर मा नीनी तुम कोळाईन.’”

36 ईग यीशु “नीन वचार देल ई मूर दा टु आ मंळसा अन्द जो डाकूगोळ्द कय दा सकिकेगीदुन, याव मान्ना हातळोर आदुन?”

37 आव अंदुन, “आवा याव आऊन मा दया माळदुन.”

यीशु आऊन से अंदुन, “होग, नी भी हगि अच माळ.”

मार्था अदकि मरयिम इन मान्या यीशु

38 याग आंदुर होगोर रा यीशु ऊंद ऊर दा होदुन, अदकि मार्था हेसुर इनोर ऊंद आरत यीशु उन तान मान्या स्वागत माळदुर. 39 मरयिम हेसुर इनोर आकनि ऊंद आकतींग ईरोर. आक प्रभु उन कालगोळ दी कुर्तकु आऊन वचन केळतोगोर. 40 लेकीन मार्था स्यावा माळत-माळत व्याकुल आगेदुर, अदकि आऊन हात्ती बंदकु अनली हतदुर, “हे प्रभु, येन नीनी येनु अच चन्तिता हैलेच कनिन आकतींग नानी स्यावा माळोद साटी आबना अच बटि बुटार? इदुरसाटी आकनि से अन कनिन सहायता माळुल.”

41 प्रभु आक इक उत्तर कोट्टुन, “मार्था, हे मार्था; नी हापाळ मातगोळ्द साटी चन्तिता माळत्या अदकि व्याकुल आगत्या. 42 लेकीन ऊंद मात जरूरी आद, अदकि आ वळ्लीद भाग इक मरयिम चुनुस कौडार जो आकनि से कस्तकु आगतीदील.”

11

यीशु आंदरी प्रार्थना माळोद कल्सदुन

(मत्ती ६:९-१३)

1 यीशु यातोदारा जागा दा प्रार्थना माळोन. याग यीशु प्रार्थना माळ कौडुन, रा आऊन चेलागोळ दा टु ऊंद चेला आऊन से अंदुन, “हे प्रभु, ह्यांग नीर-संस्कार कोळावाळा यूहन्ना तान चेलागोळी प्रार्थना माळोद कल्सयान हांग अच नामी भी नी कल्सबुळ.”

2 यीशु आंदुर से अंदुन, याग नीव प्रार्थना माळी रा अनी: हे आप्पा:

नीन हेसुर पवतिर मान्सकु आगुल,

नीन राज्य बरूल.

3 नाम हागुल त्रिमुद रोट्टी रोज-रोज नामी कोळतोग,

4 ह्यांग नाव तान हर ऊंद अपराधीगोळी माफ माळतेव,

हांग अच नी भी नाम पापगोळी माफ माळ,

अदकि नामी परीक्षा दा तरबाळ.

5 आग यीशु आंदुर से अंदुन, “नीम दा टु याव आन कि आऊन संगी आगुल, अदकि आव आर्था ईळ्लकी आऊन हात्ती होगकु आऊन से अनुल, हे संगी; नानी मुर रोट्टीगोळ कोळ. 6 यतकी ऊंद यात्री संगी नान

हात्ती बंदान, अदकि आऊन तनिसोर साटी नान हात्ती येनु हैलेच.' ” 7 अदकि आव तान मन इन बुळ्क टु उत्तर कोळुल, “नानी माळबाळ; ईग रा दरवाजा बंद आद अदकि नान चकिोर नान हात्ती हासक्या मा आर, इदुरसाटी ना यदकु नीनी रोट्टी कोळ सकालीन?” 8 ना नीम से अनतीन, अगर आव आऊन संगी हुन तरी भी आव आऊक यदकु रोट्टी कोळालुन, फरि भी रोट्टी बेळावाळा तान शरम बटिकु बेळुल रा ईद कारण आव यदकु आऊक याट जरवत आद आस रोट्टी कोट्टान.

9 अदकि ना नीम से अनतीन कबिळी, रा नीमी कोटकु आदीत; ढुंढसी, रा नीमी सकिकीत; ठोकसीर, रा नीम साटी तेरूकु आदीत. 10 यतकी जो यावारा बेळतान, आऊक कोटकु आगतद; अदकि जो ढुंढसतान, आऊक सकितद; अदकि जो ठोकसतान, आऊन साटी तेरूकु आगतद. 11 नीम दा टु हगि याव आप्प आन, क्कि आऊन पार मेन बेळतान*, रा मेन इन जागा आऊक हाव कोळतान? 12 या तत्ती बेळुल रा आऊक चेळ कोळुल? 13 इदुरसाटी याग नीव बुरा ईतकु तान चकिोरी वळ्ळीद वस्तु कोळोद जान्सतीर, रा नीम स्वर्गीय आप्प तान बेळावाळेरी पवत्तिर आत्मा यती कोळतीदील.

यीशु अदकि बालजबूल

(मत्ती १२:२२-३०; मरकुस ३:२०-२७)

14 बाक यीशु ऊंद दुष्टआत्मा अक जो आऊन बुळ्क होगदुर मा आ मंळसा माताळ ईला सकोन आ दुष्टआत्मा अक तेगदुन. याग दुष्टआत्मा होट बुळ्क रा मुक्का मंळसा माताळली कुरतुन; अदकि लॉकुरी अचम्भा आत. 15 *लेकीन आंदुर दा टु थवाळासा लॉकुर अंदुर, “ईव रा बालजबूल हेसुर ईनव दुष्टआत्मागोळव सरदार उन मदत देल दुष्टआत्मागोळी तेगुतान.”

16 *दुसरा लॉकुर यीशु उन परीक्षा माळोर साटी आऊन से आकाश इन चमत्कार बेळदुर जो हगि तोरसुल क्कि परमेश्वर आऊन सांगुळ आन. 17 लेकीन आव आंदुर मन इन मातगोळी जान्सकु, आंदुर से अंदुन, “या-या राज्य दा फूट बळितद, अद राज्य बरबाद आगेगतद; अदकि या मान्या फूट बळितद, अद नाश आगेगतद. 18 अगर शैतान तान अच वरिधी आगेगुल, रा आऊन राज्य ह्यांग बन्सकु ईत्तीत? यतकी नीव नान बारा दा रा अनतीर क्कि ईव बालजबूल उन सहायता देल दुष्टआत्मा तेगुतान. 19 भला अगर ना बालजबूल उन सहायता देल दुष्टआत्मागोळी नेगुतीन, रा नीम मान्सावाळेर यार सहायता देल तेगुतार? इदुरसाटी आंदुर अच नीम न्याय माळावाळेर आदार. 20 लेकीन अगर ना परमेश्वर उन आत्मा अन्द सहायता देल दुष्टआत्मागोळी नेगुतीन, रा परमेश्वर उन राज्य नीम हात्ती होट बंदाद.

21 “याग ताकतवर मंळसा हथयार हुडुकु तान हवेली इन रखवाली माळतान, रा आऊन संपत्ती ऊळ्दकु ईरतद.” 22 पर याग आऊन से धोड्डेव यावारा मात्त ताकतवर मंळसा चढाई माळकु अदरी जीक्स कोमतान, रा आऊन अव हथयार यऊर मा आऊक भरोसा ईरोद, कस्त कोमतान अदकि आऊन संपत्ती कस्तकु वाट्स बुळतान.

23 *जो नान सांगुळ हैलेच आव नान वरिध दा आन, अदकि जो नान सांगुळ जमा माळालुन आव बगरूसतान.

दुष्टआत्मा अन्द वापसी

(मत्ती १२:४३-४५)

24 “याग दुष्टआत्मा मंळसा दा टु होट बुळतद रा वंळगीद जागागोळ दा आराम ढुंढसतेला टेटतद, अदकि याग जागा सकाल रा अनतद, ‘ना तान अदा मान्या दा यल टु ना होटीदनि होटोगाईन.’ 25 अदकि बंदकु आ मान्ना अक झाल-झुळ्सकु अदकि सजुसकु नोळतद. 26 आग अद होगकु तान से बेकार येळ अदकि आत्मागोळी तान सांगुळ तरतद, अदकि अव आ मान्या होक्कु अल नवास माळताव, अदकि आ मंळसा अन्द दशा पयला टु भी बेकार आगेगताव.”

खरा सुख

27 याग यीशु ईव मातगोळ अनतेला अच ईरोन रा भीळ दा टु यातारा आर्त धोळ्द आवाज देल अंदुर, “धन्य आद अद गर्भ यदुरदा नी इत्या अदकि अव सतन यार्द हाल नी कुळदया.”

28 यीशु अंदुन, “हव; लेकीन धन्य आंदुर आर जो परमेश्वर उन वचन केळतार अदकि मान्सतार.”

* 11:11 ११:११ ईद वाचा हर ऊंद हस्तलेखा दा लखिसकु हैलेच. ✨ 11:15 ११:१५ मत्ती १:३४; १०:२५ ✨ 11:16 ११:१६ मत्ती १२:३८; १६:१; मरकुस ८:११ ✨ 11:23 ११:२३ मरकुस ९:४०

परमेश्वर दी टु चमत्कार अनन्द मांग
(मत्ती १२:३८-४२)

29 *याग धोळ्द भीळ जमा आगतोगोद रा यीशु अनली कुरतुन, “ई दुनया अनन्द लॉकुर बुरा आर; आंदुर चमत्कार दुंदूसतार; पर योना अनन्द चमत्कार अक बटिकु यातोदारा दुसरा चमत्कार आंदरी कोटकु आगतीदील. 30 ह्यांग योना नीनवे अनन्द लॉकुर साटी चमत्कार ठहरूसदुन, हांग अच मंळसा अन पार भी ई दुनया अनन्द लॉकुर साटी ठहरूस्यान. 31 दक्षणि इन रानी न्याय इन दशिी ई दुनया अनन्द मंळसागोळ्द सांगुळ यदकु आंदरी दोषी ठहरूस्यार, यतकी आक सुलैमान उन ग्यान केळली पृथ्वी इन छोर टु बंदार, अदकि नोळी, ईल आव आन जो सुलैमान से भी धोड्डेव आन. 32 नीनवे नगर इन लॉकुर न्याय इन दशिी ई दुनया अनन्द लॉकुर सांगुळ नदिकु, आंदरी दोषी ठहरूस्यार; यतकी आंदुर योना अनन्द प्रचार केळकु पाप माळोद बटि बुटुर, अदकि नोळी, ईल आव आन जो योना से भी धोड्डेव आन.

मय इन दगिया

(मत्ती ५:१५; ६:२२,२३)

33 *यावारा मंळसा दगिया होत्ताकु येल्यारा होचकु या बर्तन इन ल्यालमा ईटालुन, लेकीन दीवट मा ईटतान कबिळ्क बरावाळेर इक ऊजुळ सकिल. 34 नीन मय इन दगिया नीन कण्ण हुन, इदुरसाटी याग नीन कण्ण नरिमल आव रा नीन सप्पा मय भी ऊजुळ इन घाई आद; लेकीन याग नीन कण्णगोळ अच बुरा आव रा नीन मय भी अंधार इन घाई आद. 35 इदुरसाटी सावधान ईरेत कजि ऊजुळ नीन दा आद अद अंधारकूप आगबाळुल. 36 इदुरसाटी अगर नीन सप्पा मय ऊजुळ आगुल अदकि अदुरद यातोदु भाग अंधार ईरबाळुल रा सप्पा अनन्द सप्पा हगि ऊजुळ आदीत, ह्यांग आ समय आगतद याग दगिया तान चमक देल नीनी ऊजुळ कोळतद.”

नयिम इन गुरुगोळ अदकि फरीसीगोळ्द शक्तिषा

(मत्ती २३:१-३६; मरकुस १२:३८-४०)

37 याग यीशु उन मातगोळ हेळकु आगेगीत रा यातोवारा फरीसी आऊन से वनिती माळदुन कनिान मान्या भोजन माळ. यीशु बुळ्क होगकु भोजन माळली कुरतुन. 38 फरीसी इक ईद नोळकु अचम्भा आत कनि आव ऊमोर से पयले यहूदीगोळ्द रीर्ता इन अनुसार कय तोळददील. 39 प्रभु आऊन से अंदुन, “हे फरीसीगोळा, नीव वाटी अदकि तंळग्या अक म्याक म्याकुच टु रा ऊदतीर, लेकीन नीम बुळ्क अंधार अदकि दुष्टता तुमकु आद. 40 हे नरिबुद्धीगोळा, याव व्हायरा अनन्द भाग माळयान, येन आव बुळ्क इन भाग माळीदलि? 41 लेकीन हा, जो नीम हात्ती आद अद गरीबगोळी कोटबुळी, रा नोळी, सब येनारा नीम साटी शुद्ध आगेदीत.

42 “पर हे फरीसीगोळा, नीम मा हाय! नीव पदीना अदकि सुदाब इन अदकि हापाळ प्रकार इन साग पात इन दसवा अंश कोळतीर, लेकीन न्याय इक अदकि परमेश्वर उन प्यार इक टाल्स बुळतीर; माळोद रा हुन कनि इवरी भी माळतेला ईरायदीर अदकि अवरी भी ईला बळ्ळायदरि.”

43 “हे फरीसीगोळा, नीम मा हाय! नीव यहूदी लॉकुर सभागूहगोळ दा मुख्य-मुख्य आसन अदकि सात्तागोळ दा नमस्कार अदकि प्यार चाहासतीर. 44 हाय नीम मा! यतकी नीव आ होचकोमद कबरगोळ घाई आईर, यार मा लॉकुर नळुतार लेकीन अरालुर.”

45 आग ऊंद व्यवस्थापक आऊक उत्तर कोट्टुन, “हे गुरु, ई मातगोळ्द अंदुर देल नी नाम अपमान माळत्या.”

46 आव अंदुन, “हे व्यवस्थापकगोळा, नीम मा भी हाय! नीव हगि ओझा यदरी नेगोद कठनि आद, मंळसागोळ मा रचतीर लेकीन नीव खुद आ ओजागोळी नेगोर साटी तान ऊंद बेळ्ळ भी हचालीर. 47 हाय नीम मा! नीव आ भवषियवक्तागोळ्द कबरगोळ माळतीर, यवरी नीमद अच आप्प-दादागोळ कोंद बुटीदुर. 48 इदुरसाटी नीव गवाह आईर, अदकि तान आप्प-दादागोळ्द क्याल्सागोळ देल सयमत आईर; यतकी आंदुर आंदरी कोंद बुटुर अदकि नीव आंदुरद कबरगोळ माळतीर. 49 इदुरसाटी परमेश्वर उन बुद्धी भी अंदाद, ‘ना आंदुर हात्ती भवषियवक्तागोळ अदकि प्रेरतिगोळी कळाईन, अदकि आंदुर आंदुर दा टु यारारा अक कोंद बुट्टार, अदकि यारारा अक सतुस्यार.’ 50 ताकी यास भवषियवक्तागोळ्द खुन दुनया अनन्द उत्पत्ती देल वाहुसकु आग्याद, सप्पा मुंदुरद हसिाब ई दुनया अनन्द लॉकुर देल ताकोमकु आगुल: 51 हाबील उक कोंदकु आगीत आगुट्टु हुडुकु

जकरयाह अक कोन्नोद ताका, जो वेदी अदकि मंदिर इन न्याड्या दा घात माळकु आगीत. ना नीम से खरा अनतीन, ई सप्पा मुंदुरद हसिाब ई समय इन लॉकुर देल ताकोमकु आदीत.

52 “हाय नीव व्यवस्थापकगोळ मा! नीव ग्यान इन कुंजी रा तान हात्ती इच ईटदीर, लेकीन नीव खुद अच प्रवेश माळीदलि, अदकि प्रवेश माळावाळेर इक भी रोकस बुट्टीर.”

53 याग यीशु अल टु होट्टुन, रा नयिम इन गुरु अदकि फरीसी कय तोळकु आऊन हदि बदिदुर अदकि हापाळ धोळ्द वाद माळली हतदुर क्क आव हापाळ सा मातगोळ्द चर्चा माळुल, 54 अदकि घात मा हतकु ईत्तुर क्क आऊन बाय इन यातोदारा मात हुडुल.

12

पाखंड इन वरिद्ध चेतावनी

(मत्ती १०:२६,२७)

1 *ईट्टुर दा याग हजारो लॉकुरद भीळ हत्तेत, ईल ताका क्क आंदुर आबुर दाबुर मा बळिली आगतोगोर, रा यीशु सब से पयले तान चेलागोळ से अनली कुरतुन, “फरीसीगोळ्द कपटरूपी खमीर देल सावधान ईरतीर. 2 *येनु होचकु हैलेच, जो तेरूकु आगतीदील; अदकि ना येनारा होचकु आद, जो जान्सकु आगतीदील. 3 इदुरसाटी जो येनारा नीव अंधार दा अंदीर, अद ऊजुळ दा केळकु आदीत; अदकि जो नीव बुळ्क इन कमरागोळ दा कानो कान अंदीर, अद छत मा टु प्रचार माळकु आदीत.

यार देल अंजेव?

(मत्ती १०:२८-३१)

4 “ना नीम से जो नान संगी हुईर अनतीन क्क जो मय इन घात माळतार लेकीन अदुरद हदि मात्त येनु माळ सकालुर, आंदुर से अंजबाळी. 5 ना नीमी चेतावनी कोळतीन क्क यार से अंज पायजे, घात माळदुर बाद्दा यार इक नरक दा हाक्कोद अधिकार आद, आ परमेश्वर से अच अंजी; हव, ना नीम से अनतीन, आऊन से अच अंजी.

6 “येन येढ्द पैस्या अन्द अईद चमिणी पक्षी मारालव? तरी भी परमेश्वर अऊर दा टु ऊंद जीव इक भी मारालुन. 7 नीमव ताल्ला अन्द सप्पा चुट्टी भी आळुकु आव, इदुरसाटी अंजबाळी, नीव हापाळ चमिणीगोळ से भी कमिती आईर.

यीशु उक स्वीकार या अस्वीकार माळोद

(मत्ती १०:३२,३३; १२:३२; १०:१९,२०)

8 “ना नीम से अनतीन जो यावारा मंळसागोळ मुंद नानी मान्स कौडान आऊक मंळसा अन पार भी परमेश्वर उन स्वरगदूतगोळ्द मुंद मान्स कौडान. 9 लेकीन जो मंळसागोळ्द मुंद नान इनकार माळुल आऊन परमेश्वर उन स्वरगदूतगोळ्द मुंद इनकार माळकु आदीत.

10 *जो यावारा मंळसा अन पार उन वरिध दा यातोवारा मात अनुल, आऊन अद अपराध माफ माळकु आदीत, लेकीन जो पवत्रि आत्मा अन्द अपमान माळुल, आऊन अपराध माफ माळकु आगतीदील.

11 *याग लॉकुर नीमी सभागोळ अदकि न्यायाधीशगोळ अदकि अधिकारीगोळ्द मुंद ओतार, रा चन्तिता माळबाळेतीर क्क नाव याता रीत दिेल या येन उत्तर कोट्टेव, या येन अंदेव. 12 यतकी पवत्रि आत्मा अदा समय नीमी कल्स बुट्टीत क्क येन अनोद आद.”

ऊंद धनवान मूर्ख मंळसा अन्द उदाहरण

13 बाक भीळ दा टु ऊंद मंळसा यीशु से अंदुन, “हे गुरु, नान वार्ट से अन क्क आप्प उन संपत्ती नान सांगुळ वाट्स कोमुल.”

14 आव आऊन से अंदुन, “हे मंळसा, याव नानी नीन न्यायी या बटवारा माळावाळा नयिक्त माळ्यान?” 15 अदकि आव आंदुर से अंदुन, “सावधान ईरी, अदकि हर प्रकार इन लोभ देल तान तान इक ऊळ्सकु ईटी; यतकी यारदारा जीवन आऊन संपत्ती मा नरिभर ईराल्द.”

* 12:1 १२:१ मत्ती १६:६; मरकुस ८:१५ * 12:2 १२:२ मरकुस ४:२२; लूका ८:१७ * 12:10 १२:१० मत्ती १२:३२; मरकुस ३:२९ * 12:11 १२:११ मत्ती १०:१९,२०; मरकुस १३:११; लूका २१:१४,१५

16 यीशु आंदुर से ऊंद उदाहरण अंदुन: “यावारा धनवान उन जमीन मा धोळ उपज आत. 17 आग आव तान मन दा वचार माळली कुरतुन, ‘ना येन माळाईन? यतकी नान अल जागा हैलेच यल तान उपज ईट सकाईन.’ 18 अदकि आव अंदुन, ‘ना ईद माळाईन: ना तान लेल इन खर्यान मुर्दकु अदुर से वळ्ळीद माळाईन; अदकि अल तान सप्पा अनन अदकि संपत्ती ईटाईन; 19 अदकि ना खुद तान जीव से अनाईन कि, नीन हात्ती हापाळ वर्ष इन साटी हापाळ संपत्ती ईटकु आद; चैन ईट, तनि, कुड्ड, वळ्ळीद देल ईर.’ 20 लेकीन परमेश्वर आऊन से अंदुन, हे मूर्ख! ईदा ईळ्ळक नीन जीव नीन से ताकोमकु आदीत; आग जो येनारा नी जमा माळ्या अद यार्द आदीत?

21 “हगि अच आव मळसा भी आन जो तान साटी धन जमा माळतान, लेकीन परमेश्वर उन नजर दा धनी हैलेच.”

परमेश्वर मा भरोसा ईटी

(मत्ती ६:२५-३४)

22 बाक यीशु तान चेलागोळ से अंदुन, “इदुरसाटी ना नीम से अनतीन, तान जीव इन चन्तिता माळबाळी कि नाव येन तनिदेव; ना तान मय इन कि येन हाक्केव. 23 यतकी भोजन से जीव, अदकि फळक्यागोळ से मय कमिती आद. 24 आकाश ईनव पक्षीगोळी नोळी; अव ना बीजा हचताव, ना कोयताव; ना तान तनि जागा दा संगरूसकु ईटताव; तरी भी परमेश्वर अवरी पालसतान. नीम कमित रा पक्षीगोळ से हापाळ यक्कुल आद! 25 नीम दा टु हगि याव आन जो चन्तिता माळकु तान जदिगी दा ऊंद घळी भी वाळुस सकतान? 26 इदुरसाटी अगर नीव सब से स्यांळ्द क्याल्सा भी माळ सकालीर, रा दुसरा मातगोळ्द साटी येती चन्तिता माळतीर? 27 आळी दाकळव फूलगोळ मा ध्यान माळी कि अव ह्यांग वाळुसताव, ना तान साटी फळक्यागोळ माळताव; तरी भी ना नीम से अनतीन कि सुलैमान राजा भी तान पुरा जीवन दा, अऊर दा टु यारदु घाई कपळा हाक्कु ईला ईरोन. 28 इदुरसाटी अगर परमेश्वर मैदान इन काड्डा अक, जो ईद आद अदकि नाळ बेक्की दा झोक्सकु आदीत, हगि कपळा हाकसुसतान; रा हे अल्पवशिवासीगोळा, आव नीमी येती हाकसुसतदिलि?”

29 “अदकि नीव ई मात इन खोज दा ईरबाळी कि येन तनिदेव अदकि येन कुळदेव, अदकि वचार भी माळबाळी. 30 यतकी ई दुनिया अन्द लॉकुर ई सप्पा वस्तुगोळ्द खोज दा ईरतद: अदकि नीम आप्प जान्सतान कि नीमी ई वस्तुगोळ्द जरवत आद. 31 लेकीन आऊन राज्य अन्द खोज दा ईरी, रा ई वस्तुगोळ भी नीमी सकिकेदव.”

स्वर्गीय धन

(मत्ती ६:१९-२१)

32 “हे नान स्यांळ्द झुण्ड इन लॉकुरा, अंजबाळी; यतकी नीमव आप्प प्रसननता देल, नीमी राज्य कोळोद चाहास्यान. 33 तान संपत्ती मारकु दान माळबुळी; अदकि तान साटी हगि चीलागोळ माळी जो हाळोदव आगालव, मतलब स्वर्ग दा धन जमा माळी जो कम आगाल अदकि यऊर हात्ती काळ्ळ होगालुन, अदकि कळी भी बगिळुसाल. 34 यतकी यल नीम धन आद, अल नीम मन भी हतकु ईत्तीत.”

जागसतेला ईरी

35 *नीम नेळुगोळ कटकु ईरूल अदकि नीम दगिया होत्ताकु ईटी, 36 *अदकि नीव आ मळसागोळ घाई बन्सी, जो तान स्वामी इन हादी कायेत्यार कि आव मदा दा टु याग बंदान, कि याग आव बंदकु दरवाजा ठोकसुल रा तुरन्त आऊन साटी तेरू बुळुल 37 धन्य आर आ दासगोळ यारी स्वामी बंदकु च्याता नोळुल; ना नीम से खरा अनतीन कि आव नेळु कटकु आंदरी भोजन माळली कुरस्यान, अदकि हात्ती बंदकु आंदुरद स्यावा माळ्यान. 38 अगर आव ईळ्ळक इन दुसरा पहर या तसिरा पहर इक बंदकु आंदरी च्याता नोळुल, रा आ दासगोळ धन्य आर.

39 *लेकीन “नीव ईद ध्यान ईटी कि अगर मान्ना अन्द स्वामी अरायदुन कि काळ्ळ याता समय बंदान, रा च्याता ईरायदुन अदकि तान मान्या मान्ना अन काळ्ळपनी ईला आग गोळायदुन.” 40 नीव भी तयार ईरी; यतकी याता घळी नीव भी सोचालीर, अदा घळी ना मळसा अन पार होट बंदान.

वशिवासलायक या अवशिवासलायक दास

(मत्ती २४:४५-५१)

41 आग पतरस अंदुन, “हे प्रभु, येन ईद उदाहरण नी नाम से अच या सप्पा मुंदुर से अनत्या.”

42 प्रभु अंदुन, आव वशिवासलायक अदकि बुद्धमिान सेवक याव हुन, यार्द मुनीम आऊक नौकर चाकरगोळ्द म्याकुच अधिकारी नयिक्त माळुल कि आंदरी समय मा भोजन सामग्री कोळुल. 43 धन्य आन आव दास, यारी आऊन स्वामी बंदकु हगि अच माळुत नोळुल. 44 ना नीम से खरा अनतीन, आव आऊक तान सप्पा संपत्ती मा अधिकारी नयिक्त माळुयान. 45 लेकीन अगर आ दास तान मन दा ईद अनुल कि नान स्वामी हापाळ समय देल बंदान, अदकि दास अदकि दासीगोळी बडुली-मेटली हतुल अदकि तदिर-कुळदुर दा हतुत ईतकु नशा दा चूर ईरूल. 46 रा आ दास उन स्वामी हगि दनि, याग आव आऊन हादी ईला कायतीदान, अदकि हगि समय यदरी आव जान्सालुन, बंदान अदकि आऊक भारी दण्ड कोटकु आऊन जागा अवशिवासीगोळ्द सांगुळ ठहरूस्यान.

47 आ दास जो तान स्वामी इन इच्छा जानसोन, पर तयार आगकु आऊन इच्छा अन्द अनुसार कार्य माळीदलि, हापाळ बळसकोडान. 48 लेकीन जो ईद ईला जान्सकु बळसकोमोद कार्य माळुल आव कम बळसकोडान. इदुरसाटी यारी हापाळ कोटकु आग्याद, आऊन से हापाळ बैळकु आदीत; अदकि यारी हापाळ सौप्सकु आग्याद, आऊन से हापाळ ताकोमकु आदीत.

यीशु उन कारण फूट बळिद

(मत्ती १०:३४-३६)

49 “ना पृथ्वी मा बेक्की हचली बंदीन; अदकि नान हापाळ इच्छा आद कि अद बेक्की ईगल्या हत्तेगाईत! 50 नानी रा दुसरा प्रकार देल बपतस्मा ताकोमोद आद, अदकि यागासताका अद पुरा आगाल आगासताका ना ह्यांग दुवधा दा ईराइन! 51 नीव येन सम्सतीर कि ना धरती मा मलाप माळसुसली बंदीन? ना नीम से अनतीन; ईला, उलटा ब्यार्र माळसुसली बंदीन. 52 यतकी ईगी टु ऊंद मान्या दा अईद मुंदुर आपस दा दुश्मनी ईट्यार, मुर मुंदुर येढ्ढ मुंदुर से अदकि येढ्ढ मुंदुर मुर मुंदुर से. 53 आप्प पार उन, अदकि पार आप्प उन खलाप होदान; मोय पोर इन, अदकि पोर मोय इन, आत्त सास्सा अन्द, अदकि सास्स आत्ता अन्द खलाप होदार.”

समय इन चमत्कार

(मत्ती १६:२,३)

54 यीशु भीळ से अंदुन, “याग नीव बादल इक पश्चिमि टु येळ्त्त नोळतीर रा तुरन्त अनतीर कि माळ बंदीत, अदकि हांग अच आगतद; 55 अदकि याग दक्षणि टु हवा नळुत नोळतीर रा अनतीर कि बसिल हत्तीत, अदकि हांग अच आगतद. 56 हे कपटीगोळा, नीव पृथ्वी अदकि आकाश इन रूप-रंग दा भेद माळ सकतीर, लेकीन ई युग इन बारा दा भेद माळोद येती जान्सालीर?”

सांगुळवाळेर सांगुळ समझौता

(मत्ती ५:२५,२६)

57 “नीव खुद अच नरिणय येती माळ कोमालीर कि उचति येन आद? 58 याग नी तान मुद्दई इन सांगुळ न्यायाधीश उन हात्ती होगेत्या रा हादी मा अच आऊन से बळिसुसोद प्रयत्न माळकोम, हगि आगबाळुल कि आव नीनी न्यायी इन हात्ती जेडुकु वोईल, अदकि न्यायी नीनी सपिाही इक सोप्सुल अदकि सपिाही नीनी बंदीगृह दा हाक बुळुल. 59 ना नीम से अनतीन कि यागासताका नी कवळी-कवळी तुम कोळतीदील आगासताका नी तान तान इक अल टु बळिस सकतीदलि.”

13

पाप माळोद बंद माळी या सोतोगी

1 आ समय थ्वाळासा लॉकुर पोहचुसदुर, अदकि यीशु से आ गलीलीगोळ्द बारा दा चर्चा माळली कुरतुर, यार्द खुन पलातुस माळीदुन. 2 ईद केळकु यीशु आंदुर से उत्तर दा ईद अंदुन, “येन नीव सम्सतीर कि ई गलीली येन सप्पा गलीलीगोळ से यक्कुल पापी ईरोर कि आंदुर मा हगि वपित्ती बत्तित? 3 ना नीम से अनतीन कि ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीत देल नाश आगीदीर. 4 या, येन नीव सम्सतीर कि आंदुर अठरा मुंदुर यार मा शीलोह इन गुम्मट बत्तित, अदकि आंदुर दब्सकु सोतोदुर: यूरशलेम

इन अदकि ईरावाळेर से यक्कुल अपराधी ईरोर? 5 ना नीम से अनतीन का ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीतदिल नष्ट आदीर.”

बनि काय इन अंजीर इन मार्र इन उदाहरण

6 बाक यीशु ईद उदाहरण भी अंदुन: “यारदारा अंगुर इन केई दा ऊंद अंजीर इन मार्र हतकु ईरोद. आव अदुरदा काय दुंदसली बंदुन, लेकीन नोळीदील. 7 आग आव बेल इन कायावाळा से अंदुन, ‘नोळ, मुर वर्ष टु ना ईद अंजीर इन मार्र दा काय दुंदसली बरतीन, लेकीन नोळालीन. इदरी कळ्द बुळ कि ईद जागा अक भी येती रोकसकु ईटुल?’ 8 आग बेली कायावाळा उत्तर कोट्टुन, ‘हे स्वामी, इदरी ई वर्ष अदकि ईरगोळ कि ना इदुर नाकु दी अगुळकु खात हाक्काईन. 9 बरावाळा साल दा अगर फलस्त रा भला, ईलारा अदरी कडु कोमेत.’”

आराम इन दनि कुबळी आरत इक चंगा माळोद

10 वशिराम इन दनि यीशु ऊंद यहूदी लॉकुरद सभागृह दा उपदेश माळोन. 11 अल ऊंद आरत ईरोर यारी अठरा वर्ष टु ऊंद कमजोर माळावाळा दुष्टआत्मा हतकु ईरोद, अदकि आक कुबळा आगोदीदुर अदकि यातोदु रीतदिल सीधा ईला आग सकोर. 12 यीशु आक इक नोळकु कारदुन अदकि अंदुन, “हे आरत, नी तान कमजोरी देल वळ्लेर आगेद.” 13 आग आव आकनि मा कय ईटदुन, अदकि आक तुरन्त सरका आगेदुर अदकि परमेश्वर उन महमि माळली हतदुर.

14 इदुरसाटी कि यीशु वशिराम इन दनि आकी वळ्लीसा माळीदुन, यहूदी इन यहूदी लॉकुरद सभागृह अन्द सरदार सटिट दा बंदकु लॉकुर से अनली कुरतुन, “आर: दनि आव यदुरदा क्याल्सा माळ पायजे अत: आ अच दनिगोळ दा बंदकु चंगा आगुल, लेकीन वशिराम इन दनि दा ईला.”

15 ईद केळकु प्रभु उत्तर कोट्टुन, “हे कपटीगोळा, येन वशिराम इन दनि नीम दा टु हर ऊंद मळसा तान वस्ता या गधा अक क्वाटक्या दा टु खोल्सकु नीर कुळसली वयालीर? 16 रा येन उचति ईला ईरोद कि ई आरत जो अब्राहम इन औलाद उर यारी शैतान अठरा वर्ष टु कटकु ईटीदुन, आराम इन दनि ईद बंधन देल वळिसकु आगायदुर?” 17 याग आव ई मातगोळी अंदुन, रा आऊन सप्पा वरिधी सरमुसेदुर, अदकि सप्पा भीळ अव महमि अन्द क्याल्सागोळ से जो आव माळतोगोन, खुश आदुर.

राई इन बीजा अन्द उदाहरण

(मत्ती १३:३१-३२; मरकुस ४:३०-३२)

18 बाक यीशु अंदुन, “परमेश्वर उन राज्य यार घाई आद? अदकि ना आऊन उपमा यार देल कोळाईन? 19 आव राई इन ऊंद बीजा अन्द घाई आन, यारी यावारा मळसा हुळकु तान केई दा बोऊसदुन: अदकि अद वाळुसकु मार्र आगेत; अदकि आकाश इन पक्षीगोळ अदुर डगालीगोळ मा बसेरा माळदव.”

खमीर इन उदाहरण

(मत्ती १३:३३)

20 यीशु बाक अंदुन, “ना परमेश्वर ऊन राज्य अन्द उपमा यार देल कोळाईन? 21 आव खमीर इन घाई आन, यदरी याकारा आरत हुळकु हापाळ सा हीट दा मलिसदुर, अदकि आग्त-आग्त अद सप्पा हीट खमीर आगेत.”

स्यांळद दरवाजा

(मत्ती ७:१३,१४-२१-२३)

22 यीशु नगर-नगर, अदकि ऊर-ऊर आगकु उपदेश माळतेला यरूशलेम इन दी होगोन, 23 रा यावारा आऊन से केळदुन, “हे प्रभु, यारी उद्धार सकितद आंदुर थ्वाळासा अच आर?”

यीशु आऊन से अंदुन, 24 “स्यांळद हादी टु प्रवेश माळोद कोशशि माळी, यतकी ना नीम से अनतीन कि हापाळ सा प्रवेश माळोद चाहस्यार, अदकि माळ सकतीदलि. 25 याग मानना अन्द स्वामी यदकु दरवाजा बंद माळ कौंडान, अदकि नीव व्हार्या नीदुरकु दरवाजा ठोक्सकु अनी, ‘हे प्रभु, नाम साटी खोल्स बुळ,’ अदकि आव उत्तर कोळुल, ‘ना नीमी अरालीन, नीव येलेर हुईर?’ 26 आग नीव अनली हत्तीर, नाव नीन सामने तदिन-कुळदीन अदकि नी नाम सात्तागोळ दा उपदेश माळ्द. 27 लेकीन आव अंदान, ना नीम से अनतीन, ‘ना अरालीन नीव येलेर हुईर. हे अन्याय माळावाळेरा, नीव सब नान से दुर आईर.’ 28 ☆☆अल वोरलोद अदकि हल्ल कचचोद

आदीत; याग नीव अब्राहम अदकि इसहाक अदकि याकूब अदकि सब भवषियवक्तागोळी परमेश्वर उन राज्य दा कुरतकु नोळीर, अदकि तान तान इक व्हार्या तेगुत नोळीर. ²⁹ अदकि पूर्व अदकि पश्चिमि; उत्तर अदकि दक्षणि टु लॉकुर बंदकु परमेश्वर उन राज्य अन्द भोज दा भागी आदार. ³⁰ *अदकि आंदुर जो ईग हदिळोर आर आंदुर पयला आदार, अदकि जो ईग पयला आर, आंदुर हदिळोर आदार.”

यीशु उन यरूशलेम इन साटी प्यार

³¹ अदा घळी येनारा फरीसीगोळ बंदकु यीशु से अंदुर, “ईल टु होटकु येल्यारा अलग होटोग, यतकी हेरोदेस नीनी कोंद बुळोद चाहासतान.”

³² यीशु आंदुर से अंदुन, “होगकु आ कोल्या से अंदबुळी कि नोळ, ना ईद अदकि नाळ दुष्टआत्मागोळी नेगुतीन अदकि बमिरगोळी चंगा माळतीन, अदकि तसिरा दनि तांद क्याल्सा पुरा माळाईन. ³³ तरी नीनी ईद अदकि नाळ अदकि तसिरा दशी नळोद जरूरी आद, यतकी आगसकाल कि यावारा भवषियवक्ता यरूशलेम इन व्हार्या कोन्सुसकु आगुल.

³⁴ “हे यरूशलेम! हे यरूशलेम! नी जो भवषियवक्तागोळी कोंद बुळत्या, अदकि जो परमेश्वर उन दी टु अपमान हात्ती कळुकु आग्यार आंदुर मा पथराव माळत्या. यास अच घन ना ईद चाहासदीन कि ह्यांग कोळी तान पाड्गोळी तांद पक्कागोळ्द ल्यालमा जमा माळतद, हांग अच ना भी नीन चकिोरगोळी जमा माळाईन, पर नीव ईद चाहासीदलि. ³⁵ नीम मान्ना नीम साटी उजाळ बटिकु होगतद, अदकि ना नीम से अनतीन: यागासताका नीव ईला अंदीर, धन्य आन आव, जो प्रभु ऊंद हेसुर देल बरतान, आगासताका नीव नानी बाक यागलु नोळतीदलि.”

14

आराम इन दशी चंगा माळोद

¹ बाक आव आराम इन दनि फरीसीगोळ सरदारगोळ दा टु यारदारा मान्या रोटी तनिली होदुन; अदकि आंदुर आऊंद घात दा ईरोर. ² अल ऊंद मळसा आऊन सामने ईरोन, यारी मय इन सुजन इन बमिारी ईरोद. ³ ईदुर मा यीशु व्यवस्थापकगोळ अदकि फरीसीगोळ से अंदुन, “नाम नयिम इन अनुसार येन आराम इन दनि वळ्दीद माळोद उचति आद या ईला?”

⁴ लेकीन आंदुर सुंगा ईत्तुर. आग आव आऊक मुटकु चंगा माळदुन अदकि होग गोट्टुन, ⁵ *यीशु आंदुर से अंदुन, “नीम दा टु हगि याव आन, यार्द पार या वस्ता भाय दा बदिगुल अदकि आव आराम इन दनि अदरी तुरन्त व्हार्या तेगुतदील?”

⁶ आंदुर ई मातगोळ्द येनु उत्तर कोळ सकदील.

नम्रता अदकि अतथी-सत्कार

⁷ याग यीशु नोळदुन कि आमन्त्रति लॉकुर ह्यांग मुख्य-मुख्य जागा नीवळुस कोमतार रा ऊंद उदाहरण कोटकु आंदुर से अंदुन, ⁸ “याग यावारा नीनी मदा दा कारदान, रा मुख्य जागा मा कुरबाळेत, ईदारा हगि आगबाळुल कि आव नीन से भी यावारा धोड्डेव उक नेवता कोटीदान, ⁹ अदकि याव नीनी अदकि आऊक येदुदु मुंदरी नेवता कोटान, बंदकु नीन से अनुल, ईऊक जागा कोळ, अदकि आग नीनी सर्मादि आगकु सब से ल्यालमा जागा दा कुरोद बदिदीत. ¹⁰ पर याग नीनी कारूकु आगुल रा सब से ल्यालमागोळ्द जागा मा होगकु कुर कि याग आव, याव नीनी बावस्या कोटान बरूल, रा नीन से अनुल, ‘हे संगी, मुंद बंदकु कुर,’ आग नीन सांगुळ कुरावाळेरुद मुंद नीन बळाई आदीत. ¹¹ *यतकी जो यावारा तान तान इक धोड्डेव हेळ्यान, आव स्याणेव माळकु आदान; अदकि जो यावारा तान तान इक स्याणेव हेळ्यान, आव धोड्डेव माळकु आदान.”

¹² आग यीशु तान बावस्या कोळावाळा से भी अंदुन, “याग नी हागुल इन या ईळ्लक इन भोज ईट, रा तान संगीगोळी या वारटुरी या कुटुम्बगोळ या धनवान मान्ना हातळोर इक कारूबाळ, ईदारा हगि आगबाळुल कि आंदुर भी नीनी बावस्या कोळुल, अदकि नीन वाटा खंळ्सेगुल. ¹³ लेकीन याग नी भोज माळ्या रा कंगालगोळी, लंगळा, लुलागोळी अदकि कुदुदुगोळी कारू. ¹⁴ आग नी धन्य आद्या, यतकी आंदुर हात्ती नीनी बदला कोळली येनु हैलेच, लेकीन नीनी न्यायीगोळ जतिता आगदुर मा इदुर प्रतफिल सक्कीत.”

धोळ्द भोज इन उदाहरण
(मत्ती २२:१-१०)

15 आऊन सांगुळ भोजन माळावाळेर दा टु ऊंद मंळसा ई मातगोळी केळकु यीशु से अंदुन, “धन्य आन आव जो परमेश्वर उन राज्य दा धोळ्द भोज तदान.”

16 यीशु आऊन से अंदुन, “यावारा मंळसा धोळ्द भोज कोट्टुन अदकि हापाळ मुंदुर इक कारदुन. 17 याग भोजन तयार आगेत रा आव ताम दास उन कय देल आमन्त्रति लॉकुरी कारूली कळुदुन ‘बरी, ईग भोजन तयार आद.’ 18 पर आंदुर सब इन सब माफ बेळ्ली कुरतुर. पयला आऊन से अंदुन, ना केई कोंड कोंडीन, अदकि जरूरी आद की ना अदरी नोळाईन; ना नीन से वनिती माळतीन, नानी माफ माळकोम. 19 दुसरा मंळसा अंदुन, ना अईद जोडी वस्ता कोंड कोंडीन, अदकि अऊर जाँच माळली होगतीन; ना नीन से वनिती माळतीन नानी माफ माळ बुळ. 20 ऊंद मंळसा मात्त अंदुन, ना मदा माळीन, इदुरसाटी ना बर सकालीन.

21 “आ दास बंदकु तान स्वामी इक ई मातगोळी अंदकु हेळदुन. आग मान्यागोळ स्वामी सट्टि दा बंदकु तान दास से अंदुन, ‘नगर इन सात्तागोळ दा अदकि गलीगोळ दा तुरन्त होगकु कंगालगोळी, लुला, लंगळागोळ अदकि कुढगोळी ईल तरी.’ 22 दास मात्त अंदुन ‘हे स्वामी, ह्यांग नी अंददि, हांग अच माळकु आग्याद; अदकि तरी भी जागा आद.’ 23 स्वामी दास से अंदुन, ‘सळकगोळ मा अदकि वाळागोळ दी होग अदकि लॉकुरी वविश माळकु ता ताकी नान मान्ना तुम्मेगुल. 24 यतकी ना नीम से अनतीन की आ आमन्त्रति लॉकुर दा टु यारू नांद भोज इक नेकतीदलि.’ ”

चेला बनसोद कमित
(मत्ती १०:३७,३८)

25 याग धोळ्द भीळ आऊन सांगुळ होगोद, रा यीशु हदि तरिगकु आंदुर से अंदुन, 26 * “अगर यावारा नान हात्ती बंदान अदकि तान आप्प अदकि मोय अदकि हगिस अदकि चकिोर अदकि वारटुर अदकि आकतींगेर उलटा तान जीव इक भी नान से यक्कुल अप्पयि जान्सालुन, रा आव नान चेला आग सकालुन; 27 * अदकि जो यावारा मंळसा दुख नेगुकु करूस मा सायली तयार आगालुन, अदकि नान हदि बरालुन, आव भी नान चेला आग सकालुन.

28 “नीम दा टु याव आन जो मान्ना माळोद चाहस्तीदान, अदकि पयला कुर्तकु खर्च जोळसालुन की याट खर्चा आदीत अदरी पुरा माळोद ताकत नान हात्ती आद का ईला? 29 ईदारा हगि आगबाळुल की याग आव पायवा रा हाक्क बुट्टुन पर पुरा तयार माळसकीदलि, रा सप्पा नोळावाळेर ईद अंदकु आऊक मज्याक दा हार्सली हतदुर, 30 ‘ईव मंळसा माळली रा कुरतुन पर तयार माळ सकदील!’

31 “या याव हगि राजा आन जो दुसरा राजा से युद्ध माळली होगतान, अदकि पयले कुर्तकु वचिार माळ कोमालुन की जो ईप्पत हजार सेना हुळकु नान मा येरकु बरतान, येन ना हत्त हजार सेना हुडुकु आऊंद सामना माळ सकतीन, या ईला? 32 ईलारा आऊन दुर ईरतेला अच आव स्वर्गदूतगोळ इक कळुकु मलिाप माळोद चाहास्यान. 33 ईदा रीतदिल नीम दा टु जो यावारा तान सब येनारा त्यागसालुन, आव नांद चेला आग सकालुन.

बनिा स्वाद इन ऊप्प
(मत्ती ५:१३; मरकुस ९:५०)

34 “ऊप्प रा वळ्लीसा आद, लेकीन अगर ऊप्प इन स्वाद बगिळुसेत, रा अद याता चजि देल नमकीन माळकु आदीत. 35 अद ना रा जागा अन्द अदकि ना खात इन साठी क्याल्सा दा बरतद: अदरी रा लॉकुर व्हार्या भीट बुळतार. यारव केळव कवि आव आव केळ कोमुल.”

15

काळ्द म्यांडा अन्द उदाहरण
(मत्ती १८:१२-१४)

1 * सब कर ताकोमावाळेर अदकि पापी यीशु उन हात्ती बंदुर ताकी आऊन केळुल. 2 पर फरीसी अदकि नियम इन गुरु कळकुळुस्कु अनली कुरतुर, “ईव पापीगोळ से सकितान अदकि आंदुर सांगुळ तनितान.” 3 आग आव आंदुर से ईद उदाहरण अंदुन:

* 14:26 १४:२६ मत्ती १०:३७ * 14:27 १४:२७ मत्ती १०:३८; १६:२४; मरकुस ८:३४; लूका ९:२३ * 15:1 १५:१ लूका ५:२९,३०

4 “नीम दा टु याव आन यार्द सौ म्यांडागोळ ईरूल, अदकि अऊर दा टु ऊंद काळ्दोगुल, रा नीन्यानव म्यांडागोळी आळी दा बटिकु, आ काळ्द म्यांडा अक यागासताका सकिकाल आगासताका ढुंढसतेला ईरबाळुल? 5 अदकि याग सकिकेगताव, आग आव बळा खुशी देल अदरी खांदा मा नेगु बुळतान; 6 अदकि मान्या बंदकु संगीगोळी अदकि मानना हातळोर लॉकुरी जमा माळकु अनतान, ‘नान सांगुळ खुशी माळी, यतकी नान म्यांडा जो काळ्दोगीत सकिकेग्याद.’ 7 ना नीम से अनतीन कर् ईदा रीत दैल ऊंद मन तरिगुसावाळा पापी इन बारा दा भी स्वर्ग दा ईट अच खुशी आदीत, याट कर् नीन्यानव ईत्ता न्यायीगोळ्द बारा दा आगाल्द, जो पाप माळोद पयला अच बटि बुटार.

काळ्द सकिका अन्द उदाहरण

8 “या याक हगि आर्त ईतीदार यार्द हात्ती हत्त सकिकागोळ ईरूल, अदकि अऊर दा टु ऊंद काळ्दोगुल, रा आक दगिया होत्ताकु अदकि मानना उळ्ग उळ्गकु, यागासताका आ सकिका सकिकेगाल जी जान हचकु ढुंढसतीदलि? 9 अदकि याग सकिकेगतद, रा आक तान सैलीगोळी अदकि मानना बाजुवाळेर इक जमा माळकु अनतार, ‘नांद सांगुळ खुशी माळी, यतकी नांद सकिका जो काळ्दोगति सकिकेग्याद.’ 10 ना नीम से अनतीन कर् ईदा रीत दैल ऊंद मन तरिगुसावाळा पापी अन्द बारा दा परमेश्वर उन स्वर्गदूतगोळ्द मुंद खुशी आगतद.”

काळकु पार ऊंद उदाहरण

11 बाक यीशु अंदुन, “यावारा मळसा नव येढ्ढ चकिोर ईरोर. 12 आंदुर दा टु स्याणेव आप्प से अंदुन, ‘हे आप्पा, संपत्ती दा टु जो भाग नांद आद अद नानी कोटबुळी.’ आव आंदरी तान सम्पत्तवाट्सदुन. 13 यक्कुल दनि बतिसलीका ईरव कर् स्याणेव पार सब येनारा जमा माळकु दुर द्याश इक होटोदुन, अदकि अल कुकर्म इन क्याल्सा दा तान सप्पा सम्पत्त हारस बुट्टुन. 14 याग आव सब येनारा खर्च माळ कौडुन, रा आ द्याश दा धोळ्द अकाल बतित, अदकि आव कंगाल आगेदुन. 15 इदुरसाटी आव आ द्याश दा अल ईरावाळा ऊंद मळसा अन्द मान्या क्याल्सा नोळली होदुन. आव आऊक तान केय दा हंदी आळसोर साटी कळुदुन. 16 अदकि आव चाहासोन कर् अव फल्लीगोळ से यवरी हंदी तनिव, तांद व्हाट्टा तुम्मुल; अदकि आऊक याऊ येनु ईला कोळोन. 17 याग आव तान होश दा बंदुन आग अनली कुरतुन, नान आप्प ऊंद यासारा अच मजदूरगोळी व्हाट्टा से यक्कुल रोटी सकिताव, अदकि ना ईल उपास सायेतनि. 18 ना ईग यदकु तान आप्प उन हात्ती होगईन अदकि आऊन से अनाईन कर् हे आप्प, ना स्वर्ग इन वरिध दा अदकि नीन नजर दा पाप माळदीन. 19 ईग ई लायक ईतीदील कर् नानी नीन पार अंदकु आगुल, नानी तान ऊंद मजदूर उन घाई ईट कोम. 20 आग आव यदकु, तान आप्प उन हात्ती होदुन:

“आव ईगल्या दुर अच ईरोन कर् आऊन आप्प उक आऊक नोळकु दया बत्त, अदकि ओळतेला आऊक तान याद्दा से हचदुन, अदकि आऊंद हापाळ चुम्मा ताकौडुन. 21 पार आऊन से अंदुन, ‘हे आप्प, ना स्वर्ग इन वरिध दा अदकि नीन नजर दा पाप माळीन; ना ईग नीन पार अना लायक ईतीदील.’ 22 लेकीन आप्प तान दासगोळ से अंदुन, ‘जल्दी वळ्लीसा सा वळ्लीसा कपळा तेगुकु आऊक हाकसुसी, अदकि आऊंद कय दा ऊंगरा, अदकि कालगोळ दा केरू हाकसुसी, 23 अदकि पाल्सद व्हात तनकु कोण्णी ताकी नाव तनिदेव अदकि खुशी मानसेव. 24 यतकी नानव ईव पार सोतोगदिन, बाक जत्तिता आग्यान: काळ्दोगदिन, ईग सकिकेग्यान.’ अदकि आंदुर खुशी माळली कुरतुर.

25 “लेकीन आऊन धोळ पार केई दा ईरोन. याग आव बरतेला मानना अन्द हात्ती पोहचुसदुन, रा आव गाना मुरसोद अदकि कुण्णोद आवाज केळदुन. 26 इदुरसाटी आव ऊंद दास उक कारूकु केळदुन, ‘ईद येन आगेत्याद?’ 27 आव आऊन से अंदुन ‘नीन स्याणेव वार्ट बंदान, अदकि नीन आप्प आऊक भला चंगा नोळ्यान, इदुरसाटी नीन आप्प धोळ्द पाल्सद व्हात कळसुस्यान.’

28 “ईद केळकु आव सटिट दैल तुम्मेदुन अदकि बुळ्क होगोद चाहासीदलि, लेकीन आऊन आप्प व्हारया बंदकु आऊक मनुस्ली कुरतुन. 29 आव तान आप्प उक उत्तर कोट्टुन, ‘नोळ, ना ईस वर्ष टु नीन स्यावा माळीतीन अदकि ना यागलु भी नीन आग्या टालसीदील, तरी नी नानी यागलु ऊंद मर्री इन पाड्डा भी कोटीदील कर् ना अदरी वोतकु तान संगीगोळी सांगुळ खुशी माळाईन. 30 लेकीन याग नीनव ईव पार बंदुन, याव नीन सप्पा संपत्ती वेश्यागोळ मा हारस बुट्टुन, तरी आऊन साठी नी धोळ्द पाल्सद पाड्डा कळसुस बुट.’ 31 आप्प तान धोळ पार उन से अंदुन, ‘नान पारा, नी हमेशा नान सांगुळ ईत्या; अदकि जो येनारा नांद आद अद सप्पा अपमान

अच हुन. 32 लेकीन नामी ईग खुशी माळोद अदकि मग्न ईरोद आद यतकी नीनव ई वार्ड सोतोगदिन, ईग जत्तिता आगेग्यान; अदकि पयले काळदोगदिन, ईग सकिकेग्यान.’ ”

16

चतुर मुनीम

1 बाक यीशु चेलागोळ से भी अंदुन, “यातोवारा धनवान ईनव ऊंद मुनीम ईरोन, अदकि लॉकुर आऊन सामने आऊन मा ईद दोष हचदुर की आव अपमान सप्पा सम्पत्ति हारस कोमतान. 2 इदुरसाटी आव आऊक काळूकु अंदुन, ईद येन हुन जो ना नीन बारा दा केळेतीन? तांद मुनीमगीरी इन लेखा कोळ, यतकी नी मुंद नळुकु भंडारी ईरसकाल.” 3 आग मुनीम वचिार माळली कुरतुन, “ईग ना येन माळाईन? यतकी नान स्वामी रा ईग इन क्याल्सा नान कय दा टु कसेतयान. मुण्ण रा नान से अगुळकु आगाल; अदकि भीख बेळदुर दा नानी शरम बरतद. 4 ना समसेगीन की येन माळाईन ताकी याग ना मुनीम इन क्याल्सा मा टु तेगुकु आगाईन रा लॉकुर नानी तान मान्नागोळ दा ताकोम कोमुल.”

5 “आग आव ताम स्वामी इन देनदारगोळी ऊंद-ऊंद माळकु कारदुन अदकि पयला देनदार उन से केळदुन, नीन मा नान स्वामी इन याट करज आद?” 6 आव अंदुन, “सौ माफ जैतून इन याण्णा,” आग आव आऊन से अंदुन, “तान खाता हुडु अदकि कुरतकु तुरन्त पचास मन लखिस कोम.” 7 बाक आव दुसरा से केळदुन, नीन मा याट करज आद? आव अंदुन, “सौ मन गोदी नव बॉरा,” आग आव आऊन से अंदुन, तान खाता दा येठ्ठ सौ लखिस कोम.

8 “स्वामी आ न्यायी मुनीम उन वाहवाही माळदुन यतकी आव चतुराई देल क्याल्सा माळदुन. ई दुनयिा अन लॉकुर तान समय इन लॉकुर सांगुळ रीति वियवहारगोळ दा ऊजुळ दा नळावाळेर लॉकुर से यक्कुल चालाक आर.”

9 अदकि यीशु आंदुर से अंदुन की दुनयिा अन धन देल तान साठी संगी माळकोमी, यतकी याग आंदुर होगूत ईत्तार रा आंदुर नीमी अनन्त नवासगोळ दा ताकोम कोमुल. 10 जो थ्वाळासा दा वशिवासलायक आन, आव हापाळ दा वशिवासलायक आन: अदकि जो थ्वाळासा दा अन्यायी आन, आव हापाळ दा भी अन्यायी आन. 11 इदुरसाटी याग नीव दुनयिा अन धन दा खरा ठहरूसतीदील, रा वशिवासलायक धन नीमी याव सोपस्यान? 12 अदकि अगर नीव दुसरा लॉकुर धन इन प्रती वशिवासयोग्य ईरतीदील रा जो नीमद धन आद, अदरी नीमी यार कोट्टार?

13 * “यावारा दास येदद स्वामीगोळद स्यावा माळ सकालुन: यतकी आव रा ऊंद से दुश्मनी अदकि दुसरा से प्यार ईट्यान; या ऊंद मळसा अक ईमानदार अदकि दुसरा अक नीच जानस्यान. नीव परमेश्वर अदकि धन येदद स्यावा माळ सकालीर.”

यीशु उन थ्वाळासा उपदेश

(मत्ती ११:१२,१३; ५:३१,३२; मरकुस १०:११,१२)

14 फरीसी जो धन इन लालची ईरोर, ई सब मातगोळी केळकु अवरी मज्याक दा हारसली हतदुर. 15 यीशु आंदुर से अंदुन, नीव रा मळसागोळ मुंद तान तान इक न्यायी ठहरूसतरि, लेकीन परमेश्वर नीम मन इक जान्सतान, यतकी जो वस्तु मळसागोळद नजर दा महान आद, अद परमेश्वर ऊंद हात्ती बेकार आद.

16 * “मूसा अन्द व्यवस्था अदकि भवषियवक्ता यूहन्ना बपतसिमा कोळावाळा ताका ईरूल; आ समय टु परमेश्वर उन राज्य अन्द खुशखबरी केळसकु आगेत्याद, अदकि हर यावारा अदुर दा प्रबलता देल प्रवेश माळतान. 17 * आकाश अदकि पृथ्वी इन टलसोद व्यवस्था अन्द ऊंद बदि उन मटिसोर से यक्कुल आसान आद.”

18 * “जो यावारा मळसा तान हगिस उक छोळ चट्टी कोटकु दुसरा से मदा माळतान, आव व्यभचिार माळतान, अदकि जो यावारा हगि छोळ चट्टी वळत आरत इन से मदा माळतान, आव भी व्यभचिार माळतान.”

धनी मळसा अदकि लाजर

19 “ऊंद धनवान मळसा ईरोन जो रेशमी धागा अन्द कपळा अदकि मुलायम कपळा हाकतोगोन अदकि हर रोज सुख-वलास देल ईरतोगोन. 20 अदकि लाजर हेसुर नव ऊंद कंगाल मळसा घावगोळ देल तुमकु आ धनी मळसा

अन्द दरवाजा मा बटिकु आगतोगोन, ²¹ अदकि आव चाहासोन कि धनवान इन मेज माकळोद बदिद खाना देल तान व्हाट्टा तुम्यान; ईल ताका कि नायगोळ भी बंदकु आऊन घावगोळी नेकतोगव.”

²² “हगि आत कि आव गरीब मंळसा सोतोदुन, अदकि स्वर्गदूतगोळ आऊक वोतकु अब्राहम उन हात्ती पोहचुसदुर. आव धनवान मंळसा भी सोत्तुन अदकि नळसकु आदुन, ²³ अदकि मृत्यु अन्द दुनयाि दा आव पीळा दा बदिकु तान कण्णगोळी नेगदुन, अदकि दुर अब्राहम उन हात्ती लाजर उक नोळदुन.” ²⁴ आग आव कारूकु अंदुन, “हे आप्प अब्राहम, नान मा दया माळकु लाजर उक कळुबुळ, ताकी आव तान बेळ्ळ इन सरि नीर दा नेनाक्कु नान ल्यालग्या अक ठंडा माळुल, यतकी ना ई ज्वाला दा तळपुसेतनि.”

²⁵ लेकीन अब्राहम अंदुन, “हे पारा, याद माळ कि नी तान जीवन दा वळ्ळीद वस्तुगोळी कोंड कोंड्या, अदकि हांग अच लाजर बेकार वस्तुगोळी: लेकीन ईग आव ईल सुख ताकोमेत्तयान, अदकि नी तळपुसेत्या. ²⁶ ई सब मातगोळी बटिकु नाम्द अदकि नीम्द न्याड्या ऊंद गड्डा ठहूरूकु आग्याद किजो ईल टु आप्पाटी नीम हात्ती होगोद चाहास्तार, आंदुर होगसकीदलि; अदकि ना यावारा अल टु ईपाटी नाम हात्ती बरसकीदलि.”

²⁷ आ धनी मंळसा अंदुन, “रा हे आप्पा अब्राहम, ना नीन से वनिती माळतीन कि नी लाजर उक नान आप्प उन मान्या कळु, ²⁸ यतकी अल नान अईद वार्टुर आर; आव आंदुर मुंद ई मातगोळ्द चेतावनी कोळुल, हगि आगबाळुल कि आंदुर भी ई पीळा अन्द जागा दा बरूल.”

²⁹ अब्राहम आऊन से अंदुन, “नीन वार्टुर हात्ती रा मूसा अन्द नयिम अदकि भवषियवक्तागोळ्द कतिबगोळ आव जो आंदरी चेतावनी कोळताव, आंदुर अदुरद केळुल.” ³⁰ आव अंदुन, “ईला, हे आप्प अब्राहम; पर अगर यावारा जत्ति आगकु आंदुर हात्ती होगुल, रा आंदुर पापगोळी माळोद बंद माळ बुट्टार.” ³¹ अब्राहम आऊन से अंदुन, “जब आंदुर मूसा अदकि भवषियवक्तागोळ्द केळालुर, रा अगर सोत्तुर दा टु यावारा जत्ति भी आगुल तरी आऊंद मान्सालुर.”

17

पाप, वश्वास, कर्तव्य

(मत्ती १८:६,७,२१,२२; मरकुस ९:४२)

¹ बाक यीशु तान चेलागोळ से अंदुन, “ईद रा आगोद अच आद कि मंळसा थ्वाळासा मातगोळ कारण पाप दा बळुल, लेकीन हाय, आ मंळसा मा यार कारण पाप आगताव! ² जो ई स्याणेर दा टु यावारा ऊंद मंळसा अक पाप दा हाकतान, आऊन साटी ईद भला आगाईत कि चक्की इन पट्टा आऊन कुतक्या दा हलिगुसकु आगाईत, अदकि आऊक समुद्र दा हाक्कु आगाईत.” ³ *सचेत ईरी;

अगर “नीन वार्ट अपराध माळुल रा आऊक समझूस, अदकि अगर पसतावा माळतान रा आऊक माफ माळ. ⁴ अगर हागुल तमि दा आव येळ घन नीन खलिाप पाप माळुल अदकि येळु घन नीन हात्ती बंदकु अनुल, ‘ना पसतावा माळेतीन,’ रा आऊक माफ माळ.”

वश्वास

⁵ आग प्रेरतिगोळ यीशु से अंदुर, “नाम्द वश्वास वाळुस.”

⁶ प्रभु अंदुन, “अगर नीमी राई इन बीजा अन्द बराबर भी वश्वास ईराईत, रा नीव ई शहतूत इन मार्र से अनायदीर कि तान ताना जळ सकट कतिकु समुद्र दा हत्तेग, रा अद नीम आग्या मान्स कोमाईत.

वळ्लेव सेवक बन्सी

⁷ “नीम दा टु हगि याव आन, यार्द दास नांगर जोत्सतदिन या म्यांडागोळी आळसतदिन, अदकि याग आव केई दा टु बरूल, रा आऊन से अनुल, ‘तुरन्त बंदकु ऊमली कुर?’ ⁸ नश्चिति अच ईला! आव आऊन से ईला अंदान, ‘नान ऊमोर साटी येनारा माळ अदकि अदकि यागासताका ना तनिद-कुडोद माळ कोमालीन, आगासताका नान स्यावा माळ; अदुर बाद्दा नी भी तनिद-कुडोद माळ कोमेत?’ ⁹ आग्यागोळ्द पालन माळोर साटी येन आव तान दास उक धन्यवाद कोट्टान? ¹⁰ ईदा रीतदिल नीव भी याग आ सप्पा क्याल्सागोळी माळ कोंडीर यदुरद आग्या नीमी कोटकु आगीत, रा अनी, ‘नाव साधारण दास आयेव; जो नामी माळ पायजे ईरोद नाव सर्रिफ अदा माळदेव.’ ”

कोद इन हत्त रोगीगोळी चंगा माळोद

11 हगि आत क् यीशु यूरुशलेम होगोहोती सामरीया अदकि गलील इन न्याड्या टु आगुत होगोन. 12 यातोदारा ऊर दा प्रवेश माळाहोती आऊक हत्त कोदी लॉकुर सकिदुर जो आऊन से दुर नदिरकु ईरोर. 13 आंदुर धोळ्द आवाज दा कारूकु अंदुर, “हे यीशु, हे स्वामी, नाम मा दया माळ!”

14 यीशु आंदरी नोळकु अंदुन, “होगी, अदकि तान तान इक याजकगोळी तोरसी.”

अदकि होगुत-होगुत अच आंदुर शुद्ध आगेदुर. 15 आग आंदुर दा टु ऊंद ईद नोळकु क् ना चंगा आगेगनि, ऊंचा आवाज देल परमेश्वर उन बळाई माळतेला वापस बंदुन; 16 अदकि यीशु उन कालगोळ मा बाय इन भार बदिक् आऊन धन्यवाद माळली कुरतुन; अदकि आव सामरी ईरोन. 17 ईदुर मा यीशु अंदुन, “येन हत्तु मुंदुर शुद्ध आगीदील, रा बाक आंदुर ऊंम्बत यल आर? 18 येन ई परदेशी अक बटिक् मात्त यावारा वापस बंददिल जो परमेश्वर उन बळाई माळायदुन?” 19 आग यीशु आऊन से अंदुन, “यदकु होटोग; नीन वशिवास नीनी वळ्ळीद माळ्याद.”

परमेश्वर उन राज्य अन्द आगमन

(मत्ती २४:२३-२८, ३७-४१)

20 याग फरीसीगोळ यीशु से केळदुर क् परमेश्वर उन राज्य याग बंदीत, रा यीशु आंदरी उत्तर कोट्टुन, “परमेश्वर उन राज्य दृश्य रूप दा बराल. 21 अदकि लॉकुर ईद अनतीदलि, ‘नोळी, ईल आद, या अल आद.’ यतकी, परमेश्वर उन राज्य नीम न्याड्या आद.”

22 बाक आव चेलागोळ से अंदुन, “हगि दनि बंदव, यारदा नीव मंळसा अन पार उन दनिगोळ दा टु ऊंद दनि इक नोळोद चाहासीर, अदकि नीव नोळ सकतीदलि. 23 लॉकुर नीम से अंदार, ‘नोळी, अल आन!’ या ‘नोळी, ईल आन!’ लेकीन नीव होगबाळेतीर अदकि आंदुर हदि भी आगबाळेतीर. 24 यतकी ह्यांग बजिली आकाश इन ऊंद छोर टु दुसरा छोर ताका चमकुसतद, हांग अच मंळसा अन पार भी तान दनि दा प्रगट आदान. 25 लेकीन पयला जरूरी आद क् आव हापाळ दुख नेगदान, अदकि ई समय इन लॉकुर द्वारा आऊक तुच्छ ठहरुसकु आदीत. 26 ह्यांग नूह अन्द दनिगोळ दा आगीत, हांग अच मंळसा अन पार उन दनिगोळ दा भी आदीत. 27 याता दनि ताका नूह जहाज मा येरीदलि, आ दनि ताका लॉकुर तनोर-कुडोर, अदकि आंदुर दा मदा आगतोगोव. आग नीर इन बाळ बंदकु आ सब मुंदरी नाश माळ्त. 28 अदकि ह्यांग लूत इन दनिगोळ दा आगीत क् लॉकुर तनोर-कुडोर, लेन-देन माळोर, मार्र हचोर अदकि मान्ना माळतोगोर; 29 लेकीन याता दशिी लूत सदोम टु होट्टुन, आ दशिी बेक्की अदकि गन्धक आकाश टु बरसुस्त अदकि सब मुंदरी नाश माळ बुळ्त. 30 मंळसा अन पार उन प्रगट आगोद दशिी भी हगि अच आदीत.”

31 * “आ दशिी जो मान्ना अन्द आळा मा ईत्तान अदकि आऊन सामान मान्या ईत्तीत, आव अदरी नेगुली ईळ्ळुबाळुल; अदकि हांग अच जो केई दा आन आव वापस मान्नी होगबाळुल. 32 लूत इन हगिस् उक याद ईटी! 33 * जो यावारा तान जीव ऊळसोद चाहास्यान आव अदरी खोऊस्यान, अदकि जो यावारा अदरी खोऊस्यान आव अदरी ऊळस्यान. 34 ना नीम से अनतीन, आ ईळ्ळक इक येद्व मंळसा ऊंद वहरस मा मगित ईत्तार; ऊंद ताकोमकु आदान अदकि दुसरा बटिक् आदान. 35 येद्व आर्तेर ऊंद सांगुळ जाता दा पीसुसतेला ईत्तार, ऊंद ताकोमकु आदार अदकि दुसरा बटिक् आदार. 36 येद्व मुंदुर केई दा ईत्तार, ऊंद ताकोमकु आदान अदकि दुसरा बटिक् आदान*.”

37 ईद केळकु आंदुर आऊन से केळदुर, “हे प्रभु ईद यल आदीत?” आव आंदुर से अंदुन, “यल लाश बदिक् आद, अल गीधाळ जमा आदव.”

18

न्यायी न्यायाधीश अदकि रांड्या आर्त इन उदाहरण

1 बाक यीशु चेलागोळ से इदुर बारा दा लगातार प्रार्थना माळ पायजे अदकि हमिमत ईला बळि पायजे, हगि उदाहरण अंदुन: 2 “यातोदारा नगर दा ऊंद न्यायी ईरतोगोन, जो ना परमेश्वर से अंजतोगोन अदकि ना यातोवारा मंळसा अन्द परवा माळतोगोन. 3 अदा नगर दा ऊंद रांड्या भी ईरतोगोर, जो आऊन हात्ती बंद-बंदकु अनतोगोर,

* 17:31 १७:३१ मत्ती २४:१७,१८; मरकुस १३:१५,१६ * 17:33 १७:३३ मत्ती १०:३९; १६:२५; मरकुस ८:३५; लूका ९:२४; यूहन्ना १२:२५

* 17:36 १७:३६ ईद वचन हाळोद शास्त्र लेख दा लखिसकु हैलेच.

‘नांद न्याय माळकु नानी आरोपी देल ऊळ्स्.’⁴ थ्वाळासा समय ताका रा आव मानसदिलि लेकीन आखरी दा आव तान तान इक अंदुन, ‘यतकी ना परमेश्वर से अंजतीन, अदकि ना मंळसागोळ्द येनारा परवा माळतीन;’⁵ तरी ई रांड्या नानी सतुसतेला ईरतार, इदुरसाटी ना आकनि न्याय माळाईन, ईदारा हगि आगबाळुल कि घळी-घळी बंदकु अनंत दा नांद मुग्ग दा दम माळुल.’”

⁶ प्रभु अंदुन, “केळी, ईव न्यायी येन अनतान? ⁷ इदुरसाटी येन परमेश्वर तान नविळुसद लॉकुरद न्याय माळतीदील, जो ईळ्लक-हागुल मदत साटी वर्लूत ईरतार? येन आव आंदुरद बारा दा समय माळ्यान? ⁸ ना नीम से अनतीन, आव तुरन्त आंदुरद न्याय माळ्यान. तरी मंळसा अन पार याग बंदान, रा येन आव पृथ्वी मा वशिवास नोळ्यान?”

फरीसी अदकि कर ताकोमावाळा अन्द उदाहरण

⁹ यीशु आंदुर से जो तान म्याकुच भरोसा ईटतोगोर, कि नाव न्यायी आयेव, अदकि दुसरागोळी तुच्छ जानसतोगोर, ईद उदाहरण अंदुन: ¹⁰ “येढ्ढ मंळसा मंदरि दा प्रार्थना माळोर साटी होदुर; ऊंद फरीसी ईरोन अदकि दुसरा कर ताकोमावाळा.”

¹¹ फरीसी नीदुरकु तान मन दा ईद प्रार्थना माळली कुरतुन, “हे परमेश्वर, ना अपमान धन्यवाद माळतीन कि ना दुसरा मंळसागोळ्द घाई लोभी, बयमान अदकि व्यभचिारी हैलेच, अदकि ई कर ताकोमावाळा अन्द घाई भी हैलेच. ¹² ना हप्ता दा येढ्ढ गण उपास ईटतीन; ना तान सप्पा कमाई इन दसवा हसिसा भी कोळतीन.”

¹³ “लेकीन कर ताकोमावाळा दुर नीदुरकु, स्वर्ग दी कण्णगोळी नेगोद भी चाहासीदलि, उलटा तान याद्दा पटिस-पटिसकु अंदुन, हे परमेश्वर, ना पापी मंळसा मा दया माळ!” ¹⁴ ना नीम से अनतीन कि आव दुसरा आलच, लेकीन ईवा कर ताकोमावाळा मंळसा न्यायी ठहूरूस्कु आदुन अदकि तान मान्नी होदुन; यतकी जो यावारा तान तान इक महान माळ्यान, आव नम्र माळकु आदान; अदकि जो तान तान इक नम्र माळ्यान, आव महान माळकु आदान.”

चकिोर इक आशरिवाद

(मत्ती १९:१३-१५; मरकुस १०:१३-१६)

¹⁵ बाक लॉकुर तान चकिोरी भी आऊन हात्ती तरली कुरतुर कि आव आंदुर मा कय ईटुल; लेकीन चेलागोळ नोळकु आंदरी चलिळासली कुरतुर. ¹⁶ यीशु चकिोरी हात्ती कारूकु अंदुन, “चकिोरी नान हात्ती बरगोळी, अदकि आंदरी मना माळबाळी: यतकी परमेश्वर उन राज्य आंदुरद अच घाई आद. ¹⁷ ना नीम से खरा अनतीन कि जो यावारा परमेश्वर उन राज्य अक चग्दि उन घाई ग्रहण माळतीदील आव अदुरदा यागलु प्रवेश माळ सकतीदलि.”

धनी मंळसा अदकि अनन्त जीवन

(मत्ती १९:१६-३०; मरकुस १०:१७-३१)

¹⁸ ऊंद यहूदी अधिकारी यीशु से केळदुन, “हे वळ्लीद गुरु, अनन्त जीवन इन अधिकारी आगोर साटी ना येन माळाईन?”

¹⁹ यीशु आऊन से अंदुन, “नी नानी वळ्लीद येती अनत्या? याऊ वळ्लीद हैलेच, सरिफ ऊंद, मतलब परमेश्वर उक बटिकु याऊ वळ्लीद हैलेच. ²⁰ नी आग्यागोळी रा जानसत्या: ‘व्यभचिर माळबाळी, यारीकु कोन् बाळी, अदकि काळ्लपनी माळबाळी, यारदु ख्वाटा कोळबाळी, तान आप्प अदकि तान मोय इन आदर माळी.’”

²¹ यहूदी अधिकारी अंदुन, “ना रा ई सप्पा आग्यागोळी स्याणपणी टु अच मानसतेला बंदीन.”

²² ईद केळकु यीशु आऊन से अंदुन, “नीन दा ईग भी अदकि ऊंद मात माळोद आद, तान सब येनारा मारकु कंगालगोळ दा वाट्स बुळ; नीनी स्वर्ग दा धन सकिकीत, अदकि बंदकु नान हदि आगोग.” ²³ आव ईद केळकु हापाळ उदास आदुन, यतकी आव हापाळ धनी ईरोन.

²⁴ यीशु आऊक नोळकु अंदुन, “धनवानगोळ्द परमेश्वर उन राज्य दा प्रवेश माळोद याट कठनि आद! ²⁵ परमेश्वर उन राज्य दा धनवानगोळ साटी प्रवेश माळदुर देल ऊँट इन मुग्ग दा टु चुजी होटबुळोद आसान आद.”

²⁶ ईदुर मा केळावाळेर अंदुर, “रा बाक यार्द उद्धार आग सकतद?”

²⁷ यीशु अंदुन, “जो मंळसा अन्द साटी असंभव आद, अद परमेश्वर उन साटी संभव आद.”

28 पतरस अंदुन, “नोळ, नाव रा मान्न-मार बटिकु नीन हदि आगेगेव.”

29 आव आंदुर से अंदुन, “ना नीम से खरा माताळतीन क्हागि याऊ हल्लेच जो परमेश्वर उन राज्य अन्द साठी मान्न मार, या हगिस, या वार्दुर, या मोय-आप्प, या चकौर चळिगेर बटि बुटीदान; 30 याऊक ई समय हापाळ यक्कुल अदकि बरावाळा युग दा अनन्त जीवन सकतीदलि हगि याऊ हल्लेच.”

तान सायोद बारा दा यीशु उन तसिरा भवषियवाणी

(मत्ती २०:१७-१९; मरकुस १०:३२-३४)

31 बाक यीशु हन्नेळ चलागोळी बाजु दा वोटकु आंदुर से अंदुन, “नोळी, नाव यरूशलेम इक होगतेव, अदकि यास मातगोळ मंळसा अन पार उन साठी भवषियवक्तागोळ द्वारा लखिसकु आग्याव, अव सप्पा पुरा आदव. 32 यतकी आव गैरयहूदीगोळ कय दा सोपस्कु आदान, अदकि आंदुर आऊक मज्याक दा हारस्यार; अदकि आऊंद अपमान माळ्यार, अदकि आऊन मा ऊगळ्यार, 33 अदकि आऊक क्वाळा बळदार, अदकि घात माळ्यार; अदकि आव तसिरा दशी जतिता आदान.”

34 पर चेलागोळी ई मातगोळ दा टु जो यीशु अंददिन यातोदु मात उमसीदलि; अदकि ई मात आंदुर से होचकु ईत्त, अदकि जो अंदकु आगीत अद आंदुरद समझ दा बंददिल.

कुद्व भखिरी इक दृष्टीदान

(मत्ती २०:२९-३४; मरकुस १०:४६-५२)

35 याग यीशु यरीहो अन्द हात्ती पोहचुसदुन, रा ऊंद कुद्व मंळसा सळक इन कनिरा मा कुर्तकु भीख बेळोन.

36 आव लॉकुरद भीळ इन नळोद आवाज केळकु केळली कुरतुन, “ईद येन आगेत्याद?”

37 आंदुर आऊक हेळदुर, “यीशु नासरी होगेत्यान.”

38 आग आव कारूकु अंदुन, “हे यीशु, दाऊद उन औलाद, नान मा दया माळ!”

39 जो मुंद मुंद होगोर, आंदुर आऊक दनकुसली कुरतुर क्हा आव सुंगा ईरूल; लेकीन आव अदकि जोर से चलिळासली कुरतुन, “हे दाऊद उन औलाद नान मा दया माळ!”

40 आग यीशु नीदुरकु आग्या कोट्टुन क्हा आ कुद्व मंळसा अक नान हात्ती तरी, अदकि याग आव हात्ती बंदुन रा आव आऊन से केळदुन, 41 “नी येन चाहासत्या क्हा ना नीन साठी माळाईन?”

आव अंदुन, “हे प्रभु, ईद क्हा ना मात्त नोळली हत्तुल.”

42 यीशु आऊन से अंदुन, “नोळली हत्त; नीन वशिवास नीनी वळ्ळीद माळबुटाद.”

43 आग आव तुरन्त नोळली कुरतुन अदकि परमेश्वर उन बळाई माळतेला आऊन हदि आगेदुन; अदकि सप्पा लॉकुर नोळकु परमेश्वर उन स्तुति माळदुर.

19

कर ताकोमावाळा जक्कई

1 यीशु यरीहो दा प्रवेश माळकु होगोन. 2 अल जक्कई हेसुर ईनव ऊंद मंळसा ईरोन जो कर ताकोमावाळेर प्रधान ईरोन अदकि धनी ईरोन. 3 आव यीशु अक नोळोद चाहासोन क्हा आव याव हुन. लेकीन भीळ इन कारण नोळ ईला सकोन, यतकी आव गुड्ड ईरोन. 4 आग आऊक नोळोर साठी आव मुंद ओळकु ऊंद उम्बर इन मार्र मा येरेदुन, यतकी यीशु अदा हादी देल होगवाळा ईरोन. 5 याग यीशु आ जागा पोहचुसदुन, रा म्याकुच दृष्टी माळकु आऊन से अंदुन, “हे जक्कई, झट से ल्यालमा ईळुकु बर; यतकी ईद नानी नीन मान्या ईरोद जरूरी आद.”

6 आव तुरन्त ईळुकु खुशी देल आऊंद स्वागत माळदुन.

7 ईद नोळकु सप्पा लॉकुर कुळकुळुस्कु अनली कुरतुर, “आव रा ऊंद पापी मंळसा अन मान्या पाऊना बन्सकु ईळदान.”

8 जक्कई नीदुरकु प्रभु से अंदुन, “हे प्रभु, नोळ, ना तान आर्धा सम्पत्ति कंगालगोळी कोळतीन, अदकि अगर यारदारा येनारा भी अन्याय माळकु ताकोम कौडीन रा अदरी नाकगुना वापस माळ बुळतीन.”

9 आग यीशु आऊन से अंदुन, “ईद ई मान्या उद्धार बंदान, इदुरसाठी क्हा ईव भी अब्राहम उन ऊंद औलाद हुन.

10 यतकी मंळसा अन पार जो काळ्दोग्यार आंदरी दुंदसली अदकि आंदुरद उद्धार माळली बंदान.”

**हत्त व्हान्ना नव सक्कागोळ्द उदाहरण
(मत्ती २५:१४-३०)**

11 याग आंदुर ई मातगोळी केळोर, रा यीशु उन उदाहरण अंदुन, इदुरसाटी क्वाव यरूशलेम इन हात्ती ईरोन, अदकि आंदुर समसतोगोर क्वा परमेश्वर उन राज्य प्रगट आगोद आद. 12 इदुरसाटी आव अंदुन, “ऊंद धोळ पद इन मंळसा दुर राज्य दा होदुन ताकी राजपद हासलि माळकु बर सकुल. 13 आव तान दासगोळ दा टु हत्त मुंदुर इक कारूकु आंदरी हत्त व्हान्ना अनूद सक्का कोट्टुन अदकि आंदुर से अंदुन, ‘नांद वापस बरासताका ताका लेन देन माळतीर.’ 14 लेकीन आऊन खुद इन लॉकुर आऊन से दुश्मनी ईटतोगोर, अदकि आऊन हदि स्वर्गदूतगोळ द्वारा खबर कळुदुर, ‘नाव चाहसालेव क्वा ईव नाम मा राज्य माळुल.’ ”

15 “याग आव राजपद हासलि माळकु बंदुन, रा हगि आत क्वाव तान दासगोळी यारी व्हान्ना अनूद सक्का कोटीदुन, तान हात्ती कार्सदुन ताकी आऊक मालूम नळुल क्वा आंदुर लेन देन देल येन-येन कमुसदुर. 16 आग पयला दास बंदकु अंदुन, ‘हे स्वामी, नीन व्हान्ना अनूद सक्का देल ना मात्त हत्त व्हान्ना नव सक्का कमुसीन.’ 17 आव आऊन से अंदुन, ‘शाब्बास, हे वळ्लेव अदकि वशिवासयोग्य दास! नी हापाळ अच गोरत दा वशिवासलायक होट्ट ईग हत्त नगरगोळ मा अधिकार ईट.’ 18 दुसरा दास बंदकु अंदुन, ‘हे स्वामी, नीन सक्का देल अईद मात्त सक्का कमुसीन.’ 19 स्वामी आऊन से भी अंदुन, ‘नी भी अईद नगरगोळ मा अधिकार ईट.’ ”

20 तसिरा बंदकु अंदुन, “हे स्वामी, नोळ नीन सक्का ईद हुन, यदरी ना कपळा अनूद तुकळा दा कटकु ईटदिन. 21 यतकी नी कठोर मंळसा आय, इदुरसाटी ना नीन से अंजतोगीन: जो नी ईटीदील अदरी नेगु कोमत्या, अदकि जो नी बोऊसीदलि, अदरी भी कळ्द बुळत्या.” 22 आव आऊन से अंदुन, “हे दुष्ट दास, ना नीन आवाज देल अच नीनी दोषी ठहूसतीन. नी नानी अरूतोग्या क्वा कठोर मंळसा आईन, जो ना ईटीदील अदरी नेगु कोमतीन, अदकि जो ना बोऊसीदलि अदरी कळ्द बुळतीन; 23 रा नी नान सक्का सावकार उन हात्ती येती ईट कोंडीदलि क्वा ना बंदकु ब्याज समेत ताकोम कोमयदीन?”

24 अदकि जो लॉकुर हात्ती नीदुरकु ईरोर, आव आंदुर से अंदुन, “अद सक्का आऊन से ताकोमकोमी, अदकि यार्द हात्ती हत्त व्हान्ना नव सक्का आव आऊक कोट्ट बुळी.” 25 आंदुर आऊन से अंदुर, “हे स्वामी, आऊन हात्ती रा पयले टु अच हत्त सक्कागोळ आव.” 26 ✨ “ना नीम से अनतीन क्वा यार्द हात्ती आद, आऊक मात्त कोटकु आदीत; अदकि यार हात्ती हैलेच, आऊन से अद भी जो आऊन हात्ती आद ताकोमकु आदीत. 27 ✨ लेकीन नानोर आ दुश्मनगोळ जो ईला चाहासोर क्वा ना आंदुर मा राज्य माळाईन, आंदरी ईल तनकु नान मुंद घात माळी.”

यरूशलेम दा वजिय प्रवेश

(मत्ती २१:१-११; मरकुस ११:१-११; यूहनना १२:१२-१९)

28 ईव मातगोळी अंदकु यीशु यरूशलेम इन दी आंदुर मुंद मुंद नळदुन. 29 याग आव जैतून हेसुर इन पहाळ मा बैतफगे अदकि बैतनय्याह अन हात्ती पोहचुसदुन, रा आव तान चेलागोळ दा टु येद्व मुंदरी ईद अनकु कळुदुन, 30 “मुंदळोद ऊर दा होगी; अदकि अल होगत अच ऊंद गधा अनूद पाड्डा यदुर मा याऊ यागलु सवार आगीदील, कटकु नीमी सक्कीत, अदरी खोल्सकु तरी. 31 अगर यावारा नीम से केळ्यान क्वा येती खोल्सतीर, रा ईद अंद बुळतीर क्वा प्रभु अक इदुरद प्रयोजन आद.”

32 जो कळुकु आगीदुर, आंदुर होगकु हयांग यीशु आंदुर से अंददिन, हांग अच नोळदुर. 33 याग आंदुर गधा अनूद पाड्डा अक खोलसोर, रा गधा अनूद मालकि आंदुर से केळदुन, “ई पाड्डा अक येती खोल्सतीर?”

34 आंदुर अंदुर, “परभु उक ईदुरद जरवत आद.” 35 आंदुर अदरी यीशु उन हात्ती तंदुर, अदकि तान कपळा आ पाड्डा मा हाक्कु यीशु उक अदुर मा कुरस बुदुर. 36 याग आव होगोन, रा आंदुर तान कपळा हादी मा हासतेला होगतोगोर.

37 हात्ती बरतेला याग आव जैतून पहाळ इन ढलान मा पोहचुसदुन, रा चेलागोळ्द सप्पा मंडली आ सप्पा सामर्थ्य अनूद क्वाल्सागोळ्द कारण जो आंदुर नोळीदुर, खुश आगकु धोळ्द आवाज देल परमेश्वर उन स्तुर्ता

माळली हतदुर: 38 “परमेश्वर आ राजा अक आशीष कोळुल, जो प्रभु अन हेसुर देल बरतान! स्वर्ग दा शांती अदकि आकाश मंडल दा महिमा आगुल!”

39 आग भीळ दा टु येनारा फरीसी आऊन से अनली कुरतुर, “हे गुरु, तान चेलागोळी आग्या कोटकु दनकुस.”

40 आव उत्तर कोट्टुन, “ना नीम से अनतीन, अगर इंदुर सुंगा ईत्तुर रा कल्ल चलिळासली हत्तेव.”

यरूशलेम इन साटी वलिाप

41 “याग आव हात्ती बंदुन रा नगर इक नोळकु अदुर मा वरुलदुन 42 अदकि अंदुन, अगर नी, ईद इन दशी शांती नव मातगोळ जान्स कोमाईद, रा याट वळलीद आगोगाईत, लेकीन ईग अव नीन कण्ण इन हात्ती टु गुप्त ईटकु आगोग्याव. 43 यतकी अव दनि नीन मा बंदव का नीन से दुश्मनी ईटावाळेर मोरचा कटकु नीनी घेरस कोडार, अदकि नाकु दी टु नीनी वत्त बुट्टार; 44 अदकि नीनी अदकि नीन चकिोरगोळी जो नीन दा आर, मुण्ण दा मलिस्यार, अदकि नीन दा ऊंद कल्ल मा दुसरा कल्ल भी बळितीदील; यतकी परमेश्वर नीमी ऊळसली बंदीदुन ई समय इक नीव अरतीदलि.”

मंदरि टु व्यापारीगोळ्द तेगुकु आगोद

(मत्ती २१:१२-१७; मरकुस ११:१५-१९; यूहन्ना २:१३-२२)

45 आग यीशु मंदरि दा होगकु व्यापारीगोळी व्हार्या तेगुली कुरतुन, 46 अदकि परमेश्वर अनतान, “शास्त्र दा लखिसकु आद, ‘नान मान्ना प्रार्थना अन्द मान्ना आदीत,’ लेकीन नीव अदरी डाकूगोळ्द हड्डा माळ बुट्टीर.”

47 यीशु रोज मंदरि दा उपदेश माळतोगोन; अदकि प्रधान याजक अदकि नयिम इन गुरु अदकि लॉकुरद प्रमुख आऊक कोनोद चाहासोर. 48 लेकीन याऊ उपाय तेगु सकदील का ईव याता प्रकार माळेव, यतकी सप्पा लॉकुर बळा चाह देल आऊंद केळतोगोर.

20

यीशु उन अधिकार मा प्रश्न

(मत्ती २१:२३-२७; मरकुस ११:२७-३३)

1 ऊंद दशी हगि आत का याग यीशु मंदरि दा लॉकुरी उपदेश कोळोन अदकि खुशखबरी केळसोन, रा प्रधान याजक अदकि नयिम इन गुरु, पुरनयागोळ्द सांगुळ हात्ती बंदकु नदिरदुर; 2 अदकि अनली हतदुर, “नामी हेळ, नी ई क्यालसागोळी याता अधिकार देल माळत्या, अदकि आव याव हुन याव नीनी ईद अधिकार कोटान?”

3 यीशु आंदरी उत्तर कोट्टुन, “ना भी नीम से ऊंद सवाल केळतीन; नानी हेळी 4 यूहन्ना अक बपतस्मा कोळोद अधिकार स्वर्ग दी टु ईरोद या मळसागोळ दी टु ईरोद?”

5 “आग आंदुर आपस दा चर्चा माळली कुरतुर, नाव येन अंदेव, अगर स्वर्ग इन दी टु,” रा आव अंदान, “बाक नीव आऊंद वशिवास येती माळीदलि?” 6 अदकि अगर नाव अंदेव, मळसागोळ दी टु, रा सप्पा लॉकुर नाम मा कलगोळ भटार, यतकी आंदुर खराखुरा अरूतार का यूहन्ना भवषियवक्ता ईरोन. 7 इदुरसाटी आंदुर उत्तर कोट्टुन, “नाव अरालेव का आव यार दी टु ईरोन.”

8 यीशु आंदुर से अंदुन, “रा ना भी नीमी हेळालीन का ना ईद क्यालसा याता अधिकार देल माळतीन.”

दुष्ट कसानगोळ्द उदाहरण

(मत्ती २१:३३-४६; मरकुस १२:१-१२)

9 आग यीशु लॉकुर से ईद उदाहरण अनली कुरतुन: “यावारा मळसा अंगुर इन केई हचदुन, अदकि कसानगोळी अदरी बटई दा कोट बुट्टुन अदकि हापाळ दनिगोळ्द साटी परदेश होटोदुन. 10 याग अंगुर इन जमा माळोद समय बत्त रा मालक कसानगोळ हात्ती ऊंद दास उक कळुदुन का आंदुर अंगुर इन केई अन येनारा कायगोळ भाग आऊक कोळुल, पर कसानगोळ आऊक बळकु खाली कय कळु बुट्टुन. 11 बाक आव ऊंद अदकि दास उक कळुदुन, अदकि आंदुर आऊक भी बळकु अदकि आऊन अपमान माळकु खाली कय कळु बुट्टुन. 12 बाक आव तसिरा दास उक कळुदुन, अदकि आंदुर आऊक भी घायल माळकु व्हार्या तेगु बुट्टुन. 13 आग अंगुर इन केई नव स्वामी अंदुन, ‘ना येन माळीन? ना तान प्रिय पार उक कळीन, जरूर अच आंदुर आऊन आदर माळ्यार.’ 14 याग कसानगोळ

आऊक नोळदुर रा आपस दा वचिर माळली कुरतुर, 'ईव रा वारीस हुन; बरी, नाव ईऊक कोंद बुळाती रा बाक आऊन जायदाद नामद आगेदीत.' 15 अदकि आंदुर आऊक अंगुर इन केई टु व्हार्या तेगुकु कोंद बुटुर."

"इदुरसाटी अंगुर इन केई इन स्वामी आंदुरद सांगुळ येन माळ्यान? 16 आव बंदकु आ कसिानगोळी नाश माळ्यान, अदकि अंगुर इन केई दुसरा अक सोपस्यान."

ईद केळकु आंदुर अंदुर "परमेश्वर माळुल हगि आगबाळुल."

17 यीशु आंदुर दी नोळकु अंदुन, बाक ईद येन लखिसकु आद:

"याता कल्ल इक राजमहल माळावाळेर बेकार ठहरुसीदुर,

अदा क्वाना अनद सरिा आगेत."

18 "जो यातोदारा कल्ल मा बदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत."

कर कोळोद प्रश्न

(मत्ती २२:१५-२२; मरकुस १२:१३-१७)

19 आटा होती नयिम इन गुरुगोळ अदकि प्रधान याजकगोळ आऊक हुडोद चाहासदुर, यतकी आंदुर समसेगदुरि क्का आव नाम मा ईद उदाहरण अंदान, लेकीन आंदुर लॉकुर से अंजदुर. 20 अदकि आंदुर आऊन ताक दा हतदुर अदकि भेद ताकोमावाळेरी कळुदुर क्का न्याय इन भेष हुळकु यीशु उक आंदुर सवाल दा हुडुल, ताकी बाक आऊक रोमन शासक उन कय दा सौप्स बुळुल. 21 आ जासुसगोळ यीशु से केळदुर, "हे गुरु, नाव जान्सतेव क्का नी बराबर अनत्या अदकि कल्सत्या, अदकि यारदु पक्षपात माळाल, उलटा परमेश्वर उन हादी सच्चाई देल हेळत्या. 22 येन नामी कैसर सरकार उक कर कोळोद उचति आद या ईला?"

23 आव आंदुरद चतुराई इक अरूकु आंदुर से अंदुन, 24 "ऊंद चाँदी इन सकिका नानी तोरसी. ईदुर मा यारद छाप अदकि हेसुर आद?"

आंदुर अंदुर "कैसर सरकार उन."

25 यीशु आंदुर से अंदुन, "रा जो कैसर सरकार उन हुन, अद सरकार उक कोळी; अदकि जो परमेश्वर उन आद, अद परमेश्वर उक कोळी."

26 आंदुर लॉकुरद मुंद ईद मात दा यीशु उक फसुस सकदील, उलटा आऊन उत्तर देल अचम्भति आगकु संग्गा आगेदुर.

पुनरूत्थान अदकि मदा

(मत्ती २२:२३-३३; मरकुस १२:१८-२७)

27 *बाक सडूकीगोळ जो अनतार क्का सोत्तुर दा टु जत्तिता आगेद अच हैलेच, आंदुरदा टु थ्वाळासा लॉकुर आऊन हात्ती बंदकु केळदुर, 28 "हे गुरु, मूसा नाम साठी हगि नयिम लखिस्यान: अगर यारोवारा धोळ वार्ट तान हगिस् उन ईतकु भी बनि औलाद सोतोदान, रा आऊन वार्ट आ रांड्यागति इन से मदा माळ कोमुल, अदकि तान वार्ट उन साठी वंश पैदा माळुल. 29 येळ वार्टुर ईरोर, पयला वार्ट मदा माळकु बनि औलाद सोतोदुन. 30 बाक दुसरा वार्ट भी आकनि से मदा माळदुन, 31 अदकि तसिरा वार्ट भी अदा आर्त से मदा माळ कोंडुन. ईदा रीर्ता देल येळु वार्टुर बनि औलाद देल सोतोदुर. 32 आखरी दा आ आर्त भी सोतोदुर. 33 इदुरसाटी जत्तिता आगदुर मा आक आंदुरदा टु यारो हगिस् आदार? यतकी आ येळु वार्टुर आकनि से मदा माळीदुर."

34 यीशु आंदुर से अंदुन, "ई युग इन लॉकुर दा रा मदगोळ आगताव, 35 लेकीन जो लॉकुर ई लायक ठहरुस्यार क्का आ युग इक अदकि सोत्तुर दा टु जत्तिता आगेद प्राप्त माळुल, आंदुर ना मदा माळ्यार अदकि ना मदा दा कोटकु आदार. 36 बाक आंदुर ना रा यागलु सोत्तार, यतकी आंदुर पुनरूत्थान इन औलाद बन्सकु स्वर्गदूतगोळद घाई अदकि सोत्तुर दा टु जत्तिता आगदुर कारण देल परमेश्वर उन औलाद ईत्तार. 37 लेकीन ई मात इक क्का सोत्तुर जत्तिता आगताव, मूसा भी होत्त झाळी इन उदाहरण दा प्रगट माळ्यान क्का आव प्रभु अक 'अब्राहम उन परमेश्वर, अदकि इसहाक उन परमेश्वर अदकि याकूब उन परमेश्वर' अनतान. 38 परमेश्वर रा मुरदागोळ ईला लेकीन जत्तितागोळद परमेश्वर हुन: यतकी आऊन हात्ती सप्पा जत्तिता आर."

39 आग ईद केळकु शास्त्रीगोळ दा टु येनारा ईद अंदुर, “हे गुरु, नी बराबर उत्तर कोट्ट.” 40 अदकि आ सडूकीगोळी बाक आऊन से येनारा अदकि केळोद हम्मिमत आगीदील.

मसीह यार पार हुन?

(मत्ती २२:४१-४६; मरकुस १२:३५-३७)

41 बाक यीशु आंदुर से केळदुन, “मसीह अक दाऊद उन औलाद ह्यांग अनतार?” 42 दाऊद तान भजन संहति अन कतिाव दा अनतान:

“प्रभु नान प्रभु से अंदुन,

43 नान ऊम्मा कय दी कुर,

यागासताका कर्ना नीन से दुश्मनी ईटावाळेर इक नीन काल दशी माळ कोमालीन.”

44 “दाऊद रा आऊक प्रभु अनतान; रा बाक आव आऊन औलाद ह्यांग ठहरसदुन?”

शास्त्रीगोळ से सावधान

(मत्ती २३:१-३६; मरकुस १२:३८-४०)

45 याग सप्पा लॉकुर केळोर, रा यीशु तान चेलागोळ से अंदुन, 46 “शास्त्रीगोळ से सावधान ईरी, यारी ऊद्द-ऊद्द च्वांगा हाक्कु वयाळोद वळ्लीद हततद, अदकि यारी सात्तागोळ दा नमस्कार अदकि आदर, अदकि यहूदी लॉकुरद सभागूहगोळ दा मुख्य आसन अदकि भोज दा मुख्य जागा प्रयि हतताव. 47 आंदुर रांड्यागोळ्द माननागोळ इक तदि बुळतार अदकि आंदुर फायदा नेगुतार, अदकि लॉकुरी दखावा साटी हापाळ होत्त ताका प्रार्थना माळतेला ईरतार: इंदरी यक्कुल से यक्कुल दण्ड सकिकीत.”

21

कंगाल रांड्यागीत इन दान

(मरकुस १२:४१-४४)

1 बाक यीशु नाकु दी कण्ण नेगुकु पैस्यावाळेर लॉकुर इक तान मंदरि इन दानपेटी दा दान हाक्क नोळदुन. 2 आव ऊद कंगाल रांड्या अक भी अदुरदा येढ्ढ तांबा नव सकिका हाक्क नोळदुन. 3 आग यीशु आंदुर से अंदुन, “ना नीम से खरा अनतीन कर् ई कंगाल रांड्यागीत सप्पा मुंदुर से यक्कुल हाक्यार. 4 यतकी आ सप्पा मुंदुर तान तान बचत दा टु दान कोट्टुर, लेकीन इक तान कंगालपन दा टु तान सप्पा जीवकि, हाक्क बुटुर.”

मंदरि इन वनिाश इन भवषियवाणी

(मत्ती २४:१,२; मरकुस १३:१,२)

5 याग चेलागोळ दा टु थ्वाळासा चेलागोळ मंदरि इन बारा दा अनोर कर् अद ह्यांग सुंदर कल्लगोळ अदकि परमेश्वर उक कोळ्द भेट इन वस्तुगोळ से सवारसकु आग्याद, रा यीशु अंदुन, 6 “अव दनि बंदव, यारदा ईद सप्पा जो नीव नोळतीर, अऊर्दा टु ईल ऊद कल्ल मा कल्ल भी ईरतीदील जो केडुकु आगतीदील.”

संकट अदकि सताप

(मत्ती २४:३-१४; मरकुस १३:३-१३)

7 आंदुर यीशु से केळदुर, “हे गुरु, ई सब याग आदीत? अदकि ई मातगोळ याग पुरा आगदुर मा ईत्तव, रा आ समय इन येन चमत्कार ईत्तीत?”

8 आव अंदुन, “सावधान ईरी कर् नीव भरमुसकु आगतीदील, यतकी हापाळ सा नान हेसुर देल बंदकु अंदार, ‘ना आवा हुईन,’ अदकि ईद भी कर्, ‘समय हात्ती होट्ट बंदाद.’ नीव आंदुर हदि होगवाळेतीर. 9 याग नीव लळाईगोळ मातचीत केळीर अदकि लळाईगोळ्द बारा दा अफवाह केळीर रा घबरूस बाळेतीर, यतकी ईऊर्द आगोद जरूरी आद; लेकीन आ समय तुरन्त अन्त आगतीदील.”

10 आग आव आंदुर से अंदुन, “द्याश मा द्याश अदकि राज्य मा राज्य चढाई माळीत, 11 अदकि धोड्डेव-धोड्डेव भूकम्प आदव, अदकि जागा जागा मा अकाल अदकि महामारी बदिदव, अदकि आकाश टु भयंकर मातगोळ अदकि धोड्डेव-धोड्डेव चमत्कार प्रगट आदव. 12 लेकीन इव सप्पा मातगोळ से पयले आंदुर नान हेसुर इन कारण नीमी हुळदार, अदकि सतुस्यार, अदकि पंचायतगोळ दा सोपस्यार, अदकि बंदीगूह दा हाकसुस्यार, अदकि राजागोळ अदकि शासकगोळ मुंद ओतार. 13 पर ईद नीम साटी खुशखबरी इन गवाही कोळोद मवका

आगेदीत. 14 *इदुरसाटी तान तान मन दा ठानस्कु ईटी कनिाव पयले टु तान तान इक ऊळसोर साटी येन अंदेव ईदुर चनिता माळबाळेतीर. 15 यतकी ना नीमी हगि बोल अदकि बुद्धी कोळाईन कनिीम यावारा भी वरिधी सामना या खंडन माळ सकतीदलि. 16 नीम मोय आप्प, अदकि वार्दुर, अदकि रशितेदार, अदकि संगी भी नीमी हुळसुस्यार; ईल ताका कनिीम दा टु थवाळासा मुंदुर इक कौसुस बुट्टार. 17 नान कारण सप्पा लॉकुर नीम से दुश्मनी ईट्यार. 18 लेकीन नीम ताल्ला अनन्द ऊंद चुट्टी भी कति सकतीदलि. 19 धीरज ईट्टीर रा नीव तान जीवगोळी ऊळस्कु ईट्टीर.

यूरशलेम इन वनिाश इन भवषियवाणी
(मत्ती २४:१५-२१; मरकुस १३:१४-१९)

20 “याग नीव यूरशलेम इक सेनागोळ से घेरसकु नोळीर, रा जान्स कोमेतीर कनिादुरद बरबाद आगेद हात्ती आद. 21 आग जो यहूदिया दा आर आंदुर पहाळीगोळ मा ओळेगुल; अदकि जो यूरशलेम इन बुळ्क आर आंदुर व्हार्या होट्ट बुळुल; अदकि जो ऊरगोळ दा आर आंदुर नगरगोळ दा होगबाळुल. 22 यतकी ईव बदला ताकोमव हगि दनि ईत्तव, यदुर दा वचन दा लखिसकु अव सप्पा मातगोळ पुरा आगेदव. 23 आ दनिगोळ दा जो व्हाट्या दी अदकि हाल कुळसतीदार, आंदुर साटी हाय, हाय! यतकी पृथ्वी मा धोळ्द क्लेश अदकि ई लॉकुर मा धोळ्द प्रकोप ईत्तीत. 24 आंदुर तलवार देल कौसुसकु आदार, अदकि सप्पा द्याशगोळ लॉकुर दा बंदी आगकु पोहचुसकु आदार; अदकि यागासताका गैरयहूदीगोळ्द समय पुरा आगाल्द, आगासताका यूरशलेम गैरयहूदीगोळ देल मेटकु आदीत.

मंळसा अन पार उन दुबारा बरोद
(मत्ती २४:२९-३१; मरकुस १३:२४-२७)

25 *सूरज, अदकि चंद्र, अदकि तारागोळ दा चमत्कार काळसेव; अदकि पृथ्वी मा द्याश-दयाश इनोर लॉकुरी संकट आदीत, यतकी आंदुर समुद्र अन गर्जन अदकि लयरगोळ आवाज देल घबरूसेदार. 26 अंज्क इन कारण अदकि दुनिया मा बरोद घटनागोळ्द हादी नोळ्त्त-नोळ्त्त लॉकुरद जीव दा जीव ईरतीदील, यतकी आकाश इन शक्तगोळी आलगाळ्सकु आदीत. 27 *आग आंदुर मंळसा अन पार उक सामर्थ्य अदकि धोळ्द महिमा अनन्द सांगुळ बादल मा बरतेला नोळ्यार. 28 याग ई मातगोळ आगली कुरतव, रा नदिरकु तान ताल्ला म्याकुच नेगेतीर; यतकी नीम छुटकारा हात्ती आदीत.”

अंजीर इन मार्र इन उदाहरण
(मत्ती २४:३२-३५; मरकुस १३:२८-३१)

29 यीशु आंदुर से ऊंद उदाहरण भी अंदुन: “अंजीर इन मार्र अदकि सप्पा मार्रगोळी नोळी. 30 ह्यांग अऊरदा कोम होळताव, रा नीव नोळकु खुद अच जान्स कोमतीर कनिाबसिल इन दनि हात्ती आव. 31 ईदा रीतदिल याग नीव ईव मातगोळी आगतेला नोळीर, आग जान्स कोमी कनिापरमेश्वर उन राज्य हात्ती आद.

32 “ना नीम से खरा अनतीन कनिायागासताका इव सप्पा मातगोळ आगालव, आगासताका ईद पीढी इन यागलु अनत्त आगतीदील. 33 आकाश अदकि पृथ्वी टलुसेदति, लेकीन नान मात्तगोळ यागलु टलुसतीदलि.”

वशिवास दा ईरी
(मत्ती २४:३६-४४; मरकुस १३:३२-३७)

34 “इदुरसाटी सावधान ईरी, हगि आगबाळुल कनिीम मन दुराचार, पयिक्कळपन अदकि जीवन इन चनितागोळ्द भार देल वत्तेगुल, अदकि अद दनि अचानक नीम मा फंदा अनन्द घाई होट्ट बरूल. 35 यतकी अद सप्पा पृथ्वी अन सब ईरावाळेर मा ईदा प्रकार देल बंदकु बदिदीत. 36 इदुरसाटी जागसतेला ईरी अदकि हर घळी वनिती माळ्त्त ईरी कनिीव ई सप्पा बरावाळा घटनागोळ देल वुळुली अदकि मंळसा अन पार उन मुंद नदिरोद लायक आगी.”

37 *यीशु हर रोज मंदिर दा शकिषा कोळतोगोन, अदकि हर रोज द्यावगा होगकु जैतून हेसुर इन पहाळी मा ईळ्ळक कडुतोगोन; 38 अदकि रोज हुंजकुका सप्पा लॉकुर आऊंद शकिषा केळोर साटी मंदिर दा आऊन हात्ती बरतोगोर.

22

यीशु उन वरूद्ध साजीश

(मत्ती २६:१-५; मरकुस १४:१-२; यूहन्ना ११:४५-५३)

1 अखमीरी रोटी अन हाब्व जो फसह कहलुसतद, हात्ती ईरोद; 2 अदकि प्रधान याजक अदकि नयिम इन गुरु ई मात इन खोज दा ईरोर की यीशु उक ह्यांग कौद बुटेव, पर आंदुर लॉकुर से अंजतोगोर.

यहूदा अन्द वशिवासघात

(मत्ती २६:१४-१६; मरकुस १४:१०,११)

3 आग शैतान यहूदा दा समुस्त, जो इस्करियोती कहलुस्तान अदकि हन्नेळ चेलगोळ दा आळुकु आगतोगोन. 4 आव यहूदा दा होगकु प्रधान याजकगोळ अदकि मंदरि इन पहरदारगोळ्द सरदारगोळ सांगुळ मातचीत माळदुन की यीशु उक याता प्रकार आंदुर कय देल हुळसुस्यार. 5 आंदुर खुश आदुर, अदकि आऊक पैस्या कोळोर साटी तयार आदुर. 6 आव मान्स कौडुन, अदकि मौका दुंदसली कुरतुन कियोग भीळ ईरतीदील रा आऊक आंदुर कय देल हुळसुस कौडेव.

चेलगोळ्द सांगुळ फसह अन आखरी भोज

(मत्ती २६:१७-२५; मरकुस १४:१२-२१; यूहन्ना १३:२१-३०)

7 आग अखमीरी रोटी इन हाब्व इन दनि बत्त, यारदा फसह म्यांडा अन्द पाड्डा अन्द बलि कोळोद जरूरी ईरोद. 8 यीशु पतरस अदकि यूहन्ना अक ईद अनकु कळुदुन: “होगकु नाम फसह अन्द ऊमोद तयारी माळी.”

9 आंदुर आऊन से केळदुर, “नी यल चाहासत्या की नाव इदरी तयार माळेव?”

10 आव आंदुर से अंदुन, “नोळी, नगर दा प्रवेश माळतेला अच ऊंद मंळसा नीर इन माळका नेगुकु नीमी सकियान; याता मान्ना दा आव होदान नीव आऊन हदि होटोगेतीर, 11 अदकि आ मान्ना अन स्वामी से अनेतीर: ‘गुरु नीन से अनतान की अद पाऊनागोळ्द कमरा यल आद यदुर दा ना तान चेलगोळ सांगुळ फसह अन्द भोजन तनिईन?’ 12 आव नीमी ऊंद सजुसुद धोळ्द म्याकुच इन कमरा तोरस्यान; अल्या तयारी माळेतीर.

13 “आंदुर होगकु, ह्यांग यीशु आंदुर से अंददिन, हांग अच नोळदुर अदकि फसह अन्द भोजन तयार माळदुर.”

प्रभु उन आखरी भोज

14 याग घळी होट्ट बत्त, रा आव चेलगोळ सांगुळ ऊमली कुरतुन. 15 अदकि आव आंदुर से अंदुन, “नान हापाळ इच्छा ईरोद की दुख भोगसोर से पयले ईद फसह अन्द भोजन नीम सांगुळ तनिईन. 16 यतकी ना नीम से अनतीन कियोगासताका अद परमेश्वर उन राज्य दा पुरा आगाल आगासताका ना अदरी यागलु तनितीदील.”

17 आग यीशु कटोरा हुळकु धन्यवाद माळदुन अदकि अंदुन, “इदरी हुडी अदकि आपस दा वाट्स कोमी. 18 यतकी ना नीम से अनतीन की यागासताका परमेश्वर उन राज्य बराल्द आगासताका ना अंगुर इन रास्सा ईगी टु यागलु कुडुतीदील.”

19 बाक आव रोटी हुळदुन, अदकि धन्यवाद माळकु मुरदुन, अदकि आंदरी ईद अनतेला कोट्टुन, “ईद नांद शरीर हुन जो नीम साठी कोटकु आगतद: नांद याद इन साठी ईदा माळतोगी.” 20 ईदा रीतदिल आव भोजन इन बाददा कटोरा भी ईद अनतेला कोट्टुन, “ईद कटोरा नांद आ खुन इन व्हाशोद वाचा हुन. जो नीम साठी वाहुसकु आगतद.

21 “पर नोळी, नानी हुळसुसावाळा अन कय नान सांगुळ मेज मा आद. 22 यतकी मंळसा अन पार रा जसा आऊन साठी ठहरूसकु आग्याद, हांग अच आव सोत्तान, पर हाय आ मंळसा मा यार्द द्वारा आव हुळसुसकु आदान!”

23 आग आंदुर आपस दा वचार माळली कुरतुन की नाम दा टु याव आन, जो ईद क्याल्सा माळ्यान.

सब से यक्कुल महान याव?

24 *आंदुरदा ईद वाद-ववाद भी आत की आंदुर दा टु याव धोड्डेव सम्सकु आगतान. 25 यीशु आंदुर से अंदुन, “गैरयहूदीगोळ्द राजा आंदुर मा प्रभुता माळतार; अदकि जो आंदुर मा अधिकार ईटतार, आंदुर उपकार माळावाळेर कहलुस्तार. 26 **लेकीन नीव हगि आगबाळेतीर; उलटा जो नीम दा धोड्डेव आन, आव स्याणव

* 22:24 २२:२४ मत्ती १८:१; मरकुस ९:३४; लूका ९:४६ * 22:26 २२:२६ मत्ती २३:११; मरकुस ९:३५ * 22:26 २२:२६ मत्ती २०:२५-२७; मरकुस १०:४२-४४

उन घाई अदकि जो स्याणा आन, आव सेवक उन घाई आगुल. 27 ✨धोड्डेव याव आन, आव जो ऊमोर साटी कुरतकु आन, या आव जो स्यावा माळतान? येन आव ईला जो ऊमली कुरतकु आन? लेकीन ना नीम न्याड्या सेवक उन घाई आईन.

28 “नीव आंदुर हुईर, जो नान परीक्षागोळ दा लगातार नान सांगुळ ईतीर; 29 अदकि ह्यांग नान आप्प नानी राज्य मा अधिकार कोटान, हांग अच ना भी नीमी हांग अच अधिकार कोळतीन, 30 ✨ताकी नीव नान राज्य दा नान मेज मा तनी-कुडी, उलटा सहिसनगोळ मा कुरतकु इस्त्राएल इन हन्नेळ वंशगोळद न्याय माळी.

पतरस उन इनकार

(मत्ती २६:३१-३५; मरकुस १४:२७-३१; यूहन्ना १३:३६-३८)

31 “शमौन, हे शमौन! शैतान नीम लॉकुरी परखुसोर साटी आग्या बेळ कोंडान कबिकार दा टु वळ्लेर इक अलग माळुल ह्यांग केईवाळा गोदी दा टु फरकंडा अलग माळतान, 32 लेकीन ना नीन साठी वनिती माळदीन कनिनीन वशिवास गोरत आगबाळुल; अदकि याग नी वापस बंद्या, रा तान वार्दुर इक हम्मिमत कोळेत.”

33 पतरस यीशु से अंदुन, “हे प्रभु, ना नीन सांगुळ बंदीगृह दा होगली, अदकि सायली भी तयार आईन.”

34 यीशु अंदुन, “हे पतरस, ना नीन से अनतीन कनिनीन ईद हुंज कुग्गतदील आगासताका नी मुर घन नांद इनकार माळ कोंड्या कनिनी नानी जान्साल.”

चीला, झ्वारा, अदकि तलवार

35 ✨बाक यीशु आंदुर से अंदुन, “याग ना नीमी चीला, झ्वारा, अदकि जुता बनि कळीदीन, रा येन नीमी यातोदारा वस्तु उन कमी आगीत?”

“आंदुर अंदुर, यातोदु वस्तु उन ईला.”

36 आव आंदुर से अंदुन, “लेकीन ईग यार्द हात्ती चीला आद आव अदरी हुडुल अदकि हांग अच झ्वारा भी, अदकि यार्द हात्ती तलवार ईला ईतीदाद आव तान कपळा मारकु ऊंद कोंड कोमुल.” 37 यतकी ना नीम से अनतीन, कनिनीन जो लखिसकु आद: “अद अपराधीगोळ सांगुळ आळुकु आग्याद, अदुरद नान दा पुरा आगोद जरूरी आद; यतकी नान बारा दा लखिसद मातगोळ पुरा आगदुर मा आव.”

38 आंदुर अंदुर, “हे प्रभु, ईल येदद तलवारगोळ आव.”

आव आंदुर से अंदुन, “हापाळ आव.”

जैतून इन पहाळी मा यीशु उन प्रार्थना

(मत्ती २६:३६-४६; मरकुस १४:३२-४२)

39 आग यीशु व्हार्या होटकु तान रीतइन अनुसार जैतून इन पहाळी मा होदुन, अदकि चेलागोळ आऊन हदि आगोदुर. 40 आ जागा दा होगकु आव आंदुर से अंदुन, “प्रार्थना माळी कनिनीन परीक्षा दा बळिबाळी.”

41 आव आंदुर से अलग लगभग कल्ल भीळोद ईट दुर ताका होदुन अदकि ट्वांगरा टेक्सकु प्रार्थना माळली कुरतुन, 42 “हे आप्पा, अगर नी चाहास्या रा ईद दुख देल तुम्द कटोरा अक नान हात्ती टु सर्कुसबुळ, तरी भी नान ईला लेकीन नीन इच्छा पुरा आगुल.” 43 आग स्वर्ग दा टु ऊंद स्वर्गदूत आऊक कांळसदुन जो आऊक सामर्थ्य कोळतोगोन. 44 आव हापाळ व्याकुल आगकु मात्त यक्कुल वेदना देल प्रार्थना माळली कुरतुन; अदकि आऊन पच्ची रा खुन इन धोळद-धोळद बुंद इन घाई धरती मा बळितोगोद.

45 आग आव प्रार्थना माळकु येदुन अदकि तान चेलागोळद हात्ती बंदकु आंदरी उदासी इन मारा देल मगित्त नोळदुन 46 अदकि आंदुर से अंदुन, “येती मगितीर? येळी, प्रार्थना माळी कनिनीन परीक्षा दा बळिबाळी.”

यीशु उक ध्वाका देल हुडुकु आगोद

(मत्ती २६:४७-५७; मरकुस १४:४३-५०; यूहन्ना १८:३-१२)

47 यीशु ईद अंत अच ईरोन कनिनीन ऊंद भीळ बत्त, अदकि आ हन्नेळ दा टु ऊंद यार्द हेसुर यहूदा ईरोद आंदुरद मुंद मुंद बरोन. आव यीशु उन हात्ती बंदुन कनिनीन आऊन गाल्ला अन्द चुम्मा ताकोम सकुल. 48 यीशु आऊन से अंदुन, “हे यहूदा, येन नी चुम्मा ताकोमकु मळसा अन पार उक हुळसुसली बंद्या?”

49 आऊन चेलागोळ जो यीशु उन सांगुळ ईरोर याग नोळदुर कियेन आगावाळा आद, रा अंदुर, “हे प्रभु, येन नाव तलवार नळसेव?” 50 अदकि आंदुर दा टु ऊंद मंळसा महायाजक ऊंद दास मा तलवार नळसकु आऊन ऊम्मा कवि हारस बुट्टुन.

51 इदुर मा यीशु अंदुन, “ईग बस माळी.” अदकि आऊन कवि इक मुटकु आऊक वळ्लीद माळदुन.

52 आग यीशु प्रधान याजकगोळ अदकि मंदरि इन पहरदारगोळ्द सरदारगोळ अदकि पुरनयागोळ से, जो आऊन मा येरकु बंदीदुर, अंदुन, “येन नीव नानी वदिरोह जानसकु तलवारगोळ अदकि कोलगोळ हुडुकु होटीर? 53 *याग ना मंदरि दा हर रोज नीम सांगुळ ईरीन, रा नीव नानी हुडोद कोशशि माळीदील; पर ईद नीम समय आद, अदकि अंधकार इन राज आद.”

पतरस उन इनकार

(मत्ती २६:५७,६९-७५; मरकुस १४:५३,५४,६६-७२; यूहन्ना १८:२५-२७)

54 बाक आंदुर यीशु उक हुडुकु ओतुर, अदकि महायाजक उन मान्या तंदुर. पतरस दुर दुर टु उच आऊन हदि-हदि नळुतोगोन; 55 अदकि याग आंदुर आंगुळ दा बेककी होत्ताकु ऊंद ऊज्या कुरतुर, रा पतरस भी आंदुर न्याड्या दा कुरतोदुन. 56 आग ऊंद दासी आऊक सगिळी इन उजुळ दा कुरत नोळकु अदकि आऊक वळ्लीसा नोळकु अनली कुरतुर, “ईव भी रा यीशु उन सांगुळ ईरोन.”

57 लेकीन पतरस ईद अंदकु इनकार माळदुन, “हे आर्त, ना आऊक अरालीन.”

58 थ्वाळासा समय इन बाददा यावारा दुसरा मंळसा आऊक नोळकु अंदुन, “नी भी रा आंदुर दा टु ऊंद हुय.” पतरस अंदुन, “हे मंळसा, ना आलच.”

59 बाक मात्त ऊंद घंटा अन्द बाददा ऊंद मंळसा भरोसा माळकु अंदुन, “जरूर ईव भी रा आऊन सांगुळ ईरोन, यतकी ईव गलीली हुन.”

60 पतरस अंदुन, “हे मंळसा, ना जानसालीन कनिनी येन अनेत्या!”

आव अनतेला अच ईरोन कति तुरन्त हुंज कुग्त. 61 आग प्रभु तरिगकु पतरस उन दी नोळदुन, अदकि पतरस उक प्रभु उन आ मात याद बत्त जो आव अंददिन: “ईद हुंज इन कुग्गोर से पयला, नी मुर घन नान इनकार माळ्या.” 62 अदकि आव व्हार्या होटकु हुदक्या कोट कोटकु वरलदुन.

यीशु उन अपमान

(मत्ती २६:६७,६८; मरकुस १४:६५)

63 जो मंळसागोळ यीशु उक हुडुकु ईरोर, आंदुर आऊन मज्याक हारसकु आऊक बडुली कुरतुर; 64 आंदुर आऊन कण्णगोळ मा पट्टी कटकु आऊन से केळदुर, “भवषियवाणी हेळ कनिनी याव बळदुन!” 65 अदकि आंदुर आऊन अपमान माळकु आऊन वरिध दा हापाळ सा मातगोळ अंदुर.

महासभा अन्द मुंद यीशु

(मत्ती २६:५९-६६; मरकुस १४:५५-६४; यूहन्ना १८:१९-२४)

66 याग हागुल आत रा लॉकुर्द स्याणा अदकि प्रधान याजक अदकि नियम इन गुरु जमा आदुर, अदकि यीशु उक तान महासभा दा तनकु केळदुर, 67 “येन नी मसीह हुय? रा नाम से अंद बुळ!”

यीशु आंदरी उत्तर कोट्टुन, “अगर ना नीम से अनाईन, तरी भी नीव वशिवास माळतीदील; 68 अदकि अगर ना सवाल केळाईन रा नीव उत्तर कोळतीदील. 69 लेकीन ईगी टु ना मंळसा अन पार सर्वशक्तमान परमेश्वर उन ऊमा कय दी कुरतकु ईराइन.”

70 इदुर मा सप्पा मुंदुर अंदुर, “रा येन नी परमेश्वर उन पार हुय?”

यीशु उत्तर कोट्टुन, “नीव खुद अच अंतीर, कनिना हुईन.”

71 आग आंदुर अंदुर, “ईग नामी गवाही इन येन जरवत आद; यतकी नाव खुद आऊन बाय देल केळ कोडेव.”

23

पलातुस उन मुंद यीशु

(मत्ती २७:१,२,११-१४; मरकुस १५:१-५; यूहन्ना १८:२८-३८)

* 22:53 २२:५३ लूका १९:४७; २१:३७

1 आग सप्पा सभा यदकु यीशु उक पलातुस उन हात्ती ओतुर. 2 आंदुर ईद अनकु आऊन मा दोष हचली कुरतुर: “नाव ईऊक यहूदी लॉकुरी बयकुस्त, अदकि रोमन सम्राट उक कर कोळोद से मना माळ्त, अदकि तान तान इक मसीह, अन राजा अनतेला केळव.”

3 पलातुस यीशु उक केळदुन, “येन नी यहूदीगोळद राजा हुय?”

यीशु आऊक उत्तर कोट्टुन, “नी खुद अच अनेत्या.”

4 आग पलातुस प्रधान याजकगोळ अदकि लॉकुर से अंदुन, “ना ई मळसा अन्द बुळ्क यातोदु दोष नोळालीन.”

5 लेकीन आंदुर मात्त यक्कुल यकीन देल अनली कुरतुर, “ईव गलील टु ईल ताका, सप्पा यहूदी प्रदेश दा उपदेश कोट कोटकु लॉकुरी भळकुस्तान.”

हेरोदेस उन मुंद यीशु

6 ईद केळकु पलातुस केळदुन, “येन ईव मळसा गलीली हुन?” 7 अदकि याग पलातुस ईद जान्सदुन क् आव हेरोदेस उन रयासत ईनव हुन, रा आऊक हेरोदेस उन हात्ती कळु बुट्टुन, यतकी आ दनिगोळ दा हेरोदेस भी यरूशलेम दा ईरोन. 8 हेरोदेस यीशु उक नोळकु हापाळ खुश आदुन, यतकी आव हापाळ दनी टु आऊक नोळोद चाहासोन; यतकी हेरोदेस आऊन बारा दा केळीदुन, अदकि आऊन से येनारा चमत्कार नोळोद आशा ईटोन. 9 आव आऊन से हापाळ सा प्रश्न केळ्त ईत्तुन, पर आव आऊक येनु उत्तर कोटीदील. 10 प्रधान याजक अदकि नियम इन गुरु नदिरकु आऊन मा गंभीर आरोप हचतेला ईत्तुर. 11 आग हेरोदेस तान सपिहीगोळद सांगुळ आऊन अपमान माळकु आऊक मज्याक दा हारसदुन, अदकि सुंदर कपळा हाकसुस्कु आऊक पलातुस उन हात्ती कळु बुट्टुन. 12 अदा दशी पलातुस अदकि हेरोदेस संगी आगेदुर; इदुर से पयले आंदुर आबुर दाबुरद दुश्मन ईरोर.

पलातुस द्वारा यीशु उक मृत्यु दण्ड

(मत्ती २७:१५-२६; मरकुस १५:६-१५; यूहन्ना १८:३१-१९:१६)

13 पलातुस प्रधान याजकगोळ अदकि सरदारगोळ अदकि लॉकुरी कारदुन, 14 अदकि आंदुर से अंदुन, “नीव ई मळसा अक लॉकुरी बयकुसावाळा सम्सकु नान हात्ती तंदीर, अदकि नोळी, ना नीम मुंद आऊन जाँच माळदीन, लेकीन या मातगोळद नीव आऊन मा दोष हचेतीर आ मातगोळद बारा दा रा ना आऊन बुळ्क दा येनु अच दोष नोळीदील; 15 अदकि ना रा हेरोदेस राजा आऊन दा येनारा दोष नोळदुन, यतकी आव आऊक नाम हात्ती कळु बुट्टुन; अदकि नोळी, आऊन से हगि यातोदु दोष आगीदील क् आऊक मृत्यु दण्ड कोटकु आगुल. 16 इदुरसाटी ना आऊक बळसुस्कु बटि बुळतीन.” 17 यतकी आ हाब्व इन समय दा पलातुस उक आंदुर साटी ऊंद बंदी इक बळोद बळितोगोद*.

18 आग सप्पा मुंदुर गुट माळकु चळिलासकु येददुर, “ईऊक कोद बुळ, अदकि नाम साटी बरअब्बा अक बटि बुळ!” 19 बरअब्बा दंगा फसाद इन कारण जो नगर दा आगीत, अदकि हत्या अन्द कारण बंदीगृह दा हाक्कु आगीदुन.

20 लेकीन पलातुस यीशु उक बळोद इच्छा देल लॉकुरी मात्त समजुसदुन, 21 लेकीन आंदुर मात्त चळिलासकु अंदुर, “आऊक क्रूस मा येर्स, क्रूस मा!”

22 आव तसिरा घन आंदुर से अंदुन, “येती, आव याता गुणा माळ्यान? ना आऊन बुळ्क मृत्यु दण्ड इन लायक यातोदु दोष नोळीदील. इदुरसाटी ना आऊक क्वाळा बळसुस्कु बटि बुळतीन.”

23 लेकीन आंदुर चळिलास-चळिलासकु आऊन हदि हत्तेदुर क् आऊक क्रूस मा येर्सकु आगुल, अदकि आखरी दा आंदुरद चळिलासोद सफल आगेत. 24 इदुरसाटी ह्यांग लॉकुर चाहासदुर हांग अच पलातुस आंदुर मांग इन अनुसार सहमती कोट्टुन. 25 आव आ मळसा अक जो दंगा फसाद अदकि हत्या अन्द कारण बंदीगृह दा हाक्कु आगीदुन, अदकि यारी आ लॉकुर बेळोर, आऊक बटि बुट्टुन; अदकि यीशु उक आ लॉकुरद इच्छा अन्द अनुसार सौप्स बुट्टुन, क् आंदुर जो चाहस्यार अद आऊन सांगुळ माळ सकुल.

यीशु उक क्रूस मा येरसोद

(मत्ती २७:३२-४४; मरकुस १५:२१-३२; यूहन्ना १९:१७-२७)

* 23:17 २३:१७ ईद वचन हाळोद हस्तलेखा दा लखिसकु हैलेच

26 याग आंदुर यीशु उक ओयोर, रा आंदुर शमौन हेसुर इन ऊंद कुरेनी मंळसा जो नगर दी टु बरोन, आऊक हुडुकु आऊन मा कूस मंळस बुटुर क आऊक यीशु ऊंद हदि-हदि वोय सकुल.

27 लॉकुरद धोळ्द भीळ आऊन हदि आगेत अदकि अदुरदा हापाळ सा आरतेर भी ईरोर जो आऊन साटी याददा-पटिसोर अदकि वलिाप माळतोगोर. 28 यीशु आंदुर दी तरिगकु अंदुन, “हे यरूशलेम इन पोरगोळा, नान साटी वरूलबाळी; लेकीन तान अदकि तान चकिोरगोळ साटी वरूली. 29 यतकी नोळी, अव दनि बरताव, या दनि दा लॉकुर अंदार, “धन्य आर आंदुर जो वांझला आर अदकि अव गर्भ जो हाळददिल अदकि अव स्तन जो हाल कुळसदिल.” 30 *आ समय ‘आंदुर पहाळीगोळ से अंदार कनिाम मा बळी, अदकि ट्याकरागोळ से अंदार कनिामी मुच्च बुळी.’ 31 यतकी याग आंदुर हविरा मार्र इन सांगुळ हगि माळतार, रा वंळगींद मार्र इन सांगुळ येन-येन माळतीदिल?”

32 आंदुर अनय येद्व मंळसागोळी जो अपराधी ईरोर आंदरी भी यीशु उन सांगुळ कोनली ओतुर. 33 याग आंदुर आ जागा यारी खोपळी अनतार होदुर, रा आंदुर अल यीशु उक अदकि आ अपराधीगोळी भी, ऊंद मंळसा अक ऊमा कय दी अदकि दुसरा मंळसा अक डाक्या कय दी कूसगोळ मा येरसदुर. 34 आग यीशु अंदुन, “हे आप्पा, इंदरी माफ माळ, यतकी इंदुर जान्सालुर क इंदुर येन माळीत्यार.”

अदकि आंदुर चट्टी गोळी हाक्कु आऊन कपळा वाट्स कोंडुर. 35 लॉकुर नदुर-नदुरकु नोळोर, अदकि सरदार भी मज्याक माळ माळकु अनतोगोर: “ईव दुसरा अक ऊळसदुन, अगर ईव परमेश्वर उन मसीह हुन, अदकि आऊन नविलुसदव हुन, रा तान तान इक ऊळस कोमुल.”

36 सपिाही भी हातती बंदकु अदकि केय हुळलग अंगुर इन रास्सा कोटकु आऊन मज्याक हारसकु अनतोगोर, 37 “अगर नी यहूदीगोळ्द राजा हुय, रा तान तान इक ऊळस!”

38 अदकि आऊन म्याकुच ऊंद दोष चट्टी भी हच बुटुर: “ईव यहूदीगोळ्द राजा हुन.”

39 जो अपराधीगोळ अल लटकुकु आगदुर, आंदुर दा टु ऊंद अपराधी यीशु उन अपमान माळकु अंदुन, “येन नी मसीह आलच? रा बाक तान तान इक अदकि नामी ऊळस!”

40 ईदुर मा दुसरा अपराधी आऊन मा चळिलासकु अंदुन, “येन नी परमेश्वर से भी अंजाल? नीनी भी रा अदा दण्ड सकित्याद, 41 अदकि नामी रा न्यायनुसार दण्ड सकित्याद, यतकी नामी तान क्यालसागोळ्द बराबर फल सकित्याद; लेकीन ईव रा यातोदु अपराध माळीदलिल.” 42 आग आव अंदुन, “हे यीशु, याग नी तान राज्य दा बंद्या, रा नांद याद माळेत.”

43 यीशु आऊन से अंदुन, “ना नीन से खरा माताळतीन क इंदल्या अच नी नान सांगुळ सुखदलोक दा ईत्या.”

यीशु उन जीव त्यागसोद

(मत्ती २७:४५-५६; मरकुस १५:३३-४१; यूहन्ना १९:२८-३०)

44 ईग ईद हागुल इन लगभग हन्नेळ मुरांद समय ईरोद अदकि हागुल इन मुर मुरास ताका सप्पा द्याश दा अंधार आगकु ईत्त, 45 अदकि सुर्य अन्द उजुळ होग्त् ईत्त, अदकि मंदरि इन परदा न्याड्या दा टु हरदोत, 46 अदकि यीशु धोळ्द आवाज देल कारूकु अंदुन, “हे आप्पा, ना तान आत्मा नीन कय दा सौपसतीन.” अदकि ईद अंदकु सोतोदुन.

47 सपिाहीगोळव अधिकारी, जो येनारा आगीत नोळकु परमेश्वर उन स्तुति माळदुन, अदकि अंदुन, “नश्चय ई मंळसा न्यायी ईरोन.”

48 अदकि भीळ जो ई येनारा आगीत नोळली जमा आगीत, ई घटना अक नोळकु याददा बडुत वापस होटोत. 49 *लेकीन आऊनोर सप्पा जान पयचान वाळेर, अदकि जो आरतेर गलील टु आऊन हदि बंदीदुर, दुर नदुरकु ई सप्पा नोळोर.

यीशु उक नळसोद

(मत्ती २७:५७-६१; मरकुस १५:४२-४७; यूहन्ना १९:३८-४२)

50 अल यूसुफ हेसुर ईनव महासभा अन्द ऊंद वळलीद सदस्य ईरोन जो सज्जन अदकि न्यायी ईरोन. 51 अदकि आंदुरद फैसला देल अदकि आंदुरद ई क्यालसा देल सयमत ईला ईरोन. आव यहूदीगोळ्द अरमितया नगर इन ईरावाळा अदकि परमेश्वर उन राज्य अन्द हादी कायावाळा ईरोन. 52 आव पलातुस उन हातती होगकु यीशु

ऊंद लाश बेळदुन; ⁵³ अदकि आग यीशु उक क्रूस मा टु ईळसकु मलमल इन चद्दर दा गुंळसदुन, अदकि ऊंद कब्र दा ईटदुन, जो कलल इन जागा दा अगुळकु ईरोद; अदकि आ जागा दा यावारा अक भी यागलु ईटकु आगीदील. ⁵⁴ अद तयारी इन दनि ईरोद, अदकि आराम इन दनि सूरु आगोद ईरोद.

⁵⁵ मरयिम मगदलीनी जो यीशु उन सांगुळ गलील टु बंदीदुर, यूसुफ उन हदि हदि होगकु आ कब्र अक नोळदुर, अदकि ईद भी नोळदुर क आऊन लाश इक याता रीत दिेल ईटकु आग्याद. ⁵⁶ आग आदुर वापस मान्या बंदकु सुगन्धति अत्तर अदकि मसालागोळ तयार माळदुर; अदकि आराम इन दनि आंदुर आग्या अन्द अनुसार आराम माळदुर.

24

यीशु उन पुनरूत्थान

(मत्ती २८:१-१०; मरकुस १६:१-८; यूहन्ना २०:१-१०)

¹ लेकीन हप्ता अन्द पयला दशी हापाळ व्हातर्या का आंदुर आ सुगन्धति सामानगोळी जो आंदुर तयार माळीदुर, हुळकु कब्र मा बंदुर. ² आंदुर जो कलल कब्र अन्द दरवाजा मा झाक्सकु ईरोद अदरी सरकुसकु नोळदुर, ³ पर याग आंदुर बुळ्क होदुर रा आंदरी प्रभु यीशु उन लाश कांळसीदील. ⁴ याग आंदुर ई मात देल चकति आगोर रा नोळी, येढ्ढ मंळसा बरफ इन घाई बळिव चमकदार झलकुसूत कपळा हाक्कु आंदुर हात्ती बंदकु नदुरदुर. ⁵ याग आंदुर अंजेदुर अदकि पृथ्वी इन दी बाय बांगसोर रा आ स्वर्गदूतगोळ आंदुर से अंदुर, “नीव जत्तिता मंळसा अक सोततकु मंळसा दा येती दुंदसेतीर? ⁶ *आव ईल हैलेच, लेकीन जत्तिता आग्यान. याद माळी क आव गलील दा ईतकु नीम से येन अंददिन, ⁷ जरूरी आद काना मंळसा अन पार पापीगोळ्द कय दा हुळसुसकु आगाईन, अदकि क्रूस मा येरसकु आगाईन, अदकि तसिरा दशी मातत जत्तिता आगाईन.”

⁸ आग यीशु जो मातगोळ आंदरी अंददिन अव मातगोळ आंदरी याद बंदव, ⁹ अदकि कब्र टु बंदकु आंदुर आ हनुन मुंदरी, अदकि अनय सप्पा मुंदरी, इव मातगोळी अनकु केळसदुर. ¹⁰ आंदुर प्रेरतिगोळ से ईव मातगोळी अंदुर आंदुर मरयिम मगदलीनी अदकि योअन्ना अदकि याकूब उन मोय मरयिम अदकि आंदुर सांगुळ इन दुसरा आर्तेर भी ईरोर. ¹¹ लेकीन आंदुर मातगोळ आंदरी फालतु हतदव, अदकि आंदुर आंदुरद वश्वास माळीदील. ¹² आग पतरस यदकु कब्र दी ओळतेला होदुन, अदकि बांगकु सरिफ कफन इन कपळा बंदिकु नोळदुन, अदकि जो आगीत अदुर देल अचम्भा माळतेला तान मान्नी होटोदुन.

इम्माऊस ऊर इन हादी मा यीशु तान चेलागोळ सांगुळ (मरकुस १६:१२-१३)

¹³ अदा दशी आंदुर दा टु येढ्ढ मुंदुर इम्माऊस हेसुर इन ऊंद ऊर इक होगोर, जो यरूशलेम टु येनारा येळ कोस इन दुरी मा ईरोद. ¹⁴ आंदुर इव सप्पा मातगोळ मा जो आगीदव, आपस दा मातचीत माळतेला होगोर, ¹⁵ अदकि याग आंदुर आपस दा मातचीत अदकि जाँच माळोर, रा यीशु खुद हात्ती बंदकु आंदुर सांगुळ आगोदुन. ¹⁶ आंदुर आऊक नोळदुर लेकीन अरू सकदील. ¹⁷ यीशु आंदुर से केळदुन, “ईव येन मातगोळ आव, जो नीव नळुत नळुत आपस दा माळतीर?”

आंदुर उदास सा नदुरकु ईतोदुर. ¹⁸ ईद केळकु आंदुर दा टु क्लियोपास हेसुर ईनव ऊंद मंळसा अंदुन, “येन नी यरूशलेम दा आबना परदेशी आय, जो जान्सालुन क ई दनिगोळ दा अदुरदा येन येन आग्याद?”

¹⁹ आव आंदुर से केळदुन, “यातव मातगोळ?”

आंदुर आऊन से अंदुर, “यीशु नासरी इन बारा दा जो परमेश्वर अदकि सप्पा लॉकुर हात्ती कयाल्सा अदकि वचन दा सामर्थी भवषियवक्ता ईरोन, ²⁰ अदकि प्रधान याजकगोळ अदकि नाम सरदारगोळ आऊक हुळसुस बुटुर क आऊन मा मृत्यु ऊंद आग्या कोटकु आगुल; अदकि आऊक क्रूस मा येरसुसदुर. ²¹ लेकीन नामी आशा ईरोद क ईवा इस्त्राएल द्याश इक छुटकारा कोट्टान. इव सब मातगोळ्द अलावा ईद घटना अक आत तसिरा दनि हुन, ²² अदकि नाम दा टु हापाळ आर्तेर भी नामी आश्चर्य दा हाक बुटार, जो हुंजकुका अच कब्र मा होगीदुर; ²³ अदकि याग यीशु उन लाश नोळीदील रा ईद अनतेला बंदुर कानाव स्वर्गदूतगोळ्द दर्शन माळदेव, यार

* 24:6 २४:६ मत्ती १६:२१; १७:२२,२३; २०:१८,१९; मरकुस ८:३१; ९:३१; १०:३३,३४; लूका ९:२२; १८:३१-३३

अंदुर की आव जतिता आन. 24 आग नाम साथीगोळ दा टु हापाळ मुंदुर कबर मा होदुर, अदकि हयांग आरतेर अंदीदुर हांग अच नोळदुर; लेकीन आऊक नोळीदील.”

25 आग यीशु आंदुर से अंदुन, “हे नरिबुद्धीगोळा, अदकि भवषियवक्तागोळ्द सब मातगोळ मा वशिवास माळदुर दा याट धीर आईर! 26 येन जरूरी ईला ईरोद की मसीह ईद दुख नेगुकु तान महिमा दा प्रवेश माळुल?” 27 आग आव मूसा से अदकि सप्पा भवषियवक्तागोळ से सुरूवात माळकु सप्पा पवतिरशास्त्र दा टु तान बारा दा लखिसदव मातगोळ्द अर्थ, आंदरी समझुस बुट्टुन.

28 इटुर दा आंदुर आ ऊर इन हात्ती पोहचुसदुर यल आंदुर होगोर, अदकि आऊन ढंग देल हगि समझ दा बरोद की आव मुंद आगोद चाहासतान. 29 लेकीन आंदुर ईद अनकु आऊक वनिती माळकु रोकसदुर, “नाम सांगुळ ईर, यतकी द्याव मुळकत बरेत्याद अदकि हागुल हापाळ ढलुसीग्याद.” आग आव आंदुर सांगुळ ईरोर साठी बुळ्क होदुन. 30 याग आव आंदुर सांगुळ ऊमली कुरतुन, रा आव रोटी हुळकु परमेश्वर उन धन्यवाद माळदुन अदकि अदरी मूरूकु आंदरी कोळली कुरतुन. 31 आग आंदुर कण्णगोळ तेर्दादव; अदकि आंदुर आऊक अर्त कौडुर, अदकि आव आंदुर कण्णगोळ देल पचचेदुन. 32 आंदुर आपस दा अंदुर, “याग आव हादी मा नाम से मातगोळी माळतोगोन अदकि पवतिरशास्त्र अन्द अर्थ नामी समझुस तोगोन, रा येन नाम मन दा उत्तेजना पैदा आगीदील?”

33 आंदुर अदा समय यदकु मातत यरूशलेम इक होटोदुर, अदकि आ हनुन चेलागोळी अदकि आंदुर संगीगोळी जमा नोळदुर. 34 आंदुर अनतोगोर, “प्रभु खराखुरा जतिता आग्यान, अदकि शमौन उक काळस्यान.”

35 आग आंदुर हादी इन मातगोळी आंदरी हेळ बुटुर अदकि ईद भी की येदुदु मुंदुर यीशु उक रोटी मुरा होती हयांग अरतुर.

यीशु चेलागोळी काळसदुन

(मत्ती २८:१६-२०; मरकुस १६:१४-१८; यूहन्ना २०:१९-२३; प्रेरतिगोळ १:६-८)

36 आंदुर ई मातगोळी अनतेला अच ईरोर की आव खुद अच आंदुर न्याड्या दा नदिरदुन, अदकि आंदुर से अंदुन, “नीमी शांती सकिल.”

37 लेकीन आंदुर घबरूसेदुर अदकि अंजेदुर, अदकि समसेदुर की नाव यातोदारा भूत इक नोळीतेव. 38 आव आंदुर से अंदुन, “येती घबरूसेतीर? अदकि नीम मन दा येती संदेह येळताव? 39 नान कय अदकि नान कालगोळी नोळी की ना आवा हुईन. नानी मुटकु नोळी, यतकी भूत इन येलु दा मास ईराल हयांग नान दा नोळतीर.”

40 ईद अंदकु यीशु आंदरी तान कय काल तोरसदुन. 41 आंदरी खुशी इन मारा देल वशिवास ईला आगोद, अदकि आंदुर आश्चर्य माळतोगोर, रा आव आंदुर से केळदुन, “येन ईल नीम हात्ती येनारा ऊम्मोद आद?” 42 आंदुर आऊक सुळ्द मेन इन तुकळा कोट्टुर. 43 आव हुडुकु आंदुर मुंद तदिन.

44 बाक आव आंदुर से अंदुन, “ईव नानव अव मातगोळ हु, जो ना नीम सांगुळ ईरतेला नीम से अंददिन की जरूरी आद की यास मातगोळ मूसा अन व्यवस्था अदकि भवषियवक्तागोळ अदकि भजनगोळ कतिबगोळ दा नान बारा दा लखिसकु आव, सप्पा पुरा आगुल.”

45 आग यीशु पवतिरशास्त्र जानसोर साठी आंदुर समझ खोलसदुन, 46 अदकि यीशु अंदुन, “ईद लखिसकु आद की मसीह दुख नेगदान, अदकि तसिरा दशी सोत्तुर दा टु जतिता आदान, 47 अदकि यरूशलेम टु हुळकु सप्पा जातीगोळ्द लॉकुर दा आंदुर हगि प्रचार माळली कुरतुर की आंदुर तान पाप माळोद बंद माळुल अदकि परमेश्वर आंदरी माफ माळुल. 48 नीव ई सप्पा मातगोळ्द गवाह आईर. 49 *अदकि नोळी, जो ईनाम नान आप्प नानी कोळोद वादा माळीदुन, ना अदरी नीम मा ईळसाईन अदकि यागासताका म्याकुच स्वर्ग टु सामर्थ्य सकिल, आगासताका नीव ईदा नगर दा रूक्सकु ईरी.”

यीशु उन स्वर्गारोहण

(मरकुस १६:१९,२०; प्रेरतिगोळ १:९-११)

50 *आग यीशु आंदरी बैतनय्याह ताका नगर इन व्हार्या ओतुन, अदकि तान कय नेगुकु आंदरी आशीष कोट्टुन; 51 अदकि आंदरी आशीष कोळतेला आव आंदुर से अलग आगोदुन अदकि स्वर्ग मा नेगुकु आदुन. 52 आग

आंदुर आऊक दण्डवत माळकु बळा खुशी देल यरूशलेम इक मात्त वापस बंदुर; 53 अदकि आंदुर लगातार मंदरि दा उपस्थति आगकु परमेश्वर उन धन्यवाद माळतोगोर.

यूहन्ना स्वति यीशु मसीह का सुसमाचार यूहन्ना अन्द लखिसद यीशु मसीह अन बारा दा खुशखबरी परचिय

ईद यूहन्ना अन लखिसद ई खुशखबरी इन कतिब व्हाशेव नयिम इन नाक खुशखबरी इन कतिबगोळ दा टु ऊंद हुन, जो यीशु मसीह अन जीवन इन बारा दा हेळतद. यीशु मसीह अन सोत्तुर बाददा, मत्ती, मरकुस, लूका, अदकि यूहन्ना अन द्वारा ई कतिबगोळी लखिसकु आग्याद. ई सप्पा कतिबगोळी खुशखबरी इन कतिब अनतार. मसीह अन जनम इन ९० वर्ष इन बाददा ईद खुशखबरी प्रेरति यूहन्ना लखिस्यान. ई कतिब दा ईद लखिसकु हैलेच कि इदरी लखिसावाळा लेखक यूहन्ना हुन, तरी भी पयला यूहन्ना, दुसरा यूहन्ना अदकि तसिरा यूहन्ना अन लखावट देल मेल तनितद. आ समय यूहन्ना इफसिस शयर दा ईरतोगोन इदुरसाटी ई कतिब इफसिस दा लखिसकु आग्याद हगि येनारा स्याणा लेखकगोळ मानसतार.

यूहन्ना ई कतिब लखिसोद उद्देश सफाई देल ईटतान का लॉकुरी, यीशु मसीह हुन अदकि जित्ता परमेश्वर उन पार हुन यूहन्ना २०:३१ ई मात मा वश्वास माळोर साटी लॉकुरी मदत सकिल. आऊन मा वश्वास माळदुर द्वारा आऊन हेसुर देल नामी जीवन सकि सकुल. ईद कतिब यहूदी अदकि गैरयहूदी येदुदु मुंदुर साटी लखिसकु आग्याद. यूहन्ना अन खुशखबरी दा बाकी नव मुर खुशखबरी दा टु येनारा मातगोळ अलग आव. यीशु मसीह अन माळद चमत्कारगोळ मा यूहन्ना ऊजुळ हाकतान अदकि आऊन उदाहरणगोळ बारा दा यककुल लखिसकु आगीदील. यीशु अन बपतस्मा अदकि सुनसान जागा दा परीक्षा, ऊंदा घाई जरूरी घटनागोळी ई खुशखबरी दा लखिसकु आगीदील.

रूप रेखा:

१. यूहन्ना खुशखबरी इन सुरूवात १:१-१८
२. बाददा आव आ चमत्कारगोळ बारा दा लखिसतान जो यीशु माळ्यान १:१९-१२:५०
३. मुंद आव हापाळ घटनागोळ बारा दा हेळतान जो यीशु मसीह इन जीवन इक मृत्यु अदकि पुनरूत्थान ताका ओयताव १३:१-२०:३१
४. यूहन्ना अन २१ आ पाठ दा खुशखबरी खतम माळतान, यदुर दा यीशु सोत्तुर दा टु जित्ता आगकु लॉकुर मुंद बरतान. अदकि आखरी दा तान कतिब लखिसोद उद्देश हेळतेला खतम माळतान.

जीवन इन शब्द

१ सुरूवात दा शब्द ईरोद, अदकि शब्द परमेश्वर उन सांगुळ ईरोद, अदकि शब्द परमेश्वर ईरोन. २ ईदा शब्द सुरूवात टु परमेश्वर उन सांगुळ ईरोद. ३ सप्पा येनारा शब्द इन द्वारा पैदा आत, अदकि जो येनारा पैदा आग्याद अदुर दा टु यातोदारा भी चजि आऊन सवाय बनसीदील. ४ शब्द जीवन इन सत्तुरोत ईरोद अदकि अद जीवन लॉकुर साटी ऊजुळ तर्त. ५ ऊजुळ अंधार दा चमकुसतद, अदकि अंधार यागलु इदरी हारूस सकाल.

६ परमेश्वर ऊंद बातणी कोळावाळा कळुदुन यार्द हेसुर यूहन्ना ईरोद. ७ आव गवाही कोळली बंदुन का ऊजुळ इन गवाही कोळुल, ताकी सप्पा मुंदुर आऊन बातणी केळकु वश्वास माळुल. ८ आव खुद रा ऊजुळ ईला ईरोन, लेकीन आ ऊजुळ इन गवाही कोळोर साटी बंदीदुन. ९ खरा ऊजुळ जो हर ऊंद मळसा अक प्रकाशति माळतद, दुनया दा बरावाळा ईरोद.

१० अद शब्द दुनया दा ईरोद, अदकि परमेश्वर आऊन द्वारा दुनया माळदुन, तरी भी दुनया आऊक अरतीदलि. ११ आव तान खुद इन लॉकुर हाती बंदुन लेकीन आऊन खुद इन लॉकुर आऊक ग्रहण माळीदील. १२ लेकीन यास मुंदुर आऊक ग्रहण माळदुर, मतलब आंदरी जो आऊन हेसुर मा वश्वास ईटतार, आव आंदरी परमेश्वर उन औलाद आगोद अधिकार कोट्टुन. १३ आंदुर ना रा स्वाभावकि तरीका देल परमेश्वर उन औलाद बनसदुर, मतलब मानवीय आप्प उन देल पैदा आगीदील बल्की परमेश्वर खुद आंदुरव आप्प ईरोन.

✧ 1:6 १:६ मत्ती ३:१; मरकुस १:४; लूका ३:१,२

14 अदकि वचन देहधारी आत; अदकि अनुग्रह अदकि सच्चाई देल परपुर्ण आगकु नाम न्याड्या ड्यारा हाकत, अदकि नाव अदुर्द हगि महिमा नोळदेव, जसा आप्प उन ऊंद ठैसा अन्द महिमा.

15 यूहन्ना आऊन बारा दा गवाही कोट्टुन, अदकि कारूकु अंदुन, “ईव आवा हुन, यार्द वर्णन ना माळदीन की जो नान बाददा बरेत्थान, आव नान से वाळुसकु आन यतकी आव नान से पयले ईरोन.”

16 यतकी आऊन परपुर्णता दा टु नाव सप्पा मुंदुर प्राप्त माळदेव मतलब अनुग्रह मा अनुग्रह प्राप्त माळदेव. 17 इदुरसाटी की व्यवस्था रा मूसा अन्द द्वारा कोटकु आत, लेकीन अनुग्रह अदकि सच्चाई यीशु मसीह अन्द द्वारा बत्त. 18 परमेश्वर उक याऊ यागलु नोळीदील, ऊंद ठैसा पार जो आप्प उन क्वारा दा आन, आवा परमेश्वर उक प्रगट माळदुन.

यूहन्ना बपतस्मा कोळावाळा अन्द बातणी

(मत्ती ३:१-१२; मरकुस १:१-८; लूका ३:१-१८)

19 यूहन्ना अन्द गवाही ईद आद, कियोग यहूदीगोळ यरूशलेम टु याजकगोळ अदकि कर ताकोमावाळेर इक आऊन से ईद केळोर साटी कळुदुर, “नी याव हुय?”

20 रा आव ईद मान्स कौडुन अदकि इनकार माळीदलि, लेकीन मान्स कौडुन, “ना मसीह आलच.”

21 आग आंदुर आऊन से केळदुर, “रा बाक नी याव हुय? येन नी एलयियाह हुय?”

आव अंदुन, ईला, “ना एलयियाह आलच.”

“रा येन नी आ भवषियवक्ता हुय?”

आव उत्तर कोट्टुन, “ईला.”

22 आग आंदुर आऊन से केळदुर, “बाक नी हुय याव? यतकी नाव तान कळावाळेर इक उत्तर कोट्टेव. नी तान बारा दा येन हेळत्था?”

23 यूहन्ना अंदुन, “ह्यांग यशायाह भवषियवक्ता अंदान:

“ना आळी दा ऊंद कारावाळा अन्द आवाज हुईन

की नीव प्रभु उन हादी सरका माळी.”

24 आंदुर फरीसीगोळद दी टु कळुकु आगीदुर. 25 आंदुर आऊन से केळदुर, “अगर नी मसीह आलच, अदकि ना एलयियाह, अदकि ना आ भवषियवक्ता हुय, रा बाक बपतस्मा येती कोळत्था?”

26 बपतस्मा कोळावाळा यूहन्ना आंदरी उत्तर कोट्टुन, “ना रा नीर देल बपतस्मा कोळतीन, लेकीन नीम बीच दा ऊंद मंळसा नदिरकु आन यारी नीव अरालीर. 27 मतलब नान बाददा बरावाळा आन, आऊन केरू उन बन्ध भी ना खोल्सा लायक हैलेच.”

28 “ई मातगोळ यरदन गांगा अन्द आप्पाटी बैतनयियाह नगर दा आदव, यल यूहन्ना बपतस्मा कोळतोगोन.”

*परमेश्वर उन मेमना**

29 “दुसरा दशी यूहन्ना यीशु उक तान दी बर्त नोळकु अंदुन, नोळी ईव परमेश्वर उन म्यांडा अन पाड्डा हुन जो दुनिया अन्द पाप नेगुकु वीयतान. 30 ईव आवा हुन यार्द बारा दा ना अंददीन, ऊंद मंळसा नान हदि बरतान जो नान से श्रेष्ट आन, यतकी आव नान से पयले ईरोन. 31 ना भी रा आऊक ईला अरीन, लेकीन इदुरसाटी ना नीर देल बपतस्मा कोळतेला बंदीन की आव इस्त्राएल मा प्रगट आगेगुल.”

32 अदकि बपतस्मा कोळावाळा यूहन्ना ईद गवाही कोट्टुन: “ना पवत्रि आत्मा अक कबूतर इन घाई स्वर्ग टु ईळुतेला नोळीन, अदकि नोळदीन की आ आत्मा आऊन मा बंदकु टेहरूसेत. 33 ना रा आऊक ईला अरीन, लेकीन याव नानी नीर देल बपतस्मा कोळली कळुदुन, आवा नान से अंदुन, ‘यार मा नी आत्मा अक ईळुत अदकि टेहरूसेत नोळया, आवा पवत्रि आत्मा देल बपतस्मा कोळावाळा हुन.’ 34 अदकि ना नोळदीन, अदकि गवाही कोट्टीन की ईवा परमेश्वर उन पार हुन.”

यीशु नोर पयला चेलागोळ

35 दुसरा दिन मात्त यूहन्ना तान येद्व चलागोळ सांगुळ नदिरकु ईरोन, 36 अदकि आव यीशु उक होग्त नोळदुन, अदकि अंदुन, “नोळी, ईव परमेश्वर उन म्यांडा अन पाड्डा हुन.”

* 1:28 १:२९ म्यांडा अन पाड्डा

37 आग आंदुर येददु चलागोळ आऊन मातगोळ केळकु यीशु उन हदि आगेदुर. 38 यीशु तरिगकु आंदरी बर्त नोळदुन अदकि आंदुर से अंदुन, “नीव यार्द खोज दा आईर?”

आंदुर आऊन से अंदुर, “हे गुरु, नी यल ईरतया?”

39 यीशु आंदुर से अंदुन, “नळी, रा नोळ कोंडीर.” आग आंदुर होगकु आऊन ईरोद जागा नोळदुर, अदकि आ दनि आऊन सांगुळ ईत्तुर. यतकी द्यावमुळका नव लगभग नाक मुरदोगदिव.

40 आ येददु मुंदुर दा टु, जो यूहन्ना अन्द मात केळकु हदि आगेगीदुर, ऊंद शमौन पतरस उन वार्ट अन्दरयास ईरोन. 41 आव पयले तान सग्गा वार्ट शमौन से सक्कि आऊन से अंदुन, “नामी खरसित, मतलब मसीह, सक्किगेयान.” 42 अन्दरयास आऊक यीशु उन हात्ती तंदुन.

यीशु आऊन मा दृष्टी माळकु अंदुन, “नी यूहन्ना अन्द पार शमौन ह्यु: नीनी कैफा मतलब पतरस अंदकु आदीत.

फलिपिपुस अदकि नतनएल उक कारूकु आगोद

43 “दुसरा दशी यीशु गलील नगर इक होगोद चाहासदुन. यीशु फलिपिपुस से भेंट माळदुन अदकि अंदुन, ‘नान हदि आगेग.’” 44 फलिपिपुस, अन्दरयास अदकि पतरस उन नगर बैतसैदा नव ईरावाळा ईरोन. 45 फलिपिपुस नतनएल से भेंट माळदुन अदकि आऊन से अंदुन, “यार्द वर्णन मूसा व्यवस्था अन्द कताब दा अदकि भवषियवक्तागोळ माळयार, आव नामी सक्किेदुन; आव यूसुफ उन पार, यीशु नासरी हुन.”

46 नतनएल आऊन से अंदुन, “येन येनारा वळलीद वस्तु भी नासरत नगर टु होळ सकतद?”

फलिपिपुस आऊन से अंदुन, “नळकु नोळ कोम.”

47 यीशु नतनएल उक तान दी बर्त नोळकु आऊन बारा दा अंदुन, “नोळी, ईव सही दा इस्त्राएली हुन: ईऊन बुळ्क कपट हैलेच.”

48 नतनएल आऊन से अंदुन, “नी नानी हयांग अरूतया?”

यीशु आऊक उत्तर कोट्टुन, “इदुर से पयले कफलिपिपुस नीनी कारदुन, याग नी अंजीर इन मारर इन ल्यालमा ईर्या, आग ना नीनी नोळीदीन.”

49 नतनएल आऊक उत्तर कोट्टुन, “हे गुरु, नी परमेश्वर उन पार ह्यु; नी इस्त्राएल इन राजा ह्यु.”

50 यीशु आऊक उत्तर कोट्टुन, “ना जो नीन से अंदीन कनि ना नीनी अंजीर इन मारर इन ल्यालमा नोळदीन, येन नी इदुरसाटी नान मा वशिवास माळतया? नी इदुर से भी धोड-धोड्डेव क्याल्सा नोळ्या.” 51 बाक आऊन से अंदुन, “ना नीम से खरा खरा माताळतीन कनि नीव स्वर्ग इक तेरूतेला, अदकि परमेश्वर उन स्वर्गदूतगोळ इक मंळसा अन पार उन म्याकुच ईळुत अदकि म्याकुच होगूत नोळीर.”

2

काना नगर दा मदा

1 तसिरा दशी गलील इन काना नगर दा यारदारा मदा ईरोद, अदकि यीशु उन मोय भी अल ईरोर. 2 यीशु अदकि आऊन चलागोळ भी आ मदा दा आमंत्रति ईरोर. 3 याग अंगुर इन रास्सा खतम आगेत, रा यीशु उन मोय यीशु से अंदुर, “आंदुर हात्ती अंगुर इन रास्सा मकिदिलि.”

4 यीशु आकनि से अंदुन “हे आरत, नानी नीन से येन क्याल्सा? ईगल्या नान समय बरली आद.”

5 आऊन मोय सेवकगोळ से अंदुर, “जो येनारा आव नीम से अंदान, अदा माळेतीर.”

6 अल यहूदीगोळद कय-काल तोळोद प्रथा अन्द अनुसार कल्लगोळद आर: माळका ईटकु ईरव, हर ऊंद माळका दा लगभग येददु-येददु, मुर-मुर मन तुमकु आगोद. 7 यीशु सेवकगोळ से अंदुन, “माळकागोळ दा नीर तुम बुळी.” आंदुर अवरी सीगासीग तुम बुटुर. 8 आग आव आंदुर से अंदुन, “ईग थ्वाळासा नीर तेगुकु सयपाक माळावाळा प्रधान उन हात्ती ओई.” अदकि आंदुर ओतुर. 9 याग सयपाक माळावाळा प्रधान अद नीर इक नेकदुन, जो अंगुर इन रास्सा बनसेगति अदकि आव ईला अरोन कनि अद यल टु बंदाद लेकीन जो सेवकगोळ नीर तेगददुर आंदुर अरोर, रा सयपाक माळावाळा प्रधान मंळगार उक कारूकु आऊन से अंदुन, 10 “हर ऊंद मंळसा पयले वळलीद अंगुर इन रास्सा कोळतान, अदकि याग लॉकुर कुडुकु संतुषट आगेगतार, आग थ्वाळासा मध्यम प्रकार इन रास्सा कोळतान; लेकीन नी रा वळलीद अंगुर इन रास्सा ईगासताका मक्सकु ईट्या.”

11 यीशु गलील इन काना नगर दा तान ईद पयला चमत्कार तोरसकु तान महमिा प्रगट माळदुन अदकि आऊन चेलागोळ आऊन मा वशिवास माळदुर.

12 *इदुर बाद्दा यीशु अदकि आऊन मोय अदकि आऊन वार्दुर अदकि आऊन चेलागोळ कफरनहूम नगर इक होदुर अदकि अल थ्वाळासा दनि ईत्तुर.

यीशु उन मंदरि दा होगोद

(मत्ती २१:१२,१३; मरकुस ११:१५-१७; लूका १९:४५,४६)

13 यहूदीगोळद फसह अन्द हाब्ब हातती ईरोद, अदकि यीशु यरूशलेम इक होदुन. 14 आव मंदरि दा वस्ता, म्यांडा अदकि कबूतर मारावाळेर अदकि व्हान्ना मारावाळेर लॉकुरी कुर्तकु नोळदुन. 15 आग आव जाळीगोळद क्वाळा माळकु, सप्पा म्यांडागोळ अदकि वस्तागोळी मंदरि टु तेगद बुट्टुन, अदकि व्हान्ना मारावाळेर लॉकुरद पैस्या भटिकु सळा माळ बुट्टुन अदकि पांळसीगोळी उलटुस बुट्टुन, 16 अदकि कबूतरमारावाळेर से अंदुन, “इवरी ईल टु राटनेरी ओई. नान आप्प उन मान्ना अक व्यापार इन मान्ना माळबाळी.” 17 *आग आऊन चेलागोळी याद बत्त कलिखिसकु शास्त्र आद, “नीन मान्ना अन्द धुन नानी तदि बुट्टीत.”

18 इदुर मा यहूदीगोळ आऊन से अंदुर, “नी जो ईद माळत्या रा नामी यातोद चमत्कार तोरसत्या?”

19 *यीशु आंदरी उत्तर कोट्टुन, “ई मंदरि इक केळद बुळी, अदकि ना इदरी मुर दनि दा नदिरूस बुळाईन.”

20 यहूदीगोळ अंदुर, “ई मंदरि इक माळदुर दा छ्यालीस वर्ष हत्याव, अदकि येन नी ईदरी मुर दनि दा नदिरूस बुट्ट्या?”

21 लेकीन यीशु तान मय इन मंदरि इन बारा दा अंददिन. 22 इदुरसाटी याग आव सोत्तुर दा टु जत्तिता आदुन रा आऊन चेलागोळी याद बत्त क आव ईद अंददिन; अदकि आदुर पवत्रिशास्त्र अदकि आ वचन इन जो यीशु अंददिन, वशिवास माळदुर.

यीशु मंळसा अन्द मन इक अरूतान

23 याग यीशु यरूशलेम दा फसह अन्द समय हाब्ब दा ईरोन, रा हापाळ मुंदुर आ चमत्कारगोळी जो आव तोरसतोगोन नोळकु आऊन हेसुर मा वशिवास माळदुर. 24 लेकीन यीशु तान तान इक आंदुर भरोसा मा बटिदलि, यतकी आव सप्पा मुंदुर मनगोळी अरूतोगोन; 25 अदकि आऊक जरवत ईला ईरोद क मंळसा अन्द बारा दा यावारा गवाही कोळुल, यतकी आव खुद अच अरोन क मंळसा अन्द मन दा येन आद?

3

यीशु अदकि नीकुदेमुस

1 फरीसीगोळ दा नीकुदेमुस हेसुर ईनव ऊंद मंळसा ईरोन, जो यहूदी लॉकुरव सरदार ईरोन. 2 आव ईळ्लक इक यीशु उन हातती बंदकु आऊन से अंदुन, “हे गुरु, नाव जान्सतेव क नी परमेश्वर दी टु गुरु आगकु बंद्या, यतकी ई चनिहगोळी जो नी तोरसत्या, अगर परमेश्वर नीन सांगुळ ईला ईरायदुन रा नी ई चनिहगोळी ईला तोरस सकाईद.”

3 यीशु आऊक उत्तर कोट्टुन, “ना नीन से खरा खरा अनतीन, अगर यावारा व्हाशोद रीतदिल पैदा आगालुन रा आव परमेश्वर उन राज्य नोळ सकालुन.”

4 नीकुदेमुस यीशु उक अंदुन, “मंळसा याग हाळाबाट आगेदुन, रा ह्यांग पैदा आग सकतान? येन आव तान मोय इन गर्भ दा दुसरा घन प्रवेश माळकु पैदा आग सकतान?”

5 यीशु उत्तर कोट्टुन, “ना नीन से खरा खरा अनतीन, यागासताका यावारा मंळसा नीर अदकि आत्मा देल पैदा आगालुन आगासताका आव परमेश्वर उन राज्य दा प्रवेश माळ सकालुन. 6 यतकी जो मय देल पैदा आग्याद, अद मय हुन; अदकि जो आत्मा देल पैदा आग्याद, अद आत्मा हुन. 7 अचम्भा माळबाळ क नीन से अंदीन, ‘नीनी व्हाशोद रीतदिल पैदा आगोद जरूरी आद.’ 8 हवा यात चाहासतद आत नळुतद अदकि नी अदुरद शब्द केळत्या, लेकीन अरू सकाल क अद यातु टु बरतद अदकि यात होगतद? जो यावारा आत्मा देल पैदा आग्यान आव हगि अच आन.”

* 2:12 २:१२ मत्ती ४:३३ * 2:17 २:१७ भजन संहिता ६ ९:९ * 2:19 २:१९ मत्ती २६:६१; २७:४०; मरकुस १४:५८; १५:२९

9 नीकुदेमुस आऊक उत्तर कोट्टुन, “ईव मातगोळ ह्यांग आग सकताव?”

10 ईद केळकु यीशु आऊन से अंदुन, “नी इस्त्राएलीगोळ्द गुरु ईतकु भी येन ई मातगोळी समसाल? 11 ना नीन से खरा खरा अनतीन कनिाव जो अरूतेव अद माताळतेव, अदकि यदरी नाव नोळेव अदुर्द गवाही कोळतेव, अदकि नीव नाम गवाही ग्रहण माळालीर. 12 याग ना नीम से पृथ्वी इन मातगोळ माळदीन अदकि नीव वशिवास माळीदलि, रा अगर ना नीम से स्वर्ग इन मातगोळ माळीन रा बाक ह्यांग वशिवास माळीर? 13 याऊ स्वर्ग मा येरीदलि, सर्फि आवा जो स्वर्ग टु ईळदान, मतलब मंळसा अन पार जो स्वर्ग दा आन.”

14 अदकि याता रीति देल मूसा आळी दा हाव इक ऊँचाई मा येरसदुन, अदा रीति देल जरूरी आद कि मंळसा अन पार भी ऊँचाई मा येरसकु आगुल; 15 ताकी जो यावारा आऊन मा वशिवास माळ्यान आऊक अनन्त जीवन सकुल. 16 “यतकी परमेश्वर दुनया से हगि प्यार ईटदुन कि आव तान ऊंद ठैसा पार कोट बुट्टुन, ताकी जो यावारा आऊन मा वशिवास माळ्यान आऊन नाश आगबाळुल, लेकीन आऊक अनन्त जीवन सकुल. 17 परमेश्वर तान पार उक दुनया दा इदुरसाटी कळीदलि कि दुनया मा दण्ड इन आग्या कोळुल, लेकीन इदुरसाटी कळ्यान कि दुनया अक आऊन द्वारा उद्धार सकुल.

18 “जो आऊन मा वशिवास माळतान, आऊन मा दण्ड इन आग्या आगाल, लेकीन जो आऊन मा वशिवास माळालुन, आव दोषी ठहरसतान; इदुरसाटी कि आव परमेश्वर उन ऊंद ठैसा पार उन हेसुर मा वशिवास माळीदलि. 19 अदकि दण्ड इन आग्या अन्द कारण ईद आद कि ज्योति दुनया दा बंदाद, अदकि मंळसागोळ अंधार इक ज्योति से यक्कुल प्रयि समसदुर यतकी आंदुर क्याल्सा बुरा ईरव. 20 यतकी जो यावारा बुराई माळतान, आव ज्योति से दुश्मनी ईटतान, अदकि ज्योति इन हात्ती बरालुन, हगि आगबाळुल कि आऊन क्याल्सागोळ मा दोष हचकु आगुल. 21 लेकीन आव जो सच्चाई मा नळुतान, अदकि ज्योति इन हात्ती बरतान, यदुर देल ईद प्रगट आगोगुल कि आऊन क्याल्सा परमेश्वर उन दी टु माळकु आग्याव.”

यीशु अदकि यूहन्ना

22 इदुर बाददा यीशु अदकि आऊन चेलागोळ यहूदिया द्याश दा बंदुर; अदकि यीशु अल आंदुर सांगुळ ईतकु बपतस्मा कोळली कुरतुन. 23 यूहन्ना भी शालेम नगर इन हात्ती ऐनोन दा बपतस्मा कोळतोगोन, यतकी अल हापाळ नीर ईरोद, अदकि लाकुर बंदकु बपतस्मा ताकोम तोगोर. 24 *यूहन्ना आ समय ताका बंदीगृह दा हाककु आगली ईरोन.

25 अल यूहन्ना अन्द चेलागोळ्द यावारा यहूदी इन सांगुळ शुद्धीकरण इन बारा दा वाद-वविाद आत. 26 अदकि आंदुर यूहन्ना अन्द हात्ती बंदकु आऊन से अंदुर, “हे गुरु, जो मंळसा यरदन इन आप्पाटी नीन सांगुळ ईरोन, अदकि यार्द नी गवाही कोट्या; नोळ, आव बपतस्मा कोळतान, अदकि सप्पा मुंदुर आऊन हात्ती बरतार.”

27 यूहन्ना उत्तर कोट्टुन, “यागासताका मंळसा अक स्वर्ग इन दी टु कोटकु आगाल, आगासताका आव येनु हासलि माळ सकालुन. 28 *नीव रा खुद अच नान गवाह हुईर कनिा अंदीन, ‘ना मसीह आलच, लेकीन आऊन मुंद कळुकु आगीन.’ 29 यार्द मंळगीत आर, आवा मंळगार हुन; लेकीन मंळगार उन संगी जो नदिरकु आऊन केळतान, मंळगार उन शब्द केळकु हापाळ खुश आगतान: ईग नान ईद खुशी पुरा आग्याद. 30 जरूरी आद कि आव धोड्डेव आगुल अदकि ना स्याणेव.

स्वर्ग टु बरावाळा आव याव हुन

31 “जो म्याकुच टु बरतान आव सब से वळ्लेव आन; जो पृथ्वी टु बरतान आव पृथ्वी नव हुन, अदकि पृथ्वी इन मातगोळी हेळतान: जो स्वर्ग टु बरतान, आव सप्पा मुंदुर म्याकुच आन. 32 जो येनारा आव नोळ्यान अदकि केळ्यान, अदुर्दा गवाही कोळतान; अदकि याऊ आऊन गवाही ग्रहण माळालुन. 33 याव आऊन गवाही ग्रहण माळ कौडुन आव ई मात मा छाप हच बुट्टुन कि परमेश्वर खरा आन. 34 यतकी यारी परमेश्वर कळ्यान, आव परमेश्वर उन मातगोळ अनतान; यतकी आव आत्मा आळु आळुकु कोळालुन. 35 *आप्प पार से प्यार ईटतान, अदकि आव सप्पा वस्तुगोळ आऊन कय दा ईट बुटान. 36 जो पार मा वशिवास माळतान, अनन्त जीवन आऊन हुन; लेकीन जो पार उन मातगोळी मान्सालुन, आव जीवन इक नोळतीदलि, लेकीन परमेश्वर उन सट्टि आऊन मा ईरतद.”

4

यीशु अदकि सामरी आर्त

1 फरीसीगोळ केळ्यार क् यीशु बपतस्मा माळावाळा यूहन्ना से यक्कुल चेलागोळी बपतस्मा कोळतान. 2 यीशु खुद यागलु ईला उलटा आऊन चेलागोळ बपतस्मा कोळतोगोर. 3 याग यीशु अक पता नळुत क् फरीसीगोळ हगि मातगोळी माळतार रा आव यहूदया बटिकु गलील इक ओळेदुन, 4 अदकि आऊक सामरीया टु आगकु होगोद जरूरी ईरोद. 5 इदुरसाटी आव सूखार हेसुर इन सामरीया अन्द ऊंद नगर ताका बंदुन, जो आ भूमी इन हात्ती आद यदरी याकूब तान पार यूसुफ उक कोटीदुन; 6 अदकि याकूब उन भाय भी अल्या ईरोद. इदुरसाटी यात्रा टु थक्स माळकु यीशु भाय इन हात्ती हगि अच कुरतोदुन. आ समय लगभग हागुल इनव हन्नेळ मुरददिव. 7 इदुर दा ऊंद सामरी जाती नोर आर्त नीर तुमली बंदुर. यीशु आकनि से अंदुन, “नानी नीर कुळस.” 8 यतकी आऊन चेलागोळ रा नगर दा भोजन कोम्मोर साटी होगीदुर. 9 आ सामरी जात इन आर्त आऊन से अंदुर, “नी यहूदी ईतकु ना सामरी जाती नोर आर्त इन से नीर येती बेळत्या?” यतकी यहूदी सामरी जात इन लॉकुर सांगुळ यातोदु परकार इन व्यवहार ईटालुर. 10 यीशु उत्तर कोट्टुन, “अगर नी परमेश्वर उन वरदान इक जानसाईद, अदकि ईद भी जानसाईद क् आव याव हुन जो नीन से अनतान, ‘नानी नीर कुळस,’ रा नी आऊन से बेळाईद, अदकि आव नीनी जीवन इन नीर कोळायदुन.” 11 आर्त आऊन से अंदुर, “हे परभु, नीन हात्ती नीर तुमली रा बाल्टी भी हैलेच, अदकि भाय खोल आद; रा बाक अद जीवन इन नीर नीन हात्ती यल टु बत्त? 12 येन नी नाम आप्प याकूब से धोडडेव आय, याव नामी ईद भाय कोट्टुन; अदकि खुद अच तान औलाद, अदकि तान जनावरगोळ सांगुळ इदुर दा टु नीर कुळदुन?” 13 यीशु आक इक उत्तर कोट्टुन, “जो यावारा ईद नीर कुळदान आव मातत प्यासा ईततान, 14 लेकीन जो यावारा आ नीर इक कुळदान जो ना आऊक कोळाईन, आव बाक अनन्त काल ताका प्यासा आगतीदील; लेकीन जो नीर ना आऊक कोळाईन, अद आऊन दा ऊंद झरना बनसेदति जो अनन्त जीवन इन साटी उमळुसतेला ईत्तीत.” 15 आर्त आऊन से अंदुर, “हे परभु, अद नीर नानी कोळ ताकी ना प्यासा आगवाळुल अदकि ना नीर तुमली ईट दुर बराईन.” 16 यीशु आकनि से अंदुन, “होग, तान गांडु उक ईल कारूकु तर.” 17 आर्त उत्तर कोट्टुन, “ना बनि गांडु उन आईन.” यीशु आकनि से अंदुन, “नी ठीक अनत्या, ‘ना बनि गांडु उन आईन.’ 18 यतकी नी अईद गांडुरी माळ कोंड्या, अदकि यार हात्ती नी ईग आय आव भी नीन गांडु आल्लच. ईद नी सही अच अनत्या.” 19 आर्त आऊन से अंदुर, “हे परभु, नानी हततद क् नी भवषियक्ता हुय. 20 नाम आप्प दादागोळ ईदा पहाळी मा आराधना माळदुर, अदकि नीव अनतीर क् अद जागा यल आराधना माळ पायजे यरूशलेम दा आद.” 21 यीशु आकनि से अंदुन, “हे आर्त, नान मात इन वशिवास माळ क् अद समय बरतद क् नीव ना रा ईद पहाळी मा आप्प उन आराधना माळीर, ना यरूशलेम दा. 22 नीव यारी जानसालीर, आऊन आराधना माळतीर; अदकि नाव यारी जानसतेव आऊन आराधना माळतेव; यतकी उद्धार यहूदीगोळ दा टु आद. 23 लेकीन अद समय बरतद, लेकीन ईग भी आद, यारदा खरा भक्त आप्प उन आराधना आत्मा अदकि सच्चाई देल माळेव, यतकी आप्प तान साटी हगि अच आराधकगोळी दुंदुसतान. 24 परमेश्वर आत्मा आन, अदकि जरूरी आद क् आऊन आराधना माळावाळेर आत्मा अदकि सच्चाई देल आराधना माळुल.” 25 आर्त आऊन से अंदुर, “ना जानसतीन क् मसीह जो ख्रिस्त कहलुस्तान, बरावाळा आन; याग आव बंदान, रा नामी सप्पा मातगोळी हेळ बुट्टान.” 26 यीशु आकनि से अंदुन, “ना जो नीन से अनेतीन, आवा हुईन.”

27 इदुर दा यीशु उन चेलागोळ होट्ट बंदुर, अदकि अचम्भा माळली कुरतुर क् आव आर्त से मातगोळी हेळेत्यान; तरी याऊ केळीदील, “नी येन चाहासत्या?” या “यदुर साटी आकनि से मातगोळी हेळेत्या?” 28 आग आर्त तान घागरी बटिकु नगर दा वोळेदुर, अदकि लॉकुर से अनली कुरतुर, 29 “बरी, ऊंद मळसा अक नोळी, याव सप्पा येनारा जो ना माळीन नानी हेळ बुट्टुन. येनारा ईवा रा मसीह आल्लच?” 30 इदुरसाटी लॉकुर नगर टु होट्टकु आऊन हात्ती बरली कुरतुर. 31 ईदुर बीच दा आऊन चेलागोळ यीशु से ईद वनिती माळदुर, “हे गुरु, येनारा तनि कोम.” 32 लेकीन आव आंदुर से अंदुन, “नान हात्ती तनोर साटी हगि भोजन आद यदरी नीव जानसालीर.” 33 आग चेलागोळ आपस दा अंदुर, “येन यावारा आऊन साटी येनारा तनिली तंदान?” 34 यीशु आंदुर से अंदुन, “नान भोजन ईद आद क् तान कळावाळा अन्द इच्छा अन अनुसार नळाईन अदकि आऊन क्याल्सा पुरा माळाईन. 35 येन नीव अनालीर, ‘कटनी आगदुर दा ईग भी नाक तगुळ बाकी आव?’ नोळी, ना नीम से अनतीन, तान कण्णगोळी नेगुकु केयगोळ मा नजर हाक्की क् अव कटाई इन साटी फसल पकसेग्याद. 36 फसल कडावाळा

अक मजदूरी सकितद अदकि अनन्त जीवन इन साटी काय जमा माळतान, ताकी हचावाळा अदकि कडावाळा येदुदु मुंदुर मलिसकु आनन्द माळुल. ³⁷ यतकी ईल ईद कहावत सही कुरतद: “फसल हचावाळा दुसरा आन अदकि कडावाळा दुसरा.” ³⁸ ना नीमी अद केई कडोर साटी कळुदीन यदुर्दा नीव मेहनत माळीदील: दुसरागोळ मेहनत माळदुर अदकि नीव आंदुर्द मेहनत इन फल दा हसिसेदार आदीर.”

³⁹ आ नगर इन हापाळ सा सामरी लॉकुर आ आर्त इन अंदुर देल यीशु मा वशिवास माळदुर; यतकी आक ईद गवाही कोटीदुर: आव सप्पा येनारा जो ना माळदीन, नानी हेळ बुटुन. ⁴⁰ इदुरसाटी याग ई सामरी लॉकुर आऊन हात्ती बंदुर, रा आऊन से वनिती माळली कुरतुर कनिनाम ईल ईर. इदुरसाटी आव अल येदुदु दनि ताका ईत्तुन. ⁴¹ आऊन वचन इन कारण अदकि भी हापाळ सा लॉकुर वशिवास माळदुर ⁴² अदकि आ आर्त से अंदुर, “ईग नाव नीन अंदुर देल अच वशिवास माळालेव; यतकी नाव खुद अच केळ कोंडेव, अदकि जान्सतेव कि ईवा सही दा दुनया अन उद्धारकर्ता हुन.”

यीशु अधकारी अन पार उक चंगा माळदुन

⁴³ बाक आ येदुदु दनिगोळ बाददा यीशु अल टु होटकु गलील इक होदुन, ⁴⁴ यतकी यीशु खुद अच गवाही कोट्टुन कि भवषियवक्ता अन्द तान द्याश दा आदर आगाल्द. ⁴⁵ ययाग आव गलील दा बंदुन, रा गलीली लॉकुर खुशी देल आऊन सांगुळ मलिसदुर; यतकी यास क्याल्सा आव यरूशलेम दा हाब्ब इन समय माळीदुन, आंदुर आ सप्पा अक नोळीदुर, यतकी आंदुर भी हाब्ब दा होगीदुर.

⁴⁶ आग यीशु बाक गलील इन काना नगर दा बंदुन, यल आव नीर इक अंगुर इन राससा माळीदुन. अल राजा अन ऊंद कर्मचारी ईरोन यार पार कफरनहूम नगर दा बमिार ईरोन. ⁴⁷ आव ईद केळकु कि यीशु यहूदिया टु गलील दा होट बंदान, आऊन हात्ती होदुन अदकि आऊन से ईद वनिती माळली कुरतुन कनिळुकु नान पार उक चंगा माळुल: यतकी आव सोत्तुर मा ईरोन. ⁴⁸ यीशु आऊन से अंदुन, “यागासताका नीव चमत्कार अदकि अदभुत क्याल्सा नोळालीर आगासताका यागलु वशिवास माळतीदील.” ⁴⁹ राजा अन कर्मचारी आऊन से अंदुन, “हे प्रभु, नान पार उन सायोर से पयले नळ.” ⁵⁰ यीशु आऊन से अंदुन, “होग, नीन पार जत्तिता आन.” आ मळसा यीशु उन अंद मात इन भरोसा माळदुन अदकि ओळेदुन. ⁵¹ आव हादी मा का ईरोन कि आऊन दास आऊन से बंदकु सकिदुर अदकि अनली कुरतुर, “नीन पार जत्तिता आन.” ⁵² आव आंदुर से केळदुन, “याता घळी आव वळलेव आगली कुरतुन?” आंदुर आऊन से अंदुर, “नाळ सातवा तास दा आऊन मय ईळदव.” ⁵³ आग आप्प जान्स कोंडुन कि ईद अदा घळी आत याता घळी यीशु आऊन से अंदुन, “नीन पार जत्तिता आन,” अदकि आव अदकि आऊन सप्पा परवार वशिवास माळदुर. ⁵⁴ ईद दुसरा आश्चर्यकर्म ईरोद जो यीशु यहूदिया टु गलील दा बंदकु तोरसदुन.

5

अळतीस वर्ष इन रोगी अक चंगा माळोद

¹ ई मातगोळ बाददा यहूदीगोळद ऊंद हाब्ब आत, अदकि यीशु यरूशलेम इक होदुन. ² यरूशलेम दा भेट-फाटक इन हात्ती ऊंद कुण्ड आद जो इब्रानी भाषा बैतसैदा कहलुसतद; अदुर अईद छपर्या आव. ³ इऊर दा हापाळ सा बमिार, कुदुदु, लंगळा अदकि लकवा अन रोगी लॉकुर बदिक् ईरतोगोर. ⁴ यतकी नविळुसुद समय मा परमेश्वर उन स्वर्गदूत कुण्ड दा ईळुकु नीर इक हालुसतोगोर. नीर हालुसतेला अच जो यावारा पयले ईळुतोगोन आव चंगा आगोग तोगोन बाक आऊक यातोदारा बमिारी येती आगबाळुल. ⁵ अल ऊंद मळसा ईरोन, जो अळतीस वर्ष टु बमिारी देल बदिक् ईरोन. ⁶ यीशु आऊक बदिक् नोळुकु अदकि ईद जान्सकु कि आव हापाळ दनि टु ई दशा दा बदिक् आन, आऊन से केळदुन, “येन नी चंगा आगोद चाहासत्या?” ⁷ आ बमिार मळसा आऊक उत्तर कोट्टुन, “हे प्रभु, नान हात्ती याऊ मळसा हैलेच कि जो नीर हालुसकु आगुल, रा नानी कुण्ड दा ईळस्यान; लेकीन नान पोहचुस ताका यावारा दुसरा नान से पयले ईळदोगतान.” ⁸ यीशु आऊन से अंदुन, “येळ, तान व्हर्स नेगु, नळु अदकि वयाळ.” ⁹ आव मळसा तुरन्त चंगा आगेदुन, अदकि तान व्हर्स नेगुकु नळुली कुरतुन.

¹⁰ अद आराम इन दनि ईरोद. इदुरसाटी यहूदी आऊन से जो चंगा आगीदुन, अनली कुरतुर, “ईद रा आराम इन दनि आद, नीनी व्हर्स नेगोद उचति हैलेच.” ¹¹ आव आंदरी उत्तर कोट्टुन, “याव नानी चंगा माळदुन, आवा

नान से अंदुन, 'तान व्हर्स नेगु, नळु अदकि वयाळ.' " 12 आंदुर आऊन से केळदुर, "आव याव मंळसा हुन याव नीन से अंदुन, 'व्हर्स नेगु, नळु अदकि वयाळ.' " 13 लेकीन जो चंगा आगेगदिन आव ईला जानसोन क्क आव याव हुन, यतकी आ जागा दा भीळ इन कारण यीशु अल टु हटसेगदिन. 14 ई मातगोळ बाददा आव यीशु अक मंदरि दा सकिदुन. यीशु आऊन से अंदुन, "नोळ, नी चंगा आगेग्या: मातत पाप माळबाळेत, हगि आगबाळुल क्क इदुर देल यातोदारा भारी परेशानी नीन मा बंदकु बळिल." 15 आ मंळसा होगकु यहूदी लॉकुर से अंद बुटुन क्कियाव नानी चंगा माळदुन आव यीशु हुन. 16 ईद कारण यहूदी यीशु अक सतुस्ली कुरतुर, यतकी आव ईतता क्क्याल्सा आराम इन दशी माळतोगोन. 17 इदुर मा यीशु आंदुर से अंदुन, "नान आप्प ईगासताका क्क्याल्सा माळतान, अदकि ना भी क्क्याल्सा माळतीन." 18 ईद कारण यहूदी अदकि भी यक्कुल आऊक कोद बुळोद कोशशि माळली कुरतुर, यतकी आव ना सरिफ आराम इन दनि इन वधी अक मुरोन, लेकीन परमेश्वर उक तान आप्प अंदकु तान तान इक परमेश्वर उन घाई भी ठहरूसतोगोन.

पार उन अधकार

19 इदुर मा यीशु आंदुर से अंदुन, "ना नीम से खरा खरा अनतीन, पार खुद देल येनु माळ सकालुन, सरिफ आव जो आप्प उक माळत नोळतान; यतकी याता याता क्क्याल्सागोळी आव माळतान अवरी पार भी अदा रीतदेल माळतान. 20 यतकी आप्प पार उन से प्यार ईटतान अदकि जो जो क्क्याल्सा आव खुद माळतान, आव सप्पा आऊक तोरसतान; अदकि आव इऊर से भी धोड्डेव क्क्याल्सा आऊक तोरसतान, ताकी नीव अचम्भा माळीर. 21 ह्यांग आप्प सोत्तुरी नेगुतान अदकि जित्ता माळतान, हांग अच पार भी यारी चाहासतान आंदरी जित्ता माळतान. 22 आप्प यारदु न्याय माळालुन, लेकीन न्याय माळोद सप्पा क्क्याल्सा पार उक कोट्ट बुटुन, 23 क्क सप्पा लॉकुर ह्यांग आप्प उन आदर माळतार हांग अच पार उन भी आदर माळुल. जो पार आदर माळालुन, आव आप्प उन यारी आव कळ्यान, आदर माळालुन. 24 ना नीम से खरा खरा अनतीन, जो नान वचन केळकु नान कळावाळा मा वशिवास माळतान, अनन्त जीवन आऊंद हुन; अदकि आऊन मा दण्ड इन आग्या आगाल्द लेकीन आव मृत्यु टु आप्पाटी आगकु जीवन दा प्रवेश माळ कौडान.

25 "ना नीम से खरा खरा अनतीन अद समय बरतद, अदकि ईग आद, यारदा सायावाळेर परमेश्वर उन पार उन आवाज केळ्यार, अदकि जो केळ्यार आंदुर जित्ता ईततार. 26 यतकी याता रीतदेल आप्प तान तान दा जीवन ईटतान, अदा रीतदेल आव पार उक भी ईद अधकार कोटान क्क तान तान दा जीवन ईटुल; 27 लेकीन आऊक न्याय माळोद भी अधकार कोटान, इदुरसाटी क्क आव मंळसा अन पार हुन. 28 इदुर देल अचम्भा माळबाळी; यतकी अद समय बरतद क्कियास क्वरगोळ दा आर आंदुर आऊन आवाज केळकु व्हार्या होटकु बंदार. 29 यार वळ्लीद माळ्यार आंदुर जीवन इन पुनरूत्थान इन साटी जित्ता आदार अदकि यार बुराई माळ्यार आंदुर दण्ड इन पुनरूत्थान इन साटी जित्ता आदार.

यीशु अन बारा दा गवाही

30 "ना तान तान देल येनु माळ सकालीन; ह्यांग केळतीन, हांगा न्याय माळतीन; अदकि नान न्याय खरा आद, यतकी ना तान इच्छा देल ईला लेकीन तान कळावाळा अन्द इच्छा चाहासतीन. 31 अगर ना खुद अच तान गवाही कोळाईन, रा नान गवाही खरा हैलेच. 32 दुसरा अदकि आन जो नान गवाही कोळतान, अदकि ना जानसतीन क्क नान जो गवाही आव कोळतान, अद खरा आद. 33 *नीव यूहन्ना से केळसुसदीर अदकि आव सच्चाई इन गवाही कोट्टुन. 34 लेकीन ना तान बारा दा मंळसा अन गवाही चाहासालीन; तरी ना ई मातगोळी इदुरसाटी अनतीन क्क नीमी उद्धार सकिकुल. 35 आव रा होततेला अदकि चमकुसतेला दगिया ईरोन, अदकि नीमी येनारा समय ताका आऊन ज्योर्ता दा मग्न आगोद वळ्लीद हत. 36 लेकीन नान हात्ती जो गवाही आद अद यूहन्ना अन गवाही देल धोळ्द आद; यतकी जो क्क्याल्सा आप्प नानी पुरा माळोर साटी कोटान मतलब ईदा क्क्याल्सा जो ना माळतीन, अव नान गवाह आव क्क आप्प नानी कळ्यान. 37 *अदकि आप्प याव नानी कळ्यान, आवा नान गवाही कोटान. नीव ना यागल्यारा आऊंद आवाज केळदीर, अदकि ना आऊंद रूप नोळदीर; 38 अदकि आऊन वचन इक मन दा जमा ईटालीर, यतकी आव यारी कळ्यान नीव आऊंद वशिवास माळालीर. 39 नीव पवतिरशास्त्र दा दुंदसतीर, यतकी समसतीर क्क अदुरदा अनन्त जीवन नीमी सकितद; अदकि ईव आवा हुन जो नान गवाही कोळतान; 40 तरी भी नीव जीवन साटी नान हात्ती बरोद चाहासालीर. 41 ना मंळसागोळ से

आदर चाहासालीन. 42 लेकीन ना नीमी जानसतीन कनिमी दा परमेश्वर उन प्यार हैलेच. 43 ना तान आप्प उन हेसुर देल बंदीन, अदकि नीव नानी ग्रहण माळालीर; अगर दुसरा यावारा तांद अच हेसुर देल बंदान, रा आऊक ग्रहण माळ कोंडीर. 44 नीव जो आबुर दाबुर से आदर चाहासतीर अदकि अद आदर जो ऊंद मातर परमेश्वर उन दी टु आद, चाहासालीर, याता प्रकार वशिवास माळ सकतीर? 45 ईद समसबाळी कनिमी आप्प उन मुंद नीम मा दोष हचाईन; नीम मा दोष हचावाळा रा मूसा हुन, यार मा नीव भरोसा ईटीर. 46 यतकी अगर नीव मूसा अन वशिवास माळायदीर, रा नान भी वशिवास माळायदीर, इदुरसाटी कनिमी आव नान बारा दा लखिस्यान. 47 लेकीन अगर नीव आऊन लखिसद मातगोळ मा वशिवास माळालीर, रा नान मातगोळ मा ह्यांग वशिवास माळीर?"

6

अईद हजार मंळसागोळी तनिसोद

(मत्ती १४:१३-२१; मरकुस ६:३०-४४; लूका ९:१०-१७)

1 ई मातगोळ्द बाद्दा यीशु गलील इन झील* मतलब तबिरियस इन झील इन आप्पाटी होदुन. 2 अदकि ऊंद धोळ्द भीळ आऊन हदि आगेत यतकी जो आश्चर्यकरम आव बमारगोळ मा तोरसतोगोन आंदुर अवरी नोळतोगोर. 3 आग यीशु पहाळी मा येरकु तान चेलागोळ सांगुळ अल कुरतोदुन. 4 यहूदीगोळ्द फसह अन हाब्व हात्ती ईरोद. 5 याग यीशु तान कण्णगोळी नेगुकु ऊंद धोळ्द भीळ इक तान हात्ती बरत नोळदुन, रा फलिपिपुस से अंदुन, “नाव इंदुर भोजन इन साटी यल टु रोटी कोंडकु तदेव?” 6 आव ईद मात आऊक परखुसोर साटी अंदुन, यतकी आव खुद जानसोन कनिमी आव येन माळ्यान. 7 फलिपिपुस आऊक उत्तर कोट्टुन, “येढ्ढ सौ दीनार इन रोटी भी आंदुर साटी पुरा आगतीदील कनिमी आंदुर दा टु हर ऊंद इक थ्वाळा-थ्वाळा सकिकेगुल.” 8 आऊन चेलागोळ दा टु शमौन पतरस उन वार्ड अनर्दरियास आऊन से अंदुन, 9 “ईल ऊंद पार आन यार हात्ती जवारी इन अईद रोटी अदकि येढ्ढ मेनगोळ आव; लेकीन ईस लॉकुर साटी अव येन आव?” 10 यीशु अंदुन, “लॉकुरी कुरस बुळी.” आ जागा दा हापाळ काडडा ईरोद: आग लॉकुर यारदा गंळसुरद संख्या लगभग अईद हजार इन ईरोद, कुरतोदुर. 11 आग यीशु रोटीगोळी हुळदुन, अदकि धन्यवाद माळकु कुरावाळेर इक वाट्स बुटुन; अदकि हांग अच मेनगोळ दा टु यास आंदुर चाहासोर वाट्स बुटुन. 12 याग आंदुर तनिकु संतुष्ट आगेदुर रा आव तान चेलागोळ से अंदुन, “मकिकु तुकळागोळी जमा माळबुळी कनिमी येनु भटिकु आगबाळुल.” 13 इदुरसाटी आंदुर जमा माळदुर, अदकि जवारी इन अईद रोटीगोळ तुकळागोळ से जो तनिवाळेर ऊळोर, हननेळ फुट्टी तुमदव. 14 आग जो आश्चर्यकरम आव माळकु तोरसदुन अदरी आ लॉकुर नोळकु अनली कुरतुर, “आव भवषियवक्ता जो दुनया दा बरावाळा ईरोन नशिचय ईवा हुन.” 15 यीशु ईद जानसकु कनिमी आंदुर नानी राजा माळोर साटी हुडोद चाहासतार, बाक पहाळी मा आबना ओळेदुन.

यीशु उन नीर मा नळोद

(मत्ती १४:२२-३३; मरकुस ६:४५-५२)

16 याग द्याव मुळकत, रा यीशु उन चेलागोळ झील इन कनिरा मा होदुर, 17 अदकि ड्वांगा मा येरकु झील इन आप्पाटी कफरनहूम इक होगली कुरतुर. आ समय अंधार आगेगीत, अदकि यीशु ईगासताका आंदुर हात्ती ईला बंदीदुन. 18 आँधी अन कारण झील दा लयरगोळ येळली कुरतव. 19 याग आंदुर केई केई अईद-आर कोस इन लगभग होटोदुर, रा आंदुर यीशु उक झील मा नळुत अदकि ड्वांगा अन हात्ती बरत नोळदुर, अदकि अंजेदुर. 20 लेकीन आव आंदुर से अंदुन, “ना हुईन; अंजबाळी.” 21 इदुरसाटी आंदुर आऊक ड्वांगा मा येरसोर साटी तयार आदुर अदकि तुरन्त अद ड्वांगा आ जागा मा पोहचुसेत यल आंदुर होगोर.

लॉकुरद यीशु उक दुंदसोद

22 दुसरा दशिी आ भीळ, जो झील इन आप्पाटी नदुरकु ईरोद, ईद नोळदुर कनिमी ईल ऊंद इक बटिकु अदकि यातोदु ड्वांगा ईला ईरोद; अदकि यीशु तान चेलागोळ सांगुळ आ ड्वांगा मा ईला येरीदुन, लेकीन सरिफ आऊन चेलागोळ अच होगीदुर. 23 आग हापाळ ड्वांगागोळ तबिरियस टु आ जागा अन हात्ती बंदव, यल आंदुर प्रभु उक धन्यवाद माळदुर बाद्दा रोटी तदिदुर. 24 इदुरसाटी याग भीळ नोळत कनिमी ईल ना यीशु आन अदकि ना आऊन चेलागोळ, रा आंदुर भी ड्वांगागोळ मा येरकु यीशु उक दुंदसतेला कफरनहूम पोहचुसदुर.

* 6:1 ६:१ झील इन मतलब धोळ क्याररा हुन

यीशु जीवन इन रोटी

25 झील इन आप्पाटी याग लॉकुरद भीळ यीशु से सकिदुर रा अंदुर, “हे गुरु, नी ईल याग बंद?” 26 यीशु आंदरी उत्तर कोट्टुन, “ना नीम से खरा खरा अनतीन, नीव नानी इदुरसाटी दुंडसालीर कनीव आश्चर्यकर्म नोळदीर, लेकीन इदुरसाटी कनीव रोटीगोळी तनिकु संतुष्ट आदीर. 27 नाशवान भोजन इन साटी मेहनत माळवाळी, लेकीन आ भोजन इन साटी जो अनन्त जीवन ताका ठहरूसतद, यारी मंळसा अन पार नीमी कोट्टान; यतकी आप्प मतलब परमेश्वर अदुर मा छाप हचयान.” 28 आंदुर आऊन से अंदुर, “परमेश्वर उन कयाल्सा माळोर साटी नाव येन माळेव?” 29 यीशु आंदरी उत्तर कोट्टुन, “परमेश्वर उन कयाल्सा ईद आद कनीव आऊन मा वशिवास माळी, यारी आव कळयान.” 30 आग आंदुर आऊन से अंदुर, “बाक नी यातोद चमत्कार तोरसत्या कनीव अदरी नोळकु नीन वशिवास माळेव? नी यातोद कयाल्सा तोरसत्या?” 31 नाम आप्प दादागोळ आळी दा मनना तदुरि; हयांग लखिसकु आद, “आव आंदरी तनोर साटी स्वर्ग टु रोटी कोट्टुन.” 32 यीशु आंदुर से अंदुर, “ना नीम से खरा खरा अनतीन कनी मूसा नीमी अद रोटी स्वर्ग टु कोटीदील, लेकीन नान आप्प नीमी खरा रोटी स्वर्ग टु कोळतान. 33 यतकी परमेश्वर उन रोटी अदा हुन जो स्वर्ग टु ईळकु दुनया अक जीवन कोळतद.” 34 आग आंदुर आऊन से अंदुर, “हे प्रभु, ईद रोटी नामी हमेशा कोळतेला ईर.”

35 यीशु आंदुर से अंदुर, “जीवन इन रोटी ना हुईन: जो नान हात्ती बरतान आव यागलु उपासा ईरतीदील, अदकि जो नान मा वशिवास माळतान आव यागलु प्यासा ईरतीदील. 36 लेकीन ना नीम से अंददिन कनीव नानी नोळ भी कोंडीर तरी वशिवास माळालीर. 37 जो येनारा आप्प नानी कोळतान अद सप्पा नान हात्ती बंदीत, अदकि जो यावारा नान हात्ती बंदान आऊक ना यागलु तेगुतदिल. 38 यतकी ना तान इच्छा ईला लेकीन तान कळावाळा अनद इच्छा पुरा माळोर साटी स्वर्ग टु ईळदीन; 39 अदकि नान कळावाळा अन इच्छा ईद आद कनी जो येनारा आव नानी कोटान, अदुर दा टु ना येनारा खोऊसालीन, लेकीन आऊक आखरी दशी बाक जत्तिता माळाईन. 40 यतकी नान आप्प उन इच्छा ईद आद कनी जो यावारा पार उक नोळल अदकि आऊन मा वशिवास माळुल, आऊक अनन्त जीवन सकिकीत; अदकि ना आऊक आखरी दशी बाक जत्तिता माळाईन.” 41 “इदुरसाटी यहूदी लॉकुर आऊन मा कुळकुळसली हतदुर, यतकी आव अंददिन, जो रोटी स्वर्ग टु ईळुत, अद ना हुईन.” 42 अदकि आंदुर अंदुर, “येन ईव यूसुफ उन पार यीशु आल्लच, यार मोय-आप्प उक नाव अरूतेव? रा आव हयांग अनतान कनी ना स्वर्ग टु ईळदीन?” 43 यीशु आंदरी उत्तर कोट्टुन, आपस दा कुळकुळसबाळी. 44 याऊ नान हात्ती बर सकालुन यागासताका आप्प, याव नानी कळयान, आऊक जेडु कोमालुन; अदकि ना आऊक आखरी दशी बाक जत्तिता माळाईन. 45 भवषियवक्तागोळद लेखगोळ दा ईद लखिसकु आद: “†आंदुर सप्पा परमेश्वर उन दी टु कल्सकु ईत्तार.” जो यावारा आप्प से केळयान अदकि कलतान, आव नान हात्ती बरतान. 46 ईद ईला कनी यावारा आप्प उक नोळयान; लेकीन जो परमेश्वर उन दी टु आन, सरिफ आवा आप्प उक नोळयान. 47 “ना नीम से खरा खरा अनतीन कनी जो यावारा वशिवास माळतान, अनन्त जीवन आऊंदा हुन. 48 जीवन इन रोटी ना हुईन. 49 नीम आप्प दादागोळ आळी दा मनना तदुरि लेकीन आंदुर सोतोदुर. 50 लेकीन ईद अद रोटी हुन जो स्वर्ग टु ईळुतद ताकी मंळसा अदरी तनिल अदकि सायबाळुल. 51 जीवन इन रोटी जो स्वर्ग टु ईळुत, ना हुईन. अगर यावारा ईद रोटी दा टु तदान, रा सदा जत्तिता ईत्तान; अदकि जो रोटी ना दुनया अक जत्तिता ईरोरसाटी कोळाईन, अद नान मय हुन.”

52 इदुर मा यहूदी ईद अनकु आपस दा झगळा माळली कुरतुर, “ईव मंळसा हयांग नामी तान मय तनिली कोळ सकतान?” 53 यीशु आंदुर से अंदुर, “ना नीम से खरा खरा अनतीन कनी यागासताका नीव मंळसा अन पार उन मय तनिलीर, अदकि आऊन खुन कुडालीर, नीम दा जीवन हैलेच. 54 जो नान मास तनितान अदकि नान खुन कुडुतान, अनन्त जीवन आऊंदा आद; अदकि ना आऊक आखरी दशी बाक जत्तिता माळाईन. 55 यतकी नान मास सही दा तनोद चजि हुन, अदकि नान खुन सही दा कुडोद चजि हुन. 56 जो नान मास तनितान अदकि नान खुन कुडुतान आव नान दा संची बन्सकु ईरतान, अदकि ना आऊन दा. 57 हयांग जत्तिता आप्प नानी कळयान, अदकि ना आप्प उन कारण जत्तिता आईन, हांगा आव भी जो नानी तदान नान कारण जत्तिता ईत्तान. 58 जो रोटी स्वर्ग टु ईळुत अदा हुन, आ रोटी अन घाई यारी आप्प दादागोळ तदुरि अदकि सोतोदुर; जो यावारा ईद रोटी तदान, आव सदा जत्तिता ईत्तान.” 59 ई मातगोळी आव कफरनहूम इन ऊंद यहूदी लॉकुरद सभागृह दा उपदेश कोळाहोती अंदुर.

अनन्त जीवन इन वचन

60 यीशु उन चेलागोळ दा टु हापाळ मुंदुर ईद केळकु अंदुर, “ईद कठोर मात आद; इदरी याव केळ सकतान?”
 61 यीशु तान मन दा ईद जान्सकु क्नि नान चेलागोळ आपस दा ईद मात मा कुळकुळुसतार, आंदुर से केळदुन,
 “येन ईद मात देल नीमी ठोकर हततद? 62 अगर नीव मंळसा अन पार उक येल आव पयले ईरोन, अल म्याकुच
 होगूत नोळीर, रा येन आदीत? 63 आत्मा रा जीवनदायक आद, मय देल येनु लाभ हैलेच; जो मातगोळी ना नीम
 से अंदीन अव आत्मा ह, अदकि जीवन भी हुन. 64 लेकीन नीम दा टु येनारा हगि आर जो वशिवास माळालुर.”
 यतकी यीशु पयले टु अच जानसोन क्नि जो वशिवास माळालुर, आंदुर यार उर; अदकि याव नानी हुळसुसयान.
 65 अदकि आव अंदुन, “इदुरदा साटी ना नीम से अंदीन क्नि यागासताका यारीकारा आप्प उन दी टु ईद वरदान
 कोटक आगाल्द आगासताका आव नान हात्ती बर सकालुन.”

66 इदुर मा आऊन चेलागोळ दा टु हापाळ मुंदुर वापस आगेदुर अदकि अदुर बाददा आऊन सांगुळ होगीदील.
 67 आग यीशु आ हन्नेळ चेलागोळी अंदुन, “येन नीव भी होगोद चाहासतीर?” 68 *शमौन पतरस आऊक उत्तर
 कोट्टुन, “हे प्रभु, नाव यार हाती होदेव? अनन्त जीवन इन मातगोळ रा नीद अच हाती आव; 69 अदकि
 नाव वशिवास माळदेव अदकि जान्स कौडेव क्नि परमेश्वर उन पवतिर जन नीना हुय.” 70 यीशु आंदरी उत्तर
 कोट्टुन, “येन ना नीव हन्नेळ मुंदरी नीवळुसीदील? तरी नीम दा टु ऊंद मंळसा शैतान आन.” 71 ईद आव शमौन
 इस्करयोती इन पार यहूदा अन बारा दा अंदुन, यतकी आवा जो हन्नेळ चेलागोळ दा टु ऊंद ईरोन, आऊक
 हुळसुसोद ईरोद.

7

यीशु अदकि आऊन वार्दुर

1 ई मातगोळ्द बाददा यीशु गलील दा टेटाळतेला ईतुन; यतकी यहूदी लॉकुर आऊक कोंद बुळोद कोशशि
 माळोर, इदुरसाटी आव यहूदयिा दा टेटाळोद ईला चाहासोन. 2 यहूदीगोळ्द झोपळीगोळ्द हाब्ब* हात्ती ईरोद.
 3 इदुरसाटी आऊन वार्दुर आऊन से अंदुर, “ईल टु यहूदयिा अक होग, क्नि जो क्वालसा नी माळत्या अवरी
 नीन चेलागोळ अल भी नोळुल. 4 यतकी हगि याऊ ईला ईतीदान जो प्रसदिध आगोद चाहासुल, अदकि होचकु
 क्वालसा माळुल. अगर नी क्वालसा माळत्या, रा तान तान इक दुनयिा मा प्रगट माळ.” 5 यतकी आऊन
 वार्दुर भी आऊन मा वशिवास ईला माळतोगोर. 6 आग यीशु आंदुर से अंदुन, “नान समय ईगासताका बंददील,
 लेकीन नीम साटी सप्पा समय आद. 7 दुनयिा नीम से दुश्मनी माळ सकाल, लेकीन अद नान से दुश्मनी माळतद
 यतकी ना अदुर वरिध दा ईद गवाही कोळतीन क्नि अदुर क्वालसा बुरा आद. 8 नीव हाब्ब दा होगी; ना ईगल्या
 ईद हाब्ब दा होगालीन, यतकी ईगासताका नान समय पुरा आगीदील.” 9 आव आंदुर से ई मातगोळी अनकु
 गलील दा अच ईतोदुन.

झोपळीगोळ्द हाब्ब दा यीशु

10 लेकीन याग आऊन वार्दुर हाब्ब दा वोळेदुर रा आव खुद भी, प्रगट दा ईला लेकीन मान्सी गुप्त रूप देल
 होदुन. 11 यहूदी हाब्ब दा आऊक ईद अनकु दुंदसली कुरतुर, “आव यल आन?” 12 अदकि लॉकुर दा आऊन
 बारा दा सुंगा मुंगा हापाळ सा मातगोळ आदव: यारारा अनतोगोर, “आव वळ्लेव मंळसा आन.” अदकि यारारा
 अनतोगोर, “ईला, आव लॉकुरी भरमुसतान.” 13 तरी यहूदीगोळ्द अंज्क इन कारण याऊ मंळसा आऊन बारा दा
 खुल्सकु ईला माताळोन.

14 याग हाब्ब इन आर्धा दनि बतिसेदव; रा यीशु मंदरि दा होगकु उपदेश माळली कुरतुन. 15 आग यहूदीगोळ
 चकति आगकु अंदुर, “ईऊक बनिा वाचुस्द अककल ह्यांग होटवत?” 16 यीशु आंदरी उत्तर कोट्टुन, “नान उपदेश
 नांद ईला, लेकीन नान कळावाळा अन हुन. 17 अगर यावारा आऊन इच्छा मा नळोद चाहासतान, रा आव ईद
 उपदेश इन बारा दा जान्स कौडान क्नि ईद परमेश्वर उन दी टु हुन या तान दी टु अनतीन. 18 जो तान दी टु
 येनारा अनतान, आव तांद अच बळाई चाहासतान; लेकीन जो तान कळावाळा अन बळाई चाहासतान आवा खरा
 आन, अदकि अदुर दा अन्याय ईला. 19 येन मूसा नीमी व्यवस्था कोटीदील? तरी नीम दा टु याऊ व्यवस्था
 मा नळालुन. नीव येती नानी कोंद बुळोद चाहासतीर?” 20 लॉकुर उत्तर कोट्टुर, “नीन दा दुष्टआत्मा आद!

* 6:68 ६:६८ मत्ती १६:१६; मरकुस ८:२९; लूका ९:२० * 7:2 ७:२ हाब्ब इन मतलब त्योंहार

याव नीनी कोंद बुळोद चाहासतान?" 21 यीशु आंदरी उत्तर कोट्टुन, "ना ऊंद क्वाल्सा माळदीन, अदकि नीव सप्पा आश्चर्य माळतीर. 22 ईदा कारण मूसा नीमी खतना अन आग्या कोटान ईद ईला क्वा अद मूसा अन दी टु आद लेकीन आप्प दादागोळ टु नळुत बंदाद, अदकि नीव आराम इन दनि मंळसा अन खतना माळतीर. 23 *याग आराम इन दनि मंळसा अन खतना माळकु आगतद ताकी मूसा अन व्यवस्था अन आग्या टलुस बाळुल, रा नीव नान मा येती इदुरसाटी सट्टि माळतीर क्वा ना आराम इन दनि ऊंद मंळसा अक पुरा रीर्ता दैल चंगा माळदीन. 24 बाय नोळ्द न्याय माळवाळी, लेकीन ठीक ठीक न्याय माळी."

येन यीशु अच मसीह हुन?

25 आग येनारा यरूशलेम इन लॉकुर अनली कुरतुर, "येन ईव आवा आललच यारी कोंद बुळोद कोशशि माळकु आगेत्याद? 26 लेकीन नोळी, आव रा मसीहगोळ घाई खुल्लम खुल्ला मातगोळी माळतान अदकि याऊ सरदार आऊन से येनु अनालुर. 27 ईऊक रा नाव जान्सतेव क्वा ईव येलेव हुन; लेकीन मसीह याग बंदान रा याऊ जान्सतीदील क्वा आव येलेव हुन." 28 आग यीशु मंदिर दा उपदेश कोळतेला कारूकु अंदुन, "नीव नानी जान्सतीर, अदकि ईद भी जान्सतीर क्वा ना येलेव हुईन. ना रा खुद देल बंददील, लेकीन नानी कळावाळा खरा आन, आऊक नीव जान्सालीर. 29 ना आऊक जान्सतीन यतकी ना आऊन दी टु आईन अदकि आवा नानी कळ्यान." 30 इदुर मा आंदुर आऊक हुडोद चाहासदुर, तरी याऊ आऊन मा कय हाकदील यतकी आऊन सही समय ईगासताका बरली का ईरोद. 31 तरी भी भीळ दा टु हापाळ सा लॉकुर आऊन मा वशिवास माळदुर, अदकि अनली कुरतुर, "मसीह याग बंदान रा येन इदुर से यक्कुल आश्चर्यकर्म तोरस्यान जो ईव तोरसदुन?"

यीशु उक हुडोद कोशशि

32 फरीसीगोळ लॉकुरी यीशु उन बारा दा ई मातगोळ सुंगा मुंगा अंत केळदुर; अदकि प्रधान याजकगोळ अदकि फरीसीगोळ आऊक हुडोर साटी सपिाही कळुदुर. 33 इदुर मा यीशु अंदुन, "ना थ्वाळासा समय ताका अदकि नीम सांगुळ आईन, आग तान कळावाळा अन हात्ती होटोगाईन. 34 नीव नानी हुंडसीर, लेकीन नीमी सकितीदील; अदकि येल ना आईन, अल नीव बर सकालीर."

35 इदुर मा यहूदीगोळ आपस दा अंदुर, "ईव येल होदान क्वा नामी सकितीदील? येन ईव आंदुर हात्ती होदान जो ग्रीकगोळ दा ततिर-बतिर आगकु ईरतार, अदकि ग्रीकगोळी भी उपदेश कोट्टान? 36 ईद येन मात आद जो आव अंदुन, क्वा 'नीव नानी हुंडसीर, लेकीन सकितीदील; अदकि येल ना आईन, अल नीव बर सकालीर.' "

जीवन नीर इन गांगा

37 हाब्व इन आखरी दशी, जो मुख्य दनि आद, यीशु नदिरदुन अदकि कारूकु अंदुन, "अगर यावारा प्यासा आन रा नान हात्ती बरूल अदकि कुडुल. 38 जो नान मा वशिवास माळ्यान, हयांग पवतिरशास्त्र दा बंदाद, 'आऊन दलि दा टु जीवन इन नीर इन गांगा वाहुसकु होट्टीत.' " 39 आव ईद वचन पवतिर आत्मा अन बारा दा अंदुन, यारी आऊन मा वशिवास माळावाळेरी सकिकोद ईरोद; यतकी आत्मा ईगासताका ईला ईळदीत, यतकी यीशु ईगासताका तान महमा अक ईला पोहचुसीदुन.

लॉकुर दा भेदभाव

40 आग भीळ दा टु यारारा यारारा ई मातगोळी केळकु अंदुर, "सही दा ईवा आव भवषियवक्ता हुन." 41 दुसरागोळ अंदुर, "ईव मसीह हुन." लेकीन येनारा लॉकुर अंदुर, "येती? येन मसीह गलील टु बंदान? 42 येन पवतिरशास्त्र दा ईद बंददील क्वा मसीह दाऊद इन वंश टु अदकि बैतलहम ऊर टु बंदान, यल दाऊद ईरतान?" 43 इदुरसाटी आऊन कारण लॉकुर दा फूट बत्ति. 44 आंदुर दा टु यारारा आऊक हुडोद चाहासोर, लेकीन याऊ आऊन मा कय हाकीदील.

यहूदी अधिकारीगोळ्द अवशिवास

45 आग सपिाही प्रधान याजक अदकि फरीसीगोळ हात्ती वापस बंदुर; आंदुर सपिाहीगोळ से अंदुर, "नीव आऊक येती तंददील?" 46 सपिाहीगोळ उत्तर कोट्टुर, "यावारा मंळसा यागलु हगि मातगोळी माळीदील." 47 फरीसीगोळ आंदरी उत्तर कोट्टुर, "येन नीव भी भरमुसकु आगीर? 48 येन सरदारगोळ या फरीसीगोळ दा टु यारारा आऊन मा वशिवास माळ्यार? 49 लेकीन ई लॉकुर जो व्यवस्था जान्सालुर, शापति आर."

50 *नीकुदेमुस, जो पयले आऊन हात्ती बंदीदुन अदकि आंदुर दा टु ऊंद ईरोन, आंदुर से अंदुन, 51 “येन नाम व्यवस्था यावारा मंळसा अक, यागासताका पयले आऊंद केळकु जान्स कोमालुर का आव येन माळतान, दोषी ठहरूसतार?” 52 आंदुर आऊक उत्तर कोट्टुर, “येन नी भी गलील इन हुय? ढुंढूस अदकि नोळ का गलील टु यावारा भवष्यवक्ता प्रगट ईला आगोद.” 53 आग सप्पा लॉकुर तान तान मान्नी वोळ्दुर.

8

व्यभचारिणी इक माफ

1 लेकीन यीशु जैतून इन पहाळी मा होदुन. 2 व्हातर्या आव मात्त मंदरि दा बंदुन; सप्पा लॉकुर आऊन हात्ती बंदुर अदकि आव कुर्तकु आंदरी उपदेश कोळली कुरतुन. 3 आग शासत्री अदकि फरीसी ऊंद आर्त इक तंदुर जो व्यभचार दा हळकु आगीदुर, अदकि आकी बीच दा नदिरूसकु यीशु से अंदुर, 4 “हे गुरु, ई आर्त व्यभचार माळत हळकु आदुर. 5 व्यवस्था दा मूसा नामी आग्या कोटान का हगि आर्तेर मा पथराव माळुल. इदुरसाटी नी ई आर्त इन बारा दा येन अनत्या?” 6 आंदुर आऊक परखुसोर साटी ईद मात अंदुर ताकी आऊन मा दोष हचोर साटी येनारा मात सक्कुल. लेकीन यीशु बांगकु बेळ्ल देल जागा मा लखिसली कुरतुन. 7 याग आंदुर आऊन से केळतेला अच ईत्तुर, रा आव सधा नदिरुकु आंदुर से अंदुन, “नीम दा जो नषिपाप आन, आवा पयले आकी कल्ल होळदान.” 8 अदकि बाक बांगकु जागा मा बेळ्ल देल लखिसली कुरतुन. 9 लेकीन आंदुर ईद केळकु धोड्डेर टु हळकु स्याणेर ताका, ऊंद ऊंद माळकु होट्ट बुटुर, अदकि यीशु आबना ईतोदुन, अदकि आर्त अल्या बीच दा नदिरुकु ईतोदुर. 10 यीशु सरका आगकु आकनि से अंदुन, “हे आर्त, आंदुर येल होदुर? येन यारारा दण्ड इन आग्या कोटीदील?” 11 आक अंदुर, “हे प्रभु, याऊ ईला.” यीशु अंदुन “ना भी नीनी दण्ड इन आग्या कोळालीन; होग, अदकि बाक पाप माळबाळेत.”

यीशु दुनयिा अन ज्योर्ति

12 *यीशु बाक लॉकुर से अंदुन, “दुनयिा अन ज्योर्ति ना हुईन; जो नान हदि आगोदान आव अंधकार दा नळुतीदील; लेकीन जीवन इन ज्योर्ति सक्कीत.” 13 *फरीसीगोळ आऊन से अंदुर, “नी तान गवाही खुद अच कोळत्या, नीन गवाही सही हैलेच.” 14 यीशु आंदरी उत्तर कोट्टुन, “भला ही ना तान गवाही खुद अच कोळतीन, तरी भी नान गवाही खरा आद, यतकी ना जानसतीन का ना यल टु बंदीन अदकि यल होगतीन? लेकीन नीव जानसालीर का ना यल टु बरतीन या यल होगतीन. 15 नीव मय इन अनुसार न्याय माळतीर; ना यारदु न्याय माळालीन. 16 अदकि अगर ना न्याय माळाईन भी, रा नान न्याय खरा आद; यतकी ना आबना हैलेच, लेकीन ना हुईन, अदकि आप्प आन याव नानी कळुदुन. 17 नीम व्यवस्था दा भी लखिसकु आद का येढ्ढ मुंदुर गवाही मल्लिसकु सही आगतद; 18 ऊंद रा ना खुद तान गवाही कोळतीन, अदकि दुसरा आप्प नान गवाही कोळतान याव नानी कळ्यान.” 19 आंदुर आऊन से अंदुर, “नीन आप्प यल आन?” यीशु उत्तर कोट्टुन, “ना नीव नानी जानसतीर, ना नान आप्प उक, अगर नानी जानसायदीर रा नान आप्प उक भी जानसायदीर.” 20 ई मातगोळी आव मंदरि दा उपदेश कोळतेला भंडार मान्या अंदुन, अदकि याऊ आऊक हळदीदलि, यतकी आऊन समय ईगासताका ईला बंदीत.

तान बारा दा यीशु उन कथन

21 यीशु बाक आंदुर से अंदुन, “ना होगतीन, अदकि नीव नानी ढुंढूसीर अदकि तान पाप दा सोत्तीर; यल ना होगतीन, अल नीव बर सकालीर.” 22 इदुर मा यहूदीगोळ अंदुर, “येन आव तान तान इक कौद बुटान, जो अनतान, ‘यल ना होगतीन अल नीव बर सकालीर.’ ” 23 आव आंदुर से अंदुन, “नीव ल्यालमा नोर हुईर, ना म्याकुच इनव हुईन; नीव दुनयिा नोर हुईर, ना दुनयिा इनव आल्लच. 24 इदुरसाटी ना नीम से अंदीन का तान पापगोळ दा सोत्तीर, यतकी अगर नीव वश्वास माळतीदील का ना आवा हुईन रा तान पापगोळ दा सोत्तीर.” 25 आंदुर आऊन से अंदुर, “नी याव हुय?” यीशु आंदुर से अंदुन, “आवा हुईन जो सुरूवात टु नीम से अनतेला बंदीन. 26 नीम बारा दा नानी हापाळ येनारा अनोद अदकि नरिणय माळोद आद; लेकीन नान कळावाळा खरा आन, अदकि जो ना आऊन से केळदीन अदा दुनयिा अक अनतीन.” 27 आंदुर ईद समसीदील का नाम से आप्प उन बारा दा अनतान. 28 आग यीशु अंदुन, “याग नीव मंळसा अन पार उक म्याकुच येरसीर, रा जानसीर का ना आवा हुईन; ना तान तान

से येनु माळालीन लेकीन ह्यांग नान आप्प नानी कलस्यान हांग अच ई मातगोळी अनतीन. 29 नान कळावाळा नान सांगुळ आन; आव नानी आबना बटिदलि यतकी ना सदा अदा कयाल्सा माळतीन यदुर देल आव प्रसन्न आगतान.” 30 आव ईव मातगोळी अनतेला अच ईरोन का हापाळ मुंदुर आऊन मा वशिवास माळदुर.

सच्चाई नीमी स्वतंत्र माळीत

31 आग यीशु आ यहुदीगोळ से यार आऊन मा वशिवास माळीदुर, अंदुन, “अगर नीव नान वचन दा बन्सकु ईत्तीर, रा सही दा नान चेलागोळ ठहूसीर. 32 नीव सही अक जानसीर, अदकि सही नीमी स्वतंत्र माळीत.” 33 आंदुर आऊक उत्तर कोट्टुर, “नाव रा अब्राहम उन वंश टु आयेव, अदकि यागलु यारदु दास आगीदील. बाक नी ह्यांग अनत्या का नीव स्वतंत्र आगेदीर?” 34 यीशु आंदरी उत्तर कोट्टुन, “ना नीम से खरा खरा अनतीन का जो यावारा पाप माळतान आव पाप इन दास आन. 35 दास सदा मान्या ईरालुन; पार सदा ईरतान. 36 इदुरसाटी अगर पार नीमी स्वतंत्र माळयान, रा सचमुच नीव स्वतंत्र आगेदीर. 37 ना जानसतीन का नीव अब्राहम उन वंश टु आईर; तरी नान वचन नीम दलि दा जागा हुडाल्द, इदुरसाटी नीव नानी कोंद बुळोद चाहासतीर. 38 ना अदा अनतीन, जो तान आप्प उन मान्या नोळदीन; अदकि नीव अदा माळतेला ईरतीर जो नीव तान आप्प उन से केळदीर.” 39 आंदुर आऊक उत्तर कोट्टुर, “नाम आप्प रा अब्राहम हुन.” यीशु आंदुर से अंदुन, “अगर नीव अब्राहम उन औलाद आगयदीर, रा अब्राहम उन घाई कयाल्सा माळायदीर. 40 लेकीन ईग नीव नान घाई मंळसा अक कोंद बुळोद चाहासतीर, याव नीमी अद सही वचन हेळदुन जो परमेश्वर से केळदेव; हगि रा अब्राहम ईला माळीदुन. 41 नीव तान आप्प उन घाई कयाल्सा माळतीर.” आंदुर आऊन से अंदुर, “नाव व्यभचार देल पैदा आगीदील, नाम ऊंद आप्प आन मतलब परमेश्वर.” 42 यीशु आंदुर से अंदुन, “अगर परमेश्वर नीम आप्प ईरायदुन, रा नीव नान से प्यार ईटायदीर; यतकी ना परमेश्वर उन दी टु बंदीन. ना खुद देल बंददील, लेकीन आवा नानी कळयान. 43 नीव नान मात येती समसालीर? इदुरसाटी का नीव नान वचन केळ सकालीर. 44 नीव तान आप्प शैतान उन दी टु आईर अदकि तान आप्प उन लालसागोळी पुरा माळोद चाहासतीर. आव रा सूरवात टु हत्यारा आन अदकि सही मा संची ईतीदील; यतकी सही आऊन दा हैलेच. याग आव ख्वाटा माताळतान, रा तान स्वभाव देल अच माताळतान; यतकी आव झुटा आन अदकि झुट इन आप्प आन. 45 लेकीन ना जो खरा माताळतीन, इदुरदा साटी नीव नांद वशिवास माळालीर. 46 नीम दा टु याव नानी पापी ठहूसतान? अगर ना खरा माताळतीन, रा नीव नान वशिवास येती माळालीर? 47 जो परमेश्वर टु आगतान, आव परमेश्वर उन मातगोळी केळतान; अदकि नीव इदुरसाटी केळालीर का परमेश्वर उन दी टु आल्लच.”

यीशु अदकि अब्राहम

48 ईद केळकु यहुदीगोळ यीशु से अंदुर, “येन नाव खरा अनालेव का नी सामरी हुय, अदकि नीन दा दुष्टआत्मा आद?” 49 यीशु उत्तर कोट्टुन, “नान दा दुष्टआत्मा हैलेच; लेकीन ना तान आप्प उन आदर माळतीन, अदकि नीव नान नरिदर माळतीर. 50 लेकीन ना तान प्रतषिटा चाहासालीन; हव, ऊंद आन जो चाहासतान अदकि न्याय माळतान. 51 ना नीम से खरा खरा अनतीन का अगर यावारा मंळसा नान वचन मा नळदान, रा आव अनन्त काल ताका मृत्यु अक नोळतीदलि.” 52 यहुदीगोळ आऊन से अंदुर, “ईग नाव जान्स कोंडेव का नीन दा दुष्टआत्मा आद. अब्राहम सोतोदुन, अदकि भवषियवक्तागोळ भी सोतोग्यार; अदकि नी अनत्या, ‘अगर यावारा नान वचन मा नळदान रा आव अनन्त काल ताका मृत्यु नोळतीदलि.’ 53 नाम आप्प अब्राहम रा सोतोदुन. येन नी आऊन से धोड्डेव आय? अदकि भवषियवक्तागोळ भी सोतोदुर. नीमी येन हततद का नीव येन हुईर?” 54 यीशु उत्तर कोट्टुन, “अगर ना खुद तान महमि माळाईन, रा नान महमि येनु ईला; लेकीन नान महमि माळावाळा नान आप्प आन, यारी नीव अनतीर का आव नीम परमेश्वर हुन. 55 नीव रा आऊक जानसीदील: लेकीन ना आऊक जानसतीन. अगर ना अनाईन का ना आऊक जानसालीन, रा ना नीम घाई ख्वाटा ठहूसईन; लेकीन ना आऊक जानसतीन अदकि आऊन वचन मा नळुतीन. 56 नीम आप्प अब्राहम नान हागुल नोळोद आशा देल हापाळ मग्न ईरोन; अदकि आव नोळदुन अदकि खुश आदुन.” 57 यहुदीगोळ आऊन से अंदुर, “ईगासताका नी पचास वर्ष इन हैलेच, तरी भी नी अब्राहम उक नोळ्या?” 58 यीशु आंदुर से अंदुन, “ना खरा खरा अनतीन, का पयले इदुरद का अब्राहम पैदा आदुन, ना आईन.” 59 आग आंदुर आऊक बडोर साटी कल्ल नेगदुर, लेकीन यीशु होचकु मंदरि टु होट्टुदुन.

9

जनम इन कुढ्ढ उक कण्ण कोळोद

1 होगाहोती यीशु ऊंद मंळसा अक नोळदुन जो जनम टु कुढ्ढ ईरोन. 2 आऊन चेलागोळ आऊन से केळदुर, “हे गुरु, याव पाप माळीदुन की ईव कुढ्ढ पैदा आदुन, ई मंळसा या ईऊन मोय या ईऊन आप्प?” 3 यीशु उत्तर कोट्टुन, “ना रा ईव पाप माळीदुन, ना ईऊन मोय ना आप्प; लेकीन ईद इदुरसाटी आत क्कि परमेश्वर उन क्क्याल्सा आऊन मा प्रगट आगुल. 4 याव नानी कळ्यान, नामी आऊन क्क्याल्सा हागुल ईरतेला अच माळोद जरूरी आद; अद ईळ्लक बरोद आद यदुरदा याऊ क्क्याल्सा माळ सकतीदलि. 5 *यागासताका ना दुनयाि दा आईन, आगासताका दुनयाि अन ज्योती आईन.” 6 ईद अनकु आव जागा मा ऊगुळदुन, अदकि आ ऊगळा देल मुण्ण इक काल्सदुन, अदकि अद मुण्ण आ कुढ्ढ उन कण्णगोळ मा हचकु 7 *आऊन से अंदुन, “होग, शीलोह अन कुण्ड दा तोळकोम” आव होगकु तोळदुन, अदकि नोळतेला वापस बंदुन. 8 आग आऊन बाजुवाळे अदकि यार पयले आऊक भीख बेळतेला नोळीदुर, अनली कुरतुर, “येन ईव आवा आल्लच, जो कुरतकु भीख बेळतोगोन?” 9 येनारा लॉकुर अंदुर, “ईव आवा हुन,” दुसरागोळ अंदुर, “ईला, लेकीन आऊन घाई आन.” आव अंदुन, “ना आवा हुईन.” 10 आग आंदुर आऊन से केळली कुरतुर, “नीन कण्णगोळ ह्यांग खुलसेदव?” 11 आव उत्तर कोट्टुन, “यीशु हेसुर इन ऊंद मंळसा मुण्ण काल्सदुन, अदकि नान कण्णगोळ मा हचकु नान से अंदुन, ‘शीलोह दा होगकु तोळकोम,’ इदुरसाटी ना होदीन अदकि तोळदनि अदकि नोळली कुरतीन.” 12 आंदुर आऊन से केळदुर, “आव यल आन?” आव अंदुन, “ना जान्सालीन.”

फरीसीगोळ द्वारा चंगाई इन जाँच पळताल

13 लॉकुर आऊक जो पयले कुढ्ढ ईरोन फरीसीगोळ हात्ती ओतुर. 14 याता दशी यीशु मुण्ण काल्सकु आऊन कण्णगोळी तेरदीदुन, अद आराम इन दनि ईरोद. 15 बाक फरीसीगोळ भी आऊन से केळदुर की आऊन कण्णगोळ याता रीति देल खुलसेदव. आव आंदुर से अंदुन, “आव नान कण्णगोळ मा मुण्ण हचदुन, बाक ना तोळु कौडीन, अदकि ईग ना नोळ सकतीन.” 16 इदुर मा येनारा फरीसी अनली कुरतुर, “ई मंळसा परमेश्वर उन दी टु आल्लच, यतकी आव आराम इन दनि मानसालुन.” दुसरागोळ अंदुर, “पापी मंळसा हगि चमत्कार ह्यांग तोरस सकतान?” इदुरसाटी आंदुर दा फूट बदीत. 17 आंदुर आ कुढ्ढ मंळसा से मात्त अंदुर, “आव नीन कण्णगोळी खोलसयान. नी आऊन बारा दा येन अनत्या?” आव अंदुन, “आव भवषियवक्ता आन.”

18 लेकीन यहूदीगोळी वशिवास आगीदील की आव कुढ्ढ ईरोन अदकि ईग नोळतान, यागासताका आंदुर आऊन, यार्द कण्णगोळ खुलसेगीदव, आऊन मोय-आप्प उक कारूकु 19 आंदुर से केळीदील, “येन ईव नीम पार हुन, यारी नीव अनतीर की कुढ्ढ पैदा आगीदुन? बाक ईग ह्यांग नोळतान?” 20 आऊन मोय-आप्प उत्तर कोट्टुन, “नाव रा जान्सतेव की ईव नाम पार हुन, अदकि कुढ्ढ पैदा आगीदुन: 21 लेकीन नाव ईद जानसालेव की ईग ह्यांग नोळतान, अदकि ना ईद जान्सतेव की याव आऊन कण्णगोळी तेरदुन. आव स्याणा आन, आऊन से अच केळ कोमी: आव तान बारा दा खुद अंद बुटान.” 22 ई मातगोळी आऊन मोय आप्प इदुरसाटी अंदुर यतकी आंदुर यहूदीगोळ से अंजोर, यतकी यहूदी ऊंद मत आगोदीदुर की अगर यावारा अंदान की आव मसीह हुन, रा आव सभागूह टु तेगुकु आदान. 23 ईदा कारण आऊन मोय आप्प अंदुर, “आव स्याणा आन, आऊन से अच केळ कोमी.”

24 आग आंदुर आ मंळसा अक जो कुढ्ढ ईरोन, दुसरा घन कारूकु आऊन से अंदुर, “परमेश्वर उन स्तुती माळ. नाव रा जान्सतेव की आ मंळसा पापी आन.” 25 आव उत्तर कोट्टुन, “ना जानसालीन की आव पापी आन या हैलेच; ना ऊंद मात जान्सतीन की ना पयले कुढ्ढ ईरीन अदकि ईग नोळतीन.” 26 आंदुर आऊन से मात्त अंदुर, “आव नीन सांगुळ येन माळदुन? अदकि याता प्रकार देल नीन कण्णगोळी खोलसदुन?” 27 आव आंदुर से अंदुन, “ना रा नीम से अंद कौडीन, अदकि नीव केळीदील; ईग दुसरा घन येती केळोद चाहासतीर? येन नीव भी आऊन चेला बनसोद चाहासतीर?” 28 आग आंदुर आऊक बुरा भला अनली कुरतुर, “नी अच आऊन चेला आय, नाव रा मूसा अन चेला हुयेव. 29 नाव जान्सतेव की परमेश्वर मूसा से मातगोळी हेळदुन; लेकीन ई मंळसा अक जानसालेव की येलेव हुन.” 30 आव आंदुरी उत्तर कोट्टुन, “ईद रा आश्चर्य अन मात आद की नीव जानसालीर की आव येलेव हुन, लेकीन आव नान कण्णगोळी खोलस बुटुन. 31 नाव जान्सतेव की परमेश्वर पापीगोळ्द केळालुन, लेकीन

* 9:5 १:५ मत्ती ५:१४; यूहन्ना ८:१२ * 9:7 १:७ शीलोह अन मतलब “कळुकु आगोद” हुन.

अगर यावारा परमेश्वर उन भक्त आन अदकि आऊन इच्छा मा नळुतान, रा आव आऊन केळतान. ³² दुनिया अन सुरूवात देल ईद यागलु केळदुर दा बंददील कऱियावारा जनम इन कुढढ उन कण्णगोळी खोलसदुन. ³³ अगर ईव मंळसा परमेश्वर उन दी टु ईला ईरायदुन, रा येनु भी ईला माळ सकायदुन.” ³⁴ आंदुर आऊक उत्तर कोट्टुर, “नी रा बलिकूल पापगोळ दा पैदा आग्या, नी नामी येन कल्सत्या?” अदकि आंदुर आऊक व्हार्या तेगद बुटुर.

आत्मकि कुढढपन

³⁵ यीशु केळदुन कऱि आंदुर आऊक व्हार्या तेगद बुटुर, अदकि याग आऊन से भेट आत रा अंदुन, “येन नी परमेश्वर उन पार उन मा वशिवास माळत्या?” ³⁶ आव उत्तर कोट्टुन, “हे प्रभु, आव याव हुन, कऱि ना आऊन मा वशिवास माळाईन?” ³⁷ यीशु आऊन से अंदुन, “नी आऊक नोळ्या, अदकि जो नीन सांगुळ मातगोळी हेळेत्यान आव आवा हुन.” ³⁸ आव अंदुन, “हे प्रभु, ना नीन मा वशिवास माळतीन.” अदकि आऊक बांगकु प्रणाम माळदुन. ³⁹ आग यीशु अंदुन, “ना ई दुनिया दा न्याय इन साटी बंदीन, ताकी जो नोळालुर आंदुर नोळुल, अदकि जो नोळतार आंदुर कुढढ आगोगुल.” ⁴⁰ जो फरीसी आऊन सांगुळ ईरोर आंदुर आऊन ई मातगोळी केळकु आऊन से अंदुर, “येन नाव भी कुढढ आयेव?” ⁴¹ यीशु आंदुर से अंदुन, “अगर नीव कुढढ ईरायदीर रा पापी ईला ठहूसायदीर; लेकीन ईग अनतीर कऱि नाव नोळतेव, इदुरसाटी नीम दा पाप बन्सकु ईरतद.

10

चरवाहा अदकि म्यांडागोळ्द उदाहरण

¹ “ना नीम से खरा खरा अनतीन कऱि जो यावारा दरवाजा टु म्यांडाशाला दा प्रवेश माळालुन, लेकीन दुसरा दी टु येरतान, आव कालळ अदकि डाकू हुन. ² लेकीन जो दरवाजा टु बुळ्क प्रवेश माळतान आव म्यांडागोळ्द चरवाहा हुन. ³ आऊन साटी चौकीदार दरवाजा खोलस बुळतान, अदकि म्यांडा आऊन आवाज केळताव, अदकि आव तान म्यांडागोळी हेसुर ताकोम ताकोमकु कारूतान अदकि व्हार्या वोयतान. ⁴ याग आव तान सप्पा म्यांडागोळी व्हार्या तेगु कोमतान, रा अऊर मुंद मुंद नळुतान, अदकि म्यांडागोळ आऊन हदि हदि आगोगताव, यतकी अव आऊन आवाज अरूताव. ⁵ लेकीन अव दुसरा अन हदि होगतीदील, लेकीन आऊन से दुर ओळेव, यतकी अव दुसरा अन आवाज अरालव.” ⁶ यीशु आंदुर से ईद उदाहरण अंदुन, लेकीन आंदुर समसीदील कऱि ईव याता मातगोळ हू जो आव नाम से अनतान.

यीशु वळ्लेव चरवाहा

⁷ आग यीशु आंदुर से मातूत अंदुन, “ना नीम से खरा खरा अनतीन, म्यांडागोळ दरवाजा ना हुईन. ⁸ यास नान से पयले बंदुर आंदुर सप्पा कालळुर अदकि डाकू उर, लेकीन म्यांडागोळ आंदुर केळीदील. ⁹ दरवाजा ना हुईन; अगर यावारा नान द्वारा बुळ्क प्रवेश माळ्यान, रा उद्धार सकिकीत, अदकि बुळ्क व्हार्या होगत बरत ईततान अदकि चारा सकिकीत. ¹⁰ कालळ यातोदारा क्याल्सा अन साटी ईला लेकीन सरिफ चोरी माळली अदकि घात माळली अदकि नाश माळली इक बरतान; ना इदुरसाटी बंदीन कऱि आंदरी जीवन सकिकुल, अदकि हापाळ जीवन सकिकुल.”

¹¹ “वळ्लेव चरवाहा ना हुईन; वळ्लेव चरवाहा म्यांडागोळ साटी तान जीव कोळतान. ¹² मजदूर जो ना चरवाहा आन अदकि ना म्यांडागोळ मालकि आन, लांडग्या अक बरत नोळ म्यांडागोळी बटिकु वोळेतान; अदकि लांडग्या अवरी हुडुतद अदकि ततिर बतिर माळ बुळतद. ¹³ आव इदुरसाटी वोळेतान कऱि आव मजदूर हुन, अदकि आऊक म्यांडागोळ चति हैलेच. ¹⁴ वळ्लेव चरवाहा ना हुईन; ना तान म्यांडागोळी जानसतीन, अदकि नान म्यांडागोळ नानी जानसताव. ¹⁵ ह्यांग आप्प नानी जानसतान अदकि ना आप्प उक जानसतीन अदकि ना म्यांडागोळ साटी तान जीव कोळतीन. ¹⁶ नान अदकि भी म्यांडागोळ आव, जो ई म्यांडाशाला अन आल्लच. नानी अवरी भी तरोद जरूरी आद. अव नान आवाज केळेव, आग ऊंद अच झुण्ड अदकि ऊंद अच चरवाहा ईततान. ¹⁷ आप्प इदुरसाटी नान से प्यार ईटतान कऱि ना तान जीव कोळतीन कऱि अदरी मातूत ताकोम कोमाईन. ¹⁸ याऊ अदरी नान से कसालुन, लेकीन ना अदरी खुद अच कोळतीन. नानी आऊंद कोळोद भी अधिकार आद, अदकि अदरी बाक ताकोम कोमोद भी अधिकार आद: ईद आग्या नान आप्प उन देल नानी सकियाद.”

19 ई मातगोळ कारण यहूदीगोळ दा मातूत फूट बंदित. 20 आंदुर से हापाळ सा लॉकुर अनली कुरतुर, “आऊन दा दुष्टआत्मा आद, अदकि आव येर आन; आऊंद येती केळतीर?” 21 अन्य लॉकुर अंदुर, “ई मातगोळ ईत्ता मंळसा नव आल्लच यारदा दुष्टआत्मा आद. येन दुष्टआत्मा कुढ्ढगोळ कण्णगोळी खोल्स सकतद?”

यीशु उक नकारसोद

22 यरूशलेम दा स्थापना हाब्व मनुस्कु आगोद; अदकि सोळ इन दनि ईरव. 23 यीशु मंदरि दा सुलैमान उन छपर्या दा टेटाळोन. 24 आग यहूदीगोळ आऊक बंदकु घेरसदुर अदकि केळदुर, “नी नाम मन इक यागासताका दुवधि दा ईट्या? अगर नी मसीह हुय रा नाम से साफ साफ अंद बुळ.” 25 यीशु आंदरी उत्तर कोट्टुन, “ना नीम से अंद बुटीन पर नीव वशिवास अच माळालीर. जो क्याल्सा ना तान आप्प उन हेसुर देल माळतीन अव अच नान गवाह हु, 26 लेकीन नीव इदुरसाटी वशिवास माळालीर यतकी नीव नान म्यांडागोळ दा टु आल्लच. 27 नान म्यांडागोळ नान आवाज केळताव; ना अवरी जानसतीन, अदकि अव नान हदि हदि नळुताव; 28 अदकि ना अवरी अनन्त जीवन कोळतीन. अव यागलु नाश आगतीदील, अदकि याऊ अवरी नान कय दा टु कसु सकालुन. 29 नान आप्प, याव अवरी नानी कोटान, सप्पा से धोड्डेव आन अदकि याऊ अवरी आप्प उन कय देल कसु सकालुन. 30 ना अदकि नान आप्प ऊंद आयेव.” 31 यहूदीगोळ आऊन मा पथराव माळोर साटी मातूत कल्लगोळी नेगदुर. 32 इदुर मा यीशु आंदुर से अंदुन, “ना नीमी तान आप्प उन दी टु हापाळ सा भला क्याल्सा तोरसदीन; अऊर दा टु याता क्याल्सा अन साटी नीव नान मा पथराव माळतीर?” 33 यहूदीगोळ आऊक उत्तर कोट्टुर, “भला क्याल्सा अन साटी नाव नीन मा पथराव माळालेव लेकीन परमेश्वर उन अपमान माळोद कारण; अदकि इदुरसाटी की नी मंळसा आगकु भी तान तान इक परमेश्वर माळत्या.” 34 यीशु आंदरी उत्तर कोट्टुन, “येन नीम व्यवस्था दा लखिसकु हैलेच, ‘ना अंदीन, नीव मय हुईर?’ 35 अगर आव आंदरी मय अंदुन यार हात्ती परमेश्वर उन वचन पोहचुसत अदकि शास्त्र अन मात ख्वाटा आग सकालव. 36 रा यारी आप्प पवतिर ठहरूसकु दुनिया दा कळुदुन, नीव आऊन से अनतीर, ‘नी अपमान माळत्या,’ इदुरसाटी की ना अंदीन, ‘ना परमेश्वर उन पार हुईन?’ 37 अगर ना तान आप्प उन क्याल्सा माळालीन, रा नान वशिवास माळबाळी. 38 लेकीन अगर ना माळतीन, रा चाहे नान वशिवास भी माळबाळी, लेकीन आ क्याल्सागोळ्द रा वशिवास माळी, ताकी नीव जानसी अदकि समसी की आप्प नान दा आन अदकि ना आप्प दा आईन.” 39 आग आंदुर मातूत आऊक हुडोद कोशशि माळदुर लेकीन आव आंदुर कय दा टु होटबुटुन.

40 *बाक आव यरदन इन आप्पाटी आ जागा मा ओळेदुन, यल यूहन्ना पयले वपतस्मा कोळतोगोन, अदकि अल्या ईत्तुन. 41 हापाळ सा लॉकुर आऊन हात्ती बंदकु अनतोगोर, “यूहन्ना रा यातोदु चमत्कार तोरसीदील, लेकीन जो येनारा यूहन्ना ईऊंद बारा दा अंददिन, अद सप्पा सही ईरोद.” 42 अदकि अल हापाळ सा लॉकुर यीशु मा वशिवास माळदुर.

11

लाजर उन मृत्यु

1 *मरयिम अदकि आकनि आकतींग मारथा अन्द ऊर बैतनयियाह अन्द लाजर हेसुर इन ऊंद मंळसा बमिर ईरोन. 2 *इक आका मरयिम ईरोर यार प्रभु मा अत्तर हाककु आऊन कालगोळी तान चुट्टीगोळ देल सटीदुर, ईकी नवा वार्ट लाजर बमिर ईरोन. 3 इदुरसाटी आऊन आकतींगेर यीशु उक बातणी कळुदुर, “हे प्रभु, नोळ, यार से नी प्यार ईटत्या, आव बमिर आन.”

4 ईद केळकु यीशु अंदुन, “ईद बमिरी सायोद आलच; लेकीन परमेश्वर उन महमा अन्द साटी हुन, की आऊन द्वारा परमेश्वर उन पार ऊंद महमा आगुल.”

5 यीशु मारथा अदकि आकनि आकतींग अदकि लाजर से प्यार ईटतोगोन. 6 तरी भी याग आव केळदुन की आव बमिर आन, रा याता जागा मा आव ईरोन, अल येढ्ढ दनि मातूत रूकसेदुन. 7 ईदुर बाददा आव चेलागोळ से अंदुन, “बरी, नाव मातूत यहूदिया नगर इक होगाता.”

8 चेलागोळ यीशु से अंदुर, “हे गुरु, ईगल्या रा यहूदी लॉकुर नीन मा कल्लगोळी होडोद चाहासोर, अदकि येन नी मातूत अल्या होगोद चाहासत्या?”

9 यीशु उत्तर कोट्टुन, “येन हागुल ईनव हन्नेळ घंटा ईरालव? अगर यावारा हागुल इन होती नळुतान रा ठोकर तनिलुन, यतकी ई दुनया अन्द उजुळ नोळतान. 10 लेकीन अगर यावारा ईळलक इन होती नळुतान रा ठोकर तनितान, यतकी अदुरदा उजुळ हैलेच.” 11 आव ई मातगोळ अंदुन, अदकि ईदुर बाद्दा आंदुर से अनली कुरुतुन, “नाम संगी लाज़र मगिग्यान, लेकीन ना आऊक येब्सली होगतीन.”

12 आग चेलागोळ आऊन से अंदुर, “हे प्रभु, अगर आव मगिग्यान, रा वळ्लेव आगेदान.” 13 यीशु रा आऊन मृत्यु ऊंद बारा दा अंददिन, लेकीन आंदरी हगि हत्त क्क आव जप देल मगिगोद बारा दा अंदान. 14 आग यीशु आंदुर से साफ साफ अंद बुट्टुन, “लाज़र सोतोग्यान; 15 अदकि ना नीम कारण खुश आईन क्कना अल ईला ईरीन यदुर देल नीव वशिवास माळी. लेकीन ईग बरी, नाव आऊन हात्ती होगाता.” 16 आग थोमा यारी ददिमुस अनतार, तान साथी चेलागोळ से अंदुन, “बरी, नाव भी आऊन सांगुळ सायली होगाता.”

यीशु ऊंद पुनरूत्थान अदकि जीवन

17 अल होगदुर मा यीशु उक ईद मालूम आत क्कलाज़र उक कब्र दा ईटकु नाक दनि आगेग्याव. 18 बैतनय्याह यरूशलेम इन हात्ती येढ्ढ मील इन दुरी मा ईरोद. 19 हापाळ सा यहूदी मारथा अदकि मरयिम इन हात्ती आकनि वार्ट ऊंद मृत्यु मा शांती कोळोर साटी बंदीदुर.

20 याग मारथा यीशु ऊंद बरोद समाचार केळदुर रा आऊन से मुलाकात माळली होदुर, लेकीन मरयिम मान्या अच ईत्तुर. 21 मारथा यीशु से अंदुर, “हे प्रभु, अगर नी ईल ईराईद, रा नान वार्ट ईला सायायदुन. 22 लेकीन ना ईग भी जान्सतीन क्कनी जो येनारा परमेश्वर से बेळ्या, परमेश्वर नीनी कोट्टान.”

23 यीशु आकनि से अंदुन, “नीन वार्ट मात्त जत्तिता आदान.”

24 मारथा आऊन से अंदुर, “ना जान्सतीन क्क आखरी दनिगोळ दा पुनरूत्थान इन समय आव जत्तिता आदान.”

25 यीशु आकनि से अंदुन, “पुनरूत्थान अदकि जीवन ना अच हुईन; जो यावारा नान मा वशिवास माळतान आव अगर सोतो भी दान तरी भी जत्तिता आदान, 26 अदकि जो यावारा जत्तिता आन अदकि नान मा वशिवास माळतान, आव अनन्त काल ताका सायतीदील. येन नी ई मात मा वशिवास माळत्या?”

27 आक आऊन से अंदुर, “हव हे प्रभु, ना वशिवास माळतीन क्क परमेश्वर उन पार मसीह जो दुनया दा बरावाळा ईरोन, आव नी अच हुय.”

यीशु वर्लदुन

28 ईद अनकु आक होटोदुर, अदकि तान आकतीग मरयिम इक कारूकु सुंगासुंग अंदुर, “गुरु ईवा हुन अदकि नीनी कारूतान.” 29 ईद केळ्त अच आक तुरन्त यदकु आऊन हात्ती बंदुर. 30 यीशु ईगल्या ऊर दा बरली इक ईरोन लेकीन अदा जागा मा ईरोन यल मारथा आऊन से मुलाकात माळीदुर. 31 आग जो यहूदी आऊन सांगुळ मान्या ईरोर अदकि आऊक शांती कोळोर, ईद नोळकु क्क मरयिम तुरन्त यदकु व्हार्या होग्यार आंदुर ईद सम्सदुर क्क आक कब्र मा वरली होगेत्यार, रा आकनि हदि आगेदुर.

32 याग मरयिम अल पोहचुसदुर यल यीशु ईरोन, रा आऊक नोळ्त अच आऊन कालगोळ मा बदिदुर अदकि अंदुर, “हे प्रभु, अगर नी ईल ईराईद रा नान वार्ट ईला सायायदुन.”

33 याग यीशु आक इक अदकि आ यहूदीगोळी जो आकनि सांगुळ बंदीदुर, वर्लतेला नोळदुन, रा तान आत्मा दा हापाळ अच उदास अदकि व्याकुल आदुन, 34 अदकि अंदुन, “नीव आऊक यल ईटीर?”

आंदुर आऊन से अंदुर, “हे प्रभु, नळुकु नोळ कोम.”

35 यीशु वर्लदुन. 36 आग यहूदी अनली हतदुर, “नोळी, आव आऊन से याट प्यार ईटतान.”

37 लेकीन आंदुर दा टु थ्वाळासा यहूदीगोळ अंदुर, “येन ईव याव कुढ्ढ मंळसा अन्द कण्णगोळ तेरदुन, येन ईद भी माळ सकदिील क्क ई मंळसा ईला सायायदुन?”

यीशु लाज़र उक जत्तिता माळदुन

38 यीशु तान मन दा मात्त हापाळ अच उदास आगकु कब्र मा बंदुन. अद ऊंद गुफा ईरोद अदकि ऊंद कल्ल आ गुफा मा ईटकु ईरोद. 39 यीशु अंदुन, “कल्ल सरकुसी.”

जो सोतकु ईरोन आऊन आकतीग मारथा आऊन से अनली हतदुर, “हे प्रभु, आऊन दा टु ईग वास बरतद, यतकी आऊक सोतकु नाक दनि आगेग्याव.”

40 यीशु आकनि से अंदुन, “येन ना नीन से ईला अंददिन कि अगर नी विश्वास माळ्या, रा परमेश्वर ऊंद महमा अक नोळ्या.” 41 आग आंदुर आ कल्ल इक सरकुसदुर. यीशु तान कण्णगोळ नेगुकु अंदुन, “हे आप्पा, ना नींद धन्यवाद माळतीन कि नी नांद केळ कोंड्या. 42 ना जानसीन कि नी हमेशा नांद केळत्या, लेकीन जो भीळ आसपास नदिरकु आद, आंदुर कारण ना हगि अंदीन, यदुर देल कि आंदुर विश्वास माळ्ल कि नी नानी कळ्या.” 43 ईद अंदकु आव धोळ्द आवाज देल कारदुन, “हे लाजर, व्हार्या बा!” 44 जो सोतोगदिन आव कब्र दा टु ह्यांग आऊनव कय काल कटकु ईरव हांगा व्हार्या बंदुन, अदकि आऊन बाय गमच्छा देल होचकु ईरोद. यीशु आंदुर से अंदुन, “आऊक तेरू बुळी अदकि होगगोळी.”

यीशु उन खलिाप साजीश

(मत्ती २६:१-५; मरकुस १४:१,२; लूका २२:१,२)

45 आग जो यहूदी मरयिम इन हात्ती बंदीदुर अदकि यीशु उन ईद कयाल्सा नोळीदुर, आंदुर दा टु हापाळ मुंदुर आऊन मा विश्वास माळदुर. 46 लेकीन आंदुर दा टु थ्वाळासा यहूदीगोळ फरीसीगोळ्द हात्ती होगकु यीशु उन कयाल्सागोळ्द बातणी कोट्टुर. 47 ईदुर मा प्रधान याजकगोळ अदकि फरीसीगोळ महासभा कार्सदुर, अदकि अंदुर, “नाव येन माळेतेव? ई मळसा रा हापाळ चमत्कार तोरसतान. 48 अगर नाव आऊक हगि अच बटि बुटेव, रा सप्पा आऊन मा विश्वास माळ कोंडार, अदकि रोमी साम्राज्य अन्द लॉकुर बंदकु नाम जागा अदकि जाती येदुदु मा अधिकार माळ कोंडार.”

49 आग आंदुर दा टु कैफा हेसुर ईनव ऊंद मळसा जो आ वर्ष ईनव महायाजक ईरोन, आंदुर से अंदुन, “नीव येनु अच जानसालीर; 50 अदकि ना नीमी ईद ऊम्सतद कि नीम साटी ईद वळ्लीद आद कि नाम लॉकुर्द साटी ऊंद मळसा सायुल, अदकि सप्पा जाती इन नाश आगबाळुल.” 51 ईद मात आव तान दी टु अंददिल, लेकीन आ वर्ष इन महायाजक आगकु भवषियवाणी माळदुन, कि यीशु आ जाती इन साटी सोत्तान; 52 अदकि ना सर्पि आ जाती इन साटी, उलटा इदुरसाटी भी कि परमेश्वर उन जो ततिर-बतिर औलाद आव अवरी ऊंद माळ सकुल.

53 इदुरसाटी अदा दनि टु आंदुर आऊक कोंद बुळोद साजीश माळली कुरतुर. 54 इदुरसाटी यीशु आ समय टु यहूदीगोळ दा प्रगट आगकु टेटीदलि, लेकीन अल टु आळी इन हात्तीपास इन प्रदेश इन इफ्राईम हेसुर इन ऊंद नगर इक होटोदुन; अदकि तान चेलागोळ्द सांगुळ अल्या ईरली कुरतुन.

55 यहूदीगोळ्द फसह अन्द हाब्ब हात्ती ईरोद, अदकि हापाळ सा लॉकुर फसह से पयले देहात टु यरूशलेम इक होदुर कि तान तान इक शुद्ध माळुल. 56 इदुरसाटी आंदुर यीशु उक दुदुसली हतदुर अदकि मंदिर दा नदिरकु आपस दा अनली हतदुर, “नीव येन सोचतीर? येन आव हाब्ब दा बरतीदील?” 57 प्रधान याजकगोळ अदकि फरीसीगोळ ईद आदेश कोटकु ईटीदुर कि यावारा यीशु उक नोळुल रा खबर कोळुल, कि आंदुर आऊक हुडु सकुल.

12

यीशु उन कालगोळ मा अत्तर हाक्कोद

(मत्ती २६:६-१३; मरकुस १४:३-९)

1 यीशु फसह हाब्ब इन आर दनि पयले बैतनय्याह दा बंदुन यल लाजर ईरोन, यारी यीशु सोत्तुर दा टु जतिता माळीदुन. 2 अल आंदुर आऊन साठी भोजन तयार माळदुर; अदकि मार्था स्यावा माळोर, अदकि लाजर आंदुर दा टु ऊंद ईरोन जो आऊन सांगुळ भोजन माळली कुरतीदुन. 3 *आग मरयिम जटामांसी इन आर्धा लीटर कमिती शुद्ध अत्तर तनकु यीशु उन कालगोळ मा हाकदुर, अदकि तान चुट्टीगोळ देल आऊन काल सटिदुर; अदकि अत्तर इन वास देल सप्पा मान्ना सुगन्धति आगेत. 4 लेकीन आऊन चेलागोळ दा टु यहूदा इस्करयिती हेसुर ईनव ऊंद चेला जो आऊक हुळसुसदुर मा ईरोन, अनली कुरतुन, 5 “ईद अत्तर मुर सौ दीनार दा मारकु कंगालगोळी येती कोटकु आगीदील?” 6 आव ईद मात इदुरसाटी अंददिल कि आऊक कंगालगोळ्द चनिता ईरोद लेकीन इदुरसाटी कि आव काळल ईरोन, अदकि आऊन हात्ती आंदुर्द झ्वारा ईरतोगोद अदकि अदुरदा जो येनारा भी हाक्कु आगतोगोद, आव तेगु कोम तोगोन.

7 यीशु अंदुन, “आऊक ईरगोळी. आऊक ईद नांद नळसा दशी इन साठी ईटगोळी. 8 यतकी कंगाल रा नीम सांगुळ सदा ईरतार, लेकीन ना नीम सांगुळ सदा ईरतीदील.”

लाजर इन वरिद्ध साजीश

9 याग यहूदीगोळ्द धोळ्द भीळ जान्सेत क्ति आव अल आन, रा आंदुर ना सर्फि यीशु उन कारण बंदुर लेकीन इदुरसाटी भी क्ति लाजर उक नोळुल, यारी आव सोत्तुर दा टु जत्तिता माळदुन. 10 आग प्रधान याजकगोळ लाजर उक भी कोद बुळोद साजीश रचुसदुर. 11 यत्कि आऊन कारण हापाळ सा यहूदी होटोदुर अदकि यीशु मा वशिवास माळदुर.

यरूशलेम दा वजिय-प्रवेश

(मत्ती २१:१-११; मरकुस ११:१-११; लूका १९:२८-४०)

12 दुसरा दशी हापाळ सा लॉकुर जो हाबब दा बंदीदुर ईद केळदुर क्ति यीशु यरूशलेम दा बरेत्यान. 13 इदुरसाटी आंदुर खजुर इन डगालगोळी हुळदुर अदकि आऊन से भेट माळोर साठी होट्टुर, अदकि कारूली कुरतुर, “होशाना*! धन्य इस्त्राएल ईनव राजा, जो प्रभु उन हेसुर देल बरतान.”

14 याग यीशु उक गधा अन्द पाड्डा सक्ति; रा आव अदुर मा कुरतुन, ह्यांग शास्त्र दा लखिसकु आद,

15 “हे सयियोन इन पोरी, अंजबाळ;

नोळ, नीन राजा

गधा अन्द पाड्डा मा येरकु नीन हात्ती बरेत्यान.”

16 आऊन चेलागोळ ई मातगोळी पयले सम्स सकदिील, लेकीन याग यीशु उन महिमा प्रगट आत रा आंदरी याद बत्त क्ति ई मातगोळ आऊन बारा दा लखिसकु ईरोव अदकि लॉकुर आऊन से ईदा प्रकार इन व्यवहार माळीदुर. 17 आग भीळ इन आ लॉकुर गवाही कोट्टुर, जो आ समय आऊन सांगुळ ईरोर याग आव लाजर उक कब्र दा टु कारूकु सोत्तुर दा टु जत्तिता माळदुन. 18 ईदा कारण लॉकुर आऊन से मुलाकात माळली बंदीदुर यत्कि आंदुर केळीदुर क्ति आव ईद आश्चर्यकर्म तोरसयान. 19 आग फरीसीगोळ आपस दा अंदुर, “सोची रा सही क्ति नीम से येनु बनसाल. नोळी, दुनिया आऊन हदि आगेत्याद.”

गैरयहूदीगोळ्द यीशु उक ढुंढसोद

20 जो लॉकुर आ हाबब दा आराधना माळली बंदीदुर आंदुर दा टु येनारा गैरयहूदी ईरोर. 21 आंदुर गलील इन बैतसैदा नोर ईरावाळेर फलिप्पुस उन हात्ती बंदकु आऊन से वनिती माळदुन, “श्रीमान, नाव यीशु से मुलाकात माळोद चाहासतेव.”

22 फलिप्पुस बंदकु अन्दरियास से अंदुन, आग अन्दरियास अदकि फलिप्पुस होगकु यीशु से अंदुन. 23 ईदुर मा यीशु आंदुर से अंदुन, “आ समय होट बंदाद क्ति मंळसा अन पार उन महिमा आगुल. 24 ना नीम से खरा खरा अनतीन क्ति यागासताका गोदी इन बीजा जमीन मा बदिक् सोतोगाल, अद आबना ईरतद; लेकीन याग सोतोगतद, रा हापाळ फसल तरतद. 25 *जो तान जीव इक प्रयि जान्सतान, आव अदरी खोऊस बुळतान; अदकि जो ई दुनिया दा तान जीव इक अप्रयि जान्सतान, आव अनन्त जीवन इन साठी अदुरद रक्षा माळयान. 26 अगर यावारा नान स्यावा माळयान, रा नान हदि आगेगुल; अदकि यल ना आईन, अल नान सेवक भी ईत्तान. अगर यावारा नान स्यावा माळयान, रा नान आप्प आऊन आदर माळयान.

कूरस इन मृत्यु इन इशारा

27 “ईग नान जीव व्याकुल आद. इदुरसाटी ईग ना येन अनाईन, ‘हे आप्पा, नानी ई घळी देल ऊळ्स?’ ईला, यत्कि ना ईदा कारण ई घळी इक पोहचुसीन. 28 हे आप्पा, तान हेसुर इन महिमा माळ.”

“आग ईद आकाशवाणी आत, ना आऊंद महिमा माळीन, अदकि मात्त माळाईन.”

29 आग जो लॉकुर नदिरकु केळोर आंदुर अंदुर क्ति बादल गरजुस्त. दुसरागोळ अंदुर, येनारा स्वर्गदूत आऊन से माताळदुन.

30 ईदुर मा यीशु अंदुन, “ईद आवाज नान साठी ईला, लेकीन नीम साठी बंदाद. 31 ईग ई दुनिया अन न्याय आगतद, ईग ई दुनिया अन सरदार तेगुकु आदान; 32 अदकि ना अगर पृथ्वी मा टु म्याकुच येरसकु आगाईन, रा सप्पा मुंदुरी तान हात्ती जेडाईन.” 33 हगि अंदकु आव ईद प्रगट माळ बुट्टुन क्ति आव ह्यांग मृत्यु देल सोत्तान.

* 12:13 १२:१३ प्रभु अन्द जय ☆ 12:25 १२:२५ मत्ती १०:३९; १६:२५; मरकुस ८:३५; लूका ९:२४; १७:३३

34 इदुर मा लॉकुर आऊन से अंदुर, “नाव व्यवस्था अनन्द ईद मात केळेव क्मिमीह हमेशा ईत्तान, बाक नी येती अनत्या क्मिमीह अनन्द पार उक म्याकुच येरसोद जरूरी आद? ईव मळसा अन पार याव हुन?”

35 यीशु आंदुर से अंदुन, “ज्योतीईग थ्वाळासा देर ताका नीम बीच दा आद. यागासताका ज्योतीनीम सांगुळ आद आगासताका नळुतेला ईरी, हगि आगबाळुल क्मिमीह अनंधकार नीमी बंदकु घेरसुल; जो अनंधकार दा नळुतान आव जानसालुन क्मिमीह यात्त होगतान. 36 यागासताका ज्योतीनीम सांगुळ आद, ज्योतीमा वशिवास माळी ताकी नीव ज्योती अन औलाद आगी.”

यहूदीगोळ अवशिवास दा बन्सकु ईरेतीर

ईव मातगोळी अंदकु यीशु ओळेदुन अदकि आंदुर से होचकु ईत्तुन 37 आव आंदुर मुंद ईस चमत्कार† तोरसदुन, तरी आंदुर आऊन मा वशिवास माळीदलि; 38 ताकी यशायाह भवषियवक्ता अनन्द वचन पुरा आगुल जो आव अंदुन:

“हे प्रभु, नाम बातणी इन याव वशिवास माळ्यान?

अदकि प्रभु अनन्द ताकत यार मा प्रगट आग्याद?”

39 ई कारण आंदुर वशिवास माळ सकदील, यतकी यशायाह ईद भी अंदान:

40 “आव आंदुर कण्णगोळी कुदद,

अदकि आंदुर मन कठोर माळ बुदुन;

येलयारा हगि आगबाळुल क्मिमीह आंदुर कण्णगोळ देल नोळुल,

अदकि मन देल समसुल,

अदकि तरिगुल,

अदकि ना आंदरी चंगा माळाईन.”

41 यशायाह ई मातगोळी इदुरसाटी अंदुन क्मिमीह आव आऊन महमिा नोळदुन, अदकि आव आऊन बारा दा मातगोळी हेळदुन.

42 तरी अधकिारीगोळ दा टु हापाळ लॉकुर आऊन मा वशिवास माळदुर, लेकीन फरीसीगोळ कारण प्रगट दा ईला मानसोर, येलयारा हगि आगबाळुल क्मिमीह आंदुर यहूदी लॉकुर सभागृह दा टु तेगुकु आदार: 43 यतकी मळसागोळ दी टु प्रशंसा आंदरी परमेश्वर उन दी टु प्रशंसा अनन्द अपेक्षा यक्कुल प्रिय हततोगोद.

यीशु नव वचन: न्याय इन आधार

44 यीशु कारूकु अंदुन, “जो नान मा वशिवास माळतान, आव नान मा ईला उलटा नान कळावाळा मा वशिवास माळतान. 45 अदकि जो नानी नोळतान, आव नान कळावाळा अक नोळतान. 46 ना दुनया दा ज्योती आगकु बंदीन, ताकी जो यावारा नान मा वशिवास माळुल आव अनंधकार दा ईरबाळुल. 47 अगर यावारा नान मातगोळी केळकु मानसालुन, रा ना आऊक दोषी ठहरूसालीन; यतकी ना दुनया अक दोषी ठहरूसोर साटी ईला, लेकीन दुनया अनन्द उद्धार माळोर साटी बंदीन. 48 जो नानी तुच्छ जानस्तान अदकि नान मातगोळी ग्रहण माळालुन आऊक दोषी ठहरूसावाळा रा ऊंद आन: मतलब जो वचन ना अंदीन, अदा हदिळोव दनि दा आऊक दोषी ठहरूसीत. 49 यतकी ना तान दी टु मातगोळी माळीदलि; लेकीन आप्प याव नानी कळ्यान आवा नानी आग्या कोटान क्मिमीह येन येन अनाईन अदकि येन येन माताळाईन? 50 अदकि ना जानसतीन क्मिमीह आऊन आग्या अनन्त जीवन आद. इदुरसाटी ना जो येनारा माताळतीन, अद ह्यांग आप्प नान से अंदान हांगा माताळतीन.”

13

यीशु उन चेलागोळद काल तोळोद

1 फसह इन हाब्व से पयले, याग यीशु जान्स कोंडुन क्मिमीह नांद आ घळी होट्ट बंदाद क्मिमीह दुनया बटिकु आप्प उन हात्ती होगीन, रा तान लॉकुर से जो दुनया दा ईरोर ह्यांग प्यार आव ईततोगोन, आखरी ताका हांग अच प्यार ईटतेला ईत्तुन. 2 याग शैतान शमौन उन पार यहूदा इस्करियोती इन मन दा ईद हाक बुटीदुन क्मिमीह आऊक हुळसुसुल, रा भोजन इन समय 3 यीशु, ईद जान्सकु क्मिमीह आप्प सप्पा येनारा नांद कय दा माळ बुटान अदकि ना परमेश्वर उन हात्ती टु बंदीन अदकि परमेश्वर उन हात्ती होगतीन, 4 भोजन मा टु यदकु तान म्याकळव

† 12:37 १२:३७ चमत्कार

कपळागोळी ईळस बुट्टुन, अदकि गमच्छा हुडुकु तान नेळु कटदुन. 5 आग बरतन दा नीर तुमकु चेलागोळ्द काल तोळुली अदकि याता गमच्छा देल आऊन नेळु कटकु ईरोद अदुर देल अच सीटली कुरतुन. 6 याग आव शमौन पतरस उन हात्ती बंदुन, आग पतरस आऊन से अंदुन, “हे प्रभु, येन नी नांद काल तोळुत्या?” 7 यीशु आऊक उत्तर कोट्टुन, “जो ना माळतीन, नी अदरी ईगल्या जानसाल, लेकीन ईदुर बाददा नीनी ऊमसीत.” 8 पतरस आऊन से अंदुन, “नी नान काल यागलु तोळु सकतीदलि!” ईद केळुकु यीशु आऊन से अंदुन, “अगर ना नीन काल तोळुतीदलि, रा नांद सांगुळ नींद येनु संबंघ हैलेच.” 9 शमौन पतरस आऊन से अंदुन, “हे प्रभु, रा बाक नान काल अच ईला, उलटा कय अदकि ताल्ला भी तोळु कोळ.” 10 यीशु आऊन से अंदुन, “जो मय तोळु कौडान आऊक काल इन अलावा अदकि येनु तोळोद जरवत हैलेच, लेकीन आव बलिकुल शुद्ध आन; अदकि नीव शुद्ध आईर, लेकीन सप्पा अनंद सप्पा मुंदुर ईला.” 11 आव रा तान हुळसुसावाळा अक अरोन इदुरसाटी आव अंदुन, “नीव सप्पा मुंदुर शुद्ध हैलेच.” 12 *याग आव आंदुर काल तोळ्द बुट्टुन, अदकि तान कपळा हाक्कु मात्त कुरतोदुन, रा आंदुर से अनली कुरतुन, “येन नीव सम्सदीर काना नीम सांगुळ येन माळदीन? 13 नीव नानी गुरु अदकि प्रभु अनकु कारूतीर, अदकि ठीक अच अनतीर, यतकी ना आवा हुईन. 14 अगर ना प्रभु अदकि गुरु ईतकु नीम काल तोळदनि, रा नीमी भी आबुर दाबुर काल तोळु पायजे. 15 यतकी ना नीमी नमुना तोरस बुटीन क हियांग ना नीम सांगुळ माळदीन, नीव भी हांग अच माळतोगी. 16 *ना नीम से खरा खरा माताळतीन, दास तान स्वामी देल धोड्डेव हैलेच, अदकि ना कळुदव तान कळावाळा से. 17 नीव ई मातगोळ जानसतीर, अदकि अगर अऊर मा नळी रा धन्य आईर. 18 ना नीम सप्पा मुंदुर बारा दा अनालीन; यार्द ना चुनाव माळीन, आंदरी ना अरूतीन; लेकीन ईद इदुरसाटी हुन क पवतिरशास्त्र अनंद अद वचन पुरा आगुल, ‘जो नांद रोटी तनितान, आव नान मा ल्यात नेगदुन.’ 19 ईग ना अदुर आगोर से पयले नीमी हेळ बुळतीन क याग ईद पुरा आगेदीत रा नीव वशिवास माळेतीर काना आवा हुईन. 20 *ना नीम से खरा खरा माताळतीन क जो नानी कळावाळा अक ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान.”

यीशु अन वशिवासघात माळावाळा अन दी इशारा

(मत्ती २६:२०-२५; मरकुस १४:१७-२१; लूका २२:२१-२३)

21 ई मातगोळ अंदकु यीशु आत्मा दा व्याकुल आदुन अदकि ईद गवाही कोट्टुन, “ना नीम से खरा खरा अनतीन कानि नीम दा टु ऊंद मळसा नानी हुळसुस्यान.” 22 चेलागोळ संदेह देल, आबुर दाबुर दी नोळली कुरतुर क आव यार बारा दा अनेत्यान. 23 आऊन चेलागोळ दा टु ऊंद यार से यीशु प्यार ईटतोगोन, यीशु उन याददा अनंद दी बांगकु कुरतकु ईरोन. 24 शमौन पतरस आऊन दी इशारा माळकु आऊन से केळदुन, “रा हेळ, आव यार बारा दा अनेत्यान?” 25 आग आव हांग अच यीशु उन याददा अनंद दी बांगकु आऊन से केळदुन, “हे प्रभु, आव याव हुन?” 26 यीशु उत्तर कोट्टुन, “यारी ना ईद रोटी इन तुकळा तंळग्या दा डोब्सकु कोळाईन आवा हुन.” अदकि आव तुकळा डोब्सकु शमौन इस्करयोती इन पार यहूदा अक कोट्टुन. 27 तुकळा ताकोम्त अच शैतान आऊन दा समुसेत. आग यीशु आऊन से अंदुन, “जो नी माळत्या, तुरन्त माळ.” 28 लेकीन कुरावाळेर दा टु यावारा भी जानसीदलि क आव ईद मात आऊन से यदुर साठी अंदुन. 29 यहूदा अनंद हात्ती झ्वारा ईरतोगोद, इदुरसाटी यारारा यारारा सम्सदुर क यीशु आऊन से अनेत्यान क जो येनारा नामी हाबब इन साठी पायजे अद कौड कोम, या ईद क किंगालगोळी येनारा कोळ. 30 इदुरसाटी आव तुकळा हुळकु तुरन्त व्हार्या होटोदुन; अदकि ईद ईळलक इन समय ईरोद.

व्हाशोद आग्या

31 याग आव व्हार्या होटोदुन रा यीशु अंदुन, “ईग मळसा अन पार उन महमा आग्याद, अदकि परमेश्वर उन महमा आऊन दा आग्याद; 32 अगर परमेश्वर उन महमा आऊन द्वारा आत, रा परमेश्वर भी तान द्वारा आऊन महमा प्रगट माळ्यान अदकि तुरन्त माळ्यान. 33 *हे चकिोरगोळा, ना मात्त घळी तमि नीम हात्ती आईन: बाक नीव नानी हुंडसीर, अदकि हयांग ना यहूदीगोळ से अंदीन, ‘थल ना होगतीन अल नीव बर सकालीर,’ हांग अच ना ईग नीम से भी अनतीन. 34 *ना नीमी ऊंद व्हाशोद आग्या कोळतीन क आवुर दाबुर से प्यार ईटी;

* 13:12 १३:१२ लूका २२:२७ * 13:16 १३:१६ मत्ती १०:२४; लूका ६:४०; यूहन्ना १५:२० * 13:20 १३:२० मत्ती १०:४०; मरकुस ९:३७; लूका ९:४८; १०:१६ * 13:33 १३:३३ यूहन्ना ७:३४ * 13:34 १३:३४ यूहन्ना १५:२२,१७; १ यूहन्ना ३:३३; २ यूहन्ना १:५

हयांग ना नीम से प्यार ईटीन, हांग अच नीव भी आबुर दाबुर से प्यार ईटी. ³⁵ अगर नीव आपस दा प्यार ईट्टीर, रा ईदुर देल सप्पा मुंदुर जानस्यार कनि नीव नांद चेलागोळ हुईर.”

यीशु उन द्वारा पतरस उन इनकार इन इशारा

(मत्ती २६:३१-३५; मरकुस १४:२७-३१; लूका २२:३१-३४)

³⁶ शमौन पतरस यीशु से अंदुन, “हे प्रभु, नी यल होगत्या?” यीशु उत्तर कोट्टुन, “यल ना होगतीन अल नी ईगल्या नान हदि बर सकाल; लेकीन बाददा नी नान हदि बंद्या.” ³⁷ पतरस आऊन से अंदुन, “हे प्रभु, ईगल्या ना नीन हदि येती बर सकालीन? ना रा नीन साठी तान जीव भी कोट्ट बुळ्ळईन.” ³⁸ यीशु उत्तर कोट्टुन, “येन नी नान साठी तान जीव कोट्ट्या? ना नीन से खरा खरा माताळतीन कि हुंज कुग्गोर से पयले ताका नी नांद मुर घन इनकार माळ कौड्या.

14

परमेश्वर ताका होगोद हादी

¹ “नीम मन व्याकुल आगबाळुल; परमेश्वर मा वशिवास ईटी अदकि नान मा भी वशिवास ईटी. ² नान आप्प उन मान्या हापाळ सा ईरोद जागा आद, अगर ईला ईराईत रा ना नीम से अनबुळायदनि; यतकी ना नीम साठी जागा तयार माळली होगतीन. ³ अदकि अगर ना होगकु नीम साठी जागा तयार माळ्ळईन, रा बाक बंदकु नीमी तान मान्या ओयाईन कि ना यल इराईन नीव भी अल ईरी. ⁴ ना यल होगतीन नीव अल ईद हादी अरूतीर.” ⁵ थोमा आऊन से अंदुन, “हे प्रभु, नाव ईद अरालेव कि नी यल होगेत्या; रा हादी हयांग अरतेव?” ⁶ यीशु आऊन से अंदुन, “हादी अदकि सच्चाई अदकि जीवन ना अच हुईन; बनि नान द्वारा याऊ आप्प उन हात्ती होग सकालुन. ⁷ आव आंदुर से अंदुन अगर नीव नानी अरत कोमायदीर, रा नान आप्प उक भी अरायदरि; अदकि ईग आऊक अरूतीर, अदकि आऊक नोळीर भी.”

⁸ फलिपिपुस आऊन से अंदुन, “हे प्रभु, आप्प उक नामी तोरस बुळ, ईदा नाम साठी हापाळ आद.” ⁹ यीशु आऊन से अंदुन, “हे फलिपिपुस, ना ईस दनि टु नीम सांगुळ आईन, अदकि येन नी नानी जानसाल? याव नानी नोळ्यान आव आप्प उक नोळ्यान. नी येती अनत्या कि आप्प उक नामी तोरस?” ¹⁰ येन नी वशिवास माळाल कि ना आप्प दा आईन अदकि आप्प नान दा आन? ई मातगोळी जो ना नीम से अनतीन, तान दी टु अनालीन, लेकीन आप्प नान दा ईतकु तान क्याल्सा माळतान. ¹¹ नान वशिवास माळी कि ना आप्प उन दा आईन अदकि आप्प नान दा आन; ईदारा क्याल्सागोळ्द अच कारण नान वशिवास माळी. ¹² “ना नीम से खरा खरा अनतीन कि जो नान मा वशिवास ईटतान, ई क्याल्सा जो ना माळतीन आव भी माळ्यान, बल्की ईऊर से भी धोड्डेव क्याल्सा माळ्यान, यतकी ना आप्प उन हात्ती होगतीन. ¹³ जो येनारा नीव नान हेसुर देल बेळीर, अदा ना माळ्ळईन कि पार उन दरवाजा मा आप्प उन महमा आगुल. ¹⁴ अगर नीव नान से नान हेसुर देल येनारा बेळीर, रा ना अदरी माळ्ळईन.”

पवतिर आत्मा अन वादा

¹⁵ “अगर नीव नान से प्यार ईटतीर, रा नान आग्यागोळी मानसीर. ¹⁶ ना आप्प उन से वनिती माळ्ळईन, अदकि आव नीमी ऊंद अदकि सहायक कोट्टान कि आव सदा नीम सांगुळ ईरूल. ¹⁷ मतलब खरा अन आत्मा, यारी दुनया ग्रहण माळ सकाल्द, यतकी आव ना आऊक नोळतान अदकि ना आऊक अरूतान; नीव आऊक अरूतीर, यतकी आव नीम सांगुळ ईरतान, अदकि आव नीम दा ईततान. ¹⁸ ना नीमी अनाथ बळितीदील; ना नीम हात्ती बरतीन. ¹⁹ अदकि थ्वाळासा समय ईतोग्याद कि बाक दुनया नानी नोळतीदलि, लेकीन नीव नानी नोळीर; इदुरसाठी कि ना जतिता आईन, नीव भी जतिता ईत्तीर. ²⁰ आ दशी नीव जानसीर कि ना तान आप्प दा आईन, अदकि नीव नान दा, अदकि ना नीम दा. ²¹ यार हात्ती नान आग्यागोळ आव अदकि आव अवरी मानसतान, आवा नान से प्यार ईटतान; अदकि जो नान से प्यार ईटतान आऊन से नान आप्प प्यार ईट्यान, अदकि ना आऊन से प्यार ईटाईन अदकि तान तान इक आऊन मा प्रगट माळ्ळईन.” ²² आ यहूदा जो इस्करियोती ईला ईरोन, आऊन से अंदुन, “हे प्रभु, येन आत कि नी तान तान इक नाम मा प्रगट माळोद चाहासत्या अदकि दुनया मा ईला?” ²³ यीशु आऊक उत्तर कोट्टुन, “अगर यावारा नान से प्यार ईट्यान रा आव नान वचन इक मानस्यान, अदकि नान आप्प आऊन से प्यार ईट्यान, अदकि नाव आऊन हात्ती बंदेव अदकि आऊन सांगुळ वास माळेव.

24 जो नान से प्यार ईटालुन, आव नान वचन मानसालुन; अदकि जो वचन नीव केळतीर अद नांद ईला लेकीन आप्प उन हुन, याव नानी कळुदुन.” 25 “ई मातगोळी ना नीम सांगुळ ईतकु नीम से अंदीन. 26 लेकीन सहायक मतलब पवतिर आत्मा यारी आप्प नान हेसुर देल कळ्यान, आव सप्पा मातगोळी कलस्यान, अदकि जो येनारा ना नीम से अंदीन, आव सप्पा नीमी याद माळसुस्यान. 27 ना नीमी शांती कोटकु होगतीन, तान शांती नीमी कोळतीन; ह्यांग दुनया कोळतद, ना नीमी हांग कोळालीन: नीम मन व्याकुल आगबाळुल अदकि अंजबाळुल.” 28 नीव केळदीर काना नीम से अंदीन, “ना होगतीन, अदकि नीम हातती मातत बराईन.” अगर नीव नान से प्यार ईटायदीर, रा ई मात देल खुश आगायदीर काना आप्प उन हातती होगतीन, यतकी आप्प नान से धोड्डेव आन. 29 अदकि ना ईग इदुर आगोर से पयले नीम से अंद बुटीन, काना याग अद आगेदीत, रा नीव वशिवास माळी. 30 ना ईग नीम सांगुळ अदकि हापाळ मातगोळी माळतीदील, यतकी ई दुनया अन सरदार बरतान. नान मा आऊन येनु अधिकार हैलेच; 31 लेकीन ईद इदुरसाटी आगतद काना दुनया जानसुल काना आप्प से प्यार ईटतीन, अदकि ह्यांग आप्प नानी आग्या कोट्टुन ना हांग अच माळतीन. येळी, ईल टु नळी.

15

यीशु खरा दाखलता

1 “खरा दाखलता ना हुईन, अदकि नान आप्प कसान आन. 2 जो खांदी नान दा आद अदकि फलसालुद, अदरी आव कळद बुळतान; अदकि जो फलसतद, अदरी आव छाटसतान ताकी अदकि फलसुल. 3 नीव रा आ वचन इन कारण जो ना नीम से अंदीन, शुद्ध आईर. 4 नीव नान दा बन्सकु ईरी, अदकि ना नीम दा. ह्यांग खांदी अगर दाखलता दा बन्सकु ईरतीदील रा तान तान देल फलस सकालुद, हांगा नीव भी अगर नान दा बन्सकु ईरतीदील रा फलस सकालीर. 5 ना दाखलता हुईन: अदकि नीव खांदीगोळ हुईर. जो नान दा बन्सकु ईरतान अदकि ना आऊन दा, अद हापाळ काय तरतद, यतकी नान से अलग आगकु नीव येनु माळ सकालीर. 6 अगर यावारा नान दा बन्सकु ईरूल, रा आव खांदी अन घाई भटिकु आगतान, अदकि वळगेगतान; अदकि लॉकुर अवरी सकलुसकु बेक्की दा भीट बुळतार, अदकि अव होत्तेगताव. 7 अगर नीव नान दा बन्सकु ईत्तीर अदकि नान वचन नीम दा बन्सकु ईत्तीत, रा जो चाहासीर बेळी अदकि अद नीम साटी आगेदीत. 8 नान आप्प उन महमिा ईदुर देल आगतद काना नीव हापाळ सा काय तरी, आग अच नीव नान चेला ठहरूसीर.” 9 ह्यांग आप्प नान से प्यार ईटदुन, हांग अच ना नीम से प्यार ईटदीन; नान प्यार दा बन्सकु ईरी. 10 अगर नीव नान आग्यागोळी मानसीर, रा नान प्यार दा बन्सकु ईत्तीर; ह्यांग काना तान आप्प उन आग्यागोळी मानसदीन, अदकि आऊन प्यार दा बन्सकु ईरतीन. 11 ना ई मातगोळी नीम से इदुरसाटी अंदीन, काना नान खुशी नीम दा बन्सकु ईरूल, अदकि नीम खुशी पुरा आगेगुल. 12 * “नान आग्या ईद आद, काना ह्यांग ना नीम से प्यार ईटदीन, हांग अच नीव भी आबुर दाबुर से प्यार ईटी. 13 इदुर से धोळ्द प्यार यारदु ईला काना यावारा तान संगीगोळ साटी तान जीव कोळुल. 14 जो आग्या ना नीमी कोळतीन, अगर अदरी मानसीर रा नीव नान संगी हुईर. 15 ईगी टु ना नीमी दास अनतीदलि, यतकी दास जानसालुन काना आऊन मालकि येन माळतान; लेकीन ना नीमी संगी अंदीन, यतकी जो मातगोळी ना तान आप्प से केळदीन, अव सप्पा नीमी हेळ बुटीन. 16 नीव नानी नीवळुसीदील लेकीन ना नीमी नीवळुसदीन काना नीव होगकु काय तरी अदकि नीम काय बन्सकु ईरूल, काना नीव नान हेसुर देल जो येनारा आप्प से बेळी, अद नीमी कोळुल. 17 ई मातगोळ आग्या ना नीमी इदुरसाटी कोळतीन काना नीव आबुर दाबुर से प्यार ईटी.”

दुनया अन दुश्मनी

18 “अगर दुनया नीम से दुश्मनी ईटतद, रा नीव जानसतीर काना आव नीम से पयले नान से दुश्मनी ईटदुर. 19 अगर नीव दुनया नोर आगायदीर, रा दुनया तानोर से प्यार ईटाईत; लेकीन ईद कारण काना नीव दुनया अन आल्लच, लेकीन ना नीमी दुनया दा टु नीवळुस कोडीन, इदुरसाटी दुनया नीम से दुश्मनी ईटतद. 20 * जो मात ना नीम से अंदीन, ‘दास तान स्वामी से धोड्डेव ईरालुन,’ अदरी याद ईटी. अगर आंदुर नानी सतुसदुर, रा नीमी भी सतुस्यार; अगर आंदुर नान मात मानसदुर, रा नीम भी मानस्यार. 21 लेकीन ईद सप्पा येनारा आंदुर नान हेसुर इन कारण नीम सांगुळ माळ्यार, यतकी आंदुर नानी कळावाळा अक जानसालुर. 22 अगर ना ईला बरायदीन अदकि आंदुर से मातगोळी ईला माळायदीन, रा आंदुर पापी ईला ठहरूसयदुर; लेकीन ईग आंदरी पाप इन साटी

* 15:12 १५:१२ यूहन्ना १३:३४; १५:१७; १ यूहन्ना ३:२३; २ यूहन्ना १:५ * 15:20 १५:२० मत्ती १०:२४; लूका ६:४०; यूहन्ना १३:१६

येनु बहाना हैलेच. 23 जो नान से दुश्मनी ईटतान, आव नान आप्प से भी दुश्मनी ईटतान. 24 अगर ना आंदुर दा आंदुर कयाल्सा ईला माळायदीन जो अदकि याऊ माळीदील, रा आंदुर पापी ईला ठहूसयदुर; लेकीन ईग रा आंदुर नानी अदकि नान आप्प येदुदु मुंदरी नोळदुर अदकि येदुदु से दुश्मनी माळदुर. 25 ईद इदुरसाटी आत की अद वचन पुरा आगुल, जो आंदुरद व्यवस्था दा लखिसकु आद, 'आंदुर नान से फालतु दुश्मनी माळदुर.' 26 लेकीन याग आव मदतगार बंदान, यारी ना नीम हाती आप्प उन दी टु कळाईन, मतलब सच्चाई अन आत्मा जो आप्प उन दी टु होळतान, रा आव नान गवाही कोट्टान; 27 अदकि नीव भी नान गवाह आईर यतकी सूरुवात टु नान सांगुळ ईतीर."

16

1 "ई मातगोळी ना नीम से इदुरसाटी अंदीन की नीव ठोकर तनिबाळी. 2 आंदुर नीमी यहूदी लॉकुरद सभागृहगोळ दा टु तेगु बुट्टार, लेकीन अद समय बंदाद, कजो यावारा नीमी कौद बुट्टान आव समस्यान की ना परमेश्वर उन स्यावा माळतीन. 3 हगि आंदुर इदुरसाटी माळ्यार की आंदुर ना आप्प उक जानस्यार अदकि ना नानी जानसतार. 4 लेकीन ई मातगोळी ना इदुरसाटी अंदीन, कयाग इदुर समय बंदीत रा नीमी याद होट बंदीत काना नीम से पयले अच अंद बुटीदीन."

पवतिर आत्मा अन कयाल्सा

"ना सूरुवात टु नीम से ई मातगोळी इदुरसाटी अंदील यतकी ना नीम सांगुळ ईरीन. 5 लेकीन ईग ना तान कळावाळा अन हात्ती होगतीन; अदकि नीम दा टु याऊ नान से केळालुन, की 'नी येल होगत्या.' " 6 लेकीन ना जो ई मातगोळी नीम से अंदीन, इदुरसाटी नीम मन शोक देल तुम्मेग्याद. 7 तरी ना नीम से खरा माताळतीन कानांद होगोद नीम साटी वळ्लीद आद, यतकी अगर ना होगतीदील रा आव सहायक नीम हात्ती बरतीदील; लेकीन अगर ना होगीन, रा आऊक नीम हात्ती कळाईन. 8 आव बंदकु दुनया अक पाप अदकि न्यायीपन अदकि न्याय इन बारा दा समझुस्यान. 9 पाप इन बारा दा इदुरसाटी की आंदुर नान मा वशिवास माळालुर; 10 अदकि न्यायीपन अन बारा दा इदुरसाटी काना आप्प उन हात्ती होगतीन, अदकि नीव नानी बाक नोळतीदलि; 11 न्याय इन बारा दा इदुरसाटी की दुनया अन सरदार दोषी ठहूसकु आग्यान. 12 "नानी नीम से अदकि भी हापाळ सा मातगोळी अनोद आद, लेकीन ईगल्या नीव अवरी सहन माळ सकालीर. 13 लेकीन याग आव मतलब सच्चाई अन आत्मा बंदान, रा नीमी सप्पा सच्चाई अन हादी हेळ्यान, यतकी आव तान दी टु ईला अंदान लेकीन जो येनारा केळ्यान अदा अंदान, अदकि बरावाळा मातगोळी नीमी हेळ्यान. 14 आव नांद महिमा माळ्यान, यतकी आव नान मातगोळ दा टु हुळकु नीमी हेळ्यान. 15 जो येनारा आप्प उन आद, अद सप्पा नान हुन; इदुरसाटी ना अंदीन की आव नान मातगोळ दा टु हुळकु नीमी हेळ्यान.

दुख सुख दा बदलुसेदीत

16 "घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर." 17 आग आऊन येनारा चेलागोळ आपस दा अंदुर, "ईद येन हुन जो आव नाम से अनतान, 'घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?' अदकि ईद 'इदुरसाटी काना आप्प उन हात्ती होगतीन.' " 18 आग आंदुर अंदुर, "ईद 'घळी तीमुर' जो आव अनतान, येन मात आद? नाव जानसालेव की आव येन अनतान." 19 यीशु ईद जानसकु की आंदुर नान से केळोद चाहासतार, आंदुर से अंदुन, "येन नीव आपस दा नान ई मात इन बारा दा जाँच माळतीर, 'घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?' 20 ना नीम से खरा खरा अनतीन की नीव वरलीर अदकि दुख माळीर, लेकीन दुनया खुशी माळीत; नीमी शोक आदीत, लेकीन नीम शोक खुशी दा बदलुसेदीत. 21 चगिद हाळोद समय आरत इक दुख आगतद, यतकी आकनि दुख इन घळी होट बंदाद, लेकीन याग आक चगिद उक जनम कोट बुळतार, रा ईद खुशी देल की दुनया दा ऊंद मंळसा पैदा आदुन, आ संकट इक बाक याद माळालुर. 22 अदा प्रकार नीमी भी ईग रा दुख आद, लेकीन ना नीम से बाक सकाईन अदकि नीम मन खुशी देल तुम्मेदव; अदकि नीम खुशी याऊ नीम से कसु सकतीदलि. 23 आ दशी नीव नान से येनु कोळतीदील. ना नीम से खरा खरा माताळतीन, अगर आप्प उन से येनारा बेळीर, रा आव नान हेसुर देल नीमी कोट्टान. 24 ईगासताका नीव नान हेसुर देल येनु बेळीदील; बेळीर रा नीमी सकिकीत ताकी नीम खुशी पुरा आगोगुल.

दुनयिया मा वजिय

25 “ना ई मातगोळी नीम से उदाहरणगोळ दा अंदीन, लेकीन अद समय बंदीत कनि ना नीम से बाक उदाहरणगोळ दा अनतीदलि, लेकीन खुल्सकु नीमी आप्प उन बारा दा हेळाईन. 26 आ दशिी नीव नान हेसुर देल बेळीर; अदकि ना नीम से ईद अनालीन कनि ना नीम साटी आप्प उन से वनिती माळाईन; 27 यतकी आप्प रा खुद अच नीव से प्यार ईटतान, इदुरसाटी कनि नीव नान से प्यार ईटदीर अदकि ईद भी वशिवास माळदीर कनि आप्प उन दी टु बंदीन. 28 ना आप्प उन दी टु दुनयिया दा बंदीन; ना मात्त दुनयिया अक बटिकु आप्प उन हात्ती होगतीन.” 29 आऊन चेलागोळ अंदुर, “नोळ, ईग रा नी खुल्सकु अनतया, अदकि येनु उदाहरण अनाल. 30 ईग नाव जान्स कोंडेव कनि नी सब येनारा जानसतया, अदकि इदुर जरवत हैलेच कनि यावारा नीन से येनारा केळुल; इदुर देल नाव वशिवास माळतेव कनि नी परमेश्वर उन दी टु बंद्या.” 31 ईद केळकु यीशु आंदुर से अंदुन, “येन नीव ईग वशिवास माळतीर? 32 नोळी, अद घळी बरतद बल्की होट बंदाद कनि नीव सप्पा ततिर बतिर आगकु तान तान हादी हुळदीर, अदकि नानी आबना बटि बुट्टीर; तरी ना आबना ईला यतकी आप्प नान सांगुळ आन. 33 ना ई मातगोळी नीम से इदुरसाटी अंदीन कनि नीमी नान दा शांती सकिल. दुनयिया दा नीमी दुख आगतद, लेकीन हमिमत ईटी, ना दुनयिया अक जीत्स कोंडीन.”

17

यीशु उन महायाजकीय प्रार्थना: खुद इन साटी

1 यीशु ई मातगोळी अंदुन अदकि तान कण्णगोळी आकाश इन दी म्याकुच नेगुकु अंदुन, “हे आप्पा, अद घळी होट बंदाद; तान पार उन महमि माळ कनि पार भी नीन महमि माळुल, 2 यतकी नी आऊक सप्पा प्राणीगोळ मा अधिकार कोट्या, कनि यारी नी आऊक कोट्या आ सप्पा अक आव अनन्त जीवन कोळुल. 3 अदकि अनन्त जीवन ईद आद कनि आंदुर नीन ऊंद मात्त खरा परमेश्वर उक अदकि यीशु मसीह अक, यारी नी कळया, जानसुल. 4 जो कयाल्सा नी नानी माळली कोटीद, अदरी पुरा माळकु ना पृथ्वी मा नीन महमि माळीन. 5 ईग हे आप्प, नी तान सांगुळ नान महमि आ महमि देल माळ जो दुनयिया अन दुनयिया से पयले, नांद नीन सांगुळ ईरोद.

6 “ना नीन हेसुर आ मळसागोळ मा प्रगट माळीन यारी नी दुनयिया दा टु नानी कोट्ट. आंदुर नीनोर ईरोर अदकि नी आंदरी नानी कोट्ट, अदकि आंदुर नीन वचन इक मान्स कोंडुर. 7 ईग आंदुर जान्स कोंडुर कनि जो येनारा नी नानी कोट्या अद सप्पा नीन दी टु आद; 8 यतकी जो वचन नी नानी कोट्ट, ना अवरी आंदुर हाती पोहचुस बुटीन; अदकि आंदुर अवरी ग्रहण माळदुर, अदकि खरा खरा जान्स कोंडुर कनि ना नीन दी टु बंदीन, अदकि वशिवास माळ कोंडुर कनि नी अच नानी कळया. 9 ना आंदुर साटी वनिती माळतीन; दुनयिया अन साटी वनिती माळालीन लेकीन आंदुरदा साटी यारी नी नानी कोट्या, यतकी आंदुर नीनोर उर; 10 अदकि जो येनारा नांद आद अद सप्पा नींद हुन, अदकि जो नींद हुन अद नांद हुन, अदकि ईऊर देल नांद महमि प्रगट आग्याद. 11 ना ईग दुनयिया दा ईरतीदील, लेकीन इंदुर दुनयिया दा ईत्तार, अदकि ना नीन हात्ती बरतीन. हे पवतिर आप्प, तान आ हेसुर देल जो नी नानी कोट्या, अऊरद रक्षा माळ कनि अव नाम घाई ऊंद आगुल. 12 *याग ना आंदुर सांगुळ ईरीन, रा ना नीन अद हेसुर देल, जो नी नानी कोट्या अदुरद रक्षा माळदीन. ना आंदुरद सावधानी माळदीन, अदकि वनिश इन पार उक बटिकु आंदुर दा टु याऊ नाश आगीदील, इदुरसाटी कनि जो पवतिरशास्त्र दा अंदकु आग्याद अद पुरा आगुल. 13 ईग ना नीन हात्ती बरतीन, अदकि ई मातगोळी दुनयिया* दा अनतीन, कनि आंदुर नान खुशी तान दा पुरा आगुल. 14 ना नीन वचन आंदरी पोहचुस बुटीन; अदकि दुनयिया आंदुर से दुश्मनी माळत, यतकी ह्यांग ना दुनयिया नव आल्लच, हांग अच आंदुर भी दुनयिया नोर आल्लच. 15 ना ईद वनिती माळालीन कनि नी आंदरी दुनयिया टु नेगु कोम; लेकीन ईद कनि नी आंदरी आ दुष्ट टु ऊळसकु ईट. 16 ह्यांग ना दुनयिया नव आल्लच, हांगा आंदुर भी दुनयिया नोर आल्लच. 17 सच्चाई अन द्वारा आंदरी पवतिर माळ: नीन वचन सही आद. 18 ह्यांग नी नानी दुनयिया दा कळुद, हांगा ना भी आंदरी दुनयिया दा कळुदीन; 19 अदकि आंदुर साटी ना तान तान इक पवतिर माळतीन, ताकी आंदुर भी सही अन द्वारा पवतिर माळकु आगुल.

20 “ना सर्फि इंदुरदा साटी वनिती माळालीन, लेकीन आंदुर साटी भी जो इंदुर वचन इन द्वारा नान मा वशिवास माळ्यार, 21 कनि आंदुर सप्पा ऊंद आगुल; ह्यांग नी हे आप्प नान दा आय, अदकि ना नीन दा आईन, हांग अच आंदुर भी नाम दा आगुल, यार से दुनयिया वशिवास माळुल कनि नी अच नानी कळया. 22 अद महमि जो नी नानी

कोट्या ना आंदरी अद कोट्टीन, क्वाँदुर हांग अच ऊंद आगुल ह्यांग क्वाँनव ऊंद आयेव, ²³ ना आंदुर दा अदकि नी नान दा क्वाँदुर सद्धि आगकु ऊंद आगुल, अदकि दुनया जानसुल क्वाँनी अच नानी कळया, अदकि ह्यांग नी नान से प्यार ईट्ट हांग अच आंदुर से प्यार ईट्ट. ²⁴ हे आप्प, ना चाहासतीन क्वाँयारी नी नानी कोट्या, येल ना आईन अल आंदुर भी नान सांगुळ ईरूल, क्वाँ आंदुर नान आ महमा अक नोळुल जो नी नानी कोट्या, यतकी नी दुनया अन उत्पत्तसे पयले नान से प्यार ईट्ट. ²⁵ हे न्यायी आप्प, दुनया नानी जानसीदील, लेकीन ना नीनी जानसदीन; अदकि इंदुर भी जानसदुर क्वाँनी अच नानी कळया. ²⁶ ना नीन हेसुर आंदरी हेळदीन अदकि हेळ्ट ईराइन क्वाँ जो प्यार नीनी नान से ईरोद अद आंदुर दा ईरूल, अदकि ना आंदुर दा ईरूल.”

18

यीशु उक हुळसुसकु आगोद

(मत्ती २६:४७-५६; मरकुस १४:४३-५०; लूका २२:४७-५३)

¹ यीशु ई मातगोळी अनकु तान चेलागोळ सांगुळ क्वाँदुरो नाला अन आप्पाटी होदुन. अल ऊंद बेली ईरोद, यदुरदा आव अदकि आऊन चेलागोळ होदुर. ² आऊक हुळसुसावाळा यहूदा भी अद जागा जानसोन, यतकी पयले हापाळ घन यीशु तान चेलागोळ सांगुळ अल होगीदुन. ³ आग यहूदा, सैनकिगोळद ऊंद दल इक अदकि प्रधान याजकगोळी अदकि फरीसीगोळ दी टु चौकीदारगोळी हुळकु, कंदीलगोळ, मशालगोळी अदकि हथयारगोळी हुळकु अल बंदुन. ⁴ आग यीशु, आ सप्पा मातगोळी जो आऊन मा बरावाळा ईरव जानसकु, होट्टुन अदकि आंदुर से अंदुन, “यारी दुंदसतीर?” ⁵ आंदुर आऊक उत्तर कोट्टुर, “यीशु नासरी अक.” यीशु आंदुर से अंदुन, “ना हुईन.” आऊक हुळसुसावाळा यहूदा भी आंदुर सांगुळ नदुरकु ईरोन. ⁶ आऊंद ईद अनतेला अच, “ना हुईन,” आंदुर हदि सरकुसकु जागा मा बदिदुर. ⁷ आग आव मात्त आंदुर से केळदुन, “नीव यारी दुंदसतीर.” आंदुर अंदुर, “यीशु नासरी अक.” ⁸ यीशु उत्तर कोट्टुन, “ना रा नीम से अंद कोडीन क्वाँना हुईन, अगर नानी दुंदसतीर रा इंदरी होगोळी.” ⁹ ईद इदुरसाटी आत क्वाँ अद वचन पुरा आगुल जो आव अंददिन: “यारी नी नानी कोट्या आंदुर दा टु ना ऊंद इक भी खोऊसीदील.” ¹⁰ आग शमौन पतरस तलवार, जो आऊन हात्ती ईरोद, जेळदुन अदकि महायाजक उन दास मा नळसकु आऊन ऊमा कवि हारस बुदुन. आ दास उन हेसुर मलखुस ईरोद. ¹¹ आग यीशु पतरस से अंदुन, “तान तलवार म्यान दा ईट. जो कटोरा आप्प नानी कोटान, येन ना अदरी कुडुतीदील?”

हन्ना अन पयले यीशु

¹² आग सैनकिगोळ अदकि आंदुर सूबेदार अदकि यहूदीगोळ चौकीदारगोळ यीशु उक हुळकु कट बुदुर, ¹³ अदकि पयले आऊक हन्ना अन हात्ती ओतुर, यतकी आव आ वर्ष इन महायाजक कैफा अन माँव ईरोन. ¹⁴ ईव आवा कैफा ईरोन, यार यहूदीगोळी सलाह कोटीदुन क्वाँनाम लॉकुर साटी ऊंद मंळसा अन सायोद वळ्लीद आद.

पतरस उन इनकार

(मत्ती २६:६९,७०; मरकुस १४:६६-६८; लूका २२:५५-५७)

¹⁵ शमौन पतरस अदकि ऊंद अन्य चेला भी यीशु उन हदि आगोदुर. ईव चेला महायाजक उन जाना पयचाना ईरोन, इदुरसाटी आव यीशु उन सांगुळ महायाजक उन आंगुळ दा होदुन, ¹⁶ लेकीन पतरस व्हार्या दरवाजा मा नदुरकु ईत्तुन. आग आव दुसरा चेला जो महायाजक उन जान पयचान इनव ईरोन, व्हार्या होट्टुन अदकि चौकीदारगीत इन से अनकु पतरस उक बुळ्क तंदुन. ¹⁷ आ दासी जो चौकीदारगीत ईरोर, पतरस से अंदुर, “येनारा नी भी ई मंळसा अन चेलागोळ दा टु रा हैलेच?” आव अंदुन, ईला “ना आल्लच.” ¹⁸ दास अदकि चौकीदार सोळ इन कारण कौरसा होत्ताकु नदुरकु बेक्की सेकसोर, अदकि पतरस भी आंदुर सांगुळ नदुरकु बेक्की सेकसोन.

महायाजक उन द्वारा यीशु उन जाँच

(मत्ती २६:५९-६६; मरकुस १४:५५-६४; लूका २२:६६-७१)

¹⁹ आग महायाजक यीशु से आऊन चेलागोळ बारा दा अदकि आऊन उपदेश इन बारा दा जाँच माळदुन. ²⁰ यीशु आऊक उत्तर कोट्टुन, “ना दुनया अन सांगुळ खुल्सकु मातगोळी हेळदीन; ना सभागूहगोळ अदकि मंदरि दा, यल सप्पा यहूदी जमा आगतोगोर, सदा उपदेश माळदीन अदकि गुप्त दा येनु अंददील. ²¹ नी नान से

येती केळत्या? केळावाळेर से केळ कनि आंदुर से येन अंदीन. नोळ, आंदुर जानसतार कनि येन येन अंदीन.”
 22 याग आव ईद अंदुन, रा चौकीदारगोळ दा टु ऊंद जो हात्ती नदिरकु ईरोन, यीशु उक क्याबरा बळकु अंदुन,
 “येन नी महायाजक उक ईत्ता प्रकार देल उत्तर कोळत्या?” 23 यीशु आऊक उत्तर कोट्टुन, “अगर ना बुरा
 अंदीन, रा आ बुराई अन गवाही कोळ; लेकीन अगर भला अंदीन, रा नानी येती बडुत्या?” 24 हन्ना आऊक कटक
 कैफा महायाजक उन कळु बुटुन.

पतरस उन दुबारा इनकार

(मत्ती २६:७१-७५; मरकुस १४:६९-७२; लूका २२:५८-६२)

25 शमौन पतरस नदिरकु बेक्की सेकसोन. आग आंदुर आऊन से अंदुर, “येनारा नी भी रा आऊन चेलागोळ दा
 टु रा हैलेच?” आव इनकार माळकु अंदुन, “ना आल्लच.” 26 महायाजक उन दासगोळ दा टु ऊंद, जो परिवार दा
 टु ईरोन यार्द कवि पतरस कोद बुटीदुन, अंदुन, “येन ना नीनी आऊन सांगुळ बेली दा ईला नोळीदिनि?” 27 पतरस
 मात्त इनकार माळदुन, अदकि तुरन्त हुंज कुत्त.

पलितुस उन मुंद यीशु

(मत्ती २७:१,२,११-१४; मरकुस १५:१-५; लूका २३:१-५)

28 आग आंदुर यीशु उक कैफा अन हात्ती टु कलिा अक ओतुर, अदकि व्हातुर इन समय ईरोद, लेकीन आंदुर
 खुद कलिा अन बुळ्क होगीदील ताकी अशुध्द आगबाळुल लेकीन फसह तनि सकुल. 29 आग पलितुस आंदुर
 हात्ती व्हाण्या होटकु बंदुन अदकि अंदुन, “नीव ई मंळसा मा याता मात इन आरोप हचतीर?” 30 आंदुर आऊक
 उत्तर कोट्टुन, “अगर आव कुकर्मि ईला ईरायदुन रा नाव आऊक नीन कय दा ईला कोळायदेव.” 31 पलितुस
 आंदुर से अंदुन, “नीव अच ईऊक वोतकु तान व्यवस्था अन अनुसार आऊंद न्याय माळी.” यहूदीगोळ आऊन
 से अंदुर, “नामी अधिकार हैलेच कियारदारा जीव ताकोडेव.” 32 ईद इदुरसाटी आत कियीशु उन अद मात पुरा
 आगुल जो आव ईद संकेत कोळाहोती अंददिन कियीशु आऊंद मृत्यु ह्यांग आदीत.

33 आग पलितुस मात्त कलिा अन बुळ्क होदुन, अदकि यीशु उक कारूकु आऊन से केळदुन, “येन नी यहूदीगोळ
 राजा हुय?” 34 यीशु उत्तर कोट्टुन, “येन नी ईद मात तान दी टु अनत्या या दुसरागोळ नान बारा दा नीन से
 ईद अंदार?” 35 पलितुस उत्तर कोट्टुन, “येन ना यहूदी हुईन? अपमान अच जाती अदकि प्रधान याजकगोळ
 नीनी नान कय दा कोटार. नी येन माळ्या?” 36 यीशु उत्तर कोट्टुन, “नान राज्य ई दुनया अन आल्लच; अगर
 नान राज्य ई दुनया अन आगाईत, रा नान सेवकगोळ लळाई माळायदुर कनि नानी यहूदीगोळ कय दा कोटकु
 आगबाळुल: लेकीन नान राज्य ईल ईद आल्लच.” 37 पलितुस आऊन से अंदुन, “रा येन नी राजा हुय?” यीशु
 उत्तर कोट्टुन, “नी अनत्या कनि ना राजा हुईन. ना इदुरसाटी पैदा आदीन अदकि इदुरसाटी दुनया दा बंदीन कियी
 सच्चाई इन गवाही कोळाईन. जो यावारा सच्चाई नव आन, आव नान आवाज केळतान.” 38 पलितुस आऊन
 से अंदुन, “सही येन आद?”

मृत्यु दण्ड इन आग्या

(मत्ती २७:१५-३१; मरकुस १५:६-२०; लूका २३:१३-२५)

ईद अनकु आव मात्त यहूदीगोळ हात्ती होदुन अदकि आंदुर से अंदुन, “नानी रा आऊन दा येनु दोष
 सकिकीदील. 39 लेकीन नीमद् ईद रीती आद कनि ना फसह दा नीमद् साटी ऊंद मंळसा अक बटि बुळाईन. इदुरसाटी
 येन नीव चाहासतीर कनि ना नीम साटी यहूदीगोळ राजा अक बटि बुळाईन?” 40 आग आंदुर मात्त चलिळासकु
 अंदुर, “ईऊक ईला, लेकीन नाम साटी बरअब्बा अक बटि बुळ.” अदकि बरअब्बा डाकू ईरोन.

19

1 इदुर मा पलितुस यीशु उक क्वाळा बळसुसदुन. 2 सपिहीगोळ मुळ्लगोळ मुकुट माळकु आऊन ताल्ला मा
 ईददुर, अदकि जांभळा कलर इन कपळा हाकसुसदुर. 3 अदकि आऊन हात्ती खुशी देल बंद बंदकु अनली कुरतुर,
 “हे यहूदीगोळ राजा, प्रणाम!” अदकि आऊक क्याबरा भी बळदुर. 4 आग पलितुस मात्त व्हाण्या होटकु लाकुर
 से अंदुन, “नोळी, ना आऊक नीम हात्ती मात्त व्हाण्या तरतीन; ताकी नीव जान्सी कियी आऊन दा नानी येनु
 भी दोष सकिकीदील.” 5 आग यीशु मुळ्लगोळ मुकुट अदकि जांभळा कलर इन कपळा हाककु व्हाण्या होट्टुन;

अदकि पलातुस आंदुर से अंदुन, “नोळी, ईव मंळसा!” 6 “याग प्रधान याजकगोळ अदकि चौकीदारगोळ आऊक नोळदुर, रा चलिळासकु अंदुर, आऊक कूस मा येर्स, कूस मा!” पलातुस आंदुर से अंदुन, “नीव अच आऊक हुळकु कूस मा येरसी, यतकी नानी आऊन दा येनु दोष सकिकीदील.” 7 यहूदीगोळ आऊक उत्तर कोट्टुर, “नाम्द भी व्यवस्था आद अदकि आ व्यवस्था अन अनुसार आव कोंद बुळोद योग्य आन, यतकी आव तान तान इक परमेश्वर उन पार माळदुन.” 8 याग पलातुस ईद मात केळदुन रा अदकि भी अंजेदुन, 9 अदकि मात्त कलिा अन बुळक होदुन अदकि यीशु से अंदुन, “नी येलेव हुय?” लेकीन यीशु आऊक येनु भी उत्तर कोटीदील. 10 इदुर मा पलातुस आऊन से अंदुन, “नान से येती माताळाल? येन नी जान्साल कनिनी बटि बुळोद अधिकार नानी आद, अदकि नीनी कूस मा येरसोद भी अधिकार नानी आद.” 11 यीशु उत्तर कोट्टुन, “अगर नीनी म्याकुच टु कोटकु ईला आगाईत, रा नीन नान मा येनु अधिकार ईला ईराईत; इदुरसाटी याव नानी नीन कय दा हुळसुसयान आऊन पाप यक्कुल आव.” 12 इदुर मा पलातुस आऊक बटि बुळोद चाहासदुन, लेकीन यहूदीगोळ चलिळास चलिळासकु अंदुर, “अगर नी ईऊक बटिबुट्या, रा नीन भक्ती कैसर सरकार उन दी हैलेच. जो यावारा तान तान इक राजा माळतान आव कैसर सरकार इन सामना माळतान.” 13 ई मातगोळी केळकु पलातुस यीशु उक व्हार्या तंदुन अदकि आ जागा कल्ल इन ऊंद चबूतरा ईरोद जो इब्रानी भाषा दा “गब्वता” कहलुसतद, अदकि अल न्याय आसन मा कुरतुन. 14 ईद फसह अन तयारी इन दनि ईरोद, अदकि सहावा घंटा अन लगभग ईरोद. आग आव यहूदीगोळ से अंदुन, “नोळी नीम राजा!” 15 लेकीन आंदुर चलिळासदुर, “ओय! ओय! आऊक कूस मा येर्स!” पलातुस आंदुर से अंदुन, “येन ना नीम राजा अक कूस मा येरसाईन?” प्रधान याजकगोळ उत्तर कोट्टुर, “कैसर सरकार उक बटिकु नाम याऊ राजा हैलेच.” 16 आग पलातुस यीशु उक आंदुर कय दा कोट बुटुन ताकी आव कूस मा येर्सकु आगुल.

यीशु उक कूस मा येर्सकु आगोद

(मत्ती २७:३२-४४; मरकुस १५:२१-३२; लूका २३:२६-४३)

इदुरसाटी आंदुर आऊक तान कबजा दा माळदुर. 17 आग आंदुर यीशु उक ओतुर, अदकि आव तान कूस नेगुकु आ जागा ताका व्हार्या होदुन, जो “खोपळी इन जागा” अनकु आगतद अदकि इब्रानी भाषा दा “गुलगुता.” 18 अल आंदुर आऊक अदकि आऊन सांगुळ अदकि येदढ मंळसागोळी कूस मा येर्सदुर, ऊंद इक इत्त अदकि ऊंद इक आत्त, अदकि न्याड्या दा यीशु उक. 19 पलातुस ऊंद दोष चटिठी लखिसकु कूस मा हच बुटुन, अदकि अदुर दा ईद लखिसकु ईरोद, “यीशु नासरी, यहूदीगोळ राजा.” 20 ईद दोष चटिठी हापाळ सा यहूदीगोळ वाचुसदुर, “यतकी अद जागा यल यीशु कूस मा येर्सकु आगीदुन नगर इन हाती ईरोद; अदकि चटिठी इब्रानी अदकि लतीनी अदकि ग्रीक भाषा दा लखिसकु ईरोद. 21 आग यहूदीगोळ प्रधान याजकगोळ पलातुस से अंदुर, ‘यहूदीगोळ राजा’ लखिसबाळ लेकीन ईद कि ‘आव अंदुन’ ना यहूदीगोळ राजा हुईन.” 22 पलातुस उत्तर कोट्टुन, “ना जो लखिस बुटीन, अद लखिस बुटीन.” 23 याग सैनिकि यीशु उक कूस मा येर्स बुटुर, रा आऊन कपळा हुळकु नाक भाग माळदुर, हर सैनिकि उन साटी ऊंद भाग, अदकि कुळता. भी ताकोंडुर, लेकीन कुळता. बनिा होल्दकु म्याकुच टु ल्यालमा ताका बन्सकु ईरोद. 24 इदुरसाटी आंदुर आपस दा अंदुर, “नाव इदरी हरालेव, लेकीन इदुर मा चटिठी हाक्केव कि ईद यार्द आदीत.” ईद इदुरसाटी आत कि पवत्रिशास्त्र दा जो लखिसकु आद पुरा आगुल

“आंदुर नान कपळा आपस दा वाट्स बुटुर अदकि नान कपळा मा चटिठी हाकदुर.” 25 इदुरसाटी सैनिकिगोळ हगि अच माळदुर. यीशु उन कूस इन हाती आऊन मोय, अदकि आऊन मोय इन आकतीग, क्लोपास उन हगिस मरयिम, अदकि मरयिम मगदलीनी नदिरकु ईरोर. 26 याग यीशु तान मोय, अदकि आ चेला अक यार से आव प्यार ईटतोगोन हात्ती नदिरकु नोळदुन रा तान मोय से अंदुन, “हे आर्त, नोळ, ईव नीन पार हुन.” 27 आग आव चेला से अंदुन, “ईक नीन मोय उर.” अदकि अदा समय टु आव चेला आकी तान मान्या ओतुन.

यीशु उन मृत्यु

(मत्ती २७:४५-५६; मरकुस १५:३३-४१; लूका २३:४४-४९)

28 इदुर बाद्दा यीशु ईद जान्सकु कि ईग सप्पा येनारा पुरा आगोग्याद, इदुरसाटी कि पवत्रिशास्त्र दा जो अंदकु आगीत अद पुरा आगुल, अंदुन, “ना प्यासा आईन.” 29 अल हुळलग अंगुर इन राससा देल तुमकु ऊंद बरतन ईटकु ईरोद, इदुरसाटी आंदुर सरिका दा नेनाकद ऊंद स्पंज इक हसिसप इन डगालगोळ मा ईटदुर अदकि

म्याकुच नेगुकु, आऊन बाय इक हचदुर. 30 याग यीशु अद सरिका हुळदुन अदकि अंदुन, “पुरा आत.” अदकि ताल्ला ल्यालमा माळकु जीव बटि बुटुन.

भाला देल छेद माळोद

31 इदुरसाटी क्वाअद तयारी अन दनि ईरोद यहूदीगोळ पलातुस से वनिती माळदुर क्वाआंदुर कालगोळी मुर्दकु आगुल अदकि आंदुर ईळसकु आगुल, ताकी आराम इन दशी आंदुर कूस मा ईरबाळुल, यतकी अद आराम इन दनि धोळद दनि ईरोद. 32 इदुरसाटी सैनिकगोळ बंदकु आ मंळसागोळ दा टु पयला मंळसा अन कालगोळी मुर्दुर आग दुसरा अन भी, जो यीशु उन सांगुळ कूस मा येर्सकु आगीदुर; 33 लेकीन यीशु उन हात्ती बंदकु नोळदुर क्वाआव सोतोग्यान, रा आऊन कालगोळी मुर्दीदील. 34 लेकीन सैनिकगोळ दा टु ऊंद सैनिक बरची देल आऊंद हतोरी दा छेद माळदुन, अदकि अदुर दा टु तुरन्त खुन अदकि नीर होळत. 35 याव ईद नोळदुन, आव गवाही कोटान, अदकि आऊन गवाही खरा आद; अदकि आव जान्सतान क्वाआव सही अनतान क्वा नीव भी वशिवास माळी. 36 ई मातगोळ इदुरसाटी आदव क्वापवत्रिशास्त्र दा जो अनकु आगीत अद पुरा आगुल, “आऊंद यातोदु येले मुरूकु आगतीदील.” 37 *मात्त ऊंद अदकि शास्त्र दा ईद लखिसकु आद, “यारी आंदुर छेद माळ्यार, अदुर मा आंदुर नजर हाक्यार.”

यीशु उक नळसकु आगोद

(मत्ती २७:५७-६१; मरकुस १५:४२-४७; लूका २३:५०-५६)

38 ई मातगोळ बाददा अरमितया अन यूसुफ जो यीशु उन चेला ईरोन, लेकीन यहूदीगोळ अंज्क देल ई मात इक होचकु ईटतोगोन, पलातुस से वनिती माळदुन क्वायेन आव यीशु उन लाश ओय सकतान. पलातुस आऊन वनिती केळदुन, अदकि आव बंदकु आऊन लाश ओतुन. 39 *नीकुदेमुस भी, जो यीशु उन हात्ती ईळकी होगीदुन, पचास सेर इन लगभग मलिसुद अत्तर अदकि एलवा तंदुन. 40 आग आंदुर यीशु उन लाश ताकोडुर, अदकि यहूदीगोळ नळसोद रीत अन अनुसार आऊक सुगन्ध द्रव इन सांगुळ मलमल इन चदर दा गुंळसदुन. 41 आ जागा मा यल यीशु कूस मा येर्सकु आगीदुन, ऊंद बेली ईरोद, अदकि आ बेली दा ऊंद व्हाशोद कबर ईरोद यल यागलु यारदु लाश ईटकु ईला आगीत. 42 इदुरसाटी यहूदीगोळ तयारी अन दनि इन कारण आंदुर यीशु उक अदुर दा ईटदुर, यतकी अद कबर हाती ईरोद.

20

खाली कबर

(मत्ती २८:१-८; मरकुस १६:१-८; लूका २४:१-१२)

1 हप्ता अन पयला दशी मरयिम मगदलीनी व्हातर्या का अंधार ईरतेला अच कबर मा बंदुर, अदकि कल्ल इक कबर मा टु हटुसकु नोळदुर. 2 आग आक ओळतेला होदुर अदकि शमौन पतरस अदकि आ दुसरा चेला अन हात्ती यार से यीशु प्यार ईटतोगोन, बंदकु अंदुर, “आंदुर प्रभु उक कबर दा टु तेगुकु ओतुर, अदकि नाव जानसालेव क्वा आऊक येले ईट बुटार.” 3 आग पतरस अदकि आव दुसरा चेला होटकु कबर अन दी होदुर. 4 आंदुर येदुदु मुंदुर सांगुळ सांगुळ ओळोर, लेकीन दुसरा चेला पतरस से मुंद वाळुसकु कबर मा पयले पोहचुसदुन; 5 अदकि बांगकु कफन इन कपळा बदिक् नोळदुन, तरी आव बुळक होगीदील. 6 आग शमौन पतरस आऊन हदि हदि पोहचुसदुन, अदकि कबर अन बुळक होदुन अदकि कफन इन कपळा बदिक् नोळदुन; 7 अदकि अद गमछा जो आऊन ताल्ला अक कटकु ईरोद, कफन इन कपळागोळ सांगुळ बदिक् ईला ईरोद, लेकीन अलग ऊंद जागा दा लपटुसकु ईटकु नोळदुन. 8 आग दुसरा चेला भी जो कबर मा पयले पोहचुसीदुन, बुळक होदुन अदकि नोळकु वशिवास माळदुन. 9 आंदुर रा ईगासताका पवत्रिशास्त्र अन अद मात ईला समसीदुर क्वा आऊक सोत्तुर दा टु जत्तिता आगोद बदिदीत. 10 आग ई चेलागोळ तान मान्नी होटोदुर.

मरयिम मगदलीनी मा प्रगट आगोद

(मत्ती २८:९,१०; मरकुस १६:९-११)

11 लेकीन मरयिम वरलतेला कबर अन हात्ती अच व्हाऱ्या नदिरकु ईत्तुर, अदकि वरलत वरलत कबर अन दी बांग्क, 12 येढढ स्वरगदूतगोळ इक बळिेव कपळा हाक्कु ऊंद इक ताल्ला अन दी अदकि दुसरा अक काल इन दी कुरतकु नोळदुर, यल यीशु उन लाश ईटकु आगीत. 13 आंदुर आकनि से अंदुर, “हे नारी, नी येती वरलत्या?” आक आंदुर से अंदुर, “आंदुर नान प्रभु उक नेगुकु ओतुर अदकि ना जानसालीन कि आऊक येल ईट्यार.” 14 ईद अनकु आक हदि नोळदुर अदकि यीशु उक नदिरकु नोळदुर, लेकीन पहचानसीदील कि ईव यीशु हुन. 15 यीशु आकनि से अंदुर, “हे नारी, नी येती वरलत्या? यारी दुंदसत्या?” आक माली समसकु आऊन से अंदुर, “हे महाराज, अगर नी आऊक नेगु कोंड्या रा नानी हेळ कि आऊक येल ईट्या, अदकि ना आऊक ओयाईन.” 16 यीशु आकनि से अंदुर, “मरयिम!” आक हदि नोळकु आऊन से इब्रानी भाषा दा अंदुर, “रबूनी!” मतलब “हे गुरु.” 17 यीशु आकनि से अंदुर, “नानी मुटबाळ, यतकी ना ईगासताका आप्प उन हात्ती म्याकुच होगली आईन, लेकीन नान वारटुर हात्ती होगकु आंदुर से अंद बुळ, किना तान आप्प अदकि नीम आप्प, अदकि तान परमेश्वर अदकि नीम परमेश्वर उन हात्ती म्याकुच होगतीन.” 18 मरयिम मगदलीनी होगकु चेलागोळी हेळदुर, “ना प्रभु उक नोळदीन, अदकि आव नान से ई मातगोळी अंदुन.”

चेलागोळ मा प्रगट आगोद

(मत्ती २८:१६-२०; मरकुस १६:१४-१८; लूका २४:३६-४९)

19 अदा दशी जो हप्ता अन पयला दनि ईरोद, द्यावगा अन होती याग अलेव दरवाजा येल चेलागोळ ईरोर, यहूदीगोळ अंजुक इन मारा देल बंद ईरव, आग यीशु बंदुन अदकि आंदुर न्याड्या दा नदिरकु आंदुर से अंदुन, “नीमी शांती सकिल.” 20 अदकि ईद अनकु आव तान कय अदकि तान हतारी आंदरी तोरसदुन. आग चेलागोळ प्रभु उक नोळकु खुश आदुर. 21 यीशु आंदुर से मातत अंदुन, “नीमी शांती सकिल; हयांग आप्प नानी कळयान, हांग अच ना भी नीमी कळतीन.” 22 ईद अनकु आव आंदुर मा ऊरदुन अदकि आंदुर से अंदुन, “पवतिर आत्मा हुडी. 23 *यार पाप नीव माफ माळी, अव आंदुर साटी माफ माळकु आग्याव; यार नीव ईटी, अव ईटकु आग्याव.”

थोमा मा प्रगट आगोद

24 लेकीन हन्नेळ दा टु ऊंद, मतलब थोमा जो ददिमुस कहलुस्तान, याग यीशु बंदुन रा आंदुर सांगुळ ईला ईरोन. 25 याग अन्य चेलागोळ आऊन से अनली कुरतुर, “नाव प्रभु उक नोळेव,” आग आव आंदुर से अंदुन, “यागासताका ना आऊन कयगोळ दा खल्लिागोळ छेद नोळ कोमालीन, अदकि खल्लिागोळ छेद दा तान बेळल हाक्क कोमालीन, अदकि आऊन हतारी दा तान कय हाक्क कोमालीन, आगासताका ना वशिवास माळतीदील.” 26 येठ्ट दनि इन बाददा आऊन चेलागोळ मातत मानना अन बुळक ईरोर, अदकि थोमा आंदुर सांगुळ ईरोन; अदकि दरवाजा बंद ईरव, आग यीशु बंदुन अदकि आंदुर बीच दा नदिरकु अंदुन, “नीमी शांती सकिल.” 27 आग आव थोमा से अंदुन, “तान बेळल ईल तनकु नान कयगोळी नोळ अदकि तान कय तनकु नान कुसी दा हाक्क, अदकि अवशिवासी ईला लेकीन वशिवासी आग.” 28 ईद केळकु थोमा उत्तर कोट्टुन, “हे नान प्रभु, हे नान परमेश्वर!” 29 यीशु आऊन से अंदुन, “नी नानी नोळ्या, येन इदुरसाटी वशिवास माळद? धन्य आंदुर आर यार बनि नोळद वशिवास माळदुर.”

ई कतिाव इन उददेश

30 यीशु अदकि भी हापाळ सा चमत्कार चेलागोळ मुंद तोरसदुन, जो ई कतिाव दा लखिसकु आगीदील; 31 लेकीन ईव इदुरसाटी लखिसकु आदव किनीव वशिवास माळी कि यीशु अच परमेश्वर उन पार मसीह हुन, अदकि वशिवास माळी कि आऊन हेसुर देल जीवन सकिकुल.

21

तबिरियास झील इन कनिरा चेलागोळ मा प्रगट आगोद

1 ई मातगोळ बाददा यीशु तान तान इक तबिरियास झील इन कनिरा चेलागोळ मा प्रगट माळदुन, अदकि ई रीति देल प्रगट माळदुन: 2 शमौन पतरस, अदकि थोमा जो ददिमुस कहलुस्तान, अदकि गलील इन काना नगर इन नतनएल, अदकि जब्दी अन पार, अदकि आऊन चेलागोळ दा टु येढढ मुंदुर जमा ईरोर. 3 *शमौन पतरस आंदुर से अंदुन, “ना मेन हुडुली होगेतीन.” आंदुर आऊन से अंदुर, “नाव भी नीन सांगुळ बरतेव.” इदुरसाटी आंदुर

होटकु ड्वांगा मा येरदुर, लेकीन आ ईळ्ळकी येनु हुळदीदील. 4 व्हातुर आगतेला अच यीशु कनिरा मा बंदकु नदिरदुन; तरी चेलागोळ पहचानसीदील कि ईव यीशु हुन. 5 आग यीशु आंदुर से अंदुन, “हे चकिोरगोळा, येन नीम हात्ती येनारा मेनगोळ आव?” आंदुर उत्तर कोट्टुर, “ईला.” 6 *आव आंदुर से अंदुन, “ड्वांगा अन ऊमा कय इन दी जार हाककी रा सकिकेव.” इदुरसाटी आंदुर जार हाकदुर, अदकि सप्पा मेनगोळ बहुतायत इन कारण अदरी जेडु सकदील. 7 आग आ चेला यार से यीशु प्यार ईटतोगोन, पतरस से अंदुन, “ईव रा प्रभु हुन!” शमौन पतरस ईद केळकु कि आव प्रभु हुन, नेळु मा गमच्छा कसुसदुन, यतकी आव बनिा कपळा नव ईरोन, अदकि झील दा हारेदुन. 8 लेकीन दुसरा चेलागोळ ड्वांगा मा मेनगोळ देल तुमकु जार जेडुतेला बंदुर, यतकी आंदुर कनिरा टु यक्कुल दुर ईला ईरोर, लेकीन येनारा येदूढ सौ कय मा ईरोर.

9 याग आंदुर कनिरा मा ईळदुर, रा आंदुर कौरसा अन बेक्की अदकि अदुर मा मेन ईटकु, अदकि रोट्टी नोळदुर. 10 यीशु आंदुर से अंदुन, “जो मेनगोळी नीव ईगल्या हुळदीर, अऊर दा टु येनारा तरी.” 11 रा शमौन पतरस ड्वांगा मा येरकु ऊंद सौ तरूपन धोड्डेव मेनगोळ देल तुमकु जार कनिरा मा जेळदुन, अदकि ईस मेनगोळ ईत्तुर मा भी जार हरदीदील. 12 यीशु आंदुर से अंदुन, “बरी, भोजन माळी.” चेलागोळ दा टु यारूकु साहस आगीदील कि आऊन से केळुल, “नी याव हुय?” यतकी आंदुर जानसोर कि ईव प्रभु अच हुन. 13 यीशु बंदुन अदकि रोट्टी हुळकु आंदरी कोट्टुन, अदकि हांग अच मेन भी. 14 ईद तसिरा बार हुन कि यीशु सोत्तुर दा टु जत्तिता आगदुर बाददा चेलागोळी काळसदुन.

यीशु अदकि पतरस

15 भोजन माळदुर बाददा यीशु शमौन पतरस से अंदुन, “हे शमौन, यूहन्ना अन पार, येन नी इंदुर से वाळुसकु नान से प्यार ईटत्या?” आव आऊन से अंदुन, “हव, प्रभु; नी रा जानसत्या कि ना नीन से प्यार ईटतीन.” आव आऊन से अंदुन, “नान म्यांडा अन पाड्डागोळी आळस.” 16 आव मात्त दुसरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” आव आऊन से अंदुन, “हव, प्रभु; नी रा जानसत्या कि ना नीन से प्यार ईटतीन.” आव आऊन से अंदुन, “नान म्यांडागोळ रखवाली माळ.” 17 आव तसिरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” पतरस उदास आदुन कियीशु आऊन से तसिरा घन अंदुन, “येन नी नान से प्यार ईटत्या?” अदकि आऊन से अंदुन, “हे प्रभु, नी रा सप्पा येनारा जानसत्या; नी ईद जानसत्या कि ना नीन से प्यार ईटतीन.” यीशु आऊन से अंदुन, “नान म्यांडागोळी आळस. 18 ना नीन से सही सही अनतीन, याग नी हारोदव ईर्या रा तान नेळु कटकु येल चाहस्या अल टेटाळ्या; लेकीन नी याग हाळाबाट आद्या रा तान कय फैलुस्या, अदकि दुसरा नीन नेळु कटकु येल नी चाहासतीदील अल नीनी वोतान.” 19 आव ई मातगोळ देल इशारा कोट्टुन कि पतरस ह्यांग मृत्यु देल परमेश्वर उन महिमा माळ्यान. अदकि आग आव आऊन से अंदुन, “नान हदि आगेग.”

यीशु अदकि आऊन परिय चेला

20 *पतरस पलटुसकु आ चेला अक हदि बरतेला नोळदुन, यार से यीशु प्यार ईटतोगोन, अदकि याव भोजन इन समय आऊन याददा अन दी बांगकु केळीदुन, “हे प्रभु, नीनी हुळसुसावाळा याव हुन?” 21 आऊक नोळकु पतरस यीशु से अंदुन, “हे प्रभु, ईऊंद येन हाल आदीत?” 22 यीशु आऊन से अंदुन, “अगर ना चाहासाईन कि आव नान बरासताका रूक्सकु ईरूल, रा नीनी इदुर से येन? नी नान हदि आगेग.” 23 इदुरसाटी वारटुर दा ईद मात फैलुसेत कि आव चेला सायतीदील, तरी यीशु आऊन से ईद अंददील कि आव सायतीदील, लेकीन ईद कि “अगर ना चाहासाईन कि आव नान बरासताका रूक्सकु ईरूल, रा नीनी इदुर से येन?”

24 ईव आवा चेला हुन जो ई मातगोळ गवाही कोळतान अदकि याव ई मातगोळी लखिस्यान, अदकि नाव जानसतेव कि आऊन गवाही खरा आद.

उपसंहार

25 अदकि भी हापाळ सा क्याल्सा आव, जो यीशु माळदुन; अगर अव ऊंद ऊंद माळकु लखिसकु आगायदव, रा ना समसतीन किकिताबगोळ जो लखिसकु आगायदव अव दुनया दा भी ईला समुसयदव.

प्रेरतिं के कामों का वर्णन प्रेरतिगोळ क्याल्सागोळ्द वर्णन परचिय

प्रेरतिगोळ क्याल्सागोळ्द कतिब मंडली अनूद सुरूवात इन कात्ता हुन अदकि ईद यरूशलेम टु यहूदयिया, सामरीया अदकि अदुर मुंद ताका ह्यांग फैलुसुत, जसा यीशु तान चेलागोळी स्वर्ग दा होगी से पयले हेळीदुन १:८ इदरी लूका लखिस्यान, आव ऊंद डाक्टर ईरोन अदकि ऊंद सीधा खाता ईटोरसाटी हापाळ सावधान ईरोन. आंदुर तान खुशखबरी अदकि अधनियिमगोळ्द कतिब थयिफलिस उक संभोधति माळदुर, जो ऊंद ग्रीक ईरोन, लेकीन कतिबगोळ्द उद्देश शायद मसीह समुदायगोळ साटी भी ईरोद यदुर दा ग्रीक अदकि यहूदी येद्दु शामिल ईरोर १:९

प्रेरतिगोळ क्याल्सा आग सकतद यीशु मसीह अन जनम इन बाददा ६०-६४ साल इन बीच दा लखिसकु आगीदव यतकी कतिब, कैद टु पौलुस उन रीहाई से पयले खतम आगतद. लूका भी प्रेरति पौलुस उन सांगुळ यात्रा माळदुन अदकि शायद अन्ताकयिया नगर दा अधनियिम लखिसदुन. प्रेरतिगोळ लूका अन खुशखबरी इक चालु ईट्यार अदकि यीशु उन स्वर्ग दा होगी सांगुळ सुरू आगतद. लेखन दा लूका अन उद्देश आंदुर खुशखबरी इन घाई अच आद. ईद थयिफलिस चाहासोन, सांगुळ अच मसीहगोळ्द वाळुसुत गनिती देल नश्चिति आद कि आंदरी येन कल्सकु आगीत अदकि इदुरसाटी आंदुर यीशु उन जीवन अदकि मसीह न्याय प्रचार इन ऊंद सीधा लेख लखिसदुर.

प्रेरतिगोळ्द कतिब नाम साटी सुरूवाती मंडली अन उदाहरण प्रदान माळतद अदकि यीशु दा वश्वास दा जीवन जीऊसोर साटी ईद ह्यांग तोर्सतद. प्रेरतिगोळ्द उदाहरण नामी तोर्सताव कि दुसरागोळी खुशखबरी बातणी फैलुसदुर दा पवत्रि आत्मा अन शक्तिमा भरोसा ह्यांग माळोद आद.

रूप रेखा:

१. पयले आत्मा चेलागोळ मा बरतद अदकि मंडली वाळुसली हततद १:१-८:१
२. इदुर बाददा मंडली अक सतुस्कु आगतद अदकि यरूशलेम टु मुंद फैलुसली हततद ८:२-१२:२३
३. अदुर बाददा पौलुस तान पयला प्रचार यात्रा मा होगतान १२:२४-१४:२८
४. इदुर बाददा मंडली यरूशलेम दा बाक माळकु ईद तय माळ्त कि व्हाशोर वश्वासीगोळ्द येन जरवत आव १५:१-३५
५. बाक पौलुस तान दुसरा प्रचार यात्रा मा होगतान १५:३६-१८:२२
६. इदुर बाददा आव तान तसिरा प्रचार यात्रा मा होगतान १८:२३-२०:३८
७. आग पौलुस उक यरूशलेम दा गरिफ्तार माळकु आत २१:२६
८. आखरी दा पौलुस उक रोम शयर दा पोहचुस्कु आत. २७-२८

परचिय

1 *हे प्रयि, थयिफलिस:

ना पयला कतिब आ सप्पा मातगोळ्द बारा दा लखिसीन जो यीशु सुरूवात टु माळतेला अदकि कल्सतेला ईत्तुन 2 आ दशी ताका यागासताका आव आ प्रेरतिगोळी यारी आव नीवळुसदिन पवत्रि आत्मा अनूद द्वारा आग्या कोटकु म्याकुच नेगुकु आगीदील, नर्देश कोळतेला ईत्तुन 3 आव सोत्तुर बाददा हापाळ सा पक्का प्रमाणगोळ देल तान-तान इक आंदरी जतिता तोर्सदुन, अदकि चालीस दिन ताका आव आंदरी कांळसतेला ईत्तुन, अदकि परमेश्वर उन राजय अनूद मातगोळी हेळतेला ईत्तुन. 4 *अदकि आंदुर से सीक्कु आंदरी आग्या कोट्टुन, “यरूशलेम इक बळिबाळी, लेकीन आप्प उन आ वादा अनूद पुरा आगोद हादी कायतेला ईरी, यार्द बारा दा ना नीमी हेळीदनि. 5 *यतकी बपतस्मा कोळावाळा यूहन्ना रा नीर दा बपतस्मा कोटान लेकीन थ्वाळासा दनिगोळ्द बाददा नीव पवत्रि आत्मा देल बपतस्मा ताकौडीर.”

* 1:1 १:१ लूका १:१-४ * 1:4 १:४ लूका २४:४९ * 1:5 १:५ मत्ती ३:११; मरकुस १:८; लूका ३:१६; यूहन्ना १:३३

यीशु उन स्वरगारोहण

6 इदुरसाटी आंदुर जमा आगकु आऊन से केळदुर, “हे प्रभु, येन नी ईदा समय इस्त्राएल इक राज्य मात्त वापस माळ कोंड्या?”

7 यीशु आंदुर से अंदुन, “आ समयगोळी या कालगोळी जानसोद, यारी आप्प तांद अच अधिकार दा ईट्यान, नीमद क्याल्सा आलच. 8 *लेकीन याग पवतिर आत्मा नीम मा बंदीत आग नीमी सामर्थ्य सक्कीत; अदकि यरूशलेम अदकि पुरा यहूदया अदकि सामरीया दा, अदकि पृथ्वी इन आखरी ताका नान गवाह ईत्तार.” 9 *ईद अनकु आव आंदुर नोळ्त्त-नोळ्त्त अच म्याकुच नेगुकु आदुन, अदकि आकाश इन ढग आऊक आंदुर कण्णगोळ देल होच बुळ्त्त.

10 यीशु उन होगोहोती याग आंदुर आकाश दी तार हचकु नोळोर, रा नोळी, येढुढ मंळसागोळ बळिवे चमकदार कपळा हाककु आंदुर हात्ती बंदकु नदिरदुर, 11 अदकि आंदुर से अंदुर, “हे गलीली लोकरा, नीव येती नदिरकु आकाश दी नोळेतीर? ईवा यीशु, जो नीम हात्ती टु स्वरग मा नेगुकु आदुन, याता रीतदिल नीव आऊक स्वरग इक होगत्त नोळदीर अदा रीतदिल आव मात्त बंदान.”

यहूदा अनूद जागा मा मत्तयाह अनूद नविळ

12 आग प्रेरति जैतून हेसुर इन पहाळी टु ईळदुर जो यरूशलेम नगर इन हात्ती आरधा कोश इन दुरी मा आद, यरूशलेम इक मात्त वापस बंदुर. 13 *याग आंदुर अल पोहचुसदुर रा आ म्याकुच इन कमरा दा होदुर, यल पतरस अदकि यूहन्ना अदकि याकूब अदकि अन्दरयास अदकि फलिपिपुस अदकि थोमा अदकि बरतुलमै अदकि मत्ती अदकि हलफई नव पार याकूब अदकि द्याश भक्त शमौन अदकि याकूब उन पार यहूदा ईरतोगोर. 14 ई सप्पा मुंदुर हापाळ आरतेर अदकि यीशु उन मोय मरयिम अदकि आ वारटुर सांगुळ ऊंद मन अदकि जमा आगकु प्रार्थना दा हतकु ईत्तुर.

15 अवा दनिगोळ दा पतरस, वशिवासी वारटुर बीच दा जो ऊंद सौ ईप्पत मंळसागोळ लगभग ईरोर, नदिरकु अनली कुरतुन, 16 “हे नान वारटुरा,” यीशु अक बंदी माळावाळेर अगुवा यहूदा अन बारा दा पवतिरशास्त्र अन अद लेख यारी दाऊद उन बाय देल पवतिर आत्मा हापाळ पयले अच अंद बुटीत, अदुर पुरा आगोद जरूरी ईरोद.

17 यतकी यहूदा रा नाम दा टु ऊंद ईरोन, अदकि ई क्याल्सा दा सहभागी आगोर साटी आऊक नविळ्त्तुसकु आगीत. 18 *आव अन्याय इन कमाई देल ऊंद केई कोंड कोंडुन, अदकि ताल्ला अनूद भार देल बदिदुन अदकि आऊन व्हाट्टा वळदोत अदकि आऊन कळलपच्चीगोळ होटकु बदिदव. 19 ई मात इक यरूशलेम ईनोर सप्पा ईरावाळेर अरत कोंडुर, ईल ताका का आ केई इन हेसुर आंदुर भाषा दा हकलदमा, मतलब “खुन इन केई” बदिदोत.

20 * “भजन संहिता अनूद कतिाव दा लखिसकु आद,”

आऊन मान्ना बरबाद आगेदीत;

अदकि अदुर दा यारू ईरबाळी.

अदकि आऊन पद यावारा

दुसरा ताकोम कोमुल.

21 *इदुरसाटी यास दनि ताका प्रभु यीशु नाम सांगुळ होगत्त बरत ईत्तुन, मतलब यहून्ना अनूद बपतस्मा टु हुडुकु आऊन नाम हात्ती टु नेगासताका जो लोकर बराबर नाम सांगुळ ईत्तुर,

22 उचति आद का आंदुर दा टु ऊंद मंळसा नाम सांगुळ प्रभु अनूद जतिता आगोद गवाह आगोगुल.

23 आग आंदुर येढुढ मुंदुर इक नदिरसदुर, ऊंद यूसुफ उक यार इक बरसबवा अंदकु आगतद, आऊन दुसरा हेसुर यूस्तुस आद, दुसरा मत्तयाह अक, 24 अदकि ईद प्रार्थना माळदुर, “हे प्रभु, नी जो सप्पा मुंदुरद मन अरूत्या, ईद प्रगट माळ का ई येढुढ मुंदुर दा टु नी यार इक नीवळुस्या, 25 ताकी आव ई सेवकाई अदकि प्रेरति पद इन जागा ग्रहण माळुल, यदरी यहूदा बटिकु तान जागा अक होटोदुन.” 26 आग आंदुर तान साटी चट्ठी गोळ हाकदुर, अदकि चट्ठी मत्तयाह अनूद हेसुर देल होळ्त्त. इदुरसाटी आव आ हनुन प्रेरतिगोळ्द सांगुळ आळुकु आदुन.

* 1:8 १:८ मत्ती २८:१९; मरकुस १६:१५; लूका २४:४७,४८
मरकुस ३:१६-१९; लूका ६:१४-१६ * 1:18 १:१८ मत्ती २७:३-८
मत्ती ३:१६; मरकुस १:९; लूका ३:२१; मरकुस १६:१९; लूका २४:५१

* 1:9 १:९ मरकुस १६:१९; लूका २४:५०,५१

* 1:13 १:१३ मत्ती १०:२-४;

* 1:20 १:२० भजन संहिता ६९:२५, भजन संहिता १०९:८

* 1:21 १:२१

2

पवतिर आत्मा अनूद ईळोद

1 याग पनितेकुस्त उन दनि बंदव, “मतलब फसह अन हाब्व खतम आगतद आग टु पचासवा दनि” बत्त, रा आंदुर सप्पा वशिवासी ऊंद जागा मा जमा ईरोर. 2 अचानक आकाश दी टु धोळ्द आंधी घाई सनसनाहट इन शब्द केळ बत्त, अदकि आ शब्द देल सप्पा मानना यल आंदुर सप्पा मुंदुर कुर्तकु ईरोर, तुम्मेत. 3 अदकि आंदरी बेक्की इन घाई ल्यालग्या हरूतेला अदकि फैलुसतेला कांळसत अदकि आंदुर दा टु हर ऊंद मंळसा मा बंदकु रूकसेत. 4 आंदुर सप्पा मुंदुर पवतिर आत्मा देल तुम्मेदुर, अदकि या प्रकार देल आत्मा आंदरी माताळोद सामर्थ्य कोळ्त्त, आंदुर अलग-अलग भाषा दा माताळली कुरतुर.

5 आकाश इन ल्यालमा नोर सप्पा द्याशगोळ दा टु बरावाळेर अलग-अलग प्रकार इन भाषा माताळावाळेर यहूदी भक्त आ समय यरूशलेम दा ईरतोगोर. 6 याग ईद शब्द आत रा हापाळ भीळ हत्तेत अदकि लॉकुर चकति आगेदुर, यतकी हर ऊंद मंळसा अक ईदा केळ बरतोगोद कि ईदुर नांद अच मात दा माताळेत्यार. 7 आंदुर सप्पा मुंदुर चकति अदकि अचम्भति आगकु अनली कुरतुर, “नोळी, ईदुर जो माताळेत्यार येन सप्पा गलीली आललच? 8 रा बाक येती नाम दा टु हर ऊंद मंळसा तान-तान जनम भूमी इन भाषा केळतान? 9 नाव जो पारथी अदकि मेदी अदकि एलामी अदकि मेसोपोटामिया अदकि यहूदिया अदकि कप्पदूकिया अदकि पुन्तुस अदकि आसिया, 10 अदकि फ्रूगिया अदकि पंफूलिया अदकि मसित्तर अदकि लीबिया द्याश जो कुरेन इन आसपास आद, ई सप्पा द्याश इनोर ईरावाळेर अदकि रोमी प्रवासी, 11 मतलब यहूदी अदकि यहूदी मत धारण माळावाळेर, कुरेती अदकि अरबी भी आर, लेकीन तान-तान भाषा दा आंदुर से परमेश्वर उन धोळ्द-धोळ्द क्यालसागोळ्द चर्चा केळतार.” 12 अदकि आंदुर सप्पा मुंदुर चकति आदुर अदकि घबरूसकु आबुर दाबुर से अनली कुरतुर, “ईद येन आगेत्याद?”

13 लेकीन दुसरा लॉकुर मज्याक माळकु अंदुर, “आंदुर रा कुडुकु नशा दा चूर आर.”

पतरस उन बातणी

14 आग पतरस आ हनुन प्रेरतिगोळ्द सांगुळ नदिरदुन अदकि धोळ्द शब्द दा अनली कुरतुन, “हे यहूदी अदकि हे यरूशलेम इनोर सप्पा ईरावाळेर लॉकुरा, ईद अरत कोमी अदकि कवि हचकु नान मातगोळ केळी. 15 ह्यांग नीव समसेतरि; ई लॉकुर नशा दा हैलेच, यतकी ईगल्यारा वाहातुर ईनव ऊम्बत अच मुरदाव. 16 लेकीन ईद अद मात हुन, जो परमेश्वर उन दी टु बातणी तरावाळा योएल उन द्वारा अंदकु आगीत” 17 परमेश्वर अनतान: क् आखरी इन दनिगोळ दा हगि आदीत क्

ना तान आत्मा सप्पा मंळसा जाती मा हाक्काईन.

अदकि नीम पारगोळ अदकि पोरगोळ

परमेश्वर उन दी टु बातणी कोट्टार, अदकि नीम हारोदोर मंळसागोळ दर्शन नोळ्यार,

अदकि नीम स्याणागोळ कानसा नोळ्यार.

18 ना तान दासगोळ अदकि तान दासीगोळ मा भी

आ दनिगोळ दा तान आत्मा दा टु हाक्काईन,

अदकि आंदुर परमेश्वर उन दी टु बातणी कोट्टार.

19 अदकि ना म्याकुच आकाश मा अदभुत क्यालसा

अदकि ल्यालमा पृथ्वी मा चमत्कारगोळी तोरसाईन,

मतलब खुन अदकि बेक्की अदकि धुंगा अनूद बादल तोरसाईन.

20 प्रभु उन महान अदकि तेजस्वी दनि इन बरोर

से पयले सुर्य करीद अदकि चंद्र खुन घाई क्याचांद

आगेदीत.

21 अदकि जो यावारा परमेश्वर उन हेसुर देल प्रार्थना माळ्यान, आऊन उद्धार आदीत.

22 हे इस्त्राएलगोळा, ई मातगोळी केळी: यीशु नासरी ऊंद मंळसा ईरोन यार्द परमेश्वर उन दी टु आगोद प्रमाण आ सामर्थ्य अनूद क्यालसागोळ अदकि आश्चर्य अनूद क्यालसागोळ अदकि चमत्कारगोळ देल प्रगट आद, जो परमेश्वर नीम न्याड्या आऊन द्वारा माळकु तोरस्यान यदरी नीव खुद अच अरूतीर. 23 *अदकि

* 2:23 २:२३ मत्ती २७:३५; मरकुस १५:२४; लुका २३:३३; यूहन्ना १९:१८

नीव आवा यीशु उक, जो परमेश्वर उन ठहरूसद योजना अदकि पूरव ग्यान इन अनुसार हुळसुसकु आदुन, नीव अन्यायीगोळद कय देल क्रूस मा येरसुसकु काँद बुट्टीर. ²⁴ लेकीन आऊका परमेश्वर मृत्यु उन बंधन दा टु बळिसकु जतिता माळदुन; यतकी ईद अशक्य ईरोद कियीशु परमेश्वर उन वश दा ईरायदुन. ²⁵ यतकी दाऊद आऊन बारा दा अनतान,

ना परमेश्वर उक हमेशा तान मुंद नोळतेला ईत्तीन:

यतकी आव नांद ऊम्मा कय दी आन, कनिान मनोबल कम आगोगबाळुल.

²⁶ ईदा कारण नान मन खुश आत,

अदकि नान ल्यालग्या मग्न आत;

उलटा नान मय इक भी

आशा देल आराम सकिकीत.

²⁷ यतकी नी नान जीव इक मृत्यु अन दुनया दा बळितीदील;

अदकि ना तान पवतिर जनगोळी कबरगोळ दा हुळु गोट्या.

²⁸ नी नानी जीवन इन हादी हेळ्या;

नी नानी तान दर्शन इन द्वारा खुशी देल तुम बुट्या.

²⁹ हे वारटुरा, ना नाम पुर्वज दाऊद उन बारा दा नीम से हमिमत देल अन सकतीन कि आव रा सोतोदुन अदकि नळसकु भी आदुन लेकीन आऊन कबर ईद भी नाम अल उपस्थति आद. ³⁰ यतकी आव परमेश्वर उन दी टु बातणी तरावाळा ईरोन, आव जानसोन कि परमेश्वर नान से हगि करिया तदान कि ना नींद वंश दा टु ऊंद मंळसा अक नीन सहिसन मा कुरसाईन; ³¹ आव आगावाळा मात इक पयले टु अच नोळकु मसीह अनूद जतिता आगोद बारा दा भवषियवाणी माळदुन कि ना रा आऊन जीव

मृत्यु अनूद दुनया दा बटिकु आदीत अदकि

ना आऊन मय हुळतति.

³² ईवा यीशु उक परमेश्वर सोत्तुर दा टु जतिता माळदुन, यार्द नाव सप्पा मुंदुर गवाह आयेव. ³³ ई प्रकार आव नेगुकु आदुन अदकि परमेश्वर उन उजवा कय देल सर्वोच्च पद ताकोमकु, अदकि आप्प से अद पवतिर आत्मा हासलि माळकु यदुर्द वादा माळकु आगीत, आव ईद रचिस बुटान जो नीव नोळतीर अदकि केळतीर. ³⁴ यतकी दाऊद रा स्वर्ग मा येरीदलि; लेकीन आव खुद अनतान,

प्रभु नान परमेश्वर से अंदुन,

नान ऊमा कय दी कुर,

³⁵ यागासताका कि ना नीन से दुश्मनी ईटावाळेर इक नीन काल दशी तनकु आंदरी नीन काल इन आशन माळ कोमालीन.

³⁶ “इदुरसाटी ईग इस्त्राएल इन सप्पा घराना नश्चिती रूप देल अर्त कोमुल कि परमेश्वर आवा यीशु अक यारी नीव क्रूस मा येरसदरि, प्रभु भी ठहरूसदुन अदकि मसीह भी.”

³⁷ आग केळावाळेर मन तुम्मेदव, अदकि आंदुर पतरस अदकि मक्कि कु प्रेरतिगोळ से केळली कुरतुर, “हे वारटुरा, नाव येन माळेव?”

³⁸ पतरस आंदुर से अंदुन, “मन तरिगुसी, अदकि नीम दा टु हर ऊंद मंळसा तान-तान पापगोळद माफ अनूद साटी यीशु मसीह अनूद हेसुर देल बपतस्मा ताकोम; रा नीमी पवतिर आत्मा अनूद दान सकिकीत. ³⁹ यतकी ईद वादा नीम, अदकि नीम औलादगोळ, अदकि आ सप्पा दुर-दुर इन लॉकुर साटी भी हुन यारी प्रभु नाम परमेश्वर तान हात्ती कारस्यान.”

⁴⁰ आव मात्त हापाळ मातगोळ देल भी गवाही कोट कोटकु समजुसदुन कि “तान-तान इक ई बेकार पीढी देल ऊळसकु ईटी.” ⁴¹ इदुरसाटी यार आऊन वचन ग्रहण माळदुर आंदुर बपतस्मा ताकोडुर; अदकि अदा दशी मुर हजार मंळसागोळ हात्तीपास आंदुरदा जमा आगोदुर. ⁴² अदकि आंदुर प्रेरतिगोळ से शक्किषा ताकोमली, अदकि संगत ईटली, अदकि भोजन माळली, अदकि प्रार्थना माळदुर दा मग्न ईरतोगोर.

वशिवासीगोळद जीवन

43 अदकि सप्पा लॉकुर मा अंज्क तुम्मेत, अदकि हापाळ सा अदभुत क्याल्सा अदकि चमत्कार प्रेरतिगोळ द्वारा प्रगट आगतोगोव. 44 *अदकि सप्पा वशिवास माळावाळेर ऊंदा ऊज्या जमा ईरतोगोर, अदकि आंदुर सप्पा वस्तुगोळ गुट दा ईरव. 45 आंदुर तान-तान सम्पत्ति अदकि सामान मार मारकु यार्द ह्यांग जरवत ईरतोगोद वाट्सतोगोर. 46 आंदुर हर दशिी ऊंद मन आगकु मंदरि दा ऊंदा ऊज्या जमा आगतोगोर, अदकि मानोन माननी खुशी अदकि पवतिर मन देल ऊमतोगोर, 47 अदकि परमेश्वर उन स्तुति माळतोगोर, अदकि सप्पा लॉकुर आंदुर से खुश ईरोर: अदकि यारी उद्धार सकितोगोद, आंदरी प्रभु हर दशिी आंदुर दा जमा माळ बुळतोगोन.

3

लंगळा भीख बेळावाळा अन्द वळलीद आगोद

1 पतरस अदकि यूहन्ना मदणी अन्द मुर मुरा प्रार्थना अन्द होती आंदुर म्याकुच मंदरि दी होगोर. 2 अदकि लॉकुर ऊंद पैयदायसी लंगळा अक तरोर, यारी आंदुर रोज मंदरि इन आ दरवाजा मा यदरी सुंदर अंदकु आगतद, कुरस बुळतोगोर का आव मंदरि दा होगवाळेर से भीख बेळ सकुल. 3 याग आव पतरस अदकि यूहन्ना अक मंदरि दा होगत नोळदुन, रा आंदुर से भीखा बेळदुन. 4 पतरस यूहन्ना अन्द सांगुळ आऊन दी ध्यान देल नोळकु अंदुन, “नाम दी नोळ!” 5 इदुरसाटी आव आंदुर से येनारा ताकोमाद लालसा ईटतेला आंदुर दी तार हचकु नोळली कुरतुन. 6 लेकीन पतरस अंदुन, “वहान्ना बेळली रा नान हाती हैलेच, लेकीन जो नान हाती आद अद नीनी कोळतीन; यीशु मसीह नासरी इन हेसुर देल नळु अदकि ओयाळ.” 7 अदकि पतरस आऊन ऊमा कय हुडुकु आऊक नेगदुन; अदकि तुरनत आऊन कालगोळ अदकि ट्वांगरागोळ दा जोर होट बत्त. 8 आव यदकु नदिरेदुन अदकि नळुली कुरतुन; अदकि नळुतेला, हारतेला अदकि परमेश्वर उन स्तुति माळतेला आंदुर सांगुळ मंदरि दा होदुन. 9 सप्पा लॉकुर आऊक नळुत टेटाळ्त्त अदकि परमेश्वर उन स्तुति माळत्त नोळकु, 10 आऊक अर्त कोंडुर का ईव आवा हुन जो मंदरि इन सुंदर फाटक मा कुरतकु भीखा बेळतोगोन; अदकि आ घटना देल जो आऊन सांगुळ आगीत आंदुर हापाळ अचम्भति अदकि चकति आदुर.

मंदरि दा पतरस उन उपदेश

11 याग आव पतरस अदकि यूहन्ना अक हुडुकु ईरोन, रा सप्पा लॉकुर हापाळ आश्चर्य माळतेला आ छपर्या दा यदरी सुलैमान उन छपर्या अंदकु आगतद, आंदुर हाती ओळतेला बंदुर. 12 ईद नोळकु पतरस लॉकुर से अंदुन, “हे इस्त्राएलगोळा, नीव ई मळसा मा येती आश्चर्य माळेतीर, अदकि नाम दी हगि येती नोळेतीर जसा नाव अच तान सामर्थ्य या भक्ति देल ईऊक नळोद अदकि टेटाळोद लायक माळ बुटेव. 13 अब्राहम अदकि इसहाक अदकि याकूब उन परमेश्वर, नाम आप्प दादागोळ परमेश्वर तान सेवक यीशु उन महिमा माळदुर, यारी नीव हुळसुस बुट्टीर, अदकि याग पलातुस आऊक बळोद वचार माळदुन, आग नीव आऊन मुंद आऊन इनकार माळदीर. 14 *नीव आ पवतिर अदकि न्यायी मळसा अन्द इनकार माळदीर, अदकि वनिती माळदीर का ऊंद हत्यारा अक नीम साटी बटिकु आगोगुल; 15 अदकि नीव जीवन इन कर्ता धर्ता अक कोंड बुट्टीर, यारी परमेश्वर सोत्तुर दा टु जतिता माळदुन; अदकि ई मात इन गवाह नाव आयेव. 16 अदकि आऊंदा हेसुर, आ वशिवास इन द्वारा जो आऊन हेसुर मा आद, ई मळसा अक यारी नीव नोळतीर अदकि अरूतीर सामर्थ्य कोटान. अदा वशिवास जो आऊन द्वारा आद, ईऊक नीम सप्पा मुंदुर मुंद बलिकुल भला चंगा माळ बुटान.

17 “ईग हे वारटुरा, नानी मालूम आद का ईद क्याल्सा नीव अग्यानता दा माळदीर, अदकि हांगा नीम अधिकारीगोळ भी माळदुर. 18 लेकीन याता मातगोळी परमेश्वर सप्पा भवषियवक्तागोळ बाय देल पयले अच हेळ बुटीदुन, का आऊन मसीह दुख नेगदान, अवरी आव ई रीत देल पुरा माळदुन. 19 इदुरसाटी, मन तरिगुसी अदकि वापस बरी का नीम पाप माफ माळकु आदव, 20 ताकी आत्मकिता शांती इन समय प्रभु उन देल बरूल अदकि आव यीशु अक कळुल जो नीम साटी पयले टु ना मसीह ठहरूसकु आग्यान, 21 जरूरी आद का आव स्वर्ग दा आ समय ताका ईरूल यागासताका का आव सप्पा मातगोळ्द सुधार माळ कोमालुन यदुरद चर्चा स्याणा लॉकुर काल टु परमेश्वर तान पवतिर भवषियवक्तागोळ बाय देल माळ्यान. 22 * ह्यांग का मूसा अंदुन, ‘प्रभु परमेश्वर नीम वारटुर दा टु नीम साटी नान घाई ऊंद भवषियवक्ता पैदा माळ्यान, जो येनारा आव नीम से अंदान, नीव आऊन केळी. 23 लेकीन हर ऊंद मळसा जो आ भवषियवक्ता अन्द केळतीदलि, परमेश्वर उन लॉकुर दा

* 2:44 २:४४ प्रेरतिगोळ ४:३२-३५

* 3:14 ३:१४ मत्ती २७:१५-२३; मारकुस १५:६-१४; लूका २३:१३-२३; यूहन्ना १९:१२-१५

* 3:22 ३:२२

व्यवस्थाविवरण १८:१५,१८

टु ब्यार माळकु नाश माळकु आदान.' 24 अदकि शमूएल इन हात्ती टु हुडुकु रा आऊन बादवाळेर ताका यास भवषियवक्ता माताळदुर आ सप्पा ई दनिगोळ बारा दा बातणी कोटार. 25 नीव भवषियवक्तागोळ औलाद अदकि आ वादा अन भागी हुईर, जो परमेश्वर नीम आप्प दादागोळ से कटदुन, याग आव अब्राहम से अंदुन, 'नीन घराना अन्द दवारा पृथ्वी इन सप्पा लॉकुरी आर्शवािद सकिकीत.' 26 परमेश्वर तान सेवक उक नेगुकु पयले नीम हात्ती कळुदुन, की नीम दा टु हर ऊंद मळसा अक आऊन बुराईगोळ देल तरिगुसकु आर्शवािद कोळुल."

4

महासभा अन मुंद पतरस अदकि यूहन्ना

1 याग पतरस अदकि यूहन्ना लॉकुर से ईद अनोर, रा याजक अदकि मंदरि इन रखवाली माळावाळेरद शासक अदकि सद्की आंदुर मा येरकु बंदुर. 2 यतकी आंदुर हापाळ सट्टी बंदुर की पतरस अदकि यूहन्ना लॉकुरी उपदेश कोळतेला यीशु उन सोत्तुर दा टु जतिता आगोद दवारा अदकि यीशु उन उदाहरण कोट कोटकु सोत्तुर दा टु जीत्ता आगोद प्रचार माळतोगोर. 3 आंदुर आंदरी हुडुकु दुसरा दनि ताका जयल दा ईटदुर यतकी द्याव मुळकेगति. 4 लेकीन वचन इक केळावाळेर दा टु हापाळ मुंदुर वशिवास माळदुर, अदकि आंदुर गनिती अईद हजार मळसागोळ्द हात्तीपास आगेत.

5 दुसरा दशिी यरूशलेम दा यहूदी अधिकारीगोळ अदकि स्याणा लॉकुर अदकि न्यायशास्त्र अन्द गुरुगोळ, 6 अदकि महायाजक हन्ना अदकि कैफा अदकि यूहन्ना अदकि सकिन्दर अदकि यास महायाजक इन घराना नोर ईरोर, सप्पा यरूशलेम दा जमा आदुर. 7 आंदुर पतरस अदकि यूहन्ना अक न्याड्या नदिरूसकु केळली कुरतुर की "नीव ईद क्यालसा याता सामर्थ्य देल अदकि याता हेसुर देल माळीर."

8 आग पतरस पवतिर आत्मा देल परपिर्ण आगकु आंदुर से अंदुन, "हे लॉकुरदव अधिकारी अदकि स्याणा लॉकुरा. 9 ई लंगळा मळसा अन्द सांगुळ जो भलाई माळकु आग्याद, अगर ईद नाम से आऊन बारा दा केळकु आगतद, की आव ह्यांग वळ्लेव आदुन. 10 रा नीव सप्पा अदकि पुरा इस्त्राएली लॉकुर जान्स कोमी की यीशु मसीह नासरी इन हेसुर दा जो सामर्थ्य आद अदुर दवारा ई लंगळा मळसा नीम मुंद भला चंगा नदिरकु आन, या यीशु अक नीव कूस मा येरसदरि, अदकि परमेश्वर सोत्तुर दा टु जतिता माळदुन. 11 शास्त्र दा लखिसकु आद, ईव यीशु अदा कल्ल हुन यारी नीव राजमसित्रीगोळ बेकार मान्सदरि अदकि

आव हापाळ महत्वपुर्ण कल्ल आगेदुन.

12 यावारा दुसरा अन्द दवारा उद्धार ईला; यतकी स्वर्ग इन ल्यालमा मळसागोळ दा अदकि यातोदु दुसरा हेसुर कोटकु आगीदील, यार्द दवारा नामी उद्धार सकिलुल."

13 याग आंदुर पतरस अदकि यूहन्ना अन्द ह्मिमत नोळदुर, अदकि ईद अरतुर की इंदुर अनपढ अदकि साधारण मळसा आर, रा आश्चर्य माळदुर; बाक आंदरी अरतुर, की इंदुर यीशु उन सांगुळ ईतार. 14 आ लंगळा मळसा अक जो वळ्लेव आगीदुन, पतरस अदकि यूहन्ना अन्द सांगुळ नदिरुत नोळकु, आंदुर वरिध दा येनु अन सकदील. 15 लेकीन आंदरी सभा अन्द व्हार्या हागोद आग्या कोटकु, आंदुर तांदुर दा वचिर माळली कुरतुर, 16 अदकि अनली कुरतुर, "नाव ई मळसागोळ सांगुळ येन माळेव? यतकी यरूशलेम इन सप्पा ईरावाळेर मा प्रगट आद, की इंदुर दवारा ऊंद प्रसदिध चमत्कार तोरसकु आग्याद, अदकि नाव अदुर्द इनकार माळ सकालेव. 17 इदुरसाटी की ई मात लॉकुर दा मातत यक्कुल फैलुस बाळुल, नाव आंदरी धमकुसेव, की आंदुर यीशु उन हेसुर देल बाक यातोदु मळसा से मातगोळी हेळतीदील."

18 आग आंदुर पतरस अदकि यूहन्ना अक कारदुर अदकि चेतावनी कोटकु ईद अंदुर, "यीशु उन हेसुर देल येनु अच माताळ बाळेतीर अदकि कल्ल बाळेतीर." 19 लेकीन पतरस अदकि यूहन्ना आंदरी उत्तर कोटदुर, "नीवा न्याय माळी; येन ईद परमेश्वर उन नजर दा भला आद की नाव परमेश्वर उन मात से यक्कुल नीम मात केळेव. 20 यतकी ईद रा नाम से आगसकाल की जो नाव नोळेव अदकि केळेव, अद अनतीदलि." 21 आग आंदुर आंदरी मातत यक्कुल धमकी कोटकु बटि बुटुर, यतकी आंदरी समझ दा बंददिल की आंदरी ह्यांग दण्ड कोटटेव, यतकी जो घटना आगीत अदुर कारण सप्पा लॉकुर परमेश्वर उन बळाई माळतोगोर. 22 आ लंगळा मळसा, यार मा ईद चंगाई इन चमत्कार तोरसकु आगीत, चालीस साल से यक्कुल उमर ईनव ईरोन.

वशिवासीगोळ्द साटी ह्मिमत इन प्रार्थना

23 पतरस अदकि यूहन्ना बटिकु तान संगीगोळ हात्ती बंदुर, अदकि जो येनारा प्रधान याजकगोळ अदकि स्याणा लॉकुर आंदुर से अंदीदुर, आंदरी केळस बुटुर. 24 ईद केळकु वशिवासीगोळ ऊंद मन आगकु धोळद आवाज देल परमेश्वर से अंदुर, हे स्वामी, नी आवा हुय याव स्वर्ग अदकि पृथ्वी अदकि समुद्र अदकि जो येनारा अऊरदा आद माळ्या. 25 नी पवतिर आत्मा अन द्वारा तान सेवक नाम पुर्वज दाऊद उन बाय देल अंद, गैरयहूदीगोळ हल्ला येती मचुसदुर? अदकि द्याश-दयाश इन लॉकुर

येती बनिा मतलब इन मातगोळद वचारि माळदुर?

26 प्रभु अदकि आऊन मसीह अन्द वरिध दा

पृथ्वी इन राजा नदुरदुर,

अदकि अधिकारीगोळ ऊंद सांगुळ जमा आगेदुर.

27 यतकी खराखुरा नीन पवतिर सेवक यीशु उन खलिाप दा, यार्द नी अभषिक माळद, हेरोदेस अदकि पुनतयुस पलातुस भी गैरयहूदीगोळ अदकि इस्त्राएलीगोळ सांगुळ ई नगर दा जमा आदुर, 28 आंदुर जमा आदुर यतकी नीन ताकत अदकि इच्छा अन अनुसार जो येनारा पयले अच नश्चिती आगेगीत अद पुरा आगुल. 29 ईग हे प्रभु, आंदुर धमकीगोळी नोळ; अदकि तान दासगोळी ईद इजाजत कोळ कनिीन वचन हापाळ हम्मिमत देल केळसुल. 30 चंगा माळोर साटी नी तान कय मुंद माळ कचि मत्कार अदकि अदभुत कयाल्सा नीन पवतिर सेवक यीशु उन हेसुर देल माळकु आगुल.

31 याग आंदुर प्रार्थना माळ कौडुर, रा अद जागा यल आंदुर जमा ईरोर हालुसेत, अदकि आंदुर सप्पा मुंदुर पवतिर आत्मा देल परपुर्ण आगेदुर, अदकि परमेश्वर उन वचन हम्मिमत देल केळसतेला ईत्तुर.

वशिवासीगोळद एकता अन जीवन

32 यश्रिवास कळावारळेद मंडली ऊंद चित्त अदकि ऊंद मन इन ईरोद, ईल ताका कचि यावारा भी तान धन सम्पत्ती तान ईला अनतोगोन, लेकीन सप्पा येनारा गुट दा ईरोद. 33 प्रेरति बळा सामर्थ्य देल प्रभु यीशु उन जित्ता आगेद गवाही कोळत्त ईत्तुर अदकि आ सप्पा मुंदुर मा हापाळ अनुग्रह ईरोद. 34 आंदुर दा याऊ भी गरीब बेळावाळा ईला ईरोन; यतकी यार्द हात्ती जागा अदकि मान्नागोळ ईरव, आंदुर अवरी मार-मोटकु, मारद वस्तुगोळद दाम तरोर, 35 अदकि अवरी प्रेरतिगोळद कालगोळ मा ईटतोगोर; अदकि ह्यांग यारी जरवत ईरतोगोद, अदुर अनुसार हर ऊंद मळसा अक कोट बुळतोगोर.

36 यूसुफ हेसुर ईनव साइप्रस नगर इन ऊंद लेवी ईरोन यार्द हेसुर प्रेरतिगोळ बरनबास मतलब हम्मिमत कोळावाळा ईटीदुर. 37 आऊन थ्वाळासा जागा जमीन ईरोद, यदरी आव मारदुन, अदकि दाम इन पैस्या तनकु प्रेरतिगोळद कालगोळ मा ईट बुटुन.

5

हनन्याह अदकि सफीरा

1 हनन्याह हेसुर इन ऊंद मळसा ईरोन, अदकि आव तान हगिस सफीरा अन सांगुळ तान थ्वाळासा जागा मारदुन. 2 अदकि आव आ जागा अन दाम दा टु थ्वाळासा पैस्या ईट बुटुन; अदकि ईद मात आऊन हगिस भी जानसोर, अदकि अदुर मगिद भाग तनकु प्रेरतिगोळद कालगोळ मुंद ईट बुटुन. 3 पतरस अंदुन, “हे हनन्याह! शैतान नीन मन दा ईद मात ह्यांग हाकत कचि नी पवतिर आत्मा से ख्वाटा माताळ्या, अदकि जागा अन दाम दा टु येनारा ईट्या? 4 यागासताका अद नीन हात्ती ईत्त, येन अद जागा अपमान ईतीदील? अदकि याग अद मारेत रा येन अदुर कमित नीन अधिकार दा ईला ईरोद? अदकि नी ई मात इन तान मन दा येती वचारि माळद? नी मळसागोळ से ईला, लेकीन परमेश्वर से ख्वाटा माताळद.” 5 ई मातगोळ केळकु हनन्याह बदिदुन अदकि जीव बटि बुटुन, अदकि सप्पा केळावाळेर मा धोळद अंजक तुम्मेत. 6 बाक हारोद मळसागोळ यदकु आऊन सकोली तयार माळदुर अदकि आऊन लाश व्हार्या ओतकु नळस बुटुर.

7 लगभग मुर तास इन बाददा आऊन हगिस, जो येनारा आगीत ईला जान्सकु, बुळक बंदुर.

8 आग पतरस आकनि से अंदुन, “नानी हेळ येन नीव अद जागा इटुर दा अच मार बुटीदीर?” आक अंदुर, “हव, इटुर दा अच.”

9 पतरस आकनि से अंदुन, “ईद येन मात हुन की नीव येदुदु मुंदुर प्रभु अनंद आत्मा अन परीक्षा साटी ऊंद मन माळदीर? नोळ, नीन गांडड उक नळसावाळेर दरवाजा मा अच नदिरकु आर, अदकि नीनी भी व्हार्या ओतार.”
10 आग आक तुरन्त आऊन कालगोळ मा बदिदुर, अदकि सोतोदुर; अदकि हारोद मळसागोळ बुळ्क बंदकु आकी सोतकु नोळदुर, अदकि व्हार्या वोतकु आकनि गांडड उन हात्ती नळ्स बुदुर. 11 सप्पा मंडली मा अदकि ई मातगोळ्द सप्पा केळावाळेर मा धोळ्द अंजक तुम्मेत.

चमत्कार अदकि अदभुत क्याल्सा

12 प्रेरतिगोळ्द कयगोळ देल हापाळ चमत्कार अदकि अदभुत क्याल्सा लॉकुर न्याड्या दा तोरसकु आगतोगोव, अदकि आंदुर सप्पा ऊंद मन आगकु सुलैमान उन छपर्या दा जमा आगतोगोर. 13 लेकीन हापाळ दा टु यारीकु ईद हम्मित ईला आगतोगोद की आंदुर दा होगकु मलिसेव; तरी लॉकुर आंदुर्द बळाई माळतोगोर. 14 वशिवास माळावाळेर हापाळ सा मळसा अदकि आरतेर मंडलीगोळ दा धोळ्द संख्या दा सकित ईत्तुर. 15 ईल ताका की लॉकुर बमारगोळी सळकगोळ मा तन तनकु, व्हर्सगोळ मा मगिस बुळतोगोर की याग पतरस बंदान, रा आऊन सावली अच आंदुर दा टु यारदारा मा बदिगुल. 16 यरूशलेम इन आसपास इन नगरगोळ से भी हापाळ लॉकुर बमारगोळ अदकि अशुध्द आत्मागोळ्द सतुस्द लॉकुरी तन तनकु, जमा आगतोगोर, अदकि सप्पा वळ्लेर माळकु आगोर.

प्रेरतिगोळ्द गरिफ्तारी

17 आग महायाजक अदकि आऊन सप्पा संगी जो सद्कीगोळ्द पंथ नोर ईरोर, जलनखोरी देल तुम्मेदुर. 18 अदकि प्रेरतिगोळी हुडुकु बंदीगृह दा बंद माळ बुदुर. 19 लेकीन ईळ्ळ इक प्रभु उन ऊंद स्वर्गदूत बंदीगृह अनंद दरवाजा तेरूकु आंदरी व्हार्या तनकु अंदुन, 20 “होगी, मंदिर दा नदिरकु ई वहाशोद जीवन इन सप्पा मातगोळ लॉकुरी केळसी.” 21 आंदुर ईद केळकु वहातुर आगतेला अच मंदिर दा होगकु शक्शा कोळली कुरतुर.

लेकीन महायाजक अदकि आऊन साथीगोळ बंदकु इस्त्राएलगोळ सप्पा स्याणा लॉकुरद पुरा सभा अक जमा माळदुर, अदकि बंदीगृह दा बातणी कळुदुर की आंदरी तूल. 22 लेकीन अधिकारीगोळ अल पोहचुस्कु आंदरी बंदीगृह दा नोळीदील, अदकि वापस बंदकु बातणी कोट्टुर, 23 “नाव बंदीगृह अक हापाळ सावधानी देल बंद माळकु, अदकि पहरेदारगोळी व्हार्या दरवाजागोळ मा नदिरकु नोळदेव; लेकीन याग तेरदेव, रा बुळ्क याऊ सकिकीदील.” 24 याग मंदिर इन सरदार अदकि प्रधान याजक ई मातगोळी केळदुर, आंदरी समझ दा बंदीदलि की प्रेरतिगोळ्द येन आत अदकि ईग येन आदीत! 25 ईदुर दा यावारा बंदकु आंदरी हेळदुन, “नोळी, यारी नीव बंदीगृह दा बंद ईटीदीर, आ मळसागोळ मंदिर दा नदिरकु लॉकुरी शक्शा कोळेत्यार.” 26 आग सरदार, अधिकारीगोळ सांगुळ होगकु, आंदरी तंदुन, लेकीन ताकत देल ईला, यतकी आंदुर लॉकुर से अंजतोगोर की नाम मा पथराव माळबाळुल.

27 आंदुर प्रेरतिगोळी तनकु महासभा अनंद मुंद नदिरूस बुदुर; अदकि महायाजक आंदुर से पूछताछ माळदुन, 28 “येन नाव नीमी कठोर आग्या कोटीदील की नीव ई हेसुर देल शक्शा कोळ बाळेतीर? तरी भी नोळी, नीव सप्पा यरूशलेम इक तान शक्शा देल तुम बुट्टीर अदकि आ मळसा अनंद खुन नाम कुतक्या मा तरोद चाहासतीर.”

29 आग पतरस अदकि दुसरा प्रेरतिगोळ उत्तर कोट्टुर, “मळसागोळ्द आग्या से वाळुसकु परमेश्वर उन आग्या अनंद पालन माळोद अच नाम्द कर्तव्य आद. 30 नाम आप्प दादागोळ्द परमेश्वर यीशु उक सोत्तुर दा टु जतिता माळदुन, यारी नीव कूरस मा येरसकु कोंद बुटीदीर. 31 आऊक अच परमेश्वर शासक अदकि उद्धारकर्ता ठहरूसकु, तान ऊमा कय मा नेगद बुट्टुन, की आव इस्त्राएलगोळी मन तरिगुसोद ताकत अदकि पापगोळ्द माफ प्रदान माळुल. 32 नाव ई मातगोळ गवाह आयेव अदकि हांगा पवतिर आत्मा भी, यारी परमेश्वर आंदरी कोटान जो आऊन आग्या मानसतार.”

33 ईद केळकु आंदुर सट्टी होट बंदुर, अदकि प्रेरतिगोळी कोंद बुळोद चाहासदुर. 34 लेकीन गमलीएल हेसुर इन ऊंद फरीसी जो व्यवस्था अन शक्शक अदकि सप्पा लॉकुर दा मानवाईक ईरोन, न्याय सभा दा नदिरकु प्रेरतिगोळी थ्वाळासा समय इन साटी व्हार्या माळोद आग्या कोट्टुन. 35 आग आव अंदुन, “हे इस्त्राएलगोळा, नीव जो येनारा ई मळसागोळ सांगुळ माळोद चाहासतीर, सोच वचिर माळकु माळेतीर. 36 यतकी ई दनिगोळ से पयले थयिदास ईद अनतेला अच वदिरोह अनंद झंडा नेगदीदुन, की ना भी येनारा

आईन; अदकि कम से कम नाक सौ मंळसा आऊन सांगुळ आगेदुर, लेकीन आव कोन्सुसकु आदुन अदकि यास लॉकुर आऊक मानसतोगोर, सप्पा ततिर बतिर आदुर अदकि मट्टिसेदुर. ³⁷ अदुर बाददा जनगणना अन्द दनिगोळ दा गलील दा ईरावाळा यहूदा वदिरोह दा ताल्ला नेगदुन, अदकि थ्वाळासा लॉकुरी तान दी माळ कौडुन; अदकि आव भी नाश आगेदुन अदकि यास लॉकुर आऊक मानसतोगोर, सप्पा ततिर बतिर आगेदुर. ³⁸ इदुरसाटी ईग ना नीम से अनतीन, ई मंळसागोळ से दुर अच ईरी अदकि इंदरी होगोळी; यतकी अगर ईद न्याय या क्याल्सा मंळसागोळ दी टु आद आग रा मट्टिसेदीत; ³⁹ लेकीन अगर परमेश्वर उन दी टु आद, रा नीव आंदरी यागलु मट्टिस सकतीदलि. ईलारा हगि आगबाळुल की नीव परमेश्वर से भी लळुसावाळेर ठहरूसी. आग सभा अन लॉकुर गमलीएल उन मात मानस कौडुर.” ⁴⁰ अदकि प्रेरतिगोळी कार्सकु बळसुसदुर; अदकि ईद आदेश कोटकु बटि बुटुर की यीशु उन हेसुर देल बाक यातोदु मात माळबाळेतीर. ⁴¹ प्रेरतिगोळ ई मात देल खुश आगकु महासभा अन्द मुंदु टु अनतेला होटोदुर, कानाव यीशु उन हेसुर इन साटी अपमानीत आगेद लायक रा ठहरूसदेव. ⁴² आंदुर रोज मंदिर दा अदकि मानोन मान्नी लगातार खुशखबरी इन प्रचार माळतोगोर अदकि कल्सतोगोर की यीशु उच मसीह हुन.

6

येळ सेवक

¹ आ दनिगोळ दा चेलागोळ्द संख्या हापाळ वाळुसली कुरत, आग गैरयहूदी भाषा माताळावाळेर इब्रानी भाषा मातावाळेर मा कुळकाळ माळली हतदुर, की रोज इन दान दा नाम रांड्यागोळ्द बारा दा वचार माळकु आगाल्द. ² आग आ हन्नेळ प्रेरतिगोळ चेलागोळ्द मंडली इक तान हात्ती कार्कु अंदुर, “ईद ठीक हैलेच की नाव परमेश्वर उन वचन बटिकु तनिसदुर कुळसदुर स्यावा दा ईत्तेव. ³ इदुरसाटी, हे वार्दुरा अदकि आकतींगेरा, तान दा टु येळ मानवाईक मंळसागोळी जो पवतिर आत्मा अदकि बुद्धी देल परपिर्ण आर, नविळुस कोमी, की नाव आंदरी ई क्याल्सा मा ठहरूस बुटेव. ⁴ लेकीन नाव रा प्रार्थना दा अदकि वचन केळसोद सेवकाई दा हतकु ईत्तेव.”

⁵ ईद मात सप्पा मंडली इक वळलीद हत, अदकि आंदुर स्तफिनुस हेसुर इन ऊंद मंळसा अक जो वशिवास अदकि पवतिर आत्मा देल परपिर्ण ईरोन, अदकि फलिपिपुस, अदकि पूरुखूरुस, अदकि नीकानोर, अदकि तीमोन, अदकि परमनास, अदकि अन्ताकिया वासी नीकुलाउस उक जो यहूदी मत दा होट्ट बंदीदुन, नीवळुस कौडुर. ⁶ इंदरी प्रेरतिगोळ्द मुंद नदिरूसदुर अदकि आंदुर प्रार्थना माळकु आंदुर मा कय ईटदुर.

⁷ परमेश्वर उन वचन फैलुस्तेला होत अदकि यूरुशलेम दा चेलागोळ गनिती हापाळ वाळुसेत; अदकि याजकगोळ्द ऊंद धोळ्द समाज ई मत इक मानसावाळा आगेत.

स्तफिनुस उन गरिफ्तारी

⁸ स्तफिनुस अनुग्रह अदकि सामर्थ्य देल परपिर्ण आगकु लॉकुर दा धोळ धोड्डेव अदभुत क्याल्सा अदकि चमत्कार तोरसतोगोन. ⁹ आग आ सभागृह दा टु जो लबिरितीन इन कहलुसतोगोद, अदकि कुरेनी अदकि सकिन्दरिया अदकि कलिकिया अदकि आसिया अन लॉकुर दा टु थ्वाळासा लॉकुर यदकु स्तफिनुस से झगळा माळली हतदुर. ¹⁰ लेकीन आ ग्यान अदकि आ आत्मा अन्द यार देल प्रेरति आगकु स्तफिनुस मातगोळी माळतोगोन, आंदुर सामना माळ सकदील. ¹¹ इदुर मा आंदुर थ्वाळासा लॉकुरी भळकुसदुर जो अनली कुरतुर, “नाव ईऊक मूसा अदकि परमेश्वर उन वरीध दा तरिस्कार इन मातगोळी अनतेला केळेव.” ¹² अदकि लॉकुर अदकि स्याणागोळ अदकि शास्त्रीगोळी भळकुसदुर अदकि आंदुर आऊक हुडुकु महासभा दा तंदुर. ¹³ अदकि ख्वाटा गवाह नदिरूसदुर, आंदुर अंदुर, “ईव मंळसा ई पवतिर जागा अदकि व्यवस्था अन्द वरीध दा माताळोद बळालुन. ¹⁴ यतकी नाव आऊक ईद अनतेला केळेव की ईवा यीशु नासरी ई मंदिर इक केळ्द बुट्टान, अदकि आ रीतीगोळी बदलुस बुट्टान जो मूसा नामी सोपस्यान.” ¹⁵ आग सप्पा लॉकुर जो सभा दा कुरतकु ईरोर, स्तफिनुस मा नजर हाकदुर रा आऊन बाय स्वरगदूत उन घाई नोळदुर.

7

स्तफिनुस उन भाषण

1 आग महायाजक स्तफिनस से अंदुन, “येन ई मातगोळ सही आव?”

2 स्तफिनस अंदुन, “हे वारटुरा, अदकि आपपगोळा केळी. नाम सयाणा अब्राहम हारान द्याश दा कुरोर से पयले मेसोपोटामिया दा ईरोन; रा तेजोमय परमेश्वर आऊक दर्शन कोट्टुन, 3 अदकि आऊन से अंदुन, ‘नी तान द्याश अदकि तान कुटुम्ब टु होटकु आ द्याश दा होग, यदरी ना नीनी तोरसाईन.’ 4 आग आव कसदयिगोळ द्याश दा टु होटकु हारान द्याश दा होगकु कुरतुन. अब्राहम उन आपप उन सोत्तुर बाददा परमेश्वर आऊक अल टु ई द्याश दा तनकु कुरसदुन यदुरदा ईग नीव कुरतीर, 5 अदकि आऊक येनारा मीरास मतलब काल ईटली भी आऊक जागा कोटीदील, लेकीन वादा माळदुन का ना ईद द्याश नीद अदकि नीन बाददा नीन वंश इन कय दा माळ बुळाईन; लेकीन आ समय आऊन यातोदु औलाद भी ईला ईरोद. 6 अदकि परमेश्वर ईद अंदुन, ‘नीन औलाद इन लाँकुर दुसरा द्याश दा परदेशी आदार, अदकि लाँकुर आंदरी दास माळ्यार अदकि नाक सौ वर्ष ताका सतुस्कु आदार.’ 7 बाक परमेश्वर अंदुन, ‘या राष्ट्र इन आंदुर दास आदार, आंदरी ना दण्ड कोळाईन, अदकि इदुर बाददा आंदुर होटकु ईदा जागी नान स्यावा माळ्यार.’ 8 अदकि परमेश्वर आऊन से खतना अन्द वादा माळदुन; अदकि ईदा दशा दा इसहाक आऊन से पैदा आदुन अदकि आऊन जनम इन बाददा आठवा दशी आऊन खतना माळकु आत; अदकि इसहाक से याकूब पैदा आदुन अदकि याकूब से हन्नेळ पारगोळ पैदा आदुर ईदुरद भी खतना माळकु आत आंदुर नाम कुलपती बन्सदुर.

9 “कुलपतगिोळ यूसुफ से जलन माळकु आऊक मसित्तर द्याश होगवाळेर इक मारदुर. लेकीन परमेश्वर आऊन सांगुळ ईरोन, 10 अदकि आऊक आऊन सप्पा दुखगोळ देल बळिसकु मसित्तर अन्द राजा फरौन उन नजर दा अनुग्रह अदकि बुद्धी प्रदान माळदुन, अदकि आव आऊक मसित्तर मा अदकि तान सप्पा मान्ना मा शासक नयिक्त माळदुन. 11 आग मसित्तर अदकि कनान इन सप्पा द्याश दा अकाल बतित्त; यदुर देल भारी दुखगोळ बंदव, अदकि नाम आपप दादागोळी तनिली ईला सक्तोगोद. 12 लेकीन याकूब ईद केळकु का मसित्तर द्याश दा अनाज आद, नाम आपप दादागोळी पयला घन कळुदुन. 13 दुसरा घन यूसुफ खुद इक तान वारटुर मा प्रगट माळदुन अदकि यूसुफ उन जाती फरौन उक मालूम आगेत. 14 आग यूसुफ तान आपप याकूब अदकि तान सप्पा कुटुम्ब इक, जो पच्यात्तर मंळसा ईरोर, बातणी कळुदुन. 15 आग याकूब मसित्तर दा ल्यालमा होदुन; अदकि अल आव अदकि आऊन चकिोर सोतोदुर. 16 आंदुर लाश शकेम नगर दा पोहचुस्कु आ कबर दा ईटकु आदव, यारी अब्राहम चाँदी इन सक्का कोटकु शकेम दा हमोर उन औलाद से कोंडीदुन.

17 “लेकीन याग आ वादा अन्द पुरा आगोद घळी हातती बत्त जो परमेश्वर अब्राहम से माळीदुन, रा मसित्तर द्याश दा आ लाँकुर वाळुसेदुर अदकि हापाळ आगेदुर. 18 आग मसित्तर दा दुसरा राजा आदुन जो यूसुफ उक ईला अरोन. 19 आव नाम जाती से चालाकी माळकु नाम आपप दादागोळ सांगुळ ईल ताका बुरा व्यवहार माळदुन, का आंदरी तान चकिोरी भीट बुळोर साटी मजबुर माळदुन. 20 आ समय मूसा पैदा आदुन. आव परमेश्वर उन नजर दा हापाळ अच सुंदर ईरोन. आव मुर तगिुळ ताका तान आपप उन मान्या पालस्कु आदुन. 21 याग भटिकु आदुन रा फरौन उन पोर आऊक नेगु कोंडुर, अदकि तान पार उन घाई पाल्सदुर. 22 मूसा अक मसित्तीगोळ सप्पा वदिया कल्सकु आत, अदकि आव वचन अदकि कर्म येदुदु दा ताकतवर ईरोन.

23 “याग आव चालीस वर्ष इनव आदुन, रा आऊन मन दा बत्त का ना इस्त्राएली वारटुर से मुलाकात माळाईन. 24 आव ऊंद मंळसा मा अन्याय आग्त नोळकु आऊक ऊळसदुन, अदकि मसित्ती इक कोंदकु अत्याचार माळदु मंळसा अन्द बदला ताकोडुन. 25 आव वचार माळदुन का आऊन लाँकुर समस्यार का परमेश्वर आऊन कयगोळ देल आंदुर उद्धार माळ्यान, लेकीन आंदुर समसीदील. 26 दुसरा दशी याग आंदुर आपस दा झगळा माळोर, रा आव अल बंदुन; अदकि ईद अनकु आंदरी मलिसोर साटी समजुसदुन, हे मंळसागोळा, आव अंदुन, ‘नीव रा वारटुर-वारटुर हुईर,’ आबुर दाबुर मा येती अन्याय माळतीर? 27 लेकीन जो तान बाजुवाळा मा अन्याय माळोन, आव आऊक ईद अनकु हटुस बुटुन, ‘नीनी याव नाम मा अधिकार अदकि न्याय माळावाळा ठहूरस्यान? 28 येन याता रीतदिल नी नीन मसित्ती इक कोंद बुट नानी भी कोंद बुळोद चाहासत्या?’ 29 ईद मात केळकु मूसा ओळदुन अदकि मद्यान द्याश दा परदेशी आगकु ईरली कुरतुन, अदकि अल आऊन येदुदु पारगोळ पैदा आदुर.

30 “याग पुरा चालीस वर्ष बतिसेदव, रा ऊंद स्वर्गदूत सीनै पहाळी इन आळी दा आऊक होततेला झाळी इन बेक्की अन लपेट दा दर्शन कोट्टुन. 31 मूसा अक ईद दर्शन नोळकु आश्चर्य आत, अदकि याग नोळोर

साटी आव हात्ती होदुन, रा प्रभु अनन्द ईद आवाज बत्त, ³²ना नीन आप्प दादागोळ, अब्राहम, इसहाक अदकि याकूब उन परमेश्वर हुईन. आग रा मूसा नळगली कुरतुन, ईल ताका क्कि आऊक नोळोद हम्मिमत आगीदील. ³³आग प्रभु आऊन से अंदुन, 'तान कालगोळ दा टु केरू तेगु कोम, यतकी याता जागा दा नी नदिरकु आय, अद पवतिर जागा हुन. ³⁴ना सचमुच तान लॉकुरद जो मसित्तर द्याश दा आर, दुर्दशा अक नोळीन; अदकि आंदुरद आह अदकि आंदुरद वोरलोद केळीन; इदुरसाटी आंदरी बळिसोर साटी ईळदीन. ईग बा, ना नीनी मसित्तर द्याश दा कळाईन.'

³⁵“या मूसा अक आंदुर ईद अनकु अस्वीकार माळीदुर, 'नीनी यार नाम मा अधिकार अदकि न्याय माळावाळा ठहरूस्यार?’ आऊक अच परमेश्वर शासक अदकि बळिसावाळा ठहरूसकु, आ स्वर्गदूत उन द्वारा यार आऊक झाळी दा दर्शन कोटीदुन, कळुदुन. ³⁶ईवा मळसा मसित्तर द्याश अदकि क्याचांद समुद्र अदकि आळी दा चालीस वर्ष ताका अदभुत क्याल्सा अदकि चमत्कार तोरस तोरसकु आंदरी तेगुकु तंदुन. ³⁷ईव आवा मूसा हुन, याव इस्त्राएलगोळ से अंदुन, 'परमेश्वर नीम वार्दुर दा टु नीम साटी नान घाई ऊंद बातणी तरावाळा नेगदान.' ³⁸ईव आवा हुन, याव आळी दा मंडली अन न्याड्या आ स्वर्गदूत उन सांगुळ सीनै पहाळी मा आऊन से मातगोळी हेळदुन अदकि नाम आप्प दादागोळ सांगुळ ईरोन, आऊक अच जीवति वचन सकियाव क्कि नाम ताका पोहचुसुल. ³⁹लेकीन नाम आप्प दादागोळ आऊन मानसोद चाहसीदील, बल्की आऊक हटुसकु तान मन मसित्तर दी फेरसदुर, ⁴⁰अदकि हारून से अंदुन, 'नाम साटी हगि देवता माळ, जो नाम मुंद-मुंद नळुल, यतकी ईव मूसा जो नामी मसित्तर द्याश टु तेगुकु तंदुन, नाव जानसालेव आऊक येन आग्याद?’ ⁴¹आ दनिगोळ दा आंदुर ऊंद वस्ता अन घाई काळसावाळा मूर्तमाळदुर, अदकि अदुर मा बली येरसदुर, अदकि तान कयगोळ देल पाऊनचार माळकु खुशी मान्सदुर. ⁴²इदुरसाटी परमेश्वर अनदेखा माळकु आंदरी बटि बुटुन, क्कि आकाशगण इन पुजा माळुल, हयांग भवषियवक्तागोळ कतिब दा लखिसकु आद, 'हे इस्त्राएल इन घराना, येन नीव

आळी दा चालीस वर्ष ताका पशुबली अदकि अननबली नान इक अच येरसत ईत्तीर?

⁴³नीव मोलेक इन तम्बू

अदकि रफान देवता अनन्द तारा अक हुडुकु टेटाळ तोगीर,
मतलब आ मूर्तगोळी यारी नीव दण्डवत माळोर साटी माळदीर.

इदुरसाटी ना नीमी बेबीलोन इन हात्ती ओतकु कुरसाईन.'

⁴⁴“नाम आप्प दादागोळ हात्ती परमेश्वर उन सानधिय अनन्द तम्बू, हयांग परमेश्वर मूसा अक हेळदुन हांग माळीदुन. अद आ नमुना अन घाई ईरोद जो मूसा अक तोरसकु आगीत.” ⁴⁵अदा तम्बू अक नाम आप्प दादागोळ पूर्वकाल टु हुडुकु यहोशू अनन्द सांगुळ ईल तंदुर; याता समय इन आंदुर आ गैरयहूदीगोळ मा अधिकार माळदुर, यारी परमेश्वर नाम आप्प दादागोळ मुंद टु तेगु बुटुदुन, अदकि अद तम्बू दाऊद उन समय ताका ईत्त. ⁴⁶आऊन मा परमेश्वर अनुग्रह माळदुन; इदुरसाटी आव वनिती माळदुन क्कि आव याकूब उन परमेश्वर उन साटी नवास स्थान माळुल. ⁴⁷आव ईला लेकीन सुलैमान आऊन साटी मान्ना माळदुन.

⁴⁸लेकीन परमप्रधान कय इन माळद मान्नागोळ दा ईरालुन, हयांग क्कि भवषियवक्ता अंदुन,

⁴⁹प्रभु अनतान, स्वर्ग नांद सहिसन

अदकि पृथ्वी नान कालगोळ तल्ला अनन्द आशन हुन,
नान साटी नीव याता प्रकार इन मान्ना माळीर?

अदकि नांद आराम इन साटी यातोद जागा ईत्तीर?

⁵⁰येन ई सप्पा वस्तुगोळ नान कय इन माळदव आल्लच?

⁵¹“नीव याट जीददी आईर, अदकि मन अदकि कवि इन खतनारहति लॉकुरा, नीव हमेशा पवतिर आत्मा अनन्द वरिध माळतीर. हयांग नीम आप्प दादागोळ माळतोगोर, हांगा नीव भी माळतीर. ⁵²भवषियवक्तागोळ दा टु यारी नीम आप्प दादागोळ सतुसीदील? आंदुर आ न्यायी अनन्द आगमन इन पूर्वकाल टु बातणी कोळावाळेर इक कौद बुटुर; अदकि ईग नीव भी आ न्यायी मळसा अक हुळसुसावाळेर अदकि कौनुसावाळेर आदीर. ⁵³नीव स्वर्गदूतगोळ द्वारा ठहरूसद व्यवस्था रा नोळदीर, लेकीन अदुर पालन माळदीर.”

स्तफिनस कल्लगोळ होळदुर देल सोत्तुन

54 ई मातगोळी केळकु आंदुर होत्तेदुर अदकि आऊन मा हल्ल कचली कुरतुर. 55 लेकीन आव पवतिर आत्मा से परपिण आगकु स्वर्ग दी नोळदुन अदकि परमेश्वर उन महमा अक अदकि यीशु उक परमेश्वर उन ऊमा कय दी नदिरुत नोळकु अंदुन, 56 “नोळी, ना स्वर्ग इक तेरूत अदकि मंळसा अन पार उक परमेश्वर उन ऊमा कय दी नदिरुत नोळतीन.”

57 आग आंदुर धोळ्द आवाज देल चळिलासकु कवि बंद माळ बुटुर, अदकि सभा अन सभासदगोळ ऊंद सांगुळ आऊन मा झपट्टा होळदुर; 58 अदकि आऊक नगर इन व्हार्या तेगुकु आऊन मा कल्लगोळी होडुली कुरतुर. गवाहगोळ तान कपळा शाऊल हेसुर ईनव ऊंद हारोद मंळसा अन कालगोळ हात्ती तेगुकु ईट बुटुर. 59 आंदुर स्तफिनुस मा कल्लगोळी होडुतेला ईत्तुर, अदकि आव ईद अनकु प्रार्थना माळतेला ईत्तुन, “हे प्रभु यीशु, नान आत्मा अक ग्रहण माळ.” 60 बाक ट्वांगरा टेक्सकु धोळ्द आवाज देल कारदुन, “हे प्रभु, ईद पाप आंदुर मा हचबाळ.” अदकि ईद अनकु आव सोतोदुन.

8

1 शाऊल आऊक कोन्नोर दा सहमत ईरोन.

मंडली मा अत्याचार

अदा दशी टु यूरुशलेम इन मंडली मा धोळ्द दुख इन सूरुवात आत अदकि प्रेरतिगोळी बटिकु सप्पा अनंद सप्पा मुंदुर यहूदया अदकि सामरीया द्याशगोळ दा ततिर बतिर आगेदुर. 2 येनारा भक्तगोळ स्तफिनुस उक कब्र दा ईटदुर अदकि आऊन साटी जोर जोर देल वरलदुर.

3 *शाऊल मंडली अक बरबाद माळोन; अदकि मानोन माननी होक्कु मंळसागोळी अदकि आर्तेर इक जेडु जेडुकु बंदीगृह दा हाक्क तोगोन.

सामरीया दा फलिपिपुस उन प्रचार

4 जो वशिवासी लॉकुर ततिर बतिर आगीदुर, आंदुर खुशखबरी केळसतेला टेटाळोर; 5 अदकि फलिपिपुस लयालमा सामरीया नगर दा होगकु लॉकुर दा मसीह अनंद प्रचार माळली कुरतुन. 6 जो मातगोळी फलिपिपुस अंदुन अवरी लॉकुर केळकु अदकि जो चमत्कार आव तोरसतोगोन अवरी नोळ नोळकु, ऊंद चतित आगकु मन हचदुर. 7 यतकी हापाळ दा टु अशुध्द आत्मागोळ धोळ्द शब्द दा चलिळासतेला होट्ट बुटव, अदकि हापाळ सा लकवा अनंद रोगी अदकि लंगळागोळ भी वळ्लेर माळकु आदुर; 8 अदकि आ नगर दा धोळ्द खुशी छासेत.

9 इदुर से पयले आ नगर दा शमौन हेसुर ईनव ऊंद मंळसा ईरोन, जो जादू टोना माळकु सामरीया अनंद लॉकुरी चकति माळतोगोन अदकि तान तान इक ऊंद धोळ्द मंळसा हेळतोगोन. 10 स्याणेर से धोड्डेर ताका सप्पा आऊंद सम्मान माळकु अनतोगोर, “ईव मंळसा परमेश्वर उन अद ताकत हुन, जो महान कहलुसतद.” 11 आव हापाळ दनिगोळ टु आंदरी तान जादू अनंद कयाल्सागोळ देल चकति माळकु ईटीदुन, इदुरसाटी आंदुर आऊक हापाळ मानसोर. 12 लेकीन याग आंदुर फलिपिपुस उन बातणी इन वशिवास माळदुर जो परमेश्वर उन राज्य अदकि यीशु मसीह अनंद हेसुर इन खुशखबरी केळसतोगोन, रा लॉकुर, येन मंळसा, येन आर्तेर, बपतस्मा ताकोमली कुरतुर. 13 आग शमौन खुद भी वशिवास माळदुन अदकि बपतस्मा ताकोमकु फलिपिपुस उन सांगुळ ईरली कुरतुन. आव धोड्डेव-धोड्डेव चमत्कार अदकि चमत्कार इन कयाल्सा आगूत नोळकु चकति आगतोगोन.

14 याग प्रेरतिगोळ जो यूरुशलेम दा ईरोर, केळदुर क्क सामरीयागोळ परमेश्वर उन वचन मान्स कोंडार रा पतरस अदकि यूहनना अक आंदुर हाती कळुदुर. 15 आंदुर होगकु वशिवासीगोळ साटी प्रार्थना माळदुर क्क पवतिर आत्मा सकिकुल. 16 यतकी ईगासताका आंदुर दा टु यारदु मा पवतिर आत्मा ईळदीदलि; आंदुर रा सरिफ प्रभु यीशु अनंद हेसुर देल बपतस्मा ताकोडीदुर. 17 आग पतरस अदकि यूहनना आंदुर मा कय ईटदुर अदकि आंदरी पवतिर आत्मा सकिकुल.

18 याग शमौन नोळदुन क्क प्रेरतिगोळ कय ईटदुर देल पवतिर आत्मा कोटकु आगतद, रा आंदुर हात्ती पैस्या तनकु अंदुन, 19 “ईद अधकिर नानी भी कोळी, क्क जो यावारा मंळसा मा कय ईटाईन आऊक पवतिर आत्मा सकिकुल.”

20 पतरस आऊन से अंदुन, “नीन पैस्या नीन सांगुळ नाश आगुल, यतकी नी परमेश्वर उन दान पैस्यागोळ देल कोंड कोमोद वचार माळद. 21 ई मात दा ना नान हसिसा आद, ना भाग; यतकी नीन मन परमेश्वर उन मुंद वळ्लीद हैलेच. 22 इदुरसाटी तान ई बुराई देल मन तरिगुस प्रभु से प्रार्थना माळ, आग सकतद क्ति अपमान मन इन वचार माफ माळकु आगुल. 23 यतकी ना नोळतीन क्ति नी पत्ति घाई केयजोर अदकि अन्याय अन्द बंधन दा बदिक् आय.”

24 शमौन, पतरस अदकि यूहनना से अंदुन, “नीव नान साटी प्रभु से प्रार्थना माळी क्ति जो मातगोळी नीव अंदीर, अऊर दा टु यातोदारा नान मा बंदकु बळिबाळुल.”

25 इदुरसाटी आंदुर गवाही कोटकु अदकि प्रभु उन वचन केळ्सकु यूरुशलेम इक होटोदुर, अदकि सामरीगोळद हापाळ सा ऊरगोळ दा खुशखबरी केळ्सत होदुर.

फलपिपुस अदकि कूश द्याश इन अधिकारी

26 बाक प्रभु अन्द ऊंद स्वर्गदूत फलिपिपुस से अंदुन, “येळ, अदकि दक्षणि दी आ हादी मा होग, जो यूरुशलेम टु गाजा अक होगतद.” ईद धुळा अन्द हादी हुन. 27 आव यदकु होटोदुन, अदकि नोळी, कूश द्याश इन ऊंद मंळसा बरोन जो खोजा जाती अदकि कूश इन रानी कन्दाके अन्द मंत्री अदकि पैस्या अन्द हसिब ईटावाळा खजांची ईरोन. आव आराधना माळली यूरुशलेम बंदीदुन. 28 आव तान रथ मा कुरतकु ईरोन, अदकि यशायाह भवषियवक्ता अन्द कतिब वाचुसतेला वापस होगोन. 29 आग पवतिर आत्मा फलिपिपुस से अन्त, “हात्ती होगकु ई रथ इन सांगुळ आगेग.” 30 फलिपिपुस आऊन दी हरदुन अदकि आऊक यशायाह भवषियवक्ता अन्द कतिब वाचुसतेला केळदुन, अदकि आऊन से केळदुन, “नी जो वाचुसतिया येन अदरी नी समस्त्या भी?”

31 आव अंदुन, “यागासताका यावारा नानी समझुसतीदील रा ना ह्यांग समसाईन?” अदकि आव फलिपिपुस से वनिती माळदुन क्ति आव येरकु आऊन हात्ती कुरूल. 32 पवतिरशास्त्र अन्द जो अध्याय आव वाचुसोन, अद ईद ईरोद: “आव म्यांडा अन घाई बली आगली पोहचुस्कु आदुन, अदकि ह्यांग म्यांडा अन पाड्डा तान चुट्टी कातरूसावारूदेद मुंद चुपचाप ईरतद, हांगा आव भी तान बाय खोलसीदील.

33 आऊन दीनता दा आऊंद न्याय ईला आग पायजे आऊंद समय इन लॉकुरद वर्णन याव माळ्यान? यतकी पृथ्वी टु आऊंद जीव तेगुकु आगेत.”

34 इदुर मा खोजा जाती इन ऊंद अधिकारी मंळसा फलिपिपुस से केळदुन, “ना नीन से वनिती माळतीन, ईद हेळ क्ति भवषियवक्ता ईद यार बारा दा अनतान, तांद या यावारा दुसरा अन्द बारा दा?” 35 आग फलिपिपुस तान बाय खोलसदुन, अदकि ईद शास्त्र भाग से सुरूवात माळकु आऊक यीशु उन खुशखबरी केळ्सदुन. 36 हादी मा नळुत नळुत आंदुर यातोदारा नीर इन जागा मा पोहचुसदुर. आग खोजा जाती इन अधिकारी मंळसा अंदुन, “नोळ ईल नीर आद, ईग नानी बपतस्मा ताकोडुर दा येन रोक आद.” 37 फलिपिपुस अंदुन, “अगर नी पुरा मन देल वशिवास माळत्या रा ताकोम सकत्या.” आव उत्तर कोट्टुन, “ना वशिवास माळतीन क्ति यीशु मसीह परमेश्वर उन पार हुन.”

38 आग आव रथ नदिरूसोद आग्या कोट्टुन, अदकि फलिपिपुस अदकि खोजा नीर दा ईळदुर, अदकि आव खोजा अक बपतस्मा कोट्टुन. 39 याग आंदुर नीर दा टु होटकु म्याकुच बंदुर, रा प्रभु अन्द आत्मा फलिपिपुस उक नेगुकु ओईत, अदकि खोजा जाती इन अधिकारी आऊक बाक नोळीदील, अदकि आव खुशी माळतेला तान हादी मा होटोदुन. 40 फलिपिपुस उक हगि हत्त क्ति आव अशदोद नगर दा आन, अदकि यागासताका कैसरया दा पोहचुसीदील, आगासताका नगर नगर खुशखबरी केळ्सतेला होदुन.

9

शाऊल उन दलि इन बदलाव

1 शाऊल जो ईगासताका प्रभु अन्द चेलागोळी धमकुसोद अदकि कोंद बुळोद धुन दा ईरोन, महायाजक उन हात्ती होदुन 2 अदकि आऊन से दमशिक इन सभागूहगोळ दा हेसुर मा ई अभपिराय इन चट्टी गोळी बेळदुन कियेन गंळ्स येन आर्त, यारी आव ई पंथ मा नोळ्यार आंदरी कटकु यूरुशलेम तरूल.

3 लेकीन नळुत नळुत याग आव दमशिक इन हात्ती पोहचुसदुन, रा अचानक आकाश टु आऊंद नाकु दी ज्योती चमकुसत, 4 अदकि आव जमीन मा बदिदुन अदकि ईद शब्द केळदुन, “हे शाऊल, हे शाऊल, नी नानी येती सतुसेत्या?”

5 शाऊल केळदुन, “हे प्रभु, नी याव हुय?”

आव अंदुन, “ना यीशु हुईन, यारी नी सतुसेत्या. 6 लेकीन ईग यदकु नगर दा होग, अदकि जो नीनी माळोद आद अद नीन से अंदकु आदीत.”

7 जो मळसागोळ आऊन सांगुळ ईरोर, आंदुर सट्ट ईतोदुर; यतकी शब्द रा केळ बरतोगोद लेकीन याऊ कांळसतोगोन ईला. 8 आग शाऊल भूमी मा टु येदुन, लेकीन याग कण्णगोळी तेरदुन रा आऊक येनु कांळसीदील, अदकि आंदुर आऊन कय हुडुकु दमशिक नगर दा ओतुर. 9 आव मुर दनि ताका नोळ सकदील, अदकि ना तदिन अदकि ना कुळदुन.

10 दमशिक दा हनन्याह हेसुर इन ऊंद चेला ईरोन, आऊन से प्रभु दर्शन दा अंदुन, “हे हनन्याह!”

आव अंदुन, “प्रभु, ना हुईन.”

11 आग प्रभु आऊन से अंदुन, “यदकु आ गली दा होग जो ‘सरका’ कहलुसतद, अदकि यहूदा अनंद मान्ना दा शाऊल हेसुर इन ऊंद तरसुसवासी इक केळ; नोळ, आव प्रार्थना माळेत्थान, 12 अदकि आव हनन्याह हेसुर इन ऊंद मळसा अक बुळ्क बर्त अदकि तान म्याकुच कय ईटतेला उदाहरण दा नोळदुन; ताकी दुबारा नोळ सकुल.”

13 हनन्याह उत्तर कोट्टुन, “हे प्रभु, ना ई मळसा अनंद बारा दा हापाळ मुंदुर से केळीन कि ईव यरूशलेम दा नीन पवतिर लाँकुर सांगुळ धोळ्द-धोळ्द बुराईगोळ माळ्थान; 14 अदकि ईल भी ईऊक प्रधान याजकगोळ्द दी टु अधिकार सकियाद कि जो लाँकुर नीन हेसुर ताकोमतार, आ सप्पा मुंदरी कटबुळ.”

15 लेकीन प्रभु आऊन से अंदुन, “नी होटोग; यतकी आव रा गैरयहूदीगोळी अदकि राजागोळी अदकि इसत्राएलीगोळ्द मुंद नान हेसुर प्रगट माळोर साटी नान नीवळ्दुस पात्र हुन. 16 अदकि ना आऊक हेळाईन कनिन हेसुर इन साटी आऊक ह्यांग-ह्यांग दुख नेगोद बदिदीत.”

17 आग हनन्याह यदकु आ मान्ना दा होदुन, अदकि आऊन मा तान कय ईटकु अंदुन, “हे वार्ट शाऊल, प्रभु, मतलब यीशु, जो आ हादी मा, याता हादी देल नी बंद्या नीनी कांळसीदुन, आवा नानी कळ्थान कि नीनी मात्त कण्णगोळ देल कांळसुल अदकि नी पवतिर आत्मा देल परपिण्ण आगेगुल.” 18 अदकि तुरन्त आऊन कण्णगोळ दा टु छलिका घाई बतित्त अदकि आव नोळली कुरतुन, अदकि यदकु बपतस्मा ताकोडुन; 19 बाक भोजन माळकु आऊक आऊंद ताकत वापस सकित्त.

दमशिक दा शाऊल द्वारा प्रचार

शाऊल हापाळ दनि ताका आ चेलागोळ्द सांगुळ ईत्तुन जो दमशिक दा ईरोर. 20 अदकि आव तुरन्त यहूदी लाँकुर्द सभागृहगोळ दा यीशु उन प्रचार माळली कुरतुन कि आव परमेश्वर उन पार हुन.

21 सप्पा केळावाळेर चकति आगकु अनली कुरतुर, “येन ईव आवा मळसा आल्लच जो यरूशलेम दा आंदरी जो यीशु उन उपासना माळावाळेर इक, नाश माळतोगोन; अदकि ईल भी इदुरसाटी बंदीदुन कि आंदरी कटकु प्रधान याजकगोळ्द हात्ती तरूल?”

22 लेकीन शाऊल मात्त ताकतवर आगतेला होदुन, अदकि ई मात इन प्रमाण कोट कोटकु कि मसीह ईवा हुन, दमशिक इन ईरावाळेर यहूदीगोळी आश्चर्य चकति माळ्त्त ईत्तुन.

23 *याग हापाळ दनि बतिसेदव, रा यहूदीगोळ मलिसकु आऊक कोंद बुळोद साजीश रचुसदुर. 24 लेकीन आंदुर्द साजीश शाऊल उक मालूम नळदोत. आंदुर रा आऊक कोन्नोर साटी ईळ्ळक हागुल नगर इन फाटकगोळ मा तयार ईरतोगोर. 25 लेकीन ईळ्ळकी आऊन चेलागोळ आऊक फुट्टी दा कुरसदुर, अदकि दवार इन ख्वादरा दा टु हलिगुकसकु ईळ्ळस बुटुर.

यरूशलेम दा शाऊल

26 यरूशलेम दा पोहचुसकु शाऊल चेलागोळ सांगुळ मलिसोद कोशशि माळदुन; लेकीन सप्पा आऊन से अंजतोगोर, यतकी आंदरी वशिवास ईला आगतोगोद, कि आव भी चेला हुन. 27 लेकीन बरनबास आऊक तान सांगुळ प्रेरतिगोळ हात्ती ओतकु आंदरी हेळदुन कि ईव याता रीति देल हादी मा प्रभु उक नोळदुन, अदकि

आव ईऊन से मातगोळी हेळदुन; बाक दमशिक दा ईव ह्यांग हमिमत देल यीशु उन हेसुर देल प्रचार माळदुन. 28 आव आंदुर सांगुळ यूरुशलेम दा होगूत बरत अदकि पुरा हमिमत देल प्रभु उन हेसुर इन प्रचार माळली कुरतुन. 29 अदकि गैरयहूदी भाषा माताळावाळेर यहूदीगोळ्द सांगुळ मातचीत अदकि झगळा माळतोगोन; लेकीन आंदुर आऊक कौद बुळोद कोशशि माळली कुरतुर. 30 ईद जान्सकु वार्दुर आऊक कैसरिया बंदरगाह दा तंदुर, अदकि तरसुस नगर ईक कळु बुदुर.

31 ई प्रकार सप्पा यहूदिया, गलील, अदकि सामरीया दा मंडली अक शांती सकित, अदकि अदुरद उन्नती आगूत ईतूत; अदकि अद प्रभु उन अंजुक अदकि पवतिर आत्मा अन्द शांती दा नळुत अदकि वाळुसूत ईतूत.

लुद्दा अदकि याफा नगर दा पतरस

32 बाक हगि आत कि पतरस हर जागा टेटाळतेला, परमेश्वर उन पवतिर लाँकुर हात्ती भी पोहचुसदुन जो लुद्दा नगर दा ईरतोगोर. 33 अल आऊक एनय्यास हेसुर इन लकवा अन्द ऊंद रोगी मळसा सकिदुन, जो येदूठ वर्ष टु व्हरस मा बदिक् ईरोन. 34 पतरस आऊन से अंदुन, “हे एनय्यास! यीशु मसीह नीनी चंगा माळतान. येळ, तान हासक्या नेगु.” आग आव तुरन्त यदकु नदिरदुन. 35 आग लुद्दा अदकि शारोन इन सप्पा ईरावाळेर आऊक नोळकु प्रभु उन दी तरिगदुर.

36 याफा दा तबीता गैरयहूदी दा दोरकास मतलब हरिण हेसुर इनोर ऊंद वशिवासनी ईरतोगोर. आक हापाळ सा वळलेव क्यालसा अदकि दान माळतोगोर. 37 अवा दनिगोळ दा आक बमिर आगकु सोतोदुर; अदकि आंदुर आकनि मय तोळसकु म्याकुच इन कमरा दा ईट बुदुर. 38 इदुरसाटी किलुद्दा याफा अन हात्ती ईरोद, चेलागोळ ईद केळकु कि पतरस अल आन, येदूढ मळसा कळुकु आऊन से वनिती माळदुर, “नाम हाती बरोर साटी देर माळबाळ.” 39 आग पतरस यदकु आंदुर सांगुळ आगेदुन, अदकि याग आव पोहचुसदुन रा आंदुर आऊक आ अटारी म्याकुच मा ओतुर. सप्पा रांड्यागतिर वरलतेला आऊन हात्ती बंदकु नदिरदुर, अदकि जो कुळता गोळ अदकि कपळागोळ दोरकास याग आक जतिता ईरोर आंदुर सांगुळ ईरतेला माळीदुर, तोरसली कुरतुर. 40 आग पतरस सप्पा मुंदरी व्हार्या माळ बुदुन, अदकि ट्वांगरा टेक्सकु प्रार्थना माळदुन अदकि लाश इन दी तरिगकु नोळदुन अदकि अंदुन, “हे तबीता, येळ.” आग आक तान कण्णगोळी तेरदुर; अदकि पतरस उक नोळकु यदकु कुरतुर. 41 आव कय कोटकु आकी नेगदुन, अदकि परमेश्वर उन पवतिर लाँकुर अदकि रांड्यागतिर इक कारूकु आकी जतिता तोरस बुदुन. 42 ईद मात सप्पा याफा दा फैलुसेत; अदकि हापाळ सा लाँकुर प्रभु मा वशिवास माळदुर. 43 अदकि पतरस याफा दा शमौन हेसुर इन यावारा तोगुल इन धंदा माळावाळा अन्द मान्या हापाळ दनि ताका ईतूतुन.

10

कुरनेलियुस अदकि पतरस

1 कैसरिया दा कुरनेलियुस हेसुर इन ऊंद मळसा ईरोन, जो इटालयिन सेनादल इन अध्यक्ष ईरोन. 2 आव परमेश्वर उक अंजावाळा भक्त ईरोन, अदकि तान सप्पा घराना सांगुळ परमेश्वर उन आराधना माळतोगोन, अदकि यहूदी लाँकुरी हापाळ दान कोळतोगोन, अदकि रोज परमेश्वर उन से प्रार्थना माळतोगोन. 3 आव मदणी लगभग मुर मुरा अन हात्ती दर्शन दा स्पष्ट रूप देल नोळदुन कि परमेश्वर उन ऊंद स्वर्गदूत आऊंद हात्ती बुळक बंदकु अनतान, “हे कुरनेलियुस!”

4 कुरनेलियुस स्वर्गदूत उक ध्यान देल नोळदुन अदकि अंजकु अंदुन, “हे प्रभु, येन हुन?”

स्वर्गदूत आऊन से अंदुन, “नीन प्रार्थनागोळ अदकि नीन दान न्याय इन क्यालसा हिसाब कोळोर साटी परमेश्वर उन मुंद पोहचुस्याव; 5 अदकि ईग याफा दा मळसा कळुकु शमौन उक, जो पतरस कहलुसतान, कार्स कोमी. 6 आव शमौन हेसुर इनव मळसा जो तोगुल इन धंदा माळतान आऊन मान्या पतरस पाऊना आन, यार्द मान्ना समुदर अन्द कनिरा मा आद.” 7 याग आव स्वर्गदूत याव आऊन से मातगोळी हेळीदुन होटोदुन, रा आव येदूढ सेवक, जो आऊन हात्ती मौजूद ईरतोगोर आंदुर दा टु ऊंद भक्त सपिाही इक कारदुन, 8 अदकि आंदरी सप्पा मातगोळी हेळकु याफा नगर इक कळुदुन.

9 दुसरा दशी याग आंदुर नळुत नळुत याफा नगर इन हात्ती पोहचुसदुर, रा मदणी इन हात्ती पतरस छत मा प्रार्थना माळली येरदुन. 10 आऊक हसु हत अदकि येनारा तनिोद चाहासोन, लेकीन याग ऊम्मोद बनसोद

आग अच आऊक दर्शन आत; 11 अदकि आव नोळदुन, की आकाश खुलसेत; अदकि ऊंद पात्र धोळ्द चादर इन घाई नाकु क्वाना टु लटकुसतेला, पृथ्वी इन दी ईळेत्याद. 12 आ चादर दा पृथ्वी इन सप्पा प्रकार इन नाक कालवाळा पशु अदकि रंगसावाळा जन्तु अदकि आकाश इन पक्षी ईरव. 13 आऊक ऊंद हगि शब्द केळ बत्त, “हे पतरस येळ, कोन्न अदकि तीन.”

14 लेकीन पतरस अंदुन, “ईला प्रभु, यागलु ईला; यतकी ना यागलु यातोदु अपवतिर या अशुध्द वस्तु तंददील.”

15 बाक दुसरा घन आऊक शब्द केळ बत्त, “जो येनारा परमेश्वर शुद्ध ठहूस्यान, अदरी नी अशुध्द मान्सबाळ.” 16 मुर घन हगि अच आत; अदकि तुरन्त अद चादर आकाश मा नेगुकु आगेत.

17 याग पतरस तान मन दा दुवधा दा ईरोन, की ईद दर्शन जो ना नोळदीन अद येन आग सकतद, रा नोळी, आ मंळसागोळ यारी कुरनेलियुस कळीदुन, शमौन उन मान्ना अन्द पता हचकु दरवाजा मा बंदकु नदिरदुर, 18 अदकि कारूकु केळली कुरतुर, “येन शमौन जो पतरस कहलुस्तान, ईवा पाऊना हुन?”

19 पतरस रा आ दर्शन मा सोचतेला अच ईरोन, की आत्मा आऊन से अंदुन, “नोळ, मुर मंळसा नीन खोज दा आर. 20 इदुरसाटी यदकु ल्यालमा होग, अदकि बनिा संकोच देल आंदुर सांगुळ आगेग; यतकी ना अच आंदरी कळीन.” 21 आग पतरस ईळुकु आ मंळसागोळ से अंदुन, “नोळी, यार्द खोज नीव माळेतीर, आव ना अच हुईन. नीम्द बरोद येन कारण आद?”

22 आंदुर अंदुर, “कुरनेलियुस सूबेदार नामी कळयान जो न्यायी अदकि परमेश्वर उन उपासना माळावाळा अदकि सप्पा यहूदी लॉकुर दा मानवा ईक मंळसा आन, आऊक ऊंद परमेश्वर उन पवतिर स्वरगदूत से ईद नर्देश सकियाद की नीनी तान मान्या कारूकु नीन से वचन केळुल.”

23 आग पतरस आंदरी बुळ्क कारूकु आंदुर पाऊनचार माळदुन. दुसरा दशी आव आंदुर सांगुळ होदुन, अदकि याफा अन्द वारटुर दा टु येनारा आऊन सांगुळ आगेदुर. 24 दुसरा दशी आंदुर कैसरया पोहचुसदुर, अदकि कुरनेलियुस तान परिवार अदकि हात्तीगोळोर संगीगोळी जमा माळकु आंदुर हादी कायोन. 25 याग पतरस बुळ्क बरोन, रा कुरनेलियुस आऊन से भेट माळदुन, अदकि आऊन कालगोळ मा बदि कु आऊक प्रणाम माळदुन; 26 लेकीन पतरस आऊक नेगुकु अंदुन, “नदिर, ना भी रा सर्फि मंळसा हुईन.” 27 अदकि पतरस कुरनेलियुस उन सांगुळ मातचीत माळतेला बुळ्क होदुन, यल आव हापाळ सा लॉकुरी जमा नोळदुन. 28 आंदुर से अंदुन, “नीव जान्सतीर की गैरयहूदी अन्द संगत माळोद या आऊन मान्या होगोद यहूदीगोळ इन साटी अन्याय आद, लेकीन परमेश्वर नानी हेळदुन की यावारा मंळसा अक अपवतिर या अशुध्द अनबाळेत. 29 इदुरसाटी ना याग कारूकु आदीन रा बनिा येनारा माताळोद होटबंदीन. ईग ना केळतीन की नानी याता क्याल्सा अन्द साटी कारूकु आग्याद?”

30 कुरनेलियुस अंदुन, “ईदा घळी टु पुरा नाक दनि पयले, ना तान मान्या मदणी इन मुर मुरा अन लगभग प्रार्थना माळीन; रा नोळी, अचानक ऊंद मंळसा चमकीला कपळा हाक्कु, नान मुंद बंदकु नदिरदुन 31 अदकि अनली कुरतुन, हे कुरनेलियुस, नीन प्रार्थना केळकु आगेग्याद अदकि नीन दान न्याय इन स्यावा परमेश्वर उन मुंद याद माळकु आग्याव. 32 इदुरसाटी यारीकारा याफा कळुकु शमौन उक जो पतरस कहलुस्तान, कारू. आव समुद्र अन्द कनारा मा शमौन जो तोगुल इन धंदा माळतान अन्द मान्या पाऊना आन. 33 आग ना तुरन्त नीन हात्ती लॉकुरी कळुदीन, अदकि नी भला माळ्द जो होटबंद. ईग नाव सप्पा ईल परमेश्वर उन मुंद आयेव, ताकी जो येनारा परमेश्वर नीन से माताळोर साटी अंदान अदरी केळेव.”

पतरस उन भाषण

34 आग पतरस अंदुन, “ईग नानी सही दा पता नळुत की परमेश्वर यारदु पक्षपात माळालुन, 35 लेकीन हर राष्ट्र अन्द लॉकुर दा जो आऊन से अंजतार अदकि न्याय इन क्याल्सा माळतार, आंदुर आऊक भाऊस्तार. 36 अद वचन नीव जान्सतीर, जो वचन आव इस्त्राएलगोळ हात्ती कळुदुन, याग आव यीशु मसीह अन्द द्वारा जो सप्पा मुंदुर प्रभु आन शांती इन खुशखबरी केळसदुन, 37 नीव आ महान घटना अक जान्सतीर, जो इस्त्राएल इन जागा मा आगीत, गलील दा सूरवात आगकु यहून्ना अन द्वारा बपतस्मा कोट्टुर बाददा टु यदुरद प्रचार माळकु आगीत: 38 नीव नासरी यीशु उन बारा दा जानसायदीर की ह्यांग परमेश्वर आऊन मा पवतिर आत्मा अदकि सामर्थ्य पलटुसीदुन, अदकि यीशु वळलेव क्याल्सा माळतेला अदकि आ सप्पा मुंदरी जो शैतान उन वश दा ईरोर चंगा माळतेला नाकु दी आव ह्यांग ओयाळोन, यतकी परमेश्वर आऊन सांगुळ ईरोन. 39 नाव आ

सप्पा क्याल्सागोळ्द गवाह आयेव; जो आव इस्त्राएल इन भूमी मा अदकि यरूशलेम दा भी माळदुन, अदकि आंदुर आऊक क्रूस मा येर्सकु कोंद बुटुर. 40 लेकीन आऊक परमेश्वर तसिरा दशी मात्त जत्तिता माळदुन, अदकि प्रगट भी माळ बुटुन; 41 सप्पा लॉकुर मा ईला लेकीन आ गवाहगोळ मा यारी परमेश्वर पयले टु नविळुस कौडीदुन, मतलब नाम मा यार आऊन सोत्तुर दा टु जत्तिता आगदुर बाददा आऊन सांगुळ तनिदेव कुळदेव; 42 अदकि आव नामी आग्या कोट्टुन किलॉकुर दा प्रचार माळी अदकि गवाही कोळी, कर् ईव आवा हुन यारी परमेश्वर जीवति अदकि सोतकु लॉकुर न्यायी ठहरूस्यान. 43 आऊंद सप्पा भवषियवक्ता गवाही कोळतार कर् जो यावारा आऊन मा वशिवास माळ्यान, आऊक आऊंद हेसुर इन ताकत इन द्वारा पापगोळ्द माफ सक्कीत.”

गैरयहूदीगोळ मा पवतिर आत्मा ईळुत

44 पतरस ई मातगोळी अनतेला अच ईरोन कर् पवतिर आत्मा वचन इन सप्पा केळावाळेर मा ईळुकु बत्त. 45 अदकि यास यहूदी वशिवासी जो याफा टु पतरस उन सांगुळ बंदीदुर, आंदुर सप्पा चकति आदुर कर् गैरयहूदीगोळ मा भी पवतिर आत्मा अन्द दान पलटुस्कु आग्याद. 46 यतकी आंदुर आंदरी अलग अलग भाषा माताळ्त्त अदकि परमेश्वर उन बळाई माळ्त्त केळदुर. इदुर मा पतरस अंदुन, 47 “येन यावारा इंदरी नीर देल बपतसिमा ताकोमली रोकस सकतान, यारी नाम घाई पवतिर आत्मा सकियाद?” 48 अदकि आव आग्या कोट्टुन कर् आंदरी यीशु मसीह अन्द हेसुर देल बपतसिमा कोटकु आगुल, आग आंदुर पतरस से वनिती माळदुर कर् आव येनारा दनि अदकि आंदुर सांगुळ ईरूल.

11

पतरस उन यरूशलेम इन मंडली अक तान क्याल्सागोळ बारा दा हेळोद

1 बाक प्रेरतिगोळ अदकि वशिवासी वार्टुर जो यहूदिया दा ईरोर केळदुर कर् गैरयहूदीगोळ भी परमेश्वर उन वचन मान्स कोंडार. 2 इदुरसाटी याग पतरस यरूशलेम दा बंदुन, रा यहूदी वशिवासी खतना माळ्द लॉकुर आऊन से झगळा माळली कुरतुर, 3 “नी खतना ईला माळ्द गैरयहूदी लॉकुर मान्या होगकु आंदुर सांगुळ तदि.” 4 आग पतरस आंदरी सूरवात टु येन येन आत अद सप्पा हेळदुन:

5 “ना याफा नगर दा प्रार्थना माळीन, आग ऊंद दर्शन नोळदीन कर् ऊंद वस्तु, धोळ्द चादर इन घाई नाकु क्वाना टु लटकुस्द, आकाश टु ईळुकु नान हात्ती बत्त. 6 याग ना अदुर मा ध्यान माळदीन, रा अदुरदा पृथ्वी इन नाक कालवाळा पालतु पशुगोळ अदकि वनपशु अदकि रेगसावाळा जन्तु अदकि आकाश इन पक्षी नोळदीन; 7 अदकि ईद शब्द भी केळदीन, ‘हे पतरस येळ, कोन्न अदकि तनि!’ 8 लेकीन ना अंदीन, ‘ईला प्रभु, ईला; यतकी यातोदु अपवतिर या अशुध्द भोजन नान बाय दा यागलु होगीदील.’ 9 इदुर उत्तर दा आकाश टु दुसरा घन आवाज आत, ‘जो येनारा परमेश्वर शुध्द ठहरूस्यान, अदरी अशुध्द अनबाळ.’ 10 मुर घन हांगा आत; आग सप्पा येनारा बाक आकाश मा जेडुकु आगेत. 11 अदकि नोळी, तुरन्त मुर मळसा जो कैसरिया टु नान हात्ती कळुकु आगीदुर, आ मान्या यल नाव ईरेव, बंदकु नदिरदुर. 12 आग आत्मा नान से आंदुर सांगुळ बनि संकोच देल आगली हेळ्त्त, अदकि याफा दा टु आर वशिवासी वार्टुर भी नान सांगुळ कैसरिया बंदुर; अदकि नाव कुरनेलयिस उन मान्या होदेव. 13 कुरनेलयिस नामी हेळदुन, कर् आव ऊंद स्वरगदूत उक तान मान्या नदिरकु नोळदुन, याव आऊन से अंदुन, ‘याफा दा यातारा मळसा अक कळुकु शमौन उक जो पतरस कहलुस्तान, कारसुस बुळ. 14 आव नीम से हगि मातगोळी अंदान, यार द्वारा नीनी अदकि अपमान सप्पा परिवार इक उद्धार सक्कीत.’ 15 याग ना मातगोळी हेळली कुरतीन, रा पवतिर आत्मा आंदुर मा अदा रीर्त देल ईळुत याता रीर्त देल सूरवात दा नाम मा ईळदीत. 16 *आग नानी प्रभु उन अद वचन याद बत्त; जो आव अंददिन, ‘बपतसिमा कोळावाळा यूहन्ना रा नीर देल बपतसिमा कोट्टुन, लेकीन नीमी पवतिर आत्मा देल बपतसिमा सक्कीत.’ 17 इदुरसाटी याग परमेश्वर गैरयहूदीगोळी भी अदा दान कोट्टुन, जो नामी प्रभु यीशु मसीह मा वशिवास माळदुर देल सक्कीत; रा ना याव ईरीन जो परमेश्वर उक रोकस सकीन?”

18 ईद केळकु आंदुर अपमान माळोद बंद माळकु, अदकि परमेश्वर उन बळाई माळकु अनली कुरतुर, “आग रा परमेश्वर गैरयहूदीगोळी भी जीवन इन साटी मन तरिगुसोद दान कोटान.”

अन्ताकिया अन्द मंडली

19 *वशिवासीगोळ दा टु थ्वाळासा लॉकुर आ दुख इन मारा देल जो स्तफिनस उन मृत्यु उन समय दा बदीत, ततिर बतिर आगेगीदुर, आंदुर वयाळत-वयाळत फनीकी अदकि साइप्रस अदकि अन्ताकिया दा बंदुर; लेकीन यहूदीगोळी बटिकु यारीकु वचन ईला केळसतोगोर. 20 लेकीन आंदुर दा टु थ्वाळासा साइप्रस नवासी अदकि कुरेनी ईरोर, जो अन्ताकिया दा बंदकु गैरयहूदीगोळी भी प्रभु यीशु उन खुशखबरी इन मातगोळी केळसली कुरतुर. 21 प्रभु उन सामर्थ्य आंदुर सांगुळ ईरोद, अदकि हापाळ लॉकुर वशिवास माळकु प्रभु उन दी तरिगदुर.

22 याग आंदुर चर्चा यरूशलेम इन मंडली अन्द केळदुर दा बत्त, रा आंदुर बरनबास उक अन्ताकिया कळदुर. 23 याग आव अल पोहचुसदुन अदकि नोळदुन का परमेश्वर लॉकुरी हयांग आशषीत माळ्यान, अदकि आव खुश आदुन अदकि आंदुर से वनिती माळदुन का तान सप्पा मन इन सांगुळ पुरा सच्चाई देल अदकि वशिवासयोग्य प्रभु उन सांगुळ बन्सकु ईरी. 24 बरनबास ऊंद वळ्लेव मळसा ईरोन, अदकि पवतिर आत्मा अदकि वशिवास देल परपिरुण ईरोन; अदकि अन्य हापाळ सा लॉकुर प्रभु दा बंदकु मलिसदुर.

25 आग आव शाऊल उक नोळोर साटी तरसुस नगर इक होटोदुन. 26 याग आव आऊन से मलिसदुन रा आऊक अन्ताकिया तंदुन; अदकि हगि आत का आंदुर ऊंद वर्ष ताका मंडली अन्द सांगुळ सकोर अदकि हापाळ सा लॉकुरी उपदेश कोळतेला ईत्तुर; अदकि सब से पयले अन्ताकिया दा ईदा चेलागोळी मसीह अंदकु आत.

27 अवा दनिगोळ दा थ्वाळासा भवषियवक्ता यरूशलेम टु अन्ताकिया बंदुर. 28 *आंदुर दा टु अगबुस हेसुर इन ऊंद मळसा नदिरकु आत्मा अन्द अगुवाई दा भवषियवाणी माळदुन का सप्पा दुनिया दा धोळद अकाल बदीत. अद अकाल कलौदियुस उन समय दा बतित. 29 आग चेलागोळ नरिणय माळदुर का हिर ऊंद तान तान पूंजी इन अनुसार यहूदिया दा ईरावाळे वशिवासी वार्दुर मदत अन्द साटी येनारा कळुल. 30 आंदुर हांगा माळदुर; अदकि बरनबास अदकि शाऊल उन कय मंडली अन्द स्याणागोळ हात्ती थ्वाळासा पैस्या कळदुर.

12

अदकि छल

1 आ समय हेरोदेस राजा मंडली अन्द थ्वाळासा सदस्यगोळी सतुसोद सूरुवात माळदुन. 2 आव यूहन्ना अन्द वार्ट याकूब उक तलवार देल कोन्सुस बुट्टुन. 3 याग आव नोळदुन का यहूदी लॉकुर आऊन से खुश आगतार, रा आव पतरस उक भी हुडुकोडुन. अवा दनि अखमीरी रोट्टी इन हाबव ईनव दनि ईरव. 4 आव पतरस उक हुडुकु बंदीगूह दा हाकदुन, अदकि रखवाली माळोर साटी नाक नाक सपिाहीगोळद नाक समुह माळीदुन; ईद वचिर देल का फसह अन बाद्दा आऊक लॉकुर मुंद तरूल. 5 बंदीगूह दा पतरस बंद ईरोन; लेकीन मंडली आऊन साटी मन हचकु परमेश्वर से प्रार्थना माळोद.

पतरस उन बंदीगूह दा टु बळिोद

6 याग हेरोदेस आऊक लॉकुर मुंद तरली ईरोन, अदा ईळलकी पतरस येढ्ढ शंकलीगोळ देल कटकु येढ्ढ सपिाहीगोळद बीच दा मगिोन; अदकि पहरेदारगोळ दरवाजा मा बंदीगूह अन्द रखवाली माळोर. 7 रा नोळी, प्रभु उन ऊंद स्वर्गदूत बंदकु नदिरदुन अदकि आ कोठरी दा ज्योति चमकुस्त, अदकि आव पतरस उन पासळी मा कय बळकु आऊक येददुन अदकि अंदुन, “येळ, जल्दी माळ.” अदकि आऊन कयगोळ दा टु शंकलीगोळ बटिकु बदीदव. 8 आग स्वर्गदूत आऊन से अंदुन, “नेळु कट, अदकि तान केरू हाक्क कोम.” आव हांगा माळदुन. बाक स्वर्गदूत आऊन से अंदुन, “तान कपळा हाक्कु नान हींद आगेग.” 9 पतरस होटकु आऊन हींद नळुत नळुत बंदीगूह टु व्हार्या बंदुन; लेकीन ईद ईला जानसोन का जो येनारा स्वर्गदूत माळेत्यान अद सही आद, लेकीन ईद सम्सदुन का ना दर्शन नोळेतोन. 10 आग आंदुर पयला अदकि दुसरा पहरा टु होटकु आ लोवा अन्द फाटक मा पोहचुसदुर, जो नगर दी हादी होगतद. अद फाटक आंदुर साटी तान ताना खुलसेत, अदकि आंदुर होटकु ऊंद अच गली टु आगकु ऊंद हादी मा बंदुर, अदकि तुरन्त अच स्वर्गदूत आऊक बटिकु होटोदुन.

11 आग पतरस सावधान आगकु अंदुन, “ईग ना जान्स कौडीन का प्रभु तान स्वर्गदूत कळुकु नानी हेरोदेस उन कय देल अदकि यहूदीगोळद सप्पा आशा टु बळिस बुट्टुन.”

12 ईद जान्सकु पतरस आ यूहन्ना अन्द मोय मरयिम इन मान्या बंदुन, जो मरकुस कहलुसतान. अल हापाळ सा लॉकुर जमा आगकु प्रार्थना माळोर. 13 याग आव फाटक इन खळिकी ठोक्सदुन, रा रूदे हेसुर इन ऊंद दासी

दरवाजा तेरोर साटी बंदुर. 14 पतरस उन शब्द केळकु आक खुशी अन मारा देल फाटक तेरददिल, लेकीन ओळकु बुळक होदुर अदकि हेळदुर क्ति पतरस दरवाजा मा नदिरकु आन. 15 आंदुर आकनि से अंदुर, “नी यर्र आय.” लेकीन आक ह्मिमत माळकु अंदुर क्ति ह्मिगि अच आद, “आग आंदुर अंदुर आऊन स्वरगदूत आगीदान.”

16 लेकीन पतरस ठोक्सतेला अच ईत्तुन: आखरी दा आंदुर खळिकी खोलसदुर, अदकि आऊक नोळकु चकति ईतोदुर. 17 आग आव आंदरी कय देल इशारा माळदुन क्ति चुप ईरूल; अदकि आंदरी हेळदुन क्ति प्रभु याता रीर्ता देल आऊक बंदीगृह दा टु तेगुकु तंदान. बाक अंदुन, “थाकूब अदकि बाकी वशिवासी वार्दुरी ईद मात हेळ बुळेतीर.” आग होटकु येल्यारा दुसरा जागा अक होटोदुन.

18 हुंजकुका अच सपिाहीगोळ दा बळा हलचल मचुसेत क्ति पतरस उन येन आत.

19 याग हेरोदेस सपिाहीगोळ से आऊन खोज माळोद आदेश कोट्टुन लेकीन पतरस सक्कीदील, रा पहेरदारगोळ जाँच माळकु आग्या कोट्टुन क्ति आंदरी कोंदकु आगुल: अदकि आव यहूदया अक बटिकु कैसरया दा होगकु ईरली कुरतुन अदकि अल आव थ्वाळासा समय बतिसदुन.

हेरोदेस उन सायोद

20 हेरोदेस सूर अदकि सैदा अनूद लॉकुर से हापाळ सट्टि दा ईरोन. इदुरसाटी आंदुर ऊंद समुह माळकु राजा से मलिसली बंदुर, पयले आंदुर बलासतुस उक जो राजा अनूद ऊंद सेवक ईरोन, समझुसकु मेल माळोद चाहासदुर; यतकी हेरोदेस राजा अनूद द्याश देल आंदुरद द्याश इन पालन पोषण आगतोगोद.

21 ठहरूसद दशी हेरोदेस राजा अन कपळा हाककु सहिसन मा कुरतुन, अदकि आंदरी भाषण कोळली कुरतुन.

22 आग लॉकुर चलिळास कुरतुर, “ईद रा मंळसा अनूद ईला परमेश्वर उन आवाज हुन.” 23 अदा घळी प्रभु उन ऊंद स्वरगदूत तुरन्त आऊक बळदुन, यतकी आव परमेश्वर उक महमा कोटीदील; अदकि आव कळिा हतकु सोतोदुन अदकि अव कळिागोळ आऊक तनिली हतदव.

24 लेकीन परमेश्वर उन वचन लगातार वाळुसत अदकि फैलुसतेला होत.

25 याग बरनबास अदकि शाऊल यरूशलेम दा तान क्वालसा पुरा माळकु यूहन्ना अक जो मरकुस कहलुस्तान, सांगुळ हुडुकु अन्ताकया वापस बंदुर.

13

बरनबास अदकि शाऊल उक नविळुसोद अदकि कळोद

1 अन्ताकया अनूद मंडली दा कई भवषियवक्ता अदकि गुरु ईरोर; जसा: बरनबास, शमौन जो (नीगर) करेव कहलुस्तान; अदकि लूकयुस कुरेनी, अदकि मनाहेम जो हेरोदेस शासक उन सांगुळ दा धोड्डेर आदुन, अदकि शाऊल. 2 याग आंदुर उपास सहति प्रभु उन स्यावा माळोर, रा पवतिर आत्मा आंदुर से अन्त, “नान साटी बरनबास अदकि शाऊल उक आ क्वालसा अनूद साटी अलग माळी यार साटी ना आंदरी कारसीन.”

3 आग आंदुर उपास अदकि प्रार्थना माळकु अदकि आंदुर मा कय ईटकु आंदरी सार माळदुर.

कुप्रा दा बरनबास अदकि शाऊल

4 इदुरसाटी बरनबास अदकि शाऊल पवतिर आत्मा अन कळुद सल्लूकया अक होदुर; अदकि अल टु जहाज मा कुरतकु साइप्रस इक होदुर; 5 अदकि सलमीस दा पोहचुसकु, परमेश्वर उन वचन यहूदीगोळद सभागृहगोळ दा केळसदुर. यूहन्ना जो मरकुस कहलुसोन, मदत माळावाळा अन रूप दा आंदुर सांगुळ ईरोन.

6 आंदुर आ सप्पा टापू दा आगतेला पाफुस ताका पोहचुसदुर. अल आंदरी बार-यीशु हेसुर इन ऊंद यहूदी जादूगर अदकि ख्वाटा भवषियवक्ता सकिदुन. 7 आव शासक सरिगयुस पौलुस उन संगी ईरोन, जो बुद्धमिन मंळसा ईरोन. आव बरनबास अदकि शाऊल उक तान हात्ती कारूकु परमेश्वर उन वचन केळोद चाहासदुन. 8 लेकीन इलीमास जादूगर, यतकी गैरयहूदीगोळ दा ईदा आऊन हेसुर इन मतलब आद, आंदुर वरिध माळकु शासक उक वशिवास माळोर से रोकसोद चाहासदुन. 9 आग शाऊल यार्द हेसुर पौलुस भी आद, पवतिर आत्मा देल परपिरण आगकु इलीमास जादुगर उन दी टकटकी हचकु नोळदुन अदकि अंदुन, 10 “हे सप्पा कपट अदकि सप्पा चतुराई देल तुमकु शैतान उन औलाद, सप्पा न्यायीपन अनूद दुश्मन, येन नी प्रभु उन सरका हादीगोळी वाकळा माळोद बळितीदील? 11 ईग नोळ, प्रभु उन कय नीन वरिध दा येदोग्याद; अदकि नी थ्वाळासा समय ताका कुद्व ईत्या अदकि सुर्य अनूद उजुळ नोळतीदलि.”

आग तुरन्त धुंधरापन अदकि अंधार आऊन कण्णगोळ मा छासेत, अदकि आव ईत्त आत्त ताळु कुरतुन ताकी यावारा आऊन कय हुडुकु आऊक संभाळसुल. 12 आग शासक जो येनारा अल आगीत अदरी नोळकु अदकि प्रभु उन उपदेश देल चकति आगकु वशिवास माळदुन.

पसिदिया अन्द अन्ताकिया दा

13 पौलुस अदकि आऊन संगी पापुस टु जहाज इन द्वारा पंफूलिया प्रदेश इन परिगा नगर दा बंदुर; अदकि यूहन्ना आंदरी बटिकु यरूशलेम इक होटोदुन. 14 परिगा नगर टु मुंद वाळुसकु आंदुर पसिदिया अन्द अन्ताकिया दा पोहचुसदुर; अदकि आराम इन दनि यहूदी लॉकुरद सभागृह दा होगकु कुरतोदुर. 15 मूसा अन्द व्यवस्था अदकि भवषियवक्तागोळ कतिब देल वाचुसदुर बाददा यहूदी लॉकुरद सभागृह अन्द अधिकारीगोळ आंदुर हात्ती बातणी कळुदुर, “हे वार्दुरा अदकि आकतींगेरा, नाव चाहासतेव कर् लॉकुरी प्रोत्साहति माळोर साटी नीम मन दा येनारा मात आद रा अनी.”

16 आग पौलुस नदिरकु अदकि कय देल इशारा माळकु अंदुन, “हे इस्त्राएलगोळा, अदकि सप्पा गैरयहूदीगोळा जो परमेश्वर उन आराधना माळतीर, केळी: 17 ई इस्त्राएली लॉकुरद परमेश्वर नाम आप्प दादागोळी नीवळुस कौडीदुन, अदकि याग ई लॉकुर मसित्त्र द्याश दा परदेशी आगकु ईरतोगोर, रा आंदुरद उननती माळदुन; अदकि धोळ्द सामर्थ्य देल आंदरी इजपित्त टु तेगुकु तंदुन. 18 आव येनारा चालीस वर्ष ताका रेगसितान दा आंदुरद सहन माळतेला ईत्तुन, 19 अदकि कनान द्याश दा येळ राष्ट्रगोळ्द नाश माळकु परमेश्वर अद पृथ्वी इस्त्राएल इन लॉकुरी अत्तरधिकारी इन रूप दा कोट बुट्टुन. 20 इदुर बाददा आव शमूएल भवषियवक्ता ताका आंदुर दा न्यायी ठहूरसदुन. 21 अदुर बाददा आंदुर ऊंद राजा बेळदुर: आग परमेश्वर चालीस वर्ष इन साटी बिन्यामीन इन जाती दा टु ऊंद मळसा; मतलब कीश उन पार शाऊल उक आंदुर मा राजा ठहूरसदुन. 22 बाक आऊक अलग माळकु दाऊद उक आंदुर राजा माळदुन; यार बारा दा आव गवाही कोट्टुन, ‘नानी ऊंद मळसा, यशै उन पार दाऊद, नान मन इन अनुसार सकिकेदुन; आवा नांद सप्पा इच्छा पुरा माळयान.’ 23 दाऊद उन वंश दा टु परमेश्वर तान वादा अन्द अनुसार इस्त्राएल इन हात्ती ऊंद उद्धारकर्ता, मतलब यीशु उक कळुदुन. 24 यीशु तान कार्यगोळ्द सुरूवात माळोर से पयले यूहन्ना सप्पा इस्त्राएलगोळ दा मन तरिगुसोद प्रचार माळदुन अदकि बपतस्मा माळदुन. 25 ययाग बपतस्मा कोळावाळा यूहन्ना तांद स्यावा पुरा माळदुर मा ईरोन, रा आव अंदुन, ‘नीव नानी येन सम्सतीर? ना आव आल्लच यार हादी नीव कायेतीर. उलटा नोळी, नान बाददा ऊंद बरावाळा आन, आऊन कालगोळ केरू उन बंध भी ना खोल्सा लायक हैलेच.’

26 “हे इस्त्राएली वार्दुरा, नीव जो अब्राहम उन औलाद हुईर; अदकि सप्पा गैरयहूदी जो परमेश्वर उन आराधना माळतार, नीम हात्ती ई उद्धार इन वचन कळुकु आग्याद. 27 यतकी यरूशलेम इन ईरावाळेर अदकि आंदुर अधिकारीगोळ ना उद्धारकर्ता अक अरतुर अदकि ना भवषियवक्तागोळ्द अव मातगोळ जो हर ऊंद आराम इन दनि वाचुसकु आगतद आऊक सम्सत. अदकि यीशु उक दोषी ठहूरसदुर द्वारा भवषियवक्तागोळ्द मातगोळी सही साबति माळ्द. 28 आंदरी कौद बुळोद लायक येनु दोष आऊन दा सकिकीदील, तरी भी पलितुस से वनिती माळदुर कर् आव कौदकु आगुल. 29 ययाग शास्त्र दा आऊन बारा दा लखिसद सप्पा मातगोळ आंदुर पुरा माळदुर, रा आऊक कूरस मा टु ईळ्दसकु कबर दा ईटदुर.” 30 लेकीन परमेश्वर आऊक सोत्तुर दा टु जत्तिता माळदुन, 31 अदकि आव आंदरी जो आऊन सांगुळ गलील टु यरूशलेम बंदीदुर, हापाळ दनिगोळ ताका कांळसतेला ईत्तुन; इस्त्राएल लॉकुरद मुंद ईग आंदुर अच आऊन गवाह आर. 32 नाव नीमी आ वादा अन्द बारा दा जो नाम आप्प दादागोळ से माळकु आगीत, ईद खुशखबरी केळसतेव, 33 कर् परमेश्वर यीशु उक जत्तिता माळकु, अदा वादा नाम औलाद इन साटी पुरा माळदुन; हयांग भजन संहतिता दा भी लखिसकु आद, नी नान पार हुय;

ईद ना अच नीनी पैदा माळीन.

34 अदकि परमेश्वर आऊक सोत्तुर दा टु जत्तिता माळकु येब्सदुन ताकी सळुसोर साटी कबर दा बदिकु ईला ईरूल, इदुरसाटी आव ईद अंदुन, ना नीनी पवतिर अदकि अटल आशीष कोळाईन

☆ 13:24 १३:२४ मरकुस १:४; लुका ३:३ ☆ 13:25 १३:२५ यूहन्ना १:२०; मत्ती ३:११; मरकुस १:७; लुका ३:१६; यूहन्ना १:२७ ☆ 13:28 १३:२८ मत्ती २७:२२,२३; मरकुस १५:३३,३४; लुका २३:२१-२३; यूहन्ना १९:१५ ☆ 13:29 १३:२९ मत्ती २७:५७-६१; मरकुस १५:४२-४७; लुका २३:५०-५६; यूहन्ना १९:३८-४२ ☆ 13:31 १३:३१ प्रेरतिगोळ १:३

जो ना दाऊद उन सांगुळ वादा माळीन.

35 इदुरसाटी आव भजन संहति दा भी अंदान,
नी तान वशिवासयोग्य सेवक उक कब्र दा सळुस गोळतीदील.

36 यतकी दाऊद रा परमेश्वर उन इच्छा अनंद अनुसार तान समय दा स्यावा माळकु सोतोदुन, अदकि तान आप्प दादागोळ सांगुळ दा नळसकु आदुन, अदकि आऊन मय कब्र दा सळुसेत. 37 लेकीन यारी परमेश्वर सोत्तुर दा टु जतिता माळदुन, आव सळुसीदील. 38 इदुरसाटी, हे नान इस्त्राएली संगीगोळा, नीव जान्स कोमी कयीशु उन द्वारा पापगोळ्द माफ अनंद बातणी नीमी कोटकु आगतद; 39 अदकि याता मातगोळ दा नीव मूसा अनंद व्यवस्था अनंद द्वारा पापगोळ देल मुक्त आग सकालीर, अवा सप्पा दा हर ऊंद यीशु मा वशिवास माळावाळा पापगोळ देल मुक्त आगतान. 40 इदुरसाटी सावधान ईरी, हगि आगवाळुल कजि जो भवषियवक्तागोळ कतिाव दा बंदाद, नीम मा भी अद घटुस बाळुल:

41 हे अपमान माळावाळेरा, नोळी, चकति आगी, अदकि सोतोगी;

यतकी ना नीम दनिगोळ दा ऊंद क्याल्सा माळतीन,
हगि क्याल्सा कजि अगर यावारा नीम से आऊन बारा दा मातचीत माळुल,
रा नीव यागलु वशिवास माळतीदील.

42 पौलुस अदकि बरनबास उन यहूदी सभागृह टु व्हार्या होळा समय लॉकुर आंदुर से वनिती माळली कुरतुर कजि अगला आराम इन दनि नामी ई मातगोळी बाक केळसकु आगुल. 43 याग सभा येदोत रा यहूदीगोळ अदकि गैरयहूदी मत दा बरावाळेर भक्तगोळ दा टु हापाळ सा पौलुस अदकि बरनबास इन हदि आगेदुर; अदकि प्रेरतिगोळ आंदुर से मातगोळी हेळकु प्रोत्साहति माळदुर कजि परमेश्वर उन अनुग्रह दा जीवन बन्सकु ईटी.

44 अगला आराम इन दनि नगर इन सप्पा लॉकुर परमेश्वर उन वचन केळोर साटी जमा आगेदुर. 45 लेकीन यहूदी भीळ इक नोळकु जलन देल तुम्मेदुर, अदकि अपमान माळतेला पौलुस उन मातगोळ्द वरिध दा अपशब्द अनली कुरतुर. 46 आग पौलुस अदकि बरनबास नडिर आगकु अंदुर, जरूरी ईरोद कजि परमेश्वर उन वचन पयले नीमी केळसकु आगाईत; लेकीन याग नीव अदरी ठुकूस बुळतीर, अदकि खुद इक अनन्त जीवन इन योग्य ठहरूसालीर, रा नोळी, नाव नीमी बटिकु गैरयहूदी लॉकुर दी तरिगतेव. 47 यतकी प्रभु नामी ईद आग्या कोटान, ना नीनी गैरयहूदीगोळ साटी ज्योत ठहरूसीन,
ताकी पुरा संसार ऊळसकु आगुल.

48 ईद केळकु गैरयहूदीगोळ खुश आदुर, अदकि परमेश्वर उन वचन इन बळाई माळली कुरतुर; अदकि यास अनन्त जीवन इन साटी ठहरूसकु आगीदुर, आंदुर वशिवास माळदुर.

49 आग प्रभु उन वचन आ सप्पा द्याश दा फैलुसली कुरत. 50 लेकीन यहूदीगोळ परमेश्वर उन आराधना माळावाळेर अदकि प्रसद्धि गैरयहूदी आर्तेर इक अदकि नगर इन प्रमुख लॉकुरी उकसुसदुर, अदकि पौलुस अदकि बरनबास इन वरिध उपद्रव माळसुसकु आंदरी तान सीमा दा टु तेगद बुटुर. 51 *आग प्रेरति आंदुर मुंद आंदुर वरिध दा तान कालगोळ धुळा झाळसकु इकुनयिमु नगर इक होटोदुर. 52 अदकि अन्ताकयिा नोर वशिवासी पुरा खुशी देल अदकि पवतिर आत्मा देल परपुर्ण आगतेला होदुर.

14

इकुनयिमु दा पौलुस अदकि बरनबास

1 इकुनयिमु दा हगि आत कजि पौलुस अदकि बरनबास यहूदीगोळ्द सभागृहगोळ दा सांगुळल्या होदुर, अदकि ई प्रकार देल मातगोळी हेळदुर कजि यहूदीगोळ अदकि गैरयहूदीगोळ येढु दा टु हापाळ मुंदुर वशिवास माळदुर. 2 लेकीन वशिवास ईला माळावाळेर यहूदीगोळ गैरयहूदी लॉकुरद मन दा वशिवासी वारटुर वरिध दा उकसुसदुर अदकि आंदुर मन दा कळवाहटपन पैदा माळ कोडुर. 3 पौलुस अदकि बरनबास हापाळ दनि ताका अल ईत्तुर, अदकि प्रभु उन बारा दा नरिभयता देल प्रचार माळत ईत्तुर आंदुरद द्वारा प्रभु अदभुत चनिह अदकि आश्चर्यगोळी माळसुसतेला तान अनुग्रह अनंद बातणी ईद पुरा सच्चाई देल आद इदरी प्रगट माळतेला

* 13:51 १३:५१ मत्ती १०:१४; मरकुस ६:११; लूका १:५; १०:११

ईत्तुन. ⁴ लेकीन नगर इन लॉकुर दा फूट बदिंत, इदुर देल यास रा यहूदीगोळ दी अदकि यास प्रेरतिगोळ्द दी आगेदुर.

⁵ आग थ्वाळासा गैरयहूदी अदकि यहूदी तान अधिकारीगोळ सांगुळ मलिसकु आंदुर सांगुळ बुरा व्यवहार माळली अदकि आंदुर मा कल्लगोळ भळोद चाल नळदुर. ⁶ आग पौलुस अदकि बरनबास उक ई मात इन पता नळुत आग आंदुर लुकाउनया अनूद लुस्त्रा अदकि दरिबे घाई नगरगोळ दा अदकि अदुरद आसपास इन क्शेत्त्रगोळ दा ओळदुर. ⁷ अदकि आंदुर अल खुशखबरी केळसली कुरतुर.

लुस्त्रा अदकि दरिबे दा पौलुस अदकि बरनबास

⁸ लुस्त्रा दा ऊंद मंळसा कुरतकु ईरोन, जो कालगोळ देल अपंग ईरोन. आव जनम टु अच लंगळा ईरोन अदकि यागलु नळु ईला सकोन. ⁹ आव पौलुस उक मातगोळी माळ्त केळोन. पौलुस आऊंद दी तार हचकु नोळदुन क्शेत्त्र आऊक वळ्लेव आगोद वशिवास आद, ¹⁰ अदकि धोळ शब्द देल अंदुन, “तान कालगोळ बल देल सीधा नदुर.” आग आव हारकु नळुली टेटाळली कुरतुन. ¹¹ लॉकुर पौलुस उन ईद क्श्याल्सा नोळकु लुकाउनया अनूद भाषा दा धोळ्द आवाज देल अंदुर, “दयावगोळ मंळसागोळ्द रूप दा आगकु नाम हात्ती ईळुकु बंदार.” ¹² आंदुर बरनबास उक ज्यूस, अदकि पौलुस उक हरिमेस अंदुर, यत्की पौलुस मातगोळ हेळदुर दा मुख्य ईरोन. ¹³ ज्यूस दयाव उन आ मंदिर इन पुजारी जो आंदुर नगर इन मुंद ईरोन, वस्ता अदकि फूलगोळ हार फाटकगोळ मा तनकु लॉकुर सांगुळ बलदान माळोद चाहासोन.

¹⁴ लेकीन बरनबास अदकि पौलुस प्रेरतिगोळ याग ईद केळदुर, रा तान कपळा हरदुर अदकि भीळ दा होदुर, अदकि कारूकु अनली कुरतुर, ¹⁵ “हे लॉकुरा, नीव ईद येती माळेतीर? नाव भी रा नीम घाई मंळसा हुयेव, अदकि नीमी परमेश्वर उन खुशखबरी केळसोर साटी नाव ईल आयेव, क्शेत्त्र नीव ई बेकार वस्तुगोळ देल अलग आगकु जत्तिता परमेश्वर उन दी तरिगी, याव स्वर्ग अदकि पृथ्वी अदकि समुद्र अदकि जो येनारा अऊर्दा आद माळदुन. ¹⁶ आव बत्तिसद समयगोळ दा सप्पा लॉकुरी तान तान हादीगोळ दा नळु गोदुन. ¹⁷ लेकीन आव हमेशा भला क्श्याल्सा माळदुर द्वारा तान अस्तत्तिव अक प्रमाणति माळदुन: आव नीमी आकाश टु माळ कोटदुन अदकि मौसम इन अनुसार फसल कोटदुन; आवा नीमी तनिली कोळतान अदकि नीम दलिगोळी खुशी देल तुम्म बुळतान.” ¹⁸ ईद अनकु भी प्रेरतिगोळ लॉकुरी धोळ्द परेशानी देल रोक्सदुर क्शेत्त्र आंदुर साटी बलदान माळबाळुल.

¹⁹ लेकीन येनारा यहूदीगोळ पसिदिया अनूद अन्ताकिया अदकि इकुनयिमु टु बंदकु लॉकुरी तान दी माळ कोडुर, अदकि पौलुस मा कल्लगोळ देल बळदुर, अदकि सोतकु सम्सकु आऊक नगर इन व्हार्या जेडुकु ओतुर. ²⁰ पर याग चेलागोळ आऊन नाकु दी बंदकु नदुरदुर, रा आव यदकु मात्त नगर दा होदुन अदकि दुसरा दशिी बरनबास उन सांगुळ दरिबे अक होटोदुन.

सीरिया अनूद अन्ताकिया दा वापस बरोद

²¹ पौलुस अदकि बरनबास दरिबे नगर इन लॉकुरी खुशखबरी केळसकु, अदकि हापाळ सा चेलागोळी माळकु, लुस्त्रा अदकि इकुनयिमु अदकि पसिदिया अनूद अन्ताकिया अक वापस बंदुर, ²² अदकि चेलागोळ मन इक संची माळ्त ईत्तुर अदकि ईद प्रोत्साहन कोळोर क्शेत्त्र वशिवास दा सच्चार्ई देल बनसकु ईरी; अदकि ईद शक्शेत्त्र कोळतोगोर, “नामी बळा दुख नेगुकु परमेश्वर उन राज्य दा प्रवेश माळोद आद.” ²³ अदकि आंदुर हर ऊंद मंडली दा आंदुर साटी स्याणा लॉकुरी नयिक्त माळदुर अदकि उपास सहति प्रार्थना माळकु आंदरी प्रभु उन कय दा सौप्सदुर यार मा आंदुर वशिवास माळतोगोर.

²⁴ आग पसिदिया टु आगतेला आंदुर पंफूलया पोहचुसदुर; ²⁵ बाक परिगा दा वचन केळसकु अत्तलया दा बंदुर, ²⁶ अदकि अल टु आंदुर जहाज मा अन्ताकिया होदुर, यल आंदुर आ क्श्याल्सा अनूद साटी जो आंदुर पुरा माळीदुर परमेश्वर उन अनुग्रह दा कोटकु आगीदुर.

²⁷ याग आंदुर अन्ताकिया बंदुर रा आंदुर मंडली अन लॉकुर जमा माळकु जो परमेश्वर आंदुर सांगुळ माळदुन अद केळसदुर अदकि हेळदुर क्शेत्त्र हायांग परमेश्वर गैरयहूदीगोळ्द वशिवास माळोर साटी दरवाजा तेरदुन. ²⁸ अदकि आंदुर वशिवासीगोळ सांगुळ हापाळ दनि ताका अल ईत्तुर.

1 बाक थ्वाळासा लॉकुर यहूदिया टु अनताकिया बंदकु वशिवासी वार्टुरी कल्सली हतदुर: “अगर मूसा अन्द व्यवस्था अन अनुसार नीम्द खतना ईला आगाईत रा नीमी उद्धार सकि सकाल.” 2 इदुर बारा दा पौलुस अदकि बरनबास आंदुर से सहमत ईला ईरोर ईदा कारण देल आंदुर सांगुळ आंदुर हापाळ धोळ्द झगळा आत रा ईद ठहूसकु आत कि पौलुस अदकि बरनबास अदकि आंदुर दा टु थ्वाळासा संगीगोळ ई मात इन समाधान माळोर साटी प्रेरतिगोळ अदकि मंडली नोर स्याणा मळसागोळ हात्ती यरूशलेम इक कळुकु आगुल.

3 इदुरसाटी मंडली आंदरी येनारा दुर ताका सफर माळोर साटी पोहचुसदुर; अदकि आंदुर फनीकी अदकि सामरीया टु आगतेला गैरयहूदी लॉकुर ह्यांग परमेश्वर उन दी तरिगदुर इदुरद जानकारी केळसतेला होदुर, अदकि ई जानकारी देल वशिवासी वार्टुर हापाळ खुश आदुर. 4 याग आंदुर यरूशलेम पोहचुसदुर, रा मंडली अदकि प्रेरति अदकि मंडली नोर स्याणा लॉकुर आंदुर स्वागत माळदुर, अदकि आंदुर हेळदुर कि परमेश्वर आंदुर सांगुळ आगकु येन-येन क्याल्सा माळीदुन. 5 लेकीन फरीसीगोळ समुह दा टु थ्वाळासा लॉकुर जो यार वशिवास माळीदुर, आंदुर यदकु अंदुर, “गैरयहूदीगोळ्द खतना आग अच पायजे अदकि आंदुर मूसा अन्द व्यवस्था अन पालन माळ पायजे.”

6 आग प्रेरति अदकि मंडली अन स्याणा लॉकुर ई मात इन बारा दा वचार माळोर साटी जमा आदुर. 7 *आग पतरस हापाळ झगळा आगदुर बाददा नदुरकु आंदुर से अंदुन, “हे वार्टुरा, नीव जानसतीर कि हापाळ दनि पयले परमेश्वर नीम दा टु नानी नीवळुस कौडुन कि नान बाय देल गैरयहूदीगोळी खुशखबरी इन वचन केळसुसुल ताकी आंदुर केळकु वशिवास माळुल. 8 *सप्पा मुंदुरद मन अरावाळा परमेश्वर आंदरी भी नाम घाई पवतिर आत्मा कोटकु आंदुर गवाही कोटकु आंदुरद संबंध दा तान समर्थन दर्शुसदिन; 9 अदकि वशिवास इन द्वारा आंदुर पापगोळी माफ माळदुन आंदुरद अदकि नाम्द न्याड्या येनु भेदभाव ईटीदलि. 10 रा ईग नीव येती परमेश्वर उन परीक्षा माळतीर कि वशिवासीगोळ कुतक्या मा हगि जुआळी ईटी, यारी ना नाम आप्प दादागोळ नेगु सकीदुर अदकि ना नाव नेगु सकतेव? 11 ईला, नाम्द ईद वशिवास आद कि जसा ह्यांग नाम प्रभु यीशु उन अनुग्रह देल उद्धार आग्याद; हांगा आंदुरद भी आग्याद.”

12 आग सप्पा सभा चुपचाप बरनबास अदकि पौलुस उन केळली कुरतुर, कि परमेश्वर आंदुर द्वारा गैरयहूदीगोळ दा ह्यांग धोळ धोळ चमत्कार अदकि अदभुत क्याल्सा तोरसदुन. 13 याग आंदुर चुप आदुर रा याकूब अनली कुरतुन, हे वार्टुरा, अदकि आकतीगेरा, नांद केळी. 14 शमौन ईगल्या हेळदुन कि परमेश्वर पयले गैरयहूदीगोळ मा ह्यांग कृपा दृष्टी माळदुन, कि आंदुर दा टु तान हेसुर इन साटी ऊंद लॉकुर माळ कोमुल. 15 इदुर देल भवषियवक्तागोळ वचन भी समर्थन माळताव, जसा कि शास्त्र दा लखिसकु आद,

16 इदुर बाददा ना मात्त बंदकु दाऊद उन

बदिकु राज्य मात्त स्थापति माळाईन,

अदकि आऊन खंडरगोळी मात्त

मजबूत कटाईन,

17 इदुरसाटी कि मगिद मळसागोळ, मतलब सप्पा

गैरयहूदी जो नान हेसुर इन कहलुस्तार, प्रभु अक ढुंडसुल,

18 ईद आवा प्रभु अनतान जो दुनया अन उत्पत्तदिल ई मातगोळी प्रगट माळतेला बंदान.

19 “इदुरसाटी नान वचार ईद आद कि गैरयहूदीगोळ दा टु जो लॉकुर परमेश्वर उन दी तरिगतार, नाव आंदरी दुख कोळतीदील; 20 बल्की नामी आंदुर हात्ती चटिठी लखिसकु कळु पायजे: कि आंदुर भोजन तनिबाळुल जो प्रथा अन अनुसार अशुध्द आद यतकी अद मूर्तीगोळ मा येरसद हुन, व्यभचार देल आंदुर दुर ईरूल अदकि कुतक्या ओतकु कौद यातोदु पशु उन मास अदकि खुन तनिबाळुल. 21 यतकी स्याणा लॉकुर काल टु नगर नगर मूसा अन्द व्यवस्था अन्द प्रचार माळावाळेर आग्त बंदार, अदकि अद हर आराम इन दनि सभागृह दा वाचुसकु आगतद.”

गैरयहूदी वशिवासीगोळी चटिठी

22 आग सप्पा मंडली सहति प्रेरतिगोळ अदकि मंडली अनूद स्याणागोळ नश्चय माळदुर का नाम दा टु येनारा येढढ मळसागोळी नीवळुसुल, मतलब यहूदा जो बरसबबा कहलुस्तान, अदकि सीलास उक जो वार्दुर दा स्याणा ईरोन; अदकि आंदरी पौलुस अदकि बरनबास उन सांगुळ अन्ताकिया कळुल.

23 आंदुर आंदुर कय दा ईद चट्टी लखिसकु कळुदुर: “अन्ताकिया अदकि सीरिया अदकि कलिकिया अन्द ईरावाळेर वार्दुर इक जो गैरयहूदीगोळ दा टु आर, प्रेरतिगोळ अदकि स्याणा लॉकुर वार्दुरद नमस्कार. 24 नाव ईद केळदेव का नाम दा टु यावारा आदेश हासलि माळद बनि अच नाम दा टु थ्वाळासा लॉकुर होगकु, तान शब्दगोळ देल नीमी परेशानी अदकि दुख पोहुचुस्यान. 25 नाव सप्पा मुंदुर आपस दा सहमत आगकु ईद नश्चय माळदेव का नाम दा टु नविळुसुद मळसागोळी तान प्रथि बरनबास अदकि पौलुस उन सांगुळ नीम हात्ती कळेव. 26 ई हगि मळसा आर यार तान जीव नाम प्रभु यीशु मसीह अन्द क्याल्सागोळ साटी जोखमि दा हाक्यार. 27 इदुरसाटी नाव यहूदा अदकि सीलास उक कळेव, जो मातगोळ नाव लखिसेतेव, आंदुर ऊंद आगकु नीमी ईवा मातगोळ हेळ्यार. 28 पवतिर आत्मा अक अदकि नामी उचति जानसकु बतित का ई जरूरी मातगोळी बटिकु, नीम मा बोझ हाकबाळुल; 29 का नीव मूर्तीगोळ मा बली माळावाळेर से अदकि खुन देल, अदकि कुतक्या वत्त पशुगोळद मास देल, अदकि व्यभचार देल दुर ईरी. ईऊर से दुर ईरी रा नीमद भला आदीत. नाम शुभकामनागोळ मुंद नीम सांगुळ ईरूल.”

30 बाक आंदुर सार आगकु अन्ताकिया पोहचुसदुर, अदकि वशिवासीगोळद सभा अक जमा माळकु अद चट्टी आंदरी कोट्ट बुदुर. 31 आ लॉकुर चट्टी जोर देल वाचुसकु अद प्रोत्साहन सक्कावाळा बातणी इन द्वारा हापाळ खुश आगेदुर. 32 यहूदा अदकि सीलास जो खुद भी भवषियवक्ता ईरोर, हापाळ मातगोळ देल वार्दुरी शक्षिा कोटकु प्रोत्साहति अदकि संची माळदुर. 33 आंदुर येनारा दनि ईतकु, वशिवासी वार्दुर आंदरी शांती देल आंदुर दा हात्ती वापस होगली वदिा माळदुर जो आंदरी कळीदुर. 34 * लेकीन सीलास उक अल ईरोद वळ्ळीद हत.

35 लेकीन पौलुस अदकि बरनबास अन्ताकिया दा ईतोदुर: अदकि अन्य हापाळ सा लॉकुरद सांगुळ प्रभु उन वचन केळसतेला ईत्तुर.

पौलुस अदकि बरनबास उन अलग आगोद

36 थ्वाळासा दनि बाददा पौलुस बरनबास से अंदुन, “या नगर दा नाव प्रभु उन वचन केळसीदेव, बरी, बाक आंदुर दा नळुकु तान वार्दुरी अदकि आकतींगेरी नोळाता का आंदुर ह्यांग आर.” 37 आग बरनबास यूहन्ना अक जो मरकुस कहलुस्तान, सांगुळ हुडोद वचारि माळदुन. 38 *लेकीन पौलुस ईद वळ्ळीद समसीदील का आऊक तान सांगुळ हुळदेव, यतकी यूहन्ना जो मरकुस कहलुस्तान, पंफूलिया टु आंदुर हात्ती वापस हदि तरिगेगदिन अदकि आंदुर स्यावा कार्य पुरा आगासताका आंदुर सांगुळ ईला ईरोन. 39 इदुर मा बरनबास अदकि पौलुस उन दा धोळद वरिध पैदा आगेत अदकि परणाम ईद सक्ति का आंदुर आपस दा आबुर दाबुर से अलग आगेदुर; बरनबास, मरकुस उक हुडुकु जहाज मा साइप्रस होटोदुन. 40 लेकीन पौलुस सीलास उक नविळुस कौडुन, अदकि वशिवासी वार्दुर से परमेश्वर उन अनुग्रह दा कोटकु अल टु होटोदुन; 41 अदकि आव मंडलीगोळी संची माळतेला सीरिया अदकि कलिकिया टु आगतेला होट्टुन.

16

तीमुथयिस उन पौलुस अदकि सीलास उन सांगुळ होगोद

1 बाक पौलुस दरिबे अदकि लुस्त्रा दा भी होदुन. अल तीमुथयिस हेसुर इन ऊंद मसीह ईरोन, आऊन मोय यहूदी वशिवासी ईरोर, लेकीन आऊन आप्प गैरयहूदी ईरोन. 2 आव लुस्त्रा अदकि इकुनयिम उन वार्दुर दा वळ्लेव मळसा ईरोन. 3 पौलुस उन इच्छा ईरोद का तीमुथयिस आऊन सांगुळ बरूल; अदकि जो यहूदी लॉकुर आ जागागोळ दा ईरोर आंदुर कारण आव आऊंद खतना माळदुन, यतकी आंदुर सप्पा जानसोर, का आऊन आप्प गैरयहूदी ईरोन. 4 अदकि नगर नगर होगतेला आंदुर आ नयिमगोळी जो यरूशलेम इन प्रेरतिगोळ अदकि स्याणागोळ ठहरूसीदुर, मानसोर साटी आंदरी हेळकु आगोद. 5 ई प्रकार मंडलीगोळ वशिवास दा संची आगतेला होत अदकि संख्या दा रोज वाळुस्त होत.

* 15:34 १५:३४ येनारा हस्तलेखगोळ दा ईद वचन सकालद ☆ 15:38 १५:३८ प्रेरतिगोळ १३:१३

त्रोआस दा पौलुस उन दर्शन

6 आंदुर फ्रूगिया अदकि गलातया प्रदेशगोळ दा टु आगकु होदुर, यतकी पवतिर आत्मा आंदरी आसया दा वचन केळसोर से मना माळत. 7 आंदुर मूसया अन्द सीमा अन हात्ती पोहचुस्कु, बतूनया क्षेत्र दा होगोद चाहासदुर; लेकीन यीशु उन आत्मा आंदरी इजाजत कोटीदील. 8 इदुरसाटी आंदुर मूसया टु आगकु त्रोआस दा बंदुर. 9 अल पौलुस ईळलकी ऊंद दर्शन नोळदुन क ऊंद मकदिनी मळसा नदुरकु आऊन से वनिती माळकु अनेत्यान, “ईपाटी ईळकु मकदिनया दा बा, अदकि नामद मदत माळ.” 10 आऊन ईद दर्शन नोळतेला अच नाव तुरन्त मकदिनया होगोद चाहासदेव, ईद सम्सकु क परमेश्वर नामी आंदरी खुशखबरी केळसोर साटी कारस्यान.

फलिप्पी दा: लुदया अन्द मन-बदलुसोद

11 इदुरसाटी त्रोआस टु जहाज कुरतकु नाव सधा सुमात्राके होदेव अदकि दुसरा दशी नयापुलसि दा बंदेव. 12 अल टु नाव फलिप्पी पोहचुसदेव, जो मकदिनया दयाश इन मुख्य नगर अदकि रोमीगोळद ऊर हुन; अदकि नाव आ नगर दा थ्वाळासा दनि ताका ईत्तेव. 13 आराम इन दनि नाव नगर इन फाटक इन व्हाऱ्या गांगा अन्द कनारा ईद सम्सकु होदेव क अल प्रार्थना माळोद जागा ईतीदाद, अदकि कुरतकु आ आऱ्तेर से जो जमा आगीदुर, मातगोळी माळली कुरतेव. 14 लुदया हेसुर इन थुआतीरा नगर इन जांभळा रंग इन कपळा मारावळत ऊंद भक्त आऱ्त केळोर. प्रभु आकनि मन खोलसदुन क आक पौलुस उन मातगोळ मा मन हचुल. 15 याग लुदया तान घराना समेत बपतस्मा ताकोडुर, रा आक नाम से वनिती माळदुर, “अगर नीव नानी प्रभु उन वश्वासिनी समस्तीर, रा नळकु नान मान्या ईरी,” अदकि आक नामी मान्सकु ओतुर.

पौलुस अदकि सीलास बंदीगृह दा

16 ऊंद दशी याग नाव प्रार्थना माळोद जागा मा होगेव, रा नाम मुलाकात ऊंद हारोद आऱ्त दासी से आत यारदा भवष्य हेळावाळा दुष्टआत्मा ईरोद; अदकि लॉकुरद भवष्य हेळदुर देल स्वामीगोळ साटी हापाळ पैस्या कमसकु तरतोगोद. 17 आक पौलुस उन दी नाम हींद बंदकु चलिळासली कुरतुर, “ई मळसा परमप्रधान परमेश्वर उन दास हुय, जो नामी उद्धार इन हादी इन कात्ता केळसतार.” 18 आक हापाळ दनि ताका हगि अच माळतेला ईत्तुर; लेकीन पौलुस परेशान आदुन, अदकि पलटुस्कु आ दुष्टआत्मा से अंदुन, “ना नीनी यीशु मसीह अन्द हेसुर देल आग्या कोळतीन क आकनि दा टु होटबुळ.” अदकि अद आत्मा अदा घळी होट बुळत. 19 याग आ पोर इन स्वामीगोळ नोळदुर क नामद कमाई इन आशा होग्त् ईत्त, रा पौलुस अदकि सीलास उक हुळकु चौक दा प्रधानगोळ हात्ती जेडुकु ओतुर; 20 अदकि आंदरी रोमन अधिकारीगोळ हात्ती ओतुर अदकि अंदुर, “ई लॉकुर जो यहूदी आर, नाम नगर दा बळा अशांती फैलुसेत्तार; 21 अदकि हगि रीर्ता रवाजगोळी कलसेत्तार, यारी ग्रहण माळोद या मानसोद नाम रोमीगोळ साटी वळ्लीद हैलेच अदकि नाव ईदुरद पालन भी माळ सकालेव अदकि मान्स भी सकालेव.”

22 आग भीळ इन लॉकुर आंदुरद वरींध दा जमा आगकु पौलुस अदकि सीलास उन मा येरतेला बंदुर, अदकि शासकगोळ आंदुर कपळा हरदुर अदकि अदकि आंदरी कोळागोळ बडोद आग्या कोट्टुर. 23 हापाळ कोळा बळसुस्कु आंदुर आंदरी बंदीगृह दा हाक बुदुर अदकि दरोगा अक आग्या कोट्टुर क आंदरी कळक बंदोबस्त दा ईटुल. 24 आऊक हगि आग्या सकितेला अच आव आंदरी बुळक इन कोठरी दा ईटदुन अदकि आंदुर कालगोळ कोल इक ठोक्स बुदुन.

25 आर्धा ईळलक इन लगभग पौलुस अदकि सीलास प्रार्थना माळतेला परमेश्वर उन भजन हाळोर, अदकि कैदी आंदुरद केळोर. 26 इटुर दा अचानक धोळद भूकम्प बत्त, ईल ताका क बंदीगृह अन्द पायवा हालुसेदव अदकि तुरन्त सप्पा दरवाजा खुलसेदव; अदकि सप्पा कैदीगोळव बंधन खुलसेदव. 27 दरोगा जप दा टु येदुन, अदकि बंदीगृह अन्द दरवाजा खुला नोळकु सम्सदुन क कैदी ओळेग्यार, इदुरसाटी आव तलवार तेगुकु तान तान इक कौद बुळोद चाहासदुन. 28 लेकीन पौलुस धोळ शब्द दा कारूकु अंदुन, “तान तान इक येनु हानि पहचुसबाळ, यतकी नाव सप्पा ईल्या आयेव.”

29 आग बंदीगृह अन्द दरोगा दगिया कार्सदुन अदकि राटनेरी बुळक होदुन, अदकि अंज्क देल नळगतेला पौलुस अदकि सीलास उन मुंद बदिदुन; 30 अदकि आंदरी व्हाऱ्या तनकु अंदुन, “हे सज्जनगोळा, उद्धार सक्कोर साटी ना येन माळाईन?”

31 आंदुर अंदुर, “प्रभु यीशु मसीह मा वशिवास माळ, रा नीनी अदकि नीन घराना अक उद्धार सक्कीत.”
 32 अदकि आंदुर आऊक अदकि आऊंद सप्पा मान्ना अन्द लॉकुरी प्रभु उन वचन केळसदुर. 33 ईळलकी अदा घळी दरोगा आंदरी ओतकु आंदुरद जखमगोळी तोळदुन, अदकि आव तान सप्पा घराना समेत तुरन्त बपतसिमा ताकोंडुन. 34 आग आव पौलुस अदकि बरनबास उक तान मान्या ओतकु आंदुरद मुंद भोजन ईटदुन, अदकि सप्पा घराना समेत परमेश्वर मा वशिवास माळकु खुशी माळदुन.

35 याग हागुल आत आग रोमन शासकगोळ तान सपिाहीगोळ अधकिरीगोळद कय देल बातणी कळुदुर क्क आ मंळसागोळी बटि बुळी.

36 दरोगा ईद मातगोळी पौलुस से अंदुन, “शासकगोळ नीमी बटि बुळोद आग्या कळु बुटार. इदुरसाटी ईंग होटकु शांती देल होटोगी.”

37 लेकीन पौलुस सपिाहीगोळ अधकिरीगोळ से अंदुन, “आंदुर नामी जो रोमी मंळसा आर, दोषी ठहूसद बनिा लॉकुर मुंद बळदुर अदकि बंदीगूह दा हाकदुर. ईंग येन नामी चुपचाप तेगेत्यार? हगि ईला; लेकीन आंदुर खुद बंदकु नामी व्हार्या तेगुल.”

38 सपिाहीगोळद अधकिरीगोळ ई मातगोळद रोमी शासकगोळी जानकारी कोट्टुर, अदकि आंदुर ईद केळकु क्क पौलुस अदकि सीलास रोमन नागरीत्वावाळेर लॉकुर उर, अंजेदुर, 39 आग रोमन अधकिरीगोळ बंदकु आंदुर से माफ वनिती माळदुर, अदकि आंदरी बंदीगूह टु व्हार्या तनकु नगर बटिकु होगली हेळदुर. 40 पौलुस अदकि सीलास बंदीगूह टु होटकु लुदया अन्द ईल होदुर, अदकि वशिवासी वारटुर से भेंट माळकु आंदरी प्रोत्साहन कोटकु होटोदुर.

17

थसिसलुनीके नगर दा

1 बाक पौलुस अदकि सीलास अम्फपुलसि अदकि अपुल्लोनया आगकु थसिसलुनीके दा बंदुर, यल यहूदीगोळद ऊंद यहूदी लॉकुरद सभागूह ईरोद. 2 पौलुस तान रीर्ता इन अनुसार सभागूह दा होदुन, अदकि मुर आराम इन दनि नयिम शास्त्रगोळ देल यहूदी लॉकुर सांगुळ झगळा माळदुन; 3 अदकि अऊर अर्थ आसान भाषा दा समझुस तोगोन क्क मसीह अक दुख नेगोद, अदकि सोत्तुर दा टु जतित्ता माळोद, जरूरी ईरोद; अदकि “ईवा यीशु यार्द बारा दा ना नीमी हेळतीन, मसीह हुन.” 4 आंदुर दा टु येनारा लॉकुर वशिवास माळदुर अदकि पौलुस अदकि सीलास उन सांगुळ मीलुसेदुर. परमेश्वर उन आराधना माळावाळेर हापाळ पुरा गैरयहूदीगोळ भी आंदुर दा मीलुसेदुर, ईदुर दा मुख्य आर्तेर भी ईरोर,

5 लेकीन यहूदीगोळ जलन देल तुमकु बाजारू लॉकुर दा टु येनारा दुष्ट मंळसागोळी तान सांगुळ दा हुळदुर, अदकि भीळ जमा माळकु नगर दा हलला मचुसली कुरतुर, अदकि यासोन उन मान्ना मा चढाई माळकु अदकि कोशशि माळली कुरतुर क्क ह्यांगारा तरी पौलुस अदकि सीलास उक लॉकुर मुंद तंदेव. 6 आंदरी अल ईला नोळकु आंदुर ईद चलिळासतेला यासोन अदकि येनारा वशिवासी वारटुरी नगर इन शासकगोळ मुंद जेडुतेला तंदुर अदकि अंदुर, “ई लॉकुर यार सप्पा दी मुसीबत पैदा माळ बुटार, आंदुर नाम नगर दा भी होट बंदार. 7 अदकि यासोन आंदरी तान मान्या ईटयान. ई सप्पा च्या सप्पा ईद अनतार क्क यीशु राजा आन, अदकि कैसर उन नयिमगोळद वरिध माळतार.” 8 आंदुर लॉकुरी अदकि नगर इन शासकगोळी ईद केळसकु भळकुस बुटुर. 9 इदुरसाटी आंदुर यासोन अदकि बाकी लॉकुर से जमानत ताकोमकु आंदरी बटि बुटुर.

बरीया नगर दा

10 वशिवासी वारटुर तुरन्त ईळलक इन ईळलक इच पौलुस अदकि सीलास उक बरीया कळु बुटुर; अदकि आंदुर अल पोहचुस्कु यहूदीगोळद सभागूह दा होदुर. 11 आ लॉकुर रा थसिसलुनीके अन्द लॉकुर से भला ईरोर, अदकि आंदुर धोळ लालसा देल वचन ग्रहण माळदुर, अदकि रोज शास्त्रगोळ दा अध्ययन माळ माळकु नोळोर क्क जो ई मातगोळ पौलुस हेळदुन अव सही आव का ईला. 12 अदकि इदुर परणाम स्वरूप हापाळ सा यहूदीगोळ अदकि मानवाईक यूनानी आर्तेर मंळसागोळ भी वशिवास ग्रहण माळदुर. 13 लेकीन याग थसिसलुनीके अन्द यहूदी जान्स कोंडुर क्क पौलुस बरीया दा भी परमेश्वर उन वचन केळसतान, रा अल भी बंदकु लॉकुरी भळकुसली अदकि दंगा माळली कुरतुर. 14 आग वशिवासी वारटुर तुरन्त पौलुस उक वदिा माळदुर क्क समुद्र अन्द कनिारा

होटोगुल; लेकीन सीलास अदकि तीमुथयिस अल्या ईतोदुर. 15 पौलुस उक वशिवासी वारटुर एथेस ताका ओतुर; अदकि सीलास अदकि तीमुथयिस उन साटी आंदुर पौलुस उन से ईद आग्या ताकोमकु वदि आदुर कि आंदरी नान हातती जल्दी से जल्दी कळुल.

एथेस नगर दा

16 याग पौलुस एथेस दा तीमुथयिस अदकि सीलास उन हादी कायोन, अदकि एथेस नगर इक मूर्तीगोळ देल तुमकु नोळकु आव हापाळ नरिश आगेदुन. 17 इदुरसाटी आव यहूदी लॉकुरद सभागूह दा यहूदीगोळ अदकि गैरयहूदीगोळ जो परमेश्वर उन आराधना माळतोगोर, अदकि चौक दा होगा बरावाळेर लॉकुर आऊन से सकितोगोर आंदुर से हर रोज झगळा माळतोगोन.

18 आग इपकिरी अदकि स्तोईकी गुरुगोळ दा टु थवाळासा गुरु आऊन से तर्क माळली कुरतुर, अदकि येनारा अंदुर, “ईव अग्यानी येन अनोद चाहासतान?” लेकीन दुसरा अंदुर, आव “अन्य देवतागोळ्द प्रचारक मालूम बळितान.” यतकी आव यीशु उन अदकि आऊन पुनरूतथान इन खुशखबरी केळसतोगोन. 19 आग आंदुर पौलुस उक तान सांगुळ अरयिपगुस इन नगर दा ओतुर अदकि केळदुर, “येन नाव जान्स सकतेव कि ईद व्हाशोद शकिषा जो नी हेळत्या, येन हुन? 20 यतकी नी अनोखा मातगोळी नामी केळसत्या, इदुरसाटी नाव जानसोद चाहासतेव कि ईऊरुद अर्थ येन आद.” 21 इदुरसाटी कि सप्पा एथेसवासी अदकि परदेशी जो अल ईरतोगोर, सप्पा आऊन व्हासा व्हासा मातगोळी केळली अदकि हेळदुर दा समय बतिसतोगोर.

22 आग पौलुस अरयिपगुस उन नगर इन सभा अन न्याड्या दा नदिरकु अंदुन, हे एथेस इन लॉकुरा, ना नोळतीन कि नीव हर प्रकार देल धार्मिक आईर. 23 यतकी ना नगर दा टेटाळतेला याग नीम्द आराधना माळोद जागागोळी नोळीन, रा ऊंद हगि वेदी भी नोळदीन, यदुर मा लखिसकु ईरोद, अनजाना परमेश्वर उन साटी. इदुरसाटी यार्द नीव बनि नोळ्द आराधना माळतीर, ना नीमी आऊंद बारा दा हेळतीन. 24 *या परमेश्वर पृथ्वी अदकि अदुर सप्पा वस्तुगोळी माळदुन, आव स्वर्ग अदकि पृथ्वी इन स्वामी आन, अदकि आव कय इन माळ्द मंदरिगोळ दा ईरालुन; 25 ना यातोदु वस्तु उन जरवत इन कारण मंळसागोळ्द कयगोळ्द स्यावा ताकोमतान, यतकी आव खुद अच सप्पा मुंदरी जीवन अदकि श्वास अदकि सप्पा येनारा कोळतान. 26 आव ऊंद अच मंळसा द्वारा पुरा मंळसागोळ्द पैदा माळदुन अदकि सप्पा पृथ्वी मा आव ईरसकुल इदुरसाटी आव माळदुन. अदकि आव पयले टुच लॉकुरद समय नश्चिति माळ कोंडान अदकि आंदुर नवास इन यल आंदुर ईरतार अदुरद सीमागोळी कट बुट्टुन, 27 ईद इदुरसाटी माळदुन कि लॉकुर परमेश्वर उक हुंढसुल, आग सकतद कि आंदुर आऊन ताका पोहचुस्कु हासलि माळ कोमुल, तरी भी आव नाम दा टु यारदु से दुर हैलेच. 28 जसा यावारा अंदान कि

नाव आऊंदा जतिता ईरतेव, अदकि नळुतेला वयाळतेला ईरतेव, अदकि आऊन दा अच नाम अस्तत्व आद.

ईदा प्रकार खुद नीम्द अच थवाळासा कवगिोळ भी अंदार,

नाव रा आऊंदा औलाद हुयेव.

29 इदुरसाटी परमेश्वर उन औलाद आगकु नामी ईद समसोद उचति हैलेच कि परमेश्वर उन दविय रूप व्हान्ना या पैस्या या कल्ल इन घाई आद, जो मंळसा अन्द कारीगरी अदकि कल्पना देल माळकु आगीदाव. 30 “इदुरसाटी परमेश्वर याग लॉकुर परमेश्वर उक ईला जानसोर आ समयगोळ मा ध्यान कोटीदील, लेकीन ईग हर जागा सप्पा मंळसागोळी मन तरिगुसोद आग्या कोळतान. 31 परमेश्वर ऊंद दनि नश्चिति माळ्यान आ दशिी आव तान नविळुसुद ऊंद मंळसा अन द्वारा सच्चाई देल दुनया अन न्याय माळ्यान अदकि ई मात इन प्रमाण आव आ मंळसा अक सोत्तुर दा टु जतिता माळकु सप्पा मुंदुरी कोटान.”

32 सोत्तुर दा टु जतिता आगेद इन मात केळकु थवाळासा लॉकुर पौलुस से मज्याक माळली कुरतुर, लेकीन दुसरा थवाळासा लॉकुर अंदुर, “नाव ईद मातगोळ नीन से केळोद चाहासतेव.” 33 ईदुर मा पौलुस आंदुर न्याड्या दा टु होटबुटुन. 34 लेकीन थवाळासा मंळसा आऊन सांगुळ मीलुसेदुर, अदकि वशिवास माळदुर; यारदा दयिनुसयिस जो नगर सभा अन सदस्य ईरोन, अदकि दमरसि हेसुर इन ऊंद आर्त ईरोर, अदकि आंदुर सांगुळ मात्त दुसरा लॉकुर ईरोर.

18

कुरन्थुस नगर दा पौलुस

1 इदुर बाद्दा पौलुस एथेंस नगर इक बटिकु कुरन्थुस नगर दा बंदुन. 2 अल आऊक अक्विला हेसुर इन ऊंद यहूदी सकिदुन, यार्द जनम पुन्तुस दा आगीत. आव तान हगिस प्रसिकल्लिला अनूद सांगुळ इटली टु ईंग ईग अच बंदीदुन, यतकी क्लौदयिस सप्पा यहूदीगोळी रोम टु होट्ट बुळोद आग्या कोटीदुन. इदुरसाटी आव आंदुर अल होदुन. 3 आंदुर ऊंदा ऊज्या ईरतोगोर अदकि आंदुर क्याल्सा ऊंदा ईरोद आंदुर तान कमाई इन साटी तम्बू माळोद क्याल्सा माळतोगोर. 4 आव हर ऊंद आराम इन दनि यहूदी लॉकुरद सभागृह दा झगळा माळकु यहूदीगोळ अदकि गैरयहूदीगोळी भी समझुस तोगोन.

5 याग सीलास अदकि तीमुथयिस मकदिनयिया टु बंदुर, रा पौलुस वचन केळसदुर दा पुरा समय कोट्टुन अदकि यहूदीगोळी गवाही कोळली कुरतुन कियीशु उच मसीह हुन. 6 लेकीन याग आंदुर वरिध अदकि अपमान माळली कुरतुर, रा आव तान कपळा झाळसकु आंदुर से अंदुन, “नीम सायोद कारण नीव खुद आईर! ना नरिदोष आईन. अदकि इदुर जमिमेदार ना हैलेच, ईंग टु ना गैरयहूदीगोळद हाती होगईन.” 7 अल टु होटकु आव तीतुस यूस्तुस हेसुर इन परमेश्वर उन आराधना माळावाळा ऊंद मंळसा अनूद मान्या बंदुन; यार्द मान्ना यहूदी सभागृह टु हतकु ईरोद. 8 आग सभागृह अन सरदार क्रसिपुस तान सप्पा घराना समेत प्रभु मा वशिवास माळदुन; अदकि हापाळ सा कुरन्थवासी ईद बातणी केळकु वशिवास माळदुर अदकि बपतस्मा ताकोंडुर.

9 प्रभु ऊंद ईळलकी दर्शन इन द्वारा पौलुस से अंदुन, “अंजबाळ, उलटा अनतेला ईर अदकि सुंगा ईरबाळ; 10 यतकी ना नीन सांगुळ आईन, अदकि याऊ नीन मा चढाई माळकु अपमान हानि माळतीदील; यतकी ई नगर दा नान हापाळ सा लॉकुर आर.” 11 इदुरसाटी आव आंदुरदा परमेश्वर उन वचन कल्सतेला दळि वर्ष ताका ईत्तुन.

12 याग गल्लियो अक अखाया दयाश इन शासक माळकु आत, आग यहूदी लॉकुर ऊंद आगकु पौलुस मा येरतेला बंदुर, अदकि आऊक न्याय आसन इन मुंद तंदुर, 13 अदकि अनली कुरतुर, “ईव लॉकुरी समझुस्तान क्ति परमेश्वर उन उपासना हगि रीतिदेल माळी, जो नाम्द व्यवस्था अनूद वपिरीत आद.”

14 याग पौलुस माताळदुर मा अच ईरोन, रा गल्लियो यहूदीगोळ से अंदुन, “हे यहूदीगोळा, अगर ईद येनारा अन्याय या दुष्टता अनूद मात आगाईत, रा उचति ईरोद क्ति ना नीम्द केळायदनि. 15 लेकीन अगर ईद झगळा शब्दगोळ, अदकि हेसुरगोळ, अदकि नीम खुद इन व्यवस्था अनूद बारा दा आद, रा नीव अच खुद सुलझुसी; यतकी ना ई मातगोळद न्यायी बनसोद चाहासालीन.” 16 अदकि आव आंदरी न्याय आसन इन मुंद टु तेगसुसबुटुन. 17 आग सप्पा लॉकुर सभागृह अन अध्यक्ष सोस्थनिस उक हुळकु न्याय आसन इन मुंद बळदुर. लेकीन गल्लियो ई मातगोळ मा ध्यान कोटीदील.

अन्ताकिया अक वापस होगोद

18 पौलुस हापाळ दनि ताका कुरन्थुस दा ईत्तुन. बाक वशिवासी वारटुर से वदि ताकोमकु जहाज देल सीरयिया होदुन आग आऊन सांगुळ प्रसिकल्लिला अदकि अक्विला भी ईरोर. पौलुस कखिरयिया दा तान मुंडन माळदुन, यतकी आव ऊंद मन्नत बेळीदुन. 19 आव इफसिस पोहचुस्कु प्रसिकल्लिला अदकि अक्विला अक अल बट्टिदुन, अदकि खुद सभागृह दा होगकु यहूदीगोळ से झगळा माळली कुरतुन. 20 याग अलेर लॉकुर आऊन से वनिती माळदुर, “नाम सांगुळ अदकि थ्वाळासा दनि ईर.” रा आव स्वीकार माळीदील; 21 लेकीन ईद अनकु आंदुर से सार आदुन, “अगर परमेश्वर चाहास्यान रा ना नीम हात्ती मात्त बराईन.” आग आव इफसिस टु जहाज मा कुरतकु होटोदुन;

22 अदकि कैसरयिया दा ईळकु यरूशलेम इक होदुन अदकि मंडली अक मुलाकात माळकु अन्ताकिया दा बंदुन. 23 बाक येनारा दनि अन्ताकिया दा ईतकु गलातिया अदकि फ्रूगिया क्षेत्त्र टु आगतेला होट्टुन, अदकि सप्पा चेलागोळी वशिवास दा संची माळतेला तरिगदुन.

इफसिस अदकि कुरन्थुस दा अपुल्लोस

24 अपुल्लोस हेसुर इन ऊंद यहूदी ईरोन, यार्द जनम सकिन्दरयिया दा आगीत, जो अककलवाळा मंळसा ईरोन अदकि शास्त्र अक वळ्लीद तरीका देल जानसोन, इफसिस दा बंदुन. 25 आव प्रभु उन हादी इन शकिषा

ताकोडदिन, अदकि मन हचकु अदकि पुरा उत्साह देल यीशु उन बारा दा वळ्लीद-वळ्लीद केळसोन अदकि कलसोन, लेकीन आव सरिफ यूहन्ना अन्द बपतसिमा अन्द मात जानसोन. 26 आव सभागृह दा नडिर आगकु माताळली कुरतुन, लेकीन प्रसिकलिला अदकि अक्वला आऊंद मातगोळी केळकु आऊक तान मान्या ओतुर अदकि परमेश्वर उन हादी आऊक मात्त वळ्लीद-वळ्लीद हेळदुन. 27 याग अपुल्लोस नश्चय माळदुन की आप्पारी ईळुकु अखाया अक होदेव इफसिस उन वशिवासी वार्दुर आऊन हम्मिमत वाळुसदुर अदकि अखाया अन अनुयायीगोळी आऊन स्वागत माळोर साटी ऊंद चट्टी कळुदुर; अदकि आव अल पोहचुस्कु आ लॉकुरद बळा सहायता माळदुन जो परमेश्वर उन अनुग्रह अन कारण वशिवास दा बंदीदुर. 28 यतकी आव शास्त्र देल प्रमाण कोट कोटकु की यीशु उच मसीह हुन, धोळ प्रबलता देल यहूदीगोळ्द सप्पा मुंदुर मुंद बोलती बंद माळ्त् ईत्तुन.

19

इफसिस नगर दा पौलुस

1 याग अपुल्लोस कुरन्थुस दा ईरोन, रा पौलुस म्याकुच इन सप्पा प्रदेश टु यात्रा माळतेला इफसिस दा बंदुन. अल आऊक थ्वाळासा चेलागोळ सकिदुर

2 आव आंदुर से केळदुन, “येन नीव वशिवास माळावती पवतिर आत्मा अक नोळदीर?” आंदुर आऊन से अंदुर, “नाव रा पवतिर आत्मा अन्द चर्चा भी केळीदील.”

3 आव आंदुर से अंदुन, “रा बाक नीव यार्द बपतसिमा ताकोडीर?” आंदुर अंदुर, “यूहन्ना अन्द बपतसिमा.”

4 *पौलुस अंदुन, यूहन्ना आंदरी बपतसिमा कोट्टुन की आंदुर तान पापगोळ देल तरिगुल, की जो नान बाद्दा बरावाळा आन, आऊन मा मतलब यीशु मा वशिवास माळेतीर.

5 ईद केळकु आंदुर प्रभु यीशु उन हेसुर दा बपतसिमा ताकोडुर. 6 याग पौलुस आंदुर मा कय ईददुन, रा पवतिर आत्मा आंदुर मा ईळुत, अदकि आंदुर अलग-अलग भाषा माताळली अदकि भवषियवाणी माळली कुरतुर. 7 इंदुर सप्पा लगभग हन्नेळ मंळसा ईरोर.

8 आव यहूदी सभागृह दा होगकु मुर तगिळ ताका नडिर आगकु माताळतेला ईत्तुन, अदकि परमेश्वर उन राज्य अन्द बारा दा झगळा माळतेला अदकि समझुसतेला ईत्तुन. 9 लेकीन याग येनारा लॉकुर कठोर आगकु आऊंद मान्सीदील उलटा लॉकुर मुंद ई हादी अक बेकार अनली कुरतुर, रा आव आंदरी बटि बुटुन अदकि चेलागोळी अलग माळ बुटुन, अदकि रोज तुरन्नुस उन शिक्षा अन मान्ना दा झगळा माळतोगोन. 10 येद्व वरष ताका ईदा आगतेला ईत्त, ईल ताका की आसयिया नोर ईरावाळेर येन यहूदी येन गैरयहूदी सप्पा प्रभु उन वचन केळ कोडुर.

स्केवा अन पार

11 परमेश्वर पौलुस उन कयगोळ देल सामर्थ्य अन्द अनोखा कयाल्सा तोरसतोगोन. 12 ईल ताका किरूमाल अदकि गमच्छा आऊन मय देल सप्पश माळसुसकु बमिरगोळ मा हाकतोगोर, अदकि आंदुर बमिरीगोळ होग्त ईरतोगोव; अदकि दुष्टआत्मागोळ आंदुर दा टु होट बुळतोगव. 13 लेकीन येनारा यहूदी जो झाळ फुक माळ्त् टेटाळोर, आंदुर प्रभु यीशु मसीह अन हेसुर इस्तेमाल माळली कुरतुर आंदुर दुष्टआत्मागोळी अनतोगोर, “या यीशु उन प्रचार पौलुस माळतान, ना नीमी आ यीशु उन हेसुर देल आग्या कोळतीन.” 14 अदकि स्क्कवा हेसुर इन ऊंद यहूदी प्रधान याजक उन येळ चकिर ईरोर, जो हगि माळतोगोर.

15 लेकीन दुष्टआत्मा आंदरी उत्तर कोळ्त्, “यीशु उक ना अरूतीन, अदकि पौलुस उक भी अरूतीन, लेकीन नीव यार हुईर?”

16 अदकि आ मंळसा यारदा दुष्टआत्मा ईरोद आंदुर मा हावी आगकु अदकि आंदरी वश दा तनकु, आंदरी हगि बडुत की आंदुर ऊगळा अदकि घायल आगकु आ मान्या टु होटकु ओळदुर. 17 ईद मात इफसिस इन ईरावाळेर सप्पा यहूदी अदकि गैरयहूदी भी जान्स कोडुर, अदकि आ सप्पा मुंदुर दा अंज्क तुम्मेत; अदकि प्रभु यीशु उन हेसुर इन बळाई आत. 18 यार वशिवास माळीदुर, आंदुर दा टु हापाळ मुंदुर बंदकु तान तान बेकार कयाल्सागोळी मान्स कोडुर अदकि अल बंदुर. 19 जादू माळावाळेर दा टु हापाळ मुंदुर तान तान पोथळीगोळी जमा माळकु सप्पा

* 19:4 १९:४ मत्ती ३:११; मरकुस १:४,७,८; लूका ३:४,१६; यूहन्ना १:२६,२७

मुंदुर मुंद होताक बुदुर, अदकि याग अऊरुद दाम जोळ्सकु आत, रा पचास हजार बेळ्ली इन सकिकागोळ बराबर होळत. 20 ई प्रकार प्रभु उन वचन बलपूर्वक फैलुस्त अदकि मजबूत आगतेला होत.

इफसिस नगर दा दंगा

21 याग ई मातगोळ आगेदव रा पौलुस मन दा ठान्सदुन कमिकदिनया अदकि अखाया टु आगकु यूरुशलेम इक होगार्इन, अदकि अंदुन, “अल होगदुर बाददा नानी रोम इक भी नोळोद जरूरी आद.” 22 इदुरसाटी तान स्यावा माळावाळेर दा टु तीमुथयुस अदकि इरास्तुस उक मकदिनया कळुकु खुद थ्वाळासा दनि आसया दा ईतोदुन.

23 आ समय इफसिस दा प्रभु उन हादी इन बारा दा बळा हंगामा आत. 24 अल बेळ्ली इन क्याल्सा माळावाळा देमेत्रयुस हेसुर इनव ऊंद सोनार ईरतोगोन आव देवी अरतमिसि इन बेळ्ली इन मंदरि माळतोगोन, यदुर देल कारीगरगोळी हापाळ फायदा सकितोगोद. 25 आव आंदरी अदकि हगि अच वस्तुगोळ्द कारीगरगोळी जमा माळकु अंदुन, “हे मंळसागोळा, नीव जान्सतीर कि ई क्याल्सा देल नामी याट धन सकितद. 26 नीव नोळतीर अदकि केळतीर कि सरिफ इफसिस अच दा ईला, उलटा सप्पा आसया क्षेत्तर दा ईद अन अनकु ई पौलुस हापाळ सा लॉकुरी समझुसदुन, कि जो कय इन कारीगरी आद, आंदुर परमेश्वर आल्लच. 27 इदुर देल ईग सरिफ ईदा मात इन अच अंज्क हॅलेच कि नाम ई धंदा अन्द महत्व होग्त ईत्तीत, उलटा ईद कि महान देवी अरतमिसि इन मंदरि तुच्छ सम्सकु आदीत, अदकि यारी सप्पा आसया अदकि दुनया पुजा माळतद आकनि महत्व भी होग्त ईत्तीत.”

28 आंदुर ईद केळकु सट्टि देल तुम्मेदुर अदकि चलिळास चळिलासकु अनली कुरतुर, इफसिगोळ अरतमिसि देवी, महान आर! 29 अदकि सप्पा नगर दा धोळ्द हंगामा मचुसेत, अदकि लॉकुर गयुस अदकि अरसिर्खुस उक जो पौलुस उन संगी यात्री ईरोर जो मकदिनया टु बंदीदुर, आंदरी हुळ्द बुदुर, अदकि नाटक घर दा ओतुर. 30 याग पौलुस लॉकुर हातती बुळ्क होगोद चाहासदुन रा चेलागोळ आऊक होग गोटीदील. 31 आसया नोर शासकगोळ दा टु भी आऊन कई संगीगोळ आऊन हातती बातणी कळुदुर अदकि वनिती माळदुर कि नाटक घर दा होगकु जोखमि नेगुबाळेत. 32 अल यावारा येनारा चलिळासोन रा यावारा येनारा, यतकी सभा दा बळा गळबळी आगेद, अदकि हापाळ सा लॉकुर रा ईद जानसोर भी ईला कि नाव यदुर साटी जमा आगेव. 33 आग आंदुर सकिन्दर उक, यारी यहूदीगोळ नदिरूसदुर, भीळ दा टु मुंद वाळुसदुर. सकिन्दर कय देल इशारा माळकु लॉकुर मुंद खुद इन बचाव इन साटी भाषण कोळोद चाहासोन. 34 लेकीन याग आंदुर जान्स कौडुर कि आव यहूदी हुन, रा सप्पा च्या सप्पा ऊंद आवाज देल कम से कम येढ्ढ तास ताका चलिळासतेला ईत्तुर, “इफसिगोळ अरतमिसि, महान आर.”

35 आग नगर इन लेखा जोखा ईटावाळा लॉकुरी शांत माळकु अंदुन, “हे इफसिस इन लॉकुरा, येन दुनया दा हगि यावारा मंळसा आन जो जान्सालुन कि इफसिगोळ नगर इन महान देवी अरतमिसि, मंदरि इन अदकि स्वर्ग टु बळिवाळा पवतिर कल्ल इन रक्षु माळावळ्त्त उर. 36 इदुरसाटी जब कि ई मातगोळ्द खंडन अच आगसकाल, रा उचति आद कि नीव शांत ईरी अदकि बनिा सोचद सम्द येनु माळबाळी. 37 यतकी नीव ई मंळसागोळी तंदीर जो ना मंदरि इन लुटसावाळेर आर ना नाम देवी इन अपमान माळावाळेर उर. 38 अगर देमेत्रयुस अदकि आऊन संगी कारीगरगोळी यारदारा से शकियत आद रा कचेरी खुला आद अदकि शासक भी आन; अल होगकु आंदुर आबुर दाबुर मा आरोप हचुल. 39 लेकीन अगर नीव यातोदारा दुसरा मात इन बारा दा येनारा केळोद चाहास्तीर, रा कानूनी सभा दा फैसला माळकु आदीत. 40 यतकी ईद इन दंगा अन्द कारण नाम मा दोष हचुचोद अंज्क आद, इदुरसाटी कि इदुर येनु कारण हॅलेच, अदकि नाव ई भीळ इन जमा आगेद येनु उत्तर कोळ सकालेव.” 41 ईद अनकु नगर इन लेखा जोखा कोळावाळा सभा अक सार माळदुन.

20

मकदिनया अदकि अखाया दा पौलुस

1 याग दंगा थामसेत रा पौलुस चेलागोळी कारसुसकु हम्मित वाळुसदुन, अदकि आंदुर से सार आगकु मकदिनया अन्द दी होटोदुन. 2 आ सप्पा प्रदेश दा टु आगकु अदकि चेलागोळी हापाळ उत्साहीत माळकु आव अखाया दा बंदुन. 3 याग मुर तगिळ ईतकु आव अल टु जहाज मा सीरया अन दी होगोन, रा यहूदी आऊक कोनली ताक दा हतकु ईरोर, इदुरसाटी आव ईद नश्चय माळदुन कि मकदिनया आगकु वापस आगेगुल. 4 बरिया अन्द पुरुस उन पार सोपतुरस अदकि थसिसलुनीके अन्द अरसिर्खुस अदकि सकिन्दुस, अदकि दरिबे अन्द गयुस, अदकि

तीमुथयिस, अदकि आसयिया अन्द तुखकिस अदकि त्रुफमिस आसयिया ताका आऊन सांगुळ ईरोर. ⁵ आंदुर मुंद होटोदुर अदकि त्रोआस दा नाम हादी कायतेला ईत्तुर. ⁶ अदकि नाव अखमीरी रोटी इन हाब्व खतम आगदुर बाद्दा फलिप्पी टु जहाज देल होटकु अईद दनि इन बाद्दा त्रोआस दा बंदकु आंदुर से मुलाकात माळदेव, अदकि ऊंद हप्ता अल्या ईत्तेव.

पौलुस उन त्रोआस दा आखरी मुलाकात

⁷ बाक नाव शण्यार इन द्यावगा याग ऊमोर साटी आपस दा जमा आदेव, रा पौलुस आंदुर से मातचीत हेळली कुरतुन, आऊक दुसरा दशी इच होगोद ईरोद, इदुरसाटी आव आर्धा ईळलक ताका मातगोळी हेळतेला ईत्तुन. ⁸ या म्याकुच इन कमरा दा नाव जमा ईरेव, अदुर दा हापाळ दग्या होत्तव. ⁹ अदकि यूतुखुस हेसुर इन ऊंद हारोदव खळिकी मा कुरतकु भर जप्प देल डोलसोन. याग पौलुस हापाळ होत ताका मातगोळी हेळतेला ईत्तुन रा आव जप्प इन झवाका देल तसिरा मंजील मा टु ल्यालमा बदिदुन, अदकि याग आंदुर आऊक नेगदुर रा आव सोतोगीदुन. ¹⁰ लेकीन पौलुस ल्यालमा ईळदुन अदकि आऊन से लपटुसेदुन, अदकि कुतक्या हतकु अंदुन, “घबरूसबाळी; यतकी आव जत्तिता आन.” ¹¹ अदकि पौलुस म्याकुच होगकु ऊंडुन अदकि ईट होत ताका आंदुर से मातगोळी हेळतेला ईत्तुन किव्हातुर आगेत. बाक आव होटोदुन. ¹² अदकि आंदुर आ हारोदव पार उक जत्तिता तंदुर अदकि हापाळ शांती सकित.

त्रोआस टु मलितुस इक होगोद

¹³ नाव पयले अच जहाज मा कुरतकु अस्सुस इक ईद वचार देल मुंद होदेव किल टु नाव पौलुस उक सांगुळ हुडुकोडेव, यतकी आव ईद इदुरसाटी ठहरूसीदुन किव्हाद अच पैदल बरोद चाहासोन. ¹⁴ याग पौलुस अस्सुस दा नामी सकिदुन रा नाव आऊक जहाज दा कुरसकु मलितुलेन नगर दा वळेदेव. ¹⁵ अल टु जहाज दा कुरतकु नाव दुसरा दशी खयिस नगर इन मुंद पोहचुसदेव, अदकि दुसरा दशी सामुस नगर दा बंदेव; बाक अदुर दुसरा दशी नाव मलितुस नगर दा बंदेव. ¹⁶ यतकी पौलुस इफसिस उन हात्ती टु आगकु होगोद नश्चय माळीदुन किव्हायारा हगि आगबाळुल किव्हा आऊक आसयिया दा समय हतुल; यतकी आव जल्दी दा ईरोन किव्हा अगर आग सकुल रा आव पन्तेकुस्त हाब्व दशी यरूशलेम दा ईरूल.

पौलुस उन इफसिस उन स्याणागोळी आखरी भाषण

¹⁷ पौलुस मलितुस नगर टु इफसिस नगर दा बातणी कळुदुन, अदकि मंडली अन्द स्याणागोळी कारसुसदुन. ¹⁸ याग आंदुर आऊन हात्ती बंदुर, रा आव अंदुन: नीव जानसतीर किव्हा पयला अच दशी टु याग ना आसयिया दा प्हुचुसदीन, ना हर समय नीम सांगुळ याता प्रकार देल ईत्तीन. ¹⁹ मतलब बळा नम्रता देल, अदकि वरल वरलकु, अदकि आ परीक्षागोळ दा जो यहूदीगोळ्द साजीश इन कारण नान मा बंदकु बत्तित, ना प्रभु उन स्यावा माळतेला अच ईत्तीन; ²⁰ अदकि जो जो मातगोळ नीम फायदा नव ईरेव, आंदरी हेळली अदकि लॉकुरद मुंद अदकि मानोन माननी कलसोर से यागलु हदि आगीदील, ²¹ उलटा यहूदीगोळ अदकि गैरयहूदीगोळ्द मुंद गवाही कोळ्त्त ईत्तुन किव्हा परमेश्वर उन दी मन तरिगुसोद अदकि नाम प्रभु यीशु मसीह मा वश्वास माळ पायजे. ²² ईंग नोळी, ना पवत्रि आत्मा अन आग्या अन अनुसार यरूशलेम इक होगतीन, अदकि जान्सालीन किव्हा अल नान मा येन येन बत्तिसीत; ²³ ना रा बस ईट चाहासतीन किव्हा हर ऊंद नगर दा पवत्रि आत्मा नानी चेतावनी कोळतद किव्हा बंदीगृह अदकि मुश्कलि घळीगोळ नान हादी कायताव. ²⁴ लेकीन ना तान जीव इक येनु समसालीन, सरिफ ईट चाहासतीन किव्हा प्रभु यीशु उन कोळ्द क्याल्सा अक पुरा माळाईन, जो क्याल्सा आव नानी कोटान, अदकि अद क्याल्सा ईद किव्हा परमेश्वर उन अनुग्रह अन्द खुशखबरी इन घोषणा माळाईन.

²⁵ ना परमेश्वर उन राज्य अन प्रचार नीम सप्पा मुंदुर दा माळ्त्त ओयाळदनि, अदकि ना जानसतीन किव्हा नीम दा टु नानी यावारा भी यागलु नोळ सकतीदलि. ²⁶ इदुरसाटी ना ईद इन दशी पुरा रीत अदकि सफाई देल नीम से अनतीन, किव्हा नीम नाश इन जमिंदार ना आल्लच ना नरिदोष आईन. ²⁷ यतकी ना परमेश्वर उन पुरा योजना जो नीम साटी आव, पुरा रीत देल हेळोर साटी हदि आगीदील. ²⁸ तान अदकि तान लॉकुरद पुरा गुट इन देखभाल माळावाळे बनसी यतकी पवत्रि आत्मा आंदुर दा टु नीमी आंदुरद चिता माळावाळा माळ्यान, किव्हा नीव परमेश्वर उन मंडली अन्द रखवाली माळी, यारी आव तान खुन देल कोंडीदुन. ²⁹ ना जानसतीन किव्हा नान

होगदुर बाददा भयंकर लांडग्यागोळ नीम लॉकुर न्याड्या होक्केव अदकि अव ई भोला भाला लॉकुर गुट इक बळितीदील. ³⁰ हगि समय बंदीत कनिमी अच न्याड्या दा टु भी हगि-हगि लॉकुर येददार जो चेलागोळी तान हींद जेडुली उलटा सधा मातगोळी हेळ्यार. ³¹ इदुरसाटी सावधान ईरी, अदकि याद ईटेतीर कनि ना मुर वर्ष ताका ईळ्ळ हागुल वरल वरलकु हर ऊंद मंळसा अक कलसीन.

³² अदकि ईग ना नीमी परमेश्वर उक, अदकि आऊन अनुग्रह अन्द बातणी इन कय दा सोपस बुळतीन; जो नीमी पवतिर माळ सकतान अदकि सप्पा लॉकुर दा सप्पा आशीष कोळ सकतान. ³³ ना यारदारा बैळली, वहानना या कपळा अन लालच माळीदील. ³⁴ नीव खुद अच जानसतीर कनि ईवा कयगोळ नान अदकि नान संगीगोळद जरवत पुरा माळदव. ³⁵ ना नीमी सप्पा येनारा माळकु तोरसदीन कनि ईद रीतदिल मेहनत माळतेला नरबलगोळी संभालसोद अदकि प्रभु यीशु उन वचन याद ईटोद जरूरी आद, जो आव खुद अच अंददिन: ताकोमोर से कोळोद वळ्ळीद आद.

³⁶ ईद अनकु पौलुस आंदुर सांगुळ ट्वांगरा टेक्सदुन प्रार्थना माळदुन. ³⁷ आग आंदुर सप्पा मुंदुर हापाळ वरलदुर अदकि पौलुस उन कुतक्या हुडुकु आऊन चुममा ताकोमली कुरतुर अदकि सार माळदुर. ³⁸ आंदुर खास माळकु ई मात देल शोक दा ईरोर जो आव अंददिन कनि नीव नान मार्रा बाक नोळतीदलि. आग आंदुर आऊक जहाज ताका पोहचुसदुर.

21

पौलुस उन यरूशलेम इक होगोद

¹ याग नाव आंदुर से अलग आगकु जहाज खोलसदेव, रा सरका हादी देल कोस नगर दा बंदेव, अदकि दुसरा दशी रूदुस दा अदकि अल टु पतरा दा होदेव. ² अल ऊंद जहाज फनीकी अक होगतेला सकित, अदकि नाव अदुर मा येरकु अदुर मा कुरतोदेव. ³ याग साइप्रस काळसत, रा नाव अदरी डाक्या कय दी बट्टेव, अदकि सीरया अक नळुकु सूर दा ईळदेव; यतकी अल जहाज इन माल ईळसोद ईरोद. ⁴ अल नामी थ्वाळासा वशिवासीगोळ सकिदुर अदकि नाव अल येळ दनि ताका ईत्तेव. आंदुर आत्मा अन्द सामर्थ्य अन द्वारा पौलुस से अंदुर कनि यरूशलेम होगबाळेत. ⁵ बाक अल रूकसोद नाम समय पुरा आगेत, रा नाव आंदुर से वदि ताकोमकु अल टु सार आगेदेव; अदकि सप्पा मुंदुर आर्तेर अदकि चकिोर समेत नामी नगर इन वहार्या ताका पोहचुसदुर; अदकि नाव कनारा मा ट्वांगरा टेक्सकु प्रार्थना माळदेव, ⁶ आग आबुर दाबुर से वदि आगकु, नाव रा जहाज मा येरदेव अदकि आंदुर तान तान मान्नी वापस होटोदुर.

⁷ आग नाव सूर टु जलयात्रा पुरा माळकु पतुलमियसि दा पोहचुसदेव, अदकि वशिवासी वार्दुरी नमस्कार माळकु आंदुर सांगुळ ऊंद दनि ईत्तेव. ⁸ दुसरा दशी नाव अल टु नळुकु कैसरया दा बंदेव, अदकि फलिपिपुस खुशखबरी प्रचारक उन मान्या जो नविळुसद वशिष येळ सेवकगोळ दा टु ऊंद ईरोन; होगकु आऊन मान्या ईत्तेव. ⁹ आऊन नाक कुवारा पोरगोळ ईरोर, जो परमेश्वर उन दी टु बरावाळा बातणी कोळतोगोर. ¹⁰ याग नाव अल हापाळ दनि ईत कोडेव, रा अगबुस हेसुर इन ऊंद भवषियवक्ता यहूदया टु बंदुन. ¹¹ आव नाम हात्ती बंदकु पौलुस उन पट्टा ताकोडुन, अदकि तान कय काल कटकु अंदुन, “पवतिर आत्मा ईद अनतद कयाता मंळसा अन्द ईद पट्टा हुन, आऊक यरूशलेम दा यहूदी ईदा रीतदिल कट्यार, अदकि गैरयहूदीगोळ कय दा सोपस्यार.”

¹² याग नाव ई मातगोळ केळदेव, रा नाव अदकि अलेर लॉकुर आऊन से वनिती माळदुर कनि यरूशलेम इक होगबाळुल. ¹³ लेकीन पौलुस उत्तर कोट्टुन, “नीव येन माळतीर, हगि वरल वरलकु नान मन मुरतीर? ना रा प्रभु यीशु उन हेसुर इन साटी यरूशलेम दा सरिफ कटकु आगोर साटी अच ईला उलटा सायोर साटी भी तयार आईन.”

¹⁴ याग आव मान्सीदील रा नाव ईद अनकु चुप आगेदेव, “प्रभु उन इच्छा पुरा आगुल.”

¹⁵ अल काईक दनि ईत्तुर बाददा नाव तयारी माळदेव अदकि यरूशलेम इक होटोदेव. ¹⁶ कैसरया टु भी थ्वाळासा चेलागोळ नाम सांगुळ आगेदुर, अदकि नामी मनासोन हेसुर इन साइप्रस इन ऊंद हाळव चेला अन्द मान्या तंदुर, कनि नाव आऊन मान्या इत्तेव.

पौलुस उन याकूब उन से मुलाकात

17 याग नाव यरूशलेम दा पोहचुसदेव, रा वशिवासी वार्दुर बळा खुशी इन सांगुळ नाम स्वागत माळदुर. 18 दुसरा दशी पौलुस नामी हुळकु याकूब उन हात्ती होदुन, यल सप्पा स्याणा लॉकुर जमा ईरोर. 19 आग पौलुस आंदरी नमस्कार माळकु, जो जो क्याल्सा परमेश्वर आऊन सेवकाई इन द्वारा गैरयहूदीगोळ दा माळीदुन, ऊंद ऊंद माळकु सप्पा हेळदुन. 20 आंदुर ईद केळकु परमेश्वर उन महमा माळदुर, बाक आऊन से अंदुर, “हे वार्द पौलुस, नी नोळत्या का यहूदीगोळ दा टु कई हजार लॉकुर वशिवास माळदुर; अदकि सप्पा व्यवस्था अन साटी धुन हचकु आर. 21 आंदरी नीन बारा दा कल्सकु आग्याद का नी गैरयहूदीगोळ दा ईरावाळेर यहूदीगोळी मूसा अन व्यवस्था अक बटि बुळोद कल्सत्या, अदकि अनत्या, का ना तान चकिरुद खतना माळसुसी अदकि ना रीतगोळ मा नळी. 22 रा बाक येन माळ पायजे? लॉकुर जरूर केळ्यार का नी बंद्या. 23 इदुरसाटी जो नाव नीन से अनतेव, अद माळ. नाम ईल नाक मंळसा आर यार मननत बेळ्यार. 24 आंदरी हुळकु आंदुर सांगुळ तान तान इक शुद्ध माळ; अदकि आंदुर साटी खर्चा माळ का आंदुर मुंडन आगुल. आग सप्पा जान्स कोंडार का जो मातगोळ आंदरी नीन बारा दा हेळकु आग्याद, अऊरदा येनु सच्चाई हैलेच लेकीन नी खुद भी मूसा अन व्यवस्था अक मान्सकु अदुर अनुसार नळुत्या. 25 *लेकीन आ गैरयहूदीगोळद बारा दा यार वशिवास माळ्यार, नाव ईद नरिणय माळकु आंदरी चट्टी लखिसकु कळुदेव का आंदरी येनारा ईतता भोजन ईला तनि पायजे जो मूर्तीगोळ मा बली येरसकु आग्याद, अदकि खुन देल अदकि कुतक्या वत्त पशु उन मास देल, अदकि व्यभचार देल ऊळदकु ईरूल.”

26 ई प्रकार पौलुस आ मंळसागोळी तान सांगुळ हुळदुन, अदकि दुसरा दशी आंदुर सांगुळ शुद्धीकरण इन रीति इन अनुसार तान तान इक शुद्ध माळदुन अदकि मंदरि दा होदुन यल आव घोषणा माळदुन, का शुद्धीकरण इन दनि याग पुरा आदव अदकि नाम दा टु हर ऊंद मंळसा अन साटी चढावा याग येरसकु आदीत.

मंदरि दा पौलुस उक हुडुकु आगोद

27 याग अव येळ दनि पुरा आगदुर मा ईरव, रा आसया अन यहूदीगोळ पौलुस उक मंदरि दा नोळकु सप्पा भीळ इक भळकुस बुदुर, अदकि पौलुस उक हुडुकोडुर, 28 आंदुर चळिलासकु अनली कुरतुर, “हे इस्त्राएलगोळा, सहायता माळी; ईव आवा मंळसा हुन, जो इस्त्राएली लॉकुरद, अदकि मूसा अन व्यवस्था अन, अदकि ई मंदरि इन वरीध दा हर जागा सप्पा लॉकुरी कल्सतान, ईल ताका का गैरयहूदीगोळी भी मंदरि दा तनकु आव ई पवतिर जागा अक अपवतिर माळ्यान.” 29 *आंदुर हगि इदुरसाटी अंदुर, यतकी आंदुर इदुर से पयले इफसिसवासी त्रुफामिस उक आऊन सांगुळ नगर दा नोळीदुर, अदकि समसीदुर का पौलुस आऊक मंदरि दा हुळकु बंदान.

30 आग सप्पा नगर भळकुसेत, अदकि लॉकुर ओळकु जमा आदुर अदकि पौलुस उक हुळकु मंदरि इन व्हार्या जेडुकु तंदुर, अदकि तुरन्त दरवाजा बंद माळकु आदव. 31 याग भीळ इन लॉकुर आऊक कोंद बुळोद चाहासोर, रा रोमी तुकळी इन सेनानायक उक खबर सक्ति का पुरा यरूशलेम दा खलबली मचुसेग्याद. 32 आग आव तुरन्त सैनकिगोळी अदकि सूबेदारगोळी हुळकु आंदुर हात्ती लयालमा ओळकु बंदुन; अदकि आंदुर पलटन इन सूबेदार उक अदकि सैनकिगोळी नोळकु पौलुस उक बडोद बटि बुदुर. 33 आग रोमी सेनानायक पौलुस उन हात्ती बंदुन अदकि आऊक बंदी माळ कोंडुन; अदकि आव आऊक येदुद शंकलीगोळ देल कटोद आग्या कोटकु केळदुन, “ईव याव हुन अदकि ईव येन माळ्यान?” 34 लेकीन भीळ दा टु यावारा येनारा रा यावारा येनारा चळिळासतेला ईत्तुर. याग आव दंगा इन कारण नश्चिति रूप देल सच्चाई जान्स सकदील, रा आऊक कलिा दा ओयोद आग्या कोट्टुन. 35 याग आव सीळी मा पोहचुसदुन, रा हगि आत का भीळ इन दबाव इन कारण सैनकिगोळी आऊक नेगुकु ओयोद बत्ति, 36 यतकी लॉकुरद भीळ ईद चळिळासतेला आऊन हदि बदिक् ईरोद, “आऊक कोंद बुळी.”

पौलुस उन खुद इक ऊळसोद

37 याग सैनिक पौलुस उक कलिा दा ओयोर मा ईरोर, रा आव रोमी सेनानायक से अंदुन, “येन नानी आग्या आद का ना नीन से येनारा अनाईन?”

आग सेनानायक आव अंदुन, “येन नी ग्रीक भाषा माताळत्या? 38 येन नी आव मसित्ती मंळसा रा आल्लच, याव थवाळासा समय पयले वदिरोह सुरू माळसुसदिन, अदकि जो ईल रेगस्तान दा नाक हजार कटारबन्द आतंकवादीगोळद अगुवाई माळोन?”

39 आग पौलुस अंदुन, “ना रा तरसुस इन यहूदी मंळसा हुईन! कलिकिया अनूद प्रसद्धि नगर इन नवासी हुईन. ना नीन से वनिती माळतीन कानानी लॉकुर से मातगोळी हेळगोळ.”

40 याग आव आग्या कोट्टुन, रा पौलुस सीळी मा नदिरकु लॉकुरी कय देल इशारा माळदुन. याग आंदुर चुप आगेदुर रा आव इब्रानी भाषा दा माताळली कुरतुन:

22

1 “हे वारटुरा अदकि आप्प उन घाई सज्जनगोळा, नान बचाव दा जो नानी माताळोद आद अदरी केळी, जो ना ईग नीम मुंद प्रस्तुत माळतीन.” 2 आंदुर ईद केळकु काना आव नाम से इब्रानी भाषा दा माताळतान, रा आंदुर मातत यक्कुल चुप आगेदुर. आग आव अंदुन:

3 * “ना रा ऊंद यहूदी मंळसा हुईन, कलिकिया अन तरसुस दा पैदा आदीन; लेकीन ईदा यरूशलेम नगर दा गमलीएल इन कालगोळद हात्ती कुरतकु पुरवजगोळद नयिमगोळी कठनि नरिदेशगोळी प्राप्त माळदीन, अदकि परमेश्वर उन साटी हगि धुन हचकु ईरीन, ह्यांग नीव सप्पा ईद हचकु आईर. 4 * ना मंळसा अदकि आर्तेर येदुद मुंदरी कैदी माळ माळकु बंदीगृह दा हाकदीन, ई हादी मा नळावाळेर इक ईल ताका सतुसदीन काना आंदरी कोन्सुस भी बुटीन. 5 ना सही माताळतीन ई मात इन साटी महायाजक अदकि सप्पा स्याणागोळ गवाह आर, ना दमशिक दा यहूदी वारटुरद हेसुर देल ईदुर से चट्टी भी ताकोडीदिनि, काना जो लॉकुर ई हादी मा नळुतार आंदरी बंदी माळकु यरूशलेम दा तराईन काना आंदरी ना दण्ड कोळसुस सकाईन.

पौलुस तान मन परविरतन इन बारा दा हेळतान

6 “याग ना यात्रा माळतेला दमशिक इन हात्ती पदुचुसदीन, रा हगि आत काना लगभग मदणी इक अचानक ऊंद तेज उजुळ आकाश टु नान नाकु दी चमकुस्त. 7 अदकि ना जागा मा बदिदीन अदकि ईद आवाज केळदीन, ‘हे शाऊल, हे शाऊल, नी नानी येती सतुसत्या?’ 8 ना उत्तर कोटीन, ‘हे प्रभु, नी याव हुय?’ आव नान से अंदुन, ‘ना यीशु नासरी हुईन, यारी नी सतुसत्या.’ 9 नान संगीगोळ ज्योती रा नोळदुर, लेकीन जो नान से माताळोन आऊन आवाज केळीदील. 10 आग ना अंदीन, ‘हे प्रभु, ना येन माळाईन?’ प्रभु नान से अंदुन, ‘यदकु दमशिक दा होग, अदकि जो येनारा नीन माळोर साटी ठहरूसकु आग्याद अल नीन से सप्पा हेळकु आगेदीत.’ 11 आ तेज ऊजुळ इन कारण ना कुदुद आगेदीन, रा नान संगीगोळ नान कय हुडुकु दमशिक दा तंदुर.

12 “आग हनन्याह हेसुर इन व्यवस्था अन अनुसार नळावाळा ऊंद भक्त मंळसा, जो अल ईरावाळेर सप्पा यहूदीगोळ दा सुनाम ईरोन, नान हात्ती बंदुन, 13 अदकि नदिरकु नान से अंदुन, ‘हे वार्ट शाऊल, बाक नोळली हत.’ अदा घळी नान कण्णगोळ खुलसेदव अदकि ना आऊक नोळदीन. 14 आग आव अंदुन, ‘नाम आप्प दादागोळ परमेश्वर नीनी इदुरसाटी ठहरूसेव काना नी आऊन इच्छा अक जानसया, अदकि आ न्यायी सेवक उक नोळ्या अदकि आऊन बाय देल मातगोळी केळ्या. 15 यतकी नी आऊन दी टु सप्पा मंळसागोळद मुंद आ मातगोळद गवाह आदया जो नी नोळ्या अदकि केळ्या. 16 ईग येती देर माळत्या? येळ, बपतस्मा ताकोम, अदकि आऊन हेसुर ताकोमकु तान पापगोळी तोळद बुळ.’

पौलुस उन गैरयहूदीगोळ दा प्रचार इन बुलावा

17 “याग ना बाक यरूशलेम दा बंदकु मंदिर दा प्रार्थना माळीन, रा ऊंद दर्शन नोळदीन, 18 अदकि यदुर दा ना प्रभु उक नोळदीन काना आव नान से अनतान, ‘जल्दी माळकु यरूशलेम टु राटनेरी होटबुळ; यतकी आ लॉकुर नान बारा दा नीन गवाही मानसतीदील.’ 19 ना अंदीन, ‘हे प्रभु, अद रा नीव जानसतीर काना नीन मा वशिवास माळावाळेरी बंदीगृह दा हाक तोगीन अदकि जागा जागा सभागृह दा बळसुस तोगीन. 20 * याग नीन गवाह स्तफिनस उक कोन्सुसकु आत आग ना भी अल नदिरकु ईरीन अदकि ई मात दा सयमत ईरीन, अदकि आऊन कोन्नावाळेरद कपळागोळ रखवाली माळ तोगीन.’ 21 अदकि प्रभु नान से अंदुन, ‘होटोग: यतकी ना नीनी गैरयहूदीगोळ हात्ती दुर दुर कळाईन.’ ”

22 आंदुर ईद मात ताका पौलुस उन केळतेला ईतुर, आग ऊंचा आवाज दा चलिळासदुर, “हगि मंळसा अन अन्त माळी, आऊन ई संसार दा जतिता ईरोद उचति हैलेच!” 23 याग आंदुर चलिळास तोगोर अदकि कपळा भीळतोगोर अदकि हवा दा धुळा हारूस तोगोर; 24 रा रोमी सेनानायक अंदुन, “इऊक कलिा दा ओयी, अदकि

क्वाळा बळकु जाँच माळी, काना जान्साईन कयिहूदी लॉकुर याता कारण आऊन वरिध दा हगि चलिळासेतयार.”
 25 याग आंदुर आऊक बडोर साटी कटदुर रा पौलुस आ सूबेदार से अंदुन जो हात्ती नदिरकु ईरोन, “येन ईद उचति आद का नीव ऊंद रोमी मंळसा अक, अदकि आव भी बनिा दोषी ठहरूसद, क्वाळा बडी?”

26 सूबेदार ईद केळकु सेनानायक उन हात्ती होगकु अंदुन, “नी ईद येन माळत्या? ईव रा रोमी मंळसा हुन.”

27 आग रोमी सेनानायक आऊन हात्ती बंदकु अंदुन, “नानी हेळ, येन नी रोमी मंळसा हुय?”
 आव अंदुन, “हव.”

28 ईद केळकु सेनानायक अंदुन, “नानी रोमी नागरीक आगोद पद हापाळ पैस्या कोटकु सकियाद.”

पौलुस अंदुन, ना रा जनम टु रोमी मंळसा हुईन.

29 आग जो लॉकुर आऊक जाँच माळावाळेर ईरोर, आंदुर तुरन्त आऊन हात्ती टु हटसेदुर; अदकि रोमी सेनानायक भी ईद जान्सकु का ईव रोमी हुन अदकि ना ईऊक कट्टीन, अंजेदुन.

महासभा अन मुंद पौलुस

30 दुसरा दशी रोमी सेनानायक ठीक ठीक जानसोद इच्छा देल कयिहूदी आऊन मा येती दोष हचतार, आऊन बंधन खोल्स बुट्टुन; अदकि प्रधान याजकगोळ अदकि पुरा महासभा अक जमा आगोद आग्या कोट्टुन, अदकि पौलुस उक ल्यालमा ओतकु आंदुर मुंद नदिरूस बुट्टुन.

23

1 पौलुस महासभा दी टकटकी हचकु नोळदुन अदकि अंदुन, “हे इस्त्राएल इन वारटुरा, ना ईद ताका परमेश्वर उन साटी बलिकुल वळ्ळीद वविक देल जीवन बतिसीन.”² इदुर मा हनन्याह महायाजक आंदरी जो आऊन हाती नदिरकु ईरोर, आऊन बाय मा क्याबरा बडोद आग्या कोट्टुन.³ आग पौलुस आऊन से अंदुन, “हे चुना हचद भीती, परमेश्वर नीनी बळदान. नी व्यवस्था अन अनुसार नान न्याय माळली कुरत्या, अदकि नी खुद व्यवस्था अन वरिद्ध नानी बडोद आग्या कोळत्या?”

4 जो पौलुस उन हात्ती नदिरकु ईरोर आंदुर अंदुर, “येन नी परमेश्वर उन महायाजक उक बुरा भला अनत्या?”

5 पौलुस अंदुन, “हे नान इस्त्राएल इन वारटुरा, ना ईला जानसीन का ईव महायाजक हुन; यतकी शास्त्र दा लखिसकु आद: ‘तान लॉकुरद अधिकारी इक बुरा माताळबाळेते.’”

6 आग पौलुस ईद जान्सकु का ऊंद दल सडूकीगोळ अदकि दुसरा फरीसीगोळद हुन, सभा दा कारूकु अंदुन, “हे इस्त्राएल इन वारटुरा, ना फरीसी अदकि फरीसीगोळद वंश इन हुईन, सोत्तुर आंदुर आशा अदकि पुनरूथान इन बारा दा नान मुकदमा आगेत्याद.”

7 याग आव ईद मात अंदुन रा फरीसीगोळ अदकि सडूकीगोळ दा झगळा आगली कुरत; अदकि सभा दा फूट बदिता.⁸ यतकी सडूकी रा ईद अनतार, का ना सोत्तुर दा टु जतित्ता आगोद आद, ना स्वरगदूत अदकि ना आत्मा आद; लेकीन फरीसी ईव सप्पा अक मानसतार.⁹ आग बळा हल्ला मचुस्त अदकि येनारा नियम इन गुरुगोळ जो फरीसीगोळ दल इन ईरोर, यदकु नदिरदुर अदकि ईद अनकु झगळुस्ली कुरतुर, “नाव ई मंळसा दा येनु बुराई नोळालेव, अदकि अगर यातोदारा आत्मा या स्वरगदूत आऊन से माताळ्यान रा बाक येन?”

10 याग हापाळ झगळा आत, रा पलटन इन सरदार ईद अंजक देल का आंदुर पौलुस उन तुकळा तुकळा माळबाळुल, पलटन इक आग्या कोट्टुन का ईळुकु आऊक आंदुर न्याड्या दा टु जबरदस्ती तेगुल, अदकि गद दा ओयुल.

11 अदा ईळलकी प्रभु आऊन हात्ती नदिरकु अंदुन, “हे पौलुस, हमिमत ईट; यतकी ह्यांग नी यरूशलेम दा नान गवाही कोट्ट, हांग अच नीनी रोम दा भी गवाही कोळोद बदिदीत.”

पौलुस उन हत्या अन साजीश

12 दुसरा दशी थ्वाळासा यहूदीगोळ मलिसकु साजीश रचदुर अदकि करिया तदिर का यागासताका नाव पौलुस उक कौद बुळालेव, आगासताका नाव येनारा तनिदेव या कुळदेव.¹³ यार आपस दा ईद साजीश रचुसीदुर, आंदुर चालीस मुंदुर से यक्कुल ईरोर.¹⁴ आंदुर प्रधान याजकगोळ अदकि स्याणागोळ हात्ती होगकु अंदुर, “नाव ईद

☆ 23:3 २३:३ मत्ती २३:२७,२८ ☆ 23:6 २३:६ प्रेरतिगोळ २६:५; फलिपिगोळ ३:५ ☆ 23:8 २३:८ मत्ती २२:२३; मरकुस १२:१८; लूका २०:२७

ठान्स कोंडेव कि यागासताका नाव पौलुस उक कोंद बुळालेव, आगासताका येनु तनितीदील अदकि कुडुतीदील. 15 इदुरसाटी ईग महासभा समेत पलटन इन सरदार उक समझुसी कि आऊक नीम हातती तरूल, मान्सी कि नीव आऊन बारा दा यक्कुल अच वळ्लीसा जाँच माळोद चाहासतीर; अदकि नाव आऊन पोहचुसोर से पयले अच आऊक कोन्नोर साटी तयार ईत्तेव.”

16 पौलुस उन आकतींग इन पार केळदुन कि आंदुर आऊन घात दा आर, रा गढ दा होगकु पौलुस उक बातणी कोट्टुन. 17 पौलुस सूबेदारगोळ दा टु ऊंद मंळसा अक तान हातती कारूकु अंदुन, “ईव आऊन से येनारा अनोद चाहासतान.” 18 इदुरसाटी आव आऊक पलटन इन सरदार उन हातती ओतकु अंदुन, “बंदी पौलुस नानी कारूकु वनिती माळदुन कि ईव जवान पलटन इन सरदार से येनारा अनोद चाहासतान; ईऊक आऊन हाती ओय.”

19 पलटन इन सरदार आऊन कय हुडुकु अदकि अलग ओतकु केळदुन, “नी नान से येन अनोद चाहासत्या?”

20 आव अंदुन, “यहूदीगोळ साजीश रचुस्यार कि नीन से वनिती माळुल किनाळ पौलुस उक महासभा दा तरूल, आंदुर हगि दखावा माळ्यार कि अदकि ठीक देल आऊंद जाँच माळोद चाहास्तार. 21 लेकीन आंदुरद मान्सबाळेत, यतकी आंदुर दा टु चालीस से म्याकुच मंळसा आऊन घात दा आर, यार ठान्स कोंडार कि यागासताका आंदुर पौलुस उक कोंद बुळालुर, आगासताका ना तदिर अदकि ना कुळदार. अदकि ईग आंदुर तयार आर अदकि नीन फैसला अन हादी कायेत्यार.”

22 आग पलटन इन सरदार जवान उक ईद आग्या कोटकु सार माळदुन, “यारदु से अनबाळेत कि नी नान ईक ई मातगोळ हेळ्या.”

पौलुस उक फेलकिस शासक उन हातती कळोद

23 आग आव येढद सूबेदारगोळी तान हातती कारूकु अंदुन, “कैसरिया होगोर साटी ईळलकी ऊम्बत मुरा ताका येढद सौ सैनिकि, सत्तर घोळसवार, अदकि येढद सौ भालावाळेर इक तयार ईटी.” 24 अदकि पौलुस उन सवारी साटी घ्वाळागोळी तयार ईटी, कि आऊक फेलकिस शासक उन हातती वळ्लीसा पोहचुस बुळुल. 25 आव ई प्रकार इन चट्टी भी लखिसदुन:

26 “महामहमि फेलकिस शासक उक क्लौदयिस लूसयास उन नमस्कार. 27 ई मंळसा अक यहूदीगोळ हुडुकु कोंद बुळोद चाहासदुर, लेकीन याग ना जान्सदीन कि रोमी हुन, रा पलटन हुळकु बळिसकु तंदीन. 28 ना जान्सोद चाहासीन कि आंदुर आऊन मा याता कारण दोष हचतार, इदुरसाटी आऊक आंदुरद सभा दा वोतीन. 29 आग ना जान्स कोंडीन कि आंदुर तान व्यवस्था अन वविदगोळ बारा दा आऊन मा दोष हचतार, लेकीन कोंद बुळोद या शंकलीगोळ देल कटकु आगोद योग्य आऊन दा येनु दोष हैलेच. 30 याग नानी हेळकु आत कि आंदुर ई मंळसा अन घात दा हतकु आर रा ना तुरन्त आऊक नीन हातती कळु बुटीन; अदकि आऊन मा दोष हचावाळेर इक भी आग्या कोट्टीन कि आंदुरद हचद दोष आव नीन मुंद ईटुल.”

31 इदुरसाटी ह्यांग सैनिकिगोळी आग्या कोटकु आगीत, हांग अच आंदुर पौलुस उक हुळकु ईळलकी इन ईळलकी अन्तपितरसि उन हातती तंदुर. 32 दुसरा दशी घ्वाळा अन सवारगोळी पौलुस उन सांगुळ मुंद होगोर साटी पैदल नळावाळेर सपिाहीगोळ बटि बुटुर अदकि आंदुर वापस कलिा दा होट बंदुर. 33 आंदुर कैसरिया पोहचुसकु शासक उक चट्टी कोट्टुर; अदकि पौलुस उक भी आऊन मुंद नदिरूसदुर. 34 आव चट्टी वाचुसकु केळदुन, ईव याता द्याश इन हुन? अदकि याग जान्स कोंडुन कि कलिकिया अन हुन, 35 रा आव अंदुन, “याग नान दोष हचावाळेर बंदार, आग ना नीन केळाईन.” अदकि आव आग्या कोट्टुन कि आऊक हेरोदेस शासक उन कलिा दा सुरक्षा दा ईटकु आगुल.

24

पौलुस उन खलिाप कारवाई

1 अईद दनि इन बाद्दा हननयाह महायाजक कई स्याणागोळ अदकि तरितुल्लुस हेसुर इन वकील उक सांगुळ हुळकु बंदुन. आंदुर शासक फेलकिस उन मुंद पौलुस मा आरोप हचदुर. 2 याग पौलुस उक कारूकु आत रा तरितुल्लुस आऊन मा दोष हचकु अनली कुरतुन:

“हे महामहमि फेलकिस, नीन अगुवाई दा नाव हापाळ समय टु धोळद शांती इन सांगुळ ईरेतेव, अदकि नीन दुर दृष्टी देल द्याश दा हापाळ वळ्लेव सुधार आग्याव. 3 फेलकिस शासक उक नाव हर जागा अदकि हर प्रकार

देल इदुरद स्वागत माळतेव अदकि नाव नीम प्रती हापाळ आभारी आयेव. 4 ना नीमद हापाळ यक्कुल समय ताकोमोद चाहासालीन, रा ना नीन से वनिती माळतीन कि कूपया नीव थ्वाळासा दा नामद केळकोम. 5 यतकी नाव ई मळसा अक उपदरवी अदकि दुनया दा सप्पा यहूदीगोळ दा फूट हाकावाळा, अदकि नासरीगोळी समुह दा स्याणा मानसतेव. 6 आव मंदरिगोळी अपवतिर माळोद चाहासदुन, लेकीन नाव आऊक हुडुकोडेव. 7 लेकीन पलटन इन सरदार लूसयास आऊक जबरदस्ती नाम कय दा टु कसु कोडुन, 8 ई सप्पा मातगोळी यदुरद बारा दा नाव आऊन दोष हचतेव, नी खुद अच आऊक जाँच माळकु जान्स कोड्या.” 9 यहूदीगोळ भी इदुर दा शामिल आगकु हम्मत देल सांगुळ कोटकु अंदुर, कि ई मातगोळ सप्पा सही आव.

फेलक्स उन मुंद पौलुस उन बचाव

10 याग शासक पौलुस उक माताळोद इशारा माळदुन, रा आव उत्तर कोट्टुन:

“ना ईद जान्सकु कनि हापाळ साल टु ई जाती इन न्याय माळेत्या, ईद जान्सकु ना खुशी देल तान बचाव साटी थ्वाळासा मातगोळी माताळोद चाहासतीन. 11 नी खुद जान्स सकत्या कि यागी टु ना यरूशलेम दा आराधना माळली बंदीन, नानी हन्नेळ दनि से यक्कुल आगीदील. 12 यहूदीगोळ नानी ना रा यहूदी सभागृह दा अदकि ना रा नगर दा लॉकर भीळ दा दंगा माळत नोळदुर. 13 अदकि ना रा आंदुर आ मातगोळी, यारद बारा दा नान मा दोष हचतार, नीन मुंद सच प्रमाणति माळ सकतार. 14 लेकीन ना नीन मुंद ईद मान्स कोमतीन कि याता हादी इक आंदुर ख्वाटा अनतार, अदुरदा रीतिमा ना तान आप्प दादागोळ परमेश्वर उन आराधना माळतीन. लेकीन ना ईद भी वशिवास माळतीन जो मातगोळ मूसा अन व्यवस्था अदकि भवषियवक्ता अन कतिब दा लखिसकु आद. 15 अदकि परमेश्वर उन मा हांगा आशा ईटतीन ह्यांग आंदुर खुद भी ईटतार, कि वळ्लेर अदकि बेकार येदु लॉकरुद भी पुनरूत्थान आदीत. 16 इदुर से ना खुद भी कोशशि माळतीन कि परमेश्वर उन, अदकि मळसागोळ दी नान वविक हमेशा नरिदोष ईरूल.

17 *हापाळ वर्ष इन बाददा ना तान गरीब लॉकुरी पैस्या कोळली, अदकि बलदान येरसली बंदीन. 18 याग आंदुर नानी हासलि माळदुर आग ना शुद्धीकरण इन रीति इक पुरा माळीन अदकि ना नान हात्ती यातोदारा भीळ ईरोद अदकि ना यातोदारा अव्यवस्था फैलुसदीन. 19 लेकीन अल आसया कषेत्र अन थ्वाळासा यहूदी भी ईरोर. आंदरी जरूरी ईरोद, कि अगर नान वरिोध दा आंदुर हात्ती येनारा मात आद रा ईल नीन मुंद बंदकु नान मा दोष हचायदुर. 20 या ईद खुद अच हेळुल कियाग ना महासभा अन मुंद नदिरकु ईरीन, रा आंदुर नान दा यातोद अपराध नोळदुर? 21 *सवाय ईदुरद कि याग आंदुर न्याड्या दा ईरीन आग ना धोळ दण दा अंदीन ‘सोत्तुर दा टु जतिता आगोद बारा दा नान वशिवास इन कारण नान न्याय माळकु आगेत्याद.’”

22 फेलक्स, जो ई हादी इन बारा दा ठीक ठीक जानसोन, आंदरी ईद अनकु टाल्स बुटुन, “याग पलटन इन सरदार लूसयास बंदान, रा नीम मात इन नरिणय माळाईन.” 23 अदकि सूबेदार उक आग्या कोट्टुन कि पौलुस उक येनारा छुट कोटकु रखवाली माळेत, अदकि आऊन संगीगोळ दा टु यारीकु भी आऊन स्यावा माळोर से रोक्सबाळेत.

फेलक्स अदकि दुरसल्लिला अन मुंद पौलुस

24 थ्वाळासा दनिगोळ बाददा फेलक्स तान हगिस दुरसल्लिला अक, जो यहूदीनी ईरोर, सांगुळ हुळकु बंदुन अदकि पौलुस उक कारसुसकु आ वशिवास इन बारा दा जो मसीह यीशु मा आद, आऊन से केळदुन. 25 याग आव वळ्लेव मातगोळ, अदकि संयम, अदकि बरावाळा न्याय इन दनि इन चर्चा माळोन, रा फेलक्स अंजकु उत्तर कोट्टुन, “ईग नी होग; मवका नोळकु ना नीनी मात्त काराईन.” 26 आऊक पौलुस टु येनारा पैस्या सीकोव भी आशा ईरोद, इदुरसाटी घळी घळी कारूकु आऊन से मातगोळ हेळतोगोन.

27 लेकीन याग येदुद वर्ष बीतसेदव रा पुरकयुस फेसतुस, फेलक्स इन जागा मा व्हासा शासक बन्सकु बंदुन; अदकि फेलक्स यहूदीगोळी खुश माळोद इच्छा देल पौलुस उक बंदी इच बटिकु होदुन.

25

पौलुस उन रोमी साम्राज्य अक अपलि

1 फेस्तुस आ द्याश दा पोहचुसोद मुर दनि बाद्दा कैसरया टु यरूशलेम इक होदुन. 2 आग प्रधान याजकगोळ अदकि यहूदीगोळद प्रमुख लॉकुर आऊन मुंद पौलुस उन मा आरोप हचदुर; अदकि आऊन से वनिती माळदुर. 3 काि आव पौलुस उक यरूशलेम दा कारसुल काि आंदुर आऊक हादी मा अच कोंदबुळुल. 4 फेस्तुस उत्तर कोट्टुन, “पौलुस कैसरया अन्द कैद दा आन, अदकि ना खुद राटनेरी अल होगार्इन.” 5 बाक अंदुन, “नीम दा जो अधिकार ईटतार आंदुर नान सांगुळ कैसरया नळुल, अदकि अगर ई मळसा येनारा अनुचति क्याल्सा माळ्यान रा आऊन मा दोष हचुल.”

6 आंदुर न्याइया येनारा येठ्ट हत्त दनि ईतकु फेस्तुस कैसरया होटोदुन; अदकि दुसरा दशी न्याय आसन मा कुरतकु पौलुस उक तरोद आग्या कोट्टुन. 7 याग पौलुस बंदुन रा जो यहूदी यरूशलेम टु बंदीदुर, आंदुर आसपास नदिरकु आऊन मा हापाळ सा गंभीर आरोप हचदुर, यदरी आंदुर साबति ईला माळसकोर. 8 लेकीन पौलुस खुद इन बचाव दा उत्तर कोट्टुन, “ना रा ना यहूदीगोळद व्यवस्था अन अदकि ना मंदिर इन, अदकि ना रोमन शासक कैसर उन वरिद्ध येनारा पाप माळीन.”

9 आग फेस्तुस यहूदीगोळी खुश माळोद इच्छा देल पौलुस से अंदुन, “येन नी चाहासत्या काि यरूशलेम इक होद्या; अदकि अल नान मुंद नीन ईद मुकदमा तय माळकु आगुल?”

10 पौलुस अंदुन, “ना कैसर इन न्याय आसन इन मुंद नदिरकु आईन; नान मुकदमा अन्द ईल्या फैसला आग पायजे. ह्यांग नी वळ्दीद तरीका देल जान्सत्या, यहूदीगोळद ना येनु अपराध माळीदील. 11 अगर ना अपराधी आईन अदकि कोंद बुळोद लायक येनारा क्याल्सा माळीन, रा सायोर से मार्रा तरिगुसालीन लेकीन याता मातगोळद ईदुर नान मा दोष हचतार, अगर अऊर दा टु यातोदारा भी मात सही आगीदील, रा नानी याऊ आंदुर कय दा कौळ सकालुन. हगि ना कैसर उन से वनिती माळतीन.”

12 आग फेस्तुस सलाहकारगोळ से सलाह मसवरा माळकु उत्तर कोट्टुन, “नी कैसर उन से वनिती माळ्या, इदुरसाटी नीनी कैसर उन हात्ती इच ओतकु आदीत.”

राजा अग्रपिपा अदकि बरनकि अन मुंद पौलुस

13 येनारा दनि बतिसदुर बाद्दा अग्रपिपा राजा अदकि बरनीके कैसरया दा बंदकु फेस्तुस से भेंट माळदुर. 14 आंदुर हापाळ दनि अल ईततुर बाद्दा फेस्तुस पौलुस उन बारा दा राजा अक हेळदुन: “ऊंद मळसा आन, यारी फेलक्स बंदीगृह दा बटिकु होटोग्यान. 15 याग ना यरूशलेम होगीदीन, रा प्रधान याजक अदकि यहूदीगोळद स्याणागोळ आऊन मा आरोप हचदुर अदकि चाहासदुर काि ना आऊक दोषी साबति माळाईन. 16 लेकीन ना आंदरी उत्तर कोटीन काि रोमीगोळद ईद रीति हैलेच काि यावारा मळसा अक दण्ड इन साटी यारदारा कय दा कोट्ट बुळुल, यागासताका आरोपी इक तान दोष हचावाळेर मुंद नदिरकु दोष इन उत्तर कोळोद मवका सकाल. 17 इदुरसाटी याग आंदुर नान सांगुळ ईल बंदुर, रा ना येनु देर माळीदील, लेकीन दुसरा अच दशी न्याय आसन मा कुरतकु पौलुस उक तरोद आग्या कोटीन. 18 याग आऊन दोष हचावाळेर नदिरदुर, रा आंदुर हगि अनुचति मातगोळद दोष हचीदलि, ह्यांग ना समसीन. 19 लेकीन यहूदी रीति इन अनुसार अदकि यीशु हेसुर इनव यावारा मळसा अन बारा दा, जो सोतोगदिन अदकि पौलुस आऊक जीवति हेळतोगोन, वविाद माळतोगोर. 20 ना उलझन दा ईरीन काि ई मातगोळद पता ह्यांग हचाईन? इदुरसाटी ना आऊन से केळदीन, ‘येन नी यरूशलेम होद्या काि अल ई मातगोळद फैसला आगुल?’ 21 लेकीन याग पौलुस वनिती माळदुन काि आऊंद मुकदमा अन फैसला कैसर उन अल आगुल, रा ना आग्या कोटीन काि यागासताका आऊक कैसर उन हात्ती कळालीन, आऊक कैद दा ईटकु आगुल.”

22 आग अग्रपिपा फेस्तुस से अंदुन, “ना भी आ मळसा अन केळोद चाहासतीन.” आव अंदुन, “नी नाळ केळ कोड्या.”

23 इदुरसाटी दुसरा दशी याग अग्रपिपा अदकि बरनीके बळा धूमधाम देल बंदुर अदकि पलटन इन सरदारगोळ अदकि नगर इन प्रमुख लॉकुरद सांगुळ दरबार दा पोहचुसदुर. आग फेस्तुस आग्या कोट्टुन काि आंदुर पौलुस उक तरूल. 24 फेस्तुस अंदुन, “हे राजा अग्रपिपा, अदकि हे सप्पा मळसागोळा जो ईल नाम सांगुळ आईर, नीव ई मळसा अक नोळतीर, यार्द बारा दा सप्पा यहूदीगोळ यरूशलेम दा अदकि ईल भी चलिळास चळिलासकु नान से वनिती माळदुर काि ईऊंद जतिता ईरोद उचति हैलेच. 25 लेकीन ना जान्स कोंडीन काि आव हगि येनु माळीदील काि कोंदकु आगुल; अदकि जब काि आव खुद अच कैसर उन से नान न्याय आगुल हगि वनिती माळदुन, रा ना आऊक

रोम दाकळोद नरिणय माळदीन. 26 लेकीन ना आऊन बचाव इन बारा दा यातोदु नश्चिति मात नोळीदील कि कैसर उन हात्ती लखिसकु कळाईन. इदुरसाटी ना आऊक नीम मुंद अदकि खास माळकु हे राजा अग्रपिपा, नीन मुंद तंदीन कि जाँचसदुर बाददा नानी येनारा रा आऊन बारा दा लखिसली सकिल. 27 यतकी बंदी इक कळोद अदकि जो दोष आऊन मा हचकु आग्याव, अवरी स्पष्ट रीतदिल ईला हेळोद, नानी बेकार जान्सकु बळितद.”

26

पौलुस उन अग्रपिपा से खुद इन बचाव इन मातगोळ

1 अग्रपिपा पौलुस से अंदुन, “नीनी तान बारा दा माताळोद आग्या आद.” आग पौलुस कय वाळुसकु उत्तर कोळली कुरतुन:

2 “हे राजा अग्रपिपा, यास मातगोळद यहूदी नान मा दोष हचतार, ईद नीन मुंद आंदुरद उत्तर कोळोर दा ना तान इक धन्य समसतीन, 3 खास माळकु इदुरसाटी कि नी यहूदीगोळद सप्पा रीति रवाजगोळी अदकि झगळागोळी जानसत्या. इदुरसाटी ना वनिती माळतीन, धीरज देल नांद केळ.”

4 “नान चाल चलन सूरवात टु तान लॉकुर न्याड्या अदकि यरूशलेम दा ह्यांग ईरोद, अद सप्पा यहूदी जानसतार. 5 आंदुर नानी हापाळ समय टु अरूतार अदकि अगर आंदुर चाहासतदिर रा ई मात इन गवाही कोळ सकतार कि ना तान रीति इन सब से कट्टर फरीसी समुह अन ऊंद सदस्य अन रूप दा जीवन जीऊसीन. 6 अदकि ईग आ वादा दा आशा अन कारण जो परमेश्वर नाम आप्प दादागोळ से माळीदुन, नान मा मुकदमा नळेत्याद. 7 अदा वादा अन पुरा आगोद आशा हचकु, नाम हननेळ गोत्र तान पुरा मन देल ईळलक-हागुल परमेश्वर उन स्यावा माळतेला बंदार. हे राजा, ईदा आशा अन बारा दा यहूदी नान मा दोष हचतार. 8 याग कि परमेश्वर सोत्तुरी जित्ता माळ्यान, रा नीम मान्या ईद मात येती वश्वास इन योग्य समसालुर?” 9 “ना भी खुद वचिर माळ तोगीन कि यीशु नासरी इन हेसुर इन वरिध दा ना हापाळ येनारा माळाईन. 10 अदकि ना यरूशलेम दा हगि अच माळदीन; अदकि प्रधान याजकगोळ से अधिकार ताकोमकु हापाळ सा पवतिर लॉकुरी बंदीगृह दा हाकदीन, अदकि याग आंदुर कोदकु आगतोगोर रा ना भी आंदुरद वरिध दा तान सम्मती कोळतोगीन. 11 हर यहूदी सभागृह दा ना आंदरी हापाळ अनली सजा कोळसुसकु यीशु उन माकळोद वश्वास इक नकार माळली हेळ तोगीन, आंदुर प्रती नान सट्टि यक्कुल ईरोद कि आंदरी सतुसोर साटी ईल ताका कि ना वदिशी नगरगोळ दा भी होदीन.

पौलुस उन मन परविरतन इन वर्णन

(प्रेरतिगोळ ९:१-१९; २२:६-१६)

12 “ईदा उद्देश इक हुडुकु ना प्रधान याजकगोळ से अधिकार अदकि आग्या-चट्टी ताकोमकु दमशिक इक होगीन; 13 रा हे राजा, हादी दा मदणी इन समय ना आकाश टु सुर्य अन तेज से भी वाळुसकु ऊंद ज्योति, तान अदकि तान सांगुळ नळावाळेरद नाकु दी चमकुसतेला नोळदीन. 14 याग नाव सप्पा जागा मा बदिदेव, रा ना इब्रानी भाषा दा, नान से ईद अनतेला ऊंद शब्द केळदीन, हे शाऊल, हे शाऊल, नी नानी येती सतुसत्या? नी हगि माळकु तान तान इक का दुख कोळेत्या ह्यांग वस्ता तान ल्यात तुतारी इन आरू मा होडेत्याद.” 15 ना अंदीन, ‘हे प्रभु, नी याव हुय?’ प्रभु अंदुन, ‘ना यीशु हुईन, यारी नी सतुसत्या. 16 लेकीन नी येळ, तान कालगोळ मा नदिर; यतकी ना नीनी इदुरसाटी दर्शन कोटीन कि नीनी आ मातगोळद भी सेवक अदकि गवाह ठहूरसाईन, जो नी ईद नोळ्या, अदकि अदुर साटी भी जो ना नीनी भवषिय दा हेळाईन. 17 अदकि ना नीनी नीन लॉकुर यहूदीगोळ से अदकि गैरयहूदीगोळ से बळिसाईन, यार हात्ती ना ईग नीनी कळाईन 18 कि नी आंदुरद कण्णगोळी तेरद्या कि आंदुर अंधकार देल ज्योतिदी, अदकि शैतान इन अधिकार देल परमेश्वर उन दी तरिगुल; कि आंदुरद वश्वास इन द्वारा जो नान मा आद आंदुर आंदुरद पापगोळद माफ अदकि परमेश्वर उन नविळुसद लॉकुर सांगुळ पवतिर स्थान हासलि माळ्यार.’

पौलुस उन तान क्याल्सागोळ बारा दा हेळोद

19 “इदुरसाटी हे राजा अग्रपिपा, ना आ स्वर्गीय दर्शन इन आग्या टालसीदील, 20 लेकीन पयले दमशिक इन, बाक यरूशलेम इन, अदकि आग यहूदिया अन सप्पा द्याश इन ईरावाळेर इक, अदकि गैरयहूदीगोळी

समझुसतेला ईत्तीन, की पापगोळ से पश्चाताप माळी अदकि परमेश्वर उन दी तरिगकु मन तरिगुसोद लायक क्वालसा माळी. 21 ई मातगोळ्द कारण यहूदी नानी मंदरि दा हुडुकु कैद दा हाकदुर अदकि कौद बुळोद कोशशि माळतोगोर. 22 लेकीन परमेश्वर उन सहायता देल ना ईद ताका बनसकु आईन अदकि स्याणेर धोड्डेर सप्पा मुंदुर मुंद ईल नदिरकु गवाही कोळतीन, अदकि आ मातगोळी बटिकु येनु अनालीन जो भवषियवक्तागोळ अदकि मूसा भी अंदुन की आगावाळा आद, 23 *कमसीह अक दुख नेगोद बदिदीत, अदकि आवा सब से पयले सोत्तुर दा टु जतिता आगकु, नाम यहूदी लॉकुर दा अदकि गैरयहूदीगोळ दा मुक्ती इन ऊजुळ इन बातणी कोट्टान.”

24 याग पौलुस तान बचाव दा ई मातगोळी माताळोन, रा फेस्तुस धोळ्द शब्द देल चळिलासकु अंदुन, “हे पौलुस, नी यरर आय. हापाळ अक्कल नीनी यरर माळबुटाद.”

25 लेकीन पौलुस अंदुन, “हे ग्यानी फेस्तुस, ना यरर हैलेच, लेकीन सही अदकि समसावाळा मातगोळी अनतीन. 26 खुद राजा अग्रपिपा भी ई मातगोळी जानसतान अदकि ना पुरा हमिमत इन सांगुळ ई मातगोळ आऊन से हेळेतीन यतकी ना पकका जानसतीन की ईऊर दा टु यातोदु मात आंदरी पता हैलेच हगि हैलेच ना हगि इदुरसाटी अनेतीन की ईव मात यातोदारा क्वाना दा होचकोमकु आगीदील. 27 हे राजा अग्रपिपा, येन नी भवषियवक्तागोळ्द वशिवास माळत्या? हव, ना जानसतीन की नी वशिवास माळत्या.”

28 आग अग्रपिपा पौलुस से अंदुन, “येन नी ईद वचिर माळत्या की ईट सरलता देल अदकि कम समय दा नी नानी मसीह माळ सकत्या?”

29 पौलुस उत्तर कोट्टुन, थ्वाळा समय दा अन या यक्कुल समय दा, “परमेश्वर से नान प्रार्थना आद की ना सरिफ नी हांगा आगेग हयांग ना आईन लेकीन सवाय ई शकलीगोळ्द.”

30 आग राजा, शासक, बरिनीके अदकि आंदुर सांगुळ कुरावाळेर नदिरदुर; 31 अदकि ब्यारर होगकु आपस दा अनली कुरतुर, “ईव मंळसा हगि रा येनु माळालुन, जो मृत्यु दण्ड या बंदीगृह दा हाककु आगेद लायक ईरूल.” 32 अग्रपिपा फेस्तुस से अंदुन, “अगर ईव मंळसा कैसर उक न्याय ईला बेळायदुन, रा बळि सकोन.”

27

पौलुस उन रोम दा कळुकु आगेद

1 याग ईद तय आगेत की नाव जहाज द्वारा इटली होदेव, रा आंदुर पौलुस अदकि थ्वाळासा दुसरा बंदीगोळी भी यूलयिस हेसुर ईनव औगुस्तुस उन पलटन इन ऊंद सुबेदार उन कय दा कोट्ट बुटुर. 2 याग ना आसयािा क्षेत्र अन कनिरा मा जो ऊंद बंदरगाह ईरोद अल टु होगावाळेर अद्रमुत्तयिम हेसुर इन नगर इन ऊंद जहाज मा कुरतकु होट्टुर आग मकदिनयािा अन थसिसलुनीके नगर इन ऊंद अरसितरखुस हेसुर इन मंळसा नाम सांगुळ ईरोन. 3 दुसरा दनि नाव सैदा नगर दा जहाज टु ईळदेव, अदकि यूलयिस पौलुस मा कृपा माळकु आऊक संगीगोळ अल होग गोट्टुन की आऊक जो वस्तुगोळ हतताव अदुरद पुरती माळ सकुल. 4 अल टु नाव समुद्र अन हादी देल होट्टेव हवा नाम वरूद्ध दशिा दा ईरोद ई कारण नाव साइप्रस टापू उन बाजु दा टु आगकु होदेव; 5 अदकि कलिकियािा अदकि पंफूलयािा नगर इन हात्तीगोळ्द समुद्र दा टु आगत् लूसयािा अन्द मूरा नगर दा ईळदेव. 6 अल सेनानायक उक सकिन्दरयािा अन्द ऊंद जहाज इटली होगतेला सकित, अदकि आव नामी अदुर मा येर्स बुट्टुन.

7 याग नाव हापाळ दनि ताका धीरू-धीरू नळुतेला कठनाई देल कनदिस नगर इन मुंद पोहचुसदेव, रा इदुरसाटी की ह्वा नामी मुंद वाळुस ईला गोळोद, नाव सलमोने नगर इन मुंदु टु आगत् क्रेते टापू उन आड्ड आगतेला नळदेव. 8 अदकि अदुर कनिरा-कनिरा कठनाई देल नळुकु सुरक्षति बंदरगाह हेसुर इन ऊंद जागा दा पोहचुसदेव, यल टु लूसयािा नगर हात्ती ईरोद.

9 याग नाव हापाळ समय अल बीतुसदेव अदकि जहाज इक मुंद वाळुसोर साटी इदुरसाटी तकलीफ आगेद यतकी उपास इन दनि ईग खतम आगेगीदव. इदुरसाटी पौलुस आंदरी ईद अंदकु समजुसदुन, 10 “हे लॉकुरा, नानी हगि हतेत्याद की ईद समुद्र यात्रा हापाळ खतरनाक आदीत, ना सरिफ माल मत्ता अदकि जहाज इन साटी अच उलटा नाम जीवन इन साटी भी.” 11 लेकीन सुबेदार पौलुस उन मातगोळ से यक्कुल जहाज नळसावाळा अदकि जहाज इन मालकि इन मातगोळी वाळुसकु मानसदुन. 12 ईद बंदरगाह सोळ इन समय कडोद साटी वळ्लीद ईला ईरोद, इदुरसाटी हापाळ मुंदुरद आग सकुल रा फीनक्स पोहचुसोद कोशशि माळोद अच ठान्सदुर अदकि सोळ

इन समय अल्या कडोद नश्चय माळदुर. ईद रा करेते अनूद ऊंद बंदरगाह आद जो दक्षणि-पश्चमि अदकि उत्तर पश्चमि येदुद दशा अन दी खुल्सतद.

समुद्र दा तुफान

13 याग थ्वाळा-थ्वाळा दक्षणी टु हवा बरली हत, रा ईद सम्सकु कनिनाम योजना पुरा माळ सक्केव, लंगर नेगदेव अदकि करेते अन कनिरा टु नळुतेला जहाज इक मुंद वाळुसली हतदेव. 14 लेकीन घळी तमिर दा जमीन दी टु ऊंद धोळ्द तुफान येळ्द, यदरी उत्तर पूरव तुफान अंदकु आगतद. 15 याग तुफान जहाज से टकरूसत रा आ जहाज अदुर कारण मुंद ईला वाळुस सकोद, अदकि नाव कोशशि माळोद बटि बुटेव अदकि जहाज इक हवा सांगुळ यात होगोद आत होग गोटेव. 16 आग कौदा हेसुर इन ऊंद स्याळ्दतुसा टापू उन आळ दा वाहुसत-वाहुसत नाव कठनिई देल जहाज इक वश दा माळदेव. 17 बाक जहाज नळसावाळेर अदरी नेगुकु अनेक उपाय माळकु जहाज इक ल्यालमा टु कटदुर, अदकि सुरतसि इन चोरबालु मा टकिसोद अंजक देल पाल अदकि सामान ईळ्सकु जहाज इक नीर दा वाहुस गोटेदुर. 18 याग नाव तुफान देल हापाळ ऊफान अदकि धक्कागोळ तनिदेव, रा दुसरा दनि आंदुर जहाज इन माल भीळली हतदुर; 19 अदकि तसिरा दनि आंदुर तान कयगोळ देल जहाज इन साज-सामान भी भीट बुदुर. 20 याग हापाळ दनिगोळ ताका ना सुर्य अदकि तारागोळ कांळ्सीदील अदकि धोळ्द तुफान नळुतेला ईत्त, रा आखरी दा तान ऊळोद सप्पा आशा नाव बटि बुटेव.

21 याग आंदुर हापाळ दनिगोळ ताका उपासा ईतोदुर, रा पौलुस आंदुर न्याड्या नदिरकु अंदुन, “हे लॉकुरा, अगर करेते टु रवाना ईला आगोद नान सलाह नीव मानूस कोमायदीर रा ई वनिश अदकि नुकसान देल ऊळ्दोगायदीर. 22 लेकीन ईंग ना नीम से वनिती माळतीन कनि तान हम्मत कटकु ईटी, यतकी नीम दा टु यारदु जीव इन हाना आगतीदील, पर सर्फि ईद जहाज नष्ट आगेदीत. 23 यतकी अंसी इन ईळ्ळकी, याता परमेश्वर उन ना हुईन अदकि यारद ना आराधना माळतीन आऊन ऊंद स्वर्गदूत नान हात्ती बंदुन, 24 अदकि अंदुन ‘हे पौलुस, अंजबाळ! नीनी कैसर उन मुंद नदिरोद जरूरी आद. नोळ, परमेश्वर सप्पा मुंदुरी जो नीन सांगुळ यात्रा माळेत्यार, आंदुर भी जीवन नीन सांगुळ आद.’ 25 इदुरसाटी, हे लॉकुरा, हम्मत ईटी; यतकी ना परमेश्वर उन वशिवास माळतीन, कनि ह्यांग आव नान से अंदान, हांग अच आदीत. 26 लेकीन नामी यातोदारा टापू मा होगकु टकिसोद बदिदीत.”

27 याग चौदावा ईळ्ळक बत्त, अदकि नाव भूमध्य समुद्र दा भटकुसतेला टेटाळेव, रा आर्धा ईळ्ळक इन हात्ती जहाज नळसावाळेर अनुमान हचकु जान्सदुर कनि नाव यातोदारा जमीन इन हात्ती पोहचुसेतेव. 28 नीर इन गहराई अन अंदाज ताकौंडुर मा ऊंद सौ ईप्पत फूट इन गहराई ईरोद, अदकि थ्वाळा मुंद वाळुसकु बाक गहराई अन अंदाज ताकौंडुर रा नब्बे फूट गहराई ईरोद. 29 आग कल्ल इन जागागोळ देल टकरूसोद अंजक देल आंदुर जहाज इन हदिळोद भाग दा नाक लंगर हाकदुर, अदकि व्हातुर आगोद प्रार्थना माळोर. 30 लेकीन याग जहाज नळसावाळेर जहाज मा टु ओळोद कोशशि माळोर, अदकि गली टु लंगर हाककोद बहाना देल जहाज समुद्र दा ईळ्स बुदुर; 31 लेकीन पौलुस सूबेदार अदकि सैनकिगोळ से अंदुन, “अगर इंदुर जहाज मा ईतीदील, रा नीव भी ऊळु सकालीर.” 32 आग सैनकिगोळ जाळी कडुकु जहाज समुद्र दा होग गोटेदुर.

33 याग व्हातुर आगदुर मा ईरोद, आग पौलुस ईद अनकु, सप्पा मुंदुरी ऊमोर साटी वनिती माळदुन, “ईद चौदा दनि आदव कनि नीव हादी काईत काईत उपास ईतीर, अदकि येनु तंददिल. 34 ना इदुरसाटी नीमी तनिर साटी वनिती माळतीन कनि नीम जतिता ईरोरसाटी जरूरी आद; यतकी नीम दा टु यारदु ताल्ला अनूद ऊंद चुट्टी भी बळिबाळुल.” 35 ईद अनकु आव रोट्टी हुडुकु सप्पा मुंदुर मुंद परमेश्वर उन धन्यवाद माळदुन अदकि मुरूकु तनिली कुरतुर. 36 आग आंदुर सप्पा मुंदुर भी हम्मत कटकु ऊमली कुरतुर. 37 नाव सप्पा मलिसकु जहाज मा येदुद सौ छ्यात्तर मुंदुर ईरेव. 38 याग आंदुर ऊंडकु संतुष्ट आदुर, रा गोदी इक समुद्र दा भटिकु जहाज इक हल्का माळली कुरतुर.

जहाज इन बरवादी

39 याग व्हातुर आत रा आंदुर आ द्याश इक अरतीदलि, लेकीन ऊंद खाळी इन कनिरा कांळ्सत, अदकि वचिर माळदुर कनि अगर आग सकुल रा इदुर मा जहाज इक टेकसेव. 40 आग आंदुर लंगरगोळी खोलसकु समुद्र दा बटि बुदुर अदकि अदा समय जाळीगोळ्द बंधन खोलस बुदुर, अदकि जहाज इन मुंद मुंदळोद पाल येरसकु कनिरा दी होटोदुर. 41 लेकीन येदुद समुद्र अन संगम इन जागा हुडुकु आंदुर जहाज इक टेक्सदुर, अदकि जहाज इन मुंदळोद हसिसा धक्का तनिकु नट्टोत अदकि आलगाळ सकदिल; लेकीन हदिळोद लयरगोळ्द बल देल मुरली हत.

42 आग सैनिकिगोळ ईद वचिार आत क्कि बंदीगोळी कोंद बुटेव, हगि आगबाळुल क्कियावारा तैरूस्कु ओळ्गेगुल. 43 लेकीन सूबेदार पौलुस उक सुरक्षति माळोद इच्छा देल आंदरी ईद वचिार देल रोकसदुन अदकि उल्टा ईद आग्या कोट्टुन, क्कजो तैरूस सकतार, पयले हारकु कनिरा मा होट बुळुल; 44 अदकि बाकी यारारा पट्टीगोळ मा, अदकि यावारा जहाज इन मुर्द तुकळा गोळ्द सहारा देल होट बुळुल. ईद रीति देल सप्पा मुंदुर कनिरा मा सुरक्षति ऊळ्दकु होट्टुर.

28

माल्टा टापू दा पौलुस

1 याग नाव कनिरा मा सुरक्षति पोहचुसदेव, आग पता नळुत क्कि ईद टापू उक माल्टा अंदकु आगतद. 2 अलेर नवासीगोळ नाम मा अनोखा कृपा माळदुर; यतकी माळ बरोद कारण सोळ इन ईरोद, इदुरसाटी आंदुर बेक्की होत्ताकु नाम सप्पा मुंदुरद स्वागत माळदुर. 3 याग पौलुस वळ्गेव हुळ्लीगोळ्द गट्टा सकलुसकु बेक्की मा ईटदुन, रा ऊंद हाव बेक्की इन आच देल होळ्त्त अदकि आऊन कय इक गुणसेत. 4 याग आ नवासीगोळ हाव इक आऊन कय इक गुंडसकु नोळदुर, रा आपस दा अंदुर, “सचमुच ईव मळसा हत्यारा आन लेकीन ईऊन कसिमत वळ्लेव आव जो समुदर दा ऊळदोदुन, तरी भी न्याय जीवति ईर गोटीदील.” 5 आग आव हाव इक बेक्की दा झटकुस बुट्टुन, अदकि पौलुस उक येनु हानि भी पोहचुसीदील. 6 लेकीन आंदुर हादी कायतोगोर क्कियाव बातोदान या एकाएक बदिक् सोतोदान, लेकीन याग आंदुर हापाळ होत ताका नोळ्त्त ईत्तुर अदकि नोळकु आऊक असाधारण रूप दा भी येनु आगदील, रा तान वचिार बदलुसकु अनली हतदुर, “ईव रा यावारा देवता हुन.”

7 आ जागा अन आसपास आ टापू उन प्रधान अधिकारी पुबलियुस उन जागा ईरोद. आव नामी तान मान्या ओतकु नाम स्वागत माळदुन मुर दनि संगीभाव देल पाऊनचार माळदुन. 8 पुबलियुस उन आप्प मय देल अदकि आव खुन देल रोगी बदिक् ईरोन. इदुरसाटी पौलुस आऊन हात्ती मान्या होगकु प्रार्थना माळदुन अदकि आऊन मा कय ईटकु आऊक चंगा माळदुन. 9 याग हगि आत रा आ टापू उन बाकी बमिर बंदुर अदकि चंगा माळकु आदुर. 10 आंदुर नाम्द हर प्रकार देल आदर माळदुर, अदकि याग नाव होगली कुरतेव रा जो येनारा नाम साटी जरूरी ईरोद, जहाज मा ईट बुट्टुर.

माल्टा टापू टु रोम दी

11 मुर तगिळ इन बाद्दा नाव सकिन्दरिया अन्द ऊंद जहाज मा येरदेव, अदकि ई जहाज ईदा टापू दा सोळ इन दनिगोळ कारण ईल्या रूक्सकु ईरोद, आ जहाज इक जुळवा ईश्वर अंदकु आगोद. 12 नाव सुरकूसा दा पोहचुसदेव अदकि मुर दनि ताका अल्या ईत्तेव. 13 अल टु नाव रवाना आगकु रेगियुम नगर दा बंदेव; अदकि दुसरा दशी दक्षणि टु हवा नळुत, अदकि नाव दुसरा दशी पुतयिली नगर दा बंदेव. 14 अल नामी वशिवासी वारटुर सकिदुर, अदकि आंदुर कहना देल नाव आंदुर अल येळ दनि ताका ईत्तेव; अदकि ई रीति देल नाव रोम इक होतोदेव. 15 याग रोम इन वशिवासी वारटुर इक नाम सुचना सकित रा अप्पियुस इन सात्ता अदकि मुर-सराए ताका नाम से मुलाकात माळली बंदुर, यारी नोळकु पौलुस परमेश्वर उन धन्यवाद माळदुन अदकि प्रोत्साहति आदुन.

रोम दा पौलुस

16 याग नाव रोम दा पोहचुसदेव, रा पौलुस उक ऊंद सैनिकि उन सांगुळ जो आऊन रखवाली माळतोगोन, आबना ईरोद आग्या सकिकेत.

17 मुर दनि इन बाद्दा आव यहूदीगोळ्द प्रमुख लॉकुरी कारदुन, अदकि याग आंदुर जमा आदुर रा आंदुर से अंदुन, “हे वारटुरा, ना तान लॉकुरद या आप्प दादागोळ व्यवहारगोळ्द वरिध दा येनु अच माळीदील, तरी नानी बंदी माळकु यरूशलेम टु रोमीगोळ्द कय दा कोटकु आत. 18 आंदुर नान जाँच माळदुर अदकि नानी बटि बुळोद चाहासदुर, यतकी नान दा मृत्यु उन योग्य येनु दोष ईला ईरोद. 19 *लेकीन याग यहूदी ईदुरद वरिध दा माताळली कुरतुर, रा नानी कैसर से न्याय बेळोद प्रार्थना माळोद बत्तित: इदुरसाटी ईला क्कनानी तान लॉकुर मा येनारा दोष हचोद ईरोद. 20 इदुरसाटी ना नीमी कारदनि क्कनीमी से मल्लिसाईन अदकि मातचीत हेळाईन; यतकी आ मळसा अन साटी ना ई शंकली देल जकळुसकु आईन यार्द इस्त्राएल इन लॉकुर आशा माळतोगोर.”

21 आंदुर आऊन से अंदुर, “ना नामी नीन बारा दा यहूदीगोळ से चट्ठी गोळ सकिदव, अदकि ना वार्दुर दा टु यावारा बंदकु नीन बारा दा येनारा हेळदुर अदकि ना बुरा अंदुर. 22 लेकीन नीन वचिार येन आद? अदा नाव नीन से केळोद चाहासतेव, यतकी नाव जान्सतेव की नी याता समुह टु बरत्या अद समुह अन वरिध सप्पा दी लॉकुर माळतार.”

23 आग आंदुर आऊन साटी ऊंद दनि ठहरूसदुर, अदकि हापाळ सा लॉकुर जमा आदुर, अदकि आव परमेश्वर उन राज्य अन गवाही कोळतेला, अदकि मूसा अन व्यवस्था अदकि भवषियवक्तागोळद कतिबगोळ देल यीशु उन बारा दा समझुस समझुसकु व्हातर्या टु द्यावगा ताका वर्णन माळतेला ईत्तुन. 24 आग थ्वाळासा लॉकुर आ मातगोळी मान्स कोंडुर, अदकि थ्वाळासा लॉकुर वशिवास माळीदील. 25 बाक आंदुर आपस दा आबुर दाबुर देल असयमत आगतेला आंदुर अल टु होग कुरतुर, आग पौलुस ईद ऊंद मात अंदुन अदकि यशायाह भवषियवक्ता अन द्वारा पवतिर आत्मा नीम आप्प दादागोळ से याट सही अंदीत, 26 यतकी आव अंदुन, होगकु ई लॉकुर से अन,

की नीव केळीर, लेकीन समसतदील,

अदकि नीव नोळतेला अच ईत्तीर, लेकीन नीमी काळसतदील;

27 यतकी ई लॉकुरद मन कठोर अदकि आंदुर तान कवि बंद माळ बुटार,

अदकि आंदुर कण्णगोळ बंद आगेग्याव,

हगि आगबाळुल की आंदुर यागलु कण्णगोळ देल नोळुल अदकि कविगोळ देल केळुल

अदकि मन देल समसुल अदकि नान दी तरिगुल,

अदकि ना आंदरी चंगा माळाईन.

28 अदकि पौलुस ई मात देल ईदुरद समापन माळदुन की “नीमी जान्स कोम पायजे की परमेश्वर उन ई उद्धार इन बातणी गैरयहूदीगोळ हात्ती कळुकु आगेग्याद, आंदुर ईदरी केळ्यार.” 29 * याग आव ईद अंदुन रा यहूदी आपस दा हापाळ झगळा माळली कुरतुर अदकि अल टु होटोदुर.

30 पौलुस पुरा येद्व वरष तान करिया अन मान्या ईत्तुन, अदकि जो आऊन हात्ती आऊन से मुलाकात माळली बरतोगोर, आ सप्पा मुंदुरद स्वागत माळत ईत्तुन. 31 अदकि पुरा स्वतंत्रता अदकि हमिमत इन सांगुळ परमेश्वर उन राज्य अन्द प्रचार माळोन अदकि प्रभु यीशु मसीह अन बारा दा कलसतेला ईत्तुन.

* 28:29 २८:२९ येनारा हस्तलेख दा ईद वचन सकाल्द

रोमियों के नाम पौलुस प्रेरति की पत्नी रोमियों अन्द हेसुर पौलुस प्रेरति उन चट्ठी परकिय

रोमियों अन्द कतिाब आग सकतद प्रेरति पौलुस ५४-५८ वर्षगोळ बीच दा यीशु मसीह अन्द जनम इन बाददा लखिसकु आगीत. पौलुस ईगासताका रोमियोंगोळद दवरा ईला ताकोंडीदुन, इदुरसाटी आंदुर ईद चट्ठी रोम दा ईसाईगोळी नरिदेश कोळोर साटी कळुदुर, येदुदु यहूदी अदकि गैरयहूदी. आंदुर कूरुन्थियों शयर टु चट्ठी लखिसीदुर, येल आंदुर आ समय ईरतोगोर. पौलुस लखिसदुन क सप्पा राष्ट्र यीशु मसीह १६:२६ मा वशिवास अदकि पालन माळ सकुल.

रोमियोंगोळद कतिाब हर जागी अदकि हर समय ईसाईगोळ साटी ऊंद खास कतिाब आद यतकी पौलुस आसान रूप देल अदकि वळ्लीद तरीका देल समझुसतान क नाव यीशु मसीह अन्द उद्धार इन बारा दा हेळ सकतार. पौलुस यीशु मसीह अन्द खुशखबरी इक हाळोद नयिम देल भी जोळसदुन. हापाळ ग्यानी लॉकुरद तरक आद क कतिाब दा सब से खास कवतिा १:१६ आद जो अनतद, “नानी खुशखबरी देल येनु शरम हैलेच, यतकी ईद सप्पा मुंदुरद उद्धार इन साटी परमेश्वर उन ताकत हुन, पयले यहूदीगोळ साटी बाक गैरयहूदीगोळ साटी जो हगि मान्सतार.” रोमियोंगोळद पयला भाग रोमियों १-१२ गयरा न्यायशास्त्र आद अदकि दुसरा भाग १३-१५ दा ईसाई जीवन इन साटी हापाळ व्यावहारकि नरिदेश आव.

रूप-रेखा

१. पौलुस साधारण रूप देल तान पयचान कोळतेला तान चट्ठी अन्द सुरूवात माळतान अदकि अनतान क आव यारी लखिसेत्यान १:१-१५
२. इदुर बाददा आव यीशु मसीह अन्द जरीया देल मंळसा जाती अन्द स्थिति अदकि संभावति उद्धार इन बारा दा लखिसतान १:१६-११:३६
३. इदुर बाददा पौलुस ईसाई जीवन जीऊसोर साटी हापाळ व्यावहारकि नरिदेश कोळतान १२:१-१५:१३
४. आव रोम इन अध्याय १६ दा मंडली अन्द लॉकुरी हापाळ शुभकामना कोटक रोमियों अन्द कतिाब इक खतम माळतान.

1 पौलुस उन दी टु जो यीशु मसीह अन दास आन, अदकि यारी परमेश्वर प्रेरति आगोर साटी कारस्यान, अदकि परमेश्वर उन आ खुशखबरी इन प्रचार इन साटी अलग माळकु आत. 2 यारी पयले अच संदेश कोळावाळेरुद द्वारा प्रतगिया माळकु आत, हयांग पवतिरशास्त्र दा लखिसकु आग्याद. 3 अद आऊन पार उन बारा दा हुन; आव मय इन भाव देल रा दाऊद उन वंश देल पैदा आदुन. 4 अदकि पवतिरता अन आत्मा अन भाव देल सोत्तुर दा टु जतिता आगोद कारण सामर्थ्य अन सांगुळ परमेश्वर उन पार ठहूरुसकु आदुन; आव यीशु मसीह नाम प्रभु हुन. 5 आऊंदा द्वारा परमेश्वर नामी अनुग्रह कोट्टुन क प्रेरतिई सकिल, ताकी सप्पा गैरयहूदी लॉकुर आऊन हेसुर मा वशिवास माळुल अदकि आग्या अन पालन माळुल. 6 इदुर दा नीव भी शामिल आईर जो रोम दा ईरतीर, यारी परमेश्वर यीशु मसीह नोर आगोर साटी कारस्यान. 7 आ सप्पा मुंदुर हेसुर ना लखिसेतीन जो रोम दा परमेश्वर उन प्रयि आर, अदकि आंदरी परमेश्वर तान लॉकुर आगोर साटी कारस्यान. नाम आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

8 पयले ना नीम सप्पा मुंदुर साटी यीशु मसीह अन द्वारा तान परमेश्वर उन धन्यवाद माळतीन, यतकी नीम वशिवास इन बारा दा पुरा दुनयिा दा चर्चा आगेत्याद. 9 परमेश्वर यारुद स्यावा ना तान आत्मा देल आऊन पार उन खुशखबरी इन बारा दा माळतीन, आवा नान गवाह आन क ना नीमी याता प्रकार लगातार याद माळत ईरतीन, 10 अदकि लगातार तान प्रार्थनागोळ दा ना हमेशा अच वनिती माळतीन क यातोदारा रीति देल ईग नीम हाती बरोद नान यात्रा परमेश्वर उन इच्छा देल सफल आगुल. 11 यतकी ना नीम से मलिसोद इच्छा हापाळ ईटतीन क नीम सांगुळ आत्मकि आशीषगोळ वाट्स सकाईन यदुर देल नीमी सामर्थ्य सकिल;

12 मतलब ईद कथियाग ना नीम बीच दा आगाईन, रा नामी आ वशिवास इन द्वारा जो नान दा अदकि नीम दा आद, आबुर दाबुर से प्रोत्साहन सकिल. 13 *हे वार्दुरा अदकि आकतीगैरा, ना घळी घळी नीम हाती बरोद चाहासदीन, कि ह्यांग नानी गैरयहूदीगोळ दा व्हासा वशिवासीगोळ्द काय सकित, हांग अच नीम दा भी सकिल, लेकीन ईगासताका रूकावटगोळ बंदव. 14 ना सप्पा लॉकुरद कर्जदार आईन यूनानीगोळ्द अदकि गैर यूनानीगोळ्द, कलत्क अदकि अशक्षितगोळ्द. 15 इदुरसाटी ना नीमी भी जो रोम नगर दा ईरतीर, खुशखबरी केळसोर साटी हापाळ उत्साहीत आईन.

खुशखबरी इन सामर्थ्य

16 *यतकी ना खुशखबरी देल नाचालीन, इदुरसाटी कि अद हर ऊंद वशिवास माळावाळा अन साटी, पयले रा यहूदी बाक गैरयहूदी, यतकी ईद उद्धार तरावाळा परमेश्वर उन सामर्थ्य हुन. 17 यतकी खुशखबरी ईद प्रगट माळतद कि परमेश्वर मंळसागोळी तान प्रती सही ह्यांग माळतान ईद सुरूवात टु आखरी ताका वशिवास इन द्वारा अच आद. ह्यांग कि शास्त्र दा लखिसकु आद, “जो मंळसा परमेश्वर उन सांगुळ न्यायी आन आव वशिवास इन द्वारा जित्ता ईत्तान.”

मंळसा जाती इन पाप

18 परमेश्वर उन सट्टि रा आ लॉकुरद पाप अदकि बुराई मा स्वर्ग टु प्रगट आगतद, जो सत्य अक बुराई देल वोतकु ईटतार. 19 इदुरसाटी कि परमेश्वर उन ग्यान आंदुरद मनगोळ दा प्रगट आद, यतकी परमेश्वर आंदुर मा प्रगट माळ्यान. 20 यागी टु परमेश्वर दुनिया अन्द रचना माळदुन आगी टु आऊन अदृश्य वशिषतागोळ, मतलब अनन्त ताकत अदकि आऊन दैविक स्वभाव आ वस्तुगोळ दा जो परमेश्वर रच्यान पुरा रीति देल साफ कांळसकु बळितद. इदुरसाटी आ लॉकुर हात्ती येनु बहाना हैलेच. 21 *यतकी आंदुर परमेश्वर उक अरूतार लेकीन जो आऊन सम्मान आद अद आऊक कोळालुर अदकि ना धन्यवाद माळतार. लेकीन आऊन जागा आंदुर वचिर पुरा रीति देल नरिर्थक आग्याव अदकि आंदुरव खाली दमिक अंधार देल तुम्मेग्याव. 22 आंदुर तान तान इक बुद्धमिान सम्सतार लेकीन मूर्ख आर, 23 अदकि अवनिशी परमेश्वर उन महमि अक नाशवान मंळसागोळ, पक्षीगोळ, नाक कालवाळा जनावरगोळ, अदकि रेंगासावाळा कळिगोळ मूर्ति इन समानता दा आंदुर बदलुस बुटुर. 24 ई कारण परमेश्वर आंदरी आंदुर मन इन अभलिषागोळ अनुसार अशुध्दता अन साटी बट्टि बुटुन कि आंदुर आपस दा तान शरीर इन अनादर माळल. 25 यतकी आंदुर परमेश्वर उन सचचाई अक बदलुसकु खवाटा माळ बुटुर, अदकि परमेश्वर उन बदला दुनिया अन उपासना अदकि स्यावा माळदुर यदरी आव घळुस्यान, ना कि आ माळावाळा अन्द जो हमेशा धन्य आन! आमीन. 26 इदुरसाटी परमेश्वर आंदरी नीच वासनागोळ कय दा सोप्स बुटुन; ईल ताका कि आंदुर आर्तेर स्वाभाविकि यौन संबंधगोळ बदला अस्वभाविकि यौन संबंध ईटली कुरतुर. 27 हांग अच गंळसुर भी आर्तेर सांगुळ स्वाभाविकि व्यवहार बटिकु आपस दा कामातुर आगकु होतली हतदुर, अदकि गंळसुर दुसरा गंळसुर सांगुळ नरिलज क्याल्सा माळकु तान गलत कर्मगोळ्द सजा ताकोडुर. 28 याग आंदुर परमेश्वर उक अरोद चाहासीदील, रा परमेश्वर भी आंदरी आंदुरद भ्रष्ट मन मा बटि बुटुन कि आंदुर अनुचति क्याल्सा माळली हतुल जो ईला माळ पाहीजे होता. 29 इदुरसाटी आंदुर सप्पा प्रकार इन अन्याय, दुष्टता, लोभ, अदकि अनैतिकता देल तुम्मेग्यार; अदकि आंदुर जलन, हत्या, अदकि झगळा, छल कपट, अदकि बुराईगोळ देल तुम्मेदुर, अदकि चुगलीखोर आगेदुर, 30 अदकि आबुर दाबुर बुराई माळावाळे, परमेश्वर उन अपमान माळावाळे, अदकि अय्यासी माळावाळे, घमण्डी अदकि अहंकारी, अदकि बुराई माळोर साटी अनेक हादी ढुंढसावाळे, अदकि मोय आप्पुर्द आग्या ईला मान्सावाळे बन्सतार, 31 आंदुर मन इन कमजोर, अदकि तान कोळ्द वचन मुरावाळे, अदकि आबुर दाबुरद प्रती नरिदयी आगेग्यार. 32 आंदुर जान्सतार कि परमेश्वर उन व्यवस्था येन अनतद जो लॉकुर ई हादी मा नळुतार आंदुर मृत्यु दण्ड इन लायक आर, तरी भी ई लॉकुर ना सरिफ आ क्याल्सागोळी माळतार उलटा हांग माळावाळे इक साथ भी कोळतार.

2

परमेश्वर उन न्याय

1 *इदुरसाटी हे दोष हचावाळा, नी यावारा येती आगबाळुल, नी नरित्तर आय; यतकी याता मात दा नी दुसरा

मा दोष हचत्त्या अदा मात दा तान तान इक भी दोषी ठहूरसत्त्या, इदुरसाटी की नी जो दोष हचत्त्या खुद अच अद कयाल्सा माळत्त्या. ² यतकी नाव जानसतेव की जो लॉकुर हगि कयाल्सा माळतार, परमेश्वर आदुरद सचचाई देल न्याय माळतान. ³ लेकीन हे मंळसा, नी जो हगि-हगि कयाल्सा माळावाळेर मा दोष हचत्त्या अदकि खुद अच अव कयाल्सा माळत्त्या; येन ईद समसत्त्या की नी परमेश्वर उन न्याय देल ऊळदोदया? ⁴ येन नी आऊन महान दया, अदकि शहनशीलता, अदकि धीरज इक तुच्छ जानसत्त्या? येन नी सही दा ईद समसाल की परमेश्वर उन दया नीनी मन फरिाव दी ओयतद? ⁵ लेकीन नी तान कठोरता अदकि जीददी मन इन कारण आ दनि इन साटी, जो दनि परमेश्वर उन सट्टि अदकि खरा न्याय प्रगट आदीत, नी तान साटी दण्ड तयार माळेत्या. ⁶ परमेश्वर नाम सप्पा मुंदुरी तान कर्मगोळद हिसाब देल प्रतफिल कोट्टान: ⁷ जो लॉकुर वळलीद कयाल्सा दा हतकु ईरतार परमेश्वर उन दी टु सीकतद महमा, आदर, अदकि अमरता अन खोज दा आर, आंदरी परमेश्वर अनन्त जीवन कोट्टान; ⁸ लेकीन जो लॉकुर मतलबी आर अदकि जो सचचाई इक स्वीकार माळतार. ताकी बुरा कयाल्सा माळ सकुल ईतता लॉकुर मा परमेश्वर तान सट्टि अदकि प्रकोप पलटुस्यान. ⁹ दुख अदकि परेशानी हर ऊंद मंळसा मा जो बुराई माळतान बंदीत, पयले यहूदी मा बाक गैरयहूदीगोळ मा; ¹⁰ लेकीन परमेश्वर जो वळलेव कयाल्सा माळतार आंदरी महमा, आदर अदकि शांती प्रदान माळ्यान, पयले यहूदीगोळ इक बाक गैरयहूदीगोळ इक. ¹¹ यतकी परमेश्वर बनिा पक्षपात देल सप्पा मुंदुरद न्याय माळतान.

¹² गैरयहूदीगोळ हात्ती मूसा अन्द व्यवस्था हैलेच अदकि आंदुरद न्याय भी बनिा व्यवस्था देल आदीत, यहूदीगोळ हात्ती मूसा अन्द व्यवस्था आद अदकि आंदुरव माळदव पापगोळ न्याय व्यवस्था अन अनुसार अच आदीत. ¹³ यतकी परमेश्वर उन मान्या व्यवस्था अक केळावाळेर न्यायी हैलेच, लेकीन व्यवस्था मा नळावाळेर न्यायी ठहूरसकु आदार. ¹⁴ गैरयहूदी लॉकुर यार हात्ती व्यवस्था हैलेच, लेकीन आंदुर तान तान दा व्यवस्था मा नळुतार, इदुरसाटी आंदुर तान तान दा अच व्यवस्था आर, जब की आंदुर हात्ती मूसा अन्द व्यवस्था हैलेच. ¹⁵ आ लॉकुरद चाल चलन तोरसतद की व्यवस्था आंदुरद दलिगोळ दा लखिसकु आग्याद. अदकि आंदुरव मन भी अनताव की ईदा सत्य हुन, अदकि ईदरी हुडुकु आंदुरव वचार आंदरी यागलु नरिदोष या यागलु अपराधी ठहूरसताव; ¹⁶ आ दशी परमेश्वर नान प्रचार माळद खुशखबरी इन अनुसार परमेश्वर यीशु मसीह अन द्वारा मंळसागोळ गुप्त वचारगोळद न्याय माळ्यान.

यहूदी अदकि व्यवस्था

¹⁷ अगर नी तान तान इक यहूदी अनत्त्या, अदकि नीनी तान परमेश्वर मा अभमान आद, ¹⁸ अदकि नीनी मालूम आद की परमेश्वर नीन से येन माळसुसोद चाहासतान अदकि सही मातगोळ इक नविळुसोद नी व्यवस्था देल कलत्त्या; ¹⁹ अदकि तान तान मा भरोसा ईटतान की ना कुढ्ढगोळव अगुवा, अदकि अंधकार दा बदि कु आर आंदुर ज्योतर्ति, ²⁰ मुखगोळ इक नरिदेश कोळावाळा, अदकि भोला मंळसा गोळोव शकिषक आन. अदकि नी सही आय की जो नयिम शास्त्र नीन हात्ती आद, अदुरदा पुरा सत्यता अदकि पुरा ग्यान इन समावेश आद. ²¹ इदुरसाटी येन नी जो दुसरागोळी कलसत्त्या, तान तान मा येती लागु माळाल? येन नी जो काळलपन ईला माळोद शकिषा कोळत्त्या, खुद अच काळलपन येती माळत्त्या? ²² नी जो अनत्त्या, “व्यभचार ईला माळ पायजे,” रा खुद अच व्यभचार येती माळत्त्या? नी जो मूर्तीगोळ से घृणा माळत्त्या, येन खुद अच मंदरिगोळी येती लुटसत्त्या? ²³ नी जो व्यवस्था अन बारा दा घमण्ड माळत्त्या, रा खुद परमेश्वर उन व्यवस्था ईला मानसकु परमेश्वर उन अनादर माळत्त्या? ²⁴ “यतकी नीम कारण गैरयहूदीगोळ दा परमेश्वर उन हेसुर इन अपमान माळकु आगतद,” हयांग शास्त्र दा लखिसकु आद.

²⁵ अगर नी व्यवस्था अन्द पालन माळ्या रा खतना देल लाभ रा आद, लेकीन अगर नीव व्यवस्था अन उल्लंघन माळत्त्या रा नीद खतना बनिा खतना अन्द दशा ठहूरसत. ²⁶ इदुरसाटी अगर गैरयहूदी यारद खतना आगीदील तरी भी व्यवस्था अन्द पालन माळतान रा येन आऊन खतनारहति आगदुर मा भी खतना माळकु आत आळुकु आगतीदील? ²⁷ अदकि खुद यहूदीगोळी गैरयहूदीगोळ द्वारा दोषी ठहूरसकु आदीत जब की नीम हात्ती लखिसद व्यवस्था अदकि खतना माळकु आगीर लेकीन गैरयहूदी व्यवस्था अन पालन माळतार जब की आंदुरद शारीरकि रूप देल खतना आगीदील. ²⁸ ऊंद खरा यहूदी यारद सही दा खतना आग्याद, आव याव हुन? खरा यहूदी आव आलच जो सरिफ बाहरी रूप देल यहूदी आन, यारद खतना सरिफ शारीरकि आद. ²⁹ लेकीन खरा यहूदी आवा हुन जो बुळक टु यहूदी आन; यारद दलि देल खतना आग्याद अदकि ईद परमेश्वर उन आत्मा अन्द कयाल्सा

हुन, ना कलिखिसद व्यवस्था अनन्द. ईत्ता मंळसा परमेश्वर उन दी टु प्रशंसा पाऊस्यान ना किमंळसा अन दी टु.

3

1 इदुरसाटी गैरयहूदीगोळ मुंद नीमद यहूदी आगोद येन फायदा? अदकि नीमद खतना अनन्द येन लाभ? 2 सप्पा प्रकार देल हापाळ लाभ आद. पयले रा ईद क्ति परमेश्वर उन वचन यहूदीगोळी कोटकु आग्याव. 3 अगर येनारा यहूदी वशिवासघाती होट्टुर भी रा येन आत? येन आंदुर वशिवासघाती आगदुर देल परमेश्वर उन सच्चाई बेकार ठहूसीत? 4 यागलु ईला! लेकीन परमेश्वर खरा आन अदकि हर ऊंद मंळसा ख्वाटा ठहूस सकतान, ह्यांग शास्त्र दा लखिसकु आद, “याग नी खुद इन बचाव दा माताळ्या आग नी सही ठहूस्या अदकि न्याय माळावती नीनी जीत प्राप्त आदीत.” 5 इदुरसाटी अगर नाम गलत क्यालसा परमेश्वर उक सही ठहूस बुळतद, रा नाव येन अंदेव? येन ईद क्ति परमेश्वर जो दण्ड कोळतान गलत माळतान? ईद रा ना साधारण सवाल केळीतीन. 6 यागलु ईला! ईदारा परमेश्वर ह्यांग दुनया अन न्याय माळ्यान? 7 अगर नान झुठ इन कारण परमेश्वर उन सच्चाई आऊन महमा अन साटी, यक्कुल माळकु प्रगट आत रा बाक येती पापी अन घाई ना दण्ड इन साटी ठहूसकु आगतीन? 8 “नाव येती बुराई माळेव क्ति भलाई होळुल?” ह्यांग नाम मा ईदा दोष हचकु भी आगतद, अदकि येनारा अनतार क्ति इंदुरद ईदा अनोद आद. लेकीन ईत्तरी दोषी ठहूसोद ठीक आद.

याऊ न्यायी हैलेच

9 रा बाक येन आत? येन नाव यहूदी आ गैरयहूदीगोळ से वळ्लेर आयेव? यागलु ईला; यतकी नाव यहूदीगोळ अदकि गैरयहूदीगोळ येदुदु मा ईद दोष हच कोंडेव क्ति आंदुर सप्पा च्या सप्पा पाप इन वश दा आर. 10 ह्यांग शास्त्र दा लखिसकु आद:

“याऊ न्यायी हैलेच, ऊंद भी हैलेच.

11 याऊ समझदार हैलेच;

याऊ परमेश्वर उक दुंडसावाळा हैलेच.

12 सप्पा परमेश्वर उन से भटकुसेग्यार, सप्पा च्या सप्पा नकिम्मा बनसेग्यार;

याऊ भलाई माळावाळा हैलेच, ऊंद भी हैलेच.

13 आंदुरद कुतक्या खुल्सद कवर हुन,

आंदुर तान ल्यालग्यागोळ देल छल माळ्यार,

आंदुरद टुट्टीगोळ दा हावगोळ्द जहर आद.

14 आंदुरद बाय श्राप अदकि कळवाहट देल तुमकु आद.

15 आंदुर काल खुन वाहुस्ली फुरतीला आव,

16 आंदुर हादीगोळ मा नाश अदकि क्लेश आद,

17 आंदुर शांती इन हादी अरालुर.

18 *आंदुरद कण्णगोळ मुंद परमेश्वर उन

अंजक हैलेच.”

19 नाव जानसतेव क्ति व्यवस्था जो येनारा अनतद आंदुर से अच अनतद, जो व्यवस्था अन हात्ती आर; इदुरसाटी क्ति हर ऊंद बाय बंद माळकु आगुल अदकि पुरा दुनया परमेश्वर उन न्याय इन लायक ठहूसुल;

20 यतकी व्यवस्था अन क्यालसागोळ देल यातोदु मंळसा परमेश्वर उन मुंद न्यायी ठहूसतीदील, इदुरसाटी क्ति व्यवस्था अन द्वारा पाप इन पयचान आगतद.

वशिवास द्वारा न्यायीपन

21 लेकीन ईग व्यवस्था टु अलग परमेश्वर उन अद न्यायीपन प्रगट आग्याद, यदुरद गवाही मूसा अन व्यवस्था अदकि भवषियवक्ता कोळतार, 22 मत्तलब परमेश्वर उन अद न्यायीपन जो यीशु मसीह मा वशिवास माळदुर देल सप्पा वशिवास माळावाळेर साटी आद. यतकी येनु फरक हैलेच; 23 इदुरसाटी क्ति सप्पा मुंदुर पाप माळ्यार अदकि परमेश्वर उन महमा देल हापाळ दुर आर, 24 लेकीन आऊन अनुग्रह देल आ छुटकारा अन द्वारा

* 3:18 ३:१८ भजन संहिता ३६:१ ☆ 3:20 ३:२० गलातगोळ २:१६ ☆ 3:22 ३:२२ गलातगोळ २:१६

जो मसीह यीशु दा आद, सपपा च्या सपपा न्यायी ठहूसकु आगतार. 25 यीशु उक परमेश्वर आऊन रक्ता अन द्वारा ऊंद हगि प्रायश्चति बली ठहूसदुन, जो वशिवास माळदुर देल कार्यकारी आगतद, कजो पाप पयले माळकु आग्याव अदकि यऊर मा परमेश्वर तान सहनशीलता अन कारण ध्यान कोटीदील. यीशु उन रक्ता अन बारा दा आव तान न्यायीपन प्रगट माळुल. 26 लेकीन ईदा समय आऊन न्यायीपन प्रगट आगुल कजि यदुर देल आव खुद अच न्यायी ठहूसुल, अदकि जो यीशु मा वशिवास माळुल आऊन भी न्यायी ठहूसवाळा ईरूल. 27 रा घमण्ड येल आद? अदकि घमण्ड इक व्हार्या माळकु आत? येन नाव व्यवस्था अन पालन माळतेव? ईला, लेकीन नाव वशिवास माळतेव इदुरसाटी. 28 इदुरसाटी नाव ईद परिणाम मा पोहचुसतेव किंमळसा व्यवस्था अन क्याल्सागोळ से अलग आन, मळसा परमेश्वर मा वशिवास इन द्वारा अच न्यायी ठहूसतान. 29 या परमेश्वर सरिफ यहूदीगोळव अच हुन? येन गैर यहूदीगोळव परमेश्वर हैलेच? नश्चति अच आव गैर यहूदीगोळव भी परमेश्वर हुन. 30 *यतकी ऊंद अच परमेश्वर आन, जो यहूदीगोळी वशिवास देल अदकि गैरयहूदीगोळी भी वशिवास इन द्वारा न्यायी ठहूसतान. 31 रा येन नाव व्यवस्था अक वशिवास इन द्वारा बेकार ठहूसतेव? यागलु ईला! लेकीन व्यवस्था अक कायम ईटतेव.

4

अब्राहम उन उदाहरण

1 इदुरसाटी नाव येन अंदेव नाम शारीरकि आप्प अब्राहम उक येन हासलि आत? 2 यतकी अगर अब्राहम क्याल्सागोळ देल न्यायी ठहूसकु आगायदुन, रा आऊक घमण्ड माळोद जागा ईराईत, लेकीन परमेश्वर उन नजर दा ईला. 3 *पवतिरशास्त्र येन अनतद? ईद कि “अब्राहम परमेश्वर मा वशिवास माळदुन, अदकि आऊन वशिवास इन कारण परमेश्वर आऊक न्यायी ठहूसदुन.” 4 क्याल्सा माळावाळा अनूद मजदूरी कोळोद दान आलच, लेकीन हकक समसकु आगतद. 5 लेकीन जो वशिवास मा नरिभर ईरतान ना कि क्याल्सागोळ मा, अदकि परमेश्वर मा वशिवास माळतान जो परमेश्वर अभक्तहिनि उक भक्तहिनि माळतान, आऊन ईदा वशिवास देल परमेश्वर आऊक न्यायी ठहूसतान. 6 यारी परमेश्वर बनिा कर्मगोळ्द न्यायी ठहूसतान, आऊक दाऊद भी धन्य अनतान:

7 धन्य आर आंदुर यारव अन्याय माफ आदव, अदकि यारव पाप होतुरसकु आदव.

8 धन्य आन आ मळसा यारी परमेश्वर पापी ठहूसतीदील.

9 “जो धन्य आगोद मात दाऊद अनेत्यान, येन खतना माळ्द यहूदीगोळ्द साटी अच हुन या बनिा खतना माळ्द गैरयहूदीगोळ्द साटी भी हुन. अब्राहम परमेश्वर मा वशिवास माळदुन अदकि आऊन वशिवास इन कारण अच परमेश्वर आऊक न्यायी स्वीकार माळदुन.” 10 रा ईद याग आत? येन याग आऊन खतना आगोगीत या आव बनिा खतना अनूद ईरोन. ईला, खतना अन बाददा ईला उलटा खतना आगा पयले हगि आत. 11 अदकि आऊन खतना आगोद अद ऊंद चनिह बन्सत कि तोरस सकुल कि परमेश्वर आऊक खतना आगा पयले अच आऊन वशिवास इन द्वारा न्यायी स्वीकार माळदुन. अदकि अब्राहम सपपा वशिवासीगोळ्द आत्मकि आप्प बन्सदुन यतकी आंदुर बनिा खतना नोर आर लेकीन वशिवासी आर, इदुरसाटी आंदुर भी न्यायी ठहूसकु आदार. 12 अदकि आव आंदुर भी आप्प हुन यार्द खतना आग्याद, आ लॉकुर सरिफ खतना माळकु ना ईला ईरोर उलटा नाम आप्प अब्राहम उन वशिवास इन पद चनिहगोळ मा नळावाळेर ईरोर आव अब्राहम जो खतना आगोर से पयले नळदुन.

वशिवास इन द्वारा परमेश्वर उन प्रतगिया सकोद

13 *याग परमेश्वर अब्राहम अदकि आऊन वंशजगोळ से प्रतगिया माळदुन कि आंदुर दुनिया अनूद वारीस आदार, ईद प्रतगिया अब्राहम उक व्यवस्था अन पालन माळदुर देल अच सकदिील लेकीन आव वशिवास माळदुन अदकि आव परमेश्वर उन द्वारा न्यायी स्वीकार माळकु आदुन ई कारण अच सकित. 14 *अदकि इदुरसाटी अगर नीव मान्सीतर कि परमेश्वर उन कोळ्द प्रतगिया ईद व्यवस्था अन पालन माळावाळेर कारण सकित रा नीमूद वशिवास बेकार अदकि परमेश्वर उन कोळ्द प्रतगिया भी बेकार आद. 15 यतकी व्यवस्था देल परमेश्वर उन सटिट पैदा आगतद, लेकीन यल व्यवस्था हैलेच, अल अदुर्द उल्लंघन भी हैलेच. 16 *ईदा

* 3:30 ३:३० गलातगोळ ३:२० * 4:3 ४:३ गलातगोळ ३:६ * 4:13 ४:१३ गलातगोळ ३:२९ * 4:14 ४:१४ गलातगोळ ३:१८

* 4:16 ४:१६ गलातगोळ ३:१७

कारण प्रतग्या वशिवास मा आधारति आद अदकि ईद प्रतग्या ई सप्पा अब्राहम उन वंशजगोळ साटी परमेश्वर उन मुफ्त उपहार हुन, ईद सरिफ व्यवस्था अन पालन माळावाळेर साटी इच ईला लेकीन आंदुर साटी भी आद जो वशिवास माळतार ह्यांग वशिवास अब्राहम माळदुन यतकी अब्राहम नाम सप्पा मुंदुरव आत्मकि आप्प हुन. 17 ह्यांग शास्त्र दा लखिसकु आद, “ना नीनी हापाळ सा द्याशगोळ्द आप्प ठहरूसीन” अदकि ईद प्रतग्या परमेश्वर उन नजर दा वळ्ळीद आद. ईव आव परमेश्वर हुन यार मा अब्राहम वशिवास माळदुन अदकि जो सोत्तुरी जतिता माळतान, अदकि ईव आव परमेश्वर हुन जो मातगोळ अस्ततिव दा हैलेच आ मातगोळी अस्ततिव दा तरतान. 18 ह्यांग शास्त्र दा लखिसकु आद, “नी हापाळ सा द्याशगोळ्द आत्मकि आप्प आद्या. अदकि नीन वंशजगोळ तारागोळ घाई आदार ई मात मा आशा ईटोद येनु कारण ईला ईरोद तरी भी अब्राहम वशिवास अदकि आशा ईटदुन,” 19 यतकी आव लगभग सौ साल इनव आगेगदिन लेकीन आऊन वशिवास आऊन शरीर इन घाई कमजोर ईला आगीत ह्यांग क्क आऊन शरीर लगभग सायापरी आगेगीत अदकि सच्चाई रा ईद भी आद क्क सारा अन क्वाता भी चग्गिद उक हाळु ईला सकोद. 20 तरी भी आव तान वशिवास इक बटिदलि अदकि ना आव परमेश्वर उन प्रतग्या मा सक माळदुन आऊन वशिवास आऊक सामर्थ्य देल तुम्त अदकि आव परमेश्वर उन महिमा माळदुन; 21 अदकि आऊक पुरा भरोसा ईरोद क्क परमेश्वर आऊक जो प्रतग्या कोटीदुन, आव अदरी पुरा माळदुर दा भी समर्थ आन. 22 ई कारण परमेश्वर अब्राहम उक आऊन वशिवास इन द्वारा न्यायी स्वीकार माळदुन. 23 अदकि ईद वचन, “वशिवास इन द्वारा न्यायी स्वीकार माळोद” सरिफ आऊन आबना अन साटी लखिसकु ईला आगति. 24 ऊलटा ईद नाम साटी भी लखिसकु आत जो नाव न्यायी ठहरूसकु आगेव अदकि जो यीशु नाम प्रभु जो सोत्तुर दा टु जतिता आदुन आऊन मा वशिवास माळतार. 25 यतकी आव नाम पापगोळ कारण मृत्यु उन साटी सौप्सकु आदुन अदकि नामी परमेश्वर उन सांगुळ न्यायी ठहरूसोर साटी सोत्तुर दा टु जतिता आदुन.

5

परमेश्वर उन से मेल मलिाप

1 ईग जो नाव तान वशिवास इन कारण परमेश्वर उन मुंद न्यायी ठहरूसेव, रा नाम प्रभु यीशु मसीह अन कारण परमेश्वर नामी शांती कोटान. 2 अदकि ईग आऊंदा द्वारा वशिवास इन कारण नाव परमेश्वर उन अनुग्रह दा जीवन व्यतीत माळतेव. अदकि नाव आ आशा मा घमण्ड माळतेव यदुर द्वारा नामी परमेश्वर उन महिमा अन सांगुळ भागीदारी सकियाद. 3 सरिफ ईटा ईला, यतकी नाव तान आपदगोळ मा घमण्ड माळतेव यतकी नामी मालूम आद नाम आपद धीरज इक उत्पन्न माळतद. 4 अदकि धीरज देल वळ्ळीद चरतिर बनसतद, अदकि वळ्ळीद चरतिर देल आशा उत्पन्न आगतद; 5 अदकि ईद आशा नामी नरिश माळाल, यतकी परमेश्वर आऊन प्यार नाम मनगोळ दा हाक्यान, मतलब पवतिर आत्मा जो नाम साटी परमेश्वर उन उपहार हुन.

6 यतकी याग नाव आशाहीन ईरेव, रा ठीक समय मा नाव भक्तहीनगोळ साटी मसीह तान बलदान माळदुन. 7 यावारा न्यायी जन इन साटी यावारा सायुल, ईद रा दुर्लब आद; लेकीन आग सकतद यावारा वळ्ळेव मंळसा अन साटी यावारा सायोद भी हमिमत माळुल. 8 लेकीन परमेश्वर नाम मा तान प्यार इन भलाई ई रीति देल प्रगट माळतान क्कियाग नाव पापी अच ईरेव आग भी मसीह नाम साटी सोत्तुन. 9 इदुरसाटी याग क्क नाव ईग आऊन रक्ता अन कारण न्यायी ठहरूसदेव, रा आऊन द्वारा परमेश्वर उन सट्टि देल येती ऊळसकु आगतीदील? 10 यतकी याग नाव परमेश्वर उन दुश्मन ईरेव लेकीन परमेश्वर तान पार उन मृत्यु उन द्वारा नाम सांगुळ मेल मलिाप माळदुन, रा ईग नाव परमेश्वर उन संगी आयेव रा आ मसीह अन जीवन इन द्वारा नाम हापाळ यक्कुल उद्धार आदति. 11 सरिफ ईदा ईला, लेकीन नाव तान प्रभु यीशु मसीह से, यार्द द्वारा नाम परमेश्वर उन सांगुळ मेल मलिाप आत, परमेश्वर दा खुश आगतार.

आदम अदकि मसीह

12 इदुरसाटी ह्यांग ऊंद मंळसा अन द्वारा पाप दुनया दा बत्त, अदकि पाप इन द्वारा मृत्यु बत्त, अदकि ई रीति देल मृत्यु सप्पा मंळसागोळ दा फैलुसेत, यतकी सप्पा मुंदुर पाप माळदुर. 13 व्यवस्था अन कोटकु आगोर से पयले ताका पाप दुनया दा रा ईरोद, लेकीन येल व्यवस्था हैलेच अल पाप आळ्दकु आगाल्द. 14 लेकीन आग

भी आदम टु मूसा ताका पुरा मृत्यु आ लॉकुर मा राज्य माळत याग क् आ लॉकुर आदम घाई आग्या मुरोद पाप माळीदलि तरी भी पापी ठहरूसीदील, जो आ बरावाळा अन चमत्कार हुन, आ अपराध घाई पाप माळीदलि.

15 लेकीन ह्यांग अपराध इन दशा आद, हांगा अनुग्रह अन वरदान इन हैलेच, यतकी याग ऊंद आदम उन अपराध देल हापाळ लॉकुर सोत्तुर, रा परमेश्वर उन अनुग्रह अदकि आऊन जो दान ऊंद मळसा अन, मतलब यीशु मसीह अन अनुग्रह देल हापाळ लॉकुरी कृपा सकित. 16 अदकि परमेश्वर उन भेंट अदकि ऊंद मळसा अन पाप ई येदुदा दा फरक आद. तरी भी पाप इन कारण दोष इन न्याय बत्त, लेकीन हापाळ पुरा पापगोळ्द बाददा अदकि नरिदोष आगोद यदुर्द नाव लायक ईला ईरेव अद भेंट बत्त. 17 यतकी याग ऊंद मळसा अन अपराध इन कारण मृत्यु आ ऊंद मळसा अन द्वारा अच राज्य माळत, रा जो लॉकुरी अनुग्रह अदकि न्यायरूपी वरदान बहुतायत देल सकितद आंदुर ऊंद मळसा अन, मतलब यीशु मसीह अन द्वारा जरूरी अच अनन्त जीवन दा राज्य माळ्यार.

18 इदुरसाटी ह्यांग ऊंद अपराध सप्पा मळसागोळ साटी दण्ड इन आग्या अन कारण आत, हांग अच ऊंद न्यायीपन इन क्याल्सा भी सप्पा लॉकुरी मुक्त माळतद अदकि आंदरी जीवन कोळतद. 19 यतकी ह्यांग ऊंद मळसा अन आग्या ईला मानसदुर देल हापाळ लॉकुर पापी ठहरूसदुर, हांग अच ऊंद मळसा अन आग्या मानसोद कारण सप्पा लॉकुर परमेश्वर उन मुंद न्यायी ठहरूसकु आदार. 20 व्यवस्था अन पयचान इदुरसाटी आत क् अपराध वाळुसेगुल, लेकीन यल पाप वाळुस्त अल परमेश्वर अनुग्रह अदकि यक्कुल वाळुस्त, 21 क् ह्यांग पाप मृत्यु फैलुसतेला राज्य माळत, हांग अच नाम प्रभु यीशु मसीह अन द्वारा अनुग्रह भी अनन्त जीवन इन साटी न्यायीपन इन द्वारा राज्य माळीत.

6

पाप इन साटी मृतक: मसीह दा जीवति

1 रा नाव ईग येन अंदेव? येन नाव लगातार पाप माळतेला ईत्तेव क् परमेश्वर उन अनुग्रह आगुल? 2 नश्चिति अच ईला! नाव याग पाप इन साटी सोतोदेव रा बाक ईदुर मुंद अदुर दा ह्यांग जीवन बतुसेव? 3 येन नीव जान्सालीर क् नाव सप्पा यार मसीह यीशु दा बपतस्मा ताकोडेव, आऊन मृत्यु उन भागीदारी दा बपतस्मा ताकोडेव. 4 इदुरसाटी आ मृत्यु उन बपतस्मा ताकोडुर देल नाव आऊन सांगुळ नळस्कु आदेव, ताकी ह्यांग मसीह आप्प उन महमिा अन द्वारा सोत्तुर दा टु जत्तिता आदुन, हांग अच नाव भी व्हाशोद जीवन इन घाई चाल नळदेव.

5 यतकी अगर नाव आऊन मृत्यु उन समानता दा आऊन सांगुळ जमा आगोदेव, रा नश्चिय आऊन जत्तिता आगोद समानता दा भी जमा आगोदेव. 6 नाव जानसतेव क् नाम हाळोद मनुष्यत्व आऊन सांगुळ कूस मा येरसकु आत ताकी पाप इन मय बेकार आगोगुल, अदकि नाव मुंद पाप इन दासत्व दा ईरतीदील. 7 यतकी जो सोतोदुन, आव पाप इन बंधन देल न्यायी आगोदुन. 8 इदुरसाटी अगर नाव मसीह अन सांगुळ सोतोदेव, रा नाम वश्वास ईद आद क् आऊन सांगुळ जत्तिता भी ईत्तेव. 9 यतकी ईदुर जानसतार क् मसीह सोत्तुर दा टु जत्तिता आगकु मात्त सायतीदील; आऊन मा मात्त मृत्यु उन प्रभुता आगतीदील. 10 अदकि आव सोतोदुन आऊन मा पाप इन बंधन हैलेच अदकि ईग आव परमेश्वर उन सांगुळ आऊन जीवन व्यतीत माळतान. 11 हगि अच नीव भी तान बारा दा ईद समसी क् नीव भी पाप इन साटी सोतोगीर, लेकीन मसीह यीशु उन द्वारा परमेश्वर दा जत्तिता समसी.

12 इदुरसाटी पाप नीम मरनहार शरीर दा राज्य माळबाळुल, क् नीव अदुर लालसागोळ हात्ती ईरी; 13 तान शरीर इन अंगगोळी अर्धम इन स्यावा अन साटी पाप इन हवाला माळबाळी, उलटा सोत्तुर दा टु जत्तिता आगावाळेर घाई परमेश्वर उन हवाला माळबुळी, अदकि तान शरीर इन अंगगोळी न्यायीपन इन स्यावा अन साधन इन रूप दा परमेश्वर उन हवाला माळबुळी. 14 आग नीम मा पाप इन प्रभुता आगतीदील, यतकी नीव व्यवस्था अन हात्ती ईला उलटा परमेश्वर उन अनुग्रह अन हात्ती आईर.

न्यायीपन इन दास

15 रा नाव येन माळेव? येन नाव पाप माळेव यतकी नाव व्यवस्था अन हात्ती हैलेच उलटा परमेश्वर उन अनुग्रह अन हात्ती जीऊसतेव? नश्चिति अच ईला! 16 येन नीव जान्सालीर क् यावारा ऊंद मळसा अन

आग्या मानसोर साटी नीव तान तान इक दासगोळ घाई सोप्स बुळतीर रा यार्द आग्या मानसतीर आऊंदा दास बनसेगतीर: चाहे बाक पाप इन, यदुरद परणाम मृत्यु आद, चाहे बाक आग्या मानसावाळेरद, यार्द अन्त न्यायीपन आद? 17 लेकीन परमेश्वर उन धन्यवाद आगुल की नीव जो पाप इन दास ईरीर ईग मन देल आ सच्चाई इक ग्रहण माळदीर अदकि उपदेश मानसावाळेर आगेदीर, यार्द साचा दा ढलस्कु आगेदीर, 18 अदकि नीव पाप देल बटिकु न्याय इन दास आगेदीर. 19 ना नीम शारीरकि कमजोरी अन कारण मंळसागोळ रीतमा अनतीन. हयांग नीव तान अंगगोळी कुकर्म अदकि अशुधदता अन दास माळकु सौप्सदीर, हांग अच ईग तान अंगगोळी पवतिरता अन साटी न्यायीपन इन दास माळकु सोप्स बुळी.

20 याग नीव पाप इन दास ईरीर, रा न्याय इन दी टु स्वतंत्र ईरीर. 21 इदुरसाटी याता मातगोळ देल ईग नीव लज्जति आगतीर, अऊर से आ समय नीमी येन काय सकितोगोद? यतकी आ मातगोळ अन्त रा मृत्यु आद. 22 लेकीन ईग पाप देल स्वतंत्र आगकु परमेश्वर उन दास बनस्कु नीमी काय सकित यदुर देल पवतिरता हासलि आगतद, अदकि अदुर अन्त अनन्त जीवन आद. 23 यतकी पाप इन मजदूरी रा मृत्यु आद, लेकीन नाम परमेश्वर उन अनुग्रह अन भेंट नाम प्रभु मसीह यीशु दा अनन्त जीवन आद.

7

मदा जीवन इन उदाहरण

1 हे वारटुरा अदकि आकतींगेरा, येन नीव जान्सालीर, ना व्यवस्था अन जानसावाळेर से अनतीन, की यागासताका मंळसा जित्ता ईरतान, आगासताका आऊन मा व्यवस्था अन अधिकार ईरतद? 2 उदाहरण इन साटी ऊंद मदावळत आरत तान मान्नावाळा अन व्यवस्था अन अनुसार आगासताका बंधन दा आर यागासताका आकनि मान्नावाळा जित्ता आन लेकीन अगर आकनि मान्नावाळा सोतोगतान रा आक मदा संबंधी व्यवस्था देल मुक्त आगेगतार. 3 इदुरसाटी अगर गांडड उन जीते जी आक यावारा दुसरा गंळस उन आगेगुल, रा व्यभिचारिणी अंदकु आदार, लेकीन अगर गांडड सोतोगुल, रा आक आ व्यवस्था देल बटिटोदुर, ईल ताका की अगर यावारा दुसरा गंळस उन आगेदुर तरी भी व्यभिचारिणी ठहरूसतीदील. 4 हांग अच हे नान वारटुरा अदकि आकतींगेरा, नीव भी मसीह अन मय इन द्वारा व्यवस्था अन साटी सोतकु बनसेदीर, की आ दुसरा अन आगेगी, जो सोततुर दा टु जित्ता आदुन: ताकी नाव परमेश्वर उन स्यावा दा उपयोगी ठहरुसुल. 5 यतकी याग नाव शारीरकि स्वभाव इन हातती ईरेव, रा पापगोळ अभलाषागोळ जो व्यवस्था अन द्वारा ईरोद, मृत्यु अन काय पैदा माळोर साटी नाम अंगगोळ दा क्याल्सा माळोद. 6 लेकीन यार्द बंधन दा नाव ईरेव आऊन साटी सोतकु, ईग व्यवस्था देल हगि बटिदेव, की शास्त्र लेख इन हाळोद रीतमा ईला, उलटा आत्मा अन व्हाशोद रीतमा स्यावा माळतेव.

व्यवस्था अदकि पाप

7 रा नाव येन अदेव? येन व्यवस्था पाप आद? यागलु ईला! उलटा बनिा व्यवस्था अन ना पाप इक अरालीन: व्यवस्था अगर ईला अनाईत, की लालच माळबाळ रा ना लालच इन बारा दा ईला जानस सकायदनि. 8 लेकीन पाप मौका नोळकु आग्या अन द्वारा नान दा सप्पा प्रकार इन लालच पैदा माळत, यतकी बनिा व्यवस्था अन पाप मुरदा आद. 9 ना रा व्यवस्था अन बनिा पयले जित्ता ईरीन, लेकीन याग आग्या बत्त, रा पाप जित्ता आगेत, अदकि ना सोतोदीन. 10 अदकि अदा आग्या जो जीवन तरोरसाटी ईरोद, नान साटी मृत्यु उन कारण ठहरूसुत. 11 यतकी पाप मवका नोळकु आग्या अन द्वारा नानी बहकुसुत, अदकि अदुरदा द्वारा नानी कोंद भी बुळत.

12* इदुरसाटी व्यवस्था पवतिर आद, अदकि आग्या भी सही अदकि वळ्लीद आद. 13 रा येन अद जो वळ्लीद ईरोद, नान साटी मृत्यु ठहरूसुत? यागलु ईला! लेकीन पाप आ वळ्लीद वस्तु उन द्वारा नान साटी मृत्यु उक पैदा माळावाळा आत की अदुर पाप आगोद प्रगट आगुल, अदकि आग्या अन द्वारा पाप हापाळ अच पापमय ठहरूसुल.

बुळक इन लळाई

* 7:12 ७:१२ हाळोद नयिम दा ईद वचन सकाल्द

14 नाव जानसतेव किव्यवस्था रा आत्मकि आद, लेकीन ना शारीरकि अदकि पाप इन कय देल मारकु आईन. 15 *जो ना माळतीन अदरी अरालीन; यतकी जो ना चाहासतीन अद माळालीन, लेकीन यदुर देल नानी घृणा बरतद अदा माळतीन. 16 अगर जो ना चाहासालीन अदा माळतीन, रा ना मान्स कोमतीन किव्यवस्था भला आद. 17 रा हगि दशा दा अदुर्द माळावाळा ना आल्लच, उलटा पाप हुन जो नान दा कुरतकु आद. 18 यतकी ना जानसतीन कानान दा मतलब नान मय दा यातोदु वळ्लीद वस्तु वास माळाल्द. इच्छा रा नान दा आद, लेकीन वळ्लीद क्याल्सा नान से आग सकालव. 19 यतकी यातोद वळ्लीद क्याल्सा अन ना इच्छा माळतीन, अद रा माळालीन, लेकीन यातोद बुराई अन इच्छा माळालीन, अदा माळतीन. 20 इदुरसाटी अगर ना अदा माळतीन यदुर्द इच्छा माळालीन, रा अदुर्द माळावाळा ना ईतीदील, लेकीन पाप जो नान दा कुरतकु आद.

21 ई प्रकार ना ईद अनुभव ताकोमतीन कियोग भलाई माळोद इच्छा माळतीन, रा बुराई नान से आगतद. 22 यतकी ना अंतर आत्मा देल रा परमेश्वर उन नयिम देल हापाळ खुश ईरतीन. 23 लेकीन नानी तान शरीर दा दुसरा प्रकार इन व्यवस्था कांळसकु बळितद, जो नान दमाक इन नयिम देल लळाई माळतद अदकि नानी पाप इन नयिम इन बंधन दा हाकतद जो नान शरीर दा आद. 24 ना ह्यांग दुखी मंळसा आईन! नानी ई मृत्यु उन मय देल याव बळिस्यान? 25 जो नानी पापगोळ देल छुटकारा कोळतान आ प्रभु यीशु मसीह अन द्वारा आ परमेश्वर उन धन्यवाद माळतीन. ईत्ता प्रकार बुद्धी देल परमेश्वर उन नयिम इन पालन माळतीन.

8

पवतिर आत्मा अन द्वारा जीवन

1 इदुरसाटी ईग जो मसीह यीशु दा जीवन व्यतीत माळतार, आंदुर मा दण्ड इन आग्या हैलेच. 2 यतकी जीवन इन आत्मा अन व्यवस्था मसीह यीशु दा नानी पाप इन अदकि मृत्यु अन व्यवस्था देल स्वतंत्र माळबुटाद. 3 यतकी जो क्याल्सा व्यवस्था शरीर इन कारण दुर्बल आगकु माळ सकदील, अदरी परमेश्वर माळदुन, मतलब तांद अच पार उक पापमय शरीर इन समानता दा अदकि पाप बली आगोर साटी कळुकु, शरीर दा पाप मा दण्ड इन आग्या कोट्टुन. 4 इदुरसाटी किव्यवस्था अन आवश्यकतागोळ नाम दा शरीर इन अनुसार ईला उलटा आत्मा अन अनुसार नळुतार, पुरा माळकु आगुल. 5 यतकी शारीरकि मंळसागोळ शरीर इन मातगोळ मा मन हचतार; लेकीन जो आत्मा अन मातगोळ मा मन हचतार. 6 शरीर मा मन हचोद रा मृत्यु हुन, लेकीन आत्मा मा मन हचोद जीवन अदकि शांती हुन; 7 यतकी शरीर मा मन हचोद रा परमेश्वर उन से दुश्मनी ईटोद हुन, यतकी ना रा परमेश्वर उन व्यवस्था अन हात्ती आद अदकि ना आग सकतद; 8 अदकि जो शरीर इन हात्ती आर, आंदुर परमेश्वर उक खुश माळ सकालुर.

9 लेकीन याग किय परमेश्वर उन आत्मा नीम दा वास माळतद, रा नीव शारीरकि दशा दा ईला लेकीन आत्मकि दशा दा आईर. अगर यारदारा दा मसीह अन आत्मा हैलेच रा आंदुर आऊन लॉकुर आल्लच. 10 अगर मसीह नीम दा आन, रा शरीर पाप इन कारण सोतकु आद; लेकीन आत्मा न्यायीपन इन कारण जत्तिता आद. 11 *अगर आऊंदा आत्मा याव यीशु उक सोत्तुर दा टु जत्तिता माळदुन, नीम दा वास माळेत्याद; रा याव मसीह अक सोत्तुर दा टु जत्तिता माळदुन आव नीम सोतकु शरीरगोळी भी तान आत्मा अन द्वारा जो नीम दा वास माळेत्याद, जत्तिता माळ्यान.

12 इदुरसाटी हे वारटुरा अदकि आकतींगेरा, नाम मा भौतिक शरीर इन कर्जा रा आद लेकीन ईदुर्द ईद मतलब हैलेच किय नाव ईदुर अनुसार जीत्ता ईत्तेव, 13 यतकी नीव मय इन अनुसार दनि कळदीर रा सोत्तीर, अगर आत्मा देल मय इन क्याल्सागोळी कोदीर रा जत्तिता ईत्तीर. 14 इदुरसाटी किय यास लॉकुर परमेश्वर उन आत्मा अन अनुसार नळुतार, आंदुर अच परमेश्वर उन चकिोर उर. 15 **यतकी नीमी दासगोळ्द आत्मा सकदील किय मात्त अंजबाळुल, लेकीन परमेश्वर उन सन्तान इन आत्मा सकियाद, यदुर देल नाव हे अबबा, हे आपपा अनकु कारूतेव. 16 परमेश्वर उन आत्मा खुद अच नाम आत्मा अन सांगुळ गवाही कोळतद, किय नाव परमेश्वर उन सन्तान हुयेव; 17 अदकि अगर सन्तान आर रा वारीस भी आर, उलटा परमेश्वर उन वारीस अदकि मसीह अन सांगुळ वारीस आयेव, कियोग नाव आऊन सांगुळ दुख नेगदेव रा आऊन सांगुळ महमिा भी सकिल.

भवषिय दा प्रगट आगावाळा महमिा

* 7:15 ७:१५ गलातगोळ ५:१७ * 8:11 ८:११ १ कुरन्थि ३:१६ * 8:15 ८:१५ गलातगोळ ४:५-७ * 8:15 ८:१५ मरकुस १४:३६; गलातगोळ ४:६

18 यतकी ना समझूसतीन कीई समय इन दुख अदकि क्लेश आ महमि अन मुंद, जो नाम मा प्रगट आगावाळा आद, येनु अच हैलेच. 19 यतकी दुनिया हापाळ आशा तुमद नजर देल परमेश्वर उन पारगोळ प्रगट आगोद हादी कायेत्याद. 20 यतकी दुनिया तान इच्छा देल ईला लेकीन हात्ती माळावाळा अन दी टु, व्यर्थया अन हात्ती ई आशा देल माळकु आग्याद 21 की दुनिया भी खुद अच वनिश इन दासत्व देल छुटकारा ताकोमकु, परमेश्वर उन चकिरुद महमि अन स्वतंत्रता प्राप्त माळीत. 22 यतकी नाव जानसतेव की सप्पा दुनिया ईगासताका मलिसकु कननासतेला अदकि दुखगोळ दा बदिकु तळपुसतद; ह्यांग की चिगिद पैदा आगा समय मा तळपुसतान. 23 *अदकि सरिफ आवा ईला लेकीन नाव भी यार हाती आत्मा अन पयला काय आद, खुद अच तांदुर दा कननासतेव; अदकि लेपालक आगोद, मतलब तान मय इन छुटकारा अन हादी कायतेव. 24 ई आशा अन द्वारा नाम उद्धार आग्याद; लेकीन याता वस्तु अन आशा माळकु आगतद, याग अद नोळदुर दा बंदीत रा बाक आशा येल ईतत? यतकी याता वस्तु अक यावारा नोळत्यान अदुर आशा येन माळ्या? 25 लेकीन याता वस्तु अक नाव नोळ सकालेव, अगर अदुर आशा ईटतेव, रा धीरज देल अदुर हादी भी कायतेव.

26 ईदा रीति देल आत्मा भी नाम कमजोरी दा सहायता माळतद: यतकी नाव जानसालेव की प्रार्थना याता रीति देल माळ पायजे, लेकीन आत्मा खुद अच हगि आहट तुम तुमकु, जो बयान देल व्हार्या आद, नाम साटी वनिती माळतद; 27 अदकि परमेश्वर जानसतान की नाम मनगोळ दा येन आद, की परमेश्वर आत्मा अन मनसा येन आद? यतकी आव पवतिर लॉकुर साटी परमेश्वर उन इच्छा अन अनुसार वनिती माळतान.

28 नाव जानसतेव की जो लॉकुर परमेश्वर से प्यार ईटतार, आंदुर साटी सप्पा मातगोळ मलिसकु वळलीद इका पैदा माळतान; मतलब आंदुरदा साटी जो आऊन इच्छा अन अनुसार कार्सकु आग्यार. 29 यतकी यारी आव पयले टु जानस कोडान आंदरी पयले टु अच ठहरूस्यान की आऊन पार उन स्वरूप दा आगुल, ताकी आव हापाळ वारटुर दा पयला ठहरूसुल. 30 बाक यारी आव पयले टु ठहरूसदुन, आंदरी कार्सदुन भी; अदकि यारी कार्सदुन, आंदरी न्यायी भी ठहरूसदुन अदकि आंदरी महमि भी कोट्टुन.

परमेश्वर उन प्यार

31 इदुरसाटी नाव ई मातगोळ बारा दा येन अंदेव? अगर परमेश्वर नाम दी आन, रा नाम खलिाप याव आग सकतान? 32 याव तान नजि पार उक भी ईटीदील, लेकीन आऊक नाम सप्पा मुंदुर साटी कोट्ट बुटुन, आव आऊन सांगुळ नामी अदकि सप्पा येनारा मुफ्त दा येती कोळतीदील? 33 परमेश्वर उन नविळुसद लॉकुर मा दोष याव हच्यान? परमेश्वर अच आन जो आंदरी न्यायी ठहरूसावाळा आन. 34 बाक याव आन जो दण्ड इन आग्या कोट्टान? यीशु मसीह अच आन जो सोतोदुन लेकीन मुर्दागोळ दा टु जतिता भी आदुन, अदकि परमेश्वर उन ऊमा कय इन दी आन, अदकि नाम साटी समझौता भी माळतान. 35 याव नामी मसीह अन प्यार देल अलग माळ्यान? येन क्लेश, या कठनि समय, या सताव, या अकाल, या गरीबी, या जोखमि, या मृत्यु? 36 ह्यांग शास्त्र दा लखिसकु आद,

नीन साटी नाव हागुल तीम घात माळकु आगतेव;
नाव वध आगावाळा म्यांडागोळ घाई आळुकु आगेव.

37 लेकीन ई सप्पा मातगोळ दा नाव आऊन द्वारा याव नाम से प्यार माळ्यान, पुरा तरीका देल वजिय प्राप्त माळतेव. 38 यतकी ना नश्चय जानसतीन की याऊ नामी आऊन प्यार देल अलग माळ सकालुन ना मृत्यु, ना जीवन, ना स्वरुगदूत, ना दुष्ट शासन, ना वर्तमान, ना भवषिय, ना सामर्थ्य, ना ऊंचाई, 39 ना धरती इन गहराई, अदकि ना धरती इन ऊंचाई अदकि ना संसार इन यातोदु नर्मिति वस्तु नामी परमेश्वर उन प्यार देल जो नाम प्रभु मसीह यीशु दा आद, अलग माळ सकीत.

9

परमेश्वर अदकि आऊन नविळुसदोर लॉकुर

1 ना मसीह दा सही अनतीन, ना ख्वाटा माताळालीन अदकि नान मन भी पवतिर आत्मा दा गवाही कोळतद
2 की नानी बळा दुख आद, अदकि नान मन हमेशा दुखी ईरतद, 3 यतकी ना ईल ताका चाहासीन की तान वारटुर साटी जो मय इन भाव देल नान कुटुम्बी आर, खुद अच परमेश्वर देल श्रापति अदकि मसीह से अलग आगोगतद.

4 आंदुर इस्त्राएली उर, अदकि परमेश्वर उन पार उन अधिकार अदकि महमिा अदकि वादागोळ अदकि व्यवस्था अन उपहार अदकि परमेश्वर उन उपासना अदकि प्रतगियागोळ आंदुरवा हुव. 5 पुर्वज भी आंदुरदा उर, अदकि मसीह भी मय इन भाव देल आंदुर दा टु आदुन. परमेश्वर जो सप्पा मुंदुर म्याकुच राज्य माळतान आव हमेशा हमेशा धन्य ईरूल. आमीन.

6 लेकीन ईद ईला की परमेश्वर उन वचन टलसेत, इदुरसाटी की जो इस्त्राएल इन वंश आर, आंदुर सप्पा इस्त्राएली आल्लच; 7 अदकि ना अब्राहम उन वंश आगोद कारण सप्पा आऊन औलाद ठहरूसदुर, लेकीन शास्त्र दा लखिसकु आद, “इसहाक टु अच नीन वंश कहलुसयान.” 8 मतलब मय इन औलाद परमेश्वर उन औलाद आल्लच, लेकीन प्रतगिया अन औलाद वंश आळुकु आगतद. 9 यतकी प्रतगिया अन वचन ईद हुन: “ना उचति समय इन अनुसार बराईन, अदकि सारा अक पार आदान.” 10 अदकि सरिफ ईदा ईला, लेकीन याग रबिका भी ऊंद देल मतलब नाम आप्प इसहाक देल येढ्ढ पारगोळ आदुर, 11 लेकीन आकनि ऊंद चगिद उक नविळुसोद ईद पुरा तरीका देल परमेश्वर उन खुद इन उपदेश इन परिणाम ईरोद, परमेश्वर आकनि से अंदुन, धोड्डेव स्याणेव उन स्यावा माळयान. 12 ई मातगोळ परमेश्वर आंदुर जनम इन पयले अदकि आंदुर येनारा बुरा भला माळ से पयले अंदुन रा परमेश्वर उन पसंद आऊन कारदुर मा नरिभर आद, ना अदुर मा की आंदुर येन माळदुर. 13 ह्यांग शास्त्र दा लखिसकु आद, “ना याकूब से प्यार माळदीन, लेकीन एसाव उक अप्रयि जान्सदीन.”*

14 इदुरसाटी नाव येन अदेव? येन परमेश्वर उन हाती अन्याय आद? यागलु ईला. 15 यतकी आव मूसा से अनतान, “ना याता मंळसा मा दया माळोद चाहासाईन आऊन मा अच दया माळाईन, अदकि याता मंळसा मा कृपा माळोद चाहासाईन, आऊन मा का कृपा माळाईन.”

16 इदुरसाटी ईद ना रा चाहासावाळा अन, ना मयनत माळावाळा अन लेकीन दया माळावाळा परमेश्वर मा नरिभर आद. 17 यतकी शास्त्र दा फरौन से अंदकु आत, “ना नीनी इदुरदा साटी नदिरूसीन की नीन दा तान सामर्थ्य तोरसाईन, अदकि नान हेसुर इन प्रचार पुरा पृथ्वी मा आगुल*.” 18 इदुरसाटी आव यार मा चाहासतान आऊन मा दया माळतान, अदकि यारी चाहासतान आऊक कठोर माळ बुळतान.

परमेश्वर उन सटिट अदकि आऊन दया

19 इदुरसाटी नीम दा टु यावारा नानी ईद अंदान, “रा बाक परमेश्वर नामी दोषी येती ठहरूसतान? याव परमेश्वर उन इच्छा अन सामना माळ सकतान?” 20 हे मंळसा, नी याव हुय जो परमेश्वर उन वरिध दा माताळत्या? ऊंद घळुसद वस्तु तान घळुसावाळा से केळ सकतद, “नी नानी हगि येती माळ्या?” 21 येन कुंभार उक मुण्ण मा अधिकार हैलेच की ऊंद अच लवांदा दा टु ऊंद बरतन आदर इन साटी अदकि दुसरा अक अनादर इन साटी माळयान? 22 परमेश्वर तान सटिट तोरसली अदकि तान सामर्थ्य प्रगट माळोद इच्छा देल सटिट इन बरतनगोळ्द, जो वनिश इन साटी तयार माळकु आगीदव, बळा धीरज देल सहन माळदुन; 23 अदकि दया अन बरतनगोळ मा, यवरी आव महमिा अन साटी पयले टु तयार माळदुन, तान महमिा अन धन इक प्रगट माळोद इच्छा माळदुन? 24 मतलब नाम मा यारी आव ना सरिफ यहूदीगोळ दा टु, उलटा गैरयहूदीगोळ दा टु भी कारदुन. 25 ह्यांग आव होशे अन कतिाव दा भी अनतान, “जो नान लॉकुर ईला ईरोर, आंदरी ना तान लॉकुर अनाईन; अदकि याता लॉकुर मा प्यार ईला ईरोद, आंदरी प्रयि अनाईन. 26 अदकि हगि आदीत की याता जागा दा आंदुर से ईद अनकु आगीत की नीव नान लॉकुर आल्लच, अदा जागा आंदुर जित्ता परमेश्वर उन औलाद अंदकु आदार.”

27 अदकि यशायाह इस्त्राएल इन बारा दा कारूकु अनतान, “चाहे इस्त्राएल इन औलादगोळ गनिती समुद्र अन धुळा अन बराबर ईरूल, तरी भी आंदुर दा टु थ्वाळासा अच ऊळसकु आदार. 28 यतकी प्रभु तान वचन पृथ्वी मा पुरा माळकु, राटनेरी अदरी सदिध माळयान.”

29 ह्यांग यशायाह पयले भी अंददिन,

“अगर सेनागोळ प्रभु नाम साटी येनारा वंश बळिलुन,

रा नाव सदोम उन घाई आगोगायदेव, अदकि गमोरा अन सदृश ठहरूसायदेव.”

इस्त्राएल इन अवशिवास

30 इदुरसाटी नाव येन अंदेव? ईद कि गैरयहूदीगोळ जो न्यायीपन इन खोज ईला माळतोगोर, न्यायीपन हाशील माळदुर मतलब आ न्यायीपन इक वशिवास देल हाशील माळ्यार; 31 लेकीन इस्त्राएली, जो न्यायीपन इन व्यवस्था अन खोज माळतोगोर आ व्यवस्था ताका पोहचुसीदील. 32 यदुर साटी? इदुरसाटी कि आंदुर वशिवास देल ईला, लेकीन कर्मगोळ देल अदुर खोज माळतोगोर. आंदुर आ ठोकर इन कलल मा ठोकर तदुर, 33 ह्यांग पवत्रिशास्त्र दा लखिसकु आद, “नोळी, ना सयियोन दा ऊंद चट्टान ईटतीन, अदकि जो परमेश्वर उन वचन मा वशिवास माळ्यान आव लज्जति आगतीदील*.”

10

1 हे वार्दुरा अदकि आकतीगेरा, नान मन इन अभलिषा अदकि आंदुर साटी परमेश्वर से नान प्रार्थना आद कि आंदरी उद्धार सकिकुल. 2 यतकी ना ई मात देल गवाही कोळतीन आंदुर परमेश्वर दा मगन ईरतार, लेकीन आंदुर भक्ती खरा ग्यान मा आधारति हैलेच. 3 यतकी आंदुर परमेश्वर उन न्यायीपन देल अनजान आगकु, अदकि तान न्यायीपन स्थापति माळोद कोशशि माळकु, परमेश्वर उन न्यायीपन इन हात्ती आगीदील. 4 मसीह व्यवस्था अन अनत माळदुन कि हर ऊंद जो वशिवास माळतान परमेश्वर उन साटी न्यायी आगुल.

उद्धार सप्पा मुंदुर साटी

5 यतकी मूसा ईद लखिस्यान कि जो मळसा आ न्यायीपन मा जो व्यवस्था देल आद, नळुतान, आव अदुर देला जतिता ईत्तान. 6 लेकीन जो न्यायीपन वशिवास देल आद, अदुर बारा दा शास्त्र ईद अनतद, “नी तान मन दा ईद अनबाळेत कि, मसीह अक ईळसकु तरोरसाटी स्वरुग मा याव येर्यान?” मतलब मसीह अक ल्यालमा तरोरसाटी, 7 या “मसीह अक सोत्तुर दा टु जतिता माळकु म्याकुच तरोरसाटी अधोलोक दा याव ईळदान?” मतलब मसीह अक सोत्तुर बाददा म्याकुच ओयोर साटी. 8 लेकीन अद येन अनतद? ईद कि “वचन नीन हाती आद, नीन बाय दा अदकि नीन मन दा आद,” ईद अदा वशिवास इन वचन हुन, जो नाव प्रचार माळतेव, 9 कि अगर नी तान बाय देल यीशु उक प्रभु जानसकु अंगीकार माळ्या, अदकि तान मन देल वशिवास माळ्या कि परमेश्वर आऊक सोत्तुर दा टु जतिता माळदुन, रा नीन जरूर उद्धार आदति. 10 यतकी वशिवास माळदुर देल नाव परमेश्वर उन सांगुळ सही संबंध दा बरतेव अदकि बाय देल कबुल माळदुर देल नामी मुक्ती सकितद. 11 यतकी पवत्रिशास्त्र ईद अनतद, “जो यावारा आऊन मा वशिवास माळतान आव लज्जति आगतीदील.” 12 यहूदीगोळ अदकि गैरयहूदीगोळ दा येनु फरक हैलेच, इदुरसाटी कि आव परमेश्वर सप्पा मुंदुर प्रभु हुन अदकि आव सप्पा मुंदुरी बहुतायत देल आशषीत माळतान जो आऊक कारतार. 13 यतकी शास्त्र दा लखिसकु आद, “जो यावारा प्रभु उक मदत साटी कारतान, आव ऊळसकु आदान.”

14 लेकीन यार मा आंदुर वशिवास माळीदील, आंदुर आऊक ह्यांग मदत साटी कारदान? अदकि यार संदेश केळीदील आऊन मा ह्यांग वशिवास माळ्यार? अदकि प्रचारक बना ह्यांग केळ्यार? 15 अदकि अगर संदेश केळसावाळेर कळकु आगतीदील, रा ह्यांग प्रचार माळ्यार? ह्यांग शास्त्र दा लखिसकु आद, “आंदुर काल येन सुहावना आव, जो खुशखबरी हुडुकु बरतार*!” 16 लेकीन सप्पा मुंदुर आ खुशखबरी मा कवि हचीदलि: यशायाह अनतान, “हे प्रभु, याव नाम समाचार मा वशिवास माळ्यान*?” 17 इदुरसाटी वशिवास संदेश इन केळदुर देल अदकि संदेश मसीह अन वचन देल आगतद.

18 लेकीन ना अनतीन, येन आंदुर केळीदील? केळोद रा जरूरी आद; यतकी शास्त्र दा लखिसकु आद, “आंदुर स्वर सप्पा पृथ्वी मा,

अदकि आंदुर वचन दुनयिा अन आखरी ताका पोहचुसेग्याव.”

19 ना मात्त अनतीन, येन इस्त्राएली ईला जानसोर? पयले रा मूसा अनतान, “ना आंदुर द्वारा जो लॉकुर ईला, नीम मन दा जलन उपजुसाईन; ना ऊंद मूळ लॉकुर द्वारा नीमी सट्टि तोरसाईन*.”

20 बाक यशायाह हापाळ हमिमत इन सांगुळ अनतान, “जो नानी ईला ढुंढसोर, आंदरी ना सकिकेदीन; अदकि जो नानी केळतोगोर भी ईला, आंदुर मा ना प्रगट आगेदीन*.”

* 9:33 १:३३ यशायाह २८:१६ * 10:15 १०:१५ यशायाह ५२:७ * 10:16 १०:१६ यशायाह ५३:१ * 10:19 १०:१९ व्यवस्थावविरण ३२:२१ * 10:20 १०:२० यशायाह ६५:१

21 लेकीन इस्त्राएल इन बारा दा आव ईद अनतान,
“ना पुरा दनि तान कय ऊंद आग्या ईला मानसावाळेर अदकि झगळा माळावाळेर लॉकुर दी पसरूसकु ईततीन*.”

11

इस्त्राएल मा परमेश्वर उन दया

1 *इदुरसाटी ना अनतीन, येन परमेश्वर तान लॉकुरी त्याग्स बुटुन? यागलु ईला! ना भी रा इस्त्राएली हुईन; अब्राहम उन वंश अदकि बन्यामीन उन गोत्र दा टु आईन. 2 परमेश्वर तान लॉकुरी त्यागसीदील, यारी आव पयले टु अच नविळुसदुन. येन नीव जान्सालीर की शास्त्र एलयियाह अन बारा दा येन अनतद, याग आव इस्त्राएल इन वरिध दा परमेश्वर से वनिती माळतान? 3 “हे प्रभु, आंदुर नीन भवषियवक्तागोळ्द घात माळदुर, अदकि नीन वेदीगोळी केळ्द बुटार; अदकि ना अच आबना ऊळदीन, अदकि आंदुर नानी भी कोन्नोर साटी खोज माळेत्यार.” 4 लेकीन परमेश्वर से आऊक येन उत्तर सकित? “ना तान साटी येळ हजार गंळसुरी ईटकु बटिीन, यार ख्वाटा बाअल भगवान उन उपासना माळीदलि.” 5 ठीक ईदा रीति देल ई समय भी, अनुग्रह देल नविळुसद थ्वाळासा लॉकुर मक्कि आर. 6 अगर ईद अनुग्रह देल आग्याद, रा बाक कर्मगोळ देल ईला; ईदारा अनुग्रह बाक अनुग्रह ईतीदील.

7 इदुरसाटी परणाम येन आत? ईद कि इस्त्राएल यार्द खोज दा ईरोर, अद आंदरी सकदील; लेकीन नविळुसद लॉकुरी सकित, अदकि बाकी लॉकुर कठोर माळकु आदुर. 8 ह्यांग शास्त्र दा लखिसकु आद,

“परमेश्वर आंदुर मन अदकि दलिगोळी चेतना शुन्य माळ बुटान, अदकि हगि कण्णगोळी कोट्टुन जो नोळबाळुल अदकि हगि कवि जो केळबाळुल.”

9 अदकि दाऊद अनतान,

“आंदुर भोजन आंदुर साटी जाल अदकि फासा,
ताकी आंदुर बळिल अदकि आंदरी दण्ड सकिल.

10 आंदुर कण्णगोळ मा अंधार छासेगुल ताकी नोळ ईला सकुल,
अदकि नी हमेशा आंदुर बेन इक बांग्सकु ईट.”

11 इदुरसाटी ना अनतीन येन आंदुर इदुरसाटी ठोकर तदुर कि बदिगुल? यागलु ईला! लेकीन आंदुर बळिोद कारण गैरयहूदीगोळी उद्धार सकित, की आंदरी जलन आगुल. 12 इदुरसाटी अगर आंदुरद बळिोद दुनयिा अन साटी धन अदकि आंदुर घटी गैरयहूदीगोळ साटी सम्पत्ति इन कारण आत, रा आंदुरद भरपुरी देल येन आगतीदील.

गैरयहूदीगोळ्द उद्धार

13 ईग ना नीव गैरयहूदीगोळ से ई मातगोळी अनतीन. यागासताका ना वशिष रूप देल गैरयहूदीगोळ साटी प्रेरति आईन, रा ना तान स्यावा अन प्रती बळाई माळतीन, 14 ताकी यातोदारा रीति देल ना तान कुटुम्बगोळ दा जलन पैदा माळसुसकु आंदुर दा टु थ्वाळासा लॉकुरद उद्धार माळसुसाईन. 15 यतकी अगर परमेश्वर उन द्वारा आंदुर नकार माळकु आगोद इदुर देल परमेश्वर उन सांगुळ मेल मलिाप आगतद रा बाक आंदुर अपनुसदुर देल येन सोत्तुर दा टु जतिता आगोद आगतीदील? 16 याग भेंट इन पयला लोई पवतिर ठहरूसत, रा पुरा काल्सद हीट भी पवतिर आद; अदकि याग मार्र इन जळ पवतिर ठहरूसत, रा खांदीगोळ भी हगि अच आव.

17 लेकीन अगर थ्वाळासा खांदीगोळ मूरुकु आदव, अदकि नी आळी दाकळोद जैतून आगकु अऊरदा हचकु आद, अदकि जैतून इन जळ इन चकिनाई इन भागी आग्या, 18 रा खांदीगोळ मा घमण्ड माळबाळेत; अदकि अगर नी घमण्ड माळया रा जान्स कोम की नी जळ इक ईला लेकीन जळ नीनी संभाल्सतद. 19 बाक नी अंद्या, “खांदीगोळ इदुरसाटी मूरुकु आदव की ना अल हचकु आगाईन.” 20 ठीक आद, अव रा अवशिवास इन कारण मूरुकु आदव, लेकीन नी रा वशिवास देल बनसकु ईरत्या इदुरसाटी अभिमानी आगबाळ, लेकीन अंजक मान्स, 21 यतकी परमेश्वर स्वाभावकि खांदीगोळी बटिीदलि रा नीनी भी बळितीदील. 22 इदुरसाटी परमेश्वर उन कृपा अदकि कठोरता अक नोळ! जो बदिदुर आंदुर मा कठोरता, लेकीन नीन मा कृपा, अगर नी आऊन दा बनसकु ईत्या, रा ठीक आद ईदारा नी भी कळकु आदया. 23 अगर यहूदी भी अवशिवास दा ईतीदील, रा हचकु मार्र से

जोळसकु आदार; यतकी परमेश्वर समर्थ आन अदकि आंदरी मात्त जोळस सकतान. 24 यतकी अगर गैरयहूदी आ जैतून देल, जो स्वभाव देल आळी दाकळोद आद, कळकु आत अदकि स्वभाव इन वरिद्ध वळ्लीद जैतून दा जोळसकु आत, रा ईव जो यहूदी खांदीगोळ आव, तांद अच जैतून दा येती हचकु आगतीदील.

पुरा इस्त्राएल इन उद्धार

25 हे वार्टुरा अदकि आकतींगेरा, ईदारा हगि आगबाळुल कि नीव तान तान इक बुद्धमिान सम्स कोमी; इदुरसाटी ना चाहासालीन कि नीव ई भेद देल अनजान ईरी कि यागासताका गैरयहूदीगोळ पुरा रीति देल प्रवेश माळ कोमालुर, आगासताका इस्त्राएल इन ऊंद भाग हगि अच कठोर ईत्तीत. 26 अदकि ई रीति देल सप्पा इस्त्राएल इक उद्धार सकीकित. हयांग शास्त्र दा लखिसकु आद, “बळिसावाळा सयियोन टु बंदान, अदकि अभक्ती इक याकूब उन वंशगोळ से दुर माळ्यान;” 27 अदकि आंदुर सांगुळ नान ईदा वादा आग आदति, याग ना आंदुर पापगोळी दुर माळ बुळाईन.” 28 यतकी आंदुर खुशखबरी इक अस्वीकार माळदुर अदकि गैरयहूदीगोळ हेसुर इन कारण यहूदी परमेश्वर उन दुश्मन आगेदुर, लेकीन नविळुसकु आगदुर देल आंदुर आंदुरद आप्प दादागोळद कारण परमेश्वर उन प्रयि आर. 29 यतकी परमेश्वर तान वरदानगोळ देल यागलु बदलुसालुन अदकि आशीषगोळ अटल आव. 30 यतकी हयांग नीव गैरयहूदीगोळ पयले परमेश्वर उन आग्या मान्सीदील, लेकीन हांगा ईग यहूदीगोळद आग्या ईला मान्सदुर देल नीम मा दया आत; 31 नीम मा जो दया आत अदुर कारण यहूदी ईग परमेश्वर उन आग्या मान्सालुर, इदुरसाटी कि ईग नीम घाई दया आंदुर मा भी आगुल. 32 यतकी परमेश्वर सप्पा मुंदरी आग्या उल्लंघन माळदुर कारण बंदी माळकु ईटदुन, ताकी आव सप्पा मुंदुर मा दया माळुल.

परमेश्वर उन स्तुति

33 आहा! परमेश्वर उन धन अदकि दमिक अदकि ग्यान येन महान आद! आऊन फैसलागोळी याव स्पष्ट माळ सकतान अदकि आऊन हादीगोळी याव सम्स सकतान!

34 हयांग शास्त्र दा लखिसकु आद, “प्रभु उन मन इक याव जान्स सकतान? अदकि आऊक याव सलाह कोळ सकतान? 35 येन यावारा परमेश्वर उक येनारा कोटान यदरी आव मात्त आऊक वापस कोळुल?”

36 यतकी आऊंदा दी टु, अदकि आऊंदा द्वारा, अदकि आऊंदा साटी सब कुछ माळकु आग्याद. आऊन महमिा हमेशा हमेशा आगतेला ईरूल: आमीन.

12

परमेश्वर उन स्यावा अन जीवन

1 इदुरसाटी हे वार्टुरा अदकि आकतींगेरा, ना नीम से परमेश्वर उन दया याद तोरसकु वनिती माळतीन कितान शरीर इक जित्ता, अदकि पवतिर, अदकि परमेश्वर उक संतोष कोळावाळा बलदिान माळकु येरसी. अगर नीमद खरा उपासना आद. 2 ई दुनयिा अन घाई आगबाळी; लेकीन नीम मन इन व्हाशोद आगदुर देल नीम चाल चलन भी बदलुसतेला ईरूल, यदुर देल नीव परमेश्वर उन भला, अदकि भावती, अदकि सदिध इच्छा अनुभव देल मालूम माळतेला ईत्तीर.

3 यतकी ना आ अनुग्रह अन कारण जो नानी सक्याद, नीम दा टु हर ऊंद मंळसा से अनतीन कि हयांग सम्स पायजे अदुर देल यक्कुल यावारा भी तान तान इक सम्सबाळुल; लेकीन हयांग परमेश्वर हर ऊंद मंळसा अक विश्वास परणाम इन अनुसार वाट्स बुटान, हांग अच सुबुद्धि इन सांगुळ तान इक समसुल. 4 यतकी हयांग नाम शरीर दा हापाळ सा अंग आव, अदकि सप्पा अंगगोळद ऊंदा घाई क्याल्सा हैलेच; 5 हांग अच नाव जो हापाळ अंग ईतकु भी मसीह दा आबुर दाबुर अंग आयेव. 6 याग कि आ अनुग्रह अन अनुसार जो नामी कोटकु आग्याद, नामी संदेश हेळोद वरदान सक्याद, रा यारी भवषियवाणी इन दान सक्याद, आव विश्वास इन परणाम इन अनुसार भवषियवाणी माळुल; 7 अगर स्यावा माळोद दान सकीदाद, रा स्यावा दा हतकु ईरूल; अगर यावारा कल्सावाळा आन, रा कल्सदुर दा हतकु ईरूल; 8 जो प्रोत्साहन कोळवाळा आन, आव प्रोत्साहन कोळुल; दान कोळावाळा उदारता देल कोळुल; अदकि जो अगुवाई माळावाळा आन, आव लगन इन सांगुळ अगुवाई माळुल; अदकि यारी दया तोरसोद दान आद, माळुल, आव खुशी देल दान माळुल.

✠ 11:26 ११:२६ यशायाह ५९:२०-२१ ✠ 11:36 ११:३६ १ कुरन्थिद:६ ✠ 12:4 १२:४ १ कुरन्थि १२:१२ ✠ 12:6 १२:६ १ कुरन्थि १२:४-११

9 नीम प्यार नष्कपट ईरूल; बुराई देल घृणा माळी; अदकि भलाई दा हतकु ईरी. 10 भाईचारा अन भाव देल आबुर दाबुर से प्यार ईटी; परस्पर आदर माळदुर दा आबुर दाबुर से वाळसकु नळी. 11 कोशशि माळदुर दा आलसी ईरबाळुल; आत्मकि उत्सुक दा तुमकु ईरी; प्रभु उन स्यावा माळतेला ईरी. 12 आशा दा खुश ईरी; क्लेश दा स्थरि ईरी; हर समय प्रार्थना दा हतकु ईरी. 13 पवतिर लॉकुरी जो येनारा जरूरी आद, अदुर दा आंदुरद मदत माळी; पाहुनचार माळदुर दा हतकु ईरी.

14 *तान सतुसावाळेरी आशीष कोळी; आशीष अच कोळी श्राप कोळबाळी. 15 आनन्द माळावाळेर सांगुळ आनन्द माळी, अदकि वर्ला वाळेर सांगुळ वर्ली. 16 आपस दा ऊंद घाई मन ईटी; अभिमानी आगबाळी, लेकीन गरीबगोळ सांगुळ संगत ईटी; तान नजर दा तान तान इक बुद्धमिन सम्सबाळी. 17 बुराई इन बदला यारदु से बुराई माळबाळी; जो मातगोळ सप्पा लॉकुर नजर दा भला आव, अवरी माळोद कोशशि माळी. 18 येल ताका आग सकुल, नीव सप्पा मंळसागोळ सांगुळ शांती देल ईरी. 19 हे प्रयिगोळा, बदला ताकोम बाळेतीर, लेकीन परमेश्वर उन सट्टि इक मौका कोळी, यतकी शास्त्र दा लखिसकु आद, “बदला ताकोमोद नान क्याल्सा आद, प्रभु अनतान ना अच बदला ताकोमाईन.” 20 लेकीन “अगर नीन दुश्मन उपासा आन रा आऊक तनिली कोळ, अगर नीरअळक देल आन रा आऊक नीर कुळस; यतकी हगि माळदुर देल आव खुद अच नीन से शर्मदा आदान.” 21 बुराई देल हारूसबाळी, लेकीन भलाई देल बुराई इक जीतुस कोमी.

13

राज्य अन अधिकारीगोळ प्रती कर्तव्य

1 हर ऊंद मंळसा शासकीय अधिकारीगोळ हात्ती ईरूल, यतकी यातोदु अधिकार हगि हैलेच जो परमेश्वर उन दी टु ईला ईतीदाद; अदकि जो अधिकार आद, अद परमेश्वर उन दी टु ठहरूसकु आव. 2 इदुरसाटी जो यावारा अधिकार इन वरिध माळतान, आव परमेश्वर उन वधी इन वरिध माळतान, अदकि वरिध माळावाळेरी दण्ड सकिकीत. 3 यतकी शासक वळलीद क्याल्सा नोर हैलेच, लेकीन बेकार क्याल्सा अन साटी अंजुक इन कारण आर; इदुरसाटी अगर नी शासक से नडिर ईरोद चाहासत्या, रा वळलीद क्याल्सा माळ, अदकि आऊन दी टु नीन बळाई आदति; 4 यतकी आव नीन भलाई इन साटी परमेश्वर उन सेवक आन. लेकीन अगर नी बुराई माळया, रा अंज, यतकी आव तलवार बेकार हुळकु हैलेच; अदकि परमेश्वर उन सेवक हुन की आऊन सट्टि इन अनुसार बेकार क्याल्सा माळावाळा अक दण्ड कोळुल. 5 इदुरसाटी नीव अधिकारीगोळद आग्या मान्सी, सरिफ परमेश्वर उन दण्ड इन कारण ईला, लेकीन नाम मन इन कारण देल. 6 *इदुरसाटी कर भी कोळी यतकी शासन माळावाळेर परमेश्वर उन सेवक उर अदकि हमेशा ईदा क्याल्सा दा हतकु ईरतार. 7 इदुरसाटी हर ऊंद मंळसा अन हकक चुक्ता माळी; यारी कर पायजे, आऊक कर कोळी; यारी महसूल पायजे, आऊक महसूल कोळी; यारी मान पायजे, आऊक मान कोळी; यारद आदर माळ पायजे, आऊन आदर माळी.

आबुर दाबुर प्रती प्यार

8 आपस इन प्यार इक बटिकु अदकि यातोदु मात दा यारदु करजदार आगबाळी; यतकी जो दुसरा से प्यार ईटतान, आवा व्यवस्था अन पालन माळ्यान. 9 यतकी ईद की “व्यभचार माळबाळेतीर, कोन्न बाळेतीर, चोरी माळबाळेतीर, लालच माळबाळेतीर,” अदकि इवरी बटिकु अदकि यातोद भी आग्या ईतीदाद रा सप्पा अन सारांश ई आग्या दा सकितद, “तान मान्ना हात्तीवाळेर से तान घाई प्यार ईट.” 10 प्यार तान संगी इन यागलु बुरा माळालद, इदुरसाटी प्यार माळोद ईद व्यवस्था अन पालन माळोद हुन.

11 समय इक अरूकु हगि अच माळी, इदुरसाटी की ईग नीम साटी जप्प दा टु येळोद समय होट बंदाद; यतकी याता समय नाव वश्वास माळीदेव, आ समय इन वचार देल ईग नाम उद्धार हात्ती आव. 12 ईळलक हापाळ आगेग्याद, अदकि वहातुर आगदुर मा आद; इदुरसाटी नाव अंधकार इन क्याल्सागोळी त्यागसकु ज्योति इन हथयार कट कोडेव. 13 ह्यांग हागुल इक शोभा कोळतद, हांग अच नाव सीधा चाल ईट्टेव, ना की कामवासना अदकि पयिककळपन दा, ना व्यभचार अदकि लुचपन दा, अदकि ना झगळा अदकि डाह दा. 14 लेकीन प्रभु यीशु मसीह अन हथयार हुडु कोमी, अदकि तान मानव स्वभाव इन शरीर इन अभलिषागोळी पुरा माळदुर दा हतकु ईरबाळी.

14

आबुर दाबुरद न्याय माळबाळी

1 *जो वशिवास दा नरिबल आन, आऊक तान संगती दा ताकोमकोमी, लेकीन आऊन व्यक्तगित वचारगोळ मा झगळा माळोर साटी ईला. 2 ऊंद मळसा अक वशिवास आद की सप्पा येनारा तनिोद उचति आद, लेकीन जो वशिवास दा नरिबल आन आव साग पात अच तनितान. 3 तनिवाळा जो तनिलुन आऊक तुच्छ जान्स बाळुल, अदकि जो तनिलुन आव तनिवाळा मा दोष हचबाळुल; यतकी परमेश्वर आऊक ग्रहण माळ्यान. 4 नी याव हुय जो दुसरा अन सेवक मा दोष हचत्या? आऊन स्थरि ईरोद या बदिगोद आऊन स्वामी से अच संबंघ ईटतद; बल्की आव स्थरि अच माळकु आदान, यतकी प्रभु आऊक स्थरि ईट सकतान.

5 यावारा रा ऊंद दनि इक दुसरा दनि से यक्कुल महत्वपुर्ण मान्सतान, अदकि यावारा सप्पा दनिगोळी ऊंदा घाई मान्सतान. हर ऊंद तांद अच मन दा नश्चय माळ कोमुल. 6 जो यातोदारा दनि इक महत्वपुर्ण मान्सतान, रा आव प्रभु उक महत्वपुर्ण मान्सतान. अदकि जो सब कुच्छ तनितान, आव प्रभु उन साटी तनितान, यतकी आव आंदुर भोजन इन द्वारा परमेश्वर उन धन्यवाद माळतान, अदकि जो मास बटिकु साग पात तनितान, आव प्रभु उन साटी तनिलुन अदकि परमेश्वर उन धन्यवाद माळतान. 7 यतकी नाम दा टु यावारा तान साटी जत्तिता आन, अदकि ना यावारा तान साटी सायतान. 8 अगर नाव जत्तिता आयेव, रा प्रभु उन साटी जत्तिता आयेव; अदकि अगर सायतेव, रा प्रभु उन साटी सायतेव; इदुरसाटी नाव जत्तिता ईत्तेव या सोत्तेव, नाव प्रभु नोर अच हुयेव. 9 यतकी मसीह इदुरदा साटी सोत्तुन अदकि जत्तिता भी आग्यान की आव सोत्तुरी अदकि जत्तिता आग्यार येदुदु मुंदुर प्रभु आगुल.

10 *नी तान वार्ट उन मा येती दोष हचत्या? या नी बाक येती तान वार्ट उक तुच्छ जान्सत्या? नाव सप्पा च्या सप्पा मुंदुर परमेश्वर उन न्याय सहिसन इन मुंद नदिरेव. 11 यतकी शास्त्र दा लखिसकु आद, “प्रभु अनतान, नान जीवन इन करिया की हर ऊंद ट्वांगरा नान मुंद टकिसीत, अदकि हर ऊंद ल्यालग्या ईद कबुल माळीत की ना परमेश्वर हुईन.”

12 इदुरसाटी नाम दा टु हर ऊंद मळसा परमेश्वर उक तान तान लेखा जोखा कोट्टान.

तान वार्ट उन कमजोर आगोद कारण वन्सबाळी

13 इदुरसाटी मुंद टु नाव आबुर दाबुर मा दोष हचतदिल, लेकीन नीव ईद टान्स कोमी की यावारा तान वार्ट उन मुंद ठोकर तनिकु पाप दा बळिोद कारण वन्सबाळुल. 14 प्रभु यीशु दा ऊंद आगदुर नाता देल ना नश्चति जान्सतीन यातोदारा वस्तु तांदुर देल अशुध्द हैलेच, लेकीन जो अदरी अशुध्द समसतान आऊन साटी अशुध्द आद. 15 अगर नीन वार्ट या आकतींग नीन भोजन इन कारण दुखी आगतार, रा बाक नी प्यार इन रीतदिल नळाल; यदुर साटी मसीह सोत्तुन, आऊक नी तान भोजन इन द्वारा नाश माळबाळ. 16 यारी नीव भला मान्सतीर आऊक यारीकु बुरा माताळगोळ बाळेतीर. 17 यतकी परमेश्वर उन राज्य तनिोद कुडोद ईला, लेकीन न्यायीपन, शांती अदकि आनन्द जो पवतिर आत्मा कोळतद. 18 जो यावारा ई रीतदिल मसीह अन स्यावा माळतान, आव परमेश्वर उक भाऊस्तान अदकि मळसागोळ दा ग्रहण माळा लायक ठहूरस्तान. 19 इदुरसाटी नाव आ मातगोळ दा हतकु ईत्तेव यऊर देल मेल मलिाप अदकि आबुर दाबुरी आत्मकि उन्नती दा मदत सकितद. 20 भोजन इन साटी जो परमेश्वर माळ्यान अदरी नष्ट माळबाळी. सप्पा येनारा शुध्द रा आद, लेकीन आ खाना देल यारीकारा ठोकर हततद रा अद बेकार आद. 21 भला रा ईद आद की नी ना रा मास तनि अदकि ना रा सारा कुडू, अदकि ना रा हगि येनारा माळेत यदुर देल नीन वशिवासी वार्ट या आकतींग ठोकर तनिल. 22 नीन जो वशिवास ईरूल, अदरी परमेश्वर उन मुंद तांद अच मन दा ईट. धन्य आन आव जो आ मात दा, यदरी आव ठीक समस्तान, तान तान इक दोषी ठहूरसालुन. 23 लेकीन जो लॉकुर संदेह माळकु तनितार आंदरी परमेश्वर दोषी ठहूरसतान, यतकी आंदुर कार्य वशिवास इन आधार मा हैलेच; अदकि जो येनारा वशिवास इन आधार मा हैलेच, अद पाप हुन.

15

दुसरा अक संतुष्ट माळी

1 इदुरसाटी नाव बलवानगोळी पायजे कनिर्बलगोळ्द नर्बलतागोळी सहन माळेव, ना कति तान तान इक संतुष्ट माळेव. 2 नाम दा टु हर ऊंद तान मान्ना अन आंदुरद भलाई इन साटी खुश माळेव ताकी आंदुरद वशिवास दा उन्नती आगुल. 3 यतकी मसीह तान तान इक खुश माळीदील, लेकीन ह्यांग शास्त्र दा लखिसकु आद: “नीन अपमान माळावाळेर्द अपमान नान मा बंदकु बदाद.” 4 यास मातगोळ पयले टु लखिसकु आग्याव, अव नाम्द अच शकिषा अन साटी लखिसकु आग्याव कनि नाव धीरज अदकि शास्त्र अन प्रोत्साहन द्वारा आशा ईटुल. 5 धीरज अदकि शांती अन दाता परमेश्वर नीमी ईद वरदान कोळुल कनि मसीह यीशु अन अनुसार आपस दा ऊंद मन ईरी. 6 ताकी नीव ऊंद मन अदकि ऊंद स्वर दा नाम प्रभु यीशु मसीह अन आप्प परमेश्वर उन स्तुति माळी. 7 इदुरसाटी, ह्यांग मसीह परमेश्वर उन महिमा अन साटी नीमी ग्रहण माळ्यान, हांग अच नीव भी आबुर दाबुर इक ग्रहण माळी. 8 इदुरसाटी ना अनतीन कनि जो वादागोळ आप्प दादागोळी कोटकु आगीदव अवरी मजबूत माळोर साटी मसीह, परमेश्वर उन सच्चाई इन प्रणाम कोळोर साटी, यहूदी लॉकुरद सेवक बन्सदुन; 9 अदकि गैरयहूदीगोळ भी दया अन कारण परमेश्वर उन स्तुति माळुल; ह्यांग शास्त्र दा लखिसकु आद, “इदुरसाटी पुरा राष्ट्र दा नीन धन्यवाद माळाईन, अदकि नीन हेसुर इन भजन हाळाईन.”

10 बाक अंदान,
“हे गैरयहूदीगोळ,
परमेश्वर उन नविळुसद लॉकुर सांगुळ आनन्द माळी.”

11 अदकि बाक,
“हे गैरयहूदीगोळ सप्पा लॉकुर, प्रभु उन स्तुति माळी;
अदकि हे राष्ट्र अन लॉकुरा, आऊक समसी.”

12 अदकि बाक यशायाह अनतान,
“यशै अन ऊंद वंशज प्रगट आदीत,
अदकि आव गैरयहूदीगोळ मा शासन माळ्यान,
अदकि आ लॉकुर आऊन मा आशा ईट्यार.”

13 परमेश्वर जो आशा अन दाता आन नीमी वशिवास माळदुर दा सप्पा प्रकार इन आनन्द अदकि शांती देल परपिर्ण माळुल, कनि पवतिर आत्मा अन सामर्थ्य देल नीम आशा वाळुसतेला होगुल.

साहस देल लखिसोद कारण

14 हे नान वारटुरा अदकि आकतींगेरा, ना खुद नीम बारा दा सही दा जान्सतीन कनि नीव भी खुद अच भलाई देल तुमकु अदकि ईश्वरीय ग्यान देल भरपुर आईर, अदकि आबुर दाबुर इक कल्स सकी. 15 तरी भी ना येल्यारा-येल्यारा याद दलिसोर साटी नीमी जो हापाळ हमिमत माळकु चटिठी लखिसदीन. ईद आ अनुग्रह अन कारण आत जो परमेश्वर नानी कोट्टान, 16 कनि ना गैरयहूदीगोळ साटी मसीह यीशु उन सेवक आगकु परमेश्वर उन खुशखबरी इन स्यावा याजक उन घाई माळाईन, यदुर देल गैरयहूदीगोळ मान्सी चळुसकु आगोद, पवतिर आत्मा देल पवतिर बन्सकु ग्रहण माळकु आगुल. 17 इदुरसाटी आ मातगोळ बारा दा जो परमेश्वर उन से संबंध ईटताव, ना मसीह यीशु दा बळाई माळ सकतीन. 18 यतकी आ मातगोळी बटिकु नानी अदकि यातोदु मात इन बारा दा अनोद हमिमत हैलेच, जो मसीह गैरयहूदीगोळ हातती ता अन साटी वचन, अदकि कर्म, 19 अदकि चमत्कारगोळ, अदकि अदभुत क्याल्सागोळ सामर्थ्य देल, अदकि पवतिर आत्मा अन सामर्थ्य देल नांद अच द्वारा माळकु आदव; ईल ताका कनि ना यरूशलेम टु ताकोमकु नाकु दी इल्लुरकिम ताका मसीह अन खुशखबरी इन पुरा पुरा प्रचार माळदीन. 20 लेकीन नान मन इन उमंग आद कनि येल येल मसीह अन हेसुर ताकोमकु आगीदील, अदा खुशखबरी केळसाईन ताकी हगि आगबाळुल कनि दुसरा अन पायवा मा मान्ना माळाईन. 21 लेकीन ह्यांग शास्त्र दा लखिसकु आद हांग अच आगुल, “यारी आऊन खुशखबरी पोहचुसीदील, आंदुर अच नोळ्यार अदकि यार केळीदील आंदुर अच समस्यार.”

रोम यात्रा अन पौलुस उन योजना

22 इदुरदा साटी ना नीम हाती बरोर से घळी घळी थाम्सकु ईततीन. 23 लेकीन ईंग ई द्याशगोळ दा नान क्याल्सा अन साटी अदकि जागा ईतीदील, अदकि हापाळ साल टु नानी नीम हाती बरोद लालच आद.

24 इदुरसाटी याग ना स्पेन इक होगार्डन रा नीम हाती टु आगतेला होगार्डन, यतकी नानी आशा आद की आ यात्रा दा नीम से मुलाकात आदीत, अदकि याग नीम से सीकाईन रा नीव नानी येनारा दुर मुंद पोहचुस बुळेतीर. 25 *लेकीन ईगल्या रा ना परमेश्वर उन लॉकुर द स्यावा माळोर साटी यरूशलेम इक होगतीन. 26 यतकी मकदिनया अदकि अखाया अन लॉकुरी ईद वळलीद हत्त की यरूशलेम इन पवतिर लॉकुर दा नरिधनगोळ साटी येनारा चंदा माळुल. 27 *आंदरी वळलीद रा हत्त, लेकीन आंदुर आंदुरद कर्जदार भी आर, यतकी अगर गैरयहूदीगोळ आंदुरद आत्मकि मातगोळ दा भागी आदुर, रा आंदरी भी उचति आद की शारीरकि मातगोळ दा आंदुरद स्यावा माळुल. 28 इदुरसाटी ना ईद क्याल्सा पुरा माळकु अदकि आंदरी ईद भेंट कोटकु नीम हाती टु आगतेला स्पेन इक होगार्डन. 29 अदकि ना जान्सतीन की याग ना नीम हाती बराईन, रा मसीह अन पुरा आर्शविदगोळ सांगुळ बराईन.

30 हे वार्दुरा अदकि आकतींगेरा, नाम प्रभु यीशु मसीह अन अदकि पवतिर आत्मा अन प्यार इन याद दलिस्कु ना नीम से वनिती माळतीन, की नान साटी परमेश्वर से प्रार्थना माळदुर दा नान सांगुळ हतकु ईरी 31 की ना यहूदिया अन अवशिवासी लॉकुर से ऊळदकु ईराइन, अदकि नान अद स्यावा जो यरूशलेम इन साटी आद, परमेश्वर उन लॉकुरी पंसद बरूल; 32 अदकि ना परमेश्वर उन इच्छा देल नीम हाती आनन्द इन सांगुळ बंदकु नीम सांगुळ आराम माळाईन. 33 शांती अन परमेश्वर नीम सप्पा मुंदुर सांगुळ ईरूल. आमीन.

16

व्यक्तगित अभिवादन

1 ना नीम से फीबे अन साटी जो नाम आकतींग अदकि कखरिया अन मंडली नोर सेवका आर, वनिती माळतीन 2 की नीम, हयांग की परमेश्वर उन लॉकुरी पायजे, आकी प्रभु दा ग्रहण माळी; अदकि यातोदारा मात दा आकी नाम जरवत आद, आकनि मदत माळी, यतकी आक भी हापाळ मुंदुरद बल्की नान भी मदत माळावळ्त ईतार.

3 *प्रसिका अदकि अक्विला अक जो मसीह यीशु दा नान सहकर्मी आर, नमस्कार. 4 आंदुर नान जीव इन साटी तांद अच जीवन जोखमि दा हाक बुटीदुर; अदकि सरिफ ना अच ईला, बल्की गैरयहूदीगोळद सप्पा मंडलीगोळ भी आंदुरद धन्यवाद माळतद. 5 आ मंडली अक भी नमस्कार जो आंदुर मान्या आद. नान प्रयि इपैन्तिस उक, जो मसीह अन साटी आसया प्रांत इन पयला फल आद, नमस्कार. 6 मरयिम इक, याक नीम साटी हापाळ मयनत माळदुर, नमस्कार. 7 अन्दरुनीकुस अदकि यूनयास उक जो नान घरजनी नोर आर, अदकि नान सांगुळ कैद आगीदुर अदकि प्रेरतिगोळ दा हेसुर वाळेर आर, अदकि नान से पयले मसीह आगीदुर, नमस्कार. 8 अम्पलयातुस उक, जो प्रभु दा नान प्रयि संगी आन, नमस्कार. 9 उरबानुस उक, जो मसीह दा नाम सहकर्मी आन, अदकि नान प्रयि इस्तखुस उक नमस्कार. 10 अपुल्लोस उक जो मसीह दा सही होट्टुन, नमस्कार. अरसितुबुलुस उन घराना इक नमस्कार. 11 नान रशितेदार हेरोदयोन यहूदी संगी इक नमस्कार. नरकसिसुस उन घराना इन जो लॉकुर प्रभु दा आर, आंदरी नमस्कार. 12 त्रूफेना अदकि त्रूफोसा अक जो प्रभु दा मेहनत माळतार, नमस्कार. प्रयि परिससि उक, याव प्रभु दा हापाळ मेहनत माळदुन नमस्कार. 13 *रूफुस उक जो प्रभु दा नविळुसकु आन अदकि आऊन मोय इक, जो नान भी मोय उर, येदुदु मुंदरी नमस्कार. 14 असुंक्रतिस, फलिगोन, हरिमेस, पत्रुबास, हरिमास अदकि आंदुर सांगुळ इन वार्दुर अदकि आकतींगेरी नमस्कार. 15 फलिलुगुस, यूलिया, नेर्युस अदकि आकनि आकतींग, अदकि उलुम्पास अदकि आंदुर सांगुळ इन सप्पा परमेश्वर उन लॉकुरी नमस्कार. 16 आपस दा पवतिर चुम्बन देल नमस्कार माळी. नीमी मसीह अन सप्पा मंडलीगोळ दी टु नमस्कार.

आखरी नरिदेश

17 ईग हे वार्दुरा अदकि आकतींगेरा, ना नीम से वनिती माळतीन, की जो लॉकुर आ शकिषा अन वपिरीत, जो नीमी सकियाद, फूट हाक्कोद अदकि ठोकर तनिसोद कारण बनसतार, आंदरी अर्त कोमी अदकि आंदुर से दुर ईरी. 18 यतकी हगि लॉकुर नाम प्रभु मसीह नोर आल्लच, लेकीन तान व्हाट्टा अन स्यावा माळतार; अदकि चकिना चुपळा मातगोळ देल सीधा साधा मन इन लॉकुरी बयकुस बुळतार. 19 नीम आग्या मानसोद चर्चा सप्पा लॉकुर दा फैलुसेत, इदुरसाटी ना नीम बारा दा आनन्द माळतीन, लेकीन ना ईद चाहासतीन की नीव भलाई इन

साटी बुद्धमिान लेकीन बुराई इन साटी भोला बन्सकु ईरी. ²⁰ शांती इन परमेश्वर शैतान उक नीम कालगोळ देल राटनेरी मेटसुस बुट्टान.

नाम प्रभु यीशु मसीह अन अनुग्रह नीम मा आगतेला ईरूल. ²¹ नान सहकर्मी तीमुथयिस उन, अदकि नान घराना इन लूकयिस, यासोन अदकि सोसपितरुस ई नान यहूदी संगीगोळ्द नीमी नमस्कार. ²² ना चट्टी लखिसावाळा तरितयिस उन, प्रभु दा नीमी नमस्कार. ²³ (२४) गयुस जो नान अदकि मंडली अन पाहुनचार माळावाळा आन, आऊन नीमी नमस्कार. इरास्तुस जो नगर इन भंडारी आन, अदकि वार्ट क्वारतुस उन नीमी नमस्कार. ²⁴

परमेश्वर उन स्तुति

²⁵ आ परमेश्वर उन महमिा आगुल नीम वश्वास ईग जो नीमी नान खुशखबरी मतलब यीशु मसीह अन संदेश इन प्रचार इन अनुसार स्थरि माळ सकतद, परमेश्वर उन ई रहस्य पुर्ण सत्य युगयुग टु होचकु ईरोद, ²⁶ लेकीन ईग प्रगट आगकु सनातन परमेश्वर उन आग्या देल भवषियवक्तागोळ्द कतिबगोळ द्वारा सप्पा जातीगोळी हेळकु आग्याद कि आंदुर वश्वास देल आग्या मानसावाळेर आगोगुल, ²⁷ आवा सर्फ ऊंद बुद्धमिान परमेश्वर उन यीशु मसीह अन द्वारा हमेशा हमेशा महमिा आगतेला ईरूल. आमीन.

कुरन्थियों के नाम पौलुस प्रेरति की पहली पत्री कुरन्थिगोळ्द हेसुर पौलुस प्रेरति उन पयला चिट्ठी परचिय

प्रेरति पौलुस पयला कुरन्थि ईद चिट्ठी यीशु उन जनम इन ५५ साल इन बाददा लखिसदुन. १:१ पौलुस कुरन्थिवासीगोळी येढ्ढ चिट्ठी लखिसयान पौलुस उन ईद इच्छा ईरोद कि आव मकदिनया होगईन अल होगा समय अदकि वापस बरा समय कुरन्थिवासीगोळ से मुलाकात माळाईन मकदिनया अक होगा से पयले पौलुस ईद चिट्ठी लखिसदुन आग आव इफसियों दा ईरतोगोन. १६:५-९

पौलुस उक कुरन्थिगोळ मंडली दा जो फूट, व्यभचार, अनैतकिता घाई अलग अलग समस्यागोळ नळव अऊर्द अहवाल आऊक सकीत ई अहवाल इक प्रतसाद कोळोर साटी पौलुस ईद चिट्ठी लखिसदुन. कुरन्थि नगर व्यभचार घाई अनैतकिता दा प्रसदिध ईरोद. इदुरसाटी ईद स्वाभावकि अच ईरोद कि हिगि समस्यागोळ मंडली दा भी प्रवेश माळ्याव. पयला कुरन्थिगोळ्द ईद चिट्ठी दा प्यार इन बारा दा जो सुप्रसदिध अध्याय आद, अदुरद भी समावेश आद. १३

रूप-रेखा:

१. पौलुस उन दी टु कुरन्थिवासीगोळी नमस्कार १:१-९
२. कुरन्थिगोळ्द मंडली दा आगावाळा दलबन्दी इन बारा दा पौलुस उन उत्तर १:१०-४:२१
३. लैगकि अदकि अनैतकिता अन अळचन अदकि आबुर दाबुर न्यायालयीन झगळा ५-६
४. मदा अन समस्या अदकि मुरतपिजक चढावा, सामुहकि आराधना, आत्मकि दान अदकि पुनरूत्थान ७-१५
५. व्यावहारकि अदकि व्यक्तगित मुद्दागोळ बारा दा पौलुस उन सलाह १६

1 पौलुस उन दी टु जो परमेश्वर उन इच्छा देल यीशु मसीह अनूद प्रेरति आगोर साटी कारूकु आत अदकि वार्द सोस्थनिस दी टु,

2 *परमेश्वर उन आ मंडली अनूद हेसुर जो कुरन्थिस दा आद, मतलब आंदुर हेसुर जो मसीह यीशु दा पवतिर माळकु आग्यार, अदकि पवतिर आगोर साटी कारूकु आग्यार; अदकि आ सप्पा मुंदुर हेसुर भी जो हर जागा दा आंदुर अदकि नाम प्रभु यीशु मसीह अनूद हेसुर देल प्रार्थना माळतार.

3 नाम आप्प परमेश्वर अदकि प्रभु यीशु मसीह अनूद दी टु नीमी अनुग्रह अदकि शांती सकितेला ईरूल.

यीशु मा वशिवास ईटावाळेर मा आशीषगोळ

4 ना नीमूद बारा दा तान परमेश्वर उन धन्यवाद हमेशा माळतीन, इदुरसाटी कि परमेश्वर उन ईद अनुग्रह नीम मा यीशु मसीह दा आत. 5 कि नीव यीशु मसीह दा ऊंद आगदुर कारण नीव हर मात दा, मतलब सप्पा वचन अदकि सप्पा ग्यान दा धनी माळकु आदीर. 6 यीशु मसीह अनूद बारा दा बातणी नीम दा पक्का होळुल. 7 इदुरसाटी कि यातोदारा वरदान दा नीमी कमी ना आगुल, हयांग नीव नाम प्रभु यीशु मसीह अनूद बरोद हादी नोळतेला ईरतीर. 8 आव नीमी आखरी ताका पक्का भी माळ्यान कि नीव नाम्द प्रभु यीशु मसीह अनूद वापस बरोद दनि दा नरिदोष ठहूसी. 9 परमेश्वर वशिवास इन लायक आन, याव नीमी तान पार नाम्द प्रभु यीशु मसीह इन संगत दा कारसयान.

वशिवासीगोळ्द मंडली दा दरार

10 हे वार्दुरा, ना नीम से नाम प्रभु यीशु मसीह अनूद हेसुर देल वनिती माळतीन कि नीव सप्पा मुंदुर ऊंद अच मात अनी, अदकि नीम दा फूट बळिबाळुल, लेकीन ऊंद अच मन अदकि ऊंद अच मत आगकु मलिसकु ईरी. 11 हे नान वार्दुरा अदकि आकतीगेरा, खलोए अनूद घराना अनूद लॉकुर नानी नीमूद बारा दा हेळदुर कि नीम दा झगळा आगेत्याव. 12 *नांद अनोद मतलब ईद आद कि नीम दा टु यावारा रा तान तान इक "पौलुस उन," यावारा "अपुल्लोस उन," यावारा "कैफा अन," रा यावारा "मसीह अनूद" अनुयायी अनतार. 13 येन मसीह अनूद

वाटा हसिसा आगेत? येन पौलुस नीम साटी क्रूस मा येरसुकु आदुन? या नीमी पौलुस उन हेसुर मा बपतसिमा सकित?

14 *ना परमेश्वर उन धन्यवाद माळतीन कि क्रसिपुस अदकि गयुस उक बटिकु ना नीम दा टु याऊकु भी बपतसिमा कोटीदील, 15 इदुरसाटी हगि आगबाळुल कि यावारा अनुल कि नीमी नान हेसुर मा बपतसिमा सकित. 16 *अदकि हा, ना सूतफिनास इन घराना अक भी बपतसिमा कोट्टीन; इंदरी बटिकु ना जान्सालीन कि ना अदकि यारीक बपतसिमा कोट्टीन. 17 यतकी मसीह नानी बपतसिमा कोळली ईला, लेकीन खुशखबरी केळसली कळुदुन, अदकि ईद भी मंळसा अन्द ग्यान इन आवाजगोळ्द अनुसार ईला, हगि आगबाळुल कि यीशु मसीह अन्द क्रूस बेकार ठहूरसुल.

मसीह परमेश्वर उन ग्यान अदकि सामर्थ्य हुन

18 यतकी क्रूस इन कातता नाश आगावाळेर साटी मूर्खता आद, लेकीन नाव उद्धार ताकोमावाळेर साटी परमेश्वर उन सामर्थ्य आद. 19 यतकी शास्त्र दा लखिसकु आद,

“ना ग्यानवंतगोळ ग्यान इक नाश माळाईन,

अदकि समझदार गोळ्द समझ इक सब से बेकार माळ बुळाईन.”

20 येल आन ग्यानवान? येल आन नयिम इन गुरु? येल आन ई दुनया अन ववाद माळावाळा? येन परमेश्वर ई दुनया अन ग्यान इक मूर्खता ठहूरसीदील?

21 यतकी याग परमेश्वर उन ग्यान इन अनुसार ईद दुनया तान ग्यान देल परमेश्वर उक जान्स सकदील, रा परमेश्वर उक ईद वळलीद हत कि ई प्रचार इन “मूर्खता” अन्द द्वारा वशिवास माळावाळेर इक उद्धार कोळुल. 22 यहूदी रा चमत्कार इन चमत्कार चाहासतार, अदकि ग्रीक ग्यान इन खोज दा आर, 23 लेकीन नाव रा आ क्रूस मा येरसुकु आग्यान आ मसीह अन्द प्रचार माळतेव, जो यहूदीगोळ्द साटी ठोकर इन कारण अदकि गैरयहूदीगोळ साटी मूर्खता आद; 24 लेकीन जो कारूकु आग्यार, येन यहूदी येन गैरयहूदी, आंदुर हात्ती मसीह परमेश्वर उन सामर्थ्य अदकि परमेश्वर उन ग्यान आद. 25 यतकी परमेश्वर उन मूर्खता मंळसागोळ्द ग्यान देल ग्यानवान आद, अदकि परमेश्वर उन कमजोरी मंळसागोळ्द ताकत देल हापाळ बलवान आद.

26 हे वारटुरा अदकि आकतींगेरा, तान कारूकु आगोद मा रा सोची कि ना मय इन अनुसार हापाळ ग्यानवान, अदकि ना हापाळ सामर्थी, अदकि ना हापाळ वळलीद घराना टु कारूकु आग्यार. 27 लेकीन परमेश्वर दुनया अन मूर्खगोळी नीवळुसदुन कि ग्यानवंतगोळी शर्मदा माळुल, अदकि परमेश्वर दुनया अन कमजोर मंळसागोळी नविळुसदुन कि बलवानगोळी शर्मदा माळुल; 28 अदकि परमेश्वर दुनया अन नीचगोळी अदकि तुच्छगोळी इक भी जो खुद ईला अन्द बराबर समस्तार आंदरी भी नीवळुसदुन, ताकी महत्वपुर्ण मातगोळ आंदरी व्यर्थ ठहूरसुल. 29 परमेश्वर हगि माळदुन ताकी यातोदु प्राणी आऊन मुंद घमण्ड माळवाळुल. 30 लेकीन परमेश्वर नामी यीशु मसीह दा ऊद माळदुन, जो परमेश्वर उन दी टु नाम साटी ग्यान ठहूरस्त. आऊन द्वारा नाव परमेश्वर उन मुंद न्यायी ठहूरसुल, अदकि पवतिर अदकि स्वतंत्र माळकु आदेव; 31 ताकी ह्यांग शास्त्र दा लखिसकु आद, हांग अच आगुल, “जो घमण्ड माळ्यान आव प्रभु दा घमण्ड माळुल.”

2

क्रूस मा येरसुकु आग्यान मसीह अन्द बारा दा बातणी

1 हे वारटुरा अदकि आकतींगेरा, याग ना परमेश्वर उन रहस्यमय सच्चई अदकि भेद केळसतेला नीमद हात्ती बंदीन, रा आवाजगोळ या ग्यान इन उत्तमता अन्द सांगुळ बंददील. 2 यतकी ना ईद ठान्स कौडीदिन कि नीमद न्याड्या यीशु मसीह बल्की क्रूस मा येरसुकु आदुन मसीह अदकि आऊन मृत्यु इक बटिकु यातोदु अदकि मात इक जानसतीदील. 3 *ना कमजोरी अदकि अंजुक इन सांगुळ, अदकि हापाळ नळगत-नळगत नीम हात्ती बंदीन; 4 अदकि नान वचन, अदकि नान प्रचार दा ग्यान इक लूभावना मातगोळ ईला, बल्की आत्मा अदकि सामर्थ्य इन प्रमाण ईरोद, 5 इदुरसाटी कि नीमद वशिवास मंळसागोळ्द ग्यान मा ईला, लेकीन परमेश्वर उन सामर्थ्य मा नरिभर ईरूल.

परमेश्वर उन ग्यान

6 तरी भी जानकार लॉकुर दा नाव ग्यान केळसतेव; लेकीन ई दुनया अन अदकि ई दुनया अन नाश आगावाळेर शासकगोळ्द ग्यान ईला; 7 लेकीन नाव परमेश्वर उन अद होचकु ग्यान, भेद इन रहस्य अनन्द वर्णन माळतेव मतलब आ होचकु ग्यान इक यारी परमेश्वर दुनया माळोद पयले टु ना नाम्द महामि अन्द साटी ठहूरस्यान, 8 यारी ई दुनया अन शासकगोळ दा टु यारू जानसीदलि, यतकी अगर आंदुर जानसायदुर रा महामि माळावाळा प्रभु उक कूरस मा ईला येरसायदुर. 9 लेकीन ह्यांग लखिसकु आद, “जो मात कण्णगोळ नोळीदील अदकि कविगोळ केळीदील, अदकि जो मातगोळ मंळसा अन्द मगज दा तुमीदलि, आंदुर अच उर जो परमेश्वर तान प्यार ईटावाळेर साटी तयार माळ्यान.”

10 लेकीन परमेश्वर आंदरी तान आत्मा अन्द द्वारा नाम मा प्रगट माळदुन, यतकी आत्मा सप्पा मातगोळ, उलटा परमेश्वर उन रहस्यमय मातगोळ भी जाँच तान. 11 मंळसागोळ दा टु याव यावारा मंळसा अन्द मातगोळी जानसतान, सरिफ मंळसा अन आत्मा जो आऊंदा आद? हांग अच परमेश्वर उन मातगोळ भी याऊ जान सकालुन, सरिफ परमेश्वर उन आत्मा अच जान सकतद. 12 लेकीन नामी दुनया अन आत्मा ईला, लेकीन अद आत्मा सकियाद जो परमेश्वर उन दी टु आद कि नाव आ मातगोळी जानसेव जो परमेश्वर नामी कोटान.

13 यारी नाव मंळसागोळ्द ग्यान इन कल्सद मातगोळ दा ईला, लेकीन परमेश्वर उन आत्मा अन्द कल्सद मातगोळ मा, यारी परमेश्वर उन आत्मा आद आंदरी आत्मकि मातगोळ केळसतेव. 14 जो मंळसा परमेश्वर उन आत्मा अन्द मातगोळी ग्रहण माळालुन, यतकी अव आऊन नजर दा मूरखता नव मातगोळ आव, अदकि ना आव आंदरी जानस सकतान यतकी आंदुर जाँच आत्मा अन्द रीति देल आगतद. 15 यारी परमेश्वर उन आत्मा आद आव मंळसा सप्पा येनारा जाँच तान, लेकीन आव खुद यारदु से जाँच कु आगालुन. 16 ह्यांग पवतिरशास्त्र दा लखिसकु आद,

“याव जानस सकतान प्रभु उन मन इक?

याव आऊक सलाह कोळ सकतान?”

लेकीन नाम दा मसीह अन्द मन आद.

3

परमेश्वर उन सेवक

1 हे वारटुरा अदकि आकतीगेरा, ना नीम से ई रीतिदेल मातगोळ माळ सकदील ह्यांग कि आत्मकि लॉकुर से, लेकीन ह्यांग कि दुनया अन लॉकुर से, अदकि आंदुर से जो मसीह दा चकिोर आर. 2 *ना नीमी हाल कुळसदीन, अनाज तनिसदील; यतकी नीव अदरी पचुस ईला सकीर; सही दा नीव ईगास ताका अदरी पचुस सकालीर, 3 यतकी नीव ईगास ताका दुनया अन लॉकुर घाई आईर. यागासताका नीम दा मतभेद अदकि झगळा आद, रा येन नीव ई दुनया नोर आल्लच? अदकि येन मंळसा अन्द रीति मा नळालीर? 4 *यतकी याग पयला अनतान, “ना पौलुस उन हुईन,” अदकि दुसरा अनतान, “ना अपुल्लोस उन हुईन,” रा येन नीव दुनया अन मंळसागोळ्द घाई जीऊस सकालीर?

5 येन हुन अपुल्लोस? अदकि येन हुन पौलुस? सरिफ सेवक, याऊन द्वारा नीव वशिवास माळदीर, ह्यांग हर ऊंद मंळसा अक प्रभु सौप्सदुन हांग आंदुर क्याल्सा माळ पायजे. 6 *ना हचदीन, अपुल्लोस सचिसदुन, लेकीन परमेश्वर वाळुसदुन. 7 इदुरसाटी ना हचावाळा येनारा आन अदकि अदरी सचिवाळा, लेकीन परमेश्वर अच सप्पा येनारा आन जो वाळुसावाळा आन. 8 हचावाळा अदकि सचिवाळा येदु ऊंद सारखा आर; लेकीन हर ऊंद मंळसा अक तान अच मेहनत इन अनुसार आऊक परमेश्वर आऊन क्याल्सा अन्द अनुसार आऊक मजदूरी कोटान. 9 यतकी नाव परमेश्वर उन सहकरमी आयेव; नीव परमेश्वर उन केई

अदकि परमेश्वर उन रचना हुईर. 10 परमेश्वर उन आ अनुग्रह अन्द अनुसार जो नानी कोटकु आग्याद, ना बुद्धमिान राजमसित्री इन घाई पायवा हाकदनि, अदकि दुसरा अदुर मा रद्दा मंळसतान. लेकीन हर ऊंद मंळसा सावधान ईरूल कि आव आऊन मा ह्यांग रद्दा ईटतान. 11 यतकी आ पायवा अक बटिकु जो बदिकु आद, अदकि अद यीशु मसीह हुन, याऊ दुसरा पायवा हाक सकालुन. 12 अगर यावारा मंळसा ई पायवा मा व्हान्ना, बेळ्ली,

* 3:2 ३:२ इब्रानगोळ ५:१२,१३

* 3:4 ३:४ १ कुरनिथ १:१२

* 3:6 ३:६ प्रेरतिगोळ १८:४-११; प्रेरतिगोळ १८:२४-२८

बार्र कल्ल, हुळ्ली या काड्डा देल रद्दा मंळस्यान, 13 रा हर ऊंद मंळसा अन्द क्याल्सा प्रगट आगेदीत; यतकी न्याय इन अद दनि आऊक हेळीत, इदुरसाटी क बिक्की इन सांगुळ प्रगट आदान अदकि अद बेक्की हर ऊंद मंळसा अन्द क्याल्सा परखुसीत कि ह्यांग आद. 14 याऊन क्याल्सा आ नीव मा माळकु स्थरि ईततीत, रा आऊक मजदूरी सकिकीत. 15 अगर यावारा मंळसा अन्द क्याल्सा होतेदति, रा आव घाटा नेगदान; लेकीन आव खुद ऊळदोदान लेकीन व्हत्तेला-व्हत्तेला.

16 *येन नीव जान्सालीर क नीव परमेश्वर उन मंदरि हुईर, अदकि परमेश्वर उन आत्मा नीम दा वास माळतद? 17 अगर यावारा मंळसा परमेश्वर उन मंदरि इक नाश माळ्यान रा परमेश्वर आऊक नाश माळ्यान; यतकी परमेश्वर उन मंदरि पवतिर आद, अदकि अद नीव हुईर.

18 याऊ तान तान इक ध्वाका कोळबाळुल. अगर नीम दा टु यावारा ई दुनया दा तान तान इक ग्यानी समस्तान, रा आव मूर्ख बनसुल कि ग्यानी आगेगुल. 19 यतकी ई दुनया अन ग्यान परमेश्वर उन हात्ती मूर्खता आद, ह्यांग शास्त्र दा लखिसकु आद, “आव ग्यानीगोळी आंदुरद चतुराई दा फसुस कोमतान,” 20 शास्त्र दा हगि लखिसकु आद कि, “प्रभु ग्यानीगोळद वचिरगोळी इक जान्सतान कि अव व्यर्थ आव.” 21 इदुरसाटी मंळसागोळ बारा दा यारू घमण्ड माळबाळी, यतकी सप्पा येनारा नीम दा हुन: 22 येन पौलुस, येन अपुल्लोस, येन कैफा, येन दुनया, येन जीवन, येन सायोद, येन वर्तमान, येन भवषिय, सप्पा येनारा नीमदा हुन: 23 नीव मसीह नव हुईर, अदकि मसीह परमेश्वर उन हुन.

4

मसीह अन्द प्रेरति

1 मंळसा नामी मसीह अन सेवक अदकि परमेश्वर उन मातगोळद मुनीम समसुल. 2 बाक ईल भंडारी दा ईद मात जरूरी आद कि भंडारी देखरेख माळावाळा मुनीम वशिवासलायक ईरूल. 3 लेकीन नांद नजर दा ईद हापाळ स्यांळद मात आद क नीव या मंळसागोळद यावारा न्यायालय नानी न्याय दलिसुल, बल्की ना खुद तान तान इक न्याय दलिसु सकालीन. 4 यतकी नांद मन नान न्याय माळाल्द, लेकीन इदुर देल ना नरिदोष ठहरूसालीन, यतकी नांद जांच माळावाळा प्रभु आन. 5 इदुरसाटी यागासताका प्रभु बरालुन, समय टु पयला यातोदु मात इन न्याय माळबाळी: आवा अंधकार इन होचकु मातगोळ ज्योति दा तोरस्यान, अदकि मनगोळ अभिप्रायगोळी इक प्रगट माळ्यान, आग परमेश्वर उन दी टु हर ऊंद मंळसा अन्द प्रशंसा आदीत.

6 हे वारटुरा अदकि आकतीगेरा, ना ई मातगोळ दा नीम साटी तान अदकि अपुल्लोस उन मातगोळ उदाहरण इन रीति मा माळीन, इदुरसाटी क नीव नाम द्वारा ईद कली कि जो शास्त्र दा लखिसकु आद अदुर से मुंद आगवाळेतीर, अदकि ऊंद मंळसा अन्द वरिध दा अदकि दुसरा मंळसा अन्द वरिध दा गर्व माळबाळेतीर. 7 नीन दा अदकि दुसरा मंळसा दा याव भेद माळतान? अदकि नीन हात्ती येन आद जो नीनी परमेश्वर देल सकिकीदील? अदकि याग कि नीनी परमेश्वर देल सकियाद, रा हगि घमण्ड येती माळत्या कि मान्सी नानी सकिकीदील?

8 नीव रा संतुष्ट आगीदीर, नीव धनी आगीदीर, नीव नाम बनिा राज्य माळदीर; लेकीन भला आगाईत कि नीव राज्य माळायदीर क नाव भी नीम सांगुळ राज्य माळायदेव. 9 नान समझ दा परमेश्वर नाव प्रेरतिगोळी सब मुंदुरद बाददा आ लॉकुर घाई ठहरूस्यान, यार्द सायोद आग्या आगेग्याद; यतकी नाव दुनया अदकि स्वर्गदूतगोळ अदकि मंळसागोळ साटी ऊंद तमाशा ठहरूसकु आयेव. 10 नाव मसीह अन साटी मूर्ख आयेव, लेकीन नीव मसीह दा बुद्धिमान आईर! नाव कमजोर आयेव, लेकीन नीव बलवान आईर! नीमी आदर सकितद, लेकीन नाम्द अपमान आगतद! 11 नाव ई घळी ताका हस्तकु नीरअळ्क अदकि हरकु कपळा हाकतेव, नाम सांगुळ बुरा तरीका देल व्यवहार माळतार अदकि नाव मारा मारा टेटतेव; 12 *अदकि तान अच कयगोळ देल क्याल्सा माळकु मेहनत माळतेव. लॉकुर नामी बुरा अनतार, नाव आशीष कोळतेव; आंदुर सतुस्तार, नाव सहन माळतेव. 13 आंदुर बदनाम माळतार, नाव वनिती माळतेव. नाव ईद ताका दुनया अन मईल अदकि सप्पा वस्तुगोळद खात कचरा अन घाई ठहरूसकु आयेव.

14 ना नीमी शर्मदा माळोर साटी ईव मातगोळ लखिसालीन, लेकीन नानव प्रयि चकिोर घाई समसकु नीमी चेतावनी कोळतीन. 15 यतकी अगर मसीह दा नीमी कल्सावाळेर हत्त हजार भी ईरायदुर, तरी भी

नीमव गुरुगोळ हापाळ सा हैलेच; इदुरसाटी की मसीह यीशु दा खुशखबरी इन द्वारा ना नीमव आप्प आदीन. 16 *इदुरसाटी ना नीम से वनिती माळतीन की नीव नान अनुकरण माळी. 17 ईदा कारण ना तीमुथयिस उक, जो प्रभु दा नानव प्रयि पार अदकि वशिवासयोग्य सेवक आन, नीम हात्ती कळुदीन. आव नीमी मसीह दा नान आचरण इन याद माळ्यान, ह्यांग की ना हर जागा दा, हर ऊंद मंडली अक उपदेश कोळतीन.

18 येनारा लॉकुर घमण्ड देल हगि बातोग्यार, मान्सी ईग ना नीम हात्ती बरातीदील. 19 लेकीन प्रभु चाहास्यान रा ना नीम हात्ती राटनेरी इच बराईन, अदकि आ बातकुगोळ्द मातगोळ इक ईला, लेकीन आंदुर सामर्थ्य इक जान्स कोमाईन. 20 यतकी परमेश्वर उन राज्य मातगोळ दा ईला लेकीन सामर्थ्य दा आद. 21 नीव येन चाहासतीर? येन ना कोल हुळकु नीम हात्ती बराईन, या प्यार अदकि नम्रता अन सांगुळ?

5

मंडली दा अनैतकिता

1 ईद सही दा केळ सकियाद की नीम बीच दा व्यभचार आगतद, अदकि हगि व्यभचार जो गैरयहूदीगोळ दा भी आगाल्द, मतलब ऊंद मळसा तान आप्प उन हगिस उक ईटतान. 2 पर नीव घमण्ड देल बातोगीर, अदकि नीव इदुर बदला दुख माळालीर, यदुर देल की हगि क्याल्सा माळावाळा नीम बीच दा टु तेगुकु आगायदुन. 3-4 ना रा मय देल दुर ईरीन, लेकीन आत्मा देल नीम सांगुळ आगकु मान्सी उपस्थिती इन दशा दा हगि क्याल्सा माळावाळेर्द बारा दा ईद आग्या कोटबुट्टीन की याग नीव अदकि नांद आत्मा, नामव प्रभु यीशु उन सामर्थ्य इन सांगुळ जमा आगुल, रा हगि मळसा नामव प्रभु यीशु उन हेसुर देल 5 रा हगि मळसा मय इन वनिश इन साटी भूत इक सौप्सकु आगुल, की आऊन आत्मा अक प्रभु यीशु उन दनि दा उद्धार सकिकुल.

6 *नीमद घमण्ड माळोद वळ्ळीद ईलच; येन नीव जान्सालीर की थ्वाळासा खमीर पुरा कालस्कु हीट इक खमीर माळ बुळतद? 7 हाळोद खमीर तेगुकु तान तान इक शुद्ध माळी की वहाशोद कालस्कु हीट आगेगी; मतलब नीव अखमीरी हीट आगेगी ह्यांग नीव सही दा आईर. यतकी नाम्द भी फसह, जो मसीह आन, आऊन बलदान आग्याद. 8 इदुरसाटी बरी, नाव हाब्ब दा खुशी मानसाता, ईदारा हाळोद खमीर टु अदकि ना बुराई अदकि दुष्टता अन खमीर टु, लेकीन सीधाई अदकि सच्चाई इन अखमीरी रोट्टी देल.

9 ना तान चट्टी दा नीमी लखिनीन की व्यभचारीगोळ्द संगती माळबाळेत. 10 ईद ईला की नीव ई दुनयिा अन व्यभचारीगोळ, या लोभ माळावाळेर, या अंधार माळावाळेर, या मूर्त्ति इन पुजा माळावाळेर्द संगती माळबाळी; यतकी ईद दशा दा टु होटबुळोद अच बळ्ळीत. 11 पर नान कहना ईद आद की अगर यावारा वार्ट अंदकु, व्यभचारी, या लोभ माळावाळा, या मूर्त्ति इन पुजा माळावाळा, या बोयावाळा, या सारा कुडावाळा, या अंधार माळावाळा हुन, रा आऊन संगती माळबाळेत; उलटा हगि मळसा अन्द सांगुळ ऊम भी बाळेतरी.

12 यतकी नानी व्हार्यावाळेर्द न्याय माळदुर देल येन क्याल्सा? येन नीमी आंदुर्द न्याय माळोद ईलच जो मंडली दा आर? 13 लेकीन व्हार्यावाळेर्द न्याय परमेश्वर माळतान. इदुरसाटी आ कुकर्मी अक तान बीच दा टु तेगु बुळी.

6

मसीहगोळ दा मुकदमेबाजी

1 याग नीम न्याय्या आपस दा झगळा आगतद रा येन नीम दा टु हगि यावारा आन जो पवतिर लॉकुर हात्ती होगोद बदला अवशिवासीगोळ देल न्याय माळसुसोद दुस्साहस माळतान? 2 येन नीव जान्सालीर की वशिवासी पवतिर लॉकुर दुनयिा अन न्याय माळयार? इदुरसाटी याग नीमी दुनयिा अन न्याय माळोद आद, रा येन नीव स्यांळ्द से स्यांळ्द झगळागोळ्द भी नरिणय माळोद लायक ईलच? 3 येन नीव जान्सालीर की नाव स्वर्गदूतगोळ न्याय माळव? रा येन सांसारिक मातगोळ्द नरिणय माळतीदील? 4 अगर नीमी सांसारिक मातगोळ्द नरिणय माळोद ईतीदाद, रा येन आंदरी अक अच कुरसेतीर यार्द मंडली दा येनु भी संबंघ ईलच? 5 ना नीमी शर्मदा माळोर साटी ईद अनतीन. येन खराखुरा नीम दा ऊंद भी बुद्धमिान सकालुन, जो तान वार्दुर नरिणय माळ सकुल? 6 नीम दा वार्दुर वार्दुर दा मुकदमा आगतद, अदकि अद भी अवशिवासीगोळ मुंद.

7 लेकीन सही दा नीम दा हापाळ दोष रा ईद आद कि आपस दा मुकदमा माळतीर. अन्याय येती सहन माळालीर? तान हाना येती सहन माळालीर? 8 लेकीन नीव रा खुद अच अन्याय माळतीर अदकि हाना पहुचुसतीर, अदकि अद भी वार्दुरी का. 9 येन नीव जान्सालीर कि अन्यायी लॉकुर परमेश्वर उन राज्य अन्द वारीस आगसकालुर? ध्वाका तनिबाळी; ना यौन संबंध, ना मूर्ति इन पुजा माळावाळा, ना परस्त्रीगामी, ना गंळसगामी, 10 ना काळल, ना लोभी, ना सारा कुडावाळा, ना बोयावाळा, अदकि ठगुसावाळे परमेश्वर उन राज्य अन्द वारीस आदार. 11 अदकि नीम दा टु यास हगि अच ईरोर, लेकीन नीव प्रभु यीशु मसीह अन्द हेसुर देल अदकि नाम परमेश्वर उन आत्मा देल तोळुकु आदव अदकि पवतिर आदुर अदकि न्यायी ठहरूसदुर.

मय परमेश्वर उन महिमा अन्द साटी

12 *सपपा वस्तुगोळ नान साटी उचति रा आद, लेकीन सपपा वस्तुगोळ लाभ इन आलच; सपपा वस्तुगोळ नान साटी उचति आद, लेकीन ना यार्दु मात इन हातती आगालीन. 13 आमली काण्णा व्हाट्टा अन्द साटी, अदकि व्हाट्टा आमली काण्णा अन्द साटी आद, लेकीन परमेश्वर इदरी अदकि अदरी येदु उक नाश माळयान. लेकीन शरीर व्यभचार इन साटी ईला, बल्की प्रभु उन साटी हुन, अदकि प्रभु शरीर इन देखभाल माळोर साटी आन. 14 परमेश्वर तान सामर्थ्य देल प्रभु उक जतिता माळदुन, अदकि नामी भी जतिता माळयान.

15 येन नीव जान्सालीर कि नीमद मय मसीह अन्द मय इन अंग हुन? रा येन ना मसीह अन्द मय इन अंग हुळुकु आंदरी वेश्या अन्द अंग माळाईन? यागलु ईला. 16 येन नीव जान्सालीर कि जो यावारा वेश्या से संगती माळतान, आव आकनि सांगुळ ऊंद तन आगेगतान? यतकी शास्त्र दा लखिसकु आद: “आंदुर येदु मुंदुर ऊंद तन आदार.” 17 अदकि जो प्रभु उन संगती दा जोळसकु आग्यार, आव आऊन सांगुळ ऊंद आत्मा बनसेगुल.

18 व्यभचार देल ऊळदकु ईरी. यास अन्य पाप मळसा माळतान अव मय इन व्हाण्या आद, लेकीन व्यभचार माळावाळा तान अच मय इन वरिद्ध पाप माळतान. 19 *येन नीव जान्सालीर कि नीमद मय पवतिर आत्मा अन्द मंदिर आद, जो नीम दा कुर्तकु आद अदकि नीमी परमेश्वर उन दी टु सकियाद; अदकि नीव तानव आलच? 20 यतकी परमेश्वर नीमी दाम कोटकु कौडुन, इदुरसाटी तान मय इन द्वारा परमेश्वर उन महिमा माळी.

7

मदा से संबंधति प्रश्न

1 आ मातगोळ बारा दा जो नीव लखिसीर,

ईद वळलीद आद कि गंळस आर्त इक मुठबाळुल. 2 लेकीन व्यभचार इन अंजक देल हर ऊंद गंळस उन हगिस, अदकि हर ऊंद आर्त इन गांडु ईरूल. 3 गांडु तान हगिस उन हक्क पुरा माळुल; अदकि हांग अच हगिस भी तान गांडु उन हक्क पुरा माळुल. 4 हगिस उक तान मय मा अधिकार हैलेच लेकीन आकनि गांडु उन अधिकार आद; हांग अच गांडु उक भी तान मय मा अधिकार हैलेच, लेकीन हगिस उन आद. 5 नीव आबुर दाबुरी ई अधिकार देल वंचति माळबाळी, लेकीन सरिफ आपसी सहमती देल थ्वाळासा समय ताका अलग ईरी कि प्रार्थना अन्द साटी मवका सकिकुल, अदकि बाक ऊंद सांगुळ आगेगी, ईदारा हगि आगबाळुल कि नीमद असंयम इन कारण भूत नीमद परीक्षा ताकोमुल.

6 लेकीन ना इजाजत इन रूप दा ईद अनतीन, आदेश इन रूप दा ईला. 7 ना ईद चाहासतीन कि ह्यांग ना आईन, हांग अच सपपा मळसा ईरूल; लेकीन हर ऊंद मळसा अक परमेश्वर उन दी टु वशिष वशिष वरदान सकियाव; यारीकारा यातोदारा प्रकार इन, अदकि यारीकारा यातोदारा अलग प्रकार इन.

8 ईग ना कुवारा अदकि रांड्यागीतेर बारा दा अनतीन कि आंदुर साटी हगि अच ईरोद वळलीद आद, ह्यांग ना आईन. 9 लेकीन अगर आंदुर संयम ईट सकालुर, रा मदा माळुल; यतकी मन दा गलत बचार माळदुर देल मदा माळोद भला आद.

10 *यार्दु मदा आगेग्याद, आंदरी ना ईला, बल्की प्रभु आग्या कोळतान कि हगिस तान गांडुन से अलग आगबाळुल. 11 अदकि अगर अलग भी आदार, रा दुसरा मदा माळबाळुल हांगा ईरूल; या तान गांडु उन से बाक मेल माळ कोमुल, अदकि ना गांडु तान हगिस उक बळिबाळुल.

12 दुसरा से प्रभु ईला लेकीन ना अच अनतीन, अगर यावारा वार्ड उन हगिस वशिवास ईला ईटतीदार अदकि आऊन सांगुळ ईत्तुर देल खुश ईतीदार, रा आव आक इक बळिबाळुल. 13 या आरत इन गांडड अवशिवासी ईतीदान, अदकि आकनि सांगुळ ईत्तुर देल खुश ईरूल; रा आक तान गांडड उक बळिबाळुल. 14 यतकी हगि गांडड जो अवशिवासी ईतीदान, आव हगिस उन कारण पवतिर ठहूरस्तान; अदकि हगि हगिस जो वशिवास ईला ईटतीदार, गांडड उन कारण पवतिर ठहूरस्तार; ईदारा नीमव चकिोर-चळिगेर अशुध्द ईरायदुर, लेकीन ईग रा पवतिर आर. 15 लेकीन जो गळस अवशिवास ईतीदान, अगर आव अलग आदान रा अलग आगगोळी, हगि दशा दा याऊ वार्ड या आकतींग बंधन दा ईला. परमेश्वर नामी मेल मलिाप माळोर साटी कारस्यान. 16 यतकी हे आरत, नी येन जान्सत्या कनिनी तान गांडड उन उद्धार माळसुस कौड्या? अदकि हे गळसा, नी येन जान्सत्या कनिनी तान हगिस उन उद्धार माळसुस कौड्या?

परमेश्वर हयांग कारतान अदुर अनुसार नळी

17 हयांग प्रभु हर ऊंद मळसा अक जीवन कोट्टुन, अदकि हयांग परमेश्वर हर ऊंद मळसा अक कारदुन, हांग अच आव नळुल. ना सप्पा मंडलीगोळ दा हगि अच कलसतीन. 18 येन यावारा खतना अनद दशा दा कारूकु आग्यान, अदकि परमेश्वर हयांग यारी कारस्यान, आव खतनारहति बन्सबाळुल. जो खतनारहति दशा दा कारूकु आग्यान? आव खतना माळबाळुल? 19 ना खतना येनु आद अदकि ना खतनारहति, लेकीन परमेश्वर उन आग्यागोळ अनुसार नळोद सप्पा येनारा आद. 20 हर ऊंद मळसा या दशा दा परमेश्वर कारदान, आव अदा दशा दा ईरूल. 21 अगर नी दास उन दशा दा कारूकु आगीद्या रा चन्तिता माळबाळ; लेकीन अगर नी आज्ञाद आगोद चाहासत्या, रा हगि अच कयाल्सा माळ. 22 यतकी जो दास उन दशा दा प्रभु दा कारूकु आग्यान, आव प्रभु उन स्वतंत्र माळकु जन हुन. हांग अच जो स्वतंत्रता अनद दशा दा कारूकु आग्यान, आव मसीह अनद दास हुन. 23 नीमी परमेश्वर दाम कोटकु कौडुन; मळसागोळद दास बन्सबाळी. 24 हे वार्डुरा अदकि आकतीगेरा, जो यावारा या दशा दा कारूकु आग्यान, आव परमेश्वर उन मुंद ईरूल.

बनि मदावळत अदकि रांड्यागीतेर

25 कुवारा पोरगोळ बारा दा प्रभु उन यातोदु आग्या नानी सक्कीदील, लेकीन वशिवासयोग्य आगोर साटी हयांग दया प्रभु नान मा माळदुन, ना अदुरदा अनुसार सममती कोळतीन.

26 नांद समझ दा ईद वळ्लीद आद किईद नाळ क्लेश इन कारण, मळसा हयांग आन हांग अच ईरूल. 27 अगर नीन हगिस आर, रा आकनि से अलग आगोद प्रयास माळबाळ; अदकि अगर नीन हगिस ईलच, रा हगिस उन खोज माळबाळ. 28 लेकीन अगर नी मदा भी माळ्या रा पाप माळाल. अदकि अगर कुवारा पोर मदा माळुल, रा आक पाप माळालुर. तरी भी मदा माळतार आंदरी ई जीवन दा शारीरिक दुख आदीत, अदकि ना नीमी ऊळसोद चाहासतीन.

29 हे वार्डुरा अदकि आकतीगेरा, ना ईद अनतीन कि समय कम माळकु आग्याद, इदुरसाटी ईग टु यार हगिस आर आंदुर हगि ईरी मान्सी कि आंदुरद हगिस ईलच; 30 अदकि वर्ला वाळेर हगि ईरूल मान्सी वरलालुर, अदकि खुशी माळावाळेर हगि ईरूल मान्सी खुशी माळालुर. अदकि जो पैस्या कोटकु कोमावाळेर आर आंदुर हगि ईरूल मान्सी आंदुर हात्ती येनु हईच ईलच. 31 अदकि ई दुनया अन सांगुळ व्यवहार माळावाळेर हगि ईरूल, मान्सी कि आंदुर आ व्यवहार होचकु हैलेच; यतकी ई दुनया अन रीती अदकि व्यवहार खतम आगेगताव.

32 लेकीन ना ईद चाहासतीन कि नीमी चिता आगबाळुल. बनि मदावाळा गळस प्रभु उन मातगोळद चिता दा इरतान कि प्रभु उक हयांग खुश ईटुल. 33 लेकीन मदावाळा मळसा दुनया अन मातगोळद चन्तिता दा इरतान कि तान हगिस उक याता रीती देल खुश ईटुल. 34 मदावळत अदकि बनि मदावळत पोर दा भी भेद आद: बनि मदावळत पोर प्रभु उन चन्तिता दा ईरतार कि आक मय अदकि आत्मा येदुदा दा पवतिर ईरूल, लेकीन मदावळत दुनया अन चन्तिता दा ईरतार कि तान गांडड उक खुश ईटुल.

35 ना ईद मात नीमदा लाभ साटी अनतीन, ना कि नीम मा बंधन हचोर साटी, बल्की इदुरसाटी कि हयांग शोभा कोळतद हांग अच माळ पायजे, कि नीव ऊंद मगज आगकु प्रभु उन स्यावा दा हतकु ईरी.

36 या सगाई माळत ज्वाळा मदा ईला माळोद नरिणय ताकोडाद, लेकीन अगर आ मळसा अक हततद, कि आऊन व्यवहार आ कुवारा पोर इन प्रती वळ्लीद हैलेच, अदकि आऊन भावनागोळ हापाळ मजबूत आव अदकि आऊक हततद, कि आंदरी मदा माळकोम पायजे, रा आंदरी जरूर मदा माळ पायजे हयांग आव चाहासतान, ईदुर

दा येनु पाप हैलेच. 37 लेकीन याव ईद मामला अक तान दमाक दा तय माळदुन, जो यातोदारा भी मजबुरी अन हात्ती हैलेच, लेकीन तान इच्छा मा काबु ईटतान, अदकि याव कुवारा पोर इन से मदा ईला माळोद तान मन माळ कोंडान, आव मंळसा भी वळ्ळीद माळतान. 38 जो मदा माळतान, आव वळ्ळीद माळतान, अदकि जो मदा माळालुन, आव मात्त अदकि भी वळ्ळीद माळतान.

39 यागासताका यातारा आर्त इन गांड्ज जत्तिता इरतान, आगासताका आ आर्त आऊन बंधन दा ईरतार; लेकीन अगर आकनि गांड्ज सोतोदान रा यारी चाहस्यार आऊन से मदा माळ सकतार, लेकीन प्रभु दा वशिवासी ईर पायजे. 40 लेकीन अगर आक बनिा मदा माळदुर देल ईरूल, रा नान वचार दा अदकि भी धन्य आर; अदकि ना समसतीन कि परमेश्वर उन आत्मा नान दा भी आद.

8

मूर्तगिोळी येरसकु आगोद आमली काण्णा

1 ईग मूर्तगिोळ्द मुंद बली माळ्द भोजन वस्तुगोळ्द बारा दा नाव जान्सतेव कि नाव सप्पा मुंदरी ग्यान आद.

ग्यान घमण्ड पैदा माळतद, लेकीन प्यार देल उन्नती आगतद. 2 अगर यावारा समसुल कि ना येनारा जान्सतीन, रा ह्यांग जान्सोद पायजे हांगा ईग ताका जान्सालुन. 3 लेकीन अगर यावारा परमेश्वर से प्यार ईटतान, रा परमेश्वर आऊक अरूतान.

4 इदुरसाटी मूर्तीगोळ्द मुंद बली माळ्द वस्तुगोळ्द तनिोद बारा दा नाव जान्सतेव कि मूर्ति इन दुनयिा दा येनु असत्तित्व ईलच, अदकि आऊक बटिकु याऊ परमेश्वर ईलच. 5 इदुरसाटी आकाश दा अदकि पृथ्वी मा हापाळ सा “द्याव” कहलुसतार. ह्यांग कि हापाळ सा द्याव अदकि हापाळ सा “प्रभु” आर. 6 तौभी नाम साटी रा ऊंद अच परमेश्वर आन: मतलब आप्प याऊन दी टु सप्पा वस्तुगोळ माळकु आग्याव, अदकि नाव आऊन साटी आयेव. अदकि आव ऊंद अच प्रभु आन, मतलब यीशु मसीह याऊन द्वारा सप्पा वस्तुगोळ माळकु आव, अदकि नाव भी आऊन द्वारा माळकु आगेव.

7 लेकीन सप्पा मंळसागोळी ईद ग्यान ईलच, लेकीन येनारा लाँकुर ईग ताका मूर्ति इन संपर्क दा ईत्तुर कारण ईग ताका बली कोळ्द वस्तु अक हगि तनितार मान्सी खराखुरा मूर्ति इन मुंद बली माळकु आग्याद, अदकि आऊन वविक नरिबल आगोद कारण अशुध्द आगेगतान. 8 ऊमोद नामी परमेश्वर उन हात्ती पहुचुसाल्द. अगर नाव तनितीदील रा नाम्द येनु हानि ईलच, अदकि अगर तनिदेव रा येनु लाभ ईलच.

9 लेकीन सावधान! हगि आगबाळुल किनीम्द ईद आजादी ईदारा नरिबलगोळ साटी ठोकर इन कारण आगेगुल. 10 अगर यावारा मंळसा नीन घाई ग्यानी इक मूर्ति इन मंदिर दा ऊमतेला नोळ्यान अदकि आव नरिबल जन आगुल रा येन इदुर देल आऊन वविक इक मूर्ति इन मुंद बली माळ्द वस्तु तनिोद हमिमत आगतीदील. 11 ई रीर्ता देल अपमान ग्यान इन कारण आव नरिबल वार्ट यार्द साटी मसीह सोत्तुन, नाश आगेदान. 12 ई प्रकार वार्टगोळ वरिद्ध अपराध माळदुर देल अदकि आदुरद नरिबल मन इक दुख पोहचुसदुर देल, नीव मसीह अन्द वरिद्ध अपराध माळतीर. 13 ई कारण अगर ऊमोद नान वार्ट उक ठोकर तनितीत, रा ना यागलु यातारा रीर्ता देल माँदरा तनितीदील, ना आगुल किना तान वार्ट उन साटी ठोकर इन कारण बनसाईन.

9

प्रेरतिगोळ्द अधिकार अदकि कर्तव्य

1 येन ना आजाद हैलेच? येन ना भी प्रेरति आल्लच? येन ना यीशु उक जो नामव प्रभु हुन, नोळीदील? येन नीव प्रभु दा नांद मेहनत इन प्रतफिल आल्लच. 2 अगर ना दुसरा अन्द साटी प्रेरति आल्लच, तरी भी नीम साटी रा हुईन; यतकी ना परमेश्वर उन क्याल्सा माळदीन, नीम प्रभु दा एकता अच नान प्रेरति आगोद प्रमाण आद.

3 जो नानी जाँच तार, आंदुर साटी ईदा नांद उत्तर आद. 4 येन नामी कमाई माळकु तनिोद कुडोद अधिकार ईलच? 5 येन नामी ईद अधिकार ईलच, कियतारा मसीह आकतींग इन सांगुळ मदा माळकु आक इक हुळकु टेटेव, ह्यांग दुसरा प्रेरति अदकि प्रभु उन वार्ट अदकि कैफा माळतार? 6 या सरिफ नानी अदकि बरनबास उक अच कमाई माळकु तनिोद अधिकार ईलच. 7 हगि याव आन जो तांद अच खर्च मा सेना दा स्यावा माळतान?

याव आन जो अंगुर इन केई हचकु अदुर्द काय तनिलुन? हगि याव आन जो म्यांडागोळ्द रखवाली माळकु अऊर्द हाल कुडालुन?

8 येन ना ईव मातगोळ मंळसागोळ्द अच रीति मा अनतीन? यतकी व्यवस्था अन्द कतिाब दा ईदा मात लखिसकु आद. 9 *येन व्यवस्था ईद अनाल्द? यतकी मूसा अन्द व्यवस्था दा लखिसकु आद, “दावन दा नळुतेला वस्ता अन्द बाय कट बाळेतोर.” येन परमेश्वर वस्तागोळ्द अच चनिता माळतान? 10 या वशिष माळकु नाम साटी अनतान. हा नाम साटी अच लखिसकु आग्याद, यतकी उचति आद कि नांगर नळसावाळा आशा देल केई नळसुल, अदकि दावन कोळावाळा फसल सकिकोद आशा देल दावनी माळुल. 11 *याग नाव नीम्द साटी आत्मकि मातगोळ बोऊसदेव, अदकि अगर नाव आ शारीरकि वस्तुगोळ्द फसल कडुतेव, रा येन अद धोळ्द मात आद. 12 अगर नीम मा दुसरा लॉकुर अधिकार जतुसतार, रा येन नाम्द नीम मा यक्कुल अधिकार हैलेच?

तरी भी नाव ई अधिकार इन इस्तेमाल माळीदलि, लेकीन नाव सब येनारा सहन माळतेव कि नाम्द द्वारा मसीह अन खुशखबरी दा अळचन बरबाळुल. 13 येन नीव जान्सालीर कि जो मंदरि दा स्यावा माळतार, आंदुर मंदरि दा टु तनितार; अदकि जो वेदी इन स्यावा माळतार, आंदुर वेद इन भेंट इन सहभागी आगतार? 14 *ईदा रीति देल प्रभु भी ठहूसदुन कि जो लॉकुर खुशखबरी केळसतार, आंदुर जीवकि खुशखबरी देल आगुल.

15 लेकीन ना इदुर दा टु यातोदारा भी मात इक क्याल्सा दा तंददिल, अदकि ना ईव मातगोळ इदुरसाटी लखिसीदलि किनांद साटी हगि माळुल, यतकी इदुर देल रा नांद सायोद अच भला आद कि यावारा नांद घमण्ड इक बेकार ठहूसुल. 16 अगर ना खुशखबरी केळसाईन, रा नांद साटी येनु घमण्ड इन मात आलच; यतकी ईद रा नांद साटी जरूरी आद. अगर ना खुशखबरी ईला केळसाईन, रा नान मा हाय! 17 यतकी अगर तान इच्छा देल ईद माळतीन रा मजदूरी नानी सकितद, अदकि अगर तान इच्छा देल माळालीन तरी भी परमेश्वर नानी ईद सौप्सदुन अदकि ईदा नांद कर्तव्य हुन. 18 रा नांद मजदूरी येन हुन? ईद कि याग ना खुशखबरी प्रचार माळाईन रा अदरी फुकट दा माळाईन, अदकि खुशखबरी दा जो नान अधिकार आद अदरी पुरा रीति देल उपयोग दा ईला तराईन.

19 यतकी ना मंळसागोळ से आज्ञाद आईन तरी भी ना तान तान इक सप्पा मुंदुरद दास माळ कौडीन कि हापाळ लॉकुरी परमेश्वर उन राज्य दा तर सकुल. 20 ना यहूदीगोळ साटी यहूदी आदीन कि यहूदीगोळी परमेश्वर उन राज्य दा तर सकुल. जो लॉकुर मूसा अन्द व्यवस्था अन्द हात्ती आर आंदुर साटी ना व्यवस्था अन्द हात्ती ईला आगदुर मा भी व्यवस्था अन्द हात्ती आदीन कि आंदरी जो व्यवस्था अन्द हात्ती आर, आंदरी भी परमेश्वर उन राज्य दा तर सकुल. 21 जो व्यवस्थारहति आर आंदुर साटी ना यीशु मसीह जो परमेश्वर उन व्यवस्था देल रहति आईन, व्यवस्थारहति-सा आगेदीन कि जो व्यवस्थारहति आर आंदरी भी परमेश्वर उन राज्य दा तर सकुल. 22 ना नरिबलगोळ साटी नरिबल सा आगेदीन कि नरिबलगोळी जकिसकु तराईन. ना सब मंळसागोळ साटी सब येनारा बन्सदीन कि यातोद ना यातोद रीति देल यावारा ऊंद मंळसा अन्द उद्धार माळसुसाईन.

23 ना ईद सब येनारा खुशखबरी इन साटी माळतीन कि दुसरा अन्द सांगुळ अदुर्द भागी आगेगाईन. 24 येन नीव जान्सालीर कि दवळ दा रा सप्पा अच वोळतार, लेकीन ईनाम ऊंदा मंळसा वोयतान? नीव भी ई प्रकार देल वोळी कि नीव जीत्स सकी. 25 आळोद प्रतियोगिता दा भाग ताकोमावाळा हर ऊंद खलिाळी सप्पा प्रकार इन संयम ईटतान. आव रा नाश आगोद हार इन प्राप्ती इन साटी ईद सप्पा येनारा माळतार, लेकीन नाव रा आ मुकुट साटी माळतेव जो मुरझुसाल. 26 इदुरसाटी ना रा ईदा रीति देल हरूतीन, लेकीन लक्ष्यहीन ईलच; ना भी ईदा रीति देल बुक्की देल आळतीन, लेकीन अदुर घाई ईला जो हवा पीटसतेला आळतान. 27 लेकीन ना तान मय इक बडुतीन कुटतीन अदकि वश दा तरतीन, यागल्यारा हगि ना आगबाळुल कि दुसरा अक प्रचार माळकु ना खुद अच यातोदारा रीति देल नकिम्मा ठहूसुसाईन.

10

इस्त्राएल इन इतहास देल चेतावनी

1 हे वारटुरा अदकि आकतींगेरा, ना चाहसालीन कनि नीव ई मात देल अनजान ईरी कनि नाम सपपा आपपुर मुतीगोळ बादल इन ल्यालमा ईरोर, अदकि सपपा च्या सपपा समुद्र अनन्द न्याड्या टु आपपाटी होटोदुर; 2 अदकि सपपा मुंदुर बादल दा अदकि समुद्र दा, मूसा अनन्द बपतसिमा ताकोडुर; 3 अदकि सपपा मुंदुर ऊंद अच आत्मकि भोजन माळदुर; 4 अदकि सपपा मुंदुर ऊंद अच आत्मकि नीर कुळदुर, यतकी आंदुर आ आत्मकि चट्टान देल कुडोर जो आंदुर सांगुळ-सांगुळ नळोद, अदकि अद चट्टान मसीह ईरोन. 5 लेकीन परमेश्वर आंदुर दा टु हापाळ सा मळसागोळ देल खुश आगीदील, इदुरसाटी आंदुर आळी दा सोतकु ढेर आगेदुर.

6 ई मातगोळ नाम साटी उदाहरण ठहरूसदव, कनि ह्यांग आंदुर लालच माळदुर, हांग नाव बेकार वस्तुगोळद लालच माळतीदील; 7 अदकि मूर्त्ति इन पुजा माळावाळेर आगवाळी जसा कनि आंदुर दा टु यास मुंदुर आगेगीदुर, ह्यांग शास्त्र दा लखिसकु आद, “लॉकुर तनिली-कुडुली कुरतुर, अदकि बाददा आबुर दाबुर सांगुळ कुकर्म माळली कुरतुर.” 8 अदकि नाव व्यभचार माळालेव, ह्यांग आंदुर दा टु यास मुंदुर माळदुर; अदकि ऊंद दनि दा तेवीस हजार मळसागोळ सोतोदुर. 9 नामी प्रभु यीशु मसीह अक परीक्षा दा हाककोद हेलेच, ह्यांग आंदुर दा टु यास मुंदुर माळदुर, जसा कनि आंदुर दा टु थवाळासा मुंदुर हगि माळीदुर अदकि आंदुर हावगोळ द्वारा नाश माळकु आदुर. 10 अदकि नीव कुळकुळुस बाळतीर, या रीति देल आंदुर दा टु यास कुळकुळुसदुर अदकि स्वर्गदूत उन द्वारा नाश माळकु आदुर.

11 लेकीन ई सपपा मातगोळ, जो आंदुर मा घळुसदव, उदाहरण इन रीतिमा ईरव; अदकि आंदुर नाम चेतावनी इन साटी जो दुनिया अन आखरी समय दा ईरतार लखिसकु आगीदव.

12 इदुरसाटी जो समसतान, “ना स्थरि आईन,” आव सावधान ईरूल कनियेल्यारा बळिबाळुल. 13 नीव यातोदारा हगि परीक्षा दा बळिबाळी, जो मळसागोळद सहन इन व्हार्या आद. परमेश्वर खरा आन अदकि आव नीमी सामर्थ्य देल व्हार्या परीक्षा दा बळिगोळालुन, बल्की परीक्षा अनन्द सांगुळ ऊळसोद उपाय भी माळ्यान कनि नीव अदरी सहन माळ सकीर.

14 ई कारण, हे प्रथि नान वारटुरा अदकि आकतींगेरा, मूर्त्तपूजा देल ऊळुकु ईरी. 15 ना नीमी बुद्धिमान जान्सकु नीम से अनतीन: जो ना अनतीन, अदरी नीव परखुसी. 16 *जो प्याला प्रभु भोज दा उपयोग माळतार यदुर दा टु नाव कुडुतेव प्रभु उन धन्यवाद माळतेव; अद रोटी यदरी नाव मूरुतेव, येन अद मसीह अनन्द मय इन सहभागी ईलच? 17 इदुरसाटी कनि ऊंद अच रोटी आद रा नाव भी जो हापाळ आयेव, ऊंद शरीर आयेव: यतकी नाव सब अदा ऊंद रोटी दा भागीदार आगतेव.

18 जो इस्त्राएली आर, आंदरी नोळी: येन बलदान इन तनिवाळेर परमेश्वर उन वेदी इन सहभागी ईलच? 19 नांद अनोद मतलब येन आद? येन ईद कनि मूर्त्तिगोळद मुंद बली येरुसद वस्तु येनारा दुसरा आद, या मूर्त्ति येनारा दुसरा आद? 20 ईला, पर ना ईद अनतीन कनि प्रभु उक ईला जानसावाळेर लॉकुर जो बलदान माळतार; आंदुर परमेश्वर उन साटी ईला लेकीन दुष्टआत्मागोळ साटी बलदान माळतार अदकि ना चाहसालीन कनि नीव दुष्टआत्मागोळद सहभागी आगी. 21 नीव प्रभु उन प्याला अदकि दुष्टआत्मागोळद प्याला येदु दा टु कुडू सकालीर. नीव प्रभु उन मेज अदकि दुष्टआत्मागोळद मेज येदु मुंदुर सहभागी आग सकालीर. 22 येन नाव प्रभु उक सट्टि तरसुसोद चाहसतेव? येन नाव आऊन से ताकतवर आयेव?

23 *येनारा लॉकुर अनतार, सपपा वस्तुगोळद उपयोग माळोद नान साटी उचति आद, लेकीन सपपा फायदा अनन्द ईलच: लेकीन दुसरा लॉकुर अनतार, “सपपा वस्तुगोळ नांद साटी सही रा आव.” लेकीन सपपा वस्तुगोळ देल उन्नती ईलच. 24 याऊ तान हति इन चनिता माळबाळुल लेकीन दुसरा अनन्द हति इन चनिता माळुल.

25 जो माँदरा कसाई सात्ता दा मारतान, अदरी तनि, अदकि वविक इन कारण येनु केळबाळी? कनि नीमद मन नीमी मन इन मन दा अच तनिबाळुल. 26 यतकी पवत्रिशास्त्र अनतद, पृथ्वी अदकि जो येनारा अदुर दा आद सपपा प्रभु उन हुन.

27 अगर अवशिवासीगोळ दा टु यावारा नीमी बावस्या कोळुल, अदकि नीव होगोद चाहासीर, रा जो येनारा नीमद मुंद ईटकु आगुल अदा तनि; अदकि मन इन कारण येनु केळबाळी. 28 लेकीन अगर यावारा नीम से अनुल, “ईद रा मूर्त्ति इक बली माळद वस्तु हुन,” रा आवा हेळावाळा अनन्द कारण अदकि मन इन कारण तनिबाळी. 29 नान मतलब नीन मन से हेलेच लेकीन आ दुसरा मळसा अनन्द मन देल आद.

“भला नांद,” आजादी आ दुसरा अन्द मन देल येती परखुसकु आदीत. 30 अगर ना परमेश्वर उक धन्यवाद माळकु सहभागी आगतीन, रा यार मा ना धन्यवाद माळतीन आऊन कारण नान बदनामी येती आगतद?

31 इदुरसाटी नीव चाहे तनी, चाहे कुडी, चाहे जो येनारा माळी, सप्पा येनारा परमेश्वर उन महमा अन्द साटी माळी. 32 नीव ना यहूदीगोळ, ना गैरयहूदीगोळ, अदकि ना परमेश्वर उन मंडली अन्द साटी ठोकर इन कारण बनसी. 33 ह्यांग ना भी सप्पा मातगोळ दा सप्पा मुंदुरी खुश ईटतीन, अदकि तान ईला लेकीन हापाळ मुंदुरद फायदा हुंदसतीन का आंदरी उद्धार सकिल.

11

1 *ह्यांग ना मसीह अन्द अनुकरण माळतीन, हांग अच नीव भी नांद अनुकरण माळी.

आराधना दा ताल्ला होचचोद

2 हे वारदुरा अदकि आकतीगेरा, ना नीमद बळाई माळतीन का सप्पा मातगोळ दा नीव नानी याद माळतीर; अदकि जो शकिषागोळ इक ना नीमी सौप्सदीन, अदुरद पालन माळतीर. 3 लेकीन ना चाहासतीन का नीव ईद जान्स कोमी का हर ऊंद गंळस उन ताल्ला मसीह हुन, अदकि आर्त इन ताल्ला गंळस हुन, अदकि मसीह अन्द ताल्ला परमेश्वर हुन. 4 जो गंळस ताल्ला होचकु प्रार्थना या परमेश्वर उन दी टु बातणी कोळतान, आव तान ताल्ला अन्द अपमान माळतान. 5 लेकीन जो आर्त ताल्ला तेरूकु प्रार्थना या परमेश्वर उन दी टु बातणी कोळतार, आक तान ताल्ला अन्द अपमान माळतार, यतकी आक हगि आर्त इन घाई आर आकनि ताल्ला मुंडन माळकु आग्याद. 6 अगर आर्त ओढनी देल शेरग्या हाकालुर रा चुट्टी भी कळद बुळुल; अगर आर्त इन साटी चुट्टी कळसुसोद या मुंडन माळसुसोद शरम इन मात आद, रा ओढनी देल शेरग्या हाकुल. 7 हा, गंळस उक तान ताल्ला होचचोद बराबर ईलच, यतकी आव परमेश्वर उन स्वरूप अदकि महमा हुन; लेकीन आर्त रा गंळस उन महमा हुळ. 8 यतकी गंळस आर्तेर देल आगीदील, लेकीन आर्त गंळस देल आग्यार; 9 अदकि गंळस आर्त इन साटी माळकु आगीदील, लेकीन आर्त गंळस उन साटी माळकु आग्यार. 10 ई कारण अदकि स्वरगदूतगोळद कारण आर्त इक जरूरी आद का अधिकार इन चनिह समसकु तान ताल्ला मा ईटुल. 11 तरी भी, प्रभु दा एकता अन्द कारण, आर्त बनि गंळस उन अलग ईलच अदकि गंळस उन बनि आर्त अलग ईलच. 12 यतकी ह्यांग आर्त गंळस देल आर, हांग अच गंळस आर्त इन द्वारा जनम ताकोमतान; लेकीन सप्पा वस्तुगोळ परमेश्वर उन द्वारा बंदाद.

13 नीव खुद अच बचारि माळी, येन आर्त इक बनि शेरग्या देल परमेश्वर से प्रार्थना माळोद शोभा कोळतद? 14 येन सवाभावकि रीत देल भी नीव जान्सालीर का अगर गंळस ऊद चुट्टी ईटुल, रा आऊन साटी अपमान आद. 15 लेकीन अगर आर्त ऊद चुट्टी ईरूल रा आक इक शोभा कोळतद यतकी चुट्टी आक इक शेरग्या हाककोर साटी कोटकु आग्याव. 16 लेकीन अगर यावारा झगळा माळोद चाहस्यान, रा ईद जान्स कोमुल का ना नाम्द अदकि ना परमेश्वर उन मंडलीगोळद हगि रीत आद.

प्रभु भोज इन बारा दा

(मत्ती २६:२६-२९; मरकुस १४:२२-२५; लूका २२:१४-२०)

17 याग नीव परमेश्वर उन आराधना माळोर साटी जमा आगतीर. रा ईद आग्या कोळतेला ना नीमद ईज्जत माळालीन, इदुरसाटी का नीम जमा आगदुर देल भलाई आगालद, लेकीन नुसक्यान आगतद. 18 यतकी पयला रा ना ईद केळतीन, का याग नीव मंडली दा जमा आगतीर रा नीम दा फूट बळितद, अदकि ना ईदुर मा थ्वाळा-थ्वाळा वशिवास भी माळतीन. 19 यतकी गुटबन्दी भी नीम दा जरूरी ईतीदाद, इदुरसाटी का जो लॉकुर नीम दा सही आर आंदुर प्रगट आगेगुल. 20 इदुरसाटी नीव जो ऊंद जागा दा जमा आगतीर रा ईदुर मतलब प्रभु-भोज तनोर साटी आल्लच, 21 यतकी तनिद समय ऊंद मंळसा दुसरा मंळसा से पयला तान भोज तनि कोमतान, ई प्रकार यावारा रा हस्तकु ईरतान अदकि यावारा मस्त आगेगतान. 22 येन तनिद-कुडोद साटी नीमद मान्ना हैलेच? या परमेश्वर उन मंडली अक तुच्छ जान्सीर, अदकि यार्द हात्ती हैलेच आंदरी शर्मदा माळतीर? ना नीम से येन अनाईन? येन ई मात दा नीमद प्रशंसा माळाईन? ईला, ना प्रशंसा माळालीन.

23 यतकी ईद शक्तिषा नानी जो प्रभु दी टु सक्ति, अदकि ना नीम दी भी पहुचुस बुटीन कि प्रभु यीशु या ईळलक आव हुळसुसकु आगीदुन, रोटी ताकोडुन, 24 अदकि परमेश्वर उन धन्यवाद माळकु अदरी मुरदुन अदकि अंदुन, “ईद नान शरीर हुन, जो नीम साटी कोटकु आग्याद: नांद याद साटी ईदा माळतेला ईरी.” 25 ईदा रीर्ता देल आव कटोरा भी हुळदुन अदकि अंदुन, “ईद कटोरा नांद खुन दा व्हाशोद वादा हुन: जब यागल्यारा कुडी, रा नांद याद साटी ईदा माळतेला ईरी.”

26 यतकी जब यागलु नीव ईद रोटी तीनतीर अदकि ई कटोरा दा टु कुडुतीर, रा प्रभु उन मृत्यु इक यागासताका आव बरालुन, प्रचार माळतेला ईरी. 27 इदुरसाटी जो यावारा अनुचति रीर्ता देल प्रभु उन रोटी तनिलु या आऊन कटोरा दा टु कुडुल, आव प्रभु उन मय अदकि खुन उन पापी ठहरूस्यान. 28 इदुरसाटी मंळसा तान तान इक जाँच कोमुल अदकि ईदा रीर्ता देल ई रोटी दा टु तनिलु, अदकि ई कटोरा दा टु कुडुल. 29 यतकी जो तनीद-कुडोद समय प्रभु उन मय इक अरालुन, आव ई तनीद अदकि कुडोर देल तान म्याकुच दण्ड तरतान. 30 ईदा कारण नीम दा हापाळ सा नरिबल अदकि रोगी आर, अदकि हापाळ सा सोतोग्यार. 31 अगर नाव तान तान इक जाँचायदेव रा दण्ड ईला सकाईत. 32 लेकीन प्रभु नामी दण्ड कोटकु नाम्द न्याय माळतान, इदुरसाटी कनिाव दुनया अन सांगुळ दोषी ईला ठहरूसुल.

33 इदुरसाटी, हे नांद वारटुरा अदकि आकतीगेरा, याग नीव प्रभु भोज तनीर साटी जमा आगतीर रा आबुर दाबुर साटी थाम्सी. 34 अगर यावारा हस्तकु ईरूल रा तान मान्या तनिलु, यदुर देल नीम्द जमा आगोद दण्ड इन कारण आगबाळुल. मकिदव मातगोळी ना बंदकु वळ्लीद माळाईन.

12

आत्मकि वरदान

1 हे वारटुरा अदकि आकतीगेरा, ना चाहसालीन कनिीव पवतिर आत्मा अन्द वरदानगोळ बारा दा अनजान ईरी. 2 नीव जानसतीर कियाग नीव खरा परमेश्वर उक अरालीर, हापाळ मुक्का मूर्तीगोळद पुजा माळकु अदकि अवरी मानसोर अदकि अऊर हदि नळोर. 3 इदुरसाटी ना नीमी चेतावनी कोळतीन कजिो यावारा परमेश्वर उन आत्मा अन्द अगुवाई देल माताळतान, आव अनालुन कियीशु स्रापति आन; अदकि ना यावारा पवतिर आत्मा अन बनिा अन सकतान कियीशु प्रभु आन.

4 ✨वरदान रा हापाळ प्रकार इन आव, लेकीन पवतिर आत्मा ऊंद अच आद; 5 अदकि स्यावा भी हापाळ प्रकार इन आव, लेकीन प्रभु ऊंद अच आन; 6 अदकि प्रभावशाली क्याल्सा हापाळ प्रकार ईनव आव, लेकीन परमेश्वर ऊंद अच आन, जो सब दा हर प्रकार इन प्रभाव पैदा माळतान. 7 लेकीन सप्पा मुंदरी लाभ पहुचुसोर साटी हर ऊंद इक परमेश्वर उन पवतिर आत्मा अन प्रगट आगोद. 8 यतकी ऊंद अक आत्मा अन्द द्वारा बुद्धी इन मातगोळ कोटकु आगतव, अदकि दुसरा अक अदा आत्मा अन्द अनुसार ग्यान इन मातगोळ. 9 यावारा अक अदा आत्मा देल वशिवास, अदकि यावारा अक अदा ऊंद आत्मा देल चंगा माळोद वरदान कोटकु आगतद. 10 बाक यावारा अक सामर्थ्य अन्द क्याल्सा माळोद शक्ति, अदकि यावारा अक परमेश्वर उन वचन कोळोद दान कोट्टुन, अदकि यावारा अक परमेश्वर उन आत्मा अन्द दान इक परखुशोर साटी, अदकि यावारा अक अनेक प्रकार इन भाषा माताळोर साटी, अदकि यारीकारा अग्यात भाषागोळद अर्थ हेळोर साटी. 11 लेकीन ईव सप्पा प्रभावशाली क्याल्सा अदा ऊंद अच परमेश्वर उन पवतिर आत्मा माळसुसतद, अदकि यारी जो चाहासतान अद वाट्स कोमतान.

मय ऊंद: अंग हापाळ

12 ✨यतकी या प्रकार शरीर रा ऊंद आद अदकि अदुरव अंग हापाळ सा आव, अदकि आ ऊंद शरीर इन सप्पा अंग हापाळ आगदुर मा भी सप्पा मल्लिसकु ऊंद अच शरीर आद, अदा प्रकार मसीह अन्द मय भी आद. 13 यतकी नाव सप्पा मुंदुर येन यहूदी आगुल येन गैरयहूदी, येन दास आगुल येन स्वतंत्र, ऊंद अच आत्मा अन्द द्वारा ऊंद शरीर आगोर साटी बपतसिमा ताकोडेव, अदकि नाव सप्पा मुंदरी ऊंद अच परमेश्वर उन आत्मा कोटकु आग्याद.

14 इदुरसाटी कियीशु रा ऊंद अच अंग ईला लेकीन हापाळ सा आव. 15 अगर काल अनुल, “ना कय आलच, इदुरसाटी शरीर इन आलच,” रा येन अद ई कारण शरीर इन आलच? 16 अदकि अगर कवि अनुल, “ना कण्ण आलच, इदुरसाटी शरीर इन आलच,” रा येन अद ई कारण शरीर इन आलच? 17 अगर पुरा शरीर कण्ण अच

आगाईत रा केळोद यल टु आगाईत? अगर पुरा शरीर कवि अच आगाईत, रा सूँघसोद यल टु आगाईत? 18 लेकीन परमेश्वर अंगगोळी तान इच्छा अन्द अनुसार ऊंद ऊंद माळकु मय दा ईट्यान. 19 अगर आंदुर सप्पा ऊंद अच अंग ईरायदुर, रा मय यल ईराईत? 20 लेकीन ईग अंग रा हापाळ सा आव, लेकीन मय ऊंद अच आद.

21 कण्ण कय देल अन सकाल्द, “नानी नीद जरवत हैलेच,” अदकि ना ताल्ला कालगोळ देल अन सकतद, “नानी नीम्द जरवत हैलेच.” 22 लेकीन मय इन आ अंग जो दुसरागोळ देल नरिबल हतताव, हापाळ अच जरवत आद; 23 अदकि मय इन या अंगगोळी इक यदरी तोरसोर देल नामी शरम बरतद हगि अंगगोळी नाव वळ्लीद तरीका देल मुचतेव. अदरी नाव आदर इन योग्य समसालेव आंदरी अक अच नाव यक्कुल आदर कोळतेव; अदकि नामव जंग अंग अदकि भी हापाळ सुंदर आगेगताव. 24 तरी भी नाम्द सुंदर अंगगोळी इक इदुर जरवत हैलेच. लेकीन परमेश्वर मय इक हगि माळ कौडुन का या अंग इक आदर इन कमी ईरोद अदरी का अदकि भी हापाळ आदर सकितद. 25 ताकी मय दा फूट बळि बाळुल, लेकीन अंग इन अवयव आबुर दाबुर बराबर चन्तिता माळुल. 26 इदुरसाटी अगर ऊंद अंग इन हसिसा अक दुख सकितद, रा सब अंगगोळ हसिसा अक अदुर सांगुळ दुख सकिताव; अदकि अगर ऊंद अंग इनव हसिसा अन बळाई आगतद, रा अदुर सांगुळ सब अंग आनन्द माळताव.

27 ई प्रकार नीव सब मलिसकु मसीह इन मय हुईर, अदकि अलग अलग आऊनव अंग हुईर; 28 *अदकि परमेश्वर मंडली दा अलग अलग मळसागोळ्द नविळ माळदुन: पयला प्रेरति, दुसरा भवषियवक्ता, तसिरा गुरु, बाक सामर्थ्य इन क्याल्सा माळावाळेर, बाक चंगा माळावाळेर, अदकि उपकार माळावाळेर, अदकि व्यवस्था अन वरदान माळावाळेर, अदकि अग्यात प्रकार इन भाषा माताळावाळेर. 29 येन सब प्रेरति आर? येन सब भवषियवक्ता आर? येन सब शक्ति कोळावाळा गुरु हुन? येन सब सामर्थ्य अन्द क्याल्सा माळावाळेर आर? 30 येन सप्पा मुंदरी चंगा माळोद वरदान सकियाद? येन सप्पा मुंदुर अग्यात प्रकार इन भाषा माताळतार? येन सप्पा मुंदुर अग्यात भाषा अन्द अनुवाद माळ सकतार? 31 नीव धोळ से धोळ वरदानगोळ्द लालसा ईटतीर. लेकीन ना नीमी अदकि भी सब से वळ्लीद हादी हेळतीन.

13

प्यार-सब से वळ्लीद हादी

1 अगर ना मळसागोळ अदकि स्वर्गदूतगोळ्द भाषागोळ माताळाईन अदकि प्यार ईटालीन, रा ना ठनठनासकु पीतल इन धोळ घंटी अदकि झनझनासकु झाँझ हुईन. 2 *अदकि अगर ना परमेश्वर उन दी टु बरावाळा बातणी इन प्रचार माळ सकाईन, अदकि सब भेदगोळ अदकि सब प्रकार इन ग्यान इक समसाईन, अदकि नानी ईल ताका पुरा वशिवास आगेदीत का ना पहाळगोळी सरकुस बुळाईन, लेकीन प्यार ईटालीन, रा ना येनु अच हैलेच. 3 अगर ना तान पुरा धन संपत्ती कंगालगोळी तनिस् बुळाईन, या तान मय होताकोर साटी कोट बुळाईन, अदकि प्यार ईटालीन, रा नानी येनु अच लाभ हैलेच.

4 प्यार धीरजवन्त आद, अदकि कृपालु आद; प्यार जलन माळाल्द; प्यार तान बळाई माळाल्द, अदकि बायाल्द, 5 अद अनरीति नळाल्द, अद तान भलाई चाहसाल्द, चळिसाल्द, प्यार दुसरा अन्द बुरा मातगोळ लेखा ईटाल्द. 6 अन्याय देल खुश आगाल्द, लेकीन सच्चाई देल खुश आगतद. 7 आव सप्पा मातगोळ सहन माळतान, सप्पा मातगोळ मा वशिवास माळतान, सप्पा मातगोळ्द आशा ईटतान, सप्पा मातगोळ दा धीरज ईटतान.

8 प्यार यागलु खतम आगाल्द; परमेश्वर उन दी टु बरावाळा बातणी खतम आगेदव; अग्यात भाषागोळ दा सकिकावाळा दान आगुल रा होगतेला ईत्तव; ग्यान आगुल, रा मटिसेदाव. 9 यतकी नाम्द ग्यान अधूरा आद, अदकि परमेश्वर उन दी टु बरावाळा बातणी अधूरा आद; 10 लेकीन याग परमेश्वर सप्पा पुरा माळ्यान, रा अधूरा पन मटिसेदति.

11 याग ना चगिद ईरीन, रा ना चगिदुरगोळ घाई माताळीन, चगिदुरगोळ घाई मन ईरोद, चगिदुर घाई समझ ईरोद; लेकीन याग समझदार आगेदीन रा सयानपनी नव मातगोळ बटि बुटीन. 12 ईग नामी आरसा दा धुंधला सा काळसतद, लेकीन आ समय आमने सामने नोळेव; ई समय नांद ग्यान अधूरा आद, लेकीन आ समय हगि पुरा रीति देल अराईन, हयांग नानी परमेश्वर अरतुन.

13 पर ईग वशिवास, आशा, प्यार ईव मूर नाम सांगुळ आव, पर इऊर दा सब से धोळ्द प्यार आद.

14

पवतिर आत्मा अन्द वरदान इन बारा दा यक्कुल शक्शागोळ

1 प्यार इन अनुकरण माळोर साटी कोशशि माळी, अदकि आत्मकि वरदानगोळ्द भी धुन दा ईरी, खास माळकु परमेश्वर उन दी टु बरावाळा बातणी इन दान माळी. 2 यतकी जो अग्यात भाषा दा मातगोळ माळतान आव मंळसागोळ से ईला लेकीन परमेश्वर से मातगोळ माळतान; इदुरसाटी क् आऊन मातगोळी याऊ समसालुन, यतकी आव भेद इन मातगोळ पवतिर आत्मा अन्द सामर्थ्य दा आगकु माताळतान. 3 लेकीन जो परमेश्वर उन बातणी वाळस्तान, आव मंळसागोळ से उन्नती अदकि उपदेश अदकि दलिासा अन्द मातगोळ माताळतान. 4 जो अग्यात भाषा दा मातगोळ माळतान, आव तांद अच उन्नती माळतान; लेकीन जो भवषियवाणी माळतान, आव मंडली अन्द उन्नती माळतान.

5 ना चाहासतीन क् नीव सप्पा मुंदुर अग्यात भाषागोळ दा मातगोळ माळी लेकीन इदुर से यक्कुल ईद चाहासतीन क् परमेश्वर उन दी टु बरावाळा बातणी इन मातगोळ माळी: यतकी अगर अग्यात भाषा माताळावाळा मंडली अन्द उन्नती इन साटी अनुवाद माळबाळुल रा परमेश्वर उन दी टु बरावाळा बातणी अग्यात भाषा टु वाळुसकु आद. 6 इदुरसाटी हे वार्दुरा अदकि आकतींगेरा, अगर ना नीम हातती बंदकु अग्यात भाषागोळ दा मातगोळ माळाईन, रा नान से नीनी येन लाभ आदीत. अदकि ऊजुळ या ग्यान या परमेश्वर उन दी टु बरावाळा बातणी या उपदेश इन मातगोळ माळाईन, रा नीमी यक्कुल फायदा आदीत,

7 ईदा प्रकार अगर नरिजीव वस्तुगोळ भी यदुर देल आवाज होळतद, जसा कोळ्ल या बीन, अगर अऊरद स्वरगोळ दा भेद ईरतीदील रा जो कोळ्ल ऊयकु या बनि मुरसकु आगतद, आ हाळ इक ह्यांग अरूकु आदीत? 8 अदकि अगर तुरही इन आवाज साफ ईरतीदील, रा याव लळाई इन साटी तयारी माळ्यान? 9 हगि अच नीव भी अगर ल्यालग्या देल साफ मातगोळ अनतीदलि, रा जो येनारा अंदकु आगतद अद ह्यांग समसकु आदीत? नीव रा हवा देल मातगोळ हेळावाळेर ठहूसीर. 10 दुनया दा यासारा अच प्रकार इन भाषागोळ येती ईला इतदाव, लेकीन अऊर दा टु यातोदारा भी बनि मतलब इन ईला ईतीदाद. 11 इदुरसाटी अगर ना यातोदारा भाषा अन्द मतलब समसालीन, रा माताळावाळा अन्द नजर दा ना परदेशी ठहूसईन अदकि माताळावाळा नान नजर दा परदेशी ठहूस्यान. 12 इदुरसाटी नीव भी याग आत्मकि वरदानगोळ्द धुन दा आईर, रा हगि कोशशि माळी क् या वरदानगोळ देल मंडली अन्द उन्नती आगतद. आ वरदानगोळ्द कोशशि माळी.

13 ई कारण जो अग्यात भाषा माताळुल, आव दान सकिकोद साटी प्रार्थना माळुल क् अदुरद अनुवाद भी माळ सकुल. 14 इदुरसाटी अगर ना अग्यात भाषा दा प्रार्थना माळाईन, रा नान आत्मा प्रार्थना माळतद लेकीन नान दमाक क्याल्सा कोळाल. 15 इदुरसाटी येन माळ पायजे? ना आत्मा देल भी प्रार्थना माळाईन, अदकि दमाक देल भी प्रार्थना माळाईन; ना आत्मा देल भी हाळाईन, अदकि दमाक देल भी हाळाईन. 16 ईलारा अगर नी आत्मा देल अच धन्यवाद माळ्या, रा बाक लॉकुर नीन धन्यवाद मा आमीन अनकु सहमत ह्यांग आदार? यतकी आव रा अरालुन क् नी येन अनत्या? 17 नी रा सही देल धन्यवाद माळत्या, लेकीन दुसरा अन्द उन्नती आगाल.

18 ना तान परमेश्वर उन धन्यवाद माळतीन, क् ना नीम सप्पा मुंदुर से यक्कुल अग्यात भाषागोळ दा माताळतीन. 19 लेकीन मंडली दा अग्यात भाषा दा हत्त हजार मातगोळ माताळदुर देल नानी ईद वळ्दीद समसतद, क् दुसरा मंळसागोळी कलसोर साटी दमाक देल अईद अच मातगोळ अनाईन.

20 हे वार्दुरा अदकि आकतींगेरा, नीव समझदारी दा चकिोर घाई आगबाळी: बुराई दा रा चकिोर घाई अनजान ईरी, लेकीन समझदारी दा स्याणा मंळसा घाई आगी. 21 व्यवस्था दा लखिसकु आद क् प्रभु अनतान,

“ना अपरचिति भाषा माताळावाळेर्द द्वारा,

अदकि पराया बाय देल माताळावाळेर लॉकुर द्वारा

ई लॉकुर से मातगोळ माळाईन

तरी भी आंदुर नांद केळतीदलि.”

22 इदुरसाटी अग्यात भाषागोळ माताळोद वरदान वशिवासीगोळ साटी ईला, लेकीन अवशिवासीगोळ साटी चमत्कार इन चमत्कार हुन; लेकीन परमेश्वर उन दी टु बरावाळा बातणी अवशिवासीगोळ साटी ईला, लेकीन वशिवासीगोळ साटी चमत्कार इन चमत्कार हुन.

23 इदुरसाटी अगर मंडली ऊंद जागा दा जमा आगुल, अदकि सप्पा च्या सप्पा मुंदुर अग्यात भाषागोळ माताळुल, अदकि वहार्यावाळेर या अवशिवासी लॉकुर बुळक होट बरूल रा येन आंदुर नीमी पागल अनतीदलि? 24 लेकीन अगर सप्पा मुंदुर परमेश्वर उन दी टु सकिवाळा बातणी कोळली हत्यार, अदकि यावारा अवशिवासी या वहार्यावाळा मळसा बुळक होट बरूल, रा सप्पा मुंदुर आऊक दोषी ठहरूस बुट्टार अदकि जाँच कोंडार की आव पापी आन; अदकि आव जान्स कोंडान की आऊक पश्चाताप इन जरवत आद. 25 अदकि आऊन मन इन भेद प्रगट आगेदव, अदकि आग आव बाय इन भार देल बदिक्ु परमेश्वर उक दण्डवत माळ्यान, अदकि कबुल माळ कोंडान की खराखुरा परमेश्वर नाम न्याड्या आन.

मंडली दा आराधना अन्द अनुशासन

26 इदुरसाटी हे वारटुरा अदकि आकतींगेरा, येन माळ पायजे? याग नीव जमा आगतीर, रा हर ऊंद मळसा अन्द मन दा हाळ या उपदेश या अग्यात भाषा या प्रकाशक या अग्यात भाषा अन्द अर्थ हेळोद ईरतद. सप्पा येनारा मंडली अन्द उन्नती इन साटी आग पायजे. 27 अगर अग्यात भाषा दा मातगोळ माळोद आद रा येद्व या हापाळ मुंदुर ईरूल रा मुर मुंदुर पारी-पारी देल माताळुल, अदकि ऊंद मळसा अनुवाद माळुल. 28 लेकीन अगर अनुवाद माळावाळा हैलेच, रा अग्यात भाषा माताळावाळा मंडली दा सुंगा ईरूल, अदकि तान मन देल परमेश्वर से मातगोळ माळुल. 29 परमेश्वर उन दी टु बरावाळा बातणी इक माताळावाळेर दा टु येद्व या मुर मुंदुर माताळुल, अदकि बाकी लॉकुर आंदुर वचन इक परखुसुल. 30 लेकीन जो कुर्तकु आन अगर आऊन मा, येनारा मय उन दी टु बातणी प्रगट आत. रा आव पयला मळसा सुंगा आगेगुल. 31 यतकी नीव सप्पा मुंदुर ऊंद ऊंद माळकु परमेश्वर उन दी टु सकिवाळा बातणी इक कल्स सकतार, ताकी सप्पा मुंदुर कलुल अदकि सप्पा मुंदुरी शांती सकिल. 32 यतकी परमेश्वर उन दी टु बातणी कोळावाळा अन्द आत्मा बातणी कोळावाळा अन्द वश दा आद. 33 यतकी परमेश्वर अव्यवस्था अन्द ईला, लेकीन शांती इन परमेश्वर हुन.

हयांग पवत्रि लॉकुरद सप्पा मंडलीगोळ दा हगि अच आगतद. 34 आर्तेर मंडली अन्द सभा दा सुंगा ईरूल, यतकी आंदरी मातगोळ माळोद आग्या हैलेच, लेकीन आंदुर हात्ती ईरोद आग्या आद, हयांग व्यवस्था दा लखिसकु आद. 35 अगर आंदुर येनारा कलोद चाहसतार, रा मान्या तान तान मान्नावाळा से केळुल, यतकी आर्त इन मंडली अन्द सभा दा मातगोळ माळोद नाचक इन मात आद.

36 येन परमेश्वर उन वचन नीम दा टु होटाद? या सरिफ नीम ताका अच पोहचुसयाद? 37 अगर यावारा मळसा तान तान इक परमेश्वर उन दी टु बरावाळा बातणी कोळावाळा समसुल या आऊन हात्ती पवत्रि आत्मा अन्द वरदान आद, रा ईद अर्त कोमुल की जो मातगोळ ना नीमी लखिसतीन, अव प्रभु उन आग्यागोळ हु. 38 लेकीन अगर यावारा ईद स्वीकार माळालुर, रा आंदरी भी स्वीकार माळकु आगतीदिल.

39 इदुरसाटी हे वारटुरा अदकि आकतींगेरा, परमेश्वर उन दी टु बरावाळा बातणी इन धुन दा ईरी अदकि अग्यात भाषा माताळदुर देल मना माळबाळी; 40 पर सप्पा मातगोळ क्रम देल अदकि व्यवस्थति रूप देल माळकु आगुल.

15

यीशु उन सोत्तुर दा टु जतिता आगोद

1 हे वारटुरा अदकि आकतींगेरा, ईग ना नीमी याद दलिसोद चाहसतीन अदा खुशखबरी केळसतीन जो पयला केळस बुटीन, यारी नीव अंगीकार भी माळदीर अदकि यदुर दा नीव स्थरि भी आईर. 2 अदुरदा द्वारा नीमद उद्धार भी आगतद, अगर आ खुशखबरी इक जो ना नीमी केळसीदनि ध्यान दा ईटतीर; ईदारा नीम वशिवास माळोद बेकार आत.

3 ईदा कारण ना सब से पयले नीमी अदा मात पहुचुसदीन, जो नान हात्ती पहुचुसीत ईद पयला महत्वपुर्ण हुन की पवत्रिशास्त्र अन वचन इन अनुसार यीशु मसीह नाम पापगोळ साटी सोतोदुन, 4 *अदकि नळसकु आदुन, अदकि पवत्रिशास्त्र अन अनुसार तसिरा दशी जतिता भी आदुन, 5 *आव कैफा अक अदकि हननेळ प्रेरतिगोळी कांळसदुन. 6 बाक आव ईद सौ से यक्कुल वशिवासी वारटुरी सांगुळल्या कांळसदुन, यारदा टु हापाळ सा ईगासताका जतिता आर पर येनारा मळसा सोतोग्यार. 7 बाक आव याकूब उक कांळसदुन आग सप्पा प्रेरतिगोळी कांळसदुन.

* 15:4 १५:४ मत्ती १२:४०; प्रेरतिगोळ २:२४-३२ * 15:5 १५:५ लुका २४:३४; मत्ती २८:१६,१७; मरकुस १६:१४; लुका २४:३६; यूहन्ना २०:१९

8 *सपपा मुंदुर बाददा नानी भी कांळसदुन, जो मान्सी समय इन पयला पैदा आगीदान. 9 *यतकी ना प्रेरतिगोळ दा सब से स्याणेव आईन, बलकी प्रेरति अनोद योग्य भी हैलेच, यतकी ना परमेश्वर उन मंडली इक सतुसीदीन. 10 लेकीन ना जो येनारा भी आईन, परमेश्वर उन अनुग्रह देल आईन. आऊन अनुग्रह जो नान मा आत, अद बेकार आगीदील; लेकीन ना आ सपपा मुंदुर से वाळुसकु मेहनत भी माळदीन: तरी भी ईद नान दी टु आगीदील लेकीन परमेश्वर उन अनुग्रह देल जो नान मा ईरोद. 11 इदुरसाटी चाहे बाक ना आगुल, चाहे बाक आंदुर आगुल, नाव सब ईदा प्रचार माळतेव, अदकि इदुर मा नीव भी वशिवास माळदीर.

नाम जतिता आगोद

12 इदुरसाटी याग भी यीशु मसीह अन्द ईद प्रचार माळकु आगतद कि आव सोत्तुर दा टु जतिता आग्यान, रा नीम दा टु यास मुंदुर ह्यांग अनतार कि सोत्तकु मळसा जतिता आग अच सकालुन? 13 अगर सोत्तुर मळसा अन्द जतिता आगोद अच ईलच, रा मसीह भी जतिता आगीदील; 14 अदकि अगर मसीह जतिता आगीदील, रा नाम्द प्रचार माळोद भी बेकार आद, अदकि नीम्द वशिवास भी बेकार आद. 15 इदुर से भी वाळुसकु नाव परमेश्वर उन ख्वाटा गवाह ठहूसेव; यतकी नाव परमेश्वर उन बारा दा ईद गवाही कोट्टेव कि आव मसीह इक जतिता माळदुन, लेकीन सोत्तकु मळसा सही दा जतिता माळ सकालुर रा आव मसीह अक भी जतिता माळीदील. 16 अदकि अगर मुरदा जतिता आगालव, रा मसीह भी जतिता आगीदील; 17 अदकि अगर मसीह जतिता आगीदील, रा नीम्द वशिवास बेकार आद, अदकि नीव ईग ताका तान पापगोळ्द भागीदार आईर. 18 बलकी जो मसीह मा वशिवास माळतार आंदुर भी सोतोग्यार. 19 अगर नाव सरिफ ईदा जीवन दा मसीह देल आशा ईटतेव रा नाव सब मळसागोळ देल यक्कुल अभागा आयेव.

20 लेकीन सही दा मसीह सोत्तुर दा टु जतिता आग्यान, अदकि जो सोतोग्यार आंदुर भी जतिता आदार ईद पयला प्रमाण हुन. 21 यतकी याग ऊंद मळसा अन्द द्वारा मृत्यु बत्त, रा ऊंद मळसा अन्द अच द्वारा सोत्तुर मळसा अन्द पुनरूत्थान भी बत्त. 22 अदकि ह्यांग आदम सब मा मृत्यु तंदुन, हांग अच मसीह भी वशिवास ईटावाळे इक जतिता माळ्यान, 23 लेकीन हर ऊंद तान तान पारी देल: पयला मसीह जतिता आदुन, बाक मसीह अन्द वापस बंदुर देल आऊन मा वशिवास माळावाळे लॉकुर जतिता आदार. 24 इदुर बाददा अन्त आदीत. आ समय सब प्रधान माळावाळा दुष्टआत्मा अदकि पुरा अधिकार. अदकि सामर्थ्य अन्द मसीह अन द्वारा अन्त माळकु आदीत अदकि राज्य अक परमेश्वर आप्प उन कय दा सौप्स कौडान. 25 यतकी यागासताका आव तान दुश्मनी ईटावाळेरी तान काल इन ल्यालमा तरतीदील, आगासताका मसीह अन्द राज्य माळोद जरूरी आद. 26 सब से आखरी दुश्मनी माळावाळा जो नाश माळकु आदान, अद मृत्यु हुन. 27 यतकी पवतिर शास्त्र अनतद, “परमेश्वर सपपा येनारा आऊन काल इन ल्यालमा माळ कौडुन,” लेकीन याग आव अनतान कि सपपा येनारा मसीह अन्द हात्ती माळकु आग्याद रा प्रत्यक्ष आद कियार आऊन हात्ती माळ कौडुन, परमेश्वर खुद अलग ईत्तुन. 28 अदकि याग सपपा हात्ती आगेदार, रा पारा खुद अच परमेश्वर उन हात्ती आगेदान, याव सपपा येनारा आऊन हात्ती माळ कौडुन, यदुर देल कि परमेश्वर सब वस्तुगोळ मा पुरा तरीका देल राज्य माळ्यान.

29 ईदारा जो लॉकुर सोत्तकु मळसा अन्द साटी बपतसिमा ताकोमतार आंदुर येन माळ्यार? अगर सोत्तकु मळसा जतिता आगालुर रा बाक येती आंदुर साटी बपतसिमा ताकोमतार? 30 अदकि नाव भी येती हर घळी जोखमि दा बदिकु ईरतार? 31 हे वारटुरा अदकि आकतीगेरा, नानी आ घमण्ड इन करिया जो नाम्द मसीह यीशु दा ना नीम्द बारा दा माळतीन कि ना हर दिन सायतीन. 32 अगर ना मळसा अन्द रीति मा इफसिस दा आळी अन पशुगोळ घाई लळाई आळदीन रा नानी येन लाभ आत? अगर मुरदा जतिता माळकु आगालव, “रा बरी, तर्नी-कुडी, यतकी नाळ रा सायोद अच आद.”

33 ध्वाका तनिबाळी, “बुरा संगत वळ्लीद चरतिर अक बगिळुस बुळतद.” 34 सही वचार माळोद सुरू माळी अदकि पाप इक बटि बुळी; यतकी येनारा हगि आर जो परमेश्वर उक जान्सालुर, ना नीमी शर्मदा माळोर साटी ईद अनतीन.

पुनरूत्थान इन मय

35 ईग यावारा ईद अंदान, “मुरदा या रीति देल जतिता आगताव, अदकि ह्यांग मय इन सांगुळ बरताव?” 36 हे नरिबुद्धी! जो येनारा नी बोऊसत्या, यागासताका आव सायालुन जतिता माळकु आगालुन. 37 अदकि जो नी

बोऊसत्या, ईद अद मारर आलच जो वाळुसावाळा आद, लेकीन सरिफ दाना हुन, चाहे गोदी इन चाहे यातोदु अदकि अनाज इन. 38 लेकीन परमेश्वर तान इच्छा अनूद अनुसार आऊक मय कोळतान, अदकि हर ऊंद बीजा अक अदुर्द वशिष मय.

39 सब मय ऊंद घाई ईलचः मंळसागोळ्द मय अलग आद, पशुगोळ्द मय अलग आद; पक्षीगोळ्द मय अलग आद; मेनगोळ्द मय अलग आद.

40 स्वर्गीय मय आद अदकि अलग पार्थवि मय भी आद लेकीन स्वर्गीय मयगोळ्द तेज अलग आद, अदकि पार्थवि इन अलग. 41 सूर्य अनूद तेज अलग आद, चंद्रमा अनूद तेज अलग आद, अदकि तारागनगोळ्द तेज अलग आद, यतकी ऊंद तारा से दुसरा तारा अनूद तेज दा फरक आद.

42 मूर्दागोळ्द जतिता आगोद भी हगि अच आद. मय नाशवान दशा दा बोऊसकु आगतद अदकि अवनिशी रूप दा जतिता आगतद. 43 अद अपमान इन सांगुळ बोऊसकु आगतद, अदकि तेज इन सांगुळ जतिता आगतद; नर्बलता अनूद सांगुळ नळसकु आगतद. अदकि सामर्थ्य इन सांगुळ जतिता आगतद. 44 स्वाभाविक मय नळसकु आगतद, अदकि आत्मिक मय जतिता आगतदः जब कर्त्त स्वाभाविक मय आद, रा आत्मिक मय भी आद. 45 हगि अच शास्त्र दा लखिसकु आद, कर्त्त “पयला मंळसा मतलब आदम जतिता प्राणी आदुन” अदकि आखरी आदम, जीवनदायक आत्मा आदुन. 46 लेकीन पयला आत्मिक मय ईला ईरोद पर स्वाभाविक ईरोद, इदुर बाददा आत्मिक आत. 47 पयला मंळसा आदम पृथ्वी टु मतलब मुण्ण इन ईरोन; दुसरा स्वर्गीय आन. 48 ह्यांग आव मुण्ण इनव ईरोन, हांग अच आंदुर भी आर जो मुण्ण इनोर आर; अदकि ह्यांग आव स्वर्गीय आन, हांग अच आंदुर भी आर जो स्वर्गीय आर. 49 अदकि ह्यांग नाव आऊन मय धारण माळदेव जो मुण्ण इन ईरोद हांग अच आ स्वर्गीय अनूद मय भी धारण माळेव.

50 हे वारटुरा अदकि आकतीगेरा, ना ईद अनतीन कर्त्त मास अदकि खुन परमेश्वर उन राज्य दा प्रवेश माळ सकालव, अदकि ना नाशवान अवनिशी इन प्रवेश आग सकतद.

51 *नोळी, ना नीम से भेद इन मात अनतीनः नाव सप्पा मुंदुर सायालेव, लेकीन सब बदलुसेव, 52 अदकि ईद क्षण भर दा, पतनी होडुतेला अच आखरी तुरही ऊएतेला अच ईतीदान. यतकी तुरही ऊयकु आदीत अदकि मूर्दा अवनिशी दशा दा नेगुकु आदाव, अदकि नाव बदलुसेदव. 53 यतकी जरूरी आद कर्त्त ईद नाशवान मय अवनिश इक हाक्क कोमुल, अदकि ईद मरनहार मय अमरता अक हाक्क कोमुल. 54 याग अद वचन जो शास्त्र दा लखिसकु आद पुरा आगेदीतः अदकि याग ईद नाशवान अवनिश इक हाक्क कौडीत, अदकि ईद मरनहार अमरता अक हाक्क कौडीत, मृत्यु इन अन्त आत अदकि वजिय प्राप्त आत.

55 हे मृत्यु, अपमान जय यल ईत्त?

हे मृत्यु, अपमान डंक यल ईत्त?

56 मृत्यु इन डंक पाप आद, अदकि पाप इन बल मूसा अनूद नयिम शास्त्र टु बरतद. 57 लेकीन परमेश्वर उन धन्यवाद आगुल, जो नाम्द प्रभु यीशु मसीह अनूद द्वारा नामी जयवन्त माळतान.

58 इदुरसाटी हे नान प्रयि वारटुरा अदकि आकतीगेरा, मजबूत अदकि अटल ईरी, अदकि प्रभु उन क्याल्सा दा सदा वाळुसतेला होगी, यतकी ईद जान्सतीर कर्त्त नीमूद मेहनत प्रभु दा बेकार हैलेच.

16

वशिवासीगोळ साटी दान

1 *ईग आ चन्दा अनूद बारा दा जो परमेश्वर उन पवतिर यहूदा लॉकुर साटी माळकु आगोद, ह्यांग आग्या ना गलातिया अनूद मंडलीगोळ इक कोट्टीन, हांग अच नीव भी माळी. 2 हप्ता अनूद पयला दनि नीम दा टु हर ऊंद तान आमदनी अनूद अनुसार येनारा तान हात्ती ईटकु ईरूल कर्त्त नान बंदुर मा चन्दा माळोद बळिबाळुल. 3 अदकि याग ना बराईन, रा यारी नीव चाहासीर आंदरी ना चट्टी गोळ कोटकु कळु बुळाईन कर्त्त नीमूद दान यरूशलेम पहचुस बुळुल. 4 अगर नांद भी होगोद उचति आत, रा आंदुर नांद सांगुळ होदार.

पौलुस उन यात्रा अनूद कार्यक्रम

5 *ना मकदिनया आगकु नीमद् हात्ती बराईन, यतकी नानी मकदिनया आगकु होगोद अच आद. 6 लेकीन संभव आद कनि ना नीमद् सांगुळ ठहूरसाईन अदकि सोळी इन मौसम दा भी नीमद् सांगुळ ईल कढाईन, आग या दशा दी नांद होगोद आगुल आ दशा दी नीव नानी पहुचुस बुळेतीर. 7 यतकी ना ईग हादी दा नीम से भेंट माळोद चाहसालीन; लेकीन नानी आशा आद कि अगर प्रभु चाहस्यान रा येनारा समय ताका नीमद् सांगुळ ईराइन.

8 *लेकीन ना पनितेकुस्त इन हाबू ताका इफसिस दा ईराइन, 9 नान साटी अल ऊंद धोळ अदकि उपयोगी दरवाजा तेरकु आद, अदकि वरीधी हापाळ सा आर.

10 *अगर तीमुथयिसुस होट बंदान, रा नोळेतीर कि आऊक नीमद् अल सम्मान सकिल; यतकी आव नान घाई प्रभु उन क्याल्सा माळतान. 11 इदुरसाटी याऊ आऊक बेकार समसवाळी, लेकीन अदरी खुशी देल ईपाटी पोहचुस बुळी कनि नान हात्ती होट बरूल; यतकी ना आऊंद हादी नोळेतीन कि आव वारटुर सांगुळ बरूल.

12 वार्ट अपुल्लोस से ना हापाळ वनिती माळदीन कि नीमद् हात्ती वार्टगोळ सांगुळ होगाता; लेकीन आव ई समय होगोद येनु भी इच्छा माळीदलि, लेकीन याग मवका सकिकीत आग होट बंदान.

आखरी आदेश अदकि अभिवादन

13 जागस्तेला ईरी, वशिवास दा स्थरि ईरी, हमिमत ईटी, अदकि बलवन्त आगी. 14 जो येनारा माळतीर प्यार देल माळी.

15 *हे वारटुरा, नीव स्तफिनास उन घराना अक जान्सतीर कि आंदुर अखाया अन्द पयला वशिवासी उर, अदकि परमेश्वर उन पवतिर लॉकुरद स्यावा अन्द साटी तयार ईरतार. 16 इदुरसाटी ना नीम से वनिती माळतीन कि हगि माळावाळेर्द हात्ती ईरी, अदकि हर ऊंद मळसा अन्द जो ई क्याल्सा दा मेहनती अदकि सहकर्मी आन.

17 ना स्तफिनास अदकि फूरतूनातुस अदकि अखईकुस उन बंदुर देल खुश आईन, यतकी आंदुर नीमद् घट इक पुरा माळदुर. 18 आंदुर नानी अदकि नीमद् आत्मागोळ इक चैन कोट्टुर, इदुरसाटी हगि माळावाळेर् इक मान्सी.

19 *आसया इन मंडलीगोळ्द दी टु नीमी नमस्कार; अक्वला अदकि प्रसिका अन्द अदकि आंदुरद मान्ना अन्द मंडली अन्द भी नीमी प्रभु दा हापाळ हापाळ नमस्कार! 20 सप्पा वशिवासी वारटुरद नीमी नमस्कार. पवतिर चुम्मा आबुर दाबुर इक कुतक्या अक हचकु आपस दा नमस्कार माळी.

21 ना पौलुस उन तान कय देल लखिसकु ईरोद नमस्कार.

22 अगर यावारा प्रभु से प्यार ईला ईटुल रा आऊन मा हाय.

हे नाम प्रभु, बर!

23 प्रभु यीशु उन अनुग्रह नीम मा आगतेला ईरूल.

24 नांद प्यार मसीह यीशु दा नीव सप्पा मुंदुर सांगुळ ईरूल. आमीन.

कुरन्थियों के नाम पौलुस प्रेरति की दूसरी पत्री कुरन्थिगोळ्द हेसुर पौलुस प्रेरति उन दुसरा चट्ठी परचिय

दुसरा कुरन्थि ईद चट्ठी प्रेरति पौलुस यीशु मसीह अन्द जनम इन ५५-५६ साल इन बाद्दा लखिसदुन १:१ ईद आ येद्व चट्ठी गोळ्द दा टु दुसरा चट्ठी हुन जो पौलुस कुरन्थिवासीगोळ्द साटी लखिसदुन. हापाळ पंडीत वधिवान हगि समस्तार कि ई चट्ठी इन पयले कुरन्थिगोळ्दी ऊंद धोळ्द कळक चट्ठी लखिसीदुन इदुर बारा दा आव २:३-४ ई वचन दा उल्लेख माळतान लेकीन ई चट्ठी इन प्रतकि नाम हात्ती हैलेच. ईद दुसरा कुरन्थि इन चट्ठी पौलुस संभव अच मकदिनया नगर दा टु लखिसीदान. २:१३

दुसरा कुरन्थि ई चट्ठी इन वशिषता ईद आद कि चट्ठी दा वैक्तिक अदकि भावनात्मक मातगोळ्द चर्चा माळकु आग्याद ई चट्ठी दा पौलुस जो वळलीद अहवाल आव कुरन्थिगोळ्द बारा दा तीतुस से हासलि माळदुन अदुर बारा दा खुशी जाहीर माळतान. ई चट्ठी दा वसितार देल शकिषा कोळोद बारा दा व्हाशोद नयिम इन दृष्टीकोन देल काळ्दसतद. ईद शकिषा ई वभाग दा सकितद याता वभाग दा पौलुस आ चंदा अन्द बारा दा मात हेळतान जो चंदा यरूशलेम इन वशिवासीगोळ्द सहायता साटी ताकोमकु आगीत ८-९ मंडली दा थ्वाळासा लॉकुर पौलुस उन खलिाप ईरोर लेकीन थ्वाळासा मुंदुर अल बरावाळे ख्वाटा प्रेरति ई वशिष इन फायदा नेगुकु पौलुस उक वोतकु खुद उन्नती माळोद चाहासोर. आंदुर पौलुस उन अधिकार माळदुर मा प्रश्न नरिमाण माळदुर इदुरसाटी ई चट्ठी इन आखरी भाग दा यीशु मसीह अन्द प्रेरति आगदुर नाता देल जो अधिकार आऊक सकियाद आ अधिकार मा पौलुस जोर कोळतान.

रूप-रेखा:

१. पौलुस उन मंडलीगोळ्दी नमस्कार १:१-७
२. पौलुस उन तान यात्रा अन्द बारा दा बदलाव अदकि जो अहवाल कुरन्थिगोळ्द बारा दा हासलि आगीत अदुर बारा दा चर्चा अदकि हदिळा कळक चट्ठी यदुर बारा दा आंदुर प्रश्न नरिमाण माळीदुर अऊर बारा दा हेळोद १:८-७:१६
३. यरूशलेम दा ईरावाळे वशिवासीगोळ्द साटी चंदा माळदुर बारा दा सुचना ८:१-९:१५
४. आखरी दा पौलुस उन तान प्रेरतिपन इन बचाव माळोद अदकि तान बरावाळा मुलाकात इन बारा दा चेतावनी कोळोद १०:१-१३:१०

1 *पौलुस उन दी टु जो परमेश्वर उन इच्छा देल मसीह यीशु उन प्रेरति हुन, अदकि वार्ड तीमुथयिस उन दी टु परमेश्वर उन आ मंडली इन हेसुर,

जो कुरन्थिस दा आद, अदकि सप्पा अखाया नगर इन सप्पा पवतिर लॉकुर हेसुर:

2 नाम आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

परमेश्वर उन धन्यवाद माळोद

3 नामव प्रभु यीशु मसीह अन्द परमेश्वर अदकि आप्प उन धन्यवाद आगुल, जो दया अन्द आप्प अदकि सप्पा प्रकार इन शांती इन परमेश्वर हुन 4 आव नामव सप्पा क्लेशगोळ्द दा दलिासा कोळतान; ताकी नाव आ दलिासा अन्द कारण जो परमेश्वर नामी कोळतान, आंदरी भी दलिासा कोळ सकुल जो यातारा प्रकार इन क्लेश दा इतीदार. 5 यतकी ह्यांग मसीह अन्द दुखगोळ्द दा नाव यक्कुल सहभागी आगतेव, हांग अच नाव शांती दा भी मसीह अन्द द्वारा यक्कुल सहभागी आगतेव. 6 अगर नामी क्लेश सकितद, रा ईद नीमद शांती अदकि उद्धार इन साटी हुन; अदकि अगर शांती सकितद, रा ईद नीमद शांती इन साटी हुन; यदुर प्रभाव देल नीव धीरज इन सांगुळ आ क्लेशगोळ्द इक सहन माळ कोमतीर, यवरी नाव भी सहन माळतेव. 7 नामद आशा नीमद बारा दा मजबूत आद; यतकी नाव अरूतेव कनीव ह्यांग नाम दुखगोळ्द दा, हांग अच शांती दा भी सहभागी आईर.

* 1:1 १:१ प्रेरतिगोळ्द १८:१

8 *हे वार्दुरा अदकि आकतींगेरा, नाव चाहसालेव कनि नीव नाम आ क्लेश देल अनजान ईरी जो आसया प्रदेश दा नाम मा बतित; नाव ईत्ता भारी बोझ देल वततेगीदेव, जो नाम सामर्थ्य अन व्हार्या ईरोद, ईल ताका कनि नाव जीवन देल भी कय तोळकु कुरतीदेव. 9 अदकि नाव तान मन दा समसेगीदेव कनि नाम मा मृत्यु उन आग्या आगेग्याद. ताकी नाव तान भरोसा ईटतीदलि बल्की आ परमेश्वर उन जो सोत्तुर इक जतिता माळतान. 10 आवा नामी मृत्यु उन हगि धोळद संकट देल ऊळसदुन, अदकि ऊळस्यान; अदकि आऊन मा नामी ईद आशा आद कनि आव मुंद भी ऊळसतेला ईत्तान. 11 नीव भी ऊंद आगकु प्रार्थना अन्द द्वारा नाम सहायता माळीर कजि वरदान नामी हापाळ मुंदुर द्वारा सकित, अदुर कारण हापाळ लांकुर नाम दी टु धन्यवाद माळुल.

पौलुस उन यात्रा-योजना दा परविरतन

12 यतकी नाव तान अंतर मन इन ई गवाही मा घमण्ड माळतेव, कनि दुनिया दा अदकि विशेष माळकु नीम न्याड्या, नाम चरतिर परमेश्वर उन योग्य हगि पवतिरता अदकि सच्चार्ई सहति ईरोद, जो शारीरिक ग्यान देल ईला लेकीन परमेश्वर उन अनुग्रह अन्द सांगुळ ईरोद. 13 नाव अदा लखिसतेव जो नीव वाचुस या समस सकतीर. लेकीन बाक भी नीव नामी थ्वाळासा समसतीर. 14 अदकि नानी आशा आद कनि या दनि प्रभु यीशु मसीह नीम हात्ती बंदान आ दनि नीव घमण्ड इन दनिगोळ दा अदकि अन्त ताका भी मानसतेला ईत्तीर.

15 ईदा भरोसा देल ना चाहासीन कनि पयले नीम हात्ती बराईन कनि नीमी दुगना खुशी सकिल; 16 *ना सोचदनि कनि नीम हात्ती टु आगकु मकदिनया नगर इक होगतेला, नीम से सीकाईन, अदकि बाक मकदिनया नगर टु नीम हात्ती बराहोती; मात्त सीकाईन; अदकि नीव नानी यहूदीगोळ दी थ्वाळासा दुर ताका सार माळी. 17 इदुरसाटी ना जो ईद इच्छा माळीदनि रा येन ना अनुचति ईरीन? या जो माळोद चाहासतीन येन मय इन अनुसार माळोद चाहासतीन कनि ना मात दा “हव, हव” भी माळाईन अदकि थ्वाळासा समय दा “ईला ईला” भी माळाईन? 18 परमेश्वर खरा गवाह आन कनि नाम आ बातणी दा जो नीम से अंदुन “हव” अदकि “ईला” येदुदु शब्द सकालव. 19 *यतकी परमेश्वर उन पार यीशु मसीह यार्द नाम द्वारा मतलब नान अदकि सलिवानुस अदकि तीमुथयिस उन द्वारा नीम न्याड्या दा प्रचार आत, अदुर दा “हव” अदकि “ईला” येदुदु ईला ईरव, इदुरसाटी परमेश्वर नामव हव हुन. 20 यतकी परमेश्वर उन यास भी वादा आव, अव सप्पा अदुर दा “हव” इन सांगुळ आव. इदुरसाटी आऊन द्वारा “आमीन” भी आत कनि नाम द्वारा परमेश्वर उन महमि आगुल. 21 अदकि जो नामी नीम सांगुळ मसीह दा ऊंद माळकु मजबूत माळतान, अदकि याव नामी अभषिक माळ्यान आवा परमेश्वर हुन, 22 नाव आऊन नव हुयेव याव नाम मा आऊन आगोद छाप हच्यान अदकि बयाना दा आत्मा अक नाम मनगोळ दा कोटान. जो भवषिय दा सकोद आद.

23 ना परमेश्वर उक गवाह माळकु अनतीन कनि ना ईगासताका कुरनिथुस दा इदुरसाटी बंददिल, कनि ना ईला चाहासीन कनि नीमी बोयाईन. 24 ईद ईला कनि नाव वश्वास इन बारा दा नीम मा प्रभुता जतुसोद चाहासतेव; लेकीन नीम खुशी दा सहायक आयेव यतकी नीव वश्वास देल अच संची ईरतीर.

2

1 ना तान मन दा ईदा ठान्स कोडीदनि कनि बाक मात्त नीम हात्ती नीमी उदास माळली बरतीदील. 2 यतकी ना अगर नीमी उदास माळाईन, रा नानी खुशी कोळावाळा याव ईत्तान, सर्फि आवा यारी ना उदास माळदीन? 3 अदकि ना ईदा मात नीमी इदुरसाटी लखिसदीन कनि यागल्यारा हगि आगबाळुल कनि नान बंदुर मा, यार देल नानी खुशी सीक पायजे नानी आंदुर से उदासी सकिल; यतकी नानी नीम सप्पा मुंदुर मा ई मात इन भरोसा आद कजि जो नान खुशी आद, अदा खुशी नीम सप्पा मुंदुर भी आद. 4 धोळ क्लेश अदकि मन इन दुख देल ना हापाळ सा नीर कण्णगोळ दा टु वाहुसकु नीमी लखिसीदीन, अद इदुरसाटी ईला कनि नीव उदास आगी लेकीन इदुरसाटी कनि नीव नान आ धोळ प्यार इक अर्त कोमी, जो नानी नीम से आद.

गलती माळावाळेर इक माफ

5 अगर यावारा नीमी दुख कोटान, रा नानी का ईला बल्की ना आऊन सांगुळ यक्कुल दुख इन व्यवहार माळालीन थ्वाळा-थ्वाळा नीम सप्पा मुंदरी भी उदास माळ्यान. 6 ईत्ता मळसा अन्द साटी ईद दण्ड जो वार्दुर दा टु हापाळ मुंदुर कोटार, हापाळ आद. 7 इदुरसाटी ईदुर से वळ्लीद ईद आद कनि आऊन अपराध माफ

माळी अदकि आऊक दलिासा कोळी, ईदारा हगि आगबाळुल आ मंळसा हापाळ उदासी दा मुळकेगुल. 8 ई कारण ना नीम से वनिती माळतीन क्कि आऊक तान प्यार इन एहसास तोरसी. 9 यतकी ना इदुरसाटी भी लखिसीदीन क्कि नीमी वळ्ळीद देल परकुस कोमाईन क्कि नीव नान सप्पा मातगोळ मानसोर साटी तयार आईर का ईला. 10 अगर नीव यारीकारा माफ माळतीर रा आऊक ना भी माफ माळतीन, यतकी ना भी जो येनारा माफ माळीन, अगर हगि माळीन, रा नीम कारण मसीह अनूद जागा दा ईतकु माफ माळीन 11 क्कि नाम मा शैतान उन दावपेच नळु बाळुल, यतकी नाव आऊन युक्तगोळ देल अनजान हैलेच.

त्रोआस दा पौलुस उन व्याकुलता

12 *याग ना मसीह अनूद खुशखबरी केळसली त्रोआस नगर दा बंदीन, अदकि प्रभु नान क्क्याल्सा अक पुरा माळोर साटी ऊंद दरवाजा तेरुद बुट्टुन, 13 रा नान मन इक चैन सक्कीदील, यतकी ना तान वार्ट तीतुस उक अल नोळीदील; इदुरसाटी आंदुर से वदिा ताकोमकु ना मकदिनयिा नगर इक होटोदनि.

मसीह दा वजिय-हाब्व

14 लेकीन परमेश्वर उन धन्यवाद आगुल जो मसीह दा हमेशा नामी जय इन हाब्व दा हुळकु वयाळतान, अदकि मसीह अनूद ग्यान इन वास नाम द्वारा सप्पा जागा दा फैलुसतान. 15 यतकी नाव परमेश्वर उन हात्ती उद्धार ताकोमावाळेर अदकि नाश आगावाळेर येदुदु मुंदुर साटी मसीह अनूद वास हुयेव. 16 थ्वाळासा लॉकुर साटी रा सोत्तुर घाई मृत्यु उन वास, अदकि हापाळ सा लॉकुर साटी जीवन इन घाई जीवन इन वास. ई मातगोळ्द लायक याव आन? 17 यतकी नाव आ हापाळ मुंदुर घाई हैलेच जो तान फायदा साटी परमेश्वर उन वचन इस्तेमाल माळतार; परमेश्वर नामी कळ्यान. मन इन सच्चाई देल अदकि परमेश्वर उन सेवक आगोद नाता देल नाव परमेश्वर उक उपस्थिति जान्सकु मसीह दा माताळतेव.

3

व्हाशोद वाचा अनूद सेवक

1 येन नाव मात्त तान बळाई माळली हत्तेव? या मात्त नामी दुसरा लॉकुर घाई सफिरीश इन चट्टी गोळ नीम हात्ती तरोद या नीम से ताकोमोद आद? 2 नाम चट्टी नीवा हुईर, जो नाम दलिगोळ मा लखिसकु आद अदकि अदरी सप्पा मंळसा अरूतार अदकि वाचुसतार. 3 ईद प्रगट आद क्कि नाम नीम न्याड्या दा सेवकाई इन कारण देल नीव मसीह अनूद चट्टी हुईर. अदकि जो स्याही देल ईला लेकीन जतिता परमेश्वर उन आत्मा देल, कल्ल इन पाटीगोळ मा ईला, लेकीन दलि इन मास रूपी पाटीगोळ मा जो मसीह लखिस्यान.

4 नामी मसीह अनूद द्वारा परमेश्वर मा भरोसा आद अदा कारण नाव हगि अनतेव. 5 नाव ई लायक हैलेच क्कि तान दी टु यातारा क्क्याल्सा माळ सक्केव, लेकीन नाम लायकीयत परमेश्वर उन दी टु आद, 6 परमेश्वर नामी व्हाशोद वाचा अनूद सेवक आगोद लायक भी माळदुन, जो लखिसद व्यवस्था अनूद नयिम देल ईला पर आत्मा अनूद नयिम देल आद; यतकी नयिम कौतद, लेकीन आत्मा जतिता माळतद.

7 मूसा अनूद व्यवस्था यऊर अक्षर कल्लगोळ मा अगुळकु आगीदव, ईल ताका चमकदार आदव क्कि मूसा अनूद मार्रा मा ऊजुळ इन कारण जो गोरत भी आगतोगोद, इस्त्राएली लॉकुर आऊन मार्रा मा दृष्टी माळ ईला सकोर. 8 ईद गौरव मुरजुसेत रा पवतिर आत्मा अनूद स्यावा अदकि यक्कुल चमकदार येती आगतीदील? 9 याग मृत्यु दण्ड कोळोद क्क्याल्सा चमकदार आद, रा उद्धार कोळोद क्क्याल्सा याट चमकदार ईत्तीत? 10 अदकि जो चमकदार ईरोद, अद भी आ तेज इन कारण जो अदुर से यक्कुल चमकदार ईरोद, हाळोद तेज पचेतयाद अदकि व्हाशोद तेज यक्कुल चमकदार आगेत्याद. 11 यतकी याग जो गोरत आगूत होगोद अद चमकदार ईरोद, रा अद जो संची ईत्तीत मात्त यक्कुल चमकदार येती ईरतीदील?

12 इदुरसाटी हगि आशा ईटकु नाव हम्मिमत इन सांगुळ माताळतेव, 13 अदकि मूसा अनूद घाई ईला, याव तान बाय मा पळदा माळ बुटीदुन ताकी इस्त्राएली लॉकुर आ गोरत आगावाळा तेज इन अनूत इक नोळ सकबाळुल. 14 लेकीन आंदुर मतमिन्द आगेदुर, यतकी ईगासताका हाळोद नयिम वाचुसाहोती आंदुर दलिगोळ मा अदा पळदा बदिक्कु ईरतोगोद, याग यावारा मंळसा मसीह दा होट बरतान आग अद पळदा येदोगतद. 15 ईगासताका यागल्यारा भी मूसा अनूद क्किताब वाचुसकु आगतद, रा आंदुरद दलिगोळ मा पळदा बदिक्कु ईरतद. 16 लेकीन याग

भी आंदुरद दलि प्रभु उन दी तरिगति, आग अद पळदा येदोदीत. 17 प्रभु रा आत्मा हुन: अदकि येल्यारा भी प्रभु उन आत्मा आद अल आजादी आद. 18 लेकीन याग नाव सप्पा मुंदुरद खुला चेहरा देल प्रभु उन तेज इत्ता प्रकार प्रगट आगतद, ह्यांग आरसा दा, रा प्रभु उन द्वारा जो आत्मा आद, नाव अदा तेजस्वी रूप दा अंश अंश माळकु बदलुस्त होगतेव.

4

मुण्ण इन गळग्यागोळ दा धन

1 इदुरसाटी याग नाम मा हगि दया आत कि नामी ईद स्यावा सक्ति, रा नाव हमिमत बळालेव. 2 लेकीन नाव शरम इन होचकु क्यालसागोळद त्याग माळ बुटेव, अदकि ना चतुराई देल नळुतेव, अदकि ना परमेश्वर उन वचन दा मलावट माळतेव; लेकीन सच्चाई इक प्रगट माळकु, परमेश्वर उन मुंद हर ऊंद मंळसा अनंद अंतर मन दा तान भलाई कुरसतेव. 3 लेकीन ईद खुशखबरी जो नाव केळसतेव इदुर मा पळदा बदिक् आद, रा ईद नाश आगावाळेर दा साटी बदिक् आद. 4 अदकि आ अवशिवासीगोळद साटी, यार्द बुद्धी ई दुनिया अन मय कुढ माळ बुटान, ताकी मसीह जो परमेश्वर उन प्रतरूप हुन, आऊन चमकदार खुशखबरी इन उजुळ आंदुर नोळ सकबाळुल. 5 यतकी नाव तान तान इक ईला, लेकीन मसीह यीशु उक प्रचार माळतेव कि आव प्रभु हुन; अदकि तान बारा दा ईद अनतेव कि नाव खुद यीशु मसीह नव सेवक हुयेव. 6 इदुरसाटी कि परमेश्वर अच हुन, याव अंदुन, “अंधार दा टु ज्योर्ता चमकुसुल,” अदकि अदा नाम दलिगोळ दा चमकुस्त कि परमेश्वर उन महमिा अनंद पयचान इन ज्योर्ता यीशु मसीह अनंद मार्रा मा टु प्रकाशमान आगुल.

7 लेकीन नाव जो मुण्ण इन गळग्यागोळ घाई आयेव यदुर दा अद आत्मकि धन ईटकु आद कि ईद तोरसोर साटी कि ईद असीम सामर्थ्य नाम दी टु ईला, बल्की परमेश्वर उन दी टु अच हुन. 8 नाव नाकु दी टु क्लेश रा भोगसतेव, लेकीन मुसीबत दा बळालेव; नीर उपाय रा आयेव, पर नरिश आगालेव; 9 सतुस्कु रा आगतेव, पर त्यागस्कु आगालेव; केडुकु रा आगतेव; लेकीन नाश आगालेव. 10 नाव यीशु उन मृत्यु उक तान मय मा हर समय हुडुकु वयाळतेव कि यीशु उन जीवन भी नाम मय दा प्रगट आगुल. 11 यतकी नाव जित्ता जी हमेशा यीशु उन कारण मृत्यु उन कय दा सोपस्कु आगतेव कि यीशु उन जीवन भी नाम मरनहार मय दा प्रगट आगुल. 12 ई प्रकार सायोद कार्य नाम मा प्रभाव हाकतद अदकि जीवन नीम मा.

13 इदुरसाटी कि नाम दा अदा वशिवास इन आत्मा आद, यदुर बारा दा शास्त्र दा लखिसकु आद, “ना वशिवास माळदीन, इदुरसाटी ना माताळदनि.” इदुरसाटी नाव भी वशिवास माळतेव, इदुरसाटी माताळतेव. 14 यतकी नाव जान्सतेव कियाव प्रभु यीशु मसीह अक जित्ता माळदुन, आवा नामी भी मसीह दा भागी जान्सकु जित्ता माळ्यान, अदकि नीमी तान मुंद उपस्थति माळ्यान. 15 यतकी सप्पा वस्तुगोळ नीम साटी हुव, ताकी अनुग्रह हापाळ मुंदुर द्वारा यक्कुल आगकु परमेश्वर उन महमिा साटी धन्यवाद कोळोद यक्कुल वाळुसति.

वशिवास देल जनिदगी माळोद

16 इदुरसाटी नाव हमिमत बळालेव; यतकी नाम मय इन नाश आगूत ईरतद, तरी भी नाम बुळक इन मंळसातत्व दनि रोज व्हाशोद आगूत होगतद. 17 यतकी नाम घळी तमिर्द स्याळदतुसा क्लेश नाम साटी हापाळ महत्वपुर्ण अदकि अनन्त महमिा उत्पन्न माळत होगतद; 18 अदकि नाव रा नोळद वस्तुगोळी ईला लेकीन अनदेखा वस्तुगोळी नोळत ईरतेव; यतकी नोळद वस्तुगोळ थ्वाळासा अच दनि साटी आव, लेकीन अनदेखा वस्तुगोळ अनन्त काल ताका बन्सकु ईरताव.

5

1 यतकी नाव जान्सतेव कि याग नाम पृथ्वी माकळोद ड्यारा घाई मानना केडुकु आदीत, रा नामी परमेश्वर उन दी टु स्वर्ग मा ऊंद हगि भवन सकिकीत जो मानना कय देल माळकु ईरतीदील, लेकीन अनन्तकालीन आद. 2 ईदुर दा रा नाव यक्कुल श्वास ताकोमकु माताळतेव अदकि हापाळ लालसा ईटतेव कि तान स्वर्गीय मानना अक हाक्क कोडेव 3 कि ईदुर हाकदुर देल नाव दंगदंगा सीक बाळुल. 4 अदकि नाव ई ड्यारा दा ईरतेला बोझ देल वोटकु श्वास ताकोमतेला माताळत ईरतेव, यतकी नाव ईळसोद ईला बल्की हाक्कोद चाहासतेव, ताकी अद जो मरनहार आद जीवन दा मुळकेगुल. 5 याव नामी ईदा मात इन साटी तयार माळ्यान आव परमेश्वर हुन, याव नामी बयाना दा आत्मा भी कोटान.

6 इदुरसाटी नाव हमेशा हमिमत कटकु ईरतेव अदकि ईद जान्सतेव की यागासताका नाव मय दा ईरतेव, आगासताका प्रभु से ब्यार आयेव. 7 यतकी नाव रूप इक नोळकु ईला, लेकीन वशिवास देल नळुतेव. 8 इदुरसाटी नाव हमिमत कटकु ईरतेव, अदकि मय टु ब्यार आगकु प्रभु उन सांगुळ ईरोद मातत यक्कुल वळ्लीद सम्सतेव. 9 ईदुर कारण नाम मन इन उमंग ईद आद की चाहे सांगुळ ईततेव चाहे ब्यार ईततेव, लेकीन नाव आऊक भाऊसत ईततेव. 10 यतकी जरूरी आद की नाव सप्पा मुंदुर हाल मसीह अनंद न्याय आसन इन मुंद तेरदोगुल, की हर ऊंद मळसा तान तान वळ्लीद बुरा क्याल्सागोळ्द बदला जो आव मय इन द्वारा माळ्यान सकिल.

परमेश्वर से मेल-मलिाप

11 इदुरसाटी प्रभु उन अंजक मानसकु नाव लॉकुरी समझुसतेव; लेकीन परमेश्वर मा नाम हाल प्रगट आद, अदकि नान आशा ईद आद की नीम वविक मा भी प्रगट आगीदाद. 12 नाव तरी भी तान बळाई नीम मुंद माळालेव, बल्की नाव तान बारा दा नीमी घमण्ड माळोद मवका कोळतेव की नीव आंदरी उत्तर कोळ सकी, जो मन मा ईला बल्की दखावटी मातगोळ मा घमण्ड माळतार. 13 अगर नाव बेसुध आयेव रा परमेश्वर उन साटी, अदकि अगर चैतन्य आयेव रा नीम साटी आयेव. 14 यतकी मसीह अन प्यार नामी मजबुर माळ बुळतद; इदुरसाटी की नाव ईद सम्सतेव की याग ऊंद सप्पा मुंदुर साटी सोत्तुन रा सप्पा सोत्तुर. 15 अदकि आव ई नमित्त सप्पा मुंदुर साटी सोत्तुन की जो जत्तिता आर, आंदुर मुंद इक तान साटी जत्तिता ईरबाळुल लेकीन आऊन साटी जो आंदुर साटी सोत्तुन अदकि बाक जत्तिता आदुन.

16 इदुरसाटी ईग टु नाव यारीकु मय इन अनुसार समसतीदील. यतकी नाव मसीह अक भी मय इन अनुसार जानसीदेव, तरी भी ईग टु आऊक हगि जानसतीदील. 17 इदुरसाटी अगर यावारा मसीह दा आन रा आव व्हाशोद दुनया आन: हाळोद मातगोळ बतिसेग्याव; नोळी, सप्पा मातगोळ व्हाशेव आगेग्याव. 18 ईव सप्पा मातगोळ परमेश्वर उन दी टु आव, याव मसीह अन द्वारा तान सांगुळ नाम मेल-मलिाप माळ कोंडुन, अदकि मेल-मलिाप इन स्यावा नामी सौप्सदुन. 19 मतलब परमेश्वर मसीह अन द्वारा तान सांगुळ दुनया अन मेल-मलिाप माळ कोंडुन, अदकि आंदुरद अपराधगोळ्द दोष आंदुर मा हचीदलि, अदकि आव मेल-मलिाप इन वचन नामी सौप्सदुन.

20 इदुरसाटी, नाव मसीह अन राजस्वरगदूत हुयेव; मानसी परमेश्वर नाम द्वारा वनिती माळेत्यान. नाव मसीह अन दी टु नविदन माळतेव की परमेश्वर उन सांगुळ मेल-मलिाप माळकोमी. 21 जो पाप देल अग्यात ईरोन, आऊक अच आव नाम साटी पाप ठहरसदुन की नाव आऊन दा आगकु परमेश्वर उन मुंद नेक मळसा बनसेगुल.

6

1 नाव जो परमेश्वर उन सहकर्मी आयेव ईद भी हेळतेव की आऊन अनुग्रह जो नीम मा आत, अदरी वाया होगोळबाळी. 2 यतकी आव रा अनतान,

“तान खुश आगोद समय दा ना नीन केळ कोंडीन,

अदकि उद्धार इन दनि ना नीन सहायता माळदीन.”

नोळी, ईग अद खुश

इन समय आद;

नोळी, ईग अद उद्धार इन दनि आद.

3 नाव यातोदु मात दा ठोकर तनिोद यातोद भी मवका कोळालेव ताकी नाम स्यावा मा यातोद भी दोष बरबाळुल. 4 लेकीन हर मात देल परमेश्वर उन सेवकगोळ्द घाई तान लायकत इक प्रगट माळतेव, बळा धीरज देल, क्लेशगोळ देल, दरदिरगोळ देल, संकटगोळ देल, 5 क्वाळा तनिोद देल, कैद आगदुर देल, दंगा देल, मयनत देल, च्याता ईरोद देल, उपास माळदुर देल, 6 पवतिरता देल, आ ग्यान देल, धीरज देल, परमेश्वर उन प्यार अदकि कृपा देल, पवतिर आत्मा देल, 7 सही प्यार देल, सच्चाई इन वचन देल, परमेश्वर उन सामर्थ्य देल, नयायीपन इन हथयारगोळ देल जो उजवा डाक्या कयगोळ दा आव, 8 आदर अदकि नरिादर देल, बेकार कीर्त्ता अदकि वळ्लीद कीर्त्ता देल. अगर भरमुसावाळेर घाई मालूम आगतेव तरी भी सही आयेव; 9 अनजानगोळ्द घाई आयेव, तरी भी प्रसद्धि आयेव; सोत्तुर घाई आयेव अदकि नोळी जत्तिता आयेव; बळसकोमावाळेर्द घाई आयेव पर जीव देल कोनसुस्कु आगालेव; 10 शोक माळावाळेर्द घाई आयेव, पर हमेशा खुश ईरतेव; कंगालगोळ्द घाई

आयेव, पर हापाळ मुंदुर इक धनवान माळ बुळतेव; हगि आयेव जसा नाम हात्ती येनु हैलेच तरी भी सब येनारा ईटतेव.

11 हे कुरनिथिगोळा, नाव तान मन तेरूकु नीम से मातगोळ हेळेव, नाम मन नीम दी तेरूकु आव 12 नीम साटी नाम मन दा यातोदु संकोच हैलेच, लेकीन नीमद अच मनगोळ दा संकोच आद. 13 लेकीन तान चकिोर जान्सकु नीम से अनतीन कानीव भी अदुर बदला दा तान मन तेरूद बुळी.

देवभक्ती ईला ईटावाळेर से सावधान

14 अवशिवासीगोळ्द सांगुळ संबंघ माळकु जुआळी दा जुत्सबाळी, यतकी न्यायीपन अदकि अन्याय इन येन मेल-जोल आद? या उजुळ अदकि अंधार इन येन संगती? 15 अदकि मसीह अन्द शैतान उन सांगुळ येन लगाव? या वशिवासी इन सांगुळ अवशिवासी इन येन नाता? 16 *अदकि मूर्तीगोळ्द सांगुळ परमेश्वर उन मंदरि इन येन संबंघ? यतकी नाव रा जतिता परमेश्वर उन मंदरि हुयेव; ह्यांग परमेश्वर अंदान, “ना आंदुर दा ईराइन

अदकि आंदुर दा नळुतोगाईन;

अदकि ना आंदुर परमेश्वर आगाईन,

अदकि आंदुर नान लाँकुर आदार.”

17 इदुरसाटी प्रभु अनतान,

“आंदुर न्याड्या दा टु होळी

अदकि ब्यार ईरी;

अदकि अशुध्द वस्तु उक मुट बाळी,

रा ना नीमी ग्रहण माळाईन;

18 अदकि ना नीम आप्प आगाईन,

अदकि नीव नान पार अदकि पोर आदीर.

ईद सर्वशक्तमान प्रभु परमेश्वर उन वचन हुन.”

7

1 इदुरसाटी हे प्रथिगोळा, याग की ई वादागोळ नामी सकियाव, रा बरी, नाव तान तान इक मय अदकि आत्मा अन्द सप्पा मलनिता देल शुद्ध माळेव, अदकि परमेश्वर उन अंज्क ईटतेला पवतिरता अक सद्धि माळेव.

पौलुस उन खुशी

2 नामी तान दलि दा जागा कोळी. नाव ना रा यारदु सांगुळ अन्याय माळेव, ना यारीकारा बगिळुसेव अदकि ना यारीकारा ठगुसेव. 3 ना नीनी दोषी ठहरूसोर साटी ईद अनालीन. यतकी ना पयले अच अन बुटीन की नी नाम दलि दा हगि कुरतोग्या की नाव नीन सांगुळ सायोर अदकि ऊळोर साटी तयार आयेव. 4 ना नीम से हापाळ हमिमत इन सांगुळ माताळेतनि, नानी नीम मा बळा घमण्ड आद; ना शांती देल तुम्मेगीन. तान सप्पा क्लेश दा ना खुशी देल हापाळ तुमकु ईरतीन.

5 *यतकी याग नाव मकदिनया नगर दा बंदेव, आग भी नाम मय इक चैन सकिदील, लेकीन नामी नाकु दी टु क्लेश सकितोगोद; व्हार्या लळाईगोळ ईरव, बुळ्क भयंकर मातगोळ ईरव. 6 फरि भी दिन गरीब मंळसागोळी शांती कोळावाळा परमेश्वर तीतुस उन बंदुर देल नामी शांती कोट्टुन; 7 अदकि ना सरिफ आऊन बंदुर देल लेकीन आऊन आ शांती देल भी, जो आऊक नीम दी टु सकीत. आव नीम लालसा, नीम दुख अदकि नान साटी नीम धुन इन बातणी नामी केळसदुन, यदुर देल नानी मातूत खुशी आत.

8 यतकी कदाचति ना तान चटिठी देल नीनी दुखी माळदीन, लेकीन अदुर देल पछतासालनि ह्यांग की पयले पछतासनि, यतकी ना नोळतीन की आ चटिठी देल नीनी दुख रा आत लेकीन अद घळी तमिुरद साटी ईरोद.

9 ईग ना खुश आईन पर इदुरसाटी ईला की नीनी दुख पोहचुस्त, उलटा इदुरसाटी की नी आ दुख इन कारण मन तरिगुसद, यतकी नीन दुख परमेश्वर उन इच्छा अन्द अनुसार ईरोद की नाम दी टु नीनी यातोदु मात दा हाना पोहचुस बाळुल. 10 यतकी परमेश्वर-भक्ती इन दुख हगि पश्चाताप पैदा माळतान यदुरद परणाम उद्धार आद अदकि बाक अदुर देल पछतासोद बळाल. लेकीन दुनया अक दुख मृत्यु पैदा माळतद. 11 इदुरसाटी नोळी ईदा

मात देल कि नीमी परमेश्वर उन दी टु बरोद दुख आत नीम दा याट उत्साह अदकि खुद इक उळसोद इच्छा अदकि हतास, अदकि अंजक, अदकि लालसा, अदकि आस्था अदकि न्याय कोळोद वचार पैदा आत? नीव हर प्रकार देल ईद सदिध माळकु तोरसदीर कि नीव ई मात दा नरिदोष आईर.

12 बाक ना जो नीम हात्ती लखिसीदनि, अद ना रा आऊन कारण लखिसदीन याव अन्याय माळदुन अदकि ना आऊन कारण यार मा अन्याय माळकु आत, लेकीन इदुरसाटी कि नीम उत्साह जो नाम साटी आद, अद परमेश्वर उन मुंद नीम मा प्रगट आगेगुल. 13 इदुरसाटी नामी दलिासा सक्ति. नाम ई दलिासा अन्द सांगुळ तीतुस उन खुशी इन कारण मात्त यक्कुल खुशी आत यतकी आऊन जीव नीम सप्पा मुंदुर कारण खुश आगेत. 14 यतकी अगर ना आऊन मुंद नीम बारा दा येनारा घमण्ड तोरसदीन, रा लज्जति आगीदील, लेकीन ह्यांग नाव नीम से सप्पा मातगोळ सही-सही अन बुटदिव, हांग अच नाम घमण्ड तोरसोद तीतुस उन मुंद भी सही होळत. 15 याग आऊक नीम सप्पा मुंदुर आग्याकारी आगोद याद आगतद कि ह्यांग नीव अंजक अदकि नळ्गतेला आऊन से मुलाकात माळदीर; रा आऊन प्यार नीम दी मात्त यक्कुल वाळुसेगतद. 16 ना खुश आईन यतकी ना हर मात दा नीम मा पुरा भरोसा माळ सकतीन.

8

उदारता पुरवक दान कोळोद

1*ईंग हे वार्दुरा अदकि आकतींगेरा, नाव नीमी परमेश्वर उन अनुग्रह जो मकदिनया नगर इन मंडलीगोळ मा आत नाव चाहासतेव कि नीमी मालूम नळुल. 2 कक्लेश इन धोळ्द परीक्षा दा आंदुर धोळ्द खुशी अदकि भारी कंगालपन दा आंदुर उदारता हापाळ वाळुसेत. 3 आंदुर बारा दा नान ईद गवाही आद कि आंदुर तान सामर्थ्य तुमकु उलटा सामर्थ्य से भी व्हार्या, मन देल कोटार. 4 अदकि ई दान दा अदकि यहूदीगोळ्द परमेश्वर उन पवतिर लॉकुरद स्यावा दा सहभागी आगोद अनुग्रह अन्द बारा दा, नाम से घळी-घळी हापाळ वनिती माळदुर, 5 अदकि ह्यांग नाव आशा माळीदेव, हांग अच ईला उलटा आंदुर प्रभु उक बाक परमेश्वर उन इच्छा देल नामी भी तान तान इक कोट बुटदुर. 6 इदुरसाटी नाव तीतुस से वनिती माळीदेव कि ह्यांग आव पयले सूरवात माळीदुन, हांग अच नीम न्याड्या दा ई दान कोळोद कृपा अन्द क्याल्सा अक लगातार पुरा माळुल. 7 इदुरसाटी ह्यांग नीव सप्पा मात दा मतलब वशिवास, वचन, ग्यान अदकि सप्पा प्रकार इन कोशशि दा, अदकि आ प्यार दा जो नाम से ईटतीर, वाळुस्त होगतीर, हांग अच ई दान इन कृपा अन्द क्याल्सा दा भी वाळुस्त होगी.

8 ना आग्या अन्द रीति मा रा ईला, लेकीन दुसरा लॉकुरद तोरसद उत्साह देल नीम प्यार इन सच्चाई इक परखुसोर साटी अनतीन. 9 नीव नाम प्रभु यीशु मसीह अन अनुग्रह अरूतीर कि आव धनी ईतकु भी नीम साटी कंगाल आगेदुन, ताकी आऊन कंगाल आगदुर देल नीव धनी आगेगी.

10 ई मात दा नान सला ईदा आद: ईद नीम साटी वळ्दीद आद, जो ऊंद साल टु ना रा सरिफ क्याल्सा अक माळदुर दा अच, लेकीन ई मात इन चाहासदुर दा भी पयला आगदुर, 11 इदुरसाटी ईंग ईद क्याल्सा पुरा माळी कि ह्यांग इच्छा माळदुर दा नीव तयार ईरीर, हांग अच तान तान पूजी इन अनुसार पुरा भी माळी. 12 यतकी अगर मन देल कोळोद तयारी आद रा अदुर अनुसार परमेश्वर आ दान इक ग्रहण भी माळ्यान जो आऊन हात्ती आद, ना कि आऊन अनुसार जो आऊन हात्ती हैलेच.

13 हगि ईला कि दुसरा अक चैन अदकि नीमी क्लेश सकुल, 14 लेकीन बराबरी इन वचार देल ई समय नीम बळती आंदुर घटी दा क्याल्सा बरूल, ताकी आंदुर बळती भी नीम घटी दा क्याल्सा बरूल कि बराबरी आगेगुल. 15 ह्यांग शास्त्र दा लखिसकु आद, “याव हापाळ जेळदुन आऊन ज्यादा होटीदलि, अदकि याव थ्वाळासा जेळदुन आऊन गोर्त भी होटीदलि.”

तीतुस अदकि आऊन सहकर्मी

16 परमेश्वर उन धन्यवाद आगुल, याव नीम साटी अदा उत्साह तीतुस उन दलि दा हाक्क बुटान! 17 कि आव नाम समजुसोद मान्स कोडुन उलटा हापाळ उत्साही आगकु आव तान इच्छा देल नीम हात्ती होग्याद. 18 नाव आऊन सांगुळ आ वार्ड उक भी कळेव यार्द हेसुर खुशखबरी इन बारा दा सप्पा मंडली दा फैलुसकु आद; 19 अदकि

ईट अच ईला, लेकीन आव मंडली द्वारा नयिक्त भी आदुन की ई दान इन क्याल्सा अनूद साटी नाम सांगुळ होगुल. नाव ईद स्यावा इदुरसाटी माळतेव की प्रभु उन महिमा अदकि नाम मन इन तयारी प्रगट आगेगुल.

20 नाव ई मात दा सावधान ईरतेव की ई उदारता अनूद क्याल्सा अनूद बारा दा यार स्यावा नाव माळतेव, यावारा नाम मा दोष हच सकबाळुल. 21 यतकी जो मातगोळ सर्फि प्रभु उन हात्ती इच ईला, लेकीन मंळसागोळ्द हात्ती भी भला आव नाव अऊरुद चनिता माळतेव.

22 नाव आऊन सांगुळ तान वार्ट उक भी कळेव, यारी नाव घळी-घळी परखुस्कु हापाळ सा मातगोळ दा उत्साही आगतेला नोळेव; लेकीन ईग नीम मा आऊक हापाळ भरोसा आद, ई कारण आव मातत यक्कुल उत्साही आन. 23 अगर यावारा तीतुस उन बारा दा केळुल, रा आव नान संगी अदकि नीम साटी नान सहकर्मी हुन; अदकि अगर नाम वार्टुर्द बारा दा केळुल, रा आंदुर मंडलीगोळ्द कळुकु अदकि मसीह अनूद महिमा उर. 24 इदुरसाटी तान प्यार अदकि नाम अद घमण्ड जो नीम बारा दा आद मंडलीगोळ्द मुंद सदिध माळकु आंदरी तोरसी.

9

संगी-मसीहगोळ्द साटी सहायता

1 ईग आ स्यावा अनूद बारा दा जो पवतिर लॉकुरद साटी माळकु आगतद, नानी नीमी लखिसोद जरूरी हैलेच. 2 यतकी ना नीम मन इन तयारी इक अरूतीन, यदुर कारण ना नीम बारा दा मकदिनया नगर इन ईरावाळेर्द मुंद घमण्ड तोरसतनि की अखाया नगर इन लॉकुर ऊंद साल टु तयार आग्यार, अदकि नीम उत्साह मातत हापाळ मुंदुर इक भी तयार माळ्याद. 3 लेकीन ना वार्टुर इक इदुरसाटी कळीन की नाव जो घमण्ड नीम बारा दा तोरसदेव, अद ई मात दा व्यर्थ ईरबाळुल; लेकीन ह्यांग ना अंदीन हांग अच नीव तयार ईरी, 4 हगि आगबाळुल की अगर यावारा मकदिनया नोर ईरावाळेर नान सांगुळ बरूल अदकि नीमी तयार ईला नोळुल, रा आग सकतद की ई भरोसा अनूद कारण नाव ईद अनालेव की नीव लज्जति आदेव. 5 इदुरसाटी ना वार्टुर से ईद वनिती माळोद जरूरी समसदीन की आंदुर पयले टु नीम हात्ती होगुल, अदकि नीम उदारता अनूद काय यदुर बारा दा पयले टु वचन कोटकु आगीत, तयार माळकु ईटुल की ई दबाव देल ईला लेकीन उदारता अनूद काय इन घाई तयार आगुल.

6 लेकीन मात ईद आद: जो थ्वाळासा बोऊसतान, आव थ्वाळा अच कळदान; अदकि जो हापाळ बोऊसतान, आव हापाळ कळदान. 7 हर ऊंद मंळसा ह्यांग मन दा ठानस्यान हांग अच दान माळुल; ना कुळकुळस तेला अदकि ना दबाव देल, यतकी परमेश्वर खुशी देल जो कोळतान आऊन से अच प्यार ईटतान. 8 परमेश्वर सप्पा प्रकार इन अनुग्रह नीमी हापाळ तरीका देल कोळ सकतान यदुर देल हर मात दा अदकि हर समय, सप्पा येनारा, जो नीमी जरूरी आद, नीम हात्ती ईरूल; अदकि हर ऊंद वळ्लीद क्याल्सा अनूद साटी नीम हात्ती हापाळ येनारा ईरूल. 9 ह्यांग शास्त्र दा लखिसकु आद,

“आव सळग्यान माळदुन, आव कंगालगोळी दान कोट्टुन,

आऊन न्याय हमेशा बन्सकु ईत्तीत.”

10 इदुरसाटी जो बोऊसावाळा अक बीजा अदकि ऊमोर साटी रोटी कोळतान, आव नीमी बीजा कोट्टान, अदकि आऊक फलवन्त माळ्यान; अदकि नीम न्याय इन कायगोळी वाळुस्यान. 11 नीव हर मात दा सप्पा प्रकार इन उदारता अनूद साटी जो नाम द्वारा परमेश्वर उन धन्यवाद माळसुसतद, धनवान माळकु आदीर. 12 यतकी ई स्यावा अक पुरा माळदुर देल ना सर्फि पवतिर लॉकुरद जरवतगोळ पुरा आगताव, लेकीन लॉकुर दी टु परमेश्वर उन भी हापाळ धन्यवाद आगतद. 13 यतकी ई स्यावा अक प्रमाण स्वीकार माळकु आंदुर परमेश्वर उन महिमा प्रगट माळतार की नीव मसीह अनूद खुशखबरी इक मानसकु आऊन हात्ती ईरतीर, अदकि आंदुरद अदकि सप्पा मुंदुरद सहायता माळदुर दा उदारता प्रगट माळतेला ईरतीर. 14 अदकि आंदुर नीम साटी प्रार्थना माळतार; अदकि इदुरसाटी की नीम मा परमेश्वर उन हापाळ अच अनुग्रह आद, नीम लालसा माळतेला ईरतार. 15 परमेश्वर उन, आऊन आ दान इन साटी जो वर्णन टु व्हार्या आद, धन्यवाद आगुल.

10

पौलुस उन अधकार

1 ना आवा पौलुस हुईन जो नीम मुंद गरीब आईन लेकीन बेन हदि नीम दी साहस माळतीन, नीमी मसीह अनूद नम्रता अदकि कोमलता अनूद कारण समझुसतीन. 2 ना ईद वनिती माळतीन की नीम मुंद नानी नरिभय आगकु

साहस माळोद बळिबाळुल, ह्यांग ना थ्वाळासा लॉकुर मा जो नामी मय इन अनुसार नळावाळेर समसतार, आंदरी साहस तोरसोद वचिर माळतीन. ³ यतकी नाव मय इन अनुसार नळुतेव अदकि वयाळतेव, तरी भी नाव मय इन अनुसार लळाई माळालेव. ⁴ यतकी नाम लळाई इन हथयार शारीरकि ईला, लेकीन कलिलागोळ्द नाश माळोर साटी परमेश्वर उन सामर्थ्य देल परपुर्ण आद. ⁵ इदुरसाटी नाव कल्पनागोळ्द अदकि हर ऊंद धोळ्द मात इन, जो परमेश्वर उन पयचान इन वरिध दा येळतद, खंडन माळतेव; अदकि हर ऊंद भावना अक कैद माळकु मसीह अन्द आग्याकारी माळ बुळतेव, ⁶ अदकि तयार ईरतेव कियोग नीम आग्या पालन पुरा आगेगुल, रा हर ऊंद प्रकार इन आग्या अन्द उल्लंघन माळावाळेर इक दण्डति माळेव.

⁷ नीव अवा मातगोळी नोळी, जो कण्णगोळ्द मुंद आव. अगर यारीकारा तान मा ईद भरोसा आद कि ना मसीह नव हुईन, रा आव ईद भी जान्स कोमुल कि ह्यांग आव मसीह नव हुन हांग अच नाव भी हुयेव. ⁸ यतकी अगर ना आ अधिकार इन बारा दा मात्त यककुल घमण्ड तोरसाईन, जो प्रभु नीम बीगळूसोर साटी ईला लेकीन सुधूसोद साटी नामी कोटान, रा ना लज्जति ईला आगाईन. ⁹ ईद ना इदुरसाटी अनतीन कि चिट्ठी गोळ्द द्वारा नीमी अंजक्या तोरसावाळा ठहूसतीदील. ¹⁰ यतकी आंदुर अनतार, “आऊन चिट्ठी गोळ रा गंभीर अदकि प्रभावशाली आव; लेकीन याग आव मुंद इरतान, रा आव मय देल कमजोर अदकि माताळदुर दा हल्का अरूकु आगतान.” ¹¹ जो हगि अनतान, आव ईद ऊमसुल कि ह्यांग बेन हदि चिट्ठी गोळ दा नामव वचन आव, हांग अच नीम मुंद नामव क्यालसा भी ईत्ताव.

¹² यतकी नामी ईद साहस हैलेच कि नाव तान तान इक आंदुर दा टु येनारा सांगुळ आळुल या आंदुर से खुद इक मीलुसुल, जो तान प्रशंसा खुद माळतार, अदकि तान तान इक आपस दा आळ्दकु तौलुस्कु आबुर दाबुर से मलिन माळतार, आ लॉकुर खुद मूर्ख ठहूसतार. ¹³ नाव रा सीमा टु व्हार्या घमण्ड यागलु भी माळतीदील, लेकीन अदा सीमा ताका जो परमेश्वर नाम साटी ठहूसयान, अदकि अदुरदा नीव भी होट बंदीर, अदकि आऊंदा अनुसार घमण्ड भी माळ्यार. ¹⁴ यतकी नाव तान मर्यादा अन्द व्हार्या होगालेव, जसा कि नीम ताका पोहचुसोद दशा दा ईला ईराईत, उलटा मसीह अन्द खुशखबरी केळ्दतेला नीम ताका पोहचुसेग्याव. ¹⁵ नाव मर्यादा टु व्हार्या दुसरा अन मेहनत मा घमण्ड माळालेव; लेकीन नामी आशा आद कियोग-याग नीम वशिवास वाढुस्तेला होदीत आग-आग नाव तान मर्यादा अन्द अनुसार नीम कारण मात्त वाढुस्त होदेव, ¹⁶ ताकी नाव नीम मर्यादा से मुंद वाढुस्कु खुशखबरी केळसेव, अदकि ईद ईला कि नाव दुसरा अन मर्यादा अन्द बुळ्क माळदव क्यालसा मा घमण्ड माळेव.

¹⁷ ह्यांग शास्त्र अनतद, घमण्ड माळोद आद, आव प्रभु मा घमण्ड माळुल. ¹⁸ यतकी जो तान बळाई माळतान आव ईला, लेकीन यार्द बळाई प्रभु माळतान, आवा ग्रहण माळकु आगतान.

11

पौलुस अदकि ख्वाटा प्रेरति

¹ अगर नीव नान थ्वाळासा मूर्खता सहन माळ कोमायदीर रा येन ईद भला आगाईत; हव, नान सहन भी माळी. ² ना नीम बारा दा ईर्ष्या ईटतीन ह्यांग परमेश्वर ईटतान, नीव ऊंद पवतिर कुवारा पोर इन घाई आईर, यारी ना सरिफ ऊंद मंळसा अक, खुद मसीह अन्द सांगुळ मदा माळोद वादा माळीदनि. ³ लेकीन ना अंजतीन कि ह्यांग हाव तान चतुराई देल हवा अक बयकुस्त, हांग अच नीम सीधा साधा मन अदकि पवतिरता देल जो मसीह अन्द सांगुळ ईर पायजे, येल्यारा भ्रष्ट माळकु आगबाळुल. ⁴ अगर यावारा नीम हात्ती बंदकु यावारा दुसरा यीशु उन प्रचार माळुल, यार्द प्रचार नाव माळीदील; या यातारा दुसरा आत्मा नीमी सकिल, जो पयले ईला सकीदाद; या मात्त यावारा खुशखबरी केळसुल यदरी नीव पयले मान्सीदील, रा नीव अदरी स्वीकार माळ कोमतीर.

⁵ ना रा सम्पतीन कि ना यातारा मात दा धोळ से धोळ प्रेरतिगोळ से गोरत हैलेच. ⁶ अगर ना माताळदुर दा अनाळी आईन, तरी भी ग्यान दा गोरत हैलेच. नाव इदरी हर मात दा सप्पा प्रकार देल नीम साटी प्रगत माळेव.

⁷ येन ईदुर दा ना येनारा पाप माळीन कि ना नीमी परमेश्वर उन खुशखबरी ह्यांगारा-मुंगारा केळ्ददीन; अदकि तान तान इक नम्र माळदीन कि नीव म्याकुच आगेगी? ⁸ ना दुसरा मंडलीगोळी लुट्सदनि, मतलब ना आंदुर से

मजदूरी ताकोडीन ताकी नीम स्यावा माळाईन. 9 *अदकि याग ना नीम सांगुळ ईरीन अदकि नानी गोर्त आत, रा ना यारदु मा बोझ हाककीदलि, यतकी वार्दुर मकदिनया नगर टु बंदकु नान जो गोर्त ईरोद अदरी पुरा माळदुर; अदकि ना हर मात दा तान तान इक नीम मा बोझ आगदुर देल रोक्सदनि, अदकि रोक्सकु ईटाईन. 10 अगर मसीह अन्द सच्चाई नान दा आद रा अखाया द्याश दा याऊ नानी ई घमण्ड देल रोक्सतदलि. 11 येती? येन इदुरसाटी की ना नीम से प्यार ईटालीन? परमेश्वर ईद अरूतान की ना प्यार ईटतीन.

12 लेकीन जो ना माळतीन, अदा माळत ईराइन की जो धोळ प्रेरति मवका दुंदूसतार ना आ धोळ सीक गोळालीन, ताकी याता मात दा आंदुर घमण्ड माळतार, अदुरदा आंदुर नाम्द अच घाई ठहरसुल. 13 यतकी ईत्ता लॉकुर ख्वाटा प्रेरति, अदकि छल कपट देल क्याल्सा माळावाळेर, अदकि मसीह अन्द प्रेरतिगोळ्द रूप ताकोमावाळेर उर. 14 ईद येनु अचम्भा अन्द मात आल्लच यतकी शैतान खुद भी ज्योतरिम्य स्वर्गदूत उन रूप धारण माळतान. 15 इदुरसाटी अगर आऊन सेवक भी न्याय इन सेवकगोळ्द घाई रूप ताकोमुल, रा येनु धोळ्द मात हैलेच, लेकीन आंदुर न्याय आंदुर कर्मगोळ्द अनुसार आदीत.

प्रेरति उन रूप दा पौलुस उन दुख भोगसोद

16 ना मात्त अनतीन, याऊ नानी मूर्ख सम्सबाळुल; ईलारा मूर्ख अच सम्सकु नान सहन माळी, ताकी थ्वाळासा ना भी घमण्ड माळ सकाईन. 17 ई आत्मवश्वास इन घमण्ड दा जो येनारा ना अनतीन, अद प्रभु उन आग्या अन्द अनुसार ईला पर मान्सी मूर्खता देल अच अनतीन. 18 याग की हापाळ सा लॉकुर मय इन अनुसार घमण्ड माळतार, रा ना भी घमण्ड माळाईन. 19 नीव रा समझदार ईतकु खुशी देल मूर्ख लॉकुरद सहन माळ कोमतीर. 20 यतकी याग यावारा नीमी दास माळ कोमतान, या फायदा नेगुतान, या फसुस कोमतान, या तान तान इक धोड्डेव माळतान, या नीम बाय मा क्याबरा बडुतान, रा नीव सहन माळ कोमतीर. 21 नान अनोद अनादर इन अच बारा दा आद, मान्सी नाव इदुरसाटी नरिबल घाई ईरेव.

लेकीन याग यावारा यातोदारा मात दा हमिमत माळतान-ना मूर्खता देल अनतीन-रा ना भी हमिमत माळतीन. 22 येन आंदुर अच इब्रानी उर? ना भी हुईन. येन आंदुर अच इस्त्राएली उर? ना भी हुईन. येन आंदुर अच अब्राहम उन वंश उर? ना भी हुईन. 23 *येन आंदुर अच मसीह अन्द सेवक उर ना यर् इन घाई अनतीन ना आंदुर से यक्कुल आईन. यक्कुल मयनत माळदुर दा; घळी घळी कैद आगदुर दा; क्वाळागोळ तदुर दा; घळी घळी मृत्यु उन जोखीमगोळ दा. 24 अईद घन ना यहूदीगोळ्द कय देल उंच्यालीस क्वाळागोळ तनिदनि. 25 *मुर घन ना बळसकोड्डीन; ऊंद घन नान मा कल्लगोळ देल पथराव माळकु आत; मुर घन जहाज, यऊर मा ना येरीदनि, मुरदोदव; ऊंद ईळलक ऊंद हागुल ना समुद्र दा कळदनि. 26 *ना घळी घळी यात्रागोळ दा; गांगागोळ जोखीमगोळ दा; डाकूगोळ जोखीमगोळ दा; तान जातीवाळेर देल जोखीमगोळ दा; गैरयहूदीगोळ देल जोखीमगोळ दा; नगरगोळ जोखीमगोळ दा; आळी इन जोखीमगोळ दा; समुद्र अन्द जोखीमगोळ दा; ख्वाटा वार्दुरद न्याड्या जोखीमगोळ दा ईत्तीन. 27 मयनत अदकि कष्ट दा; घळी घळी च्याता ईरदुर दा; हसु-नीरअळ्क दा; घळी घळी उपास माळदुर दा; सोळ इन दनि दा; बनि फळक्या अन्द ईरदुर दा; 28 अदकि दुसरा मातगोळी बटिकु यऊर वर्णन ना माळालीन; सप्पा मंडलीगोळ्द चनिता हर दनि नानी वत्त बुळतद. 29 यार नरिबलता देल ना नरिबल आगालीन? यार्द ठोकर तदुर देल नान जीव नोयाल?

30 अगर घमण्ड माळोद जरूरी आद, रा ना तान नरिबलता अन्द मातगोळ मा घमण्ड माळाईन. 31 प्रभु यीशु उन परमेश्वर अदकि आप्प जो हमेशा धन्य आन, अरूतान की ना ख्वाटा माताळालीन. 32 *दमशिक नगर दा अरतिस राजा दी टु जो शासक ईरोन, आव नानी हुळसुमोर साटी दमशिकगोळ्द नगर मा पयरा कुरसकु ईटीदुन. 33 लेकीन नानी जाळी इन माळ्द फुट्टी दा कुरसकु ऊंद दवार इन खळिकी टु ईळसकु आत, ईत्ता प्रकार देल ना आऊन कय दा टु ऊळ्दकु होटोदनि.

12

पौलुस उन दविय दर्शन

* 11:9 ११:९ फलिपिपगोळ ४:१५-१८ * 11:23 ११:२३ प्रेरतिगोळ १६:२३ * 11:25 ११:२५ प्रेरतिगोळ १६:२२; प्रेरतिगोळ १४:१९
* 11:26 ११:२६ प्रेरतिगोळ ९:२३; प्रेरतिगोळ १४:५ * 11:32 ११:३२ प्रेरतिगोळ ९:२३-२५

1 यतकी घमण्ड माळोद नान साटी ठीक हैलेच तरी भी माळोद बळितद; इदुरसाटी ना प्रभु उन कोळ्द दर्शनगोळ अदकि प्रकाशगोळ्द चर्चा माळाईन. 2 ना मसीह दा ऊंद मंळसा अक अरूतीन; जो चौदा वर्ष आग्याव कर्मालूम ईला शरीर सहति, मालूम ईला शरीर रहति, परमेश्वर अरूतान; हगि मंळसा तसिरा स्वर्ग ताका नेगुकु आदुन. 3 ना हगि मंळसा अक अरूतीन कर्मालूम ईला शरीर सहति, या मालूम ईला शरीर रहति परमेश्वर अच अरूतान 4 कर्मि स्वर्गलोक मा नेगुकु आदुन, अदकि हगि मातगोळ केळदुन जो माताळकु आगालव; अदकि आ मातगोळी बाय मा तरोद बराबर हैलेच. 5 हगि मंळसा मा रा ना घमण्ड माळाईन, लेकीन तान मा तान नर्बलतागोळी बटिकु, तान बारा दा घमण्ड माळतीदील. 6 यतकी अगर ना घमण्ड माळोद चाहसाईन भी रा मूर्ख आगतीदील, यतकी ना सही माताळाईन; तरी भी रूक्सेगतनि, हगि आगबाळुल कर्मि ह्यांग नानी यावारा नोळतान या नान से केळतान, नानी अदुर देल यक्कुल समसुल.

7 इदुरसाटी कर्मि ना परमेश्वर उन प्रकाशन इन यक्कुलता अन कारण तुम्मेगाईन, नान मय दा ऊंद मुळल नळसकु आत, मतलब शैतान उन ऊंद स्वर्गदूत नानी बुक्की बडुल अदकि घमण्ड माळदुर देल नानी रोकसकु ईटुल. 8 ईदुर बारा दा ना प्रभु से मुर घन वनिती माळीन कर्मि ईद नान से दुर आगोगुल. 9 अदकि आव नान से अंदुन, “नान अनुग्रह नीन साटी हापाळ आद; यतकी नान सामर्थ्य नर्बलता दा सदिध आगतद.” इदुरसाटी ना हापाळ खुशी देल तान नर्बलतागोळ मा घमण्ड माळाईन कर्मि मसीह अनद सामर्थ्य नान मा सावली माळतेला ईरूल. 10 ई कारण ना मसीह अनद साटी नर्बलतागोळ दा, अपमान गोळ दा, अदकि गरीबी दा, अदकि उपद्वगोळ दा, अदकि संकटगोळ दा खुश आईन; यतकी याग ना नर्बल ईरतीन आग अच सामर्थी आगतीन.

कुरनिथीगोळ्द साटी पौलस उन चनिता

11 ना मूर्ख रा बन्सदीन, लेकीन नीव अच नानी ईद माळोर साटी मजबुर माळदीर. नीव रा नान प्रशंसा माळायदीर, यतकी अगर ना येनु हैलेच, तरी भी आ धोड्डेर से धोड्डेर प्रेरतिगोळ से यातोदारा मात दा गोरत हैलेच. 12 सही प्रेरतिगोळ्द लक्षण भी नीम न्याड्या सप्पा प्रकार इन धीरज सांगुळ चमत्कारगोळ, अदकि अदभूत क्यालसागोळ, अदकि सामर्थ्य अनद क्यालसागोळ देल तोरसकु आदव. 13 नीव याता मात दा दुसरा मंडलीगोळ देल गोरत ईरीर, सर्फ इदुर दा कर्मि ना नीम मा तान भार हाक्कीदलि. नान ईद अन्याय माफ माळी.

14 ना तसिरा घन नीम हात्ती बरली तयार आईन, अदकि ना नीम मा यातोदारा भार हाकतदलि, यतकी ना नीम धन दौलत ईला उलटा नीमी का चाहासतीन. यतकी चकिोरगोळी मोय-आप्प उन साटी धन दौलत जमा माळोद बळाल, पर मोय-आप्प उक चकिोरगोळ साटी धन जमा माळोद बळितद. 15 ना नीम आत्मागोळ साटी हापाळ खुशी देल खर्च माळाईन, उलटा खुद भी खर्च आगोगाईन. येन याट यक्कुल ना नीम से प्यार ईटतीन, आट अच गोरत नीव नान से प्यार ईट्टीर?

16 हगि आग सकतद कर्मि ना नीम मा भार हाक्कीदलि, लेकीन चतुराई देल नीमी ध्वाका कोटकु फसुस कौडीन! 17 भला, यारी ना नीम हात्ती कळुदीन, येन आंदुर दा टु यारदारा द्वारा ना छल कपट माळकु नीम से येनारा ताकोम कौडीन? 18 ना तीतुस उक वनिती माळदीन अदकि आऊन सांगुळ ऊंद वार्ट उक कळुदीन, रा तीतुस छल कपट माळकु नीम से येनारा ताकोडुन का? नाव ऊंद अच आत्मा देल सारखा अच हादी देल नळददील का?

19 नीव ईगासताका समसतदीर कर्मि नाव नीम मुंद खुद इन बचाव माळतेव. नाव रा परमेश्वर उक उपस्थति जानसकु मसीह दा माताळतेव, अदकि हे प्रथिगोळा, सप्पा मातगोळ नीम उननती साटी अच अनतेव. 20 नानी अंज्क आद, ईदारा हगि आगबाळुल कर्मि ना बंदकु ह्यांग चाहासतीन, हांग नीमी नोळतीदलि; अदकि नानी भी ह्यांग नीव चाहसालीर हांग अच नोळीर; अदकि नीम दा झगळा, जलन, सट्टि, वरिध, ईरष्या, चुगली, अभिमान अदकि चेंगळ आगुल; 21 अदकि ईलारा हगि आगबाळुल कर्मि नान परमेश्वर नान मातत नीम मान्या बंदुर मा नान मा दबाव हाकुल अदकि नानी हापाळ मुंदुर साटी मातत शोक माळोद बळुल, यार पयले पाप माळीदुर अदकि खराब क्यालसा अदकि व्यभचार अदकि वासना देल, जो आंदुर माळदुर, मन तरिगुसदील.

13

आखरी चेतावनी

1 ईग तसिरा बार ना नीम हात्ती बरतीन: हर ऊंद मुकदमा सदिध माळोर साटी येदद या मुर गवाहगोळ्द जरवत ईरतद. 2 ह्यांग ना दुसरा बार नीम सांगुळ ईरीन, हांगा ईग दुर ईरतेला आ लॉकुर से यार पयले पाप माळ्यार,

अदकि अनय सप्पा लॉकुर से ईग पयले से अन बुळतीन कि अगर ना मात बराईन रा बळितीदील, ³ यतकी नीव रा इदुरद सबुत चाहासतीर कि मसीह नान दा माताळतान, जो नीम साटी कमजोर ईला लेकीन नीम दा सामर्थी आद. ⁴ आव कमजोर इन कारण कूरस मा येरसकु रा आदुन, तरी भी परमेश्वर उन सामर्थ्य देल जतिता आन. नाव भी अदुरदा कमजोर आयेव, लेकीन परमेश्वर देल जो नीम साटी आन, आऊन सांगुळ ऊळदेव.

⁵ तान तान इक जाच वशिवास दा आईर का ईला. तान तान इक जाच. येन नीव तान बारा दा ईद जान्सालीर कि यीशु मसीह नीम दा आन? ईलारा नीव जाच दा नकिम्मा होटीर. ⁶ लेकीन नान आशा आद कि नीव जान्स कोडीर कि नाव नकिम्मा हैलेच. ⁷ नाव तान परमेश्वर से ईद प्रार्थना माळतेव कि नीव येनु बुराई माळबाळी, इदुरसाटी ईला कि नाव सही काळसीगेव, लेकीन इदुरसाटी कि नीव भलाई माळी, बाक नाव नकिम्मा अच ठहरूसेगुल. ⁸ यतकी नाव सच्चाई इन वरिध दा येनु माळ सकालेव, लेकीन सच्चाई इन साटी इच माळ सकतेव. ⁹ याग नाव कमजोर आयेव अदकि नीव ताकतवर आईर, रा नाव खुश आगतेव, अदकि ईद प्रार्थना भी माळतेव कि नीव सदिध आगेगी. ¹⁰ ईदुर कारण ना नीम बेन हींद ई मातगोळी लखिसतीन, कि उपस्थिति आगकु नानी आ अधिकार इन अनुसार यदरी प्रभु बीगळुसोर साटी ईला लेकीन नीम भलाई इन साटी कोटान, कटनाई देल येनु माळोद बळिबाळुल.

आखरी अभिवादन

¹¹ इदुरसाटी हे वारटुरा अदकि आकतीगेरा, खुश ईरी; सदिध आगतेला होगी; हमिमत ईटी; ऊंदा मन ईटी; मेल मलिाप देल ईरी. अदकि प्यार अदकि शांती इन दाता परमेश्वर नीम सांगुळ ईततान.

¹² परमेश्वर उन शुद्ध प्यार दा आबुर दाबुरी पवतिर चुम्मा देल नमस्कार माळी.

¹³ सप्पा मसीह परमेश्वर उन लॉकुर नीमी प्यार अदकि नमस्कार अनतार.

¹⁴ प्रभु यीशु मसीह अन अनुग्रह अदकि परमेश्वर उन प्यार अदकि पवतिर आत्मा अन सहभागीता नीम सप्पा मुंदुर सांगुळ आगतेला ईरूल.

गलातियों के नाम पौलुस प्रेरति की पत्नी गलातगिळ हेसुर पौलुस प्रेरति उन चट्ठी परिव्य

गलातिया अन्द ईद चट्ठी प्रेरति पौलुस लखिसदुन १:१ ईद अद चट्ठी हुन जो पौलुस गलातिया अन्द मंडली इक मसीह अन जनम इन बाददा ४८-५७ साल इन बीच दा लखिसदुन, गलातिया आ लॉकुर उर जो गलातिया हेसुर इन रोमी प्रांत दा ईरतोगोर. ग्यानी लॉकुरी ईद चट्ठी सही रूप देल मालूम हैलेच, याग आव ईद चट्ठी लखिसदुन आग आव यल ईरोन. मानसकु आगतद की आव इफसिगिळ कुरनिथि नगर दा ईतकु ईद कतिाव लखिसीदान.

आ यहूदी अदकि गैरयहूदी मसीह लॉकुर हेसुर जो गलातिया दाकळोर मंडली इन सभासद ईरोर आंदुर हेसुर देल ईद चट्ठी लखिसदुन. मसीहगोळी यहूदी नयिमगोळद विशेष रूप देल खतना अन पालन माळ पायजे ईद अनावाळेर खाटा शक्तिगोळद सामना माळोर साटी पौलुस विशेष रूप देल ईद चट्ठी लखिसदुन. ईद मसीहगोळ दा हगि समुह ईरोद यदरी जूळाइजर अंदकु आगोद इंदुर मानसतोगोर कि गैरयहूदी मसीहगोळद खतना माळोद जरूरी आद, आंदुर पौलुस उन प्रेरतिपन इन अधिकार मा प्रश्न चनिह हाकदुर. पौलुस आंदुरद थ्वाळासा जीवन कात्ता अन थ्वाळासा भाग हेळकु तान प्रेरतिपन इन पुष्टी माळदुन. १:११-२:१४ ईद स्पष्ट माळतेला कि मुक्ती सिर्फ यीशु मसीह मा विश्वास माळदुर देल अच सकितद, आव खुशखबरी इन पुष्टी माळदुन. २:१६ मुक्ती परमेश्वर उन प्यार इन फल हुन अद लॉकुरद कर्मकांड इन फल आल्लच.

रूप-रेखा

१. गलातिया अन मंडली इक नमस्कार अंदकु पौलुस ईद चट्ठी इन सूरवात माळतान. १:१-५
२. तान शिक्षा कोळोद अधिकार इन पुष्टी माळोर साटी पौलुस तान जीवन इन थ्वाळासा पार्श्वभूमी स्पष्ट माळतान आव ईद हेळोर साटी की आव नयिम शास्त्र अन अनुसार ईरोद ईद जीवन इन कोशशि माळदुन, लेकीन आव येनु सफलता हासलि माळीदलि. १:६-२:२१
३. इंदुर बाददा नयिम अदकि कृपा नामी मुक्तीकोळोर साटी येन भुमकि नभिसताव ईद आव स्पष्ट माळतान. ३-४
४. वळलीद मसीह जीवन इन साटी आव थ्वाळासा साधारण सुचना कोळतान. ५:१-६:१०
५. पौलुस आखरी दा आखरी वनिती माळतान कि परमेश्वर उन द्वारा व्हाशोद मंळसा बनसोद ईद खतना घाई व्हार्यागोळद रीति देल हापाळ महत्वपूर्ण आद इदरी याद ईटी अदकि नमस्कार माळकु आव ई चट्ठी इक खतम माळतान. ६:११-१८

1 पौलुस उन दी टु यारी प्रेरति नविळुसकु आत जो ना मंळसागोळ दी टु अदकि ना मंळसा अन द्वारा, उलटा यीशु मसीह अदकि परमेश्वर आप्प उन द्वारा, याव आऊक सोत्तुर दा टु जतिता माळदुन, प्रेरति हुन 2 अदकि सप्पा विश्वासी वार्टुर दी टु जो नान सांगुळ आर, गलातिया अन मंडलीगोळी शुभकामनागोळ कळदुर दा शामिल आर:

3 नाम परमेश्वर आप्प अदकि प्रभु यीशु मसीह अन दी टु नीमी अनुग्रह अदकि शांती कोळतेला ईरूल. 4 प्रभु यीशु मसीह तान तान इक नाम पापगोळ साटी कोट बुट्टुन, ताकी नाम परमेश्वर अदकि आप्प उन इच्छा अन अनुसार नामी ई वर्तमान बुरा युग देल बळिसुसुल. 5 परमेश्वर उन स्तुति अदकि महिमा हमेशा आगतेला ईरूल. आमीन.

यातोदु दुसरा खुशखबरी हैलेच

6 नानी आश्चर्य आगतद की याव नीमी मसीह अन अनुग्रह देल कारसदुन आऊन से नीव ईद जलदी तरिगकु दुसरा अच प्रकार इन खुशखबरी इन दी झुकसली हतदीर. 7 लेकीन अद दुसरा खुशखबरी इच हैलेच: लेकीन मात ईद आद की यास हगि आर जो नीमी उलझन दा हाक्क बुळतार, अदकि मसीह अन खुशखबरी इक बगिळुसोद चाहासतार. 8 लेकीन अगर नाव, या स्वर्ग टु यावारा स्वर्गदूत भी खुशखबरी इक बटिकु जो नाव नीमी प्रचार माळकु केळसेव, यावारा अलग खुशखबरी नीमी प्रचार माळकु केळसुल, जो आ खुशखबरी टु अलग आद, रा

आंदुर शापति आदार. 9 ह्यांग नाव पयले अंद कोडेव, हांग अच ना ईग मात्त अनतीन की आ खुशखबरी इक बटिकु यदरी नीव ग्रहण माळीर, अगर यावारा मात्त खुशखबरी केळसतान, रा शापति आगुल.

10 ईग ना येन मळसागोळी मानसतीन या परमेश्वर उक? येन ना मळसागोळी समझुसोद चाहासतीन? अगर ना ईगासताका मळसागोळी इच समझुसतेला ईरायदीन रा मसीह अन दास ईला आगायदीन.

पौलुस ह्यांग प्रेरति बन्सदुन

11 हे वारटुरा अदकि आकतींगेरा, ना नीमी हेळ बुळतीन की जो खुशखबरी ना केळसदीन, अद मळसागोळद आल्लच. 12 यतकी अद नानी मळसा अन दी टु पोहचुसीदील, अदकि ना नानी केळसकु आत, लेकीन यीशु मसीह अन प्रकाशन देल सकित. 13 *यहूदी मत दा जो पयले नांद चाल चलन ईरोद अदुरद बारा दा नीव केळ कोंडीर की ना परमेश्वर उन मंडली इक हापाळ अच सतुसीन अदकि नाश माळ तोगीन. 14 *तान हापाळ सा जातीवाळेर से जो नान अवस्था अन ईरोर, यहूदी मत दा यककुल वाळुसतेला होगतोगोद अदकि तान आप्प दादागोळ परंपरागोळ साटी हापाळ अच उत्साही ईरीन. 15 *लेकीन परमेश्वर उन, याव नान मोय इन गर्भ टु अच नानी ठहरूसदुन अदकि तान अनुग्रह देल कार्स बुट्टुन, 16 याग इच्छा आत की नान दा तान पार उक प्रगट माळुल की ना गैरयहूदीगोळ दा आऊन खुशखबरी केळसाईन, रा ना मास अदकि रक्ता देल सलाह ताकोडीन, 17 अदकि ना यरूशलेम इक आंदुर हाती होदीन जो नान से पयले प्रेरति ईरोर, लेकीन अरब इक ओळेदीन अदकि बाक अल टु दमशिक इक वापस बंदीन.

18 *बाक मुर वर्ष इन बाददा ना कैफा टु मुलाकात माळोर साटी यरूशलेम होदीन, अदकि आऊन हाती पंदरा दनि ताका ईत्तीन. 19 लेकीन प्रभु उन वारटु याकूब उक बटिकु अदकि प्रेरतिगोळ दा टु यारूकु नोळीदील. 20 जो मातगोळ ना नीमी लखिसतीन, नोळी, परमेश्वर उक उपस्थति जान्सकु अनतीन की अव ख्वाटा हैलेच. 21 इदुर बाददा ना सीरिया अदकि कलिकिया अन ऊरगोळ दा बंदीन. 22 लेकीन यहूदिया अन मंडलीगोळ जो मसीह दा ईरोर, नान बाय यागलु ईला नोळीदुर; 23 लेकीन ईदा केळतोगोर की जो नामी पयले सतुस तोगोन, आव ईग अदा वशिवास इन खुशखबरी केळसतान यारी पयले नाश माळतोगोन. 24 अदकि आंदुर नान बारा दा परमेश्वर उन महमा माळतोगोर.

2

अन्य प्रेरतिगोळ द्वारा पौलुस उक मान्यता

1 *चौदा वर्ष इन बाददा ना बरनबास उन सांगुळ मात्त यरूशलेम इक होदीन, अदकि तीतुस उक भी सांगुळ ओतीन. 2 नान होगोद ईश्वरीय प्रकाशन इन अनुसार आत; अदकि जो खुशखबरी ना गैरयहूदीगोळ दा प्रचार माळतीन, अदरी ना आंदरी हेळ बुटीन, लेकीन आबना दा आंदरी जो धोडेर सम्सकु आगोर, ताकी हगि आगबाळुल की नान ई समय इन या पछिला दवळ धूप बेकार ठहरूसुल. 3 लेकीन तीतुस उक भी जो नान सांगुळ ईरोन अदकि गैरयहूदी आन, खतना माळसुसोर साटी मजबुर माळकु आगीदील. 4 ईद आ ख्वाटा वारटुर कारण आत जो चोरी देल बंदीदुर, की आ स्वतंत्रता अन जो मसीह यीशु दा नामी सकियाद, भेद ताकोमकु नाम मा नयित्रण हासलि माळुल. 5 ऊंद घळीतीम आंदुरद हात्ती आगोद नाव मान्सीदील, इदुरसाटी की खुशखबरी इन उपज नीम दा बन्सकु ईरूल. 6 बाक जो लॉकुर येनारा सम्सकु आगोर आंदुर चाहे ह्यांग भी ईतीदार नानी इदुर से येनु लेना-देना हैलेच; परमेश्वर यारदु पक्षपात माळालुन आंदुर से जो येनारा सम्सकु आगोर, नानी येनु भी प्राप्त आगीदील. 7 लेकीन इदुर वपिरीत याग आंदुर वशिवास इक नोळदुर की ह्यांग यहूदी लॉकुर साटी खुशखबरी इन क्याल्सा पतरस उक कोटकु आत, हांग अच गैरयहूदीगोळ साटी नानी खुशखबरी केळसोद कोटकु आत. 8 यतकी याव पतरस से खतना माळद लॉकुर दा प्रेरतिई इन क्याल्सा बळा प्रभाव सहति माळसुसदुन, आवा नान से भी गैरयहूदीगोळ दा प्रभावशाली क्याल्सा माळसुसदुन, 9 अदकि याग आंदुर आ अनुग्रह अक जो नानी सकिकीत जान्स कोंडुर, रा याकूब, अदकि कैफा, अदकि यूहन्ना जो मंडली इन खंबा सम्सकु आगोर, नानी अदकि बरनबास उक संगती इन ऊमा कय कोट्टुर की नाव गैरयहूदीगोळ हात्ती होदेव अदकि आंदुर खतना माळद लॉकुर हात्ती;

* 1:13 १:३३ प्रेरतिगोळ ८:३; २२:४,५; २६:९-११ * 1:14 १:१४ प्रेरतिगोळ २२:३ * 1:15 १:१५ प्रेरतिगोळ १:३-६; २२:६-१०; २६:१३-१८
* 1:18 १:१८ प्रेरतिगोळ १:२६-३० * 2:1 २:१ प्रेरतिगोळ ११:३०; १५:२

10 सरिफ ईद अंदुर कनिाव कंगालगोळ्द सुधी ताकोंडेव, अदकि ईदा कयाल्सा अक माळोद ना खुद भी कोशशि माळीन.

पौलुस द्वारा पतरस उन वरिध

11 लेकीन याग कैफा अनताकयिा दा बंदुन, रा ना आऊन बाय मा आऊन सामना माळदीन, यतकी आव दोषी ठहूसीदुन. 12 इदुरसाटी कयिाकूब उन दी टु येनारा लाँकुर बरोर से पयले आव गैरयहूदीगोळ सांगुळ तनितोगोन, लेकीन याग आंदुर बंदुर रा खतना माळ्द लाँकुर अंज्क इन कारण आव हदि सरकुसेदुन अदकि कनारा माळली कुरतुन. 13 आऊन सांगुळ जमा यहूदीगोळ भी कपट माळदुर, ईल ताका कबिरनबास भी आंदुर कपट दा बदिदुन. 14 लेकीन याग ना नोळदीन क् आंदुर खुशखबरी इन सच्चाई मा सीधा चाल नळालुर, रा ना सप्पा मुंदुर मुंद कैफा से अंदीन, “याग नी यहूदी आगकु गैरयहूदीगोळ घाई नळुत्या अदकि यहूदीगोळ घाई ईलारा नी गैरयहूदीगोळी यहूदीगोळ घाई नळुली येती अनत्या?”

वशिवास द्वारा न्यायी ठहूसोद

15 नाव रा जनम टु यहूदी हुयेव, अदकि पापी गैरयहूदीगोळ दा टु हैलेच. 16 *तरी ईद जान्सकु क् मंळसा व्यवस्था अन कयाल्सागोळ देल ईला, लेकीन सरिफ यीशु मसीह मा वशिवास माळोद द्वारा न्यायी ठहूसतान, नाव खुद भी मसीह यीशु मा वशिवास माळदेव कनिाव व्यवस्था अन कयाल्सागोळ देल ईला, लेकीन मसीह मा वशिवास माळदुर देल न्यायी ठहूसदेव; इदुरसाटी क् व्यवस्था अन कयाल्सागोळ देल यातोदु प्राणी न्यायी ठहूसतीदील. 17 नाव जो मसीह दा न्यायी ठहूसोद चाहासतेव, अगर खुद अच पापी होट्टेव रा येन मसीह पाप इन सेवक आन? यागलु ईला! 18 यतकी जो येनारा ना केळ्द बुटीन अगर अदरी मातत माळतीन, रा तान तान इक अपराधी ठहूसतीन. 19 ना रा व्यवस्था अन द्वारा व्यवस्था अन साटी सोतोदीन क् परमेश्वर मसीह अन्द साटी जतिता ईराइन. 20 ना मसीह अन सांगुळ क्रूस मा येर्सकु आगीन, ईग ना जतिता ईतीदील, लेकीन मसीह नान दा जतिता आन; अदकि ना मय दा ईग जो जतिता आईन रा सरिफ आ वशिवास देल जतिता आईन जो परमेश्वर उन पार उन मा आद, याव नान से प्यार माळदुन अदकि नान साटी तान तान इक कोट बुट्टुन. 21 ना परमेश्वर उन अनुग्रह अक बेकार ठहूसालीन; यतकी अगर व्यवस्था अन द्वारा न्यायीपन आगाईत, रा मसीह अन सायोद बेकार आगाईत.

3

व्यवस्था या वशिवास

1 हे नरिबुद्धी गलातगिळा, याव नीमी मोहीत माळ कोंडान? नीम रा मान्सी कण्णगोळ मुंद यीशु मसीह क्रूस मा येर्सकु आदुन! 2 ना नीम से सरिफ ईद जानसोद चाहासतीन क् नीमी आत्मा, येन व्यवस्था अन कयाल्सागोळ देल या वशिवास इन समाचार देल सकित? 3 येन नीव हगि नरिबुद्धी आईर क् आत्मा अन रीर्ता मा सूरवात माळकु ईग मय इन रीर्ता मा अन्त माळीर? 4 येन नीव ईट दुख बेकार अच नेगदीर? लेकीन यागलु बेकार हैलेच. 5 जो नीमी आत्मा दान माळतान अदकि नीम दा सामर्थ्य नव कयाल्सा माळतान, आव येन व्यवस्था अन कयाल्सागोळ देल या खुशखबरी मा वशिवास देल हगि माळतान?

6 * “अब्राहम रा परमेश्वर मा वशिवास माळदुन अदकि ईद आऊन साटी न्यायीपन आळुकु आत.” 7 * इदुरसाटी ईद जान्स कोमी क् जो वशिवास माळावाळेर आर, आंदुर अच अब्राहम उन औलाद उर. 8 अदकि पवतिरशास्त्र पयले टु अच ईद जान्सकु क् परमेश्वर गैरयहूदीगोळी वशिवास देल न्यायी ठहूसयान, पयले टु अच अब्राहम उक ईद खुशखबरी केळ्स बुट्टुन क् “नीन दा सप्पा जातीगोळी आशीष सक्कीत.” 9 इदुरसाटी जो वशिवास माळावाळेर आर, आंदरी अब्राहम उन सांगुळ आशीष सक्कीत.

10 इदुरसाटी यास लाँकुर व्यवस्था अन कयाल्सागोळ मा भरोसा ईटतार, आंदुर सप्पा श्राप इन हात्ती आर, यतकी शास्त्र दा लखिस्कु आद, “जो यावारा व्यवस्था अन कतिाब दा लखिस्कु सप्पा मातगोळ माळदुर दा स्थरि ईरालुन, आव श्रापति आन.” 11 लेकीन ईद मात प्रगट आद क् व्यवस्था अन द्वारा परमेश्वर उन ईल याऊ न्यायी ठहूसालुन, यतकी न्यायी जन वशिवास देल जतिता ईत्तान. 12 लेकीन व्यवस्था अन वशिवास देल येनु संबंध हैलेच; यतकी “जो अवरी मानसयान, आव अऊर कारण जतिता ईत्तान.” 13 मसीह जो नाम साटी

श्रापति बन्सदुन, नामी कोंडकु व्यवस्था अन श्राप देल बळिसुसदुन, यतकी शास्त्र दा लखिसकु आद, “जो यावारा क्रूस मा लटकुसकु आगतान आव श्रापति आन.” 14 ईद इदुरसाटी आत कि अब्राहम उन आशीष मसीह यीशु दा गैरयहूदीगोळ ताका पोहचुसुल, अदकि नाव वशिवास इन द्वारा आ आत्मा अक प्राप्त माळेव यदुरद वादा आग्याद.

व्यवस्था अदकि वाचा

15 हे वारटुरा अदकि आकतींगेरा, ना मळसा अन रीतमा अनतीन; मळसा अन वाचा जो पक्का आगेगतद, रा ना यावारा अदरी टालसतान अदकि ना अदुरदा येनारा वाळुसतान. 16 इदुरसाटी वादागोळ अब्राहम उक अदकि आऊन वंश इक कोटकु आग्याव. आव ईद अनालुन, “वंशगोळी,” ह्यांग हापाळ मुंदुर बारा दा अंदुन; लेकीन ह्यांग ऊंद इन बारा दा कि “नीन वंश इक” अदकि आव मसीह हुन. 17 लेकीन ना ईद अनतीन: जो वाचा परमेश्वर पयले टु पक्का माळीदुन, अदरी व्यवस्था नाक सौ तीस वर्ष इन बाददा बंदकु टालस सकाल्द कि वादा बेकार ठहूरसुल. 18 यतकी अगर मीरास व्यवस्था देल सकियाद रा बाक वादा देल ईला, लेकीन परमेश्वर अब्राहम उक वादा अन द्वारा कोट बुटान.

19 आग बाक व्यवस्था येती कोटकु आत? अद रा अपराधगोळ कारण बाददा कोटकु आत कि आ वंश इन बरासताका ईरूल, यारी वादा कोटकु आगीत; अदकि आव स्वर्गदूतगोळ द्वारा ऊंद मध्यस्थ अन कय दा ठहूरसकु आत. 20 मध्यस्थ रा ऊंद इन आगाल्द, लेकीन परमेश्वर ऊंद अच आन.

व्यवस्था अन उद्देश

21 रा येन व्यवस्था परमेश्वर उन वादागोळ वरिध दा आद? यागलु ईला! यतकी अगर हगि व्यवस्था कोटकु आगाईत जो जीवन कोळ सकाईत, रा खराखुरा न्यायीपन व्यवस्था देल ईराईत. 22 लेकीन पवत्रशास्त्र सप्पा मुंदरी पाप इन हात्ती माळ बुळत, ताकी अद वादा यदुरद आधार यीशु मसीह मा वशिवास माळोद आद, वशिवास माळावाळेर साटी पुरा आगेगुल.

23 लेकीन वशिवास इन बरोर से पयले व्यवस्था अन हात्ती ता दा नाम रखवाली आगतोगोद, अदकि आ वशिवास इन बरासताका जो प्रगट आगावाळा ईरोद, नाव अदुरदा बंधन दा ईत्तेव. 24 इदुरसाटी व्यवस्था मसीह ताका पोहचुसोर साटी नाम गुरु आग्याद कि नाव वशिवास देल न्यायी ठहूरसेव. 25 लेकीन याग वशिवास होट्ट बत्त, रा ईग नाव गुरु उन हात्ती ईतीदील. 26 यतकी नीव सप्पा आ वशिवास इन द्वारा जो मसीह यीशु मा आद, परमेश्वर उन औलाद हुईर. 27 अदकि नीम दा टु यास मुंदुर मसीह दा बपतसिमा ताकोंडार आंदुर मसीह अक हाक्क कोंडार. 28 ईग ना यावारा यहूदी ईत्तुन अदकि ना यावारा गैरयहूदी, ना यावारा दास ना यावारा स्वतंत्र, ना यावारा नर ना नारी, यतकी नीव सप्पा यीशु मसीह दा ऊंद आईर. 29 अदकि अगर नीव मसीह अन आईर रा अब्राहम उन वंश अदकि वादा अन अनुसार वारीस भी हुईर.

4

1 ना ईद अनतीन कि वारीस यागासताका चगिद आन, बल्की सप्पा वस्तुगोळ्द स्वामी आन, तरी आऊन दा अदकि दास दा यातोदु भेद हैलेच. 2 लेकीन आपप उन ठहूरसुद समय ताका संरक्षकगोळ अदकि मुनीमगोळ वश दा ईरतान. 3 हांग अच नाव भी, याग चकिोर ईरव, रा दुनिया अन पयले टु शिक्षा अन वश दा आगकु दास बन्सकु ईरव. 4 लेकीन याग समय पुरा आत, रा परमेश्वर तान पार उक कळुदुन जो आर्त देल पैदा आदुन, अदकि व्यवस्था अन हात्ती पैदा आदुन, 5 ताकी व्यवस्था अन हात्ती गोळी कोंडकु बळिस कोमुल, अदकि नामी पार आगेद हक्क सकिल. 6 अदकि नीव जो पार हुईर, इदुरसाटी परमेश्वर तान पार उन आत्मा अक, जो “हे अब्बा, हे आपप” अनकु कारूतान, नाम दलिगोळ दा कळयान. 7 इदुरसाटी नी ईग दास हैलेच, लेकीन पार हुय; अदकि याग पार आद, रा परमेश्वर उन द्वारा वारीस भी आद.

गलतीगोळ बारा दा पौलस उन चन्तिता

8 पयले रा नीव परमेश्वर उक ईला जानसकु आंदुर दास ईरोर जो स्वभाव देल परमेश्वर हैलेच, 9 लेकीन ईग जो नीव परमेश्वर उक अर्त कोंडीर बल्की परमेश्वर नीमी अरतुन, रा आ नरिबल अदकि नकिम्मा पयले टु शिक्षा अन मातगोळ दी येती तरिगतीर, यार्द नीव दुबारा दास आगेद चाहासतीर? 10 नीव दनिगोळ अदकि तगिळगोळ

अदकि नयित समयगोळ अदकि वर्षगोळी मानसतीर. 11 ना नीम बारा दा अंजतीन, येल्यारा हगि आगबाळुल कजिो मेहनत ना नीम साटी माळदीन अद बेकार ठहूसुल.

12 हे वारटुरा अदकि आकतींगेरा, ना नीम से वनिती माळतीन, नीव नान घाई आगेगी; यतकी ना भी नीम घाई आगेगीन; नीव नांद येनु बगिळुसीदील. 13 लेकीन नीव जानसतीर कि पयले पयले ना मय इन नरिबलता अन कारण नीमी खुशखबरी केळसदीन. 14 अदकि नीव नान शारीरकि दशा अक जो नीम परीक्षा अन कारण ईरोद, तुच्छ जानसीदील; ना अदुर देल घृणा माळदीन; अदकि परमेश्वर उन स्वर्गदूत बल्की खुद यीशु मसीह अन घाई नानी ग्रहण माळदुन. 15 रा अद नीम खुशी मानसोद येल होत? ना नीम गवाह हुईन कि अगर आग सकाईत रा नीव तान कण्णगोळी भी तेगुकु नानी कोट्ट बुळायदीर. 16 रा येन नीम से सही माताळोद कारण ना नीम दुश्मन बनसेगीन? 17 आंदुर नीमी संगी माळोद रा चाहासतार, लेकीन भला उद्देश देल ईला; बल्की नीमी ब्यार माळोद चाहासतार कि नीव आंदरी का संगी माळकोमी. 18 लेकीन ईद भी वळ्ळीद आद कि भला मात दा हर समय संगी माळोद कोशशि माळकु आगुल, ना सरिफ अदा समय याग ना नीम सांगुळ ईरतीन. 19 हे नान चकिरा, यागासताका नीम दा मसीह अन रूप बनसेगाल्द, आगासताका ना नीम साटी बाक चगिद हाळाहोती जो दुख आगतद अद दुख नेगुतीन. 20 इच्छा रा ईद आगतद कि ईग नीम हाती बंदकु दुसरा अच प्रकार देल माताळाईन, यतकी नीम बारा दा ना उलझन दा आईन.

पुरा अदकि हाजरि अन उदाहरण

21 नीव जो व्यवस्था अन हात्ती आगोद चाहासतीर, नानी हेळी, येन नीव व्यवस्था अन केळालीर? 22 शास्त्र दा ईद लखिसकु आद कि अब्राहम उन येदद पारगोळ आदुर; ऊंद दासी देल अदकि ऊंद स्वतंत्र आर्त देल. 23 लेकीन जो दासी देल आदुन, आव शारीरकि रीति देल पैदा आदुन; अदकि जो स्वतंत्र आर्त देल आदुन, आव वादा अन अनुसार पैदा आदुन. 24 ई मातगोळ दा उदाहरण आद: ई आर्तेर मानसी येदद वाचागोळ आर, ऊंद रा सीनै पहाळ इन यदुर देल दास अच पैदा आगतार; अदकि आक हाजरि हुळ. 25 अदकि हाजरि मानसी अरब इन सीनै पहाळ हुळ, अदकि आधुनकि यरूशलेम आकनि बराबर आद, यतकी आक तान चकिोर समेत दासत्व दा आर. 26 लेकीन म्याकुच इन यरूशलेम स्वतंत्र आद, अदकि अद नाम मोय हुन. 27 यतकी शास्त्र दा लखिसकु आद,

“हे वांझला, नी जो पैदा माळाल खुशी माळ;

नी यारी दुख नेगाल, कुतक्या खोल्सकु जय जयकार माळ;

यतकी त्यागसद मळसा अन्द औलाद सुहागीन इन औलाद देल भी यक्कुल आद.”

28 हे वारटुरा अदकि आकतींगेरा, नाव इसहाक इन घाई वादा अन औलाद हुयेव. 29 अदकि ह्यांग आ समय मय इन अनुसार पैदा आगद आत्मा अन अनुसार पैदा आगद उक सतुसोद, हांग अच ईग भी आगतद. 30 लेकीन पवतिरशास्त्र येन अनतद? “दासी अदकि आकनि पार उक तेगु बुळ, यतकी दासी अन पार स्वतंत्र आर्त इन पार उन सांगुळ उत्तराधिकारी आगतीदील.” 31 इदुरसाटी हे वारटुरा अदकि आकतींगेरा, नाव दासी नोर ईला लेकीन स्वतंत्र आर्त इनोर औलाद हुयेव.

5

स्वतंत्रता अक सुरक्षति ईटी

1 मसीह स्वतंत्रता अन साटी नामी स्वतंत्र माळ्यान; इदुरसाटी इदुरदा अच स्थरि ईरी, अदकि दासत्व अन जुआ दा मातत बळिबाळी. 2 नोळी, ना पौलुस नीम से अनतीन कि अगर खतना माळसुसीर, रा मसीह देल नीमी येनु लाभ आगतीदील. 3 तरी भी ना हर ऊंद खतना माळसुसावाळा अक वनिती माळतीन कि आऊक सप्पा व्यवस्था मानसोद बदिदीत. 4 नीव जो व्यवस्था अन द्वारा न्यायी ठहूसोद चाहासतीर, मसीह देल अलग अदकि अनुग्रह देल बदिगीर. 5 यतकी आत्मा अन कारण नाव वशिवास देल, आशा माळद न्यायीपन इन हादी कायतेव. 6 मसीह यीशु दा ना खतना अदकि ना खतनारहति येनारा क्याल्सा अन आद, लेकीन सरिफ वशिवास, जो प्यार इन द्वारा प्रभाव हाकत्या. 7 नीव रा भला भाति हरीर. ईग याव नीमी रोक्स बुटुन कि सचचाई इन भरोसा माळबाळी. 8 हगि सीख नीम कारावाळा अन दी टु हैलेच. 9 थवाळासा खमीर सप्पा काल्सद हीट इक खमीर माळ बुळतद. 10 ना प्रभु मा नीम बारा दा भरोसा ईटतीन कि नीम यातोदारा दुसरा वचारि ईरतीदील;

लेकीन जो नीमी घबरूस बुळतान, आव यावारा येती आगबाळुल फैसला आदीत. 11 लेकीन हे वार्दुरा अदकि आकतीगेरा, अगर ना ईगासताका खतना अन प्रचार माळतीन, रा येती ईगासताका सतुस्कु आगतीन? बाक रा क्रूस इन ठोकर होगतेला ईत्त. 12 भला आगाईत कि जो नीमी डावाडोल माळतार, आंदुर तान मय अच कोद बुळायदुर.

13 हे वार्दुरा अदकि आकतीगेरा, नीव स्वतंत्र आगोर साटी कार्सकु आगीर; लेकीन हगि आगबाळुल कि ईद स्वतंत्रता शारीरिक क्याल्सागोळ साटी मवका बनसुल, बल्की प्यार देल आबुर दाबुर दास बनसी. 14 यतकी सप्पा व्यवस्था ई ऊंद अच मात दा पुरा आगेगतद, “नी तान हातळोर से तान घाई प्यार ईट.” 15 लेकीन अगर नीव आबुर दाबुर इक हल्ल देल कचतीर अदकि हूरूकु तनितीर, रा सावधान ईरी कि आबुर दाबुर सत्यानाश ना माळबुळी.

पवतिर आत्मा द्वारा संचालन

16 लेकीन ना अनतीन, आत्मा अन अनुसार नळदीर रा नीव मय इन लालसा यातोदारा रीति देल पुरा माळतीदील. 17 यतकी मय आत्मा अन वरिध दा अदकि आत्मा मय इन वरिध दा लालसा माळतद, अदकि ईव आबुर दाबुर वरिधी आव, इदुरसाटी कि जो नीव माळोद चाहासतीर अद माळ सकबाळी. 18 अदकि अगर नीव आत्मा अन नळसदुर देल नळुतीर रा व्यवस्था अन हात्ती ईतीदील. 19 मय इन क्याल्सा रा प्रगट आव, मतलब व्यभिचार, खराब क्याल्सा, लुचपन, 20 मूर्तपूजा, जादु टोना, दुश्मनी, झगळा, जलन, सटिट, वरिध, फूट, स्वार्थीपन, 21 जलन, मतवालापन, अवैध संबंध, अदकि ईऊर घाई मात्त दुसरा क्याल्सा आव, ईऊर बारा दा ना नीम से पयले टु अच अंद बुळतीन हयांग पयले अंद भी कोंडीन, कि ईत्ता क्याल्सा माळावाळेर परमेश्वर उन राज्य अन वारीस आगतीदील. 22 लेकीन आत्मा अन काय, प्यार, खुशी, शांती, धीरज, कृपा, भलाई, विश्वास, 23 नम्रता, अदकि संयम आद; हगि-हगि क्याल्सागोळ वरिध दा यातोदारा भी व्यवस्था हैलेच. 24 अदकि जो मसीह यीशु नोर आर, आंदुर मय इक आऊन लालसागोळ अदकि अभलिषागोळ समेत क्रूस मा येर्स बुटार.

25 अगर नाव आत्मा अन द्वारा जतिता आयेव, रा आत्मा अन अनुसार नळदेव भी. 26 नाव घमण्डी आगकु ना आबुर दाबुर इक छेळसेव, अदकि ना आबुर दाबुर से जलनखोरी माळेव.

6

आबुर दाबुर सहायता माळी

1 हे वार्दुरा अदकि आकतीगेरा, अगर यावारा मळसा यातोदारा अपराध दा हुळकु भी आगतान रा नीव जो आत्मकि आईर, नम्रता अन सांगुळ ईत्ता मळसा अक संभाळसी, अदकि तांद भी सावधानी ईटी कि नीव भी परीक्षा दा बळिबाळी. 2 नीव आबुर दाबुर बोझ नेगी, अदकि ईत्ता प्रकार मसीह अन व्यवस्था अक पुरा माळी. 3 यतकी अगर यावारा येनु ईला ईत्तुर मा भी तान तान इक येनारा समसतान, रा तान तान इक ध्वाका कोळतान. 4 लेकीन हर ऊंद तांद अच क्याल्सा अक जाच कोमुल, अदकि आग दुसरा अन बारा दा ईला लेकीन तांद अच बारा दा आऊक घमण्ड माळोद मवका सकिकीत. 5 यतकी हर ऊंद मळसा तांद अच बोझ नेगदान.

6 यारी वचन इन शक्तिषा सकितद, आव सप्पा वळ्लेव वस्तुगोळ दा कलसावाळा अक भागी माळुल.

7 ध्वाका तनिबाळी; परमेश्वर मज्याक दा हारसकु आगालुन, यतकी मळसा जो फसल हच्यान आव अदा कळदान. 8 यतकी जो तान मय इन साटी हचतान, आव मय इन द्वारा वनिश इन कटनी कळदान; अदकि जो आत्मा अन साटी हचतान, आव आत्मा अन द्वारा अनन्त जीवन इन कटनी कळदान. 9 नीव भला क्याल्सा माळदुर दा साहस बळिबाळी, यतकी अगर नाव ढलिा ईरतीदील रा ठीक समय मा कटनी कळदेव. 10 इदुरसाटी येल ताका समय सकिकीत नाव सप्पा घराना अन सांगुळ वळ्लीद माळेव, विशेष माळकु विश्वासी वार्दुर सांगुळ.

आखरी चेतावनी अदकि अभविदन

11 नोळी, ना हयांग धोळ धोळ अक्षरगोळ दा नीमी तान कय देल लखिसीन. 12 जो लॉकर शारीरिक दखावा चाहासतार आंदुर अच नीमद खतना माळसुसोर साटी दबाव हाकतार, सर्फ इदुरसाटी कि आंदुर मसीह अन क्रूस इन कारण सतुस्कु आगबाळुल. 13 यतकी खतना माळसुसावाळेर खुद रा व्यवस्था मा नळालुर, लेकीन नीम

खतना इदुरसाटी माळसुसोद चाहासतार की नीम शारीरकी दशा मा घमण्ड माळुल. ¹⁴लेकीन हगि आगबाळुल की ना दुसरा यातोदारा मात मा घमण्ड माळाईन, सर्फि नाम प्रभु यीशु मसीह अन क्रूस इन, यार्द द्वारा दुनया नान नजर दा अदकि ना दुनया अन नजर दा क्रूस मा येरसकु आगीन. ¹⁵यतकी ना खतना अदकि ना खतनारहति येनारा आद, लेकीन व्हाशोद दुनया. ¹⁶यास ई नियम मा नळदार आंदुर मा, अदकि परमेश्वर उन इस्त्राएल मा शांती अदकि दया आगतेला ईरूल.

¹⁷मुंद नानी याऊ दुख कोळबाळुल, यतकी ना यीशु अन दागगोळी तान मय दा हुळकु टेटाळतीन. ¹⁸हे वार्दुरा अदकि आकतीगेरा, नाम प्रभु यीशु मसीह अन अनुग्रह नीम आत्मा अन सांगुळ ईरूल. आमीन.

इफसियों के नाम पौलुस प्रेरति की पत्री इफसिगोळ हेसुर पौलुस प्रेरति उन चट्ठी परचिय

मसीह अन जनम इन साठ वर्ष पयले इफसिगोळ चट्ठी अदकि कुलुस्सगोळ चट्ठी लगभग सांगुळ लखिसकु आगीत.

प्रेरति पौलुस ईद सुचति माळतान की आवा चट्ठी इन लेखक हुन १:१ कुलुस्सगोळ चट्ठी इन घाई ईद चट्ठी दा व्यक्तित्व शुभेच्छा नोळकु आगाल. तरी भी ज्यादा तर वधिवानगोळ ईद मानसतार की पौलुस अच ईद चट्ठी लखिसीदान. ईदा कारण प्रांत इन अलग अलग मंडली दा ईद चट्ठी तरिगुसकु वाचुसकु आगुल हगि पौलुस उन ईरादा आग सकतद, याग आव ईद चट्ठी लखिसदुन आग पौलुस ईद हेळतान की आव कैद दा ईरोन, ३:१; ४:१ अदकि ६:२० याग तकिकुस इफसिगोळ मंडली इक सकिली इफसियों होगोन आग पौलुस ईद चट्ठी आऊन कय दा कळुदुन ६:२१-२२

इफसियों ऊंद हापाळ धोळद शयर ईरोद, आ समय एशिया माइनर प्रांत इन अद राजधानी ईरोद. शयर दा अर्तमसि हेसुर ईनव ग्रीक द्याव उन ऊंद धोळद मंदरि ईरोद यदुर कारण देल इफसियों अक हापाळ प्रसदिधी सकित, प्रेरतिगोळ ११:२३-३१ ईद इफसिगोळ मंडली सुरूवात वळ्लीद आत लेकीन बाददा कमजोर भी कांळसत प्रकाशतिवाक्य २:१-७ परमेश्वर तान लाँकुरी नविळुसकु यीशु मसीह अन द्वारा ह्यांग आंदुरव पापगोळ से छुटकारा कोट्टुन ईद मात पौलुस उन चट्ठी इन पयला भाग स्पष्ट माळतद, आव मंडली इन तुलना आ शरीर इन सांगुळ माळतान की यार्द मस्तक मसीह अच हुन अदकि आव अद क्वाना अन्द कल्ल आ इमारत देल यार्द क्वाना अन्द कल्ल मसीह हुन कतिाव इन दुसरा भाग दा मसीह जीवन ह्यांग जीऊस पायजे ईदुर बारा दा हेळतान.

रूप रेखा

१. पौलुस खुद इन परचिय कोटकु इफसियों अक शुभेच्छा कोळतान. अध्याय १:१-२
२. बाददा आ मंडली इन मसीह अन सांगुळ ह्यांग रशिता ईर पायजे १:३-३:२१
३. बाददा पौलुस मसीह जीवन ह्यांग जीऊस पायजे ईदुर बारा दा हेळतान ४:१-६:२०
४. पौलुस आखरी शब्द दा चट्ठी लखिसकु खतम माळतान ६:२१-२४

1 *नान पौलुस उन दी टु जो परमेश्वर उन इच्छा देल यीशु मसीह अन प्रेरति आन, आ पवतिर अदकि मसीह यीशु दा वशिवासी लाँकुरद हेसुर जो इफसिस दा आद:

2 नाम्द आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

मसीह दा आत्मकि आशीषगोळ

3 नाम्द प्रभु यीशु मसीह अन्द परमेश्वर अदकि आप्प उन धन्यवाद आगुल की आव नामी मसीह दा स्वर्गीय जागागोळ दा सब प्रकार इन आत्मकि आशीष कोट्टुन. 4 ह्यांग आव नामी दुनिया अन उत्पत्ति टु पयला अदुरदा नीवळुस कोडान

कानाव आऊन हात्ती प्यार दा पवतिर अदकि नरिदोष आगुल. 5 अदकि तान इच्छा अन्द भला अभपिराय इन अनुसार नामी तान साटी पयला टु ठहरसदुन की यीशु मसीह अन्द द्वारा नाव आऊन गोद पार आगुल, 6 की आऊन आ अनुग्रह अन्द महिमा अन्द स्तुति आगुल, यारी आव नामी आ प्रियि दा सेंट-मेत कोट्टुन. 7 *नामी अदुरदा आऊन रक्ता अन द्वारा छुटकारा, मतलब अपराधगोळद माफी, आऊन आ अनुग्रह अन्द धन इन अनुसार सकियाद, 8 यारी आव पुरा ग्यान अदकि समझ सहति

नाम मा बहुतायत देल माळदुन. 9 यतकी आव तान इच्छा अन्द भेद आ भला अभपिराय इन अनुसार नामी हेळदुन, यारी आव खुद तान दा ठान्स कौडीदुन 10 की समयगोळद पुरा आगोद हगि प्रबन्ध आगुल की जो येनारा स्वर्ग दा आद अदकि जो येनारा पृथ्वी मा आद, सप्पा येनारा अद मसीह दा जमा माळुल.

* 1:1 १:१ प्रेरतिगोळ १८:१९-२१; १९:१ * 1:7 १:७ कुलुस्सगोळ १:१४

11 अदुरदा यदुरदा नाव भी आऊन मनसा देल जो तान इच्छा अन्द मत इन अनुसार सप्पा येनारा माळतान, पयला टु ठहूसकु आगकु मीरास बनसुल 12 कनिाव, यार पयला टु मसीह मा आशा ईटीदेव, आऊन महमा अन्द स्तुति इन कारण आगुल.

13 अदकि अदुरदा नीम मा भी, याग नीव सच्चाई इन वचन केळदीर जो नीमद उद्धार इन खुशखबरी आद अदकि यदुर मा नीव वश्वास माळदीर, वादा माळकु आत पवतिर आत्मा अन्द छाप हत्त. 14 परमेश्वर उन साटी पैस्या देल कोंडकु आग्यार आंदुरद छुटकारा अन्द साटी नाम्द मीरास इन बयाना हुन, कनि आऊन महमा अन्द स्तुति आगुल.

पौलुस उन प्रार्थना

15 ई कारण, ना भी आ वश्वास इन बातणी केळकु जो नीम लॉकुर दा प्रभु यीशु मा आन अदकि सप्पा पवतिर लॉकुर मा प्यार प्रगट आद, 16 नीम साटी धन्यवाद माळोद बळिलीन, अदकि तान प्रार्थनागोळ दा नीमी याद माळतेला ईरतीन 17 कनिाम्द प्रभु यीशु मसीह अन्द परमेश्वर जो महमा अन्द आप्प हुन, नीमी तान पहचान दा ग्यान अदकि प्रकाश इन आत्मा कोळुल, 18 अदकि नीमद मन इन कण्णगोळ ज्योतरिम्य आगुल कनि नीव जान्स कोमी कनि आऊन बुलाहट इन आशा येन आद, अदकि पवतिर लॉकुर दा आऊन मीरास इन महमा अन्द धन ह्यांग आद, 19 अदकि आऊन सामर्थ्य नाम दा जो वश्वास माळतार, याट महान आद, आऊन शक्ती इन प्रभाव इन आ कार्य अन्द अनुसार 20 जो आव मसीह दा माळदुन कनि आऊक सोत्तुर दा टु जतिता माळकु स्वर्गीय जागागोळ दा तान ऊम्मा कय दी कुरसदुन 21 ताकी सब प्रकार इन प्रधानता, अदकि अधिकार, अदकि सामर्थ्य, अदकि प्रभुता अन्द, अदकि हर ऊंद हेसुर इन म्याकुच, जो ना सर्फि ई दुनिया दा पर बरावाळा दुनिया दा भी ताकोमकु आदीन, कुरसदुन; 22 *अदकि सप्पा येनारा आऊन कालगोळ ल्यालमा माळ बुट्टुन; अदकि आऊक सब वस्तुगोळ मा श्रेष्ट ठहूसकु मंडली इक कोट बुट्टुन, 23 ईद आऊन मय हुन, अदकि आऊन परपिरणता आद जो सब दा सब येनारा पुरा माळतान.

2

मृत्यु टु जीवन दी

1 *आव नीमी भी जतिता माळदुन, जो तान अपराधगोळ अदकि पापगोळ्द कारण सोतकु ईरोर 2 यदुर मा नीव पयला ई दुनिया अन रीति मा, अदकि आकाश इन अधिकार इन शासक मतलब आ आत्मा अन्द अनुसार नळीर, जो ईग भी आग्या ईला मान्सावाळेरद कार्य माळतान. 3 इंदुर दा नाव भी सप्पा अच मुंदुर पयला तान मय इन लालसागोळ दा दनि बतिसेव, अदकि मय अदकि मन इन इच्छागोळी पुरा माळेव, अदकि अन्य लॉकुर घाई स्वभाव देल सटिट इन औलाद ईरेव.

4 लेकीन परमेश्वर जो दया अन्द धनी आन, तान आ धोळ प्यार इन कारण यार देल आव नाम से प्यार माळदुन, 5 याग नाव अपराधगोळ्द कारण सोतकु ईरेव रा नामी मसीह अन्द सांगुळ जतिता माळदुन अनुग्रह देल अच नीमद उद्धार आत, 6 अदकि मसीह यीशु दा आऊन सांगुळ नेगदुन, अदकि स्वर्गीय जागा दा आऊन सांगुळ कुरसदुन 7 कनि आव तान आ कृपा देल जो मसीह यीशु दा नाम मा आद, बरावाळा समय इन दुनिया दा तान अनुग्रह अन्द असीम धन तोरसदुन. 8 यतकी वश्वास इन भेट इन द्वारा अनुग्रह देल अच नीमद उद्धार आत, अदकि ईद नीमद दी टु ईला, बल्की परमेश्वर उन दान हुन, 9 अदकि ना कर्मगोळ्द कारण, हगि आगवाळुल कनियावारा घमण्ड माळुल. 10 यतकी आव नामी माळ्यान, अदकि मसीह यीशु दा आ वळ्ळीद क्याल्सागोळ्द साटी माळकु आगीर यारी परमेश्वर पयला टु नामी माळोर साटी तयार माळदुन.

मसीह दा ऊंद

11 ई कारण याद माळी कनि नीव जो शारीरिक रीति देल गैरयहूदी आईर अदकि जो लॉकुर मय दा कय इन माळकु खतना देल खतनावाळेर कहलुस्तार, आंदुर नीम इक खतनारहति अनतार, 12 नीव लॉकुर आ समय मसीह टु अलग, अदकि इस्त्राएल इन प्रजा अन्द पद देल अलग माळकु आदीर, अदकि वादा अन्द वाचागोळ्द भागी ईला ईरोर, अदकि आशाहीन अदकि दुनिया दा मय रहति ईरोर. 13 लेकीन ईग मसीह यीशु दा नीव जो पयला दुर ईरीर, मसीह अन्द रक्ता अन द्वारा हात्ती आगेगीर. 14 यतकी आवा नाम्द मेल हुन जो येदुदु मुंदरी ऊंद

माळ कोंडुन अदकि अलग माळावाळा दविर इक जो बीच दा ईरोद केडु बुट्टुन, ¹⁵ अदकि तान मय दा दुश्मनी मतलब अद व्यवस्था यदुर्द आग्यागोळ वधीगोळद रीति मा ईरव, मटिकुस बुट्टुन कि येदुदु देल तान दा ऊंद व्हाशोद मंळसा पैदा माळकु मेल माळसुस बुळुल, ¹⁶ अदकि क्रूस मा दुश्मनी इक नाश माळकु इदुर द्वारा येदुदु मुंदरी ऊंद मय माळकु परमेश्वर देल भेट माळसुसयान. ¹⁷ आव बंदकु नीमी जो दुर ईरीर अदकि आंदरी जो हात्ती ईरोर, येदुदु मुंदरी मेल मलाप इन खुशखबरी केळसदुन. ¹⁸ यतकी आऊन द्वारा नाव येदुदु मुंदुरद ऊंद आत्मा दा आप्प उन हात्ती प्रवेश आगतद.

¹⁹ इदुरसाटी नीव ईग परदेशी अदकि मुसाफिर ईतीदील, लेकीन पवत्रि लॉकुरद संगी स्वदेशी अदकि परमेश्वर उन घराना दोर आगेदीर. ²⁰ अदकि प्रेरतिगोळ अदकि भवषियवक्तागोळद पायवा मा, यार्द क्वाना अनंद कलल मसीह यीशु खुद अच आन, माळकु आगीर. ²¹ यदुर्दा पुरा रचना ऊंद सांगुळ मलिसकु प्रभु दा ऊंद पवत्रि मंदरि बनसतेला होगतद, ²² यदुर्दा नीव भी आत्मा अनंद द्वारा परमेश्वर उन नवास स्थान आगोर साटी ऊंद सांगुळ माळकु आगतीर.

3

गैरयहूदीगोळ दा पौलुस उन स्यावा

¹ ईदा कारण ना पौलुस जो नीव गैरयहूदीगोळद साटी मसीह यीशु दा बंदीन. ² अगर नीव परमेश्वर उन आ अनुग्रह अनंद प्रबन्ध इन समाचार केळीदीर, जो नीम्द साटी नानी कोटकु आग्याद, ³ मतलब ईद कि अद भेद नान मा प्रकाशन इन द्वारा प्रगट आत, ह्यांग ना पयला अच थ्वाळासा दा लखिसदीन, ⁴ यारी नीव वाचुसकु जान्स सकतीर कि ना मसीह अनंद अद भेद यल ताका समसतीन. ⁵ जो अन्य समयगोळ दा मंळसागोळद औलादगोळ इक हगि ईला हेळकु आगीत, ह्यांग कि आत्मा अनंद द्वारा ईग आऊन पवत्रि प्रेरतिगोळ अदकि भवषियवक्तागोळ मा प्रगट माळकु आग्याद. ⁶ मतलब ईद कि मसीह यीशु दा खुशखबरी इन द्वारा गैरयहूदी लॉकुर मीरास दा हसिसेदार, अदकि ऊंद अच मय इन अदकि वादा अनंद भागी आर.

⁷ ना परमेश्वर उन अनुग्रह अनंद आ दान इन अनुसार, जो आऊन सामर्थ्य अनंद प्रभाव इन अनुसार नानी कोटकु आग्याद, आ खुशखबरी इन सेवक बनसदीन, ⁸ नान मा जो सप्पा पवत्रि लॉकुर दा टु स्याणेरे दा टु भी स्याणेव आईन, ईद अनुग्रह आत कि ना गैरयहूदीगोळ इक मसीह अनंद अगम्य धन इन खुशखबरी केळसाईन, ⁹ अदकि सब मा ईद मात प्रकाशति माळुल कि आ भेद इन प्रबन्ध येन आद, जो सप्पा मुंदुर सृजनहार परमेश्वर दा सूरवात टु गुप्त ईरोद. ¹⁰ ताकी ईग मंडली इन द्वारा, परमेश्वर उन अलग अलग प्रकार इन ग्यान आ प्रधानगोळी अदकि अधिकारीगोळ मा जो स्वर्गीय जागा दा आर, प्रगट माळकु आगुल. ¹¹ आ अनन्त मंळसा अनंद अनुसार जो आव नाम प्रभु मसीह यीशु दा माळीदुन. ¹² यदुर दा नामी आऊन मा वशिवास माळदुर देल साहस अदकि भरोसा अनंद सांगुळ परमेश्वर उन हात्ती बरोद अधिकार आद. ¹³ इदुरसाटी ना वनिती माळतीन कि जो क्लेश नीम साटी नानी आगेत्याद, अदुर कारण साहस बळिबाळी, यतकी अदुर दा नीम्द महमा आद.

मसीह अनंद प्यार

¹⁴ ना ईदा कारण आ पृथ्वी मा आप्प उन मुंद ट्वांगरा टेक्सतीन, ¹⁵ यदुर देल स्वर्ग अदकि पृथ्वी मा, हर ऊंद घराना अनंद हेसुर ईटकु आगतद, ¹⁶ कि आव तान महमा अनंद धन इन अनुसार नीमी ईद दान कोळुल कि नीव आऊन आत्मा देल तान बुळ्क इन मंळसातत्व दा सामर्थ्य हासलि माळकु बलवन्त आगतेला होगी; ¹⁷ अदकि वशिवास इन द्वारा मसीह नीम्द दलि दा कुरूल कि नीव प्यार दा जळ हुळकु अदकि पायवा हाक्कु, ¹⁸ सप्पा पवत्रि लॉकुरद सांगुळ भला-भात समसोद शक्ति सिकुल कि आऊन चौळाई, अदकि लंबाई, अदकि ऊँचाई, अदकि गहराई याट आद, ¹⁹ अदकि मसीह अनंद आ प्यार इक जान्स सकी जो ग्यान देल अनजान आर कि नीव परमेश्वर उन पुरा भरपुरी ताका परपिरण आगेगी.

²⁰ ईग जो हगि सामर्थी आन कि नाम्द वनिती अदकि समझ देल मातत यक्कुल क्याल्सा माळ सकतान, आ सामर्थ्य अनंद अनुसार जो नाम दा कार्य माळतान, ²¹ मंडली दा अदकि मसीह यीशु दा आऊन महमा पीढी टु पीढी ताका हमेशा हमेशा आगतेला ईरूल. आमीन.

4

मसीह अन मय दा एकता

1 इदुरसाटी ना जो प्रभु दा बंदीन नीम से वनिती माळतीन कऱ्या बुलाहट देल नीव कारूकु आगीदीर, अदुर लायक व्यवहार माळी, 2 *मतलब पुरा दीनता अदकि नम्रता सहति, अदकि धीरज हुळकु प्यार देल आबुर दाबुरद सहन माळी; 3 अदकि मेल इन बंधन दा आत्मा अन्द एकता ईटोद यत्न माळी. 4 ऊंद अच मय आद अदकि ऊंद अच आत्मा; हयांग नीमी जो कारूकु आगीदीर तान कारूकु आगोर देल ऊंद अच आशा आद. 5 ऊंद अच प्रभु आन, ऊंद अच वशिवास ऊंद अच वपतसिमा, 6 अदकि सब मुंदुरव ऊंद अच परमेश्वर अदकि आप्प आन, जो सप्पा मुंदुर म्याकुच अदकि सप्पा मुंदुर बीच दा अदकि सब मुंदुर दा आन.

7 लेकीन नाम दा टु हर ऊंद मळसा अक मसीह अन्द दान इन परमाण इन अनुसार अनुग्रह सकियाद.

8 इदुरसाटी आव अनतान:

“आव ऊँचाई मा येरदुन

अदकि बंदीगोळ इक कटकु ओतुन,

अदकि मळसागोळ इक दान कोट्टुन.”

9 आऊन येरदुर देल, अदकि येन सकितद सर्फ ईद कऱि अद पृथ्वी इन ल्यालमा जागागोळद दा ईळसी भी दुन. 10 अदकि जो ईळदुन ईव आवा हुन जो पुरा आकाश टु म्याकुच येरे भी दुन कऱि सब येनारा परपिर्ण माळुल. 11 आव थ्वाळासा लॉकुरी प्रेरति नयिक्त माळकु, अदकि थ्वाळासा लॉकुरी भवषियवक्ता नयिक्त माळकु, अदकि थ्वाळासा लॉकुरी खुशखबरी केळावाळे नयिक्त माळकु, अदकि थ्वाळासा लॉकुरी रखवाला अदकि उपदेशक नयिक्त माळकु कोट बुट्टुन, 12 यदुर देल पवतिर लॉकुर सदिध आगोगुल अदकि स्यावा अन्द क्याल्सा माळकु आगुल अदकि मसीह अन्द मय इक उन्नती सकिकुल, 13 यागासताका कऱि नाव सब इन सब वशिवास अदकि परमेश्वर उन पार उन पहचान दा ऊंद आगबाळुल, अदकि ऊंद सदिध मळसा आगबाळुल अदकि मसीह अन्द पुरा डील-डौल ताका ना वाळुसुल. 14 ताकी नाव मुंदु टु चकिोर ईरतीदील जो मळसागोळद ठग-वदिया अदकि चतुराई देल, आंदुर भ्रम इन युक्तगोळद अदकि उपदेश इन हर ऊंद ध्वाका देल उछलसकु अदकि ईल अल तरिगुसकु आगताव. 15 बल्की प्यार दा सच्चाई देल माताळतेला सब मातगोळ दा अदुरदा जो ताल्ला आद, मतलब मसीह दा वाळुसतेला होगुल, 16 *यदुर देल पुरा मय, हर ऊंद जोळ इन सहायता देल ऊंद सांगुळ मलिसकु अदकि ऊंद सामर्थ्य सांगुळ गठुसकु, आ प्रभाव उन अनुसार जो हर ऊंद अंग इन ठीक-ठीक कार्य माळोर द्वारा आऊन दा आगतद, तान तान इक वाळुसतद कऱि आव प्यार दा उन्नती माळतेला होगुल.

मसीह दा व्हाशोद जीवन

17 इदुरसाटी ना ईद अनतीन अदकि प्रभु दा आग्रह माळतीन कऱि हयांग गैरयहूदी लॉकुर तान मन इन अनर्थ रीतिमा नळुतार, नीव ईगी टु बाक हगि व्यवहार माळबाळेतीर. 18 यतकी आंदुर बुद्धी भ्रष्ट आगोग्याद, अदकि आ अग्यानता अन्द कारण जो आंदुर दा आद अदकि आंदुर मन इन कठोरता अन्द कारण आंदुर परमेश्वर उन जीवन टु अलग माळकु आदुर; 19 अदकि आंदुर सुन्न आगकु लुचपन दा हतेदुर कऱिसब प्रकार इन खराब क्याल्सा लालसा देल माळुल.

20 पर नीव मसीह अन्द हगि शक्ति ताकोडीदील. 21 बल्की नीव खराखुरा आऊंदा केळदीर अदकि, हयांग यीशु दा सच्चाई आद, अदुर दा कल्सकु भी आग्यार 22 *कऱि नीव पछिला चाल चलन इक हाळोद मळसातत्व अक जो भरमुसावळत अभलिषागोळद अनुसार भ्रष्ट आगोगतद, ईळु बुळी 23 अदकि तान मन इन आत्मिक स्वभाव दा व्हाशोद बनसतेला होगी, 24 *अदकि व्हाशोद मळसातत्व अक हाक्क कोमी जो परमेश्वर उन अनुरूप सच्चाई इन न्यायीपन अदकि पवतिरता दा सजुसकु आग्याद.

25 ई कारण खवाटा माताळोद बटिकु हर ऊंद मळसा तान मानना हातळोर से सही माताळुल, यतकी नाव आपस दा आबुर दाबुर अंग हुयेव. 26 सट्टि रा माळी, पर पाप माळबाळी; सुर्य मुळका ताका नीमद गुस्सा ईरबाळुल, 27 अदकि ना शैतान उक मवका कोळी. 28 काळताना माळावाळा बाक काळताना माळबाळुल, बल्की वळ्लीद क्याल्सा माळोर साटी तान कयगोळ देल मेहनत माळुल, इदुरसाटी कऱियारी प्रयोजन आद आऊक

* 4:2 ४:२ कुलुससगोळ ३:१२,१३

* 4:16 ४:१६ कुलुससगोळ २:१९

* 4:22 ४:२२ कुलुससगोळ ३:९

* 4:24 ४:२४ कुलुससगोळ ३:१०

कोळली आऊन हातती येनारा ईरूल. 29 यातोदु सही मात नीमद बाय देल होळबाळुल, पर जरवत इन अनुसार अदा होळुल जो उन्नती इन साटी वळलीद ईरूल, ताकी आऊन से केळावाळेर मा अनुग्रह ईरूल. 30 परमेश्वर उन पवत्रि आत्मा अक दुख माळबाळी, यदुर देल नीम मा छुटकारा अन्द दनि इन साटी छ्वाप कोटक आग्याद. 31 सब प्रकार इन कळवाहट, अदकि प्रकोप अदकि सट्टि, अदकि कलह, अदकि अपमान, सप्पा बैरभाव समेत नीम से दुर माळकु आगुल. 32 *आबुर दाबुर मा कृपा माळी अदकि मेहरबान आगी, अदकि ह्यांग परमेश्वर मसीह दा नीमद अपराध माफ माळदुन, हांग अच नीव भी आबुर दाबुरद अपराध माफ माळी.

5

ऊजुळ दा ईरोद

1 इदुरसाटी प्रयि चकिरगोळ घाई परमेश्वर उन अनुकरण माळी, 2 अदकि प्यार दा नळी ह्यांग मसीह भी नीम से प्यार माळदुन, अदकि नाम साटी तान तान इक सुखदायक सुगन्ध इन साटी परमेश्वर उन मुंद भेंट माळकु बलदान माळ बुट्टुर.

3 ह्यांग पवत्रि लॉकुरद लायक आद. हांग नीम दा व्यभचारि अदकि यातोदु प्रकार इन अशुध्द क्याल्सा या लोभ इन मात भी आगबाळुल; 4 अदकि ना नरिलज्जता, ना मूढता अन्द मातचीत माळदेव, ना मज्याक माळदेव; यतकी ईव मातगोळ शोभा कोळालव, बल्की धन्यवाद अच केळकु आगुल. 5 यतकी नीव ईद जानसतीर क्फि यावारा व्यभचारी, या अशुध्द जन, या लोभी मंळसा अन्द, जो मूर्त्ति इन पुजा माळावाळा अन बराबर आन, मसीह अदकि परमेश्वर उन राज्य दा मीरास ईल्लच.

6 यावारा नीमी व्यर्थ मातगोळ देल ध्वाका कोळबाळुल, यतकी ईवा क्याल्सागोळ्द कारण परमेश्वर उन सट्टि आग्या ईला मान्सावाळेर मा भळकुसतद. 7 इदुरसाटी नीव आंदुर सहभागी ईरबाळी. 8 यतकी नीव रा पयला अंधकार ईरीर लेकीन ईग प्रभु दा ज्योर्त्ति आईर, इदुरसाटी ज्योर्त्ति इन औलाद इन घाई नळी 9 यतकी ज्योर्त्ति इन फल सब प्रकार इन भलाई, अदकि न्यायीपन, अदकि सच्चाई आद, 10 अदकि ईद परखुसी क्फि प्रभु उक येन भाऊसतद. 11 अंधकार इन नष्फल क्याल्सागोळ दा सहभागी ईरबाळी, बल्की अदुर मा उलाहना कोळी. 12 यतकी आंदुर गुप्त क्याल्सागोळ्द चर्चा भी शरम इन मात आद. 13 पर यास क्याल्सागोळ मा उलाहना कोटक आगतद अव सप्पा ज्योर्त्ति टु प्रगट आगतद, यतकी जो सप्पा येनारा अक प्रगट माळतद अद ज्योर्त्ति हुन. 14 ई कारण आव अनतान,

“हे मगिवाळा,

जाग्स अदकि मुर्दागोळ दा टु जत्तिता येळ;

रा मसीह अन्द ज्योर्त्ति नीन मा चमकुसीत.”

15 इदुरसाटी ध्यान देल नोळी, क्फि ह्यांग चाल नळुतीर: नरिबुद्धीगोळ्द घाई ईला पर बुद्धमिानगोळ्द घाई नळी. 16 *मवका अक बार्र सम्सी, यतकी दनि बुरा आव. 17 ई कारण नरिबुद्धी ईरबाळी, पर ध्यान देल सम्सी क्फि प्रभु उन इच्छा येन आद.

18 अंगुर इन रास्सा टु मतवाला बन्सबाळी, यतकी इदुर देल लुचपन आगतद, पर आत्मा देल परपिर्ण आगतेला होगी, 19 *अदकि आपस दा भजन अदकि स्तुर्त्ति हाळ अदकि आत्मकि हाळगोळ हाळतोगी, अदकि तान तान मन दा प्रभु उन मुंद हाळतेला अदकि कीर्तन माळतेला ईरी. 20 अदकि हमेशा सब मातगोळ्द साटी नाम्द प्रभु यीशु मसीह अन्द हेसुर देल परमेश्वर आप्प उन धन्यवाद माळतेला ईरी.

गांडड अदकि हगिस्

21 मसीह अन्द अंज्क देल आबुर दाबुरद हातती ईरी.

22 *हे हगिसुरा, तान तान गांडड उन हगि हातती ईरी जसा प्रभु उन. 23 यतकी गांडड हगिस् उन ताल्ला हुन ह्यांग क्फि मसीह मंडली इन ताल्ला आन अदकि खुद अच मय इन उद्धारकर्ता आन. 24 पर ह्यांग मंडली मसीह अन्द हातती आद, हांग अच हगिसुर भी हर मात दा तान तान गांडड उन हातती ईरूल.

* 4:32 ४:३२ कुलुस्सगिळ ३:३३ * 5:16 ५:१६ कुलुस्सगिळ ४:५ * 5:19 ५:१९ कुलुस्सगिळ ३:१६,१७ * 5:22 ५:२२ कुलुस्सगिळ ३:१८; १ पतरस ३:१

25 *हे गांडुरा, तान तान हगिसुर से प्यार ईटी ह्यांग मसीह भी मंडली से प्यार माळकु तान तान इक अदुर साटी कोट बुट्टुन 26 क्कि आऊक वचन इन द्वारा नीर इन मयतोळदुर देल शुद्ध माळकु पवतिर माळी, 27 अदकि आऊक ऊंद हगि तेजस्वी मंडली माळकु तान हातती नदिरसुल, यदुर दा ना कलंक, ना झुरी, ना यातोदारा अदकि हगि वस्तु ईरूल बल्की पवतिर अदकि नरिदोष ईरूल. 28 ईदा प्रकार उचति आद क्कि गांडु तान तान हगिसुर से तान मय इन घाई प्यार ईटली पायजे. जो तान हगिस उन से प्यार ईटतान, आव तान तान से प्यार ईटतान. 29 यतकी याऊ यागलु तान मय देल दुश्मनी ईटीदलि बल्की अदुरद पालन-पोषण माळतान, जसा मसीह भी मंडली इन सांगुळ माळतान. 30 इदुरसाटी क्कि नाव आऊन मय इन अंग हुयेव. 31 “ई कारण मळसा तान मोय-आप्प उक बटिकु तान हगिस उन सांगुळ ईततान, अदकि आंदुर येदुदु ऊंद तन आदार.” 32 ईद भेद रा धोळ आद, पर ना ईल मसीह अदकि मंडली इन बारा दा अनतीन. 33 पर नीम दा टु हर ऊंद तान हगिस उन से तान घाई प्यार ईटुल, अदकि हगिस भी तान गांडु उन आदर माळुल.

6

मोय-आप्प अदकि चकिोर

1 *हे चकिोरगोळा, प्रभु दा तान मोय-आप्प उन आग्याकारी बन्सी, यतकी ईद उचति आद. 2 “तान मोय अदकि आप्प उन आदर माळ ईद पयला आग्या हुन यदुर सांगुळ वादा भी आद. 3 क्कि अपमान भला आगुल, अदकि नी पृथ्वी मा हापाळ दनि ताका जतिता ईर.” 4 *हे चकिोरवाळेरा, तान चकिोर इक गुस्सा तरगोळबाळी लेकीन प्रभु उन शक्किषा अदकि चेतावनी कोळतेला आंदुरद पालन-पोषण माळी.

स्वामी अदकि दास

5 *हे दासगोळा, जो लॉकुर ई दुनया दा नीम स्वामी आर, तान मन ईद सही देल अंजक अदकि नळगतेला, ह्यांग मसीह अन्द हांगा आंदुरद भी आग्या मानसी. 6 मळसागोळी खुश माळावाळेरा घाई तोरसोर साटी स्यावा माळबाळी, लेकीन मसीह अन्द दासगोळ घाई अंतर आत्मा देल परमेश्वर उन इच्छा मा नळी, 7 अदकि आ स्यावा अक मळसागोळद ईला लेकीन प्रभु उन स्यावा जान्सकु खरा मन देल माळी. 8 यतकी नीव जान्सतीर क्कि हर मळसा ह्यांगारा वळलीद क्यालसा माळ्यान, या रा दास ईरूल या रा स्वतंत्र, प्रभु से हांगा हासलि माळ्यान. 9 *हे स्वामीगोळा, नीव भी धमकीगोळ कोळव बटिकु आंदुर सांगुळ हांग अच व्यवहार माळी; यतकी नीव जान्सतीर क्कि आंदुर अदकि नीम येदुदु मुंदुरव स्वामी स्वर्ग दा आन, अदकि आव यारदु पक्षपात माळालुन.

आत्मकि लळाई इन औजार

10 इदुरसाटी प्रभु दा अदकि आऊन शक्किता इन प्रभाव दा ताकतवर बन्सी. 11 परमेश्वर उन सप्पा हथयार हाक्क बुळी क्कि नीव शैतान उन युक्तगोळ मुंद नदिरकु ईर सकीर. 12 यतकी नाम्द ईद मल्लयुद्ध रक्ता अदकि मास देल ईला लेकीन प्रधानगोळ देल, अदकि अधिकारीगोळ देल, अदकि ई दुनया अन अंधकार इन शासकगोळ देल अदकि आ दुष्टता अन्द आत्मकि सेनागोळ देल आद जो आकाश दा आव. 13 इदुरसाटी परमेश्वर उन पुरा हथयार कट कोमी क्कि नीव बुरा दनि दा सामना माळ सकी, अदकि सप्पा येनारा पुरा माळकु संची ईर सकी.

14 इदुरसाटी सच्चाई देल तान नेळु कसुसकु, अदकि न्यायीपन इन कवच हाक्क, 15 अदकि कालगोळ दा मेल इन खुशखबरी इन तयारी इन जुता हाक्क; 16 अदकि ई सब मुंदुर सांगुळ वशिवास इन ढाल हुडुकु सथरि ईरी यदुर देल नीव आ दुष्ट इन सब होततेला तीरगोळ इक नुनाक सकी. 17 अदकि उद्धार इन टोप, अदकि आत्मा अन्द तलवार, जो परमेश्वर उन वचन हुन, ग्रहण माळकोमी. 18 हर समय अदकि हर प्रकार देल आत्मा दा प्रार्थना, अदकि वनिती माळतेला ईरी, अदकि इदुरसाटी जाग्सतेला ईरी क्कि सब पवतिर लॉकुरद साटी लगातार वनिती माळतेला ईरी, 19 अदकि नान साटी भी क्कि नानी माताळोद समय हगि प्रबल वचन कोटकु आगुल क्कि ना साहस इन सांगुळ खुशखबरी इन भेद खोलसोद कार्य माळ सकाईन, 20 ई खुशखबरी इन खातरि ना शंकली देल जकळुसकु राजस्वर्गदूत हुईन; हालाक्कि ईंग ना जयल दा आईन. प्रार्थना माळी क्कि ना खुशखबरी इन बारा दा माताळली साहसी आग सकतीन ईद जरूरी आद जसा क्कि ना आईन.

आखरी अभिवादन

* 5:25 ५:२५ कुलुससगिळ ३:१९; १ पतरस ३:७ * 6:1 ६:१ कुलुससगिळ ३:२० * 6:4 ६:४ कुलुससगिळ ३:२१ * 6:5 ६:५ कुलुससगिळ ३:२२-२५ * 6:9 ६:९ कुलुससगिळ ४:१; कुलुससगिळ ३:२५

21 ✠✠तुखकुस, जो प्रयि वार्ट अदकि प्रभु दा वश्वासयोग्य सेवक आन, नीमी सब मातगोळ हेळ्यान क्नीव भी नान दशा जान्सी क्नी ना ह्यांग ईरतीन. 22 आऊक ना नीम्द हात्ती इदुरसाटी कळुदीन क्नीव नाम्द दशा अक जान्सी, अदकि आव नीम्द मनगोळ इक शांती कोळुल.

23 परमेश्वर आप्प अदकि प्रभु यीशु मसीह अन्द दी टु वार्टुरी शांती अदकि वश्वास सहति प्यार सकुल.

24 जो नाम्द प्रभु यीशु मसीह टु खरा प्यार ईटतार, आ सब मा अनुग्रह आगतेला ईरूल.

फलपिपी के नाम पौलुस प्रेरति की चट्ठी फलपिपिगोळ हेसुर पौलुस प्रेरति उन चट्ठी परकिय

पौलुस फलपिपी दा वशिवासीगोळ इक यीशु उन जनम इन लगभग ६१ वर्ष इन बाददा चट्ठी लखिसदुन. आव बंदीगृह दा १:१३ ईरतेला लखिसदुन, शायद रोम दा. ईद चट्ठी फलपिपी नगर दा स्थति मंडली इक लखिसकु आगीत. नाव फलपिपी इन बारा दा अधनियिमगोळ्द कतिब देल थ्वाळासा कलु सकतेव. फलपिपी मकदिनयिा प्रांत इन ऊंद राजधानी ईरोद. ईद पयला मंडली ईरोद यदरी मकदिनयिा दा स्थापति माळकु आगीत. पौलुस अदकि सलास ऊंद सांगुळ मंडली इन सुरूवात माळदुर अदकि ईल ताका क्ति ऊंद ईळलक इन साटी बंदीगृह दा हाक्कु आत, याग आंदुर अल ईरोर प्रेरतिगोळ १६ ईद चट्ठी इक लखिसोर दा पौलुस उन कई उद्देश ईर सकताव. आंदुर ईद मवका अन उपयोग मंडली इक आंदुर द्वारा कळुकु आग्याव उपहार इन साटी धन्यवाद कोळोर साटी माळदुर याग आंदुर केळदुर क्ति आव बंदीगृह दा आन ४:१०-१९ आंदुर बंदीगृह दा आंदुर स्थति मा आंदरी अध्ययन भी माळदुर अदकि मंडली इक तीमुथयिस अदकि एपाफ्रदितिस उन सफारीश माळदुर २:१९-३० ताकी आंदुर आंदुर स्वागत माळुल अदकि आंदुर नेतृत्व अन्द सम्मान माळुल.

रूप रेखा

१. फलपिपि फलपिपी दा मंडली इक नमस्कार माळकु चट्ठी सुरू माळतान. १:१-२
२. मुंद आव तान स्थति इन बारा दा थ्वाळासा जानकारी साझा माळतान अदकि थ्वाळासा चतिगोळ जो आऊन हात्ती आव १:३-२:३०
३. बाक आव ईसाई जीवन जीऊसोर साटी हापाळ व्यावहारकि नरिदेश कोळतान ३:१-४:९
४. पौलुस फलपिपीया अन्द मंडली इक आंदुर उपहार इन साटी धन्यवाद कोटकु अदकि आंदुर अभिवादन कळुकु चट्ठी खतम माळतान ४:१०-२३

१ *मसीह यीशु उन दास पौलुस अदकि तीमुथयिस उन दी टु, सप्पा पवतिर लॉकुर हेसुर जो यीशु मसीह दा आगकु फलपिपी दा, अध्यक्षगोळ अदकि सेवकगोळ सांगुळ ईरतार.

२ नामव आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

पौलुस उन प्रार्थना अदकि धन्यवाद

३ ना याग याग नीमी याद माळतीन, आग आग तान परमेश्वर उन धन्यवाद माळतीन; ४ अदकि याग यागलु नीम सप्पा अन साटी वनिती माळतीन, रा हमेशा खुशी इन सांगुळ वनिती माळतीन. ५ इदुरसाटी क्ति नीव पयला दनि टु हुडुकु ईद ताका खुशखबरी बगरूसदुर दा नान सहभागी ईतीर. ६ नानी ई मात इन भरोसा आद क्ति याव नीम दा वळ्लीद क्वालसा सुरू माळयान, आवा अदरी यीशु मसीह अन्द दनि ताका पुरा माळयान. ७ उचति आद क्ति ना नीम सप्पा मुंदुर साटी हगि अच वचिार माळाईन, यतकी नीव नान मन दा बंदकु बसुसेगीर, अदकि ना शंकलीगोळ देल कैद दा अदकि खुशखबरी इन साटी उत्तर अदकि प्रमाण कोळदुर दा नीव सप्पा मुंदुर नान सांगुळ अनुग्रह दा सहभागी आगी. ८ इदुर दा परमेश्वर नान गवाह आन क्ति ना मसीह यीशु उन घाई प्यार माळकु नीम सप्पा मुंदुर लालसा माळतीन. ९ ना तरी भी ईद प्रार्थना माळतीन क्ति नीम प्यार ग्यान अदकि हर प्रकार इन वविक सांगुळ अदकि यक्कुल वाळुसत होगुल, १० ईल ताका क्ति नीव वळ्लीद से वळ्लीद मातगोळ्द जाच माळी, अदकि मसीह अन्द दनि ताका खरा बन्सकु ईरी, अदकि ठोकर तनिबाळी; ११ अदकि आ नयायीपन इन काय देल जो यीशु मसीह अन्द द्वारा आगताव, यक्कुल आग्त होगी यदुर देल परमेश्वर उन महिमा अदकि स्तुति आग्त ईरूल.

पौलुस उन कैद टु खुशखबरी इन उन्नती

१२ हे वारटुरा, ना चाहासतीन क्ति नीव ईद जान्स कोमी क्ति नान मा जो घळुसयाद, अदुर देल खुशखबरी वाळुसतेला होग्याद. १३ *ईल ताका क्ति कैसर उन राजभवन इन सप्पा पलटन अदकि मगिद सप्पा लॉकुर मा ईद

प्रगट आगेग्याद की ना मसीह अनंद साटी शंकलीगोळ देल कैद दा आईन; 14 अदकि प्रभु दा जो वारटुर आर, आंदुर दा टु यक्कुल मुंदुर नान शंकलीगोळ देल कैद आगदुर कारण, भरोसा माळकु परमेश्वर उन वचन बेधळक केळसोद मात्त यक्कुल हमिमत माळतार.

15 थ्वाळासा रा जलन अदकि झगळा अनंद कारण मसीह अनंद प्रचार माळतार अदकि थ्वाळासा भला इच्छा देल. 16 हापाळ पुरा रा ईद जान्सकु की ना खुशखबरी इन साटी उत्तर कोळली ठहूरस्कु आगीन, प्यार देल प्रचार माळतार. 17 अदकि हापाळ मुंदुर रा सरका ईला लेकीन मतलब देल मसीह अनंद कात्ता केळसतार, ईद वचार माळकु की ना शंकलीगोळ देल कैद दा आईन नान साटी क्लेश पैदा माळुल. 18 रा येन आत? सरिफ ईद की हर प्रकार देल, या बहाना देल या सच्चाई देल, मसीह अनंद कात्ता केळसकु आगतद, अदकि ना ईदुर देल खुश आईन अदकि खुश भी ईराइन. 19 यतकी ना जान्सतीन की नीम वनिती इन द्वारा, अदकि यीशु मसीह अनंद आत्मा अनंद दान इन द्वारा, इदुरद प्रतफिल नान उद्धार आदीत. 20 ना रा ईदा हापाळ लालसा अदकि आशा ईटतीन की ना यातोदु मात दा लज्जति आगतीदील, लेकीन ह्यांग नान प्रबल हमिमत इन कारण मसीह अनंद बळाई नान मय इन द्वारा हमेशा आगत ईताद, हांग अच ईंग भी आगुल, चाहे ना जतिता ईराइन या सोतोगाईन. 21 यतकी नान साटी जतिता ईरोद मसीह हुन, अदकि सोतोगोद फायदा हुन. 22 लेकीन अगर मय दा जतिता ईरोद अच नान क्यालसा साटी फायदा मंद आद रा ना जान्सालीन की यदुरद चुनाव माळाईन. 23 यतकी ना येदुदु चीज इन न्याड्या अधर दा हलिगुसकु आईन; जीव रा चाहासतद की होगकु मसीह अनंद हात्ती ईराइन, यतकी ईद रा हापाळ वळ्लीद आद, 24 लेकीन मय दा ईरोद नीम कारण मात्त यक्कुल जरूरी आद. 25 इदुरसाटी की नानी इदुरद भरोसा आद इदुरसाटी ना जान्सतीन की ना जतिता ईराइन, उलटा नीम सप्पा मुंदुर सांगुळ ईराइन यदुर देल नीव वशिवास दा मजबूत आगत होगी अदकि अदुर दा खुश ईरी; 26 अदकि जो घमण्ड नीव नान बारा दा माळतीर, अद नांद मात्त नीम हात्ती बंदुर देल मसीह यीशु दा यक्कुल वाळुसेगुल.

27 सरिफ ईट माळी की नीम चाल-चलन मसीह अनंद खुशखबरी इन लायक ईरूल की चाहे रा ना बंदकु नीमी नोळाईन, चाहे रा बर भी तदिलि, नीम बारा दा नानी ईदा केळ सकिल की नीव ऊंद अच अंतरात्मा दा जतिता आईर, अदकि ऊंद मन आगकु खुशखबरी इन वशिवास इन साटी मयनत माळत ईरतीर. 28 अदकि यातोदारा मात दा वरिध माळावाळेर से अंजक तुमालीर. ईद आंदुर साटी वनिश इन स्पष्ट चमत्कार हुन, लेकीन नीम साटी उद्धार इन अदकि ईद परमेश्वर उन दी टु आद. 29 यतकी मसीह अनंद कारण नीम मा ईद अनुग्रह आत की ना सरिफ आऊन साटी भरोसा कोळी लेकीन आऊन साटी दुख भी नेगी; 30 *अदकि नीमी हांग अच मयनत माळोद आद, ह्यांग नीव नानी माळतेला नोळीर, अदकि ईंग भी केळतीर की ना हांग अच माळतीन.

2

मसीह अनंद दीनता अदकि महानता

1 इदुरसाटी अगर मसीह दा थ्वाळासा शांती, अदकि प्यार देल हमिमत, अदकि आत्मा अनंद प्रोत्साहन, अदकि थ्वाळासा करूणा अदकि संगती आद, 2 रा नान ईद खुशी पुरा माळी की ऊंद मन आगकु ईरी, अदकि ऊंद अच प्यार, ऊंद अच चतित, अदकि ऊंद अच मनसा ईटी. 3 मतलब देल या ख्वाटा बळाई साटी येनु माळबाळी, लेकीन दीनता देल आबुर दाबुर इक तान से वळ्लेर समसी. 4 हर ऊंद तान हति इन ईला, उलटा दुसरा अनंद हति इन भी चनिता माळुल. 5 ह्यांग मसीह यीशु उन वचार ईरव हांग अच नीम भी वचार ईरूल;

6 याव परमेश्वर उन स्वरूप दा ईतकु भी

परमेश्वर उन तुल्य आगली तान वश दा ईटोद वस्तु समसीदील.

7 उलटा तान तान इक हगि शुन्य माळ बुट्टुन,

अदकि दास उन रूप धारण माळदुन,

अदकि मंळसा अनंद समानता दा आगेदुन.

8 अदकि मंळसा अनंद रूप दा प्रगट आगकु तान तान इक दीन माळदुन,

अदकि ईल ताका आग्याकारी ईत्तुन की मृत्यु, हव, करूस इन मृत्यु भी सहन माळदुन.

9 ई कारण परमेश्वर आऊक हापाळ महान भी माळदुन,

अदकि आऊक अद हेसुर कोट्टुन जो सप्पा हेसुरगोळ से श्रेष्ट आद,

- 10 कजिो स्वर्ग दा अदकि पृथ्वी मा अदकि पृथ्वी इन ल्यालमा आद,
अव सप्पा यीशु उन हेसुर मा ट्वांगरा टेकसुल;
11 अदकि परमेश्वर आप्प उन महमा साटी हर ऊंद ल्यालग्या अंगीकार माळ कोमुल
कियीशु मसीह अच प्रभु हुन.

दुनिया दा ज्योती इन घाई चमकुसी

12 इदुरसाटी हे नान प्रयिगोळा, ह्यांग नीव हमेशा टु आग्या मानसतेला बंदीर, हांग अच ईग भी ना सरिफ नान सांगुळ ईरा होती लेकीन जरूर माळकु ईग नान दुर ईततुर मा भी अंजक अदकि नळगतेला तान तान उद्धार इन क्याल्सा पुरा माळत होगी; 13 यतकी परमेश्वर अच हुन याव तान खुद इन इच्छा अन्द कारण नीम मन दा इच्छा अदकि क्याल्सा, येदु मातगोळद माळोद प्रभाव हाक्यान.

14 सप्पा क्याल्सा बनि बळबळ अदकि बनि बाय कय मुरसद माळतोगी, 15 क नीव नरिदोष अदकि भोला आगकु वाकळा अदकि जदिदी लाँकुर न्याड्या परमेश्वर उन नषिकलंक औलाद बन्सकु ईरी, यार न्याड्या दा नीव जीवन इन वचन हुडुकु दुनिया दा होतकु दगियागोळ घाई काळसतीर, 16 क मसीह अन्द दशिी नान हात्ती कारण ईरूल कनि नान जतिता इरोद अदकि ना नांद घमण्ड माळोद बेकार आत. 17 अगर नानी नीम वशिवास रूपी बलदान अदकि स्यावा अन्द सांगुळ तान रक्ता भी वाहुसोद बळ्ळुल, तरी भी ना खुश आईन अदकि नीम सप्पा मुंदुर सांगुळ खुशी माळतीन. 18 हांग अच नीव भी खुश ईरी अदकि नान सांगुळ खुशी माळी.

तीमुथियुस अदकि इपफ्रुदीतुस

19 नानी प्रभु यीशु दा आशा आद कनि तीमुथियुस उक नीम हात्ती तुरन्त कळाईन, ताकी नीम दशा केळकु नानी खुशी सकिल. 20 यतकी नान हात्ती हगि स्वभाव इनव याऊ हैलेच जो शुद्ध मन देल नीम चनिता माळुल. 21 यतकी सप्पा मुंदुर तान स्वार्थ इन खोज दा ईरतार, ना कियीशु मसीह अन्द. 22 लेकीन आऊक रा नीव परकुसदीर अदकि जान्स भी कौडीर किय्यांग पार आप्प उन सांगुळ माळतान, हांग अच आव खुशखबरी इक फैलुसदुर दा नान सांगुळ स्यावा माळदुन. 23 इदुरसाटी नानी आशा आद किय्यांग नानी समझ दा बंदीत कनि नान येन दशा आदीन, हांग अच ना आऊक तुरन्त कळु बुळाईन. 24 अदकि नानी प्रभु दा भरोसा आद कनि ना खुद भी राटनेरी बराईन.

25 लेकीन ना इपफ्रुदीतुस उक जो नान वार्ट अदकि सहकर्मी अदकि संगी योद्धा अदकि नीम स्वर्गदूत, अदकि जरूरी मातगोळ दा नान स्यावा टहल माळावाळा हुन, नीम हात्ती कळोद जरूरी समसदीन. 26 यतकी आऊन लालसा नीम सप्पा मुंदुर दा हतकु ईरोद, ई कारण आव व्याकुल ईरतोगोन यतकी नीव आऊन बमिारी इन बारा दा केळीदीर. 27 नशिचय आव बमिार रा आगेगदिन ईल ताका कियसयोर मा ईरोन, लेकीन परमेश्वर आऊन मा दया माळदुन, अदकि सरिफ आऊन मा अच ईला लेकीन नान मा भी कनि नानी शोक मा शोक सकिवाळुल. 28 इदुरसाटी ना आऊक कळोद मातत यक्कुल कोशशि माळदीन क नीव आऊक मातत नोळकु खुश आगेगी अदकि नान भी दुख गोरत आगेगुल. 29 इदुरसाटी नीव प्रभु दा आऊन से हापाळ खुशी इन सांगुळ मुलाकात माळतीर, अदकि ईततोरद आदर माळतोगेतीर. 30 यतकी आव मसीह अन्द क्याल्सा साटी तान जीव इक जोखमि दा हाक्कु मृत्यु उन हात्ती होट बंदीदुन ताकी जो कमी नीम दी टु नान स्यावा दा आत अदरी पुरा माळुल.

3

सही न्यायीपन

1 इदुरसाटी हे नान वारटुरा, प्रभु दा खुश ईरी. अव अच मातगोळ नीमी घळी घळी लखिसली नानी रा येनु तकलीफ आगाल, अदकि ईदुर दा नीम कुशलता आद, 2 नायगोळ से सावधान ईरी, आ बेकार क्याल्सा माळावाळेर से सावधान ईरी, आ काट कूट माळावाळेर से सावधान ईरी. 3 यतकी खतनावाळेर रा नाव अच हुयेव जो परमेश्वर उन आत्मा अन्द अगुवाई देल उपासना माळतेव, अदकि मसीह यीशु मा घमण्ड माळतेव, अदकि मय मा भरोसा ईटालेव. 4 लेकीन ना रा मय मा भी भरोसा ईट सकतीन. अगर यारारा दुसरा अक मय मा भरोसा ईटोद वचार आगुल, रा ना आऊन से यक्कुल ईट सकतीन. 5 *आठवा दशिी नान खतना आत, इस्त्राएल

* 3:5 ३:५ रोमियो ११:१; प्रेरतिगोळ २३:६; २६:५

इन वंश अदकि बनियामीन इन गोत्र नव हुईन; इब्रानगोळव इब्रानी हुईन; व्यवस्था अन्द बारा दा अगर अंदीर रा फरीसी हुईन. 6 *उत्साह अन्द बारा दा अगर अंदीर रा मंडली इन सतुसावाळा; अदकि व्यवस्था अन्द न्यायीपन इन बारा दा अगर अंदीर रा नरिदोष ईरीन. 7 लेकीन जो जो मातगोळ नान फायदा नव ईरव, अवरीका ना मसीह अन्द कारण नुकसान सम्स कौडीन. 8 उलटा ना तान प्रभु यीशु मसीह अन्द पयचान इन उत्तमता अन्द कारण सप्पा मातगोळी नुकसान सम्सतीन. यदुर कारण ना सप्पा वस्तुगोळद नुकसान नेगदीन, अदकि अवरी काळी कचरा सम्सतीन, यदुर से ना मसीह अक हासलि माळाईन 9 अदकि अदुर दा ना सकिकु आगुल; ना कति तान अद न्यायीपन इन सांगुळ, जो व्यवस्था देल आद, उलटा आ न्यायीपन इन सांगुळ जो मसीह मा वशिवास माळदुर कारण आद अदकि परमेश्वर दी टु वशिवास माळदुर मा सकितद; 10 ताकी ना अदरी अदकि अदुरद मृत्युंजय इन सामर्थ्य अक, अदकि अदुर सांगुळ दुखगोळ दा सहभागी आगोद मर्म इक जानसाईन, अदकि आऊन मृत्यु उन समानता अक हासलि माळाईन. 11 कनि यातोदारा भी रीतदेल सोत्तुर दा टु जतिता आगोद पद ताका पोहचुसाईन.

नशिना दी ओळोद

12 ईद मतलब हैलेच कनि ईग हासलि माळ कौडीन, या सदिध आगोगनि; लेकीन आ पदारथ अक हुडोर साटी ओळत होगतीन, यदुर साटी मसीह यीशु नानी हुळददिन. 13 हे वारटुरा, नान ईद भावना हैलेच कनि हासलि माळ कौडीन; लेकीन सरिफ ऊंद क्याल्सा माळतीन कजो मातगोळ हदि ईतोग्याव अवरी मारूकु, मुंदळव मातगोळ दी वाळुसतेला, 14 नशिना दी ओळत होगतीन, ताकी अद ईनाम हासलि माळाईन यदुर साटी परमेश्वर नानी मसीह यीशु दा म्याकुच कारदान. 15 नाम दा टु यास सदिध आर, ईदा वचार ईटुल, अदकि अगर यातोदारा मात दा नीम दुसरा अच वचार ईरूल रा परमेश्वर अदरी भी नीम मा प्रगट माळ बुट्टान. 16 इदुरसाटी यल ताका नाव पोहचुसेव, अदुरदा अनुसार नळदेव. 17 *हे वारटुरा, नीव सप्पा मुंदुर मलिसकु नान घाई व्यवहार माळी, अदकि आंदरी पयचान दा ईटी जो ई रीतमा नळुतार यदुर उदाहरण नीव नाम दा नोळतीर; 18 यतकी हापाळ सा हगि व्यवहार माळतार, यार्द चर्चा ना नीम से घळी घळी माळीन, अदकि ईग भी वरूल वरूलकु अनतीन कति आंदुर तान चाल-चलन देल मसीह अन्द क्रूस देल दुश्मनी माळावाळेर उर. 19 आंदुर अन्त वनिश आद, आंदुर मय व्हाट्टा हुन, आंदुर तान शरम इन मातगोळ मा वचार माळतार अदकि पृथ्वी इन वस्तुगोळ मा महिमा हचकु ईरतार. 20 लेकीन नाम स्वदेश स्वर्ग मा आद; अदकि नाव ऊंद उद्धारकर्ता प्रभु यीशु मसीह अन्द अल टु बरोद हादी कायेतेव. 21 आव तान शक्ति इन आ प्रभाव इन अनुसार यदुर द्वारा आव सप्पा वस्तुगोळी तान वश दा माळ सकतान, नाम दीन-हीन मय इन रूप बदलुसकु, तान महिमा अन्द मय इन अनुकूल माळ बुट्टान.

4

नरिदेश

1 इदुरसाटी हे नान प्रयि वारटुरा, यदुर दा नान जीव हतकु ईरतद, जो नान खुशी अदकि मुकुट हुईर, हे प्रयि वारटुरा, प्रभु दा हगि हादी कायतेला स्थरि ईरी.

2 ना यूओदयिा अक भी वनिती माळतीन अदकि सुन्तुखे अक भी, कति आंदुर प्रभु दा ऊंद वचार आगकु ईरूल. 3 हे खरा सहकर्मी, ना नीन से भी वनिती माळतीन कनि नी आ आर्तेर मदत माळ, यतकी आंदुर नान सांगुळ खुशखबरी प्रचार माळदुर दा, क्लेमेस अदकि नान दुसरा सहकर्मीगोळ सांगुळ मयनत माळदुर, यार्द हेसुर जीवन इन कतिाव दा लखिसकु आव. 4 प्रभु दा हमेशा खुश ईरी; ना मात्त अनतीन, खुश ईरी. 5 नीम कोमलता सप्पा मंळसागोळ मा प्रगट आगुल. प्रभु हात्ती आन. 6 यातोदु मात इन चनिता माळबाळी; लेकीन हर ऊंद मात दा नीम नविदन, प्रार्थना अदकि वनिती इन द्वारा धन्यवाद इन सांगुळ परमेश्वर उन मुंद उपस्थिति माळकु आगुल. 7 आग परमेश्वर उन शांती, जो सप्पा मुंदुर समझ इन व्हार्या आद, नीम मन अदकि नीम वचारगोळी मसीह यीशु दा सुरक्षति ईट्टीत. 8 इदुरसाटी हे वारटुरा, जो जो मातगोळ सच्चाई आव, अदकि जो जो मातगोळ आदरणीय आव, अदकि जो जो मातगोळ उचित आव, अदकि जो जो मातगोळ पवतिर आव, अदकि जो जो मातगोळ सुहावनी आव, अदकि जो जो मातगोळ मनभावनी आव, मतलब जो भी सदगुण अदकि प्रशंसा अन्द मातगोळ आव अऊर मा ध्यान हचतोगी. 9 जो मातगोळ नीव नान हात्ती टु कलतीर, अदकि ग्रहण माळदीर,

अदकि केळदीर, अदकि नांदुरदा नोळदीर, अऊरदा पालन माळतोगी, आग परमेश्वर जो शांती नव सोता आन नीम सांगुळ ईततान.

दान इन साटी धन्यवाद

10 ना प्रभु दा हापाळ खुश आईन कि ईग ईस दनिगोळ बाददा नीम चन्ता नान बारा दा मात्त जागृत आग्याद; नश्चय नीमी सुरूवात दा भी इदुरद वचार ईरोद, लेकीन नीमी मवका सकिदील. 11 ईद ईला कि ना तान कमी इन कारण ईद अनतीन यतकी ना ईद कलतीन कि याता दशा दा आईन; अदा दशा दा संतुष्ट ईराइन. 12 ना दीन आगोद भी जान्सतीन अदकि वाळुसोद भी जान्सतीन; हर ऊंद मात अदकि सप्पा दशागोळ दा ना संतुष्ट आगोद, उपास ईरोद, अदकि वाळुसोद-घटुसोद कलतीन. 13 जो नानी सामर्थ्य कोळतद अदुर दा ना सप्पा येनारा माळ सकतीन.

14 तरी भी नीव वळ्लीद माळदीर कि नान क्लेश दा नान सहभागी आदीर. 15 हे फलिपिपिगोळा, नीव खुद भी जान्सतीर कि खुशखबरी प्रचार इन सुरूवात दा, याग ना मकदिनया टु वदि आदीन, आग नीमी बटिकु मात्त यातोदु मंडली लेन देन इन बारा दा नान सहायता माळीदलि. 16 *ईदा प्रकार याग ना थस्सलुनीके दा ईरीन, आग भी नीव नान कमी पुरा माळोर साटी ऊंद घन येन उलटा येद्व घन येनारा कळीदरि. 17 ईद ईला कि ना दान बेळोद चाहासतीन लेकीन ना हगि काय चाहासतीन जो नीम फायदा साटी वाळुस्त होगुल. 18 नान हात्ती सप्पा येनारा आद, उलटा हापाळ पुरा भी आद; जो वस्तुगोळ नीव इपफुरदीतुस उन कय देल कळीदरि अवरी प्राप्त माळकु ना संतुष्ट आगेगनि, अद रा सुखदायक सुगन्ध, ग्रहण माळा लायक बलदान आद, जो परमेश्वर उक वळ्लीद हततद. 19 नान परमेश्वर भी तान आ धन इन अनुसार जो महिमा सांगुळ मसीह यीशु दा आद, नीम हर ऊंद कमी इक पुरा माळीत. 20 नाम परमेश्वर अदकि आप्प उन महिमा हमेशा हमेशा आगतेला ईरूल. आमीन.

आखरी नमस्कार

21 हर ऊंद पवतिर जन उक, जो यीशु मसीह दा आन नमस्कार अनी. जो वार्ट नान सांगुळ आन, नीमी नमस्कार अनतार. 22 सप्पा पवतिर लॉकुर, वशिष माळकु जो कैसर उन घराना नोर उर, नीमी नमस्कार अनतार.

23 नाम प्रभु यीशु मसीह अन्द अनुग्रह नीम आत्मा अन्द सांगुळ ईरूल.

कुलुससगिळ हेसुर पौलुस प्रेरति की पत्ती परचिय

कुलुससगिळ अन्द चट्टी प्रेरति पौलुस उन १:१ द्वारा मंडली इक लखिसकु आगीत. आव ईद चट्टी आग लखिसदुन याग आव जयल दा ईरोन, शायद रोम दा, मसीह अन जनम इन लगभग ६० साल बाददा. कुलुससगिळ, इफसियों अदकि फलिमोन ईद चट्टी पौलुस जयल दा ईतकु लखिसीदुन इदुरसाटी ईदरी जयल चट्टी अंदकु आगतद.

आव ईद चट्टी कोलोसे शयर दा मंडली इक लखिसीदुन. पौलुस कुलुससे दा मंडली चालु माळलका ईरोन, यतकी आंदुर २:१ दा उल्लेख माळ्यार, लेकीन इदुरसाटी येनारा जमिमेदारी महसूल माळीदुर. ईद संभव आद कि एपाफ्रास मंडली इन स्थापना माळीदुर यतकी आंदुर कोलोसे टु ईरो. पौलुस कोलोसे अन्द मंडली दा येनारा गलत शकिषागोळ देल संबंघति ईरोन. आंदुर ईदुर बारा दा चट्टी लखिसुसोर दा हापाळ खर्च माळदुर, आग सकतद कि यहूदी ईसाईगोळ्द ऊंद समुह ईतीदाद, जो हाळोद नयिम देल यहूदी कानूनगोळ्द पालन माळोर साटी दुसरा ईसाई वारटुरगोळी मजबुर माळोद कोशशि माळोर, वशिष रूप देल खतना. पौलुस वशिष रूप देल लखिसतान कि मसीह अक परमेश्वर १:१५-२० उन द्वारा स्वीकार माळकु आगोद अलावा मसीह अन्द अलावा येनु ईला या यावारा दुसरा अन्द जरवत आद अदकि मानव तर्क मा आधारति शकिषागोळ बेकार आव २:८

रूप-रेखा

१. पौलुस कोलोसे दा मंडली इक नमस्कार माळकु चट्टी सूरु माळतान. १:१-२
२. बाक आव मसीह अन्द महानता अन्द बारा दा लखिसतान वशिष रूप देल कोलोसे १:३-३:४ दा ख्वाटा शकिषा अन जवाब दा.
३. पौलुस हापाळ चट्टी गोळ दा, आव चट्टी गोळ्द उत्तरार्ध इक व्यक्त माळतान, जो वळ्लीद ईसाई जीवन जीऊसोर साटी थ्वाळासा वशिषिट नरिदेश कोळतद ३:५-४:६
४. पौलुस अन्य मंडलीगोळ ४:१७-१८ दा जोर देल वाचुसद चट्टी इन साटी शुभकामनागोळ अदकि नरिदेश कोळतान.

- 1 पौलुस अदकि आऊन वारट तीमुथयुस उन दी टु, जो परमेश्वर उन इच्छा देल मसीह यीशु उन प्रेरति आन,
- 2 कुलुससे दा ईरावाळेर परमेश्वर उन आ पवतिर वशिवासयोग्य वारटुर इक जो मसीह दा ऊंद आर:
नाम आप्प परमेश्वर उन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

3 नाव नीम साटी हमेशा प्रार्थना माळतेव आग नाव तान प्रभु यीशु मसीह अन्द आप्प परमेश्वर उन धन्यवाद माळतेव. 4 यतकी नाव मसीह यीशु दा नीम वशिवास अदकि सप्पा परमेश्वर उन पवतिर लाँकुर प्रती नीम प्यार इन बारा दा केळेव; 5 याग सही बातणी, खुशखबरी, पयला घन नीम हात्ती बत्त, रा नीव ई आशा अन्द बारा दा केळदीर कि ईद प्रदान माळतद. इदुरसाटी नीम वशिवास अदकि प्यार आ वस्तु मा आधारति आद, यदुर नीव उम्मीद माळतीर, जो नीम साटी स्वर्ग दा सुरक्षति ईटकु आद. 6 खुशखबरी आशरिवाद तरेत्याद अदकि सप्पा दुनिया दा फैलुसेत्याद, ठीक हांग अच ह्यांग नीम न्याइया दा आ दशिी टु आद या दशिी टु नीव पयला घन परमेश्वर उन कृपा अन बारा दा केळीदीर अदकि अदुर देल ईद पता नळुत कि ईद सही दा आद. 7 परमेश्वर उन अनुग्रह अक नीव नाम प्रयि सहकर्मी सेवक इफ्रास उन से कलतीर, जो नाम दी टु मसीह नव वशिवासयोग्य कर्मचारी आन. 8 आवा नामी आ प्यार इन बारा दा हेळ्यान जो आत्मा नीमी कोटाद.

9 ई कारण यागी टु नाव नीम बारा दा केळेव आगी टु नाव नीम साटी हमेशा प्रार्थना माळेव, परमेश्वर उन से नाव प्रार्थना माळतेव कि अद पुरा बुद्धी अदकि समझ जो आऊन आत्मा कोळतद आऊन सांगुळ अदुरद इच्छा अन्द ग्यान देल नीमी तुम बुळुल. 10 ताकी नीमद चाल चलन प्रभु उन लायक ईरूल, अदकि आव सब प्रकार देल प्रसन्न ईरूल, अदकि नीम जीवन दा टु वळेव क्याल्सा होळुल, अदकि नीव परमेश्वर उन ग्यान

दा वाळुसतेला होगी. 11 आऊन महामिमय शक्ति देल जो सामर्थ्य प्राप्त आगतद अदुर दा शक्तिशाली आगत ईरी, ताकी नीव धीरज इन सांगुळ सप्पा येनारा सहन माळा लायक बनसी. 12 अदकि खुशी इन सांगुळ आप्प उक धन्यवाद माळी, याव नीमी ई लायक माळदुन क्ति परमेश्वर उन आ लॉकुर सांगुळ जो आव आंदुर साटी पयले टु ना सुरक्षति माळद प्रकाश इन राज्य दा नीव पवतिर लॉकुर सांगुळ उत्तराधिकार प्राप्त माळदुर दा सहभागी बनसी. 13 आवा नामी अंधकार इन वश टु बचाव माळकु तान प्रयि पार उन राज्य दा प्रवेश माळसुसदुन, 14 *अदकि आऊन द्वारा नाव स्वतंत्र माळकु आदेव, मतलब नामी नाम पापगोळद माफ सकित.

मसीह नव क्याल्सा अदकि व्यक्तित्व

15 मसीह अदृश्य परमेश्वर उन समानता दा दृश्य रूप हुन अदकि आव सप्पा नरिर्मतिगोळ दा पयला पार हुन. 16 परमेश्वर तान द्वारा स्वर्ग अदकि पृथ्वी मा सुरूवात टु सप्पा येनारा माळदुन, आध्यात्मिक शक्तिगोळ, प्रभुगोळ, शासकगोळ अदकि अधिकारीगोळ सहति नोळद या बनिनोळद वस्तुगोळ, परमेश्वर आऊन द्वारा पुरा ब्रम्हाण्ड इन नरिमाण माळदुन. 17 सप्पा वस्तुगोळ से पयले मसीह अनन्द अस्तित्व ईरोद अदकि आऊन दा सप्पा वस्तुगोळ तान सही जागा मा स्थिर ईरताव. 18 *आव तान मय इन स्याणा हुन, मतलब मंडली इन ताल्ला हुन; आवा सुरूवात हुन, अदकि सोत्तुर दा टु जित्ता आगावाळा पयला जनम ताकोमावाळा पार हुन, ताकी सप्पा वस्तुगोळ दा पयला स्थान हासलि माळ सकुल. 19 यतकी परमेश्वर उन खुद इन ईद फैसला ईरोद क्ति आऊन दा परमेश्वर उन सप्पा परिपूर्णता वास माळुल. 20 *पार उन माध्यम देल परमेश्वर पुरा दुनिया अक तान ताना वापस तरोद फैसला माळदुन परमेश्वर क्रूस मा तान पार उन रक्ता अन माध्यम देल शांती माळदुन अदकि इदुरसाटी पृथ्वी अदकि स्वर्ग दा सप्पा वस्तुगोळी वापस तंदुन.

21 ऊंद समय ईरोद याग नीव परमेश्वर उन से हापाळ दुर ईरीर अदकि तान वचिरगोळ अदकि बेकार कर्मगोळ कारण परमेश्वर उन दुश्मन ईरीर; 22 लेकीन ईग, आव तान पार उन शारीरिक मय इन मृत्यु उन द्वारा नीमी तान संगी माळ कोंडान, ताकी नीमी तान हात्ती पवतिर अदकि शुद्ध, अदकि नरिदोष माळकु उपस्थति माळुल. 23 अगर नीव विश्वास इन पायवा मा मजबूत बनसकु ईत्तीर अदकि आ खुशखबरी इन आशा अक यदरी नीव केळीर बळिवाळी, यदुरद प्रचार आकाश इन ल्यालमा अनन्द पुरा दुनिया दा माळकु आत, अदकि यदुरद ना, पौलुस, सेवक बनसदीन.

पौलुस उन मंडली दा स्यावा कार्य

24 ईग ना आ दुखगोळद कारण खुशी माळतीन, जो नीम्द साटी नेगेतीन अदकि मसीह अनन्द क्लेशगोळद कमी आऊन मय इन साटी, मतलब मंडली इन साटी, तान मय दा पुरा माळतीन; 25 अदकि नानी परमेश्वर उन द्वारा मंडली इन सेवक माळकु आत अदकि याव नानी नीम भलाई इन क्याल्सा अनन्द साटी कोट्टुन, अदकि ई क्याल्सा पुरा तरीका देल आऊन बातणीगोळद घोषणा माळतद. 26 ईद बातणी रहस्य पूरण सच्चाई आद जो सुरूवात काल टु सप्पा मंळसागोळ से गुप्त ईटसुसकु आग्याद, लेकीन ईग आऊन पवतिर लॉकुर मा प्रगट माळकु आग्याद. 27 परमेश्वर उन ईद योजना ईरोद क्ति तान लॉकुर मा ईद रहस्य प्रगट माळुल क्ति ईद रहस्य याट महामिमय कमिती आ जो तान लॉकुर साटी आद. अदकि अद रहस्य ईद हुन क्ति मसीह नीम दा आन, मतलब नीव परमेश्वर उन महामि अनन्द सहभागी आग सकतीर. 28 इदुरसाटी नाव मसीह अनन्द प्रचार सप्पा मुंदुरी माळतेव. अदकि जो बुद्धी नामी प्राप्त आग्याद आ सप्पा बुद्धी इन इस्तेमाल माळतेला नाव सप्पा मुंदुरी नरिदेश अदकि शिक्षा प्रदान माळतेव ताकी नाव आंदरी मसीह दा ऊंद व्यक्तगित परिपूर्ण मंळसा माळकु परमेश्वर उन मुंद उपस्थति माळ सककेव. 29 अदकि इदरी पुरा माळोर साटी मसीह अनन्द महान सामर्थ्य जो नानी सकितेला ईरतद अदकि नान दा कार्य माळतद, अदुरद इस्तेमाल माळतेला ना कठनि मयनत अदकि संघर्ष माळतीन.

2

1 ना चाहासतीन नीमी ई मात इन पता नळदोगुल क्ति ना नीम साटी, लौदीकिया दा ईरावाळेर लॉकुर साटी अदकि आ सप्पा मुंदुर साटी जो व्यक्तगित रूप देल नानी यागलु सकिदिल, ना याट कठनि मयनत माळतीन. 2 ताकी आंदुर मनगोळी प्रोत्साहति सकिल अदकि परस्पर प्यार दा एकजुट आगोगुल, अदकि अद पुरा विश्वास

इन धन जो खरा समझ देल प्राप्त आगतद आंदरी सक्केगुल. ई प्रकार देल आंदरी परमेश्वर उन भेद पता नळदोदति, जो मसीह खुश आन. ³ याऊन दा परमेश्वर उन बुद्धी इन भंडार अदकि ग्यान होचकु आद.

⁴ ईद ना इदुरसाटी अनतीन का यावारा मंळसा नीमी ख्वाटा वाद ववािद देल ध्वाका कोळबाळुल. बाक चाहे आंदुर याटारा भी वळ्लेर येती हतबाळुल. ⁵ ना मय इन भाव देल नीम से दुर आईन, तरी भी आत्मकि भाव देल नीमद हात्ती आईन, अदकि नीमद व्यवस्थति जीवन इक अदकि नीमद वशिवास इन, जो मसीह दा आर, मजबूती नोळकु प्रसन्न आगतीन.

मसीह दा जीवन इन परपिरणता

⁶ इदुरसाटी ह्यांग नीव मसीह यीशु उक प्रभु मानसकु ग्रहण माळ कोडीर, हांगा आऊन दा बन्सकु ईरी. ⁷ अदकि अदुरदा जळ हुळकु अदकि वाळुसतेला ईरी; अदकि ह्यांग नीव कल्सकु आगीर हांग अच वशिवास दा मजबूत आगतैला होगी, अदकि यक्कुल से यक्कुल धन्यवाद माळतेला ईरी.

⁸ सावधान ईरी का यावारा नीमी आ मंळसा अन्द बुद्धी इन व्यर्थ ध्वाका देल गुलाम माळसुस बुळुल, जो मंळसागोळ्द परंपरागोळ देल प्राप्त आगतैला बंदाद अदकि ब्रम्हाण्ड इक शासन माळावाळा आत्मागोळ्द देन हुन, ना का मसीह अन्द. ⁹ यतकी आऊन दा ईश्वरत्व स्वभाव हमेशा मसीह अन्द मय दा वास माळतद. ¹⁰ अदकि नीमी आऊन एकता दा पुरा जीवन कोटकु आग्याद. आव सुरूवात टु सप्पा आध्यात्मकि शासकगोळ अदकि अधिकार इन स्याणा हुन.

¹¹ मसीह अन्द सांगुळ दा नीमद खतना माळकु आग्याद, ना का आ खतना अन्द सांगुळ जो मंळसागोळ कय देल माळकु आग्याद, लेकीन मसीह अन्द द्वारा माळ्द खतना अन्द सांगुळ, नीम पापगोळ्द सामर्थ्य देल मुक्त माळकु आगताव. ¹² *याग नीव बपतसिमा ताकोडीदरि रा नीमी मसीह अन्द सांगुळ दफनुसकु आगीत अदकि बपतसिमा दा नीम परमेश्वर उन सक्रिय शक्ति दा वशिवास इन माध्यम देल मसीह अन्द सांगुळ भी नेगुकु आगीत, आऊन सांगुळ जतिता भी आदुर. ¹³ *ऊंद समय नीव भी आत्मकिता दा सोतकु ईरीर यतकी नीव पापी, अदकि गैर्यहूदी बनिा व्यवस्था नोर ईरोर. लेकीन ईग परमेश्वर नीमी मसीह अन्द सांगुळ जीवन दा तंदान. परमेश्वर नाम सप्पा अपराधगोळ इक माफ माळ्यान. ¹⁴ *परमेश्वर नाम बेकार क्याल्सागोळ्द लेखा जोखा अक नाम न्याइया दा टु हटुस बुट्टुन यदुर दा आ वधीगोळ्द उल्लेख माळकु आगीत जो नाम प्रतकुल अदकि नाम वरिद्ध ईरोद आव अदरी क्रूस मा खल्लिागोळ देल टोक्सकु मटिस बुटान. ¹⁵ अदकि मसीह क्रूस इन द्वारा आध्यात्मकि शासकगोळ्द सुरूवात टु सामर्थ्य अक अदकि अधिकारीगोळी शासन हीन माळ बुट्टुन अदकि तान वजिय अभयान दा बंदी माळकु लाकुर मुंद आंदुर तमाशा माळदुन.

¹⁶ *इदुरसाटी यावारा भी मंळसा नीम तनिोद-कुडोद या हाबब या व्हाशोद चांद इन हाबब, या वशि्राम इन दनि इन बारा दा नीमद याऊ न्याय माळबाळुल. ¹⁷ यतकी ईव सब बरावाळा मातगोळ्द छाया हुव, लेकीन वास्तवकिता अच मसीह हुन. ¹⁸ यातोवारा भी मंळसा अन्द द्वारा तान अपमान माळसुसोद इजाजत कोळबाळी जो विशेष दर्शन इन कारण श्रेष्ट आगोद दावा माळतद अदकि जो ख्वाटा वनिम्रता अदकि स्वर्गदूतगोळ्द पुजा मा जोर कोळतद. बनिा यातोदारा कारण इन ईत्ता मंळसा तान मानवीय सोच देल व्यर्थ बायतान. ¹⁹ *अदकि मसीह अक हुळकु ईटोद बंद माळ बुटार, आव मसीह जो मय इन ताल्ला हुन. मसीह अन्द हात्ती ता दा सप्पा मय आद जो जोळगोळ अदकि नशगोळ से ऊंदा सांगुळ जोळ्सकु आव, अदकि परमेश्वर जसा वाळुसोद चाहासतान हांग वाळुस्त होगतद.

मसीह अन्द सांगुळ सायोद अदकि ऊळोद

²⁰ यतकी नीव मसीह अन्द सांगुळ सोतोगीर अदकि ब्रम्हाण्ड इन शासन माळावाळा आत्मागोळ से मुक्त माळकु आगीर. रा बाक येती आंदुर घाई जो दुनया नोर आर जीवन जीऊसतीर? नीव ईत्ता वधीगोळ वश दा येती ईरतीर. ²¹ का "इदरी मुठबाळेतीर, अदरी नेकबाळेतीर, अदकि अदरी कय हचबाळेतीर?" ²² ईव सप्पा वस्तुगोळ क्याल्सा दा तरास ताका नष्ट आगोदव यतकी ईव मंळसागोळ नयिम अदकि आग्यागोळ अदकि शकिषागोळ्द अनुसार आव. ²³ नश्चिति अच ईत्ता प्रकार इन सप्पा नयिम स्वर्गदूतगोळ्द जबरदस्ती देल

* 2:12 २:२२ रोमियों ६:४ * 2:13 २:३३ इफसिगिळ २:१-५ * 2:14 २:१४ इफसिगिळ २:१५ * 2:16 २:१६ रोमियों १४:१-६ * 2:19 २:१९ इफसिगिळ ४:१६

पुजा अदकि ख्वाटा वनिमरता, अदकि मय इन गंभीर उपचारगोळ ग्यान मा आधारति आद लेकीन शारीरिक लालसागोळी रोकसदुर दा ईऊर देल येनु उच फायदा आगाल्द.

3

1 याग नीव मसीह अन्द सांगुळ जतिता माळकु आगीर, इदुरसाटी तान दलि इक स्वर्गीय मातगोळ मा हची, यल मसीह तान ऊम्मा कय दी वरिजमान आन अदकि परमेश्वर उन ऊम्मा कय दी कुर्तकु आन. 2 पृथ्वी माकळव वस्तुगोळ ईला लेकीन स्वर्गीय वस्तुगोळ मा ध्यान हची, 3 यतकी नीव रा सोतोगीर अदकि नीमद जीवन मसीह अन्द सांगुळ परमेश्वर दा होचकु आद. 4 नीम खरा जीवन मसीह हुन याग मसीह प्रगट आदान, आग नीव भी आऊन सांगुळ महिमा सहति प्रगट माळकु आदीर.

हाळोद अदकि व्हाशोद जीवन

5 इदुरसाटी पृथ्वी माकळव तान आ संसारकि इच्छागोळी कोंद बुळी जो नीम दा कार्य माळतद, मतलब व्यभिचार, अशुध्दता, दुष्कामना, बेकार लालसा अदकि लोभ इक जो मूरतपूजा अन्द बराबर आद. 6 यतकी ईवा मातगोळ कारण जो आऊन आग्या मान्सालुर आंदुर मा परमेश्वर उन सटिट प्रगट आगली होगेत्याद. 7 अदकि ऊंद समय ईरोद याग नीव भी ईततव इच्छागोळ अनुसार तान जीवन जीऊसतोगीर, अदकि नीम जीवन आऊंदा प्रभुत्व दा का ईरोद.

8 लेकीन ईग नीव भी ईव सप्पा मातगोळी, मतलब सटिट, उत्तेजना, बैरभाव, अपमान अदकि बाय देल बोयोद ईव सप्पा मातगोळ बटि बुळी. 9 आबुर दाबुर से ख्वाटा माताळबाळी, यतकी नीव हाळोद स्वभाव इक आऊन आदतगोळ सांगुळ ईळस कोंडीर. 10 अदकि व्हाशोद व्यक्तित्व अक धारण माळ कोंडीर, जो तान सृजनहार इन स्वरूप दा पुरा ग्यान प्राप्त माळोर साटी लगातार व्हाशोद बन्सतेला ईरतद. 11 अदकि ईदुर परणाम ईद आद क अल यहूदी अदकि गैरयहूदी दा येनु फरक ईराल, अदकि ना रा यातोदारा खतना माळद अदकि खतनारहति दा, अदकि ना यातोदारा सभ्य अदकि ना असभ्य दा, ना दास अदकि ना स्वतंत्र मळसा दा, लेकीन मसीह अच सब येनारा हुन अदकि सप्पा वशिवासीगोळ दा मसीह अन्द वास आद.

12 अदकि नीव परमेश्वर उन लॉकुर हुईर आव नीम से प्यार माळतान अदकि आव तान पवतिर आगोर साटी नीम चुनाव माळयान. रा बाक सहानुभुती, दया, नमरता, कोमलता अदकि धीरज इक धारण माळी. 13 अदकि अगर यारीकारा यारदारा मा दोष हचोद यातारा कारण ईरूल, रा आबुर दाबुर सहन माळी अदकि आबुर दाबुरद अपराध माफ माळी; ह्यांग प्रभु नीमद अपराध माफ माळदुन, हांग अच नीव भी माळी. 14 अदकि ई सप्पा मातगोळ अलावा प्यार इक धारण माळी, प्यार अच सप्पा मुंदुरी आपस दा कटकु ईटतद अदकि परपुर्ण माळतद. 15 नीम साटी होगावाळा नरिणयगोळ मा अद शांती इन जो मसीह देल प्राप्त आगतद मार्गदर्शन ईरूल, इदुरसाटी परमेश्वर नीमी ऊंदा सांगुळ आ शांती दा ऊंद मय आगोर साटी कारसयान. अदकि हमेशा धन्यवाद माळत ईरी. 16 तान सप्पा संपन्नता अन्द सांगुळ मसीह अन्द बातणी नीम दलिगोळ दा वास माळुल. अदकि तान सप्पा बुद्धी देल आबुर दाबुर इक शकिषा अदकि नरिदेश कोळत ईरी. भजनगोळ स्तुति अदकि आत्मकि हाळगोळी हाळतेला तान दलिगोळ दा परमेश्वर उक धन्यवाद कोळत ईरी. 17 जो येनारा भी नीव माळी या अनी अद सप्पा प्रभु यीशु उन हेसुर मा आग पायजे, अदकि आऊन द्वारा परमेश्वर आप्प उन धन्यवाद माळी.

व्हाशोद जीवन इन पारिवारिक नयिम

18 हे हगिसुरा, तान तान गांडुर्द हातती ईरी, ह्यांग मसीह अन्द अनुयायीगोळी शोभा कोळतद.
19 हे गांडुर्द, तान तान हगिसुर से प्यार ईटी, अदकि आंदुर से कठोर व्यवहार माळबाळी.
20 हे चकिोरा, सप्पा मातगोळ दा तान तान मोय-आप्प उन आग्या अन्द पालन माळी, यतकी मसीह अनुयायी इन ईतता व्यवहार देल परमेश्वर प्रसन्न आगतान.
21 हे मोय आपपुरा, तान चकिोर इक तंग माळबाळी, हगि आगबाळुल क आंदुरद साहस मुरदोगुल.

✧ 3:9 ३:१ इफसिगिळ ४:२२ ✧ 3:10 ३:१० इफसिगिळ ४:२४ ✧ 3:12 ३:१२ इफसिगिळ ४:२ ✧ 3:13 ३:१३ इफसिगिळ ४:३२
✧ 3:16 ३:१६ इफसिगिळ ५:१९,२० ✧ 3:18 ३:१८ इफसिगिळ ५:२२; १ पतरस ३:१ ✧ 3:19 ३:१९ इफसिगिळ ५:२५; १ पतरस ३:७
✧ 3:20 ३:२० इफसिगिळ ६:१ ✧ 3:21 ३:२१ इफसिगिळ ६:४

22 *हे सेवकगोळा, जो मय इन अनुसार नीमद् स्वामी आन, सप्पा मातगोळ दा आंदुरद आग्या अन्द पालन माळी, सरिफ लॉकुरी खुश माळोर साटी अदा समय ईला याग आंदुर नोळतेला आर, बलकी खरा मन देल आंदुरद मानसी यतकी नीव प्रभु उन आदर माळतीर. 23 जो येनारा क्यालसा नीव माळतीर, तान पुरा मन देल माळी, ईद समसकु कि मंळसागोळ्द साटी ईला लेकीन प्रभु उन साटी माळतेव; 24 याद ईटी कि प्रभु ईदुर प्रतफिल नीमी कोट्टान जो आव तान लॉकुर साटी ईट्यान, यतकी मसीह खरा स्वामी हुन यार्द नीव स्यावा माळतीर. 25 *जो अपराध माळतान आव तान अपराध ईद फल ताकौडान, यतकी परमेश्वर यारदारा सांगुळ पक्षपात माळालुन.

4

1 *हे स्वामीगोळा, नीव तान तान सेवकगोळी आंदुर क्यालसागोळ अनुसार जो सही बदला आद आंदरी कोळी. याद ईटी कि स्वर्ग दा नीमव भी यावारा स्वामी आन.

थ्वाळासा व्यावहारकि नरिदेश

2 प्रार्थना दा लगातार हतकु ईरी, अदकि परमेश्वर उक धन्यवाद कोळतेला अदुर दा जागृत ईरी; 3 अदकि इदुर सांगुळ सांगुळ अच नाम साटी भी प्रार्थना माळतेला ईरी, कि परमेश्वर नाम साटी मसीह अन्द आ भेद इन बातणी प्रचार माळोर साटी वळलीद मवका प्रदान माळुल, यतकी इदुर दा कारण ना कैद दा आईन. 4 प्रार्थना माळी कि ना इदरी हगि स्पष्टता अन्द सांगुळ हेळ सकाईन ह्यांग नानी हेळोद जरूरी आद.

5 *समय इन पुरा पुरा इस्तेमाल माळी अदकि अविश्वासीगोळ सांगुळ बुद्धमिनी देल व्यवहार माळी. 6 नीम मातगोळ पुरा अनुग्रह देल तुमकु अदकि लॉकुरी पसंद बरा लायक ईरूल ताकी नीव जान्स कोमी कि हर मंळसा अक ह्यांग उत्तर कोळोद जरूरी आद.

आखरी अभिवादन

7 *नाम प्रयि वार्ट अदकि विश्वासयोग्य सेवक, तुखकिस, जो प्रभु दा नान सहकर्मी आन, नान सप्पा समाचार नीमी हेळ बुट्टान. 8 आऊक ना इदुरसाटी नीमद् हात्ती कळुदीन कि नीमी नाम्द दशा मालूम आगेगुल अदकि आव नीमद् दलिगोळ इक प्रोत्साहति माळुल. 9 *आऊन सांगुळ ना उनेसमिस उक भी कळुदीन जो विश्वासलायक अदकि प्रयि वार्ट अदकि नीम दा टु ना ऊंद हुन; ईदुर नीमी ईलेव सप्पा मातगोळ हेळ बुट्टार.

10 *अरसितरखुस, जो नान सांगुळ बंदीगृह दा सांगुळ ईतान, अदकि बरनबास उन वार्ट मरकुस उन नीमी नमस्कार, मरकुस उन बारा दा नीमी नरिदेश सकिकेग्याद अच अगर आव नीम हात्ती बंदान रा आऊन स्वागत माळकु आऊक ग्रहण माळतीर. 11 यूस्तुस अंदकु आगावाळा यीशु उन भी नीमी नमस्कार सकिल. सरिफ ई मुरा मुंदुरा यहूदी विश्वासी परमेश्वर उन राज्य अन्द साटी नान सांगुळ क्यालसा माळेत्यार, अदकि ईदुरद नानी हापाळ सहायता सकियाद.

12 *इपफ्रास, जो नीम दा टु ऊंद आन अदकि मसीह यीशु उन दास आन, नीमी नमस्कार अनतान अदकि सदा नीम साटी प्रार्थनागोळ दा प्रयत्न माळतान, ताकी नीव सिद्ध आगकु पुरा विश्वास इन सांगुळ परमेश्वर उन इच्छा मा स्थरि ईरी. 13 ना व्यक्तगित रीति देल आऊन गवाह आईन कि आव नीम साटी अदकि लौदीकिया अदकि हयिरापुलसिवाळेर्द साटी कठनि मेहनत माळतेला ईरतान. 14 *नाम प्रयि वैद्य लूका अदकि देमास नीमी नमस्कार कळुतार.

15 लौदीकिया अन्द विश्वासी वार्टुर, अदकि आकतींग नुमफास अदकि आकनि मान्ना अन्द मंडली इक नाम दी टु नमस्कार अनेत. 16 याग ईद चिट्ठी नीम अल वाचुसकु आदीत रा हगि माळतीर कि लौदीकिया अन्द मंडली दा भी वाचुसकु आगुल, अदकि अदा समय अद चिट्ठी जो लौदीकिया नोर विश्वासी नीमी कळ्यार अदरी नीव भी वाचुसेतीर. 17 *अदकि अरखपिपुस से अनेतीर कि “जो स्यावा प्रभु दा आऊक सौप्सकु आग्याद आव अदरी नश्चय इन सांगुळ पुरा माळुल.

18 “ना पौलुस खुद तान कय देल नीमी नमस्कार लखिसेतीन. याद ईटी कि ना शंकलीगोळ देल कटकु बंदीगृह दा आईन,”

* 3:22 ३:२२ इफसिगिळ ६:५-८ * 3:25 ३:२५ इफसिगिळ ६:९ * 4:1 ४:१ इफसिगिळ ६:९ * 4:5 ४:५ इफसिगिळ ५:१६ * 4:7 ४:७ प्रेरतिगोळ २०:४; २ तीमुथियुस ४:१२ * 4:7 ४:७ इफसिगिळ ६:२१,२२ * 4:9 ४:९ फलिमोन १:१०-१२ * 4:10 ४:१० प्रेरतिगोळ १९:२९; २७:२; फलिमोन १:२४; प्रेरतिगोळ १२:१२,२५; १३:१३; १५:३७-३९ * 4:12 ४:१२ कुलुससगिळ १:७; फलिमोन १:२३ * 4:14 ४:१४ २ तीमुथियुस ४:११; फलिमोन १:२४; २ तीमुथियुस ४:१०; फलिमोन १:२४ * 4:17 ४:१७ फलिमोन १:२

परमेश्वर उन अनुग्रह नीम सांगुळ बन्सकु ईरूल.

थसिसलुनीकियों के नाम पौलुस फेरति की पहली पत्री थसिसलुनीकगोळ हेसुर पौलुस फेरति उन फ्यला चट्ठी परकिय

थसिसलुनीकगोळ्द पयला चट्ठी पौलुस १:१ लखिसीदुन पयले पवत्रिशास्त्र अन भाग बन्सत अदकि मसीह अन जनम इन ५१ साल इन बाददा लखिसकु आगीत, याग पौलुस चट्ठी लखिसदुन आग आव कुरनिर्धनगर दा ईरोन थसिसलुनीकगोळ्द मंडली यारी आव चट्ठी लखिसदुन दुसरा मशिनरी यात्रा अन न्याड्या दा स्थापति माळकु आगीत प्रेरतिगोळ १७:१-१० प्रेरतिगोळ क्याल्सागोळ्द कतिबगोळ दा हगि हेळकु आग्याद कि ईद मंडली यहूदीगोळ्द अदकि ग्रीकगोळ्द बन्सकु ईरोद.

ई मंडली इन स्थापना माळदुर बाददा पौलुस थसिसलुनीकियों दा यक्कुल दनि ताका रूक्सीदलि. इदुरसाटी आव ई चट्ठी इक प्रोत्साहन कोळोर साटी लखिसदुन, ई चट्ठी दा हापाळ वषियगोळ्द चर्चा माळकु आग्याद, जसा कि मसीहगोळ ह्यांग ईरली पायजे. पौलुस मसीह अन दुसरा आगमन इन ताका लखिसतान सायद इदुरसाटी कि थसिसलुनीकगोळ्द मंडलीगोळ दा ईरावाळे वशिवासीगोळी केळसदुर दा हापाळ उत्साह ईरोद, पौलुस ई बारा दा चट्ठी इन द्वारा यीशु उन दुसरा आगमन इक लखिसकु हगि जीवन व्यतीत माळली प्रोत्साहित माळतान यदुर देल परमेश्वर संतुष्ट आन ५:६-८

रूप-रेखा:

१. मंडली इक नमस्कार अदकि परमेश्वर उन धन्यवाद ?
२. पौलुस तान कार्य अन बारा दा अदकि तीमुथियुस जो समाचार इन साटी ईरोन आऊन बारा दा चर्चा माळदुन २-३
३. यीशु उन दुसरा आगमन इन तयारी माळोर साटी मसीह दा ह्यांग जीवन व्यतीत माळ पायजे ४:१-५:१५
४. पौलुस उन मंडली इक नमस्कार अदकि सप्पा मुंदुर आऊन चट्ठी वाचुस पायजे ईदुर बारा दा सुचना ५:१६-२८

1 *पौलुस अदकि सलिवानुस अदकि तीमुथियुस उन दी टु थसिसलुनीकेगोळ मंडली नव हेसुर जो परमेश्वर आप्प अदकि प्रभु यीशु मसीह अन लॉकुर आर अनुग्रह अदकि शांती नीमी सकितेला ईरूल.

थसिसलुनीकगोळ्द जीवन अदकि वशिवास

2 नाव तान प्रार्थनागोळ दा नीमी हमेशा याद माळतेव अदकि हमेशा नीम सप्पा अन बारा दा परमेश्वर उन धन्यवाद माळतेव. 3 अदकि तान परमेश्वर अदकि आप्प उन मुंद नीमव वशिवास इन क्याल्सा अदकि प्यार इन मेहनत अदकि नाम प्रभु यीशु मसीह दा धीरज देल हुळकु आशा अक लगातार याद माळतेव. 4 नामोर वारटुरा अदकि आकतींगेरा, नाव जान्सतेव कि परमेश्वर नीम से प्यार माळतान आव नीमी नीवळुस्यान. 5 यतकी नाव नीम हात्ती नाम्द खुशखबरी सरिफ शब्दगोळ देल अच ईला लेकीन सामर्थ्य देल, अदकि पवत्रि आत्मा अन्द पुरा सच्चाई इन नश्चिता देल तंदान; ह्यांग नीव जान्सतीर कि नाव नीम सांगुळ ईरेव, रा नाव ह्यांग ईत्तेव ईद नीम भलाई इन साटी ईरोद. 6 *नीव धोळ्द क्लेशगोळ बावजुद. पवत्रि आत्मा देल सकिद खुशी इन सांगुळ, वचन इक ग्रहण माळदुर अदकि नाम्द अदकि प्रभु उन अनुकरण माळली हतदुर. 7 इदुरसाटी हगि माळदुर देल मकदिनया अदकि अखाया द्याश इन सप्पा वशिवासीगोळ साटी नीव आदर्श बन्सेदरि. 8 यतकी नीम हात्ती टु प्रभु उन वचन सरिफ मकदिनया अदकि अखाया दा अच केळसकु आत हगि अच ईला, लेकीन नीम वशिवास इन जो परमेश्वर मा आद, हर जागा दा अदुर चर्चा फैलुसेत कि ईदुर बारा दा नामी येनु अनोद जरवत अच हैलेच. 9 यतकी आ लॉकुर नाम बारा दा हेळतार कि नीम्द हात्ती नाम्द स्वागत ह्यांग आत; अदकि नीव ह्यांग मूर्तीगोळ देल परमेश्वर उन दी तरिगदरि ताकी जित्ता अदकि खरा परमेश्वर उन स्यावा माळी, 10 अदकि आऊन पार उन स्वर्ग मा टु बरोद हादी कायतेला ईरी यारी आव सोत्तुर दा टु जित्ता माळ्यान, अर्थात यीशु उन, जो नामी परमेश्वर उन बरोद आद प्रकोप देल उळस्तान.

* 1:1 १:१ प्रेरतिगोळ १७:१ * 1:6 १:६ प्रेरतिगोळ १७:५-९

2

थसिसलुनीकियों दा पौलुस उन कार्य

1 हे वारटुरा अदकि आकतीगेरा, नीव खुद अच जानसतीर कि नाम नीम हात्ती बरोद बेकार आगीदील 2 *लेकीन नीव खुद अच जानसतीर नीम हात्ती बरोर से पयले फलिपिपी दा दुख नेगुली अदकि अपमान सहन माळदुर मा भी नाम परमेश्वर नामी ईतता साहस कोट्टुन, कि नाव परमेश्वर उन खुशखबरी भारी वरिधगोळ ईरतेला भी नीमी केळसेव. 3 यतकी नाम्द उपदेश गलतीगोळ से हैलेच अदकि अशुध्द वचार देल, अदकि चालाकी इन सांगुळ हैलेच; 4 लेकीन ह्यांग परमेश्वर नामी योग्य ठहूसकु खुशखबरी सौप्सदुन, नाव हांग अच हेळतेव, अदकि इदुर दा मंळसागोळी इक ईला, लेकीन परमेश्वर उक, जो नाम मन इन उद्देशगोळी जाच तान, प्रसन्न माळतेव. 5 यतकी नीव जानसतीर, नाव ना रा यागलु चापलुसी माळेव अदकि ना पैस्या अन लालच इन साटी येनारा बहाना माळेव परमेश्वर नाम गवाह आन 6 अदकि नाव ना मंळसागोळ देल, ना दुसरा से, अदकि ना खुद देल प्रशंसा चाहसदेव. 7 यीशु मसीह अन प्रेरति आगा नाता देल नाम नीम मा बोझ हाक सकेव. लेकीन याता प्रकार मोय तान चकिोरद पालन पोषण माळतार हांग अच नाव भी नीम न्याड्या दा ईतकु धोळ्द कोमलता तोरसदेव; 8 अदकि हांग अच नाव नीमी हापाळ प्यार माळतेला, नाव खुशी इन सांगुळ परमेश्वर उन खुशखबरी दा नाम जीवन इन द्वारा पुरा तरीका देल सामर्थ्य देल नीम्द मदत माळली तयार ईरेव, इदुरसाटी कि नीव नाम प्रिय आगेगीदीर.

9 यतकी, हे वारटुरा अदकि आकतीगेरा, नश्चि अच नीव नाम मेहनत अदकि कष्ट इक याद ईटतीर; नाव इदुरसाटी ईळलक हांगुल क्याल्सा धंदा माळतेला नीम दा परमेश्वर उन खुशखबरी प्रचार माळदेव कि नीम दा टु यारदु मा भार आगबाळुल. 10 नीव ई मात इन गवाह हुईर, अदकि हांग अच परमेश्वर भी आन, कि नाव नीम वशिवासीगोळ सांगुळ पवतिरता, लायकत अदकि नरिदोषता अन व्यवहार माळेव. 11 नीव जानसतीर कि नाव नीम सांगुळ हांग अच व्यवहार माळतेव ह्यांग आपप तान चकिोरगोळ सांगुळ व्यवहार माळतान. 12 कि नाव नीमी प्रोत्साहति माळदेव दलिासा कोट्टेव नाव नीमी वनिती माळतेला ईततेव कि तान जीवन हगि बतिसी कि परमेश्वर खुश आगुल, याव नीमी तान महिमा अदकि राज्य दा सहभागी आगोर साटी कारदान. 13 इदुरसाटी नाव भी परमेश्वर उन धन्यवाद लगातार माळतेव कि याग नाम द्वारा परमेश्वर उन खुशखबरी इन वचन नीम हात्ती पोहचुस्त, रा नीव अदरी मंळसागोळ्द ईला लेकीन परमेश्वर उन वचन समसकु ग्रहण माळदीर; अदकि सही दा ईद हगि अच आद; अदकि अद नीम वशिवासीगोळ दा जो वशिवास ईटतीर, प्रभावशाली आद. 14 *इदुरसाटी हे वारटुरा अदकि आकतीगेरा, नीम सांगुळ भी अदा मात आगतद ह्यांग मसीह यीशु दा परमेश्वर उन आ मंडलीगोळ्द यहूदिया दा आद, यतकी नीव तान लॉकुर से हांग अच छल सहन माळतीर, ह्यांग आंदुर भी यहूदीगोळ द्वारा सहन माळीदुर, 15 *यार प्रभु यीशु उक अदकि भवषियवक्तागोळी भी कोंद कोंडुर अदकि नाम सांगुळ छल माळदुर, अदकि परमेश्वर आंदुर से प्रसन्न हैलेच, अदकि आंदुर सप्पा मंळसागोळ्द वरिध माळतार, 16 अदकि आंदुर गैरयहूदीगोळी आंदुर उद्धार इन साटी परमेश्वर उन खुशखबरी हेळोर साटी नामी रोकसतार कि हमेशा तान पाप इन घळा तुमतेला ईरूल; लेकीन आंदुर मा परमेश्वर उन भयानक प्रकोप होट बंदाद.

पौलुस उन दुबारा थसिलनीकगोळी सकिोद अभलिाषा

17 हे वारटुरा अदकि आकतीगेरा, याग नाव थवाळासा समय इन साटी, मन दा ईला लेकीन मय देल, नीम से अलग आगेगीदेव, रा नाव हापाळ कोशशिगोळ सांगुळ नीमी नोळोर साटी हापाळ कोशशि माळदेव. 18 इदुरसाटी नाव ऊद धन ईला लेकीन घळी-घळी नीम हात्ती बरोद चाहसदेव, लेकीन शैतान नामी रोकसकु ईटदुन. 19 भला नाम आशा या आनन्द या बळाई इन मुकुट येन आद? येन नाम प्रभु यीशु उन मुंद आऊन बरोद समय नीम अच ईरतीदील? 20 नाम बळाई अदकि खुशी नीव अच हुईर.

3

तीमुथयुस उन मुलाकात

* 2:2 २:२ प्रेरतिगोळ १६:१९-२४; प्रेरतिगोळ १७:१-९ * 2:14 २:१४ प्रेरतिगोळ १७:५ * 2:15 २:१५ प्रेरतिगोळ ९:२३,२९; १३:४५,५०; १४:२५,१९; १७:५,१३; १८:१२

1 इदुरसाटी याग नाम से अदकि ईतकु आगीदील, रा नाव ईद ठहरूसदेव की एथेस नगर दा आबना ईतोगुल, 2 अदकि नाव तीमुथयिस उक, जो मसीह अन खुशखबरी दा नामव वार्ट अदकि परमेश्वर उन भी सेवक आन, इदुरसाटी कळ्यान की आव नीमी संची माळुल अदकि नीम वशिवास इन बारा दा नीमी समझुसुल.

3 की नीम दा टु यावारा भी इव क्लेशगोळ कारण डगमगुस बाळुल. यतकी नीव खुद अच जान्सतीर की ईद सताप नाम साटी परमेश्वर उन इच्छा अन भाग हुन. 4 यतकी पयला अच, याग नाव नीम सांगुळ ईर तोगेव रा नीम से अन तोगेव की नामी क्लेश नेगव बदिदव, अदकि हगि अच आग्याद, ह्यांग की नीव जान्सतीर भी. 5 ईद कारण याग नान से अदकि ईतकु आगीदील, रा नीम वशिवास इन बारा दा जानसोर साटी कळुदीन, की यागलु हगि आगबाळुल की परीक्षा माळावाळे शैतान नीम परीक्षा माळीदार, अदकि नाम मेहनत बेकार आगीदाद.

6 लेकीन ईगल्या तीमुथयिस, जो नीम हातती टु नाम हातती बंदान, नीम वळ्लीद वशिवास अदकि प्यार इन बातणी केळसदुन अदकि ईद मात इक भी केळसदुन की नीव हमेशा प्यार इन सांगुळ नामी याद माळतीर, अदकि ह्यांग नाव नीमी नोळोर साटी लालच ईटतेव हांगा नीव भी ईटतीर. 7 इदुरसाटी हे वार्टुरा अदकि आकतींगेरा, तान सप्पा दुख अदकि क्लेश दा नीम वशिवास इन कारण नामी नीम बारा दा पुरोत्साहन सकित. 8 यतकी ईग अगर नीव प्रभु दा संची ईरी रा नाव जतिता आयेव. 9 यतकी नाव नीम साटी परमेश्वर उन धन्यवाद माळ सकतेव. जो खुशी नामी परमेश्वर उन उपस्थिती दा सकितद, इदुरसाटी परमेश्वर उन धन्यवाद माळतेव. 10 नाव ईळलक हागुल हापाळ अच प्रार्थना माळतेला ईरतेव की नीमी मुंद नोळेव, अदकि नीम वशिवास इन कमी पुरा माळेव.

11 ईग नामव परमेश्वर अदकि आप्प खुद अच अदकि नाम प्रभु यीशु, नीम हातती बरोर साटी नाम हादी तेरूल; 12 अदकि प्रभु हगि माळुल की ह्यांग नाव नीम से प्यार ईटतेव, हांग अच नीम प्यार भी आपस दा अदकि सप्पा मंळसागोळ सांगुळ वाळुसुल, अदकि उन्नती माळतेला होगुल, 13 ताकी आव नीम मनगोळी हगि संची माळुल की याग नामव प्रभु यीशु तान सप्पा पवतिर लाँकुर सांगुळ बरूल, रा खुद नाम परमेश्वर आप्प उन उपस्थिती नरिदोष ठहरूसुल.

4

जीवन जो परमेश्वर उक खुश माळुल

1 इदुरसाटी हे वार्टुरा अदकि आकतींगेरा, नाव नीम से वनिती माळतेव अदकि नीमी प्रभु यीशु मसीह दा समझुसतेव की ह्यांग नीव नाम से योग्य चाल नळोद अदकि परमेश्वर उक खुश माळोद कलतीर, अदकि ह्यांग नीव नळुतीर भी, हांग अच अदकि भी वाळुस्तेला होगी. 2 यतकी नीव जान्सतीर की नाव प्रभु यीशु उन अधिकार देल नीमी याता-याता शक्शागोळ कोटेव. 3 परमेश्वर उन इच्छा ईद आद की नीव पवतिर बनसी: अर्थात व्यभिचार देल उळदकु ईरी, 4 अदकि नीम दा टु हर ऊंद मंळसा अक ईद जान्स पायजे की तान-तान हगिस उन सांगुळ पवतिरता अदकि आदर इन सांगुळ व्यवहार माळोद आद ईद नीमी कलु पायजे, 5 अदकि ईद क्याल्सा अभलिषा देल ईला, अदकि ना आ गैरयहूदीगोळ घाई जो परमेश्वर उक जान्सालुर, 6 की ईद मात दा याऊ तान सहकर्मी वार्ट उक ठगुसबाळुल, अदकि आऊन फायदा नेगुवाळी, यतकी प्रभु ईव सप्पा मातगोळ बदला ताकोमावाळा आन; ह्यांग की नाव पयले अच नीम से अंदेव अदकि चतिस देव भी. 7 यतकी परमेश्वर नामी अशुध्द दा ईरोरसाटी ईला, लेकीन पवतिर आगोर साटी कारदान. 8 ईद कारण जो ईद शक्शा अक नकार्सतान, आव मंळसा अक ईला लेकीन परमेश्वर उक नकार्सतान, जो तान पवतिर आत्मा नीमी कोळतान.

9 लेकीन भाईचारा अन प्यार इन बारा दा ईद जरूरी हैलेच की ना नीम हातती येनारा लखिसाईन, यतकी आपस दा प्यार ईटोद नीव खुद अच परमेश्वर देल कलतीर; 10 अदकि पुरा मकदिनयिया नोर सप्पा वार्टुर आकतींगेर सांगुळ हगि प्यार माळतीर. लेकीन हे वार्टुरा अदकि आकतींगेरा, नाव नीमी समझुसतेव की यककुल अच वाळुस्तेला होगी, 11 अदकि ह्यांग नाव नीमी आग्या कोटेव, हांग अच शांती देल जीवन जीऊसोद अदकि तान-तान क्याल्सा माळली अदकि तान-तान कय देल कमुसोद कोशशि माळी; 12 ताकी व्हार्यावाळे से आदर प्राप्त माळी, अदकि नीमी यातोदु वस्तु उन कमी आगबाळुल.

प्रभु उन दुवारा बरोद

13 हे वारटुरा अदकि आकतीगेरा, नाव चाहसालेव कनिव आंदुर बारा दा जो सोतकु आर, अग्यानी ईरी; हगि आगवाळुल कनिव दुसरा अन घाई शोक माळी यारी आशा हैलेच. 14 यतकी अगर नाव वशिवास माळतेव कियीशु सोत्तुन अदकि जतिता भी आदुन, रा हांग अच परमेश्वर आंदरी भी जो यीशु मा वशिवास माळतेला सोत्तुर, यीशु उन सांगुळ जतिता माळयान. 15 *यतकी जो प्रभु नामी कलसयान नाव प्रभु उन वचन इन अनुसार नीम से ईद अनतेव कनिव जो जतिता आयेव अदकि प्रभु उन बरासताका ताका उळदकु ईत्तेव, सोत्तुर देल मुंद वाळुसतीदलि. 16 यतकी प्रभु खुद अच स्वर्ग टु ईळदान; आ समय ललकार, अदकि प्रधान स्वर्गदूत उन शब्द केळ बंदीत, अदकि परमेश्वर उन तुरही उदकु आदीत; अदकि जो मसीह दा वशिवास माळतेला सोतार, आंदुर पयले जतिता माळकु आदार. 17 आग नाव जो जतिता अदकि उळदकु ईत्तेव आंदुर सांगुळ बादलगोळ मा नेगुकु आदेव कहिवा दा प्रभु उन सांगुळ सकिल; अदकि ईद रीति देल नाव हमेशा प्रभु उन सांगुळ ईत्तेव. 18 ईद प्रकार इव मातगोळ देल आबुर दाबुरी प्रोत्साहति माळतोगी.

5

प्रभु उन बरोद साटी तयार ईरी

1 लेकीन हे वारटुरा अदकि आकतीगेरा, समय अदकि कालगोळ बारा दा नीमी येनु लखिसोद जरवत हैलेच. 2 *यतकी नीव खुद अच जानसतीर कहिगांग ईळलक इक काळल बरतान, हांग अच प्रभु उन दनि बरोद आद. 3 याग लाँकुर अनतेला ईत्तार, “कुशल आद, अदकि येनु अंजक हैलेच,” रा आंदुर मा अचानक वनिश बंदीत, याता प्रकार व्हाट्या दी आरुत इक दुख; अदकि आंदुर यातोदु रीति देल ऊळुतीदलि. 4 लेकीन हे वारटुरा अदकि आकतीगेरा, नीव रा अंधकार दा हैलेच कहि अद दनि नीम मा काळल उन घाई बंदकु बळिल. 5 यतकी नीव सब ज्योती अदकि हागुल इन चकिोर हुईर; नाव ना ईळलक इन आयेव, ना अंधकार इन आयेव. 6 इदुरसाटी नाव दुसरा अन घाई मगिकु ईरतीदलि, लेकीन जागसतेला अदकि सावधान ईत्तेव. 7 यतकी जो मींगतार आंदुर ईळलकी इच मींगतार, अदकि जो मतवाला ईरतार आंदुर ईळलकी इच मतवाला ईरतार. 8 *लेकीन नाव जो हागुल इनोर हुयेव, वशिवास अदकि प्यार इन कवच हाक्कु अदकि उद्धार इन आशा अन टोप हाक्कु सावधान ईत्तेव. 9 यतकी परमेश्वर नामी सट्टि इन साटी ईला, लेकीन इदुरसाटी ठहरूसयान कनिव तान प्रभु यीशु मसीह अन द्वारा उद्धार प्राप्त माळेव. 10 यीशु नाम साटी ईद कारण सोत्तुन कनिव जतिता ईरूल या सोतकु ईरूल, याग आव बंदान आग सप्पा मीलुसकु आऊदा सांगुळ जीऊसेव. 11 ईद कारण आबुर दाबुरी दलासा कोळी अदकि आबुर दाबुर इन मदत इन कारण बनसी, ह्यांग कनिव माळतीर भी.

आखरी शकिषा

12 हे वारटुरा अदकि आकतीगेरा, नाव नीम से वनिती माळतेव कजिो नीम दा मेहनत माळतार, अदकि नीम मसीह जीवन दा नीमोर अगुवे आर, अदकि नीमी शकिषा कोळतार, आंदुरद सम्मान माळी. 13 अदकि आंदुर क्याल्सा अन कारण प्यार इन सांगुळ आंदरी हापाळ अच आदर इन योग्य समसी. आपस दा मेल मलाप देल ईरी. 14 हे वारटुरा अदकि आकतीगेरा, नाव नीमी समझुसतेव कजिो ठीक चाल नळालुर आंदरी समझुसी, कायरगोळी हमिमत कोळी, नरिबलगोळी सभाळसी, सप्पा दी सहनशीलता तोरसी. 15 सावधान. याऊ यारदु से बुराई इन बदला बुराई माळवाळुल; लेकीन हमेशा वळलीद माळदुर मा तत्पर ईरी, आपस दा अदकि सप्पा मुंदुर से भी भलाई माळी. 16 हमेशा खुश ईरी. 17 हमेशा प्रार्थना दा हतकु ईरी. 18 हर मात दा धन्यवाद माळी; यतकी नीम मसीह यीशु दा परमेश्वर उन ईदा इच्छा आद. 19 आत्मा अक नुनाक बाळी. 20 परमेश्वर उन दी टु बरावाळा बातणी इन धक्कार माळवाळी. 21 सप्पा मातगोळी परखुसी; जो वळेव आव अवरी हुळकु ईटी. 22 सप्पा प्रकार इन बुराई देल उळदकु ईरी.

23 शांती नव परमेश्वर खुद अच नीमी पुरा रीति देल पवतिर माळुल; अदकि नीमद आत्मा अदकि जीव अदकि शरीर नाम प्रभु यीशु मसीह अन बरोद ताका पुरा-पुरा अदकि नरिदोष सुरक्षति ईरूल. 24 नीमव कारावाळा वशिवासलायक आन, अदकि आव हगि अच माळयान.

25 हे वारटुरा अदकि आकतीगेरा, नाम साटी प्रार्थना माळी.

26 सप्पा वशिवासी वारटुरी परमेश्वर उन पवतिर प्यार दा नमस्कार.

27 ना नीमी प्रभु उन अधकार देल नीमी वनिती माळतीन कि ईद चट्ठी सप्पा वशिवासी वार्दुरी वाचुसकु केळसकु आगुल.

28 नाम प्रभु यीशु मसीह अन्द अनुग्रह नीम मा आगतेला ईरूल.

थस्सिलुनीकियों के नाम पौलुस प्रेरति की दूसरी पत्नी थस्सिलुनीकगोळ हेसुर पौलुस प्रेरति उन दुसरा चट्ठी परचिय

ईद थस्सिलुनीकगोळद लखिसद पौलुस उन दुसरा चट्ठी १:१ पयला चट्ठी लखिसदुर बाद्दा ईद चट्ठी लगभग मसीह अनूद जनम इन ५१ साल इन बाद्दा लखिसदुन. याग आव ईद चट्ठी लखिसदुन आग आव कुरन्थि नगर दा ईरोन ईद चट्ठी जो थस्सिलुनीकगोळद मंडली इक लखिसकु आगीत, ईद पौलुस तान दुसरा मशिनरी यात्रा अन न्याड्या दा स्थापति माळदुन प्रेरतिगोळ १७:१-१० ईद मंडली यहूदी अदकि गैरयहूदीगोळद बनसकु ईरोद.

ई मंडली इन लॉकुर आखरी समय इन बारा दा अदकि प्रभु अन दुसरा आगमन ईद बारा दा इन बारा दा जानसोर साटी हापाळ उत्सुक ईरोर, इदुरसाटी पौलुस तांद येढु चट्ठी दा ई मातगोळद जकिर माळतोगोन. ईद दुसरा थस्सिलुनीकगोळद चट्ठी हुन आर्धा से यक्कुल हसिसा आखरी समय इन बारा दा आद जो आलसी आर आंदुर बारा दा भी जकिर माळतान. अदकि ईद अनतान कर्हर ऊंद मळसा तान जीवन नरिवाह माळोर साटी क्याल्सा माळुल ३:६-१०

रूप-रेखा

१. पौलुस खुद इन अदकि तान संगीगोळद परचिय कोळतान १:१-२
२. पौलुस परमेश्वर उन थस्सिलुनीकगोळद मंडली इक धन्यवाद माळतान, अदकि आंदुर साटी प्रार्थना माळतान १:३-१२
३. आखरी समय इन बारा दा चर्चा २
४. आलस इन वरिध दा अदकि मयनत इन जरवत इन बारा दा पौलुस उन शकिषा ३:१-१५
५. पौलुस उन मंडली इक दुबारा नमस्कार ३:१६-१८

1 *पौलुस अदकि सलिवानुस अदकि तीमुथयिस इन सांगुळ नाम आप्प परमेश्वर अदकि प्रभु यीशु मसीह अन लॉकुरी चट्ठी लखिसतीन, थस्सिलुनीकगोळ मंडली दा आद: 2 नाम आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

न्याय इन दनि

3 हे वारटुरा अदकि आकतींगेरा, नीम बारा दा नामी हर समय परमेश्वर उन धन्यवाद माळ पायजे, अदकि ईद उचति भी आद, इदुरसाटी कर् नीम वशिवास हापाळ वाळुसीग्याद, अदकि नीम सप्पा मुंदुरद प्यार आपस दा हापाळ अच वाळुसतेला होगेत्याद. 4 ईल ताका कर् नाव खुद परमेश्वर उन मंडली दा नीम बारा दा घमण्ड माळतेव कर् यास उपद्व अदकि क्लेश नीव सहन माळतीर, आ सब दा नीम धीरज अदकि वशिवास प्रगट आगतद.

5 ईद परमेश्वर उन खरा न्याय इन स्पष्ट प्रमाण हुन कर् नीव परमेश्वर उन राज्य अन योग्य ठहूसी, यदुर साटी नीव दुख भी नेगुतीर. 6 यतकी परमेश्वर उन हात्ती ईद न्याय आद कर् जो नीमी क्लेश कोळतार, आंदरी बदला दा क्लेश कोळुल 7 अदकि नीमी, जो क्लेश पाऊसतीर, नाम सांगुळ चैन कोळुल; आ समय याग कर् प्रभु यीशु तान सामर्थी स्वर्गदूतगोळ सांगुळ, धधकुसतेला बेक्की दा स्वर्ग टु प्रगट आदान, 8 अदकि जो परमेश्वर उक अरालुर अदकि नाम प्रभु यीशु उन खुशखबरी इक मानसालुर आंदुर से बदला ताकोडान. 9 आंदुर प्रभु उन मुंदु टु अदकि आऊन ताकत इन तेज देल दुर आगकु अनन्त वनिाश इन दण्ड ताकोडार. 10 ईद आ दशी आदीत, याग आव तान पवतिर लॉकुर दा महमिा ताकोमोर अदकि सब वशिवास माळावाळेर दा आश्चर्य अन कारण आगोर साटी बंदान; इंदुर दा नीव भी सहभागी आईर यतकी नीव नाम गवाही मा वशिवास माळदीर. 11 इदुरसाटी नाव हमेशा नीम साटी प्रार्थना भी माळतेव कर् नाम परमेश्वर नीमी आ जीवन इन योग्य समसुल, अदकि भलाई इन हर ऊंद इच्छा अदकि वशिवास इन हर ऊंद क्याल्सा अक सामर्थ्य सहति पुरा माळुल, 12 ताकी नाम परमेश्वर

* 1:1 १:१ प्रेरतिगोळ १७:१

अदकि प्रभु यीशु मसीह इन अनुग्रह अन अनुसार नाम प्रभु यीशु उन हेसुर इक महमा सकिल, अदकि नीमी भी.

2

दुष्ट मंळसा

1 *हे वारटुरा अदकि आकतीगेरा, ईग नाव तान प्रभु यीशु मसीह अन बरोद, अदकि आऊन हात्ती तान जमा आगोद बारा दा नीम से वनिती माळतेव. 2 क्कि परमेश्वर उन दी टु बरावाळा बातणी, या वचन, या चट्टी इन द्वारा, जो कनाम चट्टी इन द्वारा नीमी ईतीदाद, ईद समसकु क्कि प्रभु उन दनि होट बंदाद, नीम मन अचानक असंची आगबाळुल अदकि नीव दुखी आगबाळी. 3 यातारा रीतदिल यारदारा ध्वाका दा बरबाळेतीर, यतकी प्रभु उन दनि आगासताका बरतीदील यागासताका परमेश्वर उन खलिाप आखरी वदिरोह सुरू आगतीदील, अदकि आव पाप इन मंळसा मतलब दुष्ट मंळसा प्रगट आगतीदील जो नरक दा नष्ट माळकु आदान. 4 आव दुष्ट मंळसा वरिध माळतान, अदकि हर ऊंद से जो ईश्वर उन या पुजा अन वस्तुगोळ्द वरिध माळतान, तान तान इक अदुर से धोळ्द ठहूरस्तान, ईल ताका क्कि आव परमेश्वर उन मंदिर दा कुरतकु तान तान इक ईश्वर कहलुस्तान. 5 येन नीमी याद हैलेच क्कि याग ना नीम सांगुळ ईरीन, रा नीम से ईव मातगोळ अनतोगनि? 6 नीव आ मात इक जानसतीर, जो आऊक ईग प्रगट आगली रोक्सेत्याद. अदकि आव दुष्ट मंळसा सही समय मा बंदान. 7 यतकी होचद दुष्ट शक्तगिोळ ईग भी क्क्याल्सा माळत होगताव, लेकीन ईगल्या ऊंद रोकसावाळा आन, अदकि यागासताका अद दुर आगेगाल आव रोक्सकु ईततान. 8 आग आव दुष्ट मंळसा प्रगट आदान, लेकीन याग प्रभु यीशु मसीह बंदान अदकि आ दुष्ट मंळसा अक तान बाय इन फुक देल कोंद बुट्टान, अदकि तान आगमन इन तेज देल भसम माळयान. 9 *आ दुष्ट मंळसा अन बरोद शैतान उन सामर्थ्य देल आदीत सब प्रकार इन ख्वाटा सामर्थ्य, अदकि चमत्कार, अदकि अदभुत क्क्याल्सागोळ सांगुळ आदीत, 10 अदकि नाश आगावाळेर साटी सप्पा प्रकार इन दुष्टता देल फसुस्तान. यतकी आ लॉकुरद नाश आदीत यार आ सत्य से प्यार ईटीदलि. 11 ईदा कारण परमेश्वर आंदुरदा ऊंद जो भटकुसतद आ सामर्थ्य अक कळयान क्कि आंदुर ख्वाटा अन वशिवास माळुल, 12 ताकी यास लॉकुर सत्य अन वशिवास माळालुर, उलटा अन्याय देल प्रसन्न आगतार, आंदरी सप्पा मुंदुरी दण्ड सकिल.

मजबूत वनसकु ईरी

13 हे वारटुरा अदकि आकतीगेरा, अदकि प्रभु उन प्रयि लॉकुरा, आगली होना क्कि नाव नीम बारा दा हमेशा परमेश्वर उन धन्यवाद माळतेला ईततेव, यतकी परमेश्वर पयले टु नीमी नीवळुस्तान क्कि पवतिर आत्मा अन सामर्थ्य अनद द्वारा पवतिर आगकु, अदकि सत्य अन वशिवास माळकु उद्धार ताकोमी, 14 यदुर साटी नाव जो खुशखबरी नीमी केळ्सेदेव, क्कि नीव नाम प्रभु यीशु मसीह अन महमा दा सहभागी आगी. 15 इदुरसाटी हे वारटुरा अदकि आकतीगेरा, संची ईरी; अदकि जो जो मातगोळ नीव उपदेश या चट्टी इन द्वारा नीमी कोटेव, अवरी हुळकु ईटी.

16 नाम प्रभु यीशु मसीह खुद अच, अदकि नाम आप्प परमेश्वर, याव नाम से प्यार ईटदुन अदकि अनुग्रह देल प्रोत्साहन शांती अदकि वळ्लीद आशा नामी कोटान, 17 नीम मनगोळ दा प्रोत्साहन कोळुल अदकि नीमी हर ऊंद वळ्लीद क्क्याल्सा अदकि वचन दा मजबूत माळुल.

3

नाम साटी प्रार्थना

1 अनत्त दा, हे वारटुरा अदकि आकतीगेरा, नाम साटी प्रार्थना माळतोगी क्कि प्रभु उन वचन हगि राटनेरी फैलुसुल अदकि महमा आगुल, ह्यांग नीम दा आत, 2 अदकि नाव तेळा अदकि दुष्ट मंळसागोळ देल उळ्दकु ईरूल यतकी हर मंळसा वचन मा वशिवास माळालुन.

3 प्रभु वशिवासयोग्य आन; आव नीमी मजबूती देल संची माळयान अदकि आ शैतान उन से सुरक्षति ईटयान. 4 नामी प्रभु नीम बारा दा भरोसा कोळतान क्कि जो-जो आग्या नाव नीमी कोळतेव, अवरी नीव मानसतरि, अदकि

मानसतेला भी ईत्तीर. ⁵ परमेश्वर उन प्यार अदकि मसीह दा हमिमत ईला बळोद अदकि प्रभु नीम मन इन अगुवाई माळुल.

कार्य माळोद उत्तरदायतिव

⁶ हे वार्टुरा अदकि आकतींगेरा, नाव नीमी तान प्रभु यीशु मसीह अन हेसुर देल आग्या कोळतेव कि नीव हर ऊंद ईत्ता वशिवासी से ब्यार ईरी जो अनुचति चाल नळुतान अदकि जो शकिषा आव नाम से ताकोंडान अदुर अनुसार माळालुन. ⁷ यतकी नीव खुद अच जान्सतीर कि याता रीति देल नाम घाई चाल नळु पायजे, यतकी नाव नीम न्याड्या दा ईरेव आग आलसी ईला ईरेव, ⁸ अदकि यारदु रोटी फुकट दा तंददिल; लेकीन मयनत अदकि कष्ट देल ईळलक हागुल क्यालसा धंदा माळतोगेव कि नीम दा टु यारदु मा भार बरबाळुल. ⁹ हगि ईला कि नामी नीम से मदत बेळोद अधिकार हैलेच, लेकीन इदुरसाटी कि तान तान इक नीम साटी आदर्श ठहूसदेव कि नीव नाम घाई चाल नळी. ¹⁰ यतकी याग नाव नीम मान्या ईरेव, आग भी ईद आग्या नीमी कोळ तोगेव कि “अगर यावारा क्यालसा ईला माळोद चाहसतदिन रा ऊम भी बाळुल. ¹¹ नाव केळतेव कि थ्वाळासा लॉकुर नीम न्याड्या दा आलसी आर अदकि येनु क्यालसा धंदा माळालुर, लेकीन दुसरा अन क्यालसा दा कय हाकतोगतार. ¹² ईत्ता मळसागोळी नाव प्रभु यीशु मसीह दा आग्या कोळतेव अदकि समझुसतेव कि वळ्ळीद रीति देल क्यालसा माळकु तांद अच रोटी तनिल.

¹³ “नीव, हे वार्टुरा अदकि आकतींगेरा, भलाई माळदुर दा हमिमत बळिबाळी. ¹⁴ अगर यावारा नाम ई चट्टी इन मात इक मानसालुन रा आऊन मा नजर ईटी, अदकि आऊन संगत माळबाळी, यदुर देल आव लज्जति आगुल. ¹⁵ तरी भी आऊक दुश्मन समसबाळी, लेकीन सप्पा मुंदुरी वशिवासी जान्सकु समझुसी.”

आखरी शब्द

¹⁶ ईग प्रभु जो शांती नव सोता हुन खुद अच नीमी हमेशा अदकि हर प्रकार देल शांती कोळुल. प्रभु नीम सप्पा मुंदुर सांगुळ हमेशा ईरूल.

¹⁷ ना, पौलुस, तान कय देल नमस्कार लखिसतीन. हर चट्टी इक ना हगि खतम माळतीन; ना ईदा प्रकार देल लखिसतीन अदकि हर ऊंद चट्टी दा ना हगि हस्ताक्षर माळतीन. ¹⁸ नाम प्रभु यीशु मसीह अनूद अनुग्रह नीम सब मा आगतेला ईरूल.

तीमुथयुस के नाम पौलुस प्रेरति की पहली पत्नी तीमुथयुस उन हेसुर पौलुस प्रेरति उन पयला चट्ठी परकिय

पयला तीमुथयुस उन कतिब प्रेरति पौलुस तान चेला तीमुथयुस उक लखिसद ऊंद चट्ठी हुन. तीमुथयुस उन कतिब शायद मसीह अन जनम इन बाददा ६२ से ६४ साल इन बाददा लखिसकु आगीत. ईद पौलुस उन जीवन इन अन्त इन हात्ती आत. पौलुस उन तीमुथयुस उन सांगुळ ऊंद करीबी रशिता ईरोद अदकि आव आऊक हापाळ घन पार उन रूप दा संदर्भति माळदुन फलिपिपिगोळ २:२२१ तीमुथयुस १:२; १:१८

ईद पौलुस उन नाक चट्ठी गोळ दा टु ऊंद चट्ठी हुन यदरी मंडली इन बजाय यातारा मळसा अक संबोधति माळकु आगतद. दुसरा मुर चट्ठी दुसरा तीमुथयुस, तीतुस, अदकि फलिपिपी. पयला तीमुथयुस दा मंडली इन आराधना २:१-१५ मंडली नोर अधिकारीगोळ साटी लायकत ३:१-१३ अदकि ख्वाटा गुरुगोळ खलिाप चेतावनीगोळ १:३-११; ४:१-५; ६:२-५ ईद तोरसतद कि पौलुस तीमुथयुस उक मंडली इन न्याड्या उपदेशक बनसोद प्रशिक्षण कोळोन. पयला तीमुथयुस दा हापाळ सदिधांतगोळ आव जो नाम मंडली इन मंत्रालय इन प्रबंधन माळोर दा सहायता माळ सकतेव.

रूप-रेखा

१. पौलुस तीमुथयुस उन अभिवादन से सुरूवात माळतान. १:१-२
२. आग आव तीमुथयुस उक ख्वाटा गुरुगोळ खलिाप चेतावनी कोळतान. १:३-११
३. पौलुस यीशु मसीह अन साटी याट आभारी आन, ईद हेळतान. १:१२-१९
४. ईदुर बाददा आव तीमुथयुस उक आराधना अदकि मंडली इन अगुवा अन बारा दा नरिदेश कोळतान. २-३
५. पौलुस तीमुथयुस उक थ्वाळासा आखरी नरिदेश कोटकु तान चट्ठी पुरा माळतान. ४-६

1 नामव उद्धारकर्ता परमेश्वर अदकि नाम्द आशा अन आधार मसीह यीशु उन आग्या देल मसीह यीशु उन प्रेरति पौलुस उन दी टु,

2 *तीमुथयुस उन हेसुर जो वशिवास दा नानव खरा पार आन.

आप्प परमेश्वर, अदकि नामव प्रभु यीशु मसीह अन दी टु नीनी अनुग्रह, अदकि दया अदकि शांती सकितेला ईरूल.

ख्वाटा गुरुगोळ वरिद्ध चेतावनी

3 ह्यांग ना मकदिनया अक होगतेला नीनी समझुसीदीन, कि इफसिस दा ईतकु थ्वाळासा लॉकुरी आग्या कोळुल कि ख्वाटा सदिधांतगोळ शकिषा कोळबाळुल, 4 आंदरी अन पुरातन काल्पनकि कात्तागोळ अदकि अनन्त वंशावलीगोळ मा मन हचबाळी, यदुर देल वविद आगताव, इव परमेश्वर उन कार्य ईला, जो वशिवास इन द्वारा आव आन. 5 आग्या अन उद्देश ईद आद किशुद्ध मन अदकि वळ्लीद वविक, प्यार अदकि कपट रहति वशिवास इन द्वारा बरतद. 6 इवरी बटिकु थ्वाळासा लॉकुर बेकार मातगोळ दी भटकुसेग्यार. 7 अदकि आंदुर व्यवस्था अन गुरु रा आगोद चाहसतार, लेकीन जो मातगोळ अनतार अदकि यवरी मजबूती देल माताळतार, आंदरी सम्सालेव भी.

8 लेकीन नाव जान्सतेव कि अगर यावारा व्यवस्था अक उचति रीति देल क्यालसा दा तंदान रा अद भला आद. 9 नाव ईद भी जान्सतेव कि व्यवस्था लॉकुर साटी ईला लेकीन व्यवस्था अक ईला मानसावाळेर, वदिरोह, परमेश्वर उन अनादर माळावाळेर, पापीगोळ, अपवतिर अदकि न्यायी मळसागोळ, मोय आप्प उन घात माळावाळेर, हत्या माळावाळेर, 10 व्यभचिरीगोळ, गंळ्स गामगोळ, गुलाम उक मारावाळेर, ख्वाटा माताळावाळेर, अदकि ख्वाटा गवाही तीनावाळेर, अदकि इंदुरद अतरिकित खरा सदिधांतगोळ शकिषा अन वरिधीगोळ साटी ठहरूसकु आग्याद. 11 ईद खुशखबरी महमिामय परमेश्वर यार हात्ती सप्पा आशीषगोळ आव अदकि आऊन द्वारा नानी सौप्सकु आग्याद.

* 1:2 १:२ प्रेरतिगोळ १६:१

पौलुस मा प्रभु उन अनुग्रह

12 ना तान प्रभु यीशु मसीह अन्द याव नानी सामर्थ्य कोटान, धन्यवाद माळतीन कि आव नानी वशिवासलायक समसकु तान स्यावा अन्द साटी ठहरूसदुन. 13 *ना रा पयले अपमान माळावाळा, अदकि सतुसावाळा, अदकि हसिा माळावाळा ईरीन; तरी भी नान मा दया आत, यतकी ना अवशिवास इन दशा दा बनिा सोच समझुसकु ई क्याल्सागोळ माळीदीन. 14 अदकि नाम प्रभु उन अनुग्रह आ वशिवास अदकि प्यार इन सांगुळ जो मसीह यीशु दा आद, हापाळ इदुर देल आत. 15 ईद मात खरा अदकि हर प्रकार देल मानसोद लायक आद कि मसीह यीशु पापीगोळ उद्धार माळोर साटी दुनयिा दा बंदुन, यारदा सब से बेकार पापी ना आईन. 16 लेकीन नान मा इदुरसाटी दया आत कि ना सब से बेकार पापी नान दा यीशु मसीह तान पुरा सहनशीलता तोरसुल, कि जो लॉकुर आऊन मा अनन्त जीवन साटी वशिवास माळ्यार आंदुर साटी ना ऊंद आदर्श बनसाईन. 17 ईग अनन्त राजा मतलब अवनिाशी, अदृश्य, ऊंद मात्र परमेश्वर उन आदर अदकि महिमा हमेशा हमेशा आगतेला ईरूल. आमीन.

18 हे नान पारा तीमुथयुस, आ भवषियवाणीगोळ अनुसार जो पयले नीन बारा दा माळकु आगीदव, ना ईद आग्या कोळतीन कि नी अऊर्द अनुसार वळ्लीद लळाई माळतेला ईर, 19 अदकि वशिवास अदकि आ वळ्लीद वविक इक हुडुकु ईट, यदुर्द इनकार माळदुर कारण यास मुंदुर्द वशिवास रूपी जहाज मुळकेत. 20 आंदुर दा टु उच हुमनियुस अदकि सकिन्दर हुन, यारी ना शैतान उक कोट्ट बुटीन कि आंदुर परमेश्वर उन अपमान माळोद कलु बाळुल.

2

आराधना अन नरिदेश

1 ईग ना सब से पयले ईद आग्रह माळतीन कविनिती, प्रार्थना, नविदन, अदकि धन्यवाद सप्पा मंळसागोळ साटी माळकु आगुल. 2 राजागोळ अदकि सप्पा धोळ अधिकारीगोळ्द नमित्त इदुरसाटी कि नाव शांती अदकि चैन इन सांगुळ परमेश्वर उक आदर कोळतेला अदकि पवतिरता देल जीवन बीतुसेव 3 ईद नाम उद्धारकर्ता परमेश्वर उक वळ्लीसा हततद अदकि प्रसन्न भी माळतद, 4 जो ईद चाहासतान कि सप्पा मंळसागोळ ऊळसकु आगुल, अदकि आंदुर सचचाई इन ग्यान इक जान्स कोमूल. 5 यतकी परमेश्वर ऊंद अच आन, अदकि परमेश्वर अदकि मंळसागोळ न्याड्या दा भी ऊंद अच मध्यस्थ भी आन, मतलब मसीह यीशु जो मंळसा हुन. 6 यीशु नाम सप्पा मुंदरी छुटकारा कोळोर साटी तान बलदान कोटकु आजादी कौडुन, अदकि आऊन गवाही सही समय मा कोटकु आत. 7 *ना सही अनतीन, ख्वाटा माताळालीन, कि ना ईदा उद्देश देल प्रचारक अदकि प्रेरति अदकि गैरयहूदीगोळ साटी खरा वशिवास इन उपदेशक ठहरूसकु आदीन.

8 इदुरसाटी मंडली दा आराधना हाळाहोती ना चाहसतीन कि हर जागा मंळसा, बनिा सट्टि अदकि वविाद इन पवतिर कयगोळी नेगुकु प्रार्थना माळतोगुल. 9 *हांग अच आर्तेर भी नम्रता अदकि खुद: नयित्रण इन सांगुळ साधासुधा कपळागोळ देल तान तान इक सवारसुल; ना कि चुट्टी सवारसकु अदकि ना वहान्ना अदकि मोती अदकि कमिती कपळा देल, 10 लेकीन भला क्याल्सा देल, यतकी परमेश्वर उन भक्ति माळावळतेर आर्तेरी भी ईदा वळ्लीद आद. 11 आर्त इक शांतता देल अदकि पुरा हात्ती ता देल कलु पायजे. 12 ना आर्तेरी ईजाजत कोळालीन कि आर्त ना शकिषा कोळुल अदकि ना मंळसा मा अधिकार जतुसुल, लेकीन सुंगा मुंगा ईरूल. 13 यतकी आदम पयले, आऊन बाददा हवा माळकु आदुर; 14 अदकि आदम ईला जो बहकुसकु आगीदुन, लेकीन आ आर्त हुळ जो बहकुसकु आगदुर अदकि पापी ठहरूसदुर. 15 * तरी भी आर्त इक चकिोर पैदा माळोर द्वारा उद्धार सकिकीत, अगर आक संयम सांगुळ वशिवास, प्यार, अदकि पवतिरता दा संची ईरूल.

3

मंडली नोर अध्यक्ष

1 ईद मात सही आद अगर यावारा तान मन दा सोचतान कि स्याण्णा आगोद चाहासतान, आव भला क्याल्सा अन इच्छा माळतान. 2 * ईद जरूरी आद कि स्याण्णा नरिदोष, अदकि ऊंदा हगि्स उन गंळस, शालीन,

* 1:13 १:१३ प्रेरतिगोळ द:३; १:४,५ * 2:7 २:७ २ तीमुथयुस १:११ * 2:9 २:९ १ पतरस ३:३ * 2:15 २:१५ चकिोरी पैदा माळकु उद्धार ताकोडार: या चकिोरी हाळाहोती सुरक्षति ईटकु आदार. * 3:2 ३:२ तीतुस १:६-९ * 3:2 ३:२ सर्कि ऊंदा हगि्स ईरूल; या ऊंदा घन मदा आगुल.

आत्मसंयमी, आदरणीय, अतथी-सत्कार माळावाळा, अदकि कलसोर दा नपिण ईरूल. 3 कुडावाळा या बडाबडी माळावाळा ईला ईरूल; बल्की मुलायम ईरूल, अदकि ना झगळेल्, अदकि ना धन इन लालची ईरूल. 4 तान मान्ना अन वळ्ळीद व्यवस्था माळुल, अदकि तान चकिोर चळ्ळिगेर अनुशासन दा ईटकु आंदुर से आदर ताकोमावाळा ईरूल. 5 अगर यावारा तान मान्ना अनंद अच व्यवस्था माळोद ईला जान्सतीदान, रा परमेश्वर उन मंडली इन रखवाली ह्यांग माळ्यान? 6 बाक ईद का आव वशिवास दा परीपक्व ईरूल, ईदारा हगि आगबाळुल का अभमान माळकु शैतान उन घाई दण्ड पाऊसुल. 7 अदकि मंडली इन व्हार्या दा भी आऊन हेसुर आगुल, हगि आगबाळुल का अपमानीत आगकु शैतान उन फासा दा फसुसेगुल.

मंडली नोर सेवक

8 हांग अच मंडली अनंद सेवकगोळी भी गंभीर आग पायजे, येढ्ढ रंगवाळेर, कुडावाळेर अदकि नीच कमाई इन लोभ माळावाळेर ईला ईरूल; 9 लेकीन वशिवास इन भेद इन शुद्ध वविक इक गहराई देल हुडुकु ईटुल. 10 अदकि आंदुर पयले परख आगुल, आग अगर नरिदोष होट्टुर रा बाक मंडली इन सेवक उन क्याल्सा माळुल. 11 ईदा प्रकार देल आंदुर हगिसुर भी आदर ताकोमा लायक आर्तेर ईरूल; अदकि अपमान इन मातगोळी माळावळतेर ईला ईरूल, लेकीन शालीन अदकि सप्पा मातगोळ दा वशिवास इन लायक ईरूल. 12 मंडली इन सेवक ऊंदा हगिसु उन गंळ्स ईरूल अदकि चकिोर चणिंग अदकि तान मान्ना अनंद वळ्ळीद व्यवस्था माळोद जानसुल. 13 यतकी जो मंडली इन सेवक वळ्ळीद क्याल्सा माळतार, आंदुर तान साटी वळ्ळीद पद अदकि मसीह यीशु दा जो आंदुरद वशिवास आद, अदुरदा महान साहस हासलि माळतार.

महान राज

14 ना नीन हात्ती राटनेरी बरोद आशा ईटदुर मा भी ई चट्टी नीनी इदुरसाटी लखिसतीन, 15 का अगर नान बंदुर दा समय आगुल, रा नी जान्स कोम का परमेश्वर उन घराना दा जो जतिता परमेश्वर उन मंडली आद अदकि जो सच्चार्ई इन खंबा अदकि पायवा आद, लॉकुर आपस दा ह्यांग बर्ताव माळ पायजे. 16 ईदुर दा संदेह हैलेच का भक्ति इन भेद गंभीर आद, मतलब

अद जो मय दा प्रगट आत,

आत्मा दा नयायी ठहरूसत,

स्वर्गदूतगोळ इक काळसदुन,

गैरयहूदीगोळ दा आऊन प्रचार आत,

दुनिया दा आऊन मा वशिवास माळकु आत,

अदकि महिमा दा म्याकुच नेगुकु आदुन.

4

तीमथयुस उक नरिदेश

1 पवतिर आत्मा स्पष्टता देल अनतद का बरावाळा समयगोळ दा हापाळ सप्पा लॉकुर तान वशिवास इक त्यागस बुट्टार अदकि भटकसावाळा आत्मागोळ अदकि शैतान उन द्वारा कलसद मातगोळ हींद आगेदार. 2 ईद आ ख्वाटा पाखंडी मळसागोळ्द कारण आदीन, यार्द वविक मान्सी होततेला लोवा देल दाग्सकु आग्याद, 3 जो मदा माळोर से रोकस्यार, अदकि ऊमोद येनारा वस्तुगोळ देल अलग ईरोद आग्या कोट्टार, यवरी परमेश्वर इदुरसाटी घळुस्यान का वशिवासी अदकि सच्चार्ई इक अरावाळेर अवरी धन्यवाद इन सांगुळ तनिल. 4 यतकी परमेश्वर उन माळ्द हर ऊंद वस्तु वळ्ळीद आद, अदकि यातोदु वस्तु अस्वीकार माळोद लायक हैलेच; लेकीन ईद का धन्यवाद इन सांगुळ तनिकु आगुल, 5 यतकी परमेश्वर उन वचन अदकि प्रार्थना अन द्वारा शुद्ध आगेतद.

यीशु मसीह ऊंद वळ्ळेव सेवक

6 अगर नी वार्दुर इक ई मातगोळ्द याद कोळतेला ईत्या, अदकि वशिवास इन सच्चार्ई अदकि आ वळ्ळीद शकिषा अन मातगोळ से, जो नी मानसतेला बंद्या; रा मसीह यीशु उन वळ्ळेव सेवक ठहरूस्या. 7 परमेश्वर रहति कात्ता-कात्तागोळ देल जो सरिफ हाळामुंडगोळ द्वारा केळसकु अशुद्ध कात्तागोळ आव येनु संबंघ ईटबाळ, लेकीन भक्ति इन साधना माळ. 8 यतकी मय इन साधना देल फायदा गोर्त आगतद, लेकीन भक्ति

सप्या मातगोळ साटी लाभदायक आद, यतकी ई समय इन जीवन अदकि बरावाळा जीवन इन भी वादा इदुरदा साटी आद. 9 हगि ऊंद वशिवास ईटा लायक कहावत आद, जो पुरा रीत दिेल स्वीकार माळा लायक आद. 10 यतकी नाव मयनत अदकि कोशशि इदुरसाटी माळतेव कनिनाम आशा आ जतिता परमेश्वर मा आद, जो सप्या मंळसागोळ्द अदकि खास माळकु वशिवासीगोळव उद्धारकर्ता आन.

11 इव मातगोळ्द आग्या कोळ अदकि कल्सतेला ईर. 12 याऊ नीन जवानी इक तुच्छ सम्सबाळुल; लेकीन वचन, माताळदुर दा, चाल-चलन, अदकि प्यार, अदकि वशिवास, अदकि पवतिरता दा वशिवासीगोळ साटी आदर्श बनसेग. 13 यागासताका ना बरालीन, आगासताका लॉकुर न्याड्या प्रभु उन वचन वाचुसदुर दा अदकि उपदेश कोळदुर दा अदकि कल्सदुर दा तान इक मग्न ईट. 14 आ वरदान इन प्रती जो नीन दा आद, अदकि भवषियवाणी इन द्वारा स्याणागोळ्द कय दा ईटा होती नीनी सीकीत, अदरी अनदेखा माळबाळ. 15 ई मातगोळ्द वचार माळत ईर अदकि ईऊर दा तान ध्यान हचकु ईट, ताकी नीन उन्नती सप्या मुंदुर मा प्रगत आगुल. 16 तान जीवन इन दी अदकि तान शक्तिगोळ सावधानी ईट. ई मातगोळ मा संची ईर, यतकी अगर हगि माळतेला ईत्या रा नी तान अदकि तान केळावाळेर साटी भी उद्धार इन कारण आद्या.

5

वशिवासीगोळ प्रती जमिमेदारीगोळ

1 यातारा बाट्ट उक कठोरता देल दनकुस बाळेत, लेकीन आऊक आप्प सम्सकु समझुसबुळ, अदकि हारोदोर मंळसागोळी वार्ट सम्सकु; 2 हाळामुंड आर्तेर इक मोय सम्सकु; अदकि हारोदोर आर्तेर इक आकतींग सम्सकु पुरा पवतिरता देल समझुसबुळ.

3 आ रांड्यागोळ्द ध्यान ईट, जो सही दा जरवतमंद आर. 4 अगर यातारा रांड्या अन चकिोर या नातु-नतरागोळ ईतीदार, रा आंदुर तान मोय-आप्प अदकि आज-आजी इन पालन पोषण इन बदला चुकुसली अदकि तान परवार इन चनिता माळेर द्वारा तान न्यायी मातगोळी जीवन कार्य दा तरोद पयले कलु पायजे, यतकी ईद परमेश्वर उक पंसद आद. 5 जो रांड्या सही दा जरवतमंद आर, अदकि आकनि याूर हैलेच, अदकि आक तान पुरा आशा परमेश्वर मा ईट्यार, अदकि ईळलक हागुल वनिती अदकि प्रार्थना माळतेला परमेश्वर से मदत बेळतार; 6 लेकीन जो रांड्या भोग वलास दा जीऊसतार, आक जतिता हैलेच लेकीन जतिता दा का सोतोग्यार. 7 इव मातगोळ्द भी लॉकुरी नरिदेश कोळतोग ताकी आंदुर नरिदोष ईरूल. 8 लेकीन अगर यावारा तान रशितेदारगोळ दी, वशिष तान परवार इन सदस्यगोळ्द मदत माळालुन, रा आव वशिवास देल तरिगेग्यान अदकि अवशिवासी देल भी हापाळ बुरा बनसेग्यान.

9 आ रांड्यागोळ्द वशिष सुची दा जो आर्थिक सहायता ताकोमेत्यार आका रांड्या अन हेसुर लखिसकु आगुल जो साठ वर्ष से कमीनोर ईला ईतीदार, अदकि तान गंळस उन वशिवासलायक ईतीदार, 10 अदकि भला क्याल्सा दा सुनाम ईतीदार, याक चकिोर्द पालन-पोषण माळीदार; पाऊनागोळ्द स्यावा माळीदार, पवतिर लॉकुरद काल तोळददार, दुखीगोळ्द सहायता माळीदार, अदकि हर ऊंद भला क्याल्सा दा मन हचीदार.

11 लेकीन हारोदोर रांड्यागतिर्द ईद सुची सम्मलीत माळबाळी यतकी मसीह अन प्रती आंदुरद समरपन मा याग आंदुरद बारा दा वासना पुरा इच्छागोळ हावी आगताव रा आंदुर मात मदा माळोद चाहसतार, 12 अदकि दोषी ठहूरसतार, यतकी आंदुर तान पयला वचन इक मुर्द बुट्टुर. 13 ईदुर अलावा आंदुर बेकार आगतार अदकि मानोन-माननी वयाळकु आलसी आगोद कलुतार, अदकि सर्फ आलसी ईला लेकीन ईतत आत्त माळतार अदकि बनिा मतलब इन अनुचति मातगोळ माताळतार. 14 इदुरसाटी ना ईद चाहासतीन कि हारोदोर रांड्यागतिर मदा माळुल, अदकि चकिोर हाळुल अदकि मान्न मकान संभाळसुल, अदकि यातारा वरिध इक बदनाम माळोद मवका कोळबाळुल. 15 यतकी हापाळ रा बयकुस्कु शैतान उन हदि आगेग्यार. 16 अगर यातारा वशिवासीगीत इन मान्या रांड्यागोळ आर, रा आका आंदुरद सहायता माळुल किमंडली मा बोझ ईला आगुल, ताकी आंदुर आंदुरद सहायता माळ सकुल जो रांड्यागोळ खराखुरा जरवतमंद आर.

17 जो हाळाबाट्टुर मंडली इन वळ्दीद स्यावा माळतार, खास माळकु आंदुर जो वचन केळसोर अदकि कल्सदुर दा मयनत माळतार, आंदुर येढढ गुणा आदर इन लायक सम्सकु आगुल. 18 *यतकी शास्त्र अनतद, “जो वस्ता दावन इन आद अदुर बाय कट बाळेतीर,” यतकी “मजदूर तान मजदूरी इन हकदार आन.” 19 यातारा दोष यातारा

मंडली इन हाळाबाट्टुर मा हचकु आगुल रा येढ्द या मुर गवाहगोळ्द बनिा अदरी केळबाळ. 20 पाप माळावाळेर इक सप्पा मुंदुर मुंद दनकुस, ताकी दुसरा लॉकुर भी अंजुल.

21 परमेश्वर, अदकि मसीह यीशु अदकि नविळुसुद स्वरुगदूतगोळ इक उपस्थिति जान्सकु ना नीनी चेतावनी कोळतीन की ई नरिदेशगोळी बनिा मतभेद इन अदकि यावारा ऊंद इन पक्षपात ताकोमकु यातोदु क्यालसा माळबाळ. 22 मंडली इन स्यावा अनूद नयिकुती इन साटी बनिा सोच समसकु यारदारा मा तान कय राटनेरी ईट बाळेत, अदकि दुसरा अन पापगोळ दा भागी आगबाळेत; तान-तान इक पवतिर माळकु ईटेत.

23 सरिफ नीर इक अच कुडावाळा ईरबाळ, लेकीन तान व्हाट्टा अनूद घळी-घळी बमिर आगोद कारण थ्वाळा-थ्वाळा अंगुर इन राससा भी क्यालसा दा तरतोग.

24 थ्वाळासा मंळसागोळव पाप स्पष्ट रूप देल प्रगट आगोगताव, अदकि न्याय इन साटी प्रस्तुत माळकु आगोगताव, लेकीन दुसरा मंळसागोळव पाप बाद्दा प्रगट आगताव. 25 ईदा प्रकार भला क्यालसा भी स्पष्ट रूप देल प्रगट आगोगताव; लेकीन जो भला क्यालसा प्रगट आगालव अव भी होचकु ईर सकालव.

6

1 यास दासगोळ जुआळी इन लयालमा आर, आंदुर तान-तान स्वामी इक धोळ्द आदर इन लायक जानसुल, ताकी परमेश्वर उन हेसुर अदकि शक्ति आनूद अपमान आगबाळुल.

ख्वाटा शक्ति अदकि धन इन लोभ

2 यार स्वामी वशिवासी आर आंदरी आंदुर कम आदर कोळबाळुल यतकी आंदुर वार्दुर उर, बल्की आंदुरद मात्त यक्कुल स्यावा माळी, यतकी यारी स्यावा अन लाभ सीकतद आंदुर वशिवासी अदकि आंदुर प्रयि आर. ई मातगोळ शक्ति कोळी अदकि हांग अच माळोर साटी प्रोत्साहति माळतेला ईरी. 3 अगर यावारा दुसरा अच प्रकार इन शक्ति कोळतान अदकि सही मातगोळी, मतलब नाम प्रभु यीशु मसीह अनूद नरिदेशगोळ इक अदकि आ शक्ति इक मानसालुन, जो देवी शक्ति अन अनुसार आद, 4 रा आव अभिमानी आगोदुन, अदकि येनु जानसालुन; बल्की आऊक ववाद अदकि शब्दगोळ मा तरक हचोद बमिरी आद, यदुर देल ह्यावा, अदकि झगळा, अदकि अपमान नव मातगोळ, अदकि बेकार-बेकार संक्या, 5 अदकि आ मंळसागोळ दा फालतु लळाई-झगळा पैदा आगताव यार्द दमाक भ्रष्ट आगोग्याद, अदकि आंदुर सच्चाई इन हादी देल अलग आगोग्यार, जो समस्तार की भक्ती कमाई इंद जरया हुन.

6 लेकीन सन्तोष इन सांगुळ भक्ती माळोद धोळ्द कमाई आद. 7 यतकी नाव रा ना दुनया दा येनारा हुडुकु बंदेव अदकि ना येनारा वय सकेतेव. 8 अगर नाम हात्ती तनिली अदकि हाकली आद, रा ईऊर्दा का सन्तोष ईर पायजे. 9 लेकीन जो धनी आगोद चाहासतार, आंदुर ईत्ता परीक्षा अदकि फासा अदकि हापाळ सा मूर्खतापुर्ण अदकि हानकारक लालसागोळ दा फसुसतार, जो मंळसागोळी बगिळुस बुळतद अदकि वनिाश इन खाई दा ढकलुस बुळतद. 10 यतकी पैस्या अनूद लोभ हर प्रकार इन बुराईगोळ्द जळ हुन, यदरी हासलि माळोद कोशशि माळतेला हापाळ मुंदुर वशिवास देल भटकुसकु तान-तान इक कई प्रकार इन दुखगोळ देल छल्ली माळ कौडार.

तीमथियुस उन व्यक्तगित नरिदेश

11 लेकीन हे परमेश्वर उन वशिवासी जन, नी ई मातगोळ हात्ती टु ओळ, अदकि न्याय, भक्ती, वशिवास, प्यार, धीरज अदकि नम्रता अनूद हदि हत. 12 वशिवास इन वळ्ळीद कुस्ती आळ; अदकि तान साटी आ अनन्त जीवन इक हासलि माळकोम, यदुर साटी नी कारूकु आग्या अदकि हापाळ सा गवाहगोळ मुंद वळ्ळीद अंगीकार माळीद. 13 *ना नीनी ईद आग्या परमेश्वर उन मुंद जो सप्पा मुंदुरी जीवन कोळतान, अदकि मसीह यीशु उक गवाह माळकु याव पुनतयिस पलातुस उन मुंद वळ्ळीद गवाही कोट्टुन. कोळतीन, 14 की नी नाम प्रभु यीशु मसीह अनूद प्रगट आगासताका ई आग्या अक नषिकलंक अदकि नरिदोष ईट, 15 परमेश्वर जो परमधन्य अदकि ऊंद मात्र शासक अदकि राजागोळ राजा अदकि प्रभुगोळ प्रभु हुन, आऊन द्वारा यारी आव ठीक समय मा प्रगट माळ्यान. 16 अदकि अमरता सरिफ आऊंदा हुन, अदकि आव ज्योती दा ईरतान, येल ताका याऊ पोहचुस सकालुन, अदकि ना आऊक यावारा मंळसा नोळ्यान अदकि ना नोळ सकतान. आऊन प्रतषिटा अदकि सामर्थ्य हमेशा हमेशा ईत्तीत. आमीन.

17 ई दुनयिा अन धनवानगोळी आग्या कोळ क्‌आंदुर अभमिनी आगवाळुल अदकि चंचल धन मा आशा ईट बाळुल, लेकीन परमेश्वर मा जो नाम सुख इन साटी सप्पा येनारा बहुतायत देल कोळतान. 18 आंदरी आग्या कोळ क्‌आंदुर भलाई माळुल, अदकि भला क्‌याल्सागोळ दा धनी आगुल. अदकि उदारता देल सहायता कोळदुर दा तयार ईरूल, 19 अदकि मुंदळोद साटी ऊंद वळलीद पायवा हाक्कु ईटुल क्‌खिरा जीवन इक वश दा माळ कोमुल.

20 हे तीमुथयुस, ई धरोवर इन रखवाली माळ; अदकि यदरी येनारा लाँकुर गलती देल ग्यान अनतार, अदुर्द बेकार मातगोळ अदकि वरिध इन मातगोळ देल अलग ईर. 21 यास मुंदुर ई ग्यान इक मान्सकु वश्वास देल भटकुसेग्यार.

नीम मा अनुग्रह आग्त ईरूल.

तीमुथियुस के नाम पौलुस प्रेरति की दूसरी पत्री तीमुथियुस उन हेसुर पौलुस प्रेरति उन दुसरा चटिठी परचिय

दुसरा तीमुथियुस उन कतिब प्रेरति पौलुस उन दुसरा चेला तीमुथियुस उन साटी दुसरा चटिठी हुन. दुसरा तीमुथियुस पौलुस उन जीवन इन आखरी दा लखिसकु आगीत. ई समय रोम दा आऊक कैद माळकु आगीत १:१६ पौलुस तीमुथियुस उन सांगुळ घनषिठ संबंध ईटदुन अदकि आऊक पार उन रूप दा संदर्भति माळदुन. फलिपिपिगोळ २:२२,१ तीमुथियुस १:२; १:१८

ईद पौलुस उन नाक चटिठी दा टु ऊंद हुन याऊक मंडली इन बजाय यातारा मंळसा अक संबोधति माळकु आगतद. अन्य हगि मुर चटिठी गोळ आव हयांग का पयला तीमुथियुस, तीतुस अदकि फलिपिपी. आ समय इन दौरान येदद तीमुथियुस लखिसकु आगीदव, रोमन साम्राज्य देल मसीहगोळी सतुसकु आगोद. शायद ईदा कारण ईरोद का पौलुस जयल दा ईरोन अदकि तीमुथियुस उक कठनाई ईद सामना माळोद नरिदेश कोळोन. पयला तीमुथियुस दा, पौलुस तीमुथियुस उक ख्वाटा गुरुगोळ बारा दा हापाळ चेटावनीगोळ कोट्टुन १ तीमुथियुस १:१६-१८ आव तीमुथियुस उक भी हेळतान का मुंद कठनि समय ईत्तव ३:१

रूप-रेखा

१. पौलुस तीमुथियुस उक बधाई कोळतान अदकि बाक आऊक प्रोत्साहति माळतान १:१-१८
२. आग आव तीमुथियुस उक मुंद वाळुसोर साटी चुनौती कोळतान २:१-१३
३. ईदुर बाददा आव आंदरी थ्वाळासा साधारण नरिदेश कोळतान २:१४-२६
४. बाक आव भवषिय अन घटनागोळ अदकि जवाब कोळोद सही तरीका अन बारा दा चेटावनी कोळतान ३:१; ४:८
५. पौलुस तीमुथियुस उन साटी येनारा व्यक्तगित टपिपणगोळ सांगुळ चटिठी खतम माळतान ४:१-२२

1 पौलुस इन दी टु जो परमेश्वर उन इच्छा देल मसीह यीशु उन प्रेरति आन, अदकि यारी यीशु मसीह दा ऊंद आगोर साटी वादा अन प्रचार माळोर साटी कळयान,

2 *प्रिय पार तीमुथियुस उन हेसुर:

परमेश्वर आप्प अदकि नामव प्रभु मसीह यीशु उन दी टु नीनी अनुग्रह अदकि दया अदकि शांती सकितेला ईरूल.

धन्यवाद अदकि प्रोत्साहन

3 याता परमेश्वर उन स्यावा ना तान आप्प दादागोळ रीति मा शुद्ध वविक देल माळतीन, आऊन धन्यवाद आगुल अदकि ईळलक हागुल याग ना प्रार्थनागोळ दा नीमी हमेशा याद माळतीन, अदकि आऊक धन्यवाद माळतीन. 4 अदकि नीन कण्ण दाकळव नीर इन याद माळ माळकु दलि देल नीनी भेंट माळोद लालच ईटतीन का खुशी देल तुमेगाईन. 5 *ना नीद आ खरा वशिवास इक याद माळतीन, जो पयले नीन आजी लोईस अदकि नीन मोय यूनिके दा ईरोद, अदकि नानी पुरा यकीन आद का अदा वशिवास नीन दा भी आद. 6 ईदा कारण ना नीनी याद कोळतीन का नी आ वरदान इक जित्ता ईट जो नीन म्याकुच नांद कय ईटदुर द्वारा परमेश्वर नीनी कोटान. 7 यतकी परमेश्वर नामी अंजक इन ईला लेकीन सामर्थ्य अदकि प्यार अदकि संयम इन आत्मा कोटान.

8 इदुरसाटी नामव प्रभु उन गवाही देल, अदकि नान देल जो मसीह अन कैदी आईन, लज्जति आगबाळ, लेकीन आ सामर्थ्य जो परमेश्वर नीनी कोटान अदुर अनुसार खुशखबरी साटी नान सांगुळ दुख नेगु 9 याव नामी ऊळस्यान अदकि पवतिर जीवन जीऊसोर साटी नामी कारदुन, अदकि ईद नाम क्याल्सा अन अनुसार ईला लेकीन आऊन उद्देश अदकि अनुग्रह अन अनुसार आद. आव ईद अनुग्रह नाम मा माळयान मतलब प्रभु यीशु मसीह अन द्वारा काल इन सुरूवात देल नाम मा आग्याद, 10 लेकीन ईग नाम उद्धार माळावाळा मसीह यीशु उन

* 1:2 १:२ प्रेरतिगोळ १६:१ * 1:5 १:५ प्रेरतिगोळ १६:१

प्रगट आगोद द्वारा प्रगटीत आत, याव मृत्यु उन सामर्थ्य अन नाश माळदुन अदकि जीवन इक खुशखबरी इन द्वारा प्रगट माळदुन.

11 *यार साटी परमेश्वर नानी प्रेरति, अदकि शिक्षा कोळावाळा नयिक्त माळदुन, ताकी ना खुशखबरी इन प्रचार माळाईन. 12 ई कारण ना ई दुखगोळी भी नेगुतीन, लेकीन नाचालीन, यतकी ना आऊक यार मा ना वशिवास माळदीन, अरूतीन; अदकि नानी वशिवास आद कर् आव नांद धरोवर इंद आ दनि ताका रखवाली माळ सकतान. 13 जो सही मातगोळ नी नान बाय देल केळ्या अवरी आ वशिवास अदकि प्यार इन सांगुळ, जो मसीह यीशु दा आद, तान आदर्श माळकु ईट, 14 अदकि पवतिर आत्मा अन द्वारा जो नाम दा समुस्कु आद, ई वळ्दीद मातगोळ रखवाली माळ.

15 नी जान्सत्या कर् आसयाि नगर वाळेर सप्पा मुंदुर नान से तरिगेग्यार, यारदा फूगलिस अदकि हरिमुगनिस आर. 16 उनेसफिरूस उन घराना मा प्रभु दया माळुल, यतकी आव हापाळ अनली नानी सुख पोहचुस्यान, अदकि आव नान शंकलीगोळ दा ईत्तुर देल नाचीदलि. 17 लेकीन याग आव रोम दा बंदुन, रा यागासताका ना सकिदील आगासताका आव नानी ढुंढसतेला ईत्तुन, अदकि नान से मुलाकात माळदुन 18 प्रभु माळुल कर् आ दशी आऊन मा प्रभु उन दया आगुल अदकि जो जो स्यावा आव इफसिस दा माळ्यान अवरी भी नी वळ्दीद देल जान्सत्या.

2

मसीह यीशु उन स्वामीभक्त सैनिकि

1 इदुरसाटी हे नान पारा, नी आ अनुग्रह देल जो मसीह यीशु दा आद, बलवन्त आगोग, 2 अदकि जो शिक्षागोळ नी हापाळ सा गवाहगोळ मुंद नान से केळ्या, अवरी वशिवासी मळसागोळी सौप्स बुळ; जो दुसरा अक भी कलसोद लायक ईरूल.

3 मसीह यीशु उन वळ्दीद योद्धा अन घाई नान सांगुळ दुख नेगु. 4 याग यावारा योद्धा लळाई मा होगतान, रा इदुरसाटी कर् आऊक जो भरती माळ्यार आंदरी खुश माळुल, आव तान तान इक दुनया अन क्याल्सागोळ दा फसुसालुन. 5 बाक अखाळा दा लळुसावाळा अगर नयिम इन अनुसार लळुसालुन रा ईनाम सीक सकाल. 6 जो मयनती कसान मयनत माळतान, रा काय इन अंश पयले आऊक सीक पायजे. 7 जो ना अनतीन ई सप्पा मातगोळ मा ध्यान कोळ, अदकि प्रभु नीनी सप्पा मातगोळ्द समझ कोळुल.

8 यीशु मसीह अक याद ईट, जो दाऊद उन वंश देल आग्यान अदकि सोत्तुर दा टु जतिता आदुन, अदकि ईद नान खुशखबरी इन अनुसार आद. 9 यार साटी ना कुकर्मी इन घाई दुख नेगुतीन, ईल ताका कर् बंधन भी आईन; लेकीन परमेश्वर उन वचन कैद हैलेच. 10 ई कारण ना नविळुसद लॉकुर साटी सप्पा येनारा सहन माळतीन, कर् आंदरी भी आ उद्धार जो मसीह यीशु दा आद अनन्त महमा अन्द सांगुळ सकिल. 11 ईद मात खरा आद, कर् अगर नाव आऊन सांगुळ सोतोगेव,

रा आऊन सांगुळ जतिता भी आदेव;

12 *अगर नाव धीरज देल सहन माळ्त ईत्तेव,

रा आऊन सांगुळ राज्य भी माळेव;

अगर नाव आऊन इनकार माळेव,

रा आव भी नाम इनकार माळ्यान;

13 अगर नाव अवशिवासी भी आयेव,

तरी भी आव वशिवासयोग्य बनसकु ईरतान,

यतकी आव खुद तान इनकार माळ सकालुन.

वळ्दीद कारीगर

14 ई मातगोळ्द याद आंदरी तोरस अदकि प्रभु उन मुंद वशिवास देल हेळ कर् शब्दगोळ मा तर्क-वतिर्क माळतोग बाळुल, यऊर देल येनु फायदा आगाल उलटा केळावाळेर्द नाश आगोगतद. 15 तान तान इक परमेश्वर उन ग्रहण माळा लायक अदकि हगि क्याल्सा माळावाळा ठहरूसोद कोशशि माळ, जो नाचक ईला पायजे, अदकि जो सच्चार्ड इन वचन इक बराबर रीतर् दैल क्याल्सा दा तरतोगुल. 16 लेकीन बेकार मातगोळ देल ऊळदकु ईर, यतकी हगि लॉकुर मातत यक्कुल अभक्ती दा वाळुस्त ईत्तार, 17 अदकि आंदुर वचन हुळ्तकु दुख घाई फैलुस्त

होदति. हुमनियुस अदकि फलितुस आंदुर दा टु आर, 18 जो ईद अंदकु क्पुनरूत्थान आगोग्याद सच्चाई इन हादी टु काळदोग्यार, अदकि यास मुंदुरद वशिवास इक नाश माळ बुळतार. 19 तरी भी परमेश्वर उन पक्का पायवा बन्सकु ईरतद, अदकि आऊन मा ईद छाप हतकु आद: “प्रभु तान लॉकुरी अरूतान,” अदकि “जो यावारा प्रभु उन हेसुर ताकोमतान, आव अन्याय देल ऊळदकु ईरूल.”

20 धोळ मान्या सरिफ व्हानना-बेळ्ली इंद अच ईला, लेकीन हुळ्ली अदकि मुण्ण इन भी गळग्या ईरताव; यातारा-यातारा आदर, अदकि यातारा-यातारा अनादर इन साटी. 21 अगर यावारा तान तान इक ईऊर देल शुद्ध माळ्यान, रा अद आदर इन गळग्या मातत पवतिर ठहूसीत; अदकि स्वामी इन क्याल्सी बंदीत, अदकि सप्पा वळ्लीद क्याल्सा साटी तयार आदीत. 22 हारोदपन इन मोहमाया देल ओळ, अदकि जो शुद्ध मन देल प्रभु उन हेसुर ताकोमतार आंदुर सांगुळ न्याय, अदकि वशिवास, अदकि प्यार, अदकि मेल मलिाप इन हदि हत. 23 लेकीन मूरखपन अदकि अवदिया अन्द ववािदगोळ देल अलग ईर, यतकी नी जान्सत्या क्ईऊर देल झगळा नरिमाण आगताव. 24 प्रभु उन दास उक झगळेले ईला ईर पायजे, लेकीन आव सप्पा मुंदुर सांगुळ मुलायम अदकि शकिषा दा नपिण अदकि सहन माळावाळा ईरूल. 25 आव वरिध माळावाळे इक नमरता देल समझसुल, येन मालूम परमेश्वर आंदरी मन तरिगुसोद मन कोळुल क्ई आंदुर भी सच्चाई इक अरूल, 26 अदकि आंदुर सचेत आगकु शैतान उन फासा दा टु बट्टोगुल. याव आंदरी आंदुरद इच्छा पुरा माळोर साटी बंदी माळदुन.

3

आखरी दनि

1 लेकीन ईद याद ईट क्ई आखरी दनिगोळ दा कठनि समय बंदव. 2 यतकी मंळसा मतलबी, धन इन लालची, घमण्ड माळावाळे, अभिमानी, अपमान माळावाळे, मोय-आपपुर्द आग्या कडावाळे, एहसान मारावाळे, अपवतिर, 3 प्यार ईला माळावाळे, माफ ईला माळावाळे, अपमान माळावाळे, असंयमी, कठोर, भलाई इन दुश्मन, 4 वशिवासघात माळावाळे, लापरवाह, घमण्ड माळावाळे, अदकि परमेश्वर उन ईला उलटा सुखवलास इक चाहासावाळे ईततार. 5 आंदुर भक्ती इन भेष रा माळ्यार, लेकीन अदुरद ताकत इक मान्सतदिलि; हगि लॉकुर से दुर ईरेत. 6 ईंदुर दा टु अच आ लॉकुर आर जो मान्नागोळ दा वतत काल देल होक्कोमतार, अदकि आ दुर्बल आरतेर इक वश दा माळ कोमतार जो पापगोळ देल वोतकु अदकि सप्पा प्रकार इंद अभलाषागोळद वश दा आर, 7 अदकि ईतता आरतेर हमेशा कलुतेला रा ईरतार लेकीन सच्चाई इक जान्स सकालुर. 8 ह्यांग यन्नेस अदकि यम्ब्रेस मूसा अन्द वरिध माळीदुर, हांग अच ईंदुर भी सच्चाई इन वरिध माळतार; ईंदुर हगि मंळसा आर, यार्द दमाक भ्रष्ट आगोग्याद अदकि ईंदुर वशिवास दा असफल आर. 9 लेकीन ई लॉकुर ईंदुर से मुंद वाळुस सकालुर, यतकी सप्पा लॉकुर नोळ्यार क्ई आंदुर याट मूरख आर. हांग अच ह्यांग यन्नेस अदकि यम्ब्रेस उन सांगुळ आत.

तीमूथयिस उक वशिष नरिदेश

10 लेकीन नी नान शकिषा, नान जीवन इन आचरण, उद्देश वशिवास, धीरज, प्यार, सहनशीलता ई सप्पा मातगोळी वळ्लीद रीतदिल जान्सत्या; 11 *नांद सताव अदकि नानव दुख, अदकि अन्ताकिया अदकि इकुनियुम अदकि लुस्त्रा दा जो भयंकर यातनागोळ नानी कोटकु आगीदव अदकि यदरी ना सहन माळदीन, ईद नी जान्सत्या, तरी भी प्रभु नानी ईव सप्पा दुखगोळ से बीळसदुन. 12 लेकीन यास मसीह यीशु दा भक्ती इन सांगुळ जनिदगी बतिसोद चाहासतार आंदुर सप्पा मुंदुर सतुस्कु आदार; 13 लेकीन दुष्ट अदकि बयकुसावाळे ध्वाका कोळतेला अदकि ध्वाका तनितेला, बगिळुस्त होटोदार. 14 लेकीन नी आ सच्चाई इन मातगोळ मा जो नी कलत्या अदकि वशिवास माळ्या, ईद जान्सकु मजबूत बन्सकु ईर क्ई नी अवरी याता लॉकुर से कलत्या, 15 अदकि स्याणपन टु पवतिरशास्त्र अपमान अरतकु आद, जो नीनी यीशु मसीह मा वशिवास माळदुर देल उद्धार हासलि माळोर साटी हुश्यार माळ सकतद. 16 सम्पुर्ण पवतिरशास्त्र परमेश्वर उन प्रेरणा देल रचुसकु आग्याद अदकि उपदेश, अदकि समजुसोद, अदकि सुधारन माळोद, अदकि न्यायीपन इन शकिषा साटी फायदेमंद आद, 17 ताकी परमेश्वर उन जन सदिध आगुल, अदकि हर ऊंद वळ्लीद क्याल्सा साटी तयार आगोगुल.

* 3:11 ३:११ प्रेरतिगोळ १३:१४-२२; प्रेरतिगोळ १४:१-७; प्रेरतिगोळ १४:८-२०

4

1 ना परमेश्वर अदकि मसीह यीशु उन मुंद जो जतिता अदकि सोतकु मंळसागोळ्द न्याय माळ्यान, अदकि राजा आगकु शासन माळोर साटी बंदान, आंदरी गवाह मानसकु ना वनिती माळतीन, 2 कनि वचन इन प्रचार माळ, समय बेसमय तयार ईर, सप्पा प्रकार इन सहनशीलता अदकि शिक्षा अन्द सांगुळ नरिदेश कोळ, दनकुस अदकि समजुस. 3 यतकी हगि समय बंदीत याग लॉकुर सच्चाई इन शिक्षा केळतीदलि, लेकीन आंदुर खुद इक समाधान सीकुल ईत्ता मातगोळ केळोर साटी तान अभलिषागोळ्द अनुसार तान साटी हापाळ सा शिक्षा कोळावाळेर जमा माळ कोंडार, 4 अदकि तान कवि सच्चाई इन हादी दी टु तरिगुसकु काल्पनकि कात्तागोळ मा हच्यार. 5 लेकीन नी सप्पा मातगोळ दा नयित्रण ईट, दुख नेगु, खुशखबरी प्रचार इन क्याल्सा माळ, अदकि तान स्यावा अक पुरा माळ.

6 यतकी ईग नांद अरपण इन घळी होट बंदाद, अदकि नान ईद जीवन इक त्यागसोद समय होट बंदाद. 7 ना वळ्ळीद कुसती आळ कोंडीन, ना तान दवळ पुरा माळ कोंडीन, ना वशिवास इन रखवाली माळीन. 8 भवषिय दा नान साटी वजियी ईनाम इन मुकुट ईटकु आद, यदरी प्रभु, जो आसान हादी देल नळसावाळा हुन, नानी आ दशी कोट्टान, अदकि नानी इच ईला उलटा आ सप्पा मुंदुर इक भी जो आऊन प्रगट आगोद प्रयि जान्सतार

व्यक्तगित वचन

9 नान हात्ती राटनेरी बरोद कोशशि माळ. 10 यतकी देमास ई दुनयिा अक प्रयि जानसकु नानी बटि बुटान अदकि थसिसलुनीके अक होटोग्यान. क्रसकेंस गलातयिा अक अदकि तीतुस दलमतयिा अक होटोग्यान. 11 सर्फि लूका नान सांगुळ आन. मरकुस उक हुडुकु होटबर; यतकी स्यावा अन्द साटी आव हापाळ उपयोगी आन. 12 तुखकिस उक ना इफसिस कळीन. 13 याग नी बंद्या रा झागा अक यदरी ना त्रोआस दा करपुस उन मान्या बटिकु बंददिन तरेत; अदकि नानव कतिाबगोळ वशिष माळकु तोगुल इन चटिठी गोळी हुडुत बरेत.

14 धातु उन क्याल्सा माळावाळा सकिन्दर नानी हापाळ नुकसान पोहचुस्यान; प्रभु आऊक आऊन क्याल्सागोळ अनुसार बदला कोट्टान. 15 नी भी आऊन से सावधान ईर, यतकी आव नाम उपदेशगोळ्द हापाळ अच वरिध माळ्यान.

16 नान पयले पक्ष इन समय याऊ भी नान साथ कोटीदील, उलटा सप्पा मुंदुर नानी बटि बुटीदुर. 17 लेकीन प्रभु नान सांगुळ नीदुरकु ईत्तुन अदकि नानी सामर्थ्य कोट्टुन, ताकी नान द्वारा पुरा पुरा प्रचार आगुल अदकि सप्पा गैरयहूदी लॉकुर केळ कोमुल. ना हुल्ल इन बाय देल बळिसकु आगीन. 18 अदकि प्रभु नानी हर ऊंद बुरा क्याल्सा देल बळिस्यान, अदकि तान स्वर्गीय राज्य दा उद्धार माळकु पोहचुस्यान. आऊन महिमा हमेशा हमेशा आगतेला ईरूल. आमीन.

आखरी अभिवादन

19 प्रसिका अदकि अक्वलिा अक अदकि उनेसफिरूस इन घराना अक नमस्कार. 20 इरास्तुस कुरनिथुस दा ईतोदुन, अदकि त्रुफमिस उक ना मलितुस दा बमिार आगा कारण बटिीन. 21 सोळीन दनि से पयले बरोद कोशशि माळ. यूबूलुस, अदकि पूदेस, अदकि लीनुस अदकि क्लौदयिा, अदकि सप्पा वशिवासी वारटुरद नीनी नमस्कार.

22 प्रभु नीन आत्मा अन सांगुळ ईरूल.

नीम मा अनुग्रह आगतेला ईरूल.

✧ 4:10 ४:१० कुलुससगिोळ ४:१४; फलिमोन १:२४; २ कुरनिथिदि:२३; गलातगिोळ २:३; तीतुस १:४ ✧ 4:11 ४:११ कुलुससगिोळ ४:१४; फलिमोन १:२४; प्रेरतिगोळ १२:१२,२५; १३:१३; १५:३७-३९; कुलुससगिोळ ४:१०; फलिमोन १:२४ ✧ 4:12 ४:१२ प्रेरतिगोळ २०:४; इफसिगिोळ ६:२१,२२; कुलुससगिोळ ४:७,८ ✧ 4:13 ४:१३ प्रेरतिगोळ २०:६ ✧ 4:14 ४:१४ तीमूथयुस १:२०; रोमयिों २:६ ✧ 4:19 ४:१९ प्रेरतिगोळ १८:२; २ तीमूथयुस १:१६,१७ ✧ 4:20 ४:२० प्रेरतिगोळ १९:२२; रोमयिों १६:२३; प्रेरतिगोळ २०:४; २१:२९

तीतुस के नाम पौलुस प्रेरति की पत्नी तीतुस उन हेसुर पौलुस प्रेरति उन चटिठी परिचय

तीतुस उन ईद कतिब पौलुस उन नाक चटिठी गोळ दा टु ऊंद आद यदरी मंडली इन बजाय यातारा मळसा अक संबोधति माळकु आगतद. दुसरा मुर चटिठी गोळ १ तीमुथयुस, २ तीमुथयुस अदकि फलिमोन ईव हुव. पौलुस तीतुस उक लखिसोन, लेकीन आव ईद भी लखिसदुन की ई चटिठी सार्वजनिकी रूप देल धोळद रीति देल वाचुसकु आगतद. नाव ईऊक अरू सकतेव यतकी आव ऊंद प्रेरति उन रूप दा तान लायकत हेळतान, जो की पौलुस पयले टु अच जानसोन. पौलुस शायद मसीह अन जनम इन बाददा ६३ से ६५ साल इन न्याड्या दा ई चटिठी लखिसीदुन.

पौलुस तीतुस उक करते मा जो मंडलीगोळ आव अऊर नेतृत्व माळोद नरिदेश कोटीदुन. पौलुस उपदेशकगोळ इक मंडली इन उपदेशगोळद चयन शक्ति मा नरिदेश कोळोर साटी ई चटिठी इक लखिसीदुन. आव तीमुथयुस उक तान चटिठी गोळ दा सारखा नरिदेश कोटान. आंदुर चटिठी दा वर्णन माळकु आग्याद की ह्यांग मंडली अन उपदेशकगोळी उच्च मानक इन साटी माळकु आग पायजे. मंडलीगोळ अदकि मंडली इन उपदेशकगोळी ईद नेतृत्व दा आ लॉकुर साटी जरूरी मानकगोळ मा सावधानी पूर्वक ध्यान कोळ पायजे.

रूप-रेखा

१. पौलुस यात्रीगोळ इक नयिकृत माळोर साटी तीतुस उक नरिदेश कोळतान १:१-१६
२. आव लॉकुरी भी ईश्वरीय जीवन जीऊसोर साटी प्रशक्ति माळोद नरिदेश कोळतान २:१-३:११
३. अनंत दा, पौलुस तान थवाळासा योजनागोळ इक साजा माळकु अदकि बधाई बातणी कळुकु चटिठी खतम माळतान ३:१२-१५

1 पौलुस उन दी टु जो परमेश्वर उन दास अदकि यीशु मसीह अनंद प्रेरति हुन.

नाम मंडली इन खरा ग्यान इन अगुवाई माळोर साटी कळुकु आग्याद अदकि सच्चाई इन पयचान जो भक्ति इन अनुसार आद, 2 आ अनन्त जीवन इन आशा मा यदुरद वादा परमेश्वर, जो खवाटा माताळालुन सनातन देल माळ्यान, 3 लेकीन सही समय मा तान वचन इक आ प्रचार इन द्वारा प्रगट माळदुन, जो नाम उद्धारकर्ता परमेश्वर उन आग्या अन अनुसार नानी सौप्सकु आग्याद.

4 *तीतुस उन हेसुर, जो विश्वास इन सहभागीता अनंद वचिर देल नान खरा पार हुन:

परमेश्वर आप्प अदकि नाम उद्धारकर्ता मसीह यीशु उन दी टु नीनी अनुग्रह अदकि शांती सकितेला ईरूल.

करते दा तीतुस उन कार्य

5 ना इदुरसाटी नीनी करते दा बटिकु बंददिन की नी मगिद मातगोळद सुधारन माळ्या, अदकि नान आग्या अन अनुसार नगर नगर स्याणागोळी नयिकृत माळ्या. 6 *जो नरिदोष अदकि ऊंदा हगिस उन गंळस ईरूल, यारोर चकिोर विश्वासी ईरूल, अदकि अनुशासन इन हनिता अनंद दोष आंदुर मा हचकु ईला आग सकुल तथा आंदुर नरिकुश भी ईरबाळुल. 7 यतकी मंडली इन अध्यक्ष उक परमेश्वर उन कार्य अन नरिक्षक आगा कारण आव नरिदोष ईर पायजे; आऊक ना हटीला, ना सटिट, या कुडावाळा, या झगळेले, या पैस्या अन लालची ईला ईर पायजे, 8 लेकीन पाऊनागोळद आदर माळावाळा, भलाई इक चाहसावाळा, संयमवाळा, न्याय माळावाळा, पवतिर अदकि सभ्यताशील ईरूल; 9 आऊक आ विश्वास माळा योग्य अदकि सदिधांतगोळ मा सयमत आगावाळा बातणी इक मजबूती देल हुडुकु ईर पायजे ई प्रकार आव लॉकुरी सही शक्ति कोटकु आंदरी प्रोत्साहति माळुल अदकि ईदुर दा सांगुळ जो ईदुर वरिधी आर आंदुरद खंडन माळ सकुल.

10 यतकी हापाळ सा लॉकुर नरिकुश, व्यर्थ माताळावाळेर अदकि ध्वाका कोळावाळेर आर; यककुल माळकु यहूदी दा टु बंदार. 11 ईद जरूरी आद की ईदुर बाय बंद माळ पायजे. यतकी ई लॉकुर नीच कमाई साटी अनुचति मातगोळी कल्सकु मानना अनंद मानना बगिळुस बुळतार. 12 आंदुर दा टु ऊंद करते नोर अच भविष्यवक्ता, तान लॉकुर बारा दा खुद अंदान, “करते अन नवासी हमेशा खवाटा माताळतार आंदुर आळी दाकळोद जनावर

आर अदकि आलसी व्हाट्टा तुमावाळेर आर.” 13 ईद गवाही सत्य आद, इदुरसाटी आंदरी कळकता देल चेतवनी कोळतोग की आंदुर वशिवास दा पक्का आगोगुल, 14 अदकि यहूदीगोळद कहानी कात्तागोळ अदकि आ मंळसागोळद आग्यागोळ मा मन हचबाळुल, जो सच्चाई इन हादी देल काळदोगतार. 15 शुद्ध लॉकुर साटी सप्पा वस्तुगोळ शुद्ध आव, लेकीन अशुद्ध अदकि अवशिवासीगोळ साटी येनु भी शुद्ध हैलेच, उलटा आंदुरद बुद्धी अदकि वविक येदुद अशुद्ध आव. 16 आंदुर अनतार की नाव परमेश्वर उक अरूतेव, लेकीन तान क्याल्सा देल आऊन इनकार माळतार; यतकी आंदुर बेकार अदकि आग्या ईला मानसावाळेर उर, अदकि यातोदु वळ्लीद क्याल्सा अन लायक हैलेच.

2

आचरण इन साटी सही शिक्षा

1 लेकीन नी ईत्ता मातगोळ अनतोग जो सही सदिधांतगोळ लायक आव. 2 मतलब हाळाबाट मंळसा शालीन, सचेत अदकि खुद नयित्तरति ईरूल, अदकि वशिवास दा मजबूत, प्यार अदकि धैर्य पुर्ण सहनशील ईरूल. 3 हांगा हाळामुंड आरतेरद चाल-चलन पवतिर लॉकुर घाई ईरूल; आंदुर नदिक आगबाळुल तथा अंगुर शयद या याल्ला अन्द लत आंदरी ईरबाळुल लेकीन वळ्लीद मातगोळ कलसावळतेर ईरूल. 4 ताकी आंदुर हारोदोर आरतेर इक चेतवनी कोळत ईरूल की तान गांडुर से अदकि चकिोर से प्यार ईटुल; 5 अदकि खुद नयित्तरति, पवतिर, अदकि मानना अन्द वळ्लीद व्यवस्था माळावळत, अदकि तान गांडु उन हात्ती ईरावळत ईरूल, ताकी यावारा भी परमेश्वर उन दी टु बरावाळा वचन इन अपमान ईला माळुल.

6 हगि अच हारोदोर मंळसागोळी भी समझुसतोग की खुद नयित्तरति आगुल. 7 सप्पा मातगोळ दा तान तान इक वळ्लीद आचरण इन नमुना माळ. नीन शिक्षा दा सफाई, गंभीरता, 8 अदकि हगि सच्चाई सकुल की यावारा अदुरद आलोचना माळ सकबाळुल, ताकी नीन वरिधी लज्जति आगुल यतकी आंदुर हात्ती नीन वरिधि दा अनली येनु ईरतीदील.

9 दासगोळी समजुस की तान-तान स्वामी इन सांगुळ ईरूल, अदकि सप्पा मातगोळ दा आंदरी खुश ईटुल, अदकि तरिगकु जवाब कोळबाळुल; 10 काळलपनी अदकि चालाकी माळबाळुल, लेकीन हर प्रकार देल पुरा वशिवासी होळुल की आंदुर सप्पा मातगोळ दा नाम उद्धारकर्ता परमेश्वर उन बारा दा शिक्षा अन शोभा वाळुसुल.

11 यतकी परमेश्वर उन अद अनुग्रह प्रगट आद, जो सप्पा मंळसागोळद उद्धार इन कारण आद, 12 अदकि अद अनुग्रह नामी कलसतद की नाव अभक्ति इन जीवन अदकि सांसारिक अभलिषागोळी त्यागस बुटेव अदकि खुद नयित्तरति, अदकि पवतिर अदकि भक्तमिय जीवन ईद दुनया दा माळेव. 13 अदकि धन्य आर आ आशा अन्द मतलब तान महान परमेश्वर अदकि उद्धारकर्ता यीशु मसीह अन्द महिमा अन्द प्रगट आगोद हादी काईत ईरूल. 14 *याव तान तान इक नाम साटी कोट बुट्टुन की नामी सप्पा प्रकार इन अन्याय देल बीळसुस बुळुल, अदकि नामी आऊंदा पवतिर लॉकुर माळुल अदकि वळलेव-वळलेव क्याल्सागोळ दा ईरूल.

15 तान पुरा अधिकार इन सांगुळ ई मातगोळ कलस, हयांग नी तान वरिधीगोळी दनकुसत्या अदकि प्रोत्साहति माळत्या. ताकी याऊ नीनी तुच्छ समसबाळुल.

3

मसीह चाल-चलन

1 लॉकुरी याद तोरस की शासक अदकि अधिकारीगोळ हात्ती ईरूल, अदकि आंदुरद आग्या मानसुल, अदकि हर ऊंद वळ्लीद क्याल्सा साटी तयार ईरूल, 2 आंदरी हेळ की यारदु बारा दा बुरा अनबाळुल, लेकीन शांती प्रयि अदकि संगीभाव देल ईरूल, अदकि सप्पा मुंदुर सांगुळ हमेशा शालीन व्यवहार ईटुल. 3 यतकी नाव भी पयले नरिबुद्धी, अदकि आग्या ईला मानसावाळेर, अदकि गलत ईरेव. अदकि अलग अलग प्रकार इन अभलिषागोळ अदकि सुखवलास इन गुलामी दा ईरेव, अदकि दुश्मनी भाव, अदकि जलनखोरी माळदुर दा जीवन व्यतीत माळतोगेव, अदकि बेकार ईरेव, अदकि आबुर दाबुर से दुश्मनी ईटतोगेव. 4 लेकीन याग नाम उद्धारकर्ता परमेश्वर उन करूणा अदकि प्यार प्रगट आत, 5 रा आव नाम उद्धार माळदुन; अदकि ईद वळलेव

कर्मगोळ वजह देल ईला, जो नाव खुद माळेव, लेकीन आऊन दया देल नामी उळसदुन पवतिर आत्मा अन द्वारा, जो नामी व्हाशोद जनम कोळतान अदकि शुद्ध माळकु व्हाशोद जीवन कोळतान. ⁶ परमेश्वर नाम मा पवतिर आत्मा अक उद्धारकर्ता यीशु मसीह अन द्वारा भरपुरी देल कोटान. ⁷ इदुरसाटी परमेश्वर नामी तान अनुग्रह अन द्वारा आऊन सांगुळ न्यायी ठहरूस्यान ताकी यार्द आशा नाव माळेव आ अनन्त जीवन इन उत्तराधिकारी इक हासलि माळ सक्केव.

⁸ ईद सही अनकु आग्याद, अदकि ना चाहासतीन किनी ई मातगोळद बारा दा हम्मिमत देल माताळ इदुरसाटी कियार परमेश्वर मा वशिवास माळ्यार, आंदुर वळ्लीद-वळ्लीद क्यालसागोळ दा हतकु ईरोद ध्यान ईटुल. ई मातगोळ वळलेव अदकि मंळसागोळद फायदा नव आव. ⁹ लेकीन मूर्खपन ईद वविदगोळ अदकि वंशावलीगोळ, अदकि वरिध अदकि झगळागोळ देल जो व्यवस्था अन्द बारा दा आद, रा ऊळदकु ईर; यतकी अव नष्फल अदकि व्यर्थ आव. ¹⁰ यावारा फूट हाकावाळा मंळसा अक कम से कम येदुद घन चेतावनी कोळ, अदकि बाक आऊन सांगुळ ज्यादा येनु माळबाळ. ¹¹ यतकी नीव जान्सतीर कि ईत्ता लॉकुर भ्रष्ट आगोग्यार अदकि आंदुर पाप आंदुरद गलत आगोद प्रमाण कोळताव.

व्यक्तगित नरिदेश अदकि अभविदन

¹² ✨याग ना नीन हात्ती अरतमिस या तुखकिस उक कळाईन रा नान हात्ती नकिपुलसि नगर दा बरोद कोशशि माळेत, यतकी ना अल्या सोळ कडोद तय माळीन. ¹³ ✨जेनास व्यवस्थापक अदकि अपुल्लोस उक कोशशि माळकु मुंद पोहचुस बुळ, अदकि नोळ कि आंदरी यातोदु चजि इन कमी आगबाळुल. ¹⁴ नाम लॉकुर भी वळलेव क्यालसा माळोर साटी समय तेगोद कलु पायजे ताकी जो जरूरी आद अदुरद पुरती आग सकुल ताकी आंदुर बेकार इन जीवन जीऊस बाळुल.

¹⁵ नान सप्पा साथीगोळद नीनी नमस्कार. जो वशिवास इन कारण नाम से प्यार ईटतार, आंदरी नमस्कार. नीम सप्पा मुंदुर मा परमेश्वर उन अनुग्रह आग्त ईरूल.

फलिमोन के नाम पौलुस प्रेरति की पत्री फलिमोन उन हेसुर पौलुस प्रेरति उन चटिठी परकिय

फलिमोन उन स्यांळ्द कतिाब प्रेरति पौलुस द्वारा लखिसकु आगीत. १:१ पौलुस जयल दा ईरोन, जब क् आव लखिसीदुन, यदुर मतलब आद क् आव शायद रोम टु ईऊक लखिसोन. अगर आव रोम दा ईरोन रा ईद मसीह अन जनम इन ६१ साल इन बाद्दा लखिसीदान, जो अदा समय हुन याग आव कुलुससयिों लखिसोन.

आव ईद चटिठी इक फलिमोन हेसुर इनव मंळसा अक लखिसीदुन. फलिमोन मंडली इन सदस्य अदकि मालकि भी ईरोन. पौलुस आऊन से केळदुन क् आव तान दास ओनेसमिस उक दंडति माळतीदील जो फलिमोन टु ओळेगीदुन. रोमन कानून द्वारा फलिमोन अदकि ओनेसमिस उक मृत्यु साटी ईटोद अधिकार ईरोद. पौलुस फलिमोन उक ऊंद मसीह वार्ट उन रूप दा ओनेसमिस उक स्वीकार माळोर साटी प्रोत्साहति माळोर साटी प्रेरति तर्कगोळ्द इस्तेमाल माळतान अदकि ईद भी सलाह कोळतान क् ओनेसमिस उक पौलुस १:१३-१४ उन सांगुळ स्यावा माळोद इजाजत कोटक आदीत.

रूप-रेखा

१. पौलुस फलिमोन उक नमस्कार कोळतान १:१-३
२. आग पौलुस ओनेसमिस उन दी टु केळतान क् फलिमोन आऊक ऊंद मसीह वार्ट उन रूप दा स्वीकार माळ्यान १:४-२१
३. पौलुस यात्रा माळली अदकि बधाई कळोद तान ईरादा अन घोषणा माळकु चटिठी खतम माळतान १:२२-२५

1 पौलुस उन दी टु जो मसीह यीशु उन कैदी आन, अदकि वार्ट तीमुथयिस उन दी टु नाम प्रयि सहकर्मी फलिमोन, 2 *अदकि आकतींग अफफिया, अदकि नाम संगी योद्धा अरखपिपुस अदकि फलिमोन उन मान्ना अन्द मंडली नव हेसुर:

3 नाम आप्प परमेश्वर अदकि प्रभु यीशु मसीह अन्द दी टु अनुग्रह अदकि शांती नीमी सक्ति ईरूल.

फलिमोन उन प्यार अदकि वशिवास

4 वार्ट फलिमोन, ना हमेशा परमेश्वर उन धन्यवाद माळतीन, अदकि तान प्रार्थनागोळ दा भी नीनी याद माळतीन, 5 यतकी ना नीन आ प्यार अदकि वशिवास इन चर्चा केळतीन, जो सप्पा परमेश्वर उन पवतिर लाँकुर सांगुळ अदकि प्रभु यीशु मा आद. 6 ना प्रार्थना माळतीन क् खुद वशिवास दा नीन सहभागी आगोद, नीम सप्पा भलाई इन पयचान दा, मसीह अन्द साटी प्रभावशाली ईरूल. 7 यतकी हे वार्ट, नानी नीन प्यार देल हापाळ खुशी अदकि शांती सक्याद, इदुरसाटी क् नीन द्वारा परमेश्वर उन पवतिर लाँकुरद मन वळ्लेव आगेग्याव.

उनेसमिस उन साटी नविदन

8 इदुरसाटी अगर नानी मसीह दा हापाळ साहस आद क् जो मात ठीक आद, अदुर आग्या नीनी कोळाईन. 9 तरी भी ना बाट्ट पौलुस उक जो ईग मसीह यीशु उन साटी कैदी आईन, ईद मात्त वळ्लीद जान्सकु आत क् प्यार देल वनिती माळाईन. 10 *ना तान चगिद उनेसमिस उन साटी, जो नान देल नान बंधन दा पैदा आग्यान, नीन से वनिती माळतीन. 11 आव रा पयले नीन येनु क्याल्सा नव ईला ईरोन, लेकीन ईग नीन अदकि नान येद्दु मुंदुरद हापाळ क्याल्सा नव आन.

12 आऊका मतलब जो नान दलि इन तुकळा हुन, ना नीन हात्ती वापस माळ बुटीन. 13 आऊक ना तान हात्ती इच ईटोद चाहासीन क् आव नीन दी टु ई बंधन दा जो खुशखबरी इन कारण आन, नान स्यावा माळुल. 14 लेकीन ना नीन इच्छा अन्द बगेर येनु भी माळोद चाहासीदलि, क् नीन ईद कृपा दबाव देल ईला लेकीन इच्छा देल आगुल

* 1:2 १:२ कुलुससगिळ ४:१७ * 1:10 १:१० कुलुससगिळ ४:९

15 यतकी शायद आव नीन से थ्वाळासा दनि साटी ईदा कारण अलग आदुन कि हमेशा नीन हात्ती ईरूल.
16 लेकीन ईगी टु दास उन घाई ईला उलटा दास से भी वळ्लेव प्रयि वार्ट उन घाई, मतलब ना रा आऊन से प्यार माळतीन, लेकीन नीव आऊक मंळसा अन नाता देल अदकि प्रभु उन नाता देल नान से यक्कुल प्यार माळी.

17 इदुरसाटी अगर नी नानी तान सहभागी सम्सत्या, रा आऊक ईत्ता प्रकार देल ग्रहण माळ ह्यांग नानी माळत्या. 18 अगर आव नीन येनारा नुकसान माळ्यान, या आऊन मा नांद येनारा कर्ज बरतद, रा नान हेसुर मा लखिस कोम. 19 ना पौलुस तान कय देल लखिसतीन कि ना खुद तुम कोळाईन; अदकि ईद अनोद येनु जरवत हैलेच कि नान कर्जा जो नीन मा आद आव नी अच हुय. 20 हे वार्ट, ईद खुशी नानी प्रभु दा नीन दी टु सक्याद. मसीह दा नान जीव इक हरिवा-गार माळ बुळ.

21 ना नीन आग्याकारी आगोद भरोसा ईटकु नीनी लखिसतीन, अदकि ईद जान्सतीन कि जो येनारा ना अनतीन, नी नान से यक्कुल माळ्या. 22 अदकि ईद भी कि नान साटी ठहरूसोद जागा तयार ईट. नानी आशा आद कि नीम प्रार्थनागोळ द्वारा ना नीमी कोटकु आगेगाईन.

आखरी अभिवादन

23 ✨इपफ्रास, जो मसीह यीशु दा नान सांगुळ कैदी आन, 24 ✨अदकि मरकुस अदकि अरसित्खुस अदकि देमास अदकि लूका जो नान सहकर्मी आर, ईदुर्द नीनी नमस्कार.

25 नाम प्रभु यीशु मसीह अन्द अनुग्रह नीम आत्मा मा आगतेला ईरूल. आमीन.

इब्रानियो के नाम पत्ती इब्रानगिळ हेसुर चट्ठी परिव्य

यीशु हाळोद नयिम इन हापाळ सा भवषियवाणीगोळी पुरा ह्यांग माळतान ईदा तोरसावाळा “इब्रानियो अन्द चट्ठी” ईद ऊंद धरिज कोळावाळा कतिाब हुन. ऊंद उपदेश देल इदुर रचना माळकु आग्याद. सप्पा भवषियवाणी अदकि स्याणा याजकगोळ्द जमिमेदारीगोळी यीशु ह्यांग पुरा माळदुन ईद सरलता देल तोरसावाळा ६० से यक्कुल हाळोद नयिम इन संदर्भ ई कतिाब दा आव. ईदा कारण देल ई कतिाब इक यहूदी मसीह लॉकुर साटी दलिासा कोळावाळा मान्सकु आग्याद. इदुर मुंद याजकगोळी यग्य माळोद जरवत हैलेच ईद व्यवस्था यीशु ह्यांग पुरा माळदुन ईद ई कतिाब दा स्पष्ट माळकु आग्याद. सप्पा पापगोळ साटी ऊंदा घन अदकि हमेशा हमेशा अन्द यग्य हगि यीशु आदुन. ई कतिाब देल नामी हगि समझ दा बरतद क्ति, यीशु मसीह, नामी परमेश्वर मा वशिवास माळोर साटी तयार माळतान. १२:२ ईदा रीति देल ई युग इन नाव मसीह वशिवासीगोळ साटी ई कतिाब दा धोळद दलिासा आद. नामी अदुर मा नरिभर ईर पायजे.

इब्रानियो अन्द चट्ठी याव लखिसदुन ईद नामी मालूम हैलेच तरी भी थ्वाळासा वधिवान लॉकुर मान्ना आद क्ति, ईद प्रेरति पौलुस, लूका या बरनबास ई परमेश्वर उन सेवकगोळ लखिसीदार. हांगा ईद कतिाब याग लखिसकु आग्याद ईद भी नामी मालूम हैलेच. तरी भी हापाळ सा वधिवान लॉकुर हगि मान्सतार क्ति, ईद मसीह अन्द जनम इन बाददा ७० वर्ष इन पयले लखिसकु आगीदाद. इदुर कारण हगि क्ति, याग यरूशलेम नगर ७० इन साल दा नाश माळकु आत तरी भी ई कतिाब दा यरूशलेम इन वर्णन ईत्ता प्रकार देल माळकु आग्याद, जसा क्ति अद नाश माळकु अच ईला आगीत. ईद कतिाब हापाळ सा मंडलीगोळ दा होगकु वाचुसकु आगीदाद. अद रोम नगर दा लखिसकु आगीत. १३:२४

रूप रेखा

१. लखिसावाळा हगि तोरसतान क्ति, यीशु ईव परमेश्वर उन सप्पा भवषियवक्ता अदकि स्वर्गदूत इंदुर से भी महान आन १:१-४:१३
२. इदुर बाददा आव ईद तोरसतान क्ति, जो याजकगोळ यरूशलेम इन मंदिर दा स्यावा माळतार आंदुर से भी यीशु महान आन ४:१४-७:२८
३. मूसा अक कोटकु आगीद आ आग्यागोळ द्वारा जो हाळोद व्यवस्था परमेश्वर तान लॉकुर से माळदुन अदुर से भी यीशु उन स्यावा महान आद ८:१-१०:३१
४. यीशु हर मात दा श्रेष्ट आन ईद स्पष्ट माळदुर बाददा लेखक हापाळ सा दनिचर्या अन्द व्यवहारगोळ बारा दा सुचना कोळतान १०:३२-१३:१७
५. आखरी दा थ्वाळासा बोध अदकि शुभेच्छा कोटकु लेखक ई चट्ठी इक खतम माळतान १३:१८-२५

परमेश्वर उन वचन, पार उन द्वारा

१ पयला अन्द युग दा परमेश्वर आप्प दादागोळ से थ्वाळा-थ्वाळा माळकु अदकि अलग-अलग देल भवषियवक्तागोळ द्वारा मातगोळ हेळदुन, ^२ ई आखरी दनिगोळ दा आव नाम से पार उन द्वारा मातगोळी हेळदुन, यारी आव सप्पा वस्तुगोळ्द वारीस ठहरूसदुन अदकि आऊंदा द्वारा परमेश्वर सप्पा दुनिया अन्द रचना माळयान. ^३ आव परमेश्वर उन महमिा अन्द ऊजुळ अदकि आऊन स्वरूप इन छाप हुन, अदकि सप्पा वस्तुगोळी तान सामर्थ्य अन्द वचन देल संभाळसतान. आव मंळसा जाती इन पापगोळी माफ माळकु स्वर्ग दा होगकु महामहमि परमेश्वर उन ऊमा कय दी होगकु कुरतुन;

परमेश्वर-पार उन महानता

^४ ई प्रकार पार स्वर्गदूतगोळ से महान माळकु आदुन, अदा प्रकार ह्यांग परमेश्वर आऊक स्वर्गदूतगोळ से वळ्लीद हेसुर कोट्टुन. ^५ यतकी परमेश्वर यातोदु भी स्वर्गदूतगोळ से हगि अंददिल, “नी नान पार हुय, ईद

ना नीन आप्प बनसीन.” अदकि ना यातोदु स्वर्गदूत से परमेश्वर ईद अंदुन, “ना नीन आप्प बनसाईन, अदकि नी नान पार बनस्या.”

6 अदकि याग परमेश्वर तान पयला पैदा आग्द पार उक दुनयिा दा कळुतान, रा आव अनतान, “परमेश्वर उन सप्पा स्वर्गदूत आऊंद उपासना माळुल.” 7 लेकीन स्वर्गदूतगोळ्द बारा दा परमेश्वर ईद अनतान, “आव तान दूतगोळी पवन, अदकि तान सेवकगोळी भळकुसुद बेक्की माळतान.” 8 लेकीन परमेश्वर पार उन बारा दा अनतान, “हे परमेश्वर, नीन सहिसन हमेशा हमेशा ईत्तीतः अदकि नीन शासन नीन लॉकुर मा न्याय इन सांगुळ आगतद. 9 नी सच्चाई से प्यार अदकि अन्याय से दुश्मनी ईट्द; ईद कारण परमेश्वर, नीन परमेश्वर, आनन्द इन याण्णा देल अभषिक माळदुर द्वारा नीन संगीगोळ से वाळुसकु नविळुसदुन.” 10 वचन ईद भी अनतद, “हे प्रभु, सुरूवात दा नी पृथ्वी इन पायवा हाक्द, अदकि स्वर्ग नीन कय इंद कारीगरी हुन. 11 अव रा नाश आगेदव, लेकीन नी हांगा ईत्या; अदकि अव सप्पा फळक्यागोळ घाई कंदुसेदाव, 12 अदकि नी अवरी चादर इन घाई गुंडस्या, अदकि अव फळक्यागोळ घाई बदलुसेदवः पर नी हांग अच बन्सकु ईत्या अदकि नीन जीवन इन अनत् आगतीदील.” 13 अदकि स्वर्गदूतगोळ दा टु परमेश्वर यार से याग अंदुन, “नी नान ऊम्मा कय दी कुर, यागासताका कनि ना नीन दुश्मनगोळी नीन कालगोळ्द ल्यालमा अन्द पाळ्सी माळ कोमालीन?” 14 येन स्वर्गदूत अव आल्लच, जो आत्मागोळ परमेश्वर उन स्यावा अदकि आऊन द्वारा उद्धार ताकोमावाळेर इक मदत माळोर साटी कळुकु आग्याव.

2

महान उद्धार

1 ई कारण पायजे कनि जो सत्य मातगोळी नाव केळेव, अदकि यक्कुल अच सावधानी देल अऊर मा मन हची, हगि आगबाळुल कवाहुसकु अऊर से दुर होटोगुल. 2 यतकी जो बातणी स्वर्गदूतगोळ द्वारा नाम पुर्वजगोळी कोटकु आत अद खरा ठहरूस्त, यार आंदुर उल्लंघन माळदुर आंदरी दण्ड प्राप्त आत यदुर आंदुर लायक ईरोर. 3 अगर नाव ईद महान उद्धार मा ध्यान कोटीदील रा नाव ह्यांग उळु सकतेव? यदुर चर्चा पयले पहल प्रभु उन द्वारा आत, अदकि यार केळदुर आंदुर नामी ईद साबति माळदुर कनि अद उद्धार खरा आद. 4 अदकि सांगुळ अच परमेश्वर भी तान इच्छा अन्द अनुसार चमत्कारगोळ, अदकि अदभुत क्याल्सागोळ, अदकि अलग प्रकार इन सामर्थ्य इन क्याल्सागोळ, अदकि पवतिर आत्मा अन्द वरदानगोळी वाट्सदुर द्वारा इदुरद गवाही कोळतेला ईत्तुन.

उद्धार इन मार्गदर्शन

5 परमेश्वर आ बरावाळा दुनयिा अक यदुर चर्चा नाव माळतेव, स्वर्गदूतगोळ हात्ती माळीदलि. 6 *बल्की यावारा शास्त्र दा ईद गवाही कोटान,

“मंळसा येन हुन कनि आऊक याद माळत्या?

या मंळसा येन हुन कनि आऊंद चति माळत्या?

7 नी आऊक स्वर्गदूतगोळ से थवाळासा अच गोरत माळ्द;

नी आऊन मा महिमा अदकि आदर इन मुकुट ईट्द,

8 अदकि आऊक तान कयगोळद क्याल्सागोळ मा अधिकार कोट्ट

नी सप्पा आऊन कालगोळ ल्यालमा माळ्द.”

इदुरसाटी याग आव सप्पा येनारा आऊन हात्ती माळ कोंडुन, रा आव येनु भी बर्तीदलि जो आऊन हात्ती ईला ईरोद. लेकीन ईग नाव सप्पा येनारा वस्तु आऊन हात्ती नोळालेव. 9 लेकीन नाव यीशु उक जो स्वर्गदूतगोळ से थवाळासा कम माळकु आगीदुन, मृत्यु उन दुख नेगदुर कारण महिमा अदकि आदर इन मुकुट हाक्कु नोळतेव, ताकी परमेश्वर उन अनुग्रह देल आव हर ऊंद मंळसा अन्द साटी सायुल.

10 ईद परमेश्वर उन साटी वळ्लीद हत्त याव सप्पा मातगोळी माळदुन अदकि संभाळ्सकु ईट्दुन, यीशु उक भी यातनागोळ द्वारा परपिर्ण माळ पायजे ताकी हापाळ सा चकिोर आऊन महिमा दा भागी आगुल. यतकी यीशु अच आव ऊंद हुन जो आंदरी उद्धार इन दी ओयतान. 11 यतकी लॉकुरी आंदुर पापगोळ से पवतिर माळतान अदकि आंदुर येदुदु पवतिर माळकु आग्यार, सप्पा मुंदुरव आप्प ऊंद अच आन, इदुरसाटी यीशु आंदरी तान वार्दुर

अनोर से नाचालुन. 12 *आव परमेश्वर से अनतान, “ना तान वार्टुर अदकि आकतींगेर न्याड्या दा नींद हेसुर इन प्रचार माळाईन; सभा अन्द न्याड्या दा ना नींद प्रशंसा माळाईन.” 13 अदकि आव ईद भी अनतान, “ना तान भरोसा परमेश्वर मा ईटाईन. अदकि अनतान, ना ईल परमेश्वर उन कोळ्द चकिोर सांगुळ आईन,”

14 इदुरसाटी याग क्पारगोळ मास अदकि रक्ता अन्द भागी आर, रा यीशु खुद भी आंदुर घाई आंदुर सहभागी आगेदुन, ताकी मृत्यु उन द्वारा शैतान उक नाश माळ सकुल मतलब यार हाती मृत्यु उन शक्ति आद; 15 ईदा रीति देल आ मंळसागोळी मुक्त माळकोमी यार्द जीवन मृत्यु उन अंजक इन मारा गुलामी या दासत्व दा ईरोर. 16 यतकी ईद स्पष्ट आद क्पि आव रा स्वर्गदूतगोळ इक ईला बल्की अब्राहम उन वंश इन सहायता माळतान. 17 ई कारण आऊक चाहसोद ईरोद, क्पि सप्पा मातगोळ दा तान वार्टुरगोळ घाई बनसुल; यदुर देल आव आ मातगोळ दा जो परमेश्वर देल संबंध ईटतद, ऊंद दयालु अदकि वशिवासलायक महायाजक बनसुल ताकी लॉकुरद पापगोळ साटी प्रायश्चिती माळुल. 18 यतकी याग आव परीक्षा अन्द दशा दा दुख नेगदुन, रा आव आंदुर भी मदत माळ सकतान यार्द परीक्षा आगतद.

3

यीशु मूसा से महान आन

1 इदुरसाटी हे मसीह वार्टुरा अदकि आकतींगेरा, नीव जो परमेश्वर उन द्वारा कारूकु आगरि नीव तान ध्यान यीशु मा हचकु ईटी यारी परमेश्वर प्रमुख याजक माळोर साटी कळुकु आगीदुन, आ अदुर मा नाव तान कबुली कोळतेव. 2 आव याव आऊक नविळुस्यान आ परमेश्वर उन प्रती वशिवासलायक ईरोन, ठीक हांगा ह्यांग मूसा तान क्यालसा अन प्रती परमेश्वर उन घराना दा वशिवासलायक ईरोन. 3 ह्यांग भवन इन नरिमाण माळावाळा अक खुद भवन से यक्कुल आदर सकितद, हांग अच यीशु मूसा से यक्कुल आदर इन पात्र मानसकु आदुन. 4 यतकी हर ऊंद मान्ना अन्द यावारा ना यावारा माळावाळा ईरतान, लेकीन परमेश्वर रा सप्पा वस्तु उन माळावाळा हुन. 5 मूसा रा परमेश्वर उन मान्या सेवक घाई वशिवासलायक ईरोन, अदकि आव अव मातगोळी अंदुन जो भवषिय दा परमेश्वर उन द्वारा अंदकु आगोव ईरव. 6 लेकीन मसीह पार आगा नाता देल परमेश्वर उन मान्या वशिवासलायक आन. अदकि आऊन मान्ना नाव हुयेव, अगर नाव नाम साहस अदकि यदुर मा नाव घमण्ड माळतेव आ आशा मा मजबूती देल स्थरि ईरूल.

परमेश्वर उन लॉकुरी आराम

- 7 इदुरसाटी ह्यांग पवतिर आत्मा अनतद,
“अगर ईद परमेश्वर उन आवाज केळी,
8 रा तान मन इक कठोर माळबाळेतीर,
ह्यांग कनिमोर पुर्वजगोळ याग आंदुरद मरूस्थल दा परीक्षा आगोद
परमेश्वर उन खलिाप बगावत माळीदुर.
9 परमेश्वर अनतान क्पि अल आंदुर नांद परीक्षा माळदुर अदकि परखुसदुर,
अदकि नान क्यालसागोळी नोळदुर
यवरी ना चालीस साल टु माळतेला बरेतीन.”
10 ईद कारण ना आ समय इन लॉकुर से सट्टि दा ईत्तीन,
अदकि अंदीन, “इंदुर मन हमेशा टु अच अप्रामाणकि आव
अदकि नान आग्या अक ठुकूरसतार.”
11 *इदुरसाटी ना सट्टि दा बंदकु करिया तदिन,
“इदुरसाटी येल ना आंदरी आराम कोळाईन
आ जागा दा आंदुर यागलु होग सकतीदलि.”

12 हे वार्टुरा अदकि आकतींगेरा, सावधान ईरी क्पि नीम दा ईत्ता बेकार अदकि अवशिवासी मन आगबाळुल, जो नीमी जित्ता परमेश्वर से दुर ओयुल. 13 लेकीन ईदुर बदला यागासताका ईद “ईद इन दनि” अनकु आगतद, नीव हर दशी आबुर दाबुर इक धीरज कोळतेला ईरी, ताकी नीम दा टु यावारा भी पाप दा भरमुसकु ईला आगुल,

अदकि ना कठोर आगोगुल. 14 अगर नाव आखरी ताका मजबूती इन सांगुळ तान सूरुवात इन आत्मवश्वास इक हुडुकु ईरतेव रा नाव मसीह अन भागीदार बनसेगतेव. 15 *ह्यांग शास्त्र अनतद, “अगर ईद नीव परमेश्वर उन आवाज केळीर, रा तान मन इक कठोर माळबाळेतीर, ह्यांग क्ति बगावत इन दनिगोळ दा नीम पुर्वजगोळ माळीदुर.”

16 भला आंदुर या लॉकुर ईरोर यार परमेश्वर उन आवाज केळदुर अदकि आऊन खलिाप बगावत माळदुर? येन आंदुर आ लॉकुर ईला ईरोर, यारी मूसा मसित्तर दा टु उळसकु तेगदीदुन? 17 अदकि परमेश्वर चालीस वर्ष ताका याता लॉकुर से सट्टि दा ईत्तुन? येन आंदुर से अच ईला यार पाप माळदुर, अदकि आंदुर लाश मरूस्थल दा बदिक् इत्तव? 18 अदकि परमेश्वर याता लॉकुर साटी करिया तदिन क्ति नीव नान आराम इन जागा दा प्रवेश माळ सकतीदलि? येन आंदुर ई लॉकुर आल्लच यार आऊन आग्या मान्सीदील? 19 इदुरसाटी नाव नोळतेव क्ति आंदुर अवश्वास इन कारण अच आ जागा दा प्रवेश माळ सकदील.

4

1 इदुरसाटी याग क्ति परमेश्वर उन आराम इन जागा दा प्रवेश माळोद प्रतगिया ईगासताका ताका आद, रा नामी ध्यान ईट पायजे हगि आगबाळुल क्ति नीम दा टु यावारा जन आऊन से वंचति ईतोगुल. 2 यतकी नाव खुशखबरी केळदेव ह्यांग आंदुर केळीदुर, लेकीन जो बातणी आंदुर केळीदुर आंदुर साटी येनु कमित ईला ईरोद, यतकी याग आंदुर अदरी केळदुर रा ईदरी वश्वास इन सांगुळ स्वीकार माळीदलि. 3 नाव जो वश्वासी आयेव, आ आराम इक यदुरद परमेश्वर प्रतगिया माळीदुन अदरी नाव प्राप्त माळतेव. ह्यांग क्ति परमेश्वर अंदान, “ना सट्टि दा ईदुर मा करिया तनिकु अंददिन आंदुर यागलु नान आराम इन जागा दा शामलि आग सकतीदलि.” आव ईद अंददिन, याग क्ति दुनिया अनंद रचना माळदुर बाददा आऊन क्थालसा पुरा आगेगीत. 4 यतकी सातवा दनि इन बारा दा येल्यारा तरी शास्त्र दा आद, “अदकि बाक सातवा दशिी तान सप्पा क्थालसागोळ माळकु परमेश्वर आराम माळदुन.” 5 अदकि ई संदर्भ दा आव मात्त अनतान, “आंदुर नान आराम इन जागा दा यागलु प्रवेश माळ सकतीदलि.” 6 यार पयले खुशखबरी केळदुर आंदुर आ आराम इक प्राप्त माळ सकदील यतकी आंदुर वश्वास ईला माळीदुर. लेकीन दुसरा अन साटी आराम इन दरवाजा ईगलु तेरकु आव. 7 *इदुरसाटी परमेश्वर बाक ऊंद वशिष दनि नश्चिती माळदुन अदकि अदरी अनकु आत “ईद इन दनि.” थ्वाळासा साल इन बाददा दाऊद उन द्वारा परमेश्वर आ दनि इन बारा दा शास्त्रगोळ दा हेळीदुन यदुरद उल्लेख शास्त्र पयले टु अच माळतद, “अगर ईद नीव परमेश्वर उन आवाज केळीर, ह्यांग पयले अंदकु आग्याद, रा तान मन इक कठोर माळबाळी.”

8 अगर यहोशू आंदरी आ आराम इन जागा दा ओयायदुन यदुरद परमेश्वर प्रतगिया माळीदुन, रा परमेश्वर बाददा यातोदु दुसरा दनि इन बारा दा ईला अनायदुन. 9 रा जो भी आगुल, ह्यांग परमेश्वर सातवा दनि दा आराम माळतान हांग अच परमेश्वर उन लॉकुर साटी अल ऊंद आराम मक्कि आद. 10 यतकी जो यावारा भी परमेश्वर उन प्रतगिया माळद आराम दा प्रवेश माळतार, आंदरी तान कर्म इन अनुसार अदुर दा आराम सक्कीत हांग अच ह्यांग परमेश्वर उक तान क्थालसागोळ से आराम सकियाद. 11 इदुरसाटी बरी ईग नाव भी आ आराम इक हासलि माळोर साटी पुरा रीतदिेल कौशशि माळाता, ताकी हगि आगबाळुल क्ति नाम न्याड्या दा टु यावारा भी अदरी हासलि माळदुर दा असफल आगबाळुल ह्यांग आंदुर तान वश्वास इन कमी इन द्वारा आगीदुर.

12 यतकी परमेश्वर उन वचन जत्तिता, क्रियाशील, अदकि हर ऊंद दोधारी तलवार से भी हापाळ तेज आद; अदकि हर जीव आत्मा अक, अदकि जोळ-जोळ इक ब्यारर माळकु आर-पार गड्डा माळतद अदकि मन इन इच्छागोळ अदकि वचिारगोळद न्याय माळतद. 13 अदकि दुनिया अनंद यातोदारा भी वस्तु परमेश्वर उन नजर देल होचकोमकु हैलेच, आऊन कण्णगोळ मुंद यारी नामी लेखा जोखा कोळोद आद हर वस्तु बीना यातोदु आवरण इन तेरकु आद अदकि येनु अच ओझल हैलेच.

यीशु महान महायाजक

14 इदुरसाटी याग नामव ईत्ता धोड्डेव महायाजक आन, जो स्वर्ग दा टु आगकु होग्यान, मतलब परमेश्वर उन पार यीशु, रा बरी, तान वश्वास इक जो नाव प्राप्त माळेव मजबूती देल हुडुकु ईत्तेव. 15 यतकी नामव जो महायाजक आन आव हगि हैलेच क्ति जो नाम कमजोरीगोळ सांगुळ सहानुभुती ईट सक्यान, आऊक हर प्रकार देल हांगा परखुसकु आत ह्यांग नामी लेकीन आव हमेशा पाप रहति ईत्तुन. 16 रा बाक बरी, नाव आत्मवश्वास

इन सांगुळ अनुग्रह ताकोमोर साटी परमेश्वर उन सहिसन दी वाळुसेव ताकी जरवत बीळदुर मा नाम सहायता अन साटी नाव दया अदकि अनुग्रह अक हासलि माळ सक्केव.

5

1 हर ऊंद महायाजक मळसागोळ दा टु अच नविळुस्कु आगतान, अदकि लॉकुरद प्रतनिधीत्व माळोर साटी परमेश्वर इन स्यावा साटी नयिक्ती माळकु आगतद ताकी आव पापगोळ साटी भेंट अदकि बलदान येरसुल. 2 यतकी खुद भी हापाळ रीर्ता देल कमजोरी इन हातती आन इदुरसाटी आव अग्यानीगोळ अदकि भुला भटका लॉकुर सांगुळ कोमलता देल व्यवहार माळ सकतान. 3 इदुरसाटी आऊक पायजे क्हायांग लॉकुर साटी हांग अच तान साटी भी पाप-बली येरसुल. 4 ईद मुख्य याजक आदर इन पद याऊ तान तान इक नविळुस्कु ताकोमालुन, याग क्हाहारून उन घाई परमेश्वर उन दी टु ठहरूसकु आगालुन.

5 हांग अच मसीह भी महायाजक आगोद आदर तांदुर देल ग्रहण माळीदील, बल्की परमेश्वर आऊन से अंदुन “नी नान पार हुय, अदकि ईद ना नीन आप्प बनसीन.” 6 ईदा प्रकार आव दुसरा जागा दा भी अनतान, “नी मलकिसिदिक इन रीर्ता मा हमेशा साटी याजक आय.”

7 यीशु तान शरीर दा ईरोद दनिगोळ दा धोळ्द शब्द दा वर्ल-वर्लकु अदकि कण्ण इन नीर वाहुसकु आऊन से जो आऊक मृत्यु देल ऊळ्स सकोन, प्रारथना अदकि वनिती माळदुन, भक्ति अदकि नम्रता अन कारण परमेश्वर आऊन केळदुन. 8 लेकीन अगर आव परमेश्वर उन ईरोन तरी भी दुखगोळ झेलसतेला आव आग्या अन पालन माळोद कलतुन. 9 अदकि सद्धि बन्सदुर मा, तान सप्पा आग्या मानसावाळेर साटी अनन्त काल इन उद्धार इन स्त्रोत बन्सेदुन, 10 अदकि आ परमेश्वर उन दी टु मलकिसिदिक इन रीर्ता मा महायाजक बनस्कु आदुन.

वशिवास देल भटकुसकु होगोद वरिध दा चेतावनी

11 इदुर बारा दा नामी हापाळ सा मातगोळ माताळोव आव, लेकीन यऊर्द वर्णन माळोद कठनि आद, यतकी नीव समसदुर दा हापाळ धीरा आईर. 12 वास्तव दा ई समय ताका रा नीमी शक्ति आगोद हुन, तरी भी ईद जरूरी आगोद्याद क्हायवारा नीमी परमेश्वर उन वचनगोळ्द शक्ति सूरवात टु मातत कलसुल. नीव रा हगि आगोदीर क्हा नीमी ठोस भोजन इन बदला ईग भी हाल अच पायजे. 13 यतकी जो हाल कुडुतान आव चग्दि अच आन अदकि आऊक सही गलत इन येनु अनुभव ईराल. 14 लेकीन ठोस भोजन स्याणागोळ साटी आद, आव याव तान अनुभव देल वळ्दीद अदकि बुरा अन्द ग्यान माळोद कलतोग्यान.

6

1 इदुरसाटी बरी मसीह अन सूरवात इन स्तर शक्ति अक सूरवात इन मातगोळी बटिकु नाव सद्धिता दी मुंद वाळुसतेला होगता, मृत्यु उन अगुवाई माळोर द्वारा प्रायश्चित्ति इन पायवा मात हाकबाळुल, अदकि परमेश्वर मा वशिवास माळोद, 2 बपतस्मा अन्द शक्ति अदकि म्याकुच कयगोळी ईटोद, अदकि सोत्तुर दा टु जित्ता आगोद, अदकि अनन्त न्याय ताका. 3 अगर परमेश्वर चाहास्यान रा नाव ईदा माळोव.

4 जो लॉकुर तान वशिवास इक त्याग्स बुळतार आंदरी मात पश्चाताप माळोर साटी ह्यांग तनकु आग सकतद, आंदुर ऊंद घन परमेश्वर उन प्रकाश दा ईरोर, आंदुर स्वर्ग इन उपहार नेकदुर अदकि पवत्ति आत्मा अन्द तान हसिसा हासलि माळदुर, 5 अदकि परमेश्वर उन वळ्दीद वचन इन अदकि बरावाळा दुनिया अन सामर्थ्य अन अदकि आंदुर परमेश्वर उन वचन याट वळ्दीद आद ईदुरद अनुभव माळ्यार. 6 अगर आंदुर आंदुरद वशिवास देल भटकुसेदार रा आंदरी मन तरिगुसोर साटी मातत वापस तरोद असंभव आद; यतकी आंदुर परमेश्वर उन पार उक मातत क्रूस मा येरसतार, तथा आऊक सार्वजनिक रूप देल अपमान इन वषिय बन्सतार.

7 आ धरती जो हमेशा बळिवाळा बरसात इन नीर इक सोक्स बुळतद, जो जोतसावाळेर अदकि बोऊसावाळेर साटी उपयोगी फसल प्रदान माळतद, अद मुण्ण परमेश्वर से आशीष ताकोमतद. 8 लेकीन आ धरती मुळ्ळ अदकि घासपुस पैदा माळतद, रा अद बेकार इन आद अदकि अद परमेश्वर उन दी टु श्रापति आगदुर मा आद अदकि अदुरद अन्त होताक्कु आगोद हुन.

9 हे प्रयि संगीगोळा, नाव भला ईत्ता प्रकार इन मातगोळ चाहसतेव लेकीन नीम बारा दा नामी ईदुर से भी वळ्दीद मातगोळ्द आत्मवशिवास आद अव मातगोळ जो नीम वशिवास से जुळ्सकु आव. 10 नीव परमेश्वर उन

लॉकुरद लगातार मदत माळतेला जो प्यार तोरसीर, अदरी अदकि नीम दुसरा क्याल्सागोळी परमेश्वर यागलु मारूतीदलि, आव अन्यायी हैलेच. 11 नाव चाहसतेव की नीम दा टु हर ऊंद आखरी ताका हगि अच मेहनत माळतेला ईरूल, ताकी नीव नश्चय अदरी हासलि माळ सकीर यदुरद नीव आशा माळतेला ईतीर. 12 नाव चाहसालेव की नीव आलसी आगेगी, बल्की आंदुरद अनुकरण माळी जो वश्वास अदकि धीरज इन सांगुळ आ वस्तुगोळी हासलि माळेत्यार यऊरद परमेश्वर प्रतगिया माळ्यान.

परमेश्वर उन अटल प्रतगिया

13 परमेश्वर अब्राहम से प्रतगिया हाळाहोती याग करिया तीनोर साटी यारीकु तान से धोड्डेव नोळीदील, रा तांद अच करिया तदिन, 14 अदकि अंदुन “ना सही दा नीनी हापाळ आशीष कोळाईन, अदकि नीनी अनेक वंशज कोळाईन.” 15 अदकि ईतता रीता दैल अब्राहम धीरज हुडुकु परमेश्वर उन माळ्द प्रतगियागोळी हासलि माळदुन. 16 मंळसा रा तान से यातारा धोड्डेव मंळसा अन करिया तीनतार, अदकि अद करिया सप्पा तर्क वरितकगोळ्द अन्त माळकु जो येनारा अंदकु आगतद, अदरी पक्का माळ बुळतद. 17 परमेश्वर उन माळ्द प्रतगिया अक हासलि माळावाळेर इक परमेश्वर स्पष्ट माळकोमोद चाहासतान की आव तान उद्देश इक यागलु बदलुसालुन इदुरसाटी आव तान प्रतगिया अन सांगुळ तान करिया अक जोळ्स बुट्टुन. 18 ईल येढ्ढ मातगोळ आव आऊन प्रतगिया अदकि आऊन करिया जो यागलु बदलुस सकालव, अदकि यऊर बारा दा परमेश्वर यागलु ख्वाटा माताळ सकालुन. इदुरसाटी नाव जो परमेश्वर उन हात्ती सुरक्षा ताकोमोर साटी बंदेव, अदकि जो आशा आव नामी कोटान अदरी हुडुकु हापाळ उत्साहीत आयेव. 19 अद आशा नाम जीव इन साटी ईतता लंगर आद जो स्थरि अदकि मजबूत आद, अदकि परदा अन बुळ्क इन पवतिर जागा ताका पहुचुसतद, 20 यल यीशु नाम दी टु नाम से पयले प्रवेश माळदुन, अदकि मलकिसिदिक इन परंपरा दा हमेशा हमेशा साटी प्रमुख याजक बनसेदुन.

7

मलकिसिदिक याजक

1 ईव मलकिसिदिक शालेम इन राजा ईरोन, अदकि परमप्रधान परमेश्वर उन याजक ईरोन. याग अब्राहम नाक राजागोळी युद्ध दा पराजीत माळकु वापस आगोन आग मलकिसिदिक अब्राहम उक सकिदुन अदकि आऊक आशीष कोट्टुन. 2 अदकि अब्राहम आ सप्पा दा टु जो आव युद्ध दा जीकसीदुन अदुरद दसवा हसिसा कोट्टुन. मलकिसिदिक उन हेसुर इन पयला मतलब आद न्यायीपन इन राजा, अदकि अदुरद ईद भी मतलब आद, “शालेम उन राजा” मतलब “शांती इन राजा.” 3 यार आप्प, मोय, अदकि पुर्वजगोळ्द यातोदु इतहास सकाल, आऊन जनम या मृत्यु उन भी यातोदु उल्लेख हैलेच; लेकीन परमेश्वर उन पार उन घाई इच हमेशा अन साटी याजक बनसकु ईरतान.

4 थ्वाळासा वचारि माळी की आव याट महान ईरोन यारी कुलपती अब्राहम युद्ध दा हासलि माळ्द माल इन दसवा हसिसा कोट्टुन. 5 अदकि लेवी इन वंशज दा टु जो याजक इन पद हासलि माळतार, आंदरी व्यवस्था अन अनुसार आग्या सकियाद की इस्राएल इन लॉकुर से मतलब तान खुद इन लॉकुर से, दसवा हसिसा ताकोम बाक आंदुर अब्राहम उन वंशजगोळ्द भी वंशज येती आगबाळुल. 6 लेकीन मलकिसिदिक, जो लेवी वंशज दाकळव भी ईला ईरोन, अब्राहम से दसवा हसिसा ताकोडुन, अदकि आ अब्राहम उक आशीषगोळ कोट्टुन यार हात्ती परमेश्वर उन प्रतगियागोळ ईरव. 7 इदुरदा येनु शक हैलेच की जो आशरिवाद कोळतान आव आरशवादि ताकोमावाळा से धोड्डेव ईरायदुन. 8 यल ताका लेवीगोळ सवाल आद आंदुर दा दसवा हसिसा आ मंळसागोळ द्वारा संघरूसकु आगतद जो मंळसागोळ सायतार लेकीन मलकिसिदिक उन यल ताका सवाल आद दसवा हसिसा आऊन द्वारा संघरूसकु आगाईत जो शास्त्र अन अनुसार ईंग भी जतिता आन. 9 रा नाव ईद भी अन सकेतेव की लेवी भी, जो दसवा हसिसा ताकोमतान, अब्राहम उन द्वारा दसवा हसिसा कोट्टुन. 10 यतकी याता समय मलकिसिदिक अब्राहम से भेट माळीदुन, आग रा लेवी इन जनम भी ईला आगति आव रा तान पुर्वजगोळ्द शरीर दा ईरोन.

11 अगर लेवी याजकता अन परंपरा अन द्वारा संपुर्णता हासलि माळकु आग सकोद रा यावारा दुसरा याजक उन बरोद अच येन जरवत ईरोद? यतकी ईदुर दा आधार मा लॉकुरी व्यवस्था भी कोटकु आगति, ऊंद हगि याजक उन येन जरवत ईरोद जो मलकिसिदिक उन परंपरा नव ईरूल ना की हारून उन परंपरा नव. 12 यतकी याग याजक उन पद बदलुसेगतद, रा व्यवस्था अन भी बदलुसोद जरूरी आद. 13 यतकी नाम प्रभु उन बारा दा ईव

मातगोळ अनकु आगताव क्वाव दुसरा गोत्र इनव हुन, यार गोत्र दा टु याऊ याजक उन रूप दा वेदी इन स्यावा माळीदलि, ¹⁴ रा प्रगट आद क्वा नाम प्रभु यहूदा अन गोत्र दा टु पैदा आग्यान, अदकि ई गोत्र अन बारा दा मूसा याजक पद इन येनु चर्चा माळीदलि.

मलकिसिदिक उन घाई दुसरा याजक

¹⁵ नाम दावा मात्त स्पष्टता देल प्रगट आगेतद, याग मलकिसिदिक उन घाई दुसरा याजक पैदा आगतान, ¹⁶ जो शारीरिक आग्यागोळ अन नयिमगोळ अनुसार ईला, लेकीन अवनिशी जीवन इन सामर्थ्य अन अनुसार याजक बनस्यान. ¹⁷ यतकी शास्त्र अनतद, “नी मलकिसिदिक उन रीतमा युगानुयुग याजक आय.” ¹⁸ पयला नयिम इदुरसाटी रद्द माळकु आत, यतकी अद कमजोर अदकि व्यर्थ ईरोद. ¹⁹ इदुरसाटी क्वा मूसा अनद व्यवस्था यारीकु पुरा सिद्ध माळ सकदील. अदकि ईंग आऊन जागा मा ऊंद हगि वळ्ळीद आशा ईटकु आग्याद यदुर द्वारा नाव परमेश्वर उन हात्ती होग सकतेव.

²⁰ मसीह अन नयिकृती परमेश्वर उन करिया अनद द्वारा आत लेकीन दुसरा अक बनि करिया अनद अच याजक माळकु आगीत.

²¹ *लेकीन यीशु आग ऊंद करिया देल याजक बन्सीदुन, याग परमेश्वर आऊन से अंददिन, “प्रभु करिया तदिान अदकि आव तान मन यागलु बदलुसतदील, ‘नी हमेशा साटी याजक बन्सकु ईत्या.’”

²² ई करिया अन कारण यीशु मात्त ऊंद वळ्ळीद वाचा अनद हमी बनसेदुन.

²³ ईंग नोळी, हगि हापाळ सा याजक ईरतोगोर लेकीन आंदरी मृत्यु आंदुर पदगोळ मा कायम ईर गोटीदील, ²⁴ लेकीन यीशु अमर आन, अदकि आऊन याजक इन क्वाल्सा हमेशा हमेशा साटी बन्सकु ईरोदाद. ²⁵ इदुरसाटी जो आऊन द्वारा परमेश्वर उन हात्ती बरतार, आव आंदुर पुरा रीतदिल उद्धार माळदुर दा समर्थ आन यतकी आव परमेश्वर से आंदुर साटी वनिती माळली हमेशा जतिता आन.

²⁶ हगिा महायाजक नाम जरवतगोळी पुरा माळ सकतान. आव पवतिर आन, आव नरिदोष आन अदकि आऊन दा यातोदु पाप हैलेच, आव पापीगोळ से भी ब्यार माळकु आग्यान, अदकि स्वर्ग से भी आऊक म्याकुच नेगुकु आग्याद. ²⁷ आ दुसरा महायाजकगोळ घाई आऊक जरूरी हैलेच क्वा हर रोज पयले तान पापगोळी अदकि बाक लॉकुर पापगोळ साटी बलदिान येर्सुल; यतकी आव तान तान इक बलदिान येर्सकु अदरी ऊंद अच घन दा पुरा माळ कौडुन. ²⁸ मूसा अनद व्यवस्था मळसागोळी जो पुरा हैलेच आंदरी महायाजक नयिकृत माळतद, लेकीन परमेश्वर उन प्रतगिया आऊन करिया अन सांगुळ बन्सकु आग्याद ईद प्रतगिया व्यवस्था अनद बाददा बंदाद अदकि ई प्रतगिया प्रमुख याजक उन रूप दा पार उक नयिकृत माळ्याद जो हमेशा हमेशा साटी आद अदकि परपुर्ण बन्सकु ईरतद.

8

यीशु नाम महायाजक

¹ ईंग जो मातगोळ नाव अनतेव आंदुर दा टु अदुरदा सब से धोळ्द मात ईद आद क्वा नाम ईत्ता महायाजक आन, जो स्वर्ग मा महा महमा अनद सहिसन इन ऊमा कय दी होगकु कुरतान, ² अदकि पवतिर जागा दा मतलब खरा तम्बू दा यदरी परमेश्वर स्थापति माळ्यान ना क्वा मळसा, आ जागा दा आव महायाजक क्वाल्सा माळतान. ³ यतकी हर ऊंद महायाजक भेंट अदकि बलदिान येर्सोर साटी ठहरूसकु आगतान, ईद कारण जरूरी आद क्वा ई याजक उन हात्ती भी येनारा येर्सली ईरूल. ⁴ अगर आव पृथ्वी मा ईरायदुन रा यागलु याजक ईला आगायदुन, यतकी अल पयले टु अच हगि याजक आर जो यहूदी व्यवस्था अनद अनुसार भेंट येर्सतार. ⁵ जो याजकपन इन क्वाल्सा आंदुर माळतार, अद स्वर्ग दा जो आद अदुरद ऊंद सावली अदकि प्रतीकृती आद. ईद हांगा प्रकार आद याग मूसा पवतिर तम्बू उन नरिमाण माळावाळा अच ईरोन आग परमेश्वर आऊन से अंददिन, “ध्यान दा ईरूल क्वा नी हर चीज बराबर अदा प्रतरूप इन अनुसार माळ जो नीनी पहाळी मा तोर्सकु आगीत.” ⁶ लेकीन आ याजकगोळ से वाळुसकु स्यावा यीशु उक सकित यतकी आव मात्त वळ्ळीद-वळ्ळीद वाचा अन मध्यस्थ ठहरूसदुन, जो मात्त वळ्ळीद प्रतगियागोळ आसरा देल कटकु आग्याद.

* 7:21 ७:२१ भजन संहिता ११०:४

7 यतकी अगर अद पयला वाचा नरिदोष ईराईत, रा दुसरा वाचा साटी येनु जरवत ईला ईराईत. 8 लेकीन परमेश्वर उक आ लॉकुर दा दोष सकित अदकि आव अनतान, “प्रभु अनतान, नोळी, अव दनि बरताव क्नि ना इस्त्राएल इन लॉकुर सांगुळ, अदकि यहूदा अनद लॉकुर सांगुळ व्हाशोद वाचा कटाईन. 9 ईद आ वाचा अन घाई ईरतीदील, जो ना आंदुर आप्प-दादागोळ सांगुळ आ समय कटक आगीत, याग ना आंदुर कय हुळकु आंदरी मसित् द्याश टु तेगुकु तंदीन; यतकी आंदुर नान वाचा मा वशिवासयोग्य ईतीदील यदरी ना आंदुर सांगुळ कटीदनि, अदकि इदुरसाटी ना आंदुर मा ध्यान हचीदलि. 10 बाक प्रभु अनतान, क्नि जो वाचा ना आ दनिगोळ बाददा इस्त्राएल इन घराना अन सांगुळ कटाईन, अद ईद हुन क्नि ना तान व्यवस्था अक आंदुर मनगोळ दा हाकाईन, अदकि अदरी आंदुर दलिगोळ मा लखिसाईन, अदकि ना आंदुरव परमेश्वर ठहूसीन अदकि आंदुर नान लॉकुर ठहूस्यार. 11 अदकि यावारा भी तान संगीगोळी अदकि मान्ना हात्तीवाळेर वारटुर इक ईद शक्शा कोळतीदील, क्नि प्रभु उक अरू, यतकी स्याण हाती टु धोड्डेर ताका सप्पा नानी अरूत कौडार. 12 ना आंदुर पापगोळी माफ माळाईन अदकि यागलु आंदुर पाप याद ईटतदलि.” 13 ई वाचा अक व्हाशोद अंदकु आव पयला वाचा अक हाळोद माळ बुट्टुन अदकि जो हाळोद अदकि जीरण आगोगतद अद रा बाक राटनेरी गायब आगेदीत.

9

पृथ्वी अदकि स्वर्ग इन आराधना

1 ईग नोळी आ पयला वाचा दा भी उपासना माळोद नयिम ईरव, अदकि ऊंद उपासना अनद जागा ईरोद जो मंळसा अन द्वारा माळकु आगीत. 2 ऊंद तम्बू माळकु ईरोद, यदुरद पयला कमरा दा दगिया ईटोद जागा, अदकि मेज अदकि परमेश्वर उक भेंट माळव रोटीगोळ ईरव; अदकि आ जागा अक पवतिर जागा अंदकु आगतोगोद. 3 दुसरा परदा अन हदि मात्त ऊंद कमरा ईरोद, यदरी परम पवतिर जागा अंदकु आगतोगोद. 4 ईऊर दा सुगन्धति धूपदानी इन साटी व्हान्ना अन वेदी, अदकि व्हान्ना देल मळुसद वाचा अनद संदुक ईरोद ई संदुक दा व्हान्ना अनद माळद मनना अनद ऊंद जार इरोद, अदकि हारून उन आ छळी ईरोद यदुर मा अंकुर बेळदीदव अदकि येढ कल्ल यदुर मा आग्यागोळ लखिसकु ईरव. 5 संदुक इन म्याकुच परमेश्वर उन उपस्थिती इन प्रतकि मतलब करूब बनसकु ईरव जो तान पक्कागोळी फैलुसकु माफ अन जागा मा सावली माळतोगव. लेकीन ई समय नाव ईव मातगोळद वसितार देल चर्चा माळ सकालेव.

6 सप्पा येनारा संची आगदुर बाददा याजक पयला कमरा दा हर रोज प्रवेश माळकु तान स्यावा अनद कार्य पुरा माळोर साटी होगतोगोर. 7 लेकीन परदा अन बुळक इन दुसरा कमरा दा सरिफ प्रधान याजक अच साल दा ऊंद अनली प्रवेश माळतोगोन, आव बनि आ रक्ता अन यागलु प्रवेश ईला माळतोगोन यदरी आव तान द्वारा अदकि तान लॉकुर द्वारा अनजाना दा माळद पापगोळ साटी परमेश्वर उक भेंट येरसतोगोन. 8 ईदुर द्वारा पवतिर आत्मा स्पष्ट रीति देल ईद कलसतद क्नि यागासताका ताका पयला तम्बू नदिरकु आद आगासताका ताका परम पवतिर जागा अनद हादी ईगासताका तेरकु ईला ईरोद. 9 ईद ऊंद तम्बू हुन जो वर्तमान समय इन साटी ऊंद उदाहरण आद; मतलब यदुरा उन ईत्ता भेंट अदकि बलदिन येरसदुर बाददा भी आराधना माळावाळेर मन सदिध आग सकालव. 10 ईद रा सरिफ तनिोद कुडोद अदकि अलग-अलग प्रकार इन सुधकिरणगोळद वधिगोळ हुव. अद तम्बू यदुर दा आव स्यावा माळतान अद यक्कुल वळीद परपुर्ण तम्बू हुन अद मंळसागोळद कय इन माळद तम्बू आल्लच अदकि अद ई संसार इन निर्मिती इन भाग आल्लच.

11 लेकीन जो मातगोळ पयले टु अच ईल आव हगि वळीद वस्तुगोळद याग मसीह पयले टु प्रधान याजक बनसकु बंदान. रा आव मात्त यक्कुल धोळद अदकि सदिध तम्बू टु आगकु, जो मंळसा अन कय इंद बनसकु ईला मतलब ई सृष्टी इन ईला, 12 अदकि व्हातगोळ अदकि वस्तागोळ रक्ता अन द्वारा ईला लेकीन तांद अच रक्ता अन द्वारा, मसीह ऊंद अच घन तम्बू दा टु आगतेला महापवतिर जागा दा प्रवेश माळदुन अदकि नाम साटी पापगोळ देल अनन्त छुटकारा प्राप्त माळदुन. 13 यतकी याग व्हातगोळ अदकि वस्तागोळद रक्ता अदकि होदद पाडडगोळद राकळ इक वधि इन अनुसार अशुध लॉकुर मा छळिकुसदुर देल आंदुर शुध आगोगतार अदकि वधि इन अनुसार आंदुर अशुधता व्हार्यागोळद रीति देल होटोगतद. 14 याग ईद सही आद रा मसीह अन रक्ता याट प्रभावशाली ईतीदाद, आव अनन्त आत्मा अन द्वारा तान तान इक ऊंद संपुर्ण बली इन रूप दा परमेश्वर उक समर्पति माळ बुट्टुन. रा आऊन रक्ता नाम चेतना अक आ कर्मगोळ देल कोळसुसति जो मृत्यु दी ओयतार क्निनाव जतिता परमेश्वर उन स्यावा माळ सककेव.

15 ईदा कारण मसीह ऊंद व्हाशोद वाचा अनूद मध्यस्थ आदुन, ताकी यारी परमेश्वर उन द्वारा कारूकु आग्याद आंदुर परमेश्वर उन प्रतगिया माळूद अनन्त आशषिगोळूद वारीस आग सकुल. ईग नोळी पयला वाचा अन हातती ता दा माळूद पापगोळ से मुक्त माळोर साटी फरिती इन रूप दा आव तान जीव कोट बुटान. 16 यल ताका वसीयत नामा अन सवाल आद रा अदुर साटी याव आऊक माळयान आऊन मृत्यु उक प्रमाणति माळोद जरूरी आद. 17 यतकी यातोदारा भी वसीयत नामा सर्रिफ आगा प्रभावति आगतद याग अदुरद लखिसावाळा अन मृत्यु आगेगतद, यागासताका अदुरद लखिसावाळा जत्तिता ईरतान रा अदुरद यागलु प्रभावति बळाल. 18 इदुरसाटी पयला वाचा भी रक्ता अनूद इस्तेमाल द्वारा प्रभावति आत. 19 पयले मूसा याग व्यवस्था अन वधान इन सप्पा आदेशगोळी सप्पा लॉकुरी घोषणा माळ कौडान रा आव नीर इन सांगुळ व्हातगोळ अदकि पाडंगोळूद रक्ता अक क्याचांद इन अदकि हसिसप इन डगालगोळ देल व्यवस्था अन कतिाब अदकि सप्पा लॉकुर मा छळिकुस बुटीदुन. 20 अदकि आव अंददिन, “ईद आ वाचा अन रक्ता हुन, यदरी पालसोद आग्या परमेश्वर नीमी कोटान.” 21 अदकि ईदा रीति देल आव तम्बू अदकि उपासना माळोद सप्पा वस्तुगोळ मा रक्ता छळिकुसदुन. 22 वास्तव दा व्यवस्था अन अनुसार लगभग रक्ता द्वारा अच सप्पा वस्तुगोळ शुद्ध आगताव, अदकि बनिा रक्ता वाहुसूद पापगोळी माफ हैलेच.

मसीह अन बलदान द्वारा पाप-माफ

23 रा बाक ईद जरूरी आद क्ति अव वस्तुगोळ जो स्वर्ग इन प्रतकृती आव अवरी जनावरगोळूद बलदानगोळ से शुद्ध माळकु आगुल लेकीन स्वर्ग टु वस्तुगोळ रा ईऊर से भी वळ्लीद बलदानगोळ देल शुद्ध माळकु आगोद अपेक्षा माळतद. 24 यतकी मसीह मळसागोळूद कय इन माळूद पवतिर जागा दा, जो खरा पवतिर जागा अन नमुना आद, प्रवेश माळीदलि लेकीन स्वर्ग दा अच प्रवेश माळदुन, ताकी नाम दी टु परमेश्वर उन मुंद प्रगट आगुल. 25 ईद ईला क्ति आव तान तान इक घळी-घळी बली येरसुल, ह्यांग क्ति महायाजक हर साल पशुगोळ रक्ता हुडुकु पवतिर जागा दा प्रवेश माळतान, 26 ईलारा दुनया अन उत्पत्ति टु हुडुकु मसीह अक घळी-घळी दुख नेगोद बळीईत; लेकीन ईग युग इन अनन्त दा आव ऊंद अच घन सप्पा मुंदुर साटी प्रगट आग्यान, ताकी तांद अच बलदान इन द्वारा पाप इक दुर माळ बुळुल. 27 अदकि ह्यांग मळसागोळ साटी ऊंद घन सायोद अदकि अदुर बाद्दा परमेश्वर उन द्वारा न्याय इन आगोद तय आद, 28 हांग अच मसीह भी हापाळ मळसागोळूद पापगोळी नेगोर साटी ऊंद घन बलदान आदुन; अदकि जो लॉकुर आऊन हादी कायतार आंदुर उद्धार इन साटी ईग आव दुसरा घन प्रगट आदान रा पापगोळी दुर माळोर साटी ईला बल्की जो आऊन हादी कायतार आंदरी उद्धार कोळोर साटी.

10

1 व्यवस्था रा बरावाळा वळ्लीद मातगोळूद सर्रिफ सावली हुन, लेकीन अद आ वास्तवकि मातगोळूद सप्पा अदकि वास्तवकि मातगोळूद दाखला ईला. इदुरसाटी अवा बलगिळ द्वारा यवरी लगातार हर साल अनन्त रूप देल येरसकु आगतद, आराधना अन साटी हातती बरावाळेर इक हमेशा साटी सम्पूर्ण सदिध माळकु आगसकाल. 2 अगर हगि आग सकाईत रा येन अऊरद येरसकु आगोद बंद ईला आगेगाईत? यतकी बाक रा उपासना माळावाळेर ऊंदा घन दा हमेशा साटी पवतिर आगेगायदुर अदकि तान पापगोळ साटी बाक यागलु तान इक दोषी ईला समसायदुर. 3 लेकीन हर साल येरसद बलगिळ मळसागोळी आंदुर पाप याद तोरसतद. 4 यतकी वस्तागोळ अदकि व्हातगोळूद रक्ता पापगोळी दुर माळुल, ईद संभव हैलेच.

5 इदुरसाटी याग मसीह दुनया दा बंदीदुन रा आव अंददिन, “नीनी याऊ बलदान अदकि भेट चाहासीदलि, लेकीन नी नान साटी ऊंद शरीर तयार माळूद.”

6 अग्न-बलगिळूद अदकि पाप-बलगिळ देल नी खुश आगीदिल.

7 आग बाक ना अंददिन, अदकि ह्यांग व्यवस्था अन कतिाब दा भी लखिसकु आद, “ना ईल आईन, हे परमेश्वर, नीन इच्छा पुरा माळोर साटी बंदीन.”

8 आव पयले अंददिन, “बलगिळ अदकि भेट, अग्न-बलगिळूद अदकि पापबलीगोळ नी चाहसाल अदकि ना रा नी अऊर से खुश आगीद.” तरी भी व्यवस्था ईद चाहासतद क्ति अव येरसकु आगुल. 9 बाक आव अंददिन, ना ईल आईन, नान नीन इच्छा पुरा माळोर साटी बंदीन, रा आव दुसरा व्यवस्था अक स्थापति माळोर साटी पयला

रद्द माळ बुळतान. 10 परमेश्वर उन इच्छा देल नाव यीशु मसीह अन शरीर इन पयला अच घन बलदान येर्सकु आगदुर द्वारा पवतिर माळकु आदेव.

11 हर ऊंद याजक हर रोज नीदुरकु तान न्याय इन करतव्यगोळी पुरा माळतान, अदकि ऊंद अच प्रकार इन बलदान इक जो पापगोळी यागलु दुर माळ सकालव घळी-घळी येर्सतान. 12 लेकीन मसीह रा याजक उन रूप दा पापगोळ साटी, हमेशा साटी ऊंदा बलदान येर्सकु परमेश्वर उन ऊम्मा कय दी होगकु कुरतुन, 13 अदकि अदा समय टु तान वरिधीगोळी परमेश्वर उन द्वारा कालगोळ्द पांळसी माळकु आगोद हादी कायेत्तान. 14 यतकी आव ऊंद अच चढावा अन द्वारा आंदरी जो पवतिर माळकु आगतार, हमेशा साटी पुरा सदिध माळ कोंडान.

15 अदकि पवतिर आत्मा भी नामी ईदा गवाही कोळतद; यतकी अद पयले अनतद.

16 “प्रभु अनतान कजि जो वाचा ना आ दनिगोळ बाद्दा आंदुर से कटाईन अद ईद हुन कनि तान नयिमगोळी आंदुर दलिगोळ मा मंळसाईन अदकि ना आंदुर मनगोळ मा लखिसाईन.”

17 बाक आव ईद अनतान, “ना आंदुर पापगोळी अदकि आंदुर अन्याय इन क्याल्सागोळी बाक यागलु याद माळतीदील.” 18 अगर ईदुरद पापगोळ्द माफ आगोग्याद, रा यातोदु बली इन येनु जरवत अच हैलेच.

बरी नाव परमेश्वर उन हात्ती होगता

19 इदुरसाटी हे वारटुरा अदकि आकतीगेरा, यतकी यीशु उन रक्ता अन द्वारा आ परम पवतिर जागा दा प्रवेश माळोद नडिर आत्मवश्वास आद, 20 यारी आव परदा अन द्वारा, मतलब आऊन खुद इन शरीर इन द्वारा ऊंद व्हाशोद अदकि जतिता हादी इन माध्यम नाम साटी तेर्द बुटान. 21 अदकि नाम हात्ती हगि महान याजक आन, जो परमेश्वर उन मान्ना अन अधिकारी आन, 22 रा बरी, नाव खरा मन अदकि पुरा वश्वास इन सांगुळ, अदकि नामी मन इन दोष इन भावनागोळी शुद्ध माळोर साटी अदकि दलि मा रक्ता छळिकुसकु, अदकि शरीर इक शुद्ध नीर देल तोळकु परमेश्वर उन हात्ती होदेव. 23 बरी नाव तान आशा अन अंगीकार इक मजबूती देल हुडुकु ईत्तेव, यतकी याव प्रतगिया माळ्यान, आव वश्वासयोग्य आन; 24 अदकि बरी नाव ध्यान ईटाता कनि नाव प्यार अदकि वळ्दीद क्याल्सागोळ्द प्रती आबुर दाबुर इक ह्यांग मदत माळ सकतेव, 25 अदकि ऊंद सांगुळ सभागोळ दा बरोद तान ई आदतगोळी बळिबाळी, ह्यांग कनि थवाळासा लॉकुरी अल ईला बरोद आदत बदिग्याद, लेकीन आबुर दाबुरी मात्त यक्कुल प्रोत्साहति माळतेला ईरी; ह्यांग कनि नीव नोळेतीर प्रभु उन दनि हात्ती बरेत्याद.

26 यतकी सत्य अन पयचान हासलि माळदुर बाद्दा अगर नाव जान बुझुस्कु पाप माळतेला ईत्तेव, रा पापगोळ साटी बाक यातोदु दुसरा बलदान मक्कि हैलेच. 27 उलटा बाक रा बरावाळा न्याय अदकि भीषण बेक्की इन अंज्क इन सांगुळ हादी कायोद अच सरिफ मक्कि ईरतद जो परमेश्वर उन वरिधीगोळी भसम माळ कोंडीत. 28 जो यावारा मूसा अन व्यवस्था अन पालन माळालुन, आऊन मा बनि दया माळ्द येढ्ढ या मुर मुंदुर गवाहगोळ्द गवाही मान्सकु कोंदकु आगतद, 29 रा वचिर माळकोमी कनि आव याट मात्त भारी दण्ड इन लायक ठहूरस्यान, याव परमेश्वर उन पार उक काल देल मेटदुन अदकि वाचा अन रक्ता अक, यदुर द्वारा आव पवतिर ठहूरस्कु आगीदुन, अपवतिर जान्सदुन, अदकि अनुग्रह अन आत्मा अन अपमान माळदुन. 30 यतकी नाव आऊक अरूतेव, याव अंददिन, “बदला ताकोमोद नान क्याल्सा आद, ना अच बदला ताकोमाईन.” अदकि बाक आव ईद भी अनतान, कनि “प्रभु तान लॉकुरद न्याय माळ्यान.” 31 जतिता परमेश्वर उन कय दा बळोद भयानक मात आद.

32 लेकीन आ हदिळोव दनिगोळी याद माळी, यदुर दा नीव परमेश्वर उन ऊजुळ हासलि माळकु, अदकि अदुर बाद्दा याग नीव मयनतगोळ्द सामना माळतेला कठोर संघर्ष दा मजबूती इन सांगुळ बन्सकु ईत्तीर. 33 आग यागल्यारा रा सप्पा लॉकुर मुंद नीमी अपमानीत अदकि सतुसकु आत अदकि यागल्यारा यार सांगुळ हगि बर्ताव माळकु आगतोगोद, नीव आंदुर साथ कोट्टीर. 34 यतकी नीव कैदीगोळ दुख दा भी सहभागी आदीर, अदकि तान संपत्ती भी खुशी देल लुटुस गोट्टीर; ईद जान्सकु कनि नीम हात्ती ऊंद मात्त वळ्दीद अदकि हमेशा ठहूरसावाळा संपत्ती आद. जो हमेशा साटी बन्सकु ईरतद. 35 इदुरसाटी तान नडिर आत्मवश्वास बळिबाळी यतकी अदुरद प्रतफिल धोळ्द आद. 36 यतकी नीमी धीरज ताकोमोद जरूरी आद, ताकी परमेश्वर उन इच्छा अक पुरा माळ सकीर अदकि जो प्रतगिया माळकु आग्याद अदरी हासलि माळीर. 37 “यतकी ह्यांग शास्त्र अनतद, हापाळ जल्दी जो बरावाळा आन आव बंदान आव बलिकुल समय हचतदील. 38 नान सच्चाई देल नळावाळेर लॉकुर वश्वास देल जतिता ईत्तार; अदकि अगर आंदुर दा टु यावारा हदि हटस्यान रा ना आऊन से खुश ईरतीदील.”

39 लेकीन नाव आंदुर दा टु हैलेच जो हदि हट्सतार अदकि नाश आगोगतार उलटा आंदुर दा टु आयेव जो वशिवास माळतार अदकि ऊळसकु आगतार.

11

वशिवास

1 वशिवास इन मतलब आद यार्द आशा हचकु ईटतेव आऊन साटी नश्चिति आगोद, अदकि यातोदारा वस्तु उक नाव चाहे नोळालेव अदुर अस्ततिव अन बारा दा नश्चिति आगोद अच वशिवास हुन. 2 ईदा कारण स्याणा लॉकुर काल इन लॉकुरी आंदुर वशिवास इन द्वारा परमेश्वर उन सहमती हासलि आगति.

3 वशिवास देल अच नाव जान्स कोमतेव कि पुरा दुनया अनूद रचना परमेश्वर उन शब्द अन द्वारा आग्याद. इदुरसाटी जो माळद मातगोळ दृश्य आव, अव दृश्य देल अच बनसीदील.

4 वशिवास इन द्वारा अच हाबील परमेश्वर उक कैन से वळ्लीद बलदान येरसीदुन, अदकि आऊन वशिवास इन द्वारा अच सच्चाई देल नळावाळा मंळसा आगोद सहमती परमेश्वर से हासलि माळदुन; यतकी परमेश्वर खुद अच आऊन दानगोळी सहमती कोट्टुन. ईदुर मतलब हाबलि वशिवास इन कारण अच ईद भी माताळतान, याग कि आव सोतोग्यान.

5 वशिवास देल अच हनोक नेगुकु आदुन कि मृत्यु उक नोळबाळुल, अदकि आऊक याऊ ढुंढस सकदील यतकी परमेश्वर आऊक म्याकुच नेगु कौडीदुन, शास्त्र अनतद कि हनोक उन म्याकुच नेगा से पयले आव परमेश्वर उक प्रसन्न माळीदुन. 6 अदकि वशिवास बनिा परमेश्वर उक खुश माळोद असंभव आद; यतकी जो परमेश्वर उन हातती बरतान आऊक वशिवास माळ पाहीजे यतकी परमेश्वर उन अस्ततिव आद अदकि आंदरी प्रतफिल कोळतान जो आऊक ढुंढसतार.

7 वशिवास इन कारण देल अच नूह अक याग परमेश्वर उन द्वारा अव भवषिय अन मातगोळद बारा दा चेतावनी कोटकु आगति जो आव नोळीदुन भी ईला, रा आव पवतिर अंजक पुरवक तान परिवार इक ऊळसोर साटी ऊंद ड्वांगा अन निर्माण माळीदुन. परिणाम स्वरूप आऊन वशिवास इन द्वारा अच आव दुनया अक दोषी ठहरूसदुन; अदकि वशिवास इन द्वारा परमेश्वर से बरावाळा न्यायीपन इक हासलि माळदुन.

8 वशिवास देल अच अब्राहम उक याग परमेश्वर कारदुन रा आग्या मान्सकु ईतता जागा दा होटोदुन यदुरद परमेश्वर प्रतगिया माळीदुन; अदकि आव ईला जानसोन कि आव यल होगेत्यान, तरी भी तान द्याश बटि बुट्टुन. 9 वशिवास इन कारण अच प्रतगिया माळद धरती मा आव ऊंद अनजाना परदेशी घाई तान मानना माळकु न्वासि माळदुन. आव तमबूगोळ दा हांगा ईततुन ह्यांग इसहाक अदकि याकूब ईतदुर जो आऊन सांगुळ परमेश्वर उन अदा प्रतगिया अन उत्तराधिकारी ईरोर. 10 अब्राहम आ नगर इन हादी कायोन, यदरी परमेश्वर आकार कोटकु माळदुन अदकि हमेशा मजबूत ईरावाळा पायवा हाकदुन.

11 वशिवास इन कारण अच अब्राहम जो हापाळ बाट्ट आगोदुन अदकि सारा जो खुद वांझला ईरोर, लेकीन आक परमेश्वर मा वशिवास माळदुर कि आव आकनि प्रतगिया पुरा माळतान अदकि अब्राहम आप्प बन्सेदुन.

12 ईद कारण अब्राहम देल अच, जो सोत्तुर घाई ईरोन, आकाश ईनव तारागोळ अदकि समुद्र अन धुळा घाई अनगनित वंशज पैदा आदुर.

13 वशिवास इक तान मन दा हुडुकु ई सप्पा लॉकुर सोतोदुर; याता वस्तुगोळद परमेश्वर प्रतगिया माळीदुन आंदुर ई वस्तुगोळ हासलि माळीदलि, आंदुर बस अवरी दुर टु ना नोळदुर अदकि अऊरद स्वागत माळदुर अदकि आंदुर ईद खुला हसिब देल मान्स कौडुर कि आंदुर ई धरती मा परदेशी अदकि अनजाना आर. 14 आ लॉकुर जो ईतता मातगोळ अनतार, आंदुर ईद तोरसतार कि आंदुर ऊंद ईतता द्याश इन खोज दा आर जो आंदुरद खुद इन आद. 15 जो द्याश आंदुर बटार अदुर बारा दा आ लॉकुर वचिर माळतेला ईरालुर, अगर वचिर माळतेला ईरायदुर रा आंदरी मातत वापस बरोद मौका ईराइत. 16 लेकीन आंदुर ऊंद वळ्लीद मतलब स्वरगीय द्याश इन अभिलाषी आर; इदुरसाटी परमेश्वर आंदुर परमेश्वर कहलुसली सरमुसालुन, यतकी आव आंदुर साटी ऊंद नगर तयार माळ्यान.

17 वशिवास इन कारण अच अब्राहम, याग परमेश्वर आऊन परीक्षा ताकोमोन, तान पार इसहाक उक बलदान इन रूप दा भेट कोट्टुन; अब्राहम आव ईरोन यार से परमेश्वर प्रतगिया माळीदुन तरी भी आव तान ऊंद ठैसा

पार उक बली येरसोर साटी तयार ईरोन. 18 रा इदुरसाटी परमेश्वर आऊन से अंददिन, “इसहाक उन द्वारा अच नीन वंश वाळुसति.” 19 अब्राहम वचिार माळीदुन परमेश्वर इसहाक उक सोत्तुर दा टु भी जतिता माळ सकतान, अदकि हांग नोळकु आगुल रा ऊंद प्रकार देल अब्राहम इसहाक उक मृत्यु दा टु मात्त वापस नोळदुन.

20 वशिवास देल अच इसहाक याकूब अदकि एसाव उक आंदुर भवषिय अन बारा दा आशीष कोट्टुन.

21 वशिवास देल अच याकूब साया होती यूसुफ उन येढु पारगोळ दा टु ऊंद ऊंद पार उक आशीष कोट्टुन, अदकि तान कोल इन सहारा ताकोमकु परमेश्वर उन आराधना माळदुन.

22 वशिवास देल अच यूसुफ, याग आव सायदुर मा ईरोन, रा इस्त्राएलगोळी मसित्तर टु होटकु होगोद बारा दा माताळीदुन, अदकि तान अस्थीगोळ सांगुळ येन माळ पाहीजे अदुर नरिदेश हेळीदुन.

23 वशिवास देल अच मूसा अन मोय आप्प आऊक पैदा आगदुर बाददा मुर तगिळ ताका होचकोमकु ईटदुर; यतकी आंदुर नोळदुर, कि चिगिद सुंदर आद, अदकि आंदुर राजा अनद आग्या मुरदुर देल अंजीदलि.

24 वशिवास देल अच मूसा धोड्डेव आगकु फरौन उन पोर इन पार अंदकु आगली इनकार आदुन. 25 इदुरसाटी कि आऊक पाप दा थ्वाळासा दनि इन सुख भोगसदुर देल परमेश्वर उन लॉकुर सांगुळ दुख भोगसोद यक्कुल वळ्ळीद हत्त. 26 अदकि मसीह अन कारण ननिदीत आगली मसित्तर अन भंडार देल धोळ्द धन समसदुन: यतकी आऊन कण्ण भवषिय अन प्रतफिल हासलि माळदुर दी हतकु ईरव.

27 वशिवास देल अच राजा अन सटिट देल बनि अंजकु मूसा मसित्तर अक बटि बुट्टुन, यतकी मान्सी कि आऊक अदृश्य परमेश्वर काळसोन. 28 वशिवास देल अच आव फसह अन हाबबा अदकि कवाळ मा रक्ता छळिकुसोद पालन माळदुन, कि मृत्यु उन दूत इस्त्राएलीगोळ्द पैदा आग्द पयला औलादगोळी कोंद सकेवाळुल.

29 वशिवास देल अच इस्त्राएली लॉकुर क्याचांद समुद्र अन आप्पाटी हगि ईळदुर, ह्यांग कि वळ्ळीद जागा मा टु; अदकि याग मसित्तीगोळ हांग अच माळोद चाहासदुर, रा सप्पा नीर दा मुळकेदुर.

30 वशिवास देल अच यरीहो अन दवार, याग येळ दनि ताका अदुरद परकिरमा इस्त्राएलीगोळ माळदुर रा अद बदिोत. 31 वशिवास देल अच राहाब वेश्या आग्या ईला मान्सावाळेर सांगुळ कोन्सुसकु आगीदील; यतकी आक इस्त्राएली गुप्तचरगोळ संगीपना पुर्ण स्वागत माळीदुर.

32 ईग ना मात्त येन अनाईन? यतकी समय ईतीदील, कि गदिन, बाराक अदकि शमिशोन, यफिताह, दाऊद शमूएल अदकि भवषियवक्तागोळ्द वर्णन माळाईन. 33 इंदुर वशिवास इन द्वारा अच राज्य जीक्स कोंडुर; जो सही अवा क्यालसा माळदुर; अदकि परमेश्वर प्रतगियागोळ कोट्टुन अवरी हासलि माळदुर, आंदुर हुल्लीगोळव बाय बंद माळ बुट्टुर. 34 बेक्की इन लपटागोळी शांत माळदुर; तलवार इन धार देल उळ्दकु होट्टुर, नरिबलता दा ताकतवर आदुर; लळाई दा वीर होट्टुर; परदेशीगोळ फौजगोळ मा वजिय हासलि माळदुर.

35 वशिवास इन द्वारा आर्तेर तान सोतकु रशितेदारगोळी मात्त जतिता नोळदुर; यास रा सतुसतेला कोन्सुसकु आदुर; अदकि छुटकारा चाहासीदलि; इदुरसाटी आंदुर कि वळ्ळीद जीवन इन पुनरूत्थान हासलि माळ सकुल. 36 हापाळ मुंदुर मज्याक हारसकु आत; अदकि क्वाळागोळ्द सामना माळकु आत याग कि थ्वाळासा मुंदुरी संकलीगोळ देल कटकु बंदीगृह दा हाक्कु आत. 37 आंदुर मा पथराव माळकु आदव, आंदरी आरी देल सळिकु येढुद भाग माळकु आदव, आंदरी तलवार देल मौत इन घाट ईळ्दकु आत. आंदुर गरीब ईरोर आंदरी यातनागोळ कोटकु आदव अदकि आंदुर सांगुळ बुरा व्यवहार माळकु आत. मर्री म्यांडागोळ तोगुल हाक्कु ईत्त आत्त भटकुसतेला ईत्तुर. 38 अदकि मरूस्थल, पहाळीगोळ, गुफागोळ दा अदकि धरती इन फुटगोळ दा वयाळदुर, ई दुनया आंदुर लायक ईला ईरोद.

39 वशिवास देल अच आंदुरद वळ्ळीद लेखा जोखा ईटकु आत, तरी भी परमेश्वर उन प्रतगिया माळद मातगोळ आंदरी सकदील. 40 यतकी परमेश्वर नाम साटी पयले टु ऊंद वळ्ळीद योजना ठहरूसीदुन, आऊन उद्देश ईद ईरोद कि आंदरी भी नाम सांगुळ अच संपुर्ण सदिध माळकु आगुल.

12

परमेश्वर नाम आप्प

1 यल ताका नाव गवाहगोळ्द हगि धोळ्द बादल देल घेरसकु आयेव, रा बाक बरी, हर ऊंद बाददा हाकावाळा वस्तु उक अदकि आ पाप इक जो आसानी देल नामी ऊलझुस बुळतद अदरी भीट बुटेव, अदकि बरी, अद दवळ जो

नामी ओळोद आद अदरी धरिज इन सांगुळ ओळेव, ²अदकि नाम वशिवास इन कर्ता अदकि सदिध माळावाळा यीशु उन दी तान कण्णगोळी हचकु ईत्तेव. याव तान मुंद उपस्थति खुशी इन साटी क्रूस इन यातनागोळ झेल्सदुन, अदुर शरम इन येनु चनिता माळीदलि अदकि परमेश्वर उन सहासन इन ऊमा कय दी वरिजमान आगदुन.

³इदुरसाटी आऊन मा ध्यान माळी, याव तान वरिध दा पापीगोळ्द ईट वरिध सहन माळदुन कनिव नरिश आगकु साहस बटि बुळतदिलि. ⁴नीव लॉकुरी पाप इन वरिध दा संघर्ष माळतेला ईट सहन माळोद बदिदिलि कनिम रक्ता वाहुसदिद; ⁵येन नीव आ प्रोत्साहन इन शब्दगोळी, यारी परमेश्वर तान चकिोर समसकु नीम से अंदुन, येन नीव मारतोगीर? “हे नान पारा, याग परमेश्वर नीनी सुधूस्यान आग ध्यान हच, अदकि याग आव नीन ताळना माळ्यान रा हताश आगबाळ. ⁶यतकी प्रभु यार से प्यार माळतान, आऊक सुधूसतान भी, अदकि यारी पार माळ कोमतान, आऊक दण्ड भी कोळतान.”

⁷नीव दुख इक ताळना समसकु सहन माळकोमी; परमेश्वर नीमी पार जान्सकु नीम सांगुळ बर्ताव माळतान. हगि याता पार हुन जो आप्प उन द्वारा सजा भोगसालुन? ⁸अगर अद ताळना यदुर भागी सप्पा आगतार, नीमूद आगीदिलि रा नीव आऊन चकिोर आल्लच, लेकीन नीव घटिया मंळसा आईर. ⁹बाक याग कनिम शारीरिक आप्प भी नाम ताळना माळतोगीर अदकि नाव आंदुर आदर माळदेव, रा येन नाव आत्मकि आप्प उन यक्कुल हात्ती आगकु जीवन ईला बीतुसेव. ¹⁰नाम शारीरिक आप्पगोळ थ्वाळासा समय इन साटी ह्यांग आंदुर वळ्ळीद समसदुर नामी ताळना माळदुर, लेकीन परमेश्वर नाम भलाई इन साटी ताळना माळतान यदुर देल नाव आऊन पवतिरता अन सहभागी आग सक्केव. ¹¹वर्तमान दा हर ऊंद प्रकार इन ताळना आनन्द इन ईला, लेकीन अद दुखद हततद; तरी भी जो अदरी सहन माळ-माळकु पक्का आगोय्यार, बाददा आंदरी न्यायीपन इन जीवन अदकि शांती इन प्रतफिल हासलि आगतद.

उपदेश अदकि चेतावनी

¹²इदुरसाटी थक्स कयगोळी नेगी अदकि नरिबल ट्वांगरागोळी मजबूत माळी, ¹³अदकि तान कालगोळ साटी सीधा हादी माळी कलिगळा भटकूस बाळुल लेकीन भला चंगा आगोगुल.

¹⁴सप्पा मुंदुर सांगुळ शांती इन सांगुळ ईरली अदकि पवतिर जीवन जीऊसोर साटी हर प्रकार देल प्रयत्नशील ईरी, यतकी इदुर बनिा यावारा भी प्रभु उक नोळ सकतीदलि. ¹⁵तान तान इन सावधानी माळी, ताकी यावारा परमेश्वर उन अनुग्रह देल हींद होगबाळुल. अदकि यावारा भी केय खांदी घाई वाळुस बाळुल, यतकी आदुर जहर देल यातोदारा झगळा उत्पन्न आग ईला पाहीजे. ¹⁶यावारा भी अनैतिक अदकि अन्यायी या एसाव उन घाई आगबाळुल याव ऊंद घन इन भोजन इन बदला तान धोळ पार आगोद अधिकार मार बुट्टुन. ¹⁷अदुर बाददा नीव जान्सतीर की याग आव तान आप्प उन से आशीष ताकोमोद चाहासदुन रा अयोग्य आळुकु आदुन, अदकि वल्ल-वल्लकु आव आशीष ताकोमोद कोशशि माळदुन तरी भी आऊक आऊन पाप इन मन तरिगुसोद मौका सकिदिलि.

¹⁸नीव बेक्की देल होद आ सनिय पहाळी इन हात्ती बंदीदलि, यदरी महसुस माळकु आग सकोद अदकि ना रा अंधार अदकि ना रा उदासीनता अदकि बवंडर इन हात्ती बंदीर ह्यांग इस्त्राएली लॉकुर बंदीदुर. ¹⁹अदकि तुरही इन आवाज, अदकि माताळावाळेर्द ईत्ता शब्द अन हात्ती बंदीदलि, यार केळावाळेर वनिती माळदुर क्ईग नाम से मात्त मातगोळ माळकु आगबाळुल. ²⁰यतकी आंदुर आ आग्या अक सहन माळ सकिदिलि: “अगर यातोदारा प्राणी भी पहाळ इक मुट्टीत रा अदुर मा कल्लगोळ भटिकु आगुल.” ²¹अदकि अद नजारा हगि भयानक ईरोद क्ईमूसा अंदुन, “ना हापाळ अंजक्या देल अदकि नळ्गेतीन.”

²²लेकीन नीव सयियोन इन पहाळी, जतिता परमेश्वर उन नगर, अदकि स्वरगीय यरूशलेम अदकि हजार स्वरगदूतगोळ आनन्द पुर्ण सभा दा होट बंदीर. ²³नीव परमेश्वर से पयले पैदा आगद यार हेसुर स्वरग दा लखिसकु आव आंदुर सभा दा पोहचुसेगीर. नीव आ परमेश्वर उन हात्ती बंदीर जो सप्पा लॉकुर न्याय माळतान क्ई न्यायी लॉकुर आत्मागोळ सदिध आगुल. ²⁴अदकि ऊंद व्हाशोद वाचा अन मध्यस्थ यीशु अदकि छळिकाव इन आ रक्ता अन हात्ती होट बंदीर, जो हाबील उन रक्ता अन अपेक्षा वळ्ळीद वस्तुगोळ्द प्रतग्या माळतान.

25 सावधान ईरी, अदकि आ अनावाळा से बाय तरिगुसबाळी, यतकी आ लॉकुर याग पृथ्वी माकळव चेतावनी कोळावाळा से नकार माळकु ऊळु सकदील, रा नाव स्वरग मा टु चेतावनी कोळावाळा से बाय वाकळा माळकु ह्यांग ऊळु सक्केव? 26 आ समय रा आऊन शब्द पृथ्वी इक आलगाळ्स कोम्त, लेकीन ईग आव ईद प्रतगिया माळ्यान, “ऊंद घन बाक ना सरिफ पृथ्वी इक बल्की आकाश इक भी आलगाळसकु ईट बुळाईन.” 27 ईव शब्द “ऊंद घन मात्त” आ हर वस्तु दी प्रगट माळतद कजिो मातगोळ नरिम्ति माळकु आग्याव अव आलगाळसकु आदव अदकि अस्थरि ईत्ताव कजिो मातगोळ आलगाळसकु आगालव अव स्थरि ईरूल.

28 इदुरसाटी बाक याग नामी हगि राज्य सकित्याद यदरी आलगाळसकु आगाल रा बरी धन्यवादी बनसाती अदकि आदर मलिसकु अंजक इन सांगुळ परमेश्वर उन उपासना माळेव कजि परमेश्वर अदुर देल प्रसन्न आगुल; 29 यतकी नाम परमेश्वर भसम माळावाळा बेक्की हुन.

13

परमेश्वर उक ह्यांग प्रसन्न माळेव

1 आबुर दाबुर दा वशिवासी वारदुरद प्यार बनसकु ईरूल. 2 अनजाना लॉकुरद तान मान्या सत्कार माळोद मारूबाळी, यतकी हगि माळतेला अच थ्वाळासा लॉकुर अनजाना दा स्वरगदूतगोळद स्वागत माळदुर. 3 कैदीगोळद इत्ता सुधी ताकोमी, कजि मानसी आंदुर सांगुळ नीव भी कैद आईर; अदकि यार सांगुळ बुरा बर्ताव माळकु आगतद, आंदुरद ईत्ता प्रकार सुधी ताकोमी, मानसी नीव भी पळीत आगेतीर.

4 मदा सब दा आदर इन मात सम्सकु आगुल, अदकि गांड-हगिस आबुर दाबुर सांगुळ वशिवासयोग्य ईरूल, यतकी परमेश्वर अनैतिक अदकि व्यभिचारीगोळद न्याय माळ्यान.

5 *नीम स्वभाव धन से प्यार माळोद ईरबाळुल, अदकि जो नीम हातती आद, अदुर दा संतुष्ट ईरी यतकी परमेश्वर अंदान ना नीनी यागलु बळितीदील, अदकि यागलु मारूतीदलि. 6 इदुरसाटी नाव बेधळक आगकु अनतेव, कजि प्रभु, नान सहायक आन; ना अंजालीन; मळसा नान येन माळ सकतान.

7 जो नीमोर अगुवागोळ ईरोर, अदकि यार नीमी परमेश्वर उन वचन केळस्यार, आंदरी याद ईटी; अदकि ध्यान देल आंदुरद चाल चलन इन अन्त नोळकु आंदुरद वशिवास इन अनुकरण माळी. 8 यीशु मसीह नीन अदकि ईद अदकि युगानुयुग ऊंदा घाई आन. 9 हर प्रकार इन अपरचिति शक्शागोळ देल भरमुसकु आगबाळी. नाम मन इन साटी ईद वळ्लीद आद कजि आंदुर अनुग्रह अन द्वारा मजबूत बनसुल ना कतिनिद कुडोद संबंध दा नयिमगोळी मानसदुर देल, यदुर देल आंदुर यागलु भला आगीदील यार अवरी मानसदुर.

10 नाम्द ऊंद हगि वेदी आद यदुर मा टु तनिद अधिकार आ याजकगोळी हैलेच, जो तम्बू दा स्यावा माळतार. 11 यतकी याता पशुगोळ रक्ता महायाजक पाप-बली इन साटी महापवतिर जागा दा ओयतान, अदकि आ जनावरगोळ शरीर आ तम्बूगोळद छावनी इन व्हार्या होताक्कु आगताव. 12 ईदा कारण, यीशु भी नगर इन व्हार्या सोत्तुन ताकी लॉकुर पापगोळ देल आऊन रक्ता अन द्वारा शुद्ध आग सकुल. 13 रा बाक बरी, आऊन हातती छावनी इन व्हार्या होगता, अदकि आऊन अपमान दा सहभागी आगता. 14 यतकी ईल पृथ्वी मा नाम येनु स्थाई नगर हैलेच, बल्की नाव ऊंद बरावाळा नगर इन हादी कायेतेव. 15 नळी नाव यीशु उन द्वारा परमेश्वर उक स्तुतरूपी बलदिन अर्पण माळता जो आ टुटगोळद काय हुन यार आऊन हेसुर इक अरतार. 16 भलाई माळोद अदकि आबुर दाबुर सहायता माळोद मारूबाळी, यतकी परमेश्वर हगि बलदिनगोळ देल खुश आगतान.

17 तान अगुवागोळद आग्या मानसी अदकि आंदुर आदेशगोळ मा नळी. आंदुर नीम मा बनि आराम माळद हगि सावधानी ईटतार ह्यांग मानसी आंदरी तान क्याल्सागोळद लेखा जोखा परमेश्वर उक कोळोद आद; अगर नीव आंदुर आग्या मानसीर रा आनन्द इन सांगुळ तान क्याल्सा माळ्यार, अगर मानसतीदील रा आंदुर दुख इन सांगुळ तान क्याल्सा माळ्यार अदकि अद नीम साटी मदतगार साबति आगतीदील.

18 नाम साटी प्रार्थना माळतेला ईरी, यतकी नामी भरोसा आद कजि नाम वविक शुद्ध आद: अदकि नाव सप्पा मातगोळ दा वळ्लीद चाल नळोद चाहसतेव. 19 ना नीम से आग्रह माळतीन कजि नीव प्रार्थना माळतोगी ताकी राटनेरी ना नीम हाती बर सकाईन.

आखरी प्रार्थना

* 13:5 १३:५ व्यवस्थाविरण ३१:६

20 याव म्यांडागोळ घाई आ महान चरवाहा नाम प्रभु यीशु उन रक्ता अन द्वारा आ सनातन वाचा मा मोहर हचकु सोत्तुर दा टु जतिता माळदुन आव शांती इन दाता परमेश्वर, 21 नीमी सप्पा वळ्ळीद साधनगोळ देल संपन्न माळुल, यदुर देल नीव आऊन इच्छा पुरा माळ सकीर, अदकि यीशु मसीह अन द्वारा आव नाम बुळ्क आ सप्पा मातगोळी सक्रिय माळुल जो आऊक वळ्ळीद हततद. मसीह अन महामिा युगानुयुग आगतेला ईरूल. आमीन.

आखरी शब्द

22 हे वार्टुरा अदकि आकतींगेरा, ना नीम से आग्रह माळतीन कि ईद प्रोत्साहन इन संदेश इक धीरज इन सांगुळ केळी, यतकी ई चट्टी जो ना नीमी लखिसीन यक्कुल धोळ्द हैलेच. 23 ना चाहासतीन कि नीमी ईद पता नळुल नाम वार्ट तीमुथयिस कैद दा टु बटिकु आग्यान. अदकि अगर आव राटनेरी बंदुन रा ना आऊन सांगुळ नीम से मुलाकात माळली बराईन.

24 तान सप्पा अगुवागोळी अदकि सप्पा परमेश्वर उन लॉकुरी नमस्कार अनेतीर. इटलीवाळेर वशिवासी लॉकुर नीमी नमस्कार अनतार.

25 नीम सप्पा मुंदुर मा परमेश्वर उन अनुग्रह आगतेला ईरूल. आमीन.

याकूब की पत्नी याकूब उन चिट्ठी परचिय

याकूब उन साटी परचिय याकूब उन कतिाब याकूब हेसुर इनव यातारा मंळसा द्वारा लखिसकु आगीत. ईव संभव यीशु उन वार्ट याकूब ईरोन, जो सुरूवाती मंडली दा ऊंद अधिकारी ईरोन अदकि यरूशलेम नगर इन हसिसा ईरोन प्रेरतिगोळ १५:१३ प्रेरति पौलुस आऊक गलातगोळ २:९ दा मंडली इन खंबा भी अंदुन. वधिवानगोळ मानसोद भी आद की याकूब उन कतिाब मसीह अन जनम इन ५० साल इन बाददा लखिसकु आगीत. यतकी याकूब यरूशलेम दा मंडली इन अधिकारी ईरोन, इदुरसाटी आव अल ईरतेला शायद कतिाब लखिसीदुन.

याकूब तान कतिाब इक “राज्यगोळ न्याड्या बखिरूसद व्हार्या जनजातीगोळ” इक संबोधति माळदुन १:१ याकूब दा सप्पा च्या सप्पा मसीहगोळ मा लागु आगताव लेकीन “व्हार्या जनजाती” शब्दगोळ उपयोग ईद संभव आगतद की याकूब सीधा यहूदी मसीहगोळी लखिसोन. यतकी ईद कतिाब पाठकगोळ ऊंद व्यापक समुह ताका पोहचुसोर साटी माळीदुन. ईद हापाळ वषियगोळी संबोधति माळत. याकूब वशिवास अदकि कार्यगोळ न्याड्या संबधगोळ मा ध्यान केंद्रति माळतान. खरा आराम कारवाई दा तोरसकु आदीत २:१७. आव धनवान लांकुरी २:१-४ पक्षपात तोरसोर खलिाप भी चेतावनी कोळतान अदकि नामी हेळतान कनिाव येन अनतेव ३:१-१२ रूप-रेखा

१. याकूब तान पाठकगोळी धन्यवाद कोळतान. १:१
२. ईदुर बाददा आव मसीहगोळी सहन माळोर साटी प्रोत्साहति माळतान याग आंदुर बमिर आगतार. १:२-२७
३. बाक आव अनतान की वशिवासगोळ माध्यम देल वशिवास इन साटी हयांग जरूरी आद. २:१-२६
४. अदुर बाददा आव अनतान की यास शक्तशाली शब्द आग सकताव. ३:१-१२
५. आग याकूब हेळतान की हयांग परमेश्वर उन ग्यान दुनिया अन ग्यान से अलग आद. ३:१३-४:१०
६. ईदुर बाददा आव तान पाठकगोळी घमण्डी आगा खलिाप चेतावनी कोळतान. ४:११-५:६
७. याकूब थ्वाळासा साधारण नरिदेश कोटकु तान कतिाब खतम माळतान. ५:७-२०

1 *परमेश्वर उन अदकि प्रभु यीशु मसीह नव दास याकूब उन दी टु आ हन्नेळ गोत्रगोळी जो ततिर-बतिर आगकु ईरतार नमस्कार पोहचुसुल.

वशिवास अदकि बुद्धमिानी

2 हे नान वार्टुरा अदकि आकतींगेरा, याग नीव अलग प्रकार इन परीक्षागोळ दा बळी, रा इदरी पुरा खुशी इन मात समसी, 3 ईद जानसकु की नीम वशिवास इन परख आगदुर देल धीरज पैदा आगतद. 4 लेकीन धीरज इक तान सप्पा क्याल्सा माळगोळी की नीव पुरा अदकि सद्धि आगेगी, अदकि नीम दा यातोदु मात इन कमी ईरबाळुल.

5 लेकीन नीम दा टु यारीकारा दमाक इन कमी ईरूल रा परमेश्वर से बेळुल, जो सप्पा मुंदुरी बनिा दोष हचकु अनुग्रहपूर्वक कोळतान, अदकि आऊक कोटकु आदीत. 6 लेकीन वशिवास देल बेळुल, अदकि येनु सक माळबाळुल, यतकी सक माळावाळा समुद्र अन्द लयर इन घाई आन जो हवा देल वाहुसतद अदकि हारतद. 7 हगि मंळसा ईद सम्सबाळुल कनिानी प्रभु उन हाती टु येनारा सक्कीत, 8 आ मंळसा येद्व चतितवाळा हुन अदकि तान सप्पा मातगोळ दा संची हैलेच.

गरीबी अदकि अमीरी

9 गरीब वार्टुरा याग परमेश्वर नीमी धोळद पद कोळतान रा खुशी माळी, 10 अदकि अमीर तान नीच दशा मा; यतकी आव काड्डा अन्द फूल इन घाई ओळेदान. 11 यतकी सुर्य अन होळतेला अच हापाळ बसुल बळितद

* 1:1 १:१ मत्ती १३:५५; मरकुस ६:३; प्रेरतिगोळ १५:१३; गलातगोळ १:१९

अदकि काड्डा अक वंळगास बुळतद, अदकि अदुरद फूल झळसेगतद अदकि अदुर शोभा नाश आगेगतद. ईदा प्रकार अमीर भी तान हादी मा नळुत-नळुत नाश आगेदान.

परख अदकि लालच

12 धन्य आन आ मंळसा जो परीक्षा दा स्थरि ईरतान, यतकी आव सही होटकु जीवन इंद अद मुकुट हासलि माळ्यान यदुरद वादा प्रभु तान प्यार माळावाळेर से माळ्यान. 13 याग यारदारा परीक्षा आगुल, रा आव ईद अनवाळुल कनि नान परीक्षा परमेश्वर उन दी टु आगतद; यतकी ना रा बेकार मातगोळ से परमेश्वर उन परीक्षा आग सकतद, अदकि ना आव यारदारा परीक्षा खुद माळतान. 14 लेकीन हर ऊंद मंळसा तांद अच बेकार अभलिषागोळ देल जेडुकु अदकि फसुसकु परीक्षा दा बळितान. 15 बाक बेकार अभलिषा व्हाट्टा दी ईतकु खुद इन नरिमाण माळतद अदकि पाप याग पुरा रीतदिले वाळुसेगतद रा मृत्यु उक तयार माळतद.

16 हे नान प्रयि वारट्टुरा अदकि आकतींगेरा, धवाका तनिवाळी. 17 यतकी हर ऊंद वळ्लीद दान अदकि हर ऊंद परपिरण उपहार स्वर्ग टु अच आद, अदकि अद आ परमेश्वर उन द्वारा ज्योतियाव स्वर्गीय प्रकाश इक माळ्यान ल्यालमा तनकु आगताव, आव हमेशा बदलुसत सावली घाई बदलुसालुन. 18 आव तांद अच इच्छा देल नामी सच्चाई अन्द वचन इन द्वारा तयार माळदुन, कनि नाव आऊन दुनिया दा जो वस्तुगोळ आव अऊर दा टु ऊंद प्रकार इन पयला काय आदेव.

केळोद अदकि माळोद

19 हे नान प्रयि वारट्टुरा अदकि आकतींगेरा, ईद मात नीव जानस कोमी: हर ऊंद मंळसा केळोर साटी तत्पर अदकि माताळदुर दा धीर अदकि सटिट दा धीरा ईरूल, 20 यतकी मंळसा अन्द सटिट परमेश्वर उन न्यायी उद्देश इक प्राप्त माळ सकाल्द. 21 इदुरसाटी सप्पा मईलपन अदकि दुश्मनी भाव इन बळती इक दुर माळकु, आ वचन इक नम्रता देल ग्रहण माळकोमी जो मन दा बोऊसकु आत अदकि जो नीम उद्धार माळ सकतद. 22 सरिफ केळावाळेर अच ईला जो तान तान इक धवाका कोळतार, लेकीन वचन मा नळावाळेर बनसी. 23 यतकी जो यावारा वचन इन केळावाळा ईरूल अदकि अदुर मा नळावाळा ईला आगुल, रा आव आ मंळसा अन्द घाई आन जो तान स्वाभाविकि मार्रा आरसा दा नोळतान. 24 आव तान तान इक नोळकु होटोगतान अदकि तुरन्त मारतोगतान कनि ना ह्यांग ईरीन. 25 लेकीन जो मंळसा स्वतंत्रता अन्द सदिध व्यवस्था मा ध्यान माळतान, आऊक परमेश्वर आऊन क्याल्सा दा इदुरसाटी आशीष कोट्टान कनि केळकु मारालुन लेकीन हांग अच क्याल्सा माळतान. 26 येन नीम दा टु यावारा तान तान इक न्यायी समस्तान? अगर नीव तान ल्यालग्या अक वश दा माळ सकालीर रा नीव तान तान इक धवाका कोळतीर अदकि नीम न्यायीपन बेकार आद. 27 नाम परमेश्वर अदकि आप्प उन हात्ती शुद्ध अदकि नरिमल भक्ति ईद आद कनि अनाथगोळ अदकि रांड्यागोळ्द क्लेश दा आऊन सुधी ताकोमुल, अदकि तान तान इक दुनिया से नष्कलंक ईटुल.

2

पक्षपात इन खलिाप चेतावनी

1 हे नान वारट्टुरा अदकि आकतींगेरा, नाम महमायुक्त प्रभु यीशु मसीह मा नीम विश्वास पक्षपात इन सांगुळ आगवाळुल. 2 समसी अगर ऊंद धनवान मंळसा व्हानना अन्द छल्ला अदकि सुंदर फळक्या हाक्कु नीम सभा दा बरूल, अदकि ऊंद गरीब मंळसा भी रेंदुसदव फळक्या हाक्कु बरूल, 3 अदकि नीव आ सुंदर फळक्यावाळा अन्द चेहरा नोळकु अंदीर, “नी अल वळ्लीद जागा दा कुर,” अदकि आ गरीब मंळसा से अंदीर, “नी ईल नदिरकु ईर,” या “नान कालगोळ हात्ती कुर.” 4 रा येन नीव आपस दा भेद-भाव माळीदलि अदकि बेकार उद्देश देल न्याय माळावाळेर ठहूसीदील? 5 हे नान प्रयि वारट्टुरा अदकि आकतींगेरा, केळी. येन परमेश्वर ई दुनिया अन्द गरीबगोळ्द चुनाव माळीदलि कनि विश्वास दा धनी अदकि आ राज्य अन्द अधिकारी आगुल, यदुरद वादा आव आंदुर से माळ्यान जो आऊन से प्यार ईटतार? 6 लेकीन नीव गरीब उन अपमान माळदीर. अदकि आंदुर यार उर जो नीम मा अत्याचार माळतार अदकि नीमी कचेरीगोळ दा जेडु जेडुकु ओयतार?

7 येन आंदुर ईदुर आललच जो मसीह अन वळ्लीद हेसुर इंद अपमान माळतार? जो नीमी कोटकु आग्याद. 8 तरी भी अगर नीव पवतिरशास्त्र अन्द ई वचन इन अनुसार कनि “नी तान मान्ना हातळोर वाळेर से तान घाई प्यार ईट” खराखुरा आ राज व्यवस्था अक पुरा माळतीर, रा वळ्लीद अच माळतीर. 9 लेकीन अगर नीव लॉकुरद

बाहरी पहराव नोळकु व्यवहार माळतीर, रा नीव पापी आईर, अदकि व्यवस्था नीमी नयिम मुरावाळा ठहरूसतद. 10 यतकी जो यावारा सप्पा व्यवस्था अन्द पालन माळतान लेकीन ऊंद अच मात दा चुकसंगुल रा आव सप्पा मातगोळ दा दोषी ठहरूसकु आग्यान. 11 याव ईद अंदुन, “नी व्यभचार माळबाळेत,” आवा ईद भी अंददिन, “नी हत्या माळबाळेत,” इदुरसाटी अगर नी व्यभचार रा माळीदलि लेकीन हत्या माळद तरी भी नी व्यवस्था अन्द उल्लंघन माळावाळा ठहरूसद. 12 नीव आ लॉकुर घाई वचन माताळी अदकि क्याल्सा भी माळी, यार्द न्याय आ व्यवस्था अन्द अनुसार आदीत जो नामी स्वतंत्र माळतद. 13 इदुरसाटी जो दयालु हैलेच आऊन साटी परमेश्वर उन न्याय भी बनिा दया अन्द अच आदीत लेकीन दया न्याय मा वजियी आद.

वशिवास अदकि कर्म

14 हे नान वार्दुरा अदकि आकतींगेरा, अगर यावारा अनुल कि नानी वशिवास आद लेकीन आव कर्म माळालुन, रा इदुर से येन फायदा? येन ईत्ता वशिवास यागल्यारा आऊन उद्धार माळ सकतद? 15 अगर यावारा वार्दुरा या आकतींग इन हाती जंग कपळा ईरूल अदकि आंदरी हर रोज भोजन इंद कमी ईरूल, 16 अदकि नीम दा टु यावारा आंदुर से अनुल, “शांती देल होगी, नीमी पर्याप्त कपळा सकिल अदकि नीव वळलीद खाना तीनकु संतुष्ट ईरी,” लेकीन जो वस्तुगोळ मय इन साटी जरूरी आव अव आंदरी ईला कोळुल रा येन फायदा? 17 हांग अच, अगर वशिवास भी कर्म सहति हैलेच रा तान स्वभाव दा सोतकु आद.

18 अगर यावारा अनतान, “नीनी वशिवास आद अदकि कर्म ना माळतीन.” नी तान वशिवास नानी कर्म इन बनिा रा तोर्स; अदकि ना तान वशिवास तान कर्मगोळद द्वारा तोरसाईन. 19 येन नीनी वशिवास आद कि ऊंद अच परमेश्वर आन? नी वळलीद माळत्या. दुष्टआत्मा भी वशिवास ईटताव, अदकि नळगताव. 20 लेकीन हे नकिम्मा मळसा, येन नी ईद भी अरू सकाल कि कर्म इन बनिा वशिवास व्यर्थ आद? 21 याग नाम पुरवज अब्राहम तान पार इसहाक उक वेदी मा यर्सदुन, रा येन आव कर्मगोळ देल न्यायी ईला ठहरूसीदुन? 22 इदुरसाटी नी नोळ कोंड कि वशिवास आऊन क्याल्सागोळ सांगुळ मलिसकु प्रभाव हाक्याद, अदकि कर्मगोळ देल वशिवास सद्धि आत, 23 *अदकि पवतिरशास्त्र अन्द ईद वचन पुरा आत: “अब्राहम परमेश्वर उन वशिवास माळदुन, अदकि ईद आऊन साटी न्यायी आळुकु आदुन,” अदकि आऊक परमेश्वर उन संगी अंदकु आत. 24 ई प्रकार नीव नोळ कोंडीर कि मळसा सरिफ वशिवास देल अच ईला, उलटा कर्मगोळ देल भी न्यायी ठहरूसकु आगतान. 25 हांगा राहाब वेश्या भी, याग आक स्वर्गदूतगोळी तान मान्या ईळसदुर अदकि दुसरा हादी देल वदिा माळदुर, रा येन आक कर्मगोळ देल न्यायी ठहरूसदुर? 26 हांगा ह्यांग मय आत्मा अन्द बनिा सोतकु आद, हांग अच वशिवास भी कर्म इन बनिा सोतकु आद.

3

ल्यालग्या अक वश दा माळोद

1 हे नान वार्दुरा अदकि आकतींगेरा, नीम दा टु हापाळ सा लॉकुर शक्तिा कोळावाळेर बन्सबाळुल, यतकी जानसतीर कि नाव शक्तिा कोळावाळेद यक्कुल गंभीरता देल न्याय माळकु आदीत. 2 इदुरसाटी कि नाव सप्पा मुंदुर हापाळ घन चुकसेगतेव; लेकीन अगर यावारा माताळदुर दा यातोदारा भी गलती माळतीदील रा आव ऊंद सद्धि मळसा आन अदकि सप्पा मय मा भी नयित्रण ईट सकतान. 3 याग नाव तान आग्या मानसुसोर साटी घवाळा अन्द बाय दा लगाम हचतेव, रा नाव अदरी बाक यल चाहे अल तरिगुस सकतेव. 4 जहाज भी, हगि धोड्डेव ईरताव अदकि प्रचंड हवा देल नळसकु आगताव, तरी भी ऊंद स्याळदतुसा सा पतवार इन द्वारा मांझी इन इच्छा अन्द अनुसार तरिगुसकु आगताव. 5 हांग अच ल्यालग्या भी ऊंद स्याळदतुसा सा हसिसा आद अदकि अद धोळ्द-धोळ्द डींग होडुतद. जरासा सोची, थ्वाळासा बेक्की देल याट धोळ्द आळी दा बेक्की हत्तेगतद. 6 ल्यालग्या भी ऊंद बेक्की हुन; ल्यालग्या नाम मय इन हसिसा दा अन्याय इन दुनया हुन, अदकि सप्पा मय मा कलंक हचतद, अदकि जीवन-गति मा बेक्की हच बुळतद, अदकि नरक कुण्ड इन बेक्की देल होतत ईरतद. 7 यतकी सप्पा प्रकार इन आळी, पशु, पक्षी, अदकि रेंगसावाळा जन्तु, अदकि नीर इन जीव जन्तु रा मळसा जाती इन वश दा आग सकताव अदकि आगोग्याव भी, 8 लेकीन ल्यालग्या अक मळसागोळ दा टु याऊ वश दा माळ सकालुन; अद ऊंद हगि बला आद जो यागलु अच रूकसाल, अद जीव नाशक जयर देल तुमकु आद. 9 इदुर

* 2:23 २:२३ उत्पत्ति १५:६

देल अच नाव प्रभु अदकि आप्प उन स्तुती माळतेव, अदकि इदुर देल अच मंळसागोळी जो परमेश्वर उन स्वरूप दा पैदा आग्यार शराप कोळतेव. 10 ऊंद अच बाय देल धन्यवाद अदकि शराप येदुहोळताव. हे नान वारटुरा अदकि आकतींगेरा, हगि ईला आग पायजे. 11 येन नीर इन सोता अनूद ऊंद अच बाय देल सय अदकि डवला नीर येदुहोळताव? 12 हे नान वारटुरा, येन अंजीर इन मार्र मा जैतून, या अंगुर इन केई मा अंजीर हत सकताव? हांग अच डवला नीर इन सोता टु सय नीर होळ सकाल.

स्वर्गीय बुद्धी

13 नीम दा बुद्धिमान अदकि समझदार याव आन? जो हगि आन आव तान क्याल्सागोळी वळ्ळीद चाल चलन देल आ नम्रता सहति प्रगट माळुल जो ग्यान देल पैदा आगतद. 14 लेकीन नीव तान-तान मन दा जलन, कळवाहट अदकि स्वार्थीपन ईटतीर, रा बुद्धी मा घमण्ड माळकु सच्चाई इन वरिध दा पाप माळबाळी. 15 ईद ग्यान अद आल्लच जो स्वर्ग टु ईळुतद, उलटा सांसारकि, अदकि शारीरकि, अदकि शैतानी आद. 16 यतकी यल जलन अदकि स्वार्थीपन ईरतद, अल अव्यवस्थापन अदकि सप्पा प्रकार इन बेकार मातगोळ आगताव. 17 लेकीन जो ग्यान स्वर्ग टु बरतद अद पयले रा पवतिर ईरतद बाक मलिनसार, मुलायम अदकि शांतीमय अदकि दया अदकि वळ्ळीद काय देल लटालोम अदकि पक्षपात अदकि कपट रहति ईरतद. 18 शांती प्रस्थापति माळावाळेर लॉकुरी अच न्यायी जीवन इन काय प्राप्त आदीत अगर अदरी शांतीपूर्ण वातावरण दा बोऊसकु आग्याद.

4

दुनिया से संगीपना

1 नीम दा लळाई झगळागोळ यल टु होटबंदव? येन ईद नीम इच्छागोळ देल आगाल्द जो नीम मय दा लळाई-झगळा माळताव? 2 नीव चाहासतीर, लेकीन नीमी सकाल; इदुरसाटी नीव हत्या माळतीर. नीव पुरा रीति देल इच्छा ईटतीर, अदकि येनु हासलि माळ सकालीर; इदुरसाटी नीव लळाई अदकि झगळा माळतीर. जो नीव चाहासतीर नीमी सकाल यतकी नीव परमेश्वर से बेळालीर. 3 नीव बेळतीर लेकीन नीमी सकाल, इदुरसाटी का बेकार इच्छा माळकु बेळतीर, कतिान भोग-वलास दा हारस बुळी. 4 हे विश्वासहीन लॉकुरा, येन नीव जान्सालीर का दुनिया से संगीपना माळोद परमेश्वर से दुश्मनी माळोद हुन? जो यावारा दुनिया अनूद संगी आगोद चाहासतान, आव तान तान इक परमेश्वर उन दुश्मन माळतान. 5 येन नीव ईद समसतीर का पवतिरशास्त्र बेकार अनतद, “याता आत्मा अक आव नाम बुळ्क घळुस्यान, येन अद हगि लालसा माळतद यदुर्द प्रतफिल इर्ष्या आगुल?” 6 आव रा मात्त यककुल अनुग्रह कोळतान; ई कारण ईद शास्त्र दा लखिसकु आद, “परमेश्वर अभिमानिगोळ्द वरिध माळतान लेकीन गरीबगोळ मा अनुग्रह माळतान.” 7 इदुरसाटी परमेश्वर उन हात्ती आगेगी; अदकि शैतान उन सामना माळी, रा अद नीमद हात्ती टु ओळकु होदति. 8 परमेश्वर उन हात्ती बरी रा आव भी नीमद हात्ती बंदान. हे पापीगोळा, तान कय तोळ कोमी; अदकि हे पाखंडी लॉकुरा, तान मन इक शुद्ध माळी. 9 दुखी आगी, अदकि शोक माळी, अदकि वरली. नीमद नेगुगोद शोक दा, अदकि नीमद खुशी उदासी दा बदलुसुल. 10 प्रभु उन मुंद नम्र बन्सी रा आव नीमी म्याकुच नेगदान.

मसीह वारटुर मा दोष हचोद

11 हे वारटुरा अदकि आकतींगेरा, आबुर दाबुर अपमान माळबाळी. जो तान मसीह वारटु उन अपमान माळतान या मसीह वारटुन मा दोष हचतान, आव व्यवस्था अनूद अपमान माळतान अदकि व्यवस्था मा दोष हचतान; अदकि अगर नी व्यवस्था मा दोष हचत्या, रा नी व्यवस्था मा नळावाळा ईला पर अदुर मा न्याय माळावाळा ठहरुसद. 12 व्यवस्था कोळावाळा अदकि न्याय माळावाळा रा ऊंद अच परमेश्वर आन, आव आबना अच ऊळस सकतान या नाश माळ सकतान. नीव याव आगतीर तान मान्ना हातळोर न्याय माळावाळेर?

घमण्ड इन वरिध चेटावनी

13 केळी, नीव जो ईद अनतीर, “ईद या नाळ नाव यातोदारा अदकि नगर दा होगकु अल ऊंद वर्ष बतुसेव, अदकि व्यापार माळकु पैस्या कमुसेव.” 14 अदकि ईद जान्सालेव का नाळ येन आदीत. केळ रा कोमी, नीमद जीवन आद अच येन? नीव रा भाप इन घाई आईर, जो घळीतीम काळसतद बाक गायब आगेगतद. 15 इदुर उलटा नीमी ईद अनली पायजे, “अगर प्रभु चाहास्यान रा नाव जतिता ईत्तेव, अदकि ईद क्याल्सा या अद

क्यालसा भी माळेंव.” 16 लेकीन ईग नीव तान डींग होडुतीर अदकि घमण्ड माळतीर; हगि सप्पा घमण्ड बेकार आगतद.

17 इदुरसाटी जो यावारा भलाई माळोद जान्सतान लेकीन माळालुन, आव पाप इन दोषी आन.

5

धनवानगोळी चेतावनी

1 हे अमीरगोळा, केळ रा कोमी, नीव तान बरावाळा वपित्तीगोळ मा वर्ली अदकि ऊँचा स्वर देल वलाप माळी. 2 *नीम धन हुळतोग्याद अदकि नीम फळक्यागोळी उदई हत्तेग्याद. 3 नीम व्हान्ना-बेळ्ली दा जंग हत्तेग्याद; अदकि अद जंग नीम मा गवाही कोट्टीत, अदकि बेककी घाई नीम मास तदि बुट्टीत. नीव आखरी दुनया दा धन जमा माळीर. 4 नोळी, याता क्यालसावाळेर नीम केई दा मजदूरी माळदुर, आंदुरद अद मजदूरी जो नीव ध्वाका कोटक ईट बुट्टीर कटिरेत्याद, अदकि कडावाळेर्द आक्रोश सर्वशक्तमान प्रभु उन कवि ताका ओळेंग्याद. 5 नीव पृथ्वी मा भोग-वलास दा हतकु ईत्तीर अदकि हापाळ सुख भोग्सदरि; नीव ई वध इन दनि इन साटी तान मन इंद पालन-पोषण माळकु खुद इक मोटा-तरोताजा माळदीर. 6 नीव न्यायी मंळसा अक दोषी ठहूरसकु कोंद बुट्टीर, आव नीम सामना ईला माळायदुन.

धीरज अदकि प्रार्थना

7 इदुरसाटी हे वारटुरा अदकि आकतींगेरा, प्रभु उन आगमन ताका धीरज ईटी. नोळी, कसान पृथ्वी इन कमिती फसल इन आशा ईटतेला पयला अदकि आखरी माळ बळिस ताका धीरज ईटतान. 8 नीव भी धीरज ईटी; अदकि तान आशा अक माळकु ईटी, यतकी प्रभु उन आगमन हात्ती होट बंदाद. 9 हे वारटुरा अदकि आकतींगेरा, आबुर दाबुर प्रती सकायत माळबाळी ताकी परमेश्वर नीम न्याय माळबाळुल; नोळी, न्यायाधीश प्रगट आगदुर मा आन. 10 हे वारटुरा अदकि आकतींगेरा, याता भवषियवक्तागोळ प्रभु उन हेसुर देल मात माळदुर, आंदरी दुख नेगोद समय आंदुर धैर्य अक ऊंद आदर्श समसी. 11 नोळी, नाव आ भवषियवक्तागोळी यार धीरज ईटदुर धन्य अनतेव. नीव अय्यूब उन धीरज इन बारा दा रा केळदीर अच, अदकि प्रभु उन दी टु जो अदुरद प्रतफिल आत अदरी भी अर्त कोंडीर, यदुर देल प्रभु उन यक्कुल करूणा अदकि दया प्रगट आगतद.

12 *लेकीन हे नान वारटुरा अदकि आकतींगेरा, सब से धोळ मात ईद आद कि करिया ईला तनिोद, ना आकाश इन, ना धरती इन, ना यातोवारा दुसरा चजि इन; लेकीन नीम मातकात हव इन हव, अदकि ईला अन्द ईला ईरूल, कि परमेश्वर उन न्याय नीम मा बरबाळुल.

13 अगर नीम दा यावारा वपित्ती दा बदिन? रा आंदरी प्रार्थना माळ पायजे. येन नीम दा यावारा खुश आन? रा आंदरी स्तुति अन्द भजन हाळ पायजे. 14 *येन नीम दा यावारा रोगी आन? रा आंदरी पायजे कि मंडली इन स्याणा गवाहगोळी कारूल, कि आंदुर आंदुर साटी प्रार्थना माळुल अदकि आंदुर मा प्रभु उन हेसुर देल जैतून इन याण्णा हचुल. 15 अदकि विश्वास इन प्रार्थना अन्द द्वारा रोगी ऊळस्यान अदकि प्रभु आऊक मात्त स्वस्थ मय प्रदान माळ्यान; अदकि अगर आव पाप भी माळीदान, रा अव भी माफ आगेदव. 16 इदुरसाटी नीव आपस दा आबुर दाबुर मुंद तान-तान पापगोळी मान्स कोमी, अदकि आबुर दाबुर साटी प्रार्थना माळी, यदुर देल चंगा आगेगी: न्यायी जन इन प्रार्थना प्रभावशाली अदकि परणाम कारक आगतद. 17 * एलयियाह भी रा नाम घाई दुख-सुख भोगसावाळा मंळसा ईरोन; अदकि आव गळिगळिासकु प्रार्थना माळदुन कि माळ बरबाळुल; अदकि साढे मुर वर्ष ताका पृथ्वी मा माळ बंददिल. 18 बाक आव प्रार्थना माळदुन, रा आकाश टु माळ बत्त, अदकि पृथ्वी फलवन्त आत्त. 19 हे नान वारटुरा, अगर नीम दा टु यावारा सत्य अन हादी टु भटकुस्यान अदकि यावारा आऊक हादी मा तरूल, 20 *रा आव ईद जान्स कोमुल कि जो यावारा यातोदारा भटकुस्त पापी इक हादी मा तंदान, आव ऊंद जीव इक सोत्तुर देल ऊळस्यान अदकि अनेक पापगोळ मा परदा हाक्यान.

पतरस की पहली पत्री पतरस उन पयला चट्ठी परकिय

१ पतरस उन चट्ठी प्रेरति पतरस उन द्वारा लखिसकु आगीत. पतरस ईद अंदकु तान चट्ठी इन सुरूवात माळदुन की आव याव ईरोन अदकि यार साटी आव लखिसोन. आव आ सप्पा इसाईगोळी चट्ठी संबोधति माळदुन यारी आव “अजनबीगोळ” १:१; १:१७-१:११ अंदुन. अदकि आव तान पाठकगोळी ईत्ता प्रकार देल हापाळ अनली संदर्भति माळदुन यतकी आंदुर ब्यार-ब्यार दयाशगोळ दा बगूसेगीदुर. यतकी ईद चट्ठी थ्वाळासा तरीका देल इफसीगोळी पौलुस उन चट्ठी घाई कांळसतद, हापाळ लॉकुर मानसतार की मसीह अन जनम इन ६५ साल इन बाद्दा इफसीगोळी पयला पतरस लखिसकु आगीत. पतरस रोम नगर टु ईद चट्ठी लखिसीदुन यदरी बेबीलोन अनतार ५:१३.

पतरस अनतान की ई चट्ठी इक “नीमी प्रोत्साहति माळली अदकि ईद प्रमाणति माळोद उद्देश देल लखिसीन की ईद परमेश्वर उन खरा कृपा हुन” ५:१२. १ पतरस २:११-३:७, इफसिगोळ ५:१८-६:९ अदकि कुलुससगोळ ३:१८-४:६ अनद न्याड्या दा हापाळ समानता आव. ई मूर कतिबगोळ दा पारवारिकि रशितागोळ अदकि अधिकारगोळ्द पालन माळोद बारा दा नरिदेश सकितद. अद दुखी लॉकुरी दुखी आगदुर मा मजबूती देल प्रोत्साहति माळतद यतकी अनत् हात्ती आद. ४:१

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. बाक आव छुटकारा साटी परमेश्वर उन धन्यवाद माळतान की आंदुर सप्पा मुंदुर साझा माळतार अदकि ईदुर मतलब आंदुर जीवन इन साटी येन आद १:३-२:१०
३. आव वशिवासीगोळी नरिदेश कोळतान की ह्यांग दुनया दा वळ्लीद रीत देल ईरोद आद अदकि गांड् अदकि हगिस अदकि दास अदकि गुरु उन न्याड्या दा अलग रशितागोळी संबोधति माळोद हुन. २:११-४:११
४. पतरस दुखी लॉकुरी मजबूती देल प्रोत्साहति माळतान अदकि तान चट्ठी बंद माळतान. ४:१२-५:११
५. आग आव तान चट्ठी लखिसोद बंद माळतान. ५:१२-१४

1 पतरस उन दी टु जो यीशु मसीह अन प्रेरति आन,
आ नविळुसकु आदुर परमेश्वर उन लॉकुर्द हेसुर जो ततिर बतिर आगकु पुन्तुस, गलातिया, कप्पदूकिया,
आसिया अदकि बतूनिया दा ईरतार,

2 नीव परमेश्वर आप्प उन पूरव उद्देश इन अनुसार नविळुसकु आगीर अदकि आऊन आत्मा अनद क्याल्सा
द्वारा पवतिर लॉकुर ठहरूसकु आगीर, इदुरसाटी की यीशु मसीह अन आग्या मानसुल अदकि आऊन रक्ता अन
द्वारा शुद्ध आगेगुल. नीमी अनुग्रह अदकि शांती बहुतायत देल सकितेला ईरूल.

ऊंद जत्तिता आशा

3 नाम प्रभु यीशु मसीह अन परमेश्वर अदकि आप्प उन धन्यवाद आगुल, याव यीशु मसीह अन सोत्तुर
दा टु जत्तिता आगोर द्वारा, तान हापाळ प्यार देल नामी जत्तिता आशा कोळोर साटी व्हाशोद जनम कोट्टुन,
4 मतलब ऊंद अवनिशी, अदकि नरिमल, अदकि अजर वरिसत इन साटी जो नीम साटी स्वर्ग दा ईटकु आद;
5 जो वशिवास इन द्वारा सुरक्षति आर, परमेश्वर उन सामर्थ्य अन द्वारा आ उद्धार इन साटी जो आखरी
समय दा प्रगट आगोर साटी तयार आद.

6 ई कारण नीव हापाळ खुश ईरी, लेकीन येनारा थ्वाळासा समय इन साटी अलग अलग परीक्षागोळ दा बदिकु
दुख नेगोद बदिदीत; 7 अदकि ईद इदुरसाटी आद की नीमद वशिवास परखुसकु आगुल, शुद्ध होळी अदकि स्थरि
ईरी, जो नाशवान व्हान्ना आद यदरी बेक्की दा परखुसकु आगतद अदुर देल भी हापाळ यक्कुल बार्र आद, आ
दनि याग यीशु मसीह प्रगट आदान आग नीमी प्रशंसा अदकि महामि अदकि आदर प्राप्त आदीत. 8 नीव
आऊन से प्यार माळतीर जब की नीव आऊक नोळीदील, अदकि नीव आऊन मा वशिवास माळतीर जब की नीव

आऊक ईगल्या नोळीदील. रा नीव हापाळ महामिमय खुशी देल खुश आईर जो शब्दगोळ देल बयान माळकु आगसकाल; 9 नीमद आत्मागोळ उद्धार ईद जो नीमद वशिवास इन उद्देश नीव अदुरदा प्राप्त माळतीर.

10 ईदा उद्धार इन बारा दा आ भवषियवक्तागोळ ध्यान देल खोजबीन अदकि जाँच पळताल माळदुर, यार आ अनुग्रह अन बारा दा जो नीम मा आगली ईरोद, भवषियवाणी माळीदुर. 11 आ भवषियवक्तागोळ मसीह मा बरावाळा दुखगोळ्द समय अदकि अद महमा जो ई दुखगोळ्द बाददा प्रगट आदव इदुरद खोज मसीह अनद आत्मा अन द्वारा माळदुन जो आंदुर दा ईरोद. 12 परमेश्वर आ भवषियवक्तागोळ मा प्रगट माळदुन कर् आंदुर तान ईला बल्की नीमद स्यावा अन साटी ईव मातगोळ अनतोगोर, यारद जानकारी ईग नीमी आंदुरद द्वारा सकित्त यार पवतिर आत्मा अन द्वारा, जो स्वर्ग टु कळुकु आग्याद, नीमी खुशखबरी केळसदुन; अदकि ई मातगोळ इक स्वर्गदूत भी ध्यान देल नोळोद लालसा ईटतार.

पवतिर जीवन जगुसोद बुलाहट

13 ई कारण तान तान नेळु कटकु सावधान ईरी, खुद नयित्तरति ईरी, याग यीशु मसीह प्रगट आदान आग जो आशीष नीमी सकोद आद, अदुर मा तान आशा पुरा रीत दिल हचकु ईटी. 14 आग्या मानसावाळेर चकिोरगोळ घाई, आ समय इन बेकार इच्छागोळ्द अनुसार तान तान इक ढालसबाळी जो नीम दा पयले ईरोद, याग नीव अग्यानी ईरीर. 15 लेकीन ह्यांग नीम कारावाळा पवतिर आन, हांग अच नीव भी तान सप्पा चाल चलन दा पवतिर बनसी. 16 यतकी शास्त्र दा लखिसकु आद, “पवतिर बनसी, यतकी ना पवतिर आईन.”

17 अदकि याग कर् नीव “हे आप्प” अनकु आऊन से प्रार्थना माळतीर, जो बनि पक्षपात हर ऊंद उन कयाल्सा अन आचरण इन अनुसार न्याय माळतान, इदुरसाटी तान परदेशी आगोद समय अंजक देल बतिसी. 18 यतकी नीव जानसतीर कर् नीमद नकिम्मा चाल चलन तरीका जो आप्प दादागोळ हाती टु नळुतेला बरेत्याद, अदुर देल नीमद छुटकारा व्हानना बेळ्ली मतलब नाशवान चजिगोळ द्वारा आगीदील; 19 बल्की कमिती मसीह अनद अर्पण इन द्वारा जो ऊंद नरिदोष अदकि कलंक रहति म्यांडा अन पाड्डा अन रक्ता अन घाई ईरोन. 20 दुनिया अन नरिमाण इन पयले परमेश्वर उन द्वारा मसीह अक चुनुसकु आगीत, लेकीन नीम साटी ईव आखरी दनिगोळ दा आऊक प्रगट माळकु आत. 21 आ मसीह अन द्वारा नीव आ परमेश्वर मा वशिवास माळतीर, यारी परमेश्वर आऊक सोत्तुर दा टु जित्ता माळदुन अदकि महमा कोट्टुन ताकी नीमद वशिवास अदकि आशा परमेश्वर मा पक्का आगुल.

22 ईग याग नीव सच्चाई इन पालन माळतेला खरा भाईचारा अन प्यार इक प्रदर्शति माळोर साटी तान आत्मागोळ इक शुद्ध माळ कौडीर, रा पुरा मन इन सांगुळ आबुर दाबुर से प्यार माळी. 23 यतकी नीमी नाशवान ईला लेकीन अवनिशी बीजा देल, परमेश्वर उन जित्ता अदकि हमेशा ठहूरसावाळा वचन इन द्वारा व्हाशोद जनम सकियाद. 24 यतकी पवतिरशास्त्र दा लखिसकु आद:

“हर ऊंद मळसा प्राणी काड्डा अन घाई आन,

अदकि आऊंद सप्पा शोभा आळी दाकळोद फूला अन घाई आव.

अदकि काड्डा वळ्गोगतद, अदकि फूला झळसेगताव,

25 लेकीन प्रभु उन वचन हमेशा हमेशा संची ईरतद.”

अदकि ईदा खुशखबरी इन वचन आद जो नीमी घोषति माळकु आगीत.

2

जित्ता कल्ल अदकि पवतिर प्रजा

1 इदुरसाटी सप्पा प्रकार इन बुराईगोळ अदकि पाखंड अदकि पुरा ख्वाटा मातगोळ या होत्तोद या अपमानीत माळोर भाषा देल तान तान इक ऊळसकु ईटी. 2 व्हासा पैदा आगा चकिोर इन घाई हमेशा नरिमल आत्मकि हाल इन लालच ईटी, इदुरसाटी इदरी कुडोद द्वारा नीमद विकास अदकि उद्धार आगुल. 3 जसा कर् पवतिरशास्त्र दा लखिसकु आद, “नीव तान तान इन साटी जानस कौडीर कर् प्रभु याट भला आन.”

4 प्रभु उन हात्ती बरी, अद सजीव कल्ल जो लॉकुर द्वारा बेकार सम्सकु नकारसकु आगीदुन लेकीन आव परमेश्वर साटी कमिती आन जो परमेश्वर उन द्वारा नविळुसकु आगीदुन. 5 नीव भी खुद जित्ता कल्लगोळ घाई ऊंद आध्यात्मकि मंदरि इन रूप दा माळकु आगेतीर, ताकी ऊंद हगि पवतिर याजक मंडल इन रूप दा स्यावा

माळ सकी यदुर्द कर्तव्य हगि आत्मकि बलदान समर्पति माळोद आद जो यीशु मसीह अन द्वारा परमेश्वर उक ग्रहण लायक आगुल. 6 ईद कारण पवतिरशास्त्र दा भी लखिसकु आद:

“ना ऊंद कमिती कल्ल नविळुसकु

यारी ना सयियोन इन क्वाना अन्द कल्ल माळकु ईटेतीन:

अदकि जो यावारा आऊन मा वशिवास माळ्यान, आव यातोदारा रीतदेल नरिश आगतीदील.”

7 नीव वशिवासीगोळ साटी ईद कल्ल हापाळ कमिती आद; लेकीन जो वशिवास माळालुर आंदुर साटी

“अद कल्ल यारी राजमस्त्रीगोळ बेकार समसकु इनकार माळीदुर,

अदा कल्ल सप्पा मुंदुर साटी महत्वपूर्ण क्वाना अन कल्ल बनसेत,”

8 अदकि शास्त्र दा ईद भी लखिसकु आद,

“ईद अद कल्ल हुन जो अपराधी लांकुरी टेस पहुचुसोद कारण बनसीत,

ईद चट्टान लांकुरी ठोकर हचकु केळदति.” आंदुर ठोकर तदिर यतकी आंदुर परमेश्वर उन वचन मा वशिवास माळालुर

अदकि ईदा आंदुर साटी परमेश्वर उन इच्छा ईरोद.

9 *लेकीन नीव ऊंद नविळुसकु वंश, राज-पदधारी याजकगोळ्द समाज, पवतिर जाती, अदकि परमेश्वर उन खुद इन लांकुर आईर, इदुरसाटी कयाव नीमी अंधकार दा टु तान अदभुत ज्योति दा कार्सदुन, आऊन महान कार्य अन्द घोषणा माळी. 10 ऊंद समय दा नीव परमेश्वर उन लांकुर ईला ईरीर, लेकीन ईग नीव आऊन लांकुर हुईर; ऊंद समय ईरोद याग नीम मा परमेश्वर उन दया ईला आगीत, लेकीन ईग नीम मा आऊन दया आग्याद.

परमेश्वर उन दास

11 हे प्रयि संगीगोळा, ना नीम से, जो ई दुनिया दा अजनबीगोळ रूप दा आईर, नविदन माळतीन कि आ शारीरकि इच्छागोळ देल दुर ईरी जो नीमद आत्मा से लळुसतेला ईरतद. 12 दुसरा जातीगोळ न्याड्या तान चाल चलन हगि वळलीद माळकु ईटी कि चाहे आंदुर अपराधीगोळ्द रूप दा नीमद आलोचना माळ्यार लेकीन नीमद वळलीद कर्मगोळ्द परणाम स्वरूप आऊन बरव दनि आंदुर परमेश्वर उक महिमा प्रदान माळुल.

13 प्रभु उन साटी तान तान इक हर मानव अधिकार इन हातती ईरी: राजा अन हातती इदुरसाटी कि आव सब मा शासन माळतान, 14 अदकि शासकगोळ्द, यतकी आंदुर बुरा लांकुरी दण्ड कोळोद अदकि वळ्लेव लांकुर्द प्रशंसा अन साटी आऊन द्वारा कळुकु आग्यार. 15 यतकी परमेश्वर उन नीम से ईद इच्छा आद कि नीव तान भलाई इन कयाल्सागोळ देल मूर्ख लांकुर्द अग्यान देल तुमकु मातगोळ इक सुंगा माळबुळी. 16 स्वतंत्र मंळसा अन घाई जीवन बीतुसी, लेकीन तान स्वतंत्रता अन्द इस्तेमाल बुरा मातगोळ इक होचोर साटी माळबाळी; लेकीन परमेश्वर उन सेवकगोळ्द घाई जित्ता ईरी. 17 सप्पा मुंदुर्द आदर माळी, तान दुसरा वशिवासी वारटुर से प्यार ईटी, परमेश्वर उन आदर इन सांगुळ अंजक मान्सी, राजा अन सम्मान माळी.

मसीह अन्द तकलीफ इन उदाहरण

18 हे सेवकगोळा, तान तान इक तान स्वामीगोळ्द हातती ईटी, अदकि आंदरी पुरा रीतदेल आदर कोळी, ना सरिफ आंदरी जो वळ्लेर आर अदकि दुसरा अन भलाई माळतार बल्की आंदरी भी जो कठोर आर. 19 यतकी अगर यावारा परमेश्वर उन वचार माळकु अन्याय देल दुख नेगुतेला क्लेश सहन माळतान रा ईद वळलीद आद. 20 यतकी अगर नीव अपराध माळकु बुक्की तदिर अदकि धीरज हुळदीर, रा ईदुर दा येन बळाई इन मात आद? लेकीन अगर भलाई इन कयाल्सा माळकु दुख नेगुतीर अदकि धीरज हुडुतीर, रा ईद परमेश्वर उक भाऊसतद. 21 लेकीन नीमी परमेश्वर इदुरसाटी कारदुन, यतकी मसीह नीम साटी दुख नेगदुन अदकि हगि माळकु नाम्द साटी ऊंद उदाहरण बट्टुन ताकी नीव भी आऊन पद-चमत्कारगोळ मा नळु सकीर. 22 आव येनु पापगोळ माळीदलि अदकि यावारा यागल्यारा भी आऊन बाय देल ख्वाटा मातगोळ केळीदील. 23 याग आव अपमानीत आदुन आग आव याऊकु अपमानीत माळकु प्रती उत्तर माळीदील, याग आव दुख झेलसदुन आग आव याऊकु धमकी कोटीदील, बल्की आ खरा न्याय माळावाळा न्यायी परमेश्वर दा तान आशा अक ईटदुन. 24 मसीह खुद अच नामव पापगोळ तान मय मा ताकोमकु कूस मा येरेदुन, ताकी नाव तान पापगोळ्द प्रती नाम मृत्यु आगेगुल अदकि न्यायीपन इन साटी जीवन बतुसेव: ईद आऊन आ बलदान इन कारण अच आत यऊर देल नीव चंगा

माळकु आगीर. 25 यतकी नीव पयले भटकूसकु म्यांडा अन घाई ईरीर, लेकीन ईग तान जीवगोळ रखवाला अदकि अध्यक्ष अन हात्ती बंदीर.

3

गांडड अदकि हगिस

1 *ईदा रीतदिल हे हगिसुरा, नीव भी तान गांडड उन हात्ती ईरी, ताकी याव परमेश्वर उन वचन मा वशिवास माळालुर रा तान चाल चलन देल अच नीव आऊक वशिवास देल जीत सकतीर. इदुरसाटी नीमी आऊन से मातचीत माळोद भी जरवत हैलेच. 2 यतकी आंदुर नोळ्यार नीमद चाल चलन ह्यांग पवतिर अदकि भक्तपिर्ण आद. 3 *तान तान इक सुंदर माळोर साटी व्हार्या अन साझ श्रृंगार इन इस्तेमाल माळबाळी, जसा क्चुट्टी गुथसोर साटी, या बाक व्हानना अन बांगळागोळ, या वळ्लेव-वळ्लेव कपळा हाक्कोर साटी, 4 बल्की नीमी सुंदर नीमद भतिरी व्यक्तत्व माळतद, मुलायम मन अदकि शांत आत्मा अनद अवनिशी सुंदरता देल युक्त आगी, परमेश्वर उन नजर दा जो कमिती आईर. 5 पूर्वकाल दा भक्ति माळावाळेर आर्तेर भी, जो परमेश्वर मा पवतिर आशा ईटतोगोर, तान तान इक ईदा रीतदिल सवारसतोगोर अदकि तान तान गांडड उन हात्ती ईरतोगोर. 6 जसा सारा तान गांडड अब्राहम उन आग्या मानसोर अदकि आऊक तान स्वामी अनतोगोर. ईदा प्रकार नीव भी अगर भलाई माळीर अदकि यातोदारा प्रकार इन अंज्क देल अंजतीदिल, रा प्रभु पोरगोळ ठहूसीर.

7 *हांग अच हे गांडड उरा, नीव तान हगिसुर सांगुळ समझदारी देल ईरी, अदकि आंदरी कमजोर आर्त जान्सकु आंदुरद आदर माळी, परमेश्वर उन जीवन इन वरदान दा आंदरी तान सह उत्तराधिकारी मान्सी, ताकी नीमद प्रार्थनागोळ दा बाधा बळिबाळुल.

भलाई माळोद कारण कष्ट

8 अनत दा नीव सप्पा मुंदरी समान वचार, सहानुभुती, तान वार्दुरगोळ से प्यार माळावाळा, दयालु अदकि नमूर आगली पायजे. 9 बुराई इन बदला बुराई माळबाळी अदकि श्राप इन बदला श्राप कोळबाळी; बल्की प्रत्युत्तर दा आशीष अच कोळी, यतकी आशीष अच आद जो परमेश्वर नीमी कोळोद वचन कोटीदुन याग नीमी कार्सीदुन. 10 जसा शास्त्र दा लखिसकु आद,

“अगर आव जीवन इन प्यार ताकोमोद चाहासतान,

अदकि वळ्लेव दनि नोळोद चाहासतान,

आव तान ल्यालग्या अक बुरा मातगोळ देल, अदकि तान टुट्टीगोळ इक ख्वाटा माताळदुर देल

रोक्सकु ईटी इदुरदा अच भलाई आद.

11 आव बुराई इन सांगुळ बळुल, अदकि भलाई इच माळुल;

आव पुरा मन देल शांती इन साटी प्रयास माळुल.

12 यतकी प्रभु उन कण्णगोळ न्याय मा हतकु ईरताव,

अदकि आऊन कवि आंदुरद वनिती दा हतकु ईरताव;

लेकीन प्रभु बुराई माळावाळेरद वमिख ईरतान.”

13 अगर नीव भलाई माळोर साटी तयार ईत्तीर रा नीमद बुराई माळावाळा बाक याव आन? 14 *अगर नीव सच्चाई इन कारण दुख भी नेगदीर, रा धन्य आईर; लेकीन लॉकुरद अंजुसदुर देल अंजबाळी, अदकि घबरूसबाळी,

15 लेकीन तान मन दा मसीह अन साटी सम्मान ईटी, आऊक प्रभु जान्सकु आदर कोळी. अदकि अगर यावारा नीम इक नीमद शुद्ध आशा अन बारा दा जो नीम दा आद समझुस्ली अनुल; रा आऊक उत्तर कोळोर साटी हमेशा तयार ईरी. 16 लेकीन ईद वनिमरता अदकि भलाई इन सांगुळ अच माळी. अदकि तान वविक इक भी शुद्ध ईटी, ताकी यीशु मसीह दा नीमद वळ्लीद चाल चलन देल नीम सम्मान आगुल अदकि नदि माळावाळेर लॉकुर

नीमद अपमान माळाहोती लज्जति आगुल. 17 यतकी अगर परमेश्वर उन ईदा इच्छा आद क्चि नीव भलाई माळोद कारण दुख नेगी, रा बुराई माळोद बदला दुख नेगोद वळ्लीद आद. 18 इदुरसाटी मसीह भी पुरा पापगोळ न्याय माळोर साटी ऊंद अच घन सोत्तुन, मतलब आव जो नरिदोष ईरोन नाव पापीगोळ साटी सोतोदुन क्चि नामी परमेश्वर उन हाती ओयुल. मय इन भाव देल रा आव कोंदकु आदुन, लेकीन आत्मा अन भाव देल जत्तिता माळकु

* 3:1 ३:१ इफसिगोळ ५:२२; कुलुससगोळ ३:१६ * 3:3 ३:३ १ तीमुथियुस २:९ * 3:7 ३:७ इफसिगोळ ५:२५; कुलुससगोळ ३:१९

* 3:14 ३:१४ मत्ती ५:१०

आदुन. 19 अदकि आऊन आत्मा अन्द स्थिती दा अच आव होगकु आ कैदी आत्मागोळ इक प्रचार माळदुन, 20 ईव अव आत्मागोळ हुव जो आ समय परमेश्वर उन आग्यागोळ मा वश्वास ईला माळतोगोर याग नूह अन्द इवांगा माळकु आगोद अदकि परमेश्वर धीरज इन सांगुळ हादी कायोन आग आ इवांगा दा थ्वाळासा मतलब सर्फि येठठ मंळसागोळ अच नीर दा टु ऊळदीदुर. 21 ईद नीर आ बपतस्मा अन्द घाई आद यदुर देल नीमद भलाई आगतद इदुर दा मय इन मईल तोळोद ईला बल्की ऊंद शुद्ध वविक इन साटी परमेश्वर से वनिती आद ईग रा बपतस्मा नीमी यीशु मसीह अन्द पुनरूत्थान इन द्वारा ऊळस्तद. 22 आव स्वर्ग मा होगकु परमेश्वर उन ऊमा कय दी कुरतोदुन; अदकि स्वर्गदूत अदकि स्वर्गीय अधिकारी अदकि सामर्थ्य आऊन हात्ती माळकु आदुर.

4

परविरतति जीवन

1 इदुरसाटी याग क् मसीह मय दा आगकु दुख नेगदुन रा नीव भी अदा मनसा अक हथयार इन घाई धारण माळी, यतकी याव मय दा दुख नेगदुन आव पापगोळ देल बटिदुन, 2 ईग टु मुंद नीमद वाचुस्त समय पृथ्वी इन जीवन मानवीय इच्छागोळ्द अनुसार ईला बल्की परमेश्वर उन इच्छा अन अनुसार जीवन व्यतीत माळुल. 3 यतकी मूर्त्तिपुजा माळावाळेरद इच्छा अन्द अनुसार क्याल्सा माळोद, अदकि असभ्यता, वासना, पयिक्कळपन अवैध संबंध, रंगरेली, अदकि बेकार मूर्त्तिपूजा दा यल ताका नाव पयले समय गऊसदेव, अदा हापाळ आत. 4 इदुर देल आंदुर अचम्भा माळतार क् नीव हगि बोयोद जंगलीपन अदकि लापरवाह अन्द जीवन जगुसोर दा आंदुर साथ कोळालीर, अदकि इदुरसाटी आंदुर नीमद अपमान माळतार; 5 लेकीन जो सोतकु आर अदकि जतितागोळ्द न्याय माळोर साटी तयार आन आ परमेश्वर उक नामी तान व्यवहार इन लेखा जोखा कोळोद बदिदीत. 6 इदुरसाटी आ वश्वासीगोळ इक जो सोतोग्यार खुशखबरी इन उपदेश कोटकु आगीत क् शारीरक रूप देल चाहे आंदुरद न्याय मानवीय स्थल मा आगुल लेकीन आत्मकि रूप देल आंदुर परमेश्वर उन अनुसार जतिता ईरूल.

परमेश्वर उन वळ्लेर भंडारी

7 सप्पा मातगोळ्द अन्त तुरन्त आगावाळा आद; इदुरसाटी संयमी आगकु प्रार्थना माळोर साटी सचेत ईरी. 8 सब से धोळ मात ईद आद क् आबुर दाबुर से प्यार ईटी, यतकी प्यार अनेक पापगोळ इक मुच्च बुळतद. 9 बनि कुळकुळसकु आबुर दाबुर अतथी-सत्कार माळी. 10 यारी जो वरदान सकियाद, आव अदरी परमेश्वर उन अलग-अलग प्रकार इन अनुग्रह अन भला भंडारीगोळ घाई आबुर दाबुर स्यावा दा हची. 11 जो यावारा प्रचार माळुल, आव परमेश्वर उन वचन इन प्रचार माळुल; जो यावारा स्यावा माळुल, रा आ शक्ति इन सांगुळ माळुल जो परमेश्वर कोळतान; इदुरसाटी ई सप्पा मातगोळ दा यीशु मसीह अन द्वारा, परमेश्वर उन स्तुति आगुल. महमा अदकि साम्राज्य हमेशा हमेशा आऊन आद. आमीन.

मसीह आगोद नाता देल दुख नेगोद

12 हे प्रयि संगीगोळा, याग नीमद अग्नि परीक्षा आगतद आग हगि असामान्य मातगोळ आगतेला नोळकु नीव आश्चर्य चकति आगबाळी. 13 लेकीन ह्यांग-ह्यांग मसीह अन दुख दा सहभागी आगतीर, खुश ईरी, यदुर देल याग आऊन महमा प्रगट आदीत आ घन भी नीव पुरा रीति देल आनन्दति आगेगी. 14 बाक अगर मसीह अन हेसुर इन साटी नीव अपमानीत आगतीर रा नीव धन्य माळी, यतकी आव महमामय परमेश्वर उन आत्मा नीम मा आगतद. 15 नीम दा टु यावारा मंळसा हत्यारा या काळ्ल या कुकर्मि आगदुर मा, या पराया क्याल्सा दा कय हाका कारण दुख ईला सकिल. 16 लेकीन ई मात साटी परमेश्वर उन धन्यवाद माळी, यतकी नीव मसीह हेसुर ग्रहण माळदीर.

17 यतकी न्याय माळोद समय इन सूरुवात आगेगयाद क् पयले परमेश्वर उन लॉकुरद न्याय माळकु आगुल; अदकि याग क् न्याय इन सूरुवात नाम देल अच आदीत रा आंदुरद येन अन्त आदीत जो परमेश्वर उन खुशखबरी मा वश्वास माळालुर? 18 हगि शास्त्र दा लखिसकु आद, “अगर वळ्लेव न्याय माळावाळा मंळसा अक अच कठनाई देल उद्धार सकिकीत, रा भक्तहीन बयमान अदकि पापी इन येन आदीत?”

19 इदुरसाटी जो परमेश्वर उन इच्छा अन अनुसार दुख नेगुतार, आंदुर भलाई माळतेला तान-तान जीव वशिवासलायक सृजनहार इन कय दा सौप्स बुळुल.

5

स्याणागोळी अदकि नवयुवकगोळी बातणी

1 नीम दा जो स्याणा आन, ना आंदुर घाई स्याणा अदकि मसीह अन दुखगोळ्द गवाह अदकि प्रगट आगावाळा महमा दा सहभागी आगकु आंदरी ईद समझुसतीन. 2 *क परमेश्वर उन आ झुण्ड इन, जो नीमद न्याड्या दा आद रखवाली माळी; अदकि दबाव देल ईला लेकीन परमेश्वर उन इच्छा अन अनुसार खुशी देल, अदकि कमाई इन लालच साटी ईला लेकीन मन हचकु. 3 जो लॉकुर नीमद देखरेख इन साटी सौप्सकु आग्यार, नीव आंदुर मा अधिकार जतुसबाळी, बल्की झुण्ड इन साटी ऊंद आदर्श बनसी. 4 याग प्रधान रखवाला प्रगट आदान, रा नीमी महमा अन मुकुट कोटकु आदीत यदुरद चमक यागलु खतम आगाल.

5 ईदा प्रकार हे नवयुवकगोळा, नीव भी तान स्याणागोळ्द हात्ती ईरी, अदकि नीव सप्पा च्या सप्पा आबुर दाबुर स्यावा माळोर साटी वनिमरता धारण माळी, यतकी शास्त्र दा लखिसकु आद, “परमेश्वर अभिमानीगोळ्द वरिध माळतान, लेकीन नम्र लॉकुर मा अनुग्रह माळतान.”

6 *इदुरसाटी परमेश्वर उन बलवन्त कय इन लयालमा दीनता देल ईरी, यदुर देल आव नीमी उचति समय मा वाळुसुल. 7 तान सप्पा चन्तिता आऊन मा हाक बुळी, यतकी आऊक नीमद ध्यान आद.

8 सचेत आगी, अदकि जागसतेला ईरी; यतकी नीमद दुश्मन शैतान गरजुसतेला हुलल इन घाई ईल अल ओयाळतेला ई ताक दा ईरतान क यारीक हरकु तनुल. 9 वशिवास दा मजबूत आगकु, अदकि ईद जान्सकु आऊन सामना माळी क नीम वार्टुर जो दुनया दा आर हगि अच दुख झेलसेत्यार. 10 ईग परमेश्वर जो सप्पा अनुग्रह अन दाता आन, याव नीमी मसीह दा तान अनन्त महमा अन साटी कारदुन, नीमद थ्वाळासा समय ताका दुख नेगदुर बाददा खुद अच नीमी सदिध अदकि संची अदकि बलवन्त माळ्यान. 11 आऊंदा साम्राज्य हमेशा हमेशा ईरूल. आमीन.

आखरी अभिवादन

12 *ना नीमी ऊंद संक्षपित चटिठी सलिवानुस उन सहयोग देल लखिसदीन, यारी ना वशिवासलायक मसीह वार्ट मानसतीन. ना नीमी प्रोत्साहित माळोद चाहसतीन अदकि नांद गवाही कोळतीन जो परमेश्वर उन सही अनुग्रह हुन, ईदुर दा संची ईरी.

13 *जो बेबीलोन दा नीमद घाई नविळुसुद मंडली इन लॉकुर, आंदुर नीमी नमस्कार अनतार अदकि मसीह दा नान पार मरकुस उन भी नीमी नमस्कार. 14 मसीह दा प्यार पुर्ण भाव देल आबुर दाबुर इक कुतक्या हुडुकु नमस्कार माळी.

नीमी सप्पा मुंदरी, जो मसीह दा आईर, शांती सकितेला ईरूल.

पतरस की दूसरी पत्री पतरस उन दुसरा चिट्ठी परकिय

२ पतरस उन चिट्ठी दा अंदकु आग्याद कि ईद प्रेरति पतरस उन द्वारा लखिसकु आगीत, लेकीन ईदीनोर हापाळ वधिवानगोळी हताल कि ईद सही आद. ईद संभव आद कि यावारा दुसरा ई चिट्ठी इक पतरस उन दी टु लखिसीदान. लेखक अनतान कि आव यीशु उन जीवन अदकि वशिष रूप दा रूपान्तरण १:१७-१८ इन साटी ऊंद प्रत्यक्षदर्शी ईरोन, अगर पतरस चिट्ठी लखिसीदुन रा संभव आद कि आव रोम नगर दा ६५ टु ६९ साल इन बाददा अदकि मसीह अनंद जनम इन बाददा लखिसीदान. पतरस १ पतरस इन चिट्ठी इन बाददा लेखन इन तारीख ईटकु तान दुसरा चिट्ठी ३:१ भी लखिसदुन. आव सप्पा इसाईगोळी चिट्ठी संबोधति माळदुन.

पतरस ई चिट्ठी इक वळ्लीद जीवन जीऊसोर साटी प्रोत्साहति माळली अदकि ख्वाटा गुरुगोळ्द २ पालन ईला माळोर साटी चेतावनी कोळोर साटी लखिसीदुन. आव आंदरी आ लॉकुरी अनदेखा माळोर साटी प्रोत्साहति माळदुन जो अनेत्यार कि यीशु वापस बरली हापाळ लंबा समय ताकोमेत्यान. ईदुर उलटा आव आंदरी इंगति माळदुन कि परमेश्वर धीरा हैलेच बल्की सप्पा मुंदुरी ऊळसोद चाहासतान २ पतरस ३:८-९ ईद वळ्लीद जीवन जीऊसोद ऊंद कारण आद ३:१४.

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. आव आंदरी वळ्लीद जीवन जीऊसोद याद तोरसतान यतकी परमेश्वर नामी सक्षम माळ्यान. १:३-२१
३. आव ख्वाटा गुरुगोळ्द खलाप चेतावनी कोळतान अदकि अनतान कि आखरी दा ख्वाटा गुरुगोळ सांगुळ येन आदीत. २:१-२२
४. पतरस यीशु उन बरोर साटी तयार आगोर साटी वळ्लीद जीवन जीऊसोद साटी वशिवासीगोळी प्रोत्साहति माळतान. ३:१-१७

1 शमौन पतरस उन दी टु, जो यीशु मसीह अनंद दास अदकि प्रेरति आर,
आ लॉकुर हेसुर यार नामव परमेश्वर अदकि उद्धारकर्ता यीशु मसीह अनंद न्याय इन द्वारा नाम घाई कमिती वशिवास प्राप्त माळ्यार.

2 परमेश्वर उन अदकि नाम प्रभु यीशु उन पयचान इन द्वारा अनुग्रह अदकि शांती नीम दा बहुतायत देल वाळुस्त होगुल.

ईश्वरीय बुलाहट अदकि चुनाव

3 यतकी परमेश्वर उन ईश्वरीय सामर्थ्य सप्पा येनारा जो भक्तमिय जीवन हततद, नामी अदुरदा पयचान इन द्वारा कोटान, याव नामी तान अच महिमा अदकि सदगुण इन अनुसार कारदान. 4 यऊर द्वारा आव नामी कमिती अदकि हापाळ अच धोळ्द वादा कोटुन: कि इऊर द्वारा नीव आ भ्रष्टता देल बीळस्कु, जो दुनया दा बेकार अभलाषागोळ देल आगतद, ईश्वरीय स्वभाव इन सहभागी आगोगी. 5 ईदा कारण सप्पा प्रकार इन कोशशि माळकु तान वशिवास दा भक्तभाव इक जोळसी; अदकि भक्तभाव दा ग्यान इक, 6 अदकि तान ग्यान दा आत्मसंयम इक जोळस, अदकि आत्मसंयम दा धीरज इक जोळसी, अदकि धीरज दा परमेश्वर उन भक्तर्ता इक, 7 अदकि नीमद परमेश्वर उन भक्तर्ता मसीह भाईचारा अक; अदकि मसीह भाईचारा दा प्यार इक जोळसी. 8 यतकी ईव पुरा गुणगोळ्द जरवत आद, अदकि अगर ईव मातगोळ नीम दा बहुतायत देल आव रा ईद नीमी नाम्द प्रभु यीशु मसीह अन ग्यान दा क्रियाशील अदकि प्रभावशाली माळ्याव. 9 लेकीन अगर नीम दा ईव मातगोळ ईलच, रा नीम इक दुर दृष्टी ईला नीव कुदुह आईर तथा मारतोगीर कि नीमद पयला अन पाप तोळकु आगोग्याव.

10 ईदा कारण हे वारटुरा, तान कारूकु आगोद, अदकि नविळुसूद आगोद इक सदिध माळोर साटी वळ्लीद रीतर्त देल कोशशि माळतोगी, यतकी अगर हगि माळीर रा यागलु ठोकर तनितीदील; 11 बल्की ई रीतर्त देल नीव नाम्द प्रभु अदकि उदधारकर्ता यीशु मसीह अनूद अनन्त राज्य दा धोळ्द आदर इन सांगुळ प्रवेश माळ सकीर.

12 इदुरसाटी अगर नीव ईव मातगोळी जान्सतीर, अदकि जो सच्चाई इन वचन नीमी सकियाद अदुर दा बनसकु ईरतीर, तरी ना नीमी ईव मातगोळ्द याद तोरसोर साटी हमेशा तयार ईराइन. 13 ना ईद तान साटी सही समसतीन की यागासताका ना ईद मय दा जतिता आईन, आगासताका ना नीमी याद तोरसतेला ईराइन. 14 यतकी ना जान्सतीन की ना तान नाशवन्त मय बळिवाळा आईन, ह्यांग की नामव प्रभु यीशु मसीह नानी ईद हेळीदुन. 15 इदुरसाटी ना तान दी टु पुरा कोशशि माळाईन की नान सोत्तुर बाददा भी नीव लॉकुर ईव सप्पा मातगोळ इक हमेशा याद माळ सकीर.

मसीह अन महिमा अन कण्णगोळ नोळ्द गवाह

16 यतकी याग नाव नीमी तान प्रभु यीशु मसीह अन सामर्थ्य इन अदकि आगमन इन समाचार कोटीदेव, रा अद चतुराई देल नटकु कात्तागोळ्द अनुकरण ईला ईरोद बल्की नाव खुद अच आऊन महानता अक नोळीदेव. 17 यतकी याग आऊक परमेश्वर आप्प से आदर अदकि प्रशंसा सकित्त अदकि आ प्रतापमय महिमा दा टु ईद वाणी बत्त, “ईव नान प्रयि पार हुन, यार देल ना खुश आईन.” 18 याग नाव आऊन सांगुळ पवतिर पहाळी मा ईरेव अदकि आकाश टु ईद वाणी बर्त केळदेव.

19 नाम हात्ती जो भवषियवक्तागोळ वचन आद, अद ई घटना देल मजबूत ठहरूसूत. नीव ईद वळ्लीद माळतीर जो ईद समसकु आऊन मा ध्यान माळतीर की आव ऊंद दगिया हुन, जो अंधार जागा दा आ समय ताका उजुळ कोळतेला ईरतद यागासताका की व्हातुर आगाल अदकि व्हातुर इन तारा नीम्द मन दा चमकुसाल्द. 20 सब से धोळ मात ईद आद की नीमी ईद जान्स कोम पायजे की शास्त्र अन यातोदारा भी भवषियवाणी यातोदु भवषियवक्ता अन नीजी वचिरगोळ्द आधार मा कोळ्द स्पष्टीकरण आल्लच. 21 यतकी यातोदारा भी भवषियवाणी मंळसा अन इच्छा देल यागलु आगीदील, लेकीन भक्त जन प्रभावति आगकु पवतिर आत्मा अन द्वारा परमेश्वर उन दी टु माताळतोगोर.

2

ख्वाटा गुरु

1 ह्यांग पूर्वकाल दा लॉकुरद न्याड्या दा ख्वाटा भवषियवक्ता प्रगट आगीदुर, अदा प्रकार नीम्द न्याड्या दा भी ख्वाटा गुरु प्रगट आदार. आंदुर भटकुसावाळा सच्चाई सदिधांतगोळ इक तंदार, अदकि आ स्वामी इन इनकार माळ्यार याव आंदरी कोड कोडान, अदकि हगि माळकु आंदुर तान जलदी वनिश इक नमिंत्रण कोट्टार. 2 तरी भी हापाळ पुरा लॉकुर आंदुरद अनैतिकि हादीगोळ मा नळदार; यतकी जो आंदुर माळतार, आंदुर वजह देल दुसरा मुंदुर अपमान सच्चाई अनूद बदला माळ्यार. 3 आंदुर लोभ दा बंदकु ख्वाटा मातगोळी माळ्यार अदकि नीम से अनुचति लाभ नेगदार. दण्ड इन आग्या रा आंदुर मा पयले टु अच आगोग्याद, अदकि आंदुरद वनिश इन नरिणय आगोग्याद.

4 यतकी याग परमेश्वर आ स्वर्गदूतगोळ इक यार पाप माळदुर आंदरी बटीदलि, लेकीन नरक दा कळुकु अंधार दा हाक्क बुट्टुर ताकी न्याय इन दनि ताका शंकलीगोळ दा दुख सहन माळुल; 5 अदकि स्याणा लॉकुर युग इन दुनया अक भी बटीदलि बल्की भक्तहीन दुनया मा महा जल प्रलय कळुदुन, लेकीन न्याय इन प्रचार माळावाळा नूह अदकि येळ मंळसागोळी ऊळ्स बुट्टुन; 6 अदकि सदोम अदकि गमोरा अन नगरगोळ इक दोषी ठहरूसकु दण्ड कोट्टुन अदकि आंदरी बेक्की देल भसम माळदुन ताकी आंदुर बरावाळेर भक्तहीन लॉकुरद शक्ति अन साटी उदाहरण बनसुल, 7 अदकि न्यायी लूत इक जो अन्यायीगोळ्द अनैतिकि चाल चलन देल हापाळ दुखी ईरोन छुटकारा कोट्टुन. 8 यतकी आव न्यायी आंदुर बीच दा ईरतेला अदकि आंदुर अन्याय इन क्यालसागोळ इक नोळ नोळकु अदकि केळ केळकु, हर दनि दुख देल तळपुस तोगोन. 9 रा प्रभु भक्तगोळ इक परीक्षा दा टु तेगोद अदकि अन्यायीगोळ इक न्याय इन दनि ताका दण्ड इन दशा दा ईटोद भी जानस्तान, 10 विशेष माळकु आंदरी जो कलंकीत अभलिषागोळ हदि मय इन अनुसार नळुतार अदकि प्रभु अक तुच्छ जानस्तार.

आंदुर ढीठ, अदकि जदिदी आर, अदकि धोळ पदवाळेर इक भला बुरा माताळली अंजालुर, 11 तरी भी स्वर्गदूतगोळ जो न्याय अदकि सामर्थ्य दा ख्वाटा गुरुगोळ देल धोड्डेर आर, प्रभु उन मुंद आंदरी बुरा भला अनकु दोष हचालुर. 12 लेकीन ई लॉकुर नरिबुद्धी पशुगोळ्द अच तुल्य आर, जो हुळकु आगोर साटी अदकि नाश आगोर साटी पैदा आग्यार; अदकि या मातगोळ इक जानसालुर अच अदुर बारा दा दुसरा अक भला बुरा अनतार, आंदुर आळी दाकळोद पशुगोळ्द घाई नाश माळकु आदार. 13 दुसरा अन बुरा माळोद बदला आंदुर दा बुरा आदीत. आंदरी ईळ्लक हागुल भोग वलास माळोद भला हततद. हगि लॉकुर कलंकीत अदकि दोषी आर; याग आंदुर नीम सांगुळ तनितार अदकि कुडुतार, रा आंदुर ध्वाका धळी देल भोज माळकु भोग वलास माळतार. 14 आंदुर कण्णगोळ दा व्यभचार कुर्तकु आद, अदकि आंदुर पाप माळदुर बनिा रूक्स सकालुर. आंदुर कमजोर लॉकुरी जाल दा फसुस कोमतार. आंदुर मन इक लोभ माळोद अभ्यास आगोग्याद; परमेश्वर उन शराप आंदुर मा आद. 15 आंदुर सीदा हादी अक बटिकु भटकुसेग्यार, अदकि बओर उन पार बलाम उन हादी मा आगोग्यार, याव अन्याय इन मजदूरी इक प्रयि जान्सदुर; 16 अदकि आऊक आऊन पाप इन बारा दा फटकार सकित, ईल ताका क्क अबोल गधा मंळसा अन बोली देल आ भवषियवक्ता अक आऊन बावलापन देल रोक्सत.

17 ई लॉकुर वंळगीद भायगोळ, अदकि आंधी इन हारसूद बादल उर; परमेश्वर आंदुर साटी अननत् खोल अंधकार ठहरूस्यान. 18 आंदुर बेकार घमण्ड इन मातगोळी माळ माळकु अनैतिकि क्यालसागोळ द्वारा, आ लॉकुरी शारीरिक अभलिषागोळ दा फसुस बुळतार जो भटकुसकु दा टु होळोद सूवात ईगल्या अच माळेत्यार. 19 आंदुर आंदरी स्वतंत्र माळोद प्रतग्या रा माळतार, लेकीन खुद अच भ्रष्टता अन दास आर; यतकी जो मंळसा यार देल हारूसेग्यान, आव आऊन दास बनसेगतान. 20 याग आंदुर प्रभु अदकि उद्धारकर्ता यीशु मसीह अन पयचान इन द्वारा दुनया अन नाना प्रकार इन कलंक देल उळ्दकु होट्टुर, अदकि मात आंदुर दा फसुसकु हारूसेदूर, रा आंदुर पछिला दशा पयले टु भी बेकार आगोग्याद. 21 यतकी न्याय इन हादी इन ईला जानसोद अच आऊन साटी इदुर से भला आगाईत क्क अदरी जान्सकु, आ पवतिर आग्या देल बदलुसेगायदुर जो आंदरी कोटकु आगीत. 22 आंदुर मा ईद कहावत सही कुरतद, क्क नाय तान माळ्स इन दी अदकि मय कय तोळ्द हंदी केसुर दा गळबळ्या होडोर साटी मात ओळगतद.

3

प्रभु उन मात बरोद वाचा

1 हे प्रयि संगीगोळा, ईग ना नीमी ईद दुसरा चट्टी लखिसतीन, अदकि येदुदा दा याद कोळसुसकु नीमद शुद्ध मन इक जागृत माळोद वचारि माळतीन, 2 क्क नीव आ मातगोळ इक जो पवतिर भवषियवक्ता पयले टु अंदार, अदकि प्रभु अदकि उद्धारकर्ता अन आ आग्या अक याद माळी जो नीमद प्रेरतिगोळ उन द्वारा कोटकु आगीत. 3 *सब से पयले ईद जान्स कोमी क्क आखरी दनिगोळ दा नीमद मज्याक हारसावाळेर बंदार जो तान अच अभलिषागोळ्द अनुसार नळदार 4 अदकि केळ्यार, “आव बरोद प्रतग्या माळीदुन, येन आव माळीदलि? आव येल आन? नाम पुर्वज रा पयला टु अच सोतोग्यार लेकीन यागी टु दुनया बनस्याद सप्पा मातगोळ हांग अच नळुतेला बरेत्याव.” 5 आंदुर रा जान बुझुसकु ईद मारतोदुर क्क परमेश्वर उन कोळ्द आग्या देल आकाश अदकि पृथ्वी माळकु आग्याद अदकि पृथ्वी नीर दा टु बनसत अदकि नीर दा संची आद, 6 इदुरदा कारण आ दुनया अन दुनया नीर दा मुळककु नाश आगेत. 7 लेकीन ईद आकाश अदकि पृथ्वी ईद अस्तित्व दा आद, आऊंदा आदेश इन द्वारा बेक्की देल नाश आगोर साटी सुरक्षति आद; इंदरी आ दनि इन साटी ईटकु आगेत्याद याग अन्यायी लॉकुरद न्याय आदीन अदकि आंदुर नाश माळकु आदार.

8 हे प्रयि संगीगोळा, ईद ऊंद मात इक मारूबाळी क्क प्रभु उन नजर दा ऊंद दनि अदकि ऊंद हजार साल दा येनु फरक हैलेच; आऊन साटी ईव येदुदा बराबर आव. 9 प्रभु तान प्रतग्या अन बारा दा समय माळालुन, हयांग समय थ्वाळासा लॉकुर समसतार; लेकीन नीमद बारा दा संयम हुडुतान, अदकि चाहासालुन क्क यावारा नाश आगुल, बल्की ईद क्क सप्पा मुंदरी मन फरिाव इन मवका सकिल.

10 *लेकीन प्रभु उन दनि काळल उन घाई होट बंदीत, आ दशी आकाश हापाळ गर्जना अन सांगुळ अदृश्य आगेदीत, अदकि आकाश इन पुरा चजिगोळ होतकु नाश आगेदव अदकि पृथ्वी अदकि अदुर दाकळव सप्पा

मातगोळ गायब आगेदव. ¹¹ जब की ईव सप्पा वस्तुगोळ ई रीत देल नाश आगावाळा आव, रा नीमी याता प्रकार इन लॉकुर आग पायजे? नीमद जीवन पवतिर अदकि परमेश्वर उन दी समर्पति आगली पायजे, ¹² अदकि परमेश्वर उन आ दशी इन हादी याता रीत देल काय पायजे अदकि आऊन जल्दी बरोद साटी ह्यांग कोशशि माळ पायजे, यदुर कारण आकाश बेक्की देल नाश माळकु आदीत, अदकि आकाश इन पुरा वस्तुगोळ गरमी देल पघिलुसेव. ¹³ *लेकीन आऊन वादा अन अनुसार नाव ऊंद व्हाशोद आकाश अदकि व्हाशोद पृथ्वी इन आस नोळतेव यदुर दा न्याय वास माळीत.

¹⁴ इदुरसाटी, हे प्रयि संगीगोळा, ह्यांग नीव आ दनि इन हादी कायेतीर, रा तान दी टु पुरा कोशशि माळी की नीव शांती देल परमेश्वर उन नजर दा आलोचना रहति अदकि नष्कलंक ठहरूसी, ¹⁵ नाम्द प्रभु उन धीरज इक जो आव नामी कोटान उद्धार इन संधी सम्सी, ह्यांग नाम प्रयि संगी पौलुस भी आ ग्यान देल जो परमेश्वर वार्ट उक कोटीदुन अदुरद इस्तेमाल माळकु लखिसदुन. ¹⁶ हांग अच आव तान सप्पा चटिठी गोळ दा भी ईव मातगोळ इक लखिसदुन, यारदा येनारा मातगोळ हगि आव यवरी समसोद कठनि आद, अदकि अनपद अदकि चंचल लॉकुर अदुर अर्थगोळी इक भी शास्त्र अन अन्य मातगोळ घाई जेडुकु तांद अच नाश इन कारण माळतार.

¹⁷ इदुरसाटी हे प्रयि संगीगोळा, नीव लॉकुर पयला टु उच ईव मातगोळी जान्सकु सावधान ईरी, ताकी न्यायवरिद्ध लॉकुरद गलतीगोळ्द द्वारा तान स्थरिता अक येल्यारा कय देल काळुकोमी. ¹⁸ लेकीन नामव प्रभु अदकि उद्धारकर्ता यीशु मसीह अन अनुग्रह अदकि ग्यान दा वाळुसतेला होगी. आऊन दा प्रशंसा सही मायना दा आगुल, अदकि हमेशा आगतेला ईरूल. आमीन.

यूहन्ना की पहली पत्री यूहन्ना अन्द पयला चट्ठी परकिय

१ यूहन्ना अन्द चट्ठी प्रेरति यूहन्ना अन्द द्वारा मसीह अन्द जनम इन ५० से १०० साल इन न्याड्या दा लखिसकु आगीत. यूहन्ना खुद इक लेखक इन रूप दा जानसालुन. लेकीन पयला अध्याय तोरसतद कि आव यीशु उन जीवन अदकि पुनरूत्थान इन साटी ऊंद प्रत्यक्षदर्शी आन १:१-३ पयला यूहन्ना दा लेखन शैली यूहन्ना अन्द अनुसार खुशखबरी दा सकिद लेखन शैली घाई काळसतद. हगि मानसकु आगतद कि १ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक सप्पा इसाई लॉकुरी लखिसीदुन याग मंडली इक “ग्यानवादी” हेसुर इनोर लॉकुर इन समुह देल परेशानी आगोद. ई लॉकुर मानस तोगोर कि यीशु पुरा तरीका देल परमेश्वर ईरोन लेकीन आव सही दा पृथ्वी मा मास अदकि रक्ता अन मय इन सांगुळ मळसा ईला ईरोन. ईदा कारण यूहन्ना यीशु उन जीवन इन प्रती प्रत्यक्षदर्शी आगोद बारा दा लखिसदुन अदकि अंदुन कि आऊन कयगोळ यीशु उक मुटदव १:१-३. ई चट्ठी इक लखिसदुर दा यूहन्ना अन्द उद्देश आंदुर खुशी इक पुरा माळोद ईरोद १ यूहन्ना १:४, वशिवासीगोळी पाप माळदुर देल रोकसोर साटी १ यूहन्ना २:१, ख्वाटा शक्ति देल वशिवासीगोळद रक्षा माळोर साटी १ यूहन्ना २:२६ अदकि वशिवासीगोळी आश्वसत माळोद कि आंदुर ऊळसकु आग्यार. ५:१३

रूप-रेखा

१. यूहन्ना तान चट्ठी प्रस्तुत माळदुन अदकि इदरी लखिसोद ऊंद उद्देश कोट्टुन. १:१-४
२. बाक आव समझुसतान कि परमेश्वर ह्यांग ऊजुळ आन अदकि नामी जीवन स्वरूप ईरली पायजे. १:५-३:१०
३. इदुर बाददा आव नामी आबुर दाबुर से प्यार माळोद आदेश इन याद तोरसतान. ३:११-५:१२
४. आव तान चट्ठी खतम माळतान. ५:१३-२१

जीवन इन बातणी

1 *आ जीवन इन वचन इन बारा दा जो पयले टु ईरोद. यदरी नाव केळेव, अदकि यदरी तान कण्णगोळ देल नोळदेव, उलटा यदरी नाव ध्यान देल नोळदेव अदकि कयगोळ देल मुटदेव. 2 *ईद जीवन प्रगट आतत, अदकि नाव आऊक नोळदेव, अदकि आऊन गवाही कोळतेव, अदकि नीमी आ अनन्त जीवन इन समाचार कोळतेव जो आप्प उन सांगुळ ईरोन अदकि नाम मा प्रगट आदुन. 3 जो येनारा नाव नोळेव अदकि केळेव अदुरद समाचार नीमी भी कोळतेव, इदुरसाटी कि नीव भी नाम सांगुळ सहभागी आगी; अदकि नाम्द ईद सहभागीता आप्प उन सांगुळ अदकि आऊन पार यीशु मसीह अन सांगुळ आद. 4 अदकि ई मातगोळ नाव इदुरसाटी लखिसतेव कि नाम्द खुशी पुरा आगेगुल.

प्रकाश दा नळोद

5 जो समाचार नाव आऊन से केळेव अदकि नीमी केळसतेव, अद ईद हुन कि परमेश्वर प्रकाश हुन अदकि आऊन दा येनु उच अंधकार हैलेच. 6 अगर नाव अंदेव कि आऊन सांगुळ नाम्द सहभागीता आद अदकि मातत पाप दा नळदेव, रा नाव ख्वाटा आयेव अदकि सच्चाई मा नळालेव; 7 लेकीन अगर ह्यांग आव प्रकाश दा आन, हांग अच नाव भी प्रकाश दा नळदेव, रा आबुर दाबुर से सहभागीता ईटतेव, अदकि आऊन पार यीशु उन रक्ता नामी सप्पा पापगोळ देल शुद्ध माळतद.

8 अगर नाव अंदेव कि नाम दा येनु भी पाप ईल्लच, रा तान तान इक ध्वाका कोळतेव, अदकि नाम दा सच्चाई ईल्लच. 9 अगर नाव तान पापगोळी मानस कोंडेव, रा परमेश्वर नामव पापगोळ इक माफ माळोद अदकि नामी सप्पा पापगोळ देल शुद्ध माळदुर दा वशिवासलायक अदकि न्यायी आन. 10 अगर नाव अंदेव कि नाव येनु पाप माळीदलि, रा परमेश्वर उक ख्वाटा ठहरूसतेव, अदकि आऊन वचन नाम दा हैलेच.

2

मसीह नामव सहायक

1 हे नान चकिोरगोळा, ना ईव मातगोळ नीमी इदुरसाटी लखिसतीन की नीव पाप माळबाळी; अदकि अगर यावारा पाप माळतान, रा आप्प उन हात्ती नामव ऊंद सहायक आन, मतलब न्यायी यीशु मसीह; 2 अदकि आवा नामव पापगोळ इक माफ माळतान, अदकि उलटा नाम्द अच ईला बल्की पुरा दुनया अन पापगोळ्द भी.

3 अगर नाव परमेश्वर उन आग्यागोळ इक मान्स्तेव, रा इदुर देल नाव जान्स् कोंडेव की नाव आऊक जान्सेगेव. 4 जो यावारा ईद अनतान, “की नाव आऊक जान्स् कोंडीन,” लेकीन आऊन आग्यागोळ इक मान्सालुन, रा आव ख्वाटा आन अदकि आऊन दा सच्चाई ईल्लच; 5 पर जो यावारा आऊन आग्यागोळ मा नळुतान, आऊन दा खराखुरा परमेश्वर उन प्यार सद्दिध आग्याद. इदुर देल नाव जान्स्तेव की नाव परमेश्वर उन संगती दा ऊंद आयेव: 6 जो यावारा ईद अनतान कीना आऊन दा बन्सकु ईरतीन, आऊक पायजे कखिद भी हांग अच नळुल ह्यांग आव नळुतोगोन.

व्हाशोद आग्या

7 हे परिय, ना नीमी यातोदु व्हाशोद आग्यागोळ लखिसालीन, पर अदा हाळोद आग्या जो पयले टु नीमी सकियाद; ईद हाळोद आग्या अद वचन हुन यदरी नीव केळीर. 8 तरी भी ना नीमी व्हाशोद आग्यागोळ लखिसतीन, अदकि ईद अदुर दा अदकि नीम दा सही ठहूरसतद; यतकी अंधकार खतम आगेतद अदकि सच्चाई इन प्रकाश ईग चमकुस्ली हत्याद.

9 जो यावारा ईद अनतान की ना प्रकाश दा आईन अदकि आव तान मसीह वार्ट से दुश्मनी ईटतान, आव ईगासताका अंधकार दा अच आन. 10 जो यावारा तान मसीह वार्ट से प्यार ईटतान आव प्रकाश दा ईरतान, अदकि आव यारदु ठोकर इन कारण बन्स सकालुन. 11 पर जो यावारा तान मसीह वार्ट से दुश्मनी ईटतान आव अंधकार दा आन अदकि अंधकार दा नळुतान, अदकि जानसालुन कयाता जागा दा होगेत्यान, यतकी अंधकार आऊन कण्णगोळी कुदढ माळबुटाद.

12 हे चकिोरगोळा, ना नीमी इदुरसाटी लखिसतीन की आऊन हेसुर देल नीम पाप माफ आग्याव. 13 हे आप्पगोळा, ना नीमी इदुरसाटी लखिसतीन की जो पयले टु आद नीव अदरी अरूतीर. हे हारोदोरा, ना नीमी इदुरसाटी लखिसतीन की नीव आ दुष्ट मा जय हासलि माळीर. हे पारगोळा, ना नीमी इदुरसाटी लखिसदीन की नीव आप्प उक जान्स् कोंडीर.

14 हे चकिोरगोळा, ना नीमी इदुरसाटी लखिसतीन की जो पयले टु आद नीव अदरी जान्स् कोंडीर. हे हारोदोरा, ना नीमी इदुरसाटी लखिसतीन की नीव ताकतवर आईर, अदकि परमेश्वर उन वचन नीम दा बन्सकु ईरतद, अदकि नीव आ दुष्ट मा जय हासलि माळीर.

15 नीव ना रा दुनया से अदकि ना दुनया अन्द वस्तुगोळ से प्यार ईटी. अगर यावारा दुनया से प्यार ईटतान, रा आऊन दा आप्प उन प्यार हैलेच. 16 यतकी जो येनारा संपत्ती दुनया दा आद, मतलब मय इन अभलिषा अदकि कण्णगोळ्द इच्छा अदकि जीव इन घमण्ड, अद आप्प उन दी टु ईला लेकीन दुनया दी टु उच आद. 17 पुरा दुनया अदकि अदुरद अभलिषागोळ येदुदु मट्टिसेगताव, लेकीन जो परमेश्वर उन इच्छा मा नळुतान आव हमेशा बन्सकु ईत्तान.

मसीह-वरिधी

18 हे पारगोळा, ईद आखरी समय आद; अदकि ह्यांग नीव केळीर की मसीह अन्द वरिधी बरावाळा आन, अदुर अनुसार ईग भी हापाळ सा मसीह-वरिधी यदकु नदिर्यार; इदुरसाटी नाव जान्स्तेव की ईद आखरी समय हुन. 19 आंदुर होटार भी रा नाम दा टु उच, लेकीन नाम दा टु ईला ईरोर; यतकी अगर आंदुर नाम दा टु ईरायदुर रा नाम सांगुळ ईरायदुर; लेकीन होटकु इदुरसाटी होदुर की ईद प्रगट आगुल की आंदुर सप्पा मुंदुर नाम दा टु आल्लच.

20 लेकीन नीम्द रा आ पवतिर आत्मा देल अभषिक आग्याद, अदकि नीव सप्पा येनारा जान्स्तीर. 21 ना नीमी इदुरसाटी लखिसदिलि की नीव सच्चाई इक जान्सालीर, लेकीन इदुरसाटी की आऊक जान्स्तीर, अदकि इदुरसाटी की यातोदु भी ख्वाटा वस्तु, सच्चाई दी टु हैलेच.

22 ख्वाटा याव आन? सर्फि आव जो यीशु उन मसीह ईरोद से इनकार माळतान; अदकि मसीह अन्द वरिधी आवा हुन, जो आप्प उन अदकि पार उन इनकार माळतान. 23 जो यावारा पार उन इनकार माळतान आऊन हात्ती आप्प भी हैलेच: जो पार उक मान्स कोमतान, आऊन हात्ती आप्प भी आन.

24 जो येनारा नीव पयले टु केळीर, अदा नीम दा बन्सकु ईरूल; जो नीव सुू टु केळीर, अगर अद नीम दा बन्सकु ईरूल रा नीव भी पार दा अदकि आप्प उन दा बन्सकु ईत्तीर. 25 अदकि यदुर्द आव नाम से वादा माळदुन अद अनन्त जीवन हुन.

26 ना ई मातगोळ नीमी आ लॉकुर बारा दा लखिसतीन, जो नीमी बैकुसतार; 27 लेकीन नीमद अद अभषिक जो आऊन दी टु माळकु आत्त, नीम दा बन्सकु ईरतद, अदकि नीमी इदुर्द जरवत ईला क्वावारा नीमी कलसुल, उलटा ह्यांग अद अभषिक जो आऊन दी टु माळकु आत नीमी सप्पा मातगोळ कलसतद, अदकि ईद सही आद अदकि ख्वाटा हैलेच; अदकि ह्यांग आव नीमी कलस्यान हांग अच नीव अदुर्दा बन्सकु ईरतीर.

28 इदुरसाटी हे चकिरा, अदुर्दा बन्सकु ईरी क्वाग आव प्रगट आदान रा नाम दा हम्मिमत ईरूल, अदकि नाव आऊन बंदुर मा आऊन मुंद नाचकतदिलि. 29 अगर नीव जान्सतीर, क्वा आव न्यायी आन, रा ईद भी जान्सतीर क्वा जो यावारा न्याय इन क्वाल्सा माळतान आव आऊन से पैदा आग्यान.

3

परमेश्वर उन चकिर

1 *नोळी, आप्प नाम से ह्यांग प्यार माळकु कारदुन क्वा नाव परमेश्वर उन औलाद अंदकु आदेव; अदकि नाव आयेव भी. ईद कारण दुनया नामी अराल, यतकी आव आंदरी भी अरतीदलि. 2 हे प्रयि संगीगोळा, ईग नाव परमेश्वर उन औलाद आयेव, अदकि ईगासताका ईद प्रगट आगीदील क्वा नाव अदकि येन आदेव! ईट जान्सतेव क्वाग प्रगट आदीत रा नाव आऊन घाई आदेव, यतकी आऊक हांग अच नोळेव ह्यांग आव आन. 3 अदकि जो यावारा मसीह मा ईद आशा ईटतान, आव तान तान इक हांगा शुद्ध माळतान ह्यांग मसीह शुद्ध आन

4 जो यावारा पाप माळतान, आव व्यवस्था अन्द वरिध माळतान; अदकि पाप रा व्यवस्था अन्द वरिध हुन. 5 *नीव जान्सतीर क्वा आव इदुरसाटी प्रगट आदुन क्वा पापगोळी तेग्द बुळुल; अदकि आऊन स्वभाव दा पाप हैलेच. 6 जो यावारा आऊन एकता दा बन्सकु ईरतान, आव पाप माळालुन: जो यावारा पाप माळतान, आव ना रा आऊक नोळ्यान अदकि ना आऊक जानस्यान.

7 हे चकिरा, यारदारा बैकावा दा बरबाळेतीर. जो न्याय इन क्वाल्सा माळतान, आव अच आऊन घाई आन. 8 जो यावारा पाप माळतान आव शैतान दी टु आन, यतकी शैतान पयले टु उच पाप माळत बंदान. परमेश्वर उन पार इदुरसाटी प्रगट आदुन क्वा शैतान उन क्वाल्सागोळद नाश माळकु छुटकारा कोळुल.

9 जो यावारा परमेश्वर उन से पैदा आग्यान आव पाप माळालुन; यतकी आऊन स्वभाव दा बन्सकु ईरतान, अदकि आव पाप माळ अच सकालुन यतकी आव परमेश्वर देल पैदा आग्यान. 10 इदुर देल अच परमेश्वर उन औलाद अदकि शैतान उन औलाद अरूकु आगतद; जो यावारा न्याय इन क्वाल्सा माळालुन आव परमेश्वर देल पैदा आगीदील, अदकि ना आव जो तान मसीह वार्ट से प्यार ईटालुन.

आबुर दाबुर से प्यार ईटी

11 *यतकी जो समाचार नीव पयले टु केळीर, अद ईद आग्या हुन क्वा नाव आबुर दाबुर से प्यार ईटतेव; 12 अदकि कैन उन घाई बन्सबाळी जो आ दुष्टगोळ दा टु ईरोन, अदकि याव तान मसीह वार्ट उक कोंद बुट्टुन. अदकि आऊक याता कारण देल कोंद बुट्टुन? ई कारण क्वा ईऊन क्वाल्सा बुरा ईरव, अदकि आऊन क्वाल्सा न्याय इनव ईरव.

13 हे मसीह वार्ट अदकि आकतीगेरा, अगर दुनया नीम से दुश्मनी माळतद रा अचम्भा माळबाळी. 14 *नाव जान्सतेव क्वा नाव मृत्यु टु पार आगकु जीवन दा प्रवेश माळेव; यतकी नाव मसीह वार्टु से प्यार ईटतेव. जो प्यार ईटालुन आव मृत्यु उन दशा दा ईरतान. 15 जो यावारा तान मसीह वार्ट से दुश्मनी ईटतान, आव हत्यारा हुन; अदकि नीव जान्सतीर क्वा यावारा हत्यारा दा अनन्त जीवन ईराल्द. 16 नाव प्यार ईदुर देल अच जानसदेव क्वा आव नाम साटी तान जीव कोट बुट्टुन; अदकि नामी भी खुद मसीह वार्ट अदकि आकतीगेर साटी जीव कोळ

पायजे. 17 लेकीन जो यारदारा हात्ती दुनया अनूद संपत्ती ईरूल अदकि आव तान मसीह वार्ड उक कंगाल नोळकु आऊन जरवत मा तरस तनोद चाहासालुन, रा आऊन दा परमेश्वर उन प्यार ह्यांग बनसकु ईर सकतद? 18 हे चकिरा, नाव वचन अदकि ल्यालग्या देल अच ईला, लेकीन क्याल्सा अदकि सच्चाई अनूद द्वारा भी प्यार ईट्टेव.

परमेश्वर उन हात्ती हमिमत

19 इदुर देल अच नाव जानसेव कनिाव सच्चाई नव हुयेव; अदकि याता मात दा नाम मन नामी दोष कोट्टीत, अदुर बारा दा नाव परमेश्वर उन मुंद आत्मवश्वास देल ईत्तेव; 20 यतकी परमेश्वर नाम मन देल हापाळ धोड्डेव आन, अदकि सप्पा येनारा जानसतान. 21 हे प्रयि संगीगोळा, अगर नाम मन नामी दोष कोळाल, रा नामी परमेश्वर उन मुंद हमिमत ईरतद; 22 नाव आऊन से जो येनारा बेळतेव, अद नामी आऊन हात्ती टु सकितद, यतकी नाव आऊन आग्यागोळ इक मानसतेव अदकि जो आऊक वळ्ळीद हततद अदा माळतेव. 23 *आऊन आग्या ईद आद कनिाव आऊन पार यीशु मसीह अनूद हेसुर मा वश्वास माळेव, अदकि ह्यांग आव नामी आग्या कोटान आऊदा अनुसार आबुर दाबुर दा प्यार ईट्टेव. 24 जो परमेश्वर उन आग्यागोळ इक मानसतान, आव परमेश्वर दा अदकि परमेश्वर आंदुर दा बनसकु ईरतान: अदकि इदुर देल अच, मतलब आ आत्मा देल जो परमेश्वर नामी कोटान, नाव जानसतेव कनिाव परमेश्वर नाम दा बनसकु ईरतान.

4

आत्मागोळ्द परख माळी

1 हे प्रयि संगीगोळा, हर ऊंद आत्मा अनूद वश्वास माळवाळी, उलटा आत्मागोळ्द परख माळी कनिाव परमेश्वर दी टु हुव का आल्लच; यतकी हापाळ सा ख्वाटा भवषियवक्तागोळ दुनया दा होटकु नदुरकु आर. 2 परमेश्वर उन आत्मा नीव ईदा रीति देल जानस सकतीर: जो आत्मा मानस कोमतद कनिाव यीशु मसीह मय दा टु आगकु बंदान आव परमेश्वर उन दी टु हुन, 3 अदकि जो आत्मा यीशु मसीह इक मानसाल, अद परमेश्वर उन दी टु आल्लच; अदकि अदा रा मसीह अन वरीधी इन आत्मा हुन, यदुरद चर्चा नीव केळ कोंडीर कनिाव बरावाळा आन, अदकि ईग भी दुनया दा आन. 4 हे चकिरा, नीव परमेश्वर नोर हुईर, अदकि नीव आ आत्मागोळ मा जय हासलि माळीर; यतकी जो नीम दा आद अद आऊन से जो दुनया दा आन, महान आन. 5 आंदुर दुनया नोर आर, ई कारण आंदुर दुनया अन मातगोळ माताळतार, अदकि दुनया आंदुरद केळतद. 6 नाव परमेश्वर उन हुयेव. जो परमेश्वर उक जानसतान, आव नामद केळतान; जो परमेश्वर उक जानसालुन आव नामद केळालुन. ई प्रकार नाव सच्चाई इन आत्मा अदकि भरम ईद आत्मा अक अरत कोमतव.

परमेश्वर प्यार हुन

7 हे प्रयि, नाव आबुर दाबुर दा प्यार ईट्टेव, यतकी प्यार परमेश्वर से आद, जो यावारा प्यार माळतान, आव परमेश्वर से पैदा आग्यान अदकि परमेश्वर उक जानसतान. 8 जो प्यार ईटालुन आव परमेश्वर उक जानसालुन, यतकी परमेश्वर प्यार हुन. 9 जो प्यार परमेश्वर नाम से ईटतान, अद ईदुर देल प्रगट आग्याद कनिाव परमेश्वर तान ऊंद तैसा पार उक दुनया दा कळ्यान कनिाव आऊन द्वारा जीवन प्राप्त माळेव. 10 प्यार इदुर दा हैलेच कनिाव परमेश्वर से प्यार माळदेव, लेकीन इदुर दा आद कनिाव आव नाम से प्यार माळदुन अदकि नाम पापगोळ्द माफ अन साटी तान पार उक कळुदुन.

11 हे प्रयि, याग परमेश्वर नाम से हगि प्यार माळदुन, रा नामी भी आबुर दाबुर दा प्यार ईट पायजे. 12 *परमेश्वर उक याऊ यागलु नोळीदील; अगर नाव आबुर दाबुर दा प्यार ईट्टेव, रा परमेश्वर नाम दा बनसकु ईरतान अदकि आऊन प्यार नाम दा सदिध आग्याद.

13 इदुर देल अच नाव जानसतेव कनिाव आऊन दा बनसकु ईरतेव, अदकि आव नाम दा; यतकी आव तान आत्मा नामी कोटान. 14 नाव नोळ भी कोण्डेव अदकि गवाही कोळतेव कनिाव आप पार उक दुनया दा उद्धारकर्ता माळकु कळ्यान. 15 जो यावारा ईद मानस कोमतान कनिाव यीशु परमेश्वर उन पार हुन, परमेश्वर आऊन दा बनसकु ईरतान, अदकि आव परमेश्वर दा

16 जो प्यार परमेश्वर नाम से ईटतान, अदरी नाव जानस कोंडेव अदकि नामी आऊन वशिवास आद. परमेश्वर प्यार हुन, अदकि जो प्यार दा बन्सकु ईरतान आव परमेश्वर दा बन्सकु ईरतान, अदकि परमेश्वर आऊन दा बन्सकु ईरतान. 17 इदुर देल अच प्यार नाम दा सदिध आग्याद कनामी न्याय इन दशिी हम्मत ईरूल; यतकी हयांग मसीह आन हांग अच दुनयाि दा नाव भी आयेव. 18 प्यार दा अंजक ईराल, उलटा सदिध प्यार अंजक इक दुर माळ बुळतद; यतकी अंजक इन संबंध दण्ड देल ईरतद, अदकि जो अंजक ईटतान आव प्यार दा सदिध आगीदील.

19 नाव इदुरसाटी प्यार माळतेव, कपयले आव नाम से प्यार माळदुन. 20 अगर यावारा अंदान, “ना परमेश्वर से प्यार ईटतीन,” अदकि तान मसीह वार्ट से दुश्मनी ईटुल रा आव ख्वाटा आन; यतकी जो तान वार्ट से यारी आव नोळयान प्यार ईटालुन, रा आव परमेश्वर से भी यारी आव नोळीदील प्यार माळालुन. 21 आऊन से नामी ईद आग्या सकियाद, कजिो यावारा परमेश्वर से प्यार ईटतान आव तान मसीह वार्ट से भी प्यार ईटुल.

5

दुनयाि मा जय हासलि माळोद

1 यार्द ईद वशिवास आद कियीशु अच मसीह हुन, आव परमेश्वर से पैदा आग्यान; अदकि जो यावारा पैदा माळावाळा से प्यार ईटतान, आव आऊन से भी प्यार ईटतान जो आऊन से पैदा आग्यान. 2 याग नाव परमेश्वर से प्यार ईटतेव अदकि आऊन आग्यागोळ इक मानसतेव, रा इदुर देल अच नाव जानसतेव कनाव परमेश्वर उन औलादगोळ से प्यार ईटतेव. 3 *यतकी परमेश्वर से प्यार ईटोद ईद हुन कनाव आऊन आग्या अक मानसेव; अदकि आऊन आग्यागोळ कठनि हैलेच. 4 यतकी जो येनारा परमेश्वर देल पैदा आग्याद, अद दुनयाि मा जय हासलि माळतद; अदकि अद वजिय यदुर देल दुनयाि मा जय हासलि आगतद अदा नाम वशिवास हुन. 5 दुनयाि मा जय हासलि माळावाळा याव हुन? सर्फ आव यार्द ईद वशिवास आद कियीशु, परमेश्वर उन पार हुन.

यीशु मसीह अनूद बारा दा गवाही

6 ईवा हुन आव जो नीर अदकि खुन अन द्वारा बंदीदुन, मतलब यीशु मसीह: आव सर्फ नीर इन द्वारा ईला लेकीन नीर अदकि रक्ता येदु चजि इन द्वारा बंदीदुन ईद गवाही सच्चाई हुन. 7 अदकि जो गवाही कोळतद, अद आत्मा हुन; यतकी आत्मा सच्चाई आद. 8 गवाही कोळावाळा मुर आव, आत्मा, अदकि नीर, अदकि रक्ता; अदकि मूर ऊंदा मात मा सयमत आव. 9 याग नाव मंळसागोळद गवाही मानस कोमतेव, रा परमेश्वर उन गवाही रा अऊर से वाळुसकु आद; अदकि परमेश्वर उन गवाही ईद आद कजिो आव तान पार उन बारा दा कोटान. 10 जो परमेश्वर उन पार मा वशिवास माळतान आव तान मन दा अच गवाही ईटतान. याव परमेश्वर मा वशिवास माळीदलि आव आऊक ख्वाटा ठहूसदुन, यतकी आव आ गवाही मा वशिवास माळीदलि जो परमेश्वर तान पार उन बारा दा कोटान. 11 *अदकि अद गवाही ईद हुन कपरमेश्वर नामी अनन्त जीवन कोटान, अदकि ईद जीवन आऊन पार उन दा आद. 12 यार हात्ती पार आन, आऊन हात्ती जीवन आद, अदकि यार हात्ती परमेश्वर उन पार हैलेच, आऊन हात्ती जीवन भी हैलेच.

अनन्त जीवन

13 ना नीमी, जो परमेश्वर उन पार उन हेसुर मा वशिवास माळतीर, इदुरसाटी लखिसतीन कनिीव अरत कोमी कनि अनन्त जीवन नीमूद आद. 14 अदकि नामी आऊन मुंद जो हम्मत सकितद, अद ईद हुन; कनि अगर नाव आऊन इच्छा अनूद अनुसार येनारा बेळतेव, रा आव नाम केळतान. 15 याग नाव जो येनारा आऊन से बेळतेव आव नाम केळतान, रा ईद भी जानसतेव कजिो येनारा नाव आऊन से बेळदेव, आव कोळतान.

16 अगर यावारा तान मसीह वार्ट उक हगि पाप माळतेला नोळुल यदुरद अंजाम मृत्यु आगाल, रा वनिती माळकु बेळुल, अदकि परमेश्वर आऊक आंदुर साटी, यार हगि पाप माळ्यार यदुरद अंजाम मृत्यु आगाल, जीवन कोटान. पाप हगि भी आगतद यदुरद अंजाम मृत्यु आगतद; इदुर बारा दा ना वनिती माळोर साटी हैळालीन. 17 सप्पा प्रकार इन अन्याय रा पाप हुन, लेकीन हगि पाप भी आद यदुरद अंजाम मृत्यु आल्लच.

18 नाव जानसतेव, कजिो यावारा परमेश्वर उन से पैदा आग्यान, आव पाप माळालुन; लेकीन जो परमेश्वर से पैदा आग्यान, आऊक आव ऊळसकु ईटतान, अदकि आ दुष्ट आऊक मुट सकाल.

19 नाव जान्सतेव कि नाव परमेश्वर से आयेव, अदकि सप्पा दुनयिा आ दुष्ट उन वश दा बदिक्कु आद.

20 नाव ईद भी जान्सतेव कि परमेश्वर उन पार होट बंदान अदकि आव नामी समझ कोटान कि नाव आ सही परमेश्वर उक अरतेव; अदकि नाव अदुर दा जो सच्चाई आद, मतलब आऊन पार यीशु मसीह दा ईरतेव. खरा परमेश्वर अदकि अनन्त जीवन ईदा हुन.

21 हे चकिोरा, तान तान इक मूर्तीगोळ देल ऊळ्सकु ईटी.

यूहन्ना की दूसरी पत्री यूहन्ना अन्द दुसरा चट्ठी परकिय

२ यूहन्ना अन्द चट्ठी यूहन्ना अन्द द्वारा मसीह अन्द जनम इन ५० से १०० साल इन न्याड्या दा लखिसकु आगीत. यूहन्ना खुद इक लेखक इन रूप दा अरालुन, बलकी आव खुद इक स्याणा अनतान. यूहन्ना अन्द अनुसार खुशखबरी दा सकिद सामग्री इन तुलना दा २ यूहन्ना अन्द सामग्री हात्ती टु सकितद. ईद वशिष रूप देल स्पष्ट आद का याता प्रकार देल आव आबुर दाबुर से प्यार माळोर साटी यीशु उन आदेश मा जोर कोळतान अदकि याता प्रकार देल आव तान आदेशगोळ पालन माळोर सांगुळ यीशु से प्यार माळतान १:५-६, यूहन्ना १५:९-१०. हगि मानसकु आगतद का १ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक नविळुसद आर्तेर अदकि आकनि चकिोर इक संबोधति माळ्यान. आव शायद ऊंद मंडली इन जकिर माळोन. ई चट्ठी इक लखिसदुर दा यूहन्ना अन्द उद्देश मंडली इक प्रोत्साहति माळोद ईरोद अदकि आ ख्वाटा गुरुगोळी चेतावनी कोळोद ईरोद.

रूप-रेखा

१. यूहन्ना ईद अंदकु चट्ठी प्रस्तुत माळतान का ईद यार्द साटी हुन अदकि इदरी प्राप्तकर्तागोळद अभिवादन इन द्वारा याव आन. १:१-३
२. बाक आव मंडली इक प्रोत्साहति माळतान अदकि आंदरी धोळद आदेश इन याद तोरसतान. १:४-६
३. ईदुर बाददा, आव आंदरी ख्वाटा गुरुगोळद चेतावनी कोळतान. १:७-११
४. यूहन्ना मंडली दा वशिवासीगोळ से बधाई बातणी कोटकु तान चट्ठी पुरा माळतान यल आव ईरतान. १:१२-१३

1 नानी स्याणा दी टु आ नविळुसद आर्तेर अदकि आंदुरद चकिोरगोळव हेसुर, यार से ना खरा प्यार ईटतीन, अदकि सरिफ ना अच ईला उलटा आंदुर सप्पा मुंदुर भी प्यार ईटतार जो सच्चाई इक अरूतार; 2 अद सच्चाई जो नाम दा स्थरि ईरतद, अदकि हमेशा नाम सांगुळ अटल ईत्तीत;

3 परमेश्वर आप्प, अदकि आप्प उन पार यीशु मसीह दी टु अनुग्रह अदकि दया अदकि शांती, सच्चाई अदकि प्यार इन सांगुळ नाम सांगुळ ईत्ताव.

सच्चाई अदकि प्यार

4 ना हापाळ खुश आदीन का ना नीन थ्वाळासा चकिोर इक आ आग्या अन्द अनुसार, जो नामी आप्प उन दी टु सकीत, सच्चाई मा नळुतेला सकित. 5 *ईग हे आर्त, ना नीनी ईग यातोदु व्हाशोद आग्या ईला, लेकीन अदा जो पयले टु नाम हात्ती आद, लखिसतीन; अदकि नीन से वनिती माळतीन का नाव आबुर दाबुर से प्यार ईटटेव. 6 अदकि प्यार ईद हुन का नाव आऊन आग्या अन्द अनुसार नळदेव; ईद अदा आग्या हुन जो नीव पयले टु केळीर, अदकि नीमी इदुर मा नळुली भी पायजे.

7 यतकी हापाळ सा हगि बैकुसावाळेर दुनया दा होटकु बंदार, जो ईद मानसालुर का यीशु मसीह मय दा टु होटकु बंदान; बैकुसावाळा अदकि मसीह-वशिष माळावाळा ईवा हुन. 8 तान बारा दा सावधान ईरी, का जो मयनत नाव माळेव अद नीम से काळुबाळुल, उलटा अदुर सप्पा प्रतफिल नीव ताकोमी.

9 जो यावारा मसीह अन्द शक्ति देल मुंद वाळुसेगतान अदकि अदुर दा बन्सकु ईरालुन, आऊन हात्ती परमेश्वर हैलेच; जो यावारा आऊन शक्ति दा स्थरि ईरतान, आऊन हात्ती आप्प भी आन अदकि पार भी.

10 अगर यावारा नीम हात्ती बरतान अदकि ईदा शक्ति कोळालुन, आऊक ना रा मान्या बरगोळी अदकि ना नमस्कार माळी. 11 यतकी जो यावारा ईत्ता मंळसा अक नमस्कार माळतान, आव आऊन बुरा क्याल्सागोळ दा सहभागी आगतान.

* 1:5 १:५ यूहन्ना १३:३४; १५:१२,१७

आखरी अभविादन

12 नानी हापाळ सा मातगोळ नीमी लखिसव आव, लेकीन कागद अदकि स्याही देल लखिसोद चाहासालीन, लेकीन आशा आद कि ना नीम हात्ती बराईन अदकि आमने-सामने मातकात हेळाईन, यदुर देल नीम खुशी पुरा आगुल.

13 नीन नविळुसुद आकतींग इन चकिोर नीनी नमस्कार अनतार.

यूहन्ना की तस्सिरी पत्त्री यूहन्ना अन्द तस्सिरा चट्ठी परचिय

३ यूहन्ना अन्द चट्ठी यूहन्ना अन्द द्वारा मसीह अन्द जनम इन ५० से १०० साल इन न्याड्या दा लखिसकु आगीत. यूहन्ना खुद इक लेखक इन रूप दा अरालुन, बल्की ईदुर बजाय खुद इक स्याणा १:१ अनतान. आव २ यूहन्ना १:१ दा भी अदा अनतान. हगि मान्सकु आगतद कियूहन्ना ३ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक गोयास हेसुर इनव ऊंद आसतकि उक लखिसीदुन. आव गोयास उक ऊंद संगी इन रूप दा संबोधति माळतान अदकि आऊक आ क्षेत्र अन्द माध्यम देल जो यात्रा माळेत्यार आ इसाई वार्दुर साटी पाऊना नयोजति आगोद नरिदेश कोळतान.

रूप-रेखा

१. यूहन्ना तान चट्ठी प्रस्तुत माळतान. १:१
२. अदुर बाददा आव गोयास उक प्रोत्साहिति माळतान अदकि वार्दुर इक पाऊना तोरसोर साटी नरिदेश कोळतान. १:२-८
३. ईदुर बाददा, आव दुसरा येदुद मंळसागोळ, दयित्त्रफिस अदकि दमित्त्रयिस उन मात माळतान. १:९-१२
४. आखरी दा आव तान चट्ठी खतम माळतान. १:१३-१४

1 *नान स्याणा अन दी टु प्रयि गयुस उन हेसुर, यार से ना सही प्यार ईटतीन.

2 हे प्रयि, नान ईद प्रार्थना आद किय्यांग नी आत्मकि उन्नती माळेत्या, हांग अच नी सप्पा मातगोळ दा उन्नती माळ अदकि भला चंगा ईर. 3 यतकी याग वार्दुर बंदकु नीन आ सच्चाई इन गवाही कोट्टुर, यदुर मा खराखुरा नळुतया, रा ना हापाळ खुश आदीन. 4 नानी इदुर से यक्कुल मात्त यातोदु खुशी इन जरवत हेलच यदरी ना केळाईन, कानान चकिोर सच्चाई मा नळुतार.

गयुस उन प्रशंसा

5 हे प्रयि, जो येनारा नी आ वार्दुर सांगुळ माळेत्या, जो परदेशी आद, अदरी सच्चाई देल माळेत्या. 6 आंदुर मंडली इन मुंद नीन प्यार इन गवाही कोटार. अगर नी आंदरी आ प्रकार देल वदि माळ्या यात्ता प्रकार देल परमेश्वर उन लॉकुर साटी उचति आद रा वळ्लीद माळ्या. 7 यतकी आंदुर आ हेसुर साटी होटार, अदकि दुसरा जाती नोर लॉकुर से येनु ताकोमालुर. 8 इदुरसाटी नाव मसीह लॉकुरी हगि लॉकुरद स्वागत माळ पायजे, यदुर देल नाव भी सच्चाई अन्द पक्ष दा आंदुर सहकर्मी आदेव.

दयित्त्रफिस अदकि दमित्त्रयिस

9 ना मंडली इक येनारा लखिसीदनि, लेकीन दयित्त्रफिस जो आंदुर दा धोड्डेव आगोद चाहासतान, नामी ग्रहण माळालुन. 10 इदुरसाटी याग ना बराईन रा आऊन क्यालसागोळद जो आव माळेत्यान, सुधी तोरसाईन, कान आव नाम बारा दा बेकार-बेकार मातगोळ माताळतान; अदकि इदुर मा भी संतोष ईला आगकु खुद अच वार्दुर इक ग्रहण माळालुन, अदकि आंदरी जो ग्रहण माळोद चाहासतार मना माळतान अदकि मंडली दा टु तेगद बुळतान.

11 हे प्रयि, बुराई इन ईला लेकीन भलाई इन अनुयायी आगी. जो भलाई माळतान, आव परमेश्वर उन दी टु हुन; लेकीन जो बुराई माळतान, आव परमेश्वर उक नोळीदिल.

12 देमेत्त्रयिस उन बारा दा सप्पा मुंदुर, उलटा सच्चाई भी खुद अच गवाही कोळत; अदकि नाव भी गवाही कोळतेव, अदकि नी जान्सत्या कानाम गवाही सही आद.

आखरी अभिवादन

13 नानी नीनी हापाळ येनारा लखिसोद रा ईरोद, लेकीन स्याही अदकि कलम देल लखिसोद चाहासालीन. 14 लेकीन नानी आशा आद कानिनीन से राटनेरी मुलाकात माळाईन, आग नाव आमने-सामने मातकात हेळाता.

* 1:1 १:१ प्रेरतिगोळ १९:२९; रोमियों १६:२३; १ कुरिन्थि १:१४

15 नीनी शांती सक्ति ईरूल.

ईलेर संगी नीनी नमस्कार माळतार. अलेर संगीगोळ हेसुर ताकोम ताकोमकु नमस्कार माळ कोमेत.

यहूदा की पत्नी यहूदा अन्द चट्ठी परिव्य

यहूदा हेसुर इन चट्ठी इन हेसुर इदुर लेखक उन हेसुर मा ईटकु आग्याद. यहूदा खुद इक याकूब, यीशु उन वार्ड उन रूप दा अरूतान. इदुरसाटी आव भी यीशु उन वार्डुर दा टु ऊंद मानसकु आगतान १. नाव जानसालेव कर्ई चट्ठी ऊंद वशिष्ट मंडली इन साटी ईरोद अदकि हाळोद नयिम इन संदर्भगोळ कारण, यहूदा अन्द मुल पाठकगोळ संभावना यहूदीगोळ से आगीत. हालाकि, आव तान चट्ठी इक संबोधति माळतान “आ सप्पा मुंदुर इक यारी कारूकु आग्याद, यारी आप्प उन से प्यार आद अदकि यीशु मसीह अन्द साटी ईटकु आद” १. ईद चट्ठी शायद मसीह अन्द जनम इन ६० साल इन बाददा लखिसकु आगीत.

सप्पा इसाईगोळी चट्ठी लखिसोद आंदुर उद्देश आंदरी ख्वाटा गुरुगोळ यहूदा १:४ द्वारा भटकुसोद खलिाप चेतावनी कोळोद हुन. आव हाळोद नयिम इन घटनागोळ अदकि खातागोळी आंदुर तरकगोळी ताकत कोळोर साटी संदर्भति माळतान. ईद चट्ठी दुसरा पतरस उन चट्ठी इन सांगुळ ख्वाटा गुरुगोळ यहूदा १:४, २ पतरस २:१ सांगुळ-सांगुळ स्वर्गदूतगोळ अदकि सदोम अदकि अमोरा अन्द संदर्भगोळ खलिाप चेतावनी सहति हापाळ वचिार मुंद तरतद.

रूप-रेखा

१. यहूदा पयले तान पाठकगोळी संबोधति माळतान. १:१-२
२. ईदुर बाददा, आव लेखन इन साटी तान कारण कोळतान जो आंदरी ख्वाटा गुरुगोळ खलिाप चेतावनी कोळोद हुन. १:३-४
३. अदुर बाददा आव हाळोद नयिम दा लॉकुर अदकि घटनागोळ उदाहरण कोळतान. १:५-१६
४. बाक आव आंदरी हेळतान कि आंदुर प्रतिक्रिया चेतावनी इन साटी येन ईर पायजे. १:१७-२३
५. आखरी दा आव आ चट्ठी इक परमेश्वर उन स्तुति माळकु खतम माळ बुळतान. १:२४-२५

- 1 *यहूदा अन दी टु जो यीशु मसीह अन दास अदकि याकूब उन वार्ड हुन, जो कारसकु आग्यार आंदुर हेसुर जो परमेश्वर आप्प दा प्रयि अदकि यीशु मसीह अन साटी सुरक्षति आन.
- 2 दया अदकि शांती अदकि प्यार नीमी हापाळ सा प्राप्त आगतेला ईरूल.

ख्वाटा गुरु

3 हे प्रयि संगीगोळा, याग ना नीमी आ उद्धार इन बारा दा लखिसदुर दा हापाळ मेहनत देल कोशशि माळीन यदुर दा नाव सप्पा सहभागी आयेव, रा ना नीमी ईद समझुसोद जरूरी समसदीन कनिनीमी प्रोत्साहति माळाईन आ वशिवास इन साटी पुरा कोशशि माळी जो पवतिर लॉकुरी ऊंद अच घन सौप्सकु आगीत. 4 यतकी यास ईत्ता मंळसा चुपचाप नाम दा बंदकु सकिदुर, यार्द ई दण्ड इन वर्णन हाळोद समय दा पयले टु अच भवष्यवाणी माळकु आगीत: हगि लॉकुर परमेश्वर उन बनिा, अदकि हगि लॉकुर परमेश्वर उन अनुग्रह अक लुचपन दा बदलुस बुळतार, अदकि नाम ऊंद मात्र स्वामी अदकि प्रभु यीशु मसीह अन इनकार माळतार.

5 लेकीन नीव सप्पा मात ऊंद घन जानस कोडीर, तरी ना नीमी ई मात इन सुधी कोळोद चाहासतीन कि प्रभु ऊंद कुल इक मसित्तर द्याश टु बीळसदुर बाददा वशिवास ईला तरावाळेर इक नाश माळ बुट्टुन. 6 बाक जो स्वर्गदूतगोळ तान धोळद पद इक संची ईटीदील उलटा तान नजि नवास इक बटि बुट्टुन, आव आंदरी भी आ भीषण दिन इन न्याय इन साटी अंधकार दा, जो सदा काल इन साटी आद बंधनगोळ दा ईटकु आद. 7 याता रीति देल सदोम अदकि गमोरा अदकि आंदुर आसपास इन नगर, जो स्वर्गदूतगोळ घाई व्यभचिारी आगेगीदुर अदकि पराया मय इन हदि हत्तेगीदुर बेक्की इन अनन्त दण्ड दा बदिकु उदाहरण ठहरूस्यार.

8 अदा रीतिदिल ई स्वप्नदर्शी भी तान तान मय इक अशुध्द माळतार, अदकि परमेश्वर उक तुच्छ जानसतार, अदकि दव्यि स्वर्गदूतगोळ इक बुरा भला अनतार. 9 *लेकीन प्रधान स्वर्गदूत मीकाईल, याग शैतान से मूसा

* 1:1 १:१ मत्ती १३:५५; मरकुस ६:३ * 1:9 १:९ प्रकाशतिवाक्य १२:७

अन लाश इन बारा दा वाद ववािद माळदुन, रा आऊक बुरा भला अनकु दोष हचोद साहस माळीदील लेकीन ईद अंदुन, “प्रभु नीद न्याय माळुल.” 10 लेकीन ई लॉकुर याता मातगोळी जान्सालुर आंदरी बुरा भला अनतार, अदकि याता मातगोळी अचेतन पशुगोळ घाई स्वभाव देल अच जान्सतार, आंदुर दा तान तान इक नाश माळतार. 11 आंदुर मा हाय! यतकी आंदुर कैन इन चाल नळदुर, अदकि पैस्या अन लोभ इन साटी बलाम इन घाई भ्रष्ट आगेग्यार, अदकि कोरह अन घाई वरिध माळकु नाश आग्यार. 12 ईद नीम प्यार भोज दा आ होचकु चट्टानगोळ घाई आद जो घातक आद. जो सरिफ तान स्वार्थ इंद अच चिता माळतार. अदकि बनि नीर इन बादल इन घाई आर, आंदुर पतझळ इन ईत्ता मारर उर यदुर मा काय ईराल्द आंदुर येढ्ढ घन सोतकु आर अदकि आंदरी जळ देल कीतकु आग्याद. 13 इंदुर समुदर अन प्रचंड लयर उर, जो तान शरम इन फेस भळितार; इंदुर डावाडोल तारा उर, यार साटी परमेश्वर सनातन काल ताका घोर अंधकार ईट्यान.

14 हनोक भी जो आदम टु सातवा पीढी दा ईरोन, इंदुर बारा दा ईद भवषियवाणी माळदुन, “नोळी, प्रभु तान हजारो पवतिर स्वर्गदूतगोळ सांगुळ बंदान.” 15 कसिपपा मुंदुर न्याय माळुल, अदकि सपपा भक्तहीनगोळी आंदुर अभक्ती इन सपपा क्यालसागोळ बारा दा जो आंदुर भक्तहीन आगकु माळ्यार, अदकि आ सपपा कठोर मातगोळ बारा दा जो भक्तहीन पापीगोळ आऊन वरिध दा अंदार, दोषी ठहूसुल.

16 इंदुर रा असंतुष्ट, कुळकुळसावाळेर, अदकि तान बेकार लालसागोळ्द अनुसार नळावाळेर उर, अदकि तान बाय देल घमण्ड इन मातगोळ माताळतार, अदकि आंदुर लाभ इन साटी बाय नोळकु बळाई माळतार.

चेतावनी अदकि उपदेश

17 लेकीन हे प्रयिगोळा, नीव आ मातगोळी याद ईटी जो नाम प्रभु यीशु मसीह अन प्रेरति पयले अच अन कोंडार. 18 इंदुरसाटी आंदुर नीम से अनतोगोर, “आखरी दनिगोळ दा हगि मज्याक माळावाळेर ईत्तार जो तान भक्तहीन लालसा अन अनुसार नळदार.” 19 इंदुर आंदुर उर जो फूट हाकतार; इंदुर जो शारीरिकि इच्छागोळ्द नमिंत्रण दा आर, यारदा परमेश्वर उन आत्मा हल्लेच. 20 लेकीन हे प्रयि संगीगोळा, नीव तान अति पवतिर वशिवास दा उन्नती माळतेला अदकि पवतिर आत्मा दा प्रार्थना माळतेला, 21 तान तान इक परमेश्वर उन प्यार दा माळकु ईटी; अदकि अनन्त जीवन इन साटी नाम प्रभु यीशु मसीह अन दया अन हादी कायतेला ईरी.

22 आंदुर मा जो शंका दा आर दया माळी; 23 अदकि हापाळ मुंदरी बेक्की दा टु झपटुसकु तेगी; अदकि हापाळ मुंदुर मा अंज्क इन सांगुळ दया माळी, लेकीन आंदुरद कपळागोळ से भी सट्टि माळी जो मय इन द्वारा कलंकीत आगेग्याद.

आर्शवािद

24 ईग जो नीमी आऊन प्रती बळिदुर देल ऊळस सकतान, अदकि तान महमिा अन भरपुरी इन मुंद नरिदोष नदिरूस सकतान, 25 आ ऊंद मात्र परमेश्वर नामव उद्धारकर्ता अन महमिा अदकि गौरव अदकि पराक्रम अदकि अधिकार, नामव प्रभु यीशु मसीह अन द्वारा ह्यांग अनन्त काल टु आद, ईग भी आगुल अदकि हमेशा हमेशा ईरूल. आमीन.

प्रकाशतिवाक्य यूहन्ना के द्वारा प्रकाशतिवाक्य यूहन्ना अन्द द्वारा परिचय

प्रकाशतिवाक्य अन ई कतिाब व्हाशोद नयिम इन आखरी कतिाब हुन अदकि अद आखरी दा लखिसकु आग्याद प्रेरति यूहन्ना यीशु उन जनम इन बाददा इसवी सन १५ इन हात्तीपास लखिसकु आग्याद. १:१ अदकि आवा यूहन्ना रचति खुशखबरी अदकि यूहन्ना अन्द कतिाब १, २, ३ लखिस्यान. ईवा यूहन्ना अक लॉकुर यार मा यीशु उन प्यार ईरोद हगि माताळकु अरू तोगोर यूहन्ना १३:२३ यीशु मसीह अन खुशखबरी इन पातमा हेसुर इन टापू मा याग सजा कडोन आग आव ईद कतिाब लखिस्यान. प्रकाशतिवाक्य १:९

ईद कतिाब लखिसोद हीद यूहन्ना अन्द ईद उद्देश ईरोद की नानोर वाचुसावाळेर इक यीशु उन सांगुळ वशिवास दा ईरोरसाटी हमिमत कोळोद अदकि यीशु उन मात्त वापस बरोद हात्ती ईरोद इदुरसाटी आऊंदा आशा नरिमाण माळी. १:३२२:७ आव सप्पा वशिवासीगोळ इक ईद चट्ठी लखिसदुन वशिष माळकु येळ मंडली इक लखिसदुन यऊरुद उल्लेख अध्याय २३ दा सीकतद, यूहन्ना खुद इन लखावट इक परमेश्वर उन दी टु बंदाद बातणी, भवषियवाणी हगि हेळतद. अदकि जो मातगोळ इक आव खुद नोळदुन आ मातगोळ्द वर्णन अद अलंकारी शब्द देल मीलुसतद ईद जो कतिाब आद ईद हाळोद नयिम इन भागगोळ देल मीलता जुलता आद. वशिष माळकु जकर्याह ६:१-८ आयातगोळ से अदुरद समानता आद हांग अच येळ तुतारी अदकि येळ कटोरा ईव परमेश्वर मसित्तर दा तंदुन आ दुखगोळ घाई आव. नरिगमन ७:९ प्रकाशतिवाक्य आखरी दनिगोळ्द वर्णन माळतद. आखरी दा यीशु वजियी ह्यांग आदान अदकि आऊन मा वशिवास ईटावाळेर आऊन सांगुळ अनन्त काल ताका ह्यांग जीवीत ईत्तार हगि आव हेळतान ईद कतिाब इन द्वारा नीमी शक्ति सक्कुल अदकि यीशु उन दुबारा बरोर साटी नीमी आशा सक्कुल.

रूप-रेखा

१. यूहन्ना सुरूवात दा खुद इन पयचान माळकु आऊक भवषियवाणी ह्यांग हासलि आत ईद हेळकु सुरूवात माळतान प्रकाशतिवाक्य १:१-२०
२. यीशु उन दी टु येळ मंडली इक मुंद सक्किद बातणी यूहन्ना कोळतान. प्रकाशतिवाक्य १:१-३:२२
३. बाक आव येळ सक्किगोळ्द बारा दा हेळतान प्रकाशतिवाक्य ४:१-८:५ अदकि येळ तुतारीगोळ्द वर्णन माळतान. ८:६-११:१९
४. ईदुर बाददा यूहन्ना ऊंदा स्याण पार येळ ताल्लावाळा हाव सांगुळ ह्यांग लळाई माळतान ईद हेळतान. १२:१-१४:२०
५. ईदुर बाददा यूहन्ना सट्टि इन कटोरा अन बारा दा लखिसतान १५:१-१६:१८
६. ईदुर बाददा परमेश्वर आऊन आकाश दाकळोर दुश्मनगोळ मा ह्यांग वजिय हासलि माळतान ईद हेळतान. प्रकाशतिवाक्य १७:१-२०:१५
७. जो व्हाशोद स्वर्ग अदकि व्हाशोद पृथ्वी आखरी दा बंदीत अदुरद वर्णन माळतान. प्रकाशतिवाक्य २१:१-२२:२१

1 यीशु मसीह अन्द प्रकाशतिवाक्य, जो आऊक परमेश्वर इदुरसाटी कोटान कतिान दासगोळी आ मातगोळ, यऊरुद राटनेरी आगोद जरूरी आद, तोरसुल; अदकि आव तान स्वर्गदूतगोळ इक कळुकु आऊन द्वारा तान दास यूहन्ना अक हेळदुन, 2 यूहन्ना परमेश्वर उन वचन अदकि यीशु मसीह अन्द गवाही, मतलब जो येनारा आव नोळीदुन अदुरद गवाही कोट्टुन. 3 धन्य आन आव जो ई भवषियवाणी इन वचन इक वाचुसतान, अदकि आंदुर जो केळतार अदकि इदुर दा लखिसद मातगोळी मान्सतार; यतकी समय हात्ती आद.

येळु मंडलीगोळ्द अभिवादन

4 *यूहन्ना अन्द दी टु आसया अन्द येळ मंडलीगोळ्द हेसुर:

आऊन दी टु जो आन अदकि जो ईरोन अदकि जो बरावाळा आन; अदकि आ येळ आत्मागोळ दी टु जो आऊन सहिसन इन मुंद आन, ⁵ अदकि यीशु मसीह दी टु जो वशिवासयोग्य गवाह अदकि सोत्तुर दा टु जीत्ता आगावाळेर दा पयला अदकि पृथ्वी इन राजागोळव न्यायाधीश हुन, नीमी अनुग्रह अदकि शांती सकितेला ईरूल.

आव नाम से प्यार ईटतान, अदकि आव तान रक्ता अन द्वारा नामी पापगोळ देल बळिसुस्यान, ⁶ अदकि नामी ऊंद राज्य अदकि तान आप्प परमेश्वर उन साटी याजक भी माळ बुट्टुन; आऊंदा महमा अदकि पराक्रम हमेशा ईरूल. आमीन.

⁷ नोळी, आव बादलगोळ सांगुळ बरावाळा आन, अदकि हर ऊंद कण्ण आऊक नोळीत, उलटा यार आऊक छेद केळदीदुर आंदुर भी आऊक नोळ्यार, अदकि पृथ्वी इन सप्पा जाती आऊन कारण याद्दा बळदार. हव. आमीन.

⁸ प्रभु परमेश्वर, जो आन अदकि जो ईरोन अदकि जो बरावाळा आन, जो सर्वशक्तमिान आन, ईद अनतान, “ना अच पयला अदकि आखरी हुईन.”

यूहन्ना अक मसीह अन्द दर्शन

⁹ ना यूहन्ना, जो नीम वार्ट अदकि यीशु उन क्लेश अदकि राज्य अदकि धीरज दा नीम सहभागी आईन, परमेश्वर उन वचन अदकि यीशु उन गवाही इन कारण पतमुस हेसुर इन टापू दा ईरीन. ¹⁰ ना प्रभु उन दनि आत्मा दा होटबंदीन, अदकि तान हदि तुरही घाई धोळ्द शब्द ईद अनतेला केळदीन, ¹¹ “जो येनारा नी नोळत्या अदरी कतिाब दा लखिसकु येळु मंडलीगोळ्द हात्ती कळुबुळ, मतलब इफसिस, स्मुरना, परिगमुन, थुआतीरा, सरदीस, फलिदलिफिया, अदकि लौदीकिया अक.”

¹² आग ना आऊक, जो नान से माताळोन, नोळोर साटी तान मार्रा तरिगुसदीन; अदकि हदि तरिगु ना व्हानना अन्द येळ दगिया ईटोद जागा ऊंद जागा नोळदीन, ¹³ अदकि आ दगिया ईटोद जागा अन्द न्याड्या दा मळसा अन पार उन घाई ऊंद आरी इक नोळदीन, जो काल ताका फळक्या हाककु, अदकि याद्दा मा व्हानना अन्द पट्टा कटकु ईरोन. ¹⁴ आऊन ताल्ला अदकि चुट्टी बळिव ऊन बल्की पाला अन घाई चमकदार ईरव, अदकि आऊन कण्णगोळ बेककी इन ज्वाला अन्द घाई ईरव. ¹⁵ आऊन कालगोळ वळलीद पीतळा अन घाई ईरव जसा हगि हतव कभिट्टी दा सेक्सकु आग्याव, अदकि आऊन शब्द हापाळ नीर इन आवाज इन घाई ईरोद. ¹⁶ आव तान ऊम्मा कय दा येळ तारा हुळकु ईरोन, अदकि आऊन बाय देल तेज येढ्द धार इन तलवार होळतोगोद. आऊन मार्रा हगि प्रज्वलति ईरोद, हयांग सूर्य भर बसिल इन समय चमकुसतद. ¹⁷ ययाग ना आऊक नोळदीन रा आऊन कालगोळ मा मुर्दा घाई बदीदीन. आव नान मा तान ऊम्मा कय ईटकु अंदुन, “अंजबाळ; ना पयला अदकि आखरी अदकि जीवता हुईन; ¹⁸ ना सोतोगीदीन, अदकि ईग नोळ ना हमेशा हमेशा जतिता आईन; अदकि मृत्यु अदकि अधोलोक इन चाबीगोळ नान दा हात्ती आव. ¹⁹ इदुरसाटी जो मातगोळ नी नोळ्या अदकि जो मातगोळ आगेत्याव अदकि जो मातगोळ ईदुर बाद्दा आगव आव, अव सप्पा मातगोळी लखिस कोम. ²⁰ मतलब आ येळ तारागोळ्द भेद नी अवरी नान ऊम्मा कय दा नोळीद, अदकि आ येळ व्हानना अन्द दगिया ईटोद जागा अन्द भेद: अव येळ तारा येळु मंडलीगोळव स्वर्गदूत हुव, अदकि अव येळ दगिया ईटव जागा येळ मंडलीगोळ हुव.

2

इफसिस उक बातणी

¹ “इफसिस उन मंडली इन स्वर्गदूत उक ईद लखिस:

“जो येळु तारा तान ऊम्मा कय दा हुळकु आन, अदकि व्हानना अन्द येळु दगिया ईटोद जागा अन्द न्याड्या दा टेटतद, अद ईद अनतद कर् ² ना नीन कयाल्सा, नीन मयनत, अदकि नीन धीरज इक जान्सीन; अदकि ईद भी कर्नी बेकार लॉकुरी नोळ सकाल, अदकि जो तान तान इक प्रेरति अनतार, अदकि आल्लच, आंदरी नी परखुस्कु खवाटा माळ्द. ³ नी धीरज हुडुत्या, अदकि नान हेसुर इन साटी दुख नेगुत नेगुत थक्सीदील. ⁴ लेकीन नानी नीन खलिाप ईद अनोद आद कर्नी तान पयला अन्द घाई प्यार बटिबुट्या. ⁵ इदुरसाटी याद माळ कर्नी यल टु

☆ 1:6 १:६ प्रकाशतिवाक्य ५:१० ☆ 1:7 १:७ मत्ती २४:३०; मरकुस १३:२६; लूका २१:२७; १ थसिसलुनीकी ४:१७; यूहन्ना १९:३४,३७; मत्ती २४:३० ☆ 1:8 १:८ प्रकाशतिवाक्य २२:१३ ☆ 1:17 १:१७ प्रकाशतिवाक्य २:८; २२:१३

बदिया, अदकि मन तरिगुस अदकि पयला अन्द घाई क्याल्सा माळ. अगर नी मन तरिगुसतदिलि, रा ना नीन हात्ती बंदकु नीन दगिया ईटोद जागा अक अदुर जागा दा टु सरकुस बुळाईन. ⁶ लेकीन हव, नीन दा ईद मात रा आद कि नी नीकुलइयोगोळ्द क्याल्सागोळ देल घृणा माळत्या, आंदुर देल ना भी नफरत माळतीन.

⁷ ✧ “यार कवि ईतीदाव आव केळ कोमुल कि आत्मा मंडलीगोळ से येन अनतद. जो वजिय हासलि माळतान, ना आऊक आ जीवन इन मार्र दा टु जो परमेश्वर उन स्वर्गलोक दा आद, काय तनिली कोळाईन.”

स्मुरना अक बातणी

⁸ ✧ “स्मुरना अन्द मंडली इन स्वर्गदूत उक ईद लखिस:

“जो पयला अदकि आखरी आन, जो सोतोगीदुन अदकि ईग जित्ता आगोग्यान, आव ईद अनतान कि ⁹ ना नीन क्लेश अदकि गरीबी इक जान्सतीन लेकीन नी धनी आय, अदकि जो लॉकुर तान तान इक यहूदी अनतार अदकि आल्लच, लेकीन शैतान उन सभा उर, आंदुर अपमान इक भी जान्सतीन. ¹⁰ जो दुख नीनी झेलसोद बदिदीत, अऊर देल अंजबाळ. यतकी नोळी, शैतान नीम दा टु काईक मुंदुरी जेलखाना दा हाकावाळा आन ताकी नीम परख आग सकुल; अदकि नीमी हत्त दनि ताका क्लेश नेगोद बदिदीत. जीव कोळासताका वशिवासी ईर, रा ना नीनी जीवन इन मुकुट कोळाईन.

¹¹ ✧ “यार कवि ईतीदाव आव केळ कोमुल कि आत्मा मंडलीगोळ से येन अनतद. जो वजिय हासलि माळतान, आऊक दुसरा मृत्यु देल नुकसान आगतीदील.”

परिगमुन उक बातणी

¹² “परिगमुन उन मंडली इन स्वर्गदूत उक ईद लखिस:

“यार हात्ती येद्व धार इंद अदकि तेज तलवार आद, आव ईद अनतान कि ¹³ ना ईद जान्सतीन कि नी अल ईरत्या यल शैतान उन सहिसन आद; नी नान हेसुर मा स्थरि ईरत्या, अदकि नान मा वशिवास माळदुर देल आ दनिगोळ दा भी हदि हटसीदलि यदुर दा नान वशिवासयोग्य गवाह अन्तपिस, नीम नयाड्या आ जागा मा घात माळकु आदुन यल शैतान ईरतद. ¹⁴ लेकीन नानी नीन खलिाप येनारा मातगोळ माताळोव आव, यतकी नीन अल काईक मुंदुर हगि आर, जो बलाम इन शकिषा अक मान्सतार, याव बालाक उक इस्त्राएलीगोळ्द मुंद ठोकर इन कारण ईटोद कलसदुन कि आंदुर मूर्तीगोळ मा येरसद चीजगोळ तनिल अदकि व्यभचार माळुल. ¹⁵ हांगा नीन अल काईक हगि आर, जो नीकुलइयो अन्द शकिषा अक मान्सतार. ¹⁶ इदुरसाटी मन तरिगुस, ईलारा ना नीन हात्ती राटनेरी बंदकु तान बाय इन तलवार देल आंदुर सांगुळ लळाई माळाईन.

¹⁷ ✧ “यार कवि ईतीदाव आव केळ कोमुल कि आत्मा मंडलीगोळ से येन अनतद. जो वजिय हासलि माळतान, आऊक ना गुप्त मन्ना दा टु कोळाईन, अदकि आऊक ऊंद बळीद कल्ल भी कोळाईन; अदकि आ कल्ल मा ऊंद हेसुर लखिसकु ईत्तीत, अदरी हासलि माळावाळेर्द अलावा अदकि याऊ अदरी अरूतीदील.”

थुआतीरा अक बातणी

¹⁸ “थुआतीरा अन्द मंडली इन स्वर्गदूत उक ईद लखिस:

“परमेश्वर उन पार यारव कण्णगोळ बेक्की इन ज्वाला घाई, अदकि यारव कालगोळ वळ्लीद पीतळा अन्द घाई आव, आव ईद अनतान कि ¹⁹ ना नीन क्याल्सागोळ, नीन प्यार अदकि वशिवास अदकि सयावा अदकि धीरज, इक जान्सतीन अदकि ईद भी कि नीनव हदिळोव क्याल्सा पयले से वळलेव आव. ²⁰ लेकीन नानी नीन खलिाप ईद अनोद आद कि नी आ आरत इजेबेल इक ईरगोळत्या जो तान तान इक भवषियवक्ता अनतार, अदकि नान दासगोळी व्यभचार माळली अदकि मूर्तीगोळ मा येरसद चीजगोळी तनोद कलसकु भरमुसतार. ²¹ ना आककि मन तरिगुसोर साटी मवका कोट्टीन, लेकीन आक तान व्यभचार देल मन तरिगुसोद चाहासालुर. ²² नोळ, ना आककि वहरस मा हाकतीन यल आक रोगशैय्या मा ईरोर; अदकि जो आकनि सांगुळ व्यभचार माळतार अगर आंदुर भी आकनि घाई क्याल्सागोळ देल मन तरिगुसतदिलि रा ना आंदरी धोळद क्लेश दा हाकाईन. ²³ ना आकनि चकिोर इक कोंद बुळाईन; आग सप्पा मंडली जान्स कोंडीत कि दिलि अदकि मन इक अरावाळा ना अच हुईन, अदकि ना नीम दा टु हर ऊंद मळसा अक आऊन क्याल्सा अन्द अनुसार बदला कोळाईन. ²⁴ लेकीन नीव थुआतीरा अन्द बाकी लॉकुर से, यास ई शकिषा अक मान्सालुर अदकि आ मातगोळी यवरी शैतान उन गयरा

मातगोळ अनतार जान्सालीर, ईद अनतीन क्नि ना नीम मा मात्त ओझा हाकतदिलि. ²⁵ लेकीन हव, जो नीम हात्ती आद अदरी नान बरासताका ताका रोकसकु ईटी.

²⁶ “जो वजिय हासलि माळुल अदकि नान क्वालसागोळ्द अनुसार आखरी ताका माळ्त्त ईरूल, ना आऊक गैर यहूदी लॉकुर मा अधिकार कोळाईन, ²⁷ अदकि आव लोवा अन्द छळी हुडुकु आंदुर मा राज्य माळ्यान, याता प्रकार गळग्या माळावाळा नव मुण्ण इन बर्तन चकनाचुर आगेगतावः नानी भी हगिा अधिकार तान आप्प उन हात्ती टु सकियाद; ²⁸ अदकि ना आऊक व्हातुर ईद तारा कोळाईन. ²⁹ यार कवि ईतीदाव आव केळ कोमुल क्नि आत्मा मंडलीगोळ से येन अनतद.”

3

सरदीस उक बातणी

¹ सरदीस उन मंडली इन स्वरगदूत उक ईद लखिसः

“यार हात्ती परमेश्वर उन येळ आत्मागोळ अदकि येळ तारा आव, आव ईद अनतान क्नि ना नीन क्वालसागोळी जान्सतीनः नीनी जत्तिता रा अंदकु आगतद, लेकीन आय नी सोतकु ² जागृत आग, अदकि आ चीजगोळी जो मक्किग्याव अदकि अऊर नाश आगली आद, अवरी मजबूत माळ; यतकी ना नीन यातोदु क्वालसा अक तान परमेश्वर उन हात्ती पुरा आग्त नोळीदील. ³ इदुरसाटी याद माळ क्नि नी ह्यांग शक्षिा प्राप्त माळीद अदकि केळीद, अदकि अदुर दा बन्सकु ईर अदकि मन तरिगुस. अगर नी जागृत ईरतीदील रा नी यागलु जान्स सकतीदलि क्नि ना याता समय नीन मा बंदकु बळीईन. ⁴ लेकीन हव, सरदीस दा नीन अल काईक हगि लॉकुर आर यार तान तान फळक्यागोळ अशुध्द माळीदलि, आंदुर बळिवे फळक्या हाक्कु नान सांगुळ टेट्यार, यतकी आंदुर ईदुर लायक आर.”

⁵ जो वजिय हासलि माळ्यान आऊक हगिा बळिवे फळक्या हाकसुसकु आदीत, अदकि ना आऊन हेसुर जीवन इन क्तिाब दा टु यातोदु रीतदिले कडुतदिलि; लेकीन आऊन हेसुर तान आप्प अदकि आऊन स्वरगदूतगोळ मुंद मान्स कोमाईन. ⁶ यार कवि ईतीदाव आव केळ कोमुल क्नि आत्मा मंडलीगोळ से येन अनतद.

फलदलिफिया अक बातणी

⁷ “फलदलिफिया अन्द मंडली इन स्वरगदूत उक ईद लखिसः

“जो पवतिर अदकि सही आन, अदकि जो दाऊद उन चाबी ईटतान, यारद तेरदुर बाददा याऊ बंद माळ सकालुन अदकि बंद माळदुर बाददा याऊ तेरू सकालुन, आव अनतान क्नि ⁸ ना नीन क्वालसागोळी जान्सतीन; नोळ, ना नीन मुंद ऊंद दरवाजा तेरूकु ईटीन, यदरी याऊ बंद माळ सकालुन; नीन सामर्थ्य थवाळासा रा आद, तरी भी नी नान वचन इन पालन माळद अदकि नान हेसुर इन इनकार माळीदलि. ⁹ नोळ, ना शैतान उन आ सभावाळेर इक नीन वश दा माळ बुळाईन जो यहूदी बन्सकु कुरतोग्यार, लेकीन आल्लच उलटा ख्वाटा माताळतार-नोळ, ना हगि माळाईन क्नि आंदुर बंदकु नीनी प्रणाम माळ्यार, अदकि ईद जान्स कौडार क्नि ना नीन से प्यार ईटीन. ¹⁰ नी नांद धीरज इन वचन इक हुळद्या, इदुरसाटी ना भी नीनी परीक्षा अन्द आ समय ऊळ्स्कु ईटाईन जो पृथ्वी मा ईरावाळेरद परख माळोर साटी दुनया मा बरावाळा आद. ¹¹ ना राटनेरी इच बरावाळा आईन; जो येनारा नीन हात्ती आद अदरी हुडुकु ईर क्नि याऊ नीन मुकुट कसुबाळुल. ¹² जो वजिय हासलि माळ्यान आऊक ना तान परमेश्वर उन मंदरि दा ऊंद खंबा माळाईन, अदकि आव बाक यागलु व्हार्या होळतीदलि; अदकि ना तान परमेश्वर उन हेसुर अदकि तान परमेश्वर उन नगर मतलब व्हाशोद यरूशलेम इन हेसुर, जो नान परमेश्वर उन हात्ती टु स्वरग मा टु ईळोद आद, अदकि तान व्हाशोद हेसुर अदुर मा लखिसाईन. ¹³ यार कवि ईतीदाव आव केळ कोमुल क्नि आत्मा मंडलीगोळ से येन अनतद.

लौदीकिया अक बातणी

¹⁴ “लौदीकिया अन्द मंडली इन स्वरगदूत उक ईद लखिसः

“जो आमीन अदकि विश्वासयोग्य अदकि खरा गवाह आन, अदकि परमेश्वर उन दुनया अन मुल कारण हुन, आव अनतान क्नि ¹⁵ ना नीन क्वालसागोळी जान्सतीन क्नि नी रा ना ठंडा आय अदकि ना बसिक्यांडः वळ्ळीद आगाईत क्नि नी ठंडा या बसिक्यांड ईराईद. ¹⁶ इदुरसाटी क्नि नी क्वामा-क्वामा आय, अदकि ना ठंडा आय ना

बसिक्यांड, अनकु ना नीनी तान बाय दा टु तेगदुर मा आईन. 17 नी अनत्या क्नी ना धनी आईन अदकि धनवान आगोनि अदकि नानी यातोदु चीज इन कमी हैलेच; अदकि ईद जानसाल क्नी ना अभागा अदकि तुच्छ अदकि भखिारी अदकि कुद्व अदकि ऊगळा आय. 18 इदुरसाटी ना नीनी सम्मती कोळतीन क्नी बेक्की देल शुद्ध माळ्द व्हानना नान से कोम क्नी ना धनी आगो, अदकि बळिवे फळक्या कौंड कोम क्नी हाक्कु नीनी तान ऊगळापन ईद शरम हतबाळुल, अदकि तान कण्णगोळी हचोर साटी सुरमा कौंडकु रगळुस क्नी नोळली हत्तेग. 19 *ना यार यार से प्यार माळतीन, आ सप्पा मुंदुरी उलाहना अदकि शक्षिा कोळतीन; इदुरसाटी आस्था ईट अदकि मन तरिगुस. 20 नोळ, ना दरवाजा मा नदुरकु ठोकसतनि; अगर यावारा नान शब्द केळकु दरवाजा तेरदान, रा ना आऊन हात्ती बुळ्क बंदकु आऊन सांगुळ ऊमाईन अदकि आव नान सांगुळ.

21 “जो वजिय हासलि माळ्यान ना आऊक तान सांगुळ तान सहिसन मा कुरसाईन, ह्यांग ना भी वजिय हासलि माळकु तान आप्प उन सांगुळ आऊन सहिसन मा कुरतोदनि. 22 यार कवि ईतीदाव आव केळ कोमुल क्नी आत्मा मंडलीगोळ से येन अनतद.”

4

स्वर्ग दा आराधना

1 ई मातगोळ बाददा जो ना दृष्टी माळदीन रा येन नोळतीन क्नी स्वर्ग दा ऊंद दरवाजा तेरकु आद, अदकि यारी ना पयले तुरही इन घाई शब्द देल तान सांगुळ माताळ्त्त केळीदीन, आवा अनतान, “ईल म्याकुच होटबर; अदकि ना आ मातगोळ नीनी तोरसाईन, यऊरद ई मातगोळ बाददा पुरा आगोद जरूरी आद.” 2 तुरन्त ना आत्मा दा होटबंदीन; अदकि येन नोळतीन क्नी ऊंद सहिसन स्वर्ग दा ईटकु आद, अदकि आ सहिसन मा यावारा कुर्तकु आन. 3 जो अदुर मा कुर्तकु आन आव यशब अदकि माणकिय घाई काळसदुर दा बरतान, अदकि आ सहिसन इन नाकु दी मरकत घाई ऊंद मेघधनुष काळसतद. 4 आ सहिसन इन नाकु दी ईप्पतनाक सहिसन आव; अदकि ई सहिसनगोळ मा ईप्पतनाक स्याणा लौकुर बळी फळक्या हाक्कु कुर्तकु आर, अदकि आंदुर ताल्लागोळ मा व्हानना नव मुकुट आव. 5 *आ सहिसन दा टु बजिली अदकि गर्जन गुमरान होळतद अदकि सहिसन इन मुंद बेक्की इन येळ दगिया होतेत्याव, अव परमेश्वर उन येळ आत्मागोळ हुव, 6 अदकि आ सहिसन इन मुंद मान्सी जसा बल्लौर घाई काँच इन समुद्र आद.

सहिसन इन न्याड्या दा अदकि सहिसन इन नाकु दी नाक प्राणी आव, यऊरद हदि मुंद कण्ण अच कण्ण आव. 7 पयला प्राणी हुल्ल इन घाई आद, अदकि दुसरा प्राणी गोसी इन पाड्डा घाई आद, तसिरा प्राणी इन बाय मळसा अनद घाई आद, अदकि चौथा प्राणी ऊळुसतेला गीधाळ इन घाई आद. 8 नाकु प्राणीगोळव आर: पक्का आव, अदकि नाकु दी अदकि बुळ्क कण्ण अच कण्ण आव; अदकि अव ईळ्ळक हागुल बनिा आराम ताकोम्त ईद अनतेला ईरताव,

“पवतिर, पवतिर, पवतिर प्रभु परमेश्वर, सर्वशक्तमिान,

जो ईरोन अदकि जो आन अदकि जो बरावाळा आन.”

9 याग अव प्राणी आऊन जो सहिसन मा कुर्तकु आन, अदकि जो हमेशा हमेशा जतिता आन, महिमा अदकि आदर अदकि धन्यवाद माळ्याव; 10 आग ईप्पतनाक इन ईप्पतनाक स्याणा लौकुर सहिसन मा कुरावाळेर मुंद बदिदार; अदकि अदुरद पुजा माळतार, जो हमेशा हमेशा जीवति आर प्रणाम माळ्यार. अदकि आंदुर तान-तान मुकुट सहिसन इन मुंद ईद अनतेला हाक्क बुट्टार,

11 “हे नाम प्रभु अदकि परमेश्वर, नी अच महिमा

अदकि आदर अदकि सामर्थ्य अनद लायक आय;

यतकी नी अच सप्पा चीजगोळी नरिमाण माळ्या

अदकि अव अपमान अच इच्छा देल ईरव अदकि अस्ततिव दा बंदव.”

5

मोहरबन्द कतिाव अदकि म्यांडा अनद पाड्डा

1 जो सहिसन मा कुर्तकु ईरोन, ना आऊन ऊम्मा कय दा ऊंद कतिब नोळदीन जो बुळ्क अदकि व्हार्या टु लखिसकु ईरोद, अदकि अद येळ मोहर हचकु बंद माळकु आगीत. 2 बाक ना ऊंद ताकतवर स्वर्गदूत उक नोळदीन जो धोळ शब्द देल ईद प्रचार माळतोगोन, “ई कतिब इक तेरोद अदकि अदुरद मोहर मुरोद लायक याव आन?” 3 लेकीन ना स्वर्ग दा, ना पृथ्वी मा, ना पृथ्वी इन ल्यालमा यावारा आ कतिब इक तेरोद या अदुर मा दृष्टी हाक्कोद लायक होट्टुन. 4 आग ना हुदक्या कोट कोटकु वर्ली हतदीन, यतकी आ कतिब इक तेरोद या अदुर मा दृष्टी हाक्कोद लायक याऊ सकिर्दिल. 5 ईदुर मा आ स्याणागोळ दा टु ऊंद नान से अंदुन, “वर्लबाळ; नोळ, यहूदा अन्द गोत्र नव अद हुल्ल जो दाऊद उन मुल आद, आ कतिब इक तेरोद अदकि अदुरद येळु मोहरगोळ मुरोद साटी जयवन्त आग्याद.”

6 आग ना आ सहिसन अदकि नाकु प्राणीगोळ अदकि आ स्याणागोळद न्याड्या दा, मतलब ऊंद बली कोळ्द म्यांडा अन्द पाड्डा नीदुरकु नोळदीन. अदुर येळ गाँट्टा अदकि येळ कण्णगोळ ईरव; ईव परमेश्वर उन येळु आत्मागोळ हुव, जो सप्पा धरती मा कळुकु आग्याव. 7 आव बंदकु आऊन ऊम्मा कय देल जो सहिसन मा कुर्तकु ईरोन, आ कतिब हुळ्द कौडुन. 8 याग आव कतिब हुळ्द कौडुन, रा अव नाकु प्राणी अदकि ईप्पतनाक इन ईप्पतनाक स्याणा लॉकुर आ म्यांडा अन्द पाड्डा अन्द मुंद बदिदुर. आंदुर दा टु हर ऊंद जन उन कय दा वीणा अदकि ऊदबत्ती, जो पवतिर लॉकुरद प्रार्थनागोळ हुव, देल तुमकु व्हान्ना नव कटोरा ईरव. 9 आंदुर ईद व्हाशोद हाळ हाळली कुरतुर,

“नी ई कतिब इक हुडोद, अदकि ईदुरद मोहरगोळ

तेरोद लायक आय;

यतकी नी बली आगकु तान रक्ता देल

हर ऊंद कुल अदकि भाषा अदकि लॉकुर अदकि

जाती दा टु

परमेश्वर उन साटी लॉकुरी कौड्या, 10 *अदकि आंदरी नाम परमेश्वर उन साटी ऊंद

राज्य अदकि याजक माळ्द;

अदकि आंदुर धरती मा राज्य माळतार.”

11 याग ना नोळदीन, रा आ सहिसन अदकि आ प्राणीगोळ अदकि आ स्याणागोळ नाकु दी हापाळ सा स्वर्गदूतगोळ्द शब्द केळदीन, यार गनिती लाखों अदकि करोळो अन्द ईरोद, 12 अदकि आंदुर धोळ शब्द देल अनतोगोर,

“बली कोळ्द म्यांडा अन्द पाड्डा अच

सामर्थ्य अदकि धन अदकि ग्यान अदकि ताकत अदकि आदर

अदकि महिमा अदकि धन्यवाद इन लायक आद!”

13 बाक ना स्वर्ग दा अदकि धरती मा अदकि धरती इन ल्यालमा अदकि समुद्र अन्द सप्पा माळ्द वस्तुगोळी,

अदकि सप्पा येनारा जो अऊर दा आव, ईद अनतेला केळदीन,

“जो सहिसन मा कुर्तकु आन आऊन अदकि म्यांडा अन्द पाड्डा अन्द धन्यवाद

अदकि आदर अदकि महिमा अदकि राज्य हमेशा ईरूल!”

14 अदकि नाकु प्राणीगोळ आमीन अंदव, अदकि स्याणागोळ बांगकु दण्डवत माळदुर.

6

येळ मोहरगोळ्द तेरूकु आगोद

1 बाक ना नोळदीन का म्यांडा अन्द पाड्डा आ येळ मोहरगोळ दा टु ऊंद मोहर इक तेरूत; अदकि आ नाकु प्राणीगोळ दा टु ऊंद प्राणी इंद गर्जन घाई शब्द केळदीन, “बर!” 2 ना दृष्टी माळदीन, अदकि नोळी, ऊंद बळी घ्वाळा आद, अदकि अदुर सवारी माळावाळा बाण हुडुकु आन; अदकि आऊक ऊंद मुकुट कोटकु आत, अदकि आव जय जयकार माळ्द होट्टुन का मात्त यक्कुल जय हासलि माळुल.

3 याग अद दुसरा मोहर तेरूत, रा ना दुसरा प्राणी इक ईद अनतेला केळदीन, “बर!” 4 बाक मात्त ऊंद घ्वाळा होळत जो क्याचांद रंग इन ईरोद; अदुर सवारी माळावाळा अक ईद अधिकार कोटकु आत कि धरती मा टु मेल मलिाप नेग्द बुळ, ताकी लॉकुर आबुर दाबुर इक कोनुल; अदकि आऊक ऊंद धोळ्द तलवार कोटकु आत.

5 याग अद तसिरा मोहर तेरूत, रा ना तसिरा प्राणी इक ईद अनतेला केळदीन, “बर!” ना दृष्टी माळदीन, अदकि नोळी, ऊंद करीद घ्वाळा आद, अदकि अदुर सवारी माळावाळा अनूद कय दा ऊंद तराजू आद; 6 अदकि ना आ नाकु प्राणीगोळ न्याड्या दा टु ऊंद शब्द ईद अनतेला केळदीन, “दीनार इन सेर तीम गोदी, अदकि दीनार इन मुर सेर जऊस, लेकीन याण्णा अदकि अंगुर इन रास्सा अनूद नुकसान माळबाळेतीर.”

7 याग अद चौथा मोहर तेरूत, रा ना चौथा प्राणी इन शब्द ईद अनतेला केळदीन, “बर!” 8 ना दृष्टी माळदीन, अदकि नोळी, ऊंद पविळा रंग घाई घ्वाळा आद; अदकि अदुर मा सवारी माळावाळा अनूद हेसुर मृत्यु आद, अदकि अधोलोक आऊन हृदि हृदि आद; अदकि आंदरी धरती इन ऊंद चौथाई भाग मा ईद अधिकार कोटकु आत कितलवार, अदकि अकाल, अदकि मरी, अदकि धरती इन आळी दाकळव पशुगोळ द्वारा लॉकुरी कोंदबुळुल.

9 याग अद पाचवा मोहर तेरूत, रा ना वेदी इन लयालमा आंदुर जीवगोळी नोळदीन जो परमेश्वर उन वचन इन कारण अदकि आ गवाही इन कारण जो आंदुर कोटीदुर बली येरसकु आगीदव. 10 आंदुर धोळ शब्द दा कारूकु अंदुर, “हे स्वामी, हे पवतिर अदकि सत्य; नी यागासताका न्याय माळ्या? अदकि धरती मा ईरावाळेरे से नाम रक्ता अन बदला यागासताका ताकोंड्या?” 11 आंदुर दा टु हर ऊंद जन उक बळी फळक्या कोटकु आत, अदकि आंदुर से अंदकु आत कि मात्त घळी तमि आराम माळी, यागासताका कि नीम संगी दास अदकि वारटुर जो नीम घाई बली येरसकु आगावाळेरे आर आंदुर भी गनिती पुरा आगेगाल.

12 *याग अद सहावा मोहर तेरूत, रा ना नोळदीन कि ऊंद धोळ्द भूकम्प आत, अदकि सुर्य धुसा घाई करीद अदकि पुरा बेळदगि रक्ता अन घाई आगेत. 13 आकाश इन तारागोळ धरती मा हगि बदिदव जसा धोळ्द आंधी देल आळगाळकु अंजीर इन मार्र मा टु कच्चा काय झळसताव. 14 *आकाश हगि सरकुसेत जसा चट्टी गुंळसदुर देल सरकुसेगतद; अदकि हर ऊंद पहाळी, अदकि टापू तान तान जागा मा टु सरकुसेदव. 15 आग धरती इन राजा, अदकि प्रधान, अदकि सरदार, अदकि धनवान अदकि सामर्थी लॉकुर, अदकि हर ऊंद दास अदकि हर ऊंद स्वतंत्र पहाळीगोळद गुफागोळ दा अदकि चट्टानगोळ दा होगकु होचकोंडव, 16 *अदकि पहाळीगोळ अदकि चट्टानगोळ देल अनली हतदव, “नाम मा बळी; अदकि नामी आऊन बाय देल जो सहिसन मा कुरतकु आन, अदकि म्यांडा अनूद पाडडा अनूद प्रकोप देल होचसकोम बुळी. 17 यतकी आंदुर प्रकोप इन भयानक दनि होट बंदाव, ईग याव ऊंजेर सकतान?”

7

इस्त्राएल इन 1,44000 लॉकुर

1 इदुर बाददा ना पृथ्वी इन नाकु क्वाना मा नाक स्वर्गदूत नीदुरकु नोळदीन. आंदुर पृथ्वी इन नाकु हवा अक रोक्सकु ईरोर ताकी पृथ्वी या समुद्र या यातोदु मार्र मा हवा नळु बाळुल. 2 बाक ना मात्त ऊंद स्वर्गदूत उक जतिता परमेश्वर उन मोहर हुडुकु पूर्व टु म्याकुच बरत नोळदीन; आव आ नाकु स्वर्गदूतगोळ देल यवरी पृथ्वी अदकि समुद्र अनूद नुकसान माळोद अधिकार कोटकु आगीत, धोळ शब्द देल कारूकु अंदुन, 3 “यागासताका नाव तान परमेश्वर उन दासगोळ ह्याणा मा मोहर हच कोमालेव, आगासताका पृथ्वी अदकि समुद्र अदकि मार्रगोळी नुकसान पोहचुस बाळेतीर.” 4 यार मा मोहर कोटकु आत ना आंदुर गनिती केळदीन, मतलब इस्त्राएल इन औलादगोळद सप्पा गोत्र दा टु ऊंद लाख चौवालीस हजार मा मोहर कोटकु आत: 5 यहूदा अनूद गोत्र दा टु हननेळ हजार मा मोहर कोटकु आत; रूबेने अनूद गोत्र दा टु हननेळ हजार मा, गाद इन गोत्र दा टु हननेळ हजार मा. 6 आशेर इन गोत्र दा टु हननेळ हजार मा, नप्ताली इन गोत्र दा टु हननेळ हजार मा, मनशशहि अनूद गोत्र दा टु हननेळ हजार मा, 7 शमौन उन गोत्र दा टु हननेळ हजार मा, लेवी इन गोत्र दा टु हननेळ हजार मा, इससाकार इन गोत्र दा टु हननेळ हजार मा, 8 जबूलून उन गोत्र दा टु हननेळ हजार मा, यूसुफ उन गोत्र दा टु हननेळ हजार मा, अदकि बनियामीन उन गोत्र दा टु हननेळ हजार मा मोहर कोटकु आत.

ऊंद धोळ्द भीळ

* 6:12 ६:१२ प्रकाशतिवाक्य ११:१३; १६:१८; मत्ती २४:२९; मरकुस १३:२४, २५; लूका २१:२५ * 6:14 ६:१४ प्रकाशतिवाक्य १६:२० * 6:16 ६:१६ लूका २३:३०

9 इदुर बाददा ना नजर तरिगुसदनि, अदकि नोळी, हर ऊंद जाती अदकि कुल अदकि लॉकुर अदकि भाषा दा टु ऊंद हगि धोळ्द भीळ, यदरी याऊ आळु ईला सकोन, बळी फळक्या हाक्कु अदकि तान कयगोळ दा खजुर इन डगालगोळ हुडुकु सहिसन इन मुंद अदकि म्यांडा अन्द पाड्डा अन्द मुंद नदिरकु आद, 10 अदकि धोळ्द शब्द देल कारूकु अनतद, “उद्धार इन साटी नाम परमेश्वर उन, जो सहिसन मा कुर्तकु आन, अदकि म्यांडा अन्द पाड्डा अन्द जय-जयकार आगुल!” 11 अदकि सप्पा स्वर्गदूत आ सहिसन अदकि स्याणागोळ अदकि नाकु प्राणीगोळ नाकु दी नदिरकु आर; बाक आंदुर सहिसन इन मुंद बाय इन भार देल बदिदुर अदकि परमेश्वर उक दण्डवत माळकु अंदुर, 12 “आमीन! नाम परमेश्वर उन स्तुर्ता अदकि महिमा अदकि ग्यान अदकि धन्यवाद अदकि आदर अदकि सामर्थ्य अदकि ताकत हमेशा हमेशा बनसकु ईरूल. आमीन!”

13 इदुर मा स्याणागोळ दा टु ऊंद नान से अंदुन, “ई बळी फळक्यागोळ हाक्कु यार उर? अदकि यल टु बंदार?”

14 *ना आंदुर से अंदीन, “हे स्वामी, नी अच जानसत्या.”

आव नान से अंदुन, “ईदुर आंदुर उर, जो आ महाक्लेश दा टु होटकु बंदार; इंदुर तान-तान फळक्या म्यांडा अन्द पाड्डा अन्द रक्ता दा तोळकु बळिव माळ्यार. 15 ईदा कारण आंदुर परमेश्वर उन सहिसन इन मुंद आर, अदकि आऊन मंदरि दा ईळ्लक-हागुल आऊन स्यावा माळतार, अदकि जो सहिसन मा कुर्तकु आन, आव आंदुर म्याकुच तान तम्बू तानस्यान. 16 आंदुर बाक उपासा अदकि नीरअळक देल ईरतीदील; अदकि ना आंदुर मा यागल्यारा बसिल बदिदीत. 17 यतकी म्यांडा अन्द पाड्डा जो सहिसन इन न्याड्या दा आद आंदुर जागनी माळीत, अदकि आंदरी जीवन रूपी नीर इन डोबन इन हात्ती ओतीत; अदकि परमेश्वर आंदुर कण्णगोळी बाक यागलु वरलगोळतदिलि.

8

सातवा मोहर अदकि व्हानना अन्द ऊदबत्ती दान

1 “याग आव सातवा मोहर तेरदुन, रा स्वर्ग दा आर्धा घंटा ताका सन्नाटा आगेत. 2 आग ना आ येळु स्वर्गदूतगोळ इक नोळदीन जो परमेश्वर उन मुंद नदिरकु ईरतार, अदकि आंदरी येळ तुरहीगोळ कोटकु आत.”

3 बाक मात्त ऊंद स्वर्गदूत व्हाननोद ऊदबत्ती दान हुडुकु बंदुन, अदकि वेदी इन हात्ती नदिरदुन; अदकि आऊक हापाळ ऊदबत्ती कोटकु आत की सप्पा पवतिर लॉकुरद प्रार्थनागोळ सांगुळ व्हानना अन्द आ वेदी मा, जो सहिसन इन मुंद आद येरसुल. 4 आ ऊदबत्ती इन धुंगा पवतिर लॉकुरद प्रार्थना सहति स्वर्गदूत उन कय दा टु परमेश्वर उन मुंद पोहचुसेत. 5 *आग स्वर्गदूत ऊदबत्ती दान हुडुकु अदुर दा वेदी इन बेक्की तुमदुन अदकि धरती मा हाक बुट्टुन; अदकि गर्जन अदकि शब्द अदकि बजिलीगोळ अदकि भूकम्प आगली कुरतव.

येळ तुरहीगोळ

6 आग आ येळु स्वर्गदूत यार हात्ती येळ तुरहीगोळ ईरव अवरी ऊरूली तयार आदुर.

7 पयला स्वर्गदूत तुरही ऊरदुन, अदकि रक्ता देल मलिसकु क्यांडागोळ अदकि बेक्की तयार आत, अदकि धरती मा हाक्कु आत; अदकि धरती इन ऊंद तहिाई भाग होत्तेत, अदकि मार्रगोळ्द ऊंद तहिाई भाग होत्तेत, अदकि सप्पा हविरा काड्डा भी होत्तेत.

8 दुसरा स्वर्गदूत तुरही ऊरदुन, रा बेक्की घाई होत्ततेला ऊंद धोळ्द पहाळी समुद्र दा हाक्कु आत; अदकि समुद्र अन्द ऊंद तहिाई भाग रक्ता आगेत, 9 अदकि समुद्र अन्द ऊंद तहिाई जीव सोतोदव, अदकि ऊंद तहिाई जहाज नाश आगेदव.

10 तसिरा स्वर्गदूत तुरही ऊरदुन, अदकि ऊंद धोळ तारा जो मशाल घाई होत्तोगोद स्वर्ग दा टु मुरत, अदकि गांगागोळ्द ऊंद तहिाई मा अदकि नीर इन डोबनगोळ मा बंदकु बत्ति. 11 आ तारा अन्द हेसुर नागदौना आद; अदकि ऊंद तहिाई नीर नागदौना घाई केय आगेत, अदकि हापाळ सा मंळसागोळ आ नीर इन केय आगदुर देल सोतोदुर.

12 चौथा स्वर्गदूत तुरही ऊरदुन, अदकि सुर्य अन्द ऊंद तहिाई भाग, अदकि बेळदगिया अन्द ऊंद तहिाई अदकि तारागोळ्द ऊंद तहिाई भाग मा आपत्तति बत्त, ईल ताका की अऊरद ऊंद तहिाई भाग अंधार आगेत अदकि दनि इन ऊंद तहिाई भाग दा ऊजुळ ईतीदील, अदकि हांगा ईळ्लक दा भी.

13 याग ना मात्त नोळदीन, रा आकाश इन न्याड्या दा गीधाळ इक ऊळुसतेला अदकि धोळ शब्द दा ईद अनतेला केळदीन, “आ मुर स्वर्गदूतगोळ्द तुरही इन शब्दगोळ कारण, यार्द ऊरोद ईगल्या मक्कि आद, धरती नोर ईरावाळेर मा हाय, हाय, हाय!”

9

1 याग पाचवा स्वर्गदूत तुरही ऊरदुन, रा ना स्वर्ग टु पृथ्वी मा ऊंद तारा बळितेला नोळदीन, अदकि अदरी अथाह अधोलोक इंद चाबी कोटकु आत. 2 अद अथाह अधोलोक इक तेरूत, अदकि कुंड दा टु धोळ्द भट्टी घाई धुंगा येळ्द, अदकि कुंड इन धुंगा देल सुर्य अदकि वायु अंधारकाय आगेदव. 3 आ धुंगा दा टु पृथ्वी मा हत्तीफाफा होट्टव, अदकि अवरी पृथ्वी इन चेळगोळ घाई शक्ती कोटकु आत. 4 अऊर से अंदकु आत कि ना पृथ्वी इन काड्डा अक, ना यातोदारा हरयाली इक, ना यातोदारा मारर इक नुकसान पोहचुसेत, सर्फि आ मंळसागोळी नुकसान पोहचुसेत यार ह्याणा मा परमेश्वर उन मोहर हॅलेच. 5 अवरी लॉकुरी कोंद बुळोद रा ईला लेकीन अईद तगिळ ताका पीळा कोळोद अधिकार कोटकु आत: अदकि आंदुर पीळा हगि ईरोद ह्यांग चेळ उन डंक होळदुर देल मंळसा अक आगतद. 6 आ दनिगोळ दा मंळसागोळ मृत्यु उक ढुंढस्यार अदकि आंदरी मृत्यु सक्तीदील; अदकि सायोद लालसा माळ्यार, अदकि मृत्यु आंदुर से दुर ओळीत.

7 आ हत्तीफाफागोळ्द आकार लळाई इन साटी तयार माळ्द घ्वाळागोळ घाई ईरव, अदकि अऊर ताललागोळ मा व्हानना अन्द मुकुट ईरव; अदकि अऊर माररगोळ मंळसागोळ घाई ईरव. 8 अऊर चुटगोळ आरतेर चुटगोळ घाई अदकि हल्ल हल्ल इन हल्लगोळ घाई ईरव. 9 अव लोवा घाई झलिम हाक्कु ईरव; अदकि अऊर पक्कागोळ्द शब्द हगि ईरोद जसा रथ अदकि हापाळ सा घ्वाळागोळ्द जो लळाई दा ओळताव. 10 अऊरद पुसटी चेळगोळ घाई ईरव अदकि अऊर दा डंक ईरव, अदकि अवरी अईद तगिळ ताका मंळसागोळी दुख पोहचुसोद जो शक्ती सक्तीत, अद अऊरद पुसटीगोळ दा ईरोद. 11 अथाह अधोलोक इन स्वर्गदूत अऊर मा राजा ईरोन; आऊन हेसुर इब्रानी दा अबद्दोन, अदकि यूनानी दा अपुल्लयोन आद.

12 पयला वपित्ती नष्ट आगेत, नोळी, ईग इदुर बाद्दा येढ्द परेशानीगोळ मात्त बरव आव.

13 याग सहावा स्वर्गदूत तुरही ऊरदुन रा व्हानना अन्द वेदी जो परमेश्वर उन मुंद आद अदुर गॉट्टागोळ दा टु ना हगि शब्द केळदीन, 14 मतलब यावारा सहावा स्वर्गदूत से, यार हात्ती तुरही ईरोद, अनेत्यान, “आ नाकु स्वर्गदूतगोळ इक जो धोळ गांगा फुरात इन हात्ती कटकु आर, खोलस बुळ.” 15 आ नाकु स्वर्गदूत खोलसकु आदुर जो आ समय, अदकि दनि, अदकि तगिळ, अदकि साल इन साटी मंळसागोळ्द ऊंद तह्हाई भाग इक कोंद बुळली तयार माळकु आगदुर. 16 अऊरद फौज इन सवारगोळ्द गनिती ईप्पत करोळ ईरोद; ना अऊरद गनिती केळदीन. 17 नानी ई दर्शन दा घ्वाळागोळ अदकि अऊरद हगि सवार काळसदुर यार झलिमगोळ बेक्की, अदकि धूम्रकान्त, अदकि गन्धक घाई ईरोद, अदकि आ घ्वाळागोळ्द ताल्ला हल्ल इन ताल्ला घाई ईरव; अदकि अऊर बाय दा टु बेक्की, धुंगा अदकि गन्धक होळतोगोद. 18 ई मूर महामारीगोळ्द मतलब बेक्की अदकि धुंगा अदकि गन्धक देल, जो अऊर बाय दा टु होळतोगोद मंळसागोळ्द ऊंद तह्हाई कोंदकु आत. 19 यतकी आ घ्वाळागोळ्द सामर्थ्य अऊर बाय अदकि पुसटीगोळ दा ईरोद; इदुरसाटी कि अऊर पुसटीगोळ हावगोळ घाई ईरव, अदकि आ पुसटीगोळ्द ताल्ला भी ईरव अदकि ईऊर देला अव दुख पोहचुसतोगव.

20 मगिद मंळसागोळ जो आ मरी देल सायली ईरोर, तान कयगोळ्द क्याल्सा देल, मन तरिगुसदुर, कि दुष्टआत्मागोळ्द, अदकि व्हानना अदकि बेळली अदकि पीतळा अदकि कल्ल अदकि हुळली इन मूर्तीगोळ्द पुजा माळबाळुल जो ना नोळ सकताव, ना केळ सकताव, ना नळु सकताव; 21 अदकि जो रक्ता, अदकि जादू टोना, अदकि व्यभिचार, अदकि काळ्लपनी आंदुर माळीदुर, अदुर देल मन तरिगुसदिलि.

10

स्वर्गदूत अदकि स्यांळ्द कतिब

1 बाक ना मात्त ऊंद ताकतवर स्वर्गदूत उक आकाश होचत स्वर्ग टु ईळुत नोळदीन. आऊन ताल्ला मा मेघधनुष ईरोद. आऊन बाय सुर्य अन्द घाई अदकि आऊन कालगोळ बेक्की इन खंबा घाई ईरव. 2 आऊन कय दा ऊंद स्यांळ्दतुसा कतिब तेरूकु ईरोद. आव तान ऊम्मा काल समुद्र मा अदकि डाक्या काल पृथ्वी मा ईटदुन, 3 अदकि हगि धोळ्द शब्द देल चलिळासदुन, ह्यांग हल्ल गरजुसतद; अदकि याग आव चलिळासदुन रा गरजन

इन सांगुळ शब्द केळ बंदव. 4 याग येळु गर्जन इनव शब्द केळकु आगेदव, रा ना लखिसदुर मा ईरीन, लेकीन ना स्वर्ग टु ईद शब्द केळदीन, “जो मातगोळ गर्जन इन आ येळ शब्दगोळ से केळ्या अवरी गुप्त ईट, अदकि लखिसबाळ.”

5 याता स्वर्गदूत उक ना समुद्र अदकि पृथ्वी मा नदिरुत नोळीदनि, आव तान ऊम्मा कय स्वर्ग दी नेगदुन, 6 अदकि जो हमेशा हमेशा जतिता आन, अदकि याव स्वर्ग इक अदकि जो येनारा अदुर दा आद, अदकि पृथ्वी इक अदकि जो येनारा अदुर दा आद, अदकि समुद्र अक अदकि जो येनारा अदुर दा आद सजुस्कु, अऊर्दा करिया तनिकु अंदुन, “ईग रा मात्त समय आगतीदील. 7 बल्की सातवा स्वर्गदूत उन तुरही ऊरदुर मा जो आगव आव शब्द इन दनिगोळ दा परमेश्वर उन गुप्त मनोरथ आ खुशखबरी इन अनुसार जो आव तान दास भवषियवक्तागोळी कोट्टुन, पुरा आदीत.”

8 याता शब्द अक ना स्वर्ग टु माताळत केळीदीन, अद मात्त नान सांगुळ मात हेळली कुरत, “होग, जो स्वर्गदूत समुद्र अदकि पृथ्वी मा नदिरु आन, आऊन कय दाकळोद अद कतिब हुडु कोम जो तेरकु आद.”

9 ना स्वर्गदूत उन हात्ती होगकु अंदीन, “ईद स्याळद कतिब नानी कोळ.” आव नान से अंदुन, “हुडु, इदरी तनि कोम; ईद नीन व्हाट्टा केय रा माळीत, लेकीन नीन बाय दा सयद घाई सय हत्तीत.”

10 अतः ना अद स्याळद कतिब आ स्वर्गदूत उन कय दा टु हुडुकु तदि बुटीन. अद नान बाय दा सयद घाई सय रा हत, लेकीन याग ना अदरी नुंग बुटीन, रा नान व्हाट्टा केयजोर आगेत. 11 आग नान से ईद अंदकु आत, “नीनी हापाळ सा लाँकुर, अदकि जातीगोळ, अदकि भाषागोळ अदकि राजागोळद बारा दा मात्त भवषियवाणी माळोद बदिदीत.”

11

येढ्ढ गवाह

1 बाक नानी आळोर साटी ऊंद सरकंडा कोटकु आत, अदकि यारारा अंदुर, “येळ, परमेश्वर उन मंदिर अदकि वेदी, अदकि अदुर दा उपासना माळावाळेर इक आळद कोम. 2 *लेकीन मंदिर इन व्हार्या अनद आंगुळ बटि बुळ; अदरी आळुबाळ यतकी अद गैरयहूदी इक कोटकु आग्याद, अदकि आंदुर पवतिर नगर इक ब्यालीस दनि ताका काल दशी मेट्टयार. 3 ना तान येढ्ढ गवाहगोळी ईद अधिकार कोळाईन का टाट होदुकु ऊंद हजार येढ्ढ सौ साठ दनि ताका भवषियवाणी माळुल.

4 “ईव अवा जैतुन इन येढ्ढ मारर अदकि येढ्ढ दगिया ईटव जागा हुव, जो पृथ्वी इन प्रभु उन मुंद नदिरु ईतार. 5 अगर यावारा आंदरी नुकसान पोहचुसोद चाहासतान, रा आंदुर बाय दा टु बेक्की होटकु आंदुर दुश्मनगोळी भसम माळतद; अदकि अगर यावारा आंदरी नुकसान पोहचुसोद चाहास्यान, रा जरूर ईतता रीत दिल कोन्सुसकु आदान. 6 आंदरी अधिकार आद का आकाश इक बंद माळुल, का आंदुरद भवषियवाणी इन दनिगोळ दा सयद वरसुसबाळुल; अदकि आंदरी सप्पा नीरनळी मा अधिकार आद का अदरी रक्ता माळुल, अदकि याग याग चाहास्यार आग आग पृथ्वी मा हर प्रकार इंद वपित्ती तरूल.”

7 *याग आंदुरद गवाही कोटकु आगेदीत, रा अद पशु जो अथाह अधोलोक दा टु होट्टीत, आंदुर से लळाई माळकु अवरी जीतुसति अदकि आंदरी कौद बुट्टीत. 8 आंदुर लाश आ धोळद नगर इन चौक दा बदिकु ईतताव, यदरी आत्मकि रूप देल सदोम अदकि मसित्तर अंदकु आगतद, यल आंदुर प्रभु भी क्रूस मा येरसकु आगदिन. 9 सप्पा लाँकुर अदकि कुलगोळ अदकि भाषागोळ अदकि जातीगोळद लाँकुर आंदुर मुर्दागोळी इक साढे मुर दनि ताका नोळतेला ईतार, अदकि आंदुर मुर्दागोळ इक कबर दा ईट कोळतीदील. 10 धरती मा ईरावाळेर आंदुर सोत्तुर देल खुश अदकि मग्न आदार, अदकि आबुर दाबुर हात्ती भेंट कळ्यार, यतकी ई दनिगोळ दा भवषियवक्तागोळ धरती मा ईरावाळेर इक सतुस्यार. 11 लेकीन साढे मुर दनि इन बाददा परमेश्वर उन दी टु जीवन इन श्वास आंदुर दा होक्त, अदकि आंदुर तान कालगोळ ताकत देल नदिरेदुर, अदकि आंदुर नोळावाळेर मा धोळद अंजक तुममेत. 12 आग आंदरी स्वर्ग टु ऊंद धोळद शब्द केळ बत्त, “ईल म्याकुच बरी!” ईद केळकु आंदुर बादल मा सवार आगकु तान दुश्मनगोळ नोळतेला अच स्वर्ग मा येरेदुर. 13 *बाक आ घळी ऊंद धोळद

भूकम्प आत, अदकि नगर इन दहावा भाग बदिोत; अदकि आ भूकम्प देल येळ हजार मंळसागोळ सोतोदुर, अदकि बाकी नोर जो ऊळदकु ईरोर आंदुर अंजेदुर अदकि स्वर्ग इन परमेश्वर उन महिमा माळली कुरतुर.

14 दुसरा परेशानी बतिसेत; नोळी, तसिरा परेशानी जल्दी बरावाळा आद.

सातवा दूत उन द्वारा तुरही ऊरकु आत

15 याग सातवा स्वर्गदूत तुरही ऊरदुन, रा स्वर्ग दा ई बारा दा धोड्डेव-धोड्डेव शब्द आगली कुरतव: “दुनया अन राज्य नामव प्रभु उन अदकि आऊन मसीह अन्द आगेत, अदकि आव हमेशा हमेशा राज्य माळ्यान.”

16 आग चौबीसा स्याणा लाँकुर जो परमेश्वर उन मुंद तान तान सहासन मा कुर्तकु ईरोर, बाय इन भार देल बदिकु परमेश्वर उक प्रणाम माळकु 17 ईद अनली कुरतुर,

“हे सर्वशक्तमिान प्रभु परमेश्वर, जो आन अदकि जो ईरोर,

नाव नीन धन्यवाद माळतेव कनि तान धोळ्द सामर्थ्य
इक क्योल्सा दा तनकु राज्य माळया.

18 अन्य जातीगोळ सटिट दा तुमकु ईरोर,

लेकीन नींद प्रकोप बंदकु बतित,

अदकि अद समय बंदाद कजो सोत्तुर आंदुरद न्याय माळकु आगुल,

अदकि नीनोर दास परमेश्वर उन बातणी केळसावाळेर

अदकि पवतिर लाँकुरी अदकि आ स्याण धोड्डेर इक जो नींद हेसुर देल अंजतार
बदलुसकु आगुल,

अदकि पृथ्वी इक बगिळुसा वाळेर इक नष्ट माळकु आगुल.”

19 *आग परमेश्वर उन जो मंदिर स्वर्ग दा आद अद तेरकु आत, अदकि आऊन मंदिर दा आऊंदा वाचा अन्द संदुक काळसत; अदकि बजिलीगोळ अदकि शब्द अदकि गर्जन अदकि भूकम्प आदव अदकि धोड्डेव ओला बदिदव.

12

आर्त अदकि अजगर

1 बाक स्वर्ग दा ऊंद धोळ्द चनिह काळसत, मतलब ऊंद आर्त जो सुर्य होदुकु ईरोर, अदकि बेळदगि आकनि काल दशी ईरोद, अदकि आकनि ताल्ला मा हन्नेळ तारागोळ्द मुकुट ईरोद. 2 आक व्हाट्या दी आदुर, अदकि कटिरोर, यतकी आक प्रसव इन दुख दा ईरोर.

3 ऊंद अदकि चनिह स्वर्ग दा काळसत; अदकि नोळी, ऊंद धोळ्द क्याचांद अजगर ईरोद, अदरी येळ ताल्ला अदकि हत्त गॉट्टा ईरव, अदकि अदुरद ताल्ला मा येळ राजमुकुट ईरव. 4 अदुर पुसटी आकाश इन तारा अन्द ऊंद तहाई इक जेडुकु पृथ्वी मा हाक कोमूत. अद अजगर येनारा ईरोर आ आर्त इन मुंद ईरोद, नदिरूत कयाग आक चगिद हाळदार रा आ चगिद उक नुंग कोमुल. 5 आक पार हाळदुर जो लोवा अन्द छळी इक ताकोमकु सप्पा जातीगोळ मा राज्य अन्द साटी बंदीदुन, अदकि आव पार एकाएक परमेश्वर उन हात्ती अदकि आऊन सहासन इन हात्ती नेगुकु पोहचुसकु आदुन; 6 अदकि आ आर्त आ आळी दा ओळतेला होदुर यल परमेश्वर उन दी टु आकनि साटी ऊंद जागा तयार माळकु आगीत कअल आक ऊंद हजार येढ्ढ सौ साठ दनि ताका सालकु आगुल.

7 *बाक स्वर्ग दा लळाई आत, मीकाईल अदकि आऊन स्वर्गदूत अजगर इन सांगुळ लळाई माळली होट्टुर; अदकि अजगर अदकि अदुर दूत आऊन सांगुळ लळुसदव. 8 लेकीन प्रबल आगीदील, अदकि स्वर्ग दा आंदुर साटी बाक जागा ईतीदील. 9 *आग अद धोळ्द अजगर, मतलब अदा हाळोद हाव जो इब्लीस अदकि शैतान कहलुसतद अदकि पुरा दुनया अक भरमुसावाळा हुन, पृथ्वी मा केळसुसकु आत, अदकि अदुर दूत अदुर सांगुळ केळसुसकु आदव. 10 बाक ना स्वर्ग टु ईद धोळ्द शब्द बरतेला केळदीन,

“ईग नाम परमेश्वर उन उद्धार अदकि सामर्थ्य

अदकि राज्य

अदकि आऊन मसीह अन्द अधिकार प्रगट आग्याद,

यतकी नाम वार्दुर मा दोष हचावाळा,
जो ईळलक हागुल नाम परमेश्वर उन मुंद
आंदुर मा दोष हचतोगोन केळसुसकु आदुन.”

11 “आंदुर म्यांडा अन्द पाड्डा अन कारण
अदकि तान गवाही इन वचन इन कारण
आऊन मा जयवन्त आंदुर,
अदकि आंदुर तान जीव इक प्रयि जानसीदलि,
ईल ताका की मृत्यु भी सहन माळ कोडुर.”

12 “ई कारण हे स्वरगगोळा अदकि अदुरदा ईरावाळेर,
मगन ईरी; हे पृथ्वी, अदकि समुद्र, नीम मा हाय!
यतकी शैतान बळा सट्टि इन सांगुळ नीम हात्ती ईळुकु बंदुन,
यतकी जानसत्या की थ्वाळासा अच समय अदकि बाकी आद.”

13 याग अजगर नोळत की ना पृथ्वी मा केडुकु आगेदीन, रा आ आर्त इक जो पार हाळीदुर, सतुस्त. 14 लेकीन
आ आर्त इक धोळ गीधाळ इन येढ्ढ पक्का कोटकु आगीदव की हाव उन मुंद टु ऊळुसकु आळी दा आ जागा दा
होटोगुल, यल अद ऊंद समय अदकि समयगोळ, अदकि आर्धा समय ताका पालसकु आगुल. 15 अदकि हाव आ
आर्त इन हदि तान बाय देल गांगा अन्द घाई नीर वाहुस्त की आकी ई गांगा देल वाहुस बुळुल. 16 लेकीन
पृथ्वी आ आर्त इन सहायता माळत, अदकि तान बाय खोलसकु आ गांगा अक जो अजगर तान बाय देल
वाहुसीदुन कळुत. 17 आग अजगर आर्त मा गुस्सा आत्त, अदकि आकनि बाकी नव चकीोर देल, जो परमेश्वर
उन आग्यागोळ इक मानसोर अदकि यीशु उन गवाही कोळदुर मा स्थरि आर, लळाई माळली होतत. 18 अदकि
अद समुद्र अन्द धुळा मा होगकु नीदुरकु ईतत.

13

येढ्ढ पशु

1 *आग ना ऊंद पशु उक समुद्र दा टु होळत नोळदीन, यदुरद हत्त गॉट्टा अदकि येळ ताल्ला ईरव. अदुर
गॉट्टागोळ मा हत्त राजमुकुट अदकि अदुर ताल्लागोळ मा परमेश्वर उन ननिदा नव हेसुर लखिसकु ईरव. 2 जो
पशु ना नोळदीन अद चिता अन्द घाई ईरोद; अदकि अदुर कालगोळ भालू घाई, अदकि बाय हुल्ली इन घाई
ईरोद. अद अजगर तान सामर्थ्य अदकि तान सहासन अदकि धोळ्द अधिकार अदरी कोट बुळुत. 3 ना अऊर्द
ताल्लागोळ दा टु ऊंद मा हगि भयंकर घाव हतकु नोळदीन की हगि हतुल की अद सायदुर मा आद, बाक अदुरद
प्राणघातक घाव वळलीद आगेत, अदकि सप्पा धरती इन लॉकुर आ पशु उन हदि-हदि अचम्भा माळतेला नळदुर.
4 लॉकुर अजगर इन पुजा माळदुर, यतकी अद पशु उक तान अधिकार कोट बुटीत, अदकि ईद अनकु पशु उन पुजा
माळदुर, “ई पशु उन घाई याव आन? याव ईदुर से लळाई माळ सकतान?”

5 बळा बोल माताळली अदकि अपमान माळोर साटी अदरी ऊंद बाय कोटकु आग्याद, अदकि अदरी ब्यालीस
तगिळ ताका क्यालसा माळोद अधिकार कोटकु आग्याद. 6 आव परमेश्वर उन अपमान माळोर साटी बाय तेरदुन
की आऊन हेसुर अदकि आऊन तम्बू मतलब स्वरग इन ईरावाळेर इन अपमान माळुल. 7 आऊक ईद भी अधिकार
कोटकु आग्याद की पवतिर लॉकुर सांगुळ लळाई माळुल अदकि आंदुर मा जय सकिल, अदकि आऊक हर ऊंद
कुल अदकि लॉकुर अदकि भाषा अदकि जाती मा अधिकार कोटकु आग्याद. 8 धरती मा ईरावाळेर आंदुर सप्पा,
यार हेसुर आ म्यांडा अन्द पाड्डा अन्द जीवन इन कतिब दा लखिसकु आगीदील जो दुनिया अन उत्पत्ति इन
समय टु घात आग्याद, आ पशु उन पुजा माळ्यार.

9 यार कवि आव आव केळुल. 10 यारी कैद दा बळोद आद, आव कैद दा बदिदान; जो तलवार देल कौदान, जरूरी
आद की आव तलवार देल कौदकु आदान. पवतिर लॉकुरद धीरज अदकि विश्वास ईदुर दा आद.

11 बाक ना ऊंद अदकि पशु उक पृथ्वी दा टु होळतेला नोळदनि, अदुरद म्यांडा अन्द पाड्डा अन्द घाई
येढ्ढ गॉट्टा ईरव, अदकि अद अजगर इन घाई माताळोद. 12 अद आ पयला पशु उन पुरा अधिकार अदुर मुंद
क्यालसा दा तरोद; अदकि पृथ्वी अदकि अदुरद ईरावाळेर देल आ पयला पशु उन, यदुरद जीव घातक घाव

वल्लीद आगेगीत, पुजा माळसुसोद. ¹³ अद धोळ-धोळ चनिह तोरसोन, ईल ताका कि मंळसागोळ्द मुंद स्वर्ग टु पृथ्वी मा बेक्की बरसुस बुळोन. ¹⁴ आ चनिहगोळ्द कारण, यारी आ पशु उन मुंद तोरसोद अधिकार अदरी कोटक आगीत, अद पृथ्वी इन ईरावाळेर इक भरमुसोद अदकि पृथ्वी इन ईरावाळेर देल अनोद कि या पशु उक तलवार हतीत अद जतिता आग्याद, अदुरद मूर्ति माळी. ¹⁵ अदरी आ पशु उन मूर्तिदा जीव हाक्कोद अधिकार कोटक आग्याद कि पशु उन मूर्तिमाताळली हतुल, अदकि यास लॉकुर आ पशु उन मूर्ति इन पुजा माळतीदील, आंदरी कोन्सुस बुळुल. ¹⁶ आव स्यांळ्द-धोळ, धनी-कंगाल, स्वतंत्र-दास सप्पा मुंदुर ऊम्मा कय दी या आंदुर मस्तक मा ऊंद ऊंद छाप माळ बुट्टुन, ¹⁷ कि अदरी बटिकु याऊन मा छाप मतलब आ पशु उन हेसुर या अदुर हेसुर इन अंक ईरूल, दुसरा यावारा लेन-देन माळ ईला सकुल.

¹⁸ ग्यान ईदुर दा आद: यारी बुद्धी आद आव ई पशु उन अंक जोळ्स कोमुल, यतकी अद मंळसा अनूद अंक हुन, अदकि अदुर अंक आर सौ छैसठ आद.

14

मेमना अदकि अदुर लॉकुर

¹ *बाक ना नजर माळदीन, अदकि नोळी, आ म्यांडा अनूद पाड्डा सय्योन पहाळ मा नीदुरकु आद, अदकि अदुर सांगुळ ऊंद लाख चौवालीस हजार मुंदुर आर, यार हयाणा मा आऊन अदकि आऊन आप्प उन हेसुर लखिसकु आद. ² अदकि स्वर्ग टु नानी ऊंद हगि शब्द केळ बतत जो नीर इन हापाळ धारागोळ अदकि बळा गर्जन इन शब्द ईरोद, अदकि जो शब्द ना केळदीन अद हगि ईरोद मान्सी वीणा मुरसावाळेर वीणा मुरसेत्यार. ³ आंदुर सहिसन इन मुंद अदकि नाकु प्राणीगोळ अदकि स्याणागोळ्द मुंद ऊंद व्हाशोद हाळ हाळोर. आ ऊंद लाख चौवालीस हजार लॉकुरी बटिकु, जो पृथ्वी मा टु कौडकु आगीदुर, यारू आ हाळ इक कलु ईला सकोर. ⁴ इंदुर आंदुर उर जो आर्तेर सांगुळ अशुध्द आगीदील, पर कुवारा आर; इंदुर आंदुरा उर कि येल्यारा म्यांडा अनूद पाड्डा होगतद, अऊर आऊन हदि आगेगतार; इंदुर रा परमेश्वर उन नमित्त पयला फल आगोर साटी मंळसागोळ दा टु कौडकु आग्यार. ⁵ आंदुर बाय दा टु यागलु ख्वाटा मात होटीदलि, आंदुर नरिदोष आर.

मुर स्वर्गदूत

⁶ बाक ना ऊंद अदकि स्वर्गदूत उक आकाश इन न्याड्या दा उळुसतेला नोळदीन, यार हात्ती पृथ्वी माकळोर ईरावाळेरुद हर ऊंद जाती, अदकि कुल, अदकि भाषा, अदकि लॉकुरी केळसोर साटी अनन्त खुशखबरी ईरव. ⁷ स्वर्गदूत धोळ शब्द देल अंदुन, “परमेश्वर से अंजी, अदकि आऊन महमा माळी, यतकी आऊन न्याय माळोद समय होट बंदाद; अदकि आऊन भजन माळी, याव स्वर्ग अदकि पृथ्वी अदकि समुद्र अदकि नीर इन झरना माळ्यान.”

⁸ *बाक इदुर बाददा ऊंद मात्त, दुसरा, स्वर्गदूत ईद अनतेला बंदुन, “बतित्त, आ धोळ बेबीलोन बतित्त, यार तान व्यभचार इन कोपमय सारा पुरा जातीगोळी इक कुळस्याद.”

⁹ बाक इंदुर बाददा ऊंद मात्त, तीसरा, स्वर्गदूत धोळ शब्द देल ईद अनतेला बंदुन, “जो यावारा आ पशु अदकि अदुरद मूर्ति इन पुजा माळुल, अदकि तान हयाणा या तान कय मा अदुरद छाप ताकोमुल ¹⁰ अद परमेश्वर उन प्रकोप इन नरि सारा, जो आऊन सट्टि इन कटोरा दा हाक्कु आग्याद, कुळदान अदकि पवतिर स्वर्गदूतगोळ्द मुंद अदकि म्यांडा अनूद पाड्डा अनूद मुंद बेक्की अदकि गन्धक इन पीळा दा बदिदान. ¹¹ आदुरद पीळा अनूद धुंगा हमेशा हमेशा येळतेला ईत्तीत, अदकि जो आ पशु अदकि अदुरद मूर्ति इन पुजा माळतार, अदकि जो अदुर हेसुर इन छाप ताकोमतार, आंदरी ईळ्लक हागुल चैन सकितीदील.”

¹² पवतिर लॉकुरद धीरज इदुर दा आद, जो परमेश्वर उन आग्यागोळ इक मानसतार अदकि यीशु मा वशिवास ईटतार.

¹³ बाक ना स्वर्ग टु ईद शब्द केळदीन, “किलखिस: जो मुरदा प्रभु दा सायतान, आंदुर ईग टु धन्य आर.”

आत्मा अनतद, “हव, यतकी आंदुर तान पुरा मेहनत देल आराम ताकौडार, अदकि आंदुर कार्य आंदुर सांगुळ ईत्ताव.”

कटाई

14 ना दृष्टी माळदीन, अदकि नोळी, नान मुंद ऊंद बळीद ढग आद, अदकि आ ढग मा मळसा अन पार उन घाई यावारा कुर्तकु आन, आऊन ताल्ला मा वहानना अनद मुकुट अदकि कय दा पन्यार कुळगुल आद. 15 बाक ऊंद अदकि स्वर्गदूत मंदरि दा टु होटकु आऊन से, जो ढग मा कुर्तकु ईरोन, धोळ शब्द देल कारूकु अंदुन, “तान कुळगुल हचकु कटाई माळ, यतकी कटाई इन समय होट बंदान, इदुरसाटी कि पृथ्वी इन केई इन फसल हण्ण आगेग्याद.” 16 इदुरसाटी जो ढग मा कुर्तकु ईरोन आव पृथ्वी मा तान कुळगुल हचदुन, अदकि पृथ्वी इन केई इन कटाई माळदुन.

17 बाक ऊंद अदकि स्वर्गदूत आ मंदरि दा टु होट्टुन जो स्वर्ग दा आन, अदकि आऊन हात्ती भी पन्यार कुळगुल ईरोद.

18 बाक ऊंद अदकि स्वर्गदूत, यारी बेक्की मा अधिकार ईरोद, वेदी दा टु होट्टुन, अदकि यार हात्ती पन्यार कुळगुल ईरोद आऊन से धोळ शब्द देल अंदुन, “तान पन्यार कुळगुल हचकु पृथ्वी इन अंगुर इन केई इन काय इन गुच्छा कडुकोम, यतकी अद अंगुर इन काय हण्ण आगेग्याद.” 19 आग आ स्वर्गदूत पृथ्वी मा तान कुळगुल हचदुन अदकि पृथ्वी इन अंगुर इन गुच्छा अनद काय कडुकु तान परमेश्वर उन प्रकोप इन धोळ रसकुण्ड दा हाक्क बुट्टुन; 20 *अदकि नगर इन वहार्या आ रसकुण्ड दा अंगुर मेटकु आदव, अदकि रसकुण्ड दा टु ईट रक्ता होळत कि घ्वाळा अनद लगामगोळ ताका पडुचुस्त, अदकि मुर सौ कलिमीटर ताका वाहुसेत.

15

आखरी परेशानीगोळ सांगुळ स्वर्गदूत

1 बाक ना स्वर्ग दा ऊंद अदकि धोळ अदकि अदभुत चन्ह नोळदीन, मतलब येळ स्वर्गदूत यार हात्ती येळु आखरी परेशानीगोळ ईरव, यतकी अदुर खतम आगदुर मा परमेश्वर उन प्रकोप इन अनत आद.

2 आग ना बेक्की दा मलिसकु काँच इन घाई ऊंद समुद्र नोळदीन; अदकि जो लॉकुर आ पशु मा अदकि अदुरद मूर्तमा अदकि अदुर हेसुर इन अंक मा जयवन्त आगीदुर, आंदरी आ काँच इन समुद्र अनद हात्ती परमेश्वर उन वीणागोळ इक हुळकु नीदुरकु नोळदुर. 3 आंदुर परमेश्वर उन दास मूसा अनद हाळ, अदकि म्यांडा अनद पाड्डा अनद हाळ, हाळ हाळकु अनतोगोर,

“हे सर्वशक्तमान प्रभु परमेश्वर,
नीन कार्य महान अदकि अदभुत आव;
हे युगयुग इन राजा,
नीन चाल वळ्लीद अदकि खरा आद.”

4 “हे प्रभु, याव नीन से अंजतीदील
अदकि नीन हेसुर इन महमा माळतीदील?
यतकी सरिफ नी आबना अच पवतिर आय.

पुरा द्याश इन लॉकुर बंदकु
नीन मुंद दण्डवत माळ्यार,
यतकी नीन न्याय इन क्याल्सा प्रगट आगेग्याव.”

5 इदुर बाददा ना नोळदीन कि स्वर्ग दा गवाही इन तम्बू उन मंदरि खोल्सकु आग्याद; 6 अदकि आंदुर येळु स्वर्गदूत यार हात्ती येळु परेशानीगोळ ईरव, मलमल इन शुद्ध अदकि चमकदार कपळा हाक्कु अदकि याददा मा वहानना अनद पट्टागोळ कटकु मंदरि टु होट्टुर. 7 आग आ नाकु प्राणीगोळ दा टु ऊंद आ येळ स्वर्गदूतगोळी परमेश्वर, जो हमेशा हमेशा जतिता आन, आऊन प्रकोप देल तुमकु वहानना अनद येळ कटोरा कोट्टुर; 8 अदकि परमेश्वर उन महमा अदकि आऊन सामर्थ्य अन कारण मंदरि धुंगा देल तुम्मेत, अदकि यागासताका आ येळु स्वर्गदूतगोळ्द येळु परेशानीगोळ खतम आगीदील आगासताका याऊ मंदरि दा होग सकदील.

16

परमेश्वर उन प्रकोप इन येळ कटोरा

1 बाक ना मंदरि दा यारीकारा ऊँचा शब्द देल आ येळु स्वरगदूतगोळ देल ईद अनतेला केळदनि, “होगी, परमेश्वर उन प्रकोप इन येळु कटोरागोळ इक पृथ्वी मा पलटुस बुळी.”

2 इदुरसाटी पयले स्वरगदूत होगकु तान कटोरा पृथ्वी मा पलटुस बुट्टुन. आग आ मंळसागोळद, यार मा पशु उन छाप ईरव अदकि जो अदुरद मूर्त्ता इन पुजा माळोर, ऊंद प्रकार इन बुरा अदकि दुखदाई फ्वाळा होळ्त.

3 दुसरा स्वरगदूत तान कटोरा समुद्र मा उलटुस बुट्टुन, अदकि आव सोतकु मंळसा अन्द रक्ता घाई बन्सेदुन, अदकि समुद्र दाकळव हर ऊंद जीवधारी सोतोदव.

4 तीसरा स्वरगदूत तान कटोरा गांगागोळ अदकि नीर इन झरनागोळ मा पलटुस बुट्टुन, अदकि आंदुर रक्ता बन्सदुर. 5 आग ना नीर इन स्वरगदूत उक ईद अनतेला केळदीन, “हे पवतिर, जो आद अदकि जो ईरोद, नी न्यायी आय अदकि नी ईद न्याय माळद. 6 यतकी आंदुर पवतिर लॉकुर अदकि भवषियवक्तागोळद रक्ता वाहुसीदुर, अदकि नी आंदरी रक्ता कुळसद; यतकी आंदुर ईदा योग्य आर.” 7 बाक ना वेदी टु ईद शब्द केळदीन, “हव, हे सर्वशक्तमान प्रभु परमेश्वर, नीन नरिणय वळ्लीद अदकि खरा आद.”

8 चौथा स्वरगदूत तान कटोरा सुर्य मा उलटुस बुट्टुन, अदकि आऊक मंळसागोळ इक बेक्की देल झुलसुसोद अधिकार कोटकु आत. 9 मंळसा हापाळ बसिल देल झुलसुसदुर, अदकि परमेश्वर उन हेसुर इन यारी ई परेशानीगोळ मा अधिकार आद, अपमान माळदुन लेकीन आऊन महामि माळोर साटी मन तरिगुसदील. आऊन महानता अन्द प्रशंसा माळतार.

10 पाचवा स्वरगदूत तान कटोरा आ पशु उन सहिसन मा पलटुस बुट्टुन, अदकि आऊन राज्य मा अंधार छासेत. लॉकुर दुख इन मारा तान तान ल्यालग्या कचली हतदुर, 11 अदकि तान पीळागोळ अदकि फ्वाळागोळद कारण स्वरग इन परमेश्वर उन अपमान माळदुर; लेकीन तान तान क्यालसागोळ देल मन तरिगुसदील.

12 सहावा स्वरगदूत तान कटोरा महागांगा फुरात मा पलटुस बुट्टुन, अदकि अदुरद नीर वंळगेत कि पूर्व दशा अन्द राजागोळद साटी हादी तयार आगेगुल. 13 बाक ना आ अजगर इन बाय देल, अदकि आ पशु उन बाय देल अदकि आ ख्वाटा भवषियवक्ता अन्द बाय देल मुर अशुध्द आत्मागोळ इक भ्याबकागोळद रूप दा होळतेला नोळदनि. 14 ईव चनिह तोरसावाळेर दुष्टआत्मागोळ हुव, जो पुरा दुनिया अन राजागोळद हात्ती होटकु इदुरसाटी होगताव कि आंदरी सर्वशक्तमान परमेश्वर उन आ धोळ दनि इन लळाई इन साटी जमा माळुल.

15 *नोळ, ना काळल उन घाई बरतीन; धन्य आव आन जो जागस्तेला ईरतान, अदकि तान कपळागोळद सावधानी माळतान कि ऊगळा वयाळबाळुल, अदकि लॉकुर आऊन ऊगळापन नोळबाळुल.”

16 अदकि आंदुर आंदरी आ जागा दा जमा माळदुर जो इब्रानी दा हर-मगदिन कहलुसतद.

17 सातवा स्वरगदूत तान कटोरा हवा मा उलटुसदुन, अदकि मंदरि इन सहिसन टु ईद धोळ शब्द आत, “आगेग्याद!” 18 *बाक बजिलीगोळ चमकुसदव, अदकि शब्द अदकि गर्जन आत, अदकि ऊंद हगि धोळ भूकम्प बत्त कि यागी टु मंळसा अन्द उत्पत्तति पृथ्वी मा आत, आगी टु हगि धोळ भूकम्प यागलु बंददील. 19 इदुर देल आ धोळ नगर इन मुर तुकळा आगेदव, अदकि गैर यहूदीगोळव नगर बदिदव; अदकि धोळ बेबीलोन इन याद परमेश्वर उन अल आत कि आव तान सटिट इन जलजलाहट इन सारा आऊक कुळसुल. 20 *अदकि हर ऊंद टापू तान जागा टु टलुसेत, अदकि पहाळगोळद पता हतीदील. 21 *आकाश टु मंळसागोळ मा मन-मन तुमकु धोळ गारगोटी बदिदव, अदकि इदुरसाटी कि ईद वपित्ती हापाळ अच भारी ईरोद, लॉकुर गारगोटी इन वपित्ती इन कारण परमेश्वर उन अपमान माळदुर.

17

धोळ वेश्या

1 या येळ स्वरगदूतगोळद हात्ती अव येळ कटोरा ईरव, आंदुर दा टु ऊंद बंदकु नान से ईद अंदुन, “ईल बर, ना नीनी आ धोळ वेश्या अन्द दण्ड तोरसाईन, जो हापाळ सा नीर मा कुर्तकु आर, 2 यार सांगुळ पृथ्वी इन राजागोळ व्यभचार माळदुर; अदकि पृथ्वी इन ईरावाळेर आऊन व्यभचार इन सारा देल मतवाला आगेगीदुर.”

* 16:15 १६:१५ मत्ती २४:४३,४४; लूका १२:३९,४०; प्रकाशतिवाक्य ३:३
१६:२० प्रकाशतिवाक्य ६:१४

* 16:18 १६:१८ प्रकाशतिवाक्य ८:५; ११:१३,१९

* 16:20

* 16:21 १६:२१ प्रकाशतिवाक्य ११:१९

3 *आग आव नानी आत्मा दा आळी दी ओतुन, अदकि ना क्याचांद पशु मा, जो अपमान इन हेसुरगोळ देल तुमकु ईरोद अदकि यार येळ ताल्ला अदकि हत्त गाँट्टा ईरव, ऊंद आरत इक कुरतकु नोळदनि. 4 ई आरत जाभळा रंग इन अदकि क्याचांद रंग इन कपळा हाक्कु ईरोर, अदकि व्हानना अदकि कमिती मणगिोळ अदकि मोतगिोळ देल सजुसकु ईरोर, अदकि आकनि कय दा ऊंद व्हानना अन्द कटोरा ईरोद जो बेकार वस्तुगोळ देल अदकि आकनि व्यभचार इन अशुध्द वस्तुगोळ देल तुमकु ईरोद. 5 आकनि ह्याणा मा ई हेसुर लखिसकु ईरोद, “भेद-धोळ बेबीलोन पृथ्वी इन वेश्यागोळ अदकि बेकार वस्तुगोळ्द मोय.” 6 ना आ आरत इक पवतिर लॉकुरद रक्ता अदकि यीशु उन गवाहगोळ्द रक्ता कुळदुर देल मतवाला नोळदीन;

आकी नोळकु ना चकति आगेदीन. 7 आग आ स्वर्गदूत नान से अंदुन, “नी येती चकति आद? ना ई आरत अदकि आ पशु उक, यदुर मा आक सवार आर अदकि यार येळ ताल्ला अदकि हत्त गाँट्टा आव, नीनी भेद हेळतीन.

8 *जो पशु नी नोळया, अद पयला रा ईरोद पर ईग ईल्लच, अदकि अथाह अधोलोक दा टु होटकु वनिश दा बदिदीत; अदकि पृथ्वी इन ईरावाळेर यार हेसुर दुनिया अन उत्पत्ती इन समय टु जीवन इन कतिाब दा लखिसकु आगीदील, ई पशु उन ईद दशा नोळकु की पयला ईरोद अदकि ईग ईल्लच अदकि बाक होट बदीत, अचम्भा माळ्यार. 9 आ बुद्धी इन साटी यारदा ग्यान आद, ईदा मवका आद: अव येळु ताल्ला येळ पहाळ हुव यार मा आ आरत कुरतकु आर. आंदुर येळ राजा भी उर. 10 अव येळ राजा भी हुव, अईद रा आगेग्याव, अदकि ऊंद ईग आन, अदकि ऊंद ईग ताका बरली आन, अदकि याग बंदान रा येनारा समय ताका अदुरद ईरोद भी जरूरी आद. 11 जो पशु पयला ईरोन, अदकि ईग ईल्लच, आव खुद आठवा हुन अदकि आ येळु दा टु पैदा आदुन, अदकि वनिश दा बदिदान. 12 जो हत्त गाँट्टा नी नोळ्द अव हत्त राजा हुव यारी ईग ताका राज्य सक्कीदील, पर आ पशु उन सांगुळ घळी तीमोर साटी राजागोळ घाई अधिकार सक्कीत. 13 ईव सप्पा ऊंद मन आदार, अदकि अव तान तान सामर्थ्य अदकि अधिकार आ पशु उक कोट्टार. 14 अव मेमनागोळ देल लळाई माळ्याव, अदकि म्यांडा अन्द पाड्डा अऊर मा जय पाऊस्याव, यतकी आव प्रभुगोळ प्रभु अदकि राजागोळ राजा हुव, अदकि जो कारूकु आग्याव अदकि नविळुसकु आग्याव अदकि विश्वासी आव अव आऊन सांगुळ आव; आंदुर भी जय पाऊस्याव.”

15 बाक आव नान से अंदुन, “जो नीर नी नोळ्द, यदुर मा वेश्या कुरतकु आर, आंदुर रा लॉकुर अदकि भीळ अदकि जातीगोळ अदकि भाषागोळ हुव. 16 जो हत्त गाँट्टा नी नोळ्द, अव अदकि पशु आ वेश्या देल दुश्मनी ईट्याव, अदकि आकी लाचार अदकि नंगा माळ बुट्टाव, अदकि आकनि मास तीन बुट्टाव, अदकि आकी बेक्की दा होताक बुट्टाव. 17 यतकी परमेश्वर आंदुर मन दा ईद हाक्यान की आंदुर आऊन मनसा पुरा माळुल, अदकि यागासताका परमेश्वर उन वचन पुरा आगाल्द आगासताका ऊंद मन आगकु तान तान राज्य पशु उक कोटबुळी. 18 आ आरत, यारी नी नोळ्द, अद धोळ नगर हुन जो पृथ्वी इन राजागोळ मा राज्य माळतद.”

18

बेबीलोन इन पतन

1 इदुर बाददा ना ऊंद स्वर्गदूत उक स्वर्ग टु ईळुतेला नोळदीन, यारी धोळ अधिकार प्राप्त ईरोद; अदकि पृथ्वी आऊन तेज देल चमकुसकु येळ्त्त. 2 *आव धोळ शब्द देल कारूकु अंदुन, “बदिदोत, धोळ बेबीलोन बदिदोत! अद दुष्टआत्मागोळ्द नवास, अदकि हर ऊंद अशुध्द आत्मा अन्द हड्डा, अदकि हर ऊंद अशुध्द अदकि बेकार पक्षी इन हड्डा आगेत. 3 यतकी आऊन व्यभचार इन भयानक सारा अन्द कारण सब जातीगोळ बदिव, अदकि पृथ्वी इन राजागोळ आऊन सांगुळ व्यभचार माळदुर, अदकि पृथ्वी इन व्यापारी आऊन सुख-वलास इन बहुतायत इन कारण धनवान आदुर.”

4 बाक ना स्वर्ग टु ऊंद अदकि शब्द केळदीन, “हे नान लॉकुरा, आऊन दा टु होटबुळी की नीव आऊन पापगोळ दा भागी आगबाळी, अदकि आऊन वतितगिोळ दा टु याऊ नीम मा बरबाळुल. 5 यतकी आऊन पापगोळ्द ढेर स्वर्ग ताका पहुचुसेत, अदकि आऊन अपराध परमेश्वर उक याद होट बंदाव. 6 ह्यांग आव नीमी कोट्टुन हांग अच आऊक कोळी, अदकि आऊन क्यालसागोळ्द अनुसार आऊक येढ्ढ गुणा ज्यादा कोळी; या कटोरा दा आव तुमकु कोटीदुन अदुर दा आऊन साटी येढ्ढ गुणा तुमकु कोळी.” 7 याट आव तान बळाई माळदुन अदकि सुखवलास माळदुन, आट आऊक दुख अदकि शोक कोळी; यतकी अद तान मन दा अनतद, “ना रानी आगकु

कुरतीन, रांड्यागीत ईला; अदकि शोक दा यागलु बळितीदील.” 8 ई कारण ऊंद अच दनि दा आकी मा परेशानीगोळ होट बंदाव, मतलब सायोद, अदकि शोक, अदकि अकाल, अदकि आक बेक्की दा भसम माळकु आदार, यतकी आकनि न्यायी प्रभु परमेश्वर शक्तमान आन.

9 “पृथ्वी इन राजा यार आऊन सांगुळ व्यभचार अदकि सुख-वलिास माळदुन, याग आऊन होत्तोद धुंगा नोळ्यार, रा आऊन साटी वर्लेयार अदकि याद्दा पीटस्यार.” 10 आऊन पीळा अन्द अंज्क इन मारा आंदुर बळा दुर नीदुरकु अंदार, “हे धोळ नगर, बेबीलोन! हे मजबूत नगर, हाय! हाय! घळीतीम दा अच नीनी दण्ड सकिग्याद.”

11 “पृथ्वी इन व्यापारी आऊन साटी वर्लेयार अदकि कलपुस्यार, यतकी ईग याऊ आंदुर माल कोम सकालुन; 12 मतलब व्हान्ना, बेळ्ली, रत्न, मोती, अदकि मलमल, अदकि जांभळा, रेशमी, अदकि क्याचांद रंग इन कपळा, अदकि हर प्रकार इन सुगन्धति हुळ्ली अदकि हत्ती इन हलल इन हर प्रकार इन वस्तुगोळ, अदकि कमिती काठ अदकि पीतळा अदकि लोवा अदकि संगमरमर इन सब प्रकार इन वस्तुगोळ, 13 अदकि ब्याळा चाकरा, मसाला, धूप, अत्तर, लुबान, सारा, जैतुन इन याणणा, मैदा, गोदी, गोसी-वस्ता, म्यांडा-आळगोळ, घ्वाळा रथ, अदकि दास, अदकि मंळसागोळ्द जीव. 14 ईग नीन मन भाऊसावाळा काय नीन हात्ती टु होगतेला ईत्तव, अदकि स्वादष्टि अदकि भळकीला वस्तुगोळ नीन से दुर आगोग्याव, अदकि अव बाक यागलु सकितीदील.” 15 ई वस्तुगोळ व्यापारी जो आऊन द्वारा धनवान आगीदुर, आऊन पीळा अन्द अंज्क इन मारा दुर नीदुरकु ईत्तार, अदकि वरलतेला अदकि कलपुस्तेला अंदार, 16 “हाय! हाय! ईद धोळ नगर जो मलमल, अदकि जांभळा रंग इन अदकि क्याचांद रंग इन कपळा हाक्कु ईरोन, अदकि व्हान्ना अदकि रत्नगोळ अदकि मोतगोळ देल सजुस्कु ईरोन; 17 घळीतीम दा अच आऊन हगि भारी धन नाश आगेत.” हर ऊंद मांझी अदकि यात्री अदकि मल्लाह, अदकि याट समुद्र टु कमुसतार, सब दुर नीदुरदुर, 18 अदकि आऊन होत्तोद धुंगा नोळकु कारूकु अंदार, “यातोद नगर ई धोळ नगर इन घाई आद?” 19 अदकि तान तान ताल्लागोळ मा धुळा हाक्यार, अदकि वरलतेला अदकि कलपुस्तेला चिल्लास चळिलासकु अंदार, “हाय! हाय! ईद धोळ नगर यदुरद सम्पत्ति इन द्वारा समुद्र अन्द सब जहाजवाळेर धनी आगोगीदुर, घळीतीम दा अच ऊजळुसेत.”

20 हे स्वर्ग, अदकि हे पवतिर लॉकुरा, अदकि प्रेरतिगोळा, भवषियवक्तागोळ, आऊन मा आनन्द माळी, यतकी परमेश्वर न्याय माळकु आऊन से नीम्द बदला ताकोडुन!

21 बाक ऊंद बलवान स्वर्गदूत बळा चक्की इन पट्टा अन्द घाई ऊंद कल्ल नेगदुन, अदकि ईद अनकु समुद्र दा भीट बुट्टुन, धोळ नगर बेबीलोन हगि अच धोळ ताकत देल केडुकु आदीत, अदकि बाक यागलु अदुर पता हततदील. 22 वीणा मुरसावाळेर, अदकि गायकगोळा, अदकि कोळल मुरसावाळेर, अदकि तुरही ऊयावाळेरद शब्द बाक यागलु नीन दा केळ बरतीदील; अदकि यावारा उदधम उन यावारा कारीगर भी बाक यागलु नीन दा मलिसतीदील; अदकि जाता अन्द नळोद आवाज बाक यागलु नीन दा केळ बरतीदील; 23 अदकि दगिया अन्द ऊजूळ बाक यागलु नीन दा चमकुसतीदील, अदकि मंळगार अदकि मंळगीत इन शब्द बाक यागलु नीन दा केळ बरतीदील; यतकी नीन व्यापारी पृथ्वी इन प्रधान ईरोर, अदकि नीन टोना देल सब जातीगोळ भरमुसकु आगीदव.

24 भवषियवक्तागोळ अदकि पवतिर लॉकुर, अदकि पृथ्वी मा सब घात माळकु आदुर आंदुरद रक्ता आऊन दा सकियाद.

19

1 इदुर बाददा ना स्वर्ग दा मान्सी धोळ भीळ इक ऊंचा शब्द देल ईद अनतेला केळदीन, “हल्लल्लिय्याह! उद्धार अदकि महमा अदकि सामर्थ्य नाम्द परमेश्वर उन अच हुन. 2 यतकी आऊन नरिणय खरा अदकि ठीक आव. आव आ धोळ वेश्या अन्द, जो तान व्यभचार देल पृथ्वी इक भ्रष्ट माळोर, न्याय माळदुन अदकि आकनि से तान दासगोळ्द रक्ता अन बदला ताकोडुन.” 3 बाक दुसरा बार आंदुर अंदुर, “हल्लल्लिय्याह! आऊन होत्तोद धुंगा हमेशा हमेशा येळतेला ईत्तीत.” 4 आग चोवीस स्याणागोळ अदकि नाक प्राणीगोळ बदिक् परमेश्वर उक प्रणाम माळदुर, जो सहिसन मा कुरतकु ईरोन, अदकि अंदुन, “आमीन! हल्लल्लिय्याह!”

मेमना अन्द मदा

5 आग सहिसन दा टु ऊंद शब्द होळत, “हे नामव परमेश्वर देल सब अंजावाळेर दासगोळा, येन स्याणेव, येन धोड्डेव; नीव सब आऊन स्तुति माळी.” 6 बाक ना धोळ भीळ इन घाई अदकि हापाळ नीर इन घाई शब्द,

अदकि गर्जन इन घाई धोळ शब्द केळदीन: “हल्लल्लिय्याह! यतकी प्रभु नाम्द परमेश्वर सर्वशक्तमान राज्य माळतान. 7 बरी, नाव आनन्दति अदकि मग्न आगाता, अदकि आऊन स्तुति माळाता, यतकी म्यांडा अन्द पाड्डा अन्द मदा होट बंदाद, अदकि आऊन मंळगीत तान तान इक तयार माळ कौडुर. 8 आऊक शुद्ध अदकि चमकदार महीन मलमल हाक्कोद अधिकार कोटकु आग्याद.” यतकी आ साफ मलमल इन मतलब पवतिर लॉकुरद न्याय इन क्याल्सा आद.

9 ✨आग स्वर्गदूत नान से अंदुन, “ईद लखिस कि धन्य आंदुर आर, जो म्यांडा अन्द पाड्डा अन्द मदा अन्द भोज दा कारूकु आग्यार.” बाक आव नान से अंदुन, “ई वचन परमेश्वर उन सत्य वचन हुन.”

10 आग ना आऊक प्रणाम माळोर साटी आऊन कालगोळ मा बदिदीन. आव नान से अंदुन, “नोळ, हगि माळबाळ, ना अपमान अदकि नीन वार्दुरगोळ्द संगी दास हुईन जो यीशु उन गवाही कोळदुर मा स्थरि आन. परमेश्वर उक अच प्रणाम माळ.” यतकी यीशु उन गवाही भवषियवाणी इन आत्मा हुन.

बळिद घ्वाळा मा कुरावाळा

11 बाक ना स्वर्ग इक तेरूकु नोळदीन, अदकि नोळतीन किऊंद बळिद घ्वाळा आद; अदकि अदुर मा ऊंद सवार आन, जो वशिवासयोग्य अदकि सत्य कहलुस्तान; अदकि आव न्याय इन सांगुळ न्याय अदकि लळाई माळतान. 12 आऊन कण्णगोळ बेक्की इन ज्वाला आव, अदकि आऊन ताल्ला मा हापाळ सा राजमुकुट आव. आऊन मा ऊंद हेसुर लखिसकु आद, यारी आऊक बटिकु अदकि याऊ जानसालुन. 13 आव रक्ता सपिसकु कपळा हाक्कु आन, अदकि आऊन हेसुर परमेश्वर उन वचन हुन. 14 स्वर्ग इन सेना बळिद घ्वाळागोळ मा सवार अदकि बळिद अदकि शुद्ध मलमल कपळा हाक्कु आऊन हदि हदि आर. 15 ✨जाती जाती इक बडोर साटी आऊन बाय देल ऊंद तेज धार इन तलवार होळतद. आव लोवा अन्द छळी हुळकु आंदुर मा राज्य माळ्यान, अदकि सर्वशक्तमान परमेश्वर उन भयानक प्रकोप इन जलजलाहट इन सारा अन्द कुंड दा अंगुर मेट्यान. 16 आऊन कपळा अदकि जांघ मा ईद हेसुर लखिसकु आद: “राजागोळ राजा अदकि प्रभुगोळ प्रभु.”

17 बाक ना ऊंद स्वर्गदूत उक सुर्य मा नीदुरकु नोळदीन. आव धोळ शब्द देल कारूकु आकाश इन न्याड्या दा टु ऊळुसावाळेर सब पक्षीगोळ देल अंदुन, “बरी, परमेश्वर उन धोळ भोज इन साटी जमा आगेगी, 18 यदुर देल नीव राजागोळ्द मास, अदकि सरदारगोळ्द मास, अदकि शक्तमान गंळसगोळ्द मास, अदकि घ्वाळागोळ्द अदकि अऊर मा सवार आगतार आंदुर मास, अदकि येन स्वतंत्र येन दास, येन स्याणेव येन धोड्डेव, सब लॉकुरद मास तनी.”

19 बाक ना आ पशु, अदकि पृथ्वी इन राजागोळ इक अदकि आंदुरद सेनागोळ इक आ घ्वाळा अन्द सवार अदकि आऊन सेना से लळाई माळोर साटी जमा नोळदीन. 20 ✨अद पशु, अदकि अदुर सांगुळ आव ख्वाटा भवषियवक्ता हुळकु आदुन याव आऊन मुंद हगि चनिह तोरसीदुन यदुर द्वारा आव आंदरी भरमुसदुन यदुर मा आ पशु उन छाप ईरोद अदकि जो अदुर मूर्ति इन पुजा माळतोगोर. ईव येदुदु जतिता जीव आ बेक्की इन झील दा, जो गन्धक देल होततद, हाक्कु आदुर. 21 बाकी नोर लॉकुर आ घ्वाळा अन्द सवार इन तलवार देल, जो अदुर बाय देल होळतोगोद, कौदकु आदुर; अदकि सब पक्षी आंदुर मास देल संतुष्ट आगेदुर.

20

हजार वर्ष इन राज्य

1 बाक ना ऊंद स्वर्गदूत उक स्वर्ग टु ईळुतेला नोळदीन, याऊन कय दा अथाह-अधोलोक इन कुंजी अदकि ऊंद धोळ शंकली ईरोद. 2 आव आ अजगर, मतलब हाळोद हाव इक, जो इब्लीस अदकि शैतान आन, हुडुकु हजार वर्ष इन साटी कट बुट्टुन, 3 अदकि अदरी अथाह-अधोलोक दा हाक्कु बंद माळ बुट्टुन अदकि अदुर मा मोहर हच बुट्टुन कि अद हजार वर्ष इन पुरा आगासताका गैर यहूदी लॉकुरी बाक भरमुस बाळुल. इदुर बाददा जरूरी आद कि अद घळी तीम साटी बाक खोल्सकु आगुल.

4 बाक ना सहासन नोळदीन, अदकि अऊर मा लॉकुर कुरतुर, अदकि आंदरी न्याय माळोद अधिकार कोटकु आत. ना आंदुर आत्मागोळ इक भी नोळदीन, यार ताल्ला यीशु उन गवाही कोळोद अदकि परमेश्वर उन वचन इन कारण कडुकु आगीदव, अदकि यार ना आ पशु उन, अदकि ना अदुर मूर्ति इन पुजा माळीदुर, अदकि ना

अदुर छाप तान ह्याणा अदकि कयगोळ मा ताकोडीदुर. आंदुर जतिता आगकु मसीह अन्द सांगुळ हजार वर्ष ताका राज्य माळतेला ईरूल. ⁵यागासताका ईव हजार वर्ष पुरा आगीदील आगासताका बाकी नोर सोतकु मंळसा जतिता आगीदील. ईद रा पयला पुनरूत्थान हुन. ⁶धन्य अदकि पवतिर आव आन, जो ई पयला पुनरूत्थान इन भागी आर. हगिर मा दुसरा मृत्यु उन यातोदु अधिकार हैलेच, पर आंदुर परमेश्वर अदकि मसीह अन्द याजक आदार अदकि आऊन सांगुळ हजार साल ताका राज्य माळ्यार.

शैतान उन वनिश

⁷याग हजार साल पुरा आगेदव रा शैतान कैद टु बळिसुसकु आगेदान. ⁸अद आ जातीगोळी जो धरती इन नाकु दी ईत्तीत, मतलब गोग अदकि मागोग इक यऊरुद गनिती समुद्र अन्द गागरा अन्द बराबर ईत्तीत, भरमुसकु लळाई इन साटी जमा माळली होट्टीत. ⁹अव सप्पा धरती मा फैलुसकु पवतिर लॉकुरद छावनी अदकि प्रयि नगर इक घेरुस बुट्टाव; अदकि बेक्की स्वर्ग टु ईळुकु आंदरी भसम माळीत. ¹⁰आंदुरद भरमुसावाळा शैतान बेक्की अदकि गन्धक इन आ झील दा, यदुर दा आ पशु अदकि ख्वाटा भवष्यवक्ता भी ईत्तान, हाकसुसकु आदार; अदकि आंदुर ईळलक हागुल हमेशा हमेशा दुख दा तळपुळस्त ईत्तार.

आखरी न्याय

¹¹बाक ना ऊंद धोळ बळीद सहिसन अदकि आऊक, जो अदुर मा कुरतकु आन, नोळदीन; आऊन मुंद टु पृथ्वी अदकि आकाश ओळेदव, अदकि आंदुर साटी जागा सकिदील. ¹²बाक ना स्याणेर धोड्डेर सब सोतकु मंळसागोळ इक सहिसन इन मुंद नीदुरकु नोळदीन, अदकि कतिबगोळ खोल्सकु आदव; अदकि बाक ऊंद मातत कतिब खोल्सकु आत, मतलब जीवन इन कतिब; अदकि ह्यांग आ कतिबगोळ दा लखिसकु ईरोद, हांग अच आंदुर क्याल्सागोळद अनुसार सोतकु मंळसागोळद न्याय माळकु आत. ¹³समुद्र आ सोतकु मंळसागोळ इक जो अदुर दा ईरव कोट बुळत, अदकि मृत्यु अदकि अधोलोक आ सोतकु मंळसागोळ इक जो अदुर दा ईरव कोट बुळत; अदकि आंदुर दा टु हर ऊंद मंळसा अक आंदुर क्याल्सागोळ अन्द अनुसार आंदुर न्याय माळकु आत. ¹⁴मृत्यु अदकि अधोलोक बेक्की इन झील दा हाक्कु आदव. ईद बेक्की इन झील दुसरा मृत्यु हुन; ¹⁵अदकि यारदारा हेसुर जीवन इन कतिब दा लखिसकु सकितीदील, आव बेक्की इन झील दा हाक्कु आदुन.

21

व्हाशोद आकाश अदकि व्हाशोद पृथ्वी

¹बाक ना व्हाशोद आकाश अदकि व्हाशोद पृथ्वी इक नोळदीन, यतकी पयला आकाश अदकि पयला पृथ्वी होगतेला ईरोद, अदकि समुद्र भी ईतीदील. ²बाक ना पवतिर नगर व्हाशोद यरूशलेम इक स्वर्ग टु परमेश्वर उन हात्ती टु ईळुतेला नोळदीन. अद आ मंळगीत इन घाई ईरोद जो तान गांडु उन साटी सगार माळकु आर. ³बाक ना सहिसन दा टु यावारा अक धोळ शब्द देल ईद अनतेला केळदीन, “नोळ, परमेश्वर उन ड्यारा मंळसागोळद न्याड्या दा आद. आव आंदुर सांगुळ ड्यारा माळ्यान, अदकि आंदुर आऊन लॉकुर आदार, अदकि परमेश्वर खुद आंदुर सांगुळ ईत्तान अदकि आंदुर परमेश्वर आदान. ⁴आव आंदुर कण्णगोळ देल सप्पा नीर सटिट कौडान; अदकि इदुर बाददा मृत्यु ईला ईत्तीत, अदकि न शोक, न वलिाप, न पीळा ईत्तीत; पयला मातगोळ होगतेला ईत्तव.”

⁵जो सहिसन मा कुरतकु ईरोन, आव अंदुन, “नोळ, ना सब येनारा व्हाशोद माळकु कोळतीन.” बाक आव अंदुन, “लखिस कोम, यतकी ईव वचन वशिवास इन योग्य अदकि सत्य आव.” ⁶बाक आव नान से अंदुन, “ईव मातगोळ पुरा आगेग्याव. ना अल्फा अदकि ओमेगा, पयला अदकि आखरी हुईन. ना प्यासा अक जीवन इन नीर इन झरना दा टु फुकट दा कुडोद अधिकार कोळाईन. ⁷जो वजिय आदान आवा ई वस्तुगोळद वारीस आदान, अदकि ना आऊन परमेश्वर आगाईन अदकि आव नान पार आदान. ⁸लेकीन डरपोकगोळा, अदकि अवशिवासीगोळा, अदकि नीच हरकत माळावाळेरा, अदकि हत्या माळावाळेरा अदकि व्यभचारीगोळा, अदकि जादू टोना माळावाळेरा, अदकि मूर्तइन पुजा माळावाळेरा, अदकि सब ख्वाटा मातगोळद भाग आ झील दा सकितीत जो बेक्की अदकि गन्धक देल होततेला ईरतद: ईद दुसरा मृत्यु हुन.”

व्हाशोद यरूशलेम

9 बाक आ येळ स्वर्गदूतगोळ हात्ती येळ आखरी परेशानी देल तुमकु येळ कटोरागोळ ईरव, आंदुर दा टु ऊंद नान हात्ती बंदुन, अदकि नान सांगुळ मातगोळ माळकु अंदुन, “ईल बर, ना नीनी मंळगीत मतलब म्यांडा अन्द पाड्डा अन्द हगिस तोरसाईन.” 10 आग आव नानी आत्मा दा ऊंद धोळ अदकि ऊंचा पहाळ मा ओतुन, अदकि पवतिर नगर यरूशलेम इक स्वर्ग टु परमेश्वर उन हात्ती टु ईळुतेला तोरसदुन. 11 परमेश्वर उन महमि आंदुरदा ईरोद, अदकि आऊन ज्योती हापाळ अच कमिती कल्ल, मतलब बलिलौर इन घाई यशब उन घाई स्वच्छ ईरोद. 12 आऊन दविर शयरपनाह धोळ ऊंचा ईरोद, अदकि आऊन हननेळ फाटक अदकि फाटकगोळ मा हननेळ स्वर्गदूत ईरोद; अदकि आ फाटकगोळ मा इस्त्राएलीगोळ्द हननेळ गोत्रगोळ्द हेसुर लखिसकु ईरव. 13 पूर्व दशा अन दी मुर फाटक, उत्तर दशा अन दी मुर फाटक, दक्षिण दशा अन दी मुर फाटक, अदकि पश्चिम दशा अन दी मुर फाटक ईरव. 14 नगर इन दविर इन शयरपनाह अन्द हननेळ नीवगोळ ईरव, अदकि अदुर मा म्यांडा अन्द पाड्डा अन्द हननेळ प्रेरतिगोळ्द हननेळ हेसुर लखिसकु ईरव. 15 जो नान सांगुळ मातगोळ माळोन आऊन हात्ती नगर अदकि आऊन फाटकगोळ अदकि आऊन शयरपनाह अक आळोर साटी ऊंद व्हानना अन्द गज ईरोद. 16 अद नगर वर्गाकार बसुसकु ईरोद अदकि अदुरद लंबाई, चौळाई इन बराबर ईरोद; अदकि आव आ गज देल नगर इक आळदुन, रा साढे येळ सौ कोस इन होळत: अदुरद लंबाई अदकि चौळाई अदकि ऊंचाई बराबर ईरोद. 17 आव आऊन शयरपनाह अक मंळसा अन्द मतलब स्वर्गदूत उन नाप देल आळदुन, रा ऊंद सौ चौवालीस कय होळत. 18 आऊन शयरपनाह यशब इन बन्सकु ईरोद, अदकि नगर हगि शुद्ध व्हानना अन्द ईरोद जो स्वच्छ काँच इन घाई ईरूल. 19 आ नगर इन नीवगोळ हर प्रकार इन कमिती कल्लगोळ देल सवारसकु ईरोद; पयला पायवा यशब देल, दुसरा नीलमणी देल, तीसरा लालळी देल, चौथा मरकत देल, 20 पाचवा गोमेदक देल, सहावा माणकिय देल, सातवा पीतमणी देल, आठवा पेरोज देल, नववा पुखराज देल, दसवा लहसनए देल, ग्यारवा धूम्रकान्त देल, अदकि बारवा चन्द्रकाँत मणी देल बन्सकु ईरोद. 21 हननेळु फाटक हननेळ मोतीगोळ्द ईरव; ऊंद ऊंद फाटक ऊंद ऊंद मोती इन माळकु ईरोद. नगर इन सळक स्वच्छ काँच इन घाई शुद्ध व्हानना अन्द ईरोद.

22 ना अदुरदा यातोदु मंदिर नोळीदील, यतकी सर्वशक्तमिान प्रभु परमेश्वर अदकि म्यांडा अन्द पाड्डा अदुरद मंदिर आद. 23 आ नगर दा सुर्य अदकि चंद्रमा अन्द ऊजुळ इन जरवत हैलेच, यतकी परमेश्वर उन तेज देल अदुरदा ऊजुळ आगेत्याद, अदकि म्यांडा अन्द पाड्डा आऊन दगिया हुन. 24 जाती-जाती इन लॉकुर आऊन ज्योती दा नळुकु वयाळ्यार, अदकि पृथ्वी इन राजा तान तान तेज इन सामाईन अदुर दा तंदार. 25 आऊन फाटक हागुल इक यागलु बंद आगतीदील, अदकि ईळलक अल आगतीदील. 26 लॉकुर जाती जाती इन तेज अदकि वैभव इन सामाईन अदुर दा तंदार. 27 लेकीन अदुरदा यातोदु अपवतिर वस्तु या बेकार क्याल्सा माळावाळा, या ख्वाटा मातगोळ गढुसावाळा यातोदु रीति देल प्रवेश माळ सकालुन, पर सरिफ आ लॉकुर यार हेसुर म्यांडा अन्द पाड्डा अन्द जीवन इन कतिब दा लखिसकु आव.

22

1 बाक आव नानी बलिलौर इन घाई झलकुसतेला, जीवन इन नीर इन गांगा तोरसदुन, जो परमेश्वर अदकि म्यांडा अन्द पाड्डा अन्द सहिसन टु होटकु 2 आ नगर इन सळक इन न्याड्या वाहुसोद. गांगा अन ईपपाटी अदकि आपपाटी जीवन इन मारर ईरोद; अदुरदा हननेळ प्रकार इन काय हत्तव, अदकि अदरी हर तगिळ काय हत्तव; अदकि आ मारर इन याल्लागोळ देल गैर यहूदी लॉकुर चंगा आगतोगोर.

3 बाक श्राप आगतीदील, अदकि परमेश्वर अदकि म्यांडा अन्द पाड्डा अन्द सहिसन आ नगर दा ईत्तीत अदकि आऊन दास आऊन स्यावा माळ्यार. 4 आंदुर आऊन बाय नोळ्यार, अदकि आऊन हेसुर आंदुर हयाणागोळ मा लखिसकु ईत्तीत. 5 बाक ईळलक आगतीदील, अदकि आंदरी दगिया अदकि सुर्य अन्द ऊजुळ इन जरवत बळितीदील, यतकी प्रभु परमेश्वर आंदरी ऊजुळ कोट्टान, अदकि आंदुर हमेशा हमेशा राज्य माळ्यार.

यीशु उन दुबारा बरोद

6 बाक आव नान से अंदुन, “ईव मातगोळ वशिवास इन योग्य अदकि सही आव. प्रभु, जो भवषियवक्तागोळ आत्मागोळ्द परमेश्वर हुन, तान स्वर्गदूत उक इदुरसाटी कळुदुन कति तान दासगोळी अव मातगोळ, यदुर राटनेरी पुरा आगोद जरूरी आद, तोरस्यार.”

7 “नोळ, ना राटनेरी बरावाळा आईन! धन्य आन आव, जो ई कतिाब इन भवषियवाणी इन मातगोळ मान्सतान.”

8 ना आवा यूहन्ना हुईन, जो ईव मातगोळ केळीन अदकि नोळतोगीन. याग ना केळदीन अदकि नोळदीन, रा जो स्वर्गदूत नानी ईव मातगोळ तोरसतोगोन, ना आऊन कालगोळ मा प्रणाम माळोर साटी बदिदीन. 9 लेकीन आव नान से अंदुन, “नोळ, हगि माळबाळ; यतकी ना नीन, अदकि नीन वार्ट भवषियवक्तागोळ, अदकि ई कतिाब इन मातगोळ इक मानसावाळेर्द संगी दास हुईन. परमेश्वर उक अच प्रणाम माळ.” 10 बाक आव नान से अंदुन, ई कतिाब इन भवषियवाणी इन मातगोळी बंद माळबाळ; यतकी समय हात्ती आद. 11 जो अन्याय माळतान, आव अन्याय अच माळतेला ईरूल; अदकि जो मलनि आन, आव मलनि बन्सकु ईरूल; अदकि जो न्यायी आन, आव न्यायी बन्सकु ईरूल; अदकि जो पवतिर आन; आव पवतिर बन्सकु ईरूल.

12 “नोळ, ना राटनेरी बरावाळा आईन; अदकि हर ऊंद मंळसा अनूद क्याल्सा अनूद अनुसार मोहबदला कोळोर साटी प्रतफिल नान हात्ती आद. 13 *ना अल्फा अदकि ओमेगा, पयला अदकि आखरी, पयले टु अदकि अन्त हुईन.

14 “धन्य आंदुर आर, जो तान कपळा ओगु कोमतार, यतकी आंदरी जीवन इन मारर इन हात्ती बरोद अधकारि सक्कीत, अदकि आंदुर फाटकगोळ देल आगकु नगर दा प्रवेश माळ्यार. 15 लेकीन नायगोळ, अदकि टोना माळावाळेर, अदकि व्यभिचारी, अदकि खुनीगोळ अदकि मूर्ति इन पुजा माळावाळा, अदकि हर ऊंद ख्वाटपन इक चाहसावाळा अदकि घळुसावाळा व्हार्या ईत्तान.

16 “नानी यीशु तान स्वर्गदूत उक इदुरसाटी कळुदुन का नीम मुंद मंडलीगोळ्द बारा दा ई मातगोळ्द गवाही कोळुल. ना दाऊद उन मुल अदकि वंश, अदकि व्हातुर इन चमकुसतेला तारा हुईन.”

17 आत्मा अदकि मंळगीत येदुदु अंतार, “बर!”

अदकि केळावाळा भी अंदान, “बर!”

जो नीरळ्कु ईतीदान आव बरूल, अदकि जो यावारा चाहासतान आव जीवन इन नीर फुकट दा ताकोमुल.

समापन

18 ना हर ऊंद मंळसा अक, जो ई कतिाब इन भवषियवाणी इन मातगोळ केळतान, गवाही कोळतीन: अगर यावारा मंळसा ई मातगोळ दा येनारा वाळुस्यान रा परमेश्वर आ परेशानीगोळ इक, जो ई कतिाब दा लखिसकु आव, आऊन मा वाळुस्यान. 19 अगर यावारा ई भवषियवाणी इन कतिाब इन मातगोळ दा टु येनारा तेगु कौडान, रा परमेश्वर आ जीवन इन मारर अदकि पवतिर नगर दा टु, यदुर्द वर्णन ई कतिाब दा आद, अदुर भाग तेगु कौडान.

20 जो ईव मातगोळ्द गवाही कोळतान आव ईद अनतान, “हव, ना जल्दी बरावाळा आईन.” आमीन.

हे प्रभु यीशु बर!

21 प्रभु यीशु उन अनुग्रह पवतिर लाँकुर्द सांगुळ ईरूल. आमीन.